

ऋग्वेदसंहिता  
अथ प्रथमं मण्डलम्  
प्रथमोऽष्टकः  
प्रथमोऽध्यायः १ वर्गाः (१-३७) प्रथमोऽनुवाकः सूक्तानि १-३ ।

(१) प्रथमं सूक्तम्

(१-६) नवर्चस्यास्य सूक्तस्य वैश्वामित्रो मधुच्छन्दा ऋषिः । अग्निर्देवता ।  
गायत्री छन्दः  
हरिः ॐ

अग्निमीळे पुरोहितं यज्ञस्य देवमृत्विजम् । होतारं रत्नधातमम् १  
अग्निः पूर्वेभिर्ऋषिभिरीड्यो नूतनैरुत । स देवाँ एह वक्षति २  
अग्निना रयिमश्नवत् पोषमेव दिवेदिवे । यशसं वीरवत्तमम् ३  
अग्ने यं यज्ञमध्वरं विश्वतः परिभूरसि । स इद् देवेषु गच्छति ४  
अग्निर्होता कविक्रतुः सत्यश्चित्रश्रवस्तमः । देवो देवेभिरा गमत् ५  
यदङ्ग दाशुषे त्वमग्ने भद्रं करिष्यसि । तवेत् तत् सत्यमङ्गिरः ६  
उप त्वाग्ने दिवेदिवे दोषावस्तर्धिया वृयम् । नमो भरन्त एमसि ७  
राजन्तमध्वराणां गोपामृतस्य दीदिविम् । वर्धमानं स्वे दमे ८  
स नः पितेर्वसून्वेऽग्रे सूपायनो भव । सचस्वा नः स्वस्तये ९

(२) द्वितीयं सूक्तम्

(१-६) नवर्चस्यास्य सूक्तस्य वैश्वामित्रो मधुच्छन्दा ऋषिः । (१-३) आद्यतृचस्य  
वायुः (४-६) द्वितीयतृचस्येन्द्रवायू (७-९) तृतीयतृचस्य च मित्रावरुणौ देवताः ।  
गायत्री छन्दः

वायवा याहि दशति मे सोमा अरंकृताः । तेषां पाहि श्रुधी हवम् १  
वाय उक्थेभिर्जरन्ते त्वामच्छा जरितारः । सुतसोमा अहर्विदः २  
वायो तव प्रपृञ्चती धेना जिगाति दाशुषे । उरूची सोमपीतये ३  
इन्द्रवायू इमे सुता उप प्रयोभिरा गतम् । इन्द्रवो वामुशन्ति हि ४  
वायविन्द्रश्च चेतथः सुतानां वाजिनीवसू । तावा यातिमुप द्रवत् ५  
वायविन्द्रश्च सुन्वत आ यातिमुप निष्कृतम् । मच्चिवशुत्था धिया नरा ६  
मित्रं हुवे पूतदक्षं वरुणं च रिशादसम् । धिर्य घृताचीं सार्धन्ता ७

ऋतेन मित्रावरुणा वृतावृधावृतस्पृशा । क्रतुं बृहन्तमाशाथे ८  
कवी नो मित्रावरुणा तुविजाता उरुक्षया । दक्षं दधाते अपसम् ९

### (३) तृतीयं सूक्तम्

(१-१२) द्वादशर्चस्यास्य सूक्तस्य वैश्वामित्रो मधुच्छन्दा ऋषिः । (१-३)  
आद्यतृचस्याश्विनौ (४-६) द्वितीयतृचस्येन्द्रः (७-९) तृतीयतृचस्य विश्वे देवाः  
(१०-१२) चतुर्थतृचस्य च सरस्वती देवताः । गायत्री छन्दः  
अश्विना यज्वरीरिषो द्रवत्पाणी शुभस्पती । पुरुभुजा चनुस्यतम् १  
अश्विना पुरुदंससा नरा शवीरया धिया । धिष्या वनतं गिरः २  
दस्त्रा युवाकवः सुता नासत्या वृक्तबर्हिषः । आ यातं रुद्रवर्तनी ३  
इन्द्रा याहि चित्रभानो सुता इमे त्वायवः । अरवीभिस्तना पूतासः ४  
इन्द्रा याहि धियेषितो विप्रजूतः सुतावतः । उप ब्रह्माणि वाघतः ५  
इन्द्रा याहि तूतुजान् उप ब्रह्माणि हरिवः । सुते दधिष्व नश्चनः ६  
ओमासश्चर्षणीधृतो विश्वे देवास आ गत । दाश्वासो दाशुषः सुतम् ७  
विश्वे देवासो अमरः सुतमा गन्त तूर्णयः । उस्त्रा इव स्वसराणि ८  
विश्वे देवासो अस्त्रिध एहिमायासो अद्रुहः । मेधं जुषन्त वह्नयः ९  
पावका नः सरस्वती वाजैभिर्वाजिनीवती । यज्ञं वष्टु धियावसुः १०  
चोयित्री सूनृतानां चेतन्ती सुमतीनाम् । यज्ञं दधे सरस्वती ११  
महो अर्णः सरस्वती प्र चेतयति केतुना । धियो विश्वा वि राजति १२  
द्वितीयोऽनुवाकः २  
। सू० ४-७ ।

### (४) चतुर्थं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।  
गायत्री छन्दः  
सुरूपकृत्तुमूतयै सुदुषामिव गोदुहै । जुहूमसि द्यविद्यवि १  
उप नः सवना गहि सोमस्य सोमपाः पिब । गोदा इद् रेवतो मदः २  
अथा ते अन्तमानां विद्याम सुमतीनाम् । मा नो अति ख्य आ गहि ३  
परैहि विग्रमस्तृत मिन्द्रं पृच्छा विपश्चितम् । यस्ते सखिभ्य आ वरम् ४  
उत ब्रुवन्तु नो निदो निरन्यतश्चिदारत । दधाना इन्द्र इद् दुवः ५

उ॒त नः सु॒भगाँ अ॒रि॒र्वो॒चेयु॑र्दस्म कृ॒ष्टयः॑ । स्या॒मेदि॒न्द्रस्य॑ श॒र्मणि॑ ६  
ए॒माशु॒माश॑वै भर य॒ज्ञश्रियं॑ नृ॒माद॑नम् । प॒तयन्॑ म॒न्दय॑त्सखम् ७  
अ॒स्य पी॒त्वा श॑तक्र॒तो घ॒नो वृ॒त्राणा॑मभवः । प्रा॒वो वा॒जेषु॑ वा॒जिन॑म् ८  
तं त्वा वा॒जेषु॑ वा॒जिन॑ वा॒जया॑मः शतक्र॒तो । ध॒नाना॑मिन्द्र सा॒तयै॑ ९  
यो रा॒योऽव॑नि॒र्मुहान्त् सु॒पा॒रः सु॒न्वतः॑ सखा । तस्मा॑ इन्द्रा॒य गा॑यत १०

(५) पञ्चमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।  
गायत्री छन्दः

आ त्वे॒ता नि॒ षी॑द॒ते न्द्र॑म॒भि प्र॑ गा॒यत॑ । सखा॑युः स्तोम॑वाहसः १  
पु॒रू॒तम॑ पु॒रू॒णा मी॑शानुं वा॒याणाम्॑ । इन्द्रं॑ सोमे॒ सचा॑ सु॒ते २  
स घा॑ नो॒ योग॑ आ भु॒वत् स रा॑ये स पु॒रंध्या॑म् । गम॒द्वाजै॑भिरा स नः ३  
यस्य॑ स॒स्थे न॑ वृ॒णव॑ते हरीं स॒मत्सु॑ शत्र॒वः । तस्मा॑ इन्द्रा॒य गा॑यत ४  
सु॒तपा॒वै सु॒ता इ॒मे शु॑च॒यो य॑न्ति वी॒तयै॑ । सोमा॑सो द॒ध्याशिरः॑ ५  
त्वं सु॒तस्य॑ पी॒तयै॑ स॒द्यो वृ॒द्धो अ॒जाय॑थाः । इन्द्र॑ ज्यैष्ठ्या॒य सु॑क्रतो ६  
आ त्वा॑ वि॒शन्त्वा॒शवः॑ सोमा॑स इन्द्र॒ गिर्व॑णः । शं तै॑ सन्तु प्र॒चैत॑से ७  
त्वां स्तो॒मा अ॒वीवृ॑धन् त्वामु॒क्था श॑तक्र॒तो । त्वां वर्ध॑न्तु नो गि॒रः ८  
अ॒क्षितो॑तिः सनेदि॒मं वा॒जमि॒न्द्रः स॒हस्रि॑णम् । यस्मि॑न् वि॒श्वानि॑ पौ॒स्या ९  
मा नो॒ मर्ता॑ अ॒भि द्रु॑हन् त॒नूना॑मिन्द्र॒ गिर्व॑णः । ईशा॑नो यवया वृ॒धम् १०

(६) षष्ठं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । (१-३, १०)  
आद्यानां तिसृणां दशम्याश्चेन्द्रः (४-६) चतुर्थीतः षण्णां मरुतः, तत्रापि (५, ७)

पञ्चमीसप्तम्योश्चेन्द्रो देवताः । गायत्री छन्दः

यु॒ञ्जन्ति॑ ब्र॒ध्नम॑रु॒षं च॑रन्तं परि॑ त॒स्थुषः॑ । रोच॑न्ते रोच॒ना दि॒वि १  
यु॒ञ्जन्त्य॑स्य का॒म्या ह॑री वि॒पक्ष॑सा रथै॑ । शो॒णा धृ॑ष्णू नृ॒वाह॑सा २  
के॒तुं कृ॑णवन्न॒केत॑वे पे॒शौ म॑र्या अ॒पे॒शसै॑ । समु॑षद्भि॒रजा॑यथाः ३  
आ॒दह॑ स्व॒धाम॑नु पु॒नर्ग॑र्भ॒त्वमै॑रिरे । दधा॑ना॒ नाम॑ य॒ज्ञिय॑म् ४  
वी॒ळु चि॑दा॒रुज॑तु॒भिर्गु॑हा॒ चिदि॑न्द्र व॒हिभिः॑ । अ॒वि॒न्द उ॒स्त्रिया॑ अनु॑ ५  
दे॒व॒यन्तो॑ यथा॑ म॒ति म॑च्छा॒ वि॒दद्व॑सुं गि॒रः । म॒हाम॑नूषत श्रु॒तम् ६

इन्द्रेण सं हि दृक्षसे संजग्मानो अबिभ्युषा । मन्दू समानवर्चसा ७  
 अनवद्यैरभिद्युभिर्मुखः सहस्वदर्चति । गुणैरिन्द्रस्य काम्यैः ८  
 अतः परिज्मन्ना गहि दिवो वा रोचनादधि । समस्मिन्नृञ्जते गिरः ९  
 इतो वा सातिमीमहे दिवो वा पार्थिवादधि । इन्द्रं मुहो वा रजसः १०

## (७) सप्तमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

गायत्री छन्दः

इन्द्रमिद्वाथिनो बृह दिन्द्रमर्केभिरर्किणः । इन्द्रं वाणीरनूषत १  
 इन्द्र इद्धर्योः सचा संमिश्र आ वचोयुजा । इन्द्रो वज्री हिरण्ययः २  
 इन्द्रो दीर्घाय चक्षस आ सूर्य रोहयद् दिवि । वि गोभिरद्रिमैरयत् ३  
 इन्द्र वाजेषु नोऽव सहस्रप्रधनेषु च । उग्र उग्राभिरूतिभिः ४  
 इन्द्रं वयं महाधन इन्द्रमभै हवामहे । युजं वृत्रेषु वज्रिणम् ५  
 स नो वृषन्नमुं चरुं सत्रादावन्नपा वृधि । अस्मभ्यमप्रतिष्कृतः ६  
 तुञ्जेतुञ्जे य उत्तरे स्तोमा इन्द्रस्य वज्रिणः । न विन्दे अस्य सुष्टुतिम् ७  
 वृषा यूथेव वंसगः कृष्टीरियत्योजसा । ईशानो अप्रतिष्कृतः ८  
 य एकश्चर्षणीनां वसूनामिरज्यति । इन्द्रः पञ्च क्षितीनाम् ९  
 इन्द्रं वो विश्वतस्परि हवामहे जनैभ्यः । अस्माकमस्तु केवलः १०  
 तृतीयोऽनुवाकः ३  
 । सू० ८-११ ।

## (८) अष्टमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

गायत्री छन्दः

एन्द्र सानुसिं रयिं सजित्वानं सदासहम् । वर्षिष्ठमूतयै भर १  
 नि येन मुष्टिहृत्यया नि वृत्रा रुणधामहे । त्वोतासो न्यर्वता २  
 इन्द्र त्वोतास आ वयं वज्रं घृना ददीमहि । जयैम सं युधि स्पृधः ३  
 वयं शूरैभिरस्तृभि रिन्द्र त्वया युजा वयम् । सासह्यार्म पृतन्यतः ४  
 मुहो इन्द्रः परश्च नु महित्वमस्तु वज्रिणै । द्यौर्न प्रथिना शर्वः ५  
 समोहे वा य आशत नरस्तोकस्य सनिता । विप्रोसो वा धियायवः ६

यः कुक्षिः सौमपातमः समुद्र इव पिन्वते । उर्वीरापो न काकुदः ७  
एवा ह्यस्य सूनृता विरप्शी गोमती मही । पक्वा शाखा न दाशुषै ८  
एवा हि ते विभूतय ऊतय इन्द्र मावते । सद्यश्चित् सन्ति दाशुषै ९  
एवा ह्यस्य काम्या स्तोम उक्थं च शंस्या । इन्द्राय सोमपीतये १०

(९) नवमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

गायत्री छन्दः

इन्द्रेहि मत्स्यन्धसो विश्वैभिः सोमपर्वभिः । मुहाँ अभिष्टिरोजसा १  
एमैनं सृजता सुते मन्दिमिन्द्राय मन्दिनै । चक्रिं विश्वानि चक्रये २  
मत्स्वा सुशिप्र मन्दिभिः स्तोमैभिर्विश्वचर्षणे । सचैषु सर्वनेष्वा ३  
असृग्रमिन्द्र ते गिरः प्रति त्वामुदहासत । अजौषा वृषभं पतिम् ४  
सं चौदय चित्रमर्वाग् राधे इन्द्र वरैरयम् । असदित् तै विभु प्रभु ५  
अस्मान्त्सु तत्र चोदयेन्द्र राये रभस्वतः । तुविद्युम्न यशस्वतः ६  
सं गोमदिन्द्र वाजव दस्मे पृथु श्रवो बृहत् । विश्वायुर्धेह्यक्षितम् ७  
अस्मे धेहि श्रवो बृहद् द्युम्नं सहस्रसार्तमम् । इन्द्र ता रथिनीरिषः ८  
वसोरिन्द्रं वसुपतिं गीर्भिर्गृणन्तं ऋग्मियम् । होम गन्तारमूतयै ९  
सुते सुते न्यौकसे बृहद् बृहत एदुरिः । इन्द्राय शूषमर्चति १०

(१०) दशमं सूक्तम्

(१-१२) द्वादशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

अनुष्टुप् छन्दः

गायन्ति त्वा गायत्रिणोऽर्चन्त्यर्कमुर्किणः ।  
ब्रह्माणस्त्वा शतक्रतु उद् वंशमिव येमिरे १  
यत् सानोः सानुमारुहद् भूर्यस्पष्ट कर्त्वम् ।  
तदिन्द्रो अर्थं चेतति यूथेन वृष्णिरेजति २  
युद्धा हि केशिना हरी वृषणा कक्ष्यप्रा ।  
अथा न इन्द्र सोमपा गिरामुपश्रुतिं चर ३  
एहि स्तोमाँ अभि स्वराऽभि गृणीह्या रुव ।  
ब्रह्म च नो वसो सचेन्द्र युज्ञं च वर्धय ४

उक्थमिन्द्राय शंस्यं वर्धनं पुरुनिषिधे ।  
 शक्रो यथा सुतेषु गो रारणत् सख्येषु च ५  
 तमित् सखित्व ईमहे तं राये तं सुवीर्ये ।  
 स शक्र उत नः शक्र दिन्द्रो वसु दयमानः ६  
 सुविवृतं सुनिरज मिन्द्र त्वादातमिद्यशः ।  
 गवामप वृजं वृधि कृणुष्व राधौ अद्रिवः ७  
 नहि त्वा रोदसी उभे ऋघायमाणमिन्वतः ।  
 जेषुः स्वर्वतीरपः सं गा अस्मभ्य धूनुहि ८  
 आश्रुत्कर्ण श्रुधी हवं नू चिदधिष्व मे गिरः ।  
 इन्द्र स्तोममिमं मम कृष्व युजश्चिदन्तरम् ९  
 विद्या हि त्वा वृषन्तमं वार्जेषु हवनश्रुतम् ।  
 वृषन्तमस्य हूमह ऊतिं सहस्रसार्तमाम् १०  
 आ तू न इन्द्र कौशिक मन्दसानः सुतं पिब ।  
 नव्यमायुः प्र सू तिर कृधी सहस्रसामृषिम् ११  
 परि त्वा गिर्वणो गिर इमा भवन्तु विश्वतः ।  
 वृद्धायुमनु वृद्धयो जुष्टो भवन्तु जुष्टयः १२

(११) एकादशं सूक्तम्

(१-८) अष्टर्चस्यास्य सूक्तस्य माधुच्छन्दसो जेता ऋषिः । इन्द्रो देवता ।

अनुष्टुप् छन्दः

इन्द्रं विश्वा अवीवृधन्त् समुद्रव्यचसं गिरः ।  
 रथीतमं रथीनां वाजानां सत्पतिं पतिम् १  
 सख्ये त इन्द्र वाजिनो मा भैम शवसस्पते ।  
 त्वामभि प्र शौनुमो जेतामपराजितम् २  
 पूर्वीरिन्द्रस्य रातयो न वि दस्यन्त्यूतयः ।  
 यदी वाजस्य गोमतः स्तोतृभ्यो मंहते मघम् ३  
 पुरां भिन्दुर्युवा कवि रमितौजा अजायत ।  
 इन्द्रो विश्वस्य कर्मणो धर्ता वृज्जी पुरुष्टतः ४  
 त्वं वलस्य गोमतोऽपावरद्रिवो बिलम् ।  
 त्वां देवा अबिभ्युषस् तुज्यमानास आविषुः ५

तवा॒हं शूर॑ रा॒तिभिः॑ प्र॒त्यायुं॑ सि॒न्धुमा॑वदन् ।  
उपा॑तिष्ठन्त॒ गिर्व॑णो वि॒दुष्टे॑ तस्य॒ कार॑वः ६  
मा॒याभि॑रिन्द्र॒ मायि॑नं॒ त्वं शु॑ष्णमवा॑तिरः ।  
वि॒दुष्टे॑ तस्य॒ मेधि॑रास् तेषां॒ श्रवा॑स्युत्तिर ७  
इन्द्र॑मीशा॒नमो॑जसा॒ भि स्तो॑मा॒ अनू॑षत ।  
सह॑स्रं॒ यस्य॑ रा॒तय॑ उ॒त वा॑ सन्ति॒ भूर्य॑सीः ८  
चतु॑र्थोऽनुवाकः ४  
। सू० १२-१७ ।

(१२) द्वादशं सूक्तम्

(१-१२) द्वादशर्चस्यास्य सूक्तस्य कारवो मेधातिथिर्ऋषिः । अग्निर्देवता, तत्रापि  
(६) षष्ठ्या ऋच आद्यपादस्य निर्मथ्याहवनीयावग्नी देवते । गायत्री छन्दः  
अ॒ग्निं दू॑तं वृ॒णीम॑हे हो॒तारं॑ वि॒श्ववे॑दसम् । अ॒स्य य॒ज्ञस्य॑ सु॒क्रतु॑म् १  
अ॒ग्निर्म॑ग्निं हवी॑मभिः सदा॑ हवन्त॒ विश्प॑तिम् । ह॒व्यवा॑र्ह पुरु॒प्रियम् २  
अ॒ग्रे दे॒वाँ इ॒हा व॑ह ज॒ज्ञानो॑ वृ॒क्तब॑र्हिषे । अ॒सि हो॒ता न॒ ईड॑यः ३  
तां उ॑शतो वि॒ बो॒धय॑ यद॒ग्रे या॑सि॒ दूत्य॑म् । दे॒वैरा स॑त्सि ब॒र्हिषि॑ ४  
घृ॒ताह॑वन दी॒दिवः॑ प्र॒ति ष्म॒ रिष॑तो द॒ह । अ॒ग्रे त्वं र॑क्ष॒स्विनः॑ ५  
अ॒ग्निना॑ग्निः स॒र्मिध्य॑ते क॒विर्गृ॑हप॒तिर्यु॑वा । ह॒व्यवा॑ड् जु॒ह्वास्यः॑ ६  
क॒विम॑ग्निमुप॑ स्तुहि स॒त्यध॑र्मा॒णम॑ध्वरे । दे॒वम॑मीव॒चात॑नम् ७  
यस्त्वा॑म॒ग्रे ह॒विष्प॑तिर्दू॒तं दे॒व स॑प॒र्यति॑ । तस्य॑ स्म प्रा॒विता॑ भ॒व ८  
यो अ॒ग्निं दे॒ववी॑तये ह॒विष्माँ॑ आ॒विवा॑सति । तस्मै॑ पा॒वक॑ मृ॒ळय॑ ९  
स नः॑ पा॒वक॑ दी॒दिवो॑ऽग्रे दे॒वाँ इ॒हा व॑ह । उप॑ य॒ज्ञं ह॒विश्च॑ नः १०  
स नः॑ स्तवा॑न आ॒ भर॑ गाय॒त्रेण॑ नवी॒यसा॑ । र॒यिं वी॑रव॒तीमि॑षम् ११  
अ॒ग्रे शु॒क्रेण॑ शो॒चिषा॑ वि॒श्वाभि॑र्दे॒वहू॑तिभिः । इ॒मं स्तो॑मं जुष॒स्व नः॑ १२

(१३) त्रयोदशं सूक्तम्

(१-१२) द्वादशर्चस्यास्य सूक्तस्य कारवो मेधातिथिर्ऋषिः । (१) आद्याया ऋच  
इध्मः समिद्धो वाग्निः (२) द्वितीयायास्तनूनपात् (३) तृतीयाया नराशंसः (४)  
चतुर्थ्या इळः (५) पञ्चम्या बर्हिः (६) षष्ठ्या देवीद्वारः (७) सप्तम्या  
उषासानक्ता (८) अष्टम्या दैव्यौ होतारौ प्रचेतसौ (९) नवम्यास्तिस्त्रो देव्यः

सरस्वतीळाभारत्यः (१०) दशम्यास्त्वष्टा (११) एकादश्या वनस्पतिः (१२)  
 द्वादश्याश्च स्वाहाकृतयोऽग्निरूपा देवताः । गायत्री छन्दः (एतदाप्रीसूक्तम्)  
 सुसमिद्धो न आ वह देवाँ अग्ने हविष्मते । होतः पावक यक्षि च १  
 मधुमन्तं तनूनपाद् यज्ञं देवेषु नः कवे । अद्या कृणुहि वीतये २  
 नराशंसमिह प्रिय मुस्मिन् यज्ञ उप ह्वये । मधुजिह्वं हविष्कृतम् ३  
 अग्ने सुखतमे रथे देवाँ ईळित आ वह । असि होता मनुर्हितः ४  
 स्तृणीत बर्हिरानुषग् घृतपृष्ठं मनीषिणः । यत्रामृतस्य चक्षणम् ५  
 वि श्रयन्तामृतावृधो द्वारो देवीरसश्चतः । अद्या नूनं च यष्टवे ६  
 नक्तोषासा सुपेशसाऽस्मिन् यज्ञ उप ह्वये । इदं नो बर्हिरासदै ७  
 ता सुजिह्वा उप ह्वये होतारा दैव्या कवी । यज्ञं नो यक्षतामिमम् ८  
 इळा सरस्वती मही तिस्रो देवीर्मयोभुवः । बर्हिः सीदन्त्वस्त्रिधः ९  
 इह त्वष्टारमग्रियं विश्वरूपमुप ह्वये । अस्माकमस्तु केवलः १०  
 अवं सृजा वनस्पते देव देवेभ्यो हविः । प्र दातुरस्तु चेतनम् ११  
 स्वाहा यज्ञं कृणोतनेन्द्राय यज्वनो गृहे । तत्र देवाँ उप ह्वये १२

## (१४) चतुर्दशं सूक्तम्

(१-१२) द्वादशर्चस्यास्य सूक्तस्य कारवो मेधातिथिर्ऋषिः । विश्वे देवा देवताः ।

गायत्री छन्दः

ऐभिरग्ने दुवो गिरो विश्वेभिः सोमपीतये । देवेभिर्याहि यक्षि च १  
 आ त्वा कर्वा अहूषत गृणन्ति विप्र ते धियः । देवेभिरग्न आ गहि २  
 इन्द्रवायू बृहस्पति मित्राग्निं पूषणं भगम् । आदित्यान् मारुतं गुणम् ३  
 प्र वो भ्रियन्त इन्द्रवो मत्सरा मादयिष्णवः । द्रप्सा मध्वश्चमूषदः ४  
 ईळते त्वामवस्यवः कर्वासो वृक्तबर्हिषः । हविष्मन्तो अरंकृतः ५  
 घृतपृष्ठा मनोयुजो ये त्वा वहन्ति वह्नयः । आ देवान्सोमपीतये ६  
 तान् यजत्राँ ऋतावृधोऽग्ने पत्नीवतस्कृधि । मध्वः सुजिह्व पायय ७  
 ये यजत्रा य ईड्यास् ते तै पिबन्तु जिह्वया । मधौरग्ने वर्षटकृति ८  
 आकीं सूर्यस्य रोचनाद् विश्वान्देवाँ उषर्बुधः । विप्रो होतेह वक्षति ९  
 विश्वेभिः सोम्यं मध्वऽग्न इन्द्रेण वायुना । पिबा मित्रस्य धामभिः १०  
 त्वं होता मनुर्हितोऽग्ने यज्ञेषु सीदसि । सेमं नो अध्वरं यज ११  
 युद्धवा ह्यरुषी रथे हरितौ देव रोहितः । ताभिर्देवाँ इहा वह १२



(१५) पञ्चदशं सूक्तम्

(१-१२) द्वादशर्चस्यास्य सूक्तस्य काण्वो मेधातिथिर्ऋषिः । (१) आद्याया ऋच  
इन्द्रः (२) द्वितीयाया मरुतः (३) तृतीयायास्त्वष्टा (४) चतुर्थ्या अग्निः (५)  
पञ्चम्या इन्द्रः (६) षष्ठ्या मित्रावरुणौ (७-१०) सप्तमीतश्चतसृणां द्रविणोदा अग्निः  
(११) एकादश्या अश्विनौ (१२) द्वादश्याश्चाग्निर्देवताः (ऋतुदेवता एताः) ।

गायत्री छन्दः

इन्द्र सोमं पिबे ऋतुनाऽऽ त्वा विशन्तिवन्देवः । मत्सरासस्तदौकसः १  
मरुतः पिबेत् ऋतुना पोत्राद् यज्ञं पुनीतन । यूयं हि ष्ठा सुदानवः २  
अभि यज्ञं गृणीहि नो ग्रावो नेष्टुः पिबे ऋतुना । त्वं हि रत्नधा असि ३  
अग्रे देवाँ इहा वह सादया योनिषु त्रिषु । परि भूष पिबे ऋतुना ४  
ब्राह्मणादिन्द्र राधेसः पिबो सोममृतूर्नु । तवेद्धि सख्यमस्तृतम् ५  
युवं दक्षं धृतव्रत मित्रावरुण दूळभम् । ऋतुना यज्ञमाशाथे ६  
द्रविणोदा द्रविणसो ग्रावहस्तासो अध्वरे । यज्ञेषु देवमीळते ७  
द्रविणोदा ददातु नो वसूनि यानि श्रुतिवरे । देवेषु ता वनामहे ८  
द्रविणोदाः पिपीषति जुहोतु प्र च तिष्ठत । नेष्टादृतुभिरिष्यत ९  
यत् त्वा तुरीयमृतुभिर्द्रविणोदो यजामहे । अर्धस्मा नो ददिर्भव १०  
अश्विनापिबेत् मधु दीद्यग्नी शुचिव्रता । ऋतुना यज्ञवाहसा ११  
गार्हपत्येन सन्त्य ऋतुना यज्ञनीरसि । देवान् देवयते यज १२

(१६) षोडशं सूक्तम्

(१-६) नवर्चस्यास्य सूक्तस्य काण्वो मेधातिथिर्ऋषिः । इन्द्रो देवता । गायत्री

छन्दः

आ त्वा वहन्तु हरयो वृषणं सोमपीतये । इन्द्र त्वा सूरचक्षसः १  
इमा धाना घृतस्रुवो हरी इहोप वक्षतः । इन्द्र सुखतमे रथे २  
इन्द्र प्रातर्हवामह इन्द्र प्रयत्यध्वरे । इन्द्रं सोमस्य पीतये ३  
उप नः सुतमा गहि हरिभिरिन्द्र केशिभिः । सुते हि त्वा हवामहे ४  
सेमं नः स्तोममा ग ह्युपेदं सर्वनं सुतम् । गौरो न तृषितः पिब ५  
इमे सोमास इन्देवः सुतासो अधि बर्हिषि । ताँ इन्द्र सहसे पिब ६  
अयं ते स्तोमो अग्रियो हृदिस्पृगस्तु शन्तमः । अथा सोमं सुतं पिब ७

वि॒श्वमि॒त्सर्व॑नं सु॒त मि॒न्द्रो म॑दाय गच्छति । वृ॒त्रहा सोम॑पीतये ८  
सेमं नुः काम॒मा पू॑ण गो॒भिर॒श्वैः श॑तक्रतो । स्त॒वाम॑ त्वा स्वा॒ध्यः ९

(१७) सप्तदशं सूक्तम्

(१-६) नवर्चस्यास्य सूक्तस्य काणवो मेधातिथिर्ऋषिः । इन्द्रावरुणौ देवते । (१-३, ६-६) प्रथमतृचस्य षष्ठ्यादिचतुर्ऋचाञ्च गायत्री (४-५) चतुर्थीपञ्चम्योश्च पादनिचृत् (५) पञ्चम्या हसीयसी वा गायत्री छन्दसी  
इन्द्रावरुणयो॒रहं स॒म्राजो॑रव॒ आ वृ॑णे । ता नो॑ मृळात ई॒दृशे॑ १  
गन्ता॑रा हि स्थोऽव॑से हव॑ं विप्र॒स्य मा॑वतः । ध॒र्तारा॑ च॒र्षणी॑नाम् २  
अ॒नु॒कामं॑ तर्पयेथा॒ मिन्द्रा॑वरुण रा॒य आ । ता वा॑ नेदिष्ठमीमहे ३  
यु॒वाकु॑ हि शची॑नां यु॒वाकु॑ सुमती॑नाम् । भू॒याम॑ वा॒जदा॑व्नाम् ४  
इन्द्रः॑ सह॒स्रदा॑व्नां व॒रुणः॑ शंस्या॑नाम् । क्र॒तुर्भव॑त्यु॒क्थ्यः ५  
तयो॒रिद॑वसा व॒यं स॒नेम॑ नि च॑ धीमहि । स्यादु॑त प्रेच॑नम् ६  
इन्द्रा॑वरुण वाम॒हं हु॒वे चि॒त्राय॑ राध॑से । अ॒स्मान्त्सु॑ जि॒ग्युष॑स्कृतम् ७  
इन्द्रा॑वरुण नू नु वा॑ सिषा॑सन्तीषु धी॒ष्वा । अ॒स्मभ्यं॑ शर्म॑ यच्छतम् ८  
प्र वा॑मश्नोतु सुष्टुति॑ रिन्द्रा॑वरुण यां हु॒वे । याम॑धाथे॑ स॒धस्तु॑तिम् ९  
पञ्चमोऽनु॑वाकः ५

। सू० १८-२३ ।

(१८) अष्टादशं सूक्तम्

(१-६) नवर्चस्यास्य सूक्तस्य काणवो मेधातिथिर्ऋषिः । (१-३) प्रथमतृचस्य ब्रह्मणस्पतिः (४) चतुर्थ्या इन्द्रो ब्रह्मणस्पतिः सोमश्च (५) पञ्चम्या ब्रह्मणस्पतिः सोम इन्द्रो दक्षिणा च (६-८) षष्ठ्यादिचतुचस्य सदसस्पतिः (९) नवम्याः सदसस्पतिर्नराशंसो वा देवताः । गायत्री छन्दः  
सो॒मानं॑ स्वर॑णं कृ॒णुहि॑ ब्रह्म॑णस्पते । क॒क्षीव॑न्तं य औ॒शिजः॑ १  
यो रे॒वान् यो अ॑मीव॒हा व॑सुवित् पु॒ष्टिव॑र्धनः । स नः॑ सिषक्तु॑ यस्तुरः २  
मा नुः॑ शंसो अ॒ररु॑षो धूर्तिः॑ प्र॒णङ् म॑र्त्यस्य । रक्षा॑णो ब्रह्म॑णस्पते ३  
स घा॑ वी॒रो न रि॑ष्यति॒ यमिन्द्रो॑ ब्रह्म॑णस्पतिः । सोमो॑ हि॒नोति॑ मर्त्यम् ४  
त्वं तं॑ ब्रह्म॑णस्पते सोम॒ इन्द्रश्च॑ मर्त्यम् । दक्षि॑णा पा॒त्वंह॑सः ५  
सद॑सस्पति॒मद्भु॑तं प्रि॒यमिन्द्र॑स्य॒ काम्य॑म् । स॒निं मे॒धाम॑यासिषम् ६

यस्मादृते न सिध्यति यज्ञो विपश्चितश्चन । स धीनां योगमिन्वति ७  
आदृध्नोति हविष्कृतिं प्राञ्च कृणोत्यध्वरम् । होत्रा देवेषु गच्छति ८  
नराशंसं सुधृष्टम् मपश्यं सप्रथस्तमम् । दिवो न सद्यमखसम् ९

(१६) एकोनविंशं सूक्तम्

(१-६) नवर्चस्यास्य सूक्तस्य काणवो मेधातिथिर्ऋषिः । अग्निर्मरुतश्च देवताः ।

गायत्री छन्दः

प्रति त्यं चारुमध्वरं गोपीथाय प्र हूयसे । मरुद्भिरग्र आ गंहि १  
नहि देवो न मर्त्यो महस्तव क्रतुं परः । मरुद्भिरग्र आ गंहि २  
ये महो रजसो विदुर्विश्वे देवासो अद्रुहः । मरुद्भिरग्र आ गंहि ३  
य उग्रा अर्कमानृचु रनाधृष्टास ओजसा । मरुद्भिरग्र आ गंहि ४  
ये शुभ्रा घोरवर्षसः सुक्षत्रासो रिशादसः । मरुद्भिरग्र आ गंहि ५  
ये नाकस्याधि रोचने दिवि देवास आसते । मरुद्भिरग्र आ गंहि ६  
य ईङ्क्षयन्ति पर्वतान् तिरः समुद्रमर्णवम् । मरुद्भिरग्र आ गंहि ७  
आ ये तन्वन्ति रश्मिभिस् तिरः समुद्रमोजसा । मरुद्भिरग्र आ गंहि ८  
अभि त्वा पूर्वपीतये सृजामि सोम्यं मधु । मरुद्भिरग्र आ गंहि ९  
इति प्रथमाष्टके प्रथमोऽध्यायः ।

द्वितीयोऽध्यायः २ व० १-३८

(२०) विंशं सूक्तम्

(१-८) अष्टर्चस्यास्य सूक्तस्य काणवो मेधातिथिर्ऋषिः । ऋभवो देवताः ।

गायत्री छन्दः

अयं देवाय जन्मने स्तोमो विप्रेभिरासया । अकारि रत्नधातमः १  
य इन्द्राय वचोयुजा तत्क्षुर्मनसा हरी । शर्माभिर्यज्ञमाशत २  
तक्षन् नासत्याभ्यां परिज्मानं सुखं रथम् । तक्षन् धेनुं सबर्दुघाम् ३  
युवाना पितरा पुनः सत्यमन्त्रा ऋजूयवः । ऋभवो विष्टयक्रत ४  
स वो मदासो अगमते न्द्रेण च मरुत्वता । आदित्येभिश्च राजभिः ५  
उत त्यं चमसं नवं त्वष्टुर्देवस्य निष्कृतम् । अकर्त चतुरः पुनः ६  
ते नो रत्नानि धत्तन् त्रिरा साप्तानि सुन्वते । एकमेकं सुशस्तिभिः ७  
अधारयन्त वह्नयोऽभजन्त सुकृत्यया । भागं देवेषु यज्ञियम् ८

## (२१) एकविंशं सूक्तम्

(१-६) षडृचस्यास्य सूक्तस्य काण्वो मेधातिथिर्ऋषिः । इन्द्राग्नी देवते ।

गायत्री छन्दः

इहेन्द्राग्नी उप ह्वये तयोरित् स्तोममुश्मसि । ता सोमं सोमपातमा १  
 ता यज्ञेषु प्र शंसतेन्द्राग्नी शुम्भता नरः । ता गायत्रेषु गायत २  
 ता मित्रस्य प्रशस्तय इन्द्राग्नी ता हवामहे । सोमपा सोमपीतये ३  
 उग्रा सन्ता हवामह उपेदं सर्वनं सुतम् । इन्द्राग्नी एह गच्छताम् ४  
 ता महान्ता सदस्पती इन्द्राग्नी रक्ष उब्जतम् । अप्रजाः सन्त्वत्रिणः ५  
 तेन सत्येन जागृत मधि प्रचेतुनै पदे । इन्द्राग्नी शर्म यच्छतम् ६

## (२२) द्वाविंशं सूक्तम्

(१-२१) एकविंशत्यृचस्यास्य सूक्तस्य काण्वो मेधातिथिर्ऋषिः । (१-४)

प्रथमादिचतुर्ऋचामश्विनौ (५-८) पञ्चम्यादिचतसृणां सविता (९-१०)

नवमीदशम्योरग्निः (११) एकादश्या देव्यः (१२) द्वादश्या इन्द्राणीवरुणान्यग्राय्यः

(१३-१४) त्रयोदशीचतुर्दश्योर्द्यावापृथिव्यौ (१५) पञ्चदश्याः पृथिवी (१६)

षोडश्या विष्णुर्देवा वा (१७-२१) सप्तदश्यादिपञ्चानाञ्च विष्णुर्देवताः । गायत्री

छन्दः

प्रातुर्युजा वि बौधया श्विनावेह गच्छताम् । अस्य सोमस्य पीतयै १  
 या सुरथा रथीतमो भा देवा दिविस्पृशा । अश्विना ता हवामहे २  
 या वां कशा मधुमत्य श्विना सूनृतावती । तया यज्ञं मिमिक्षतम् ३  
 नहि वामस्ति दूरके यत्रा रथेन गच्छथः । अश्विना सोमिनौ गृहम् ४  
 हिरण्यपाणिमूतयै सवितारमुप ह्वये । स चेत्ता देवता पदम् ५  
 अपां नपातमवसे सवितारमुप स्तुहि । तस्य वृतान्युश्मसि ६  
 विभक्तारं हवामहे वसौश्चित्रस्य राधसः । सवितारं नृचक्षसम् ७  
 सखाय आ नि षीदत सविता स्तोम्यो नु नः । दाता राधांसि शुम्भति ८  
 अग्ने पत्नीरिहा वह देवानामुशतीरुप । त्वष्टारं सोमपीतये ९  
 आ ग्रा अग्र इहावसे होत्रा यविष्ठ भारतीम् । वरूत्रीं धिषणां वह १०  
 अभि नो देवीरवसा महः शर्मणा नृपत्नीः । अच्छिन्नपत्राः सचन्ताम् ११  
 इहेन्द्राणीमुप ह्वये वरुणानीं स्वस्तयै । अग्रायीं सोमपीतये १२

म॒ही द्यौः पृ॒थि॒वी च॑ न इ॒मं य॒ज्ञं मि॑मिक्षताम् । पि॒पृ॒तां नो॒ भरी॑मभिः १३  
तयो॒रिद् घृ॒तवृ॒त् पयो॒ वि॒प्रां रि॑हन्ति धी॒तिभिः॑ । ग॒न्ध॒र्वस्य॑ ध्रु॒वे पु॒दे १४  
स्यो॒ना पृ॒थि॒वि भवा॑ नृ॒क्षरा॑ नि॒वेशनी॑ । यच्छा॑ नः शर्म॑ स॒प्रथः॑ १५  
अतो॑ दे॒वा अ॒वन्तु॒ नो यतो॑ विष्णु॑र्विच॒क्रमे॑ । पृ॒थि॒व्याः स॒प्त धा॑र्मभिः १६  
इ॒दं विष्णु॑र्वि च॒क्रमे॑ त्रे॒धा नि॑ द॒धे पु॒दम् । समू॑हळमस्य पांसुरे १७  
त्री॒णि पु॒दा वि॑ च॒क्रमे॑ विष्णु॑र्गो॒पा अ॒दा॒भ्यः । अतो॑ धर्मा॑णि धा॒रयन्॑ १८  
विष्णोः॑ कर्मा॑णि पश्यत॒ यतो॑ वृ॒तानि॑ पस्प॒शे । इन्द्र॑स्य यु॒ज्यः सखा॑ १९  
तद् विष्णोः॑ पर॒मं पु॒दं सदा॑ पश्यन्ति सूर॑यः । दि॒वीव॑ चक्षु॒रात॑तम् २०  
तद् वि॒प्रांसो॑ वि॒प॒न्यवो॑ जागृ॒वांसः॑ समि॑न्धते । विष्णो॑र्यत् पर॒मं पु॒दम् २१

(२३) त्रयोविंशं सूक्तम्

(१-२४) चतुर्विंशत्यृचस्यास्य सूक्तस्य काण्वो मेधातिथिर्ऋषिः । (१) प्रथमाया  
ऋचो वायुः (२-३) द्वितीयातृतीययोरिन्द्रवायू (४-६) चतुर्थ्यादितृचस्य  
मित्रावरुणौ (७-९) सप्तम्यादितृचस्येन्द्रो मरुत्वान् (१०-१२) दशम्यादितृचस्य  
विश्वे देवाः (१३-१५) त्रयोदश्यादितृचस्य पूषा (१६-२२, २३)  
षोडश्यादिसप्तानां त्रयोविंश्याः पूर्वार्धस्य चापः (२३, २४) त्रयोविंश्याः परार्धस्य  
चतुर्विंश्याश्चाग्निर्देवताः । (१-१८) प्रथमाद्यष्टादशर्चा गायत्री (१९)  
एकोनविंश्याः पुरउष्णिक् (२१) एकविंश्याः प्रतिष्ठा (२०, २२-२४) विंश्या  
द्वाविंश्यादितृचस्य चानुष्टुप् छन्दांसि

ती॒व्राः सोमा॑स॒ आ ग॑ह्या॒ शी॒र्वन्तः॒ सु॒ता इ॒मे । वा॒यो तान् प्र॑स्थितान् पिब  
१

उ॒भा दे॒वा दि॑विस्पृ॒शेन्द्र॑वायू ह॒वामहे॑ । अस्य॑ सोम॑स्य पी॒तये॑ २  
इन्द्र॑वायू म॒नोजु॒वा वि॒प्रां ह॑वन्त॒ ऊ॒तये॑ । स॒हस्रा॑क्षा धि॒यस्प॑ती ३  
मि॒त्रं व॒यं ह॑वामहे वरु॑णं सोम॑पीतये । ज॒ज्ञाना॑ पू॒तद॑क्षसा ४  
ऋ॒तेन॑ यावृ॒तावृ॒धा वृ॒तस्य॑ ज्योति॑षस्प॒ती । ता मि॒त्रावरु॑णा वे ५  
वरु॑णः प्रा॒विता॑ भु॒वन् मि॒त्रो वि॒श्वाभि॑रू॒तिभिः॑ । क॒रतां॑ नः सु॒राध॑सः ६  
म॒रुत्व॑न्तं ह॒वामहे॑ इन्द्र॑मा सोम॑पीतये । स॒जूर्ग॑णेन॒ तृम्प॑तु ७  
इन्द्र॑ज्येष्ठा म॒रुद्ग॑णा दे॒वासः॑ पू॒षरा॑तयः । वि॒श्वे म॑र्म श्रु॒ता ह॑र्वम् ८  
ह॒त वृ॒त्रं सु॑दानव॒ इन्द्रै॑ण॒ सह॑सा यु॒जा । मा नो॑ दुःशंस॑ ई॒शत॑ ९  
वि॒श्वन् दे॒वान् ह॑वामहे म॒रुतः॑ सोम॑पीतये । उ॒ग्रा हि॑ पृ॒श्निमा॑तरः १०

जयतामिव तन्यतु मरुतामेति धृष्णुया । यच्छुभं याथना नरः ११  
 हस्काराद् विद्युतस्पर्य ऽतो जाता अवन्तु नः । मरुतौ मृळयन्तु नः १२  
 आ पूषञ्चित्रबर्हिष माघृणे धरुणं दिवः । आजानुष्टं यथा पशुम् १३  
 पूषा राजानमाघृणि रपगूहळं गुहा हितम् । अविन्दञ्चित्रबर्हिषम् १४  
 उतो स मह्यमिन्दुभिः षड्युक्तां अनुसेषिधत् । गोभिर्यवं न चर्कषत् १५  
 अम्बयौ यन्त्यध्वभिर्जामयौ अध्वरीयताम् । पूञ्चतीर्मधुना पर्यः १६  
 अमूर्या उप सूर्ये याभिर्वा सूर्यः सह । ता नो हिन्वन्त्वध्वरम् १७  
 अपो देवीरुपं ह्वये यत्र गावः पिबन्ति नः । सिन्धुभ्यः कर्त्वं हविः १८  
 अप्सवश्न्तरमृतमप्सु भेषजमुपायुत प्रशस्तये । देवा भवन्त वाजिनः १९  
 अप्सु मे सोमो अब्रवी दन्तर्विश्वानि भेषजा ।  
 अग्निं च विश्वशंभुव मापश्च विश्वभेषजीः २०  
 आपः पृणीत भेषजं वरूथं तन्वेडु मम । ज्योक्च सूर्यं दृशे २१  
 इदमापः प्र वहत यत् किं च दुरितं मयि ।  
 यद् वाहमभिदुद्रोह यद् वा शेष उतानृतम् २२  
 आपो अद्यान्वचारिषं रसेन समगस्महि ।  
 पर्यस्वानग्न आ गहि तं मा सं सृज वर्चसा २३  
 सं माग्ने वर्चसा सृज सं प्रजया समायुषा ।  
 विद्युर्मे अस्य देवा इन्द्रो विद्यात् सह ऋषिभिः २४  
 षष्ठोऽनुवाकः ६  
 । सू० २४- ३० ।

### (२४) चतुर्विंशं सूक्तम्

(१-१५) पञ्चदशर्चस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो  
 देवरातः) ऋषिः । (१) प्रथमाया ऋचः कः (प्रजापतिः) (२) द्वितीयाया अग्निः  
 (३-५) तृतीयादितृचस्य सविता (५) पञ्चम्या भगो वा (६-१५)  
 षष्ठ्यादिदशर्चाञ्च वरुणो देवताः । (१-२, ६-१५) आद्ययोर्द्वयचोः  
 षष्ठ्यादिदशर्चाञ्च त्रिष्टुप् (३-५) तृतीयादितृचस्य च गायत्री छन्दसी  
 कस्य नूनं कतमस्यामृतानां मनामहे चारु देवस्य नाम ।  
 को नो मद्या अदितये पुनर्दात् पितरं च दृशेयं मातरं च १  
 अग्नेर्वयं प्रथमस्यामृतानां मनामहे चारु देवस्य नाम ।

स नो म॒ह्या अ॒दित॑ये पु॒नर्दा॑त् पि॒तरं च दृ॒शेयं मा॒तरं च २  
अ॒भि त्वा॑ दे॒व स॒वित॑ री॒शानं॑ वा॒र्याणाम् । सदा॑वन् भा॒गमी॑महे ३  
यश्चि॒द्धि ते॑ इ॒त्था भ॑गः श॒शमा॑नः पु॒रा नि॒दः । अ॒द्वेषो॑ ह॒स्तयो॑र्द्धे ४  
भ॒गभ॑क्तस्य ते व॒य मु॑द॒शेम् तवा॑र्वसा । मूर्धा॑नं रा॒य आ॒रभे ५  
न॒हि ते॑ क्ष॒त्रं न स॒हो न म॒न्युं व॑र्यश्च॒नामी पु॑त॒र्यन्त आ॒पुः ।  
नेमा॑ आपौ॒ अनि॑मिषं च॒रन्ती॒र्न ये वा॑त॒स्य प्र॑मि॒नन्त्य॑भ्वम् ६  
अ॒बुधे॑ राजा वरु॒णो व॑न॒स्योर्ध्वं॑ स्तू॒पं द॑दते पू॒तद॑क्षः ।  
नी॒चीनाः॑ स्थु॒रुपरि॑ बु॒ध ए॒षा मु॑स्मे अ॒न्तर्नि॑हिताः के॒तवः॑ स्युः ७  
उ॒रुं हि॑ राजा वरु॒णश्चा॒र सूर्या॑य प॒न्थाम॑न्वे॒तवा उ॑ ।  
अ॒पदे॑ पा॒दा प्र॑ति॒धात॑वेऽक॒रुता॑प॒वक्ता हृ॑द॒यावि॑र्धश्चित् ८  
श॒तं ते॑ राजन् भि॒षजः॑ स॒हस्रं॑ मु॒र्वी गंभी॑रा सु॒म॒तिष्ठे॑ अस्तु ।  
बा॒धस्व दू॑रे नि॒र्ऋतिं॑ प॒राचैः॑ कृ॒तं चि॒देनः॑ प्र मु॒मुग्ध्य॑स्मत् ९  
अ॒मी य ऋ॒क्षा नि॑हिता॒स उ॒च्चा न॑क्तं द॒दृश्रे॑ कु॒हं चि॒द् दि॒वैयुः॑ ।  
अ॒द॒ब्धानि॑ वरु॒णस्य॑ वृ॒तानि॑ वि॒चाक॑शच्च॒न्द्रमा॑ न॒क्तमे॑ति १०  
तत् त्वा॑ या॒मि ब्र॒ह्मणा॑ व॒न्द॒मान॑स् तदा शा॒स्ते य॑ज॒मानो॑ ह॒विर्भिः॑ ।  
अ॒हैळ॑मानो वरु॒णेह बो॑ध्यु॒रुशंस॑ मा न॒ आयुः॑ प्र मौ॒षीः ११  
तदि॒न॒क्तं तद् दि॒वा म॒ह्यमा॑हुस् तद॒यं के॒तो हृ॑द आ वि च॑ष्टे ।  
शु॒नःशे॒पो यम॑हृद् गृ॒भीतः॑ सो अ॒स्मान् राजा॑ वरु॒णो मु॑मोक्तु १२  
शु॒नःशे॒पो ह्यहृद् गृ॒भीत॑स् त्रि॒ष्वादि॒त्यं द्रु॑प॒देषु॑ ब॒द्धः ।  
अ॒वैनं॑ राजा वरु॒णः स॑सृ॒ज्याद् वि॒द्वाँ अ॒द॒ब्धो वि॑ मु॒मोक्तु॑ पा॒शान् १३  
अ॒व ते॒ हेळो॑ वरु॒ण नमो॑भि॒रव॑ य॒ज्ञेभि॑रीमहे ह॒विर्भिः॑ ।  
क्ष॒यन्न॑स्मभ्य॒मसुर॑ प्र॒चेता॑ राज॒न्नेना॑सि शि॒श्रथः॑ कृ॒तानि॑ १४  
उ॒दु॒त्त॒मं वरु॑ण पा॒शम॑स्म द॒वाध॑मं वि म॒ध्य॒मं श्रे॑थाय ।  
अ॒था व॒यमा॑दित्य वृ॒ते तवा॑ ना॒गसो॑ अ॒दित॑ये स्याम १५

(२५) पञ्चविंशं सूक्तम्

(१-२१) एकविंशत्यृचस्यास्य सूक्तस्याजीगर्तिः शुनःशेपः (स कृत्रिमो वैश्वामित्रो

देवरातः) ऋषिः । वरुणो देवता । गायत्री छन्दः

यच्चिद्धि ते विशो यथा प्र देव वरुण वृतम् । मिनीमसि द्यविद्यवि १  
मा नो वृधाय हवर्वै जिहीळानस्य रीरधः । मा हृणानस्य मन्यवै २

वि मृळीकार्यं ते मनो रथीरश्वं न संदितम् । गीर्भिर्वरुण सीमहि ३  
 परा हि मे विमन्यवः पतन्ति वस्येष्टये । वयो न वसतीरुप ४  
 कदा क्षत्रश्रियं नर मा वरुणं करामहे । मृळीकार्योरुचक्षसम् ५  
 तदित् समानमाशाते वेनन्ता न प्र युच्छतः । धृतव्रताय दाशुषै ६  
 वेदा यो वीनां पद मन्तरिक्षेण पतताम् । वेद नावः समुद्रियः ७  
 वेद मासो धृतव्रतो द्वादश प्रजावतः । वेदा य उपजायते ८  
 वेद वार्तस्य वर्तनि मुरोर्भृष्वस्य बृहतः । वेदा ये अध्यासते ९  
 नि षसाद धृतव्रतो वरुणः पुस्त्यास्वा । साम्राज्याय सुक्रतुः १०  
 अतो विश्वान्यद्भुता चिकित्वाँ अभि पश्यति । कृतानि या च कर्त्वा ११  
 स नो विश्वाहा सुक्रतु रादित्यः सुपथा करत् । प्र ण आरूषि तारिषत् १२  
 बिभ्रद् द्रापिं हिरण्ययं वरुणो वस्त निर्णिजम् । परि स्पशो नि पैदिरे १३  
 न यं दिप्सन्ति दिप्सवो न द्रुहाणो जनानाम् । न देवमभिमातयः १४  
 उत यो मानुषेष्वा यशश्चक्रे असांम्या । अस्माकमुदरेष्वा १५  
 परा मे यन्ति धीतयो गावो न गव्यूतीरनु । इच्छन्तीरुचक्षसम् १६  
 सं नु वौचावहै पुन र्यतो मे मध्वाभृतम् । होतैव क्षदसे प्रियम् १७  
 दर्शं नु विश्वदर्शतं दर्शं रथमधि क्षमि । एता जुषत मे गिरः १८  
 इमं मे वरुण श्रुधी हवमद्या च मृळय । त्वामवस्युरा चके १९  
 त्वं विश्वस्य मेधिर दिवश्च गमश्च राजसि । स यामनि प्रति श्रुधि २०  
 उदुत्तमं मुमुग्धि नो वि पाशं मध्यमं चृत । अवाधानि जीवसे २१

(२६) षड्विंशं सूक्तम्

(१-१०) दशर्चस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो देवरातः)

ऋषिः । अग्निर्देवता । गायत्री छन्दः

वसिष्ठा हि मियेध्य वस्त्राण्यूर्जा पते । सेमं नो अध्वरं यज १  
 नि नो होता वरेण्यः सदा यविष्ठ मन्मभिः । अग्रे दिवित्मता वचः २  
 आ हि ष्मा सूनवे पिता पिर्यजत्यापयै । सखा सख्ये वरेण्यः ३  
 आ नो बर्ही रिशादसो वरुणो मित्रो अर्यमा । सीदन्तु मनुषो यथा ४  
 पूर्वं होतरस्य नो मन्दस्व सख्यस्य च । इमा उ षु श्रुधी गिरः ५  
 यच्चिद्धि शश्वता तना देवदैवं यजामहे । त्वे इद्धयते हविः ६  
 प्रियो नो अस्तु विश्पति होता मन्द्रो वरेण्यः । प्रियाः स्वग्रयौ वयम् ७



स्वग्रयो हि वार्यं देवासो दधिरे च नः । स्वग्रयो मनामहे ८  
अथा न उभयैषा मर्मृत मर्त्यानाम् । मिथः संन्तु प्रशस्तयः ९  
विश्वेभिरग्ने अग्निभि रिमं यज्ञमिदं वचः । चनो धाः सहसो यहो १०

(२७) सप्तविंशं सूक्तम्

(१-१३) त्रयोदशर्चस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो देवरातः) ऋषिः । (१-१२) प्रथमादिद्वादशर्चामग्निः (१३) त्रयोदश्याश्च देवा देवताः । (१-१२) प्रथमादिद्वादशर्चा गायत्री (१३) त्रयोदश्याश्च त्रिष्टुप् छन्दसी अश्वं न त्वा वारवन्तं वन्दध्या अग्निं नमोभिः । सम्राजन्तमध्वराणाम् १  
स घा नः सूनुः शर्वसा पृथुप्रगामा सुशेर्वः । मीढ्वाँ अस्माकं बभूयात् २।  
स नो दूराच्चासाच्च नि मर्त्यादघायोः । पाहि सदमिद् विश्वायुः ३  
इममू षु त्वमस्माकं सनिं गायत्रं नव्यासम् । अग्ने देवेषु प्र वौचः ४  
आ नो भज परमे ष्वा वाजेषु मध्यमेषु । शिन्ना वस्वो अन्तमस्य ५  
विभक्तासि चित्रभानो सिन्धौरुर्मा उपाक आ । सद्यो दाशुषे क्षरसि ६  
यमग्ने पृत्सु मर्त्य मवा वाजेषु यं जुनाः । स यन्ता शश्वतीरिषः ७  
नकिरस्य सहन्त्य पर्येता कर्त्यस्य चित् । वाजो अस्ति श्रवाय्यः ८  
स वाजं विश्वचर्षणि रवद्विरस्तु तरुता । विप्रैभिरस्तु सनिता ९  
जराबोध तद् विविङ्हि विशेर्विशे यज्ञियाय । स्तोम रुद्राय दृशीकम् १०  
स नो मुहाँ अनिमानो धूमकेतुः पुरुश्चन्द्रः । धिये वाजाय हिन्वतु ११  
स रेवाँ इव विश्पति देव्यः केतुः शृणोतु नः । उक्थैरग्निर्बृहद्भानुः १२  
नमो महद्भ्यो नमो अर्भकेभ्यो नमो युवभ्यो नम आशिनेभ्यः ।  
यजाम देवान् यदि शक्नवाम मा ज्यायसः शंसमा वृद्धि देवाः १३

(२८) अष्टाविंशं सूक्तम्

(१-६) नवर्चस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो देवरातः) ऋषिः । (१-४) प्रथमादिचतुर्चामिन्द्रः (५-६) पञ्चमीषष्ठ्योरुलूखलम् (७-८) सप्तम्यष्टम्योरुलूखलमुसले (९) नवम्याश्च प्रजापतिर्हरिश्चन्द्रः अधिषवणचर्म सोमो वा देवताः । (१-६) प्रथमादिषड्चामनुष्टुप् (७-९) अन्त्यतृचस्य च गायत्री छन्दसी

यत्र ग्रावा पृथुबुध ऊर्ध्वो भवति सोतवे ।

उ॒लू॒खल॑सुताना॒ मवे॑द्विन्द्र जल्गुलः १  
 यत्र॒ द्वावि॑व ज॒घना॑ धिषव॒रया॑ कृता ।  
 उ॒लू॒खल॑सुताना॒ मवे॑द्विन्द्र जल्गुलः २  
 यत्र॒ नार्य॑पच्य॒व मु॑पच्य॒वं च॒ शि॒क्षते॑ ।  
 उ॒लू॒खल॑सुताना॒ मवे॑द्विन्द्र जल्गुलः ३  
 यत्र॒ मन्था॑ वि॒ब॒ध्नते॑ र॒श्मीन् य॑र्मि॒त॒वा इ॒व ।  
 उ॒लू॒खल॑सुताना॒ मवे॑द्विन्द्र जल्गुलः ४  
 यच्चि॒द्धि त्वं॑ गृ॒हेगृ॑ह उ॒लू॒खल॑क यु॒ज्यसे॑ ।  
 इ॒ह द्यु॒मत्त॑मं व॒द ज॑र्यतामिव दु॒न्दुभिः॑ ५  
 उ॒त स्म॑ ते वनस्पते॒ वातो॑ वि वा॒त्यग्र॑मित् ।  
 अथो॒ इन्द्रा॑य॒ पात॑वे सु॒नु सोम॑मुलूखल ६  
 आ॒य॒जी वा॑ज॒सात॑मा॒ ता ह्यु॑श्चा विज॒र्भतः॑ । हरी॑ इ॒वान्धा॑सि ब॒र्षता॑ ७  
 ता नो॑ अ॒द्य व॑नस्पती ऋ॒ष्वावृ॑ष्वेभिः सो॒तृभिः॑ । इन्द्रा॑य॒ मधु॑मत् सु॒तम् ८  
 उच्छि॒ष्टं च॒म्वो॑र्भ॒र सोम॑ प॒वित्र॒ आ सृ॑ज । नि धै॒हि गो॑रधि॒ त्वचि॑ ९

(२६) एकोनत्रिंशं सूक्तम्

(१-७) सप्तर्चस्यास्य सूक्तस्याजीगर्तिः शुनःशेष ऋषिः (स कृत्रिमो वैश्वामित्रो देवरातः) । इन्द्रो देवता । पङ्क्तिश्छन्दः

यच्चि॒द्धि स॑त्य सोमपा अ॒नाश॑स्ता इ॒व स्म॑सि ।  
 आ तू न॑ इन्द्र शंसय॒ गोष्व॑श्चेषु श॒श्विषु॑ स॒हस्रै॑षु तुवीमघ १  
 शि॒प्रिन् वा॑जानां पते॒ शची॑व॒स्तव॑ दंसना ।  
 आ तू न॑ इन्द्र शंसय॒ गोष्व॑श्चेषु श॒श्विषु॑ स॒हस्रै॑षु तुवीमघ २  
 नि ष्वा॑पया मिथू॒दृशा॑ स॒स्ताम॑र्बु॒ध्यमाने॑ ।  
 आ तू न॑ इन्द्र शंसय॒ गोष्व॑श्चेषु श॒श्विषु॑ स॒हस्रै॑षु तुवीमघ ३  
 स॒सन्तु॑ त्या अ॒रात॑यो बोध॒न्तु शू॒र रा॑तयः ।  
 आ तू न॑ इन्द्र शंसय॒ गोष्व॑श्चेषु श॒श्विषु॑ स॒हस्रै॑षु तुवीमघ ४  
 स॒मिन्द्र॑ गर्द॒भं मृ॑ण नुवन्त॑ पा॒पया॑मुया ।  
 आ तू न॑ इन्द्र शंसय॒ गोष्व॑श्चेषु श॒श्विषु॑ स॒हस्रै॑षु तुवीमघ ५  
 प॒ताति॑ कुण्ड॒णाच्या॑ दूरं वातो॒ वना॑दधि ।  
 आ तू न॑ इन्द्र शंसय॒ गोष्व॑श्चेषु श॒श्विषु॑ स॒हस्रै॑षु तुवीमघ ६

सर्वं परिक्रोशं जहि जम्भया कृकदाश्वम् ।  
आ तू न इन्द्र शंसय गोष्वश्वेषु शश्विषु सहस्रेषु तुवीमघ ७

(३०) त्रिंशं सूक्तम्

(१-२२) द्वाविंशत्यृचस्यास्य सूक्तस्याजीगर्तिः शुनःशेष ऋषिः (स कृत्रिमो  
वैश्वामित्रो देवरातः) । (१-१६) प्रथमादिषोडशर्चामिन्द्रः (१७-१६)  
सप्तदश्यादितृचस्याश्विनौ (२०-२२) विंश्यादितृचस्य च उषा देवताः । (१-१०,  
१२-१५, १७-२२) प्रथमादिदशर्चा द्वादश्यादिचतुर्ऋचां सप्तदश्यादिषडृचाञ्च गायत्री  
(११) एकादश्याः पादनिचृद्गायत्री (१६) षोडश्याश्च त्रिष्टुप् छन्दांसि  
आ व इन्द्रं क्रिर्वि यथा वाजयन्तः शतक्रतुम् । मंहिष्ठं सिञ्च इन्दुभिः १  
शतं वा यः शुचीनां सहस्रं वा समाशिराम् । एदु निम्नं न रीयते २  
सं यन्मदाय शुष्मिणा एना ह्यस्योदरैः । समुद्रो न व्यचौ दधे ३  
अयमुं ते समतसि कपोत इव गर्भधिमम् । वचस्तच्चिन्न ओहसे ४  
स्तोत्रं राधानां पते गिर्वाहो वीर यस्य ते । विभूतिरस्तु सूनृता ५  
ऊर्ध्वस्तिष्ठा न ऊतयेऽस्मिन् वाजै शतक्रतो । समन्येषु ब्रवावहै ६  
योगैयोगे तुवस्तरं वाजैवाजे हवामहे । सखाय इन्द्रमूतयै ७  
आ घा गमद्यदि श्रवत् सहस्त्रिणीभिरूतिभिः । वाजैभिरुप नो हवम् ८  
अनु प्रत्नस्यौकसो हुवे तुविप्रति नरम् । यं ते पूर्वं पिता हुवे ९  
तं त्वा वयं विश्ववाराऽऽशास्महे पुरुहूत । सखे वसो जरितृभ्यः १०  
अस्माकं शिप्रिणीनां सोमपाः सोमपाव्नाम् । सखे वज्रिन्त्सखीनाम् ११  
तथा तदस्तु सोमपाः सखे वज्रिन् तथा कृणु । यथा त उश्मसीष्टयै १२  
रेवतीर्नः सधमाद इन्द्रै सन्तु तुविवाजाः । क्षुमन्तो याभिर्मदैम १३  
आ घ त्वावान् त्मनाप्तः स्तोतृभ्यो धृष्णवियानः । ऋणोरक्षं न चक्रयौः १४  
आ यद् दुर्वः शतक्रतु वा कामं जरितृणाम् । ऋणोरक्षं न शचीभिः १५  
शश्वदिन्द्रः पोपुथद्विर्जिगाय नानदद्विः शाश्वसद्विर्धनानि ।  
स नो हिरण्यरथं दुंसनावान् त्स नः सनिता सनये स नोऽदात् १६  
आश्विनावश्वावत्ये षा यातुं शवीरया । गोमद दस्त्रा हिरण्यवत् १७  
समानयोजनो हि वाँ रथौ दस्त्रावमर्त्यः । समुद्रे अश्विनेयते १८  
न्यश्घ्नचस्य मूर्धनि चक्रं रथस्य येमथुः । परि द्यामन्यदीयते १९  
कस्त उषः कधप्रिये भुजे मर्तो अमर्त्ये । कं नक्षसे विभावरी २०

वयं हि ते अमन्मह्याऽऽन्तादा पराकात् । अश्वे न चित्रे अरुषि २१  
 त्वं त्येभिरा गहि वाजैर्भिर्दुहितर्दिवः । अस्मे रयिं नि धारय २२  
 सपमोऽनुवाकः ७  
 । सू० ३१-३५ ।

(३१) एकत्रिंशं सूक्तम्

(१-१८) अष्टादशर्चस्यास्य सूक्तस्याङ्गिरसो हिरण्यस्तूप ऋषिः । अग्निर्देवता ।  
 (१-७, ६-१५, १७) प्रथमादिसप्तर्चा नवम्यादिसप्तर्चा सप्तदश्याश्च जगतीः (८, १६,  
 १८) अष्टमीषोडश्याश्च त्रिष्टुप् छन्दसी  
 त्वमग्ने प्रथमो अङ्गिरा ऋषिर्देवो देवानामभवः शिवः सर्वा ।  
 तव वृते कवयो विद्यनापसोऽजायन्त मरुतो भ्राजदृष्टयः १  
 त्वमग्ने प्रथमो अङ्गिरस्तमः कविर्देवानां परि भूषसि वृतम् ।  
 विभुर्विश्वस्मै भुवनाय मेधिरो द्विमाता शयुः कतिधा चिदायवै २  
 त्वमग्ने प्रथमो मातृरिष्वन आविर्भव सुक्रतूया विवस्वते ।  
 अरैजेतां रोदसी होतृवूर्येऽसन्नोभारमयजो महो वसो ३  
 त्वमग्ने मनवे द्यामवाशयः पुरुरवसे सुकृते सुकृत्तरः ।  
 श्वात्रेण यत् पित्रोर्मुच्यसे पर्याऽऽत्वा पूर्वमनयन्नापरं पुनः ४  
 त्वमग्ने वृषभः पुष्टिवर्धन उद्यतस्रुचे भवसि श्रवाय्यः ।  
 य आहुतिं परि वेदा वर्षट्कृति मेकायुरग्रे विश आविवाससि ५  
 त्वमग्ने वृजिनवर्तनिं नरं सक्मनि पिपर्षि विदथे विचर्षणे ।  
 यः शूरसाता परितकम्ये धने दग्धेभिश्चित् समृता हंसि भूर्यसः ६  
 त्वं तमग्ने अमृतत्व उत्तमे मर्तं दधासि श्रवसे दिवेदिवे ।  
 यस्तातृषाण उभयाय जन्मने मयः कृणोषि प्रय आ च सूरयै ७  
 त्वं नो अग्ने सनये धनानां यशसं कारुं कृणुहि स्तवानः ।  
 अध्याम कर्मापसा नवेन देवैर्द्यावापृथिवी प्रावतं नः ८  
 त्वं नो अग्ने पित्रोरुपस्थ आ देवो देवेष्वनवद्य जागृविः ।  
 तनूकृद् बोधि प्रमतिश्च कारवे त्वं कल्याण वसु विश्वमोषिषे ९  
 त्वमग्ने प्रमतिस्त्वं पितासि नस् त्वं वयस्कृत् तव जामयौ वयम् ।  
 सं त्वा रायः शतिनः सं सहस्रिणः सुवीरं यन्ति व्रतपामदाभ्य १०  
 त्वामग्ने प्रथममायुमायवै देवा अकृण्वन् नहुषस्य विश्पतिम् ।

इळामकृणवन् मनुषस्य शासनीं पितुर्यत् पुत्रो ममकस्य जायते ११  
 त्वं नो अग्ने तव देव पायुभिर्मघोनो रक्ष तन्वश्च वन्द्य ।  
 त्राता तोकस्य तनये गवाम् स्यनिमेषं रक्षमाणस्तव वृते १२  
 त्वमग्ने यज्यवे पायुरन्तरोऽनिषङ्गाय चतुरक्ष इध्यसे ।  
 यो रातहव्योऽवृकाय धार्यसे कीरेश्चिन् मन्त्रं मनसा वनोषि तम् १३  
 त्वमग्न उरुशंसाय वाघतै स्पार्ह यद् रेक्णाः परमं वनोषि तत् ।  
 आध्रस्य चित् प्रमतिरुच्यसे पिता प्र पाकं शास्सि प्र दिशो विदुष्टरः १४  
 त्वमग्ने प्रयतदक्षिणं नरं वमैव स्यूतं परि पासि विश्वतः ।  
 स्वादुक्ष्मा यो वसतौ स्योनृकृज् जीवयाजं यजते सोपमा दिवः १५  
 इमामग्ने शरणि मीमृषो न इममध्वानं यमगाम दूरात् ।  
 आपिः पिता प्रमतिः सोम्यानां भूमिरस्यृषिकृन् मर्त्यानाम् १६  
 मनुष्वदग्ने अङ्गिरस्वदङ्गिरो ययातिवत् सदेने पूर्ववच्छुचे ।  
 अच्छ याह्या वह्ना दैव्यं जन् मा सादय बर्हिषि यक्षि च प्रियम् १७  
 एतेनाग्ने ब्रह्मणा वावृधस्व शक्तीं वा यत् तै चकृमा विदा वा ।  
 उत प्र गैष्यभि वस्यो अस्मान् त्सं नः सृज सुमत्या वाजवत्या १८

(३२) द्वात्रिंशं सूक्तम्

(१-१५) पञ्चदशर्चस्यास्य सूक्तस्याङ्गिरसो हिरण्यस्तूप ऋषिः । इन्द्रो देवता ।

त्रिष्टुप् छन्दः

इन्द्रस्य नु वीर्याणि प्र वोचं यानि चकार प्रथमानि वृज्री ।  
 अहन्नहिमन्वपस्तर्द प्र वृक्षणा अभिनत् पर्वतानाम् १  
 अहन्नहिं पर्वते शिश्रियाणं त्वष्टास्मै वज्रं स्वर्यं ततक्ष ।  
 वाश्रा इव धेनवः स्यन्दमाना अज्जः समुद्रमव जग्मुरापः २  
 वृषायमाणोऽवृणीत् सोमं त्रिकद्रुकेष्वपिबत् सुतस्य ।  
 आ सायकं मघवादत्त वज्रं महन्नेनं प्रथमजामहीनाम् ३  
 यदिन्द्राहन् पथमजामहीना मान्मायिनाममिनाः प्रोत मायाः ।  
 आत् सूर्यं जनयन् द्यामुषासं तादीत्वा शत्रुं न किला विवित्से ४  
 अहन् वृत्रं वृत्रतरं व्यस मिन्द्रो वज्रेण महता वृधेन ।  
 स्कन्धासीव कुलिशेना विवृक्णाऽहिः शयत उपपृक् पृथिव्याः ५  
 अयोद्धेव दुर्मद आ हि जुह्वे महावीरं तुविबाधमृजीषम् ।

नातारीदस्य समृतिं वृधानां सं रुजानां पिपिषु इन्द्रशत्रुः ६  
 अपादहस्तो अपृतन्यदिन्द्र मास्य वज्रमधि सानौ जघान ।  
 वृष्णो वधिः प्रतिमानं बुभूषन् पुरुत्रा वृत्रो अशयद् व्यस्तः ७  
 नुदं न भिन्नममुया शयानं मनो रुहाणा अति युन्त्यापः ।  
 याश्चिद् वृत्रो मेहिना पर्यतिष्ठत् तासामहिः पत्सुतः शीर्बभूव ८  
 नीचावया अभवद् वृत्रपुत्रेन्द्रौ अस्या अव वर्धर्जभार ।  
 उत्तरा सूरधरः पुत्र आसीद् दानुः शये सहवत्सा न धेनुः ९  
 अतिष्ठन्तीनामनिवेशनानां काष्ठानां मध्ये निहितं शरीरम् ।  
 वृत्रस्य निशयं वि चरन्त्यापौ दीर्घं तम् आशयदिन्द्रशत्रुः १०  
 दासपत्नीरहिगोपा अतिष्ठन् निरुद्धा आपः पुणिनैव गावः ।  
 अपां बिलमपिहितं यदासीद् वृत्रं जघन्वाँ अप तद् ववार ११  
 अश्वयो वारौ अभवस्तदिन्द्र सृके यत् त्वा प्रत्यहन् देव एकः ।  
 अजयो गा अजयः शूर सोम मवासृजः सर्तवे सप्त सिन्धून् १२  
 नास्मै विद्युन्न तन्यतुः सिषेध न यां मिहमकिरद् धादुनि च ।  
 इन्द्रश्च यद् युयुधाते अहिश्चो तापरीभ्यो मघवा वि जिग्ये १३  
 अहैर्यातारं कर्मपश्य इन्द्र हृदि यत् ते जघ्नुषो भीरगच्छत् ।  
 नव च यन् नवतिं च सर्वन्तीः श्येनो न भीतो अतरो रजांसि १४  
 इन्द्रो यातोऽवसितस्य राजा शर्मस्य च शृङ्गिणो वज्रबाहुः ।  
 सेदु राजा क्षयति चर्षणीना मुरान् न नेमिः परि ता बभूव १५  
 इति प्रथमाष्टके द्वितीयोऽध्यायः ।

तृतीयोऽध्यायः ३

। व० १-३५ ।

(३३) त्रयस्त्रिंशं सूक्तम्

(१-१५) पञ्चदशर्चस्यास्य सूक्तस्याङ्गिरसो हिरण्यस्तूप ऋषिः । इन्द्रो देवता ।

त्रिष्टुप् छन्दः

एतायामोप गव्यन्त इन्द्रमस्माकं सु प्रमतिं वावृधाति ।  
 अनामृणः कुविदादस्य रायो गवां केतुं परमावर्जते नः १  
 उपेदहं धनदामप्रतीतं जुष्टां न श्येनो वसतिं पतामि ।  
 इन्द्रं नमस्यन्नुपमेभिरकै र्यः स्तोतृभ्यो हव्यो अस्ति यामन् २

नि सर्वसेन इषुर्धोरैसक्तु समर्यो गा अजति यस्य वष्टि ।  
चोष्कूयमाण इन्द्र भूरि वामं मा पुणिभूरस्मदधि प्रवृद्ध ३  
वधीर्हि दस्यु धनिर्न घनेन एकश्चरन्नुपशाकेभिरिन्द्र ।  
धनोरधि विषुणक् ते व्यायुन्नयज्वानः सनुकाः प्रेतिमीयुः ४  
परा चिच्छीर्षा ववृजुस्त इन्द्राऽयज्वानो यज्वभिः स्पर्धमानाः ।  
प्र यद् दिवो हरिवः स्थातरुग्र निरवृतां अधमो रोदस्योः ५  
अयुयुत्सन्नवद्यस्य सेनामयातयन्त क्षितयो नवगवाः ।  
वृषायुधो न वधयो निरेष्टाः प्रवद्भिरिन्द्राश्चितयन्त आयन् ६  
त्वमेतान् रुदतो जक्षतश्चा योधयो रजस इन्द्र पारे ।  
अवादहो दिव आ दस्युमुच्चा प्र सुन्वतः स्तुवतः शंसमावः ७  
चक्राणासः परीणहं पृथिव्या हिरण्येन मणिना शुम्भमानाः ।  
न हिन्वानासस्तिरुस्त इन्द्रं परि स्पशौ अदधात् सूर्येण ८  
परि यदिन्द्र रोदसी उभे अबुभोजीर्महिना विश्वतः सीम् ।  
अमन्यमानां अभि मन्यमानैर्निर्ब्रह्मभिरधमो दस्युमिन्द्र ९  
न ये दिवः पृथिव्या अन्तमापुर्न मायाभिर्धनदां पर्यभूवन् ।  
युजं वज्रं वृषभश्चक्र इन्द्रो निज्योतिषा तमसो गा अदुक्षत् १०  
अनु स्वधामक्षरन्नापो अस्याऽवर्धत मध्य आ नाव्यानाम् ।  
सध्रीचीनैर्न मनसा तमिन्द्र ओजिष्ठेन हन्मनाहन्नभि द्यून् ११  
न्याविध्यदिलीबिशस्य दृहळा वि शृङ्गिणमभिनच्छुष्मिन्द्रः ।  
यावत्तरौ मघवन् यावदोजो वज्रेण शत्रुमवधीः पृतन्युम् १२  
अभि सिध्मो अजिगादस्य शत्रून् वि तिग्मेन वृषभेणा पुरोऽभेत् ।  
सं वज्रेणासृजद् वृत्रमिन्द्रः प्र स्वां मतिमतिरच्छाशदानः १३  
आवः कुत्समिन्द्र यस्मिञ्चाकन् पावो युध्यन्तं वृषभं दशद्युम् ।  
शफच्युतो रेणुर्नक्षत् द्या मुच्छवैत्रेयो नृषाह्याय तस्थौ १४  
आवः शर्म वृषभं तुर्ग्यासु क्षेत्रजेषे मघवञ्छवित्र्यं गाम् ।  
ज्योक् चिदत्र तस्थिवांसौ अक्रञ्छत्रूयतामधरा वेदनाकः १५

(३४) चतुस्त्रिंशं सूक्तम्

(१-१२) द्वादशर्चस्यास्य सूक्तस्याङ्गिरसो हिरण्यस्तूप ऋषिः । अश्विनौ देवते ।

(१-८, १०-११) प्रथमाद्यष्टर्चा दशम्येकादश्योश्च जगती (९, १२) नवमीद्वादश्योश्च

## त्रिष्टुप् छन्दसी

त्रि॒श्विन् नो अ॒द्या भ॑वतं नवेदसा वि॒भुर्वा॑ याम॒ उत रा॒तिर॑श्विना ।  
 यु॒वोर्हि यु॒न्त्रं हि॒म्येव॒ वास॑सोऽभ्यायु॒सेन्या॑ भवतं मनी॒षिभिः॑ १  
 त्रयः॑ पु॒वयौ मधु॑वाह॒ने रथे॑ सोम॒स्य वे॒नामनु॑ वि॒श्व इद॑ वि॒दुः ।  
 त्रयः॑ स्क्र॒म्भासः॑ स्क्र॒भिता॑स आ॒रभे॑ त्रि॒र्नक्तं॑ या॒थस्त्रि॑र्व॒श्विना॒ दिवा॑ २  
 स॒मा॒ने अ॒हन् त्रि॑र॒वद्य॑गोह॒ना त्रि॒द्य य॒ज्ञं मधु॑ना मिमि॒क्षतम्॑ ।  
 त्रि॒र्वाज॑वती॒रिषौ॑ अ॒श्विना यु॒वं दो॑षा अ॒स्मभ्य॑मुष॒सश्च पि॒न्वतम्॑ ३  
 त्रि॒र्व॒र्तिर्या॑तुं त्रि॒रनु॑व्रते ज॒ने त्रिः सु॑प्रा॒व्यै त्रे॒धेर्व॑ शि॒क्षतम्॑ ।  
 त्रि॒र्ना॒न्धं व॑हतम॒श्विना यु॒वं त्रिः पृ॒क्षौ अ॒स्मे अ॒क्षरै॑व पि॒न्वतम्॑ ४  
 त्रि॒र्नो र॒यिं व॑हतम॒श्विना यु॒वं त्रि॒र्दे॒वता॑ता त्रि॒रुता॑व॒तुं धि॒यः ।  
 त्रिः सौ॑भ॒गत्वं त्रि॒रुत॑ श्रवो॒सि नस् त्रि॒ष्टं वा॑ सूरै॒ दुहि॑ता रु॒हद् रथ॑म् ५  
 त्रि॒र्नो अ॒श्विना दि॒व्यानि॑ भे॒षजा॑ त्रिः पा॒र्थि॒वानि॑ त्रि॒रु दत्त॑मु॒द्भ्यः॑ ।  
 ओ॒मानं॑ श॒न्योर्म॑म॒काय॑ सू॒नवै त्रि॒धातु॑ शर्म॒ वहतं॑ शु॒भस्प॑ती ६  
 त्रि॒र्नो अ॒श्विना य॒ज॒ता दि॒वेदि॑वे॒ परि॑ त्रि॒धातु॑ पृ॒थि॒वीर्म॑शाय॒तम् ।  
 ति॒स्रो ना॑स॒त्या रथ्या॑ प॒राव॑त आ॒त्मेव॑ वा॒तः स्व॑स॒राणि ग॑च्छ॒तम् ७  
 त्रि॒र॒श्विना॒ सिन्धु॑भिः स॒प्तमा॑तृ॒भिस् त्रय॑ आ॒हावा॑स्त्रे॒धा ह॒विष्कृ॑तम् ।  
 ति॒स्रः पृ॒थि॒वीरु॑परि॒ प्र॒वा दि॒वो ना॑कं र॒क्षेथे॑ द्यु॒भिर्र॒क्तुभि॑र्हितम् ८  
 क्व॒श् त्री॑ च॒क्रा त्रि॒वृ॒तो रथ॑स्य॒ क्व॒श् त्रयौ॑ व॒न्धुरो॑ ये स॒नीळाः॑ ।  
 क॒दा यो॒गौ वा॒जिनो॑ रा॒सभ॑स्य॒ येन॑ य॒ज्ञं ना॑स॒त्योप॑याथः ९  
 आ ना॑स॒त्या ग॑च्छ॒तं हू॒यतै॑ ह॒वि र्म॒ध्वः पि॒बतं॑ मधु॒पेभि॑रा॒सभिः॑ ।  
 यु॒वोर्हि पू॒र्वं स॒वि॒तोष॑सो रथ॒मृता॑य॒ चि॒त्रं घृ॒तव॑न्त॒मिष्य॑ति १०  
 आ ना॑स॒त्या त्रि॒भिरे॑काद॒शैरि॒ह दे॒वेभि॑र्या॒तं मधु॑पे॒यम॑श्विना ।  
 प्रा॒युस्ता॑रि॒ष्टं नी॑ र॒पांसि॑ मृ॒क्षतं॑ से॒धतं॑ द्वे॒षो भ॑व॒तं स॒चा॒भुवा॑ ११  
 आ नो॑ अ॒श्विना त्रि॒वृ॒ता रथे॑ना॒ऽर्वाञ्च॑ र॒यिं व॑हतं सु॒वीर॑म् ।  
 शृ॒णव॑न्ता॒ वाम॑व॒से जो॒हवी॑मि वृ॒धे च॑ नो भव॒तुं वा॑ज॒सातौ॑ १२

## (३५) पञ्चत्रिंशं सूक्तम्

(१-११) एकादशर्चस्यास्य सूक्तस्याङ्गिरसो हिरण्यस्तूप ऋषिः । (१) प्रथमर्चः  
 (पादक्रमेण) अग्निर्मित्रावरुणौ रात्रिः सविता च (२-११) द्वितीयादिदशानाञ्च  
 सविता देवताः । (१, ६) प्रथमानवम्योर्ऋचोर्जगती (२-८, १०-११)



द्वितीयादिसप्तानां दशम्येकादश्योश्च त्रिष्टुप् छन्दसी  
हवाम्यग्निं प्रथमं स्वस्तये हवामि मित्रावरुणाविहार्वसे ।  
हवामि रात्रीं जगतो निवेशनीं हवामि देवं सवितारमृतये १  
आ कृष्णेन रजसा वर्तमानो निवेशयन्नमृतं मर्त्यं च ।  
हिरण्ययेन सविता रथेनाऽऽदेवो याति भुवनानि पश्यन् २  
याति देवः प्रवता यात्युद्धता याति शम्भ्राभ्यां यजतो हरिभ्याम् ।  
आ देवो याति सविता परावतोऽपु विश्वा दुरिता बाधमानः ३  
अभीवृतं कशनैर्विश्वरूपं हिरण्यशम्यं यजतो बृहन्तम् ।  
आस्थाद् रथं सविता चित्रभानुः कृष्णा रजांसि तविर्षीं दधानः ४  
वि जनाञ्छयावाः शितिपादो अख्यन् रथं हिरण्यप्रउगं वहन्तः ।  
शश्वद् विशः सवितुर्दैव्यस्यो पस्थे विश्वा भुवनानि तस्थुः ५  
तिस्रो द्यावः सवितुर्द्वा उपस्थाँ एका यमस्य भुवने विराषाद् ।  
आणिं न रथ्यममृताधिं तस्थु रिह ब्रवीतु य उ तच्चिकेतत् ६  
वि सुपर्णो अन्तरिक्षाय ख्यद् गभीरवैपा असुरः सुनीथः ।  
क्वेऽदानीं सूर्यः कश्चिकेत कतुमां द्यां रश्मिरस्या ततान ७  
अष्टौ व्यख्यत् कुकुभः पृथिव्यास् त्री धन्व योजना सप्त सिन्धून् ।  
हिरण्यक्षः सविता देव आगाद् दधद्रता दाशुषे वार्याणि ८  
हिरण्यपाणिः सविता विचर्षणि रुभे द्यावापृथिवी अन्तरीयते ।  
अपामीवां बाधते वेति सूर्य मभि कृष्णेन रजसा द्यामृणोति ९  
हिरण्यहस्तो असुरः सुनीथः सुमृळीकः स्ववाँ यात्वर्वाङ् ।  
अपसेधन् रक्षसो यातुधाना नस्थाद् देवः प्रतिदोषं गृणानः १०  
ये ते पन्थाः सवितः पूर्व्यासोऽरेणवः सुकृता अन्तरिक्षे ।  
तेभिर्नो अद्य पृथिभिः सुगेभी रक्षा च नो अधि च ब्रूहि देव ११  
अष्टमोऽनुवाकः ८  
। सू० ३६-४३ ।

(३६) षट्त्रिंशं सूक्तम्

(१-२०) विंशत्यृचस्यास्य सूक्तस्य घौरः कण्व ऋषिः । (१-२०)

प्रथमादिविंशत्यृचामग्निः (१३-१४) त्रयोदशीचतुर्दश्योर्यूपो वा देवता । प्रगाथः

(विषमर्चा बृहती, समर्चा सतोबृहती) छन्दः

प्र वो य॒हं पु॒रू॒णां वि॒शां दै॒वय॒तीना॑म् ।  
 अ॒ग्निं सू॒क्तेभि॒र्वचो॑भिरीमहे यं सी॒मिद॒न्य ई॒ळते १  
 जना॑सो अ॒ग्निं द॑धिरे स॒होवृ॑धं ह॒विष्म॑न्तो विधेम ते ।  
 स त्वं नो अ॒द्य सु॒मना॑ इहावि॒ता भ॒वा वा॒जेषु॑ सन्त्य २  
 प्र त्वा॑ दू॒तं वृ॒णीम॑हे हो॒तारं॑ वि॒श्ववै॑दसम् ।  
 मु॒हस्तै॑ स॒तो वि च॑रन्त्यर्च॒यौ दि॒वि स्पृ॑शन्ति भ॒ानवः॑ ३  
 दे॒वास॑स्त्वा वरु॒णो मि॒त्रो अ॒र्य॒मा सं दू॒तं प्र॒बमि॑न्धते ।  
 वि॒श्वं सो अ॒ग्ने ज॑यति॒ त्वया॑ ध॒नं यस्तै॑ द॒दाश॑ म॒र्त्यः ४  
 मु॒न्द्रो हो॒ता गृ॒हप॑ति॒ रग्ने॑ दू॒तो वि॒शाम॑सि ।  
 त्वे वि॒श्वा संग॑तानि वृ॒ता ध्रु॒वा या॒नि दे॒वा अ॒कृ॒णव॑त ५  
 त्वे इ॒दग्ने॑ सु॒भगे॑ यविष्ठ॒य वि॒श्वमा॑ हू॒यते॑ ह॒विः ।  
 स त्वं नो अ॒द्य सु॒मना॑ उ॒ताप॑रं य॒क्षि दे॒वान्त्सु॒वीर्या॑ ६  
 तं घै॒मि॒त्था न॑म॒स्विन् उ॒प स्व॒राज॑मासते ।  
 हो॒त्राभि॒र॒ग्निं म॑नु॒षः स॑मिन्धते ति॒तिर्वा॑सो अ॒ति स्त्रि॑धः ७  
 घ्नन्तो॑ वृ॒त्रम॑त॒रन् रो॑द॒सी अ॒प उ॒रु क्ष॑याय च॒क्रिरे॑ ।  
 भु॒वत् क॑ण॒वे वृ॑षा॒ द्यु॒म॒त्राह॑तः क्र॒न्दद॑श्चो ग॒र्विष्टि॑षु ८  
 सं सी॑दस्व मु॒हाँ अ॒सि शो॑च॒स्व दे॒व॒वी॒त॒मः ।  
 वि धू॒मम॑ग्ने अ॒रुषं॑ मि॒ये॒ध्य सृ॒ज प्र॑शस्त दर्श॒तम् ९  
 यं त्वा॑ दे॒वासो॑ म॒नवे॑ द॒धुरि॑ह यजिष्ठं ह॒व्यवा॑हन ।  
 यं क॑ण॒वो मे॒ध्याति॑थि॒र्धन॑स्पृ॒तं यं वृ॑षा॒ यमु॑पस्तुतः १०  
 यम॒ग्निं मे॒ध्याति॑थिः क॑ण॒व ई॒ध अ॒ता॒दधि॑ ।  
 तस्य॑ प्रेषो॑ दी॒दियु॑स्तमि॒मा ऋ॑चस् तम॒ग्निं व॑र्धयामसि ११  
 रा॒यस्पृ॑र्धि॒ स्वधा॒वोऽस्ति॒ हि तेऽग्ने॑ दे॒वेष्व॑प्यम् ।  
 त्वं वा॒जस्य॑ श्रु॒त्यस्य॑ रा॒जसि॑ स नो मृ॒ळ मु॒हाँ अ॒सि १२  
 ऊ॒र्ध्व ऊ॒ षु णी॑ ऊ॒तये॑ तिष्ठा॒ दे॒वो न स॑वि॒ता ।  
 ऊ॒र्ध्वो वा॒जस्य॑ स॒नि॒ता य॑द॒ञ्जिभि॑र्वा॒घद्भि॑र्वि॒ह्वया॑महे १३  
 ऊ॒र्ध्वो नः॑ पा॒ह्यंह॑सो नि॒ के॒तुना॑ वि॒श्वं स॑म॒त्रिण॑ दह ।  
 कृ॒धी न॑ ऊ॒र्ध्वाञ्च॒रथा॑य जी॒वसे॑ वि॒दा दे॒वेषु॑ नो दु॒र्वः १४  
 पा॒हि नो॑ अ॒ग्ने र॒क्षसः॑ पा॒हि धूर्ते॑र॒राव्णः॑ ।  
 पा॒हि री॑ष॒त उ॒त वा॑ जि॒घांस॑तो बृ॒हद्भानो॑ यविष्ठ॒य १५

घनेव विष्वग्वि जह्यराव्णस् तपुर्जम्भ यो अस्मधुक् ।  
यो मर्त्यः शिशीते अत्यक्तुभिर्मा नः स रिपुरीशत १६  
अग्निर्वन्ने सुवीर्यं मग्निः करवायु सौभगम् ।  
अग्निः प्रावन् मित्रोत मेध्यातिथि मग्निः साता उपस्तुतम् १७  
अग्निना तुर्वशं यदु परावत उग्रादेवं हवामहे ।  
अग्निर्नयन्नववास्त्वं बृहद्रथं तुर्वीति दस्यवे सहः १८  
नि त्वामग्ने मनुर्दधे ज्योतिर्जनाय शश्वते ।  
दीदेथ करव ऋतजात उक्षितो यं नमस्यन्ति कृष्टयः १९  
त्वेषासौ अग्नेरमवन्तो अर्चयौ भीमासो न प्रतीतये ।  
रक्षस्विनः सदमिद् यातुमावतो विश्वं समन्त्रिणं दह २०

(३७) सप्तत्रिंशं सूक्तम्

(१-१५) पञ्चदशर्चस्यास्य सूक्तस्य घौरः करव ऋषिः । मरुतो देवताः ।

गायत्री छन्दः

क्रीळं वः शर्धो मारुत मनुर्वाणं रथेशुभम् । करवा अभि प्र गायत १  
ये पृषतीभिर्ऋष्टिभिः साकं वाशीभिरञ्जिभिः । अजायन्त स्वभानवः २  
इहेव शृणव एषां कशा हस्तैषु यद् वदान् । नि यामश्चित्रमृञ्जते ३  
प्र वः शर्धाय घृष्वये त्वेषद्युम्नाय शुष्मिणै । देवत्तं ब्रह्म गायत ४  
प्र शसा गोष्वघ्नयं क्रीळं यच्छर्धो मारुतम् । जम्भे रसस्य वावृधे ५  
को वो वर्षिष्ठ आ नरो दिवश्च गमश्च धूतयः । यत् सीमन्तं न धूनुथ ६  
नि वो यामाय मानुषो दध्र उग्राय मन्यवे । जिहीत पर्वतो गिरिः ७  
येषामज्मैषु पृथिवी जुजुवाँ इव विश्पतिः । भिया यामैषु रेजते ८  
स्थिरं हि जानमेषां वयौ मातुर्निरतवे । यत् सीमनु द्विता शवः ९  
उदु त्ये सूनवो गिरः काष्ठा अज्मैष्वत्त । वाश्रा अभिजु यातवे १०  
त्यं चिद् घा दीर्घं पृथुं मिहो नपातममृधम् । प्र च्यावयन्ति यामभिः ११  
मरुतो यद्ध वो बलं जनाँ अचुच्यवीतन । गिरीरचुच्यवीतन १२  
यद्ध यान्ति मरुतः सं ह ब्रुवतेऽध्वन्ना । शृणोति कश्चिदेषाम् १३  
प्र यातु शीर्भमाशुभिः सन्ति करवैषु वो दुर्वः । तत्रो षु मादयाध्वै १४  
अस्ति हि ष्मा मदाय वः स्मसिं ष्मा वयमेषाम् । विश्वं चिदायुर्जीवसै १५

## (३८) अष्टात्रिंशं सूक्तम्

(१-१५) पञ्चदशर्चस्यास्य सूक्तस्य घौरः कण्व ऋषिः । मरुतो देवताः ।

गायत्री छन्दः

कद्ध नूनं कंधप्रियः पिता पुत्रं न हस्तयोः । दधिध्वे वृक्तबर्हिषः १  
 क्व नूनं कद् वो अर्थं गन्तां दिवो न पृथिव्याः । क्व वो गावो न रणयन्ति २  
 क्व वः सुम्ना नव्यांसि मरुतः क्व सुविता । क्वोऽं विश्वानि सौभगा ३  
 यद् यूयं पृश्निमातरो मर्तासुः स्यातन । स्तोता वो अमृतः स्यात् ४  
 मा वो मृगो न यवसे जरिता भूदजौष्यः । पृथा यमस्य गादुप ५  
 मो षु गः परापरा निर्मृतिर्दुर्हणा वधीत् । पृदीष्ट तृष्णाया सह ६  
 सत्यं त्वेषा अमवन्तो धन्वञ्चिदा रुद्रियांसः । मिह कण्वन्त्यवाताम् ७  
 वाश्रेव विद्युन्मिमाति वृत्सं न माता सिषक्ति । यदैषां वृष्टिरसर्जि ८  
 दिवा चित् तमः कण्वन्ति पर्जन्यै नोदवाहेन । यत्पृथिवी व्युन्दन्ति ९  
 अर्धं स्वनान्मरुतां विश्वमा सद्य पार्थिवम् । अरैजन्त प्र मानुषाः १०  
 मरुतो वीळुपाणिभिश् चित्रा रोधस्वतीरनु । यातेमखिन्द्रयामभिः ११  
 स्थिरा वः सन्तु नेमयो रथा अश्वास एषाम् । सुसंस्कृता अभीशवः १२  
 अच्छा वदा तना गिरा जरायै ब्रह्मणस्पतिम् । अग्निं मित्रं न दर्शतम् १३  
 मिमीहि श्लोकमास्यै पर्जन्य इव ततनः । गाय गायत्रमुक्थ्यम् १४  
 वन्दस्व मारुतं गुणं त्वेषं पनस्युमर्किणम् । अस्मे वृद्धा असन्निह १५

## (३९) एकोनचत्वारिंशं सूक्तम्

(१-१०) दशर्चस्यास्य सूक्तस्य घौरः कण्वः ऋषिः । मरुतो देवताः । प्रगाथः

(विषमर्चा बृहती, समर्चा सतोबृहती) छन्दः

प्र यदित्था परावतः शोचिर्न मानुमस्यथ ।  
 कस्य क्रत्वा मरुतः कस्य वर्षसा कं याथ कं ह धूतयः १  
 स्थिरा वः सन्त्वायुधा पराणुदै वीळू उत प्रतिष्कभै ।  
 युष्माकमस्तु तविषी पनीयसी मा मर्त्यस्य मायिनः २  
 परा ह यत् स्थिरं हथ नरो वर्तयथा गुरु ।  
 वि याथन वनिनः पृथिव्या व्याशाः पर्वतानाम् ३  
 नहि वः शत्रुर्विविदे अधि द्यवि न भूम्या रिशादसः ।  
 युष्माकमस्तु तविषी तना युजा रुद्रासो नू चिदाधृषै ४

प्र वैपयन्ति पर्वतान् वि विञ्चन्ति वनस्पतीन् ।  
 प्रो आरत मरुतो दुर्मदा इव देवासः सर्वया विशा ५  
 उपो रथेषु पृषतीरयुग्ध्वं प्रष्टिर्वहति रोहितः ।  
 आ वो यामाय पृथिवी चिदश्रो दबीभयन्त मानुषाः ६  
 आ वो मद्भू तनाय कं रुद्रा अवो वृणीमहे ।  
 गन्ता नूनं नोऽवसा यथा पुरे तथा कणवाय बिभ्युषे ७  
 युष्मेर्षितो मरुतो मर्त्यैषितु आ यो नो अभ्व ईषते ।  
 वि तं युयोतु शर्वसा व्योजसा वि युष्माकाभिरूतिभिः ८  
 असामि हि प्रयज्यवः कणवं दद प्रचेतसः ।  
 असामिभिर्मरुत आ न ऊतिभिर्गन्ता वृष्टिं न विद्युतः ९  
 असाम्योजौ बिभृथा सुदानवोऽसमि धूतयः शर्वः ।  
 ऋषिद्विषे मरुतः परिमन्यव इषुं न सृजत द्विषम् १०

(४०) चत्वारिंशं सूक्तम्

(१-८) अष्टर्चस्यास्य सूक्तस्य घौरः कणव ऋषिः । ब्रह्मणस्पतिर्देवता । प्रगाथः

(विषमर्चा बृहती, समर्चा सतोबृहती) छन्दः

उत्तिष्ठ ब्रह्मणस्पते देवयन्तस्त्वेमहे ।  
 उप प्र यन्तु मरुतः सुदानव इन्द्र प्राशूर्भवा सचा १  
 त्वामिद्धि सहसस्पुत्र मर्त्य उपब्रूते धनै हिते ।  
 सुवीर्यं मरुत आ स्वश्वयं दधीतु यो व आचके २  
 प्रेतु ब्रह्मणस्पतिः प्र देव्येतु सूनृता ।  
 अच्छा वीरं नर्यं पङ्क्तिराधसं देवा यज्ञं नयन्तु नः ३  
 यो वाघते ददाति सूनरं वसु स धत्ते अक्षिति श्रवः ।  
 तस्मा इळां सुवीरामा यजामहे सुप्रतूर्तिमनेहसम् ४  
 प्र नूनं ब्रह्मणस्पति मन्त्रं वदत्युक्थ्यम् ।  
 यस्मिन्निन्द्रो वरुणो मित्रो अर्यमा देवा ओकांसि चक्रिरे ५  
 तमिद् वोचेमा विदथेषु शंभुवं मन्त्रं देवा अनेहसम् ।  
 इमां च वाचं प्रतिहर्यथा नरो विश्वेद् वामा वो अश्नवत् ६  
 को देवयन्तमश्नवज् जनं को वृक्तबर्हिषम् ।  
 प्रप्र दाश्वान् पुस्त्याभिरस्थिताऽन्तर्वावत् क्षयं दधे ७

उपे॒ क्षत्रं॑ पृ॒ञ्चीत॑ हन्ति॒ राज॑भि॒र्भूये॑ चि॒त् सु॒क्षितिं॑ द॒धे ।  
नास्य॑ वृ॒र्ता न ते॒रुता॑ म॒हाध॒ने नाभै॑ अ॒स्ति वृ॒ज्जिणः॑ ८

(४१) एकचत्वारिंशं सूक्तम्

(१-६) नवर्चस्यास्य सूक्तस्य घौरः कण्व ऋषिः । (१-३, ७-६)

प्रथमान्तिमृतचयोर्वरुणमित्रार्यमणः (४-६) द्वितीयतृचस्य चादित्या देवताः ।

गायत्री छन्दः

यं रक्ष॑न्ति प्रचै॒तसो॑ वरु॒णो मि॒त्रो अ॒र्यमा॑ । नू चि॒त् स द॑भ्यते॒ जनः॑ १  
यं ब्रा॒ह्मैव॑ पि॒प्रति॑ पा॒न्ति म॒र्त्यं रि॒षः । अ॒रि॒ष्टः सर्व॑ ए॒धते॑ २  
वि दु॒र्गा वि द्वि॒षः पु॒रो घ्न॑न्ति॒ राजा॑न ए॒षाम् । नय॑न्ति॒ दुरि॑ता॒ तिरः॑ ३  
सु॒गः पन्था॑ अ॒नृक्ष॑र आ॒दित्या॑स अ॒तं य॑ते । नात्रा॑वखा॒दो अ॒स्ति वः॑ ४  
यं य॒ज्ञं नय॑था न॒र आ॒दित्या॑ अ॒जुना॑ प॒था । प्र वः॑ स धी॒तये॑ नशत् ५  
स रत्नं॑ म॒र्त्यो वसु॑ विश्वं॒ तोक॑मु॒त त्मना॑ । अ॒च्छा ग॒च्छत्य॑स्तृ॒तः ६  
क॒था रा॑धाम सखा॒यः स्तोमं॑ मि॒त्रस्या॑र्य॒मणः । म॒हि प्स॑रो वरु॒णस्य॑ ७  
मा वो॑ घ्नन्तं॒ मा श॑र्पन्तं॒ प्रति॑ वो॒चे दे॒वय॑न्तम् । सु॒मैरि॑द् व॒ आ वि॑वासे ८  
च॒तुर॑श्चि॒द् द॑द॒माना॑द् बिभी॒यादा॑ निधा॒तोः । न दु॑रु॒क्ताय॑ स्पृहयेत् ९

(४२) द्विचत्वारिंशं सूक्तम्

(१-१०) दशर्चस्यास्य सूक्तस्य घौरः कण्व ऋषिः । पूषा देवता । गायत्री छन्दः  
सं पू॒षन्न॑ध्व॒नस्ति॒र व्य॑हो॒ विमु॑चो नपात् । स॒द्ध्वा दे॒व प्र ण॑स्पु॒रः १  
यो नः॑ पू॒षन्न॑धो वृ॒कौ दुः॒शेव॑ आ॒दिदै॑शति । अप॑ स्म॒ तं प॒थो ज॑हि २  
अप॒ त्यं प॑रि॒पन्थि॑नं॒ मुषी॑वा॒णं हु॑रश्चि॒तम् । दू॒रम॑धि॒ स्तुते॑र॒ज ३  
त्वं तस्य॑ द्वा॒यावि॑नोऽघ॒शस॑स्य॒ कस्य॑ चि॒त् । पु॒दाभि॑ तिष्ठ॒ तपु॑षिम् ४  
आ तत् तै॑ द॒स्र म॑न्तु॒मः पू॒षन्न॑वो वृ॒णीम॑हे । येन॑ पि॒तृन॑चो॒दयः॑ ५  
अ॒र्धा नो॑ वि॒श्वसौ॑भ॒गु हि॑र॒ण्यवा॑शीम॒त्तम॑ । ध॒नानि॑ सु॒षणा॑ कृ॒धि ६  
अ॒ति नः॑ स॒श्वतो॑ नय सु॒गा नः॑ सु॒पथा॑ कृ॒णु । पू॒षन्नि॑ह॒ क्रतुं॑ वि॒दः ७  
अ॒भि सू॒यव॑सं नय॒ न न॑व॒ज्वा॒रो अ॒ध्वने॑ । पू॒षन्नि॑ह॒ क्रतुं॑ वि॒दः ८  
श॒ग्धि पू॒र्धि प्र य॑सि च शि॒शीहि॑ प्रा॒स्युद॑रम् । पू॒षन्नि॑ह॒ क्रतुं॑ वि॒दः ९  
न पू॒षणं॑ मे॒थाम॑सि सू॒क्तैर॑भि गृ॒णीम॑सि । व॒सूनि॑ द॒स्ममी॑महे १०

(४३) त्रिचत्वारिंशं सूक्तम्

(१-६) नवर्चस्यास्य सूक्तस्य घौरः कणव ऋषिः । (१-२, ४-६)

प्रथमाद्वितीययोर्ऋचोश्चतुर्थ्यादितृचस्य च रुद्रः (३) तृतीयाया रुद्रो मित्रावरुणौ च  
(७-९) सप्तम्यादितृचस्य च सोमो देवताः । (१-८) प्रथमाद्यष्टर्चा गायत्री (९)

नवम्याश्चानुष्टुप् छन्दसी

कद् रुद्राय प्रचेतसे मीहुष्टमाय तव्यसे । वोचेम शतमं हृदे १  
यथा नो अदितिः कर्त् पश्चे नृभ्यो यथा गवे । यथा तोकाय रुद्रियम् २  
यथा नो मित्रो वरुणो यथा रुद्रश्चिकेतति । यथा विश्वे सजोषसः ३  
गाथपतिं मेधपतिं रुद्रं जलाषभेषजम् । तच्छंयोः सुम्रमीमहे ४  
यः शक्र इव सूर्यो हिरण्यमिव रोचते । श्रेष्ठो देवानां वसुः ५  
शं नः कर्त्त्यवते सुगं मेषाय मेष्यै । नृभ्यो नारिभ्यो गवे ६  
अस्मे सोम श्रियमधि नि धैहि शतस्य नृणाम् । महि श्रवस्तुविनृणाम् ७  
मा नः सोमपरिबाधो मारातयो जुहुरन्त । आ न इन्द्रो वाजै भज ८  
यास्तै प्रजा अमृतस्य परस्मिन् धामनृतस्य ।  
मूर्धा नाभा सोम वेन आभूषन्तीः सोम वेदः ९  
नवमोऽनुवाकः ९  
। सू० ४४-५० ।

(४४) चतुश्चत्वारिंशं सूक्तम्

(१-१४) चतुर्दशर्चस्यास्य सूक्तस्य काणवः प्रकणव ऋषिः । (१-२)

प्रथमाद्वितीययोर्ऋचोरग्निरश्विनावुषाश्च (३-१४) तृतीयादिद्वादशानाञ्चाग्निर्देवताः ।

प्रगाथः (विषमर्चा बृहती, समर्चा सतोबृहती) छन्दः

अग्ने विवस्वदुषसश् चित्रं राधौ अमर्त्य ।  
आ दाशुषे जातवेदो वह्ना त्व मद्या देवाँ उषर्बुधः १  
जुष्टो हि दूतो असि हव्यवाहनोऽग्ने रथीरध्वराणाम् ।  
सजूरश्विभ्यामुषसा सुवीर्य मस्मे धैहि श्रवौ बृहत् २  
अद्या दूतं वृणीमहे वसुमग्निं पुरुप्रियम् ।  
धूमकैतुं भाऋजीकं व्युष्टिषु यज्ञानामध्वरश्रियम् ३  
श्रेष्ठं यविष्टमतिथिं स्वाहुतं जुष्टं जनाय दाशुषे ।  
देवाँ अच्छा यातवे जातवेदस मग्निमीळे व्युष्टिषु ४

स्तविष्यामि त्वामहं विश्वस्यामृत भोजन ।  
 अग्रे त्रातारममृतं मियेध्य यजिष्ठं हव्यवाहन ५  
 सुशंसौ बोधि गृणते यविष्ठ्य मधुजिह्वः स्वाहुतः ।  
 प्रस्कणवस्य प्रतिरन्नायुर्जीवसै नमस्या दैव्यं जनम् ६  
 होतारं विश्ववैदसं सं हि त्वा विश इन्धते ।  
 स आ वह पुरुहूत प्रचेतसोऽग्रे देवाँ इह द्रवत् ७  
 सवितारमुषसमश्विना भगं मग्निं व्युष्टिषु क्षपः ।  
 कण्वांसस्त्वा सुतसौमास इन्धते हव्यवाहं स्वध्वर ८  
 पतिह्यध्वराणां मग्ने दूतो विशामसि ।  
 उषर्बुध आ वह सोमपीतये देवाँ अद्य स्वर्दृशः ९  
 अग्रे पूर्वा अनुषसौ विभावसो दीदेथ विश्वदर्शतः ।  
 असि ग्रामैष्वविता पुरोहितोऽसि यज्ञेषु मानुषः १०  
 नि त्वा यज्ञस्य सार्धं न मग्ने होतारमृत्विजम् ।  
 मनुष्वद् दैव धीमहि प्रचेतसं जीरं दूतममर्त्यम् ११  
 यद् देवानां मित्रमहः पुरोहितोऽन्तरो यासि दूत्यम् ।  
 सिन्धौरिव प्रस्वनितास ऊर्मयोऽग्नेर्भ्राजन्ते अर्चयः १२  
 श्रुधि श्रुत्कर्ण वह्निभिर्देवैरग्ने सयार्वभिः ।  
 आ सीदन्तु बर्हिषि मित्रो अर्यमा प्रातर्यावाणो अध्वरम् १३  
 शृण्वन्तु स्तोमं मरुतः सुदानवोऽग्निजिह्वा ऋतावृधः ।  
 पिबन्तु सोमं वरुणो धृतव्रतोऽश्विभ्यामुषसा सजूः १४

(४५) पञ्चचत्वारिंशं सूक्तम्

(१-१०) दशर्चस्यास्य सूक्तस्य काण्वः प्रस्कणव ऋषिः । (१-९, १०)

प्रथमादिनवर्चा दशम्याः पूर्वार्धस्य चाग्निः (१०) दशम्या उत्तरार्धस्य च देवा

देवताः । अनुष्टुप् छन्दः

त्वमग्ने वसूरिह रुद्राँ आदित्याँ उत ।  
 यजा स्वध्वरं जनं मनुजातं घृतप्रुषम् १  
 श्रुष्टीवानो हि दाशुषै देवा अग्ने विचेतसः ।  
 तान् रोहिदश्च गिर्वणस् त्रयस्त्रिंशतुमा वह २  
 प्रियमेधवदत्रिवज् जातवेदो विरूपवत् ।



अङ्गिरस्वन्महिब्रत प्रस्कणवस्य श्रुधी हवम् ३  
महिकेरव ऊतये प्रियमैधा अहूषत ।  
राजन्तमध्वराणां मग्निं शक्रेण शोचिषा ४  
घृताहवन सन्त्येमा उषु श्रुधी गिरः ।  
याभिः कणवस्य सूनवो हवन्तेऽवसे त्वा ५  
त्वां चित्रश्रवस्तम् हवन्ते विक्षु जन्तवः ।  
शोचिषैकेशं पुरुप्रियाऽग्ने हव्याय वोहळवे ६  
नि त्वा होतारमृत्विजं दधिरे वसुवित्तमम् ।  
श्रुत्कर्णं सप्रथस्तमं विप्रां अग्ने दिविष्टिषु ७  
आ त्वा विप्रां अचुच्यवुः सुतसौमा अभि प्रयः ।  
बृहद् भा बिभ्रतो हवि रग्ने मर्ताय दाशुषे ८  
प्रातर्यावः सहस्कृत सोमपेयाय सन्त्य ।  
इहाद्य दैव्यं जनं बर्हिरा सादया वसो ९  
अर्वाञ्च दैव्यं जन मग्ने यद्व संहूतिभिः ।  
अयं सोमः सुदानवस् तं पात तिरो अह्वयम् १०

(४६) षट्चत्वारिंशं सूक्तम्

(१-१५) पञ्चदशर्चस्यास्य सूक्तस्य कारवः प्रस्कणव ऋषिः । अश्विनौ देवते ।

गायत्री छन्दः

एषो उषा अपूर्व्या व्युच्छति प्रिया दिवः । स्तुषे वामश्विना बृहत् १  
या दस्त्रा सिन्धुमातरा मनोतरा रयीणाम् । धिया देवा वसुविदा २  
वच्यन्ते वां ककुहासौ जूर्णायामधि विष्टपि । यद् वां रथो विभिष्यतात् ३  
हविषा जारो अपां पिपतिं पपुर्निरा । पिता कुटस्य चर्षणिः ४  
आदारो वां मतीनां नासत्या मतवचसा । पातं सोमस्य धृष्णुया ५  
या नः पीपरदश्विना ज्योतिष्मती तमस्तिरः । तामस्मे रासाथामिषम् ६  
आ नौ नावा मतीनां यातं पाराय गन्तवे । युञ्जाथामश्विना रथम् ७  
अरित्रं वां दिवस्पृथु तीर्थे सिन्धूनां रथः । धिया युयुज्ज इन्द्रवः ८  
दिवस्कणवास इन्द्रवो वसु सिन्धूनां पदे । स्वं वृत्रिं कुहं धित्सथः ९  
अभूदु भा उ अंशवे हिरण्यं प्रति सूर्यः । व्यख्यज्जिह्यासितः १०  
अभूदु पारमेतवे पन्थां ऋतस्य साधुया । अदर्शि वि स्तुतिर्दिवः ११

तत्तदिदृश्विनोरवौ जरिता प्रति भूषति । मदे सोमस्य पिप्रतोः १२  
 वावसाना विवस्वति सोमस्य पीत्या गिरा । मनुष्वच्छभू आ गतम् १३  
 युवोरुषा अनु श्रियं परिज्मनोरुपाचरत् । ऋता वनथो अक्तुभिः १४  
 उभा पिबतमश्विनो भा नः शर्म यच्छतम् । अविद्रियाभिरूतिभिः १५  
 चतुर्थोऽध्यायः ४

। व० १-२६ ।

(४७) सप्तचत्वारिंशं सूक्तम्

(१-१०) दशर्चस्यास्य सूक्तस्य काणवः प्रस्काणव ऋषिः । अश्विनौ देवते ।

प्रगाथः (विषमर्चा बृहती, समर्चा सतोबृहती) छन्दः

अयं वां मधुमत्तमः सुतः सोमं ऋतावृधा ।  
 तमश्विना पिबतं तिरोऽह्यं धत्तं रत्नानि दाशुषे १  
 त्रिवन्धुरेण त्रिवृता सुपेशसा रथेना यातमश्विना ।  
 कण्वांसो वां ब्रह्म कृणवन्त्यध्वरे तेषां सु शृणुतं हवम् २  
 अश्विना मधुमत्तमं पातं सोममृतावृधा ।  
 अथाद्य दस्त्रा वसु बिभ्रता रथे दाश्वांसमुप गच्छतम् ३  
 त्रिषधस्थे बर्हिषि विश्ववेदसा मध्वा यज्ञं मिमिक्षतम् ।  
 कण्वांसो वां सुतसौमा अभिद्यवो युवां हवन्ते अश्विना ४  
 याभिः कण्वमभिष्टिभिः प्रावतं युवमश्विना ।  
 ताभिः प्वशुस्माँ अवतं शुभस्पती पातं सोममृतावृधा ५  
 सुदासे दस्त्रा वसु बिभ्रता रथे पृक्षौ वहतमश्विना ।  
 रयिं समुद्रादुत वा दिवस्पयस्मे धत्तं पुरुस्पृहम् ६  
 यन्नासत्या परावति यद् वा स्थो अधि तुर्वशे ।  
 अतो रथैन सुवृता न आ गतं साकं सूर्यस्य रश्मिभिः ७  
 अर्वाञ्चा वां सप्तयोऽध्वरश्रियो वहन्तु सवनेदुप ।  
 इषं पृञ्चन्ता सुकृते सुदानव आ बर्हिः सीदतं नरा ८  
 तेन नासत्या गतं रथैन सूर्यत्वचा ।  
 येन शश्वदूहथुर्दाशुषे वसु मध्वः सोमस्य पीतये ९  
 उक्थेभिर्वागवसे पुरुवसू अर्केश्च नि हयामहे ।  
 शश्वत् कण्वानां सदसि प्रिये हि कं सोमं पृपथुरश्विना १०

(४८) अष्टचत्वारिंशं सूक्तम्

(१-१६) षोडशर्चस्यास्य सूक्तस्य काणवः प्रस्काणव ऋषिः । उषा देवता ।

प्रगाथः (विषमर्चा बृहती, समर्चा सतोबृहती) छन्दः

सह वामेन न उषो व्युच्छा दुहितर्दिवः ।  
सह द्युम्नेन बृहता विभावरि राया दैवि दास्वती १  
अश्वावतीर्गोमतीर्विश्वसुविदो भूरि च्यवन्त वस्तवे ।  
उदीरयु प्रति मा सूनृता उषश् चोद राधौ मघोनाम् २  
उवासोषा उच्छाञ्च नु देवी जीरा रथानाम् ।  
ये अस्या आचरणेषु दधिरे समुद्रे न श्रवस्यवः ३  
उषो ये ते प्र यामेषु युञ्जते मनौ दानाय सूरयः ।  
अत्राह तत् कण्व एषां कण्वतमो नाम गृणाति नृणाम् ४  
आ घा योषैव सूनर्युषा याति प्रभुञ्जती ।  
जरयन्ती वृजनं पद्वदीयत उत्पातयति पक्षिणः ५  
वि या सृजति समनं व्यश्रुथिनः पदं न वेत्योदती ।  
वयो नकिष्टे पमिवासं आसते व्युष्टौ वाजिनीवति ६  
एषायुक्त परावतः सूर्यस्योदयनादधि ।  
शतं रथैभिः सुभगोषा इयं वि यात्यभि मानुषान् ७  
विश्वमस्या नानाम् चक्षसे जगज् ज्योतिष्कृणोति सूनरी ।  
अप द्वेषौ मघोनी दुहिता दिव उषा उच्छदप स्त्रिर्धः ८  
उष आ भाहि भानुना चन्द्रेण दुहितर्दिवः ।  
आवहन्ती भूर्यस्मभ्यं सौभगं व्युच्छन्ती दिविष्टिषु ९  
विश्वस्य हि प्राणनं जीवनं त्वे वि यदुच्छसि सूनरि ।  
सा नो रथेन बृहता विभावरि श्रुधि चित्रामघे हवम् १०  
उषो वाजं हि वंस्व यश्चित्रो मानुषे जनै ।  
तेना वह सुकृतो अध्वरां उप ये त्वा गृणन्ति वह्नयः ११  
विश्वान् देवां आ वह सोमपीतयेऽन्तरिक्षादुषस्त्वम् ।  
सास्मासु धा गोमदश्वावदुक्थ्यश् मुषो वाजं सुवीर्यम् १२  
यस्या रुशन्तो अर्चयुः प्रति भद्रा अर्दक्षत ।  
सा नो रयिं विश्ववारं सुपेशस मुषा ददातु सुगम्यम् १३

ये चिद्धि त्वामृषयः पूर्वं ऊतयै जुहूरेऽवसे महि ।  
 सा नः स्तोमाँ अभि गृणीहि राधसो षः शक्रेण शोचिषा १४  
 उषो यदद्य भानुना वि द्वारावृणवौ दिवः ।  
 प्र नो यच्छतादवृकं पृथु च्छर्दिः प्र दैवि गोमतीरिषः १५  
 सं नो राया बृहता विश्वपैशसा मिमिक्ष्वा समिळाभिरा ।  
 सं द्युम्नेन विश्वतुरौषो महि सं वाजैर्वाजिनीवति १६

(४६) एकोनपञ्चाशं सूक्तम्

(१-४) चतुर्ऋचस्यास्य सूक्तस्य काण्वः प्रस्कण्व ऋषिः । उषा देवता ।

अनुष्टुप् छन्दः

उषो भद्रेभिरा गहि दिवश्चिद् रोचनादधि ।  
 वहन्त्वरुणप्सव उप त्वा सोमिनो गृहम् १  
 सुपेशसं सुखं रथं यमध्यस्था उषस्त्वम् ।  
 तेना सुश्रवसं जनं प्रावाद्य दुहितर्दिवः २  
 वयश्चित् ते पतत्रिणो द्विपच्चतुष्पदर्जुनि ।  
 उषः प्रारुतूरनु दिवो अन्तैभ्यस्परि ३  
 व्युच्छन्ती हि रश्मिभि विश्वमाभासि रोचनम् ।  
 तां त्वामृषर्वसूयवो गीर्भिः कण्वा अहूषत ४

(५०) पञ्चाशं सूक्तम्

(१-१३) त्रयोदशर्चस्यास्य सूक्तस्य काण्वः प्रस्कन्व ऋषिः । सूर्यो देवता । (१-  
 ६) प्रथमादिनवर्चा गायत्री (१०-१३) दशम्यादिचतसृणाञ्चानुष्टुप् छन्दसी  
 उदु त्यं जातवैदसं देवं वहन्ति केतवः । दृशे विश्वाय सूर्यम् १  
 अप त्मे तायवो यथा नक्षत्रा यन्त्यक्तुभिः । सूराय विश्वचक्षसे २  
 अर्दृश्रमस्य केतवो वि रश्मयो जनाँ अनु । भ्राजन्तो अग्रयो यथा ३  
 तरणिर्विश्वदर्शतो ज्योतिष्कृदसि सूर्य । विश्वमा भासि रोचनम् ४  
 प्रत्यङ् देवानां विशः प्रत्यङ्ङुदैषि मानुषान् । प्रत्यङ् विश्वं स्पर्द्धशे ५  
 येना पावक चक्षसा भुरणयन्तं जनाँ अनु । त्वं वरुण पश्यसि ६  
 वि द्यामैषि रजस्पृथ्व हा मिमानो अक्तुभिः । पश्यञ्जन्मानि सूर्य ७

सप्त त्वां हरितो रथे वहन्ति देव सूर्य । शोचिष्केशं विचक्षण ८  
 अयुक्त सप्त शन्ध्युवः सूर्यो रथस्य नृपयः । ताभिर्याति स्वयुक्तिभिः ९  
 उद् वयं तमसस्पृजि ज्योतिष्पश्यन्त उत्तरम् ।  
 देवं देवत्रा सूर्यमगन्म ज्योतिरुत्तमम् १०  
 उद्यन्नद्य मित्रमह आरोहन्नुत्तरां दिवम् ।  
 हृद्रोगं मम सूर्य हरिमाणं च नाशय ११  
 शुक्लैषु मे हरिमाणं रोपणाकासु दध्मसि ।  
 अथो हारिद्रुवेषु मे हरिमाणं नि दध्मसि १२  
 उदगादयमादित्यो विश्वेन सहसा सह ।  
 द्विषन्तं मह्यं रन्धयन् मो अहं द्विषते रधम् १३  
 दशमोऽनुवाकः १०  
 ।सू० ५१-५७ ।

(५१) एकपञ्चाशं सूक्तम्

(१-१५) पञ्चदशर्चस्यास्य सूक्तस्याङ्गिरसः सव्य ऋषिः । इन्द्रो देवता । (१-१३)  
 प्रथमादित्रयोदशर्चा जगती (१४-१५) चतुर्दशीपञ्चदश्योश्च त्रिष्टुप् छन्दसी  
 अभि त्वं मेषं पुरुहूतमृग्मिय मिन्द्रं गीर्भिर्मदता वस्वो अर्णवम् ।  
 यस्य द्यावो न विचरन्ति मानुषा भुजे मंहिष्ठमभि विप्रमर्चत १  
 अभीमवन्वन्त्स्वभिष्टिमूतयोऽन्तरिक्षां तविषीभिरावृतम् ।  
 इन्द्रं दक्षास ऋभवौ मदच्युतं शतक्रतुं जवनी सूनृतारुहत् २  
 त्वं गोत्रमङ्गिरोभ्योऽवृणोरपो तात्रये शतदुरेषु गातुवित् ।  
 ससेनं चिद् विमदायावहो वस्वा जावद्वि वावसानस्य नृतयन् ३  
 त्वमपामपिधानावृणोरपाऽधारयः पर्वते दानुमद् वसु ।  
 वृत्रं यदिन्द्र शवसावधीरहि मादित् सूर्यं दिव्यारौहयो दृशे ४  
 त्वं मायाभिरप मायिनोऽधमः स्वधाभिर्ये अधि शुप्तावर्जुहत् ।  
 त्वं पिप्रौर्नृमणः प्रारुजः पुरः प्र ऋजिश्वा नं दस्युहृत्येष्वाविथ ५  
 त्वं कुत्सं शुष्णहृत्येष्वाविथाऽरन्धयोऽतिथिगवायु शम्बरम् ।  
 महान्तं चिदर्बुदं नि क्रमीः पदा सनादेव दस्युहृत्याय जज्ञिषे ६  
 त्वे विश्वा तविषी सध्र्यग्विघता तव राधः सोमपीथाय हर्षते ।  
 तव वज्रश्चिकिते बाहोर्हितो वृश्वा शत्रोरव विश्वानि वृष्या ७

वि जानीह्यायान् ये च दस्यवो बर्हिष्मते रन्धया शासदवृतान् ।  
 शाकी भव यजमानस्य चोदिता विश्वेत् ता ते सधमादैषु चाकन ८  
 अनुव्रताय रन्धयन्नपव्रता नाभूभिरिन्द्रः श्नथयन्ननाभुवः ।  
 वृद्धस्य चिद् वर्धतो द्यामिनक्षतः स्तवानो वृमो वि जघान सुदिहः ९  
 तक्षद् यत ते उशना सहसा सहो वि रोदसी मज्मना बाधते शवः ।  
 आ त्वा वातस्य नृमणो मनोयुज आ पूर्यमाणमवहन्नभि श्रवः १०  
 मन्दिष्टु यदुशनै काव्ये सचाँ इन्द्रो वड्कू वड्कुतराधि तिष्ठति ।  
 उग्रो ययिं निरपः स्रोतसासृजद् वि शुष्णस्य दृहिता ऐरयत् पुरः ११  
 आ स्मा रथं वृषपाणेषु तिष्ठसि शार्यातस्य प्रभृता येषु मन्दसे ।  
 इन्द्र यथा सुतसौमेषु चाकनोऽनुवाणिं श्लोकमा रोहसे दिवि १२  
 अददा अभिमहते वचस्यवै कक्षीवते वचयामिन्द्र सुन्वते ।  
 मेनाभवो वृषणश्चस्य सुक्रतो विश्वेत् ता ते सर्वनेषु प्रवाच्या १३  
 इन्द्रो अश्रायि सुध्यो निरेके पज्जेषु स्तोमो दुर्यो न यूपः ।  
 अश्वयुग्व्यू रथयुर्वसूयु रिन्द्र इद्रायः क्षयति प्रयन्ता १४  
 इदं नमो वृषभाय स्वराजै सत्यशुष्माय तवसेऽवाचि ।  
 अस्मिन्निन्द्र वृजने सर्ववीराः स्मत् सूरिभिस्तव शर्मन्त्स्याम १५

( ५२ ) द्विपञ्चाशं सूक्तम्

( १-१५ ) पञ्चदशर्चस्यास्य सूक्तस्याङ्गिरसः सव्य ऋषिः । इन्द्रो देवता । ( १-१२,

१४ ) प्रथमादिद्वादशर्चा चतुर्दश्याश्च जगती

( १३, १५ ) त्रयोदशीपञ्चदश्योश्च त्रिष्टुप् छन्दसी

त्यं सु मेषं महया स्वर्विदं शतं यस्य सुभ्वः साकमीरते ।  
 अत्यं न वाजं हवनस्यदं रथ मेन्द्रं ववृत्यामवसे सुवृक्तिभिः १  
 स पर्वतो न धरुणेष्वच्युतः सहस्रमूतिस्तविषीषु वावृधे ।  
 इन्द्रो यद् वृत्रमवधीन्नदीवृतं मुब्जन्नर्णासि जर्हषाणो अन्धसा २  
 स हि दूरो दूरिषु वव्र ऊर्धनि चन्द्रबुधो मदवृद्धो मनीषिभिः ।  
 इन्द्रं तमहे स्वपस्यया धिया मंहिष्ठारातिं स हि पप्रिरन्धसः ३  
 आ यं पृणन्ति दिवि सद्यबर्हिषः समुद्रं न सुभ्वः स्वा अभिष्टयः ।  
 तं वृत्रहत्ये अनु तस्थुरूतयः शुष्मा इन्द्रमवाता अहुतप्सवः ४  
 अभि स्ववृष्टिं मदं अस्य युध्यतो रघ्वीरिव प्रवृणे संस्त्रुतयः ।

इन्द्रो यद् वज्री धृषमाणो अन्धसा भिनद् वलस्य परिधीरिव त्रितः ५  
 परीं घृणा चरति तित्विषे शवोऽपो वृत्वी रजसो बुध्रमाशयत् ।  
 वृत्रस्य यत् प्रवृणे दुर्गृभिश्चनो निजघन्थ हन्वोरिन्द्र तन्यतुम् ६  
 हृदं न हि त्वा न्यृषन्त्यूर्मयो ब्रह्माणीन्द्र तव यानि वर्धना ।  
 त्वष्टा चित् ते युज्यं वावृधे शर्वस्ततद् वज्रमभिभूत्योजसम् ७  
 जघन्वाँ उ हरिभिः संभृतक्रतु विन्द्र वृत्रं मनुषे गातुयन्नपः ।  
 अयच्छथा बाहोर्वज्रमायस मधारयो दिव्या सूर्यं दृशे ८  
 बृहत् स्वश्चन्द्रममवद् यदुक्थ्यशु मकृशवत भियसा रोहणं दिवः ।  
 यन्मानुषप्रधना इन्द्रमूतयः स्वनृषाचौ मरुतोऽमदन्ननु ९  
 द्यौश्चिदस्यामवाँ अर्हेः स्वना दयौयवीद् भियसा वज्र इन्द्र ते ।  
 वृत्रस्य यद् वेद्वधानस्य रोदसी मदै सुतस्य शवसाभिन्च्छिरः १०  
 यदिन्विन्द्र पृथिवी दशभुजि रहानि विश्वा ततनन्त कृष्टयः ।  
 अत्राह ते मघवन् विश्रुतं सहो द्यामनु शर्वसा बर्हणा भुवत् ११  
 त्वमस्य पारे रजसो व्योमनः स्वभूत्योजा अवसे धृषन्मनः ।  
 चकृषे भूमिं प्रतिमानमोजसोऽपः स्वः परिभूरेष्या दिवम् १२  
 त्वं भुवः प्रतिमानं पृथिव्या ऋष्ववीरस्य बृहतः पतिर्भूः ।  
 विश्वमाप्रा अन्तरिक्षं महित्वा सत्यमुद्धा नकिरन्यस्त्वावान् १३  
 न यस्य द्यावापृथिवी अनु व्यचो न सिन्धवो रजसो अन्तमानुशुः ।  
 नोत स्ववृष्टिं मदै अस्य युध्यत एको अन्यच्चकृषे विश्वमानुषक १४  
 आर्चन्नत्र मरुतः सस्मिन्नाजौ विश्वे देवासौ अमदन्ननु त्वा ।  
 वृत्रस्य यद् भृष्टिमता वधेन नि त्वमिन्द्र प्रत्यानं जघन्थ १५

(५३) त्रिपञ्चाशं सूक्तम्

(१-११) एकादशर्चस्यास्य सूक्तस्याङ्गिरसः सव्य ऋषिः । इन्द्रो देवता । (१-६)

प्रथमादिनवर्चा जगती (१०-११) दशम्येकादश्योश्च त्रिष्टुप् छन्दसी

न्यूँ षु वाचं प्र महे भिरामहे गिर इन्द्राय सदेने विवस्वतः ।  
 नू चिद्धि रत्नं ससतामिवाविदन्न दुष्टतिद्रविणोदेषु शस्यते १  
 दुरो अश्वस्य दुर इन्द्र गोरसि दुरो यवस्य वसुन इनस्पतिः ।  
 शिद्धानरः प्रदिवो अकामकर्शनः सखा सखिभ्यस्तमिदं गृणीमसि २  
 शचीव इन्द्र पुरुकृद् द्युमत्तम् तवेदिदमभितश्चेकिते वसु ।

अतः संगृभ्याभिभूत आ भर मा त्वायतो जरितुः काममूनयीः ३  
 एभिद्युभिः सुमना एभिरिन्दुभि निर्नुधानो अमतिं गोभिरश्विना ।  
 इन्द्रेण दस्यु दुरयन्त इन्दुभि र्युतद्वेषसः समिषा रभेमहि ४  
 समिन्द्र राया समिषा रभेमहि सं वाजैभिः पुरुश्चन्द्रैरभिद्युभिः ।  
 सं देव्या प्रमत्या वीरशुष्मया गोअग्रयाश्वावत्या रभेमहि ५  
 ते त्वा मदा अमदन् तानि वृष्ण्या ते सोमासो वृत्रहत्येषु सत्पते ।  
 यत् कारवे दश वृत्रारयप्रति बर्हिष्मते नि सहस्राणि बर्हयः ६  
 युधा युधमुप घेदैषि धृष्ण्या पुरा पुरं समिदं हंस्योजसा ।  
 नम्या यदिन्द्र सख्या परावर्ति निबर्हयो नमुचिं नाम मायिनम् ७  
 त्वं करञ्जमुत पूर्णय वधी स्तेजिष्ठयातिथिग्वस्य वर्तनी ।  
 त्वं शता वङ्गदस्याभिनुत् पुरोऽनानुदः परिषूता ऋजिश्चिना ८  
 त्वमेताञ्जनराज्ञो द्विर्दशाऽबन्धुना सुश्रवसोपजग्मुषः ।  
 षष्टिं सहस्रा नवतिं नव श्रुतो नि चक्रेण रथ्या दुष्पदावृणक् ९  
 त्वमाविथ सुश्रवसं तवोतिभि स्तव त्रामभिरिन्द्र तूर्वयाणम् ।  
 त्वमस्मै कुत्समतिथिग्वमायुं महे राज्ञे यूने अरन्धनायः १०  
 य उदृचीन्द्र देवगोपाः सखायस्ते शिवतमा असाम ।  
 त्वां स्तोषाम त्वया सुवीरा द्राघीय आयुः प्रतरं दधानाः ११

(५४) चतुःपञ्चाशं सूक्तम्

(१-११) एकादशर्चस्यास्य सूक्तस्याङ्गिरसः सव्य ऋषिः । इन्द्रो देवता । (१-५, ७, १०) प्रथमादिपञ्चर्चा सप्तमीदशम्योश्च जगती (६, ८-९, ११)

षष्ठ्यष्टमीनवम्येकादशीनाञ्च त्रिष्टुप् छन्दसी

मा नो अस्मिन् मघवन् पृत्स्वंहसि नहि ते अन्तः शर्वसः परीणशै ।  
 अक्रन्दयो नद्योर्ऽरोरुवद् वना कथा न क्षोणीर्भियसा समारत १  
 अर्चा शक्राय शाकिने शचीवते श्रुवन्तमिन्द्र महयन्नभि ष्टहि ।  
 यो धृष्णुना शर्वसा रोदसी उभे वृषा वृषत्वा वृषभो न्यृञ्जतै २  
 अर्चा दिवे बृहते शूष्यं वचः स्वक्षत्रं यस्य धृषतो धृषन्मनः ।  
 बृहच्छ्रवा असुरो बर्हणा कृतः पुरो हरिभ्यां वृषभो रथो हि षः ३  
 त्वं दिवो बृहतः सानु कोपयोऽव त्मना धृषता शंबरं भिनत् ।  
 यन्मायिनो वृन्दिनो मृन्दिना धृष च्छितां गर्भस्तिमशनिं पृतन्यसि ४



नि यद् वृणक्षि श्वसनस्य मूर्धनि शुष्णस्य चिद् वृन्दिनो रोरुवद् वना ।  
 प्राचीनेन मनसा बर्हणावता यदद्या चित् कृणवः कस्त्वा परि ५  
 त्वमाविथ नर्यं तुर्वशं यदुं त्वं तुर्वीति वय्यं शतक्रतो ।  
 त्वं रथमेतशं कृत्वये धने त्वं पुरौ नवृतिं दम्भयो नव ६  
 स घा राजा सत्पतिः शूशुवृज्जनौ रातहव्यः प्रति यः शासमिन्वति ।  
 उक्था वा यो अभिगृणाति राधसा दानुरस्मा उपरा पिन्वते दिवः ७  
 असमं क्षत्रमसमा मनीषा प्र सौमपा अपसा सन्तु नेमै ।  
 ये त इन्द्र ददुषौ वर्धयन्ति महि क्षत्रं स्थविरं वृष्यं च ८  
 तुभ्येदेते बहुला अद्रिदुग्धाश्चमूषदश्चमसा इन्द्रपानाः ।  
 व्यश्नुहि तर्पया काममेषा मथा मनौ वसुदेयाय कृष्व ९  
 अपामतिष्ठद्धरुणह्वरं तमोऽन्तर्वृत्रस्य जठरेषु पर्वतः ।  
 अभीमिन्द्रौ नद्यौ वृत्रिणा हिता विश्वा अनुष्ठाः प्रवृणेषु जिघ्रते १०  
 स शेवृधमधि धा द्युम्रमस्मे महि क्षत्रं जनाषाळिन्द्र तव्यम् ।  
 रक्षा च नो मघोनः पाहि सूरीन् राये च नः स्वपत्या इषे धाः ११

(५५) पञ्चपञ्चाशं सूक्तम्

(१-८) अष्टर्चस्यास्य सूक्तस्याङ्गिरसः सव्य ऋषिः । इन्द्रो देवता । जगती छन्दः  
 दिवश्चिदस्य वरिमा वि पप्रथ इन्द्रं न मृहा पृथिवी चन प्रति ।  
 भीमस्तुर्विष्माञ्चर्षणिभ्य आतपः शिशीते वज्रं तेजसे न वंसंगः १  
 सो अर्णवो न नद्यः समुद्रियुः प्रति गृभ्णाति विश्रिता वरीमभिः ।  
 इन्द्रः सोमस्य पीतयै वृषायते सनात् स युध्म ओजसा पनस्यते २  
 त्वं तमिन्द्र पर्वतं न भोजसे महो नृम्णस्य धर्मणामिरज्यसि ।  
 प्र वीर्येण देवताति चेकिते विश्वस्मा उग्रः कर्मणे पुरोहितः ३  
 स इद् वनै नमस्युर्भिर्वचस्यते चारु जनैषु प्रब्रुवाण इन्द्रियम् ।  
 वृषा छन्दुर्भवति हर्यतो वृषा क्षेमैण धेना मघवा यदिन्वति ४  
 स इन्महानि समिथानि मज्मना कृणोति युध्म ओजसा जनैभ्यः ।  
 अधा चन श्रद् दधति त्विषीमत इन्द्राय वज्रं निघनिघ्रते वृधम् ५  
 स हि श्रवस्युः सदनानि कृत्रिमा क्षमया वृधान ओजसा विनाशयन् ।  
 ज्योतीषि कृणवन्नवृकाणि यज्यवेऽव सुक्रतुः सतवा अपः सृजत् ६

दानाय॑ मनः॑ सोमपावन्नस्तु तेऽर्वाञ्चा॑ हरीं॑ वन्दनश्रुदा कृधि ।  
यमि॑ष्ठासः सार॑थयो य इन्द्र ते न त्वा॑ केता॒ आ दे॑भ्युवन्ति॒ भूर्णयः॑ ७  
अप्र॑क्षितं वसु॑ बिभर्षि॑ हस्तयो॑ रषा॑हळं सह॑स्तन्वि॒ श्रुतो द॑धे ।  
आवृ॑तासोऽवृ॒तासो न क॑र्तृभिस्त॒नूषु ते॒ क्रत॑व इन्द्र॒ भूरयः॑ ८

(५६) षट्पञ्चाशं सूक्तम्

(१-६) षट्चस्यास्य सूक्तस्याङ्गिरसः सव्य ऋषिः । इन्द्रो देवता । जगती छन्दः  
एष प्र॑ पूर्वीरव॑ तस्य॑ च॒मिषोऽत्यो॑ न योषा॑मुदयंस्त॒ भुर्वणिः॑ ।  
दक्ष॑ म॒हे पा॑ययते हिर॒ण्ययं॑ रथ॑मावृ॒त्या हरि॑योग॒मृभ्व॑सम् १  
तं गू॑र्तयौ नेम॒न्निषः॑ परी॒णसः॑ समु॒द्रं न स॑ंचरणे सनि॒ष्यवः॑ ।  
पति॑ दक्ष॒स्य वि॒दथ॑स्य नू स॒हौ गि॑रिं न वे॒ना अ॒धि रो॒हु तेज॑सा २  
स तु॒र्वणि॑र्म॒हाँ अ॒रेणु॑ पौ॒स्ये गि॑रेर्भृ॒ष्टिर्न भ्रा॑जते तुजा शर्वः ।  
येन॑ शु॒ष्णं मा॒यिन॑माय॒सो मद॑ दु॒ध्र आ॒भूषु॑ रा॒मय॑न्नि दाम॒नि ३  
दे॒वी यदि॑ तवि॒षी त्वावृ॑धोतय॒ इन्द्रं॑ सिष॒क्त्युष॑सं न सूर्यः ।  
यो धृ॒ष्णुना॑ शर्व॒सा बा॑धते तम॒ इय॑ति रे॒णुं बृ॒हद॑र्ह॒रिष्व॑णिः ४  
वि यत् ति॒रो ध॒रुण॑मच्यु॒तं रजोऽति॑ष्ठिपो दि॒व आ॒ता॒सु ब॒र्हणा॑ ।  
स्व॒र्मीह॑ळे यन्मद॑ इन्द्र॒ हर्ष्या॑हन् वृ॒त्रं नि॒रपा॑मौ॒ब्जो अ॒र्णव॑म् ५  
त्वं दि॒वो ध॒रुण॑ धिष॒ ओज॑सा पृ॒थिव्या॑ इन्द्र॒ सदे॑नेषु मा॒हिनः॑ ।  
त्वं सु॒तस्य॑ मद॑ अरि॒णा अ॒पो वि॒ वृ॒त्रस्य॑ स॒मया॑ पा॒ष्यारु॑जः ६

(५७) सप्तपञ्चाशं सूक्तम्

(१-६) षट्चस्यास्य सूक्तस्याङ्गिरसः सव्य ऋषिः । इन्द्रो देवता । जगती छन्दः  
प्र म॑हि॒ष्ठाय॑ बृ॒हते॑ बृ॒हद्र॑ये स॒त्यशु॑ष्माय॒ तुव॑से॒ मति॑ भरे ।  
अ॒पामि॑व प्रव॒णे यस्य॑ दु॒र्धरं॑ रा॒धौ वि॒श्वायु॑ शर्व॒से अ॒पावृ॑तम् १  
अ॒ध ते वि॒श्वम॑नु॒ हास॑दिष्टय॒ आपो॑ नि॒म्नेव॑ सर्व॒ना ह॒विष्म॑तः ।  
यत् प॑र्वते न स॒मशी॑त ह॒र्यत॑ इन्द्र॒स्य व॒ज्रः श॑नथि॒ता हि॒रण्य॑यः २  
अ॒स्मै भी॑माय॒ नम॑सा॒ सम॑ध्व॒र उ॒षो न शु॑भ्र आ॒ भरा॑ पनी॒यसे॑ ।  
यस्य॑ धाम॒ श्रव॑से॒ नामै॑न्द्रि॒यं ज्योति॑रका॒रि ह॒रितो॑ नाय॒से ३  
इमे त॑ इन्द्र ते व॒यं पु॑रु॒ष्टुत॑ ये त्वा॒रभ्य॑ चरा॒मसि॑ प्र॒भूव॑सो ।  
न॒हि त्वद॑न्यो गि॒र्वणो॑ गि॒रः स॒घत् क्षो॑णीरि॒व प्र॑ति नो ह॒र्य तद् व॑चः ४

भूरि त इन्द्र वीर्यं तव स्मस्यस्य स्तोतुर्मघवन् काममा पृण ।  
अनु ते द्यौर्बृहती वीर्यं मम इयं च ते पृथिवी नैम ओजसे ५  
त्वं तमिन्द्र पर्वतं महामुरुं वज्रेण वज्रिन् पर्वशश्चकर्तिथ ।  
अवासृजो निर्वृताः सर्तवा अपः सत्रा विश्वं दधिषे केवलं सहः ६  
एकादशोऽनुवाकः ११  
। सू० ५८-६४ ।

(५८) अष्टपञ्चाशं सूक्तम्

(१-६) नवर्चस्यास्य सूक्तस्य गौतमो नोधा ऋषिः । अग्निर्देवता । (१-५)

प्रथमादिपञ्चर्चा जगती (६-६) षष्ठ्यादिचतसृणाञ्च त्रिष्टुप् छन्दसी  
नू चित् सहोजा अमृतो नि तुन्दते होता यद् दूतो अभवद् विवस्वतः ।  
वि साधिष्ठेभिः पृथिभी रजौ मम आ देवताता हविषा विवासति १  
आ स्वमद्य युवमानो अजरस्तृष्वविष्यन्नतसेषु तिष्ठति ।  
अत्यो न पृष्ठं प्रुषितस्य रोचते दिवो न सानु स्तनयन्नचिक्रदत् २  
क्राणा रुद्रेभिर्वसुभिः पुरोहितो होता निषत्तो रयिषाळमर्त्यः ।  
रथो न विद्ववृञ्जसान आयुषु व्यानुषग्वार्या देव ऋणवति ३  
वि वार्तजूतो अतसेषु तिष्ठते वृथा जुहूभिः सृण्या तुविष्वशिः ।  
तृषु यदग्ने वनिनौ वृषायसै कृष्णं त एम रुशदूर्मे अजर ४  
तपुर्जम्भो वन आ वार्तचोदितो यूथे न साह्यं अव वाति वंसंगः ।  
अभिव्रजन्नक्षितं पार्जसा रजः स्थातुश्चरथं भयते पतत्रिणः ५  
दधुष्टा भृगवो मानुषेष्वारयिं न चारुं सुहवं जनैभ्यः ।  
होतारमग्ने अतिथिं वरेण्यं मित्रं न शेव दिव्याय जन्मने ६  
होतारं सप्त जुहोऽयजिष्ठं यं वाघतो वृणते अध्वरेषु ।  
अग्निं विश्वेषामरतिं वसूनां सपर्यामि प्रयसा यामि रत्नम् ७  
अच्छिद्रा सूनो सहसो नो अद्य स्तोतृभ्यो मित्रमहः शर्म यच्छ ।  
अग्रे गृणन्तमंहस उरुष्यो र्जो नपात् पूर्भिरायसीभिः ८  
भवा वरूथं गृणते विभावो भवा मघवन् मघवद्भ्यः शर्म ।  
उरुष्याग्ने अंहसो गृणन्तं प्रातर्मदू धियावसुर्जगम्यात् ९

(५९) एकोनषष्टितमं सूक्तम्

(१-७) सप्तर्चस्यास्य सूक्तस्य गौतमो नोधा ऋषिः । अग्निर्वैश्वानरो देवता ।

त्रिष्टुप् छन्दः

वृ॒या इ॒द॒ग्ने अ॒ग्र॒य॒स्ते अ॒न्ये त्वे वि॒श्वे अ॒मृ॒ता मा॒द॒य॒न्ते ।  
वै॒श्वान॒र ना॒भिर॒सि क्षि॒तीनां स्थू॒णैव॒ जनाँ॑ उ॒प॒मिद् य॑यन्थ १  
मूर्धा दि॒वो ना॒भिर॒ग्निः पृ॒थि॒व्या अ॒था॒भ॒व॒द॒र॒ती रो॒द॒स्योः ।  
तं त्वा॑ दे॒वासोऽज॒न॒य॒न्त दे॒वं वै॒श्वान॒र ज्योति॒रि॒दा॒या॒य २  
आ सूर्ये॑ न र॒श्म॒यो ध्रु॒वासौ वै॒श्वान॒रे द॑धिरेऽग्रा वसू॒नि ।  
या प॒र्व॒तेष्वोष॑धीष्वप्सु या मा॒नु॒षे॒ष्वसि॑ तस्य॒ राजा ३  
बृ॒ह॒ती इ॒व सू॒न॒वे रो॒द॒सी गि॒रो हो॒ता म॒नु॒ष्यो॒ऽन॒ द॒क्षः ।  
स्व॒र्व॒ते स॒त्य॒श॒ष्मा॒य पूर्वी॑ वै॒श्वान॒रा॒य नृ॒त॒मा॒य यु॒ह्वीः ४  
दि॒वश्चि॒त् ते बृ॒हतो॑ जा॒ति॒वे॒दो वै॒श्वान॒र प्र रि॒रि॒चे म॒हि॒त्वम् ।  
राजा॑ कृ॒ष्टी॒नाम॑सि मा॒नु॒षी॒णां यु॒धा दे॒वेभ्यो॑ वरि॒वश्च॑क॒र्थ ५  
प्र नू॑ म॒हि॒त्वं वृ॒ष॒भ॒स्य वोचं॑ यं पू॒र॒वो वृ॒त्र॒ह॒णं स॑च॒न्ते ।  
वै॒श्वान॒रो द॒स्यु॒म॒ग्नि॒र्ज॒घ॒न्वाँ अ॒धू॒नो॒त् का॒ष्ठा अ॒व शं॒बरं॑ भेत् ६  
वै॒श्वान॒रो म॒हि॒म्ना वि॒श्व॒कृ॒ष्टि॒र्भ॒र॒द्वा॒जेषु॑ य॒ज॒तो वि॒भा॒वा ।  
शा॒त॒व॒ने॒ये श॒ति॒नी॒भिर॒ग्निः पु॒रु॒णी॒थे ज॑र॒ते सू॒नृ॒ता॒वान् ७

(६०) षष्ठितमं सूक्तम्

(१-५) पञ्चर्चस्यास्य सूक्तस्य गौतमो नोधा ऋषिः । अग्निर्देवता । त्रिष्टुप् छन्दः  
व॒ह्निं य॒श॒सं वि॒द॒थ॒स्य के॒तुं सु॒प्रा॒व्य दू॒तं स॒द्यो अ॒र्थम् ।  
द्वि॒ज॒न्मा॒नं र॒यि॒मि॒व प्र॒श॒स्तं रा॒तिं भ॑र॒द् भृ॒ग॒वे मा॒त॒रि॒श्वा १  
अ॒स्य शा॒सु॒रु॒भ॒या॒सः स॑च॒न्ते ह॒वि॒ष्म॒न्त उ॒शि॒जो॒ ये च॒ म॒र्ताः ।  
दि॒वश्चि॒त् पूर्॒वो न्य॑सा॒दि हो॒ताऽऽपृ॒च्छ॒यो वि॒श्व॒प॒तिर्वि॒क्षु वे॒धाः २  
तं न॒व्य॑सी ह॒द आ जा॑र्य॒मान॒ म॒स्मत् सु॒की॒र्ति॒र्मधु॑जिह्वम॒श्याः ।  
य॒मृ॒त्वि॒जो वृ॒ज॒ने मा॒नु॒षा॒सः प्र॑य॒स्व॒न्त आ॒य॒वो जी॑र्ज॒न॒न्त ३  
उ॒शि॒क् पा॒व॒को व॒सु॒मा॒नु॒षे॒षु व॑रै॒र॒यो हो॒ता॒धा॒यि वि॒क्षु ।  
द॒मू॒ना गृ॒ह॒प॒ति॒र्द॒म॒ आँ अ॒ग्नि॒र्भु॒वद् र॒यि॒प॒ती र॒यी॒णाम् ४  
तं त्वा॑ वृ॒यं प॒ति॒म॒ग्ने र॒यी॒णां प्र॑ श॒सामो॑ म॒ति॒भिर्गो॑त॒मा॒सः ।  
आ॒शुं न वा॑ज॒भ॒रं म॒र्ज॒य॒न्तः प्रा॒त॒र्म॒क्षू धि॒या॒व॒सु॒र्ज॒ग॒म्यात् ५

(६१) एकषष्टितमं सूक्तम्

(१-१६) षोडशर्चस्यास्य सूक्तस्य गौतमो नोधा ऋषिः । इन्द्रो देवता ।

त्रिष्टुप् छन्दः

अस्मा इदु प्र तुवसै तुराय प्रयो न हर्मि स्तोमं माहिनाय ।  
 ऋचीषमायाधिगव ओह मिन्द्राय ब्रह्माणि रातर्तमा १  
 अस्मा इदु प्रय इव प्र यसि भराम्याङ्गुषं बाधे सुवृक्ति ।  
 इन्द्राय हदा मनसा मनीषा प्रताय पत्ये धियो मर्जयन्त २  
 अस्मा इदु त्यमुपमं स्वर्षा भराम्याङ्गुषमास्यैन ।  
 मंहिष्ठमच्छौक्तिभिर्मतीनां सुवृक्तिभिः सूरि वावृधध्यै ३  
 अस्मा इदु स्तोमं सं हिनोमि रथं न तष्टेव तत्सिनाय ।  
 गिरश्च गिवाहसे सुवृक्तीन्द्राय विश्वमिन्वं मेधिराय ४  
 अस्मा इदु सप्तिमिव श्रवस्येन्द्रायार्क जुह्वाऽ समञ्जे ।  
 वीरं दानौकसं वन्दध्यै पुरां गूर्तश्रवसं दुर्माणम् ५  
 अस्मा इदु त्वष्टा तद्गद वज्रं स्वपस्तमं स्वर्यं रणाय ।  
 वृत्रस्य चिद विदद् येन मर्म तुजनीशानस्तुजता कियेधाः ६  
 अस्येदु मातुः सर्वनेषु सद्यो महः पितुं पपिवाञ्चार्वन्ना ।  
 मुषायद् विष्णुः पचतं सहीयान् विध्यद् वराहं तिरो अद्रिमस्ता ७  
 अस्मा इदु ग्राश्चिद् देवपत्नी रिन्द्रायार्कमहिहत्य ऊवुः ।  
 परि द्यावापृथिवी जभ्र उर्वी नास्य ते महिमानुं परि ष्टः ८  
 अस्येदेव प्र रिरिचे महित्वं दिवस्पृथिव्याः पर्यन्तरिक्षात् ।  
 स्वराळिन्द्रो दम आ विश्वगूर्तः स्वरिरमत्रो ववक्षे रणाय ९  
 अस्येदेव शर्वसा शषन्तं वि वृश्चद् वज्रेण वृत्रमिन्द्रः ।  
 गा न व्राणा अवनीरमुञ्च दधि श्रवो दावने सचेताः १०  
 अस्येदु त्वेषसा रन्त सिन्धवः परि यद् वज्रेण सीमयच्छत् ।  
 ईशानकृद् दाशुषे दशस्यन् तुर्वीतये गाधं तुर्वणिः कः ११  
 अस्मा इदु प्र भरा तूतुजानो वृत्राय वज्रमीशानः कियेधाः ।  
 गोर्न पर्व वि रंदा तिरश्चेष्यन्नर्णास्यपां चरध्यै १२  
 अस्येदु प्र ब्रूहि पूर्व्याणि तुरस्य कर्माणि नव्य उक्थैः ।  
 युधे यदिष्णान आयुधा न्यूघायमाणो निरिणाति शत्रून् १३  
 अस्येदु भिया गिरयश्च दृहळा द्यावा च भूमा जनुषस्तुजेते ।

उपो वेनस्य जोगुवान ओणिं सद्यो भुवद् वीर्याय नोधाः १४  
 अस्मा इदु त्यदनु दाय्येषा मेको यद् वन्ने भूरेरीशानः ।  
 प्रैतंशं सूर्ये पस्पृधानं सौवश्वये सुष्विमावदिन्द्रः १५  
 एवा तै हारियोजना सुवृक्तीन्द्र ब्रह्माणि गोतमासो अक्रन् ।  
 ऐषु विश्वपैशसं धियं धाः प्रातर्मक्षू धियावसुर्जगम्यात् १६  
 पञ्चमोऽध्यायः ५  
 । व० १-३१ ।

(६२) द्विषष्टितमं सूक्तम्

(१-१३) त्रयोदशर्चस्यास्य सूक्तस्य गौतमो नोधा ऋषिः । इन्द्रो देवता ।

त्रिष्टुप् छन्दः

प्र मन्महे शवसानाय शूष माङ्गूषं गिर्वणसे अङ्गिरस्वत् ।  
 सुवृक्तिभिः स्तुवत ऋग्मियाया ऽर्चामार्कं नरे विश्रुताय १  
 प्र वो महे महि नमो भरध्व माङ्गूष्यं शवसानाय साम ।  
 येना नः पूर्वे पितरः पदज्ञा अर्चन्तो अङ्गिरसो गा अविन्दन् २  
 इन्द्रस्याङ्गिरसां चेष्टौ विदत् सरमा तनयाय धासिम् ।  
 बृहस्पतिर्भिनदद्रिं विदद् गाः समुस्त्रियाभिर्वावशन्त नरः ३  
 स सुष्टुभा स स्तुभा सप्त विप्रैः स्वरेणाद्रिं स्वयोर्यो नवगवैः ।  
 सरण्युभिः फलिगमिन्द्र शक्र वलं रवेण दरयो दशगवैः ४  
 गृणानो अङ्गिरोभिर्दस्म वि व रुषसा सूर्येण गोभिरन्धः ।  
 वि भूम्या अप्रथय इन्द्र सानु दिवो रज उपरमस्तभायः ५  
 तदु प्रयक्षतममस्य कर्म दुस्मस्य चारुतममस्ति दंसः ।  
 उपह्वरे यदुपरा अपिन्वन् मध्वर्णसो नद्यश्चतस्रः ६  
 द्विता वि वव्रे सनजा सनीळे अयास्यः स्तवमानेभिरकैः ।  
 भगो न मेने परमे व्योम न्नधारयद् रोदसी सुदंसाः ७  
 सनाद् दिवं परि भूमा विरूपे पुनर्भुवा युवती स्वेभिरेवैः ।  
 कृष्णेभिरक्तोषा रुशद्भिर्वपुर्भिरा चरतो अन्यान्या ८  
 सनेमि सख्यं स्वप्स्यमानः सूनुर्दाधार शवसा सुदंसाः ।  
 आमासु चिद् दधिषे पक्वमन्तः पयः कृष्णासु रुशद् रोहिणीषु ९  
 सनात् सनीळा अवनीरवाता वृता रक्षन्ते अमृताः सहोभिः ।

पुरू स॒हस्रा॑ ज॒नयो॑ न प॒त्नी दु॑व॒स्यन्ति॑ स्व॒सारो॑ अ॒हया॑णम् १०  
स॒नायु॑वो नम॒सा नव्यो॑ अ॒कैर्व॑सू॒यवो॑ म॒तयो॑ दस्म दद्मुः ।  
पतिं॑ न प॒त्नीरु॑श॒तीरु॑शन्तं स्पृ॒शन्ति॑ त्वा शवसावन् मनी॒षाः ११  
स॒नादे॒व तव॑ रा॒यो ग॒र्भस्तौ॑ न क्षी॒र्यन्ते॑ नोप॑ दस्यन्ति दस्म ।  
द्युमाँ॑ अ॒सि क्र॑तुमाँ॑ इन्द्र॒ धीरः॑ शि॒क्षा श॑चीव॒स्तव॑ नः श॒चीभिः॑ १२  
स॒नाय॑ते गो॒तम॑ इन्द्र॒ नव्य॑ म॒तक्ष॑द् ब्रह्म॑ ह॒रियो॑ज॒नाय॑ ।  
सु॒नीथा॑य नः शवसान नो॒धाः प्रा॑त॒र्मक्षू॑ धि॒याव॑सु॒र्जग॑म्यात् १३

(६३) त्रिषष्टितमं सूक्तम्

(१-६) नवर्चस्यास्य सूक्तस्य गौतमो नोधा ऋषिः । इन्द्रो देवता । त्रिष्टुप् छन्दः  
त्वं मु॒हाँ इन्द्र॑ यो ह॒ शुष्मै॑र्द्या॒वा ज॑ज्ञानः पृ॒थि॒वी अ॒मे धाः॑ ।  
यद्ध॑ ते वि॒श्वा गि॒रय॑श्चि॒दध्वा॑ भि॒या दृ॒हळा॑सः कि॒रणा॑ नैजन् १  
आ यद्ध॑री॒ इन्द्र॑ वि॒व्रता॑ वे॒रा ते॑ व॒ज्रं ज॑रि॒ता बा॒होर्धा॑त् ।  
येना॑वि॒हर्य॑तक्रतो अ॒मित्रा॑न् पु॒रं इ॒ष्णासि॑ पुरु॒हूत॑ पूर्वीः २  
त्वं स॒त्य इन्द्र॑ धृ॒ष्णुरे॑तान् त्वमृ॒भुक्षा॑ नर्य॒स्त्वं षा॑ट् ।  
त्वं शु॒ष्णं वृ॑जने॒ पृक्ष॑ आ॒णौ यू॒ने कु॑त्साय द्यु॒मते॑ सचा॒हन् ३  
त्वं ह॒ त्यदि॑न्द्र चो॒दीः सखा॑ वृ॒त्रं यद् व॑ज्रिन् वृषक॒र्मनु॑भ्नाः ।  
यद्ध॑ शूर वृषम॒णः प॒राचै॑र्वि दस्यू॒र्योना॑व॒कृतो॑ वृथा॒षाट् ४  
त्वं ह॒ त्यदि॑न्द्रा॒रिष॑यन् दृ॒हळ॑स्य॒ चिन्म॑ता॒नाम॑जु॒ष्टौ ।  
व्य॑शु॒स्मदा॑ का॒ष्ठा अ॒वते॑ व॒र्धने॑व वज्रि॒ञ्छन॑थि॒ह्यमि॑त्रान् ५  
त्वां ह॒ त्यदि॑न्द्रा॒णसा॑तौ स्व॒र्माह॑ळे नर॑ आ॒जा ह॑वन्ते ।  
तव॑ स्व॒धाव॑ इ॒यमा॑ स॒मूर्य॑ ऊ॒तिर्वा॑जैष्व॒तसा॑य्या भूत् ६  
त्वं ह॒ त्यदि॑न्द्र स॒प्त यु॑ध्यन् पु॒रौ व॑ज्रिन् पु॒रु॒कुत्सा॑य द॒र्दः ।  
ब॒र्हिर्न॑ यत्सु॒दासे॑ वृथा॒ व॒र्गहो॑ रा॒जन्व॑रि॒वः पू॒रवे॑ कः ७  
त्वं त्यां॑ न इन्द्र देव चि॒त्रा मि॑ष॒मापो॑ न पी॒पयः॑ परि॒ज्मन् ।  
यया॑ शूर प्र॒त्यस्म॑भ्यं यंसि॒ त्मन॑मूर्जं न वि॒श्वध॑ क्ष॒र॒ध्ये ८  
अ॒कारि॑ त इन्द्र गो॒तमे॑भि॒ ब्रह्मा॑ण॒योक्ता॑ नम॒सा ह॑रि॒भ्याम् ।  
सु॒पेश॑सं वा॒ज॒मा भ॑रा नः प्रा॒त॒र्मक्षू॑ धि॒याव॑सु॒र्जग॑म्यात् ९

(६४) चतुषष्टितमं सूक्तम्

(१-१५) पञ्चदशर्वस्यास्य सूक्तस्य गौतमो नोधा ऋषिः । मरुतो देवताः । (१-  
 १४) प्रथमादिचतुर्दशर्चा जगती १५ पञ्चदश्याश्च त्रिष्टुप् छन्दसी  
 वृष्णे शर्धाय सुमखाय वेधसे नोधः सुवृत्तिं प्र भरा मरुद्भ्यः ।  
 अपो न धीरो मनसा सुहस्त्यो गिरः समञ्जे विदथेष्वाभुवः १  
 ते जज्ञिरे दिव ऋष्यासे उक्ष्णौ रुद्रस्य मर्या असुरा अरेपसः ।  
 पावकासः शुचयः सूर्या इव सत्वानो न द्रप्सिनौ घोरवर्षसः २  
 युवानो रुद्रा अजरा अभोग्धनौ ववक्षुरधिगावः पर्वता इव ।  
 दृहळा चिद् विश्वा भुवनानि पार्थिवा प्र च्यावयन्ति दिव्यानि मज्मना ३  
 चित्रैरञ्जिभिर्वपुषे व्यञ्जते वक्षःसु रुक्माँ अधि येतिरे शभे ।  
 असैष्वेषां नि मिमृक्षुर्ऋष्टयः साकं जज्ञिरे स्वधया दिवो नरः ४  
 ईशानकृतो धुनयो रिशादसो वातान् विद्युतस्तविषीभिरक्रत ।  
 दुहन्त्यूर्धर्दिव्यानि धूतयो भूमिं पिन्वन्ति पर्यसा परिज्रयः ५  
 पिन्वन्त्यपो मरुतः सुदानवः पर्यो घृतवद् विदथेष्वाभुवः ।  
 अत्यं न मिहे वि नयन्ति वाजिन मुत्सं दुहन्ति स्तनयन्तमक्षितम् ६  
 मुहिषासौ मायिनश्चित्रभानवो गिरयो न स्वतवसो रघुष्यदः ।  
 मृगा इव हस्तिनः खादथा वना यदारुणीषु तविषीरयुग्धम् ७  
 सिंहा इव नानदति प्रचैतसः पिशा इव सुपिशौ विश्ववैदसः ।  
 क्षपो जिन्वन्तः पृषतीभिर्ऋष्टिभिः समित् सबाधः शवसाहिमन्यवः ८  
 रोदसी आ वदता गणश्रियो नृषाचः शूराः शवसाहिमन्यवः ।  
 आ वन्धुरैष्वमतिर्न दर्शता विद्युन्न तस्थौ मरुतो रथेषु वः ९  
 विश्ववैदसो रयिभिः समौकसः संमिश्लासस्तविषीभिर्विरप्शिनः ।  
 अस्तारु इषु दधिरे गर्भस्त्यो रनन्तशष्मा वृषखादयो नरः १०  
 हिरण्ययैभिः पविभिः पयोवृध उज्जिघ्रन्त आपथ्योऽ न पर्वतान् ।  
 मुखा अयासः स्वसृतौ ध्रुवच्युतौ दुध्रकृतौ मरुतो भ्राजदृष्टयः ११  
 घृषु पावकं वनिनं विचर्षणिं रुद्रस्य सूनुं हवसा गृणीमसि ।  
 रजस्तुरं तवसं मारुतं गुण मृजीषिणं वृषणं सञ्चत श्रिये १२  
 प्र नू स मर्तः शवसा जनाँ अति तस्थौ व ऊती मरुतो यमावत ।  
 अर्वद्भिर्वाजं भरते धना नृभि रापृच्छयं क्रतुमा क्षैति पुष्यति १३  
 चर्कृत्य मरुतः पृत्सु दुष्टरं द्युमन्तं शुष्मं मघवत्सु धत्तन ।  
 धनस्पृतमुक्थ्यं विश्वचर्षणिं तोकं पुष्येम तनयं शतं हिमाः १४



नू छिरं मरुतो वीरवन्त मृतीषाहं रयिमस्मासु धत्त ।  
सहस्रिणं शतिर्न शूशवांसं प्रातर्मक्षू धियावसुर्जगम्यात् १५  
द्वादशोऽनुवाकः १२ सू० ६५-७३

(६५) पञ्चषष्टितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा  
विराट् छन्दः

पश्वा न तायुं गुहा चतन्तं नमो युजानं नमो वहन्तम् १  
सजोषा धीराः पदैरनु ग्मन्नुप त्वा सीदन् विश्वे यजत्राः १ २  
ऋतस्य देवा अनु वृता गुर्भुवत्परिष्टिद्यौर्न भूमं ३  
वर्धन्तीमापः पुन्वा सुर्शिश्चि मृतस्य योना गर्भे सुजातम् २ ४  
पुष्टिर्न रणवा क्षितिर्न पृथ्वी गिरिर्न भुज्म क्षोदो न शंभु ५  
अत्यो नाज्मन् त्सर्गप्रतक्तः सिन्धुर्न क्षोदः क ई वराते ३ ६  
जामिः सिन्धूनां भ्रातैव स्वस्त्रा मिभ्यान्न राजा वनान्यत्ति ७  
यद् वार्तजूतो वना व्यस्था दग्निर्ह दाति रोमा पृथिव्याः ४ ८  
श्वसित्यप्सु हंसो न सीदन् क्रत्वा चेतिष्ठो विशामुषर्भुत् ९  
सोमो न वेधा ऋतप्रजातः पशुर्न शिश्वा विभुर्दूरभाः ५ १०

(६६) षट्षष्टितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा  
विराट् छन्दः

रयिर्न चित्रा सूर्यो न संह गायुर्न प्राणो नित्यो न सूनुः १  
तक्वा न भूर्णिर्वना सिषक्ति पयो न धेनुः शुचिर्विभावा १ २  
दाधार क्षेममोको न रणवो यवो न पुक्वो जेता जनानाम् ३  
ऋषिर्न स्तुभ्वा विक्षु प्रशस्तो वाजी न प्रीतो वयौ दधाति २ ४  
दुरोकशोचिः क्रतुर्न नित्यो जायेव योनावरं विश्वस्मै ५  
चित्रो यदभ्राट् छवेतो न विक्षु रथो न रुक्मी त्वेषः समत्सु ३ ६  
सेनैव सृष्टामं दधात्य स्तुर्न दिद्युत् त्वेषप्रतीका ७  
यमो ह जातो यमो जर्नित्वं जारः कनीनां पतिर्जनीनाम् ४ ८  
तं वञ्चराथा वयं वसत्यास्तं न गावो नक्षन्त इद्धम् ९

सिन्धुर्न क्षोदः प्र नीर्चरिनो ब्रवन्त गावः स्वर्द्धशीके ५ १०

(६७) सप्तषष्ठितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा  
विराट् छन्दः

वनेषु जायुर्मतेषु मित्रो वृणीते श्रुष्टिं राजैवाजुर्यम् १  
क्षेमो न साधुः क्रतुर्न भद्रो भुवत् स्वाधी ह्येता हव्यवाद् १ २  
हस्ते दधानो नृम्णा विश्वान्यमे देवान् धाद् गुहा निषीदन् ३  
विदन्तीमत्र नरो धियंधा हृदा यत् तृष्टान् मन्त्राँ अशंसन् २ ४  
अजो न क्षां दाधार पृथिवीं तस्तम्भ द्यां मन्त्रैभिः सत्यैः ५  
प्रिया पुदानि पुश्वो नि पाहि विश्वायुरग्ने गुहा गुहं गाः ३ ६  
य ई चिकेत गुहा भवन्त मा यः ससाद् धारामृतस्य ७  
वि ये चृतन्त्युता सपन्त आदिद् वसूनि प्र ववाचास्मै ४ ८  
वि यो वीरुत्सु रोधन्महिवो त प्रजा उत प्रसूष्वन्तः ९  
चित्तिरपां दमै विश्वायुः सद्यैव धीराः संमाय चक्रुः ५ १०

(६८) अष्टषष्ठितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा  
विराट् छन्दः

श्रीणन्नपे स्थाद् दिव भुरगयुः स्थातुश्चरथमक्तून् व्यूणीत् १  
परि यदैषामेको विश्वेषां भुवद् देवो देवानां महित्वा १ २  
आदित् ते विश्वे क्रतुं जुषन्त शुष्काद् यद् देव जीवो जनिष्ठाः ३  
भजन्त विश्वे देवत्वं नाम ऋतं सपन्तो अमृतमेवैः २ ४  
ऋतस्य प्रेषा ऋतस्य धीति विश्वायुर्विश्वे अपांसि चक्रुः ५  
यस्तुभ्यं दाशाद् यो वा ते शिक्षात् तस्मै चिकित्वान् रयिं दयस्व ३ ६  
होता निषत्तो मनोरपत्ये स चिन्वासां पती रयीणाम् ७  
इच्छन्त रेतो मिथस्तनूषु सं जानतु स्वैर्दक्षैर्मूराः ४ ८  
पितुर्न पुत्राः क्रतुं जुषन्त श्रोषन् ये अस्य शासं तुरासः ९  
वि रायं और्णोद् दुरः पुरुक्षुः पिपेश नाकं स्तृभिर्दमूनाः ५ १०

(६६) एकोनसप्ततितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा  
विराट् छन्दः

शक्रः शशक्वाँ उषो न जारः पुप्रा समीची दिवो न ज्योतिः १  
परि प्रजातः क्रत्वा बभूथ भुवो देवानां पिता पुत्रः सन् १ २  
वेधा अर्द्धो अग्निर्विजानन्नूधर्न गोनां स्वाद्या पितूनाम् ३  
जने न शेव आहूर्यः सन् मध्ये निषत्तो रगवो दुरोणे २ ४  
पुत्रो न जातो रगवो दुरोणे वाजी न प्रीतो विशो वि तारीत् ५  
विशो यदहे नृभिः सनीळा अग्निर्देवत्वा विश्वान्यश्याः ३ ६  
नकिष्ट एता वृता मिनन्ति नृभ्यो यदेभ्यः श्रुष्टिं चकर्थ ७  
तत् तु ते दंसो यदहन्त्समानैर्नृभिर्यद् युक्तो विवे रपांसि ४ ८  
उषो न जारो विभावोस्त्रः संज्ञातरूपश्चिकेतदस्मै ९  
त्मना वहन्तो दुरो व्यृणवन् नवन्त विश्वे स्वर्दृशीके ५ १०

(७०) सप्ततितमं सूक्तम्

(१-११) एकादशर्चस्यास्य सूक्तस्य शाक्त्यः पराशर ऋषिः । अग्निर्देवता ।  
द्विपदा विराट् छन्दः

वनेम पूर्वीर्यो मनीषा अग्निः सुशोको विश्वान्यश्याः १  
आ दैव्यानि वृता चिकित्वा ना मानुषस्य जनस्य जन्म १ २  
गर्भो यो अपां गर्भो वनानां गर्भश्च स्थातां गर्भश्चरथाम् ३  
अद्रौ चिदस्मा अन्तर्दुरोणे विशां न विश्वौ अमृतः स्वाधीः २ ४  
स हि क्षपावाँ अग्नी रयीणां दाशद् यो अस्मा अरं सूक्तैः ५  
एता चिकित्वो भूमा नि पाहि देवानां जन्म मर्ताश्च विद्वान् ३ ६  
वर्धान्यं पूर्वीः क्षपो विरूपाः स्थातुश्च रथमृतप्रवीतम् ७  
अराधि होता स्वर्निषत्तः कृणवन् विश्वान्यपांसि सत्या ४ ८  
गोषु प्रशस्तिं वर्नेषु धिषे भरन्त विश्वे बलिं स्वर्णः ९  
वि त्वा नरः पुरुत्रा संपर्यन् पितुर्न जिवेर्वि वेदो भरन्त ५ १०  
साधुर्न गृध्रस्तैव शूरो यातैव भीमस्त्वेषः समत्सु ६ ११

(७१) एकसप्ततितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता ।

त्रिष्टुप् छन्दः

उ॒प॒ प्र जि॒न्वन्नु॒शती॒रु॒शन्तं॑ प॒तिं न नि॒त्यं ज॒नय॑ः स॒नी॒ळाः ।  
स्व॒सा॒रः श्या॒वीम॒रुषी॒मजु॒षच॒फ॒द्र॒ज् चि॒त्रमु॒च्छन्ती॑मु॒षसं॑ न गावः १  
वी॒ळु चि॒द् दृ॒हळा पि॒तरौ न उ॒क्थै र॒द्रि रु॒जन्न॒ङ्गिर॒सो र॒वैण ।  
च॒क्रुर्दि॒वो बृ॒हतो गा॒तुम॒स्मे अ॒हः स्व॒र्वि॒वि॒दुः के॒तुमु॒स्ताः २  
द॒ध॒न्न॒तं ध॒नय॑न्नस्य धी॒ति मा॒दि॒द॒र्यो दि॒धिष्वो॒३ वि॒भृ॒त्राः ।  
अ॒तृ॒ष्यन्ती॒रप॒सो य॒न्त्य॒च्छा दे॒वाञ्ज॒न्म प्र॒यसा॑ व॒र्धय॑न्तीः ३  
म॒थी॒द् यदीं॑ वि॒भृतो॑ मा॒तरि॒श्वा गृ॒हेगृ॑हे श्ये॒तो जे॒न्यो भू॑त् ।  
आ॒दीं रा॒ज्ञे न स॒हीय॑से स॒चा स॒न्ना दू॒त्यं॑ भृ॒गवा॑णो वि॒वाय ४  
म॒हे यत् पि॒त्र ईं र॒सं दि॒वे क र॒वं त्स॒रत् पृ॒श॒न्यश्चि॒कित्वा॑न् ।  
सृ॒जद॒स्ता धृ॒ष॒ता दि॒द्युम॑स्मै स्वा॒यां दे॒वो दु॒हित॒रि त्वि॒षिं धा॑त् ५  
स्व आ यस्तु॒भ्यं द॒म आ वि॒भाति॑ नमो॒ वा दा॒शादु॒शतो॑ अ॒नु द्यू॑न् ।  
व॒धो अ॒ग्ने व॒यो अ॒स्य द्वि॒बर्हा॑ या॒सद् रा॒या स॒रथं॑ यं जु॒नासि॑ ६  
अ॒ग्निं वि॒श्वा अ॒भि पृ॒क्षः स॒चन्ते॑ स॒मुद्रं॑ न स्र॒वतः॑ स॒प्त य॒ह्नीः ।  
न जा॒मिभि॒र्वि चि॑किते व॒यो नो वि॒दा दे॒वेषु॑ प्र॒मतिं॑ चि॒कित्वा॑न् ७  
आ य॒दिषे॑ नृ॒पतिं॑ ते॒ज आ॒न॒ट् छु॒चि रे॒तो नि॒षिक्तं॑ द्यौ॒रभी॑के ।  
अ॒ग्निः श॒र्धम॑नवृ॒द्यं यु॒वानं॑ स्वा॒र्ध्यं ज॒नय॑त् सू॒दय॑च्च ८  
म॒नो न यो ऽध्व॑नः स॒द्य ए॒त्ये कः॑ स॒त्रा सू॒रो व॒स्व ई॒शे ।  
रा॒जा॒ना मि॒त्राव॑रु॒णा सु॒पा॒णी गो॒षु प्रि॒यम॑मृ॒तं र॒क्षमा॑णा ९  
मा नो॑ अ॒ग्ने स॒ख्या पि॒त्र्याणि॑ प्र म॒र्षि॒ष्ठा अ॒भि वि॒दुष्क॒विः सं॑न् ।  
न॒भो न रू॒पं ज॑रि॒मा मि॑नाति पु॒रा तस्या॑ अ॒भि॒शस्ते॑र॒धीहि॑ १०

(७२) द्विसप्ततितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता ।

त्रिष्टुप् छन्दः

नि का॒व्या वे॒धसः॑ श॒श्व॒तस्क् ह॑स्ते द॒धानो॑ न॒र्या पु॒रूणि॑ ।  
अ॒ग्नि॒र्भुव॑द् र॒यिप॑ती र॒यीणां॑ स॒त्रा च॑क्रा॒णो अ॒मृता॑नि वि॒श्वा १  
अ॒स्मे वृ॒त्सं प॒रि ष॑न्तं न वि॒न्द न्नि॒च्छन्तो॑ वि॒श्वे अ॒मृता॑ अ॒मूराः॑ ।  
श्र॒म॒युर्वः॑ प॒द्व्यौ धि॒यं॒धा स्त॑स्थुः प॒दे प॒रमे॑ चा॒र्व॒ग्नेः २

तिस्त्रो यदग्ने शरदस्त्वामिच्छुचिं घृतेन शुचयः सपर्यान् ।  
नामानि चिद् दधिरे यज्ञियान्यसूदयन्त तन्वः सुजाताः ३  
आ रोदसी बृहती वेविदानाः प्र रुद्रिया जग्निरे यज्ञियासः ।  
विदन्मतौ नेमधिता चिकित्वा नग्निं पुदे परमे तस्थिवांसम् ४  
संजानाना उप सीदन्नभिजु पत्नीवन्तो नमस्य नमस्यन् ।  
रिक्वांसस्तन्वः कृणवत स्वाः सखा सख्युर्निमिषि रक्षमाणाः ५  
त्रिः सप्त यद् गुह्यानि त्वे इत् पदाविदन्निहिता यज्ञियासः ।  
तेभी रक्षन्ते अमृतं सजोषाः पशूञ्च स्थातृचफट्श्चरथं च पाहि ६  
विद्वाँ अग्ने वयुनानि क्षितीनां व्यानुषक् छुरुधौ जीवसे धाः ।  
अन्तर्विद्वाँ अध्वनो देवयाना नतन्द्रो दूतो अभवो हविर्वाद् ७  
स्वाध्यौ दिव आ सप्त यही रायो दुरो व्यृतज्ञा अजानन् ।  
विदद् गव्यं सरमा दृहळमूर्वं येना नु कं मानुषी भोजते विद् ८  
आ ये विश्वा स्वपत्यानि तस्थुः कृणवानासौ अमृतत्वाय गातुम् ।  
महा महद्भिः पृथिवी वि तस्थे माता पुत्रैरदितिर्धायसे वेः ९  
अधि श्रियं नि दधुश्चारुमस्मिन् दिवो यदक्षी अमृता अकृणवन् ।  
अर्धं क्षरन्ति सिन्धवो न सृष्टाः प्र नीचीरग्ने अरुषीरजानन् १०

(७३) त्रिसप्ततितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता ।

त्रिष्टुप् छन्दः

रयिर्न यः पितृवित्तो वयोधाः सुप्रणीतिश्चिकितुषो न शासुः ।  
स्योनशीरतिथिर्न प्रीणानो होतैव सद्यं विधतो वि तारीत् १  
देवो न यः सविता सत्यमन्मा क्रत्वा निपाति वृजनानि विश्वा ।  
पुरुप्रशस्तो अमतिर्न सत्य आत्मेव शेवौ दिधिषाय्यौ भूत् २  
देवो न यः पृथिवीं विश्वधाया उपक्षेति हितमित्रो न राजा ।  
पुरःसदः शर्मसदो न वीरा अनवद्या पतिजुष्टेव नारी ३  
तं त्वा नरो दम् आ नित्यमिद्ध मग्ने सचन्त क्षितिषु ध्रुवासु ।  
अधि द्युम्नं नि दधुर्भूर्यस्मिन् भवा विश्वायुर्धरुणौ रयीणाम् ४  
वि पृक्षौ अग्ने मघवानो अश्व्युर्वि सूरयो ददतो विश्वमायुः ।  
सनेम् वाजं समिथेष्वर्यो भागं देवेषु श्रवसे दधानाः ५

ऋतस्य हि धेनवो वावशानाः स्मदूधीः पीपयन्त द्युभक्ताः ।  
 परावतः सुमतिं भिक्षमाणा वि सिन्धवः समया सस्त्रुरद्रिम् ६  
 त्वे अग्ने सुमतिं भिक्षमाणा दिवि श्रवो दधिरे यज्ञियोसः ।  
 नक्ता च चक्रुषसा विरूपे कृष्णं च वर्णमरुणं च सं धुः ७  
 यान् राये मर्तान्सुषूदो अग्ने ते स्याम मघवानो वयं च ।  
 छायेव विश्वं भुवनं सिसदया पप्रिवान् रोदसी अन्तरिक्षम् ८  
 अर्वद्विरग्ने अर्वतो नृभिर्नृन् वरैर्वीरान् वनुयामा त्वोताः ।  
 ईशानासः पितृवित्तस्य रायो वि सूरयः शतहिमा नो अश्रुः ९  
 एता ते अग्न उचथानि वेधो जुष्टानि सन्तु मनसे हृदे च ।  
 शेकेम रायः सुधुरो यमं ते ऽधि श्रवो देवभक्तं दधानाः १०  
 त्रयोदशोऽनुवाकः १३ सू० ७४-८४

(७४) चतुःसप्ततितमं सूक्तम्

(१-९) नवर्चस्यास्य सूक्तस्य राहूगणो गोतम ऋषिः । अग्निर्देवता । गायत्री छन्दः  
 उपप्रयन्तो अध्वरं मन्त्रं वोचेमाग्रये । आरे अस्मे च शृण्वते १  
 यः स्त्रीहितीषु पूर्व्यः संजग्मानासु कृष्टिषु । अरक्षद् दाशुषे गयम् २  
 उत ब्रुवन्तु जन्तव उदग्निर्वृत्रहाजनि । धनं जयो रणैरणे ३  
 यस्य दूतो असि क्षये वेषि हव्यानि वीतये । दस्मत् कृणोष्यध्वरम् ४  
 तमित् सुहव्यमङ्गिरः सुदेवं सहसो यहो । जना आहुः सुबर्हिषम् ५  
 आ च वहासि तां इह देवां उप प्रशस्तये । हव्या सुश्चन्द्र वीतये ६  
 न योरुपब्दिरश्वयः शृणवे रथस्य कञ्चन । यदग्ने यासि दूत्यम् ७  
 त्वोतो वाज्यहयो ऽभि पूर्वस्मादपरः । प्र दाश्वां अग्ने अस्थात् ८  
 उत द्युमत् सुवीर्यं बृहदग्ने विवाससि । देवेभ्यो देव दाशुषे ९

(७५) पञ्चसप्ततितमं सूक्तम्

(१-५) पञ्चर्चस्यास्य सूक्तस्य राहूगणो गोतम ऋषिः । अग्निर्देवता ।  
 गायत्री छन्दः

जुषस्व सप्रथस्तमं वचो देवप्सरस्तमम् । हव्या जुह्वान आसनि १  
 अथा ते अङ्गिरस्तमाग्रै वेधस्तम प्रियम् । वोचेम ब्रह्म सानुसि २  
 कस्ते जामिर्जनाना मग्ने को दाश्वध्वरः । को ह कस्मिन्नसि श्रितः ३

त्वं जा॒मिर्जना॑ना॒ मग्ने॑ मि॒त्रो अ॑सि प्रि॒यः । सखा॑ सखि॒भ्य ई॑ड्यः ४  
यजा॑ नो मि॒त्रावरु॑णा यजा॑ देवाँ ऋ॒तं बृ॑हत् । अग्ने॑ यक्षि॒ स्वं द॑र्मम् ५

(७६) षट्सप्ततितमं सूक्तम्

(१-५) पञ्चर्चस्यास्य सूक्तस्य राहूगणो गोतम ऋषिः । अग्निर्देवता । त्रिष्टुप् छन्दः  
का त॒ उपै॑ति॒र्मन॑सो वरा॑य॒ भुव॑दग्ने श॒न्तमा॑ का म॒नीषा॑ ।  
को वा॑ यु॒ज्ञैः परि॑ दक्षं त आप॒ केन॑ वा ते म॒नसा॑ दाशेम १  
ए॒ह्यग्र॑ इह होता॒ नि षी॑दा द॒ब्धः सु॑ पु॒रए॑ता भ॒वा नः॑ ।  
अ॒वतां॑ त्वा रोद॑सी विश्वमि॒न्वे यजा॑ म॒हे सौ॑म॒नसा॑य दे॒वान् २  
प्र सु॑ विश्वा॒न् रक्ष॑सो ध॒क्ष्यग्ने॑ भवा॑ यु॒ज्ञाना॑मभिशस्ति॒पावा॑ ।  
अथा॑ व॒ह सोम॑पतिं ह॒रिभ्या॑ मा॒तिथ्य॑म॒स्मै च॑कृ॒मा सु॑दा॒व्ने ३  
प्र॒जाव॑ता व॒चसा॑ व॒हिरा॑सा ऽऽ च॒ हुवे॑ नि च॒ सत्सी॑ह दे॒वैः ।  
वेषि॑ हो॒त्रमु॑त पो॒त्रं य॑जत्र बो॒धि प्र॑यन्त॒र्जनितु॑र्वसूनाम् ४  
यथा॑ विप्र॒स्य म॑नुषो ह॒विर्भि॑र्दे॒वाँ अ॑य॒जः क॒विभिः॑ क॒विः स॑न् ।  
ए॒वा हो॑तः सत्यत॒ त्वम॒द्या ग्रे॑ म॒न्द्रया॑ जु॒हो य॑जस्व ५

(७७) सप्तसप्ततितमं सूक्तम्

(१-५) पञ्चर्चस्यास्य सूक्तस्य राहूगणो गोतम ऋषिः । अग्निर्देवता । त्रिष्टुप् छन्दः  
क॒था दा॑शेमा॒ग्रये॑ का॒स्मै दे॒वजु॑ष्टोच्यते भामि॒ने गीः॑ ।  
यो म॒र्त्येष्व॑मृ॒तं ऋ॒तावा॑ होता॒ यजि॑ष्ट इत् कृ॒णोति॑ दे॒वान् १  
यो अ॒ध्वरे॑षु श॒न्तम॑ ऋ॒तावा॑ होता॒ तमू॑ नमो॒भिरा॑ कृ॒णुध्व॑म् ।  
अ॒ग्निर्यद् वे॑र्मता॒य दे॒वा न्त॑स चा॒ बोधा॑ति म॒नसा॑ यजाति २  
स हि॑ क्र॒तुः स म॑र्यः स सा॒धु मि॑त्रो न भू॒दद्भु॑तस्य र॒थीः ।  
तं मे॒धेषु॑ प्रथ॒मं दे॒व्यन्ती॑ वि॒श उप॑ ब्रुवते दु॒स्ममारीः॑ ३  
स नो॑ नृ॒णां नृ॑तमो रि॒शादा॑ अ॒ग्निरि॑रोऽव॒सा वे॒तु धी॑तिम् ।  
तना॑ च॒ ये म॒घवा॑नः शवि॒ष्ठा वा॑जप्रसू॒ता इ॒षय॑न्त॒ मन्म॑ ४  
ए॒वाग्नि॑र्गोत॒मेभि॑र्ऋ॒तावा॑ विप्रै॒भिर॑स्तोष्ट जा॒तवे॑दाः ।  
स ए॒षु द्यु॒म्रं पी॑पयत् स वा॒जं स पु॑ष्टिं या॒ति जो॑ष॒मा चि॑क्त्वा॒न् ५

(७८) अष्टसप्ततितमं सूक्तम्

(१-५) पञ्चर्चस्यास्य सूक्तस्य राहूगणो गोतम ऋषिः । अग्निर्देवता ।

गायत्री छन्दः

अभि त्वा गोतमा गिरा जातवेदो विचर्षणे । द्युमैरभि प्र णौनुमः १  
तमु त्वा गोतमो गिरा रायस्कामो दुवस्यति । द्युमैरभि प्र णौनुमः २  
तमु त्वा वाजसातम मङ्गिरस्वद्ध्वामहे । द्युमैरभि प्र णौनुमः ३  
तमु त्वा वृत्रहन्तमं यो दस्यूरवधूनुषे । द्युमैरभि प्र णौनुमः ४  
अवोचाम् रहूगणा अग्नये मधुमद् वचः । द्युमैरभि प्र णौनुमः ५

(७६) एकोनाशीतितमं सूक्तम्

(१-१२) द्वादशर्चस्यास्य सूक्तस्य राहूगणो गोतम ऋषिः । (१-३)

प्रथमतृचस्याग्निर्मध्यमोऽग्निर्वा (४-१२) चतुर्थ्यादिनवर्चाञ्चाग्निर्देवता । (१-३)  
प्रथमतृचस्य त्रिष्टुप् (४-६) द्वितीयतृचस्योष्णिक् (७-१२) तृतीयचतुर्थतृचयोश्च  
गायत्री छन्दांसि

हिरण्यकेशो रजसो विसारे ऽहिर्धुनिर्वात इव धर्जीमान् ।  
शुचिभ्राजा उषसो नवेदा यशस्वतीरपस्युवो न सत्याः १  
आ ते सुपर्णा अमिनन्तु एवैः कृष्णो नौनाव वृषभो यदीदम् ।  
शिवाभिर्न स्मर्यमानाभिरागात् पतन्ति मिहः स्तनयन्त्यभ्रा २  
यदीमृतस्य पर्यसा पियानो नयनृतस्य पृथिभी रजिष्ठैः ।  
अर्यमा मित्रो वरुणः परिज्मा त्वचं पृञ्चन्त्युपरस्य योनौ ३  
अग्ने वाजस्य गोमत ईशानः सहसो यहो । अस्मे धैहि जातवेदो महि श्रवः  
४

स ईधानो वसुष्कवि रग्निरीळेन्यो गिरा । रेवदस्मभ्यं पुर्वणीक दीदिहि ५  
क्षपो राजन्नुत त्मना ग्रे वस्तोरुतोषसः । स तिग्मजम्भ रक्षसो दह प्रति ६  
अवा नो अग्न ऊतिभिर्गायत्रस्य प्रभर्मणि । विश्वासु धीषु वन्द्य ७  
आ नो अग्ने रयिं भर सत्रासाहं वरेण्यम् । विश्वासु पृत्सु दुष्टरम् ८  
आ नो अग्ने सुचेतुना रयिं विश्वायुपोषसम् । मर्डीकं धैहि जीवसै ९  
प्र पूतास्तिग्मशौचिषे वाचो गोतमाग्रये । भरस्व सुम्रयुर्गिरः १०  
यो नो अग्ने ऽभिदासत्यन्ति दूरे पदीष्ट सः । अस्माकमिद् वृधे भव ११  
सहस्राक्षो विचर्षणि रग्नी रक्षांसि सेधति । होता गृणीत उक्थ्यः १२



(८०) अशीतितमं सूक्तम्

(१-१६) षोडशर्चस्यास्य सूक्तस्य राहूगणो गोतम ऋषिः । (१-१५)

प्रथमादिपञ्चदशर्चामिन्द्रः (१६) षोडश्याश्चेन्द्रोऽथर्वा मनुर्दध्यङ् च देवताः ।

पङ्क्तिश्छन्दः

इत्था हि सोम॒ इन्मदै॑ ब्र॒ह्मा च॒कार॒ वर्ध॑नम् ।  
 श॒र्विष्ठ॑ वज्रि॒न्नोर्ज॑सा पृथि॒व्या निः श॑शा अ॒हि म॑र्च॒न्ननु॑ स्व॒राज्य॑म् १  
 स त्वा॑मद॒द् वृषा॑ मदः सोमः श्ये॒नाभृ॑तः सु॒तः ।  
 येना॑ वृ॒त्रं निर॒द्धो ज॒घन्थ॑ वज्रि॒न्नोर्ज॑सा च॒न्ननु॑ स्व॒राज्य॑म् २  
 प्रेह्य॑भीहि धृष्णु॒हि न ते॒ वज्रो॒ नि य॑सते ।  
 इन्द्रे॑ नृ॒माणं॑ हि ते॒ शवो॒ हनो॑ वृ॒त्रं जया॑ अपो ऽच॒न्ननु॑ स्व॒राज्य॑म् ३  
 निरि॑न्द्र भू॒म्या अधि॑ वृ॒त्रं ज॒घन्थ॑ निर्दि॒वः ।  
 सृ॒जा म॒रुत्व॑ती॒रव॑ जी॒वध॑न्या इ॒मा अपो॑ ऽच॒न्ननु॑ स्व॒राज्य॑म् ४  
 इन्द्रो॑ वृ॒त्रस्य॑ दो॒धतः॑ सा॒नुं वज्रै॑ण ही॒ळितः॑ ।  
 अ॒भिक्र॑म्या॒व जिघ्र॑ते ऽपः स॒र्माय॑ चोदय॒न्नच॑न्ननु॑ स्व॒राज्य॑म् ५  
 अधि॑ सा॒नौ नि जिघ्र॑ते वज्रै॑ण श॒तप॑र्व॒णा ।  
 म॒न्दान॑ इन्द्रो अ॒र्धसः॑ सखि॒भ्यो गा॑तुमि॒च्छ॒त्यच॑न्ननु॑ स्व॒राज्य॑म् ६  
 इन्द्र॑ तुभ्यमिद॒द्रिवो॑ ऽनु॒त्तं वज्रि॑न् वी॒र्य॑म् ।  
 यद्ध॑ त्यं मा॒यिनं॑ मृ॒गं तमु॒ त्वं मा॒यया॑वधी॒ रच॑न्ननु॑ स्व॒राज्य॑म् ७  
 वि ते॒ वज्रा॑सो अ॒स्थिर॑न्नवृ॒तिं ना॒व्याऽनु॑ ।  
 म॒हत् तं इन्द्र॑ वी॒र्यं बा॒होस्ते॑ बलं हित॒ मच॑न्ननु॑ स्व॒राज्य॑म् ८  
 स॒हस्रं॑ सा॒कम॑र्चत॒ परि॑ ष्ठोभ॒त विंश॑तिः ।  
 श॒तैन॑म॒र्चनो॑नवु रिन्द्रा॒य ब्र॒ह्मोद्य॑त॒ मच॑न्ननु॑ स्व॒राज्य॑म् ९  
 इन्द्रो॑ वृ॒त्रस्य॑ तवि॒षीं निर॑हन्त्सह॒सा सहः॑ ।  
 म॒हत् तद॑स्य पौ॒स्यं वृ॒त्रं ज॒घन्वाँ अ॑सृ॒ज द॑र्च॒न्ननु॑ स्व॒राज्य॑म् १०  
 इमे चि॒त् तव॑ म॒न्यवे॑ वेपै॒ते भि॑यसा॒ मही॑ ।  
 यदि॑न्द्र वज्रि॒न्नोर्ज॑सा वृ॒त्रं म॒रुत्वाँ अ॑वधी॒ रच॑न्ननु॑ स्व॒राज्य॑म् ११  
 न वेप॑सा न त॒न्यते॑ न्द्रं वृ॒त्रो वि बी॑भयत् ।  
 अ॒भ्यैनं॑ वज्र॒ आय॑सः स॒हस्र॑भृष्टि॒राय॑ता च॒न्ननु॑ स्व॒राज्य॑म् १२  
 यद् वृ॒त्रं तव॑ चा॒शनिं॑ वज्रै॑ण स॒मयो॑धयः ।  
 अहि॑मिन्द्र जिघा॑सतो दि॒वि तै ब॒द्धे शवो॑ ऽच॒न्ननु॑ स्व॒राज्य॑म् १३

अभिष्टुने तै अद्रिवो यत् स्था जगच्च रेजते ।  
 त्वष्टा चित् तव मन्यव इन्द्र वेविज्यते भिया चन्ननु स्वराज्यम् १४  
 नहि नु यादधीमसीन्द्रं को वीर्या परः ।  
 तस्मिन्मृणामुत क्रतुं देवा ओजांसि सं दधुर चन्ननु स्वराज्यम् १५  
 यामर्थवा मनुष्यता दध्यङ् धियमवत ।  
 तस्मिन् ब्रह्माणि पूर्वथेन्द्र उक्था समग्मता चन्ननु स्वराज्यम् १६  
 षष्ठोऽध्यायः व० १-३२

(८१) एकाशीतितमं सूक्तम्

(१-६) नवर्चस्यास्य सूक्तस्य राहूगणो गोतम ऋषिः । इन्द्रो देवता । पङ्क्तिश्छन्दः  
 इन्द्रो मदाय वावृधे शर्वसे वृत्रहा नृभिः ।  
 तमिन्महत्स्वाजिषू तेमर्भे हवामहे स वाजेषु प्र नोऽविषत् १  
 असि हि वीर सेन्यो ऽसि भूरि पराददिः ।  
 असि दध्रस्य चिद् वृधो यजमानाय शिक्तसि सुन्वते भूरि ते वसु २  
 यदुदीरत आजयो धृष्णवे धीयते धना ।  
 युक्त्वा मदच्युता हरी कं हनः कं वसौ दधो ऽस्माँ इन्द्र वसौ दधः ३  
 क्रत्वा मुहाँ अनुष्वधं भीम आ वावृधे शर्वः ।  
 श्रिय ऋष्व उपाकयो नि शिप्री हरिवान् दधे हस्तयोर्वज्रमायसम् ४  
 आ पप्रौ पार्थिवं रजौ बद्धधे रौचना दिवि ।  
 न त्वावाँ इन्द्र कश्चन न जातो न जनिष्यते ऽति विश्वं ववक्षिथ ५  
 यो अर्यो मर्तभोजनं पराददाति दाशुषे ।  
 इन्द्रो अस्मभ्यं शिक्तु वि भजा भूरि ते वसु भक्षीय तव राधसः ६  
 मदमदे हि नो ददिर्युथा गवामृजुक्रतुः ।  
 सं गृभाय पुरु शतो भयाहस्त्या वसु शिशीहि राय आ भर ७  
 मादयस्व सुते सचा शर्वसे शूर राधसे ।  
 विद्या हि त्वा पुरुवसु मुप कामान्ससृज्महे ऽथा नोऽविता भव ८  
 एते त इन्द्र जन्तवो विश्वं पुष्यन्ति वार्यम् ।  
 अन्तर्हि रूयो जनाना मर्यो वेदो अदाशुषां तेषां नो वेद आ भर ९

(८२) द्व्यशीतितमं सूक्तम्

(१-६) षडृचस्यास्य सूक्तस्य राहूगणो गोतम ऋषिः । इन्द्रो देवता । (१-५)

प्रथमादिपञ्चर्चा पङ्क्तिः (६) षष्ठ्याश्च जगती छन्दसी

उपो षु शृणुही गिरो मघवन् मातथा इव ।

यदा नः सूनृतावतः कर आदर्थयास इद योजा न्विन्द्र ते हरी १

अक्षन्नमीमदन्त ह्य व प्रिया अधूषत ।

अस्तौषत स्वभानवो विप्रा नविष्ठया मृती योजा न्विन्द्र ते हरी २

सुसंदृशं त्वा वयं मघवन् वन्दिषीमहि ।

प्र नूनं पूर्णवन्धुरः स्तुतो याहि वशाँ अनु योजा न्विन्द्र ते हरी ३

स घा तं वृषणं रथ मधि तिष्ठाति गोविदम् ।

यः पात्रं हारियोजनं पूर्णमिन्द्र चिकेतति योजा न्विन्द्र ते हरी ४

युक्तस्ते अस्तु दक्षिण उत सव्यः शतक्रतो ।

तेन जायामुपे प्रियां मन्दानो याह्यन्धसो योजा न्विन्द्र ते हरी ५

युनज्मि ते ब्रह्मणा केशिना हरी उप प्र याहि दधिषे गर्भस्त्योः ।

उत् त्वा सुतासौ रभसा अमन्दिषुः पूषणवान् वज्रिन्त्समु पत्न्यामदः ६

(८३) त्र्यशीतितमं सूक्तम्

(१-६) षडृचस्यास्य सूक्तस्य राहूगणो गोतम ऋषिः । इन्द्रो देवता ।

जगती छन्दः

अश्वावति प्रथमो गोषु गच्छति सुप्रावीरिन्द्र मर्त्यस्तवोतिभिः ।

तमित् पृणक्षि वसुना भवीयसा सिन्धुमापो यथाभितो विचैतसः १

आपो न देवीरुपं यन्ति होत्रियं मवः पश्यन्ति विततं यथा रजः ।

प्राचैर्देवासः प्र णयन्ति देवयुं ब्रह्मप्रियं जोषयन्ते वरा इव २

अधि द्वयोरदधा उक्थ्यं वचो यतस्त्रुचा मिथुना या सपर्यतः ।

असयत्तो वृते ते क्षेति पुष्यति भद्रा शक्तिर्यजमानाय सुन्वते ३

आदङ्गिराः प्रथमं दधिरे वयं इद्धाग्रयः शम्या ये सुकृत्यया ।

सर्वं पुणेः समविन्दन्त भोजनं मश्वावन्तं गोमन्तमा पशं नरः ४

यज्ञैरथर्वा प्रथमः पथस्तते ततः सूर्यो वतपा वेन आर्जनि ।

आ गा आजदुशना काव्यः सचा यमस्य जातममृतं यजामहे ५

बर्हिर्वा यत् स्वपत्याय वृज्यते ऽको वा श्लोकमाघोषते दिवि ।

ग्रावा यत्र वदति कारुरुक्थ्यं स्तस्येदिन्द्रौ अभिपित्वेषु रणयति ६

## (८४) चतुरशीतितमं सूक्तम्

(१-२०) विंशत्यृचस्यास्य सूक्तस्य राहूगणो गोतम ऋषिः । इन्द्रो देवता । (१-६) प्रथमद्वितीयतृचयोरनुष्टुप् (७-९) तृतीयतृचस्योष्णिक (१०-१२) चतुर्थतृचस्य पङ्क्तिः (१३-१५) पञ्चमतृचस्य गायत्री (१६-१८) षष्ठतृचस्य त्रिष्टुप् (१९-२०) एकोनविंश्या विंश्याश्च प्रगाथः (विषमाया बृहती, समायाः सतोबृहती) छन्दांसि असावि सोम इन्द्र ते शविष्ठ धृष्णवा गहि ।  
 आ त्वा पृणक्त्वन्द्रियं रजः सूर्यो न रश्मिभिः १  
 इन्द्रमिद्धरी वहतो ऽप्रतिधृष्टशवसम् ।  
 ऋषीणां च स्तुतीरुप यज्ञं च मानुषाणाम् २  
 आ तिष्ठ वृत्रहन् रथं युक्ता ते ब्रह्मणा हरी ।  
 अर्वाचीनं सु ते मनो ग्रावा कृणोतु वृमुना ३  
 इममिन्द्र सुतं पिब ज्येष्ठममर्त्यं मदम् ।  
 शक्रस्य त्वाभ्यक्षरन् धारा ऋतस्य सादने ४  
 इन्द्राय नूनमर्चतो कथानि च ब्रवीतन ।  
 सुता अमत्सुरिन्दवो ज्येष्ठं नमस्यता सहः ५  
 नकिष्ट्वद् रथीतरो हरी यदिन्द्र यच्छसे ।  
 नकिष्ट्वानु मज्मना नकिः स्वश्च आनशे ६  
 य एक इद् विदयते वसु मर्ताय दाशुषे ।  
 ईशानो अप्रतिष्कृत इन्द्रो अङ्ग ७  
 कदा मर्तमराधसं पदा क्षुम्पमिव स्फुरत् ।  
 कदा नः शुश्रवद् गिर इन्द्रो अङ्ग ८  
 यश्चिद्धि त्वा बहुभ्य आ सुतावाँ आविवांसति ।  
 उग्रं तत् पत्यते शव इन्द्रो अङ्ग ९  
 स्वादोरित्था विषूवतो मध्वः पिबन्ति गौर्यः ।  
 या इन्द्रेण सयावरी वृष्णा मदन्ति शोभसे वस्वीरनु स्वराज्यम् १०  
 ता अस्य पृशनायुवः सोमं श्रीणन्ति पृश्नयः ।  
 प्रिया इन्द्रस्य धेनवो वज्रं हिन्वन्ति सायकं वस्वीरनु स्वराज्यम् ११  
 ता अस्य नमसा सहः सपर्यन्ति प्रचेतसः ।  
 व्रतान्यस्य सश्चिरे पुरुणि पूर्वचित्तये वस्वीरनु स्वराज्यम् १२

इन्द्रो दधीचो अस्थभिर्वृत्रायप्रतिष्कृतः । जघान नवतीर्नव १३  
 इच्छन्नश्चस्य यच्छिरः पर्वतिष्वपश्रितम् । तद् विदच्छर्यणावति १४  
 अत्राह गोरमन्वत् नाम त्वष्टुरपीच्यम् । इत्था चन्द्रमसो गृहे १५  
 को अद्य युङ्क्ते धुरि गा ऋतस्य शिमीवतो भामिनो दुर्हणायून् ।  
 आसन्निषून् ह्रस्वसौ मयोभून् य एषां भृत्यामृणधत् स जीवात् १६  
 क ईषते तुज्यते को बिभायु को मंसते सन्तमिन्द्रं को अन्ति ।  
 कस्तोकाय क इभायोत राये ऽधि ब्रवत् तन्वेरे को जनाय १७  
 को अग्निमीदृ हविषा घृतेन स्तुचा यजाता ऋतुभिर्ध्रुवेभिः ।  
 कस्मै देवा आ वहानाशु होम को मंसते वीतिहोत्रः सुदेवः १८  
 त्वमङ्ग प्र शंसिषो देवः शविष्ट मर्त्यम् ।  
 न त्वदन्यो मघवन्नस्ति मर्दितेन्द्र ब्रवीमि ते वचः १९  
 मा ते राधांसि मा त ऊतयो वसो ऽस्मान् कदा चना दभन् ।  
 विश्वा च न उपमिमीहि मानुष वसूनि चर्षणिभ्य आ २०  
 चतुर्थशोऽनुवाकः १४ सू० ८५-९३

(८५) पञ्चाशीतितमं सूक्तम्

(१-१२) द्वादशर्चस्यास्य सूक्तस्य राहूगणो गोतम ऋषिः । मरुतो देवताः । (१-४, ६-११) प्रथमादिचतुर्ऋचां षष्ठ्यादिषण्णाञ्च जगती (५, १२)

पञ्चमीद्वादशयोश्च त्रिष्टुप् छन्दसी

प्र ये शुम्भन्ते जनयो न सप्तयो यामन् रुद्रस्य सूनवः सुदंससः ।  
 रोदसी हि मरुतश्चक्रिरे वृधे मदन्ति वीरा विदथैषु घृष्वयः १  
 त उक्षितासौ महिमानमाशत दिवि रुद्रासो अर्धं चक्रिरे सदः ।  
 अर्चन्तो अर्कं जनयन्त इन्द्रियमधि श्रियो दधिरे पृश्निमातरः २  
 गोमातरो यच्छुभयन्ते अञ्जिभिस्तनूषु शुभ्रा दधिरे विरुक्मतः ।  
 बाधन्ते विश्वमभिमातिनमप वत्मान्येषामनु रीयते घृतम् ३  
 वि ये भ्राजन्ते सुमखास ऋष्टिभिः प्रच्यावयन्तो अच्युता चिदोजसा ।  
 मनोजुवो यन्मरुतो रथेष्व वृषवातासः पृषतीरयुग्ध्वम् ४  
 प्र यद् रथेषु पृषतीरयुग्ध्वं वाजे अद्रि मरुतो रंहयन्तः ।  
 उतारुषस्य वि ष्यन्ति धाराश्चर्मवोदभिव्युन्दन्ति भूर्म ५  
 आ वौ वहन्तु सप्तयो रघुष्यदौ रघुपत्वानः प्र जिगात बाहुभिः ।

सीदता ब॒र्हिरु॒रु वः॑ सद॑स्कृतं मा॒दय॑ध्वं मरु॒तो म॒ध्वो अ॒न्धसः॑ ६  
 तै॒ऽव॒र्धन्त॒ स्वत॑वसो महि॒त्व॒ना नाकं॑ त॒स्थुरु॒रु च॑क्रिरे॒ सदः॑ ।  
 वि॒ष्णुर्य॑द्वाव॒द् वृष॑णं म॒द॒च्युतं॑ वयो न सीद॒न्नधि॑ ब॒र्हिषि॑ प्रि॒ये ७  
 शूरा॑ इ॒वेद् यु॒यु॒धयो॑ न जग्म॑यः श्रव॒स्यवो॑ न पृ॒त॒नासु॑ येतिरे ।  
 भ॒र्यन्ते॑ वि॒श्वा भु॑वना म॒रुद्भ्यो॑ राजा॑न इव त्वे॒षस॑दृ॒शो नरः॑ ८  
 त्वष्टा॑ यद् वज्रं सु॒कृतं॑ हि॒र॒ण्यय॑ सह॒स्त्रभृ॑ष्टिं स्व॒पा अ॒व॒र्तय॑त् ।  
 ध॒त्त इन्द्रो॑ न॒र्यपा॑सि क॒र्त॒वे ऽह॑न् वृ॒त्रं नि॒र॒पामौ॑ब्जदर्श॒वम् ९  
 ऊ॒र्ध्वं नु॑नुद्रेऽव॒तं त ओ॒जसा॑ ददृ॒हाणं॑ चि॒द् बि॒भिदु॑र्वि प॒र्वत॑म् ।  
 ध॒मन्तो॑ वा॒णं म॒रुतः॑ सु॒दान॑वो म॒दे सोम॑स्य र॒ण्यानि॑ चक्रिरे १०  
 जि॒ह्वं नु॑नुद्रेऽव॒तं तया॑ दि॒शा सिञ्च॑न्नु॒त्सं गो॑त॒माय॑ तृ॒ष्णजै॑ ।  
 आ ग॑च्छन्तीम॒वसा॑ चि॒त्रभा॑नवः का॒मुं वि॒प्रस्य॑ त॒र्पय॑न्त॒ धाम॑भिः ११  
 या वः॑ श॒र्म श॑शमा॒नाय॑ सन्ति॒ त्रि॒धातू॑नि दा॒शुषे॑ यच्छ॒ताधि॑ ।  
 अ॒स्मभ्य॑ तानि॒ मरु॒तो वि॑ यन्त॒ रयि॑ नौ ध॒त्त वृष॑णः सु॒वीर॑म् १२

(८६) षडशीतितमं सूक्तम्

(१-१०) दशर्चस्यास्य सूक्तस्य राहूगणो गोतम ऋषिः । मरुतो देवताः ।

गायत्री छन्दः

म॒रुतो॑ यस्य॒ हि क्षयै॑ पा॒था दि॒वो वि॑महसः । स सु॒गो॒पात॑मो ज॒नः १  
 य॒ज्ञैर्वा॑ य॒ज्ञवा॑हसो वि॒प्रस्य॑ वा म॒तीना॑म् । म॒रुतः॑ शृ॒णुता॑ ह॒वम् २  
 उ॒त वा॑ यस्य॒ वा॒जिनो॑ ऽनु॒ वि॒प्रम॑त॒क्षत॑ । स ग॒न्ता॑ गो॒मति॑ वृ॒जे ३  
 अ॒स्य वी॑रस्य॒ ब॒र्हिषि॑ सु॒तः सोमो॑ दि॒विष्टि॑षु । उ॒क्तं म॑दश्च शस्यते ४  
 अ॒स्य श्रौ॑षन्त्वा भु॒वो वि॒श्वा यश्च॑र्षणी॒रभि॑ । सू॒रं चि॑त् स॒स्त्रुषी॑रिषः ५  
 पू॒र्वीभि॑र्हि द॑दाशि॒म श॒रद्भि॑र्मरुतो व॒यम् । अ॒वौभि॑श्चर्षणी॒नाम् ६  
 सु॒भगः॑ स प्र॒यज्य॑वो म॒रुतो॑ अस्तु म॒र्त्यः । यस्य॒ प्रया॑सि प॒र्षथ॑ ७  
 श॒शमा॑नस्य॒ वा न॒रः स्वेद॑स्य स॒त्यश॑वसः । वि॒दा का॑मस्य॒ वेन॑तः ८  
 यू॒यं तत् स॑त्यशवस आ॒विष्कर्त॑ महि॒त्व॒ना । वि॒ध्यता॑ वि॒द्युता॑ र॒क्षः ९  
 गू॒हता॑ गु॒ह्यं तमो॑ वि या॒तु वि॒श्वम॒त्रिण॑म् । ज्योति॑ष्कर्ता॒ यदु॑श्मसि १०

(८७) सप्ताशीतितमं सूक्तम्

(१-६) षडृचस्यास्य सूक्तस्य राहूगणो गोतम ऋषिः । मरुतो देवताः ।

जगती छन्दः

प्रत्वंक्षसः प्रतवसो विरप्शिनो ऽनानता अविथुरा ऋजीषिणः ।  
जुष्टमासो नृतमासो अञ्जिभिर्व्यानजे के चिदुस्त्रा इव स्तृभिः १  
उपह्वरेषु यदचिध्वं ययिं वयं इव मरुतः केन चित् पृथा ।  
श्रोतन्ति कोशा उप वो रथेष्ववा घृतमुक्षता मधुवर्णमर्चते २  
प्रेषामज्मेषु विथुरेव रेजते भूमिर्यामेषु यद्ध युञ्जते शभे ।  
ते क्रीळयो धुनयो भ्राजदृष्टयः स्वयं महित्वं पनयन्त धूतयः ३  
स हि स्वसृत् पृषदश्चो युवां गृणोर्ऽया ईशानस्तविषीभिरावृतः ।  
असिं सत्य ऋणयावानैद्यो ऽस्या धियः प्राविताथा वृषां गृणः ४  
पितुः प्रत्नस्य जन्मना वदामसि सोमस्य जिह्वा प्र जिगाति चक्षसा ।  
यदीमिन्द्रं शम्यृक्वाण आशता दिन्नामानि युज्ञियानि दधिरे ५  
श्रियसे कं भानुभिः सं मिमिक्षिरे ते रश्मिभिस्त ऋक्वभिः सुखादयः ।  
ते वाशीमन्त इष्मिणो अभीरवो विद्रे प्रियस्य मारुतस्य धाम्नः ६

(८८) अष्टाशीतितमं सूक्तम्

(१-६) षडृचस्यास्य सूक्तस्य राहूगणो गोतम ऋषिः । मरुतो देवताः । (१, ६)  
प्रथमाषष्ठ्योऽर्चोः प्रस्तारपङ्क्तिः (२-४) द्वितीयादितृचस्य त्रिष्टुप् (५) पञ्चम्याश्च  
विराड् रूपा छन्दांसि

आ विद्युन्मद्भिर्मरुतः स्वकै रथैभिर्यात ऋष्टिमद्भिरश्वपणैः ।  
आ वर्षिष्ठया न इषा वयो न पतता सुमायाः १  
तैऽरुणेभिर्वरमा पिशङ्गैः शभे कं यान्ति रथतूर्भिरश्वैः ।  
रुक्मो न चित्रः स्वधितीवान् पृव्या रथस्य जङ्घनन्त भूम २  
श्रिये कं वो अधि तनूषु वाशीर्मेधा वना न कृणवन्त ऊर्ध्वा ।  
युष्मभ्यं कं मरुतः सुजाता स्तुविद्युम्नासौ धनयन्ते अद्रिम् ३  
अहानि गृध्राः पर्या व आगु रिमां धिर्यं वार्कार्या च देवीम् ।  
ब्रह्म कृणवन्तो गोतमासो अकै रूर्ध्वं नुनुद्र उत्सधिं पिबध्वै ४  
एतत् त्यन्न योजनमचेति सस्वर्ह यन्मरुतो गोतमो वः ।  
पश्यन् हिरण्यचक्रानयोदंष्ट्रान् विधावतो वराहन् ५  
एषा स्या वो मरुतोऽनुभृत्रीं प्रति षोभति वाघतो न वाणी ।  
अस्तोभयद् वृथासा मनु स्वधां गर्भस्त्योः ६

(८६) एकोननवतितमं सूक्तम्

(१-१०) दशर्चस्यास्य सूक्तस्य राहूगणो गोतम ऋषिः । विश्वे देवा देवताः ।

(१-५, ७) प्रथमादिपञ्चर्चा सप्तम्याश्च जगती (६) षष्ठ्या विराट्स्थाना (८-१०)

अष्टम्यादितृचस्य च त्रिष्टुप् छन्दांसि

आ नो भद्राः क्रतवो यन्तु विश्वतो ऽदब्धासो अपरीतास उद्भिदः ।  
 देवा नो यथा सदमिद् वृधे असन्नप्रायुवो रक्षितारौ दिवेदिवे १  
 देवानां भद्रा सुमतिर्ऋजूयतां देवानां रातिरभि नो निर्वर्तताम् ।  
 देवानां सुख्यमुप सेदिमा वयं देवा न आयुः प्र तिरन्तु जीवसे २  
 तान् पूर्वया निविदा हूमहे वयं भर्ग मित्रमदितिं दक्षमस्त्रिधम् ।  
 अर्यमणं वरुणं सोममश्विना सरस्वती नः सुभगा मयस्करत् ३  
 तन्नो वातो मयोभु वातु भेषजं तन्माता पृथिवी तत् पिता द्यौः ।  
 तद् ग्रावाणः सोमसुतो मयोभुवस्तदश्विना शृणुतं धिष्ण्या युवम् ४  
 तमीशानं जगतस्तस्थुषस्पतिं धियंजिन्वमवसे हूमहे वयम् ।  
 पूषा नो यथा वेदसामसद् वृधे रक्षिता पायुरदब्धः स्वस्तये ५  
 स्वस्ति न इन्द्रो वृद्धश्रवाः स्वस्ति नः पूषा विश्ववेदाः ।  
 स्वस्ति नस्तार्क्ष्यो अरिष्टनेमिः स्वस्ति नो बृहस्पतिर्दधातु ६  
 पृषदश्वा मरुतः पृश्निमातरः शुभ्यावानो विदथेषु जग्मयः ।  
 अग्निजिह्वा मनवः सूरचक्षसो विश्वे नो देवा अवसा गमन्निह ७  
 भद्रं कर्णेभिः शृणुयाम देवा भद्रं पश्येमाक्षभिर्यजत्राः ।  
 स्थिरैरङ्गैः स्तुष्टुवांसस्तनूभिर्व्यशेम देवहितं यदायुः ८  
 शतमिन्नु शरदो अन्ति देवा यत्रा नश्चक्रा जरसं तनूनाम् ।  
 पुत्रासो यत्र पित्रो भवन्ति मा नो मध्या रीरिषतायुर्गन्तौः ९  
 अदितिर्द्यौरदितिरन्तरिक्षं मदितिर्माता स पिता स पुत्रः ।  
 विश्वे देवा अदितिः पञ्च जना अदितिर्जातमदितिर्जनित्वम् १०

(९०) नवतितमं सूक्तम्

(१-६) नवर्चस्यास्य सूक्तस्य राहूगणो गोतम ऋषिः । विश्वे देवा देवताः । (१-

८) प्रथमाद्यष्टर्चा गायत्री (९) नवम्याश्चानुष्टुप् छन्दसी

ऋजुनीती नो वरुणो मित्रो नयतु विद्वान् । अर्यमा देवैः सजोषाः १



ते हि वस्वो वसवानास्ते अप्रमूरा महौभिः । वृता रक्षन्ते विश्वाहा २  
 ते अस्मभ्यं शर्म यंस नमृता मर्त्येभ्यः । बार्धमाना अप द्विषः ३  
 वि नः पृथः सुविताय चियन्तिन्द्रो मरुतः । पूषा भगो वन्द्यासः ४  
 उत नो धियो गोअग्राः पूषन् विष्णवेवयावः । कर्ता नः स्वस्तिमतः ५  
 मधु वाता ऋतायते मधु क्षरन्ति सिन्धवः । माध्वीर्नः सन्त्वोषधीः ६  
 मधु नक्तमुतोषसो मधुमुत् पार्थिवं रजः । मधु द्यौरस्तु नः पिता ७  
 मधुमान्नो वनस्पति मधुमाँ अस्तु सूर्यः । माध्वीर्गावौ भवन्तु नः ८  
 शं नो मित्रः शं वरुणः शं नो भवत्वयमा ।  
 शं न इन्द्रो बृहस्पतिः शं नो विष्णुरुक्रमः ९

(६१) एकनवतितमं सूक्तम्

(१-२३) त्रयोविंशत्यृचस्यास्य सूक्तस्य राहूगणो गोतम ऋषिः । सोमो देवता ।

(१-४, १८-२३) प्रथमादिचतुर्चामष्टादश्यादिषण्णाञ्च त्रिष्टुप् (५-१६)

पञ्चम्यादिद्वादशानां गायत्री (१७) सप्तदश्याश्चोष्णिक छन्दांसि

त्वं सोम प्र चिकितो मनीषा त्वं रजिष्ठमनु नेषि पन्थाम् ।  
 तव प्रणीती पितरौ न इन्द्रो देवेषु रत्नमभजन्त धीराः १  
 त्वं सोम क्रतुभिः सुक्रतुर्भूस्त्वं दक्षैः सुदक्षौ विश्ववेदाः ।  
 त्वं वृषा वृषत्वेभिर्महित्वा द्युम्नेभिर्द्युम्नयभवो नृचक्षाः २  
 राज्ञो नु ते वरुणस्य वृतानि बृहद् गेभीरं तव सोम धाम ।  
 शुचिष्ठर्मसि प्रियो न मित्रो दक्षाय्यो अर्यमेवासि सोम ३  
 या ते धामानि दिवि या पृथिव्यां या पर्वतेष्वोषधीष्वप्सु ।  
 तेभिर्नो विश्वैः सुमना अहेळन् राजन्सोम प्रति हव्या गृभाय ४  
 त्वं सोमासि सत्पतिस्त्वं राजोत वृत्रहा । त्वं भद्रो असि क्रतुः ५  
 त्वं च सोम नो वशो जीवातुं न मरामहे । प्रियस्तौत्रो वनस्पतिः ६  
 त्वं सोम महे भगं त्वं यूने ऋतायते । दक्षं दधासि जीवसे ७  
 त्वं नः सोम विश्वतो रक्षा राजन्नघायतः । न रिष्येत् त्वावतः सखा ८  
 सोम यास्ते मयोभुव ऊतयः सन्ति दाशुषे । तार्भिर्नो ऽविता भव ९  
 इमं यज्ञमिदं वचो जुजुषाण उपागहि । सोम त्वं नो वृधे भव १०  
 सोम गीर्भिष्टा वयं वर्धयामो वचोविदः । सुमृळीको न आ विश ११  
 गयस्फानौ अमीवहा वसुवित् पुष्टिवर्धनः । सुमित्रः सोम नो भव १२

सोमं रा॒न्धि नो॑ ह॒दि गावो॑ न यव॑सेष्वा । मर्य॑ इव॒ स्व ओक्वे॑ १३  
 यः सोम॑ स॒ख्ये तव॑ रा॒रणा॑द् देव॒ मर्त्यः॑ । तं दक्षः॑ सचते क॒विः १४  
 उ॒रुष्या॑ शो॒ अभि॑शस्तेः सोम॒ नि पा॒ह्यंह॑सः । सखा॑ सु॒शेव॑ एधि नः १५  
 आ प्या॑यस्व॒ समै॑तु ते वि॒श्वतः॑ सोम॒ वृष्ण॑यम् । भवा॑ वा॒जस्य॑ संग॒थे १६  
 आ प्या॑यस्व मदि॒न्तम् सोम॒ विश्वे॑भिर॒ंशुभिः॑ ।  
 भवा॑ नः सु॒श्रव॑स्तम्ः सखा॑ वृ॒धे १७  
 सं ते प॒र्यासि॑ समु॒ यन्तु॑ वा॒जाः सं वृ॑ष्णयान्यभिमा॒तिषा॑हः ।  
 आप्या॑यमानो अ॒मृता॑य सोम दि॒वि श्रवा॑स्युत्त॒मानि॑ धिष्व १८  
 या ते धा॒मानि॑ ह॒विषा॑ यज॒न्ति ता ते॑ विश्वा॑ परि॒भूर॑स्तु य॒ज्ञम् ।  
 गु॒य॒स्फानः॑ प्र॒तर॑णः सु॒वीरो॑ ऽवी॒रहा॑ प्र च॒रा सोम॒ दुर्या॑न् १९  
 सोमो॑ धे॒नुं सोमो॑ अ॒र्वन्त॑मा॒शुं सोमो॑ वी॒रं क॑र्म॒ण्यं द॑दाति ।  
 सा॒द॒न्यं वि॒द॒थ्यं स॒भेयं॑ पि॒तृश्रव॑णं यो ददा॑शदस्मै २०  
 अ॒षा॒हळं॑ यु॒त्सु पृ॑तनासु प॒प्रिं स्व॑र्षाम॒प्सां वृ॑जनस्य गो॒पाम् ।  
 भू॒रेषु॑जां सु॒क्षितिं॑ सु॒श्रव॑सं ज॒यन्तं॑ त्वा॒मनु॑ म॒देम॑ सोम २१  
 त्वमि॑मा ओष॑धीः सोम॒ विश्वा॑स्त्वम॒पो अ॑जनयस्त्वं गाः ।  
 त्वमा॑ त॒तन्थो॑र्व॒न्तरि॑क्षं त्वं ज्योति॑षा वि तमो॑ ववर्थ २२  
 दे॒वेन॑ नो म॒नसा॑ देव सोम रा॒यो भा॑गं स॒हसा॑वन्न॒भि यु॑ध्य ।  
 मा त्वा॑ त॒न॒दीशि॑षे वी॒र्य॑स्यो भ॒येभ्यः॑ प्र चि॑कित्सा गवि॑ष्टौ २३

(६२) द्विनवतितमं सूक्तम्

(१-१८) अष्टादशर्चस्यास्य सूक्तस्य राहूगणो गोतम ऋषिः । (१-१५)  
 प्रथमादिपञ्चदशर्चामुषाः (१३-१८) षोडश्यादितृचस्य चाश्विनौ देवताः । (१-४)  
 प्रथमादिचतुर्ऋचां जगती (५-१२) पञ्चम्याद्यष्टानां त्रिष्टुप् (१३-१८)  
 त्रयोदश्यादिषण्णाञ्चोष्णिक् छन्दांसि  
 ए॒ता उ॒ त्या उ॒षसः॑ के॒तुम॑क्र॒तु पूर्वे॑ अ॒र्धे रज॑सो भानुम॑ञ्जते ।  
 नि॒ष्कृ॒णवा॑ना आ॒यु॒धानी॑व धृ॒ष्णवः॑ प्र॒ति गा॒वोऽरु॑षीर्यन्ति मा॒तरः॑ १  
 उ॒द॒प॒पन्न॑रु॒णा भान॑वो वृ॒था स्वा॒युजो॑ अ॒रुषी॑र्गा अ॒युक्ष॑त ।  
 अ॒क्र॒न्नु॒षासौ॑ व॒युना॑नि पू॒र्वथा॑ रु॒शन्तं॑ भानुम॑रुषीरशि॒श्रयुः॑ २  
 अ॒र्चन्ति॑ ना॒री॒रप॑सो न वि॒ष्टिभिः॑ स॒माने॑न॒ योज॑ने॒ना प॑राव॒तः ।  
 इ॒षं व॑ह॒न्तीः सु॒कृतै॑ सु॒दान॑वे वि॒श्वेद॑ह॒ यज॑मानाय सु॒न्वते॑ ३

अधि पेशांसि वपते नृतूरिवा पौर्णिते वक्ष उस्त्रेव बर्जहम् ।  
 ज्योतिर्विश्वस्मै भुवनाय कृणवती गावो न वृजं व्युषा आवर्तमः ४  
 प्रत्यर्ची रुशदस्या अदर्शि वि तिष्ठते बाधते कृष्णमभ्वम् ।  
 स्वरुं न पेशौ विदथैष्वञ्जं चित्रं दिवो दुहिता भानुमश्रेत् ५  
 अतारिष्म तमसस्परमस्यो षा उच्छन्ती वयुना कृणोति ।  
 श्रिये छन्दो न स्मयते विभाती सुप्रतीका सौमनसायाजीगः ६  
 भास्वती नेत्री सूनृतानां दिवः स्तवे दुहिता गोतमेभिः ।  
 प्रजावतो नृतो अश्वबुध्या नुषो गोअग्राँ उप मासि वाजान् ७  
 उषस्तमश्यां यशसं सुवीरं दासप्रवर्गं रयिमश्वबुध्यम् ।  
 सुदंससा श्रवसा या विभासि वाजप्रसूता सुभगे बृहन्तम् ८  
 विश्वानि देवी भुवनाभिचक्ष्या प्रतीची चक्षुरुर्विया वि भाति ।  
 विश्वं जीवं चरसं बोधयन्ती विश्वस्य वाचमविदन्मनायोः ९  
 पुनः पुनर्जायमाना पुराणी समानं वर्णमभि शुभमाना ।  
 श्वघ्नीव कृत्तुर्विजं आमिनाना मर्तस्य देवी जरयन्त्यायुः १०  
 व्यूरवती दिवो अन्ताँ अबो ध्यप स्वसारं सनुतर्युयोति ।  
 प्रमिनती मनुष्या युगानि योषां जारस्य चक्षसा वि भाति ११  
 पशून् चित्रा सुभगो प्रथाना सिन्धुर्न क्षोद उर्विया व्यश्वैत् ।  
 अमिनती दैव्यानि वृतानि सूर्यस्य चेति रश्मिभिर्दृशाना १२  
 उषस्तच्चित्रमा भरा स्मभ्यं वाजिनीवति ।  
 येन तोकं च तनयं च धामहे १३  
 उषो अद्येह गोम त्यश्वावति विभावरि ।  
 रेवदस्मे व्युच्छ सूनृतावति १४  
 युद्धा हि वाजिनीव त्यश्वाँ अद्यारुणाँ उषः ।  
 अथा नो विश्वा सौभगान्या वह १५  
 अश्विना वर्तिरस्मदा गोमद् दस्त्रा हिरण्यवत् ।  
 अर्वाग्रथं समनसा नि यच्छतम् १६  
 यावित्था श्लोकमा दिवो ज्योतिर्जनाय चक्रथुः ।  
 आ न ऊर्जं वहतमश्विना युवम् १७  
 एह देवा मयोभुवा दस्त्रा हिरण्यवर्तनी ।  
 उषर्बुधो वहन्तु सोमपीतये १८

## (६३) त्रिनवतितमं सूक्तम्

(१-१२) द्वादशर्चस्यास्य सूक्तस्य राहूगणो गोतम ऋषिः । अग्नीषोमौ देवते ।  
 (१-३) प्रथमादितृचस्यानुष्टुप् (४-७, १२) चतुर्थ्यादिचतसृणां द्वादश्याश्च त्रिष्टुप्  
 ८ अष्टम्या जगती त्रिष्टुब् वा (९-११) नवम्यादितृचस्य च गायत्री छन्दांसि  
 अग्नीषोमाविमं सु मै शृणुतं वृषणा हवम् ।  
 प्रति सूक्तानि हर्यतं भवतं दाशुषे मयः १  
 अग्नीषोमा यो अद्य वा मिदं वचः सपर्यति ।  
 तस्मै धत्तं सुवीर्यं गवां पोषं स्वश्वघ्नम् २  
 अग्नीषोमा य आहृतिं यो वां दाशाद्धविष्कृतिम् ।  
 स प्रजया सुवीर्यं विश्वमायुर्व्यश्नवत् ३  
 अग्नीषोमा चेति तद्वीर्यं वां यदमुष्णीतमवसं पणिं गाः ।  
 अवातिरतं बृसयस्य शेषो ऽविन्दतं ज्योतिरेकं बृहभ्यः ४  
 युवमेतानि दिवि रौचना न्यग्निश्च सोम स्रक्तू अधत्तम् ।  
 युवं सिन्धूरं भिशस्तेरवद्या दग्नीषोमावमुञ्चतं गृभीतान् ५  
 आन्यं दिवो मातरिश्वा जभारा मथ्नादन्यं परि श्येनो अद्रेः ।  
 अग्नीषोमा ब्रह्मणा वावृधानो रं यज्ञाय चक्रथुरु लोकम् ६  
 अग्नीषोमा हविषः प्रस्थितस्य वीतं हर्यतं वृषणा जुषेथाम् ।  
 सुशर्माणा स्ववसा हि भूत मथा धत्तं यजमानाय शं योः ७  
 यो अग्नीषोमा हविषा सपर्याद् देवद्रीचा मनसा यो घृतेन ।  
 तस्य व्रतं रक्षतं पातमंहसो विशे जनाय महि शर्म यच्छतम् ८  
 अग्नीषोमा सर्वेदसा सहृती वनतं गिरः । सं देवत्रा बभूवथुः ९  
 अग्नीषोमावनेन वां यो वां घृतेन दाशति । तस्मै दीदयतं बृहत् १०  
 अग्नीषोमाविमानि नो युवं हव्या जुजोषतम् । आ यातमुप नः सचा ११  
 अग्नीषोमा पिपृतमर्वतो न आ प्यायन्तामुस्त्रिया हव्यसूदः ।  
 अस्मे बलानि मघवत्सु धत्तं कृणुतं नो अध्वरं श्रुष्टिमन्तम् १२  
 पञ्चदशोऽनुवाकः १५ सू० ६४-१०५

## (६४) चतुर्नवतितमं सूक्तम्

(१-१६) षोडशर्चस्यास्य सूक्तस्याङ्गिरसः कुत्स ऋषिः । (१-१६)

प्रथमादिषोडशर्चामग्निर्जातवेदाः, तत्रापि (८) अष्टम्याः पादत्रयस्य देवाः (१६)  
 षोडश्या उत्तरार्धस्य मित्रवरुणादितिसिन्धुपृथिवीद्यावो वा देवताः । (१-१४)  
 प्रथमादिचतुर्दशर्चा जगती (१५-१६) पञ्चदशीषोडश्योश्च त्रिष्टुप् छन्दसी  
 इमं स्तोममर्हते जातवेदसे रथमिव सं महेमा मनीषया ।  
 भद्रा हि नः प्रमतिरस्य संसद्यग्रै सख्ये मा रिषामा वयं तव १  
 यस्मै त्वमायजसे स साधत्यनुर्वा दैति दधते सुवीर्यम् ।  
 स तूताव नैनमश्नोत्यंहति रग्रै सख्ये मा रिषामा वयं तव २  
 शकेम त्वा समिधं साधया धियोस्त्वे देवा हविरदन्त्याहुतम् ।  
 त्वमादित्याँ आ वहु तान् ह्युश्मस्यग्रै सख्ये मा रिषामा वयं तव ३  
 भर्गमेध्मं कृण्वामा हवींषि ते चितयन्तः पर्वणापर्वणा वयम् ।  
 जीवातवे प्रतरं साधया धियोऽग्रै सख्ये मा रिषामा वयं तव ४  
 विशां गोपा अस्य चरन्ति जन्तवो द्विपच्च यदुत चतुष्पदक्षुभिः ।  
 चित्रः प्रकेत उषसौ मुह्यँ अस्यग्रै सख्ये मा रिषामा वयं तव ५  
 त्वमध्वर्युरुत होतासि पूर्व्यः प्रशास्ता पोता जनुषा पुरोहितः ।  
 विश्वा विद्वाँ आर्त्विज्या धीर पुष्यस्यग्रै सख्ये मा रिषामा वयं तव ६  
 यो विश्वतः सुप्रतीकः सदृङ्ङसि दूरे चित् सन्तळिदिवाति रोचसे ।  
 रात्र्याश्चिदन्धो अति देव पश्यस्यग्रै सख्ये मा रिषामा वयं तव ७  
 पूर्वो देवा भवतु सुन्वतो रथोऽस्माकं शंसो अभ्यस्तु दूढयः ।  
 तदा जानीतोत पुष्यता वचोऽग्रै सख्ये मा रिषामा वयं तव ८  
 वधैर्दुःशंसोँ अप दूढयो जहि दूरे वा ये अन्ति वा के चिदत्रिणः ।  
 अर्था यज्ञाय गूणते सुगं कृध्यग्रै सख्ये मा रिषामा वयं तव ९  
 यदयुक्था अरुषा रोहिता रथे वार्तजूता वृषभस्यैव ते रवः ।  
 आदिन्वसि वनिनो धूमकैतुनाऽग्रै सख्ये मा रिषामा वयं तव १०  
 अधं स्वनादुत बिभ्युः पत्रिणो द्रप्सा यत् ते यवसादो व्यस्थिरन् ।  
 सुगं तत् ते तावकेभ्यो रथेभ्योऽग्रै सख्ये मा रिषामा वयं तव ११  
 अयं मित्रस्य वरुणस्य धार्यसेऽवयातां मरुतां हेळो अद्भुतः ।  
 मृळा सु नो भूत्वैषां मनः पुनरग्रै सख्ये मा रिषामा वयं तव १२  
 देवो देवानामसि मित्रो अद्भुतो वसुर्वसूनामसि चारुरध्वरे ।  
 शर्मन्स्याम तव सप्रथस्तमेऽग्रै सख्ये मा रिषामा वयं तव १३  
 तत् ते भद्रं यत्समिद्धः स्वे दमे सोमाहुतो जरसे मृळयत्तमः ।

दधासि रत्नं द्रविणं च दाशुषे ऽग्नें सख्ये मा रिषामा वयं तव १४  
यस्मै त्वं सुद्रविणो ददाशो ऽनागास्त्वमदिते सर्वताता ।  
यं भद्रेण शर्वसा चोदयासि प्रजावता राधसा ते स्याम १५  
स त्वमग्ने सौभगत्वस्य विद्वा नस्माकमायुः प्र तिरेह देव ।  
तन्नो मित्रो वरुणो मामहन्ता मदितिः सिन्धुः पृथिवी उत द्यौः १६  
सप्तमोऽध्यायः ७ व० १-३२

(६५) पञ्चनवतितमं सूक्तम्

(१-११) एकादशर्चस्यास्य सूक्तस्याङ्गिरसः कुत्स ऋषिः । अग्निरौषसोऽग्निर्वा  
देवता । त्रिष्टुप् छन्दः

द्वे विरूपे चरतः स्वर्थे अन्यान्या वत्समुप धापयेते ।  
हरिरन्यस्यां भवति स्वधावाञ् छुक्रो अन्यस्यां ददृशे सुवर्चाः १  
दशेमं त्वष्टुर्जनयन्त गर्भं मतन्द्रासो युवतयो विभृत्रम् ।  
तिग्मानीकं स्वयंशसं जनैषु विरोचमानं परि षीं नयन्ति २  
त्रीणि जाना परि भूषन्त्यस्य समुद्र एकं दिव्येकमुप्सु ।  
पूर्वामनु प्र दिशं पार्थिवाना मृतून् प्रशासद् वि दधावनुष्टु ३  
क इमं वो निणयमा चिकेत वत्सो मातृर्जनयत स्वधारिभिः ।  
ब्रह्मीनां गर्भो अपसामुपस्था न्महान् कविर्निश्चरति स्वधावान् ४  
आविष्ट्यो वर्धते चारुरासु जिह्वानामूर्ध्वः स्वयंशा उपस्थे ।  
उभे त्वष्टुर्बिभ्यतुर्जायमानात् प्रतीची सिंहं प्रति जोषयेते ५  
उभे भद्रे जोषयेते न मेने गावो न वाश्रा उप तस्थुरेवैः ।  
स दक्षाणां दक्षपतिर्बभूवा ज्ञन्ति यं दक्षिणतो हविर्भिः ६  
उद् ययमीति सवितेव ब्राह्म उभे सिचौ यतते भीम ऋजन् ।  
उच्छुक्रमत्कमजते सिमस्मा न्नवा मातृभ्यो वसना जहाति ७  
त्वेषं रूपं कृणुत उत्तरं यत् संपृञ्चानः सदेने गोभिरद्भिः ।  
कविर्बुध्नं परि मर्मज्यते धीः सा देवताता समितिर्बभूव ८  
उरु ते जयः पर्येति बुध्नं विरोचमानं महिषस्य धाम ।  
विश्वेभिरग्ने स्वयंशोभिरिद्धो ऽदब्धेभिः पायुभिः पाह्यस्मान् ९  
धन्वन्त्सरोतः कृणुते गातुमूर्मि शक्रैरूर्मिभिरभि नक्षति क्षाम् ।  
विश्वा सनानि जठरैषु धत्ते ऽन्तर्नवासु चरति प्रसूषु १०

एवा नो अग्ने समिधा वृधानो रेवत् पावक श्रवसे वि भाहि ।  
तन्नो मित्रो वरुणो मामहन्ता मदितिः सिन्धुः पृथिवी उत द्यौः ११

(६६) षण्णवतितमं सूक्तम्

(१-६) नवर्चस्यास्य सूक्तस्याङ्गिरसः कुत्स ऋषिः । अग्निर्द्रविणोदा अग्निर्वा देवता  
। त्रिष्टुप् छन्दः

स प्रबथा सहसा जायमानः सुद्यः काव्यानि बळधत्त विश्वा ।  
आपश्च मित्रं धिषणा च साधन् देवा अग्निं धारयन् द्रविणोदाम् १  
स पूर्वया निविदा कव्यतायो रिमाः प्रजा अजनयन्मनूनाम् ।  
विवस्वता चक्षसा द्यामपश्च देवा अग्निं धारयन् द्रविणोदाम् २  
तमीळत प्रथमं यज्ञसाधं विश आरीराहुतमृञ्जसानम् ।  
ऊर्जः पुत्रं भरतं सृप्रदानुं देवा अग्निं धारयन् द्रविणोदाम् ३  
स मातरिश्वा पुरुवारपुष्टिर्विदद् गातुं तनयाय स्वर्वित् ।  
विशां गोपा जनिता रोदस्यो देवा अग्निं धारयन् द्रविणोदाम् ४  
नक्तोषासा वर्णमामेम्याने धापयैते शिशमेकं समीची ।  
द्यावाक्षामा रुक्मो अन्तर्वि भाति देवा अग्निं धारयन् द्रविणोदाम् ५  
रायो बुध्नः संगमनो वसूनां यज्ञस्य केतुर्मन्मसाधनो वेः ।  
अमृतत्वं रक्षमाणास एनं देवा अग्निं धारयन् द्रविणोदाम् ६  
नू च पुरा च सदनं रयीणां जातस्य च जायमानस्य च क्षाम् ।  
सतश्च गोपां भवतश्च भूरै देवा अग्निं धारयन् द्रविणोदाम् ७  
द्रविणोदा द्रविणसस्तुरस्य द्रविणोदाः सनरस्य प्र यंसत् ।  
द्रविणोदा वीरवतीमिषं नो द्रविणोदा रांसते दीर्घमार्युः ८  
एवा नो अग्ने समिधा वृधानो रेवत् पावक श्रवसे वि भाहि ।  
तन्नो मित्रो वरुणो मामहन्ता मदितिः सिन्धुः पृथिवी उत द्यौः ९

(६७) सप्तनवतितमं सूक्तम्

(१-८) अष्टर्चस्यास्य सूक्तस्याङ्गिरसः कुत्स ऋषिः । अग्निः शुचिरग्निर्वा देवता ।  
गायत्री छन्दः

अप नः शोशुचदुधमग्रे शुशुध्या रयिम् । अप नः शोशुचदुधम् १  
सुक्षेत्रिया सुगातुया वसूया च यजामहे । अप नः शोशुचदुधम् २

प्र यद् भन्दिष्ठ एषां प्रास्माकांसश्च सूरयः । अप नः शोशुचदधम् ३  
 प्र यत् तै अग्ने सूरयो जायैमहि प्र ते वयम् । अप नः शोशुचदधम् ४  
 प्र यदग्नेः सहस्वतो विश्वतो यन्ति भानवः । अप नः शोशुचदधम् ५  
 त्वं हि विश्वतोमुख विश्वतः परिभूरसि । अप नः शोशुचदधम् ६  
 द्विषो नो विश्वतोमुखा ति नावेव पारय । अप नः शोशुचदधम् ७  
 स नः सिन्धुमिव नावया ति पर्षा स्वस्तये । अप नः शोशुचदधम् ८

(६८) अष्टनवतितमं सूक्तम्

(१-३) तृचस्यास्य सूक्तस्याङ्गिरसः कुत्स ऋषिः । अग्निर्वैश्वानरोऽग्निर्वा देवता ।  
 त्रिष्टुप् छन्दः

वैश्वानरस्य सुमतौ स्याम राजा हि कं भुवनानामभिश्रीः ।  
 इतो जातो विश्वमिदं वि चष्टे वैश्वानरो यतते सूर्येण १  
 पृष्ठो दिवि पृष्ठो अग्निः पृथिव्यां पृष्ठो विश्वा ओषधीरा विवेश ।  
 वैश्वानरः सहसा पृष्ठो अग्निः स नो दिवा स रिषः पातु नक्तम् २  
 वैश्वानर तव तत् सत्यमस्त्वस्मान् रायौ मघवानः सचन्ताम् ।  
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ३

(६९) नवनवतितमं सूक्तम्

(१) एकर्चस्यास्य सूक्तस्य मारीचः कश्यप ऋषिः । अग्निर्जातवेदा अग्निर्वा देवता  
 । त्रिष्टुप् छन्दः

जातवेदसे सुनवाम सोम मरातीयतो नि दहाति वेदः ।  
 स नः पर्षदति दुर्गाणि विश्वा नावेव सिन्धुं दुरितात्यग्निः १

(१००) शततमं सूक्तम्

(१-१६) एकोनविंशत्यृचस्यास्य सूक्तस्य चार्षागिरा ऋज्जाश्वाम्बरीष-सहदेव-  
 भयमान-सुराधस ऋषयः । इन्द्रो देवता । त्रिष्टुप् छन्दः

स यो वृषा वृष्यैभिः समौका महो दिवः पृथिव्याश्च सम्राट् ।  
 सतीनसत्वा हव्यो भरैषु मरुत्वान् नो भवत्विन्द्र ऊती १  
 यस्यानाप्तः सूर्यस्येव यामो भरैभरे वृत्रहा शुष्मो अस्ति ।  
 वृषन्तमः सखिभिः स्वेभिरेवै मरुत्वान् नो भवत्विन्द्र ऊती २



दिवो न यस्य रेतसो दुधानाः पन्थासो यन्ति शवसापरीताः ।  
 तुरदद्वेषाः सासहिः पौंस्यैभिर्मरुत्वान् नो भवत्विन्द्र ऊती ३  
 सो अङ्गिरोभिरङ्गिरस्तमो भूद् वृषा वृषभिः सखिभिः सखा सन् ।  
 अग्निभिर्ऋग्मी गातुभिर्ज्यैष्ठो मरुत्वान् नो भवत्विन्द्र ऊती ४  
 स सूनुभिर्न रुद्रेभिर्ऋभ्वा नृषाह्यै सासह्यै अमित्रान् ।  
 सनीळेभिः श्रवस्यानि तूर्वन् मरुत्वान् नो भवत्विन्द्र ऊती ५  
 स मन्युमीः समर्दनस्य कर्ता ऽस्माकैभिर्नृभिः सूर्यं सनत् ।  
 अस्मिन्नहन्तसत्पतिः पुरुहूतो मरुत्वान् नो भवत्विन्द्र ऊती ६  
 तमूतयो रणयज्छूरसातौ तं क्षेमस्य क्षितयः कृणवत् त्राम् ।  
 स विश्वस्य करुणस्येश एको मरुत्वान् नो भवत्विन्द्र ऊती ७  
 तमप्सन्त शर्वस उत्सवेषु नरो नरमवसे तं धनाय ।  
 सो अन्धे चित् तमसि ज्योतिर्विदन् मरुत्वान् नो भवत्विन्द्र ऊती ८  
 स सव्येन यमति ब्राधतश्चित् स दक्षिणे संगृभीता कृतानि ।  
 स कीरिणा चित् सनिता धनानि मरुत्वान् नो भवत्विन्द्र ऊती ९  
 स ग्रामैभिः सनिता स रथैभिर्विदे विश्वाभिः कृष्टिभिर्नृद्य ।  
 स पौंस्यैभिरभिभूरशस्ती मरुत्वान् नो भवत्विन्द्र ऊती १०  
 स जामिभिर्यत् समजाति मीहळे ऽजामिभिर्वा पुरुहूत एवैः ।  
 अपां तोकस्य तनयस्य जेषे मरुत्वान् नो भवत्विन्द्र ऊती ११  
 स वज्रभृद् दस्युहा भीम उग्रः सहस्रचेताः शतनीथ ऋभ्वा ।  
 चम्रीषो न शर्वसा पाञ्चजन्यो मरुत्वान् नो भवत्विन्द्र ऊती १२  
 तस्य वज्रः क्रन्दति स्मत् स्वर्षा दिवो न त्वेषो रवथः शिमीवान् ।  
 तं संचन्ते सनयस्तं धनानि मरुत्वान् नो भवत्विन्द्र ऊती १३  
 यस्याजस्रं शर्वसा मानमुक्थं परिभुजद् रोदसी विश्वतः सीम् ।  
 स पारिषत् क्रतुभिर्मन्दसानो मरुत्वान् नो भवत्विन्द्र ऊती १४  
 न यस्य देवा देवता न मर्ता आपश्चन शर्वसो अन्तमापुः ।  
 स प्ररिक्वा त्वक्षसा क्षमो दिवश्च मरुत्वान् नो भवत्विन्द्र ऊती १५  
 रोहिच्छयावा सुमर्दशुर्ललामी द्युक्षा राय ऋजाश्वस्य ।  
 वृषणवन्तं बिभ्रती धूर्षु रथं मन्द्रा चिकेत नाहुषीषु विक्षु १६  
 एतत् त्यत् तं इन्द्र वृष्ण उक्थं वार्षागिरा अभि गृणन्ति राधः ।  
 ऋजाश्वः प्रष्टिभिरम्बरीषः सहदेवो भयमानः सुराधाः १७

दस्युञ्छिर्म्यैश्च पुरुहूत एवैर्हृत्वा पृथिव्यां शर्वा नि बर्हीत् ।  
 सनुत् क्षेत्रं सखिभिः श्वित्रयेभिः सनुत् सूर्यं सनदपः सुवज्रः १८  
 विश्वाहेन्द्रो अधिवृक्ता नो अस्त्वपरिहृताः सनुयाम् वार्जम् ।  
 तन्नो मित्रो वरुणो मामहन्ता मदितिः सिन्धुः पृथिवी उत द्यौः १९

(१०१) एकोत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कुत्स ऋषिः । इन्द्रो देवता । (१-  
 ७) प्रथमादिसप्तर्चा जगती (८-११) अष्टम्यादिचतसृणाञ्च त्रिष्टुप् छन्दसी  
 प्र मन्दिनै पितुमदर्चता वचो यः कृष्णगर्भा निरहंवृजिश्चैना ।  
 अवस्यवो वर्षेण वज्रदक्षिणं मरुत्वन्तं सख्याय हवामहे १  
 यो व्यसं जाहषाणेन मन्युना यः शम्बरं यो अहन् पिप्रुमवृतम् ।  
 इन्द्रो यः शुष्णमशुषं न्यावृणइ मरुत्वन्तं सख्याय हवामहे २  
 यस्य द्यावापृथिवी पौंस्यं महद् यस्य वृते वरुणो यस्य सूर्यः ।  
 यस्येन्द्रस्य सिन्धुवः सश्चति वृतं मरुत्वन्तं सख्याय हवामहे ३  
 यो अश्वानां यो गवां गोपतिर्वशी य आरितः कर्मणिकर्मणि स्थिरः ।  
 वीळोश्चिदिन्द्रो यो असुन्वतो वधो मरुत्वन्तं सख्याय हवामहे ४  
 यो विश्वस्य जगतः प्राणतस्पतिर्यो ब्रह्मणै प्रथमो गा अविन्दत् ।  
 इन्द्रो यो दस्यूरधरां अवातिरन् मरुत्वन्तं सख्याय हवामहे ५  
 यः शूरैर्भिर्हव्यो यश्च भीरुभि र्यो धावद्भिर्हूयते यश्च जिग्युभिः ।  
 इन्द्रं यं विश्वा भुवनाभि सद्धु मरुत्वन्तं सख्याय हवामहे ६  
 रुद्राणामेति प्रदिशा विचक्ष्णो रुद्रेभिर्योषा तनुते पृथु जयः ।  
 इन्द्रं मनीषा अभ्यर्चति श्रुतं मरुत्वन्तं सख्याय हवामहे ७  
 यद् वा मरुत्वः परमे सधस्थे यद् वावमे वृजनै मादयासे ।  
 अत आ याह्यध्वरं नो अच्छा त्वाया हविश्चकृमा सत्यराधः ८  
 त्वायेन्द्र सोमं सुषुमा सुदक्ष त्वाया हविश्चकृमा ब्रह्मवाहः ।  
 अधा नियुत्वः सर्गणो मरुद्भि रस्मिन् युजे बर्हिषि मादयस्व ९  
 मादयस्व हरिभिर्ये त इन्द्र वि ष्यस्व शिप्रे वि सृजस्व धेनै ।  
 आ त्वा सुशिप्र हरयो वहन्तू शन् हव्यानि प्रति नो जुषस्व १०  
 मरुत्स्तौत्रस्य वृजनस्य गोपा वयमिन्द्रेण सनुयाम् वार्जम् ।  
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ११

(१०२) द्व्युत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कुत्स ऋषिः । इन्द्रो देवता । (१-  
१०) प्रथमादिदशर्चा जगती (११) एकादश्याश्च त्रिष्टुप् छन्दसी  
इमां ते धियं प्र भरे म॒हो म॒ही म॒स्य स्तोत्रे धि॒षणा॒ यत् ते आ॒न॒जे ।  
ते॒मु॒त्स॒वे च॑ प्र॒स॒वे च॑ सा॒स॒हि मि॒न्द्र दे॒वासः॑ शर्व॒साम॑द॒न्नं १  
अ॒स्य श्रवो॑ न॒द्यः स॒प्त बि॒भ्रति॑ द्यावा॒क्षामा॑ पृथि॒वी दर्श॑तं व॒पुः ।  
अ॒स्मे सूर्या॑चन्द्रमसा॒भिचक्षे॑ श्रद्धे कर्मिन्द्र चरतो वितर्तु॒रम् २  
तं स्मा॒ रथं॑ म॒घव॑न् प्राव॒ सा॒तये॑ जैत्रं यं ते अनु॒मदाम॑ संग॒मे ।  
आ॒जा न॑ इन्द्र म॒नसा॑ पुरु॒ष्टुत॑ त्वा॒यद्भ्यो॑ म॒घव॑ञ्छर्म॒ यच्छ॑ नः ३  
व॒यं ज॑येम॒ त्वया॑ यु॒जा वृ॑त॒ मु॒स्माक॑मं॒शमु॑द॒वा भरे॑भरे ।  
अ॒स्मभ्य॑मिन्द्र वरि॒वः सु॒गं कृ॒धि प्र॑ शत्रूणां म॒घव॑न् वृ॒ष्या रु॒ज ४  
ना॒ना हि॒ त्वा ह॑व॒माना॑ जना॒ इमे॒ धना॑नां ध॒र्त॒रव॑सा वि॒प॒न्यवः॑ ।  
अ॒स्माकं॑ स्मा॒ रथ॑मा तिष्ठ सा॒तये॑ जैत्रं ही॒न्द्र नि॒भृतं॑ म॒न॒स्तव॑ ५  
गो॒जिता॑ ब्रा॒ह्म अ॒मित॑क्रतुः सि॒मः कर्म॑न्कर्मञ्छ॒तमू॑तिः खज॑न्क॒रः ।  
अ॒कल्प॑ इन्द्रः प्र॒तिमा॑न॒मोज॑सा॒ था ज॒ना वि॑ ह्व॒यन्ते॑ सि॒षास॑र्वः ६  
उत् ते॑ श॒तान्म॑घव॒न्नुच्च॑ भूय॒स उ॒त् स॒हस्रा॑द् रि॒रिचे॑ कृ॒ष्टिषु॑ श्रवः ।  
अ॒मात्रं॑ त्वा॒ धि॒षणा॑ तित्वि॒षे म॒ ह्यधा॑ वृ॒त्राणि॑ जिघ्र॒से पु॑रंद॒र ७  
त्रि॒वि॒ष्टिधा॑तु॒ प्रति॑मा॒न॒मोज॑स॒ स्ति॒स्रो भू॑मी॒र्नृप॑ते त्री॒णि रो॒चना॑ ।  
अ॒तीदं॑ वि॒श्वं भु॑वनं ववक्षि॒था श॒त्रुरि॑न्द्र ज॒नुषा॑ स॒नाद॑सि ८  
त्वां दे॒वेषु॑ प्रथ॒मं ह॑वामहे त्वं ब॒भूथ॑ पृ॒तना॑सु सा॒स॒हिः ।  
से॒मं नः॑ का॒रु॒मुप॑म॒न्युमु॑द्दि॒द मि॒न्द्रः कृ॑णोतु प्र॒स॒वे रथं॑ पु॒रः ९  
त्वं जि॑गेथ॒ न ध॒ना रू॒रोधि॑था भै॒ष्वाजा॑ म॒घव॑न् म॒हत्सु॑ च ।  
त्वा॒मु॒ग्रम॑व॒से सं शि॑शीम॒ स्यथा॑ न इन्द्र ह॒वने॑षु चोद॒य १०  
वि॒श्वाहे॑न्द्रो॒ अधि॑व॒क्ता नो॑ अ॒ स्त्वप॑रि॒हताः॑ स॒नुयाम॑ वा॒जम् ।  
तन्नो॑ मि॒त्रो वरु॑णो मा॒मह॑न्ता॒ मदि॑तिः सि॒न्धुः पृ॒थि॒वी उ॒त द्यौः ११

(१०३) त्र्युत्तरशततमं सूक्तम्

(१-८) अष्टर्चस्यास्य सूक्तस्याङ्गिरसः कुत्स ऋषिः । इन्द्रो देवता । त्रिष्टुप् छन्दः

तत् ते इन्द्रियं परमं पराचै रधारयन्त कवयः पुरेदम् ।  
 क्षमेदमन्यद् दिव्येन्यदस्य समी पृच्यते समनेव केतुः १  
 स धारयत् पृथिवीं प्रथञ्च वज्रेण हत्वा निरपः संसर्ज ।  
 अहन्नहिमभिन्नद्रौहिणं व्यहन् व्यसं मघवा शचीभिः २  
 स जातूभर्मा श्रद्धधान ओजः पुरौ विभिन्दन्नचरद् वि दासीः ।  
 विद्वान् वज्रिन् दस्यवे हेतिमुस्याऽऽर्यु सहो वर्धया द्युममिन्द्र ३  
 तदूचुषे मानुषेमा युगानि कीर्तेन्य मघवा नाम बिभ्रत् ।  
 उपप्रयन् दस्युहत्याय वज्री यद्ध सूनुः शर्वसे नाम दधे ४  
 तदस्येदं पश्यता भूरि पुष्टं श्रदिन्द्रस्य धत्तन वीर्याय ।  
 स गा अविन्दत् सो अविन्ददश्चान् त्स ओषधीः सो अपः स वनानि ५  
 भूरिकर्मणे वृषभाय वृष्णे सत्यशष्पाय सुनवाम सोमम् ।  
 य आदृत्या परिपन्थीव शूरो ऽर्यज्वनो विभजन्नेति वेदः ६  
 तदिन्द्र प्रेवं वीर्यं चकर्थ यत् ससन्तं वज्रेणाबोधयोऽहिम् ।  
 अनु त्वा पत्नीर्हषितं वयश्च विश्वे देवासौ अमदन्ननु त्वा ७  
 शुष्णं पिपुं कुर्यवं वृत्रमिन्द्र यदावधीर्वि पुरः शम्बरस्य ।  
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ८

(१०४) चतुरुत्तरशततमं सूक्तम्

(१-६) नवर्चस्यास्य सूक्तस्याङ्गिरसः कुत्स ऋषिः । इन्द्रो देवता । त्रिष्टुप् छन्दः  
 योनिष्ट इन्द्र निषदै अकारि तमा नि षीद स्वानो नार्वा ।  
 विमुच्या वयोऽवसायाश्चान् दोषा वस्तोर्वहीयसः प्रपित्वे १  
 ओ त्वे नर इन्द्रमूतयै गु नू चित् तान् त्सद्यो अध्वनो जगम्यात् ।  
 देवासौ मन्युं दासस्य श्रमन् ते न आ वक्षन् त्सुविताय वर्णम् २  
 अव त्मना भरते केतवेदा अव त्मना भरते फेनमुदन् ।  
 क्षीरेण स्नातः कुर्यवस्य योषे हते ते स्यातां प्रवर्णे शिफायाः ३  
 युयोप नाभिरुपरस्यायोः प्र पूर्वाभिस्तिरते राष्ट्रि शूरः ।  
 अञ्जसी कुलिशी वीरपत्नी पयो हिनवाना उदभिर्भरन्ते ४  
 प्रति यत् स्या नीथादर्शि दस्यो रोको नाच्छा सदनं जानती गात् ।  
 अर्ध स्मा नो मघवञ्चकृतादि न्मा नो मघेव निष्पपी परा दाः ५  
 स त्वं न इन्द्र सूर्ये सो अप्सव नागास्त्व आ भज जीवशंसे ।

मान्तरां भुजुमा रीरिषो नः श्रद्धितं ते महत इन्द्रियाय ६  
अधा मन्ये श्रत् तै अस्मा अधायि वृषा चोदस्व महते धनाय ।  
मा नो अकृते पुरुहूत योना विन्द्र क्षुध्यद्भ्यो वय आसुतिं दाः ७  
मा नो वधीरिन्द्र मा परा दा मा नः प्रिया भोजनानि प्र मौषीः ।  
आण्डा मा नो मघवञ्छक्र निर्भेन्मा नः पात्रा भेत् सहजानुषाणि ८  
अर्वाडेहि सोमकामं त्वाहु रयं सुतस्तस्य पिबा मदाय ।  
उरुव्यचा जठर आ वृषस्व पितेर्व नः शृणुहि हूयमानः ९

(१०५) पञ्चोत्तरशततमं सूक्तम्

(१-१६) एकोनविंशत्यृचस्यास्य सूक्तस्याप्तचस्त्रित आङ्गिरसः कुत्सो वा ऋषिः ।

विश्वे देवा देवताः । (१-७, ९-१८) प्रथमादिसप्तर्चा नवम्यादिदशानाञ्च पङ्क्तिः

(८) अष्टम्या यवमध्या महाबृहती (१६) एकोनविंश्याश्च त्रिष्टुप् छन्दांसि

चन्द्रमा अप्सवश्चन्तरा सुपर्णो धावते दिवि ।

न वो हिरण्यनेमयः पदं विन्दन्ति विद्युतो वित्तं मे अस्य रौदसी १

अर्थमिद् वा उ अर्थिन् आ जाया युवते पतिम् ।

तुञ्जाते वृष्णयं पर्यः परिदाय रसं दुहे वित्तं मे अस्य रौदसी २

मो षु देवा अदः स्वश्चरव पादि दिवस्परि ।

मा सोम्यस्य शंभुवः शूने भूम कदा चन वित्तं मे अस्य रौदसी ३

यज्ञं पृच्छाम्यवमं स तद् दूतो वि वौचति ।

क्व अतं पूर्व्यं गतं कस्तद् बिभर्ति नूतनो वित्तं मे अस्य रौदसी ४

अमी ये देवा स्थने त्रिष्वा रौचने दिवः ।

कद् व अतं कदनृतं क्व प्रत्ता व आहुति वित्तं मे अस्य रौदसी ५

कद् व अतस्य धर्णसि कद् वरुणस्य चक्षणम् ।

कदर्यम्णो महस्पथा ति क्रामेम दूढ्यौ वित्तं मे अस्य रौदसी ६

अहं सो अस्मि यः पुरा सुते वदामि कानि चित् ।

तं मा व्यन्त्याध्योऽ वृको न तृष्णजं मृगं वित्तं मे अस्य रौदसी ७

सं मा तपन्त्यभिर्तः सपत्नीरिव पर्शवः ।

मूषो न शिशना व्यदन्ति माध्यः स्तोतारं ते शतक्रतो वित्तं मे अस्य रौदसी

८

अमी ये सप्त रश्मयस्तत्रा मे नाभिरातता ।

त्रितस्तद् वेदाप्रचः स जामित्वाय रेभति वित्तं मे अस्य रौदसी ६  
 अमी ये पञ्चोक्षणो मध्यै तस्थुर्महो दिवः ।  
 देवत्रा नु प्रवाच्यं सधीचीना नि वावृतु वित्तं मे अस्य रौदसी १०  
 सुपर्णा एत आसते मध्यं आरोधने दिवः ।  
 ते सैधन्ति पथो वृकं तरन्तं यहतीरपो वित्तं मे अस्य रौदसी ११  
 नव्यं तदुक्थ्यं हितं देवासः सुप्रवाचनम् ।  
 अतमर्षन्ति सिन्धवः सत्यं तातान् सूर्यो वित्तं मे अस्य रौदसी १२  
 अग्ने तव त्यदुक्थ्यं देवेष्वस्त्याप्यम् ।  
 स नः सत्तो मनुष्वदा देवान् यन्नि विदुष्टरो वित्तं मे अस्य रौदसी १३  
 सत्तो होता मनुष्वदा देवाँ अच्छा विदुष्टरः ।  
 अग्निर्हव्या सुषूदति देवो देवेषु मेधिरो वित्तं मे अस्य रौदसी १४  
 ब्रह्मा कृणोति वरुणो गातुविदं तमीमहे ।  
 व्यूणोति हृदा मतिं नव्यो जायतामृतं वित्तं मे अस्य रौदसी १५  
 असौ यः पन्था आदित्यो दिवि प्रवाच्यं कृतः ।  
 न स देवा अतिक्रमे तं मर्तासो न पश्यथ वित्तं मे अस्य रौदसी १६  
 त्रितः कूपेऽवहितो देवान् हवत ऊतये ।  
 तच्छुश्राव बृहस्पतिः कृणवन्नहूणादुरु वित्तं मे अस्य रौदसी १७  
 अरुणो मा सकृद् वृकः पथा यन्तं ददर्श हि ।  
 उज्जिहीते निचाय्या तष्टैव पृष्ठ्यामयी वित्तं मे अस्य रौदसी १८  
 एनाङ्गुषेण व्यमिन्द्रवन्तो ऽभि प्याम वृजने सर्ववीराः ।  
 तन्नो मित्रो वरुणो मामहन्ता मदितिः सिन्धुः पृथिवी उत द्यौः १९  
 षोडशोऽनुवाकः १६ सू० १०६-११५

(१०६) षडुत्तरशततमं सूक्तम्

(१-७) सप्तर्चस्यास्य सूक्तस्याङ्गिरसः कुत्स ऋषिः । विश्वे देवा देवताः । (१-

६) प्रथमादिषडृचां जगती (७) सप्तम्याश्च त्रिष्टुप् छन्दसी

इन्द्रं मित्रं वरुणमग्निमूतये मारुतं शर्धो अदितिं हवामहे ।

रथं न दुर्गाद् वसवः सुदानवो विश्वस्मान्नो अंहसो निष्पिपर्तन १

त आदित्या आ गता सर्वतातये भूत देवा वृत्रतूर्येषु शंभुवः ।

रथं न दुर्गाद् वसवः सुदानवो विश्वस्मान्नो अंहसो निष्पिपर्तन २

अवन्तु नः पितरः सुप्रवाचना उत देवी देवपुत्रे ऋतावृधा ।  
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन ३  
 नराशंसं वाजिनं वाजयन्निह क्षयद्वीरं पूषणं सुमैरीमहे ।  
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन ४  
 बृहस्पते सदमिन्नः सुगं कृधि शं योर्यत् ते मनुर्हितं तदीमहे ।  
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन ५  
 इन्द्रं कुत्सो वृत्रहणं शचीपतिं काटे निबाहळ ऋषिरह्णदूतयै ।  
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन ६  
 देवैर्नो देव्यदितिर्नि पातु देवस्त्राता त्रायतामप्रयुच्छन् ।  
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ७

(१०७) सप्तोत्तरशततमं सूक्तम्

(१-३) तृचस्यास्य सूक्तस्याङ्गिरसः कुत्स ऋषिः । विश्वे देवा देवताः ।

त्रिष्टुप् छन्दः

यज्ञो देवानां प्रत्येति सुम्न मादित्यासो भवता मृळयन्तः ।  
 आ वो ऽर्वाचीं सुमतिर्ववृत्त्या दुंहोश्चिद्या वरिवोवित्तरासत् १  
 उप नो देवा अवसा गमन्त्वङ्गिरसां सामभिः स्तूयमानाः ।  
 इन्द्र इन्द्रियैर्मरुतौ मरुद्भि रादित्यैर्नो अदितिः शर्म यंसत् २  
 तन्न इन्द्रस्तद् वरुणस्तदग्निस्तदर्यमा तत् सविता चनो धात् ।  
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ३

(१०८) अष्टोत्तरशततमं सूक्तम्

(१-१३) त्रयोदशर्चस्यास्य सूक्तस्याङ्गिरसः कुत्स ऋषिः । इन्द्राग्नी देवते ।

त्रिष्टुप् छन्दः

य इन्द्राग्नी चित्रतमो रथौ वामाभि विश्वानि भुवनानि चष्टे ।  
 तेना यातं सरथं तस्थिवांसा था सोमस्य पिबतं सुतस्य १  
 यावदिदं भुवनं विश्वमस्त्युरुव्यचा वरिमता गभीरम् ।  
 तावाँ अयं पातवे सोमो अस्त्वरमिन्द्राग्नी मनसे युवभ्याम् २  
 चक्राथे हि सध्वयश्ङनाम भद्रं संधीचीना वृत्रहणा उत स्थः ।  
 ताविन्द्राग्नी सध्वयश्चा निषद्या वृष्णाः सोमस्य वृष्णा वृषेथाम् ३

समिद्धेष्वग्निष्वानजाना यतस्त्रुचा बर्हिर् तस्तिराणा ।  
 तीव्रैः सोमैः परिषिक्तेभिरवा गेन्द्राग्नी सौमनुसार्य यातम् ४  
 यानीन्द्राग्नी चक्रथुर्वीर्याणि यानि रूपाण्युत वृष्यानि ।  
 या वा प्रत्नानि सख्या शिवानि तेभिः सोमस्य पिबतं सुतस्य ५  
 यदब्रवं प्रथमं वा वृणानोऽयं सोमो असुरैर्नो विहव्यः ।  
 तां सत्यां श्रद्धामभ्या हि यात मथा सोमस्य पिबतं सुतस्य ६  
 यदिन्द्राग्नी मदथः स्वे दुरोणे यद् ब्रह्मणि राजनि वा यजत्रा ।  
 अतः परि वृषणावा हि यात मथा सोमस्य पिबतं सुतस्य ७  
 यदिन्द्राग्नी यदुषु तुर्वशेषु यद् द्रुह्युष्वनुषु पूरुषु स्थः ।  
 अतः परि वृषणावा हि यात मथा सोमस्य पिबतं सुतस्य ८  
 यदिन्द्राग्नी अवमस्यां पृथिव्यां मध्यमस्यां परमस्यामुत स्थः ।  
 अतः परि वृषणावा हि यात मथा सोमस्य पिबतं सुतस्य ९  
 यदिन्द्राग्नी परमस्यां पृथिव्यां मध्यमस्यामवमस्यामुत स्थः ।  
 अतः परि वृषणावा हि यात मथा सोमस्य पिबतं सुतस्य १०  
 यदिन्द्राग्नी दिवि शो यत् पृथिव्यां यत् पर्वतेष्वोषधीष्वप्सु ।  
 अतः परि वृषणावा हि यात मथा सोमस्य पिबतं सुतस्य ११  
 यदिन्द्राग्नी उदिता सूर्यस्य मध्ये दिवः स्वधया मादयेथे ।  
 अतः परि वृषणावा हि यात मथा सोमस्य पिबतं सुतस्य १२  
 एवेन्द्राग्नी पपिवांसां सुतस्य विश्वास्मभ्यं सं जयतं धनानि ।  
 तन्नो मित्रो वरुणो मामहन्ता मदितिः सिन्धुः पृथिवी उत द्यौः १३

(१०६) नवोत्तरशततमं सूक्तम्

(१-८) अष्टार्चस्यास्य सूक्तस्याङ्गिरसः कुत्स ऋषिः । इन्द्राग्नी देवते ।

त्रिष्टुप् छन्दः

वि ह्यख्यं मनसा वस्य इच्छ त्रिन्द्राग्नी ज्ञास उत वा सजातान् ।  
 नान्या युवत् प्रमतिरस्ति मह्यं स वा धिर्यवाजयन्तीमतक्षम् १  
 अश्रवं हि भूरिदावत्तरा वां विजामातुरुत वा घा स्यालात् ।  
 अथा सोमस्य प्रयती युवभ्या मिन्द्राग्नी स्तोमं जनयामि नव्यम् २  
 मा छेद्य रश्मीरिति नाधमानाः पितृचफट्टणां शक्तीरनुयच्छमानाः ।  
 इन्द्राग्निभ्यां कं वृषणो मदन्ति ता ह्यद्री धिषणाया उपस्थे ३



युवाभ्यां देवी धिषणा मदायेन्द्राग्नी सोममुशती सुनोति ।  
 तावश्विना भद्रहस्ता सुपाणी आ धावतं मधुना पृङ्क्तमुप्सु ४  
 युवामिन्द्राग्नी वसुनो विभागे तवस्तमा शुश्रव वृत्रहत्यै ।  
 तावासद्या बर्हिषि युज्ञे अस्मिन् प्र चर्षणी मादयेथां सुतस्य ५  
 प्र चर्षणिभ्यः पृतनाहवेषु प्र पृथिव्या रिरिचाथे दिवश्च ।  
 प्र सिन्धुभ्यः प्र गिरिभ्यो महित्वा प्रेन्द्राग्नी विश्वा भुवनात्यन्या ६  
 आ भरतं शिक्तं वज्रबाहू अस्माँ ईन्द्राग्नी अवतं शचीभिः ।  
 इमे नु ते रश्मयः सूर्यस्य येभिः सपित्वं इंपतरौ न आसन् ७  
 पुरंदरा शिक्तं वज्रहस्ता स्माँ ईन्द्राग्नी अवतं भरैषु ।  
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ८

(११०) दशोत्तरशततमं सूक्तम्

(१-६) नवर्चस्यास्य सूक्तस्याङ्गिरसः कुत्स ऋषिः । ऋभवो देवताः । (१-४,

६-८) प्रथमादिचतुर्मुखां षष्ठ्यादितृचस्य च जगती

(५, ६) पञ्चमीनवम्योश्च त्रिष्टुप् छन्दसी

तुतं मे अपस्तुतु तायते पुनः स्वादिष्टा धीतिरुचथाय शस्यते ।  
 अयं समुद्र इह विश्वदैव्यः स्वाहाकृतस्य समु तृप्णुत ऋभवः १  
 आभोगयं प्र यदिच्छन्त ऐतना पाकाः प्राञ्चो मम के चिदापयः ।  
 सौधन्वनासश्चरितस्य भूमना गच्छत सवितुर्दाशुषो गृहम् २  
 तत् सविता वोऽमृतत्वमासुव दगौह्यं यच्छृचफद्धवयेन्त ऐतन ।  
 त्यं चिच्चमसमसुरस्य भक्षणे मेकं सन्तमकृणुता चतुर्वयम् ३  
 विष्टी शमी तरणित्वेन वाघतो मर्तासः सन्तो अमृतत्वमानशः ।  
 सौधन्वना ऋभवः सूरचक्षसः संवत्सरे समपृच्यन्त धीतिभिः ४  
 क्षेत्रमिव वि ममुस्तेजनेन एकं पात्रमृभवो जेहमानम् ।  
 उपस्तुता उपमं नार्धमाना अमर्त्येषु श्रव इच्छमानाः ५  
 आ मनीषामन्तरिक्षस्य नृभ्यः स्रुचेव घृतं जुहवाम विघ्ना ।  
 त्रणित्वा ये पितुरस्य सश्चिर ऋभवो वाजमरुहन् दिवो रजः ६  
 ऋभुर्न इन्द्रः शर्वसा नवीया नृभुर्वाजैभिर्वसुभिर्वसुर्ददिः ।  
 युष्माकं देवा अवसाहनि प्रियेऽभि तिष्ठेम पृत्सुतीरसुन्वताम् ७  
 निश्चर्मण ऋभवो गामपिंशत सं वत्सेनासृजता मातरं पुनः ।

सौधन्वनासः स्वपस्यया नरो जिब्री युवाना पितराकृणोतन ८  
वाजैभिर्नो वाजसातावविह्वृभुमाँ इन्द्र चित्रमादर्षि राधः ।  
तन्नो मित्रो वरुणो मामहन्ता मदितिः सिन्धुः पृथिवी उत द्यौः ९

(१११) एकादशोत्तरशततमं सूक्तम्

(१-५) पञ्चर्चस्यास्य सूक्तस्याङ्गिरसः कुत्स ऋषिः । ऋभवो देवताः । (१-४)

प्रथमादिचतुर्ऋचां जगती (५) पञ्चम्याश्च त्रिष्टुप् छन्दसी  
तक्षन् रथं सुवृत्तं विघ्नार्पस स्तक्षन् हरीं इन्द्रवाहा वृषणवसू ।  
तक्षन् पितृभ्यामृभवो युवद् वयं स्तक्षन् वत्साय मातरं सचाभुर्वम् १  
आ नो यज्ञाय तक्षत ऋभुमद्वयः क्रत्वे दक्षाय सुप्रजावतीमिषम् ।  
यथा क्षयाम् सर्ववीरया विशा तन्नः शर्धाय धासथा स्विन्द्रियम् २  
आ तक्षत सातिमस्मभ्यमृभवः सातिं रथाय सातिमर्वते नरः ।  
सातिं नो जैत्रीं सं महेत विश्वहा जामिमजामिं पृतनासु सक्षणिम् ३  
ऋभुक्षणिमिन्द्रमा हुव ऊतय ऋभून् वाजान् मरुतः सोमपीतये ।  
उभा मित्रावरुणा नूनमश्विना ते नो हिन्वन्तु सातये धिये जिषे ४  
ऋभुर्भराय सं शिशातु सातिं समर्यजिद्वाजौ अस्माँ अविष्टु ।  
तन्नो मित्रो वरुणो मामहन्ता मदितिः सिन्धुः पृथिवी उत द्यौः ५

(११२) द्वादशोत्तरशततमं सूक्तम्

(१-२५) पञ्चविंशत्यृचस्यास्य सूक्तस्याङ्गिरसः कुत्स ऋषिः । (१) प्रथमर्चः  
प्रथमपादस्य द्यावापृथिव्यौ द्वितीयपादस्याग्निरुत्तरार्धस्य (२-२५) द्वितीयादिच-  
तुर्विंशतीनाञ्चाश्विनौ देवताः । (१-२३) प्रथमादित्रयोविंशतीनां जगती (२४-२५)

चतुर्विंशीपञ्चविंशयोश्च त्रिष्टुप् छन्दसी

१ उत्तरार्धस्य अश्विनौ २-२५ अश्विनौ । जगती २४-२५ त्रिष्टुप् ।  
ईळे द्यावापृथिवी पूर्वचित्तये ऽग्निं घुर्म सुरुचं यामन्निष्टये ।  
याभिर्भरे कारमंशाय जिन्वथ स्ताभिरू षु ऊतिभिरश्विना गतम् १  
युवोर्दानाय सुभरा असश्चतो रथमा तस्थुर्वचसं न मन्तवे ।  
याभिर्धियोऽर्वथः कर्मन्निष्टये ताभिरू षु ऊतिभिरश्विना गतम् २  
युवं तासां दिव्यस्य प्रशासने विशां क्षयथो अमृतस्य मज्मना ।  
याभिर्धेनुमस्वर्इपन्वथो नरा ताभिरू षु ऊतिभिरश्विना गतम् ३

याभिः परिज्मा तनयस्य मज्मना द्विमाता तूर्षु तुरणिर्विभूषति ।  
 याभिस्त्रिमन्तुरभेवद् विचक्षण स्ताभिरू षु ऊतिभिरश्विना गतम् ४  
 याभी रेभं निवृतं सितमद्भ्य उद् वन्दनमैरयतं स्वर्दृशे ।  
 याभिः कण्वं प्र सिषासन्तमावतं ताभिरू षु ऊतिभिरश्विना गतम् ५  
 याभिरन्तकं जसमानमारणे भुज्युं याभिरव्यथिभिर्जिजिन्वथुः ।  
 याभिः कर्कन्धु वय्यं च जिन्वथ स्ताभिरू षु ऊतिभिरश्विना गतम् ६  
 याभिः शुचन्तिं धनसां सुषंसदं तप्तं घर्ममोम्यावन्तमत्रये ।  
 याभिः पृश्निगुं पुरुकुत्समावतं ताभिरू षु ऊतिभिरश्विना गतम् ७  
 याभिः शचीभिर्वृषणा परावृजं प्रान्धं श्रोणं चक्षस एतवे कृथः ।  
 याभिर्वर्तिकां ग्रसिताममुञ्चतं ताभिरू षु ऊतिभिरश्विना गतम् ८  
 याभिः सिन्धुं मधुमन्तमसञ्चतं वसिष्ठं याभिरजरावजिन्वतम् ।  
 याभिः कुत्सं श्रुतर्यं नर्यमावतं ताभिरू षु ऊतिभिरश्विना गतम् ९  
 याभिर्विश्पलां धनसामथव्यं सहस्रमीहळ आजावजिन्वतम् ।  
 याभिर्वशमश्वचं प्रेणिमावतं ताभिरू षु ऊतिभिरश्विना गतम् १०  
 याभिः सुदानू औशिजाय वणिजं दीर्घश्रवसे मधु कोशो अक्षरत् ।  
 कक्षीवन्तं स्तोतारं याभिरावतं ताभिरू षु ऊतिभिरश्विना गतम् ११  
 याभी रसां क्षोदसोद्गः पिपिन्वथु रनश्वं याभी रथमावतं जिषे ।  
 याभिस्त्रिशोकं उस्त्रिया उदार्जत ताभिरू षु ऊतिभिरश्विना गतम् १२  
 याभिः सूर्यं परियाथः परावति मन्धातारं क्षैत्रपत्येष्वावतम् ।  
 याभिर्विप्रं प्र भुरद्वाजमावतं ताभिरू षु ऊतिभिरश्विना गतम् १३  
 याभिर्महामतिथिग्वं कशोजुवं दिवौदासं शम्बरहत्य आवतम् ।  
 याभिः पूर्भिद्यै त्रसदस्युमावतं ताभिरू षु ऊतिभिरश्विना गतम् १४  
 याभिर्वम्रं विपिपानमुपस्तुतं कलिं याभिर्वित्तजानिं दुवस्यथः ।  
 याभिर्यश्वमुत पृथिमावतं ताभिरू षु ऊतिभिरश्विना गतम् १५  
 याभिर्नरा शयवे याभिरत्रये याभिः पुरा मनवे गातुमीषथुः ।  
 याभिः शारीराजतं स्यूमरश्मये ताभिरू षु ऊतिभिरश्विना गतम् १६  
 याभिः पठर्वा जठरस्य मज्मना गिर्नादीदेद्वित इद्धो अज्मन्ना ।  
 याभिः शर्यातमवथो महाधने ताभिरू षु ऊतिभिरश्विना गतम् १७  
 याभिरङ्गिरो मनसा निरयथो ऽग्रं गच्छथो विवरे गोअर्णसः ।  
 याभिर्मनुं शूरमिषा समावतं ताभिरू षु ऊतिभिरश्विना गतम् १८

याभिः पत्नीर्विमृदाय न्यूहथु रा घ वा याभिररुणीरशिक्षतम् ।  
 याभिः सुदास ऊहथुः सुदेव्यं ताभिरू षु ऊतिभिरश्विना गतम् १६  
 याभिः शंताती भवथो ददाशुषै भुज्युं याभिरवथो याभिरधिगुम् ।  
 ओम्यावतीं सुभरामृतस्तुभं ताभिरू षु ऊतिभिरश्विना गतम् २०  
 याभिः कृशानुमसने दुवस्यथो जवे याभिर्यूनो अर्वन्तमावतम् ।  
 मधु प्रियं भरथो यत् सरडभ्यस्ताभिरू षु ऊतिभिरश्विना गतम् २१  
 याभिर्नरं गोषुयुधं नृषाह्ये क्षेत्रस्य साता तनयस्य जिन्वथः ।  
 याभी रथाँ अवथो याभिरवतस्ताभिरू षु ऊतिभिरश्विना गतम् २२  
 याभिः कुत्समार्जुनेयं शतक्रतू प्र तुर्वीतिं प्र च दभीतिमावतम् ।  
 याभिर्ध्वसन्ति पुरुषन्तिमावतं ताभिरू षु ऊतिभिरश्विना गतम् २३  
 अप्रस्वतीमश्विना वाचमस्मे कृतं नो दस्त्रा वृषणा मनीषाम् ।  
 अद्युत्येऽवसे नि ह्वये वां वृधे च नो भवतं वाजसातौ २४  
 द्युभिरक्तुभिः परि पातमस्मानरिष्टेभिरश्विना सौभगेभिः ।  
 तन्नो मित्रो वरुणो मामहन्ता मदितिः सिन्धुः पृथिवी उत द्यौः २५  
 अष्टमोऽध्यायः १८ व० १-२६

(११३) त्रयोदशोत्तरशततमं सूक्तम्

(१-२०) विंशत्यृचस्यास्य सूक्तस्याङ्गिरसः कुत्स ऋषिः । (१, २-२०) प्रथमर्चः  
 पूर्वार्धस्य द्वितीयाद्येकोनविंशतीनाञ्च उषाः (१) प्रथमाया उत्तरार्धस्य च रात्रिर्देवते  
 । त्रिष्टुप् छन्दः

इदं श्रेष्ठं ज्योतिषां ज्योतिरागां चित्रः प्रकेतो अजनिष्ट विभ्वा ।  
 यथा प्रसूता सवितुः सवायँ एवा रात्र्युषसे योनिमारैक् १  
 रुशद्वत्सा रुशती श्वेत्यागा दारैगु कृष्णा सदनान्यस्याः ।  
 समानबन्धू अमृतै अनूची द्यावा वरुणं चरत आमिनाने २  
 समानो अध्वा स्वस्त्रोरनुन्त स्तमन्यान्या चरतो देवशिष्टे ।  
 न मैथेते न तस्थतुः सुमेके नक्तोषासा समनसा विरूपे ३  
 भास्वती नेत्री सूनृताना मचैति चित्रा वि दुरौ न आवः ।  
 प्रार्प्या जगद्व्यु नो रायो अरुव्य दुषा अजीगर्भुवनानि विश्वा ४  
 जिह्मश्वे चरितवे मधो न्याभोगय इष्टये राय उ त्वम् ।  
 दध्रं पश्यदभ्य उर्विया विचक्ष उषा अजीगर्भुवनानि विश्वा ५

क्षत्राय त्वं श्रवसे त्वं महीया इष्टये त्वमर्थमिव त्वमित्यै ।  
 विसदृशा जीविताभिप्रचक्ष उषा अजीगर्भुवनानि विश्वा ६  
 एषा दिवो दुहिता प्रत्यदर्शि व्युच्छन्ती युवतिः शक्रवासाः ।  
 विश्वस्येशाना पार्थिवस्य वस्व उषो अद्येह सुभगे व्युच्छ ७  
 परायतीनामन्वेति पार्थ आयतीनां प्रथमा शश्वतीनाम् ।  
 व्युच्छन्ती जीवमुदीरयन्त्युषा मृतं कं चन बोधयन्ती ८  
 उषो यदग्निं समिधै चकर्थ वि यदावश्चक्षसा सूर्यस्य ।  
 यन्मानुषान् यक्ष्यमाणान् अजीगस्तद् देवेषु चकृषे भद्रमप्रः ९  
 कियत्या यत् समया भवति या व्यूषुर्याश्च नूनं व्युच्छान् ।  
 अनु पूर्वाः कृपते वावशाना प्रदीर्घ्याना जोषमन्याभिरिति १०  
 ईयुष्टे ये पूर्वतरामपश्यन् व्युच्छन्तीमुषसं मर्त्यासः ।  
 अस्माभिरू नु प्रतिचक्ष्याभूदो ते येन्ति ये अपरीषु पश्यान् ११  
 यावयद् द्वेषा ऋतुपा ऋतेजाः सुम्रावरी सूनृता ईरयन्ती ।  
 सुमुङ्गलीर्बिभ्रती देववीति मिहाद्योषः श्रेष्ठतमा व्युच्छ १२  
 शश्वत् पुरोषा व्युवास देव्यथो अद्येदं व्यावो मघोनी ।  
 अथो व्युच्छादुत्तरां अनु द्यू नजरामृता चरति स्वधाभिः १३  
 व्यश्जिभिर्दिव आतास्वद्यौ दप कृष्णां निर्णिजं देव्यावः ।  
 प्रबोधयन्त्यरुणेभिरश्चै रोषा याति सुयुजा रथेन १४  
 आवहन्ती पोष्या वार्याणि चित्रं केतुं कृणुते चेकिताना ।  
 ईयुषीणामुपमा शश्वतीनां विभातीनां प्रथमोषा व्यश्चैत् १५  
 उदीर्ध्वं जीवो असुर्न आगा दप प्रागात् तम् आ ज्योतिरेति ।  
 आरैक पन्थां यातवे सूर्याया गन्म यत्र प्रतिरन्त आयुः १६  
 स्यूमना वाच उदियति वह्निः स्तवानो रेभ उषसौ विभातीः ।  
 अद्या तदुच्छ गृणते मघो न्यस्मे आयुर्नि दिदीहि प्रजावत् १७  
 या गोमतीरुषसः सर्ववीरा व्युच्छन्ति दाशुषे मर्त्याय ।  
 वायोरिव सूनृतानामुदके ता अश्वदा अश्नवत् सोमसुत्वा १८  
 माता देवानामदितेरनीकं यज्ञस्य केतुर्बृहती वि भाहि ।  
 प्रशस्तिकृद् ब्रह्मणे नो व्युश्छा नो जनै जनय विश्ववारे १९  
 यच्चित्रमप्र उषसो वहन्ती जानाय शशमानाय भद्रम् ।  
 तन्नौ मित्रो वरुणो मामहन्ता मदितिः सिन्धुः पृथिवी उत द्यौः २०

(११४) चतुर्दशोत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कुत्स ऋषिः । रुद्रो देवता । (१-६)

प्रथमादिनवर्चा जगती (१०-११) दशम्येकादश्योश्च त्रिष्टुप् छन्दसी

इ॒मा रु॒द्राय॑ त॒वसे॑ क॒पर्दि॑ने॒ ज्ञय॑द्वी॒राय॑ प्र भ॑रामहे म॒तीः ।  
य॒था श॒मस् द्वि॒पदे॑ चतु॑ष्पदे॒ विश्वं॑ पु॒ष्टं ग्रामे॑ अ॒स्मिन्न॑नातुरम् १  
मृ॒ळा नो॑ रु॒द्रोत॑ नो म॒र्यस्कृ॑धि ज्ञय॑द्वी॒राय॑ नम॑सा विधेम ते ।  
यच्छं॑ च योश्च॒ मनु॑राये॒ जे पि॒ता तद॑श्याम॒ तव॑ रु॒द्र प्र॑णीतिषु २  
अ॒श्याम॑ ते सु॒म॒तिं दे॒वय॑ज्यया॒ ज्ञय॑द्वी॒रस्य॑ तव॑ रु॒द्र मी॑द्वः ।  
सु॒म्राय॑न्निद् वि॒शो अ॒स्माक॒मा च॒रा रि॑ष्टवी॒रा जु॑हवाम ते ह॒विः ३  
त्वे॒षं व॒यं रु॒द्रं य॑ज्ञसाधं व॒ङ्कुं क॒विम॑वसे॒ नि ह॑यामहे ।  
आ॒रे अ॒स्मद् दै॒व्यं हे॒ळो अ॒स्यतु॑ सु॒म॒तिमि॑द् व॒यम॒स्या वृ॑णीमहे ४  
दि॒वो व॑रा॒हम॑रु॒षं क॑पर्दि॒नं त्वे॒षं रू॒पं नम॑सा॒ नि ह॑यामहे ।  
ह॒स्ते बि॒भ्रद् भे॒षजा॑ वा॒र्याणि॑ श॒र्म व॑र्म च॒र्दिस्म॑भ्यं यंसत् ५  
इ॒दं इ॒प॒त्रे म॒रुता॑मुच्यते॒ वचः॑ स्वा॒दोः स्वा॑दी॒यो रु॒द्राय॑ वर्धनम् ।  
रा॒स्वा च॑ नो अ॒मृत॑ म॒र्तभो॑ज॒नं त्मने॑ तो॒काय॑ तन॒याय॑ मृ॒ळ ६  
मा नो॑ म॒हान्त॑मु॒त मा नो॑ अ॒र्भकं॑ मा न॒ उ॒क्षन्त॑मु॒त मा न॑ उ॒क्षित॑म् ।  
मा नो॑ व॒धीः पि॒तरं॑ मो॒त मा॒तरं॑ मा नः॑ प्रि॒यास्त॑न्वो॒ रुद्र॑ रीरिषः ७  
मा न॑स्तो॒के तन॑ये॒ मा न॑ आ॒यौ मा नो॑ गो॒षु मा नो॑ अ॒श्वेषु॑ रीरिषः ।  
वी॒रान् मा नो॑ रु॒द्र भा॑मि॒तो व॑धी॒ ह॒विष्म॑न्तिः स॒दमि॑त्त्वा॒ हवाम॑हे ८  
उ॒प ते॑ स्तो॒मान् प॑श॒पा इ॒वाक॑रं॒ रास्वा॑ पि॒तर्म॑रुतां सु॒म्रम॑स्मे ।  
भ॒द्रा हि॑ ते सु॒म॒तिमृ॑ळ॒यत्त॑मा॒था व॒यम॑व॒ इत् ते॑ वृ॒णीम॑हे ९  
आ॒रे ते॑ गो॒घ्नमु॑त पू॒रुष॑घ्नं ज्ञय॑द्वी॒र सु॒म्रम॑स्मे ते॑ अस्तु ।  
मृ॒ळा च॑ नो॒ अधि॑ च ब्रू॒हि दे॒वा धा॑ च नः॒ शर्म॑ यच्छ॒ द्वि॒र्वा १०  
अ॒वो॒चाम॑ नमो॒ अस्मा॑ अ॒वस्य॑वः शृ॒णोतु॑ नो॒ हव॑ रु॒द्रो म॑रु॒त्वान् ।  
तन्नो॑ मि॒त्रो व॑रु॒णो मा॑महन्ता॒ मदि॑तिः॒ सिन्धुः॑ पृथि॒वी उ॒त द्यौः ११

(११५) पञ्चदशोत्तरशततमं सूक्तम्

(१-६) षडृचस्यास्य सूक्तस्याङ्गिरसः कुत्स ऋषिः । सूर्यो देवता । त्रिष्टुप् छन्दः  
चित्रं देवानामुदगादनीकं चक्षुर्मित्रस्य वरुणस्याग्नेः ।

आप्रा द्यावापृथिवी अन्तरिक्षं सूर्य आत्मा जगतस्तस्थुषश्च १  
सूर्यो देवीमुषसं रोचमानां मर्यो न योषामभ्येति पश्चात् ।  
यत्रा नरो देवयन्तौ युगानि वितन्वते प्रति भद्राय भद्रम् २  
भद्रा अश्वा हरितः सूर्यस्य चित्रा एतग्वा अनुमाद्यासः ।  
नमस्यन्तौ दिव आ पृष्ठमस्थुः परि द्यावापृथिवी यन्ति सद्यः ३  
तत्सूर्यस्य देवत्वं तन्महित्वं मध्या कर्तोर्विततं सं जभार ।  
यदेदयुक्त हरितः सधस्था दाद्रात्री वासस्तनुते सिमस्मै ४  
तन्मित्रस्य वरुणस्याभिचक्षे सूर्यो रूपं कृणुते द्योरुपस्थै ।  
अनन्तमन्यद् रुशदस्य पार्जः कृष्णमन्यद्धरितः सं भरन्ति ५  
अद्या देवा उदिता सूर्यस्य निरहंसः पिपृता निरवद्यात् ।  
तन्नो मित्रो वरुणो मामहन्ता मदितिः सिन्धुः पृथिवी उत द्यौः ६  
सप्तदशोऽनुवाकः १७ सू० ११६-१२०

(११६) षोडशोत्तरशततमं सूक्तम्

(१-२५) पञ्चविंशत्यृचस्यास्य सूक्तस्यौशिजो दैर्घतमसः कक्षीवान् ऋषिः ।

अश्विनौ देवते । त्रिष्टुप् छन्दः

नासत्याभ्यां बर्हिर्वि प्र वृञ्जे स्तोमाँ इयम्यभ्रियैव वातः ।  
यावर्भगाय विमदाय जायां सेनाजुवा न्यूहतू रथेन १  
वीळपत्नभिराशहेमभिर्वा देवानां वा जूतिभिः शाशदाना ।  
तद् रासभो नासत्या सहस्र माजा यमस्य प्रधनै जिगाय २  
तुग्रौ ह भुज्युमश्विनोदमेघे रयिं न कश्चिन्ममूवाँ अवाहाः ।  
तमूहथुनोभिरात्मन्वतीभि रन्तरिक्षप्रुद्धिरपोदकाभिः ३  
तिस्रः क्षपस्त्रिरहातिवर्जद्धि नासत्या भुज्युमूहथुः पतङ्गैः ।  
समुद्रस्य धन्वन्नार्द्रस्य पारे त्रिभी रथैः शतपद्भिः षळश्वैः ४  
अनारम्भणे तदवीरयेथा मनास्थाने अग्रभणे समुद्रे ।  
यदश्विना ऊहथुर्भुज्युमस्तं शतारित्रां नावमातस्थिवांसम् ५  
यमश्विना ददथुः श्वेतमश्व मघाश्वाय शश्वदित् स्वस्ति ।  
तद् वा दात्रं महि कीर्तेन्यं भूत् पैद्वो वाजी सदमिद्धव्यौ अर्यः ६  
युवं नरा स्तुवते पञ्जियाय कक्षीवते अरदतं पुरंधिम् ।  
कारोतराच्छुफादश्वस्य वृष्णाः शतं कुम्भाँ असिञ्चतं सुरायाः ७

हिमेनाग्निं घ्नंसमवारयेथां इंपतुमतीमूर्जमस्मा अधत्तम् ।  
 ऋबीसे अत्रिमश्विनावनीत मुन्निन्यथुः सर्वगणं स्वस्ति ८  
 परावृतं नासत्यानुदेथा मुच्चाबुध्नं चक्रथुर्जिह्वारम् ।  
 क्षरन्नापो न पायनाय राये सहस्राय तृष्यते गोतमस्य ९  
 जुजुरुषो नासत्योत वृत्रिं प्रामुञ्चतं द्रापिमिव च्यवानात् ।  
 प्रातिरतं जहितस्यायुर्दस्त्रा दित् पतिमकृणुतं कनीनाम् १०  
 तद् वा नरा शंस्यं राध्यं चाभिष्टिमन्नासत्या वरूथम् ।  
 यद् विद्वांसा निधिमिवापगूहळ मुद् दर्शतादूपथुर्वन्दनाय ११  
 तद्वा नरा सनये दंसं उग्रमाविष्कृणोमि तन्यतुर्न वृष्टिम् ।  
 दध्यङ् ह यन्मध्वाथर्वणो वा मश्वस्य शीष्णा प्र यदीमुवाच १२  
 अजौहवीन्नासत्या करा वा महे यामन् पुरुभुजा पुरधिः ।  
 श्रुतं तच्छासुरिव वध्मिमुत्या हिरण्यहस्तमश्विनावदत्तम् १३  
 आस्रो वृकस्य वर्तिकामभीकै युवं नरा नासत्यामुमुक्तम् ।  
 उतो कविं पुरुभुजा युवं ह कृपमाणमकृणुतं विचक्षै १४  
 चरित्रं हि वेरिवाच्छेदि पर्णमाजा खेलस्य परितक्म्यायाम् ।  
 सद्यो जङ्घामार्यसीं विश्पलायै धनै हिते सतवे प्रत्यधत्तम् १५  
 शतं मेघान् वृक्यै चक्षदानमृजाश्वं तं इंपतान्धं चकार ।  
 तस्मा अक्षी नासत्या विचक्ष आधत्तं दस्त्रा भिषजावनर्वन् १६  
 आ वां रथं दुहिता सूर्यस्य कार्ष्णैवातिष्ठदर्वता जयन्ती ।  
 विश्वे देवा अन्वमन्यन्त हद्भिः समु श्रिया नासत्या सचेथे १७  
 यदयातुं दिवौदासाय वर्ति भूरद्वाजायाश्विना हयन्ता ।  
 रेवदुवाह सचनो रथौ वां वृषभश्च शिंशमारश्च युक्ता १८  
 रयिं सुक्षत्रं स्वपत्यमायुः सुवीर्यं नासत्या वहन्ता ।  
 आ जह्वावीं समनुसोप वाजै स्त्रिरह्नौ भागं दधतीमयातम् १९  
 परिविष्टं जाहुषं विश्वतः सीं सुगेभिर्नक्तमूहथू रजौभिः ।  
 विभिन्दुना नासत्या रथैन् वि पर्वतां अजरयू अयातम् २०  
 एकस्या वस्तौरावतं रणाय वशमश्विना सनये सहस्रा ।  
 निरहतं दुच्छुना इन्द्रवन्ता पृथुश्रवसो वृषणावरातीः २१  
 शरस्य चिदार्चत्कस्यावतादा नीचादुच्चा चक्रथुः पातवे वाः ।  
 शयवै चिन्नासत्या शचीभिर्जसुरये स्तर्यं इंपयथुर्गाम् २२



अवस्यते स्तुवते कृष्ण्याय ऋजूयते नासत्या शर्चीभिः ।  
पशुं न नष्टमिव दर्शनाय विष्णाप्वं ददथुर्विश्वकाय २३  
दश रात्रीरशिवेना नव द्यू नवनद्धं शनथितमप्स्वशन्तः ।  
विप्रुतं रेभमुदनि प्रवृक्त मुन्निन्यथुः सोममिव स्तुवेण २४  
प्र वां दंसस्यश्विनाववोच मस्य पतिः स्यां सुगवः सुवीरः ।  
उत पश्यन्नश्नुवन् दीर्घमायु रस्तमिवेज्जरिमाणौ जगम्याम् २५

(११७) सप्तदशोत्तरशततमं सूक्तम्

(१-२५) पञ्चविंशत्यृचस्यास्य सूक्तस्यौशिजो दैर्घतमसः कक्षीवान् ऋषिः ।

अश्विनौ देवते । त्रिष्टुप् छन्दः

मध्वः सोमस्याश्विना मदाय प्रबो होता विवासते वाम् ।  
बर्हिष्मती रातिर्विश्रिता गी रिषा यातं नासत्योप वाजैः १  
यो वामश्विना मनसो जवीयान् रथः स्वश्वो विश आजिगाति ।  
येन गच्छथः सुकृतौ दुरोणं तेन नरा वर्तिरस्मभ्यं यातम् २  
ऋषिं नरावंहंसः पाञ्चजन्य मृबीसादत्रि मुञ्चथो गुणेन ।  
मिनन्ता दस्योरशिवस्य माया अनुपूर्वं वृषणा चोदयन्ता ३  
अश्वं न गूहळमश्विना दुरेवै ऋषिं नरा वृषणा रेभमुप्सु ।  
सं तं रिणीथो विप्रुतं दंसौभिर्न वां जूर्यन्ति पूर्व्या कृतानि ४  
सुषुप्वांसं न निर्ऋतेरुपस्थे सूर्यं न दस्त्रा तमसि क्षियन्तम् ।  
शुभे रुक्मं न दर्शतं निखात मुदूपथुरश्विना वन्दनाय ५  
तद् वां नरा शंस्यं पञ्जियेण कक्षीवता नासत्या परिज्मन् ।  
शफादश्वस्य वाजिनो जनाय शतं कुम्भाँ असिञ्चतं मधूनाम् ६  
युवं नरा स्तुवते कृष्ण्याय विष्णाप्वं ददथुर्विश्वकाय ।  
घोषायै चित् पितृषदै दुरोणे पतिं जूर्यन्त्या अश्विनावदत्तम् ७  
युवं श्यावाय रुशतीमदत्तं महः क्षोणस्याश्विना कणवाय ।  
प्रवाच्यं तद् वृषणा कृतं वां यन्नार्षिदाय श्रवो अध्यधत्तम् ८  
पुरू वपांस्यश्विना दधाना नि पेदव ऊहथुराशुमश्वम् ।  
सहस्रसां वाजिनमप्रतीत महिहनं श्रवस्यं तरुत्रम् ९  
एतानि वां श्रवस्या सुदानू ब्रह्माङ्गुषं सदनं रोदस्योः ।  
यद् वां पुज्रासौ अश्विना हवन्ते यातमिषा च विदुषे च वाजम् १०

सूनोमर्निनाश्विना गृणाना वाजं विप्राय भुरणा रदन्ता ।  
 अगस्त्ये ब्रह्मणा वावृधाना सं विश्पला नासत्यारिणीतम् ११  
 कुह यान्ता सुष्टुतिं काव्यस्य दिवौ नपाता वृषणा शयुत्रा ।  
 हिरण्यस्येव कलशं निखातु मुदूपथुर्दशमे अश्विनाहन् १२  
 युवं च्यवानमश्विना जरन्तं पुनर्युवानं चक्रथुः शचीभिः ।  
 युवो रथं दुहिता सूर्यस्य सह श्रिया नासत्यावृणीत १३  
 युवं तुग्राय पूर्व्येभिरेवैः पुनर्मन्यावभवतं युवाना ।  
 युवं भुज्युमणोसो निः समुद्राद् विभिरूहथुर्भृजेभिरश्वैः १४  
 अजौहवीदश्विना तौग्रयो वां प्रोहळः समुद्रमव्यथिर्जगन्वान् ।  
 निष्टमूहथुः सुयुजा रथेन मनोजवसा वृषणा स्वस्ति १५  
 अजौहवीदश्विना वर्तिका वा मास्रो यत् सीममुञ्चतं वृकस्य ।  
 वि जयुषा ययथुः सान्वद्रैर्जातं विष्वाचौ अहतं विषेण १६  
 शतं मेषान् वृक्यै मामहानं तमः प्रणीतमश्विनेन पित्रा ।  
 आक्षी ऋज्राश्वे अश्विनावधत्तं ज्योतिरन्धाय चक्रथुर्विचक्षौ १७  
 शनमन्धाय भरमहयत् सा वृकीरश्विना वृषणा नरेति ।  
 जारः कनीन इव चक्षदान ऋज्राश्वः शतमेकं च मेषान् १८  
 मही वामूतिरश्विना मयोभू रूत स्रामं धिष्ण्या सं रिणीथः ।  
 अथा युवामिदहयत् पुरेधि रागच्छतं सीं वृषणाववौभिः १९  
 अधेनुं दस्त्रा स्तर्यं विषक्ता मपिन्वतं शयवै अश्विना गाम् ।  
 युवं शचीभिर्विमदाय जायां न्यूहथुः पुरुमित्रस्य योषाम् २०  
 यवं वृकैणाश्विना वपन्ते षं दुहन्ता मनुषाय दस्त्रा ।  
 अभि दस्युं बकुरेणा धर्मन्तो रु ज्योतिश्चक्रथुरार्याय २१  
 आथर्वणार्याश्विना दधीचे ऽश्व्यं शिरः प्रत्यैरयतम् ।  
 स वां मधु प्र वौचदृतायन् त्वाष्ट्रं यद् दस्त्रावपिकुक्ष्यं वाम् २२  
 सदा कवी सुमतिमा चके वां विश्वा धियो अश्विना प्रावतं मे ।  
 अस्मे रयिं नासत्या बृहन्तं मपत्यसाचं श्रुत्यै रराथाम् २३  
 हिरण्यहस्तमश्विना रराणा पुत्रं नरा वधिमत्या अदत्तम् ।  
 त्रिधा ह श्यावमश्विना विकस्त मुञ्जीवस एरयतं सुदानू २४  
 एतानि वामश्विना वीर्याणि प्र पूर्याण्यायवो ऽवोचन् ।  
 ब्रह्म कृणवन्तौ वृषणा युवभ्या सुवीरांसो विदथमा वदेम २५

(११८) अष्टादशोत्तरशततमं सूक्तम्

(१-११) एकादशर्चस्यास्य सूक्तस्यौशिजो दैर्घतमसः कक्षीवान् ऋषिः । अश्विनौ देवते । त्रिष्टुप् छन्दः

आ वां रथौ अश्विना श्येनपत्वा सुमृळीकः स्ववाँ यात्वर्वाङ् ।  
यो मर्त्यस्य मनसो जवीयान् त्रिवन्धुरो वृषणा वातरंहाः १  
त्रिवन्धुरेण त्रिवृता रथेन त्रिचक्रेण सुवृता यातमर्वाक् ।  
पिन्वतुं गा जिन्वतुमर्वतो नो वर्धयतमश्विना वीरमुस्मे २  
प्रवद्यामना सुवृता रथेन दस्त्राविमं शृणुतं श्लोकमद्रैः ।  
किमुङ्ग वां प्रत्यवर्ति गमिष्ठा हर्विप्रासो अश्विना पुराजाः ३  
आ वां श्येनासौ अश्विा वहन्तु रथे युक्तास आशवः पतङ्गाः ।  
ये अमुरौ दिव्यासो न गृध्रा अभि प्रयौ नासत्या वहन्ति ४  
आ वां रथं युवतिस्तिष्ठदत्र जुष्टी नरा दुहिता सूर्यस्य ।  
परि वामश्वा वपुषः पतङ्गा वयौ वहन्त्वरुषा अभीकै ५  
उद् वन्दनमैरतं दंसनाभि रुद्रेभं दस्त्रा वृषणा शचीभिः ।  
निष्ठौग्रयं पारयथः समुद्रात् पुनश्चयवानं चक्रथुर्युवानम् ६  
युवमत्रयेऽवनीताय तप्त मूर्जमोमानमश्विनावधत्तम् ।  
युवं कणवायापिरिप्ताय चक्षुः प्रत्यधत्तं सुष्टुतिं जुजुषाणा ७  
युवं धेनुं शयवे नाधिताया पिन्वतमश्विना पूर्वार्य ।  
अमुञ्चतं वर्तिकामंहसो निः प्रति जङ्घां विश्पलाया अधत्तम् ८  
युवं श्वेतं पेदव इन्द्रजूत महिहनमश्विनादत्तमश्वम् ।  
जोहूत्रमुर्यो अभिभूतिमुग्रं सहस्रसां वृषणं वीड्वङ्गम् ९  
ता वां नरा स्वर्वसे सुजाता हवामहे अश्विना नाधमानाः ।  
आ न उप वसुमता रथेन गिरौ जुषाणा सुविताय यातम् १०  
आ श्येनस्य जवसा नूतनेना स्मे यातं नासत्या सजोषाः ।  
हवे हि वामश्विना रातहव्यः शश्वत्तमाया उषसो व्युष्टौ ११

(११९) एकोनविंशत्युत्तरशततमं सूक्तम्

(१-१०) दशर्चस्यास्य सूक्तस्यौशिजो दैर्घतमसः कक्षीवान् ऋषिः । अश्विनौ देवते । जगती छन्दः

आ वां रथं पुरुमायं मनोजुवं जीराश्वं यज्ञियं जीवसे हवे ।  
 सहस्रकेतुं वनिनं शतद्वसुं श्रुष्टीवानं वरिवोधामभि प्रयः १  
 ऊर्ध्वा धीतिः प्रत्यस्य प्रयाम् न्यधायि शस्मन्त्समयन्त आ दिशः ।  
 स्वदामि घर्मं प्रति यन्त्युतय आ वामूर्जानी रथमश्विनारुहत् २  
 सं यन्मिथः पस्पृधानासो अगमन्त शभे मखा अमिता जायवो रणौ ।  
 युवोरहं प्रवणे चैकिते रथो यदश्विनो वहथः सूरिमा वरम् ३  
 युवं भुज्युं भुरमाणं विभिर्गतं स्वयुक्तिभिर्निवहन्ता पितृभ्य आ ।  
 यासिष्टं वर्तिर्वृषणा विजेन्यं दिवौदासाय महि चेति वामवः ४  
 युवोरश्विना वपुषे युवायुजं रथं वाणी येमतुरस्य शर्ध्यम् ।  
 आ वां पतित्वं सख्याय जग्मुषी योषावृणीत जेन्या युवां पती ५  
 युवं रेभं परिषूतेरुष्यथो हिमेन घर्मं परितप्तमत्रये ।  
 युवं शयोरवसं इंप्यथुर्गवि प्र दीर्घेण वन्दनस्तार्यायुषा ६  
 युवं वन्दनं निर्त्रुतं जरणयया रथं न दस्त्रा करणा समिन्वथः ।  
 क्षेत्रादा विप्रं जनथो विपन्यया प्र वामत्र विधते दुंसना भुवत् ७  
 अगच्छतं कृपमाणं परावति पितुः स्वस्य त्यजसा निर्बाधितम् ।  
 स्वर्वतीरित ऊतीर्युवोरहं चित्रा अभीकै अभवन्नभिष्टयः ८  
 उत स्या वां मधुमन्मक्षिकारपन्मदे सोमस्यौशिजो हुवन्यति ।  
 युवं दधीचो मनु आ विवासथो ऽथा शिरः प्रति वामश्वयं वदत् ९  
 युवं पेदवै पुरुवारमश्विना स्पृधां श्वेतं तरुतारं दुवस्यथः ।  
 शयैरभिद्युं पृतनासु दुष्टरं चर्कृत्यमिन्द्रमिव चर्षणीसहम् १०

(१२०) विंशत्युत्तरशततमं सूक्तम्

(१-१२) द्वादशर्चस्यास्य सूक्तस्यौशिजो दैर्घतमसः कक्षीवान् ऋषिः । अश्विनौ  
 देवते । (१, १०-१२) प्रथमर्चः दशम्यादितृचस्य च गायत्री (२) द्वितीयायाः  
 ककुप् (३) तृतीयायाः काविराट् (४) चतुर्थ्या नष्टरूपी (५) पञ्चम्यास्तनुशिरा  
 (६) षष्ठ्या उष्णिक् (७) सप्तम्या विष्टारबृहती (८) अष्टम्याः कृतिः (९)

नवम्याश्च विराट् छन्दांसि

का राधद्धोत्राश्विना वां को वां जोष उभयौः । कथा विधात्यप्रचेताः १  
 विद्वांसाविद् दुरः पृच्छेदविद्वानित्थापरो अचेताः । नू चिन्नु मर्ते अक्रौ २  
 ता विद्वांसा हवामहे वां ता नौ विद्वांसा मन्म वोचेतमुद्य ।

प्राच॑द् दय॑मानो यु॒वाकुः ३  
 वि पृ॑च्छामि पा॒क्या॒ऽन दे॒वान् वष॑ट्कृतस्याद्भुतस्य द॒स्त्रा ।  
 पा॒तं च स॒ह्यसो यु॒वं च र॒भ्यसो नः ४  
 प्र या घोषे भृ॒गवा॒णे न शोभे॑ यया वा॒चा यज॑ति प॒ज्जियो वा॑म् । प्रैष॒युर्न  
 वि॒द्वान् ५  
 श्रु॒तं गा॒य॒त्रं तर्क॑वानस्या॒हं चि॒द्धि रि॒रेभा॑श्विना वा॒म् । आ॒क्षी शु॑भस्पती दन्  
 ६  
 यु॒वं ह्यास्तं॑ मु॒हो रन् यु॒वं वा य॒न्निर॑तंतंसतम् ।  
 ता नो॑ वसू सु॒गोपा स्या॑तं पा॒तं नो वृ॒काद॑घायोः ७  
 मा कस्मै॑ धातम॒भ्यमि॒त्रिणो॑ नो माकु॒त्रा नो गृ॒हेभ्यो॑ धे॒नवो॑ गुः ।  
 स्त॒नाभु॒जो अ॒शि॒श्वीः ८  
 दु॒हीयन् मि॒त्रधि॑तये यु॒वाकु रा॒ये च नो मि॒मीतं॑ वा॒जव॑त्यै ।  
 इ॒षे च नो मि॒मीतं॑ धे॒नुम॑त्यै ९  
 अ॒श्विनो॑रसन् रथं म॒नुश्वं वा॒जिनी॑वतोः । तेना॒हं भूरि॑ चाकन १०  
 अ॒यं स॑मह मा तनू॒ह्याते॑ ज॒नाँ अ॒नु । सोम॑पेयं सु॒खो रथः॑ ११  
 अध॒ स्वप्न॑स्य निर्वि॒दे ऽभु॑ञ्जतश्च रे॒वतः॑ । उ॒भा ता ब॑स्त्रि नश्यतः १२  
 अष्टा॑दशोऽनुवाकः १८ सू० १२१-१२६

(१२१) एकविंशत्युत्तरशततमं सूक्तम्

(१-१५) पञ्चदशर्चस्यास्य सूक्तस्यौशिजो दैर्घतमसः कक्षीवान् ऋषिः । इन्द्रो विश्वे  
 देवा वा देवताः । त्रिष्टुप् छन्दः

कदि॒त्था नूँः पा॒त्रं दे॒वय॑तां श्रव॒द् गि॒रो अ॒ङ्गिर॑सां तुर॒णय॑न् ।  
 प्र य॒दान॒ड्वि॒वश॒ आ ह॒र्म्यस्यो॒रु क्रँ॑सते अ॒ध्वरे॑ यज॒त्रः १  
 स्त॒भीद्ध॒ द्यां स ध॒रुण॑ प्रुषाय दृ॒भुर्वा॒जाय॑ द्रवि॒णं न॒रो गोः॑ ।  
 अ॒नु स्व॒जां म॑हिषश्चक्ष॒त व्रां मे॒नाम॑श्वस्य परि॒ मा॒तरं॑ गोः २  
 नक्ष॒द्धव॑मरु॒णीः पू॒र्व्य रा॒ट् तुरो॑ वि॒शाम॑ङ्गिर॒साम॑नु द्यून् ।  
 तक्ष॒द् वज्रं॑ निर्यु॒तं त॒स्तम्भ॑द् दद्यां चतु॑ष्पदे नर्याय द्वि॒पादे॑ ३  
 अस्य॑ मदे॒ स्वर्यं॑ दा ऋ॒ताया॑ पी॒वृत॑मु॒स्त्रिया॑णामनी॒कम् ।  
 यद्ध॑ प्र॒सर्गे॑ त्रि॒कुम्भि॑वर्त॒दप॒ द्रु॒हो मा॒नुष॑स्य दुरो॒ वः ४  
 तुभ्यं॑ प॒यो यत् पि॒तरा॑वनी॒तां रा॒धः सु॒रेत॑स्तुर॒णै भु॑रण्यू ।

शुचि यत् ते रेक्ण आयजन्त सबर्दुधायाः पय उस्त्रियायाः ५  
 अध प्र जज्ञे तरणिर्ममत्तु प्र रौच्यस्या उषसो न सूरः ।  
 इन्दुर्येभिराष्ट स्वेदुहव्यैः सुवेण सिञ्चञ्जरणाभि धाम ६  
 स्विध्मा यद् वनधितिरपस्यात् सूरौ अध्वरे परि रोधना गोः ।  
 यद्ध प्रभासि कृत्वाँ अनु द्यू ननर्विशे पश्चिषे तुराय ७  
 अष्टा महो दिव आदो हरी इह हुम्रासाहमभि यौधान उत्सम् ।  
 हरिं यत् तै मन्दिनं दुक्षन् वृधे गोरभसमद्रिभिर्वाताप्यम् ८  
 त्वमायुसं प्रति वर्तयो गो दिवो अश्मानमुपनीतमृभ्वा ।  
 कुत्साय यत्र पुरुहूत वन्व ऋष्णमनन्तैः परियासि वृधेः ९  
 पुरा यत् सूरस्तमसो अपीते स्तमद्रिवः फलिगं हेतिमस्य ।  
 शुष्णस्य चित् परिहितं यदोजो दिवस्परि सुग्रथितं तदादः १०  
 अनु त्वा मही पाजसी अचक्रे द्यावाक्षामा मदतामिन्द्र कर्मन् ।  
 त्वं वृत्रमाशयानं सिरासु महो वज्रेण सिष्वपो वराहुम् ११  
 त्वमिन्द्र नर्यो याँ अवो नृन् तिष्ठा वातस्य सुयुजो वहिष्ठान् ।  
 यं तै काव्य उशना मन्दिनं दाद् वृत्रहणं पार्यं ततक्ष वज्रम् १२  
 त्वं सूरौ हरितौ रामयो नृन् भरञ्चक्रमेतशो नायमिन्द्र ।  
 प्रास्य पारं नवृतिं नाव्याना मपि कर्तमवर्तयोऽयज्यन् १३  
 त्वं नो अस्या इन्द्र दुर्हणायाः पाहि वज्रिवो दुरितादभीके ।  
 प्र नो वाजान् रथ्योरे अश्वबुध्या निषे यन्धि श्रवसे सूनृतायै १४  
 मा सा तै अस्मत् सुमतिर्वि दसद् वाजप्रमहः समिषो वरन्त ।  
 आ नो भज मघवन् गोष्वर्यो मंहिष्ठास्ते सधमादः स्याम १५

इति प्रथमोऽष्टकः १

प्रथमोऽध्यायः १ व० १-२६

(१२२) द्वाविंशत्युत्तरशततमं सूक्तम्

(१-१५) पञ्चदशर्चस्यास्य सूक्तस्यौशिजो दैर्घतमसः कक्षीवान् ऋषिः । विश्वे देवा देवताः । (१-४, ७-१५) प्रथमादिचतुर्ऋचां सप्तम्यादिनवानाञ्च त्रिष्टुप् (५-६)

पञ्चमीषष्ठ्योश्च विराड्रूपा छन्दसी

प्र वः पान्तं रघुमन्यवोऽन्धौ यज्ञं रुद्राय मीहळुषे भरध्वम् ।  
दिवो अस्तोष्यसुरस्य वीरे रिषुध्येव मरुतो रोदस्योः १  
पत्नीव पूर्वहृतिं वावृधध्या उषासानक्ता पुरुधा विदाने ।  
स्त्रीर्नात्कं व्युतं वसाना सूर्यस्य श्रिया सुदृशी हिरण्यैः २  
ममत्तु नः परिज्मा वसर्हा ममत्तु वातौ अपां वृषणवान् ।  
शिशीतमिन्द्रापर्वता युवं न स्तन्नो विश्वे वरिवस्यन्तु देवाः ३  
उत त्या मे यशसा श्वेतनायै व्यन्ता पान्तौशिजो हुवध्यै ।  
प्र वो नपातमपां कृणुध्वं प्र मातरा रास्पिनस्यायोः ४  
आ वो रुवणयुमौशिजो हुवध्यै घोषेव शंसमर्जुनस्य नंशै ।  
प्र वः पूष्णे दावन आँ अच्छा वोचेय वसुतातिमग्नेः ५  
श्रुतं मे मित्रावरुणा हवेमो त श्रुतं सदेने विश्वतः सीम् ।  
श्रोतुं नः श्रोतुरातिः सुश्रोतुः सुक्षेत्रा सिन्धुरद्भिः ६  
स्तुषे सा वा वरुण मित्र रातिर्गवां शता पृक्षयामेषु पृजे ।  
श्रुतरथे प्रियरथे दधानाः सद्यः पुष्टिं निरुन्धानासौ अगमन् ७  
अस्य स्तुषे महिमघस्य राधः सचा सनेम् नहुषः सुवीराः ।  
जनो यः पृजेभ्यो वाजिनीवा नश्वावतो रथिनो मह्यं सूरिः ८  
जनो यो मित्रावरुणावभिधु गपो न वा सुनोत्यद्वयधाधुक ।  
स्वयं स यक्ष्मं हृदये नि धत्त आप यदीं होत्राभिर्ऋतावा ९  
स बार्धतो नहुषो दंसुजूतः शर्धस्तरो नरां गूर्तश्रवाः ।  
विसृष्टरातिर्याति बाहळसृत्वा विश्वासु पृत्सु सदमिच्छूरः १०  
अध गमन्ता नहुषो हव सूरैः श्रोता राजानो अमृतस्य मन्द्राः ।  
नभोजुवो यन्निरवस्य राधः प्रशस्तये महिना रथवते ११  
एतं शर्धं धाम यस्य सूरै रित्यवोचन् दशतयस्य नंशै ।  
द्युम्नानि येषु वसुताती रारन् विश्वे सन्वन्तु प्रभृथेषु वार्जम् १२

मन्दा॑महे द॒शत॑यस्य धा॒से द्वि॑र्यत् पञ्च बिभ्र॑तो यन्त्यन्ना ।  
 किमि॒ष्टाश्च॑ इष्ट॑रश्मिरेत ई॒शाना॑सस्तरुष ऋ॒ञ्जते॑ नृन् १३  
 हिर॑ण्यकर्णं मणि॒ग्रीव॑मर्ण॒स्तन्नो॑ विश्वे वरिवस्यन्तु दे॒वाः ।  
 अ॒र्यो गिरः॑ स॒द्य आ ज॒ग्मुषी॑रो स्त्राश्चा॒कन्तू॑भयैष्वस्मे १४  
 च॒त्वारो॑ मा म॒श॒शरि॑स्य शि॒श्व स्त्रयो॑ राज्ञ आ॒र्यव॑सस्य जि॒ष्णोः ।  
 रथो॑ वां मि॒त्रावरु॑णा दी॒र्घाप्साः॑ स्यू॒मग॑भस्तिः सू॒रो नाद्यौ॑त् १५

(१२३) त्रयोविंशत्युत्तरशततमं सूक्तम्

(१-१३) त्रयोदशर्चस्यास्य सूक्तस्य औशिजो दैर्घतमसः कक्षीवान् ऋषिः । उषा  
 देवता । त्रिष्टुप् छन्दः

पृ॒थू रथो॑ दक्षि॑णाया अ॒योज्यै॑ न दे॒वासो॑ अ॒मृता॑सो अस्थुः ।  
 कृ॒ष्णादु॑द॒स्थाद॒र्या॑ विहा॒या श्वि॑कित्सन्ती मा॒नुषा॑य॒क्षया॑य १  
 पूर्वा॑ विश्व॑स्माद् भुव॑नादबोधि जय॑न्ती वाजं बृ॒हती॑ सनु॒त्री ।  
 उ॒च्चा व्य॑ख्यद् युव॒तिः पु॒नर्भू॑ रोषा अ॒गन् प्र॑थ॒मा पूर्॑वहूतौ २  
 यद॒द्य भा॑गं वि॒भजा॑सि नृ॒भ्य उषो॑ देवि म॒र्त्यत्रा॑ सु॒जाते॑ ।  
 दे॒वो नो॑ अ॒त्र स॒विता॑ द॒मूना॑ अ॒नाग॑सो वोच॒ति सू॒र्याय॑ ३  
 गृ॒हं गृ॒हम॑ह॒ना या॒त्यच्छा॑ दि॒वेदि॑वे अ॒धि ना॒मा द॒धाना॑ ।  
 सि॒षास॑न्ती द्योत॒ना श॒श्वदा॑गा द॒ग्रम॑ग्रमिद् भ॒जते॑ वसू॒नाम् ४  
 भग॑स्य स्व॒सा वरु॑णस्य जा॒मि रुषः॑ सूनृ॒ते प्र॑थ॒मा ज॑रस्व ।  
 प॒श्चा स द॑ध्या यो अ॒घस्य॑ धा॒ता जयै॑म॒ तं दक्षि॑णया रथे॒न ५  
 उदी॑रतां सूनृ॒ता उत् पुर॑न्धी रु॒द्रग्र॑यः शुशु॒चाना॑सो अस्थुः ।  
 स्पा॒र्हा वसू॑नि तम॒साप॑गूहळा विष्कृ॑णवन्त्युषसो विभा॒तीः ६  
 अपा॑न्यदेत्य॒भ्यश्न्य॑देति विषु॒रूपे॑ अ॒हनी॑ सं च॑रेते ।  
 प॒रि॒क्षितो॑स्तमो॒ अन्या॑ गुहा॒क रद्यौ॑दुषाः शोशु॒चता॑ रथे॒न ७  
 स॒दृशी॑र॒द्य स॒दृशी॑रिदु श्वो दी॒र्घ स॑चन्ते वरु॑णस्य धाम ।  
 अ॒न॒व॒द्यास्त्रि॑ंशतं योजे॒ना न्येकै॑का॒ क्रतुं॑ परि॒ यन्ति॑ स॒द्यः ८  
 जा॒न॒त्यहः॑ प्र॒थम॑स्य ना॒म श॒क्रा कृ॑ष्णाद॒जनि॑ष्ट श्वि॒तीची॑ ।  
 ऋ॒तस्य॑ योषा न मि॒नाति॑ धा॒मा हे॒रह॑र्निष्कृतमा॒चर॑न्ती ९  
 क॒न्यैव॑ त॒न्वा॒ ई शा॑श॒दानाँ॑ एषि॒ देवि॑ दे॒वमि॑र्यक्षमा॒णम् ।  
 सं॒स्मर्य॑माना युव॒तिः पु॒रस्ता॑ दा॒विर्वक्षा॑सि कृ॒णुषे॑ विभा॒ती १०



सुसंकाशा मातृमृष्टेव योषा विस्तन्व कृणुषे दृशे कम् ।  
भद्रा त्वमुषो वितरं व्युच्छ न तत् तै अन्या उषसौ नशन्त ११  
अश्वावतीर्गोमतीर्विश्ववारा यतमाना रश्मिभिः सूर्यस्य ।  
परा च यन्ति पुनरा च यन्ति भद्रा नाम वहमाना उषासः १२  
ऋतस्य रश्मिर्मनुयच्छमाना भद्रंभद्रं क्रतुमस्मासु धेहि ।  
उषो नो अद्य सुहवा व्युच्छा स्मासु रायो मघवत्सु च स्युः १३

(१२४) चतुर्विंशत्युत्तरशततमं सूक्तम्

(१-१३) त्रयोदशर्वस्यास्य सूक्तस्यौशिजो दैर्घतमसः कक्षीवान् ऋषिः । उषा  
देवता । त्रिष्टुप् छन्दः

उषा उच्छन्ती समिधाने अग्रा उद्यन्सूर्य उर्विया ज्योतिरश्रेत् ।  
देवो नो अत्र सविता न्वर्थं प्रासावीद् द्विपत् प्र चतुष्पदित्यै १  
अमिनती दैव्यानि वृतानि प्रमिनती मनुष्या युगानि ।  
ईयुषीणामुपमा शश्वतीना मायतीनां प्रथमोषा व्यद्यौत् २  
एषा दिवो दुहिता प्रत्यदर्शि ज्योतिर्वसाना समना पुरस्तात् ।  
ऋतस्य पन्थामन्वेति साधु प्रजानतीव न दिशो मिनाति ३  
उषो अदर्शि शन्ध्युवो न वक्षो नोधा इवाविरकृत प्रियाणि ।  
अद्यसन्न संसर्तो बोधयन्ती शश्वत्तमागात् पुनरियुषीणाम् ४  
पूर्वे अर्धे रजसो अम्रचस्य गवां जनित्र्यकृत प्र केतुम् ।  
व्यु प्रथते वितरं वरीय ओ भा पृणन्ती पित्रोरुपस्था ५  
एवेदेषा पुरुतमा दृशे कं नाजामिं न परि वृणक्ति जामिम् ।  
अरेपसा तन्वाः शाशदाना नार्भादीषते न महो विभाती ६  
अभ्रातेव पुंस ऐति प्रतीची गतारुगिव सनये धनानाम् ।  
जायेव पत्य उशती सुवासा उषा हस्त्रेव नि रिणीते अप्सः ७  
स्वसा स्वस्त्रे ज्यायस्यै योनिमारै गपैत्यस्याः प्रतिचक्ष्यैव ।  
व्युच्छन्ती रश्मिभिः सूर्यस्या अयङ्क्ते समनगा इव वाः ८  
आसां पूर्वासामहसु स्वसृणा मपरा पूर्वामभ्येति पश्चात् ।  
ताः प्रब्रवन्नव्यसीर्नूनमस्मे रेवदुच्छन्तु सुदिना उषासः ९  
प्र बोधयोषः पृणतो मघो न्यबुध्यमानाः पृणयः ससन्तु ।  
रेवदुच्छ मघवद्भ्यो मघोनि रेवत् स्तोत्रे सूनृते जारयन्ती १०

अवे॒यम॑श्चैद् युव॒तिः पु॒रस्ता॑द् यु॒ङ्क्ते ग॒वाम॑रु॒णाना॑मनी॒कम् ।  
 वि नून॑मु॒च्छाद॑स॒ति प्र के॒तु गृ॑हंगृ॒हमुप॑ तिष्ठाते अ॒ग्निः ११  
 उ॒त् ते व॒यश्चि॑द् व॒स॒तेर॑प॒प्तन् नर॑श्च ये पि॒तुभा॑जो व्यु॒ष्टौ ।  
 अ॒मा स॒ते व॑ह॒सि भूरि॑ वाम॒मुषौ॑ देवि दा॒शुषे॑ म॒र्त्याय १२  
 अ॒स्तो॒ढ्वं स्तो॒म्या ब्र॑ह्म॒णा मे ऽवी॑वृ॒धध्व॑मु॒शती॑रुषासः ।  
 यु॒ष्माकं॑ दे॒वीर॑व॒सा स॒नेम॑ सह॒स्त्रिणं॑ च श॒तिनं॑ च॒ वाज॑म् १३

(१२५) पञ्चविंशत्युत्तरशततमं सूक्तम्

(१-७) सप्तर्चस्यास्य सूक्तस्यौशिजो दैर्घतमसः कक्षीवान् ऋषिः । स्वनयम्य दानस्तुतिर्देवता । (१-३, ६-७) प्रथमतृचस्य षष्ठीसप्तम्योर्ऋचोश्च त्रिष्टुप् (४-५)

चतुर्थीपञ्चम्योश्च जगती छन्दसी

प्रा॒ता र॒त्नं प्रा॒तरि॒त्वा द॒धाति॑ तं चि॒क्त्वा॒न् प्र॒तिगृ॑ह्या नि ध॒त्ते ।  
 तेन॑ प्र॒जां व॑र्धय॒मान् आयू॑ रा॒यस्पोषे॑ण स॒चते॑ सु॒वीरः॑ १  
 सु॒गुर॑सत् सु॒हिर॑ण्यः स्व॒श्वौ बृ॑हद॒स्मै वय॑ इन्द्रो॒ दधा॑ति ।  
 यस्त्वा॒यन्तं॑ व॒सुना॑ प्रा॒तरि॒त्वो मु॒क्षीज॑येव॒ पदि॑मु॒त्सिना॑ति २  
 आ॒र्यम॑द्य सु॒कृतं॑ प्रा॒तरि॒च्छ त्रि॒ष्टेः पु॒त्रं व॒सुम॑ता रथेन ।  
 अ॒ंशोः सु॒तं पा॑यय म॒त्सर॑स्य॒ क्षय॑द्वी॒रं व॑र्धय॒ सूनृ॑ताभिः ३  
 उप॑ क्षर॒न्ति सि॒न्धवो॑ म॒योभु॑व॒ ईजा॑नं च॒ यक्ष्य॑माणं च॒ धेन॑वः ।  
 पू॒णन्तं॑ च॒ पपु॑रिं च श्रव॒स्यवो॑ घृ॒तस्य॑ धा॒रा उप॑ यन्ति वि॒श्वतः॑ ४  
 नाक॑स्य पृ॒ष्ठे अधि॑ तिष्ठति श्रि॒तो यः पू॒णाति॑ स ह॒ दे॒वेषु॑ गच्छति ।  
 तस्मा॑ आ॒पौ घृ॒तम॑र्षन्ति सि॒न्धव॑स्तस्मा॑ इ॒यं दक्षि॑णा पि॒न्वते॑ सदा ५  
 दक्षि॑णाव॒तामि॒दिमा॑नि चि॒त्रा दक्षि॑णाव॒तां दि॒वि सू॒र्यासः॑ ।  
 दक्षि॑णाव॒न्तो अ॒मृतं॑ भज॒न्ते दक्षि॑णाव॒न्तः प्र ति॑रन्त॒ आयुः॑ ६  
 मा पू॒णन्तो॑ दु॒रित॑मे॒न आ॒रन् मा जा॑रिषुः सू॒रयः॑ सु॒व॒तासः॑ ।  
 अ॒न्यस्तेषां॑ परि॒धिर॑स्तु कश्चि॒दपू॑णन्तम॒भि सं य॑न्तु शो॒काः ७

(१२६) षड्विंशत्युत्तरशततमं सूक्तम्

(१-७) सप्तर्चस्यास्य सूक्तस्य (१-५) प्रथमादिपञ्चर्चामौशिजो दैर्घतमसः कक्षीवान् (६) षष्ठ्याः स्वनयो भावयव्य ऋषी (७) सप्तम्याश्च रोमशा ऋषिका । (१-५, ७) प्रथमादिपञ्चर्चा सप्तम्याश्च स्वनयो भावयव्यः (६) षष्ठ्याश्च रोमशा

देवते । (१-५) प्रथमादिपञ्चर्चा त्रिष्टुप् (६, ७) षष्ठीसप्तम्योश्चानुष्टुप् छन्दसी  
अमन्दान् तस्तोमान् प्र भरे मनीषा सिन्धावधि क्षियतो भाव्यस्य ।  
यो मै सहस्रममिमीत सवा नतूर्तो राजा श्रव इच्छमानः १  
शतं राज्ञो नाधमानस्य निष्काज् छतमश्चान् प्रयतान् त्सद्य आदम् ।  
शतं कक्षीवाँ असुरस्य गोनां दिवि श्रवो ऽजरमा ततान २  
उप मा श्यावाः स्वनयैन दत्ता वधूमन्तो दश रथांसो अस्थुः ।  
षष्टिः सहस्रमनु गव्यमागात् सनत् कक्षीवाँ अभिपित्वे अह्वाम् ३  
चत्वारिंशद् दशरथस्य शोणाः सहस्रस्याग्रे श्रेणिं नयन्ति ।  
मदच्युतः कृशनावतो अत्यान् कक्षीवन्त उदमृक्षन्त पृजाः ४  
पूर्वामनु प्रयतिमा ददे व स्त्रीन् युक्ताँ अष्टावरिधायसो गाः ।  
सुबन्धवो ये विश्या इव वा अनस्वन्तः श्रव एषन्त पृजाः ५  
आर्गधिता परिगधिता या कशीकेव जङ्गहे ।  
ददाति मह्यं या दुरी याशूनां भोज्यां शता ६  
उपौप मे परा मृश मा मै दभ्राणि मन्यथाः ।  
सर्वाहमस्मि रोमुशा गुन्धारीणामिवाविका ७  
एकोनविंशोऽनुवाकः १६ सू० १२७-१३३

(१२७) सप्तविंशत्युत्तरशततमं सूक्तम्

(१-११) एकादशर्चस्यास्य सूक्तस्य दैवोदासिः परुच्छेप ऋषिः । अग्निर्देवता ।

(१-५, ७-११) प्रथमादिपञ्चर्चा सप्तम्यादिपञ्चानाञ्चात्यष्टिः (६)

षष्ठ्याश्चाधृतिश्छन्दसी

अग्निं होतारं मन्ये दास्वन्तं वसुं सूनुं सहसो जातवेदसं विप्रं न जातवेदसम् ।

य ऊर्ध्वया स्वध्वरो देवो देवाच्या कृपा ।

घृतस्य विभ्राष्टिमनु वष्टि शोचिषाऽऽजुह्वानस्य सर्पिषः १

यजिष्ठं त्वा यजमाना हुवेम ज्येष्ठमङ्गिरसां विप्र मन्मभि विप्रैभिः शुक्र मन्मभिः ।

परिज्मानमिव द्यां होतारं चर्षणीनाम् ।

शोचिष्कैशं वृषणं यमिमा विशः प्रावन्तु जूतये विशः २

स हि पुरू चिदोजसा विरुक्मता दीद्यानो भवति द्रुहन्तरः परशुर्न द्रुहन्तरः ।

वीळु चिद् यस्य समृतौ श्रुवद् वनेव यत् स्थिरम् ।  
 निष्पहमाणो यमते नायते धन्वासहा नायते ३  
 दृहळा चिदस्मा अनु दुर्यथा विदे तेजिष्ठाभिररणिभिर्दाष्टचर्वसे ऽग्रये  
 दाष्टचर्वसे ।  
 प्र यः पुरुणि गाहते तद्गद् वनेव शोचिषा ।  
 स्थिरा चिदन्ना नि रिणात्योजसा नि स्थिराणि चिदोजसा ४  
 तमस्य पृक्षमुपरासु धीमहि नक्तं यः सुदर्शतरो दिवातरा दप्रायुषे दिवातरात् ।  
 आदस्यायुर्ग्रभणवद् वीळु शर्म न सूनवै ।  
 भक्तमभक्तमवो व्यन्तो अजरा अग्रयो व्यन्तो अजराः ५  
 स हि शर्धो न मारुतं तुविष्वणि रप्रस्वतीषूर्वरास्विष्टनिरार्तनास्विष्टनिः ।  
 आदद्भुव्यान्याददि र्यज्ञस्य केतुरर्हणा ।  
 अर्ध स्मास्य हर्षतो हर्षीवतो विश्वे जुषन्त पन्थां नरः शभे न पन्थाम् ६  
 द्विता यदी कीस्तासौ अभिद्यवो नमस्यन्त उपवोचन्त भृगवो मथ्नन्तो दाशा  
 भृगवः ।  
 अग्रिरीशे वसूनां शुचिर्यो धर्णिरेषाम् ।  
 प्रियाँ अपिधीर्वनिषीष्ट मेधिर आ वनिषीष्ट मेधिरः ७  
 विश्वासां त्वा विशां पतिं हवामहे सर्वासां समानं दंपतिं भुजे सत्यगिर्वाहसं  
 भुजे ।  
 अतिथिं मानुषाणां इपतुर्न यस्यासया ।  
 अमी च विश्वे अमृतास आ वयो हव्या देवेष्वा वयः ८  
 त्वमग्रे सहसा सहन्तमः शष्मिन्तमो जायसे देवतातये रयिर्न देवतातये ।  
 शष्मिन्तमो हि ते मदौ द्युमिन्तम उत क्रतुः ।  
 अर्ध स्मा ते परि चरन्त्यजर श्रुष्टीवानो नाजर ९  
 प्र वो महे सहसा सहस्वत उषर्बुधे पशषे नाग्रये स्तोमौ बभूत्वग्रये ।  
 प्रति यदी हविष्मान् विश्वासु द्वासु जोगुवे ।  
 अग्रे रेभो न जरत ऋषूणां जूर्णिर्होत ऋषूणाम् १०  
 स नो नेदिष्ठं ददृशान् आ भ्राग्रे देवेभिः सचंनाः सुचेतुनां महो रायः  
 सुचेतुनां ।  
 महि शविष्ठ नस्कृधि संचक्षे भुजे अस्यै ।  
 महि स्तोतृभ्यो मघवन् त्सुवीर्यं मथीरुगो न शर्वसा ११

(१२८) अष्टाविंशत्युत्तरशततमं सूक्तम्

(१-८) अष्टर्चस्यास्य सूक्तस्य दैवोदासिः परुच्छेप ऋषिः । अग्निर्देवता ।

अत्यष्टिश्छन्दः

अयं जायत॒ मनु॑षो ध॒रि॒मणि॑ होता॒ यजि॑ष्ठ उ॒शिजा॒मनु॑ व॒त म॒ग्निः स्वमनु॑  
व॒तम् ।

वि॒श्वश्रु॑ष्टिः स॒खीय॑ते र॒यिरि॑व श्रव॒स्यते॑ ।

अद॑ब्धो होता॒ नि ष॑ददि॒ळस्प॑दे परि॒वीत॑ इ॒ळस्प॑दे १

तं य॒ज्ञसा॑ध॒मपि॑ वा॒तयाम॑ स्यु॒तस्य॑ प॒था न॑र्मसा ह॒विष्म॑ता दे॒वता॑ता  
ह॒विष्म॑ता ।

स न॑ ऊ॒र्जामु॑पाभृ॒त्यया॑ कृ॒पा न॑ जूर्यति ।

यं मा॒त॒रिश्वा॑ म॒नवे॑ प॒राव॑तौ दे॒वं भाः॑ प॒राव॑तः २

ए॒वेन॑ स॒द्यः प॑र्येति॒ पार्थि॑वं मु॒हुर्गी॑ रे॒तौ वृ॑षभः क॒र्निक्र॑दद् दध॒द् रे॒तः  
क॒र्निक्र॑दत् ।

श॒तं च॒क्ष्णा॑णो अ॒क्षभि॑र्दे॒वो व॑नेषु तु॒र्वणिः॑ ।

स॒दो द॑धानु॒ उप॑रेषु सानु॒ ष्वग्निः॑ प॒रेषु॑ सानु॒षु ३

स सु॒क्रतुः॑ पु॒रोहि॑तो द॒मैद॑मे ऽग्नि॒र्यज्ञ॑स्या॒ध्वर॑स्य॒ चेत॑ति॒ क्रत्वा॑ य॒ज्ञस्य॑ चेतति॒ ।

क्रत्वा॑ वे॒धा इ॑षूय॒ते वि॒श्वा जा॒तानि॑ प॒स्पशे॑ ।

य॒तौ घृ॒तश्री॑रति॒थिर॑जायत॒ वह्नि॑र्वे॒धा अ॑जायत ४

क्रत्वा॑ यद॒स्य त॑वि॒षीषु॑ पृ॒ञ्चते॑ ऽग्ने॒रवै॑ण म॒रुतां॑ न भो॒ज्ये षि॒राय॑ न भो॒ज्या ।

स हि॑ ष्मा॒ दानु॑मि॒न्वति॑ व॒सूनां॑ च म॒ज्मना॑ ।

स न॑स्त्रा॒सते॑ दु॒रिता॑द॒भिहु॑तः शंसा॒द॒घाद॑भि॒हुतः॑ ५

वि॒श्वो वि॒हाया॑ अ॒रति॑र्वसु॒र्दधे॑ ह॒स्ते द॑क्षि॒णे त॒रणि॑र्न शि॒श्रथ॑च्छ्र॒व॒स्यया॑ न  
शि॒श्रथ॑त् ।

वि॒श्वस्मा॑ इ॒दिषु॑ध्य॒ते दै॒वत्रा॑ ह॒व्यमो॑हि॒षे ।

वि॒श्वस्मा॑ इत् सु॒कृते॑ वा॒रमृ॑गव॒ त्यग्नि॑र्द्वा॒रा व्यृ॑गवति ६

स मा॒नुषे॑ वृ॒जने॑ श॒तमो॑ हि॒तोऽग्नि॒र्यज्ञेषु॑ जे॒न्यो न॑ वि॒श्वप॑तिः प्रि॒यो य॒ज्ञेषु॑  
वि॒श्वप॑तिः ।

स ह॒व्या मा॒नुषा॑णा मि॒ळा कृ॒तानि॑ प॒त्यते॑ ।

स न॑स्त्रा॒सते॑ वरु॒णस्य॑ धूर्ते॒र्महो॑ दे॒वस्य॑ धूर्तेः ७

अग्निं होतारमीळते वसुधितिं इंप्रयं चेतिष्ठमरतिं न्यैरिरे हव्यवाहं न्यैरिरे ।  
विश्वार्यु विश्ववैदसं होतारं यजुतं कविम् ।  
देवासो रणवमवसे वसूयवो गीर्भी रणवं वसूयवः ८

(१२६) एकोनत्रिंशदुत्तरशततमं सूक्तम्

(१-११) एकादशर्चस्यास्य सूक्तस्य दैवोदासिः परुच्छेप ऋषिः । (१-५, ७-११)

प्रथमादिपञ्चर्चा सप्तम्यादिपञ्चानाञ्चेन्द्रः (६) षष्ठ्याश्चेन्दुर्देवते । (१-७, १०)

प्रथमादिसप्तानां दशम्याश्चात्यष्टिः (८-९) अष्टमीनवम्योरतिशक्वरी (११)

एकादश्याश्चाष्टिश्छन्दांसि

यं त्वं रथमिन्द्र मेधसातये ऽपाका सन्तमिषिर प्रणयसि प्रानवद्य नयसि ।  
सद्यश्चित्तमभिष्टये करो वशश्च वाजिनम् ।  
सास्माकमनवद्य तूतुजान वेधसा मिमां वाचं न वेधसाम् १  
स श्रुधि यः स्मा पृतनासु कासु चिद् दक्षाय्य इन्द्र भरहूतये नृभिरसि प्रतूर्तये  
नृभिः ।

यः शूरैः स्वशः सनिता यो विप्रैर्वाजं तरुता ।  
तमीशानास इरधन्त वाजिनं पृक्षमत्यं न वाजिनम् २  
दुस्मो हि ष्मा वृषण इपन्वसि त्वचं कं चिद् यावीररुं शूर मर्त्यं परिवृणक्षि  
मर्त्यम् ।

इन्द्रोत तुभ्यं तद् दिवे तद् रुद्राय स्वयशसे ।  
मित्राय वोचं वरुणाय सप्रथः समृळीकाय सप्रथः ३  
अस्माकं व इन्द्रमुश्मसीष्टये सखायं विश्वार्यु प्रासहं युजं वाजेषु प्रासहं  
युजम् ।

अस्माकं ब्रह्मोतये ऽवा पृत्सुषु कासु चित् ।  
नहि त्वा शत्रुः स्तरते स्तृणोषि यं विश्वं शत्रुं स्तृणोषि यम् ४  
नि षू नुमार्तिमतिं कयस्य चित् तेजिष्ठाभिररणिभिर्नोतिभिर् रुग्राभिरुग्नोतिभिः  
।

नेषि णो यथा पुरा ऽनेनाः शूर मन्यसे ।  
विश्वानि पूरोरप पषि वह्नि रासा वह्निर्नो अच्छ ५  
प्र तद् वोचैयं भव्यायेन्दवे हव्यो न य इषवान् मन्म रेजति रक्षोहा मन्म  
रेजति ।

स्वयं सो अस्मदा नियो वधैरजेत दुर्मतिम् ।  
 अव सवेदघशंसोऽवतुर मव क्षुद्रमिव सवेत् ६  
 वनेम तद्धोत्रया चितन्त्या वनेम रयिं रयिवः सुवीर्यं रणं सन्तं सुवीर्यम् ।  
 दुर्मन्मानं सुमन्तुभि रेमिषा पृचीमहि ।  
 आ सत्याभिरिन्द्रं द्युम्रहूतिभि र्यजत्रं द्युम्रहूतिभिः ७  
 प्रप्रा वो अस्मे स्वयेशोभिरूती परिवर्गं इन्द्रो दुर्मतीनां दरीमन् दुर्मतीनाम् ।  
 स्वयं सा रिषयध्वे या न उपेषे अत्रैः ।  
 हुतेमसन्न वक्षति क्षिप्ता जूर्णिर्न वक्षति ८  
 त्वं न इन्द्र राया परीणसा याहि पथाँ अनेहसा पुरो याह्यरक्षसा ।  
 सचस्व नः पराक आ सचस्वास्तमीक आ ।  
 पाहि नो दूरादारादुभिष्टिभिः सदा पाह्यभिष्टिभिः ९  
 त्वं न इन्द्र राया तरूषसो ग्रं चित् त्वा महिमा संक्षदवसे महे मित्रं नावसे  
 ।  
 ओजिष्ठ त्रातरविता रथं कं चिदमर्त्य ।  
 अन्यमुस्मद् रिरिषेः कं चिदद्रिवो रिरिक्षन्तं चिदद्रिवः १०  
 पाहि न इन्द्र सुष्टुत सिधौ ऽवयाता सदमिद् दुर्मतीनां देवः सन् दुर्मतीनाम्  
 ।  
 हुन्ता पापस्य रक्षसं स्त्राता विप्रस्य मार्वतः ।  
 अधा हि त्वा जनिता जीजनद् वसो रक्षोहणं त्वा जीजनद् वसो ११

(१३०) त्रिंशदुत्तरशततमं सूक्तम्

(१-१०) दशर्चस्यास्य सूक्तस्य दैवोदासिः परुच्छेप ऋषिः । इन्द्रो देवता । (१-

६) प्रथमादिनवर्चामत्यष्टिः (१०) दशम्याश्च त्रिष्टुप् छन्दसी

एन्द्रं याह्युप नः परावतो नायमच्छा विदथानीव सत्यति रस्तं राजैव  
 सत्यतिः ।

हवामहे त्वा वयं प्रयस्वन्तः सुते सचा ।

पुत्रासो न पितरं वाजसातये मंहिष्ठं वाजसातये १

पिबा सोममिन्द्र सुवानमद्रिभिः कोशैन सिक्तमवृतं न वंसंगं स्तातृषाणो न  
 वंसंगः ।

मदाय हर्यताय ते तुविष्टमाय धार्यसे ।

आ त्वा यच्छन्तु हरितो न सूर्य महा विश्वेव सूर्यम् २  
 अविन्दद् दिवो निहितं गुहा निधिं वेर्न गर्भं परिवीतमश्म न्यनन्ते  
 अन्तरश्मनि ।  
 वृजं वृज्जी गवामिव सिषासन्नङ्गिरस्तमः ।  
 अपावृणोदिष इन्द्रः परीवृता द्वार इषः परीवृताः ३  
 दादृहाणो वज्रमिन्द्रो गभस्त्योः क्षद्यैव तिग्ममसनाय सं श्य दहिहत्याय सं  
 श्यत् ।  
 संविव्यान ओजसा शवोभिरिन्द्र मुज्मना ।  
 तष्टैव वृक्षं वनिनो नि वृश्चसि परश्वेव नि वृश्चसि ४  
 त्वं वृथो नृद्य इन्द्र सतवे ऽच्छा समुद्रमसृजो रथाँ इव वाजयतो रथाँ इव ।  
 इत ऊतीरयुञ्जत समानमर्थमक्षितम् ।  
 धेनूरिव मनवे विश्वदोहसो जनाय विश्वदोहसः ५  
 इमां ते वाचं वसूयन्त आयवो रथं न धीरः स्वपा अतक्षिषुः सुम्नाय  
 त्वामतक्षिषुः ।  
 शम्भन्तो जेन्यं यथा वाजेषु विप्र वाजिनम् ।  
 अत्यमिव शर्वसे सातये धना विश्वा धनानि सातये ६  
 भिनत् पुरौ नवतिमिन्द्र पूरवे दिवोदासाय महि दाशुषे नृतो वज्रेण दाशुषे  
 नृतो ।  
 अतिथिग्वाय शम्बरं गिरेरुग्रो अवाभरत् ।  
 मुहो धनानि दयमान ओजसा विश्वा धनान्योजसा ७  
 इन्द्रः समत्सु यजमानमार्यं प्रावद् विश्वेषु शतमूतिराजिषु स्वर्मीहळेष्वाजिषु  
 ।  
 मनवे शासदवृतान् त्वचं कृष्णामरन्धयत् ।  
 दक्षन्न विश्वं ततृषाणमौषति न्यर्शसानमौषति ८  
 सूरश्चक्रं प्र वृहजात ओजसा प्रपित्वे वाचमरुणो मुषायती शान आ  
 मुषायति ।  
 उशना यत् परावतो ऽजगन्नूतये कवे ।  
 सुम्नानि विश्वा मनुषेव तुर्वणि रहा विश्वेव तुर्वणिः ९  
 स नो नव्यैभिर्वृषकर्मनुक्थैः पुरां दर्तः पायुभिः पाहि शगमैः ।  
 दिवोदासेभिरिन्द्र स्तवानो वावृधीथा अहोभिरिव द्यौः १०



(१३१) एकत्रिंशदुत्तरशततमं सूक्तम्

(१-७) सप्तर्चस्यास्य सूक्तस्य दैवोदासिः परुच्छेप ऋषिः । इन्द्रो देवता ।

अत्यष्टिश्छन्दः

इन्द्राय हि द्यौरसुरो अनम्रते न्द्राय मही पृथिवी वरीमभिर्द्युम्रसाता  
वरीमभिः ।

इन्द्रं विश्वे सजोषसो देवासो दधिरे पुरः ।

इन्द्राय विश्वा सर्वनानि मानुषा रातानि सन्तु मानुषा १

विश्वेषु हि त्वा सर्वनेषु तुज्जतै समानमेकं वृषमणयवः पृथक् स्वः सनिष्यवः  
पृथक् ।

तं त्वा नावं न पर्षणिं शूषस्य धुरि धीमहि ।

इन्द्रं न यज्ञैश्चितयन्त आयवः स्तोमैभिरिन्द्रमायवः २

वि त्वा ततस्त्रे मिथुना अवस्यवो व्रजस्य साता गव्यस्य निःसृजः सक्षन्त  
इन्द्र निःसृजः ।

यद् गव्यन्ता द्वा जना स्वर्श्यन्ता समूहसि ।

आविष्करिक्वद् वृषणं सचाभुवं वज्रमिन्द्र सचाभुवम् ३

विदुष्टै अस्य वीर्यस्य पूरवः पुरो यदिन्द्र शारदीरवातिरः सासहानो  
अवातिरः ।

शासस्तमिन्द्र मर्त्य मयज्युं शवसस्पते ।

महीममुष्णाः पृथिवीमिमा अपो मन्दसान इमा अपः ४

आदित् तै अस्य वीर्यस्य चर्किरन् मदेषु वृषन्नुशिजो यदाविथ सखीयुतो  
यदाविथ ।

चकर्थ कारमैभ्यः पृतनासु प्रवन्तवे ।

ते अन्यामन्यां नृद्यै सनिष्णत श्रवस्यन्तः सनिष्णत ५

उतो नो अस्या उषसो जुषेत ह्यर्कस्य बोधि हविषो हवीमभिः स्वर्षाता  
हवीमभिः ।

यदिन्द्र हन्तवे मृधो वृषा वज्रिञ्चितसि ।

आ मे अस्य वेधसो नवीयसो मन्म श्रुधि नवीयसः ६

त्वं तमिन्द्र वावृधानो अस्मयु रमित्रयन्तं तुविजात मर्त्य वज्रेण शूर मर्त्यम्  
।

ज॒हि यो नो॑ अघा॒यति॑ शृ॒णुष्व॑ सुश्रव॑स्तमः ।  
रि॒ष्टं न॑ या॒मुन्नप॑ भूतु दु॒र्मति॑ वि॒श्वाप॑ भूतु दु॒र्मतिः॑ ७

(१३२) द्वात्रिंशदुत्तरशततमं सूक्तम्

(१-६) षडृचस्यास्य सूक्तस्य दैवोदासिः परुच्छेप ऋषिः । (१-५, ६)  
प्रथमादिपञ्चर्चा षष्ठ्या उत्तरार्धर्चस्य चेन्द्रः (६) षष्ठ्याः पूर्वार्धर्चम्येन्द्रापर्वतौ देवताः  
। अत्यष्टिश्छन्दः

त्वया॑ व॒यं म॑घव॒न् पू॒र्व्ये ध॒न इन्द्र॑त्वोताः सास॒ह्याम॑ पृत॒न्यतो॑ व॒नुयाम॑  
व॒नुष्य॑तः ।  
नेदि॑ष्ठे अ॒स्मिन्न॒ह न्य॑धि वो॒चा नु॑ सु॒न्वते॑ ।  
अ॒स्मिन् य॒ज्ञे वि॑ च॒येमा॒ भरै॑ कृतं वा॒जय॑न्तो भरै॑ कृतम् १  
स्व॒र्जेषे॑ भर॑ आ॒प्रस्य॑ व॒क्म न्यु॑ष॒र्बुधः॑ स्व॒स्मिन्न॒ञ्जसि॑ क्रा॒णस्य॑ स्व॒स्मिन्न॒ञ्जसि॑  
।

अ॒ह॒न्निन्द्रो॑ यथा॑ वि॒दे शी॒ष्णाशी॑ष्णो॒पवा॑च्यः ।  
अ॒स्म॒त्रा तै॑ स॒ध्र्येक् स॑न्तु रा॒तयो॑ भ॒द्रा भ॒द्रस्य॑ रा॒तयः॑ २  
तत् तु॑ प्र॒यः प्र॒त्नथा॑ ते शु॒शुक्व॑नं यस्मि॒न् य॒ज्ञे वा॒रम॑कृ॒णव॑त् क्ष॒यं मृ॒तस्य॑  
वा॒रसि॑ क्ष॒यम् ।  
वि॒ तद् वो॑चे॒रध॑ द्वि॒ता ऽन्तः॑ पश्य॑न्ति र॒श्मिभिः॑ ।  
स घा॑ वि॒दे अ॒न्विन्द्रो॑ गु॒वेष॑णो ब॒न्धुक्षि॑द्भ्यो गु॒वेष॑णः ३  
नू इ॒त्था तै॑ पू॒र्वथा॑ च प्र॒वाच्यं॑ यद॒ङ्गिरो॑भ्योऽवृ॒णोर॑प॒ वृज॑ मि॒न्द्र शि॒क्षन्न॑प॒  
वृज॑म् ।

ऐ॒भ्यः स॒मा॒न्या दि॒शा ऽस्म॑भ्य॒ जेषि॑ यो॒त्सि॑ च ।  
सु॒न्वद्भ्यो॑ र॒न्ध्या कं॑ चि॒दवृ॑तं ह॒णाय॑न्तं चि॒दवृ॑तम् ४  
सं य॒ज्जनान्॑ क्र॒तुभिः॑ शू॒र ई॒क्षय॑ ऋ॒क्षे हि॒ते त॑रुष॑न्त श्रव॒स्यवः॑ प्र य॑क्ष॑न्त  
श्रव॒स्यवः॑ ।

तस्मा॑ आ॒युः प्र॒जाव॑दिद् वा॒धे अ॒र्चन्त्यो॑जसा ।  
इन्द्र॑ ओ॒क्क्य दि॑धिष॑न्त धी॒तयो॑ दे॒वाँ अ॒च्छा न॑ धी॒तयः॑ ५  
यु॒वं तमि॑न्द्रा॒पर्व॑ता पु॒रोयु॑धा॒ यो नः॑ पृत॒न्याद॑प॒ तंतु॑मि॒द्धतं॑ व॒ज्रेण॑ तंतु॑मि॒द्धतम्॑  
।

दू॒रे च॒त्ताय॑ च्छ॒न्त्सद् ग॑ह॒नं यदि॑नक्ष॑त् ।

अ॒स्माकं॑ श॒त्रून् परि॑ शूर॒ विश्व॑तो द॒र्मा दर्षी॑ष्ट वि॒श्वतः॑ ६

(१३३) त्रयस्त्रिंशदुत्तरशततमं सूक्तम्

(१-७) सप्तर्चस्यास्य सूक्तस्य दैवोदासिः परुच्छेप ऋषिः । इन्द्रो देवता । (१)  
प्रथमर्चस्त्रिष्टुप् (२-४) द्वितीयादितृचस्यानुष्टुप् (५) पञ्चम्या गायत्री (६) षष्ठ्या  
धृतिः (७) सप्तम्याश्चाष्टिश्छन्दांसि  
उ॒भे पु॑नामि रोद॑सी ऋ॒तेन॑ द्रुहो॑ दहामि सं म॒हीर॑निन्द्राः ।  
अ॒भि॒व्लग्य॑ यत्र॑ ह॒ता अ॒मित्रा॑ वैल॒स्थानं॑ परि॑ तृह॒ळा अ॒शैर॑न् १  
अ॒भि॒व्लग्या॑ चिद॒द्रिवः॑ शी॒र्षा या॑तुम॒तीनाम् ।  
छि॒न्धि व॑टूरिणा॑ प॒दा म॒हाव॑टूरिणा॑ प॒दा २  
अ॒वासां॑ म॒घव॑ज्जहि श॒धौ या॑तुम॒तीनाम् ।  
वैल॒स्थान॑के अ॒र्मके॑ म॒हावैल॑स्थे अ॒र्मके॑ ३  
यासां॑ ति॒स्रः प॑ञ्चाशतौ ऽभि॒व्लङ्गैर॑पाव॒पः ।  
तत् सु॑ ते म॒नाय॑ति त॒कत् सु॑ ते म॒नाय॑ति ४  
पि॒शङ्ग॑भृष्टि॒मभृ॑णं इ॒पशा॑चि॒मिन्द्र॑ सं मृ॒ण । सर्व॑ र॒क्षो नि॑ ब॒र्हय॑ ५  
अ॒वर्म॑ह ई॒न्द्र दा॑दृहि श्रु॒धी नः॑ शु॒शोच॑ हि द्यौः क्षा न भी॒षाँ अ॒द्रिवो॑ घृ॒णान्न॑  
भी॒षाँ अ॒द्रिवः॑ ।  
श॒ष्मिन्त॑मो हि श॒ष्मिभि॑र्व॒धैरु॑ग्रेभिरीयसे ।  
अ॒पूरु॑षघ्नो अ॒प्रती॑त शूर॒ सत्व॑भि॒स्त्रिस॑प्तैः शूर॒ सत्व॑भिः ६  
व॒नोति॑ हि सु॒न्वन् क्ष॑यं परी॒णसः॑ सु॒न्वानो॑ हि ष्मा य॒जत्य॑व॒ द्विषो॑ दे॒वाना॑म॒व॒  
द्विषः॑ ।  
सु॒न्वा॒न इत् सि॑षासति स॒हस्रा॑ वा॒ज्यवृ॑तः ।  
सु॒न्वा॒नाये॒न्द्रो द॑दात्या॒भुव॑ र॒यिं द॑दात्या॒भुव॑म् ७  
विंशोऽनु॑वाकः २० सू० १३४-१३६

(१३४) चतुस्त्रिंशदुत्तरशततमं सूक्तम्

(१-६) षडृचस्यास्य सूक्तस्य दैवोदासिः परुच्छेप ऋषिः । वायुर्देवता । (१-५)  
प्रथमादिपञ्चर्चामत्यष्टिः (६) षष्ठ्याश्चाष्टिश्छन्दसी  
आ त्वा जुवो रारहाणा अभि प्रयो वायो वहन्त्वह पूर्वपीतये सोमस्य  
पूर्वपीतये ।

ऊर्ध्वा ते अनु सूनृता मनस्तिष्ठतु जानृती ।  
 नियुत्वता रथेना याहि दावने वायो मुखस्य दावने १  
 मन्दन्तु त्वा मन्दिनो वायुविन्दवो ऽस्मत् क्राणासः  
 सुकृता अभिद्यवो गोभिः क्राणा अभिद्यवः ।  
 यद्ध क्राणा इरध्यै दक्षं सचन्त ऊतयः ।  
 सध्रीचीना नियुतो दावने धियु उप ब्रुवत ई धियः २  
 वायुर्युङ्क्ते रोहिता वायुररुणा वायू रथे अजिरा धुरि वोहळवे वहिष्ठा धुरि  
 वोहळवे ।  
 प्र बौधया पुरंधिं जार आ संसृतीमिव ।  
 प्र चक्षय रोदसी वासयोषसः श्रवसे वासयोषसः ३  
 तुभ्यमुषासः शुचयः परावति भद्रा वस्त्रा तन्वते दंसु रश्मिषु चित्रा नव्येषु  
 रश्मिषु ।  
 तुभ्यं धेनुः संबर्दुघा विश्वा वसूनि दोहते ।  
 अर्जनयो मरुतो वक्षणाभ्यो दिव आ वक्षणाभ्यः ४  
 तुभ्यं शुक्रासः शुचयस्तुरगयवो मदेषूग्रा इषणन्त भुवर्गय पामिषन्त भुवर्गि ।  
 त्वां त्सारी दसमानो भर्गमीदृ तक्ववीर्यै ।  
 त्वं विश्वस्माद् भुवनात्पासि धर्मणा ऽसुर्यात् पासि धर्मणा ५  
 त्वं नो वायवेष्मामपूर्व्यः सोमानां प्रथमः पीतिर्मर्हसि सुतानां पीतिर्मर्हसि ।  
 उतो विहृत्सतीनां विशां ववर्जुषीणाम् ।  
 विश्वा इत् तै धेनवो दुह आशिरं घृतं दुहत आशिरम् ६

(१३५) पञ्चत्रिंशदुत्तरशततमं सूक्तम्

(१-६) नवर्चस्यास्य सूक्तस्य दैवोदासिः परुच्छेप ऋषिः । (१-३, ६)

प्रथमादितृचस्य नवम्यचक्ष वायुः (४-८) चतुर्थ्यादिपञ्चानाञ्चेन्द्रवायू देवताः ।

(१-६, ६) प्रथमादिषडृचां नवम्याश्चात्यष्टिः (७-८) सप्तम्यष्टम्योश्चाष्टिश्छन्दसी

स्तीर्णं बर्हिरुपं नो याहि वीतयै सहस्रेण नियुता नियुत्वते  
 शतिनीभिर्नियुत्वते ।

तुभ्यं हि पूर्वपीतये देवा देवाय येमिरे ।

प्र तै सुतासो मधुमन्तो अस्थिरन् मदाय क्रत्वै अस्थिरन् १

तुभ्यायं सोमः परिपूतो अद्रिभिः स्पार्हा वसानः परि कोशमर्षति शुक्रा

वसानो अर्षति । तवायं भाग आयुषु सोमो देवेषु हूयते ।  
 वह वायो नियुतो याह्यस्मयुर्जुषाणो याह्यस्मयुः २  
 आ नो नियुद्धिः शतिनीभिरध्वरं सहस्त्रिणीभिरुप याहि वीतये वायो  
 हव्यानि वीतये ।  
 तवायं भाग ऋत्वियुः सरश्मिः सूर्ये सचा ।  
 अध्वर्युभिर्भरमाणा अयंसत वायो शक्रा अयंसत ३  
 आ वां रथो नियुत्वान् वक्षदवसे ऽभि प्रयासि सुधितानि वीतये वायो  
 हव्यानि वीतये ।  
 पिबतं मध्वो अन्धसः पूर्वपेयं हि वां हितम् ।  
 वायवा चन्द्रेण राधसा गतु मिन्द्रश्च राधसा गतम् ४  
 आ वां धियो ववृत्युरध्वरां उपे ममिन्दु मर्मजन्त वाजिन माशुमत्यं न  
 वाजिनम् ।  
 तेषां इंपबतमस्मयू आ नो गन्तमिहोत्या ।  
 इन्द्रवायू सुतानामद्रिभिर्युवं मदाय वाजदा युवम् ५  
 इमे वां सोमा अप्स्वा सुता इहा ध्वर्युभिर्भरमाणा अयंसत वायो शुक्रा  
 अयंसत ।  
 एते वामभ्यसृक्षत तिरः पवित्रमाशवः ।  
 युवायवोऽति रोमाण्यव्यया सोमासो अत्यव्यया ६  
 अति वायो ससतो याहि शश्वतो यत्र गावा वदति तत्र गच्छतं गृहमिन्द्रश्च  
 गच्छतम् ।  
 वि सूनृता ददृशे रीयते घृत मा पूर्णया नियुता याथो अध्वर मिन्द्रश्च याथो  
 अध्वरम् ७  
 अत्राह तद् वहेथे मध्व आहुतिं यमश्चत्थमुपतिष्ठन्त जायवो ऽस्मे ते सन्तु  
 जायवः ।  
 साकं गावः सुवते पच्यते यवो न तै वायु उप दस्यन्ति धेनवो नाप दस्यन्ति  
 धेनवः ८  
 इमे ये ते सु वायो बाह्वोजसो ऽन्तर्नदी तै पतयन्त्युक्षणा महि बाधन्त उक्षणाः  
 ।  
 धन्वञ्चिद् ये अनाशवो जीराश्चिदगिरौकसः ।  
 सूर्यस्येव रश्मयो दुर्नियन्तवो हस्तयोर्दुर्नियन्तवः ९

(१३६) षट्त्रिंशदुत्तरशततमं सूक्तम्

(१-७) सप्तर्चस्यास्य सूक्तस्य दैवोदासिः परुच्छेप ऋषिः । (१-५)

प्रथमादिपञ्चर्चा मित्रावरुणौ (६-७) षष्ठीसप्तम्योश्च लिङ्गोक्ता देवताः । (१-६)

प्रथमादिषड्चामत्यष्टिः (७) सप्तम्याश्च त्रिष्टुप् छन्दसी

प्र सु ज्येष्ठं निचिराभ्यां बृहन्नमो हव्यं मतिं भरता मृळयद्भ्यां स्वादिष्टं  
मृळयद्भ्याम् ।

ता सम्राजा घृतासुती युज्ञेयज्ञ उपस्तुता ।

अथैनोः क्षत्रं न कुतश्चनाधृषे देवत्वं नू चिदाधृषे १

अदर्शि गातुरुरवे वरीयसी पन्था ऋतस्य समयंस्त रश्मिभिश्चक्षुर्भगस्य  
रश्मिभिः ।

द्युक्षं मित्रस्य सादनमर्यम्णो वरुणस्य च ।

अथा दधाते बृहदुक्थ्यं वयं उपस्तुत्य बृहद् वयः २

ज्योतिष्मतीमदिति धारयत्क्षितिं स्वर्वतीमा सचेते दिवेदिवे जागृवांसां  
दिवेदिवे ।

ज्योतिष्मत् क्षत्रमाशाते आदित्या दानुनस्पती ।

मित्रस्तयोर्वरुणो यातयज्ञनो ऽर्यमा यातयज्ञनः ३

अयं मित्राय वरुणाय शन्तमः सोमो भूत्ववृषानेष्वभगो देवो देवेष्वभगः ।

तं देवासौ जुषेरतु विश्वे अद्य सजोषंसः ।

तथा राजाना करथो यदीमह ऋतावाना यदीमहे ४

यो मित्राय वरुणाय विधुञ्जनो ऽनुवाणं तं परि पातो अंहसो दाश्वासं

मर्तमंहसः । तमर्यमाभि रक्षत्यृजयन्तमनु व्रतम् ।

उक्थैर्य एनोः परिभूषति व्रतं स्तोमैराभूषति व्रतम् ५

नमो दिवे बृहते रोदसीभ्यां इमत्राय वोचं वरुणाय मीहळुषे सुमृळीकाय  
मीहळुषे ।

इन्द्रमग्निमुप स्तुहि द्युक्षमर्यम्णं भगम् ।

ज्योग्जीवन्तः प्रजया सचेमहि सोमस्योती सचेमहि ६

ऊती देवाना वयमिन्द्रवन्तो मंसीमहि स्वयंशसो मरुद्भिः ।

अग्निर्मित्रो वरुणः शर्म यंसन् तदश्याम मघवानो वयं च ७

द्वितीयोऽध्यायः २ वर्गाः १-१२७

(१३७) सप्तत्रिंशदुत्तरशततमं सूक्तम्

(१-३) तृचस्यास्य सूक्तस्य दैवोदासिः परुच्छेप ऋषिः । मित्रावरुणौ देवते ।

अतिशक्वरी छन्दः

सुषुमा यातमद्रिभिर्गोश्रीता मत्सरा इमे सोमासो मत्सरा इमे ।

आ राजाना दिविस्पृशा ऽस्मत्रा गन्तमुप नः ।

इमे वा इमत्रावरुणा गवाशिरः सोमाः शक्रा गवाशिरः १

इम आ यातमिन्द्रवः सोमासो दध्याशिरः सुतासो दध्याशिरः ।

उत वामुषसौ बुधि साकं सूर्यस्य रश्मिभिः ।

सुतो मित्राय वरुणाय पीतये चारुर्ऋताय पीतये २

तां वा धेनुं न वासरी मुंशं दुहन्त्यद्रिभिः सोमं दुहन्त्यद्रिभिः ।

अस्मत्रा गन्तमुप नो ऽर्वाञ्चा सोमपीतये ।

अयं वा मित्रावरुणा नृभिः सुतः सोम आ पीतये सुतः ३

(१३८) अष्टात्रिंशदुत्तरशततमं सूक्तम्

(१-४) चतुर्ऋचस्यास्य सूक्तस्य दैवोदासिः परुच्छेप ऋषिः । पूषा देवता ।

अत्यष्टिश्छन्दः

प्रप्र पूष्णस्तुविजातस्य शस्यते महित्वमस्य तवसो न तन्दते स्तोत्रमस्य न तन्दते ।

अर्चामि सुम्रयन्नह मन्त्यूतिं मयोभुवम् ।

विश्वस्य यो मन आयुयुवे मुखो देव आयुयुवे मुखः १

प्र हि त्वा पूषन्नजिरं न यामनि स्तोमैभिः कृणव ऋणवो यथा मृध उष्ट्रो न पीपरो मृधः ।

हुवे यत् त्वा मयोभुवं देवं सख्याय मर्त्यः ।

अस्मार्कमाङ्गूषान् द्युम्निनस्कृधि वाजेषु द्युम्निनस्कृधि २

यस्य ते पूषन् त्सख्ये विपन्यवः क्रत्वा चित् सन्तोऽर्वसा बुभुजिर इति क्रत्वा बुभुजिरे ।

तामनु त्वा नवीयसीं नियुतं राय ईमहे ।

अहैळमान उरुशंस सरी भव वाजैवाजे सरी भव ३

अस्या ऊ षु ण उप सातये भुवो ऽहैळमानो ररिवाँ अजाश्च श्रवस्यतामजाश्च

।

ओ षु त्वा ववृतीमहि स्तोमैभिर्दस्म साधुभिः ।

नहि त्वा पूषन्नतिमन्य आघृणे न तै सख्यमपह्वे ४

(१३६) एकोनचत्वारिंशदुत्तरशततमं सूक्तम्

(१-११) एकादशर्चस्यास्य सूक्तस्य दैवोदासिः परुच्छेप ऋषिः । (१, ११)

प्रथमर्च एकादश्याश्च विश्वे देवाः (२) द्वितीयाया मित्रावरुणौ (३-५)

तृतीयादितृचस्याश्विनौ (६) षष्ठ्या इन्द्रः (७) सप्तम्या अग्निः (८) अष्टम्या  
मरुतः (९) नवम्या इन्द्राग्नी (१०) दशम्याश्च बृहस्पतिर्देवताः । (१-४, ६-१०)

प्रथमादिचतुर्भ्यां षष्ठ्यादिपञ्चानाञ्चात्यष्टिः (५) पञ्चम्या बृहती (११)

एकादश्याश्च त्रिष्टुप् छन्दांसि

अस्तु श्रौषट् पुरो अग्निं धिया दध आ नु तच्छर्धो दिव्यं वृणीमह इन्द्रवायू  
वृणीमहे ।

यद्ध क्राणा विवस्वति नाभा सदायि नव्यसी ।

अध प्र सू न उप यन्तु धीतयौ देवाँ अच्छा न धीतयः १

यद्ध त्यन्मित्रावरुणावृतादध्यादुदाथे अनृतं स्वेन मन्युना दक्षस्य स्वेन  
मन्युना ।

युवोरित्थाधि सद्यस्वपश्याम हिरण्ययम् ।

धीभिश्च न मनसा स्वेभिरक्षभिः सोमस्य स्वेभिरक्षभिः २

युवां स्तोमैभिर्देवयन्तौ अश्विना ऽऽश्रावयन्त इव श्लोकमायवौ युवां  
हव्याभ्याश्च यवः ।

युवोर्विश्वा अधि श्रियः पृक्षश्च विश्ववेदसा ।

पुषायन्तै वां पुवयौ हिरण्यये रथे दस्त्रा हिरण्यये ३

अचैति दस्त्रा व्युशं नार्कमृगवथो युञ्जतै वां रथयुजो दिविष्टिष्वध्वस्मानो  
दिविष्टिषु ।

अधि वां स्थाम वन्धुरे रथे दस्त्रा हिरण्यये ।

पथेव यन्तावनुशासता रजो ऽञ्जसा शासता रजः ४

शचीभिर्नः शचीवसू दिवा नक्तं दशस्यतम् ।

मा वां रातिरुप दसत् कदा चना स्मद् रातिः कदा चन ५

वृषन्निन्द्र वृषपाणांस इन्द्रव इमे सुता अद्रिषुतास उद्भिदस्तुभ्य सुतासं



उ॒द्भिदः ।

ते त्वा॑ म॒न्दन्तु दा॒वनै॑ म॒हे चि॒त्राय॑ रा॒धसे॑ ।

गी॒र्भिर्गि॑र्वाहः स्तव॑मान॒ आ ग॑हि सु॒मृळी॑को न॒ आ ग॑हि ६

ओ षू॒ गौ अ॒ग्ने शृ॒णुहि॒ त्वमी॑ळि॒तो दे॒वेभ्यो॑ ब्रव॒सि य॒ज्ञियै॑भ्यो॒ राज॑भ्यो  
य॒ज्ञियै॑भ्यः ।

यद्ध॒ त्याम॑ङ्गि॒रोभ्यो॑ धे॒नुं दे॒वा अ॒दत्त॑न ।

वि तां दु॒हे अ॒र्य॒मा क॒र्तरी॑ सचाँ ए॒ष तां वै॒द मे सचाँ॑ ७

मो षु॒ वो अ॒स्मद॑भि॒ तानि॑ पौ॒स्या स॒ना भू॒वन् द्यु॒म्नानि॑ मोत जा॒रिषु॑ र॒स्मत्  
पु॒रोत जा॑रिषुः ।

यद् व॑श्चि॒त्रं यु॒गेयु॑गे न॒व्यं घो॒षाद॑म॒र्त्यम् ।

अ॒स्मासु॑ त॒र्म्भरु॑तो यच्च॑ दु॒ष्टरं॑ दि॒धृता॑ यच्च॑ दु॒ष्टरम्॑ ८

द॒ध्यङ् ह॑ मे ज॒नुषं॑ पू॒र्वो अ॒ङ्गिराः॑ प्रि॒यमै॑धः क॒ण्वो अ॒त्रि॒र्मनु॑र्वि॒दुस्ते मे॑ पू॒र्वे  
मनु॑र्वि॒दुः ।

तेषां॑ दे॒वेष्वा॑र्यति॒ र॒स्माकं॑ तेषु॒ नाभ॑यः ।

तेषां॑ पु॒देन॑ म॒ह्या न॑मे गि॒रेन्द्रा॑ग्नी॒ आ न॑मे गि॒रा ९

होता॑ य॒क्षद् व॒निनौ॑ व॒न्त वा॒र्यं बृ॒हस्प॑तिर्य॒जति॑ वे॒न उ॒क्षभिः॑

पु॒रुवा॑रै॒भिरु॒क्षभिः॑ ।

ज॒गृभ्मा॑ दूर॒आदि॑शं॒ श्लो॒कम॑द्रे॒रध॑ त्मना॑ ।

अ॒धा॒रय॑द॒रिन्दा॑नि सु॒क्रतुः॑ पु॒रू स॒द्यानि॑ सु॒क्रतुः॑ १०

ये दे॒वासो॑ दि॒व्येका॑द॒श स्थ॑ पृ॒थिव्या॑म॒ध्येका॑द॒श स्थ॑ ।

अ॒प्सुक्षि॑तौ म॒हिनै॑का॒दश॑ स्थ॒ ते दे॒वासो॑ य॒ज्ञमि॑मं जु॒षध्वम्॑ ११

ए॒कविं॑शोऽनु॒वाकः॑ २१ सू० १४०-१५६

(१४०) चत्वारिंशदुत्तरशततमं सूक्तम्

(१-१३) त्रयोदशर्चस्यास्य सूक्तस्यौचथ्यो दीर्घतमा ऋषिः । अग्निर्देवता । (१-

६, ११) प्रथमादिनवर्चामेकादश्याश्च जगती (१०) दशम्या जगती त्रिष्टुप् वा

(१२-१३) द्वादशीत्रयोदशयोश्च त्रिष्टुप् छन्दसी

वेदिषदै प्रियधा॑माय सु॒द्युतै॑ धा॒सिमि॑व॒ प्र भ॑रा॒ योनि॑म॒ग्रये॑ ।

वस्त्रै॑णेव वा॒सया॑ म॒र्म्भना॑ शु॒चिं ज्योती॑रथं श॒क्रव॑र्णं तमो॒हनम्॑ १

अ॒भि द्वि॑जन्मा॒ त्रिवृ॑द॒न्नमृ॑ज्यते संवत्स॒रे वा॑वृ॒धे ज॒ग्धमी॑ पुनः ।

अन्यस्यासा जिहया जेन्यो वृषा न्यन्येन वनिनो मृष्ट वारुणः २  
 कृष्णपुतौ वेविजे अस्य सक्षिता उभा तरेते अभि मात्रा शिशुम् ।  
 प्राचाजिह्वं ध्वसयन्तं तृषुच्युत् मा साच्यं कुपयं वर्धनं इंपुतुः ३  
 मुमुक्ष्वोऽमनवे मानवस्यते रघुदुवः कृष्णसीतास ऊ जुवः ।  
 असमना अजिरासौ रघुष्यदो वार्तजूता उप युज्यन्त आशवः ४  
 आदस्य ते ध्वसयन्तो वृथैरते कृष्णमभ्वं महि वर्षः करिक्रतः ।  
 यत् सी महीमवनिं प्राभि मर्मश दभिश्चसन् त्स्तनयन्नेति नानदत् ५  
 भूषन् न योऽधि ब्रूषु नम्रते वृषैव पत्नीरभ्येति रोरुवत् ।  
 ओजायमानस्तन्वश्च शुम्भते भीमो न शृङ्गा दविधाव दुर्गृभिः ६  
 स संस्तिरौ विष्टिरः सं गृभायति जानन्नेव जानतीर्नित्य आ शये ।  
 पुनर्वर्धन्ते अपि यन्ति देव्य मन्यद् वर्षः पित्रोः कृणवते सचा ७  
 तमगुर्वः केशिनीः सं हि रैभिर ऊर्ध्वास्तस्थुर्मृषीः प्रायवे पुनः ।  
 तासां जरां प्रमुञ्चन्नेति नानद दसुं परं जनयञ्जीवमस्तृतम् ८  
 अधीवासं परि मातू रिहन्नहं तुविग्रेभिः सत्त्वभिर्याति वि जयः ।  
 वयो दधत् पृद्धते रेरिहत् सदा ऽनु श्येनी सचते वर्तनीरहं ९  
 अस्माकमग्रे मधवत्सु दीदि ह्यध श्वसीवान् वृषभो दमूनाः ।  
 अवास्या शिशुमतीरदीदे र्वमैव युत्सु परिजर्भुराणः १०  
 इदमग्रे सुधितं दुर्धितादधि प्रियार्दु चिन्मन्मनः प्रेयो अस्तु ते ।  
 यत् तै शक्रं तन्वोऽरोचते शुचि तेनास्मभ्यं वनसे रत्नमा त्वम् ११  
 रथाय नावमुत नो गृहाय नित्यारित्रां पृद्धतीं रास्यग्रे ।  
 अस्माकं वीरां उत नो मघोनो जनांश्च या पारयाच्छर्म या च १२  
 अभी नो अग्र उक्थमिजुगुर्या द्यावाक्षामा सिन्धवश्च स्वगूर्ताः ।  
 गव्यं यव्यं यन्तौ दीर्घाहि षं वरमरुण्यौ वरन्त १३

(१४१) एकचत्वारिंशदुत्तरशततमं सूक्तम्

(१-१३) त्रयोदशर्चस्यास्य सूक्तस्यौचथ्यो दीर्घतमा ऋषिः । अग्निर्देवता । (१-

११) प्रथमाद्येकादशर्चा जगती (१२-१३) द्वादशीत्रयोदशयोश्च त्रिष्टुप् छन्दसी  
 बळित्था तत् वपुषे धायि दर्शतं देवस्य भर्गः सहस्रो यतो जनि ।  
 यदीमुप हरेते सार्धते मति ऋतस्य धेना अनयन्त सस्रुतः १  
 पृक्षो वपुः पितुमान् नित्य आ शये द्वितीयमा सप्तशिवासु मातृषु ।

तृतीयमस्य वृषभस्य दोहसे दशप्रमतिं जनयन्त योषणः २  
 निर्यदीं बुध्रान्महिषस्य वर्षस ईशानासः शर्वसा क्रन्तं सूरयः ।  
 यदीमनु प्रदिवो मध्वं आधवे गुहा सन्तं मातरिश्वा मथायति ३  
 प्र यत् पितुः परमात्रीयते पर्या पृक्षुधौ वीरुधो दंसु रोहति ।  
 उभा यदस्य जनुषं यदिन्वत आदिद् यविष्ठो अभवद् घृणा शुचिः ४  
 आदिन्मातराविशद् यास्वा शुचि रहस्यमान उर्विया वि वावृधे ।  
 अनु यत् पूर्वा अरुहत् सनाजुवो नि नव्यसीष्ववरासु धावते ५  
 आदिद्धोतारं वृणते दिविष्टिषु भर्गमिव पपृचानासं ऋञ्जते ।  
 देवान् यत् क्रत्वा मुज्मनां पुरुष्टतो मर्तं शंसं विश्वधा वेति धायसे ६  
 वि यदस्थाद् यजतो वार्तचोदितो हारो न वक्वा जरणा अनाकृतः ।  
 तस्य पत्नम् दक्षुषः कृष्णजहसः शुचिजन्मनो रज आ व्यध्वनः ७  
 रथो न यातः शिक्वाभिः कृतो द्यामङ्गैभिरुषेभिरीयते ।  
 आदस्य ते कृष्णासौ दक्षि सूरयः शूरस्येव त्वेषथादीषते वयः ८  
 त्वया ह्यग्ने वरुणो धृतव्रतो मित्रः शाशद्रे अर्यमा सुदानवः ।  
 यत् सीमनु क्रतुना विश्वथा विभु ररान्न नेमिः परिभूरजायथाः ९  
 त्वमग्ने शशमानाय सुन्वते रत्नं यविष्ठ देवतातिमिन्वसि ।  
 तं त्वा नु नव्यं सहसो युवन् वयं भगं न कारे महिरत्न धीमहि १०  
 अस्मे रयिं न स्वर्थं दमूनसं भगं दक्षं न पपृचासि धर्णसिम् ।  
 रश्मीरिव यो यमति जन्मनी उभे देवानां शंसमृत आ च सुक्रतुः ११  
 उत नः सुद्योत्मा जीराश्चो होता मन्द्रः शृणवच्चन्द्ररथः ।  
 स नो नेषुनेषतमैरमूरो ऽग्निर्वामं सुवितं वस्यो अच्छ १२  
 अस्ताव्यग्निः शिमीवद्भिरकैः साम्राज्याय प्रतरं दधानः ।  
 अमी च ये मघवानो वयं च मिहं न सूरौ अति निष्टतन्युः १३

(१४२) द्विचत्वारिंशदुत्तरशततमं सूक्तम्

(१-१३) त्रयोदशर्चस्यास्य सूक्तस्यौचथ्यो दैर्घतमा ऋषिः । (१) प्रथमर्च इध्मः  
 समिद्धो वाग्निः (२) द्वितीयायास्तनूनपात् (३) तृतीयाया नराशंसः (४)  
 चतुर्थ्या इळः (५) पञ्चम्या बर्हिः (६) षष्ठ्या देवीर्द्वारः (७) सप्तम्या  
 उषासानक्ता (८) अष्टम्या दैव्यौ होतारौ प्रचेतसौ (९) नवम्यास्तिस्रो देव्यः  
 सरस्वतीळाभारत्यः (१०) दशम्यास्त्वष्टा

(११) एकादश्या वनस्पतिः (१२) द्वादश्याः स्वाहाकृतयः (१३) त्रयोदश्याश्चेन्द्रो  
देवताः । अनुष्टुप् छन्दः

समिद्धो अग्र आ वह देवाँ अद्य यतस्तुचे ।  
तन्तुं तनुष्व पूर्व्यं सुतसौमाय दाशुषे १  
घृतवन्तमुप मासि मधुमन्तं तनूनपात् ।  
यज्ञं विप्रस्य मावतः शशमानस्य दाशुषः २  
शुचिः पावको अबुद्धतो मध्वा यज्ञं इममिदति ।  
नराशंसस्त्रिरा दिवो देवो देवेषु यज्ञियः ३  
ईळितो अग्र आ वहेन्द्रं चित्रमिह प्रियम् ।  
इयं हि त्वा मतिर्ममा च्छा सुजिह्व वच्यते ४  
स्तृणानासौ यतस्तुचो बहिर्यज्ञे स्वध्वरे ।  
वृञ्जे देवव्यचस्तम् मिन्द्राय शर्म सप्रथः ५  
वि श्रयन्तामृतावृधः प्रये देवेभ्यो महीः ।  
पावकासः पुरुस्पृहो द्वारो देवीरसश्चतः ६  
आ भन्दमाने उपाके नक्तोषासा सुपेशासा ।  
यह्वी ऋतस्य मातरा सीदतां बहिरा सुमत् ७  
मन्द्रजिह्वा जुगुर्वणी होतारा दैव्या कवी ।  
यज्ञं नो यक्षतामिमं सिध्रमद्य दिविस्पृशम् ८  
शुचिर्देवेष्वर्पिता होत्रा मरुत्सु भारती ।  
इळा सरस्वती मही बहिः सीदन्तु यज्ञियाः ९  
तन्नस्तुरीपमद्भुतं पुरु वारं पुरु त्मना ।  
त्वष्टा पोषाय वि ष्यतु राये नाभा नो अस्मयुः १०  
अवसृजन्नुप त्मना देवान् यक्षि वनस्पते ।  
अग्निर्हव्या सुषूदति देवो देवेषु मेधिः ११  
पूषणवतै मरुत्वते विश्वदैवाय वायवै ।  
स्वाहा गायत्रवैपसे हव्यमिन्द्राय कर्तन १२  
स्वाहाकृतान्या गु ह्युप हव्यानि वीतये ।  
इन्द्रा गीहि श्रुधी हवं त्वां हवन्ते अध्वरे १३

(१४३) त्रिचत्वारिंशदुत्तरशततमं सूक्तम्

(१-८) अष्टर्चस्यास्य सूक्तस्यौचथ्यो दीर्घतमा ऋषिः । अग्निर्देवता । (१-७)

प्रथमादिसप्तर्चा जगती (८) अष्टम्याश्च त्रिष्टुप् छन्दसी  
प्र तव्यसीं नव्यसीं धीतिमग्रयै वाचो मतिं सहसः सूनवै भरे ।  
अपां नपाद् यो वसुभिः सह प्रियो होता पृथिव्यां न्यसीददृत्वियः १  
स जायमानः परमे व्यौम न्याविरग्रिर्भवन्मातरिश्चने ।  
अस्य क्रत्वा समिधानस्य मज्मना प्र द्यावा शोचिः पृथिवी अरोचयत् २  
अस्य त्वेषा अजरा अस्य भानवः सुसंदृशः सुप्रतीकस्य सुद्युतः ।  
भात्वक्षसो अत्यक्तुर्न सिन्धवो ऽग्ने रैजन्ते असेसन्तो अजराः ३  
यमेरिरे भृगवो विश्ववेदसं नाभा पृथिव्या भुवनस्य मज्मना ।  
अग्निं तं गीर्भिर्हिनुहि स्व आ दमे य एको वस्वो वरुणो न राजति ४  
न यो वराय मरुतामिव स्वनः सेनैव सृष्टा दिव्या यथाशनिः ।  
अग्निर्जम्भैस्तिगितैरंति भवति योधो न शत्रून् त्स वना न्यृञ्जते ५  
कुविन्नो अग्निरुचथस्य वीरसद् वसुष्कुविद् वसुभिः काममावरत् ।  
चोदः कुवित् तुतुज्यात् सातये धियः शुचिप्रतीकं तमया धिया गृणे ६  
घृप्रतीकं व अतस्य धूर्षद मग्निं इमत्रं न समिधान ऋञ्जते ।  
इन्धानो अक्रो विदथेषु दीद्यच्छुक्रवर्णामुदु नो यंसते धियम् ७  
अप्रयुच्छन्नप्रयुच्छद्भिरग्ने शिवेभिर्नः पायुभिः पाहि शग्मैः ।  
अदब्धेभिरदृपितेभिरिष्टे ऽनिमिषद्भिः परि पाहि नो जाः ८

(१४४) चतुश्चत्वारिंशदुत्तरशततमं सूक्तम्

(१-७) सप्तर्चस्यास्य सूक्तस्यौचथ्यो दीर्घतमा ऋषिः । अग्निर्देवता ।

जगती छन्दः

एति प्र होता व्रतमस्य माययोर्ध्वा दधानः शुचिपेशसं धियम् ।  
अभि स्तुचः क्रमते दक्षिणावृतो या अस्य धाम प्रथमं ह निंसते १  
अभीमृतस्य दोहना अनूषत् योनौ देवस्य सदने परीवृताः ।  
अपामुपस्थे विभृतो यदावस दध स्वधा अधयद् याभिरीयते २  
युयूषत् सर्वयसा तदिद् वपुः समानमर्थं वितरित्रता मिथः ।  
आदी भगो न हव्यः समस्मदा वोहळुर्न रश्मीन् त्समयंस्त सारथिः ३  
यमीं द्वा सर्वयसा सपूर्यतः समाने योना मिथुना समौकसा ।  
दिवा न नक्तं पलितो युवाजनि पुरु चरन्नजरो मानुषा युगा ४  
तमीं हिन्वन्ति धीतयो दश त्रिंशो देवं मर्तास ऊतयै हवामहे ।

धनोरधि प्रवतु आ स ऋणव त्यभिव्रजद्विर्वयुना नवाधित ५  
 त्वं ह्यग्ने दिव्यस्य राजसि त्वं पार्थिवस्य पशपा इव त्मना ।  
 एनीं त एते बृहती अभिश्रिया हिरण्ययी वक्वैरी बर्हिर्गशाते ६  
 अग्ने जुषस्व प्रति हर्य तद् वचो मन्द्र स्वधाव ऋतजातु सुक्रतो ।  
 यो विश्वतः प्रत्यङ्ङसि दर्शतो णवः संदृष्टौ पितुमाँ इव क्षयः ७

(१४५) पञ्चचत्वारिंशदुत्तरशततमं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । अग्निर्देवता । (१-४)

प्रथमादिचतुर्ऋचां जगती (५) पञ्चम्याश्च त्रिष्टुप् छन्दसी  
 तं पृच्छता स जंगामा स वेदु स चिकित्वाँ ईयते सा न्वीयते ।  
 तस्मिन् त्सन्ति प्रशिषस्तस्मिन्निष्टयुः स वाजस्य शर्वसः शष्मिणस्पतिः १  
 तमित् पृच्छन्ति न सिमो वि पृच्छति स्वेनैव धीरो मनसा यदग्रभीत् ।  
 न मृष्यते प्रथमं नापरं वचो ऽस्य क्रत्वा सचते अप्रदृपितः २  
 तमिद् गच्छन्ति जुह्वेस्तमर्वती विश्वान्येकः शृणवद् वचांसि मे ।  
 पुरुषैषस्तुरिर्यज्ञसाधनो ऽच्छिद्रोतिः शिशरादत्त सं रभः ३  
 उपस्थाय चरति यत् समारत सद्यो जातस्तत्सार युज्येभिः ।  
 अभि श्रान्तं मृशते नान्द्ये मुदे यदीं गच्छन्त्युशतीरपिष्ठितम् ४  
 स ई मृगो अप्यौ वनर्गुरुप त्वच्युपमस्यां नि धायि ।  
 व्यब्रवीद् वयुना मर्त्येभ्यो ऽग्निर्विद्वाँ ऋतचिद्धि सत्यः ५

(१४६) षट्चत्वारिंशदुत्तरशततमं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । अग्निर्देवता । त्रिष्टुप् छन्दः  
 त्रिमूर्धानं सप्तरश्मिं गृणीषे ऽनूनमग्निं इंपत्रोरुपस्थे ।  
 निषत्तमस्य चरतो ध्रुवस्य विश्वा दिवो रौचनापप्रिवांसम् १  
 उक्ता महां अभि ववक्ष एने अजरस्तस्थावितर्कतिर्ऋष्वः ।  
 उर्व्याः पदो नि दधाति सानौ रिहन्त्यूधौ अरुषासौ अस्य २  
 समानं वत्समभि संचरन्ती विष्वग्धेनू वि चरतः सुमेके ।  
 अनूपवृज्याँ अध्वनो मिमाने विश्वान् केताँ अधि महो दधाने ३  
 धीरांसः पदं कवयो नयन्ति नाना हृदा रक्षमाणा अजुर्यम् ।  
 सिषासन्तः पर्यपश्यन्त सिन्धु माविरैभ्यो अभवत् सूर्यो नृन् ४

दि॒दृ॒क्षेण॑यः प॒रि का॑ष्ठा॒सु जे॒न्य ई॒ळेन्यो॑ म॒हो अ॒र्भाय॑ जी॒वसे॑ ।  
पु॒रु॒त्रा यद॑भ॒वत् सूर॑है॒भ्यो गर्भे॑भ्यो म॒घवा॑ वि॒श्वदर्श॑तः ५

(१४७) सप्तचत्वारिंशदुत्तरशततमं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । अग्निर्देवता । त्रिष्टुप् छन्दः  
क॒था तै अ॒ग्ने श॒चर्य॑न्त आ॒यो द॑दा॒शुर्वा॒जैभिरा॑शु॒षाणाः॑ ।  
उ॒भे यत् तो॒के त॑न॒ये द॑धा॒ना ऋ॒तस्य॑ सा॒मन् र॒णर्य॑न्त दे॒वाः १  
बो॒धा मे अ॒स्य व॑च॒सो य॒विष्ट॑ म॒हिष्ठ॑स्य प्र॒भृत॑स्य स्व॒धावः॑ ।  
पी॒र्यति॑ त्वो अ॒नु त्वो गृ॑णाति व॒न्दारु॑स्ते त॒न्वं व॑न्दे अ॒ग्ने २  
ये पा॒यवो॑ मा॒मते॑यं तै अ॒ग्ने प॑श्य॒न्तो अ॒न्धं दु॑रि॒ताद॑र॒क्षन् ।  
र॒रक्ष॑ तान् त्सु॒कृतौ॑ वि॒श्ववै॑दा दि॒प्सन्त॑ इ॒द् रि॒पवो॑ नाहं दे॒भुः ३  
यो नो॑ अ॒ग्ने अ॒रिवाँ॑ अ॒घायु॑ र॒राती॑वा मु॒र्चय॑ति द्रु॒येन॑ ।  
मन्त्रो॑ गुरुः पु॒नर॑स्तु सो अ॒स्मा अ॒नु मृ॑क्षीष्ट त॒न्वं दुरु॑क्तैः ४  
उ॒त वा॑ यः स॒हस्य॑ प्रवि॒द्वान् म॒र्तो म॒र्तं मु॒र्चय॑ति द्रु॒येन॑ ।  
अ॒तः पा॒हि स्त॒वमा॑न स्तु॒वन्त॑ म॒ग्ने मा॒कि॒र्नो दु॑रि॒ताय॑ धा॒यीः ५

(१४८) अष्टचत्वारिंशदुत्तरशततमं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । अग्निर्देवता । त्रिष्टुप् छन्दः  
म॒थीद् यदी॑ वि॒ष्टो मा॑त॒रिश्वा॒ होता॑रं वि॒श्वाप्सु॑ वि॒श्वदै॑व्यम् ।  
नि यं द॒धुर्मा॑नु॒ष्यासु॑ वि॒क्षु स्व॑र्णं चि॒त्रं व॑पु॒षे वि॒भाव॑म् १  
द॒दान॑मि॒न्न द॑द॒भन्त॑ मन्मा॒ग्निर्व॑रू थं म॒म त॑स्य चा॒कन् ।  
जु॒षन्त॑ वि॒श्वान्य॑स्य॒ कर्मो॑ प॒स्तुतिं॑ भ॒रमा॑णस्य का॒रोः २  
नि॒त्यै चि॒न्नु यं स॑द॒ने ज॑गृ॒भ्रे प्र॑श॒स्तिभि॑र्द॒धिरे॑ य॒ज्ञिया॑सः ।  
प्र सू न॑यन्त गृ॒भर्य॑न्त इ॒ष्टा व॑श्वा॒सो न र॑थ्यो॒ रार॑हा॒णाः ३  
पु॒रूणि॑ दु॒स्मो नि रि॑णा॒ति ज॑म्भै॒राद् रौ॑च॒ते व॑न॒ आ वि॒भावा॑ ।  
आ॒दस्य॑ वा॒तो अ॒नु वा॑ति शो॒चि र॑स्तु॒र्न श॑र्या॒मस॑ना॒मनु॑ द्यून् ४  
न यं रि॒पवो॑ न रि॒षय॑वो॒ गर्भे॑ स॒न्त रेष॑णा॒ रेष॑यन्ति ।  
अ॒न्धा अ॒प॒श्या न द॑भ॒न्नभि॑ख्या॒ नित्या॑स ई॒ प्रे॒तारो॑ अ॒रक्ष॑न् ५

(१४९) एकोनपञ्चाशदुत्तरशततमं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । अग्निर्देवता ।

विराट् छन्दः

म॒हः स रा॒य एष॑ते पति॒र्द न्न॑न इ॒नस्य॑ वसु॒नः प॒द आ ।  
उप॒ ध्रज॑न्तम॒द्रयो वि॒धन्नित् १  
स यो वृ॒षा न॒रां न रोद॑स्योः श्रवो॑भिरस्ति जी॒वपी॑तसर्गः ।  
प्र यः सं॒स्त्राणः॑ शि॒श्रीत॑ योनौ २  
आ यः पुरं॑ ना॒र्मिणी॑मदी॒दे दत्यः॑ क॒विर्न॑भ॒न्यो॒र्नावा॑ ।  
सू॒रो न रु॑क्वाञ्छता॒त्मा ३  
अ॒भि द्वि॒जन्मा॒ त्री रौच॑नानि वि॒श्वा रजा॑सि शुशु॒चानो॑ अ॒स्थात् ।  
होता॑ यजि॒ष्ठो अ॒पां स॒धस्थै॑ ४  
अ॒यं स होता॑ यो द्वि॒जन्मा॒ विश्वा॑ द॒धे वा॒र्याणि॑ श्रव॒स्या ।  
म॒र्तो यो अ॒स्मै सु॒तुको॑ द॒दाश॑ ५

(१५०) पञ्चाशदुत्तरशततमं सूक्तम्

(१-३) तृचस्यास्य सूक्तस्यौचथ्यो दीर्घतमा ऋषिः । अग्निर्देवता । उष्णिक् छन्दः  
पु॒रु त्वा॑ दा॒श्वान् वौ॒चे ऽरि॑र॒ग्ने तव॑ स्वि॒दा । तो॒दस्यै॑व श॒रण आ म॒हस्य॑ १  
व्य॒निन॑स्य॒ धनि॑नः प्रहो॒षे चि॒दर॑रुषः । क॒दा च॒न प्र॒जिग॑तो अ॒दे॒वयोः २  
स च॒न्द्रो वि॒प्र म॒र्त्यो म॒हो ब्रा॑ध॒न्तमो॑ दि॒वि । प्र॒प्रेत् तै अ॒ग्ने व॒नुषः॑ स्याम ३

(१५१) एकपञ्चाशदुत्तरशततमं सूक्तम्

(१-६) नवर्चस्यास्य सूक्तस्यौचथ्यो दीर्घतमा ऋषिः । (१) प्रथमर्चो मित्रः (२-

६) द्वितीयाद्यष्टानाञ्च मित्रावरुणौ देवताः । जगती छन्दः

मि॒त्रं न यं शि॒म्या गो॑षु ग॒व्यवः॑ स्वा॒ध्यो वि॒दथे॑ अ॒प्सु जी॑र्जनन् ।  
अ॒रैजे॑तां रोद॑सी पा॒जसा॑ गि॒रा प्र॒ति प्रि॒यं य॒जतं॑ ज॒नुषा॑मवः १  
यद्ध॒ त्यद् वा॑ पु॒रुमी॑ह॒ळस्य॑ सो॒मिन् प्र मि॒त्रासो॑ न द॒धिरे॑ स्वा॒भुवः॑ ।  
अ॒ध क्र॑तुं वि॒दतं॑ गा॒तुम॑र्चत उ॒त श्रु॑तं वृषणा प॒स्त्या॑वतः २  
आ वा॑ भूषन् क्षि॒तयो॑ जन्म रोद॑स्योः प्र॒वाच्यं॑ वृषणा दक्ष॑से म॒हे ।  
यदी॑मृ॒ताय॑ भ॒रथो॑ यद॒वते॑ प्र हो॒त्र्या शि॒म्या वी॑थो अ॒ध्वर॑म् ३  
प्र सा क्षि॒तिर॑सुर या म॒हि प्रि॒य ऋ॑ता॒वाना॑वृ॒तमा॑ घौषथो बृ॒हत् ।  
यु॒वं दि॒वो बृ॑हतो दक्ष॑मा॒भुवं॑ गां न धु॒र्युप॑ यु॒ञ्जाथे॑ अ॒पः ४



म॒ही अ॒त्र म॒हिना॑ वार॑मृ॒णव॑थो ऽरे॒णव॑स्तु॒ज आ स॒धन् धे॒नवः॑ ।  
स्वर॑न्ति॒ ता उ॑पर॒ताति॑ सूर्य॒ मा नि॒मुच॑ उ॒षस॑स्तक्व॒वीरि॑व ५  
आ वा॑मृ॒ताय॑ के॒शिनी॑रनूष॒त मि॒त्र य॒त्र वरु॑ण गा॒तुम॑र्चथः ।  
अ॒व त्म॑ना॒ सृज॑तं इ॒पन्व॑तं धि॒यौ यु॒वं वि॒प्रस्य॑ मन्म॒नामि॑रज्यथः ६  
यो वा॑ य॒ज्ञैः श॑शमा॒नो ह॒ दाश॑ति॒ क॒विर्हो॑ता य॒जति॑ मन्म॒साध॑नः ।  
उपा॒ह तं ग॑च्छ॒थो वी॒थो अ॒ध्वर॑ म॒च्छा गि॑रः सु॒म॒तिं ग॑न्तमस्म॒यू ७  
यु॒वां य॒ज्ञैः प्र॑थ॒मा गो॑भि॒रञ्ज॑त॒ ऋ॒तावा॑ना॒ मन॑सो न प्र॒युक्ति॑षु ।  
भ॑र॒न्ति वा॑ मन्म॒ना सं॒यता॑ गि॒रो ऽदृ॑प्य॒ता मन॑सा रे॒वदा॑शाथे ८  
रे॒वद् व॒यौ द॑धाथे रे॒वदा॑शाथे नरा॑ मा॒याभि॑रि॒तऊ॑ति॒ माहि॑नम् ।  
न वा॑ द्या॒वोऽह॑भि॒र्नोत॑ सि॒न्ध॒वो न दै॒वत्वं प॑ण॒यो ना॑न॒शुर्म॑घम् ९

(१५२) द्विपञ्चाशदुत्तरशततमं सूक्तम्

(१-७) सप्तर्चस्यास्य सूक्तस्यौचथ्यो दीर्घतमा ऋषिः । मित्रावरुणौ देवते ।

त्रिष्टुप् छन्दः

यु॒वं व॑स्त्रा॒णि पी॒वसा॑ व॒साथे॑ यु॒वोर॑च्छि॒द्रा म॑न्त॒वो ह॒ सर्गाः॑ ।  
अ॒वाति॑रत॒मनृ॑तानि॒ विश्व॑ ऋ॒तेर्न॑ मि॒त्राव॑रुणा स॒चेथे॑ १  
ए॒तच्च॒न त्वो॒ वि चि॑केत॒देषां॑ स॒त्यो म॑न्त्रः क॒विश॑स्त ऋ॒धावा॑न् ।  
त्रि॒रश्रिं॑ ह॒न्ति च॑तु॒रश्रि॑रु॒ग्रो दै॒वनि॑दो ह॒ प्रथ॑मा अ॒जूर्य॑न् २  
अ॒पादै॑ति प्र॒थमा॑ प॒द्वती॑नां क॒स्तद् वा॑ मि॒त्राव॑रुणा चि॑केत ।  
ग॒र्भो भ्रा॑रं भ॒र॒त्या चि॑दस्य ऋ॒तं पि॒प॒र्त्यनृ॑तं नि ता॑रीत् ३  
प्र॒यन्त॑मि॒त् परि॑ जा॒रं क॒नीनां॑ प॒श्याम॑सि॒ नोप॑नि॒पद्य॑मानम् ।  
अ॒न॒वपृ॑ग्णा॒ वित॑ता॒ वसा॑नं प्रि॒यं मि॒त्रस्य॑ वरु॒णस्य॑ धाम् ४  
अ॒न॒श्चो जा॑तो अ॒नभी॑शु॒र्वा क॑नि॒क्रद॑त् प॒तय॑दूर्ध्व॒सानुः॑ ।  
अ॒चित्तं॑ ब्र॒ह्म जु॑जुषु॒र्युवा॑न् प्र मि॒त्रे धा॑म॒ वरु॑णे गृ॒णन्तः॑ ५  
आ धे॒नवो॑ मा॒मते॒यम॑व॒न्ती ब्र॑ह्म॒प्रियं॑ पी॒पय॑न् त्स॒स्मिन्नू॑धन् ।  
पि॒त्वो भि॑क्षे॒त व॒युना॑नि वि॒द्वा ना॑सा॒विवा॑स॒न्नदि॑तिमु॒रुष्ये॑त् ६  
आ वा॑ मि॒त्राव॑रुणा ह॒व्यजु॑ष्टिं नम॑सा दे॒वाव॑व॒सा व॑वृ॒त्याम् ।  
अ॒स्माकं॑ ब्र॒ह्म पृ॑त॒नासु॑ स॒ह्या अ॒स्माकं॑ वृ॒ष्टिर्दि॒व्या सु॑पा॒रा ७

(१५३) त्रिपञ्चाशदुत्तरशततमं सूक्तम्

(१-४) चतुर्ऋचस्यास्य सूक्तस्यौचथ्यो दीर्घतमा ऋषिः । मित्रावरुणौ देवते ।

त्रिष्टुप् छन्दः

यजामहे वां मुहः सजोषां हव्येभिर्मित्रावरुणा नमोभिः ।  
घृतैर्घृतसू अघ्र यद् वामस्मे अघ्वर्यवो न धीतिभिर्भरन्ति १  
प्रस्तुतिर्वा धाम न प्रयुक्तिर्यामि मित्रावरुणा सुवृक्तिः ।  
अनक्ति यद् वां विदथैषु होता सुम्रं वां सूरिवृषणाविर्यक्षन् २  
पीपाय धेनुरदितिर्ऋताय जनाय मित्रावरुणा हविर्दे ।  
हिनोति यद् वां विदथै सपर्यन् त्स रातहव्यो मानुषो न होता ३  
उत वां विक्षु मद्यास्वन्धो गाव आपश्च पीपयन्त देवीः ।  
उतो नो अस्य पूर्व्यः पतिर्दन् वीतं पातं पर्यस उस्त्रियायाः ४

(१५४) चतुष्पञ्चाशदुत्तरशततमं सूक्तम्

(१-६) षडृचस्यास्य सूक्तस्यौचथ्यो दीर्घतमा ऋषिः । विष्णुर्देवता ।

त्रिष्टुप् छन्दः

विष्णोर्नु कं वीर्याणि प्र वौचं यः पार्थिवानि विमुमे रजांसि ।  
यो अस्कभायदुत्तरं सधस्थं विचक्रमाणस्त्रेधोरुगायः १  
प्र तद् विष्णुः स्तवते वीर्येण मृगो न भीमः कुचरो गिरिष्ठाः ।  
यस्योरुषु त्रिषु विक्रमणे ष्वधिक्षियन्ति भुवनानि विश्वा २  
प्र विष्णावे शूषमैतु मन्म गिरिक्षित उरुगायाय वृष्णे ।  
य इदं दीर्घं प्रयतं सधस्थ मेकौ विमुमे त्रिभिरित् पदेभिः ३  
यस्य त्री पूर्णा मधुना पदा न्यक्षीयमाणा स्वधया मदन्ति ।  
य उ त्रिधातु पृथिवीमुत द्या मेकौ दाधार भुवनानि विश्वा ४  
तदस्य प्रियमभि पार्थो अश्यां नरो यत्र देवयवो मदन्ति ।  
उरुक्रमस्य स हि बन्धुरित्था विष्णोः पदे परमे मध्व उत्सः ५  
ता वां वास्तून्युश्मसि गर्मध्ये यत्र गावो भूरिशृङ्गा अयासः ।  
अत्राह तदुरुगायस्य वृष्णोः परमं पदमव भाति भूरि ६

(१५५) पञ्चपञ्चाशदुत्तरशततमं सूक्तम्

(१-६) षडृचस्यास्य सूक्तस्यौचथ्यो दीर्घतमा ऋषिः । (१-३)

प्रथमतृचस्येन्द्राविष्णू (४-६) द्वितीयतृचस्य च विष्णुर्देवताः । जगती छन्दः

प्र वः पान्तमन्धसो धियायते महे शूराय विष्णवे चार्चत ।  
या सानुनि पर्वतानामदाभ्या महस्तस्थतुरवतेव साधुना १  
त्वेषमित्था समरं शिमीवतो रिन्द्राविष्णू सुतपा वामुरुष्यति ।  
या मर्त्याय प्रतिधीयमानमित् कृशानोरस्तुरसनामुरुष्यथः २  
ता ई वर्धन्ति मह्यस्य पौंस्यं नि मातरा नयति रेतसे भुजे ।  
दधाति पुत्रोऽवरं परं पितुर्नाम तृतीयमधि रोचने दिवः ३  
तत्तदितदिदस्य पौंस्यं गृणीमसी नस्य त्रातुरवृकस्य मीळहृषः ।  
यः पार्थिवानि त्रिभिरिदं विगामभि रुरु क्रमिष्टोरुगायाय जीवसे ४  
द्वे इदस्य क्रमणे स्वर्दृशौ ऽभिरव्याय मर्त्यो भुरणयति ।  
तृतीयमस्य नकिरा दधर्षति वयश्चन पतयन्तः पतत्रिणः ५  
चतुर्भिः साकं नवतिं च नामभिश्चक्रं न वृत्तं व्यतीरवीविपत् ।  
बृहच्छरीरो विमिमान् ऋक्वभि र्युवाकुमारः प्रत्येत्याहवम् ६

(१५६) षट्पञ्चाशदुत्तरशततमं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । विष्णुर्देवता ।

जगती छन्दः

भवा मित्रो न शेव्यो घृतासुति विभूतद्युम्न एवया उ सप्रथाः ।  
अधा ते विष्णो विदुषा चिदर्थ्यः स्तोमो यज्ञश्च राध्यो हविष्मता १  
यः पूर्व्याय वेधसे नवीयसे सुमज्जानये विष्णवे ददाशति ।  
यो जातमस्य महतो महि ब्रवत् सेदु श्रवोभिर्युज्यं चिदभ्यसत् २  
तमु स्तोतारः पूर्व्यं यथा विद ऋतस्य गर्भं जनुषा पिपर्तन ।  
आस्यं जानन्तो नाम चिद् विवक्तन महस्तै विष्णो सुमतिं भजामहे ३  
तमस्य राजा वरुणस्तमश्विना क्रतुं सचन्त मारुतस्य वेधसः ।  
दाधार दक्षमुत्तममहर्विदं वृजं च विष्णुः सखिवाँ अपोर्णते ४  
आ यो विवायं सचथाय दैव्य इन्द्राय विष्णुः सुकृते सुकृतरः ।  
वेधा अजिन्वत् त्रिषधस्थ आर्यं मृतस्य भागे यजमानमाभजत् ५  
द्वाविंशोऽनुवाकः २२ सू० १५७-१६४

(१५७) सप्तपञ्चाशदुत्तरशततमं सूक्तम्

(१-६) षडृचस्यास्य सूक्तस्यौचथ्यो दीर्घतमा ऋषिः । अश्विनौ देवते । (१-४)

प्रथमादिचतुर्त्रचां जगती (५-६) पञ्चमीषष्ठ्योश्च त्रिष्टुप् छन्दसी  
 अबोध्याग्निर्ज उदैति सूर्यो व्युषाश्चन्द्रा मद्वावो अर्चिषा ।  
 आयुक्षातामश्विना यातवे रथं प्रासावीद् देवः संविता जगत् पृथक् १  
 यद् युञ्जाथे वृषणमश्विना रथं घृतेन नो मधुना क्षत्रमुक्षतम् ।  
 अस्माकं ब्रह्म पृतनासु जिन्वतं वयं धना शूरसाता भजेमहि २  
 अर्वाङ् त्रिचक्रो मधुवाहनो रथो जीराश्वो अश्विनोर्यातु सुष्टुतः ।  
 त्रिवन्धुरो मधवा विश्वसौभगः शं न आ वक्षद् द्विपदे चतुष्पदे ३  
 आ न ऊर्जं वहतमश्विना युवं मधुमत्या नः कशया मिमिक्षतम् ।  
 प्रायुस्तारिष्टुं नी रपांसि मृक्षतं सेधतं द्वेषो भवतं सचाभुवा ४  
 युवं ह गर्भं जगतीषु धत्थो युवं विश्वेषु भुवनेष्वतः ।  
 युवमग्निं च वृषणावपश्च वनस्पतीरश्विनावैरयेथाम् ५  
 युवं ह स्थो भिषजा भेषजेभिरथो ह स्थो रथ्याः राथ्येभिः ।  
 अथो ह क्षत्रमधि धत्थ उग्रा यो वा हविष्मान् मनसा ददाश ६  
 तृतीयोऽध्यायः ३ व० १-२६

(१५८) अष्टपञ्चाशदुत्तरशततमं सूक्तम्

(१-६) षडृचस्यास्य सूक्तस्यौचथ्यो दीर्घतमा ऋषिः । अश्विनौ देवते । (१-५)

प्रथमादिपञ्चर्चा त्रिष्टुप् (६) षष्ठ्याश्चानुष्टुप् छन्दसी  
 वसू रुद्रा पुरुमन्तू वृधन्ता दशस्यतं नो वृषणावभिष्टौ ।  
 दस्त्रा ह यद् रेक्ण औचथ्यो वां प्र यत् सस्त्राथे अकवाभिरूती १  
 को वा दाशत् सुमतये चिदस्यै वसू यद् धेथे नमसा पदे गौः ।  
 जिगृतमस्मे रेवतीः पुरंधीः कामप्रेणैव मनसा चरन्ता २  
 युक्तो ह यद् वा तौगरचाय पेरुर्वि मध्ये अर्णसो धायि पृजः ।  
 उपे वामवः शरणं गमेयं शूरो नाज्म पतयद्भिरेवैः ३  
 उपेस्तुतिरौचथ्यमुरुष्ये न्मा मामिमे पतत्रिणी वि दुग्धाम् ।  
 मा मामेधो दशतयश्चितो धाक् प्र यद् वा बद्धस्त्वमनि खादति क्षाम् ४  
 न मा गरन् नद्यौ मातृतमा दासा यदीं सुसमुब्धमवाधुः ।  
 शिरो यदस्य त्रैतनो वितक्षत् स्वयं दास उरो अंसावपि गध ५  
 दीर्घतमा मामतेयो जुजुवान् दशमे युगे ।  
 अपामर्थं युतीनां ब्रह्मा भवति सारथिः ६

(१५६) एकोनषष्ट्युत्तरशततमं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । द्यावापृथिव्यौ देवते ।

जगती छन्दः

प्र द्यावा यज्ञैः पृथिवी ऋतावृधा मही स्तुषे विदथेषु प्रचैतसा ।  
देवेभिर्ये देवपुत्रे सुदंससे तथा धिया वार्याणि प्रभूषतः १  
उत मन्ये पितुरद्रुहो मनो मातुर्महि स्वतवस्तद्धवीमभिः ।  
सुरेतसा पितरा भूमं चक्रत रुरु प्रजायां अमृतं वरीमभिः २  
ते सूनवः स्वपसः सुदंससो मही जज्ञुर्मातरा पूर्वचित्तये ।  
स्थातुश्च सत्यं जगतश्च धर्मणि पुत्रस्य पाथः पदमद्वयाविनः ३  
ते मायिनो ममिरे सुप्रचैतसो जामी सयौनी मिथुना समौकसा ।  
नव्यनव्यं तन्तुमा तन्वते दिवि समुद्रे अन्तः कवयः सुदीतयः ४  
तद् राधो अद्य सवितुर्वरेण्यं वयं देवस्य प्रसवे मनामहे ।  
अस्मभ्यं द्यावापृथिवी सुचेतुना रयिं धत्तं वसुमन्तं शतग्विनम् ५

(१६०) षष्ट्युत्तरशततमं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । द्यावापृथिव्यौ देवते ।

जगती छन्दः

ते हि द्यावापृथिवी विश्वशंभुव ऋतावरी रजसो धारयत्कवी ।  
सुजन्मनी धिषणे अन्तरीयते देवो देवी धर्मणा सूर्यः शुचिः १  
उरुव्यचसा महिनी असश्चता पिता माता च भुवनानि रक्षतः ।  
सुधृष्टमे वपुष्येर् न रोदसी पिता यत् सीमभि रूपैरवासयत् २  
स वह्निः पुत्रः पित्रोः पवित्रवान् पुनाति धीरो भुवनानि मायया ।  
धेनुं च पृश्निं वृषभं सुरेतसं विश्वाहा शक्रं पयो अस्य दुक्षत ३  
अयं देवानामपसामपस्तमो यो जजान् रोदसी विश्वशंभुवा ।  
वि यो ममे रजसी सुक्रतूयया ऽजरैभि स्कम्भनेभिः समानृचे ४  
ते नो गृणाने महिनी महि श्रवः क्षत्रं द्यावापृथिवी धासथो बृहत् ।  
येनाभि कृष्टीस्ततनाम विश्वाहा पुनाय्यमोजो अस्मे समिन्वतम् ५

(१६१) एकषष्ट्युत्तरशततमं सूक्तम्

(१-१४) चतुर्दशर्चस्यास्य सूक्तस्यौचथ्यो दीर्घतमा ऋषिः । ऋभवो देवताः ।

(१-१३) प्रथमादित्रयोदशर्चा जगती (१४) चतुर्दश्याश्च त्रिष्टुप् छन्दसी  
किमु श्रेष्ठः किं यविष्ठो न आजगन् किमीयते दूत्यं कद् यदूचिम ।  
न निन्दिम चमसं यो महाकुलो ऽग्रे भ्रातर्दुण इद् भूतिर्मूदिम १  
एकं चमसं चतुरः कृणोतन् तद् वो देवा अब्रुवन् तद् व आगमम् ।  
सौधन्वना यद्येवा करिष्यथ साकं देवैर्यज्ञियासो भविष्यथ २  
अग्निं दूतं प्रति यदब्रवीतना श्वः कर्त्वो रथं उतेह कर्त्वः ।  
धेनुः कर्त्वा युवशा कर्त्वा द्वा तानि भ्रातरनु वः कृत्व्येमसि ३  
चकृवांसं ऋभवस्तदपृच्छत् क्वेदंभूद् यः स्य दूतो न आजगन् ।  
यदावारुण्यच्चमसाञ्चतुरः कृता नादित् त्वष्टा ग्रास्वन्तन्यान्जे ४  
हनामैनां इति त्वष्टा यदब्रवी चमसं ये देवपानमनिन्दिषुः ।  
अन्या नामानि कृणवते सुते सचां अन्यैरेनान् कन्या इ नामभि स्परत् ५  
इन्द्रो हरी युयुजे अश्विना रथं बृहस्पतिर्विश्वरूपामुर्पाजत ।  
ऋभुर्विभ्वा वाजो देवा अगच्छत् स्वपसो यज्ञिर्य भागमैतन ६  
निश्चर्मणो गामरिणीत धीतिभि र्या जरन्ता युवशा ताकृणोतन ।  
सौधन्वना अश्वादश्चमतक्षत युक्त्वा रथमुप देवा अयातन ७  
इदमुदकं पिबतेत्यब्रवीतने दं वा घा पिबता मुञ्जनेजनम् ।  
सौधन्वना यदि तन्नेव हर्यथ तृतीयै घा सर्वने मादयाध्वै ८  
आपो भूयिष्ठा इत्येको अब्रवी दग्निर्भूयिष्ठ इत्यन्यो अब्रवीत् ।  
वधर्यन्ती बहुभ्यः प्रैको अब्रवी दृता वदन्तश्चमसां अपिंशत ९  
श्रोणामेक उदकं गामवाजति मांसमेकः पिंशति सूनयाभृतम् ।  
आ निमुचः शकृदेको अपाभरत् किं स्वित् पुत्रेभ्यः पितरा उपावतुः १०  
उद्वत्स्वस्मा अकृणोतना तृणं निवत्स्वपः स्वपस्यया नरः ।  
अगौह्यस्य यदसस्तना गृहे तदद्येदमृभवो नानु गच्छथ ११  
समील्य यद् भुवना पर्यसर्पत् क्व स्वित् तात्या पितरा व आसतुः ।  
अशपत् यः करस्त्रं व आददे यः प्राब्रवीत् प्रो तस्मा अब्रवीतन १२  
सुषुप्वांसं ऋभवस्तदपृच्छता गौह्य क इदं नो अब्रूबुधत् ।  
श्वानं ब्रुतो बोधयितारमब्रवीत् संवत्सर इदमुद्या व्यख्यत १३  
दिवा यान्ति मरुतो भूम्याग्नि रयं वातो अन्तरिक्षेण याति ।  
अद्विर्याति वरुणः समुद्रै र्युष्मां इच्छन्तः शवसो नपातः १४

(१६२) द्विषष्ट्युत्तरशततमं सूक्तम्

(१-२२) द्वाविंशत्यृचस्यास्य सूक्तस्यौचथ्यो दीर्घतमा ऋषिः । अश्वो देवता ।

(१-२, ४-५, ७-२२) प्रथमाद्वितीययोश्चतुर्थीपञ्चम्योस्सप्तम्यादिषोडशर्चाञ्च त्रिष्टुप्

(३, ६) तृतीयाषष्ट्योश्च जगती छन्दसी

मा नो मित्रो वरुणो अर्यमायु रिन्द्र ऋभुक्षा मरुतः परि ख्यन् ।  
यद् वाजिनो देवजातस्य सप्तैः प्रवक्ष्यामो विदथै वीर्याणि १  
यन्निर्गिजा रेक्कासा प्रावृतस्य रातिं गृभीतां मुखतो नयन्ति ।  
सुप्राङ्जो मेम्यद् विश्वरूप इन्द्रापूष्णोः प्रियमप्येति पार्थः २  
एष च्छागः पुरो अश्वेन वाजिनो पूष्णो भागो नीयते विश्वदैव्यः ।  
अभिप्रियं यत् पुरोळाशमर्वता त्वष्टेदेनं सौश्रवसाय जिन्वति ३  
यद्धविष्यमृतुशो दैवयानं त्रिर्मानुषाः पर्यश्वं नयन्ति ।  
अत्रा पूष्णः प्रथमो भाग एति यज्ञं देवेभ्यः प्रतिवेदयन्नजः ४  
होताध्वर्युरावया अग्निमिन्धो ग्रावग्राभ उत शंस्ता सुविप्रः ।  
तेन यज्ञेन स्वरंकृतेन स्विष्टेन वक्षणा आ पूणध्वम् ५  
यूपवस्का उत ये यूपवाहाश्चषालं ये अश्वयूपाय तक्षति ।  
ये चार्वते पचनं संभरन्त्युतो तेषामभिगूर्तिर्न इन्वतु ६  
उप प्रागात् सुमन्मैऽधायि मन्म देवानामाशा उप वीतपृष्ठः ।  
अन्वेनं विप्रा ऋषयो मदन्ति देवानां पुष्टे चकृमा सुबन्धुम् ७  
यद् वाजिनो दामं सदानमर्वतो या शीर्षण्या रशना रजुरस्य ।  
यद् वा घास्य प्रभृतमास्येऽ तूणं सर्वा ता ते अपि देवेष्वस्तु ८  
यदश्वस्य क्रविषो मक्षिकाश यद् वा स्वरौ स्वधितौ रिप्तमस्ति ।  
यद्धस्तयोः शमितुर्यन्नखेषु सर्वा ता ते अपि देवेष्वस्तु ९  
यदूर्वध्यमुदरस्यापवाति य आमस्य क्रविषो गन्धो अस्ति ।  
सुकृता तच्छमितारः कृण्वन्तु त मेधं शृतपाकं पचन्तु १०  
यत् ते गात्रादग्निना पच्यमाना दुभि शूलं निहतस्यावधावति ।  
मा तद् भूम्यामा श्रिषन्मा तृणेषु देवेभ्यस्तदुशङ्घौ रातमस्तु ११  
ये वाजिनं परिपश्यन्ति पुक्वं य ईमाहुः सुरभिर्निहरेति ।  
ये चार्वतो मांसभिन्नामुपासत उतो तेषामभिगूर्तिर्न इन्वतु १२  
यन्नीक्ष्णं मांस्पचन्या उखाया या पात्राणि यूष्ण आसेचनानि ।

ऊष्मण्यापिधानां चरूणा मङ्गाः सूनाः परि भूषन्त्यश्वम् १३  
 निक्रमणं निषर्दनं विवर्तनं यच्च पड्बीशमवर्ततः ।  
 यच्च पुषौ यच्च घासिं जघास सर्वा ता ते अपि देवेष्वस्तु १४  
 मा त्वाग्निध्वनयीद् धूमगन्धिर्मोखा भ्राजन्त्यभि विक्त जघ्निः ।  
 इष्टं वीतमभिगूर्तं वर्षट्कृतं तं देवासः प्रति गृभ्णन्त्यश्वम् १५  
 यदश्वायु वास उपस्तृणन्त्यधीवासं या हिरण्यान्यस्मै ।  
 संदानमवर्तन्तं पड्बीशं प्रिया देवेष्वा यामयन्ति १६  
 यत् तै सादे महसा शूकृतस्य पाषण्या वा कश्या वा तुतोद ।  
 स्तुचेव ता हविषो अध्वरेषु सर्वा ता ते ब्रह्मणा सूदयामि १७  
 चतुस्त्रिंशद् वाजिनो देवबन्धो र्वङ्कीरश्वस्य स्वधितिः समैति ।  
 अच्छिद्रा गात्रा वयुना कृणोत परुष्पररनुघुष्या वि शस्त १८  
 एकस्त्वष्टरश्वस्या विशस्ता द्वा यन्तारा भवतस्तथ ऋतुः ।  
 या ते गात्राणामृतुथा कृणोमि ताता पिण्डानां प्र जुहोम्यग्नौ १९  
 मा त्वा तपत् प्रिय आत्मापियन्तं मा स्वधितिस्तन्वश् आ तिष्ठिपत् ते ।  
 मा तै गृधुरविशस्तातिहाय छिद्रा गात्राण्यसिना मिथू कः २०  
 न वा उ एतन्म्रियसे न रिष्यसि देवाँ इदैषि पृथिभिः सुगेभिः ।  
 हरी ते युञ्जा पृषती अभूता मुपास्थाद् वाजी धुरि रासभस्य २१  
 सुगव्यं नो वाजी स्वश्वयं पुंसः पुत्राँ उत विश्वापुषं रयिम् ।  
 अनागास्त्वं नो अदितिः कृणोतु क्षत्रं नो अश्वौ वनतां हविष्मान् २२

(१६३) त्रिषष्ट्युत्तरशततमं सूक्तम्

(१-१३) त्रयोदशर्चस्यास्य सूक्तस्यौचथ्यो दीर्घतमा ऋषिः । अश्वो देवता ।

त्रिष्टुप् छन्दः

यदक्रन्दः प्रथमं जायमान उद्यन् त्समुद्रादुत वा पुरीषात् ।  
 श्येनस्य पक्षा हरिणस्य बाहू उपस्तृत्यं महि जातं तै अर्वन् १  
 यमेन दत्तं त्रित एनमायुन गिन्द्र एणं प्रथमो अर्ध्यतिष्ठत् ।  
 गन्धर्वो अस्य रशनामगृभ्णात् सूरदश्वं वसवो निरतष्ट २  
 असिं यमो अस्यादित्यो अर्वन् असिं त्रितो गुह्येन व्रतेन ।  
 असिं सोमैः समया विपृक्त आहुस्ते त्रीणि दिवि बन्धनानि ३  
 त्रीणि त आहुर्दिवि बन्धनानि त्रीण्यप्सु त्रीण्यन्तः समुद्रे ।



उ॒ते॒व मे॒ वरु॑णश्छन्त्स्य॒र्वन् यत्रा॑ त आ॒हुः पर॑मं ज॒नित्र॑म् ४  
इ॒मा ते॑ वा॒जि॒न्नव॑मार्ज॒नानी॒ मा श॒फाना॑ स॒नितु॑र्नि॒धाना॑ ।  
अत्रा॑ ते भ॒द्रा र॑श॒ना अ॒पश्य॑ मृ॒तस्य॑ या अ॒भिर॑क्षन्ति गो॒पाः ५  
आ॒त्मानं॑ ते म॒नसा॑राद॒जाना॑ मु॒वो दि॒वा प॒तय॑न्तं प॒तङ्ग॑म् ।  
शि॒रो अ॒पश्यं॑ प॒थिभिः॑ सु॒गेभि॑ र॒रेणु॑भिर्जे॒हमानं॑ प॒तत्रि॑ ६  
अत्रा॑ ते रू॒पमु॑त्त॒मम॑पश्यं॒ जिगी॑षमा॒णमि॑ष आ प॒दे गोः॑ ।  
य॒दा ते॒ मर्तो॑ अनु॒ भोग॑मान् ळादिद् ग्र॒सिष्ठ॑ ओष॒धीर॑जीगः ७  
अनु॑ त्वा रथो अनु॒ मर्यो॑ अ॒र्वन्नु॒ गावो॑ऽनु भ॒गः क॒नीना॑म् ।  
अनु॑ व्रा॒तास॑स्त॒र्व स॒ख्यमी॑यु॒ र्नु दे॒वा म॑मिरे वी॒र्यं॑ ते ८  
हि॒र॒ण्यशृ॑ङ्गो ऽयौ अस्य पा॒दा मनो॑ज॒वा अ॒वर॑ इन्द्र॒ आसीत्॑ ।  
दे॒वा इ॒दस्य॑ ह॒विर॑द्य॒माय॑न् यो अ॒र्वन्तं॑ प्रथ॒मो अ॒ध्यति॑ष्ठत् ९  
ई॒र्मान्ता॑सः॒ सिलि॑कम॒ध्यमा॑सः सं शूर॑णा॒सो दि॒व्यासो॑ अ॒त्याः ।  
हंसा॑ ई॒व श्रेणि॑शो य॒तन्ते॑ यदाक्षि॒षुर्दिव्य॑म॒ज्मम॑श्वाः १०  
तव॑ शरी॒रं प॒तयि॑ष्ण॒र्वन् तव॑ चि॒त्तं वा॒त इ॒व ध॒र्जीमा॑न् ।  
तव॑ शृ॒ङ्गाणि॑ वि॒ष्टिता॑ पु॒रुत्रा॑ र॒ण्येषु॑ ज॒भुरा॑णा चरन्ति ११  
उ॒प प्रा॒गाच्छ॑सनं वा॒ज्यर्वा॑ दे॒वद्री॑चा म॒नसा॑ दी॒ध्यानः॑ ।  
अ॒जः पु॒रो नी॑यते ना॒भिर॑स्या॒नु प॒श्चात् क॒वयो॑ यन्ति रे॒भाः १२  
उ॒प प्रा॒गात् पर॑मं यत् स॒धस्थ॑ म॒वा अ॒च्छा पि॒तरं॑ मा॒तरं॑ च ।  
अ॒द्या दे॒वाञ्जु॑ष्ट॒तमो॑ हि ग॒म्या अ॒था शा॑स्ते दा॒शुषे॑ वा॒र्याणि॑ १३

(१६४) चतुःषष्ट्युत्तरशततमं सूक्तम्

(१-५२) द्विपञ्चाशदृचस्यास्य सूक्तस्यौचथ्यो दीर्घतमा ऋषिः । (१-४१)  
प्रथमाद्येकचत्वारिंशदृचां विश्वे देवाः (४२) द्विचत्वारिंश्याः पूर्वार्धस्य वाक्  
उत्तरार्धस्य चापः (४३) त्रिचत्वारिंश्याः पूर्वार्धस्य शकधूमः उत्तरार्धस्य च सोमः  
(४४) चतुश्चत्वारिंश्याः केशिनः (अग्निः सूर्यो वायुश्च) (४५) पञ्चचत्वारिंश्या  
वाक् (४६-४७) षट्चत्वारिंशीसप्तचत्वारिंशयोः सूर्यः (४८) अष्टचत्वारिंश्याः  
संवत्सरकालचक्रम् (४९) एकोनपञ्चाश्याः सरस्वती (५०) पञ्चाश्याः साध्याः ।  
(५१) एकपञ्चाश्याः सूर्यः पर्जन्याग्नी वा (५२) द्विपञ्चाश्याश्च सरस्वान् सूर्यो वा  
देवताः । (१-११, १३-१४, १६-२२, २४-२८, ३०-३५, ३७-४०, ४३-५०, ५२)  
प्रथमाद्येकादशर्चा त्रयोदशीचतुर्दश्योः षोडश्यादिसप्तानां चतुर्विंश्यादिपञ्चानां  
त्रिंश्यादिषण्णां सप्तत्रिंश्यादिचतसृणां त्रिचत्वारिंश्याद्यष्टानां द्विपञ्चाश्याश्च त्रिष्टुप्

(१२, १५, २३, २६, ३६, ४१)

द्वादशीपञ्चदशीत्रयोविंशयेकोनत्रिंशीषट्त्रिंशयेकचत्वारिंशीनां जगती (४२)

द्विचत्वारिंश्याः प्रस्तारपङ्क्तिः (५१) एकपञ्चाश्याश्चानुष्टुप् छन्दांसि

अस्य वामस्य पलितस्य होतुस्तस्य भ्राता मध्यमो अस्त्यश्नः ।  
 तृतीयो भ्राता घृतपृष्ठो अस्यात्रापश्यं विश्वपतिं सप्तपुत्रम् १  
 सप्त युञ्जन्ति रथमेकचक्रमेको अश्वो वहति सप्तनामा ।  
 त्रिनाभिं चक्रमजरमनर्वं यत्रेमा विश्वा भुवनाधि तस्थुः २  
 इमं रथमधि ये सप्त तस्थुः सप्तचक्रं सप्त वहन्त्यश्वः ।  
 सप्त स्वसारो अभि सं नवन्ते यत्र गवां निहिता सप्त नाम ३  
 को ददर्श प्रथमं जायमानमस्थन्वन्तं यदनस्था बिभर्ति ।  
 भूम्या असुरसृगात्मा क्वं स्वित् को विद्वांसमुप गात् प्रष्टुमेतत् ४  
 पार्कः पृच्छामि मनसाविजानन् देवानामेना निहिता पदानि ।  
 वत्से बृष्कयेऽधि सप्त तन्तून् वि तबिरे कवय ओतवा उ ५  
 अचिकित्वाञ्चिकितुषश्चिदत्रे कवीन् पृच्छामि विद्यने न विद्वान् ।  
 वि यस्तस्तम्भ षळिमा रजां स्यजस्य रूपे किमपि स्विदेकम् ६  
 इह ब्रवीतु य ईमङ्ग वेदास्य वामस्य निहितं पदं वेः ।  
 शीर्ष्णः क्षीरं दुहते गावौ अस्य वृत्रिं वसाना उदकं पदापुः ७  
 माता पितरमृत आ बभाज धीत्यग्रे मनसा सं हि जग्मे ।  
 सा बीभत्सुर्गर्भरसा निविद्धा नमस्वन्त इदुपवाकमीयुः ८  
 युक्ता मातासीद् धुरि दक्षिणाया अतिष्ठद् गर्भो वृजनीष्वन्तः ।  
 अमीमेद् वत्सो अनु गामपश्यद् विश्वरूप्यं त्रिषु योजनेषु ९  
 तिस्रो मातृस्त्रीन् पितृन् बिभ्रदेक ऊर्ध्वस्तस्थौ नेमव ग्लापयन्ति ।  
 मन्त्रयन्ते दिवो अमुष्यं पृष्ठे विश्वविदं वाचमविश्वमिन्वाम् १०  
 द्वादशारं नहि तज्जरायुर्वर्ति चक्रं परि द्यामृतस्य ।  
 आ पुत्रा अग्रे मिथुनासो अत्र सप्त शतानि विंशतिश्च तस्थुः ११  
 पञ्चपादं पितरं द्वादशाकृतिं दिव आहुः परे अर्धे पुरीषिणम् ।  
 अथेमे अन्य उपरे विचक्षणं सप्तचक्रे षळर आहुरपितम् १२  
 पञ्चरि चक्रे परिवर्तमाने तस्मिन्ना तस्थुर्भुवनानि विश्वा ।  
 तस्य नाक्षस्तप्यते भूरिभारः सनादेव न शीर्यते सनाभिः १३  
 सनेमि चक्रमजरं वि वावृत उत्तानायां दश युक्ता वहन्ति ।

सूर्यस्य चक्षू रजसैत्यावृतं तस्मिन्नार्पिता भुवनानि विश्वा १४  
साकंजानां सप्तथमाहुरेकजं षळिद् यमा ऋषयो देवजा इति ।  
तेषामिष्टानि विहितानि धामशः स्थात्रे रजन्ते विकृतानि रूपशः १५  
स्त्रियः सतीस्तां उ मे पुंस आहुः पश्यदक्षगवान्न वि चैतदुन्धः ।  
कविर्यः पुत्रः स ईमा चिकेत यस्ता विजानात् स पितुष्पितासत् १६  
अवः परैण पुर एनावरेण पदा वत्सं बिभ्रती गौरुदस्थात् ।  
सा कद्रीची कं स्विदर्धं परागात् क्व स्वित् सूते नहि यूथे अन्तः १७  
अवः परैण पितरं यो अस्या नुवेद पुर एनावरेण ।  
कवीयमानः क इह प्र वौचद् देवं मनः कुतो अधि प्रजातम् १८  
ये अर्वाञ्चस्तां उ पराच आहु र्ये पराञ्चस्तां उ अर्वाच आहुः ।  
इन्द्रश्च या चक्रथुः सोम तानि धुरा न युक्ता रजसो वहन्ति १९  
द्वा सुपर्णा सयुजा सखाया समानं वृक्षं परि षस्वजाते ।  
तयोरन्यः पिप्पलं स्वाद्व त्यनश्नन्नन्यो अभि चाकशीति २०  
यत्रा सुपर्णा अमृतस्य भाग मनिमेषं विदथाभिस्वरन्ति ।  
इनो विश्वस्य भुवनस्य गोपाः स मा धीरः पाकमत्रा विवेश २१  
यस्मिन् वृक्षे मध्वदः सुपर्णा निविशन्ते सुर्वते चाधि विश्वे ।  
तस्येदाहुः पिप्पलं स्वाद्वग्रे तन्नोन्नश्च्यः पितरं न वेद २२  
यद् गायत्रे अधि गायत्रमाहितं त्रैष्टुभाद् वा त्रैष्टुभं निरतक्षत ।  
यद् वा जगज्जगत्याहितं पदं य इत् तद् विदुस्तै अमृतत्वमानशुः २३  
गायत्रेण प्रति मिमीते अर्क मर्केण साम त्रैष्टुभेन वाकम् ।  
वाकेन वाकं द्विपदा चतुष्पदा ऽक्षरैण मिमते सप्त वार्षाः २४  
जगता सिन्धुं दिव्यस्तभायद् रथन्तरे सूर्य पर्यपश्यत् ।  
गायत्रस्य समिधस्तिस्त्र आहु स्ततौ मृहा प्र रिरिचे महित्वा २५  
उप ह्वये सुदुर्घा धेनुमेतां सुहस्तौ गोधुगुत दौहदेनाम् ।  
श्रेष्ठं सवं सविता साविषन्नो ऽभीद्धो घर्मस्तदु षु प्र वौचम् २६  
हिङ्गुवती वसुपत्नी वसूनां वत्समिच्छन्ती मनसाभ्यागात् ।  
दुहामश्विभ्यां पयौ अघ्नयेयं सा वर्धतां महते सौभगाय २७  
गौरमीमेदनु वत्सं मिषन्तं मूर्धानं हिङ्ङकृणोन्मातुवा उ ।  
सृक्वाणं घर्ममभि वावशाना मिमाति मायुं पयते पयौभिः २८  
अयं स शिङ्क्ते येन गौरभीवृता मिमाति मायुं ध्वसनावधि श्रिता ।

सा चि॒त्तिभि॒र्नि हि च॒कार॒ मर्त्यं वि॒द्युद् भव॑न्ती॒ प्रति व॒व्रिमौ॑हत २९  
 अ॒नच्छे॑ये तुरगा॒तु जी॒व मे॑जद् ध्रु॒वं मध्य॑ आ पु॒स्त्याना॑म् ।  
 जी॒वो मृत॑स्य चरति स्व॒धाभि॒ रम॑त्यो॒ मर्त्ये॑ना॒ सयौ॑निः ३०  
 अ॒पश्यं॑ गो॒पाम॑निपद्यमान॒ मा च॒ परा॑ च पु॒थिभि॑श्चरन्तम् ।  
 स स॒ध्रीचीः॑ स विषू॒चीर्व॑सान् आ व॒रीव॑र्ति भु॒वनेष्व॑न्तः ३१  
 य ई॑ च॒कार॒ न सो अ॒स्य वे॑द् य ई॑ दृ॒दर्श॑ हि॒रुगि॑न्नु तस्मा॑त् ।  
 स मा॒तुर्यो॑ना॒ परि॑वीतो अ॒न्त ब॑हु॒प्रजा॑ नि॒र्ऋति॑मा वि॒वेश ३२  
 द्यौर्मे॑ पि॒ता ज॑निता नाभि॒रत्र ब॑न्धु॒र्मे मा॒ता पृ॑थि॒वी म॒हीय॑म् ।  
 उ॒त्ता॒नयो॑श्च॒म्वो॒ऽर्यो॑नि॒रन्त॑ रत्रा॒ पिता॑ दु॒हितु॑र्गर्भ॒माधा॑त् ३३  
 पृ॒च्छामि॑ त्वा॒ पर॑मन्त॒ पृथि॑व्याः पृ॒च्छामि॑ यत्र भु॒व॒नस्य॑ नाभिः ।  
 पृ॒च्छामि॑ त्वा॒ वृ॒ष्णो अ॒श्वस्य॑ रेतः पृ॒च्छामि॑ वा॒चः पर॑मं व्यो॒म ३४  
 इ॒यं वे॑दिः प॒रो अ॒न्तः पृ॑थि॒व्या अ॒यं यु॒ज्ञो भु॒व॒नस्य॑ नाभिः ।  
 अ॒यं सो॒मो वृ॒ष्णो अ॒श्वस्य॑ रेतो ब्र॒ह्मा॒यं वा॒चः पर॑मं व्यो॒म ३५  
 स॒प्ता॒र्धग॑र्भा भु॒व॒नस्य॑ रेतो वि॒ष्णो॑स्तिष्ठन्ति प्र॒दिशा॑ वि॒धर्म॑णि ।  
 ते धी॒तिभि॑र्म॒नसा॑ ते वि॒पश्चितः॑ परि॒भुवः॑ परि॒ भव॑न्ति वि॒श्वतः॑ ३६  
 न वि॒ जा॑नामि॒ यदि॑वे॒दमस्मि॑ नि॒णयः॑ सं॒नद्धो॑ म॒नसा॑ चरामि ।  
 य॒दा मा॑गन् प्रथम॒जा ऋ॑तस्या॒दिद् वा॒चो अ॑श्नुवे भ्रा॒गम॑स्याः ३७  
 अ॒पा॒ङ् प्रा॒डैति॑ स्व॒धया॑ गृ॒भीतो॑ ऽम॒त्यो मर्त्ये॑ना॒ सयौ॑निः ।  
 ता श॑श्व॒न्ता वि॒षूची॑ना॒ व्रि॒यन्ता॒ न्य॒ऽन्यं चि॒क्युर्न नि॑ चि॒क्युर॑न्यम् ३८  
 ऋ॒चो अ॒क्षरै॑ पर॒मे व्यो॑मन् यस्मिन् दे॒वा अधि॑ विश्वे नि॒षेदुः॑ ।  
 यस्तन्न वे॑द् कि॒मृचा॑ क॒रिष्य॑ति य इत् तद् वि॒दुस्त॑ इमे स॒मा॑सते ३९  
 सू॒य॒व॒साद् भ॑र्गवती॒ हि भू॒या अथो॑ व॒यं भ॑र्गवन्तः स्याम ।  
 अ॒द्धि तृ॑णम॒घ्नये॑ वि॒श्वदा॑नीं पिब॑ श॒द्धमु॑द॒कमा॑चरन्ती ४०  
 गौ॒रीर्मि॑माय स॒लिला॑नि त॒क्षत्ये॑क॒पदी॑ द्वि॒पदी॑ सा चतु॑ष्पदी ।  
 अ॒ष्टा॒पदी॑ नव॒पदी॑ बभू॒वुषी॑ स॒हस्रा॑क्षरा पर॒मे व्यो॑मन् ४१  
 तस्याः॑ स॒मुद्रा॑ अधि॒ वि क्ष॑रन्ति तेन जी॒वन्ति॑ प्र॒दिश॑श्चत॒स्रः ।  
 ततः॑ क्ष॒रत्य॑क्ष॒रं तद् वि॒श्वमु॑प जी॒वति॑ ४२  
 श॒क्रम॑य॒ धूम॑मा॒राद॑पश्यं वि॒षूव॑ता॒ पुर॑ ए॒नाव॑रेण ।  
 उ॒क्षा॒णं पृ॑श्नि॒मप॑चन्त वी॒रा स्ता॑नि॒ धर्मा॑णि प्रथ॒मान्या॑सन् ४३  
 त्रयः॑ के॒शिन॑ ऋ॒तुथा॑ वि च॒क्षते॑ संवत्स॒रे व॑प॒त एक॑ एषाम् ।

विश्वमेकौ अभि चष्टे शचीभिर्ध्राजिरेकस्य ददृशे न रूपम् ४४  
चत्वारि वाक् परिमिता पदानि तानि विदुर्ब्राह्मणा ये मनीषिणः ।  
गुहा त्रीणि निहिता नेङ्गयन्ति तुरीयं वाचो मनुष्या वदन्ति ४५  
इन्द्रं मित्रं वरुणमुग्निमाहु रथो दिव्यः स सुपर्णो गुरुत्मान् ।  
एकं सद् विप्रा बहुधा वेद न्त्यग्निं यमं मातरिश्वानमाहुः ४६  
कृष्णं नित्यान् हरयः सुपर्णा अपो वसाना दिवमुत्पतन्ति ।  
त आर्ववृत्रन् त्सदनादृतस्या दिद् घृतेन पृथिवी व्युद्यते ४७  
द्वादश प्रधयश्चक्रमेकं त्रीणि नभ्यानि क उ तच्चिकेत ।  
तस्मिन् त्साकं त्रिशता न शङ्कवो ऽर्पिताः षष्टिर्न चलाचलासः ४८  
यस्ते स्तनः शशयो यो मयोभू र्येन विश्वा पुष्यसि वार्याणि ।  
यो रत्नधा वसुविद् यः सुदत्रः सरस्वति तमिह धातवे कः ४९  
यज्ञेन यज्ञमयजन्त देवा स्तानि धर्माणि प्रथमान्यासन् ।  
ते ह नार्कं महिमानः सचन्त यत्र पूर्वे साध्याः सन्ति देवाः ५०  
समानमेतदुदक मुञ्चैत्यव चाहभिः ।  
भूमिं पर्जन्या जिन्वन्ति दिवं जिन्वन्त्यग्रयः ५१  
दिव्यं सुपर्णं वायुसं बृहन्तं मुपां गर्भं दर्शतमोषधीनाम् ।  
अभीपतो वृष्टिभिस्तर्पयन्तं सरस्वन्तमवसे जोहवीमि ५२  
त्रयोविंशोऽनुवाकः २३ सू० १६५-१७६

(१६५) पञ्चषष्ट्युत्तरशततमं सूक्तम्

(१-१५) पञ्चदशर्चस्यास्य सूक्तस्य (१-२, ४, ६, ८, १०-१२)

प्रथमाद्वितीययोर्ऋचोश्चतुर्थीषष्ट्यष्टमीनां दशम्यादितृचस्यास्य चेन्द्रः (३, ५, ७, ९)

तृतीयापञ्चमीसप्तमीनवमीनां मरुतः (१३-१५) त्रयोदश्यादितृचस्य च

मैत्रावरुणिरगस्त्य ऋषयः । मरुत्वानिन्द्रो देवता । त्रिष्टुप् छन्दः

कया शुभा सर्वयसः सनीळाः समान्या मरुतः सं मिमिक्षुः ।

कया मृती कुत एतास एते ऽर्चन्ति शुष्मं वर्षणो वसूया १

कस्य ब्रह्माणि जुजुषुर्यवानः को अध्वरे मरुत आ वर्वर्त ।

श्येनाँ इव ध्रजतो अन्तरिक्षे केन महा मनसा रीरमाम २

कुतस्त्वमिन्द्र माहिनुः स नेको यासि सत्पते किं त इत्था ।

सं पृच्छसे समराणः शुभानैर्वोचेस्तन्नो हरिवो यत् ते अस्मे ३

ब्रह्माणि मे मृतयः शं सुतासः शुष्म इयति प्रभृतो मे अद्रिः ।  
 आ शासते प्रति हर्यन्त्युक्थे मा हरी वहतस्ता नो अच्छ ४  
 अतो वयमन्तमेभिर्युजानाः स्वक्षत्रेभिस्तन्वः शुष्ममानाः ।  
 महौभिरेताँ उप युज्महे न्विन्द्र स्वधामनु हि नो बभूथ ५  
 क्वः स्या वो मरुतः स्वधासीद् यन्मामेकं समधत्ताहिहत्यै ।  
 अहं ह्युग्रस्तविषस्तुविष्मान् विश्वस्य शत्रोरनमं वधस्त्रैः ६  
 भूरि चकथ युज्यैभिरस्मे समानेभिर्वृषभ पौस्यैभिः ।  
 भूरीणि हि कृणवामा शविष्ठेन्द्र क्रत्वा मरुतो यद् वशाम ७  
 वधी वृत्रं मरुत इन्द्रियेण स्वेन भामेन तविषो बभूवान् ।  
 अहमेता मनवे विश्वश्चन्द्राः सुगा अपश्चकर वज्रबाहुः ८  
 अनुत्तमा तै मघवन्नकिर्नु न त्वावाँ अस्ति देवता विदानः ।  
 न जायमानो न शते न जातो यानि करिष्या कृणुहि प्रवृद्ध ९  
 एकस्य चिन्मे विभ्वस्त्वोजो या नु दधृष्वान् कृणवै मनीषा ।  
 अहं ह्युग्रो मरुतो विदानो यानि च्यवमिन्द्र इदीश एषाम् १०  
 अमन्दन्मा मरुतः स्तोमो अत्र यन्मै नरः श्रुत्यं ब्रह्म चक्र ।  
 इन्द्राय वृष्णे सुमखाय मह्यं सख्ये सखायस्तन्वै तनूभिः ११  
 एवेदेते प्रति मा रोचमाना अनैद्यः श्रव एषो दधानाः ।  
 संचक्ष्या मरुतश्चन्द्रवर्णा अछान्त मे छदयाथा च नूनम् १२  
 को न्वत्र मरुतो मामहे वः प्र यातन् सखीरिच्छा सखायः ।  
 मन्मानि चित्रा अपिवातयन्त एषां भूत नवैदा म अतानाम् १३  
 आ यद् दुवस्याद् दुवसे न कारु रस्माञ्चक्रे मान्यस्य मेधा ।  
 ओ षु वर्त मरुतो विप्रमच्छे मा ब्रह्माणि जरिता वो अर्चत् १४  
 एष वः स्तोमो मरुत इयं गी मन्दार्यस्य मान्यस्य कारोः ।  
 एषा यासीष्ट तन्वै वयां विद्यामेषं वृजनं जीरदानुम् १५  
 चतुर्थोऽध्यायः ४ व० १-२६

(१६६) षट्षष्ट्युत्तरशततमं सूक्तम्

(१-१५) पञ्चदशस्यास्य सूक्तस्य मैत्रावरुणिरगस्त्य ऋषिः । मरुतो देवताः । (१-  
 १३) प्रथमादित्रयोदशर्चा जगती (१४-१५) चतुर्दशीपञ्चदशयोश्च त्रिष्टुप् छन्दसी  
 तन्नु वौचाम रभसाय जन्मने पूर्वं महित्वं वृषभस्य केतवै ।

ऐधेव॑ याम॑न् मरु॑तस्तुविष्व॑णो यु॒धेव॑ शक्रा॑स्तविषा॑णि क॒र्तन॑ १  
 नित्यं॑ न सू॒नुं मधु॑ बिभ्र॑त उ॒प॒ क्रीळ॑न्ति क्रीळा॑ वि॒दथै॑षु घृ॒ष्वयः॑ ।  
 नक्ष॑न्ति रु॒द्रा अ॒र्वसा॑ नम॒स्विन॑न् न म॒र्धन्ति॑ स्व॒त॒व॒सो ह॒विष्कृ॑तम् २  
 यस्मा॑ ऊ॒मासो॑ अ॒मृता॑ अ॒रा॒सत॑ रा॒यस्पोष॑ च ह॒विषा॑ द॒दाशु॑षे ।  
 उ॒क्षन्त्य॑स्मै म॒रुतो॑ हि॒ता इ॒व पु॒रू रजा॑सि प॒र्यसा॑ म॒योभु॑वः ३  
 आ ये रजा॑सि तवि॒षीभि॑रव्य॒त॒ प्र व॒ एवा॑सः स्व॒र्यता॑सो अ॒ध्रज॑न् ।  
 भय॑न्ते वि॒श्वा भु॑वनानि ह॒र्म्या चि॒त्रो वो॒ यामः॑ प्र॒र्यता॑स्वृष्टि॑षु ४  
 यत् त्वे॒षया॑मा न॒दय॑न्त प॒र्वता॑न् दि॒वो वा॑ पृ॒ष्ठं न॒र्या अ॒चुच्य॑वुः ।  
 वि॒श्वो वो॒ अज्म॑न् भय॑ते वन॒स्पती॑ रथी॒यन्ती॑व॒ प्र जि॑हीत॒ ओष॑धिः ५  
 यू॒यं न॑ उ॒ग्रा म॑रुतः सु॒चेतु॑ना ऽरि॑ष्टग्रा॒माः सु॒म॒तिं पि॑प॒र्तन॑ ।  
 यत्रा॑ वो दि॒द्युद् रद॑ति क्रि॒वि॒दती॑ रि॒णाति॑ प॒श्वः सु॒धिते॑व ब॒र्हणा॑ ६  
 प्र स्कु॑भदै॒ष्णा अ॒नव॑भ्र॒राध॑सो ऽला॒तृणा॑सौ वि॒दथै॑षु सु॒ष्टुताः॑ ।  
 अ॒र्चन्त्य॑र्कं म॒दिर॑स्य पी॒तये॑ वि॒दुर्वी॑रस्य प्रथ॒मानि॑ पौ॒स्या ७  
 श॒तभु॑जिभि॒स्तम॑भि॒हुते॑र॒घात् पू॒र्भी र॑क्षता म॒रुतो॑ यमा॒वत॑ ।  
 ज॒नं यमु॑ग्रास्तव॒सो वि॑र॒प्शिनः॑ पा॒थना॑ शं॒सात् तन॑यस्य पु॒ष्टिषु॑ ८  
 वि॒श्वानि॑ भ॒द्रा म॑रुतो रथै॑षु वो मि॒थस्पृ॑ध्यैव तवि॒षाण॑याहि॒ता ।  
 अ॒सेष्वा॑ वः प्र॒पथे॑षु खा॒दयो॑ ऽक्षौ व॒श्रक्रा॑ स॒मया॑ वि वा॒वृते॑ ९  
 भूरी॑णि भ॒द्रा न॑र्येषु बा॒हुषु॑ वक्षः॒सु रु॒क्मा र॑भ॒सासौ॑ अ॒ज्जयः॑ ।  
 अ॒सेष्वे॒ताः प॒विषु॑ क्षु॒रा अ॒धि व॒यो न॑ प॒क्षान् व्य॑नु श्रि॒यौ धि॑रे १०  
 म॒हान्तौ॑ म॒हा वि॒भ्वो॑रे वि॒भूत॑यो दू॒रेदृ॑शो ये दि॒व्या इ॒व स्तृ॑भिः ।  
 म॒न्द्राः सु॑जि॒ह्वाः स्वरि॑तार आ॒सभिः॑ संमि॒श्ला इ॒न्द्रै म॑रुतः प॒रिष्टु॑भः ११  
 तद् वः॑ सु॒जाता॑ म॒रुतो॑ महि॒त्वन् दी॒र्घं वो॑ दा॒त्रम॑दि॒तेरि॑व वृ॒तम् ।  
 इ॒न्द्रश्च॑न त्यज॑सा वि हु॒णाति॑ त॒ जना॑य॒ यस्मै॑ सु॒कृते॑ अ॒राध्व॑म् १२  
 तद् वो॑ जा॒मित्वं॑ म॒रुतः॑ प॒रै यु॒गे पु॒रू यच्छं॑स॒ममृ॑तास॒ आ॒वत॑ ।  
 अ॒या धि॒या म॑न॒वे श्रु॑ष्टि॒माव्या॑ सा॒कं न॑रौ दं॒सनै॑रा चि॒कित्रि॑रे १३  
 येन॑ दी॒र्घं म॑रुतः शू॒शवा॑म यु॒ष्माकै॑न् प॒रीण॑सा तु॒रासः॑ ।  
 आ यत् त॒तन॑न् वृ॒जने॑ जना॑स ए॒भिर्य॑ज्ञेभि॒स्तद॒भीष्टि॑मश्याम् १४  
 एष॑ वः स्तो॒मो म॑रुत इ॒यं गी॑र्मा॒न्दार्य॑स्य॒ मान्य॑स्य॒ का॒रोः ।  
 एषा॑ या॒सीष्ट॑ त॒न्वे व॒यां वि॒द्यामे॑षं वृ॒जनं॑ जी॒रदा॑नुम् १५

(१६७) सप्तषष्ठ्युत्तरशततमं सूक्तम्

(१-११) एकादशर्चस्यास्य सूक्तस्य मैत्रावरुणिरगस्त्य ऋषिः । (१) प्रथमर्च इन्द्रः

(२-११) द्वितीयादिदशानाञ्च मरुतो देवताः । त्रिष्टुप् छन्दः

सहस्रं त इन्द्रोतयो नः सहस्रमिषौ हरिवो गूर्ततमाः ।  
 सहस्रं रायौ मादयध्वै सहस्रिण उप नो यन्तु वाजाः १  
 आ नोऽवौभिर्मरुतौ यान्त्वच्छा ज्येष्ठैभिर्वा बृहद् दिवैः सुमायाः ।  
 अध यदैषां नियुतः परमाः समुद्रस्य चिद् धनयन्त पारे २  
 मिम्यक्ष येषु सुधिता घृताची हिरण्यनिर्णिगुपरा न ऋष्टिः ।  
 गुहा चरन्ती मनुषो न योषा सभावती विदुथ्यैव सं वाक् ३  
 परा शुभ्रा अयासौ यव्या साधारण्येव मरुतौ मिमिक्षुः ।  
 न रोदसी अप नुदन्त घोरा जुषन्त वृधं सख्याय देवाः ४  
 जोषद् यदीमसुर्या सचध्वै विषितस्तुका रोदसी नृमणाः ।  
 आ सूर्येव विधुतो रथं गात् त्वेषप्रतीका नभसो नेत्या ५  
 आस्थापयन्त युवतिं युवानः शुभे निर्मिशलां विदथैषु पञ्चाम् ।  
 अर्को यद् वो मरुतो हविष्मान् गायद् गाथं सुतसौमो दुवस्यन् ६  
 प्र तं विवक्मि वक्म्यो य एषां मरुतां महिमा सत्यो अस्ति ।  
 सचा यदीं वृषमणा अहंयुः स्थिरा चिज्जनीर्वहते सुभागाः ७  
 पान्ति मित्रावरुणाववृद्धा च्ययत ईमर्यमो अप्रशस्तान् ।  
 उत च्यवन्ते अच्युता ध्रुवाणि वावृध ई मरुतो दार्तिवारः ८  
 नही नु वो मरुतो अन्त्यस्मे आरात्ताच्चिच्छर्वसो अन्तमापुः ।  
 ते धृष्णुना शर्वसा शूशवांसो ऽर्णो न द्वेषौ धृषता परिष्ठुः ९  
 वयमद्येन्द्रस्य प्रेष्ठा वयं श्वो वोचेमहि समर्ये ।  
 वयं पुरा महि च नो अनु द्यून् तन्न ऋभुक्षा नरामनुष्यात् १०  
 एष वः स्तोमो मरुत इयं गीर्मान्दार्यस्य मान्यस्य कारोः ।  
 एषा यासीष्ट तन्वै वयां विद्यामेषं वृजनं जीरदानुम् ११

(१६८) अष्टषष्ठ्युत्तरशततमं सूक्तम्

(१-१०) दशर्चस्यास्य सूक्तस्य मैत्रावरुणिरगस्त्य ऋषिः । मरुतो देवताः । (१-

७) प्रथमादिसप्तर्चा जगती (८-१०) अष्टम्यादितृचस्य च त्रिष्टुप् छन्दसी  
 यज्ञायज्ञा वः समना तुतुर्वणिर्धियं धियं वो देव्या उ दधिध्वे ।



आ वोऽर्वाचः सुविताय रोदस्यो महे ववृत्यामवसे सुवृक्तिभिः १  
वव्रासो न ये स्वजाः स्वतवस इषं स्वरभिजायन्त धूतयः ।  
सहस्रियासो अपां नोर्मय आसा गावो वन्द्यासो नोक्षणः २  
सोमासो न ये सुतास्तृप्तांशवो हत्सु पीतासौ दुवसो नासते ।  
ऐषामसैषु रम्भिणीव रारभे हस्तेषु खादिश्च कृतिश्च सं दधे ३  
अव स्वयुक्ता दिव आ वृथा ययु रमर्त्याः कशया चोदतु त्मना ।  
अरेणवस्तुविजाता अचुच्यवु दृळ्हानि चिन्मरुतो भ्राजदृष्टयः ४  
को वो ऽन्तर्मरुत ऋष्टिविद्युतो रजति त्मना हन्वेव जिह्या ।  
धन्वच्युत इषां न यामनि पुरुषैषा अहन्योऽ नैतशः ५  
क्व स्विदस्य रजसो महस्परं क्वावरं मरुतो यस्मिन्नायय ।  
यच्चयावयथ विथुरेव संहितं व्यद्रिणा पतथ त्वेषमर्णवम् ६  
सातिर्न वोऽमवती स्वर्वती त्वेषा विपाका मरुतः पिपिष्वती ।  
भद्रा वो रातिः पूणतो न दक्षिणा पृथुजयी असुर्येव जज्जती ७  
प्रति षोभन्ति सिन्धवः पविभ्यो यदभियां वाचमुदीरयन्ति ।  
अव स्मयन्त विद्युतः पृथिव्यां यदी घृतं मरुतः पुष्णवन्ति ८  
असूत पृश्निर्महते रणाय त्वेषमयासा मरुतामनीकम् ।  
ते सप्सरासौ ऽजनयन्ताभ्व मादित् स्वधामिषिरां पर्यपश्यन् ९  
एष वः स्तोमो मरुत इयं गी मान्दार्यस्य मान्यस्य कारोः ।  
एषा यासीष्ट तन्वे वयां विद्यामेषं वृजन जीरदानुम् १०

(१६६) एकोनषष्ट्युत्तरशततमं सूक्तम्

(१-८) अष्टर्चस्यास्य सूक्तस्य मैत्रावरुणिरगस्त्य ऋषिः । इन्द्रो देवता । (१, ३-  
८) प्रथमर्चः तृतीयादिषणाञ्च त्रिष्टुप् (२) द्वितीयायाश्च चतुष्पदा विराट् छन्दसी  
महश्चित् त्वमिन्द्र यत एतान् महश्चिदसि त्यजसो वरुता ।  
स नो वेधो मरुतां चिकित्वान् त्सुम्ना वनुष्व तव हि प्रेष्ठा १  
अयुजन्त इन्द्र विश्वकृष्टी विदानासौ निषिधौ मर्त्यत्रा ।  
मरुतां पृत्सुतिर्हासमाना स्वर्मीळहस्य प्रधनस्य सातौ २  
अम्यक् सा त इन्द्र ऋष्टिरस्मे सनेम्यभ्व मरुतौ जुनन्ति ।  
अग्निश्चिद्धिष्मातसे शशक्वा नापो न द्वीपं दधति प्रयासि ३  
त्वं तू न इन्द्र तं रयिं दा ओजिष्ठया दक्षिणयेव रातिम् ।

स्तुतश्च यास्तै चकनन्त वायोः स्तनं न मध्वः पीपयन्त वाजैः ४  
 त्वे राय इन्द्र तोशतमाः प्रणेतारः कस्य चिदृतायोः ।  
 ते षु शौ मरुतो मृळयन्तु ये स्मा पुरा गातूयन्तीव देवाः ५  
 प्रति प्र याहीन्द्र मीळ्हषो नृन् मृहः पार्थिवे सदेने यतस्व ।  
 अध यदैषां पृथुबुध्रास एता स्तीर्थे नार्यः पौस्यानि तस्थुः ६  
 प्रति घोराणामेतानामयासां मरुतां शृणव आयतामुपब्दिः ।  
 ये मर्त्यं पृतनायन्तमूमै ऋणावानं न पृतयन्त सगैः ७  
 त्वं मानेभ्य इन्द्र विश्वजन्या रदा मरुद्भिः शरुधो गोअग्राः ।  
 स्तवानेभिः स्तवसे देव देवै विद्यामेषं वृजनं जीरदानुम् ८

(१७०) सप्तत्युत्तरशततमं सूक्तम्

(१-५) पञ्चर्चस्यास्य सूक्तस्य (१, ३, ४) प्रथमातृतीयाचतुर्थीनामृचामिन्द्रश्चतुर्थ्या  
 अगस्त्यो वा (२, ५) द्वितीयापञ्चम्योश्च मैत्रावरुणिरगस्त्य ऋषी । इन्द्रो देवता ।

(१) प्रथमर्चो बृहती (२-४) द्वितीयादितृचस्यानुष्टुप्

(५) पञ्चम्याश्च त्रिष्टुप् छन्दांसि

न नूनमस्ति नो श्वः कस्तद् वेदु यदद्भुतम् ।  
 अन्यस्य चित्तमभि संचरेण्य मुताधीतं वि नश्यति १  
 किं न इन्द्र जिघांससि भ्रातरो मरुतस्तव ।  
 तेभिः कल्पस्व साधुया मा नः समरणे वधीः २  
 किं नो भ्रातरगस्त्य सखा सन्नति मन्यसे ।  
 विद्या हि ते यथा मनो ऽस्मभ्यमिन्न दित्ससि ३  
 अरं कृणवन्तु वेदिं समग्निमिन्धतां पुरः ।  
 तत्रामृतस्य चेतनं यज्ञं ते तनवावहै ४  
 त्वमीशिषे वसुपते वसूनां त्वं मित्राणां मित्रपते धेष्ठः ।  
 इन्द्र त्वं मरुद्भिः सं वेदस्वाध प्राशान ऋतुथा हवींषि ५

(१७१) एकसप्तत्युत्तरशततमं सूक्तम्

(१-६) षडृचस्यास्य सूक्तस्य मैत्रावरुणिरगस्त्य ऋषिः । (१-२)

प्रथमाद्वितीययोर्ऋचोर्मरुतः (३-६) तृतीयादिचतसृणाञ्च मरुत्वानिन्द्रो देवताः ।

त्रिष्टुप् छन्दः

प्रति व एना नमसाहमेमि सूक्तेन भिक्षे सुमतिं तुराणाम् ।  
 रुराणता मरुतो वेद्याभिर्नि हेळौ धत्त वि मुचध्वमश्वान् १  
 एष वः स्तोमौ मरुतो नमस्वान् हृदा तृष्टो मनसा धायि देवाः ।  
 उपेमा यातु मनसा जुषाणा यूयं हि ष्ठा नमस इद वृधासः २  
 स्तुतासौ नो मरुतौ मृळयन्तू त स्तुतो मृषवा शंभविष्ठः ।  
 ऊर्ध्वा नः सन्तु कोम्या वना न्यहानि विश्वा मरुतो जिगीषा ३  
 अस्मादहं तविषादीषमाण इन्द्राद् भिया मरुतो रेजमानः ।  
 युष्मभ्यं हव्या निशितान्यासन् तान्यारे चकृमा मृळता नः ४  
 येन मानासश्चितयन्त उस्त्रा व्युष्टिषु शर्वसा शश्वतीनाम् ।  
 स नो मरुद्भिरवृषभ श्रवौ धा उग्र उग्रेभिः स्थविरः सहोदाः ५  
 त्वं पाहीन्द्र सहीयसो नृन् भवा मरुद्भिरवयातहेळाः ।  
 सुप्रकेतेभिः सासहिर्दधानो विद्यामेषं वृजनं जीरदानुम् ६

(१७२) द्विसप्तत्युत्तरशततमं सूक्तम्

(१-३) तृचस्यास्य सूक्तस्य मैत्रावरुणिरगस्त्य ऋषिः । मरुतो देवताः ।

गायत्री छन्दः

चित्रो वोऽस्तु यामश्चित्र ऊती सुदानवः । मरुतो अहिभानवः १  
 आरे सा वः सुदानवो मरुत ऋञ्जती शरुः । आरे अश्मा यमस्यथ २  
 तृणस्कन्दस्य नु विशः परि वृङ्क्त सुदानवः । ऊर्ध्वान् नः कर्त जीवसे ३

(१७३) त्रिसप्तत्युत्तरशततमं सूक्तम्

(१-१३) त्रयोदशर्चस्यास्य सूक्तस्य मैत्रावरुणिरगस्त्य ऋषिः । इन्द्रो देवता ।

त्रिष्टुप् छन्दः

गायत् सामं नभन्यं यथा वे रर्चाम् तद् वावृधानं स्वर्वत् ।  
 गावौ धेनवौ बर्हिष्यदब्धा आ यत् सद्धानं दिव्यं विवासान् १  
 अर्चद् वृषा वृषेभिः स्वेदुहव्यै मृगो नाश्नो अति यजुर्गुर्यात् ।  
 प्र मन्दयुर्मनां गूर्त होता भरते मर्यो मिथुना यजत्रः २  
 नक्षद्धोता परि सद्य मिता यन् भरद् गर्भमा शरदः पृथिव्याः ।  
 क्रन्ददश्चो नयमानो रुवद् गौ रन्तर्दूतो न रोदसी चरद् वाक् ३  
 ता कर्मर्षतरास्मै प्र च्यौत्तानि देवयन्तौ भरन्ते ।

जुजोषदिन्द्रो दस्मवर्चा नासत्येव सुगम्यो रथेष्ठाः ४  
 तमुं हृहीन्द्रं यो ह सत्वा यः शूरो मघवा यो रथेष्ठाः ।  
 प्रतीचश्चिद् योधीयान् वृषणवान् ववृषश्चित्तमसो विहन्ता ५  
 प्र यदित्था महिना नृभ्यो अस्त्यरं रोदसी कदयेइ नास्मै ।  
 सं विव्य इन्द्रो वृजनं न भूमा भर्ति स्वधावाँ ओपशमिव द्याम् ६  
 समत्सु त्वा शूर सतामुराणं प्रपथिन्तमं परितंसुयध्यै ।  
 सजोषस इन्द्रं मदे क्षोणीः सूरिं चिद् ये अनुमदन्ति वाजैः ७  
 एवा हि ते शं सर्वना समुद्र आपो यत् त आसु मदन्ति देवीः ।  
 विश्वा ते अनु जोष्या भूद् गौः सूरिंश्चिद् यदि धिषा वेषि जनान् ८  
 असाम् यथा सुष्वार्य एन स्वभिष्टयौ नरां न शंसैः ।  
 असद् यथा न इन्द्रो वन्दनेष्ठा स्तुरो न कर्म नयमान उक्था ९  
 विष्वर्धसो नरां न शंसै रस्माकसिदिन्द्रो वज्रहस्तः ।  
 मित्रायुवो न पूर्पतिं सुशिष्टौ मध्यायुव उप शिक्षन्ति युज्ञैः १०  
 युज्ञो हि ष्मेन्द्रं कश्चिद्वन्ध जुहुराणश्चिन्मनसा परियन् ।  
 तीर्थे नाच्छां तातृषाणमोकौ दीर्घो न सिध्रमा कृणोत्यध्वा ११  
 मो षू ण इन्द्रात्र पृत्सु देवै रस्ति हि ष्मा ते शुष्मिन्नव्याः ।  
 महश्चिद् यस्य मीळहृषौ युव्या हविष्मतो मरुतो वन्दते गीः १२  
 एष स्तोम इन्द्र तुभ्यमस्मे एतेन गातुं हरिवो विदो नः ।  
 आ नो ववृत्याः सुविताय देव विद्यामेषं वृजनं जीरदानुम् १३

(१७४) चतुःसप्तत्युत्तरशततमं सूक्तम्

(१-१०) दशर्चस्यास्य सूक्तस्य मैत्रावरुणिरगस्त्य ऋषिः । इन्द्रो देवता ।

त्रिष्टुप् छन्दः

त्वं राजेन्द्र ये च देवा रक्षा नृन् पाह्यसुर त्वमस्मान् ।  
 त्वं सत्पतिर्मघवा न्स्तरुत्र स्त्वं सत्यो वसवानः सहोदाः १  
 दनो विश इन्द्र मृध्रवाचः सप्त यत् पुरः शर्म शारदीर्दत् ।  
 ऋणोरपो अनवद्याणा यूने वृत्रं पुरुकुत्साय रन्धीः २  
 अजा वृत इन्द्र शूरपत्नी द्यां च येभिः पुरुहूत नूनम् ।  
 रक्षो अग्निमशुषं तूर्वयाणं सिंहो न दमे अपांसि वस्तौः ३  
 शेषन् नु त इन्द्र सस्मिन् योनौ प्रशस्तये पवीरवस्य मुह्ना ।

सृजदण्यस्यव यद् युधा गा स्तिष्ठद्धरी धृषता मृष्ट वाजान् ४  
वह कुत्समिन्द्र यस्मिञ्चाकन् त्स्यूमन्यू ऋजा वातस्याश्वा ।  
प्र सूरश्चक्रं वृहतादभीके ऽभि स्पृधौ यासिषद् वज्रबाहुः ५  
जघन्वाँ इन्द्र मित्रेरू ओदप्रवृद्धो हरिवो अदाशून् ।  
प्र ये पश्यन्नर्यमणं सचायो स्त्वया शूर्ता वहमाना अपत्यम् ६  
रपत् कविरिन्द्रार्कसातौ क्षां दासायोपबर्हणीं कः ।  
करत् तिस्रो मघवा दानुचित्रा नि दुयोणे कुर्यवाचं मृधि श्रेत् ७  
सना ता त इन्द्र नव्या आगुः सहो नभोऽविरणाय पूर्वीः ।  
भिनत् पुरो न भिदो अदेवी ननमो वधरदेवस्य पीयोः ८  
त्वं धुनिरिन्द्र धुनिमती ऋणोरपः सीरा न स्रवन्तीः ।  
प्र यत् समुद्रमतिं शूर पर्षि पारया तुर्वशं यदु स्वस्ति ९  
त्वमस्मार्कमिन्द्र विश्वधं स्या अवृकतमो नरां नृपाता ।  
स नो विश्वासां स्पृधां सहोदा विद्यामेषं वृजनं जीरदानुम् १०

(१७५) पञ्चसप्तत्युत्तरशततमं सूक्तम्

(१-६) षडृचस्यास्य सूक्तस्य मैत्रावरुणिरगस्त्य ऋषिः । इन्द्रो देवता । (१)  
प्रथमर्चः स्कन्धोग्रीवी बृहती (२-५) द्वितीयादिचतसृणामनुष्टुप् (६) षष्ठ्याश्च  
त्रिष्टुप् छन्दांसि

मत्स्यपायि ते महः पात्रस्येव हरिवो मत्सरो मदः ।  
वृषा ते वृष्ण इन्दुर्वाजी सहस्रसातमः १  
आ नस्ते गन्तु मत्सरो वृषा मदो वरैरयः ।  
सहावाँ इन्द्र सानुसिः पृतनाषाळमर्त्यः २  
त्वं हि शूरः सनिता चोदयो मनुषो रथम् ।  
सहावान् दस्युमवृत मोषः पात्रं न शोचिषा ३  
मुषाय सूर्यं कवे चक्रमीशान् ओजसा ।  
वह शुष्णाय वधं कुत्सं वातस्याश्वैः ४  
शुष्मिन्तमो हि ते मदौ द्युमिन्तम उत क्रतुः ।  
वृत्रघ्ना वरिवोविदा मंसीष्ठा अश्वसातमः ५  
यथा पूर्वेभ्यो जरितृभ्य इन्द्र मय इवापो न तृष्यते बभूथ ।  
तामनु त्वा निविदं जोहवीमि विद्यामेषं वृजनं जीरदानुम् ६

(१७६) षट्सप्तत्युत्तरशततमं सूक्तम्

(१-६) षडचस्यास्य सूक्तस्य मैत्रावरुणिरगस्त्य ऋषिः । इन्द्रो देवता । (१-५)

प्रथमादिपञ्चार्चामनुष्टुप् (६) षष्ठ्याश्च त्रिष्टुप् छन्दसी

मत्सि॑ नो॒ वस्य॑ इष्ट॒यु इन्द्र॑मिन्द्रो॒ वृषा॑ वि॒श ।  
 ऋ॒घा॒यमा॑ण॒ इन्व॑सि॒ शत्रु॑मन्ति॒ न वि॑न्दसि १  
 तस्मि॑न्ना॒ वैश॑या॒ गि॒रो य॑ एक॒श्चर्ष॑णीनाम् ।  
 अ॒नु॒ स्व॒धा यमु॑प्यते॒ यवं॑ न च॒र्कृष॑द् वृषा॑ २  
 यस्य॑ वि॒श्वानि॑ ह॒स्तयोः॑ पञ्च॒ क्षिती॑नां वसु॑ ।  
 स्पा॒शय॑स्व॒ यो अ॒स्मधु॑ गि॒द्व्येवा॒शनि॑र्जहि ३  
 अ॒सु॒न्वन्तं॑ समं जहि॒ दूणा॑शं॒ यो न ते॑ मयः ।  
 अ॒स्मभ्य॑मस्य॒ वेद॑नं द॒द्धि सूरि॑श्चिदो॒हते॑ ४  
 आ॒वो यस्य॑ द्वि॒बर्ह॑सो ऽर्केषु॑ सा॒नुष॑गसत् ।  
 आ॒जावि॑न्द्र॒स्येन्द्रो॑ प्रा॒वो वा॒जेषु॑ वा॒जिन॑म् ५  
 यथा॑ पूर्वे॒भ्यो ज॑रि॒तृभ्य॑ इन्द्र॒ मय॑ इ॒वापो॑ न तृ॒ष्यते॑ ब्र॒भूथ॑ ।  
 ताम॑नु॒ त्वा नि॒विदं॑ जोह॒वीमि॑ वि॒द्यामे॑षं वृ॒जनं॑ जी॒रदा॑नुम् ६

(१७७) सप्तसप्तत्युत्तरशततमं सूक्तम्

(१-५) पञ्चर्चस्यास्य सूक्तस्य मैत्रावरुणिरगस्त्य ऋषिः । इन्द्रो देवता ।

त्रिष्टुप् छन्दः

आ च॑र्षणि॒प्रा वृ॑ष॒भो ज॑ना॒नां रा॒जा कृ॑ष्टी॒नां पु॑रु॒हूत॑ इन्द्रः ।  
 स्तु॒तः श्र॑व॒स्यन्न॑व॒सोप॑ म॒द्रि॒ग्युक्त्वा॑ ह॒री वृ॑ष॒णा या॑ह्य॒र्वाङ् १  
 ये ते॑ वृ॒षणो॑ वृ॒षभा॑स इन्द्र॒ ब्रह्म॑यु॒जो वृ॑ष॒रथा॑सो अ॒र्त्याः ।  
 तां आ॑ तिष्ठ॒ तेभि॑रा या॒ह्यर्वाङ्॑ ह॒वाम॑हे त्वा सु॒त इन्द्र॑ सोमै॒ २  
 आ तिष्ठ॑ रथं॒ वृष॑णं॒ वृषा॑ ते सु॒तः सोमः॑ परि॒षिक्त्वा॑ म॒धूनि॑ ।  
 यु॒क्त्वा वृ॑ष॒भ्यां वृ॑ष॒भ क्षि॑ती॒नां ह॑रि॒भ्यां या॑हि प्र॒वतो॑प॒ म॒द्रिक् ३  
 अ॒यं य॒ज्ञो दै॒वया॑ अ॒यं मि॒येध॑ इ॒मा ब्र॑ह्मा॒ण्यय॑मिन्द्र॒ सोमः॑ ।  
 स्ती॒र्णं ब॑र्हि॒रा तु श॑क्र॒ प्र या॑हि पि॒बा नि॑षद्य॒ वि मु॑चा॒ हरी॑ इ॒ह ४  
 ओ सु॑ष्टु॒त इन्द्र॑ या॒ह्यर्वा॑ ङु॒प ब्र॑ह्मा॒णि मा॑न्यस्य॒ का॒रोः ।  
 वि॒द्याम॑ व॒स्तो॒रव॑सा॒ गृ॑णन्तौ वि॒द्यामे॑षं वृ॒जनं॑ जी॒रदा॑नुम् ५

(१७८) अष्टसप्तत्युत्तरशततमं सूक्तम्

(१-५) पञ्चर्चस्यास्य सूक्तस्य मैत्रावरुणिरगस्त्य ऋषिः । इन्द्रो देवता ।

त्रिष्टुप् छन्दः

यद्ध स्या त इन्द्र श्रुष्टिरस्ति यया बभूथ जरितृभ्य ऊती ।  
मा नः कामं मह्यन्तमा ध ग्विश्वा ते अश्यां पर्याप आयोः १  
न घा राजेन्द्र आ दभन्नो या नु स्वसारा कृण्वन्त योनौ ।  
आपश्चिदस्मै सुतुका अवेषन् गर्मन् इन्द्रः सख्या वयश्च २  
जेता नृभिरिन्द्रः पृत्सु शूरः श्रोता हवन् नाधमानस्य कारोः ।  
प्रभर्ता रथं दाशुष उपाक उद्यन्ता गिरो यदि च त्मना भूत् ३  
एवा नृभिरिन्द्रः सुश्रवस्या प्रखादः पृक्षो अभि मित्रिणौ भूत् ।  
समुर्य इषः स्तवते विवाचि सत्राकरो यजमानस्य शंसः ४  
त्वया वयं मघवन्निन्द्र शत्रू नृभि ष्याम महतो मन्यमानान् ।  
त्वं त्राता त्वमु नो वृधे भू विद्यामेषं वृजनं जीरदानुम् ५

(१७९) एकोनाशीत्युत्तरशततमं सूक्तम्

(१-६) षडृचस्यास्य सूक्तस्य (१-२) प्रथमाद्वितीययोर्ऋचोर्लोपामुद्रा ऋषिका  
(३-४) तृतीयाचतुर्थयोर्मैत्रावरुणिरगस्त्यः (५-६) पञ्चमीषष्ठयोश्चागस्त्यान्तेवासी  
ब्रह्मचारी ऋषी । रतिर्देवता । (१-४, ६) प्रथमादिचतुर्ऋचां षष्ठ्याश्च त्रिष्टुप्

(५) पञ्चम्याश्च बृहती छन्दसी

पूर्वीरहं शरदः शश्रमाणा दोषा वस्तोरुषसौ जरयन्तीः ।  
मिनाति श्रियं जरिमा तनूना मध्यु नु पत्नीर्वृषणो जगम्युः १  
ये चिद्धि पूर्व ऋतसाप आसन् त्साकं देवेभिरवदन्नृतानि ।  
ते चिदवासुर्नह्यन्तमापुः समू नु पत्नीर्वृषभिर्जगम्युः २  
न मृषा श्रान्तं यदवन्ति देवा विश्वा इत् स्पृधौ अभ्यश्नवाव ।  
जयावेदत्र शतनीथमाजिं यत् सम्यञ्चा मिथुनावभ्यजाव ३  
नदस्य मा रुधतः काम आगं न्नित आजार्तो अमुतः कुतश्चित् ।  
लोपामुद्रा वृषणं नी रिणाति धीरमधीरा धयति श्वसन्तम् ४  
इमं नु सोममन्तितो हत्सु पीतमुप ब्रुवे ।  
यत् सीमागश्चकृमा तत् सु मृळतु पुलुकामो हि मर्त्यः ५

अगस्त्यः खनमानः खनित्रैः प्रजामपत्यं बलमिच्छमानः ।  
 उभौ वर्णावृषिरुग्रः पुपोष सत्या देवेष्वाशिषौ जगाम ६  
 चतुर्विंशोऽनुवाकः  
 सू० १८०-१८१

(१८०) अशीत्युत्तरशततमं सूक्तम्

(१-१०) दशर्चस्यास्य सूक्तस्य मैत्रावरुणिरगस्त्य ऋषिः । अश्विनौ देवते ।

त्रिष्टुप् छन्दः

युवो रजांसि सुयमांसो अश्वा रथो यद् वां पर्यर्णांसि दीयत् ।  
 हिरण्यया वां पुवयः पुषायन् मध्वः पिबन्ता उषसः सचेथे १  
 युवमत्यस्याव नक्षथो यद् विपत्मनो नर्यस्य प्रयज्योः ।  
 स्वसा यद् वां विश्वगूर्ती भराति वाजायेष्टै मधुपाविषे च २  
 युवं पय उस्त्रियायामधत्तं पुक्वमामायामव पूर्व्यं गोः ।  
 अन्तर्यद् वनिनो वामृतप्सू हारो न शुचिर्यजते हविष्मान् ३  
 युवं ह घर्म मधुमन्तमत्रये ऽपो न क्षोदोऽवृणीतमेषे ।  
 तद् वां नरावश्विना पश्वेष्टी रथ्यैव चक्रा प्रति यन्ति मध्वः ४  
 आ वां दानाय ववृतीय दस्त्रा गोरोहैण तौग्रयो न जित्रिः ।  
 अपः क्षोणी संचते माहिना वां जूर्णो वामक्षुरंहसो यजत्रा ५  
 नि यद् युवेथै नियुतः सुदानू उर्षे स्वधार्भिः सृजथः पुरंधिम् ।  
 प्रेषद् वेष्टद् वातो न सूरिरा महे ददे सुव्रतो न वार्जम् ६  
 वयं चिद्धि वां जरितारैः सत्या विपन्यामहे वि पुणिर्हितावान् ।  
 अधा चिद्धि ष्माश्विनावनिन्द्या पाथो हि ष्मा वृषणावन्तिदेवम् ७  
 युवां चिद्धि ष्माश्विनावनु द्यून् विरुद्रस्य प्रस्त्रवणस्य सातौ ।  
 अगस्त्यौ नरां नृषु प्रशस्तः काराधुनीव चितयत् सहस्रैः ८  
 प्र यद् वहैथे महिना रथस्य प्र स्पन्द्रा याथो मनुषो न होता ।  
 धत्तं सूरिभ्य उत वा स्वश्वयं नासत्या रयिषाचः स्याम ९  
 तं वां रथं वयमद्या हुवेम स्तोमैरश्विना सुविताय नव्यम् ।  
 अरिष्टनेमिं परि द्यामियां विद्यामेषं वृजनं जीरदानुम् १०

(१८१)



एकाशीत्युत्तरशततमं सूक्तम्

(१-६) नवर्चस्यास्य सूक्तस्य मैत्रावरुणिरगस्त्य ऋषिः । अश्विनौ देवते ।

त्रिष्टुप् छन्दः

कदु प्रेष्ठाविषां रयीणा मध्वर्यन्ता यदुन्निनीथो अपाम् ।  
अयं वा यज्ञो अकृत प्रशस्तिं वसुधित्ति अवितारा जनानाम् १  
आ वामश्वासः शुचयः पयस्पा वार्तरंहसो दिव्यासो अत्याः ।  
मनोजुवो वृषणो वीतपृष्ठा एह स्वराजो अश्विना वहन्तु २  
आ वां रथोऽवनिर्न प्रवत्वान् त्सुप्रवन्धुरः सुविताय गम्याः ।  
वृष्णाः स्थातारा मनसो जवीया नहंपूर्वो यज्ञतो धिष्ण्या यः ३  
इहेह जाता समवावशीता मरेपसा तन्वा इ नामभिः स्वैः ।  
जिष्णुवामन्यः सुमखस्य सूरिर्दिवो अन्यः सुभर्गः पुत्र ऊहे ४  
प्र वां निचेरुः ककुहो वशां अनु पिशङ्गरूपः सदनानि गम्याः ।  
हरी अन्यस्य पीपयन्त वाजैर्मथा रजास्यश्विना वि घोषैः ५  
प्र वां शरद्वान् वृषभो न निष्पाट् पूर्वोरिषश्चरति मध्व इष्णन् ।  
एवैरन्यस्य पीपयन्त वाजैर्वेषन्तीरुध्वा नद्यौ न आगुः ६  
असर्जि वां स्थविरा वेधसा गीर्बाळहे अश्विना त्रेधा क्षरन्ती ।  
उपस्तुताववतं नाधमानं यामन्नयामञ्छृणुतं हव मे ७  
उत स्या वां रुशतो वप्ससो गीस्त्रिबर्हिषि सदसि पिन्वते नृन् ।  
वृषा वां मेघो वृषणा पीपायु गोर्न सेके मनुषो दशस्यन् ८  
युवां पूषेवाश्विना पुरंधि रग्निमुषां न जरेते हविष्मान् ।  
हुवे यद् वो वरिवस्या गृणानो विद्यामेषं वृजनं जीरदानुम् ९

(१८२) द्व्यशीत्युत्तरशततमं सूक्तम्

(१-८) अष्टर्चस्यास्य सूक्तस्य मैत्रावरुणिरगस्त्य ऋषिः । अश्विनौ देवते । (१-

५, ७) प्रथमादिपञ्चर्चा सप्तम्याश्च जगती (६, ८) षष्ठ्यष्टम्योश्च त्रिष्टुप् छन्दसी

अभूदिदं वयुनमो षु भूषता रथो वृषणवान् मदता मनीषिणः ।  
धियंजिन्वा धिष्या विष्पलावसू दिवो नपाता सुकृते शुचिव्रता १  
इन्द्रतमा हि धिष्या मरुतमा दस्त्रा दंसिष्ठा रथ्या रथीतमा ।  
पूर्णं रथं वहथे मध्व आचितं तेन दाश्वासमुप याथो अश्विना २  
किमत्र दस्त्रा कृणुथः किमासाथे जनो यः कश्चिदहविर्महीयते ।

अति क्रमिष्टं जुरतं पुणेरसुं ज्योतिर्विप्राय कृणुतं वचस्यवे ३  
 जम्भयतमभितो रायतुः शुनौ हतं मृधौ विदथुस्तान्यश्विना ।  
 वाचंवाचं जरितू रत्निनीं कृत मुभा शंसं नासत्यावतुं मम ४  
 युवमेतं चक्रथुः सिन्धुषु प्लव मात्मन्वन्तं पक्षिणं तौग्रचायु कम् ।  
 येन देवत्रा मनसा निरूहथुः सुपप्तनी पैतथुः क्षोदसो महः ५  
 अवविद्धं तौग्रचमुप्स्वन्तं रनारम्भणे तमसि प्रविद्धम् ।  
 चतस्रो नावो जठलस्य जुष्टा उदश्विभ्यामिषिताः पारयन्ति ६  
 कः स्विद् वृक्षो निष्ठितो मध्ये अर्णसो यं तौग्रचो नाधितः पुर्यषस्वजत् ।  
 पूर्णा मृगस्य पतरौरिवारभ उदश्विना ऊहथुः श्रोमतायु कम् ७  
 तद् वां नरा नासत्यावनु ष्याद् यद् वां मानास उचथमवौचन् ।  
 अस्मादद्य सदसः सोम्यादा विद्यामेषं वृजनं जीरदानुम् ८

(१८३) त्र्यशीत्युत्तरशततमं सूक्तम्

(१-६) षड्चस्यास्य सूक्तस्य मैत्रावरुणिरगस्त्य ऋषिः । अश्विनौ देवते ।

त्रिष्टुप् छन्दः

तं युञ्जाथां मनसो यो जवीयान् त्रिवन्धुरो वृषणा यस्त्रिचक्रः ।  
 येनौपयाथः सुकृतौ दुरोणं त्रिधातुना पतथो विर्न पुणैः १  
 सुवृद् रथौ वर्तते यन्नभि क्षां यत् तिष्ठथः क्रतुमन्तानु पृक्षे ।  
 वपुर्वपुष्या संचतामियं गी दिवो दुहित्रोषसा सचेथे २  
 आ तिष्ठतं सुवृतं यो रथौ वा मनु वृतानि वर्तते हविष्मान् ।  
 येन नरा नासत्येषयध्यै वर्तिर्याथस्तनयायु त्मनै च ३  
 मा वां वृको मा वृकीरा दधर्षी न्मा परि वर्कतमुत माति धक्तम् ।  
 अयं वां भागो निहित इयं गी दस्त्राविमे वां निधयो मधूनाम् ४  
 युवां गोतमः पुरुमीळ्हो अत्रि दस्त्रा हवते ऽवसे हविष्मान् ।  
 दिशं न दिष्टामृजूयेव यन्ता मे हव नासत्योप यातम् ५  
 अतारिष्म तमसस्पारमस्य प्रति वां स्तोमौ अश्विनावधायि ।  
 एह यातं पृथिभिर्देवयानैर्विद्यामेषं वृजनं जीरदानुम् ६

पञ्चमोऽध्यायः व० १-३१

(१८४) चतुरशीत्युत्तरशततमं सूक्तम्

(१-६) षडृचस्यास्य सूक्तस्य मैत्रावरुणिरगस्त्य ऋषिः । अश्विनौ देवते ।

त्रिष्टुप् छन्दः

ता वा॑म॒द्य ताव॑प॒रं हु॑वेमो॒ च्छन्त्या॑मु॒षसि॑ वह्नि॒रुक्थैः॑ ।  
नास॑त्या॒ कुह॑ चि॒त् सन्ता॑व॒र्यो दि॒वो न॑पा॒ता सु॒दास्त॑राय १  
अस्मे॒ ऊ॒ षु वृ॑षणा॒ माद॑येथा॒ मुत् पु॒णीर्ह॑तमूर्म्या॒ मद॑न्ता ।  
श्रु॒तं मे॒ अच्छो॑क्तिभिर्मतीना॒ मेष्टा॑ नरा॒ निचै॑तारा च॒ कर्णैः॑ २  
श्रिये॒ पूष॑न्निषुकृते॒व दे॒वा नास॑त्या॒ वह॑तुं सूर्यायाः ।  
व॒च्यन्तै॑ वां ककुहा॒ अप्सु॑ जा॒ता यु॒गा जू॒र्णैव॑ वरुणस्य॒ भूरैः॑ ३  
अस्मे॒ सा वां॑ माध्वी रा॒तिर॑स्तु॒ स्तोमं॑ हि॒नोतं॑ मा॒न्यस्य॑ का॒रोः ।  
अनु॒ यद् वां॑ श्रव॒स्या सु॒दानू सु॒वीर्या॑य चर्ष॒णयो॑ मद॑न्ति ४  
ए॒ष वां॑ स्तोमो॒ अश्वि॑नावका॒रि मा॒नैभि॑र्मघवाना सुवृ॒क्ति ।  
या॒तं वृ॒र्तिस्त॑नयाय॒ त्मनै॑ चा॒ गस्त्यै॑ नासत्या॒ मद॑न्ता ५  
अ॒ता॒रिष्म॒ तम॑सस्पा॒रम॑स्य॒ प्रति॑ वां॒ स्तोमो॑ अश्विनावधायि ।  
ए॒ह या॒तं पृ॒थिभि॑र्दे॒व्यानै॑ वि॒द्यामे॑षं वृ॒जनं॑ जी॒रदा॑नुम् ६

(१८५) पञ्चाशीत्युत्तरशततमं सूक्तम्

(१-११) एकादशर्चस्यास्य सूक्तस्य मैत्रावरुणिरगस्त्य ऋषिः । द्यावापृथिव्यौ देवते

। त्रिष्टुप् छन्दः

क॒तरा॑ पूर्वा॒ कतरा॑प॒रायोः॑ क॒था जा॒ते क॑वयः॒ को वि॑ वे॒द ।  
वि॒श्वं त्मना॑ बिभृ॒तो यद्ध॑ नाम॒ वि वर्ते॑ते अ॒हनी॑ च॒क्रियै॑व १  
भूरि॑ द्वे अ॒चर॑न्ती चर॒न्तं पु॒द्वन्तं॑ गर्भम॒पदी॑ दधाते ।  
नि॒त्यं न॒ सूनुं॑ पि॒त्रोरु॑प॒स्थे द्या॒वा रक्ष॑तं पृथि॒वी नो॒ अभ्वा॑त् २  
अ॒ने॒हो दा॒त्रम॑दि॒तेर॒नुर्व॑ हुवे स्व॒र्वद॑व॒धं नम॑स्वत् ।  
तद् रो॑दसी॒ जन॑यतं ज॒रित्रे॑ द्या॒वा रक्ष॑तं पृथि॒वी नो॒ अभ्वा॑त् ३  
अ॒तप्य॑माने॒ अव॑साव॒न्ती अ॒नु ष्या॑म॒ रोद॑सी दे॒वपु॑त्रे ।  
उ॒भे दे॒वाना॑मु॒भयै॑भि॒रह्नां॑ द्या॒वा रक्ष॑तं पृथि॒वी नो॒ अभ्वा॑त् ४  
स॒ंगच्छ॑माने॒ युव॑ती॒ सम॑न्ते॒ स्वसा॑रा जा॒मी पि॒त्रोरु॑प॒स्थे ।  
अ॒भिजि॑घ्रन्ती॒ भुव॑नस्य॒ नाभिं॑ द्या॒वा रक्ष॑तं पृथि॒वी नो॒ अभ्वा॑त् ५  
उ॒र्वी स॒घ्नी बृ॑हती॒ ऋते॑न॒ हुवे॑ दे॒वाना॑मव॒सा ज॑नित्री ।

द॒धाते॒ ये अ॒मृतं॑ सु॒प्रती॑के द्यावा॒ रक्ष॑तं पृथि॒वी नो॒ अभ्वा॑त् ६  
 उ॒र्वी पृ॒थ्वी ब॑हु॒ले दू॒रेअ॒न्ते उ॒प॑ ब्रु॒वे न॑म॒सा यु॒ज्ञे अ॒स्मिन् ।  
 द॒धाते॒ ये सु॒भर्गे॑ सु॒प्रती॑र्ती द्यावा॒ रक्ष॑तं पृथि॒वी नो॒ अभ्वा॑त् ७  
 दे॒वान् वा॒ यच्च॑कृ॒मा क॒ञ्चि॒दागुः॑ सखा॒यं वा॒ स॒द॒मि॒ज्जास्प॑तिं वा ।  
 इ॒यं धी॒र्भूया॑ अ॒व॒यान॑मेषां द्यावा॒ रक्ष॑तं पृथि॒वी नो॒ अभ्वा॑त् ८  
 उ॒भा शं॑सा॒ न॒र्या मा॑म॒विष्टा॑ मु॒भे मा॑मू॒ती अ॒व॒सा स॑चेताम् ।  
 भू॒रि चि॒द॒र्यः सु॒दा॒स्तरा॑ये॒षा म॑द॒न्त इ॒षये॑म दे॒वाः ९  
 ऋ॒तं दि॒वे त॑द॒वोचं॑ पृथि॒व्या अ॒भि॒श्रा॒वाय॑ प्रथ॒मं सु॑मे॒धाः ।  
 पा॒ताम॑व॒द्याद् दु॑रि॒ताद॒भीकै॑ पि॒ता मा॒ता च॑ रक्ष॒ताम॑वो॒भिः १०  
 इ॒दं द्या॑वापृथि॒वी स॒त्यम॑स्तु पि॒त॒र्मा॒त॒र्यदि॒होप॑ब्रु॒वे वा॑म् ।  
 भू॒तं दे॒वाना॑म॒व॒मे अ॒वो॒भि वि॒द्यामे॑षं वृ॒जन॑ जी॒रदा॑नुम् ११

(१८६) षडशीत्युत्तरशततमं सूक्तम्

(१-११) एकादशर्चस्यास्य सूक्तस्य मैत्रावरुणिगस्त्य ऋषिः । विश्वे देवा देवताः

। त्रिष्टुप् छन्दः

आ न॒ इळा॑भिर्वि॒दथै॑ सु॒श॒स्ति वि॒श्वान॑रः स॒वि॒ता दे॒व ए॑तु ।  
 अ॒पि य॒था यु॒वानो॑ म॒त्स॒था नो॒ वि॒श्वं ज॑ग॒द॒भि॒पि॒त्वे म॑नी॒षा १  
 आ नो॒ वि॒श्व आ॒स्क्रा ग॑म॒न्तु दे॒वा मि॒त्रो अ॑र्य॒मा व॑रु॒णः स॒जोषाः॑ ।  
 भु॒वन् य॒था नो॒ वि॒श्वे वृ॑धा॒सः क॑र॒न्त॒सुषा॑हा वि॒थुरं॑ न श॒वः २  
 प्रे॒ष्ठ वो॒ अ॒ति॒थिं गृ॑णी॒षे ऽग्निं॑ श॒स्तिभि॑स्तु॒र्वणिः॑ स॒जोषाः॑ ।  
 अ॒स॒द् य॒था नो॒ व॑रु॒णः सु॒की॒र्ति॒रिष॑श्च प॑र्ष॒द॒रि॒गूर्तः॑ सूरिः ३  
 उ॒प॑ व ए॒षे न॑म॒सा जि॒गीषो॑षा॒सान॑क्ता सु॒दुधै॑व धे॒नुः ।  
 स॒मा॒ने अ॒हन् वि॒मि॒मानो॑ अ॒र्कं वि॑षु॒रूपे॑ प॒र्यसि॑ स॒स्मिन्नू॑धन् ४  
 उ॒त नो॑ ऽहि॒र्बु॒ध्यो॒ऽम॑य॒स्कः शि॑शं न पि॒प्यु॒षीव॑ वे॒ति सि॒न्धुः ।  
 येन॑ न॒पा॒त॒म॒पां जु॑ना॒म॒ मनो॑जु॒वो वृ॑ष॒णो यं॑ व॒हन्ति॑ ५  
 उ॒त न॑ ई॒ त्व॒ष्टा गु॑न्त्व॒च्छा स्म॑त् सूरि॒भिर॑भि॒पि॒त्वे स॒जोषाः॑ ।  
 आ वृ॒त्रहे॑न्द्रश्च॒र्षणि॑प्रा॒स्तुवि॑ष्ट॒मो न॒रां न॑ इ॒ह ग॑म्याः ६  
 उ॒त न॑ ई॒ म॒त॒यो ऽश्व॑यो॒गाः शि॑शं न गा॒व॒स्तरु॑णं रि॒हन्ति॑ ।  
 त॒मीं गि॒रो ज॑न॒यो न॑ प॒त्नीः सु॒र॒भिष्ट॑मं न॒रां न॑सन्त ७  
 उ॒त न॑ ई॒ म॒रु॒तौ वृ॑द्ध॒सैनाः॑ स्म॒द् रो॒द॒सी स॑म॒न॒सः स॑दन्तु ।

पृषदश्वासोऽवनयो न रथा रिशादसो मित्रयुजो न देवाः ८  
 प्र नु यदैषां महिना चिकित्रे प्र युञ्जते प्रयुजस्ते सुवृक्ति ।  
 अध यदैषां सुदिने न शरुर्विश्वमेरिणं प्रुषायन्त सेनाः ९  
 प्रो अश्विनाववै कृणुध्वं प्र पूषणं स्वतवसो हि सन्ति ।  
 अद्वेषो विष्णुर्वार्ता ऋभुक्षा अच्छा सुम्राय ववृतीय देवान् १०  
 इयं सा वो अस्मे दीधितिर्यजत्रा अपिप्राणी च सदर्नी च भूयाः ।  
 नि या देवेषु यतते वसूयुर्विद्यामेषं वृजनं जीरदानुम् ११

(१८७) सप्ताशीत्युत्तरशततमं सूक्तम्

(१-११) एकादशर्चस्यास्य सूक्तस्य मैत्रावरुणिरगस्त्य ऋषिः । अन्नं देवता । (१)

प्रथमर्चोऽनुष्टुब्गभोष्णिक (३, ५-७, ११) तृतीयायाः

पञ्चम्यादितृचस्यैकादश्याश्चानुष्टुप् (११) एकादश्या बृहती वा (२, ४, ८-१०)

द्वितीयाचतुर्थ्योरष्टम्यादितृचस्य च गायत्री छन्दांसि

पितुं नु स्तोषं मुहो धर्माणं तविषीम् ।  
 यस्य त्रितो व्योजसा वृत्रं विपर्वमर्दयत् १  
 स्वादौ पितो मधो पितो वयं त्वा ववृमहे । अस्माकमविता भव २  
 उप नः पितुवा चर शिवः शिवाभिरूतिभिः ।  
 मयोभुरद्विषेणयः सखा सुशेवो अद्वयाः ३  
 तव त्वे पितो रसा रजांस्यनु विष्टिताः ।  
 दिवि वाता इव श्रिताः ४  
 तव त्वे पितो ददतु स्तव स्वादिष्ट ते पितो ।  
 प्र स्वाद्यानो रसानां तुविग्रीवा इवेरते ५  
 त्वे पितो मुहानां देवानां मनो हितम् ।  
 अकारि चारु केतुना तवाहिमवसावधीत् ६  
 यददो पितो अर्जगन् विवस्व पर्वतानाम् ।  
 अत्रा चिन्नो मधो पितो ऽरं भुक्षाय गम्याः ७  
 यदपामोषधीनां परिशमारिशामहे । वातापि पीव इद् भव ८  
 यत् तै सोम गवाशिरो यवाशिरो भजामहे । वातापि पीव इद् भव ९  
 क्रम्भ ओषधे भव पीवो वृक्क उदारथिः । वातापि पीव इद् भव १०  
 तं त्वा वयं पितो वचोभिर्गावो न हव्या सुषूदिम ।

दे॒वेभ्य॑स्त्वा स॒ध॒माद॑ म॒स्मभ्य॑ त्वा स॒ध॒माद॑म् ११

(१८८) अष्टाशीत्युत्तरशततमं सूक्तम्

(१-११) एकादशर्चस्यास्य सूक्तस्य मैत्रावरुणिरगस्त्य ऋषिः । (१) प्रथमर्च इध्मः  
समिद्धो वाग्निः (२) द्वितीयायास्तनूनपात् (३) तृतीयाया इळः (४) चतुर्थ्या  
बर्हिः (५) पञ्चम्या देवीर्द्वारः (६) षष्ठ्या उषासानक्ता (७) सप्तम्या दैव्यौ  
होतारौ प्रचेतसौ (८) अष्टम्यास्तिस्रो देव्यः सरस्वतीळाभारत्यः (९)  
नवम्यास्त्वष्टा (१०) दशम्या वनस्पतिः (११) एकादश्याश्च स्वाहाकृतयो देवताः  
। गायत्री छन्दः

समिद्धो अ॒द्य रा॑जसि दे॒वो दे॒वैः स॑हस्रजित् । दू॒तो ह॒व्या क॒विर्व॑ह १  
त॒नून॑पादृतं य॒ते म॒ध्वा य॒ज्ञः स॑म॒ज्यते॑ । द॒धत् स॑ह॒स्त्रिणी॑रिषः २  
आ॒जुह्व॑नो न॒ ईड्यो॑ दे॒वाँ आ व॑क्षि य॒ज्ञिया॑न् । अ॒ग्रे स॑ह॒स्रसा॑ अ॒सि ३  
प्रा॒चीनं ब॑र्हिरोज॒सा स॒हस्र॑वीरमस्तृणन् । यत्रा॑दित्या वि॒राज॑थ ४  
वि॒राट् स॒म्राड् वि॒भ्वीः प्र॒भ्वी ब॑र्हीश्च भूय॑सीश्च याः । दुरो॑ घृ॒तान्य॑क्षरन् ५  
सु॒रुक्मे हि सु॒पेश॑सा ऽधि॒ श्रिया॑ वि॒राज॑तः । उ॒षासा॑वेह सौ॒दता॑म् ६  
प्र॒थमा हि सु॒वाच॑सा हो॒तारा॑ दै॒व्या क॒वी । य॒ज्ञं नो॑ यक्षतामिमम् ७  
भा॒रती॑ळे स॒रस्व॑ति या वः॒ सर्वा॑ उपब्रु॒वे । ता न॑श्चोदयत श्रिये ८  
त्वष्टा॑ रू॒पाणि॑ हि प्र॒भुः प॒शून् वि॒श्वान् त्स॑मान॒जे । तेषा॑ नः स्फा॒तिमा॑ य॒ज  
९  
उ॒प त्म॑न्या वनस्प॒ते पा॑थौ दे॒वेभ्यः॑ सृ॒ज । अ॒ग्निर्ह॑व्यानि॒ सिष्व॑दत् १०  
पु॒रोगा॑ अ॒ग्निर्दे॒वाना॑ गाय॒त्रेण॑ स॒म॒ज्यते॑ । स्वाहा॑कृतीषु रोचते ११

(१८९) एकोनवत्युत्तरशततमं सूक्तम्

(१-८) अष्टर्चस्यास्य सूक्तस्य मैत्रावरुणिरगस्त्य ऋषिः । अग्निर्देवता ।

त्रिष्टुप् छन्दः

अ॒ग्रे न॑य सु॒पथा॑ रा॒ये अ॒स्मान् वि॒श्वानि॑ दे॒व व॒युना॑नि वि॒द्वान् ।  
यु॒योध्य॑स्म॒जुह॑राणमे॒नो भूयि॑ष्ठां ते नम॑उक्तिं वि॒धेम १  
अ॒ग्रे त्वं पा॑रया न॒व्यो अ॒स्मान् त्व॒स्तिभिर॑ति॒ दुर्गा॑णि॒ विश्वा॑ ।  
पू॒श्च पृ॒थ्वी ब॑हु॒ला न॑ उ॒र्वी भ॒वा तो॑काय॒ तन॑याय॒ शं योः २  
अ॒ग्रे त्वम॑स्मद् यु॒योध्य॑मी॒वा अ॒न॒ग्नि॒त्रा अ॒भ्यम॑न्त कृ॒ष्टीः ।

पुनरस्मभ्यं सुविताय देव॒ क्षां विश्वेभिर॒मृतैर्भिर्यजत्र॑ ३  
 पा॒हि नो॑ अ॒ग्ने पा॒युभिर॒जस्रै॒रुत॑ प्रि॒ये स॒देन॒ आ शु॒शुक्वान् ।  
 मा ते॑ भ॒यं ज॒रितारं॑ यविष्ठ नूनं विदुन्माप॒रं स॒हस्वः ४  
 मा नो॑ अ॒ग्नेऽव॑ सृजो अ॒घायो॑ ऽविष्यवै रि॒पवै॑ दु॒च्छुना॑यै ।  
 मा द॒त्वते॒ दश॑ते मादते॑ नो मा री॒षते॑ स॒हसा॒वन् परा॑ दाः ५  
 वि घृ॒ त्वावाँ॑ ऋतजात यंसद् गृ॒णानो॑ अ॒ग्ने त॒न्वेऽ॒ वरू॑थम् ।  
 विश्वाद् रि॒रि॒क्षोरु॑त वा नि॒नित्सो॑ र॒भिहु॑तामसि हि दै॒व वि॒ष्पट् ६  
 त्वं ताँ॑ अ॒ग्न उ॒भया॑न् वि वि॒द्वान् वे॒षि प्र॑पित्वे मनु॒षो यज॑त्र ।  
 अ॒भि॒पित्वे॑ म॒नवे॑ शा॒स्यो भू॑र्म॒मृजे॑न्य उ॒शि॒ग्भिर्ना॑क्रः ७  
 अ॒वो॒चाम॑ नि॒वर्च॑नान्यस्मिन् मान॑स्य सूनुः स॒हसा॒ने अ॒ग्रौ ।  
 व॒यं स॒हस्र॑मृषिभिः सनेम वि॒द्यामे॒षं वृ॒जनं॑ जी॒रदा॑नुम् ८

(१६०) नवत्युत्तरशततमं सूक्तम्

(१-८) अष्टर्चस्यास्य सूक्तस्य मैत्रावरुणिगस्त्य ऋषिः । बृहस्पतिर्देवता ।

त्रिष्टुप् छन्दः

अ॒न॒र्वाणं॑ वृष॒भं म॒न्द्रजि॑ह्वं बृह॒स्पतिं॑ वर्ध॒या न॒व्यम॑कैः ।  
 गा॒थान्यः॑ सु॒रुचो॑ यस्य दे॒वा आ॑शृणवन्ति न॒वमा॑नस्य म॒र्ताः १  
 तमृ॒त्विया॑ उप॒ वाचः॑ सच॒न्ते स॒र्गो न॑ यो दै॒वय॑तामस॒र्जि ।  
 बृह॒स्पतिः॑ स ह्य॒ञ्जो व॑रा॒सि वि॒भ्वाभ॑वत् स॒मृते॑ मा॒तरि॒श्वा २  
 उ॒प॒स्तुतिं॑ नम॑स॒ उद्य॑तिं च श्लो॒कं यंस॑त् स॒विते॑व प्र॒बाहू॑ ।  
 अ॒स्य क्र॑त्वा॒हन्यो॑ऽ यो अ॒स्ति मृ॒गो न॑ भी॒मो अ॒रक्ष॑सस्तुवि॒ष्मान् ३  
 अ॒स्य श्लो॑कौ दि॒वीर्य॑ते पृ॒थिव्या॑ म॒त्यो न॑ यंसद् य॒क्षभृ॑द् वि॒चैताः॑ ।  
 मृ॒गाणां॑ न हे॒तयो॑ यन्ति चे॒मा बृह॑स्पतेरहि॒मायाँ॑ अ॒भि द्यून् ४  
 ये त्वा॑ दे॒वोस्त्रि॑कं म॒न्यमा॑नाः पा॒पा भ॑द्रमु॒पजी॑वन्ति पु॒त्राः ।  
 न दू॒ढये॑ऽ अनु॒ ददा॑सि वा॒मं बृह॑स्पते च॒र्यस॑ इत् पि॒यारुम् ५  
 सु॒प्रेतुः॑ सू॒यव॑सो न पन्था॑ दु॒र्निय॑न्तुः परि॒प्रीतो॑ न मि॒त्रः ।  
 अ॒न॒र्वाणो॑ अ॒भि ये चक्ष॑ते नो ऽपी॒वृता॑ अपो॒र्णव॑न्तौ अ॒स्थुः ६  
 सं यं स्तु॒भोऽव॑न॒यो न॑ यन्ति स॒मुद्रं॑ न स्र॒वतो॑ रो॒धच॑क्राः ।  
 स वि॒द्वाँ उ॒भयं॑ चष्टे अ॒न्त बृह॑स्पति॒स्तर॑ आप॑श्च गृ॒ध्रः ७  
 ए॒वा म॒हस्तु॑वि॒जात॑स्तुवि॒ष्मान् बृह॑स्पतिर्वृष॒भो धा॑यि दे॒वः ।

स नः स्तुतो वीरवद् धातु गोमद् विद्यामेषं वृजनं जीरदानुम् ८

(१६१) एकनवत्युत्तरशततमं सूक्तम्

(१-१६) षोडशर्चस्यास्य सूक्तस्य मैत्रावरुणिरगस्त्य ऋषिः । अमृणसूर्या देवताः ।

(१-६, १४-१६) प्रथमादिनवर्चा चतुर्दश्यादितृचस्य चानुष्टुप् (१०-१२)

दशम्यादितृचस्य महापङ्क्तिः (१३) त्रयोदश्याश्च महाबृहती छन्दांसि

कङ्कतो न कङ्कतो ऽथौ सतीनकङ्कतः ।

द्वाविति प्लुषी इति न्यश्दृष्टा अलिप्सत १

अदृष्टान् हन्त्यायत्यथौ हन्ति परायती ।

अथौ अवघ्नती हन्त्याथौ पिनष्टि पिंषती २

शरासः कुशरासो दर्भासः सैर्या उत ।

मौञ्जा अदृष्टा बैरिणाः सर्वे साकं न्यलिप्सत ३

नि गावौ गोष्ठे असदुन् नि मृगासौ अविक्षत ।

नि केतवो जनानां न्यश्दृष्टा अलिप्सत ४

एत उ त्वे प्रत्यदृश्रन् प्रदोषं तस्करा इव ।

अदृष्टा विश्वदृष्टाः प्रतिबुद्धा अभूतन ५

द्यौर्वः पिता पृथिवी माता सोमो भ्रातादितिः स्वसा ।

अदृष्टा विश्वदृष्टा स्तिष्ठतेलयता सु कम् ६

ये अस्या ये अङ्ग्याः सूचीका ये प्रकङ्कताः ।

अदृष्टाः किं चनेह वः सर्वे साकं नि जस्यत ७

उत् पुरस्तात् सूर्य एति विश्वदृष्टो अदृष्टहा ।

अदृष्टान् त्सर्वाञ्जम्भयन् त्सर्वाश्च यातुधान्यः ८

उदपप्तदसौ सूर्यः पुरु विश्वानि जूर्वन् ।

आदित्यः पर्वतेभ्यो विश्वदृष्टो अदृष्टहा ९

सूर्ये विषमा संजामि दृतिं सुरावतो गृहे ।

सो चिन्नु न मराति नो वयं मरामाऽऽरे अस्य योजनं हरिष्ठा मधु त्वा मधुला  
चकार १०

इयत्तिका शकुन्तिका सका जघास ते विषम् ।

सो चिन्नु न मराति नो वयं मरामाऽऽरे अस्य योजनं हरिष्ठा मधु त्वा मधुला  
चकार ११



त्रिः सप्त विष्पुलिङ्गका विषस्य पुष्पमक्षन् ।  
ताश्चिन्नु न मरन्ति नो वयं मरामाऽऽरे अस्य योजनं हरिष्ठा मधु त्वा मधुला  
चकार १२

नवानां नवतीनां विषस्य रोपुषीणाम् ।  
सर्वासामग्रभं नामाऽऽरे अस्य योजनं हरिष्ठा मधु त्वा मधुला चकार १३

त्रिः सप्त मयूर्यः सप्त स्वसारो अगुर्वः ।  
तास्तै विषं वि जश्निर उदकं कुम्भिनीरिव १४

इयत्तकः कुषुम्भक स्तकं इभनदम्यश्मना ।

ततौ विषं प्र वावृते पराचीरनु संवतः १५

कुषुम्भकस्तदब्रवीद् गिरेः प्रवर्तमानकः ।

वृश्चिकस्यारसं विष मरसं वृश्चिक ते विषम् १६

इति प्रथमं मण्डलं समाप्तम्

अथ द्वितीयं मण्डलम् ।  
प्रथमोऽनुवाकः । सू० १-११

(१) प्रथमं सूक्तम्

(१-१६) षोडशर्चस्यास्य सूक्तस्य शौनको गृत्समद ऋषिः । अग्निर्देवता ।

जगती छन्दः

त्वमग्ने द्युभिस्त्वमाशुशुक्षणि स्त्वमद्भ्यस्त्वमश्मनस्परि ।  
त्वं वनैभ्यस्त्वमोषधीभ्यस्त्वं नृणां नृपते जायसे शुचिः १  
तवाग्ने होत्रं तव पोत्रमृत्वियं तव नेष्टृचफट् त्वमग्निर्दृतायतः ।  
तव प्रशास्त्रं त्वमध्वरीयसि ब्रह्मा चासि गृहपतिश्च नो दमै २  
त्वमग्न इन्द्रो वृषभः सतामसि त्वं विष्णुरुरुगायो नमस्यः ।  
त्वं ब्रह्मा रयिविद् ब्रह्मणस्पते त्वं विधर्तः सचसे पुरन्ध्या ३  
त्वमग्ने राजा वरुणो धृतव्रतस्त्वं मित्रो भवसि दुस्म ईड्यः ।  
त्वमर्यमा सत्पतिर्यस्य संभुजं त्वमंशौ विदथै देव भाजयुः ४  
त्वमग्ने त्वष्टा विधते सुवीर्यं तव गावो मित्रमहः सजात्यम् ।  
त्वमाशुहेमा ररिषे स्वश्चयं त्वं नरां शर्धो असि पुरुवसुः ५  
त्वमग्ने रुद्रो असुरो महो दिवस्त्वं शर्धो मारुतं पृक्ष ईशिषे ।  
त्वं वातैरुणैर्यासि शंगयस्त्वं पूषा विधतः पांसि नु त्मना ६  
त्वमग्ने द्रविणोदा अरंकृते त्वं देवः सविता रब्रधा असि ।  
त्वं भगो नृपते वस्व ईशिषे त्वं पायुर्दमे यस्तेऽविधत् ७  
त्वमग्ने दम आ विशपतिं विशस्त्वां राजानं सुविदत्रमृञ्जते ।  
त्वं विश्वानि स्वनीक पत्यसे त्वं सहस्राणि शता दश प्रति ८  
त्वमग्ने पितरमिष्टिभिर्नस्त्वां भ्रात्राय शम्या तनूरुचम् ।  
त्वं पुत्रो भवसि यस्तेऽविधत् त्वं सर्वा सुशेवः पास्याधृषः ९  
त्वमग्न ऋभुराके नमस्यस्त्वं वाजस्य क्षुमतौ राय ईशिषे ।  
त्वं वि भास्यनु दक्षि दावने त्वं विशिक्षुरसि यज्ञमातनिः १०  
त्वमग्ने अदितिर्देव दाशुषे त्वं होत्रा भारती वर्धसे गिरा ।  
त्वमिळा शतहिमासि दक्षसे त्वं वृत्रहा वसुपते सरस्वती ११  
त्वमग्ने सुभृत उत्तमं वयस्त्वं स्पार्हे वर्ण आ संदृशि श्रियः ।  
त्वं वाजः प्रतरणो बृहन्नसि त्वं रयिर्बहुलो विश्वतस्पृथुः १२

त्वामग्र आदित्यास आस्यं त्वां जिह्वां शुचयश्चक्रिरे कवे ।  
त्वां रतिषाचौ अध्वरेषु सश्चिरे त्वे देवा हविरदन्त्याहुतम् १३  
त्वे अग्ने विश्वे अमृतांसो अद्भुह आसा देवा हविरदन्त्याहुतम् ।  
त्वया मर्तासः स्वदन्त आसुतिं त्वं गर्भौ वीरुधा जज्ञिषे शुचिः १४  
त्वं तान् त्सं च प्रति चासि मज्मना ऽग्ने सुजात प्र च देव रिच्यसे ।  
पृक्षो यदत्र महिना वि ते भुव दनु द्यावापृथिवी रोदसी उभे १५  
ये स्तोतृभ्यो गोअग्रामश्वपेशस मग्ने रतिमुपसृजन्ति सूरयः ।  
अस्माञ्च तांश्च प्र हि नेषि वस्य आ बृहद् वदेम विदथे सुवीराः १६

(२) द्वितीयं सूक्तम्

(१-१३) त्रयोदशर्चस्यास्य सूक्तस्य शौनको गृत्समद ऋषिः । अग्निर्देवता ।  
जगती छन्दः

यज्ञेन वर्धत जातवैदस मग्निं यजध्वं हविषा तना गिरा ।  
समिधानं सुप्रयसं स्वर्णं द्युक्षं होतारं वृजनैषु धूर्षदम् १  
अभि त्वा नक्तीरुषसौ ववाशिरे ऽग्ने वत्सं न स्वसरेषु धेनवः ।  
दिव इवेदरतिर्मानुषा युगा क्षपौ भासि पुरुवार संयतः २  
तं देवा बुध्रे रजसः सुदंसं दिवस्पृथिव्योरति न्यैरिरे ।  
रथमिव वेद्यं शक्रशोचिष मग्निं मित्रं न क्षितिषु प्रशंस्यम् ३  
तमुक्षमाणं रजसि स्व आ दमै चन्द्रमिव सुरुचं हार आ दधुः ।  
पृथ्याः पतरं चितयन्तमक्षभिः पाथो न पायुं जनसी उभे अनु ४  
स होता विश्वं परि भूत्वध्वरं तमु हव्यैर्मनुष ऋञ्जते गिरा ।  
हिरिशिप्रो वृधसानासु जर्भुरद् द्यौ न स्तृभिश्चितयद् रोदसी अनु ५  
स नो रेवत् समिधानः स्वस्तये संददस्वान् रयिमस्मासु दीदिहि ।  
आ नः कृणुष्व सुविताय रोदसी अग्ने हव्या मनुषो देव वीतये ६  
दा नो अग्ने बृहतो दाः सहस्रिणो दुरो न वाजं श्रुत्या अपा वृधि ।  
प्राची द्यावापृथिवी ब्रह्मणा कृधि स्वर्णं शक्रमुषसो वि दिद्युतुः ७  
स इधान उषसो राम्या अनु स्वर्णं दीदेदरुषेण भानुना ।  
होत्राभिरग्निर्मनुषः स्वध्वरो राजा विशामतिथिश्चारुयवै ८  
एवा नो अग्ने अमृतेषु पूर्य धीष्णीपाय बृहद् दिवेषु मानुषा ।  
दुहाना धेनुर्वजनैषु कारवे त्मना शतिर्न पुरुरूपमिषणि ९

व॒यम॑ग्ने अ॒र्वता॑ वा सु॒वीर्यं॑ ब्र॒ह्म॑णा वा चि॒तये॑मा॒ जनाँ॑ अ॒ति ।  
 अ॒स्माकं॑ द्यु॒मम॑धि प॒ञ्चे कृ॒ष्टिषू॒च्चा स्व॑र्णं शु॒शुची॑त दु॒ष्टर॑म् १०  
 स नो॑ बो॒धि सह॑स्य प्र॒शंस्यो॑ यस्मिन् त्सु॒जा॒ता इ॒षय॑न्त सूर॒यः ।  
 यम॑ग्ने य॒ज्ञमु॑प॒यन्ति॑ वा॒जिनो॑ नित्ये॒ तोके॑ दी॒दिवा॑सं स्वे द॒मे ११  
 उ॒भया॑सो जा॒तवे॑दः स्याम ते स्तो॒तारौ॑ अ॒ग्ने सूर॑यश्च शर्म॒णि ।  
 वस्वो॑ रा॒यः पु॑रुश्चन्द्रस्य भूय॑सः प्र॒जाव॑तः स्व॒पत्य॑स्य शग्धि नः १२  
 ये स्तो॒तृभ्यो॑ गो॒अ॒ग्राम॑श्चपेशस॒ मग्ने॑ रा॒तिमु॑पसृजन्ति सूर॒यः ।  
 अ॒स्माञ्च तांश्च॑ प्र हि ने॒षि व॒स्य आ॒ बृ॒हद् व॑देम वि॒दथे॑ सु॒वीराः॑ १३

### (३) तृतीयं सूक्तम्

(१-११) एकादशर्चस्यास्य सूक्तस्य शौनको गृत्समद ऋषिः । (१) प्रथमर्च इध्मः  
 समिद्धो वाग्निः (२) द्वितीयाया नराशंसः (३) तृतीयाया इळः (४) चतुर्थ्या  
 बर्हिः (५) पञ्चम्या देवीद्वारः (६) षष्ठ्या उषासानक्ता (७) सप्तम्या दैव्यौ  
 होतारौ प्रचेतसौ (८) अष्टम्यास्तिस्रो देव्यः सरस्वतीळाभारत्यः (९)  
 नवम्यास्त्वष्टा (१०) दशम्या वनस्पतिः (११) एकादश्याश्च स्वाहाकृतयो देवताः  
 । (१-६, ८-११) प्रथमादितृचद्वयस्य अष्टम्यादिचतुर्त्रचाञ्च त्रिष्टुप् (७) सप्तम्याश्च  
 जगती छन्दसी

समि॑द्धो अ॒ग्निर्नि॑हितः पृ॒थिव्यां॑ प्र॒त्यङ् विश्वा॑नि भुव॒नान्य॑स्थात् ।  
 होता॑ पाव॒कः प्र॒दिवः॑ सुमे॒धा दे॒वो दे॒वान् य॑जत्व॒ग्निर॑र्हन् १  
 नरा॑शंसः प्र॒ति धामा॑न्य॒ञ्जन् ति॒स्रो दि॒वः प्र॒ति म॒ह्ना स्व॒र्चिः ।  
 घृ॒तपु॑षा म॒नसा॑ ह॒व्यमु॑न्दन् मूर्ध॒न् य॒ज्ञस्य॑ स॒मन॑क्तु दे॒वान् २  
 ई॒ळितो॑ अ॒ग्ने म॒नसा॑ नो अ॒र्हन् दे॒वान् य॑क्षि मा॒नुषा॑त् पूर्॒वो अ॒द्य ।  
 स आ॑ व॒ह म॒रुतां॑ श॒र्धो अ॒च्युत॑ मिन्द्रं नरो ब॒र्हिष॑दं यजध्वम् ३  
 दे॒व ब॒र्हिर्व॑र्ध॒मानं॑ सु॒वीरं॑ स्ती॒र्णं रा॒ये सु॒भरं॑ वे॒द्यस्या॑म् ।  
 घृ॒तेना॑क्तं व॒सवः॑ सीदते॒दं वि॒श्वे दे॒वा आ॑दित्या य॒ज्ञिया॑सः ४  
 वि श्र॑यन्तामु॒र्विया॑ हूयमा॒ना द्वा॒रौ दे॒वीः सु॒प्राय॑णा नमो॒भिः ।  
 व्य॑च॒स्वती॒र्वि प्र॑थन्ताम॒जुर्या॑ व॒र्णं पु॒नाना॑ य॒शसं॑ सु॒वीर॑म् ५  
 सा॒ध्वपा॑सि स॒नता॑ न उ॒क्षिते॑ उ॒षासा॑नक्ता व॒य्यैव॑ र॒शिव॑ते ।  
 तन्तुं॑ त॒तं सं॑वयन्ती स॒मीची॑ य॒ज्ञस्य॑ पेशः सु॒दुघे॑ प॒यस्व॑ती ६  
 दै॒व्या होता॑रा प्रथ॒मा वि॒दुष्टे॑र ऋ॒जु य॑क्षतः स॒मृचा॑ व॒पुष्टे॑रा ।

देवान् यजन्तावृतुथा समञ्जतो नाभां पृथिव्या अधि सानुषु त्रिषु ७  
 सरस्वती साधर्यन्ती धियं न इळा देवी भारती विश्वतूर्तिः ।  
 तिस्रो देवीः स्वधया बहिरिद मच्छिद्रं पान्तु शरणं निषद्य ८  
 पिशङ्गरूपः सुभरौ वयोधाः श्रुष्टी वीरो जायते देवकामः ।  
 प्रजां त्वष्टा वि ष्यतु नाभिमुस्मे अथा देवानामप्येतु पार्थः ९  
 वनस्पतिरवसृजन्नृपं स्था दग्निर्हविः सूदयाति प्र धीभिः ।  
 त्रिधा समक्तं नयतु प्रजानन् देवेभ्यो दैव्यः शमितोप हव्यम् १०  
 घृतं मिमिक्षे घृतमस्य योनिं घृते श्रितो घृतम्वस्य धाम ।  
 अनुष्वधमा वह मादयस्व स्वाहाकृतं वृषभ वक्षि हव्यम् ११

(४) चतुर्थं सूक्तम्

(१-६) नवर्चस्यास्य सूक्तस्य भार्गवः सोमाहुतिर्ऋषिः । अग्निर्देवता ।

त्रिष्टुप् छन्दः

हुवे वः सुद्योत्मानं सुवृक्तिं विशामग्निमतिथिं सुप्रयसम् ।  
 मित्र इव यो दिधिषाय्यो भूद् देव आदेवे जनै जातवेदाः १  
 इमं विधन्तो अपां सधस्थै द्वितादधुर्भृगवो विद्धवाइयोः ।  
 एष विश्वान्यभ्यस्तु भूमा देवानामग्निरेरतिर्जीराश्वः २  
 अग्निं देवासो मानुषीषु विक्षु प्रियं धुः क्षेप्यन्तो न मित्रम् ।  
 स दीदयदुशतीरूर्म्या आ दक्षाय्यो यो दास्वते दम् आ ३  
 अस्य रणवा स्वस्यैव पुष्टिः संदृष्टिरस्य हियानस्य दक्षौः ।  
 वि यो भरिभ्रदोषधीषु जिह्वा मत्यो न रथ्यो दोधवीति वारान् ४  
 आ यन्मे अर्ध्वं वनदः पनन्तो शिग्भ्यो नार्मिमीत् वर्णम् ।  
 स चित्रेण चिकिते रंसु भासा जुजुवाँ यो मुहुरा युवा भूत् ५  
 आ यो वना तातृषाणो न भाति वार्षं पथा रथ्यैव स्वानीत् ।  
 कृष्णाध्वा तपू रणवश्चिकेत द्यौरिव स्मर्यमानो नभौभिः ६  
 स यो व्यस्थादभि दक्षदुर्वी पशुनैति स्वयुरगौपाः ।  
 अग्निः शोचिष्माँ अतसान्युष्णान् कृष्णव्यथिरस्वदयन्न भूम ७  
 नू ते पूर्वस्यावसो अधीतौ तृतीयै विदथे मन्म शंसि ।  
 अस्मे अग्ने संयद्वीरं बृहन्तं क्षुमन्तं वाजं स्वपत्यं रयिं दाः ८  
 त्वया यथा गृत्समुदासौ अग्ने गुहा वन्वन्त उपराँ अभि ष्युः ।

सुवीरांसो अभिमातिषाहुः स्मत् सूरिभ्यो गृणते तद् वयो धाः ६

(५) पञ्चमं सूक्तम्

(१-८) अष्टर्चस्यास्य सूक्तस्य भार्गवः सोमाहुतिर्ऋषिः । अग्निर्देवता ।

अनुष्टुप् छन्दः

होताजनिष्ट चेतनः पिता पितृभ्य ऊतयै ।  
 प्रयज्ञञ्जेन्यं वसुं शकेम वाजिनो यमम् १  
 आ यस्मिन् त्सप्त रश्मयस्तता यज्ञस्य नेतरि ।  
 मनुष्वद् दैव्यमष्टमं पोता विश्वं तदिन्वति २  
 दधन्वे वा यदीमनु वोचद् ब्रह्माणि वेरु तत् ।  
 परि विश्वानि काव्या नेमिश्चक्रमिवाभवत् ३  
 साकं हि शुचिना शुचिः प्रशास्ता क्रतुनाजनि ।  
 विद्वाँ अस्य वृता ध्रुवा वया इवानु रोहते ४  
 ता अस्य वर्णमायुवो नेष्टुः सचन्त धेनवः ।  
 कुवित् तिसृभ्य आ वरं स्वसारो या इदं ययुः ५  
 यदी मातुरुप स्वसा घृतं भरन्त्यस्थित ।  
 तासामध्वर्युरागतौ यवौ वृष्टीव मोदते ६  
 स्वः स्वायु धार्यसे कृणुतामृत्विगृत्विजम् ।  
 स्तोमं यज्ञं चादरं वनेमो ररिमा वयम् ७  
 यथा विद्वाँ अरं कर्द् विश्वेभ्यो यजतेभ्यः ।  
 अयमग्ने त्वे अपि यं यज्ञं चकृमा वयम् ८

(६) षष्ठं सूक्तम्

(१-८) अष्टर्चस्यास्य सूक्तस्य भार्गवः सोमाहुतिर्ऋषिः । अग्निर्देवता ।

गायत्री छन्दः

इमां मे अग्ने समिधं मिमामुपसदं वनेः । इमा उ षु श्रुधी गिरः १  
 अया तै अग्ने विधेमो जो नपादश्चमिष्टे । एना सूक्तेन सुजात २  
 तं त्वा गीर्भिर्गिर्वणसं द्रविणस्युं द्रविणोदः । सपर्येम सपर्यवः ३  
 स बोधि सूरिर्मघवा वसुपते वसुदावन् । युयोध्यश्मद् द्वेषांसि ४  
 स नो वृष्टिं दिवस्परि स नो वार्जमनुर्वाणम् । स नैः सहस्त्रिणीरिषः ५

ईळांनायावस्यवे यविष्ठ दूत नो गिरा । यजिष्ठ होतुरा गहि ६  
अन्तर्ह्यग् ईयसे विद्वान् जन्मोभया कवे । दूतो जन्यैव मित्र्यः ७  
स विद्वाँ आ च पिप्रयो यक्षि चिकित्व आनुषक् ।  
आ चास्मिन् त्सत्सि बर्हिषि ८

(७) सप्तमं सूक्तम्

(१-६) षडृचस्यास्य सूक्तस्य भार्गवः सोमाहुतिर्ऋषिः

। अग्निर्देवता । गायत्री छन्दः

श्रेष्ठं यविष्ठ भारता ऽग्ने द्युमन्तमा भर । वसौ पुरुस्पृहं रयिम् १  
मा नो अरातिरीशत देवस्य मर्त्यस्य च । पर्षि तस्या उत द्विषः २  
विश्वा उत त्वया वयं धारा उदन्या इव । अति गाहेमहि द्विषः ३  
शुचिः पावक वन्द्यो ऽग्ने बृहद् वि रौचसे । त्वं घृतेभिराहुतः ४  
त्वं नो असि भारता ऽग्ने वशाभिरुक्षभिः । अष्टार्पदीभिराहुतः ५  
द्रवन्नः सर्पिरासुतिः प्रतो होता वरेण्यः । सहसस्पुत्रो अबुधतः ६

(८) अष्टमं सूक्तम्

(१-६) षडृचस्यास्य सूक्तस्य शौनको गृत्समद ऋषिः । अग्निर्देवता । (१-५)

प्रथमादिपञ्चर्चा गायत्री (६) षष्ठ्याश्चानुष्टुप् छन्दसी

वाजयन्निव नू रथान् योगाँ अग्नेरुप स्तुहि । यशस्तमस्य मीळ्हृषः १  
यः सुनीथो ददाशुषै ऽजुर्यो जरयन्नरिं । चारुप्रतीक आहुतः २  
य उ श्रिया दमेष्वा दोषोषसि प्रशस्यते । यस्य वृतं न मीयते ३  
आ यः स्वर्णं भानुना चित्रो विभात्यर्चिषा । अञ्जानो अजरैरभि ४  
अत्रिमनु स्वराज्यं मुग्निमुक्थानि वावृधुः । विश्वा अधि श्रियो दधे ५  
अग्नेरिन्द्रस्य सोमस्य देवानामूतिभिर्वयम् । अरिष्यन्तः सचेमह्यभि ष्याम  
पृतन्यतः ६

षष्ठोऽध्यायः

। व० १-३ २

(९) नवमं सूक्तम्

(१-६) षडृचस्यास्य सूक्तस्य शौनको गृत्समद ऋषिः । अग्निर्देवता ।

त्रिष्टुप् छन्दः

नि होता होतृषदने विदान स्त्वेषो दीदिवाँ असदत् सुदक्षः ।  
 अदब्धव्रतप्रमतिर्वसिष्ठः सहस्रंभुरः शुचिजिह्वो अग्निः १  
 त्वं दूतस्त्वमु नः परस्पा स्त्वं वस्य आ वृषभ प्रणेता ।  
 अग्रे तोकस्य नस्तने तनूना मप्रयुच्छन् दीद्यद् बोधि गोपाः २  
 विधेम ते परमे जन्मन्त्रगे विधेम स्तोमैरवरे सुधस्थै ।  
 यस्माद् योनैरुदारिथा यजे तं प्र त्वे हवींषि जुहुरे समिद्धे ३  
 अग्रे यजस्व हविषा यजीया ऋरुष्टी देष्णमभि गृणीहि राधः ।  
 त्वं ह्यसि रयिपती रयीणां त्वं शक्रस्य वचसो मनोता ४  
 उभयं ते न क्षीयते वसव्यं दिवेदिवे जायमानस्य दस्म ।  
 कृधि क्षुमन्तं जरितारमग्रे कृधि पतिं स्वपत्यस्य रायः ५  
 सैनानीकेन सुविदत्रौ अस्मे यष्टा देवाँ आरयजिष्ठः स्वस्ति ।  
 अदब्धो गोपा उत नः परस्पा अग्रे द्युमदुत रेवद् दिदीहि ६

(१०) दशमं सूक्तम्

(१-६) षड्वचस्यास्य सूक्तस्य शौनको गृत्समद ऋषिः । अग्निर्देवता ।

त्रिष्टुप् छन्दः

जोहूत्रो अग्निः प्रथमः पितेवे ळस्पदे मनुषा यत् समिद्धः ।  
 श्रियं वसानो अमृतो विचैता मर्मजेन्यः श्रवस्यश् स वाजी १  
 श्रूया अग्निश्चित्रभानुर्हव मे विश्वाभिर्गीर्भिरमृतो विचैताः ।  
 श्यावा रथं वहतो रोहिता वो तारुषाह चक्रे विभृत्रः २  
 उत्तानायामजनयन् त्सुषूतं भुवदग्निः पुरुपेशासु गर्भः ।  
 शिरिणायां चिदक्तुना महौभि रपरीवृतो वसति प्रचैताः ३  
 जिघर्म्यग्निं हविषा घृतेन प्रतिलियन्तं भुवनानि विश्वा ।  
 पृथुं तिरश्चा वयसा बृहन्तं व्यचिष्ठमन्नै रभसं दृशानम् ४  
 आ विश्वतः प्रत्यञ्चं जिघर्म्य रक्षसा मनसा तज्जुषेत ।  
 मर्यश्रीः स्पृहयद्वर्णो अग्निर्नाभिमृशे तन्वाः जर्भुराणः ५  
 ज्ञेया भागं सहसानो वरेण त्वादूतासो मनुवद् वदेम ।  
 अनूनमग्निं जुह्वा वचस्या मधुपृचं धनसा जोहवीमि ६



(११) एकादशं सूक्तम्

(१-२१) एकविंशत्यृचस्यास्य सूक्तस्य शौनको गृत्समद ऋषिः । इन्द्रो देवता ।

(१-२०) प्रथमादिविंशत्यृचां विराट्स्थाना (२१) एकविंशत्याश्च त्रिष्टुप् छन्दसी  
श्रुधी हवमिन्द्र मा रिषण्यः स्याम ते दावने वसूनाम् ।  
इमा हि त्वामूर्जो वर्धयन्ति वसूयवः सिन्धवो न क्षरन्तः १  
सृजो महीरिन्द्र या अपिन्वः परिष्ठिता अहिना शूर पूर्वीः ।  
अमर्त्यं चिद् दासं मन्यमानं मवाभिनदुक्थैर्वावृधानः २  
उक्थेष्विन्द्र शूर येषु चाकन् तस्तोमेष्विन्द्र रुद्रियेषु च ।  
तुभ्येदेता यासु मन्दसानः प्र वायवे सिस्त्रते न शम्नाः ३  
शुभ्रं नु ते शुष्मं वर्धयन्तः शुभ्रं वज्रं बाहोर्दधानाः ।  
शुभ्रस्त्वमिन्द्र वावृधानो अस्मे दासीर्विशः सूर्येण सह्याः ४  
गुहा हितं गुह्यं गूळहमप्स्व पीवृतं मायिनं क्षियन्तम् ।  
उतो अपो द्यां तस्तुभ्वांस महन्नहि शूर वीर्येण ५  
स्तवा नु ते इन्द्र पूर्या महा न्युत स्त्वाम नूतना कृतानि ।  
स्तवा वज्रं बाहोरुशन्तं स्तवा हरी सूर्यस्य केतू ६  
हरी नु ते इन्द्र वाजयन्ता घृतश्रुतं स्वारमस्वार्ष्टाम् ।  
वि समना भूमिरप्रथिष्ठा ऽरस्त पर्वतश्चित् सरिष्यन् ७  
नि पर्वतः साद्यप्रयुच्छन् त्सं मातृभिर्वावशानो अक्रान् ।  
दूरे पारे वाणीं वर्धयन्त इन्द्रैषितां धमनिं पप्रथन् नि ८  
इन्द्रो महं सिन्धुमाशयानं मायाविनं वृत्रमस्फुरन्निः ।  
अरैजेतां रोदसी भियाने कनिक्रदतो वृष्णो अस्य वज्रात् ९  
अरौरवीद् वृष्णो अस्य वज्रो ऽमानुषं यन्मानुषो निजूर्वात् ।  
नि मायिनो दानवस्य माया अपादयत् पपिवान् त्सुतस्य १०  
पिबापिबेदिन्द्र शूर सोमं मन्दन्तु त्वा मन्दिनः सुतासः ।  
पृणन्तस्ते कुक्षी वर्धयन्ति तथा सुतः पौर इन्द्रमाव ११  
त्वे इन्द्रार्प्यभूम विप्रा धियं वनेम ऋतया सपन्तः ।  
अवस्यवो धीमहि प्रशस्तिं सद्यस्तै रायो दावने स्याम १२  
स्याम ते ते इन्द्र ये ते ऊती अवस्यव ऊर्जं वर्धयन्तः ।  
शष्मिन्तं यं चाकनाम देवा ऽस्मे रयिं रासि वीरवन्तम् १३  
रासि क्षयं रासि मित्रमस्मे रासि शर्ध इन्द्र मारुतं नः ।

स॒जोष॑सो ये च॒ मन्द॑सानाः प्र वा॒यवः॑ पा॒न्त्य॑ग्रेणीतिम् १४  
 व्यन्ति॑न्नु येषु॑ मन्द॑सान स्तृ॒पत् सोमं॑ पाहि द्र॒ह्यदि॑न्द्र ।  
 अ॒स्मान् त्सु॑ पृ॒त्स्वा त॑रु॒त्राव॑र्धयो द्यां बृ॒हद्भि॑र॒कैः १५  
 बृ॒हन्त॑ इ॒नु ये तै॑ तरु॒त्रो व॑थेभि॒र्वा सु॒ममा॑विवासान् ।  
 स्तृ॒णाना॑सौ ब॒र्हिः प॒स्त्या॑वत् त्वो॒ता इ॑दिन्द्र वा॒जम॑गमन् १६  
 उ॒ग्रेष्वि॑न्नु शूर॑ मन्द॑सानस्त्रि॒क॒द्वके॑षु पाहि॒ सोम॑मिन्द्र ।  
 प्र॒दोधु॑व॒च्छम॑श्रुषु प्री॒णानो॑ या॒हि हरि॑भ्यां सु॒तस्य॑ पी॒तिम् १७  
 धि॒ष्वा श॑र्वः शूर॑ येन॒ वृ॒त्र मु॑वाभि॒न॒द् दानु॑मौ॒र्णवा॑भम् ।  
 अ॒पावृ॑णो॒ज्योति॑राया॒य नि स॑व्यतः सा॒दि द॑स्युरिन्द्र १८  
 स॒नेम॑ ये त॒ ऊ॒तिभि॑स्तर॒न्तो वि॒श्वाः स्पृ॒ध आ॑र्येण॒ दस्यू॑न् ।  
 अ॒स्मभ्यं॑ तत् त्वा॒ष्ट्रं वि॒श्वरू॑प॒ मर॑न्धयः सा॒ख्यस्य॑ त्रि॒ताय॑ १९  
 अ॒स्य सु॑वा॒नस्य॑ म॒न्दिन॑स्त्रि॒तस्य॑ न्य॒र्बुदं॑ वावृ॒धानो॑ अस्तः ।  
 अ॒वर्त॑यत् सू॒र्यो न च॑क्रं भि॒नद् व॒लमि॑न्द्रो अ॒ङ्गिर॑स्वान् २०  
 नूनं॑ सा ते॒ प्रति॑ वरं॒ जरि॑त्रे दु॒हीय॑दिन्द्र दक्षि॒णा मु॑घोनी ।  
 शि॒क्षा स्तो॑तृभ्यो मा॒ति ध॒ग्भगौ॑ नो बृ॒हद् व॑देम वि॒दथे॑ सु॒वीराः २१  
 द्वि॒तीयोऽनु॑वाकः  
 । व० १२-२२

(१२) द्वादशं सूक्तम्

(१-१५) पञ्चदशर्चस्यास्य सूक्तस्य शौनको गृत्समद ऋषिः । इन्द्रो देवता ।

त्रिष्टुप् छन्दः

यो जा॒त ए॒व प्र॑थ॒मो म॑न॒स्वान् दे॒वो दे॒वान् क्र॑तु॒ना पु॒र्यभू॑षत् ।  
 यस्य॑ शु॒ष्माद् रो॑द॒सी अ॒भ्यसे॑तां नृ॒णस्य॑ म॒ह्ना स॒ जना॑स॒ इन्द्रः॑ १  
 यः पृ॒थि॒वीं व्य॑थ॒माना॑मदृ॒हद् यः प॑र्व॒तान् प्र॑कु॒पिताँ॑ अ॒र॑म्णात् ।  
 यो अ॒न्तरि॑क्षं वि॒ममे॑ वरी॒यो यो द्या॑मस्त॒भ्नात् स॒ जना॑स॒ इन्द्रः॑ २  
 यो ह॒त्वाहि॑मरि॒णात् स॒प्त सि॑न्धून् यो गा उ॒दाज॑द॒प॒धा व॒लस्य॑ ।  
 यो अ॒श्मनो॑र॒न्तर॑ग्निं ज॒जान॑ सं॒वृक् स॒मत्सु॑ स॒ जना॑स॒ इन्द्रः॑ ३  
 येने॒मा वि॒श्वा च्य॑व॒ना कृ॒तानि॑ यो दा॒सं वर्ण॑म॒धरं॑ गुहा॒कः ।  
 श्व॒घ्रीव॑ यो जि॒गीवाँ ल॑क्ष॒माद॑ द॒र्यः पु॒ष्टानि॑ स॒ जना॑स॒ इन्द्रः॑ ४  
 यं स्मा॑ पृ॒च्छन्ति॑ कु॒ह से॑ति॒ घो॒र मु॑तेमा॒हुर्नैषो॑ अ॒स्तीत्ये॑नम् ।

सो अर्यः पुष्टीर्विज इवा मिनाति श्रदस्मै धत्त स जनास इन्द्रः ५  
यो रधस्य चोदिता यः कृशस्य यो ब्रह्मणो नार्धमानस्य कीरेः ।  
युक्तग्राव्णो यो ऽविता सुशिप्रः सुतसौमस्य स जनास इन्द्रः ६  
यस्याश्वासः प्रदिशि यस्य गावो यस्य ग्रामा यस्य विश्वे रथासः ।  
यः सूर्यं य उषसं जजान यो अपां नेता स जनास इन्द्रः ७  
यं क्रन्दसी संयुती विह्वयेते परेऽवर उभया अमित्राः ।  
समानं चिद् रथमातस्थिवांसा नाना हवेते स जनास इन्द्रः ८  
यस्मान्न ऋते विजयन्ते जनासो यं युध्यमाना अवसे हवन्ते ।  
यो विश्वस्य प्रतिमानं बभूव यो अच्युतच्युत् स जनास इन्द्रः ९  
यः शश्वतो मध्येनो दधाना नर्मन्यमानाञ्छर्वा जघान ।  
यः शर्धते नानुददाति शृध्यां यो दस्योर्हन्ता स जनास इन्द्रः १०  
यः शम्बरं पर्वतेषु क्षियन्तं चत्वारिंश्यां शरद्यन्वविन्दत् ।  
ओजायमानं यो अहिं जघान दानुं शयानं स जनास इन्द्रः ११  
यः सप्तरींश्मर्वषभस्तुविष्मान्वासृजत् सर्तवे सप्त सिन्धून् ।  
यो रौहिणमस्फुरद् वज्रबाहुर्द्यामारोहन्तं स जनास इन्द्रः १२  
द्यावा चिदस्मै पृथिवी नमेते शुष्माच्चिदस्य पर्वता भयन्ते ।  
यः सौमपा निचितो वज्रबाहुर्यो वज्रहस्तः स जनास इन्द्रः १३  
यः सुन्वन्तमवति यः पचन्तं यः शंसन्तं यः शशमानमूती ।  
यस्य ब्रह्म वर्धनं यस्य सोमो यस्येदं राधः स जनास इन्द्रः १४  
यः सुन्वते पचते दुध आ चिद् वाजं ददर्षि स किलासि सत्यः ।  
वयं त इन्द्र विश्वर्ह प्रियासः सुवीरासो विदथमा वदेम १५

### (१३) त्रयोदशं सूक्तम्

(१-१३) त्रयोदशर्चस्यास्य सूक्तस्य शौनको गृत्समद ऋषिः । इन्द्रो देवता । (१-

१२) प्रथमादिद्वादशर्चा जगती (१३) त्रयोदश्याश्च त्रिष्टुप् छन्दसी

ऋतुर्जनित्री तस्या अपस्परि मक्षू जात आविशद् यासु वर्धते ।  
तदाहना अभवत् पिप्युषी पयो ऽशोः पीयूषं प्रथमं तदुक्थ्यम् १  
सध्रीमा यन्ति परि बिभ्रतीः पयोविश्वप्सन्त्याय प्र भरन्त भोजनम् ।  
समानो अध्वा प्रवतामनुष्यदे यस्ताकृणोः प्रथमं सास्युक्थ्यः २  
अन्वेकौ वदति यद् ददाति तद् रूपा मिनन्तदपा एक ईयते ।

विश्वा एकस्य विनुदस्ति तित्तते यस्ताकृणोः प्रथमं सास्युक्थ्यः ३  
 प्रजाभ्यः पुष्टिं विभजन्त आसते रयिमिव पृष्ठं प्रभवन्तमायते ।  
 असिन्वन् दंष्ट्रैः पितुरन्ति भोजनं यस्ताकृणोः प्रथमं सास्युक्थ्यः ४  
 अधाकृणोः पृथिवीं संदृशै दिवे यो धौतीनामहिहन्नारिणक पथः ।  
 तं त्वा स्तोमैभिरुदभिर्न वाजिनं देवं देवा अजनन् त्सास्युक्थ्यः ५  
 यो भोजनं च दयसे च वर्धन माद्रादा शुष्कं मधुमद् दुदोहिथ ।  
 स शैवधिं नि दधिषे विवस्वति विश्वस्यैक ईशिषे सास्युक्थ्यः ६  
 यः पुष्पिणीश्च प्रस्वश्च धर्मणा ऽधि दाने व्यश्वनीरधारयः ।  
 यश्चासमा अजनो दिद्युतौ दिव उरुरूवाँ अभितः सास्युक्थ्यः ७  
 यो नार्मरं सहवसुं निहन्तवे पृक्षाय च दासवैशाय चावहः ।  
 ऊर्जयन्त्या अपरिविष्टमास्य मुतैवाद्य पुरुकृत् सास्युक्थ्यः ८  
 शतं वा यस्य दश साकमाद्य एकस्य श्रुष्टौ यद्ध चोदमाविथ ।  
 अरजौ दस्युन् त्समुनब्दभीतये सुप्राव्यो अभवः सास्युक्थ्यः ९  
 विश्वेदनु रोधना अस्य पौस्यं ददुरस्मै दधिरे कृत्व वे धनम् ।  
 षळस्तभ्ना विष्टिरः पञ्च संदृशः परि पुरो अभवः सास्युक्थ्यः १०  
 सुप्रवाचनं तव वीर वीर्यं यदेकै न क्रतुना विन्दसे वसु ।  
 जातूष्टिरस्य प्र वयः सहस्वतो या चकर्थ सेन्द्र विश्वास्युक्थ्यः ११  
 अरमयः सरपसस्तराय कं तुर्वीतये च व्य्याय च स्तुतिम् ।  
 नीचा सन्तमुदनयः परावृजं प्रान्धं श्रोणं श्रवयन् त्सास्युक्थ्यः १२  
 अस्मभ्यं तद् वसो दानाय राधः समर्थयस्व बहु तै वसव्यम् ।  
 इन्द्र यच्चित्रं श्रवस्या अनु द्यून् बृहद् वदेम विदथै सुवीराः १३

(१४) चतुर्दशं सूक्तम्

(१-१२) द्वादशर्चस्यास्य सूक्तस्य शौनको गृत्समद ऋषिः । इन्द्रो देवता ।

त्रिष्टुप् छन्दः

अध्वर्यवो भरतेन्द्राय सोम मामत्रेभिः सिञ्चता मद्यमन्धः ।  
 कामी हि वीरः सदमस्य पीतिं जुहोत वृष्णे तदिदेश वष्टि १  
 अध्वर्यवो यो अपो वव्रिवांसं वृत्रं जघानाशन्यैव वृक्षम् ।  
 तस्मा एतं भरत तद्वृशाय एष इन्द्रो अर्हति पीतिमस्य २  
 अध्वर्यवो यो दृभीकं जघान यो गा उदाजदप हि वलं वः ।

तस्मा॑ एतम॒न्तरि॑द्धे न वात॒ मिन्द्रं॑ सोमै॒रोर्णु॑त॒ जूर्न॑ वस्त्रैः ३  
अध्व॑र्यवो य उर॑णं ज॒घान् नव॑ च॒ख्वांसं॑ नव॒तिं च॑ बा॒हून् ।  
यो अर्बु॑दमव॒ नीचा॑ ब॒बाधे॑ तमिन्द्रं॑ सोम॒स्य भू॑थे हि॒नोत॑ ४  
अध्व॑र्यवो यः स्व॒श्नं ज॒घान् यः शु॒ष्णाम॒शुषं॑ यो व्य॑सम् ।  
यः पि॒पुं नम॑चिं यो रु॒धिक्रां॑ तस्मा॒ इन्द्रा॑यान्ध॒सो जु॑होत ५  
अध्व॑र्यवो यः श॒तं श॒म्बर॑स्य॒ पुरौ॑ बि॒भेदा॑श्मनेव पूर्वीः ।  
यो वर्चि॑नः श॒तमिन्द्रः॑ स॒हस्रं॑ म॒पाव॑पद् भर॒ता सोम॑मस्मै ६  
अध्व॑र्यवो यः श॒तमा॑ स॒हस्रं॑ भूम्या॒ उप॑स्थेऽव॒पज्जघ॑न्वान् ।  
कुत्स॑स्या॒यो र॑ति॒थि॒गव॑स्य॒ वी॒रान् न्या॑वृ॒णग् भर॑ता सोम॑मस्मै ७  
अध्व॑र्यवो यन्नरः क॒ामया॑ध्वे श्रु॒ष्टी वह॑न्तो नश॒था तदि॑न्द्रैः ।  
गर्भ॑स्तिपूतं भरत श्रु॒ताये॒न्द्राय॑ सोमं यज्यवो जुहोत ८  
अध्व॑र्यवः कर्त॒ना श्रु॒ष्टिम॑स्मै वने नि॒पूतं॑ वन॒ उन्न॑यध्वम् ।  
जुषा॑णो ह॒स्त्यम॑भि वा॒वशे॑ व॒ इन्द्रा॑य॒ सोमं॑ म॒दिरं॑ जुहोत ९  
अध्व॑र्यवः पय॒सोध्व॑र्यथा गोः सोमै॒भिरीं॑ पृ॒णता॑ भो॒जमिन्द्र॑म् ।  
वेदा॑हम॒स्य नि॑भृतं म एतद् दि॒त्सन्तं॑ भूयौ यज॒तश्चि॑केत १०  
अध्व॑र्यवो यो दि॒व्यस्य॑ वस्वो यः पा॒र्थिव॑स्य॒ क्षम्य॑स्य॒ राजा॑ ।  
तमू॑र्दरं न पृ॒णता॑ यवे॒नेन्द्रं॑ सोमै॒भिस्तद॑पौ वो अस्तु ११  
अ॒स्मभ्यं॑ तद् व॒सो दा॑नाय॒ राधः॑ स॒मर्थ॑यस्व ब॒हु तै॑ वस॒व्यम् ।  
इन्द्र॑ यच्चि॒त्रं श्र॑व॒स्या अनु॑ द्यून् बृ॒हद् व॑देम वि॒दथै॑ सु॒वीराः॑ १२

(१५) पञ्चदशं सूक्तम्

(१-१०) दशर्चस्यास्य सूक्तस्य शौनको गृत्समद ऋषिः । इन्द्रो देवता ।

त्रिष्टुप् छन्दः

प्र घा॑ न्व॒स्य मह॑तो म॒हानि॑ स॒त्या स॒त्यस्य॑ कर॒णानि॑ वोचम् ।  
त्रि॒क॒द्रुके॑ष्वपिबत् सु॒तस्या॑ स्य मदे॒ अहि॑मिन्द्रो ज॒घान १  
अ॒व॒ंशे द्या॑मस्तभयाद् बृ॒हन्त॑ मा रोद॒सी अपृ॑णद॒न्तरि॑क्षम् ।  
स धा॑रयत् पृ॒थि॒वीं प॒प्रथ॑च्च सोम॒स्य ता॑ मद॒ इन्द्र॑श्चकार २  
सद्यै॒व प्रा॒चो वि॑ मि॒माय॑ मानै॒र्वज्रे॑ण खान्य॒तृण॑न्नदीनाम् ।  
वृ॒था॑सृजत् पृ॒थि॒भिर्दी॑र्घया॒थैः सोम॑स्य॒ ता॑ मद॒ इन्द्र॑श्चकार ३  
स प्र॒वो॒ळ्ढ॒चफ॑ढून् प॒रि॒गत्या॑ द॒भीते॑ वि॒श्वम॑धागायु॒धमि॑द्धे अ॒ग्नौ ।

सं गोभिरश्वैरसृजद् रथैभिः सोमस्य ता मद इन्द्रश्चकार ४  
 स ई महीं धुनिमेतौररम्णात् सो अस्नातृनपारयत् स्वस्ति ।  
 त उत्स्राय रयिमुभि प्र तस्थुः सोमस्य ता मद इन्द्रश्चकार ५  
 सोदञ्चं सिन्धुमरिणान्महित्वा वज्रेणान उषसः सं इंपपेष ।  
 अजवसौ जविनीभिर्विवृश्चन् त्सोमस्य ता मद इन्द्रश्चकार ६  
 स विद्वाँ अपगोहं कनीना माविर्भवन्नदतिष्ठत् परावृक् ।  
 प्रति श्रोणः स्थाद् व्ययश्नगचष्ट सोमस्य ता मद इन्द्रश्चकार ७  
 भिनद् वलमङ्गिरोभिर्गृणानो वि पर्वतस्य दृंहितान्यैरत् ।  
 रिणग्रोधांसि कृत्रिमाणयेषां सोमस्य ता मद इन्द्रश्चकार ८  
 स्वप्नेनाभ्युप्या चुमुरिं धुनिं च जघन्थ दस्युं प्र दभीतिमावः ।  
 रम्भी चिदत्र विविदे हिरण्यं सोमस्य ता मद इन्द्रश्चकार ९  
 नूनं सा ते प्रति वरं जरित्रे दुहीयदिन्द्र दक्षिणा मघोनी ।  
 शिक्ता स्तोतृभ्यो माति धग्भगौ नो बृहद् वदेम विदथे सुवीराः १०

(१६) षोडशं सूक्तम्

(१-६) नवर्चस्यास्य सूक्तस्य शौनको गृत्समद ऋषिः । इन्द्रो देवता । (१-८)

प्रथमाद्यष्टर्चा जगती (६) नवम्याश्च त्रिष्टुप् छन्दसी

प्र वः सतां ज्येष्ठतमाय सुष्टुति मग्नाविव समिधाने हविर्भै ।  
 इन्द्रमजुर्यं जरयन्तमुक्षितं सनाद् युवानुमवसे हवामहे १  
 यस्मादिन्द्राद् बृहतः किं चनेमृते विश्वान्यस्मिन् त्संभृताधि वीर्या ।  
 जठरे सोमं तन्वीर् सहो महो हस्ते वज्रं भरति शीर्षणि क्रतुम् २  
 न क्षोणीभ्यां परिभ्वै त इन्द्रियं न समुद्रैः पर्वतैरिन्द्र ते रथः ।  
 न ते वज्रमन्वश्नोति कश्चन यदाशुभिः पतसि योजना पुरु ३  
 विश्वे ह्यस्मै यजताय धृष्णवे क्रतुं भरन्ति वृषभाय सश्वते ।  
 वृषा यजस्व हविषा विदुष्टैः पिबेन्द्र सोमं वृषभेण भानुना ४  
 वृष्णः कोशः पवते मध्व ऊर्मि वृषभान्नाय वृषभाय पार्तवे ।  
 वृषणाध्वर्यू वृषभासो अद्रयो वृषणं सोमं वृषभाय सुष्वति ५  
 वृषा ते वज्र उत ते वृषा रथो वृषणा हरी वृषभाणयार्धुधा ।  
 वृष्णो मदस्य वृषभ त्वमीशिष इन्द्र सोमस्य वृषभस्य तृष्णुहि ६  
 प्र ते नावं न समने वचस्युवं ब्रह्मणा यामि सर्वनेषु दार्धृषिः ।

कुविन्नो अस्य वचसो निबोधिष दिन्द्रमुत्सं न वसुनः सिचामहे ७  
पुरा संबाधादभ्या ववृत्स्व नो धेनुर्न वृत्सं यवसस्य पिप्युषी ।  
सकृत्सु ते सुमतिभिः शतक्रतो सं पत्नीभिर्न वृषणो नसीमहि ८  
नूनं सा ते प्रति वरं जरित्रे दुहीयदिन्द्र दक्षिणा मघोनी ।  
शिक्षा स्तोतृभ्यो मारि धग्भगौ नो बृहद् वदेम विदथे सुवीराः ९

(१७) सप्तदशं सूक्तम्

(१-९) नवर्चस्यास्य सूक्तस्य शौनको गृत्समद ऋषिः । इन्द्रो देवता । (१-७)  
प्रथमादिसप्तर्चा जगती (८-९) अष्टमीनवम्योश्च त्रिष्टुप् छन्दसी  
तदस्मै नव्यमङ्गिरस्वदर्चत शुष्मा यदस्य प्रबथोदीरते ।  
विश्वा यद् गोत्रा सहसा परीवृता मदे सोमस्य दृहितान्यैरयत् १  
स भूतु यो ह प्रथमायु धार्यस ओजो मिमानो महिमानुमातिरत् ।  
शूरो यो युत्सु तन्वं परिव्यत शीर्षणि द्यां महिना प्रत्यमुञ्चत २  
अधाकृणोः प्रथमं वीर्यं महद् यदस्याग्रे ब्रह्मणा शुष्ममैरयः ।  
रथेष्ठेन हर्यश्वेन विच्युताः प्र जीरयः सिस्रते सुध्वयश्क पृथक् ३  
अधा यो विश्वा भुवनाभि मज्मने शानुकृत् प्रवया अभ्यवर्धत ।  
आद् रोदसी ज्योतिषा वहिरातनोत् सीव्यन् तमांसि दुधिता समव्ययत् ४  
स प्राचीनान् पर्वतान् दृहदोजसा ऽधराचीनमकृणोदुपामपः ।  
अधारयत् पृथिवीं विश्वधार्यस मस्तभ्नान्मायया द्यामवस्त्रसः ५  
सास्मा अरं बाहुभ्यां यं पिताकृणोद् विश्वस्मादा जनुषो वेदसस्परि ।  
येना पृथिव्यां नि क्रिर्वि शयध्यै वज्रेण हृत्यवृणक् तुविष्वणिः ६  
अमाजूरिव पित्रोः सचा सती समानादा सदसस्त्वामिये भगम् ।  
कृधि प्रकेतमुप मास्या भर दद्धि भागं तन्वोर् येन मामहः ७  
भोजं त्वामिन्द्र वयं हुवेम ददिष्टमिन्द्रापांसि वाजान् ।  
अविष्टीन्द्र चित्रया न ऊती कृधि वृषन्निन्द्र वस्यसो नः ८  
नूनं सा ते प्रति वरं जरित्रे दुहीयदिन्द्र दक्षिणा मघोनी ।  
शिक्षा स्तोतृभ्यो मारि धग्भगौ नो बृहद् वदेम विदथे सुवीराः ९

(१८) अष्टादशं सूक्तम्

(१-६) नवर्चस्यास्य सूक्तस्य शौनको गृत्समद ऋषिः । इन्द्रो देवता ।

त्रिष्टुप् छन्दः

प्रा॒ता रथो॑ नवौ॑ योजि॑ सस्त्रि॑ श्व॒तुर्यु॑गस्त्रि॒कशः॑ स॒प्तर्शिमः॑ ।  
द॒शा॒रि॒त्रो म॒नुष्यः॑ स्व॒र्षाः स इष्टि॑भिर्म॒तिभी॑ र॒ह्यो भू॒त् १  
सा॒स्मा अ॒रं प्र॒थमं॑ स द्वि॒तीयं॑ मु॒तो तृ॒तीयं॑ म॒नुषः॑ स होता॑ ।  
अ॒न्यस्या॑ ग॒र्भम॒न्य ऊँ ज॒नन्त॑ सो अ॒न्येभिः॑ स॒चते॑ जे॒न्यो वृ॒षा २  
ह॒री नु कं॑ रथ॑ इन्द्र॒स्य योज॑ मा॒यै सू॒क्तेन॑ व॒र्चसा॑ न॒र्वेन॑ ।  
मो षु॑ त्वा॒मत्र॑ ब॒हवो॑ हि वि॒प्रा नि रौर॑मन् यज॒माना॑सो अ॒न्ये ३  
आ द्वा॒भ्यां ह॒रिभ्या॑मिन्द्र या॒ह्या च॒तुर्भि॑रा षडि॒र्भूय॑मानः ।  
आष्टा॑भिर्द॒शभिः॑ सोम॒पेयं॑ म॒यं सु॒तः सु॒मख॑ मा मृ॒धस्कः॑ ४  
आ वि॒ंशत्या॑ त्रि॒ंशता॑ या॒ह्यर्वा॑डा च॒त्वारि॑ंशता॒ हरि॑भिर्यु॒जानः॑ ।  
आ प॑ञ्चा॒शता॑ सु॒रथै॑भि॒रिन्द्रा॑ ऽऽ ष॒ष्ट्या स॑प्त॒त्या सोम॑पे॒यम् ५  
आशी॑त्या न॒वत्या॑ या॒ह्यर्वा॑डा श॒तेन॑ ह॒रिभि॑रु॒ह्यमानः॑ ।  
अ॒यं हि तै॑ श॒नहो॑त्रेषु॒ सोम॑ इन्द्र॒ त्वाया॑ परि॒षिक्तो॑ म॒दाय॑ ६  
मम॑ ब्रह्मै॒न्द्र या॒ह्यच्छा॑ वि॒श्वा ह॒री धुरि॑ धि॒ष्वा रथ॑स्य ।  
पु॒त्रा हि वि॒हव्यो॑ ब॒भूथा॑ स्मि॒ञ्छूर॑ स॒र्वेने॑ मा॒दय॑स्व ७  
न म॑ इन्द्रै॒ण स॒ख्यं वि यौष॑ द॒स्मभ्य॑मस्य॒ दक्षि॑णा दुही॒त ।  
उ॒प ज्येष्ठे॑ वरू॒थे ग॒र्भस्तौ॑ प्रा॒येप्रा॑ये जिगी॒वांसः॑ स्याम ८  
नूनं॑ सा ते॒ प्रति॑ वरं॒ जरि॑त्रे दु॒हीय॑दिन्द्र॒ दक्षि॑णा म॒घोनी॑ ।  
शि॒क्षा स्तो॑तृभ्यो॒ माति॑ ध॒ग्भगौ॑ नो बृ॒हद् व॑देम वि॒दथै॑ सु॒वीराः॑ ९

(१६) एकोनविंशं सूक्तम्

(१-६) नवर्चस्यास्य सूक्तस्य शौनको गृत्समद ऋषिः । इन्द्रो देवता ।

त्रिष्टुप् छन्दः

अ॒पाय्य॑स्यान्ध॒सो म॒दाय॑ म॒नीषि॑णः सु॒वान॑स्य प्र॒यसः॑ ।  
यस्मि॑न्निन्द्रः प्र॒दि॒वि वावृ॑धान ओ॒को दु॒धे ब्र॑ह्म॒ण्यन्त॑श्च नरः॑ १  
अ॒स्य म॑न्दा॒नो म॒ध्वो व॑ज्रह॒स्तो ऽहि॑मिन्द्रो अ॒र्णोवृ॑तं वि वृ॒श्चत् ।  
प्र यद् व॒यो न स्व॑स॒राण्य॑च्छा प्र॒यासि॑ च न॒दीनां॑ च॒क्रम॑न्त २  
स माहि॑न् इन्द्रो अ॒र्णो अ॒पां पै॑रय॒दहि॑हाच्छा स॒मुद्र॑म् ।  
अ॒र्जन॑यत् सूर्यं वि॒दद् गा अ॒क्तु॑ना॒ह्ना व॒युना॑नि सा॒धत् ३



सो अ॒प्र॒ती॒नि॒ म॒न॒वे॒ पु॒रू॒षी॒न्द्रो॒ दा॒श॒द् दा॒शु॒षे॒ ह॒न्ति॒ वृ॒त्रम् ।  
स॒द्यो॒ यो नृ॒भ्यो अ॒त॒सा॒य्यो भू॒त् प॑स्प॒धाने॒भ्यः॒ सूर्य॑स्य सा॒तौ ४  
स सु॒न्व॒त इन्द्रः॑ सूर्य॒मा ऽऽ दे॒वो रि॒ण॒इ॒म॒र्त्या॒य स्त॒वान् ।  
आ यद् र॒यिं गु॒ह॒र्द॒व॒द्य॒म॒स्मै भ॒र॒दं॒शं नै॒त॒शो द॒श॒स्य॒न् ५  
स र॑न्ध॒यत् स॒दि॒वः सा॒र॒थ॒ये शु॒ष्णाम॑शुषं॒ कुर्य॑वं॒ कु॒त्सा॒य ।  
दि॒वो॒दा॒सा॒य न॒व॒तिं च॒ न॒वे॒न्द्रः पु॒रो व॒यैर॑च्छ॒म्बर॑स्य ६  
ए॒वा त॑ इन्द्रोच॒र॒थ॒म॒हे॒म श्र॒व॒स्या न॒ त्म॒ना वा॒ज॒य॒न्तः ।  
अ॒श्या॒म॒ तत् सा॒प्त॒मा॒शु॒षा॒णा न॒न॒मो व॒ध॒र॒दे॒व॒स्य पी॒योः ७  
ए॒वा तै॑ गृ॒त्स॒म॒दाः शू॒र म॒न्मा व॒स्य॒वो न॒ व॒यु॒ना॒नि त॒क्षुः ।  
ब्र॒ह्म॒ण॒य॒न्त॑ इन्द्र ते न॒वी॒य इ॒ष॒मूर्जं॑ सु॒क्षि॒तिं सु॒म्र॒म॒शुः ८  
नू॒नं सा॒ ते प्र॒ति व॒रं ज॒रि॒त्रे दु॒ही॒य॒दिन्द्र॑ दक्षि॒णा म॒घो॒नी ।  
शि॒क्षा स्तो॒तृ॒भ्यो मा॒तिं ध॒ग्भ॒गो नो बृ॒हद् व॒दे॒म वि॒दथे॑ सु॒वी॒राः ९

(२०) विंशं सूक्तम्

(१-९) नवर्चस्यास्य सूक्तस्य शौनको गृत्समद ऋषिः । इन्द्रो देवता । (१-२,  
४-९) प्रथमाद्वितीययोर्ऋचोश्चतुर्थ्यादितृचद्वयस्य च त्रिष्टुप् (३) तृतीयायाश्च  
विराड्रूपा छन्दसी

व॒यं ते॒ व॒यं इन्द्र॑ वि॒द्धि षु॒ णः॒ प्र भ॑रामहे वा॒ज॒यु॒र्न र॒थम् ।  
वि॒प॒न्य॒वो दी॒र्ध्य॒तो म॒नी॒षा सु॒म्र॒मि॒र्य॒क्ष॒न्त॒स्त्वा॒व॒तो नृ॒न् १  
त्वं न॑ इन्द्र त्वाभि॒रू॒ती त्वा॒य॒तो अ॒भि॒ष्टि॒पा॒सि ज॒ना॒न् ।  
त्व॒मि॒नो दा॒शु॒षो व॒रू॒ते त्वा॒धी॒र॒भि यो न॑क्षति त्वा २  
स नो॒ यु॒वेन्द्रो॑ ज॒ोहू॒त्रः स॒खा शि॒वो न॒रा॒म॒स्तु पा॒ता ।  
यः शंस॑न्तं यः श॑श॒मान॒मू॒ती प॒च॒न्तं च॒ स्तु॒व॒न्तं च॒ प्र॒णे॒ष॒त् ३  
त॒मु॒ स्तु॒ष इन्द्रं॑ तं गृ॒णी॒षे य॒स्मिन् पु॒रा वा॑वृ॒धुः शा॑श॒दु॒श्च ।  
स व॒स्वः का॒मं पी॒पर॑दि॒यानो॑ ब्र॒ह्म॒ण॒य॒तो नू॒त॒न॒स्या॒योः ४  
सो अ॒ङ्गि॒र॒सा॒मु॒च॒था जु॒जु॒ष्वान् ब्र॒ह्मा तू॒तो॒दिन्द्रो॑ गा॒तु॒मि॒ष्णन् ।  
मु॒ष्ण॒न्नु॒ष॒सः सूर्ये॑ण स्त॒वान् श॒न॒स्य चि॒च्छि॒श्न॒थत् पू॒र्व्या॒णि ५  
स ह॑ श्रु॒त इन्द्रो॑ ना॒म दे॒व ऊ॒र्ध्वो भु॑व॒न्म॒नु॒षे दु॒स्म॒त॒मः ।  
अ॒व प्रि॒य॒म॒र्श॒सान॒स्य सा॒ह्या ञ्छि॒रौ भ॒रद् दा॒स॒स्य स्व॒धा॒वा॒न् ६  
स वृ॒त्र॒हेन्द्रः॑ कृ॒ष्ण॒यो॒नीः पु॒रं॒द॒रो दा॒सी॒रि॒र॒य॒द् वि ।

अज॑नय॒न् मन॑वे॒ क्षाम॑प॒श्च स॒त्रा शंसं॑ यज॑मानस्य तूतोत् ७  
 तस्मै॑ तव॒स्यश्म॑नु॒ दायि॑ स॒त्रेन्द्रा॑य दे॒वेभिर॑र्णसातौ ।  
 प्रति॑ यद॒स्य व॒ज्रं बा॒ह्वोर्धु॑ ह॒त्वी द॒स्युन् पु॒र आ॑र्यसी॒र्नि ता॑रीत् ८  
 नूनं॑ सा ते प्रति॑ वरं॒ जरि॑त्रे दु॒हीयदि॑न्द्र दक्षि॑णा मु॒घोनी॑ ।  
 शि॒क्षा स्तो॒तृभ्यो॒ माति॑ ध॒ग्भगो॑ नो बृ॒हद् व॑देम वि॒दथे॑ सु॒वीराः ९

(२१) एकविंशं सूक्तम्

(१-६) षडृचस्यास्य सूक्तस्य शौनको गृत्समद ऋषिः । इन्द्रो देवता । (१-५)

प्रथमादिपञ्चर्चा जगती (६) षष्ठ्याश्च त्रिष्टुप् छन्दसी  
 विश्व॑जिते॒ धन॑जिते॒ स्व॒र्जिते॑ स॒त्राजिते॑ नृजिते॒ उर्व॑राजिते॒ ।  
 अ॒श्वजिते॑ गो॒जिते॑ अ॒ब्जिते॑ भ॒रेन्द्रा॑य सोमं॒ यज॑ताय॒ हर्य॑तम् १  
 अ॒भिभु॑वे॒ऽभिभु॑ङ्गाय॒ वन्व॑ते ऽषा॒ळ्हाय॒ सह॑मानाय वे॒धसै॑ ।  
 तुवि॑ग्रये॒ वह्नये॑ दु॒ष्टरी॑तवे स॒त्रासा॑हे नम॒ इन्द्रा॑य वोचत २  
 स॒त्रासा॑हो ज॑नभृ॒क्षो ज॑नंस॒हश्च॑व॒नो यु॒ध्मो अ॒नु जोष॑मु॒क्षितः॑ ।  
 वृ॒तंच॑यः स॒हुरि॑र्वि॒क्ष्वारि॑त इन्द्र॒स्य वोचं॑ प्र कृ॒तानि॑ वी॒र्या ३  
 अ॒ना॒नुदो॑ वृ॒षभो॑ दो॒र्धतो॑ वृ॒धो ग॑म्भीर अ॒र्ष्वो अ॒सम॑ष्टकाव्यः ।  
 र॒ध्रचो॑दः शन॒थनो॑ वी॒ळित॑स्पृथुरिन्द्रः सु॒यज्ञ उ॒षसः॑ स्व॒र्जन॑त् ४  
 य॒ज्ञेन॑ गा॒तुम॑सुरौ वि॒विद्रे॑ धि॒यो हि॒न्वा॒ना उ॒शिजो॑ मनी॒षिणः॑ ।  
 अ॒भिस्व॑रा नि॒षदा॑ गा अ॒व॒स्यव॑ इन्द्रै॒ हिन्वा॑ना द्रवि॒णान्या॑शत ५  
 इन्द्र॒ श्रेष्ठा॑नि द्रवि॒णानि॑ धेहि चि॒त्तिं दक्ष॑स्य सुभग॒त्वम॒स्मे ।  
 पोष॑ रयी॒णाम॑रि॒ष्टिं त॒नूनां॑ स्वा॒द्यानं॑ वा॒चः सु॑दि॒नत्व॑म॒हाम् ६

(२२) द्वाविंशं सूक्तम्

(१-४) चतुर्ऋचस्यास्य सूक्तस्य शौनको गृत्समद ऋषिः । इन्द्रो देवता । (१)

प्रथमर्च अष्टिः (२-४) द्वितीयादितृचस्य चातिशक्वरी

(४) चतुर्थ्या अष्टिर्वा छन्दसी

त्रि॒क॒द्रुके॑षु म॒हिषो॑ यवा॒शिरं॑ तुवि॒शुष्मं॑ स्तृ॒पत् सोम॑मपिब॒द् विष्णु॑ना सु॒तं  
 यथा॑व॒शत् ।  
 स ई॑ ममा॒द् म॒हि क॒र्म क॑र्त॒वे म॒हामु॑रं सैनं स॒श्वद् दे॒वो दे॒वं स॒त्यमि॑न्द्रं स॒त्य  
 इन्द्रुः १

अध त्विषीमाँ अभ्योजसा क्रिवि युधाभवदा रोदसी अपृणदस्य मज्मना प्र  
वावृधे ।

अर्धत्तान्यं जठरे प्रेमरिच्यत् सैन सश्वद् देवो देवं सत्यमिन्द्रं सत्य इन्दुः २  
साकं जातः क्रतुना साकमोजसा ववक्षिथ साकं वृद्धो वीर्यैः सासहिर्मृधो  
विचर्षणिः ।

दाता राधः स्तुवते काम्यं वसु सैन सश्वद् देवो देवं सत्यमिन्द्रं सत्य इन्दुः

३

तव त्यन्नर्यं नृतोऽप इन्द्र प्रथमं पूर्व्यं दिवि प्रवाच्यं कृतम् ।

यद् देवस्य शर्वसा प्रारिणा असु रिणन्नपः ।

भुवद् विश्वमभ्यादैवमोजसा विदादूर्जं शतक्रतुर्विदादिषम् ४

तृतीयोऽनुवाकः

सू० २३-३२

(२३) त्रयोविंशं सूक्तम्

(१-१६) एकोनविंशत्यृचस्यास्य सूक्तस्य शौनको गृत्समद ऋषिः । (१, ५, ६,  
११, १७, १६) प्रथमापञ्चमीनवम्येकादशीसप्तदश्येकोनविंश्यृचां ब्रह्मणस्पतिः (२-  
४, ६-८, १०, १२-१६, १८) द्वितीयादिषष्ट्यादितृचयोर्दशम्या  
द्वादश्यादिपञ्चानामष्टादश्याश्च बृहस्पतिर्देवते । (१-१४, १६-१८)

प्रथमादिचतुर्दशर्चा षोडश्यादितृचस्य च जगती (१५, १६) पञ्चदश्येकोनविंश्योश्च  
त्रिष्टुप् छन्दसी

गुणानां त्वा गुणपतिं हवामहे कविं कवीनामुपमश्रवस्तमम् ।

ज्येष्ठराजं ब्रह्मणां ब्रह्मणस्पत आ नः शृण्वन्नूतिभिः सीद सादनम् १

देवाश्चित् ते असुर्य प्रचेतसो बृहस्पते यज्ञिये भागमानशुः ।

उस्त्रा इव सूर्यो ज्योतिषा महो विश्वेषामिज्जनिता ब्रह्मणामसि २

आ विबाध्या परिरापस्तमांसि च ज्योतिष्मन्तं रथमृतस्य तिष्ठसि ।

बृहस्पते भीमममित्रदम्भनं रक्षोहणं गोत्रभिर्द स्वर्विदम् ३

सुनीतिभिर्नयसि त्रायसे जनं यस्तुभ्यं दाशान्न तमंहो अश्नवत् ।

ब्रह्मद्विषस्तपनो मन्युमीरसि बृहस्पते महि तत् तै महित्वनम् ४

न तमंहो न दुरितं कुतश्चन नारातयस्तितरुर्न द्वयाविनः ।

विश्वा इदस्माद् ध्वरसो वि बाधसे यं सुगोपा रक्षसि ब्रह्मणस्पते ५

त्वं नो गोपाः पथिकृद् विचक्षणस्तव वृताय मृतिभिर्जरामहे ।  
 बृहस्पते यो नो अभि हरो दुधे स्वा तं मर्मर्तु दुच्छुना हरस्वती ६  
 उत वा यो नो मर्चयादनागसो ऽरातीवा मर्तः सानुको वृकः ।  
 बृहस्पते अप तं वर्तया पृथः सुगं नो अस्यै देववीतये कृधि ७  
 त्रातारं त्वा तनूनां हवामहे ऽवस्पतरधिवृत्तारमस्मयुम् ।  
 बृहस्पते देवनिदो नि बर्हय मा दुरेवा उत्तरं सुम्रमुन्नशन् ८  
 त्वया वयं सुवृधा ब्रह्मणस्पते स्पार्हा वसु मनुष्या ददीमहि ।  
 या नो दूरे तळितो या अरातयो ऽभि सन्ति जम्भया ता अनुप्रसः ९  
 त्वया वयमुत्तमं धीमहे वयो बृहस्पते पप्रिणा सस्त्रिना युजा ।  
 मा नो दुःशंसौ अभिदिप्सुरीशत् प्र सुशंसा मृतिभिस्तारिषीमहि १०  
 अनानुदो वृषभो जग्मिराह्वं निष्टमा शत्रुं पृतनासु सासहिः ।  
 अर्सि सत्य ऋणया ब्रह्मणस्पत उग्रस्य चिद् दमिता वीळहर्षिणः ११  
 अदेवेन मनसा यो रिषयति शासामुग्रो मन्यमानो जिघासति ।  
 बृहस्पते मा प्रणक् तस्य नो वधो नि कर्म मन्युं दुरेवस्य शर्धतः १२  
 भरेषु हव्यो नमसोपसद्यो गन्ता वाजेषु सनिता धनधनम् ।  
 विश्वा इदुर्यो अभिदिप्स्वोर् मृधो बृहस्पतिर्वि ववर्हा रथा इव १३  
 तेजिष्ठया तपनी रक्षसस्तप ये त्वा निदे दधिरे दृष्टवीर्यम् ।  
 आविस्तत् कृष्व यदसत् त उक्थ्यं बृहस्पते वि परिरापो अर्दय १४  
 बृहस्पते अति यदुर्यो अर्हाद् द्युमद् विभाति क्रतुमज्जनैषु ।  
 यद् दीदयच्छर्वस ऋतप्रजात् तदस्मासु द्रविणं धेहि चित्रम् १५  
 मा नः स्तेनेभ्यो ये अभि बृहस्पदे निरामिणो रिपवोऽवैषु जागृधुः ।  
 आ देवानामोहते वि वर्यो हृदि बृहस्पते न पुरः साम्नौ विदुः १६  
 विश्वेभ्यो हि त्वा भुवनेभ्यस्परि त्वष्टार्जनुत् साम्नःसाम्नः कविः ।  
 स ऋणचिदृणया ब्रह्मणस्पतिर् हुहो हुन्ता मह ऋतस्य धर्तरि १७  
 तव श्रिये व्यजिहीत पर्वतो गवां गोत्रमुदसृजो यदङ्गिरः ।  
 इन्द्रेण युजा तमसा परीवृतं बृहस्पते निरपामौब्जो अर्णवम् १८  
 ब्रह्मणस्पते त्वमस्य यन्ता सूक्तस्य बोधि तनयं च जिन्व ।  
 विश्वं तद् भद्रं यदवन्ति देवा बृहद् वदेम विदथै सुवीराः १९

इति द्वितीयोष्टके षष्ठोऽध्यायः

सप्तमोऽध्यायः

। व० १-२५

(२४) चतुर्विंशं सूक्तम्

(१-१६) षोडशर्चस्यास्य सूक्तस्य शौनको गृत्समद ऋषिः । (१, १०) प्रथमर्चो

दशम्याश्च बृहस्पतिः (२-६, ११, १३-१६)

द्वितीयाद्यष्टानामेकादश्यास्त्रयोदश्यादिचतसृणाञ्च ब्रह्मणस्पतिः (१२)

द्वादश्याश्चेन्द्राब्रह्मणस्पती देवताः । (१-११, १३-१५) प्रथमाद्येकादशर्चा

त्रयोदश्यादितृचस्य च जगती (१२, १६) द्वादशीषोडश्योश्च त्रिष्टुप् छन्दसी

सेमामविद्धि प्रभृतिं य ईशिषे ऽया विधेम नवया महा गिरा ।

यथा नो मीढ्वान् त्स्त्वते सखा तव बृहस्पते सीषधः सोत नो मतिम् १

यो नन्त्वान्यनमन्नयोजसोता दर्दमन्युना शम्बराणि वि ।

प्राच्यावयदच्युता ब्रह्मणस्पति रा चाविशद् वसुमन्तं वि पर्वतम् २

तद् देवानां देवतमाय कर्त्तु मश्रश्नन् दृळ्हावदन्त वीळिता ।

उद् गा आजदभिन्द् ब्रह्मणा वलमगूहत् तमो व्यचक्षयत् स्वः ३

अश्मास्यमवतं ब्रह्मणस्पति मधुधारमभि यमोजसार्तृणत् ।

तमेव विश्वे पपिरे स्वर्दृशौ बहु साकं सिसिचुरुत्समुद्रिणम् ४

सना ता का चिद् भुवना भवीत्वा माद्भिः शरद्भिर्दुरौ वरन्त वः ।

अयतन्ता चरतो अन्यदन्यदिद् या चकार वयुना ब्रह्मणस्पतिः ५

अभिनक्षन्तो अभि ये तमानुशु निर्धिं पंणीनां परमं गुहा हितम् ।

ते विद्वांसः प्रतिचक्ष्यानृता पुन र्यते उ आयन् तदुदीयुराविशम् ६

अतावानः प्रतिचक्ष्यानृता पुन रात् आ तस्थुः कवयौ महस्पथः ।

ते बाहुभ्यां धमितमग्निमश्मनि नकिः षो अस्त्यरणो जहर्हि तम् ७

अतज्येन क्षिप्रेण ब्रह्मणस्पतिर्यत्र वष्टि प्र तदर्शनोति धन्वना ।

तस्य साध्वीरिषवो याभिरस्यति नृचक्षसो दृशये कर्णयोनयः ८

स सनयः स विनयः पुरोहितः स सुष्टुतः स युधि ब्रह्मणस्पतिः ।

चाक्ष्मो यद् वाजं भरते मती धना ऽऽदित् सूर्यस्तपति तप्यतुर्वृथा ९

विभु प्रभु प्रथमं मेहनावतो बृहस्पतेः सुविदत्राणि राध्या ।

इमा सातानि वेन्यस्य वाजिनो येन जना उभये भुञ्जते विशः १०

योऽवरे वृजनै विश्वथा विभु महाम् रणवः शर्वसा ववक्षिथ ।

स देवो देवान् प्रति पप्रथे पृथु विश्वेदु ता परिभूब्रह्मणस्पतिः ११

विश्वं सत्यं मघवाना युवोरिदा पश्चन प्र मिनन्ति वृतं वाम् ।  
 अच्छैन्द्राब्रह्मणस्पती हविर्नो ऽन्नं युजैव वाजिना जिगातम् १२  
 उताशिष्ठा अनु शृणवन्ति वह्नयः सभेयो विप्रो भरते मृती धना ।  
 वीळद्वेषा अनु वश ऋणमाददिः स ह वाजी समिथे ब्रह्मणस्पतिः १३  
 ब्रह्मणस्पतेरभवद् यथावशं सत्यो मन्युर्महि कर्मा करिष्यतः ।  
 यो गा उदाजत् स दिवे वि चाभजन् महीव रीतिः शर्वसासरत् पृथक् १४  
 ब्रह्मणस्पते सुयमस्य विश्वहा रायः स्याम रथ्योर् वयस्वतः ।  
 वीरेषु वीराँ उप पृङ्धि नस्त्वं यदीशानो ब्रह्मणा वेषि मे हवम् १५  
 ब्रह्मणस्पते त्वमस्य यन्ता सूक्तस्य बोधि तनयं च जिन्व ।  
 विश्वं तद् भद्रं यदवन्ति देवा बृहद् वदेम विदथै सुवीराः १६

(२५) पञ्चविंशं सूक्तम्

(१-५) पञ्चर्चस्यास्य सूक्तस्य शौनको गृत्समद ऋषिः । ब्रह्मणस्पतिर्देवता ।

जगती छन्दः

इन्धानो अग्निं वनवद् वनुष्यतः कृतब्रह्मा शूशुवद् रातहव्य इत् ।  
 जातेन जातमति स प्र संसृति ययं युजं कृणुते ब्रह्मणस्पतिः १  
 वीरेभिर्वीरान् वनवद् वनुष्यतो गोभी रयिं पप्रथद् बोधति त्मना ।  
 तोकं च तस्य तनयं च वर्धते ययं युजं कृणुते ब्रह्मणस्पतिः २  
 सिन्धुर्न क्षोदः शिमीवाँ ऋघायतो वृषैव वर्धिरिभि वृष्टयोजसा ।  
 अग्नेरिव प्रसितिर्नाह वर्तवे ययं युजं कृणुते ब्रह्मणस्पतिः ३  
 तस्मा अर्षन्ति दिव्या असृष्टतः स सत्त्वभिः प्रथमो गोषु गच्छति ।  
 अनिभृष्टतविषिर्हन्त्योजसा ययं युजं कृणुते ब्रह्मणस्पतिः ४  
 तस्मा इद् विश्वे धुनयन्त सिन्धवो ऽच्छिद्रा शर्म दधिरे पुरूणि ।  
 देवानां सुप्ते सुभगः स एधते ययं युजं कृणुते ब्रह्मणस्पतिः ५

(२६) षड्विंशं सूक्तम्

(१-४) चतुर्ऋचस्यास्य सूक्तस्य शौनको गृत्समद ऋषिः । ब्रह्मणस्पतिर्देवता ।

जगती छन्दः

ऋजुरिच्छंसौ वनवद् वनुष्यतो दैवयन्निददैवयन्तमभ्यसत् ।  
 सुप्रावीरिद् वनवत् पृत्सु दुष्टं यज्वेदयज्योर्वि भजाति भोजनम् १

यजस्व वीर प्र विहि मनायतो भद्रं मनः कृणुष्व वृत्रतूर्यै ।  
हविष्कृणुष्व सुभगो यथासंसि ब्रह्मणस्पतेरव आ वृणीमहे २  
स इज्जनैन स विशा स जन्मना स पुत्रैर्वार्ज भरते धना नृभिः ।  
देवानां यः पितरमाविवांसति श्रद्धामेना हविषा ब्रह्मणस्पतिम् ३  
यो अस्मै हव्यैर्घृतवद्भिरविधत् प्र तं प्राचा नयति ब्रह्मणस्पतिः ।  
उरुष्यतीमंहसो रक्षती रिषोँऽहोश्चिदस्मा उरुचक्रिरद्भुतः ४

(२७) सप्तविंशं सूक्तम्

(१-१७) सप्तदशर्चस्यास्य सूक्तस्य गृत्समदो गार्त्समदः कूर्मो वा ऋषिः ।

आदित्या देवताः । त्रिष्टुप् छन्दः

इमा गिर आदित्येभ्यो घृतसूः सनाद् राजभ्यो जुहा जुहोमि ।  
शृणोतु मित्रो अर्यमा भगौ न स्तुविजातो वरुणो दक्षो अंशः १  
इमं स्तोमं सक्रतवो मे अद्य मित्रो अर्यमा वरुणो जुषन्त ।  
आदित्यासः शुच्यो धारपूता अवृजिना अनवद्या अरिष्टाः २  
त आदित्यास उरवो गभीरा अदब्धासो दिप्सन्तो भूर्यक्षाः ।  
अन्तः पश्यन्ति वृजिनोत साधु सर्वं राजभ्यः परमा चिदन्ति ३  
धारयन्त आदित्यासो जगत् स्था देवा विश्वस्य भुवनस्य गोपाः ।  
दीर्घाधियो रक्षमाणा असुर्य मृतावानश्चर्यमाना ऋणानि ४  
विद्यामादित्या अवसो वो अस्य यदर्यमन् भुय आ चिन्मयोभु ।  
युष्माकं मित्रावरुणा प्रणीतौ परि श्वभ्रैव दुरितानि वृज्याम् ५  
सुगो हि वो अर्यमन् मित्र पन्था अनृक्षरो वरुण साधुरस्ति ।  
तेनादित्या अधि वोचता नो यच्छता नो दुष्परिहन्तु शर्म ६  
पिपर्तु नो अदिती राजपुत्रा ऽति द्वेषास्यर्यमा सुगेभिः ।  
बृहन्मित्रस्य वरुणस्य शर्मो प स्याम पुरुवीरा अरिष्टाः ७  
तिस्त्रो भूमीर्धारयन् त्रीरुत द्यून् त्रीणि वृता विदथे अन्तरैषाम् ।  
ऋतेनादित्या महि वो महित्वं तदर्यमन् वरुण मित्र चारु ८  
त्री रौचना दिव्या धारयन्त हिरण्ययाः शुच्यो धारपूताः ।  
अस्वप्रजो अनिमिषा अदब्धा उरुशंसा ऋजवे मर्त्याय ९  
त्वं विश्वेषां वरुणासि राजा ये च देवा असुर ये च मर्ताः ।  
शतं नो रास्व शरदौ विचक्षे ऽश्यामार्यूषि सुधितानि पूर्वा १०

न दक्षिणा वि चिकिते न सव्या न प्राचीनमादित्या नोत पश्चा ।  
 पाक्या चिद् वसवो धीर्या चिद् युष्मानीतो अभयं ज्योतिरश्याम् ११  
 यो राजभ्य ऋतुनिभ्यो ददाश यं वर्धयन्ति पुष्टयश्च नित्याः ।  
 स रेवान् याति प्रथमो रथेन वसुदावा विदथेषु प्रशस्तः १२  
 शुचिरपः सूयवसा अदब्ध उपेक्षेति वृद्धवयाः सुवीरः ।  
 नकिष्टं घ्नन्त्यन्तितो न दूराद् य आदित्यानां भवति प्रणीतौ १३  
 अदिते मित्र वरुणोत मृळ यद् वौ वयं चकृमा कच्चिदागः ।  
 उर्वश्यामभयं ज्योतिरिन्द्र मा नो दीर्घा अभि नशन्तमिस्राः १४  
 उभे अस्मै पीपयतः समीची दिवो वृष्टिं सुभगो नाम पुष्यन् ।  
 उभा क्षयावाजयन् याति पृत्सू भावधौ भवतः साधू अस्मै १५  
 या वौ माया अभिद्रुहै यजत्राः पाशा आदित्या रिपवे विचृत्ताः ।  
 अश्वीव तां अति येषं रथेना रिष्टा उरावा शर्मन् तस्याम १६  
 माहं मघोनो वरुण प्रियस्य भूरिदावन् आ विदं शूनमापेः ।  
 मा रायो राजन् त्सुयमादव स्थां बृहद् वदेम विदथै सुवीराः १७

(२८) अष्टाविंशं सूक्तम्

(१-११) एकादशर्चस्यास्य सूक्तस्य गृत्समदो गार्त्समदः कूर्मो वा ऋषिः । वरुणो  
देवता । त्रिष्टुप् छन्दः

इदं कवेरादित्यस्य स्वराजो विश्वानि सान्त्यभ्यस्तु मृहा ।  
 अति यो मन्द्रो यजथाय देवः सुकीर्तिं भिक्षे वरुणस्य भूरैः १  
 तव वृते सुभगासः स्याम स्वाध्यौ वरुण तुष्टुवांसः ।  
 उपायन उषसां गोमतीना मग्नयो न जरमाणा अनु द्यून् २  
 तव स्याम पुरुवीरस्य शर्मन् रुशंसस्य वरुण प्रणेतः ।  
 यूयं नः पुत्रा अदितेरदब्धा अभि क्षेमध्वं युज्याय देवाः ३  
 प्र सीमादित्यो असृजद् विधर्तां ऋतं सिन्धवो वरुणस्य यन्ति ।  
 न श्राम्यन्ति न वि मुचन्त्येते वयो न पप्सू रघुया परिज्मन् ४  
 वि मच्छ्रथाय रशनामिवागं ऋध्याम ते वरुण खामृतस्य ।  
 मा तन्तुश्छेदि वयतो धिर्य मे मा मात्रा शार्यपसः पुर ऋतोः ५  
 अपो सु म्यक्ष वरुण भियसं मत् सम्राळतावोऽनु मा गृभाय ।  
 दामैव वत्साद् वि मुमुग्ध्यंहौ नहि त्वदारे निमिषश्चनेशै ६



मा नो वृधैर्वरुण ये त इष्टा वेनः कृणवन्तमसुर भीरुन्ति ।  
मा ज्योतिषः प्रवसथानि गन्म वि षू मृधः शिश्रथो जीवसे नः ७  
नमः पुरा तै वरुणोत नून मुतापरं तुविजात ब्रवाम ।  
त्वे हि कं पर्वते न श्रिता न्यप्रच्युतानि दूळभ वृतानि ८  
परं ऋणा सावीरध मत्कृतानि माहं राजन्नन्यकृतेन भोजम् ।  
अव्युष्टा इन्नु भूयसीरुषास आ नो जीवान् वरुण तासु शाधि ९  
यो मै राजन् युज्यो वा सखा वा स्वप्ने भयं भीरवे मह्यमाह ।  
स्तेनो वा यो दिप्सति नो वृको वा त्वं तस्माद् वरुण पाह्यस्मान् १०  
माहं मघोनो वरुण प्रियस्य भूरिदावन् आ विदं शूनमापेः ।  
मा रायो राजन् त्सुयमादव स्थां बृहद् वदेम विदथे सुवीराः ११

(२६) एकोनत्रिंशं सूक्तम्

(१-७) सप्तर्चस्यास्य सूक्तस्य गृत्समदो गार्त्समदः कूर्मो वा ऋषिः । विश्वे देवा  
देवताः । त्रिष्टुप् छन्दः

धृत्वता आदित्या इषिरा आरे मत् कर्त रहसूरिवागः ।  
शृण्वतो वो वरुण मित्र देवा भद्रस्य विद्वाँ अवसे हुवे वः १  
यूयं देवाः प्रमतिर्युयमोजौ यूयं द्वेषांसि सनुतर्युयोत ।  
अभिज्ञतारौ अभि च क्षमध्व मद्या च नो मृळयतापरं च २  
किम् नु वः कृणवामापरेण किं सनेन वसव आप्येन ।  
यूयं नो मित्रावरुणादिते च स्वस्तिमिन्द्रामरुतो दधात ३  
हृये देवा यूयमिदापर्यः स्थ ते मृळत नाधमानाय मह्यम् ।  
मा वो रथो मध्यमवाळते भून्मा युष्मावत्स्वापिषु श्रमिष्म ४  
प्र व एकौ मिमय भूर्यागो यन्मा पितेव कितवं शशास ।  
आरे पाशा आरे अघानि देवा मा माधि पुत्रे विमिव ग्रभीष्ट ५  
अर्वाञ्चौ अद्या भवता यजत्रा आ वो हार्दि भयमानो व्ययेयम् ।  
त्राध्वं नो देवा निजुरो वृकस्य त्राध्वं कर्तादिवपदो यजत्राः ६  
माहं मघोनो वरुण प्रियस्य भूरिदावन् आ विदं शूनमापेः ।  
मा रायो राजन् त्सुयमादव स्थां बृहद् वदेम विदथे सुवीराः ७

(३०) त्रिंशं सूक्तम्

(१-११) एकादशर्चस्यास्य सूक्तस्य शौनको गृत्समद ऋषिः । (१-५, ७, ८, १०)  
प्रथमादिपञ्चर्चा सप्तम्या अष्टम्या उत्तरार्धर्चस्य दशम्याश्चेन्द्रः (६) षष्ठ्या इन्द्रासोमौ  
(८) अष्टम्या पूर्वार्धर्चस्य सरस्वती (९) नवम्या बृहस्पतिः (११) एकादश्याश्च  
मरुतो देवताः । (१-१०) प्रथमादिदशर्चा त्रिष्टुप् (११) एकादश्याश्च जगती

छन्दसी

ऋतं देवाय कृण्वते सवित्र इन्द्रायाहिघ्ने न रमन्त आपः ।  
अहरहर्यात्यक्तुरपां कियत्या प्रथमः सर्ग आसाम् १  
यो वृत्राय सिनुमत्राभरिष्यत् प्र तं जनित्री विदुष उवाच ।  
पथो रदन्तीरनु जोषमस्मै दिवेदिवे धुनयो यन्त्यर्थम् २  
ऊर्ध्वो ह्यस्थादध्यन्तरिक्षे ऽधा वृत्राय प्र वधं जभार ।  
मिहं वसानु उप हीमदुद्रोत् तिग्मायुधो अजयच्छत्रुमिन्द्रः ३  
बृहस्पते तपुषाश्नैव विध्य वृकद्वरसो असुरस्य वीरान् ।  
यथा जघन्थ धृषता पुरा चि देवा जहि शत्रुमस्माकमिन्द्र ४  
अव क्षिप दिवो अश्मानमुच्चा येन शत्रुं मन्दसानो निजूर्वाः ।  
तोकस्य सातौ तनयस्य भूरै रस्माँ अर्धं कृणुतादिन्द्र गोनाम् ५  
प्र हि क्रतुं वृहथो यं वनुथो रधस्य स्थो यजमानस्य चोदौ ।  
इन्द्रासोमा युवमस्माँ अविष्ट मस्मिन् भयस्थे कृणुतमु लोकम् ६  
न मा तमन्न श्रमन्नोत तन्द्र न्न वौचाम मा सुनोतेति सोमम् ।  
यो मै पृणाद् यो ददुद् यो निबोधाद् यो मा सुन्वन्तमुप गोभिरायत् ७  
सरस्वति त्वमस्माँ अविद्धि मरुत्वती धृषती जैषि शत्रून् ।  
त्यं चिच्छर्धन्तं तविषीयमाणं मिन्द्रौ हन्ति वृषभं शशिर्दकानाम् ८  
यो नः सनुत्य उत वा जिघ्रुर भिरव्याय तं तिगितेन विध्य ।  
बृहस्पत आयुधैर्जैषि शत्रून् द्रुहे रीषन्तं परि धेहि राजन् ९  
अस्माकैभिः सत्वभिः शूर शूरै र्वीर्या कृधि यानि ते कर्त्वानि ।  
ज्योग्भूवन्ननुधूपितासो हृत्वी तेषामा भरा नो वसूनि १०  
तं वः शर्धं मारुतं सुम्रयुर्गिरो प ब्रुवे नमसा दैव्यं जनम् ।  
यथा रयिं सर्ववीरं नशामहा अपत्यसाचं श्रुत्य दिवेदिवे ११

(३१) एकत्रिंशं सूक्तम्

(१-७) सप्तर्चस्यास्य सूक्तस्य शौनको गृत्समद ऋषिः । विश्वे देवा देवताः ।

(१-६) प्रथमादिषडृचां जगती (७) सप्तम्याश्च त्रिष्टुप् छन्दसी  
अस्माकं मित्रावरुणावतुं रथं मादित्यै रुद्रैर्वसुभिः सचाभुवा ।  
प्र यद् वयो न पतन्वस्मन्स्पारि श्रवस्यवो हृषीवन्तो वनर्षदः १  
अर्धं स्मा न उदवता सजोषसो रथं देवासो अभि विक्षु वाजयुम् ।  
यदाशवः पद्याभिस्तित्रतो रजः पृथिव्याः सानौ जङ्घनन्त पाणिभिः २  
उत स्य न इन्द्रो विश्वचर्षणि दिवः शर्धेन मारुतेन सुक्रतुः ।  
अनु नु स्थात्यवृकाभिरूतिभी रथं महे सनये वाजसातये ३  
उत स्य देवो भुवनस्य सक्षणि स्त्वष्टा ग्राभिः सजोषा जूजुवद् रथम् ।  
इळा भगौ बृहद्विवोत रोदसी पूषा पुरंधिरश्विनावधा पती ४  
उत त्ये देवी सुभगै मिथूदृशो षासानक्ता जगतामपीजुवा ।  
स्तुषे यद् वा पृथिवि नव्यसा वचः स्थातुश्च वयस्त्रिवया उपस्तिरे ५  
उत वः शंसमुशिजामिव श्म स्यहिर्बुध्योऽज एकपादुत ।  
त्रित ऋभुक्ताः सविता चनो दधे ऽपां नपादाशहेमा धिया शमि ६  
एता वो वश्मयुद्यता यजत्रा अतक्षन्नायवो नव्यसे सम् ।  
श्रवस्यवो वाजं चकानाः सप्तिर्न रथ्यो अहं धीतिमश्याः ७

### (३२) द्वात्रिंशं सूक्तम्

(१-८) अष्टर्चस्यास्य सूक्तस्य शौनको गृत्समद ऋषिः । (१) प्रथमर्चो  
द्यावापृथिव्यौ (२-३) द्वितीयातृतीययोरिन्द्रस्त्वष्टा वा (४-५) चतुर्थीपञ्चम्यो  
राका (६-७) षष्ठीसप्तम्योः सिनीवाली (८) अष्टम्याश्च लिङ्गोक्ता देवताः ।  
(१-५) प्रथमादिपञ्चर्चा जगती (६-८) षष्ठ्यादितृचस्य चानुष्टुप् छन्दसी  
अस्य मै द्यावापृथिवी ऋतायतो भूतमवित्री वचसः सिषासतः ।  
ययोरायुः प्रतरं ते इदं पुर उपस्तुते वसूयुवा महो दधे १  
मा नो गुह्या रिपं आयोरहन् दभन् मा न आभ्यो रीरधो दुच्छुनाभ्यः ।  
मा नो वि यौः सख्या विद्धि तस्य नः सुम्रायता मनसा तत् त्वेमहे २  
अहैळता मनसा श्रुष्टिमा वह दुहानां धेनुं पिप्युषीमसश्चतम् ।  
पद्याभिराशुं वचसा च वाजिनं त्वां हिनोमि पुरुहूत विश्वहा ३  
राकामहं सुहवां सुष्टुती हवे शृणोतु नः सुभगा बोधतु त्मना ।  
सीव्यत्वर्पः सूच्याच्छिद्यमानया ददातु वीरं शतदायमुक्थ्यम् ४  
यास्तै राके सुमतयः सुपेशसो याभिर्ददासि दाशुषे वसूनि ।

ताभिर्नो अद्य सुमना उपागहि सहस्रपोषं सुभगे रराणा ५  
 सिनीवालि पृथुष्टुके या देवानामसि स्वसा ।  
 जुषस्व हव्यमाहुतं प्रजां दैवि दिदिष्टि नः ६  
 या सुबाहुः स्वङ्गुरिः सुषूमा बहुसूवरी ।  
 तस्यै विश्वपत्न्यै हविः सिनीवाल्न्यै जुहोतन ७  
 या गुङ्ग्या सिनीवाली या राका या सरस्वती ।  
 इन्द्राणीमह ऊतयै वरुणानीं स्वस्तयै ८  
 चतुर्थोऽनुवाकः  
 । सू० ३३-४३

(३३) त्रयस्त्रिंशं सूक्तम्

(१-१५) पञ्चदशर्चस्यास्य सूक्तस्य शौनको गृत्समद ऋषिः । रुद्रो देवता ।

त्रिष्टुप् छन्दः

आ तै पितर्मरुतां सुम्रमेतु मा नः सूर्यस्य सदृशो युयोथाः ।  
 अभि नो वीरो अर्वति क्षमेतु प्र जायेमहि रुद्र प्रजाभिः १  
 त्वादत्तेभी रुद्र शतमेभिः शतं हिमां अशीय भेषजेभिः ।  
 व्यश्मद् द्वेषो वितुरं व्यंहो व्यमीवाश्चातयस्वा विषूचीः २  
 श्रेष्ठो जातस्य रुद्र श्रियासि त्वस्तमस्तवसां वज्रबाहो ।  
 पर्षि णः पारमंहसः स्वस्ति विश्वा अभीती रपसो युयोधि ३  
 मा त्वा रुद्र चुक्रुधामा नमोभिर्मा दुष्टुती वृषभ मा सहती ।  
 उन्नो वीरां अर्पय भेषजेभिर्भिषक्तं त्वा भिषजां शृणोमि ४  
 हवीमभिर्हवते यो हविर्भिरव स्तोमेभी रुद्रं दिषीय ।  
 अदूदरः सुहवो मा नो अस्यै बभ्रुः सुशिप्रौ रीरधन्मनायै ५  
 उन्मा ममन्द वृषभो मरुत्वान् त्वर्क्षीयसा वर्यसा नाधमानम् ।  
 घृणीव छायामरपा अशीयाऽऽ विवासेयं रुद्रस्य सुम्रम् ६  
 क्वश् स्य तै रुद्र मृळ्याकुर्हस्तो यो अस्ति भेषजो जलाषः ।  
 अपभर्ता रपसो दैव्यस्याभी नु मा वृषभ चक्षमीथाः ७  
 प्र बभ्रवै वृषभार्य श्वितीचे महो महीं सुष्टुतिमीरयामि ।  
 नमस्या कल्मलीकिनं नमोभिर्गृणीमसि त्वेषं रुद्रस्य नाम ८  
 स्थिरेभिरङ्गैः पुरुरूप उग्रो बभ्रुः शक्रेभिः पिपिशे हिरण्यैः ।

ईशानादस्य भुवनस्य भूरे न वा उ योषद् रुद्रादसुर्यम् ६  
अहन् बिभर्षि सायकानि धन्वा हन् निष्कं यजतं विश्वरूपम् ।  
अहन्निदं दयसे विश्वमभ्वं न वा ओजीयो रुद्र त्वदस्ति १०  
स्तुहि श्रुतं गर्तसदं युवानं मृगं न भीममुपहृत्तुमुग्रम् ।  
मृळा जेस्त्रि रुद्र स्तवानो ऽन्यं तै अस्मन्नि वपन्तु सेनाः ११  
कुमारश्चित् पितरं वन्दमानं प्रति नानाम रुद्रोपयन्तम् ।  
भूरैर्दातारं सत्पतिं गृणीषे स्तुतस्त्वं भैषजा रास्यस्मे १२  
या वो भेषजा मरुतः शुचीनि या शन्तमा वृषणो या मयोभु ।  
यानि मनुरवृणीता पिता न स्ता शं च योश्च रुद्रस्य वश्मि १३  
परि णो हेती रुद्रस्य वृज्याः परि त्वेषस्य दुर्मतिर्मही गात् ।  
अव स्थिरा मघवद्भ्यस्तनुष्व मीढ्वस्तोकाय तनयाय मृळ १४  
एवा बभ्रो वृषभ चेकितान् यथा देव न हृणीषे न हंसि ।  
हवनश्रुन्नौ रुद्रेह बौधि बृहद् वदेम विदथे सुवीराः १५

(३४) चतुस्त्रिंशं सूक्तम्

(१-१५) पञ्चदशर्चस्यास्य सूक्तस्य शौनको गृत्समद ऋषिः । मरुतो देवताः ।

(१-१४) प्रथमादिचतुर्दशर्चा जगती (१५) पञ्चदश्याश्च त्रिष्टुप् छन्दसी  
धारावरा मरुतो धृषवौजसो मृगा न भीमास्तविषीभिर्चिनः ।  
अग्रयो न शशुचाना ऋजीषिणो भूमिं धमन्तो अपु गा अवृणवत १  
द्यावो न स्तृभिश्चितयन्त खादिनो व्यश्भ्रिया न द्युतयन्त वृष्टयः ।  
रुद्रो यद् वो मरुतो रुक्मवक्षसो वृषाजनि पृश्न्याः शक्र ऊर्धनि २  
उक्षन्ते अश्वाँ अत्याँ इवाजिषु नदस्य करैस्तुरयन्त आशुभिः ।  
हिरण्यशिप्रा मरुतो दविध्वतः पृक्षं याथ पृषतीभिः समन्यवः ३  
पृक्षे ता विश्वा भुवना ववक्षिरे मित्राय वा सदमा जीरदानवः ।  
पृषदश्वासो अनवभ्र्राधस ऋजिप्यासो न वयुनैषु धूर्षदः ४  
इन्धन्वभिर्धेनुभी रपशदूधभि रध्वस्मभिः पृथिभिर्भ्राजदृष्टयः ।  
आ हंसासो न स्वसराणि गन्तन् मधोर्मदाय मरुतः समन्यवः ५  
आ नो ब्रह्माणि मरुतः समन्यवो नरां न शंसः सर्वनानि गन्तन् ।  
अश्वामिव पिप्यत धेनुमूर्धनि कर्ता धिर्य जस्त्रि वाजपेशसम् ६  
तं नो दात मरुतो वाजिनं रथ आपानं ब्रह्म चितयद् दिवेदिवे ।

इषं स्तोतृभ्यो वृजनेषु कारवे सनि मेधामरिष्टं दुष्टं सहः ७  
 यद् युञ्जते मरुतो रुक्मवक्षसो ऽश्वान् रथेषु भग आ सुदानवः ।  
 धेनुर्न शिश्वे स्वसरेषु पिन्वते जनाय रातर्हविषे महीमिषम् ८  
 यो नो मरुतो वृकताति मर्त्यो रिपुर्दधे वसवो रक्षता रिषः ।  
 वर्तयत तपुषा चक्रियाभि त मर्व रुद्रा अशसौ हन्तना वर्धः ९  
 चित्रं तद् वो मरुतो याम चेकिते पृश्न्या यदूधरप्यापयो दुहुः ।  
 यद् वा निदे नवमानस्य रुद्रिया स्त्रितं जराय जुरतामदाभ्याः १०  
 तान् वो महो मरुत एव्याव्नो विष्णोरिषस्य प्रभृथे हवामहे ।  
 हिरण्यवर्णान् ककुहान् यतस्तुचो ब्रह्मण्यन्तः शंस्यं राध ईमहे ११  
 ते दशगवाः प्रथमा यज्ञमूहिरे ते नो हिन्वन्तूषसो व्युष्टिषु ।  
 उषा न रामीररुणैरपौरुते महो ज्योतिषा शुचता गोअर्णसा १२  
 ते क्षोणीभिररुणेभिर्नाञ्जिभी रुद्रा ऋतस्य सदेनेषु वावृधुः ।  
 निमेषमाना अत्यैन पाजसा सुश्चन्द्रं वर्णं दधिरे सुपेशसम् १३  
 तां इयानो महि वरूथमूतय उप घेदेना नमसा गृणीमसि ।  
 त्रितो न यान् पञ्च होतृनभिष्टय आववर्तदवराञ्चक्रियावसे १४  
 यया रुध्रं पारयथात्यंहो यया निदो मुञ्चथ वन्दितारम् ।  
 अर्वाची सा मरुतो या व ऊति रो षु वाश्रेव सुमतिर्जिगातु १५

(३५) पञ्चत्रिंशं सूक्तम्

(१-१५) पञ्चदशर्चस्यास्य सूक्तस्य शौनको गृत्समद ऋषिः । अपां नपात् देवता ।

त्रिष्टुप् छन्दः

उपैमसृक्षि वाजयुर्वचस्यां चनो दधीत नाद्यो गिरौ मे ।  
 अपां नपादाशहेमा कुवित् स सुपेशसस्करति जोषिषद्धि १  
 इमं स्वस्मै हृद आ सुतष्टं मन्त्रं वोचेम कुविदस्य वेदत् ।  
 अपां नपादसुर्यस्य मृहा विश्वान्यर्यो भुवना जजान २  
 समन्या यन्त्युप यन्त्यन्याः समानमूर्वं नद्यः पृणन्ति ।  
 तमू शुचिं शुचयो दीदिवांस मृपां नपातं परि तस्थुरापः ३  
 तमस्मैरा युवतयो युवानं मर्मज्यमानाः परि यन्त्यापः ।  
 स शक्रेभिः शिक्वभी रेवदस्मै दीदायानिध्मो घृतनिर्णिगप्सु ४

अस्मै तिस्रो अव्यथ्याय नारीर्देवाय देवीर्दिधिषन्त्यन्नम् ।  
 कृता इवोप हि प्रसर्त्से अप्सु स पीयूषं धयति पूर्वसूनाम् ५  
 अश्वस्यात्र जनिमास्य च स्वर्द्धुहो रिषः संपृचः पाहि सूरीन् ।  
 आमासु पूषु पुरो अप्रमृष्यं नारीतयो वि नशन्नानृतानि ६  
 स्व आ दमे सुदुघा यस्य धेनुः स्वधां पीपाय सुभ्वन्नमत्ति ।  
 सो अपां नपादूर्जयन्नप्स्वश्न्त वसुदेवाय विधत्ते वि भाति ७  
 यो अप्स्वा शुचिना दैव्येन ऋतावाजस्र उर्विया विभाति ।  
 वया इदन्या भुवनान्यस्य प्र जायन्ते वीरुधश्च प्रजाभिः ८  
 अपां नपादा ह्यस्थादुपस्थं जिह्मानामूर्ध्वो विद्युतं वसानः ।  
 तस्य ज्येष्ठं महिमानं वहन्ती हिरण्यवर्णाः परि यन्ति युहीः ९  
 हिरण्यरूपः स हिरण्यसंदृग्पां नपात् सेदु हिरण्यवर्णः ।  
 हिरण्ययात् परि योनैर्निषद्या हिरण्यदा ददत्यन्नमस्मै १०  
 तदस्यानीकमुत चारु नामापीच्यं वर्धते नमुरपाम् ।  
 यमिन्धते युवतयः समित्था हिरण्यवर्णं घृतमन्नमस्य ११  
 अस्मै बहूनामवमाय सख्ये यज्ञैर्विधेम नमसा हविर्भिः ।  
 सं सानु माज्मि दिधिषामि बिल्मैर्दधाम्यन्नेः परि वन्द ऋग्भिः १२  
 स ईं वृषाजनयत् तासु गर्भं स ईं शिशुर्धयति तं रिहन्ति ।  
 सो अपां नपादनभिम्लातवर्णो ऽन्यस्यैवेह तन्वा विवेष १३  
 अस्मिन् पदे परमे तस्थिवांसं मध्वस्मभिर्विश्वहा दीदिवांसम् ।  
 आपो नज्रे घृतमन्नं वहन्तीः स्वयमत्कैः परि दीयन्ति युहीः १४  
 अयांसमग्रे सुक्षितिं जनाया यांसमु मघवद्भ्यः सुवृक्तिम् ।  
 विश्वं तद् भद्रं यदवन्ति देवा बृहद् वदेम विदथै सुवीराः १५

(३६) षट्त्रिंशं सूक्तम्

(१-६) षडृचस्यास्य सूक्तस्य शौनको गृत्समद ऋषिः । (१) प्रथमर्च इन्द्रो मधुश्च  
 (२) द्वितीयाया मरुतो माधवश्च (३) तृतीयायास्त्वष्टा शुक्रश्च (४) चतुर्थ्या  
 अग्निः शुचिश्च (५) पञ्चम्या इन्द्रो नभश्च (६) षष्ठ्या मित्रावरुणौ नभस्यश्च देवताः  
 । जगती छन्दः

तुभ्यं हिन्वानो वसिष्ट गा अपो ऽधुक्षन् त्सीमविभिरद्रिभिर्नरैः ।  
 पिबेन्द्र स्वाहा प्रहृतं वर्षदकृतं होत्रादा सोमं प्रथमो य ईशिषे १

यज्ञैः संमिश्रिताः पृषतीभिर्ऋष्टिभिर् यामञ्जुभ्रासौ अञ्जिषु प्रिया उत ।  
 आसद्या बर्हिर्भरतस्य सूनवः पोत्रादा सोमं पिबता दिवो नरः २  
 अमेव नः सुहवा आ हि गन्तन् नि बर्हिषि सदतना रणिष्टन ।  
 अथा मन्दस्व जुजुषाणो अन्धसस्त्वष्टदेवेभिर्जनिभिः सुमद्गणः ३  
 आ वक्षि देवाँ इह विप्र यक्षि चो शन् होतुर्नि षदा योनिषु त्रिषु ।  
 प्रति वीहि प्रस्थितं सोम्यं मधु पिबाग्नीध्रात् तव भागस्य तृप्नुहि ४  
 एष स्य तै तन्वो नृमणवर्धनः सह ओजः प्रदिवि बाहोर्हितः ।  
 तुभ्यं सुतो मघवन् तुभ्यमाभृत स्त्वमस्य ब्राह्मणादा तृपत् पिब ५  
 जुषेथा यज्ञं बोधतं हवस्य मे सत्तो होता निविदः पूर्या अनु ।  
 अच्छा राजाना नम एत्यावृतं प्रशास्त्रादा पिबतं सोम्यं मधु ६

अष्टमोऽध्यायः

। व० १-२७

(३७) सप्तत्रिंशं सूक्तम्

(१-६) षडचस्यास्य सूक्तस्य शौनको गृत्समद ऋषिः । (१-४)

प्रथमादिचतुर्ऋचां द्रविणोदाः (५) पञ्चम्या अश्विनौ (६) षष्ठ्याश्वाग्निर्देवताः ।

जगती छन्दः

मन्दस्व होत्रादनु जोषमन्धसो ऽध्वर्यवः स पूर्णं वष्ट्यासिचम् ।  
 तस्मा एतं भरत तद्वशो ददि होत्रात् सोमं द्रविणोदः पिब ऋतुभिः १  
 यमु पूर्वमहवे तमिदं हवे सेदु हव्यो ददियो नाम पत्यते ।  
 अध्वर्युभिः प्रस्थितं सोम्यं मधु पोत्रात् सोमं द्रविणोदः पिब ऋतुभिः २  
 मेघन्तु ते वह्नयो येभिरीयसे ऽरिषण्यन् वीळयस्वा वनस्पते ।  
 आयूया धृष्णो अभिगूर्या त्वं नेष्ट्रात् सोमं द्रविणोदः पिब ऋतुभिः ३  
 अपाद्धोत्रादुत पोत्रादमत्तो त नेष्ट्रादजुषत प्रयो हितम् ।  
 तुरीयं पात्रममृक्तममर्त्यं द्रविणोदाः पिबतु द्रविणोदसः ४  
 अवाञ्चमद्य यय्य नृवाहणं रथं युञ्जाथामिह वा विमोचनम् ।  
 पृक्तं हवींषि मधुना हि कं गत मथा सोमं पिबतं वाजिनीवसू ५  
 जोष्यग्रे समिधं जोष्याहुतिं जोषि ब्रह्म जन्यं जोषि सुष्टुतिम् ।  
 विश्वेभिर्विश्वाँ ऋतुना वसो मह उशन् देवाँ उशतः पायया हविः ६



(३८) अष्टात्रिंशं सूक्तम्

(१-११) एकादशर्चस्यास्य सूक्तस्य शौनको गृत्समद ऋषिः । सविता देवता ।

त्रिष्टुप् छन्दः

उदु ष्य देवः सविता सवायं शश्वत्तमं तदपा वह्निरस्थात् ।  
नूनं देवेभ्यो वि हि धाति रत्न मथाभजद् वीतिहोत्रं स्वस्तौ १  
विश्वस्य हि श्रुष्टये देव ऊर्ध्वः प्र बाहवा पृथुपाणिः सिसर्ति ।  
आपश्चिदस्य व्रत आ निर्मृगा अयं चिद् वातौ रमते परिज्मन् २  
आशुभिश्चिद्यान् वि मुचाति नून मरीरमुदतमानं चिदेतौ ।  
अह्यर्षूणां चिन्नययाँ अविष्या मनु व्रतं सवितुर्मोक्यागात् ३  
पुनः समव्यद् विततं वयन्ती मध्या कर्तोर्न्यधाच्छक्म धीरः ।  
उत् सहायास्थाद् व्यृष्टूरैर्दधर रमतिः सविता देव आगात् ४  
नानौकांसि दुर्यो विश्वमायुर्वि तिष्ठते प्रभवः शोकौ अग्नेः ।  
ज्येष्ठं माता सूनवे भागमाधा दन्वस्य केतमिषितं सवित्रा ५  
समाववर्ति विष्टितो जिगीषु विश्वेषां कामश्चरताममाभूत् ।  
शश्वाँ अपो विकृतं हित्व्यागादनु व्रतं सवितुर्दैव्यस्य ६  
त्वया हितमप्यमप्सु भागं धन्वान्वा मृगयसो वि तस्थुः ।  
वनानि विभ्यो नकिरस्य तानि व्रता देवस्य सवितुर्मिनन्ति ७  
याद्राध्यं वरुणो योनिमप्यमनिशितं निमिषि जर्भुराणः ।  
विश्वौ मार्ताण्डो व्रजमा पशुगात् स्थशो जन्मानि सविता व्याकः ८  
न यस्येन्द्रो वरुणो न मित्रो व्रतमर्यमा न मिनन्ति रुद्रः ।  
नारातयस्तमिदं स्वस्ति हुवे देवं सवितारं नमोभिः ९  
भगं धिर्यं वाजयन्तः पुरन्धिं नराशंसो ग्रास्पतिर्नो अव्याः ।  
आये वामस्य संगथे रयीणां प्रिया देवस्य सवितुः स्याम १०  
अस्मभ्यं तद् दिवो अद्भ्यः पृथिव्यास्त्वया दत्तं काम्यं राध आ गात् ।  
शं यत् स्तोतृभ्य आपये भवा त्युरुशंसाय सवितर्जरित्रे ११

(३९) एकोनचत्वारिंशं सूक्तम्

(१-८) अष्टर्चस्यास्य सूक्तस्य शौनको गृत्समद ऋषिः । अश्विनौ देवते ।

त्रिष्टुप् छन्दः

ग्रावाणेव तदिदथै जरेथे गृध्रेव वृक्षं निधिमन्तमच्छ ।  
 ब्रह्माणैव विदथै उक्थशासा दूतेव हव्या जन्या पुरुत्रा १  
 प्रातर्यावाणा रथ्यैव वीरा ऽजेव युमा वरमा संचेथे ।  
 मेनै इव तन्वाऽ शुम्भमाने दंपतीव क्रतुविदा जनैषु २  
 शृङ्गेव नः प्रथमा गन्तमर्वाक् छफाविव जभुराणा तरौभिः ।  
 चक्रवाकेव प्रति वस्तोरुस्त्रा ऽर्वाञ्चा यातं रथ्यैव शक्रा ३  
 नावेव नः पारयतं युगेव नभ्यैव न उपधीव प्रधीव ।  
 श्वानैव नो अरिषण्या तनूनां खृगलेव विस्त्रसः पातमस्मान् ४  
 वातैवाजुर्या नद्यैव रीति रक्षी इव चक्षुषा यातमर्वाक् ।  
 हस्ताविव तन्वेऽ शंभविष्ठा पादैव नो नयतं वस्यो अच्छ ५  
 ओष्ठाविव मध्वास्त्रे वदन्ता स्तनाविव पिप्यतं जीवसै नः ।  
 नासैव नस्तन्वो रक्षितारा कर्णाविव सुश्रुता भूतमस्मे ६  
 हस्तैव शक्तिमभि सद्ददी नः क्षामैव नः समजतं रजांसि ।  
 इमा गिरौ अश्विना युष्मयन्तीः क्षणेत्रैणेव स्वधितिं सं शिशीतम् ७  
 एतानि वामश्विना वर्धनानि ब्रह्म स्तोमं गृत्समुदासौ अक्रन् ।  
 तानि नरा जुजुषाणोप यातं बृहद् वदेम विदथै सुवीराः ८

(४०) चत्वारिंशं सूक्तम्

(१-६) षड्वचस्यास्य सूक्तस्य शौनको गृत्समद ऋषिः । (१-५, ६)

प्रथमादिपञ्चर्चा षष्ठ्याः पूर्वार्धस्य च सोमापूषणौ (६) षष्ठ्या उत्तरार्धस्य  
चादितिर्देवताः । त्रिष्टुप् छन्दः

सोमापूषणा जनना रयीणां जनना दिवो जनना पृथिव्याः ।  
 जातौ विश्वस्य भुवनस्य गोपौ देवा अकृणवन्नमृतस्य नाभिम् १  
 इमौ देवौ जायमानौ जुषन्ते मौ तमांसि गूहतामर्जुष्टा ।  
 आभ्यामिन्द्रः पक्वमामास्वन्तः सोमापूषभ्यां जनदुस्त्रियासु २  
 सोमापूषणा रजसो विमानं सप्तचक्रं रथमविश्वमिन्वम् ।  
 विषूवृतं मनसा युज्यमानं तं जिन्वथो वृषणा पञ्चरश्मिम् ३  
 दिव्यश्न्यः सदनं चक्र उच्चा पृथिव्यामन्यो अध्यन्तरिक्षे ।  
 तावस्मभ्यं पुरुवारं पुरुक्षुं रायस्पोषं वि ष्यतां नाभिमस्मे ४  
 विश्वान्यन्यो भुवना जजान विश्वमन्यो अभिचक्षाण एति ।

सोमा॑पूष॒णाव॑व॒तं धि॒र्य मे यु॒वाभ्यां॑ वि॒श्वाः पृ॒तना जये॑म ५  
धि॒र्य पू॒षा जि॑न्वतु वि॒श्वमि॒न्वो र॒यिं सोमो॑ रयि॒पति॑र्दधातु ।  
अ॒व॒तु दे॒व्यदि॑तिर॒न॒र्वा बृ॒हद् व॑देम वि॒दथै॑ सु॒वीराः ६

(४१) एकचत्वारिंशं सूक्तम्

(१-२१) एकविंशत्यृचस्यास्य सूक्तस्य शौनको गृत्समद ऋषिः । (१-२)  
प्रथमाद्वितीययोर्ऋचोर्वायुः (३) तृतीयाया इन्द्रवायू (४-६) चतुर्थ्यादितृचस्य  
मित्रावरुणौ (७-९) सप्तम्यादितृचस्याश्विनौ (१०-१२) दशम्यादितृचस्येन्द्रः  
(१३-१५) त्रयोदश्यादितृचस्य विश्वे देवाः (१६-१८) षोडश्यादितृचस्य सरस्वती  
(१९-२१) एकोनविंश्यादितृचस्य द्यावापृथिव्यौ हविर्धानि वा (१९)  
एकोनविंश्यास्तृतीयपादस्य चाग्निर्वा देवताः । (१-१५, १९-२१)  
प्रथमादिपञ्चदशर्चामेकोनविंश्यादितृचस्य च गायत्री (१६-१७)  
षोडशीसप्तदशयोरनुष्टुप् (१८) अष्टादश्याश्च बृहती छन्दांसि  
वायो॒ ये तै॑ सह॒स्त्रि॒णो रथा॑स॒स्तेभिरा॑ ग॒हि । नि॒यु॒त्वान्सोम॑पीतये १  
नि॒यु॒त्वान् वा॒य॒वा ग॑ह्य॒यं श॒क्रो अ॒यामि॑ ते । गन्ता॑सि सु॒न्वतो॑ गृ॒हम् २  
शु॒क्रस्या॒द्य गवा॑शि॒र इन्द्र॑वायू नि॒यु॒त्वतः॑ । आ या॑तुं पि॒बतं॑ नरा ३  
अ॒यं वा॑ मि॒त्रावरु॑णा सु॒तः सोम॑ ऋ॒तावृ॑धा । ममे॒दिह॑ श्रु॒तं ह॒वम् ४  
राजा॑ना॒वन॑भि॒द्रुहा॑ ध्रु॒वे स॑द॒स्यु॒त्तमे॑ । स॒हस्र॑स्थू॒ण आ॑साते ५  
ता स॒म्राजा॑ घृ॒तासु॑ती आ॒दि॒त्या दा॑नु॒नस्प॑ती । सचै॑ते अ॒न॒व॒ह॒रम् ६  
गोम॑दू षु ना॑स॒त्या ऽश्वा॑वद् या॒तम॑श्विना । व॒र्ती रु॑द्रा नृ॒पाय्य॑म् ७  
न यत् प॒रो ना॒न्तर॑ आ॒द॒ध॒र्षद् वृ॑षणवसू । दुःशंसो॑ म॒र्त्यो रि॒पुः ८  
ता न॒ आ वो॑ळ्हमश्विना र॒यिं पि॑शङ्ग॒संदृ॑शम् । धि॒ष्ण्या॑ वरि॒वोवि॑दम् ९  
इन्द्रो॑ अ॒ङ्ग म॒हद् भ॒य म॒भी ष॑दप॒ चु॒च्यव॑त् । स हि स्थि॒रो वि॑च॒र्षणिः॑ १०  
इन्द्र॑श्च मृ॒ळ्याति॑ नो न नः प॒श्चाद॑घं न॒शत् । भ॒द्रं भ॑वाति नः पुरः ११  
इन्द्र॑ आशा॑भ्यस्परि सर्वा॑भ्यो अ॒भयं॑ करत् । जे॒ता श॒त्रून् वि॑च॒र्षणिः॑ १२  
वि॒श्वे दे॒वास् आ॑ ग॒त श्रु॑ता म॒ इमं॑ ह॒वम् । ए॒दं ब॒र्हिर्नि॑ षी॒दत॑ १३  
ती॒व्रो वो॑ मधु॒माँ अ॒यं श॑नहो॒त्रेषु॑ मत्स॒रः । ए॒तं पि॑बत॒ काम्य॑म् १४  
इन्द्र॑ज्येष्ठा मरु॒द्गणा॑ दे॒वासिः॑ पू॒षरा॑तयः । वि॒श्वे म॑म॒ श्रु॒ता ह॒वम् १५  
अ॒म्बि॒तमे॑ नदी॒तमे॑ दे॒वित॑मे॒ सर॑स्वति ।  
अ॒प्र॒श॒स्ता इ॒व स्म॑सि प्र॒श॒स्ति॒मम्ब॑ नस्कृ॒धि १६

त्वे विश्वा सरस्वति श्रितार्यूषि देव्याम् ।  
 शनहौत्रेषु मत्स्व प्रजां दैवि दिदिङ्घि नः १७  
 इमा ब्रह्म सरस्वति जुषस्व वाजिनीवति ।  
 या ते मन्म गृत्समदा ऋतावरि प्रिया देवेषु जुहति १८  
 प्रेता यज्ञस्य शंभुवा युवामिदा वृणीमहे । अग्निं च हव्यवाहनम् १९  
 द्यावा नः पृथिवी इमं सिध्मद्य दिविस्पृशम् । यज्ञं देवेषु यच्छताम् २०  
 आ वामुपस्थमद्बुहा देवाः सीदन्तु यज्ञियाः । इहाद्य सोमपीतये २१

(४२) द्विचत्वारिंशं सूक्तम्

(१-३) तृचस्यास्य सूक्तस्य शौनको गृत्समद ऋषिः । शकुन्तो (कपिञ्जलरूपीन्द्रः)  
 देवता । त्रिष्टुप् छन्दः

कर्निक्रदञ्जनुषं प्रब्रुवाण इर्यति वार्चमरितेव नार्वम् ।  
 सुमङ्गलश्च शकुने भवासि मा त्वा का चिदभिभा विश्वया विदत् १  
 मा त्वा श्येन उद् वधीन्मा सुपर्णो मा त्वा विदुर्दिषुमान् वीरो अस्ता ।  
 पित्र्यामनुं प्रदिशं कर्निक्रदत् सुमङ्गलो भद्रवादी वदेह २  
 अर्व क्रन्द दक्षिणतो गृहाणां सुमङ्गलो भद्रवादी शकुन्ते ।  
 मा नः स्तेन ईशत् माघशंसो बृहद् वदेम विदथै सुवीराः ३

(४३) त्रिचत्वारिंशं सूक्तम्

(१-३) तृचस्यास्य सूक्तस्य शौनको गृत्समद ऋषिः । शकुन्तो (कपिञ्जलरूपीन्द्रः)  
 देवता । (१, ३) प्रथमातृतीययोर्ऋचोर्जगती

(२) द्वितीयायाश्चातिशक्वर्यष्टिर्वा छन्दसी

शकुन्तः कपिञ्जलरूपीन्द्रः । जगती २ अतिशक्वरी अष्टिर्वा ।  
 प्रदक्षिणिदुभि गृणन्ति कारवो वयो वदन्त ऋतुथा शकुन्तयः ।  
 उभे वाचौ वदति सामगा इव गायत्रं च त्रैष्टुभं चानु राजति १  
 उद्गातेव शकुने सामं गायसि ब्रह्मपुत्र इव सर्वनेषु शंससि ।  
 वृषेव वाजी शिशमतीरपीत्या सर्वतौ नः शकुने भद्रमा वद विश्वतौ नः  
 शकुने पुण्यमा वद २  
 आवदंस्त्वं शकुने भद्रमा वद तूष्णीमासीनः सुमतिं चिकिद्धि नः ।  
 यदुत्पतन् वदसि कर्करिर्यथा बृहद् वदेम विदथै सुवीराः ३

इति द्वितीयं मण्डलं समाप्तम् २  
मंत्रसंख्या  
प्रथममण्डलस्य मन्त्रसंख्या २००६  
द्वितीयमण्डलस्य मन्त्रसंख्या ४२६  
सर्वयोगः २४३५

अथ तृतीयं मण्डलं

प्रथमोऽनुवाकः

। सू० १ । १२

(१) प्रथमं सूक्तम्

(१-२३) त्रयोविंशत्यृचस्यास्य सूक्तस्य गाथिनो विश्वामित्र ऋषिः । अग्निर्देवता ।

त्रिष्टुप् छन्दः

सोमस्य मा तवसं वक्ष्ये वह्निं चकर्थ विदथे यजध्वे ।  
 देवाँ अच्छा दीद्यद् युञ्जे अद्रिं शमाये अग्ने तन्वं जुषस्व १  
 प्राञ्च यज्ञं चकृम वर्धतां गीः समिद्धिरग्निं नमसा दुवस्यन् ।  
 दिवः शशासुर्विदथा कवीनां गृत्साय चित् तवसे गातुमीषुः २  
 मयौ दधे मेधिरः पूतदक्षो दिवः सुबन्धुर्जनुषा पृथिव्याः ।  
 अविन्दन्नु दर्शतमप्स्वश्न्त देवासो अग्निमपसि स्वसृचफट्टणाम् ३  
 अवर्धयन् त्सुभगं सप्त युहीः श्वेतं जज्ञानमरुषं महित्वा ।  
 शिशं न जातमभ्यारुश्वा देवासो अग्निं जनिमन् वपुष्यन् ४  
 शक्रेभिरङ्गै रज आततन्वान् क्रतुं पुनानः कविभिः पवित्रैः ।  
 शौचिर्वसानः पर्यायुरपां श्रियो मिमीते बृहतीरनूनाः ५  
 वव्राजा सीमनदतीरदब्धा दिवो युहीरवसाना अनग्नाः ।  
 सना अत्र युवतयः सयोनी रेकं गर्भं दधिरे सप्त वाणीः ६  
 स्तीर्णा अस्य संहतो विश्वरूपा घृतस्य योनौ स्रवथे मधूनाम् ।  
 अस्थुरत्र धेनवः पिन्वमाना मही दुस्मस्य मातरा समीची ७  
 बभ्राणः सूनो सहसो व्यद्यौद् दधानः शक्रा रभसा वपूषि ।  
 श्रोतन्ति धारा मधुनो घृतस्य वृषा यत्र वावृधे काव्येन ८  
 पितुश्चिदूर्ध्वजनुषा विवेद व्यस्य धारा असृजद् वि धेनाः ।  
 गुहा चरन्तं सखिभिः शिवेभिर् दिवो युहीभिर्न गुहा बभूव ९  
 पितुश्च गर्भं जनितुश्च बभ्रे पूर्वरिको अधयत् पीप्यानाः ।  
 वृष्णो सपत्नी शुचये सबन्धू उभे अस्मै मनुष्येर्नि पोहि १०  
 उरौ महां अनिब्रधे ववर्धाऽऽपो अग्निं यशसः सं हि पूर्वीः ।  
 ऋतस्य योनावशयद् दमूना जामीनामग्रिरपसि स्वसृणाम् ११  
 अक्रो न बभ्रिः समिथे महीना दिदृक्षेयः सूनवे भातृजीकः ।  
 उदुस्त्रिया जनिता यो जजानाऽपां गर्भो नृतमो युहो अग्निः १२

अपां गर्भं दर्शतमोषधीनां वनां जजान सुभगा विरूपम् ।  
 देवासश्चिन्मनसा सं हि जग्मुः पनिष्ठं जातं तवसं दुवस्यन् १३  
 बृहन्त इद् भानवो भाऋजीक मग्निं संचन्त विद्युतो न शक्राः ।  
 गुहैव वृद्धं सदसि स्वे अन्तरपार ऊर्वे अमृतं दुहानाः १४  
 ईळे च त्वा यजमानो हविर्भिरीळे सखित्वं सुमतिं निकामः ।  
 देवैरवो मिमीहि सं जरित्रे रक्षा च नो दम्येभिरनीकैः १५  
 उपक्षेतास्तव सुप्रणीते ऽग्ने विश्वानि धन्या दधानाः ।  
 सुरेतसा श्रवसा तुञ्जमाना अभिष्याम पृतना यूँदैवान् १६  
 आ देवानामभवः केतुरग्ने मन्द्रो विश्वानि काव्यानि विद्वान् ।  
 प्रति मताँ अवासयो दमूना अनु देवान् रथिरो यासि साधन् १७  
 नि दुरोणे अमृतो मर्त्यानां राजा ससाद विदथानि साधन् ।  
 घृतप्रतीक उर्विया व्यद्यौ दग्निर्विश्वानि काव्यानि विद्वान् १८  
 आ नो गहि सख्येभिः शिवेभिर्महान् महीभिरूतिभिः सरण्यन् ।  
 अस्मे रयिं बहुलं संतरुत्रं सुवाचं भागं यशसं कृधी नः १९  
 एता तै अग्ने जनिमा सनानि प्र पूर्व्याय नूतनानि वोचम् ।  
 महान्ति वृष्णे सर्वना कृतेमा जन्मन्जन्मन् निहितो जातवेदाः २०  
 जन्मन्जन्मन् निहितो जातवेदा विश्वामित्रेभिरिध्यते अजस्रः ।  
 तस्य वयं सुमतौ यज्ञियस्याऽपि भद्रे सौमनसे स्याम २१  
 इमं यज्ञं सहसावन् त्वं नो देवत्रा धैहि सुक्रतो रराणः ।  
 प्र यसि होतर्बृहतीरिषो नो ऽग्ने महि द्रविणमा यजस्व २२  
 इळामग्ने पुरुदंसं सनिं गोः शश्वत्तमं हवमानाय साध ।  
 स्यान्नः सूनुस्तनयो विजावा ऽग्ने सा तै सुमतिर्भूत्वस्मे २३

## (२) द्वितीयं सूक्तम्

(१-१५) पञ्चदशर्चस्यास्य सूक्तस्य गाथिनो विश्वामित्र ऋषिः । वैश्वानरोऽग्निर्देवता  
 । जगती छन्दः

वैश्वानराय धिषणामृतावृधे घृतं न पूतमग्रये जनामसि ।  
 द्विता होतारं मनुषश्च वाघतो धिया रथं न कुलिशः समृणवति १  
 स रौचयञ्जनुषा रोदसी उभे स मात्रोरभवत् पुत्र ईडयः ।  
 हव्यवाळग्रिजरश्चनौहितो दूळभौ विशामर्तिथिर्विभारवसुः २

क्रत्वा दक्षस्य तरुषो विधर्मणि देवासो अग्निं जनयन्त चित्तिभिः ।  
 रुरुचानं भानुना ज्योतिषा महा मत्यं न वाजं सनिष्यन्नुप ब्रुवे ३  
 आ मन्द्रस्य सनिष्यन्तो वरैरयं वृणीमहे अहयं वाजमृगमयम् ।  
 रातिं भृगूणामुशिजं कविक्रतु मग्निं राजन्तं दिव्येन शोचिषा ४  
 अग्निं सुम्राय दधिरे पुरो जना वाजश्रवसमिह वृक्तबर्हिषः ।  
 यतस्त्रुचः सुरुचं विश्वदैव्यं रुद्रं यज्ञानां साधदिष्टिमुपसाम् ५  
 पार्वकशोच्ये तव हि क्षयं परि होतर्यज्ञेषु वृक्तबर्हिषो नरः ।  
 अग्ने दुर्व इच्छमानास आप्य मुपासते द्रविणं धेहि तेभ्यः ६  
 आ रोदसी अपृणदा स्वर्मह जातं यदेनमुपसो अधारयन् ।  
 सो अध्वराय परि शीयते कवि रत्यो न वाजसातये चनोहितः ७  
 नमुस्यत हव्यदातिं स्वध्वरं दुवस्यत दम्यं जातवैदसम् ।  
 रथीर्भृतस्य बृहतो विचर्षणि रग्निर्देवानामभवत् पुरोहितः ८  
 तिस्रो युहस्य समिधः परिज्मनो ऽग्नेरपुननुशिजो अमृत्यवः ।  
 तासामेकामदधुर्मर्त्ये भुजं मु लोकमु द्वे उप जामिमीयतुः ९  
 विशां कविं विशपतिं मानुषीरिषः सं सीमकृण्वन् त्ववधितिं न तेजसे ।  
 स उद्वतो निवतो याति वेविषत् स गर्भमेषु भुवनेषु दीधरत् १०  
 स जिन्वते जठरेषु प्रजज्ञिवान वृषा चित्रेषु नानदन्न सिंहः ।  
 वैश्वानरः पृथुपाजा अमर्त्यो वसु रत्ना दयमानो वि दाशुषै ११  
 वैश्वानरः प्रब्रथा नाकमारुहद् दिवस्पृष्टं भन्दमानः सुमन्मभिः ।  
 स पूर्ववज्रनयञ्जन्तवे धनं समानमज्मं पर्यैति जागृविः १२  
 अतावानं यज्ञियं विप्रमुक्थ्यश्मा यं दधे मातरिश्वा दिवि क्षयम् ।  
 तं चित्रयामुं हरिकेशमीमहे सुदीतिमग्निं सुविताय नव्यसे १३  
 शुचिं न यामन्निषिरं स्वर्दृशं केतुं दिवो रौचनस्थामुषर्बुधम् ।  
 अग्निं मूर्धानं दिवो अप्रतिष्कुतं तमीमहे नमसा वाजिनं बृहत् १४  
 मन्द्रं होतारं शुचिमद्वयाविनं दमूनसमुक्थ्य विश्वचर्षणिम् ।  
 रथं न चित्रं वपुषाय दर्शतं मनुर्हितं सदमिद् राय ईमहे १५

(३) तृतीयं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । वैश्वानरोऽग्निर्देवता । जगती छन्दः



वैश्वानरायं पृथुपाजसे विपो रत्ना विधन्त धरुणेषु गातवे ।  
 अग्निर्हि देवाँ अमृतौ दुवस्य त्यथा धर्माणि सनता न दूदुषत् १  
 अन्तर्दूतो रोदसी दस्म ईयते होता निषत्तो मनुषः पुरोहितः ।  
 क्षयं बृहन्तं परि भूषति द्युभिर्देवेभिरग्निरिषितो धियावसुः २  
 केतुं यज्ञानां विदथस्य साधनं विप्रासो अग्निं महयन्त चित्तिभिः ।  
 अपांसि यस्मिन्नधि संदधुर्गिरस्तस्मिन्त्सुम्नानि यजमान आ चके ३  
 पिता यज्ञानामसुरो विपश्चिता विमानमग्निर्वयुनं च वाघताम् ।  
 आ विवेश रोदसी भूरिवर्षसा पुरुप्रियो भन्दते धामभिः कविः ४  
 चन्द्रमग्निं चन्द्ररथं हरिव्रतं वैश्वानरमप्सुषदं स्वर्विदम् ।  
 विगाहं तूष्णिं तविषीभिरावृतं भूष्णिं देवासं इह सुश्रियं दधुः ५  
 अग्निर्देवेभिर्मनुषश्च जन्तुभिस्तन्वानो यज्ञं पुरुपेशसं धिया ।  
 रथीरन्तरीयते साधदिष्टिभिर्जीरो दमूना अभिशस्तिचातनः ६  
 अग्ने जरस्व स्वपत्य आयुं नयूर्जा पिन्वस्व समिषो दिदीहि नः ।  
 वयांसि जिन्व बृहतश्च जागृव उशिग्देवानामसि सुक्रतुर्विपाम् ७  
 विशपतिं युहमतिथिं नरः सदा यन्तारं धीनामुशिजं च वाघताम् ।  
 अध्वराणां चेतनं जातवेदसं प्र शंसन्ति नमसा जूतिभिर्वृधे ८  
 विभावा देवः सुरणः परि क्षिती रग्निर्बभूव शर्वसा सुमद्रथः ।  
 तस्य व्रतानि भूरिपोषिणो वयमुप भूषेम दम् आ सुवृत्तिभिः ९  
 वैश्वानर तव धामानया चके येभिः स्वर्विदभवो विचक्षण ।  
 जात आपृणो भुवनानि रोदसी अग्ने ता विश्वा परिभूरसि त्मना १०  
 वैश्वानरस्य दंसनाभ्यो बृहदरिणादेकः स्वपस्यया कविः ।  
 उभा पितरा महयन्नजायता गिर्द्यावापृथिवी भूरिरतसा ११

#### (४) चतुर्थं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । (१) प्रथमर्च  
 इध्मः समिद्धो वाग्निः (२) द्वितीयायास्तनूनपात् (३) तृतीयाया इळः (४)  
 चतुर्थ्या बर्हिः (५) पञ्चम्या देवीर्द्वारः (६) षष्ठ्या उषासानक्ता (७) सप्तम्या  
 दैव्यौ होतारौ प्रचेतसौ (८) अष्टम्यास्तिस्त्रो देव्यः सरस्वतीळाभारत्यः (९)  
 नवम्यास्त्वष्टा (१०) दशम्या वनस्पतिः (११) एकादश्याश्च स्वाहाकृतयो देवताः

। त्रिष्टुप् छन्दः

समित्समित् सुमना बोध्यस्मे शुचाशुचा सुमतिं रासि वस्वः ।  
 आ देव देवान् यथाय वक्षि सखा सखीन् त्सुमना यक्ष्यमे १  
 यं देवासस्त्रिरहन्नायजन्ते दिवेदिवे वरुणो मित्रो अग्निः ।  
 सेमं यज्ञं मधुमन्तं कृधी न स्तनूनपाद् घृतयौनिं विधन्तम् २  
 प्र दीधितिर्विश्ववारा जिगाति होतारमिळः प्रथमं यजध्वै ।  
 अच्छा नमोभिर्वृषभं वन्दध्यै स देवान् यक्षदिषितो यजीयान् ३  
 ऊर्ध्वो वा गातुरध्वरे अका र्यूध्वा शोचीषि प्रस्थिता रजासि ।  
 दिवो वा नाभा नयसादि होता स्तृणीमहि देवव्यचा वि बर्हिः ४  
 सप्त होत्राणि मनसा वृणाना इन्वन्तो विश्वं प्रति यन्नृतेन ।  
 नृपेशसो विदथेषु प्र जाता अभीज्ञं यज्ञं वि चरन्त पूर्वीः ५  
 आ भन्दमाने उषसा उपाके उत स्मयेते तन्वा इ विरूपे ।  
 यथा नो मित्रो वरुणो जुजोष दिन्द्रो मरुत्वा उत वा महौभिः ६  
 दैव्या होतारा प्रथमा नयञ्जे सप्त पृक्षासः स्वधया मदन्ति ।  
 ऋतं शंसन्त ऋतमित् त आहु रनु व्रतं व्रतपा दीध्यानाः ७  
 आ भारती भारतीभिः सजोषा इळा देवैर्मनुष्यैभिरग्निः ।  
 सरस्वती सारस्वतेभिर्वाक् तिस्रो देवीर्बहिरेदं संदन्तु ८  
 तन्नस्तुरीपुमधं पोषयितु देवं त्वष्टृर्वि रराणः स्यस्व ।  
 यतो वीरः कर्मण्यः सुदक्षो युक्तग्रावा जायते देवकामः ९  
 वनस्पतेऽव सृजोष देवा नग्निर्हविः शमिता सूदयाति ।  
 सेदु होता सत्यतरो यजाति यथा देवानां जनिमानि वेद १०  
 आ याह्यमे समिधानो अवा डिन्द्रैण देवैः सरथं तुरेभिः ।  
 बर्हिर्न आस्तामदितिः सुपुत्रा स्वाहा देवा अमृता मादयन्ताम् ११

(५) पञ्चमं सूक्तम्

(११) एकादशर्चस्यास्य सूक्तस्य गाथिनो विश्वामित्र ऋषिः । अग्निर्देवता ।

त्रिष्टुप् छन्दः

प्रत्यग्निरुषसश्चेकिता नो ऽबोधि विप्रः पदवीः कवीनाम् ।  
 पृथुपाजा देवयद्भिः समिद्धो ऽपु द्वारा तमसो वह्निरावः १  
 प्रेद्वग्निर्वावृधे स्तोमैभिर्गीर्भिः स्तौतृणां नमस्य उक्थैः ।  
 पूर्वाऋतस्य संदृशश्चकानः सं दूतो अद्यौदुषसो विरोके २

अधा॒य्य॒ग्नि॒र्मानु॑षीषु वि॒द्वव॑ः पां॒ गर्भो॑ मि॒त्र ऋ॒तेन॑ सा॒धन् ।  
आ ह॑र्यतो य॒जतः॑ सान्व॒स्था द॑भूदु वि॒प्रो ह॒व्यो म॒तीनाम् ३  
मि॒त्रो अ॒ग्निर्भव॑ति यत् स॒मिद्धो॑ मि॒त्रो हो॒ता वरु॑णो जा॒तवे॑दाः ।  
मि॒त्रो अ॒ध्वर्यु॑रि॒षिरो द॑मूना मि॒त्रः सि॒न्धूना॑मु॒त पर्व॑तानाम् ४  
पा॒ति प्रि॒यं रि॒पो अग्रं॑ पु॒दं वेः पा॒ति य॒ह्नश्चर॑णं सूर्य॒स्य ।  
पा॒ति नाभा॑ स॒प्तशी॑र्षाण॒मु॒ग्निः पा॒ति दे॒वाना॑मु॒पमा॑द॒मृष्वः ५  
ऋ॒भुश्च॑क्र ईड॒यं चारु॑ नाम॒ विश्वा॑नि दे॒वो व॒युना॑नि वि॒द्वान् ।  
स॒सस्य॑ चर्म घृ॒तव॑त् पु॒दं वे स्तदि॑द॒ग्नी र॑क्षत्य॒प्रयु॑च्छन् ६  
आ यो॒निम॒ग्निर्घृ॑तव॒न्तम॑स्थात् पृथु॒प्रगा॑ण॒मु॒शन्त॑मु॒शानः॑ ।  
दी॒द्यान्ः शुचि॑र्ऋ॒ष्वः पा॒वकः पुनः॑ पुन॒र्मा॒तरा॑ नव्य॒सी कः ७  
स॒द्यो जा॒त ओष॑धीभिर्वव॒क्षे यदी॑ व॒धन्ति॑ प्र॒स्वो घृ॑तेन ।  
आप॑ इव प्र॒वता॑ शु॒भमा॑ना उरु॒ष्यद॒ग्निः पि॒त्रोरु॑प॒स्थे ८  
उदु॑ष्टुः स॒मिधा॑ य॒ह्नो अ॒द्यौद् व॑ष्मन् दि॒वो अ॒धि नाभा॑ पृथि॒व्याः ।  
मि॒त्रो अ॒ग्निरी॑ड्यो मा॒तरि॑श्वा ऽऽ दू॒तो व॑क्षद् य॒जथा॑य दे॒वान् ९  
उद॑स्त॒म्भीत् स॒मिधा॑ नाक॒मृष्वो॑र्ऽग्नि॒र्भव॑न्नु॒त्तमो॑ रौच॒नाना॑म् ।  
यदी॑ भृगु॒भ्यः परि॑ मा॒तरि॑श्वा गुहा॒ सन्त॑ ह॒व्यवा॑हं स॒मीधे १०  
इ॒ळाम॑ग्रे पु॒रुद॑सं स॒निं गोः श॑श्व॒त्तमं॑ हव॒मानाय॑ साध ।  
स्यान्नः॑ सूनु॒स्तन॑यो वि॒जावा॑ ऽग्ने सा ते॒ सुम॑तिर्भू॒त्वस्मे ११

(६) षष्ठं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । अग्निर्देवता ।

त्रिष्टुप् छन्दः

प्र का॒रवो॑ म॒नुना॑ व॒च्यमा॑ना दे॒वद्री॑चीं नय॒त दे॒वय॑न्तः ।  
द॒क्षिणा॑वाड् वा॒जिनी॑ प्राच्यैति ह॒विर्भर॑न्त्य॒ग्रये॑ घृ॒ताची॑ १  
आ रो॑द॒सी अपृ॑णा जा॒यमान॑ उ॒त प्र रि॑क्था अ॒ध नु॑ प्र॒यज्यो॑ ।  
दि॒वश्चि॑द॒ग्रे म॒हिना॑ पृथि॒व्या व॒च्यन्ता॑ ते व॒ह्नयः॑ स॒प्तजि॑ह्वाः २  
द्यौश्च॑ त्वा पृथि॒वी य॒ज्ञिया॑सो नि हो॒तारं॑ सादयन्ते द॒माय॑ ।  
यदी॑ वि॒शो मा॒नुषी॑र्दे॒वय॑न्तीः प्र॒यस्व॑ती॒रीळ॑ते श॒क्रम॑र्चिः ३  
म॒हान् त्स॑ध॒स्थे ध्रु॑व आ निष॑त्तो ऽन्त॒र्द्यावा॑ मा॒हिने॑ ह॒र्यमा॑णः ।  
आस्क्रै॑ स॒पत्नी॑ अ॒जरे॑ अ॒मृक्ते॑ स॒वर्दु॑घै उरुगा॒यस्य॑ धे॒नू ४

वृता तै अग्ने महतो महानि तव क्रत्वा रोदसी आ ततनथ ।  
 त्वं दूतो अभवो जायमानस्त्वं नेता वृषभ चर्षणीनाम् ५  
 अतस्य वा केशिना योग्याभिर्घृतस्रुवा रोहिता धुरि धिष्व ।  
 अथा वह देवान् देव विश्वान् त्वध्वरा कृणुहि जातवेदः ६  
 दिवश्चिदा तै रुचयन्त रोका उषो विभातीरनु भासि पूर्वीः ।  
 अपो यदग्र उशध्रग्वनेषु होतुर्मन्द्रस्य पुनयन्त देवाः ७  
 उरौ वा ये अन्तरिक्षे मदन्ति दिवो वा ये रोचने सन्ति देवाः ।  
 ऊमा वा ये सुहवासो यजत्रा आयेमिरे रथ्यौ अग्ने अश्वाः ८  
 ऐभिरग्ने सरथं याह्यर्वाङ् नानारथं वा विभवो ह्यश्वाः ।  
 पत्नीवतस्त्रिंशतं त्रींश्च देवा ननुष्वधमा वह मादयस्व ९  
 स होता यस्य रोदसी चिदुर्वी यज्ञं यज्ञमभि वृधे गृणीतः ।  
 प्राची अध्वरेव तस्थतुः सुमेकै अतावरी अतजातस्य सत्ये १०  
 इळामग्ने पुरुदंसं सनिं गोः शश्वत्तमं हवमानाय साध ।  
 स्यान्नः सूनुस्तनयो विजावा ऽग्ने सा तै सुमतिर्भूत्वस्मे ११  
 इति द्वितीयोऽष्टकः  
 अथ तृतीयोऽष्टकः

## (७) सप्तमं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । अग्निर्देवता ।

त्रिष्टुप् छन्दः

प्र य आरुः शितिपृष्ठस्य धासे रा मातरां विविशुः सप्त वाणीः ।  
 परिक्षिता पितरा सं चरेते प्र संस्रति दीर्घमायुः प्रयक्षै १  
 दिवक्षसो धेनवो वृष्णो अश्वा देवीरा तस्थौ मधुमद् वहन्तीः ।  
 अतस्य त्वा सदसि क्षेमयन्तं पर्येकां चरति वर्तनिं गौः २  
 आ सीमरोहत् सुयमा भवन्तीः पतिश्चिकित्वान् रयिविद् रयीणाम् ।  
 प्र नीलपृष्ठो अतसस्य धासे स्ता अवासयत् पुरुधप्रतीकः ३  
 महि त्वाष्ट्रचफट्रमूर्जयन्तीरजुयं स्तभूयमानं वहतो वहन्ति ।  
 व्यङ्गैभिर्दिद्युतानः सधस्थ एकांमिव रोदसी आ विवेश ४  
 जानन्ति वृष्णो अरुषस्य शेव मुत ब्रध्नस्य शासने रणन्ति ।  
 दिवोरुचः सुरुचो रोचमाना इळा येषां गण्या माहिना गीः ५

उ॒तो पि॒तृभ्यां प्र॒विदानु॑ घोषं म॒हो म॒हद्भ्याम॑नयन्त शूषम् ।  
उ॒क्ता ह॒ यत्र॑ परि॒ धान॑म॒क्तो र॒नु स्वं धाम॑ ज॒रितु॑र्व॒वक्षे॑ ६  
अ॒ध्व॒र्युभिः॑ प॒ञ्चभिः॑ स॒प्त वि॒प्राः प्रि॒यं र॑क्षन्ते नि॒र्हितं॑ पु॒दं वेः ।  
प्राञ्चौ म॒दन॑त्यु॒क्ष्णौ अ॒जु॒र्या दे॒वा दे॒वाना॑म॒नु हि वृ॒ता गुः ७  
दै॒व्या हो॒ता॒रा प्र॒थ॒मा न॑र्य॒ञ्जे स॒प्त पृ॒क्षासः॑ स्व॒धया॑ म॒दन्ति॑ ।  
ऋ॒तं शंस॑न्त ऋ॒तमि॑त् त आ॒हु र॒नु व॒तं व॑त॒पा दी॒ध्यानाः॑ ८  
वृ॒षाय॑न्तै म॒हे अ॒त्याय॑ पूर्वी॒र्वृ॒ष्णौ चि॒त्राय॑ र॒श्मयः॑ सु॒यामाः॑ ।  
दे॒व हो॒त॒र्म॒न्द्र॒तर॑श्चि॒कित्वा॑न् म॒हो दे॒वान् रो॒दसी॑ ए॒ह व॑क्षि ९  
पृ॒क्षप्र॑य॒जो द्र॒विणः॑ सु॒वाचः॑ सु॒केत॑र्व उ॒षसो॑ रे॒वदू॑षुः ।  
उ॒तो चि॑द॒ग्ने म॒हिना॑ पृ॒थि॒व्याः कृ॒तं चि॑दे॒नः सं म॒हे द॑शस्य १०  
इ॒ळाम॑ग्ने पु॒रुद॑सं स॒निं गोः श॑श्व॒त्तमं॑ ह॒वमा॑नाय साध ।  
स्या॒न्नः सू॒नुस्त॑न॒यो वि॒जावा॑ ऽग्ने सा तै सु॒म॒तिर्भू॑त्व॒स्मे ११

(८) अष्टमं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । (१-५)

प्रथमादिपञ्चर्चा यूपः (६-१०) षष्ठ्यादिपञ्चानां यूपाः (८) अष्टम्या विश्वे देवा वा

११ एकादश्याश्च वृश्चनो देवताः । (१-२, ४-६, ८-११)

प्रथमाद्वितीययोर्ऋचोश्चतुर्थ्यादितृचस्याष्टम्यादिचतसृणाञ्च त्रिष्टुप् (३, ७)

तृतीयासप्तम्योश्चानुष्टुप् छन्दसी

अ॒ञ्जन्ति॑ त्वा॒मध्व॑रे दै॒व॒यन्तो॑ व॒नस्प॑ते म॒धुना॑ दै॒व्येन॑ ।  
यदू॒र्ध्वस्ति॑ष्ठा द्र॒वि॒णेह॑ ध॒त्ताद् यद् वा॒ क्षयौ॑ मा॒तुर॑स्या उ॒पस्थे॑ १  
स॒मि॒द्धस्य॑ श्रय॑मा॒णः पु॒रस्ता॑द् ब्र॒ह्म व॑न्वा॒नो अ॒जरं॑ सु॒वीर॑म् ।  
आ॒रे अ॒स्मद॑म॒तिं बा॑र्ध॒मान् उ॒च्छ्रय॑स्व म॒हते॑ सौ॒र्भगा॑य २  
उ॒च्छ्रय॑स्व व॒नस्प॑ते व॒र्ष्मन् पृ॒थि॒व्या अ॒धि ।  
सु॒मि॒ती मी॒यमा॑नो व॒र्चो धा॑ यु॒ज्ञवा॑हसे ३  
यु॒वा सु॒वासाः॑ परि॒वीत् आ॒गात् स उ॒ श्रेया॑न् भव॒ति जा॑य॒मानः॑ ।  
तं धी॒रासः॑ क॒वय॑ उ॒न्नय॑न्ति स्वा॒ध्योऽ॒मन॑सा दे॒व॒यन्तः॑ ४  
जा॒तो जा॑यते सु॒दिन॑त्वे अ॒ह्ना स॒म॒र्य आ॒ वि॒दथे॑ व॒र्धमा॑नः ।  
पु॒नन्ति॑ धी॒रा अ॒पसो॑ म॒नीषा॑ दै॒व॒या वि॒प्र उ॒दिय॑ति॒ वाच॑म् ५  
या॒न् वो न॑रो दे॒व॒यन्तो॑ नि॒मि॒म्यु व॑नस्प॒ते स्व॑धि॒तिर्वा॑ त॒तक्ष॑ ।

ते देवासः स्वरवस्तस्थिवांसः प्रजावदस्मे दिधिषन्तु रत्नम् ६  
 ये वृक्षणासो अधि क्षमि निर्मितासो यतस्तुचः ।  
 ते नो व्यन्तु वार्यं देवत्रा क्षेत्रसाधसः ७  
 आदित्या रुद्रा वसवः सुनीथा द्यावाक्षामा पृथिवी अन्तरिक्षम् ।  
 सजोषसो यज्ञमवन्तु देवा ऊर्ध्वं कृण्वन्त्वध्वरस्य केतुम् ८  
 हंसा इव श्रेणिशो यतानाः शक्रा वसानाः स्वरवो न आगुः ।  
 उन्नीयमानाः कविभिः पुरस्ताद् देवा देवानामपि यन्ति पार्थः ९  
 शृङ्गाणीवेच्छृङ्गिणां सं ददृशे चषालवन्तः स्वरवः पृथिव्याम् ।  
 वाघद्धिर्वा विह्वे श्रोषमाणा अस्माँ अवन्तु पृतनाज्येषु १०  
 वनस्पते शतवल्शो वि रोह सहस्रवल्शा वि वयं रुहेम ।  
 यं त्वामयं स्वधितिस्तेजमानः प्रणिनाय महते सौभगाय ११

(६) नवमं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । अग्निर्देवता । (१-८)

प्रथमाद्यष्टर्चा बृहती (६) नवम्याश्च त्रिष्टुप् छन्दसी

सखायस्त्वा ववृमहे देवं मर्तास ऊतये ।  
 अपां नपातं सुभगं सुदीदिति सुप्रतूर्तिमनेहसम् १  
 कार्यमानो वना त्वं यन्मातृरजगन्नपः ।  
 न तत् तै अग्ने प्रमृषे निवर्तनं यद् दूरे सन्निहाभवः २  
 अति तृष्टं ववक्षिथा थैव सुमना असि ।  
 प्रप्रानये यन्ति पर्यनय आसते येषां सख्ये असि श्रितः ३  
 ईयिवांसमति स्त्रिधः शश्वतीरति सश्वतः ।  
 अन्वीमविन्दन् निचिरासौ अद्रुहो ऽप्सु सिंहमिव श्रितम् ४  
 ससृवांसमिव त्मना ऽग्निमित्था तिरोहितम् ।  
 ऐर्न नयन्मातरिश्वा परावतो देवेभ्यो मथितं परि ५  
 तं त्वा मर्ता अगृभ्णत देवेभ्यो हव्यवाहन ।  
 विश्वान् यद् यज्ञाँ अभिपासि मानुष तव क्रत्वा यविष्ठय ६  
 तद् भद्रं तव दंसना पाकाय चिच्छदयति ।  
 त्वां यदग्ने पशवः समासते समिद्धमपिशवरे ७  
 आ जुहोता स्वध्वरं शीरं पावकशौचिषम् ।

आशं दूतमजिरं प्रबमीडयं श्रुष्टी देवं संपर्यत ८  
त्रीणि शता त्री सहस्राण्यग्निं त्रिंशच्च देवा नव चासपर्यन् ।  
औक्षन् घृतैरस्तृणन् बर्हिरेस्मा आदिद्धोतारं नयसादयन्त ९

(१०) दशमं सूक्तम्

(१-९) नवर्चस्यास्य सूक्तस्य गाथिनो विश्वामित्र ऋषिः । अग्निर्देवता ।

उष्णिक छन्दः

त्वामग्ने मनीषिणः सम्राजं चर्षणीनाम् । देवं मर्तास इनधते समध्वरे १  
त्वां युज्ञेष्वृत्वज मग्ने होतारमीळते । गोपा ऋतस्य दीदिहि स्वे दमे २  
स घा यस्ते ददाशति समिधा जातवैदसे । सो अग्ने धत्ते सुवीर्यं स पुष्यति ३  
स केतुरध्वराणां मग्निर्देवेभिरा गमत् । अञ्जानः सप्त होतृभिर्हविष्मते ४  
प्र होत्रे पूर्व्यं वचो ऽग्नये भरता बृहत् । विपां ज्योतीषि बिभ्रते न वेधसे ५  
अग्निं वर्धन्तु नो गिरो यतो जायत उक्थ्यः । महे वाजाय द्रविणाय दर्शतः ६  
अग्ने यजिष्ठो अध्वरे देवान् देवयते यज । होता मन्द्रो वि राजस्यति स्निधः ७  
स नः पावक दीदिहि द्युमदस्मे सुवीर्यम् । भवा स्तोतृभ्यो अन्तमः स्वस्तये ८  
तं त्वा विप्रा विपनयवो जागृवांसः समिनधते । हव्यवाहममर्त्य सहोवृधम् ९

(११) एकादशं सूक्तम्

(१-९) नवर्चस्यास्य सूक्तस्य गाथिनो विश्वामित्र ऋषिः । अग्निर्देवता ।

गायत्री छन्दः

अग्निर्होता पुरोहितो ऽध्वरस्य विचर्षणिः । स वैद यज्ञमानुषक १  
स हव्यवाळमर्त्य उशिग्दूतश्चनौहितः । अग्निर्धिया समृणवति २  
अग्निर्धिया स चेतति केतुर्यज्ञस्य पूर्व्यः । अर्थं ह्यस्य तरणि ३  
अग्निं सूनं सनश्चतुं सहसो जातवैदसम् । वह्निं देवा अकृणवत ४  
अदाभ्यः पुरेता विशामग्निर्मनुषीणाम् । तूर्णी रथः सदा नवः ५

साह्वान् विश्वा अभियुजः क्रतुर्देवानाममृतः । अग्निस्तुविश्रवस्तमः ६  
अभि प्रयासि वाहसा दाश्वाँ अश्नोति मर्त्यः । क्षयं पावकशौचिषः ७  
परि विश्वानि सुधिता ऽग्नेरश्याम मन्मभिः । विप्रासो जातवैदसः ८  
अग्ने विश्वानि वार्या वाजेषु सनिषामहे । त्वे देवास एरिरे ९

(१२) द्वादशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । इन्द्राग्नी देवते ।

गायत्री छन्दः

इन्द्राग्नी आ गतं सुतं गीर्भिर्नभो वरेण्यम् । अस्य पातं धियेषिता १  
इन्द्राग्नी जरितुः सचा यज्ञो जिगाति चेतनः । अया पातमिमं सुतम् २  
इन्द्रमग्निं कविच्छदा यज्ञस्य जूत्या वृणे । ता सोमस्येह तृम्पताम् ३  
तोशा वृत्रहणा हुवे सजित्वानांपराजिता । इन्द्राग्नी वाजसातमा ४  
प्र वामर्चनत्युक्थिनौ नीथाविदौ जरितारः । इन्द्राग्नी इष आ वृणे ५  
इन्द्राग्नी नवृतिं पुरौ दासपत्नीरधूनुतम् । साकमेकैनु कर्मणा ६  
इन्द्राग्नी अपसस्पर्यु प प्र यन्ति धीतयः । अतस्य पथ्याइ अनु ७  
इन्द्राग्नी तविषाणि वां सधस्थानि प्रयासि च । युवोरसूर्यं हितम् ८  
इन्द्राग्नी रोचना दिवः परि वाजेषु भूषथः । तद् वा चेति प्र वीर्यम् ९

द्वितीयोऽनुवाकः

। सू० १३-२६

(१३) त्रयोदशं सूक्तम्

(१-७) सप्तर्चस्यास्य सूक्तस्य वैश्वामित्र ऋषभ ऋषिः । अग्निर्देवता ।

अनुष्टुप् छन्दः

प्र वो देवायाग्रये बर्हिष्ठमर्चास्मै ।  
गमद् देवेभिरा स नो यजिष्ठो बर्हिरा सदत् १  
अतावा यस्य रोदसी दक्षं सचन्त ऊतयः ।  
हविष्मन्तस्तमीळते तं सनिष्यन्तोऽवसे २  
स युन्ता विप्र एषां स यज्ञानामथा हि षः ।  
अग्निं तं वो दुवस्यत् दाता यो वर्निता मघम् ३  
स नः शर्माणि वीतये ऽग्निर्यच्छतु शतमा ।



यतो नः प्रुष्णवद् वसु दिवि क्षितिभ्यो अप्स्वा ४  
दीदिवांसमपूर्व्यं वस्वीभिरस्य धीतिभिः ।  
ऋक्वाणो अग्निर्मिनधते होतारं विश्वपतिं विशाम् ५  
उत नो ब्रह्मन्नविष उक्थेषु देवहूतमः ।  
शं नः शोचा मरुद्वधो ऽग्ने सहस्रसातमः ६  
नू नो रास्व सहस्रवत् लोकवत् पुष्टिमद् वसु ।  
द्युमदग्ने सुवीर्यं वर्षिष्ठमनुपक्षितम् ७

(१४) चतुर्दशं सूक्तम्

(१-७) सप्तर्चस्यास्य सूक्तस्य वैश्वामित्र ऋषभ ऋषिः । अग्निर्देवता ।

त्रिष्टुप् छन्दः

आ होता मन्द्रो विदथानयस्थात् सत्यो यज्वा कवितमः स वेधाः ।  
विद्युद्रथः सहसस्पुत्रो अग्निः शोचिष्कैशः पृथिव्यां पाजौ अश्रेत् १  
अयामि ते नमउक्तिं जुषस्व ऋतावस्तुभ्यं चेतते सहस्वः ।  
विद्वाँ आ वक्षि विदुषो नि षत्सि मध्य आ बर्हिरूतये यजत्र २  
द्रवतां त उषसा वाजयन्ती अग्ने वातस्य पृथ्याभिरच्छ ।  
यत् सीमञ्जन्ति पूर्व्यं हविर्भि रा वनधुरैव तस्थतुर्दुरोणे ३  
मित्रश्च तुभ्यं वरुणः सहस्वो ऽग्ने विश्वे मरुतः सुमर्मर्चन् ।  
यच्छोचिषा सहसस्पुत्र तिष्ठा अभि क्षितीः प्रथयन् त्सूर्यो नृन् ४  
वयं तै अद्य ररिमा हि काम मुत्तानहस्ता नमसोपसद्य ।  
यजिष्ठेन मनसा यक्षि देवा नस्त्रैधता मन्मना विप्रौ अग्ने ५  
त्वद्धि पुत्र सहसो वि पूर्वीर्देवस्य यनत्पूतयो वि वाजाः ।  
त्वं दैहि सहस्त्रिणं रयिं नो ऽद्रोघेण वचसा सत्यमग्ने ६  
तुभ्यं दक्ष कविक्रतो यानीमा देव मर्तासो अध्वरे अकर्म ।  
त्वं विश्वस्य सुरथस्य बोधि सर्वं तदग्ने अमृत स्वदेह ७

(१५) पञ्चदशं सूक्तम्

(१-७) सप्तर्चस्यास्य सूक्तस्य कात्य उत्कील ऋषिः । अग्निर्देवता । त्रिष्टुप् छन्दः

वि पाजसा पृथुना शोशुचानो बाधस्व द्विषो रक्षसो अमीवाः ।  
सुशर्मणो बृहतः शर्मणि स्या मग्नेरहं सुहवस्य प्रणीतौ १

त्वं नो अस्या उषसो व्युष्टौ त्वं सूर उदिते बोधि गोपाः ।  
 जन्मेव नित्यं तनयं जुषस्व स्तोमं मे अग्ने तन्वा सुजात २  
 त्वं नृचक्षा वृषभानु पूर्वीः कृष्णास्वग्ने अरुषो वि भाहि ।  
 वसो नेषि च पर्षि चात्यंहः कृधी नो राय उशिजौ यविष्ठ ३  
 अषाळ्हो अग्ने वृषभो दिदीहि पुरो विश्वाः सौभगा संजिगीवान् ।  
 यज्ञस्य नेता प्रथमस्य पायो जर्तवेदो बृहतः सुप्रणीते ४  
 अच्छिद्रा शर्म जरितः पुरुणि देवाँ अच्छा दीद्यानः सुमेधाः ।  
 रथो न सस्त्रिरभि वक्षि वाज मग्ने त्वं रोदसी नः सुमेकै ५  
 प्र पीपय वृषभ जिन्व वाजा नग्ने त्वं रोदसी नः सुदोषै ।  
 देवेभिर्देव सुरुचा रुचानो मा नो मर्तस्य दुर्मतिः परिष्ठात् ६  
 इळामग्ने पुरुदंसं सनिं गोः शश्वत्तमं हवमानाय साध ।  
 स्यान्नः सूनुस्तनयो विजावा ऽग्ने सा तै सुमतिर्भूत्वस्मे ७

(१६) षोडशं सूक्तम्

(१-६) षडृचस्यास्य सूक्तस्य कात्य उत्कील ऋषिः । अग्निर्देवता । प्रगाथः

(विषमर्चा बृहती समर्चा सतोबृहती) छन्दः

अयमग्निः सुवीर्यस्ये शै महः सौभगस्य ।  
 राय ईशे स्वपत्यस्य गोमर्त ईशे वृत्रहथानाम् १  
 इमं नरो मरुतः सश्वता वृधं यस्मिन् रायः शेवृधासः ।  
 अभि ये सन्ति पृतनासु दूढ्यो विश्वाहा शत्रुमादुभुः २  
 स त्वं नो रायः शिशीहि मीद्वो अग्ने सुवीर्यस्य ।  
 तुर्विद्युम्न वर्षिष्ठस्य प्रजावतो ऽनमीवस्य शष्मिणः ३  
 चक्रियो विश्वा भुवनाभि सासहिश्चक्रिर्देवैष्वा दुर्वः ।  
 आ देवेषु यतत आ सुवीर्य आ शंसं उत नृणाम् ४  
 मा नो अग्नेऽर्मतये मावीरतायै रीरधः ।  
 मागोतायै सहसस्पुत्र मा निदे ऽप द्वेषांस्या कृधि ५  
 शग्धि वाजस्य सुभग प्रजावतो ऽग्ने बृहतो अध्वरे ।  
 सं राया भूर्यसा सृज मयोभुना तुर्विद्युम्न यशस्वता ६

(१७) सप्तदशं सूक्तम्

(१-५) पञ्चर्चस्यास्य सूक्तस्य वैश्वामित्रः कत ऋषिः । अग्निर्देवता । त्रिष्टुप् छन्दः  
समिध्यमानः प्रथमानु धर्मा समक्तुभिरज्यते विश्ववारः ।  
शोचिष्केशो घृतनिर्णिक पावकः सुयज्ञो अग्निर्यजथाय देवान् १  
यथार्यजो होत्रमग्ने पृथिव्या यथा दिवो जातवेदश्चिकित्वान् ।  
एवानेन हविषा यक्षि देवान् मनुष्वद् यज्ञं प्र तिरिममद्य २  
त्रीण्यार्येषु तव जातवेद स्तिस्त्र आजानीरुषसस्ते अग्ने ।  
ताभिर्देवानामवो यक्षि विद्वानथा भव यजमानाय शं योः ३  
अग्निं सुदीतिं सुदृशं गृणन्तौ नमस्यामस्त्वेडयं जातवेदः ।  
त्वां दूतमरतिं हव्यवाहं देवा अकृणवन्नमृतस्य नाभिम् ४  
यस्त्वद्धोता पूर्वो अग्ने यजीयान् द्विता च सत्ता स्वधया च शंभुः ।  
तस्यानु धर्मं प्र यजा चिकित्वो ऽथा नो धा अध्वरं देववीतौ ५

(१८) अष्टादशं सूक्तम्

(१-५) पञ्चर्चस्यास्य सूक्तस्य वैश्वामित्रः कत ऋषिः । अग्निर्देवता । त्रिष्टुप् छन्दः  
भवा नो अग्ने सुमना उपेतौ सखेव सख्ये पितरेव साधुः ।  
पुरुदुहो हि क्षितयो जनानां प्रति प्रतीचीर्दहतादरातीः १  
तपो प्वग्ने अन्तरां अमित्रान् तपा शंसमररुषः परस्य ।  
तपो वसो चिकितानो अचित्तान् वि तै तिष्ठन्तामजरा अयासः २  
इध्मेनाग्न इच्छमानो घृतेन जुहोमि हव्यं तरसे बलाय ।  
यावुदीशे ब्रह्मणा वन्दमान इमां धियं शतसेयाय देवीम् ३  
उच्छोचिषा सहसस्पुत्र स्तुतो बृहद् वयः शशमानेषु धेहि ।  
रेवदग्ने विश्वामित्रेषु शं योर्मर्मृज्मा तै तन्वंशभूरि कृत्वः ४  
कृधि रत्नं सुसनितर्धनानां स घेदग्ने भवसि यत् समिद्धः ।  
स्तोतुर्दुरोणे सुभगस्य रेवत् सृप्रा करस्त्रा दधिषे वर्षषि ५

(१९) एकोनविंशं सूक्तम्

(१-५) पञ्चर्चस्यास्य सूक्तस्य कौशिको गाथी ऋषिः । अग्निर्देवता । त्रिष्टुप् छन्दः  
अग्निं होतारं प्र वृणे मियेधे गृत्सं कविं विश्वविदममूरम् ।  
स नो यक्षद् देवताता यजीयान् राये वाजाय वनते मृगानि १  
प्र तै अग्ने हविष्मतीमिय म्यच्छा सुद्युम्नां रातिनीं घृताचीम् ।

प्रदक्षिणिद् देवतातिमुराणः सं रातिभिर्वसुभिर्यज्ञमश्रेत् २  
 स तेजीयसा मनसा त्वोत उत शिञ्ज स्वपत्यस्य शिञ्जोः ।  
 अग्ने रायो नृतमस्य प्रभूतौ भूयाम ते सुष्टुतयश्च वस्वः ३  
 भूरीणि हि त्वे दधिरे अनीका ऽग्ने देवस्य यज्यवो जनांसः ।  
 स आ वह देवतातिं यविष्ठ शर्धो यदद्य दिव्यं यजासि ४  
 यत् त्वा होतारमनजन् मियेधे निषादयन्तो यजथाय देवाः ।  
 स त्वं नो अग्नेऽवितेह बोध्य धि श्रवांसि धेहि नस्तनूषु ५

(२०) विंशं सूक्तम्

(१-५) पञ्चर्चस्यास्य सूक्तस्य कौशिको गाथी ऋषिः । (१, ५)

प्रथमापञ्चम्योर्ऋचोर्विश्वे देवाः (२-४) द्वितीयादितृचस्य चाग्निर्देवताः ।

त्रिष्टुप् छन्दः

अग्निमुषसमश्विना दधिक्रां व्युष्टिषु हवते वह्निरुक्थैः ।  
 सुज्योतिषो नः शृण्वन्तु देवाः सजोषसो अध्वरं वावशानाः १  
 अग्ने त्री ते वार्जिना त्री षधस्था तिस्रस्तै जिह्वा ऋतजात पूर्वीः ।  
 तिस्र उ ते तन्वो देववातास्ताभिर्नः पाहि गिरो अप्रयुच्छन् २  
 अग्ने भूरीणि तव जातवेदो देव स्वधावोऽमृतस्य नाम ।  
 याश्च माया मायिना विश्वमिन्व त्वे पूर्वीः सद्दधुः पृष्टबनधो ३  
 अग्निर्नेता भग इव क्षितीनां दैवीनां देव ऋतुपा ऋतावा ।  
 स वृत्रहा सनयो विश्ववेदाः पर्षद् विश्वाति दुरिता गृणन्तम् ४  
 दधिक्रामग्निमुषसं च देवीं बृहस्पतिं सवितारं च देवम् ।  
 अश्विना मित्रावरुणा भगं च वसून् रुद्रां आदित्यां इह हुवे ५

(२१) एकविंशं सूक्तम्

(१-५) पञ्चर्चस्यास्य सूक्तस्य कौशिको गाथी ऋषिः । अग्निर्देवता । (१)

प्रथमर्चस्त्रिष्टुप् (२-३) द्वितीयातृतीययोरनुष्टुप् (४) चतुर्थ्या विराड् रूपा (५)

पञ्चम्याश्च सतोबृहती छन्दांसि

इमं नो यज्ञममृतैषु धेही मा हव्या जातवेदो जुषस्व ।  
 स्तोकानामग्ने मेदसो घृतस्य होतः प्राशान प्रथमो निषद्य १  
 घृतवन्तः पावक ते स्तोकाः श्रौतन्ति मेदसः ।

स्वर्धर्मन् देववीतये श्रेष्ठं नो धेहि वार्यम् २  
तुभ्यं स्तोका घृतश्चुतो ऽग्ने विप्राय सनत्य ।  
ऋषिः श्रेष्ठः समिध्यसे यज्ञस्य प्राविता भव ३  
तुभ्यं श्रोतनत्यध्रिगो शचीवः स्तोकासौ अग्ने मेदसो घृतस्य ।  
कविशस्तो बृहता भानुनागा हव्या जुषस्व मेधिर ४  
ओजिष्ठं ते मध्यतो मेद उद्धतं प्र ते वयं ददामहे ।  
श्रोतन्ति ते वसो स्तोका अर्धं त्वचि प्रति तान् देवशो विहि ५

(२२) द्वाविंशं सूक्तम्

(१-५) पञ्चर्चस्यास्य सूक्तस्य कौशिको गाथी ऋषिः । (१-३, ५)  
प्रथमादितृचस्य पञ्चम्या ऋचश्चाग्निः (४) चतुर्थ्याश्च पुरीष्या अग्रयो देवताः । (१-  
३, ५) प्रथमादितृचस्य पञ्चम्या ऋचश्च त्रिष्टुप् (४) चतुर्थ्याश्चानुष्टुप् छन्दसी  
अयं सो अग्निर्यस्मिन् त्सोममिन्द्रः सुतं दधे जठरै वावशानः ।  
सहस्रिणं वाजमत्यं न सप्तं सप्तवान् त्सन् त्स्तूयसे जातवेदः १  
अग्ने यत् ते दिवि वर्चः पृथिव्यां यदोषधीष्वप्स्वा यजत्र ।  
येनान्तरिक्षमुर्वाततनर्थ त्वेषः स भानुरर्णवो नृचक्षाः २  
अग्ने दिवो अर्णमच्छा जिगास्यच्छा देवाँ ऊचिषे धिष्या ये ।  
या रौचने परस्तात् सूर्यस्य याश्चावस्तादुपतिष्ठन्त आपः ३  
पुरीष्यासो अग्रयः प्रावृणेभिः सजोषसः ।  
जुषन्ता यज्ञमद्रुहो ऽनमीवा इषो महीः ४  
इळामग्ने पुरुदंसं सनिं गोः शश्वत्तमं हवमानाय साध ।  
स्यान्नः सूनुस्तनयो विजावा ऽग्ने सा ते सुमतिर्भूत्वस्मे ५

(२३) त्रयोविंशं सूक्तम्

(१-५) पञ्चर्चस्यास्य सूक्तस्य भारतौ देवश्रवोदेववातावृषी । अग्निर्देवता । (१-  
२, ४-५) प्रथमाद्वितीययोर्ऋचोश्चतुर्थीपञ्चम्योश्च त्रिष्टुप्  
(३) तृतीयायाश्च सतोबृहती छन्दसी  
निर्मथितः सुधित आ सधस्थे युवा कविरध्वरस्य प्रणेता ।  
जूर्यत्स्वग्निरजरो वनेष्वत्रा दधे अमृतं जातवेदाः १  
अमन्थिष्ठां भारता रेवदग्निं देवश्रवा देववातः सुदक्षम् ।

अग्ने वि पश्य बृहताभि राये षां नो नेता भवतादनु द्यून् २  
 दश क्षिपः पूर्वं सीमजीजनन् त्सुजातं मातृषु प्रियम् ।  
 अग्निं स्तुहि दैववातं दैवश्रवो यो जनानामसद् वशी ३  
 नि त्वा दधे वर आ पृथिव्या इळायास्पदे सुदिनत्वे अह्नाम् ।  
 दृषद्वत्यां मानुष आपयायां सरस्वत्यां रेवदग्ने दिदीहि ४  
 इळामग्ने पुरुदंसं सनिं गोः शश्वत्तमं हवमानाय साध ।  
 स्यान्नः सूनुस्तनयो विजावा ऽग्ने सा तै सुमतिर्भूत्वस्मे ५

(२४) चतुर्विंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । अग्निर्देवता । (१)  
 प्रथमर्चोऽनुष्टुप् (२-५) द्वितीयादिचतसृणाञ्च गायत्री छन्दसी  
 अग्ने सहस्व पृतना अभिमातीरपास्य । दुष्टरस्तरन्नरातीर्वर्चो धा यज्ञवाहसे  
 १  
 अग्रं इळा समिध्यसे वीतिहोत्रो अमर्त्यः । जुषस्व सू नो अध्वरम् २  
 अग्रै द्युम्नेन जागृवे सहसः सूनवाहुत । एदं बर्हिः सदो मम ३  
 अग्ने विश्वैभिरग्निभिर्देवेभिर्महया गिरः । यज्ञेषु य उ चायवः ४  
 अग्ने दा दाशुषै रयिं वीरवन्तं परीणसम् । शिशीहि नः सूनुमतः ५

(२५) पञ्चविंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । (१-३, ५)  
 प्रथमादितृचस्य पञ्चम्या ऋचश्चाग्निः (४) चतुर्थ्याश्चेन्द्राग्नी देवते । विराट् छन्दः  
 अग्रै दिवः सूनुरसि प्रचेता स्तना पृथिव्या उत विश्ववेदाः ।  
 ऋधग्देवाँ इह यजा चिकित्वः १  
 अग्निः संनोति वीर्याणि विद्वान् त्सनोति वाजममृताय भूषन् ।  
 स नो देवाँ एह वहा पुरुक्षो २  
 अग्निर्द्यावापृथिवी विश्वजनये आ भाति देवी अमृते अमूरः ।  
 क्षयन् वाजैः पुरुश्चन्द्रो नमोभिः ३  
 अग्र इन्द्रश्च दाशुषौ दुरोणे सुतावतो यज्ञमिहोप यातम् ।  
 अमर्धन्ता सोमपेयाय देवा ४  
 अग्रै अपां समिध्यसे दुरोणे नित्यः सूनो सहसो जातवेदः ।

## सधस्थानि मह्यमान ऊती ५

(२६) षड्विंशं सूक्तम्

(१-६) नवर्चस्यास्य सूक्तस्य (१-६, ८-६) प्रथमतृचद्वयस्याष्टमीनवम्योर्ऋचोश्च गाथिनो विश्वामित्रः (७) सप्तम्याश्च ब्रह्म ऋषी । (१-३) प्रथमादितृचस्य वैश्वानरोऽग्निः (४-६) चतुर्थ्यादितृचस्य मारुतोऽग्निः (७-८) सप्तम्यष्टम्योर्ऋचोरग्निः परं ब्रह्म वा (९) नवम्याश्च विश्वामित्रोपाध्यायो देवताः ।

(१-६) प्रथमतृचद्वयस्य जगती (७-६) तृतीयतृचस्य च त्रिष्टुप् छन्दसी  
वैश्वानरं मनसाग्निं निचाय्या हविष्मन्तो अनुषत्यं स्वर्विदम् ।  
सुदानुं देवं रथिरं वसूयवौ गीर्भी रणवं कुशिकासौ हवामहे १  
तं शुभ्रमग्निमवसे हवामहे वैश्वानरं मातरिश्वा नमुक्थ्यम् ।  
बृहस्पतिं मनुषो देवतातये विप्रं श्रोतारमतिथिं रघुष्यदम् २  
अश्वो न क्रन्दञ्जनिभिः समिध्यते वैश्वानरः कुशिकेभिर्युगेयुगे ।  
स नो अग्निः सुवीर्यं स्वश्चयं दधातु रत्नममृतैषु जागृविः ३  
प्र यन्तु वाजास्तर्विषीभिरग्रयः शभे संइमंशलाः पृषतीरयुक्षत ।  
बृहदुक्षौ मरुतौ विश्ववैदसः प्र वेपयन्ति पर्वतां अदाभ्याः ४  
अग्निश्रियो मरुतौ विश्वकृष्टयु आ त्वेषमुग्रमव ईमहे वयम् ।  
ते स्वानिनौ रुद्रिया वर्षनिर्णिजः सिंहा न हेषक्रतवः सुदानवः ५  
वार्तवार्तं गुणंगणं सुशस्तिभि रग्रेभाम मरुतामोज ईमहे ।  
पृषदश्वासो अनवभ्रराधसो गन्तारो यज्ञं विदथेषु धीराः ६  
अग्निरस्मि जन्मना जातवैदा घृतं मे चक्षुरमृतं म आसन् ।  
अर्कस्त्रिधातू रजसो विमानो ऽजस्रो घर्मो हविरस्मि नाम ७  
त्रिभिः पवित्रैरपुपोद्धयर्कं हृदा मतिं ज्योतिरनु प्रजानन् ।  
वर्षिष्ठं रत्नमकृत स्वधाभि रादिद् द्यावापृथिवी पर्यपश्यत् ८  
शतधारमुत्समक्षीयमाणं विपुश्चितं इंपुतरं वक्त्वानाम् ।  
मेळिं मदन्तं पित्रोरुपस्थे तं रौदसी पिपृतं सत्यवाचम् ९

(२७) सप्तविंशं सूक्तम्

(१-१५) पञ्चदशर्चस्यास्य सूक्तस्य गाथिनो विश्वामित्र ऋषिः । (१-१५)  
पञ्चदशर्चामग्निः (१) प्रथमाया ऋतवो वा देवताः । गायत्री छन्दः

प्र वो वाजा अभिद्यवो हविष्मन्तो घृताच्या । देवाङ्गिगाति सुम्रयुः १  
 ईळे अग्निं विपश्चितं गिरा यज्ञस्य साधनम् । श्रुष्टीवानं धितावानम् २  
 अग्ने शकेम ते वयं यमं देवस्य वाजिनः । अति द्वेषासि तरेम ३  
 समिध्यमानो अध्वरेऽग्निः पावक ईडयः । शोचिष्कैशस्तमीमहे ४  
 पृथुपाजा अमर्त्यो घृतनिर्णिक स्वाहुतः । अग्निर्यज्ञस्य हव्यवाट् ५  
 तं सबाधो यतस्तुच इत्था धिया यज्ञवन्तः । आ चक्रुरग्निमूतये ६  
 होता देवो अमर्त्यः पुरस्तादेति मायया । विदथानि प्रचोदयन् ७  
 वाजी वाजेषु धीयते ऽध्वरेषु प्र णीयते । विप्रो यज्ञस्य साधनः ८  
 धिया चक्रे वरेण्यो भूतानां गर्भमा दधे । दक्षस्य पितरं तना ९  
 नि त्वा दधे वरेण्यं दक्षस्येळा सहस्कृत । अग्ने सुदीतिमुशिजम् १०  
 अग्निं यन्तुरममुरं मृतस्य योगे वनुषः । विप्रा वाजैः समिनधते ११  
 ऊर्जो नपातमध्वरे दीदिवांसमुप द्यवि । अग्निमीळे कविक्रतुम् १२  
 ईळेनयो नमस्य स्तिरस्तमासि दर्शतः । समग्निरिध्यते वृषा १३  
 वृषौ अग्निः समिध्यते ऽश्वो न देववाहनः । तं हविष्मन्त ईळते १४  
 वृषणं त्वा वयं वृषन् वृषणः समिधीमहि । अग्ने दीद्यतं बृहत् १५

### (२८) अष्टाविंशं सूक्तम्

(१-६) षडृचस्यास्य सूक्तस्य गाथिनो विश्वामित्र ऋषिः । अग्निर्देवता । (१-२,  
 ६) प्रथमाद्वितीययोर्ऋचोः षष्ठ्याश्च गायत्री (३) तृतीयाया उष्णिक् (४)

चतुर्थ्यास्त्रिष्टुप् (५) पञ्चम्याश्च जगती छन्दांसि

अग्ने जुषस्व नो हविः पुरोळाशं जातवेदः । प्रातःसावे धियावसो १  
 पुरोळा अग्ने पचतस्तुभ्यं वा घा परिष्कृतः । तं जुषस्व यविष्ठय २  
 अग्ने वीहि पुरोळाशं माहुतं तिरोअहयम् । सहसः सूनुरस्यध्वरे हितः ३  
 माध्यदिने सर्वने जातवेदः पुरोळाशमिह केवे जुषस्व ।  
 अग्ने यज्ञस्य तव भागधेयं न प्र मिनन्ति विदथेषु धीराः ४  
 अग्ने तृतीये सर्वने हि कानिषः पुरोळाशं सहसः सूनवाहुतम् ।  
 अथा देवेष्वध्वरं विपनयया धा रत्नवन्तममृतैषु जागृविम् ५  
 अग्ने वृधान आहुतिं पुरोळाशं जातवेदः । जुषस्व तिरोअङ्गनयम् ६

### (२९) एकोनत्रिंशं सूक्तम्



(१-१६) षोडशर्चस्यास्य सूक्तस्य गाथिनो विश्वामित्र ऋषिः । (१-४, ६-१६)  
प्रथमादिचतुर्ऋचां षष्ठ्याद्येकादशानाञ्चाग्निः (५) पञ्चम्याश्च अग्निर्ऋत्विजो वा देवताः  
। (१, ४, १०, १२) प्रथमाचतुर्थीदशमीद्वादशीनामनुष्टुप् (२, ३, ५, ७-९, १३,  
१६) द्वितीयातृतीययोः पञ्चम्याः सप्तम्यादितृचस्य त्रयोदशीषोडश्योश्च त्रिष्टुप् (६, ११,  
१४, १५) षष्ठ्येकादशीचतुर्दशीपञ्चदशीनाञ्च जगती छन्दांसि  
अस्तीदमधि मनर्थन् मस्ति प्रजननं कृतम् ।  
एतां विश्पत्नीमा भराग्निं मनथाम पूर्वथा १  
अरण्योर्निहितो जातवेदा गर्भ इव सुधितो गर्भिणीषु ।  
दिवेदिव ईड्यो जागृवद्भिर्हविष्मद्भिर्मनुष्यैभिरग्निः २  
उत्तानायामव भरा चिकित्वान् त्सद्यः प्रवीता वृषणं जजान ।  
अरुषस्तूपो रुशदस्य पाज इळायास्पुत्रो वयुने ऽजनिष्ट ३  
इळायास्त्वा पुदे वयं नाभा पृथिव्या अधि ।  
जातवेदो नि धीम ह्यग्रे हव्याय वोळहवे ४  
मनर्थता नरः कविमद्वयन्तं प्रचेतसममृतं सुप्रतीकम् ।  
यज्ञस्य केतुं प्रथमं पुरस्तादग्निं नरो जनयता सुशेवम् ५  
यदी मनर्थन्ति बाहुभिर्वि रौचते ऽश्वो न वाज्यरूपो वनेष्वा ।  
चित्रो न यामन्नश्चिनोरनिवृतः परि वृणक्त्यश्मन्स्तृणा दहेन् ६  
जातो अग्नी रौचते चेकितानो वाजी विप्रः कविशस्तः सुदानुः ।  
यं देवास ईड्यं विश्वविदं हव्यवाहुमदधुरध्वरेषु ७  
सीदं होतुः स्व उ लोके चिकित्वान् त्सादया यज्ञं सुकृतस्य योनौ ।  
देवावीर्देवान् हविषा यजा स्यग्रे बृहद् यजमाने वर्यो धाः ८  
कृणोत धूमं वृषणं सखायो ऽस्त्रेधन्त इतन् वाजमच्छ ।  
अयमग्निः पृतनाषाट् सुवीरो येन देवासो असहन्त दस्यून् ९  
अयं ते योनिर्ऋत्वियो यतो जातो अरौचथाः ।  
तं जानन्नग्ना आ सीदार्था नो वर्धया गिरः १०  
तनूनपादुच्यते गर्भ आसुरो नराशंसो भवति यद् विजायते ।  
मातरिश्वा यदमिमीत मातरि वार्तस्य सर्गो अभवत् सरीमणि ११  
सुनिर्मथा निर्मथितः सुनिधा निहितः कविः ।  
अग्रे स्वध्वरा कृणु देवान् दैवयते यज १२  
अजीजनन्नमृतं मर्त्यासो ऽस्त्रेमाणं तरणिं वीळजम्भम् ।

दश स्वसारो अग्रुवः समीचीः पुमांसं जातमभि सं रभन्ते १३  
 प्र सप्तहौता सनकादरोचत मातुरुपस्थे यदशौचदूधनि ।  
 न नि मिषति सुरणो दिवेदिवे यदसुरस्य जठरादजायत १४  
 अमित्रायुधौ मरुतामिव प्रयाः प्रथमजा ब्रह्मणो विश्वमिदं विदुः ।  
 द्युम्वद् ब्रह्म कुशिकास एरिर एकएको दमै अग्निं समीधिरे १५  
 यदद्य त्वा प्रयति युजे अस्मिन् होतश्चिकित्वोऽवृणीमहीह ।  
 ध्रुवमया ध्रुवमुताशमिष्ठाः प्रजानन् विद्राँ उप याहि सोमम् १६  
 द्वितीयोऽध्यायः

व० १-२६

तृतीयोऽनुवाकः

सू० ३०-३८

(३०) त्रिंशं सूक्तम्

(१-२२) द्वाविंशत्यृचस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इच्छन्ति त्वा सोम्यासः सखायः सुन्वन्ति सोमं दधति प्रयांसि ।  
 तितिक्षन्ते अभिशस्तिं जनानां मिन्द्र त्वदा कश्चन हि प्रकेतः १  
 न ते दूरे परमा चिद् रजां स्या तु प्र याहि हरिवो हरिभ्याम् ।  
 स्थिराय वृष्णे सर्वना कृतेमा युक्ता ग्रावाणः समिधाने अग्नौ २  
 इन्द्रः सुशिप्रौ मघवा तरुत्रो महाब्रातस्तुविकूर्मिर्ऋषावान् ।  
 यदुग्रो धा बाधितो मर्त्येषु क्वश् त्वा ते वृषभ वीर्याणि ३  
 त्वं हि ष्मा च्यावयन्नच्युता नयेकौ वृत्रा चरसि जिघ्रमानः ।  
 तव द्यावापृथिवी पर्वतासो ऽनु वृताय निर्मितेव तस्थुः ४  
 उताभये पुरुहूत श्रवोभिरेकौ दृळ्हमवदो वृत्रहा सन् ।  
 इमे चिदिन्द्र रोदसी अपारे यत् संगृभ्णा मघवन् काशिरितै ५  
 प्र सू ते इन्द्र प्रवता हरिभ्यां प्र ते वज्रः प्रमृणन्नेतु शत्रून् ।  
 जहि प्रतीचो अनूचः पराचो विश्वं सत्यं कृणुहि विष्टमस्तु ६  
 यस्मै धायुरदधा मर्त्याया भक्तं चिद् भजते गेह्यं सः ।  
 भद्रा ते इन्द्र सुमतिर्धृताचीं सहस्रदाना पुरुहूत रातिः ७  
 सहदानुं पुरुहूत क्षियन्त महस्तमिन्द्र सं इंपणक् कृणारुम् ।

अ॒भि वृ॒त्रं व॒र्ध॒मानं॑ पि॒या॒रु म॒पाद॑मिन्द्र त॒वसा॑ जघनथ ८  
 नि स॒मि॒नामि॑षिरामिन्द्र भूमिं म॒हीम॑पा॒रां स॒दने॑ ससत्थ ।  
 अस्त॑भ्नाद् द्यां वृष॒भो अ॒न्तरि॑क्ष म॒र्ष॒नत्वा॑प॒स्त्वये॒ह प्र॑सू॒ताः ९  
 अ॒ला॒तृ॒णो व॒ल इन्द्र॑ वृ॒जो गोः पु॒रा ह॒न्तो॒र्भय॑मानो व्या॒र ।  
 सु॒गान् प॒थो अ॑कृ॒णोन्निर॑जे गाः प्राव॒न् वा॒णीः पु॒रु॒हूतं॑ ध॒र्मन्तीः १०  
 ए॒को द्वे॑ वसु॒मती॑ स॒मीची॑ इन्द्र आ प॒प्रौ पृ॒थि॒वीमु॒त द्या॑म् ।  
 उ॒ता॒न्तरि॑क्षाद॒भि नः॑ स॒मीक॑ इ॒षो र॒थीः स॒युजः॑ शू॒र वा॒जान् ११  
 दि॒शः सू॒र्यो न मि॑नाति प्र॒दि॒ष्टा दि॒वेदि॑वे ह॒र्य॑श्चप्रसू॒ताः ।  
 सं य॒दान॒ळध्व॑न् आदि॒दश्चै॒र्वि॒मोच॑नं कृ॒णुते॑ तत् त्व॒स्य १२  
 दि॒दृक्ष॑न्त उ॒षसो॑ या॒मन्न॑क्तो वि॒वस्व॑त्या म॒हि चि॒त्रम॑नीकम् ।  
 वि॒श्वे जा॑नन्ति म॒हिना॑ यदागा दिन्द्र॒स्य क॑र्म सु॒कृता॑ पु॒रु॒णि १३  
 म॒हि ज्यो॒तिर्नि॑हितं व॒क्षणा॑ स्वा॒मा प॒क्वं च॑रति बिभ्र॒ती गौः ।  
 वि॒श्वं स्वा॒घ्र संभृ॑तमु॒स्त्रिया॑यां यत् सी॒मिन्द्रो॑ अ॒द॒धाद् भो॑र्जनाय १४  
 इन्द्र॑ दृ॒ह्य या॑मको॒शा अ॑भूवन् यु॒ज्ञाय॑ शि॒क्ष गृ॑णते सखि॒भ्यः ।  
 दु॒र्मा॒यवो॑ दु॒रेवा॑ म॒र्त्यासो॑ निष॒ङ्गि॒णो रि॒पवो॑ ह॒नत्वा॑सः १५  
 सं घो॑षः शृ॒णवे॑ऽव॒मैर॒मित्रै॑र्ज॒ही नये॑ष्व॒शनिं॑ तपि॒ष्ठाम् ।  
 वृ॒श्चेम॑धस्ताद् वि रु॒जा स॒ह॒स्व ज॒हि रक्षो॑ म॒घवन् र॒न॒धय॑स्व १६  
 उ॒द् बृ॒ह रक्षः॑ स॒हमूल॑मिन्द्र वृ॒श्चा म॒ध्यं प्र॑त्यग्रं शृ॒णीहि॑ ।  
 आ की॑वतः स॒ल॒लूकं॑ च॒कर्थ॑ ब्र॒ह्मद्वि॑षे तपु॒षिं हे॒तिम॑स्य १७  
 स्व॒स्तये॑ वा॒जिभि॑श्च प्र॒णेतुः॑ सं यन्म॒हीरि॑षे आ॒सत्सि॑ पूर्वीः ।  
 रा॒यो व॒न्तारो॑ बृ॒हतः॑ स्या॒मा ऽस्मे अ॑स्तु भ॒ग इन्द्र॑ प्र॒जावा॑न् १८  
 आ नो॑ भ॒र भ॒गमिन्द्र॑ द्यु॒मन्तं॑ नि तै दे॒ष्णस्य॑ धीम॒हि प्रे॒के ।  
 ऊ॒र्व इ॒व प॒प्रथे॑ का॒मो अ॒स्मे त॒मा पृ॑ण वसु॒पते॑ वसू॒नाम् १९  
 इ॒मं का॒र्म म॒न्दया॑ गो॒भिर॑श्चै॒श्चन्द्र॑व॒ता रा॒धसा॑ पु॒प्रथे॑श्च ।  
 स्व॒र्यवो॑ म॒तिभि॑स्तु॒भ्यं वि॒प्रा इन्द्रा॑य वा॒हः कु॑शि॒कासो॑ अ॒क्रन् २०  
 आ नो॑ गो॒त्रा द॑र्द॒हि गो॒पते॑ गाः स॒म॒स्मभ्य॑ स॒नयो॑ यन्तु वा॒जाः ।  
 दि॒वक्षा॑ अ॒सि वृ॒षभ॑ स॒त्यशु॑ष्मो ऽस्म॒भ्यं सु॑ म॒घवन् बो॒धि गो॒दाः २१  
 श॒नं हु॑वेम म॒घवा॑न॒मिन्द्र॑ म॒स्मिन् भ॑रे नृ॒तमं॑ वा॒जसा॑तौ ।  
 शृ॒णव॑न्त॒मु॒ग्रमू॑तये॒ सम॑त्सु घ्नन्त॑ वृ॒त्राणि॑ सं॒जितं॑ ध॒नाना॑म् २२

(३१) एकत्रिंशं सूक्तम्

(१-२२) द्वाविंशत्यृचस्यास्य सूक्तस्य गाथिनो विश्वामित्र ऐषीरथिः कुशिको वा

ऋषिः । इन्द्रो देवता । त्रिष्टुप् छन्दः

शासद् वह्निर्दुहितुर्नप्त्यं गाद् विद्वाँ ऋतस्य दीधितिं सपर्यन् ।  
 पिता यत्र दुहितुः सेकमृञ्जन् त्सं शग्म्येन मनसा दधन्वे १  
 न जामये तान्वौ रिक्थमरैक चकार गर्भं सनितुर्निधानम् ।  
 यदी मातरौ जनयन्त वह्निं मनयः कर्ता सुकृतौ नय ऋनधन् २  
 अग्निर्जज्ञे जुह्वा रेजमानो महस्पुत्राँ अरुषस्य प्रयक्षे ।  
 महान् गर्भो मह्या जातमेषां मही प्रवृद्धर्यश्वस्य यज्ञैः ३  
 अभि जैत्रीरसचन्त स्पृधानं महि ज्योतिस्तमसो निरजानन् ।  
 तं जानतीः प्रत्युदायनुषासः पतिर्गवामभवदेक इन्द्रः ४  
 वीळौ सतीरभि धीरा अतृन्दन् प्राचाहिन्वन् मनसा सप्त विप्रोः ।  
 विश्वामविन्दन् पथ्यामृतस्य प्रजानन्नित्ता नमसा विवेश ५  
 विदद् यदी सरमा रुग्णमद्रे मर्हि पार्थः पूर्व्यं सुधर्यक्कः ।  
 अग्रं नयत् सुपद्यक्षराणा मच्छा रवं प्रथमा जानती गात् ६  
 अगच्छदु विप्रतमः सखीय न्नसूदयत् सुकृते गर्भमद्रिः ।  
 ससान् मर्यो युर्वभिर्मखस्य न्नाभाभवदङ्गिराः सद्यो अर्चन् ७  
 सतःसतः प्रतिमानं पुरो भूर्विश्वा वेदु जनिमा हन्ति शुष्णाम् ।  
 प्र णौ दिवः पदवीर्गव्युर्चन् त्सखा सखीरमुञ्चन्निरवद्यात् ८  
 नि गव्यता मनसा सेदुरकैः कृशवानासौ अमृतत्वाय गातुम् ।  
 इदं चिन्नु सदनं भूर्येषां येन मासाँ असिषासन्नृतेन ९  
 संपश्यमाना अमदन्नभि स्वं पर्यः प्रत्नस्य रेतसो दुघानाः ।  
 वि रोदसी अतपद् घोष एषां जाते निःष्ठामदधुर्गोषु वीरान् १०  
 स जातेभिर्वृत्रहा सेदु हव्यै रुदुस्त्रिया असृजदिन्द्रो अकैः ।  
 उरूच्यस्मै घृतवद् भरन्ती मधु स्वाद्य दुदुहे जेन्या गौः ११  
 पित्रे चिच्चक्रुः सदनं समस्मै महि त्विषीमत् सुकृतो वि हि ख्यन् ।  
 विष्कभन्तः स्कम्भनेना जनित्री आसीना ऊर्ध्वं रभसं वि मिन्वन् १२  
 मही यदि धिषणा शिशनथे धात् सद्योवृधं विभ्वं रोदस्योः ।  
 गिरो यस्मिन्ननवद्याः समीची विश्वा इन्द्राय तविषीरनुत्ताः १३

मह्या तै सख्यं वंश्मि शक्ती रा वृत्रघ्ने नियुतौ यन्ति पूर्वीः ।  
महिं स्तोत्रमव आगन्म सुरेस्माकं सु मघवन् बोधि गोपाः १४  
महिं क्षेत्रं पुरुश्चन्द्रं विविद्वा नादित् सखिभ्यश्चरथं समैरत् ।  
इन्द्रो नृभिर्जनद दीद्यानः साकं सूर्यमुषसं गातुमग्निम् १५  
अपश्चिदेष विभ्वोऽदमूनाः प्र सध्रीचौरसृजद् विश्वश्चन्द्राः ।  
मध्वः पुनानाः कविभिः पवित्रैर्द्युभिर्हिन्वनत्यक्तुभिर्धनुत्रीः १६  
अनु कृष्णे वसुधितौ जिहाते उभे सूर्यस्य मंहना यजत्रे ।  
परि यत् तै महिमानं वृजध्यै सखाय इन्द्र काम्या ऋजिप्याः १७  
पतिर्भव वृत्रहन् त्सूनृतीनां गिरां विश्वार्युर्वृषभो वयोधाः ।  
आ नो गहि सख्येभिः शिवेभिर्महान् महीभिरूतिभिः सरण्यन् १८  
तमङ्गिरस्वन्नमसा सपर्यन् नव्यं कृणोमि सनयसे पुराजाम् ।  
द्रुहो वि याहि बहुला अदेवीः स्वश्च नो मघवन् त्सातयै धाः १९  
मिहः पावकाः प्रतेता अभूवन् त्वस्ति नः पिपृहि पारमासाम् ।  
इन्द्र त्वं रथिरः पाहि नो रिषो मद्भूमद्भू कृणुहि गोजितौ नः २०  
अदेदिष्ट वृत्रहा गोपतिर्गा अन्तः कृष्णां अरुषैर्धर्मभिर्गात् ।  
प्र सूनृतां दिशमान् ऋतेन दुरश्च विश्वा अवृणोदपु स्वाः २१  
शनं हुवेम मघवान्मिन्द्रं मुस्मिन् भरे नृतुं वाजसातौ ।  
शृणवन्तमुग्रमूतयै समत्सु घ्नन्त वृत्राणि संजितुं धनानाम् २२

(३२) द्वात्रिंशं सूक्तम्

(१-१७) सप्तदशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इन्द्र सोमं सोमपते पिबेमं माध्यदिनं सर्वनं चारु यत् तै ।  
प्रपुथ्या शिप्रै मघवन्नृजीषिन् विमुच्या हरीं इह मादयस्व १  
गवांशिरं मन्थिनमिन्द्र शक्रं इंपबा सोमं ररिमा ते मदाय ।  
ब्रह्मकृता मारुतेना गुणेन सजोषा रुद्रेस्तृपदा वृषस्व २  
ये ते शुष्मं ये तविषीमवर्धं न्नर्चन्त इन्द्र मरुतस्त ओजः ।  
माध्यदिने सर्वने वज्रहस्त पिबा रुद्रेभिः सगणः सुशिप्र ३  
त इन्वस्य मधुमद् विविप्र इन्द्रस्य शर्धौ मरुतो य आसन् ।  
येभिर्वृत्रस्यैषितो विवेदा मर्मणो मनयमानस्य मर्म ४

मनुष्वदिन्द्र सर्वनं जुषाणः पिबा सोमं शश्वते वीर्याय ।  
 स आ ववृत्स्व हर्यश्च यज्ञैः सरण्युभिरपो अर्णा सिसर्षि ५  
 त्वमपो यद्ध वृत्रं जघन्वाँ अत्याँ इव प्रासृजः सर्तवाजौ ।  
 शयानमिन्द्र चरेता वधेन वव्रिवांसं परि देवीरदैवम् ६  
 यजाम् इन्नमसा वृद्धमिन्द्र बृहन्तमृष्वमजरं युवानम् ।  
 यस्य प्रिये ममर्तुर्यज्ञियस्य न रोदसी महिमानं ममातै ७  
 इन्द्रस्य कर्म सुकृता पुरुणि व्रतानि देवा न मिनन्ति विश्वे ।  
 दाधार यः पृथिवीं द्यामुतेमां जजान सूर्यमुषसं सुदंसाः ८  
 अद्रौघ सत्यं तव तन्महित्वं सद्यो यज्जातो अपिबो ह सोमम् ।  
 न द्याव इन्द्र तवसस्त ओजो नाहा न मासाः शरदौ वरन्त ९  
 त्वं सद्यो अपिबो जात इन्द्र मदाय सोमं परमे व्योमन् ।  
 यद्ध द्यावापृथिवी आविवेशी रथाभवः पूर्यः कारुधायाः १०  
 अहन्नहिं परिशयानुमर्णं ओजायमानं तुविजात तव्यान् ।  
 न तै महित्वमनु भूदध द्यौ र्यदनयया स्फिग्याः क्षामवस्थाः ११  
 यज्ञो हि त इन्द्र वर्धनो भूदुत प्रियः सुतसौमो मियेधः ।  
 यज्ञेन यज्ञमव यज्ञियः सन् यज्ञस्ते वज्रमहिहत्य आवत् १२  
 यज्ञेनेन्द्रमवसा चक्रे अर्वा गैर्न सुम्नाय नव्यसे ववृत्याम् ।  
 यः स्तोमैभिर्वावृधे पूर्येभिर्यो मध्यमेभिरुत नूतनेभिः १३  
 विवेष यन्मां धिषणां जजान स्तवै पुरा पार्यादिन्द्रमहः ।  
 अंहसो यत्र पीपरद् यथा नो नावेव यान्तमुभयै हवन्ते १४  
 आपूर्णो अस्य कलशः स्वाहा सेक्तैव कोशे सिसिचे पिबध्यै ।  
 समु प्रिया आववृत्रन् मदाय प्रदक्षिणिदुभि सोमासु इन्द्रम् १५  
 न त्वा गभीरः पुरुहूत सिनधु नार्द्रयः परि षन्तौ वरन्त ।  
 इत्था सखिभ्य इषितो यदिन्द्रा ऽऽदृळ्हं चिदरुजो गव्यमूर्वम् १६  
 शनं हुवेम मघवानमिन्द्र मस्मिन् भरे नृतमं वार्जसातौ ।  
 शृणवन्तमुग्रमूतयै समत्सु घन्तं वृत्राणि संजितं धनानाम् १७

(३३) त्रयस्त्रिंशं सूक्तम्

(१-१३) त्रयोदशर्चस्यास्य सूक्तस्य (१-३, ५, ७, ९, ११-१३) प्रथमादितृचस्य

पञ्चमीसप्तमीनवम्युचामेकादश्यादितृचस्य च गाथिनो विश्वामित्र ऋषिः (४, ६, ८, १०) चतुर्थीषष्ठ्यष्टमीदशमीनाञ्च नद्य ऋषिकाः । (१-३, ५, ९, ११-१३)  
प्रथमादितृचस्य पञ्चमीनवम्योऽर्चोरेकादश्यादितृचस्य च नद्यः (४, ८, १०)  
चतुर्थ्यष्टमीदशमीनां विश्वामित्रः (६, ७) षष्ठीसप्तम्योश्चेन्द्रो देवताः । (१-१२)  
प्रथमादिद्वादशर्चा त्रिष्टुप् (१३) त्रयोदश्याश्चानुष्टुप् छन्दसी

प्र पर्वतानामु॒शती उ॒पस्था॒दश्चै॒ इव॒ वि॒षिते॒ हास॑माने ।  
गावै॒व शु॒भ्रे मा॒तरा॑ रिहा॒णे वि॒पाट्छु॒तुद्री॑ पय॑सा जवेते १  
इन्द्रै॒षिते॒ प्रस॒वं इ॒भक्ष॑माणे अ॒च्छा समु॒द्रं र॒थ्यैव॑ याथः ।  
स॒मा॒रा॒णे ऊ॒र्मिभिः॑ पि॒न्व॒माने॑ अ॒नया॑ वा॒म॒न॒याम॑प्येति शु॒भ्रे २  
अ॒च्छा सि॒नधुं॑ मा॒तृ॒त॒मा॒मया॑सं वि॒पा॒शमु॒र्वी सु॒भगा॑मगन्म ।  
व॒त्स॒मि॒व मा॒तरा॑ सं॒रिहा॒णे स॑मा॒नं यो॒नि॒मनु॑ स॒ंचर॑न्ती ३  
ए॒न व॒यं पय॑सा पि॒न्व॒माना॑ अनु॒ यो॒निं दे॒वकृ॑तं चर॑न्तीः ।  
न व॑र्त॒वे प्र॒सवः॑ सर्ग॑त॒क्तः कि॑युर्विप्रौ न॒द्यौ जो॒हवी॑ति ४  
रम॑ध्वं मे वच॑से सो॒म्याय॑ ऋ॒ताव॑रीरुप॒ मुहूर्त॑मेवैः ।  
प्र सि॒नधु॑मच्छा बृ॒हती॑ म॒नीषा॑ ऽव॒स्युर॑हे कु॒शिक॑स्य॒ सूनुः॑ ५  
इन्द्रो॑ अ॒स्माँ अ॒रद॑द् वज्र॒बा ह॒रपा॑हन् वृ॒त्रं प॑रि॒धिं न॒दीना॑म् ।  
दे॒वोऽन॑यत् स॒विता॑ सु॒पा॒णि स्तस्य॑ व॒यं प्र॑स॒वे या॑म उ॒र्वीः ६  
प्र॒वाच्यं॑ श॒श्वधा॑ वी॒र्यं॑ त दिन्द्र॑स्य॒ कर्म॑ यद॒हि वि॒वृश्च॑त् ।  
वि वज्र॑ण प॒रिष॑दौ जघा॒ना ऽऽय॑न्नापोऽय॑नमिच्छ॒मानाः॑ ७  
ए॒तद् वचो॑ ज॒रित॑र्मापि मृ॒ष्टा आ॑ यत् ते घो॒षानु॑त्तरा यु॒गानि॑ ।  
उ॒क्थे॑षु॒ कारो॑ प्रति॒ नो जुष॑स्व॒ मा नो॑ नि कः पुरु॒षत्रा॑ नम॑स्ते ८  
ओ षु॒ स्व॑सारः का॒रवै॑ शृ॒णोत॑ य॒यौ वो॑ दू॒राद॑न॒सा रथे॑न ।  
नि षू॒ नम॑ध्वं भव॑ता सु॒पा॒रा अ॒धोअ॒क्षाः सि॒नध॑वः स्त्रो॒त्याभिः॑ ९  
आ तै॑ कारो शृ॒णवामा॑ वचा॑सि य॒यार्थ॑ दू॒राद॑न॒सा रथे॑न ।  
नि तै॑ न॒सै पी॒प्या॒नेव॑ योषा॒ मया॑येव क॒नया॑ श॒श्वचै॑ तै १०  
यद॒ङ्ग त्वा॑ भ॒रताः॑ सं॒तरे॑यु॒र्गव्य॑न् ग्रा॒मं इ॒षित॑ इन्द्र॒जूतः॑ ।  
अ॒र्षाद॑हं प्र॒सवः॑ सर्ग॑त॒क्त आ॒ वो वृ॑णे सु॒म॒तिं य॒ज्ञिया॑नाम् ११  
अ॒ता॒रिषु॑र्भ॒रता॑ गु॒व्यवः॑ स॒ म॒भक्त॑ वि॒प्रः सु॒म॒तिं न॒दीना॑म् ।  
प्र पि॒न्व॒ध्वमि॑षय॑न्तीः सु॒राधा॑ आ व॒क्षणाः॑ पृ॒णध्वं॑ या॒त शी॑र्भम् १२  
उद् व॑ ऊ॒र्मिः श॒म्या ह॒न॒त्वापो॑ योक्त्रा॑णि मुञ्चत ।

मादुष्कृतौ व्यैनसा ऽघ्नचौ शूनमारताम् १३

(३४) चतुस्त्रिंशं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इन्द्रः पूर्भिदातिरद दासमकैर्विदद वसुर्दयमानो वि शत्रून् ।  
 ब्रह्मजुतस्तन्वा वावृधानो भूरिदात्र आपृणद् रोदसी उभे १  
 मुखस्य ते तविषस्य प्र जूति मियमि वाचममृताय भूषन् ।  
 इन्द्रं क्षितीनामसि मानुषीणां विशां दैवीनामुत पूर्वयावा २  
 इन्द्रो वृत्रमवृणोच्छर्धनीतिः प्र मायिनाममिनाद् वर्षणीतिः ।  
 अहन् व्यसमुशधग्वनेष्वाविर्धेना अकृणोद् राम्याणाम् ३  
 इन्द्रः स्वर्षा जनयन्नहानि जिगायोशिग्भिः पृतना अभिष्टिः ।  
 प्रारौचयन्मनवे केतुमह्ना मविन्दज्जयोतिर्बृहते रणाय ४  
 इन्द्रस्तुजौ बर्हणा आ विवेश नृवद् दधानो नर्या पुरुणि ।  
 अचैतयद् धिय इमा जरित्रे प्रेमं वर्णमतिरच्छुक्रमसाम् ४  
 महो महानि पनयनत्यस्येन्द्रस्य कर्म सुकृता पुरुणि ।  
 वृजनैन वृजिनान् त्सं इंपपेष मायाभिर्दस्यूरभिभूत्योजाः ६  
 युधेन्द्रो मह्ना वरिवश्चकार देवेभ्यः सत्पतिश्चर्षणिप्राः ।  
 विवस्वतः सदाने अस्य तानि विप्रा उक्थेभिः कवयौ गृणन्ति ७  
 सत्रासाहं वरेण्यं सहोदां ससवांसं स्वरपश्च देवीः ।  
 ससान् यः पृथिवीं द्यामुतेमा मिन्द्रं मदुनत्यनु धीरणासः ८  
 ससानात्याँ उत सूर्यं ससानेन्द्रः ससान पुरुभोजसं गाम् ।  
 हिरण्ययमुत भोगं ससान हत्वी दस्यून् प्रार्यं वर्णमावत् ९  
 इन्द्र ओषधीरसनोदहानि वनस्पतीरसनोदन्तरिक्षम् ।  
 बिभेद वलं नुनुदे विवाचो ऽथाभवद् दमिताभिकृतूनाम् १०  
 शूनं हुवेम मघवान्मिन्द्रं मस्मिन् भरे नृतमं वाजसातौ ।  
 शृणवन्तमुग्रमृतयै समत्सु घन्तं वृत्राणि संजितुं धनानाम् ११

(३५) पञ्चत्रिंशं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।



त्रिष्टुप् छन्दः

तिष्ठा हरी रथ आ युज्यमाना याहि वायुर्न नियुतो नो अच्छ ।  
 पिबास्यनधौ अभिसृष्टो अस्मे इन्द्र स्वाहा ररिमा ते मदाय १  
 उपाजिरा पुरुहूताय सप्ती हरी रथस्य धूर्ष्वा युनज्मि ।  
 द्रवद् यथा संभृतं विश्वतश्चि दुपेमं यज्ञमा वहातु इन्द्रम् २  
 उपौ नयस्व वृषणा तपुष्पो तेमव त्वं वृषभ स्वधावः ।  
 ग्रसैतामश्वा वि मुचेह शोणा दिवेदिवे सदृशीरद्धि धानाः ३  
 ब्रह्मणा ते ब्रह्मयुजा युनज्मि हरी सखाया सधुमाद आशू ।  
 स्थिरं रथं सुखमिन्द्राधितिष्ठन् प्रजानन् विद्वाँ उप याहि सोमम् ४  
 मा ते हरी वृषणा वीतपृष्ठा नि रीरमुन् यजमानासो अनये ।  
 अत्यायाहि शश्वतो वयं ते ऽरं सुतेभिः कृणवाम सोमैः ५  
 तवायं सोमस्त्वमेह्यर्वाङ् शश्वत्तमं सुमना अस्य पाहि ।  
 अस्मिन् यज्ञे बर्हिष्या निषद्या दधिष्वेमं जठर इन्दुमिन्द्र ६  
 स्तीर्णं तै बर्हिः सुत इन्द्र सोमः कृता धाना अत्तवे ते हरिभ्याम् ।  
 तदौकसे पुरुशाकाय वृष्णो मरुत्वते तुभ्यं राता हवींषि ७  
 इमं नरः पर्वतास्तुभ्यमापः समिन्द्र गोभिर्मधुमन्तमक्रन् ।  
 तस्यागत्या सुमना ऋष्व पाहि प्रजानन् विद्वान् पथ्याऽ अनु स्वाः ८  
 याँ आभजो मरुत इन्द्र सोमे ये त्वामवर्धन्नभवन् गणस्तै ।  
 तेभिरेतं सजोषा वावशानोऽग्नेः पिब जिह्वया सोममिन्द्र ९  
 इन्द्र पिब स्वधया चित् सुतस्या ग्रेवा पाहि जिह्वया यजत्र ।  
 अध्वर्योर्वा प्रयतं शक्र हस्ता द्योतुर्वा यज्ञं हविषो जुषस्व १०  
 शनं हुवेम मघवानिमिन्द्र मस्मिन् भरे नृतमं वाजसातौ ।  
 शृणवन्तमुग्रमूतयै समत्सु घन्तं वृत्राणि संजितं धनानाम् ११

(३६) षट्त्रिंशं सूक्तम्

(१-११) एकादशर्चस्यास्य सूक्तस्य (१-६, ११) प्रथमादिनवर्चामेकादश्याश्च  
 गाथिनो विश्वामित्रः (१०) दशम्याश्चाङ्गिरसो घोर ऋषी । इन्द्रो देवता ।

त्रिष्टुप् छन्दः

इमामू षु प्रभृतिं सातयै धाः शश्वच्छश्वदूतिभिर्यादमानः ।  
 सुतेसुते वावृधे वर्धनेभिर्यः कर्मभिर्महद्भिः सुश्रुतो भूत् १

इन्द्राय सोमाः प्रदिवो विदाना ऋभुर्येभिर्वृषपर्वा विहायाः ।  
 प्रयम्यमानान् प्रति षू गृभायेन्द्र पिब वृषधूतस्य वृष्णाः २  
 पिबा वर्धस्व तव घा सुतास इन्द्र सोमासः प्रथमा उतेमे ।  
 यथापिबः पूर्या इन्द्र सोमा एवा पाहि पनयो अद्या नवीयान् ३  
 मुहाँ अमत्रो वृजनै विरप्श्युर्ग्रं शर्वः पत्यते धृष्णवोजः ।  
 नाह विव्याच पृथिवी चनैनं यत् सोमासो हर्यश्चममन्दन् ४  
 मुहाँ उग्रो वावृधे वीर्याय समाचक्रे वृषभः काव्येन ।  
 इन्द्रो भगौ वाजदा अस्य गावः प्र जायन्ते दक्षिणा अस्य पूर्वीः ५  
 प्र यत् सिनधवः प्रसवं यथायन्नापः समुद्रं रथ्यैव जग्मुः ।  
 अतश्चिदिन्द्रः सदसो वरीयान् यदीं सोमः पृणति दुग्धो अंशुः ६  
 समुद्रेण सिनधवो यादमाना इन्द्राय सोमं सुषुतं भरन्तः ।  
 अंशुं दुहन्ति हस्तिनो भरित्रैर्मध्वः पुनन्ति धारया पवित्रैः ७  
 हृदा इव कुक्षयः सोमधानाः समी विव्याच सर्वना पुरुणि ।  
 अन्ना यदिन्द्रः प्रथमा व्याश वृत्रं जघन्वाँ अवृणीत सोमम् ८  
 आ तू भर माकिरेतत् परि ष्टाद् विद्या हि त्वा वसुपतिं वसूनाम् ।  
 इन्द्र यत् ते माहिनुं दत्रमस्त्यस्मभ्यं तद्धर्यश्च प्र यन्धि ९  
 अस्मे प्र यन्धि मघवन्नृजीषि त्रिन्द्र रायो विश्ववारस्य भूरैः ।  
 अस्मे शतं शरदौ जीवसै धा अस्मे वीराञ्छ्वत इन्द्र शिप्रिन् १०  
 शनं हुवेम मघवानुमिन्द्र मुस्मिन् भरे नृतमं वाजसातौ ।  
 शृणवन्तमुग्रमूतयै समत्सु घन्तं वृत्राणि संजितं धनानाम् ११

### (३७) सप्तत्रिंशं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

(१-१०) प्रथमादिदशर्चा गायत्री (११) एकादश्याश्चानुष्टुप् छन्दसी

वार्त्रहत्याय शर्वसे पृतनाषाह्याय च । इन्द्र त्वा वर्तयामसि १  
 अर्वाचीनुं सु ते मन उत चक्षुः शतक्रतो । इन्द्र कृणवन्तु वाघतः २  
 नामानि ते शतक्रतो विश्वाभिर्गीर्भिरीमहे । इन्द्राभिमातिषाह्यै ३  
 पुरुष्टतस्य धामभिः शतेन महयामसि । इन्द्रस्य चर्षणीधृतः ४  
 इन्द्र वृत्राय हन्तवे पुरुहूतमुप ब्रुवे । भरेषु वाजसातये ५  
 वाजेषु सासहिर्भव त्वामीमहे शतक्रतो । इन्द्र वृत्राय हन्तवे ६

द्यु॒म्रेषु॑ पृ॒त॒नाज्ये॑ पृ॒त्सुत॑र्षु श्रवः॑ सु च । इन्द्र॑ सा॒द्व॒वा॒भिमा॑तिषु ७  
श॒ष्मिन्त॑मं न ऊ॒तये॑ ह्यु॒मि॒नं पा॒हि जा॒गृ॒विम् । इन्द्र॑ सोमं॑ शतक्रतो ८  
इन्द्रि॑याणि शतक्रतो या ते जनेषु॑ प॒ञ्चसु॑ । इन्द्र॑ तानि॑ त॒ आ वृ॑णे ९  
अ॒गन्नि॒न्द्र श्रवो॑ बृ॒हद् ह्यु॒मं द॑धिष्व दुष्ट॑रम् । उ॒त्ते शु॒ष्मं ति॒राम॑सि १०  
अ॒र्वाव॑तो न॒ आ गु॒ह्यथो॑ शक्र॑ प॒राव॑तः ।  
उ॒ लो॒को यस्ते॑ अ॒द्रिव॒ इन्द्रे॑ह त॒ आ ग॑हि ११

(३८) अष्टात्रिंशं सूक्तम्

(१-१०) दशर्चस्यास्य सूक्तस्य वैश्वामित्रो वाच्यो वा प्रजापतिः तावुभौ वा गाथिनो

विश्वामित्रो वा ऋषिः । इन्द्रो देवता । त्रिष्टुप् छन्दः

अ॒भि तष्टे॑व दी॒धया॑ मनी॒षा म॒त्यो न वा॒जी सु॒धुरो॑ जिहानः ।  
अ॒भि प्रि॒याणि॑ म॒र्मश॑त् परा॒णि क॒वीरि॑च्छामि स॒दृशै॑ सुमे॒धाः १  
इ॒नोत॑ पृ॒च्छ ज॒नि॒मा क॒वीनां॑ म॒नो॒धृतः॑ सु॒कृत॑स्त॒क्षत॑ द्याम् ।  
इ॒मा उ॑ ते प्र॒णयो॑र्ध॒वर्ध॑माना॒ मनो॑वा॒ता अध॒ नु ध॑र्मणि॒ ग्मन् २  
नि षी॑मिद॒त्र गु॒ह्या द॑धाना॒ उ॒त क्ष॑त्राय॒ रोद॑सी॒ सम॑ञ्जन् ।  
सं मा॒त्राभि॑र्मि॒रे ये॒मु॒रुर्वी॑ अ॒न्तर्म॑ही॒ समृ॑ते॒ धाय॑से धुः ३  
आ॒तिष्ठ॑न्तं॒ परि॑ वि॒श्वे अभू॑ष॒ ऋ॒रियो॑ व॒सान॑श्चरति॒ स्वरो॑चिः ।  
म॒हत् तद् वृ॑ष्णो अ॒सुर॑स्य॒ नामा॑ऽऽ वि॒श्वरू॑पो अ॒मृता॑नि तस्थौ ४  
अ॒सूत॑ पूर्॒वो वृ॑ष॒भो ज्या॒या नि॒मा अ॒स्य शु॒रुधः॑ सन्ति॒ पूर्वाः॑ ।  
दि॒वो न॑पा॒ता वि॒दथ॑स्य॒ धीभिः॑ क्ष॒त्रं रा॑जा॒ना प्र॒दि॒वो द॑धाथे ५  
त्री॒णि रा॑जा॒ना वि॒दथै॑ पु॒रू॒णि परि॑ वि॒श्वानि॑ भूष॒थः सदा॑सि ।  
अ॒पश्य॑म॒त्र म॑न॒सा ज॑ग॒न्वान् वृ॒ते ग॑न॒धर्वा॑ अपि॒ वा॒युके॑शान् ६  
तदि॒न्वस्य॑ वृ॒षभ॑स्य॒ धेनो॑रा॒ नाम॑भिर्मि॒रे स॒क॒म्यं गोः॑ ।  
अ॒नय॑द॒नय॑द॒सुर्य॑र्ध॒ वसा॑ना॒ नि मा॒यिनो॑ म॒मिरे॑ रू॒पम॑स्मिन् ७  
तदि॒न्वस्य॑ स॒वितु॑र्नकि॒र्मे हि॒र॒ण्ययी॑म॒मतिं॑ या॒मशि॑श्रेत् ।  
आ सु॑ष्टुती॒ रोद॑सी॒ विश्व॑मि॒न्वे अ॒पीव॑ योषा॒ जनि॑मानि॒ वव्रे॑ ८  
यु॒वं प्र॒त्तस्य॑ सा॒धथो॑ म॒हो यद् दै॒वी स्व॑स्तिः॒ परि॑ णः॒ स्या॑तम् ।  
गो॒पाजि॑ह्वस्य॒ तस्थु॑षो॒ विरू॑पा॒ विश्वे॑ पश्यन्ति॒ मा॒यिनः॑ कृ॒तानि॑ ९  
श॒नं हु॑वेम॒ म॒घवा॑न॒मिन्द्र॑ म॒स्मिन् भ॑रे॒ नृ॒तमं॑ वा॒जसा॑तौ ।  
शृ॒गव॑न्त॒मु॒ग्रमू॑तये॒ सम॑त्सु॒ घ्नन्त॑ वृ॒त्राणि॑ स॒जितुं॑ ध॒नाना॑म् १०

## चतुर्थोऽनुवाकः

सू० ३६-५३

(३६) एकोनचत्वारिंशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इन्द्रं म॒तिर्हृद॑ आ व॒च्यमा॑ना ऽच्छा॒ पतिं॑ स्तोम॑तष्टा जिगाति ।  
 या जागृ॑विर्विदथे॑ श॒स्यमा॑नेन्द्र॒ यत्ते जा॑र्यते वि॒द्धि तस्य॑ १  
 दि॒वश्चि॑दा पू॒र्व्या जा॑र्यमा॒ना वि जागृ॑विर्विदथे॑ श॒स्यमा॑ना ।  
 भ॒द्रा वस्त्रा॑ण्यर्जु॒ना वसा॑ना॒ सेयम॑स्मे स॒न॒जा पित्र्या॑ धीः २  
 य॒मा चि॑दत्र॒ यम॑सूर॑सूत जि॒ह्वाया॑ अग्रं॒ पत॑दा ह्य॒स्थात् ।  
 वपू॑षि जा॒ता मि॑थुना स॒चेते तमो॑हना॒ तपु॑षो बु॒ध्र एता॑ ३  
 नकि॑रेषां नि॒न्दिता॑ म॒र्त्येषु॑ ये अ॒स्माकं॑ इ॒प्स॒तरो गो॑षु यो॒धाः ।  
 इन्द्र॑ एषां दृ॒हिता॑ माहि॒नावा॑नुद् गो॒त्राणि॑ ससृ॒जे दंस॑ना॒वान् ४  
 सखा॑ ह॒ यत्र॑ सखि॒भिर्नव॑ग्वै रभि॒ज्ज्वा सत्त्वा॑भिर्गा अ॒नुग॑मन् ।  
 स॒त्यं तदिन्द्रो॑ द॒शभि॑र्दश॒ग्वैः सूर्यं॑ विवेद॒ तम॑सि क्षि॒यन्त॑म् ५  
 इन्द्रो॑ मधु॒ संभृत॑मु॒स्त्रिया॑यां प॒द्वद् वि॑वेद श॒फव॑न्नमे गोः ।  
 गुहा॑ हि॒तं गुह्यं॑ गूळ॒हम॑प्सु ह॒स्तै दधे॑ दक्षि॒णे दक्षि॑णावान् ६  
 ज्योति॑र्वृणीत॒ तम॑सो वि॒जान॑न्ना॒रे स्या॑म दुरि॒ताद॑भीकै ।  
 इमा॑ गिरः सोम॒पाः सोम॑वृद्ध जुष॒स्वैन्द्र पु॑रु॒तम॑स्य का॒रोः ७  
 ज्योति॑र्य॒ज्ञाय॑ रोद॒सी अनु॑ ष्या॒दारे॑ स्या॒म दुरि॑तस्य भूरैः ।  
 भूरि॑ चि॒द्धि तु॑ज॒तो म॒र्त्यस्य॑ सु॒पा॒रासो॑ वसवो ब॒र्हणा॑वत् ८  
 शु॒नं हु॑वेम म॒घवा॑न॒मिन्द्र॑ म॒स्मिन् भ॑रे नृ॒तमं॑ वाज॒सातौ॑ ।  
 शृ॒णव॑न्त॒मुग्र॑मू॒तयै॑ स॒मत्सु॑ घ्नन्त॒ वृ॒त्राणि॑ संजि॒तं धना॑नाम् ९

तृतीयोऽध्यायः

व० १-३१

(४०) चत्वारिंशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

गायत्री छन्दः

इन्द्रं त्वा वृषभं वयं सुते सोमं हवामहे । स पाहि मध्वो अनर्धसः १  
इन्द्रं क्रतुविदं सुतं सोमं हर्यं पुरुष्टुत । पिबा वृषस्व तातृपिम् २  
इन्द्रं प्र णो धितावानं यज्ञं विश्वेभिर्देवेभिः । तिर स्तवान विश्पते ३  
इन्द्रं सोमाः सुता इमे तव प्र यन्ति सत्पते । क्षयं चन्द्रास इन्द्रवः ४  
दधिष्वा जठरं सुतं सोममिन्द्रं वरेण्यम् । तव द्युक्षास इन्द्रवः ५  
गिर्वणः पाहि नः सुतं मधोर्धाराभिरज्यसे । इन्द्रं त्वादातमिदं यशः ६  
अभि द्युम्नानि वनिन इन्द्रं सचन्ते अक्षिता । पीत्वी सोमस्य वावृधे ७  
अर्वावतौ न आ गहि परावतश्च वृत्रहन् । इमा जुषस्व नो गिरः ८  
यदन्तरा परावतं मर्वावतं च हूयसे । इन्द्रेह तत् आ गहि ९

(४१) एकचत्वारिंशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

गायत्री छन्दः

आ तू न इन्द्रं मुद्रयं गधुवानः सोमपीतये । हरिभ्यां याह्यद्रिवः १  
सत्तो होता न ऋत्वियं स्तिस्तिरे बर्हिरानुषक् । अयुजन् प्रातरद्रयः २  
इमा ब्रह्म ब्रह्मवाहः क्रियन्त आ बर्हिः सीद । वीहि शूर पुरोळाशम् ३  
रारन्धि सर्वनेषु ण एषु स्तोमेषु वृत्रहन् । उक्थेष्विन्द्रं गिर्वणः ४  
मृतयः सोमपामुरुं रिहन्ति शर्वसस्पतिम् । इन्द्रं वत्सं न मातरः ५  
स मन्दस्वा ह्यनर्धसो राधसे तन्वां महे । न स्तोतारं निदे करः ६  
वयमिन्द्रं त्वायवौ हविष्मन्तो जरामहे । उत त्वमस्मयुर्वसो ७  
मारे अस्मद् वि मुमुचो हरिप्रियावाड याहि । इन्द्रं स्वधावो मत्स्वेह ८  
अर्वाञ्च त्वा सुखे रथे वहतामिन्द्रं केशिना । घृतसू बर्हिरासदे ९

(४२) द्विचत्वारिंशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

गायत्री छन्दः

उप नः सुतमा गहि सोममिन्द्रं गवाशिरम् । हरिभ्यां यस्तै अस्मयुः १

तमिन्द्र मद्रमा गंहि बर्हिष्ठां ग्रावभिः सुतम् । कुविन्वस्य तृप्णवः २  
 इन्द्रमित्था गिरो ममा च्छागुरिषिता इतः । आवृते सोमपीतये ३  
 इन्द्रं सोमस्य पीतये स्तोमैरिह हवामहे । उक्थेभिः कुविदागमत् ४  
 इन्द्र सोमाः सुता इमे तान् दधिष्व शतक्रतो । जुठरै वाजिनीवसो ५  
 विद्या हि त्वा धनंजयं वाजेषु दधृषं कवे । अधा ते सुम्रमीमहे ६  
 इममिन्द्र गवाशिरं यवाशिरं च नः पिब । आगत्या वृषभिः सुतम् ७  
 तुभ्येदिन्द्र स्व ओक्थेऽ सोमं चोदामि पीतये । एष रारन्तु ते हृदि ८  
 त्वां सुतस्य पीतये प्रबमिन्द्र हवामहे । कुशिकासौ अवस्यर्वः ९

(४३) त्रिचत्वारिंशं सूक्तम्

(१-८) अष्टर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

आ याह्यर्वाङुप वनधुरेष्ठा स्तवेदनु प्रदिवः सोमपेयम् ।  
 प्रिया सखाया वि मुचोप बर्हि स्त्वामिमे हव्यवाहौ हवन्ते १  
 आ याहि पूर्वोरति चर्षणीरां अर्य आशिष उप नो हरिभ्याम् ।  
 इमा हि त्वा मृतयुः स्तोमतष्ठा इन्द्र हवन्ते सख्यं जुषाणाः २  
 आ नो यज्ञं नमोवृधं सजोषा इन्द्र देव हरिभिर्याहि तूयम् ।  
 अहं हि त्वा मतिभिर्जोहवीमि घृतप्रयाः सधमादे मधूनाम् ३  
 आ च त्वामेता वृषणा वहातो हरी सखाया सुधुरा स्वङ्गा ।  
 धानावदिन्द्रः सर्वानं जुषाणः सखा सख्युः शृणवद् वन्दनानि ४  
 कुविन्मा गोपां करसे जनस्य कुविद् राजानं मघवन्नजीषिन् ।  
 कुविन्म ऋषिं पपिवांसं सुतस्य कुविन्मे वस्वो अमृतस्य शिक्ताः ५  
 आ त्वा बृहन्तो हरयो युजाना अर्वागिन्द्र सधमादौ वहन्तु ।  
 प्र ये द्विता दिव अञ्जनत्याताः सुसमृष्टासो वृषभस्य मूराः ६  
 इन्द्र पिब वृषधूतस्य वृष्णा आ यं तै श्येन उशते जभारै ।  
 यस्य मदै च्यावयसि प्र कृष्टी र्यस्य मदे अप गोत्रा ववर्थ ७  
 शूनं हुवेम मघवानमिन्द्र मस्मिन् भरे नृतमं वाजसातौ ।  
 शृणवन्तमुग्रमृतये समत्सु घन्तं वृत्राणि संजितं धनानाम् ८

(४४) चतुश्चत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

बृहती छन्दः

अयं तै अस्तु हर्यतः सोम आ हरिभिः सुतः ।  
जुषाण इन्द्र हरिभिर्न आ गु ह्या तिष्ठ हरितं रथम् १  
हर्यन्नुषसमर्चयः सूर्य हर्यन्नरोचयः ।  
विद्वांश्चिकित्वान् हर्यश्च वर्धस इन्द्र विश्वा अभि श्रियः २  
द्यामिन्द्रो हरिधायसं पृथिवीं हरिवर्षसम् ।  
अधारयद्धरितोर्भूरि भोजनं ययोरन्तर्हश्चरत् ३  
जज्ञानो हरितो वृषा विश्वमा भाति रोचनम् ।  
हर्यश्चो हरितं धत्त आयुधमा वज्रं बाहोर्हरिम् ४  
इन्द्रो हर्यन्तमर्जुनं वज्रं शक्रैरभीवृतम् ।  
अपावृणोद्धरिभिरद्रिभिः सुत मुद् गा हरिभिराजत ५

(४५) पञ्चचत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

बृहती छन्दः

आ मन्द्रैरिन्द्र हरिभिर्याहि मयूररोमभिः ।  
मा त्वा के चिन्नि यमन्विं ना पाशिनो ऽति धन्वैव तां ईहि १  
वृत्रखादो वलंरुजः पुरां दुर्मो अपामुजः ।  
स्थाता रथस्य हयोरभिस्वर इन्द्रो दृळहा चिदारुजः २  
गम्भीरां उदधीरिव क्रतुं पुष्यसि गा इव ।  
प्र सुगोपा यवसं धेनवौ यथा हृदं कुल्या इवाशत ३  
आ नस्तुजं रयिं भ्रांशं न प्रतिजानते ।  
वृक्षं पुक्वं फलमङ्गीव धूनुहीन्द्र संपारणं वसु ४  
स्वयुरिन्द्र स्वराळसि स्मदिष्टिः स्वयंशस्तरः ।  
स वावृधान ओजसा पुरुष्टु भवा नः सुश्रवस्तमः ५

(४६) षट्चत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

यु॒ध्मस्य॑ ते वृ॒षभ॑स्य॒ स्व॒राज॑ उ॒ग्रस्य॑ यू॒नः स्थ॑वि॒रस्य॑ घृ॒ष्वैः ।  
 अ॒जूर्य॑तो व॒ज्रिणो॑ वी॒र्या॑ऽणीन्द्र॑ श्रु॒तस्य॑ म॒हतो म॒हानि॑ १  
 म॒हाँ अ॒सि म॒हिष॑ वृ॒ष्णयै॑भिर्ध॒नस्पृ॑दु॒ग्र स॒हमा॑नो अ॒नया॑न् ।  
 ए॒को वि॒श्वस्य॑ भु॒वन॑स्य॒ राजा॑ स यो॒धया॑ च क्ष॒यया॑ च ज॒नान् २  
 प्र मा॒त्रा॒भी रि॒रिचे॑ रोच॒मानः॑ प्र दे॒वेभिर्वि॑श्वतो अ॒प्रती॑तः ।  
 प्र म॒ज्मना॑ दि॒व इन्द्रः॑ पृ॒थि॒व्याः प्रो॒रोर्म॑हो अ॒न्तरि॑क्षादृ॒जीषी॑ ३  
 उ॒रुं ग॑भी॒रं ज॒नुषा॑भ्यु॒ग्रं वि॒श्वव्य॑चसमव॒तं म॑ती॒नाम् ।  
 इन्द्रं॑ सोमाः प्र॒दि॒वि सु॒तासः॑ स॒मुद्रं॑ न स्र॒वत॑ आ वि॒शन्ति॑ ४  
 यं सोम॑मिन्द्र पृ॒थि॒वीद्या॒वा गर्भं॑ न मा॒ता बि॑भृतस्त्वा॒या ।  
 तं ते॑ हि॒न्वन्ति॑ तमु॑ ते मृ॒जन॑त्य॒ध्वर्य॑वौ वृ॒षभ॑ पा॒त॒वा उ॑ ५

(४७) सप्तचत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

म॒रु॒त्वाँ इन्द्र॑ वृ॒षभो॑ रणा॒य पि॒ब्रा सोम॑मनुष्व॒धं म॑दा॒य ।  
 आ सिञ्च॑स्व ज॒ठरे॑ म॒ध्वं ऊ॒र्मि त्वं॑ रा॒जासि॑ प्र॒दि॒वः सु॒ताना॑म् १  
 स॒जोषा॑ इन्द्र॒ सग॑णो म॒रुद्भिः॑ सोमं॑ इ॒पब॑ वृ॒त्रहा॑ शूर॒ वि॒द्वान् ।  
 ज॒हि श॒त्रूँप॑ मृ॒धौ नु॑दस्वा॒ऽथाभ॑यं कृ॒णुहि॑ वि॒श्वतो॑ नः २  
 उ॒त ऋ॒तुभिर्ऋ॒तुपाः॑ पा॒हि सोम॑मिन्द्र॒ दे॒वेभिः॑ स॒खिभिः॑ सु॒तं नः॑ ।  
 याँ आ॑भ॒जो म॒रुतो॑ ये त्वा ऽन्व॑हन् वृ॒त्रम॑दधु॒स्तुभ्य॑मो॒जः ३  
 ये त्वा॑हि॒हत्यै॑ म॒घव॑न्नव॒र्धन् ये॑ शा॒म्बरे॑ ह॒रिवो॑ ये ग॒विष्टौ॑ ।  
 ये त्वा॑ नून॒मनु॑मदन्ति॒ वि॒प्राः पि॒बेन्द्र॑ सोमं॑ स॒गणो॑ म॒रुद्भिः॑ ४  
 म॒रु॒त्वंतं॑ वृ॒षभं॑ वावृ॒धान॑ म॒क॒वारि॑ दि॒व्यं शा॑समिन्द्रम् ।  
 वि॒श्वासा॑ह॒मव॑से नू॒तना॑यो॒ग्रं स॑हो॒दामि॑ह तं ह॒वेम॑ ५

(४८) अष्टचत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

स॒द्यो ह॑ जा॒तो वृ॒षभः॑ क॒नीनः॑ प्र॒भर्तु॑माव॒दन॑ध॒सः सु॒तस्य॑ ।



साधोः पिब प्रतिकामं यथा ते रसांशिरः प्रथमं सोम्यस्य १  
यज्जायथास्तदहरस्य कामेऽशोः पीयूषमपिबो गिरिष्ठाम् ।  
तं ते माता परि योषा जनित्री महः पितुर्दम् आसिञ्चदग्रे २  
उपस्थाय मातरमन्नमैदृ तिग्ममपश्यदभि सोममूधः ।  
प्रयावयन्नचरद् गृत्सो अनयान् महानि चक्रे पुरुधप्रतीकः ३  
उग्रस्तुराषाळभिभूत्योजा यथावृशं तन्व चक्र एषः ।  
त्वष्टारमिन्द्रो जनुषाभिभूयाऽऽमुष्या सोममपिबच्चमूषु ४  
शूनं हुवेम मघवानमिन्द्र मस्मिन् भरे नृतमं वाजसातौ ।  
शृणवन्तमुग्रमूतये समत्सु घन्तं वृत्राणि संजितं धनानाम् ५

(४६) एकोनपञ्चाशं सूक्तम्

(१-५) पञ्चर्वस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

शंसा महामिन्द्रं यस्मिन् विश्वा आ कृष्टयः सोमपाः काममव्यन् ।  
यं सुक्रतुं धिषणै विभवतृष्टं घ्नं वृत्राणां जनयन्त देवाः १  
यं नु नकिः पृतनासु स्वरार्जं द्विता तरति नृतमं हरिष्ठाम् ।  
इनर्तमः सत्त्वभिर्यो हं शूषैः पृथुजया अमिनादायुर्दस्योः २  
सहावा पृत्सु तरणिर्नावा व्यानुशी रोदसी मेहनवान् ।  
भगो न कारे हव्यो मतीनां इंपतेव चारुः सुहवो वयोधाः ३  
धर्ता दिवो रजसस्पृष्ट ऊर्ध्वो रथो न वायुर्वसुभिर्नियुत्वान् ।  
क्षपां वस्ता जनिता सूर्यस्य विभक्ता भागं धिषणैव वाजम् ४  
शूनं हुवेम मघवानमिन्द्र मस्मिन् भरे नृतमं वाजसातौ ।  
शृणवन्तमुग्रमूतये समत्सु घन्तं वृत्राणि संजितं धनानाम् ५

(५०) पञ्चाशं सूक्तम्

(१-५) पञ्चर्वस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इन्द्रः स्वाहा पिबतु यस्य सोम आगत्या तुम्रो वृषभो मरुत्वान् ।  
ओरुव्यचाः पृणतामेभिरन्नै रास्य हविस्तन्वः काममृध्याः १  
आ ते सपर्यु जवसे युनज्म ययोरनु प्रदिवः श्रुष्टिमावः ।

इह त्वा धेयुर्हरयः सुशिप्र पिब्रा त्वशस्य सुषुतस्य चारौः २  
 गोभिर्मिमिक्षुं दधिरे सुपार मिन्द्रं ज्यैष्ठ्याय धार्यसे गृणानाः ।  
 मन्दानः सोमं पपिवाँ ऋजीषिन् त्समस्मभ्यं पुरुधा गा ईषण्य ३  
 इमं कामं मन्दया गोभिरश्वैश्चन्द्रवता राधसा पुप्रथश्च ।  
 स्वर्यवौ मतिभिस्तुभ्यं विप्रा इन्द्राय वाहः कुशिकासौ अक्रन् ४  
 शुनं हुवेम मुघवानुमिन्द्रं मुस्मिन् भरे नृतमं वाजसातौ ।  
 शृणवन्तमुग्रमूतयै समत्सु घन्तं वृत्राणि संजितं धनानाम् ५

(५१) एकपञ्चाशं सूक्तम्

(१-१२) द्वादशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

(१-३) प्रथमादितृचस्य जगती (४-६) चतुर्थ्यादितृचद्वयस्य त्रिष्टुप् (१०-१२)

दशम्यादितृचस्य च गायत्री छन्दांसि

चर्षणीधृतं मुघवानमुक्थ्यशं मिन्द्रं गिरौ बृहतीरभ्यनूषत ।  
 वावृधानं पुरुहूतं सुवृक्तिभि रमर्त्य जरमाणं दिवेदिवे १  
 शतक्रतुमर्णवं शाकिनं नरं गिरौ म् इन्द्रमुप यन्ति विश्वतः ।  
 वाजसनिं पूर्भिदं तूर्णिमपुर् धामसाचमभिषाचं स्वर्विदम् २  
 आक्रे वसौर्जरिता पेनस्यते ऽनेहसः स्तुभ इन्द्रौ दुवस्यति ।  
 विवस्वतः सदन आ हि पिप्रिये सत्रासाहमभिमातिहनं स्तुहि ३  
 नृणामु त्वा नृतमं गीर्भिरुक्थै रभि प्र वीरमर्चता सुबाधः ।  
 सं सहसे पुरुमायो जिहीते नमो अस्य प्रदिव एक ईशे ४  
 पूर्वीरस्य निषिधो मर्त्येषु पुरु वसूनि पृथिवी बिभर्ति ।  
 इन्द्राय द्याव ओषधीरुतापो रयिं रक्षन्ति जीरयो वनानि ५  
 तुभ्यं ब्रह्माणि गिरं इन्द्र तुभ्यं सत्रा दधिरे हरिवो जुषस्व ।  
 बोध्याऽपिरवसो नूतनस्य सखे वसो जरितृभ्यो वयौ धाः ६  
 इन्द्रं मरुत्व इह पाहि सोमं यथा शायति अपिबः सुतस्य ।  
 तव प्रणीती तव शूर शर्म न्ना विवासन्ति कवयः सुयज्ञाः ७  
 स वावशान इह पाहि सोमं मरुद्भिरिन्द्र सखिभिः सुतं नः ।  
 जातं यत् त्वा परि देवा अभूषन् मुहे भराय पुरुहूत विश्वै ८  
 अमूर्यै मरुत आपिरेषो ऽमन्दन्निन्द्रमनु दातिवाराः ।  
 तेभिः साकं इंपबतु वृत्रखादः सुतं सोमं दाशुषः स्वे सधस्थै ९

इदं ह्यन्वोजसा सुतं राधानां पते । पिब त्वशस्य गिर्वणः १०  
यस्ते अनु स्वधामसत् सुते नि यच्छ तन्वम् । स त्वा ममत्तु सोम्यम् ११  
प्र ते अश्नोतु कुक्षयोः प्रेन्द्र ब्रह्मणा शिरः । प्र बाहू शूर राधसे १२

(५२) द्विपञ्चाशं सूक्तम्

(१-८) अष्टर्चस्यास्य सूक्तस्य गाथिनो विश्वामित्र ऋषिः । इन्द्रो देवता । (१-४)

प्रथमादिचतुर्ऋचां गायत्री (५, ७-८) पञ्चम्याः सप्तम्यष्टम्योश्च त्रिष्टुप् (६)

षष्ठ्याश्च जगती छन्दांसि

धानावन्तं कर्म्मिणं मपूपवन्तमुक्थिनम् । इन्द्रं प्रातर्जुषस्व नः १  
पुरोळाशं पचत्यं जुषस्वेन्द्रा गुरस्व च । तुभ्यं हव्यानि सिस्त्रते २  
पुरोळाशं च नो घसौ जोषयासे गिरश्च नः । वधूयुरिव योषणाम् ३  
पुरोळाशं सनश्रुत प्रातःसावे जुषस्व नः । इन्द्रं क्रतुर्हि ते बृहन् ४  
माध्यन्दिनस्य सर्वनस्य धानाः पुरोळाशमिन्द्र कृष्वेह चारुम् ।  
प्र यत् स्तोता जरिता तूर्यर्थो वृषायमाण उप गीर्भिरीष्टे ५  
तृतीयै धानाः सर्वने पुरुष्टुत पुरोळाशमाहुतं मामहस्व नः ।  
ऋभुमन्तं वाजवन्तं त्वा कवे प्रयस्वन्त उप शिद्धेम धीतिभिः ६  
पूषणवतै ते चकृमा कर्म्मं हरिवते हर्यश्वाय धानाः ।  
अपूपमद्भिः सगणो मरुद्भिः सोमं पिब वृत्रहा शूर विद्वान् ७  
प्रति धाना भरत तूर्यमस्मै पुरोळाशं वीरतमाय नृणाम् ।  
दिवेदिवे सदृशीरिन्द्र तुभ्यं वर्धन्तु त्वा सोमपेयोय धृष्णो ८

(५३) त्रिपञ्चाशं सूक्तम्

(१-२४) चतुर्विंशत्यृचस्यास्य सूक्तस्य गाथिनो विश्वामित्र ऋषिः । (१) प्रथमर्च

इन्द्रापर्वतौ (२-१४) द्वितीयादित्रयोदशानामिन्द्रः (१५-१६) पञ्चदशीषोडश्योः

ससर्परी वाक् (१७-२०) सप्तदश्यादिचतसृणां रथाङ्गानि (२१-२४)

एकविंश्यादिचतसृणाञ्चाभिशापो देवताः । (१-६, ११, १४-१५, १७, १६, २१,

२३-२४)

प्रथमादिनवर्चमेकादशीचतुर्दशीपञ्चदशीसप्तदश्येकोनविंश्येकविंशीत्रयोविंशीचतुर्वि

शीनाञ्च त्रिष्टुप् (१०, १६) दशमीषोडश्योर्जगती (१२, २०, २२)

द्वादशीविंशीद्वाविंशीनामनुष्टुप् (१३) त्रयोदश्या गायत्री (१८) अष्टादश्याश्च

बृहती छन्दांसि

इन्द्रा॑पर्व॒ता बृ॒हता रथे॑न वा॒मीरि॑ष आ व॒हतं सु॒वीराः ।  
 वी॒तं ह॒व्यान॑र्य॒ध्वरे॑षु दे॒वा व॒धेथां गी॒र्भीरि॑ळ्या॒ मद॑न्ता १  
 ति॒ष्ठा सु कं॑ म॒घव॑न् मा परा॑ गाः सोम॑स्य नु त्वा सु॒षुत॑स्य यक्षि ।  
 पि॒तुर्न पु॒त्रः सि॒चमा र॑भे त इन्द्र॑ स्वादि॒ष्टया गि॑रा श॒चीवः २  
 शंसा॑वा॒ध्वर्यो॑ प्रति॒ मे गृ॑णीहीन्द्रा॒य वा॑हः कृ॒णवा॑व जुष्टम् ।  
 ए॒दं ब॒र्हिर्य॑ज॒मान॑स्य सी॒दा ऽथा॑ च भू॒दुक्थ॑मिन्द्रा॒य श॑स्तम् ३  
 जा॒येद॑स्तं म॒घव॑न् त्सेदु॒ योनि॑ स्तदि॒त् त्वा यु॒क्ता ह॑रयो वहन्तु ।  
 य॒दा क॒दा च॑ सु॒नवा॑म॒ सोम॑ म॒ग्निष्ठा॑ दू॒तो ध॑न्वा॒त्यच्छ॑ ४  
 परा॑ याहि म॒घव॑न्ना च॒ याही॑न्द्र॒ भ्रात॑रु॒भ्यत्रा॑ ते अर्थम् ।  
 यत्रा॑ रथ॑स्य बृ॒हतो नि॒धानं॑ वि॒मोच॑नं वा॒जिनो॑ रास॑भस्य ५  
 अ॒पाः सोम॑मस्त॒मिन्द्र॑ प्र या॒हि क॒ल्या॒णीर्जा॑या सु॒रणं॑ गृ॒हे तै ।  
 यत्रा॑ रथ॑स्य बृ॒हतो नि॒धानं॑ वि॒मोच॑नं वा॒जिनो॑ दक्षि॒णाव॑त् ६  
 इ॒मे भो॒जा अ॒ङ्गिर॑सो वि॒रूपा दि॒वस्पु॑त्रासो अ॒सुर॑स्य वी॒राः ।  
 वि॒श्वामि॑त्राय द॒दतो॑ म॒घानि॑ सह॒स्रसा॑वे प्र ति॒रन्त॑ आ॒युः ७  
 रू॒पंरू॒पं म॒घवा॑ बो॒भवी॑ति मा॒याः कृ॑णवा॒नस्त॑न्व॒ंश्परि॑ स्वाम् ।  
 त्रि॒र्यद् दि॒वः परि॑ मु॒हूर्त॑मा॒गात् स्वै॑र्म॒नत्रै॑र॒नृतु॑पा अ॒तावा॑ ८  
 म॒हाँ ऋ॑षिर्दे॒वजा॑ दे॒वजू॑तो ऽस्त॒भ्नात् सि॒न्धुम॑र्ण॒वं नृ॑चक्षाः ।  
 वि॒श्वामि॑त्रो यदव॑हत् सु॒दास॑ म॒प्रिया॑यत कु॒शिके॑भिरिन्द्रः ९  
 हंसा॑ इ॒व कृ॑णुथ श॒लो॒कम॑द्रि॒भिर्म॑द॒न्तो गी॒र्भीर॑ध्वरे सु॒ते स॒चा ।  
 दे॒वेभि॑र्वि॒प्रा ऋ॑षयो नृ॒चक्ष॑सो वि पि॒बध्वं॑ कु॒शिकाः सो॒म्यं म॑धु १०  
 उप॒ प्रेत॑ कु॒शिका॑श्चे॒तय॑ध्व॒ मश्वं॑ रा॒ये प्र मु॑ञ्चता सु॒दासः॑ ।  
 राजा॑ वृ॒त्रं ज॑ङ्घ॒नत् प्रा॑ग॒पागु॑द् ग॒था य॑जाते व॒र आ पृ॑थि॒व्याः ११  
 य इ॒मे रो॑द॒सी उ॒भे अ॒हमिन्द्र॑म॒तुष्ट॑वम् ।  
 वि॒श्वामि॑त्रस्य रक्षति ब्र॒ह्मेदं॑ भा॒रतं॑ ज॒नम् १२  
 वि॒श्वामि॑त्रा अ॒रास॑त् ब्र॒ह्मेन्द्रा॑य व॒ज्रिणै॑ । क॒रदि॑न्नः सु॒राध॑सः १३  
 किं॑ तै कृ॒णव॑न्ति की॒कटे॑षु गा॒वो ना॑शि॒रं दु॒हे न त॑पन्ति घ॒र्मम् ।  
 आ नो॑ भ॒र प्र॑म॒गन्द॑स्य वे॒दो नै॒चाशा॑खं म॒घव॑न् र॒नध॑या नः १४  
 स॒स॒र्प॒रीर॑म॒तिं बा॑ध॒माना॑ बृ॒हन्मि॑मा॒य ज॒मद॑ग्नि॒दत्ता॑ ।  
 आ सूर्य॑स्य दु॒हिता॑ त॒तान् श्र॑वो॒ दे॒वेष्व॑मृ॒तम॑जु॒र्यम् १५  
 स॒स॒र्प॒रीर॑भ॒रत् तू॒र्यमे॒भ्यो ऽधि॑ श्रवः पाञ्च॒जन॑यासु कृ॒ष्टिषु॑ ।

सा पु॒क्ष्या॒ऽन॒व्य॒मायु॒र्दधा॒ना यां मे॑ प॒लस्ति॒जम॒दुग्र॒यो दु॒दुः १६  
स्थि॒रौ गा॒वौ भ॒वतां॑ वी॒ळुर॒क्षो मेषा॑ वि व॒र्हि मा यु॒गं वि शा॒रि ।  
इन्द्रः॑ पा॒तल्यै॑ द॒दतां॑ शरी॒तो ररि॑ष्टनेमे अ॒भि नः॑ स॒चस्व १७  
बलं॑ धेहि त॒नूषु॑ नो ब॒लमिन्द्रा॑न॒ळत्सु॑ नः ।  
बलं॑ तो॒काय॑ त॒नया॑य जी॒वसे॑ त्वं हि ब॒लदा॑ असि १८  
अ॒भि व्य॑यस्व ख॒दि॒रस्य॑ सा॒र मो॒जौ धेहि॑ स्प॒न्दने॑ शिंश॒पायाम् ।  
अ॒क्ष वी॒ळो वी॒ळित॑ वी॒ळय॑स्व मा या॒माद॑स्माद॒व जी॒हिपो॑ नः १९  
अ॒यम॑स्मान् व॒नस्प॑ति॒र्मा च॒ हा मा च॑ रीरिषत् ।  
स्व॒स्त्या गृ॒हेभ्य॑ आ॒वसा॑ आ वि॒मोच॑नात् २०  
इन्द्रो॑तिभिर्ब॒हुला॑भिर्नो अ॒द्य या॑च्छे॒ष्ठाभिर्म॑घव॒ञ्छूर॑ जिन्व ।  
यो नो॑ द्वेष्ट॒यध॑रः स॒स्पदी॑ष्ट॒ यमु॑ द्विष्म॒स्तमु॑ प्रा॒णो ज॑हातु २१  
पू॒रुं चि॒द् वि त॑पति शि॒म्बलं॑ चि॒द् वि वृ॑श्चति ।  
उ॒खा चि॑दिन्द्र॒ येष॑न्ती प्र॒यस्ता॑ फे॒नम॑स्यति २२  
न सा॒यक॑स्य चि॒किते॑ ज॒नासो॑ लो॒धं न॑यन्ति प॒श मन॑य॒मानाः ।  
नावा॑जिनं वा॒जिना॑ हा॒सय॑न्ति न ग॒र्दभं॑ पु॒रो अ॒श्वान्न॑यन्ति २३  
इ॒म इन्द्र॑ भ॒रत॑स्य पु॒त्रा अ॑प॒पित्वं॑ चि॒कितु॑र्न प्र॒पित्वम् ।  
हि॒न्वन॑त्य॒श्वम॑र॒णं न॑ नित्यं ज्या॒वाजं॑ परि॒णय॑न॒त्याजौ २४

पञ्चमोऽनुवाकः

सू० ५४-६२

(५४) चतुष्पञ्चाशं सूक्तम्

(१-२२) द्वाविंशत्यृचस्यास्य सूक्तस्य वैश्वामित्रो वाच्यो वा प्रजापतिर्ऋषिः । विश्वे  
देवा देवताः । त्रिष्टुप् छन्दः

इ॒मं म॒हे वि॒दु॒थ्याय॑ शू॒षं श॑श्वत् कृ॒त्व ई॒ड्या॑य प्र ज॒भुः ।  
शृ॒णोतु॑ नो द॒म्यैभि॑रनी॒कैः शृ॒णोत्व॑ग्निर्दिव्यैरज॒स्रः १  
महि॑ म॒हे दि॒वे अ॑र्चा पृथि॒व्यै का॑मौ म इ॒च्छञ्च॑रति प्र॒जान॑न् ।  
ययो॑र्ह स्तोमै॑ वि॒दथै॑षु दे॒वाः संप॑र्यवो मा॒दय॑न्ते स॒चायोः २  
यु॒वोऽर्जु॑तं रो॒दसी॑ स॒त्यम॑स्तु म॒हे षु॑ णः सु॒विता॑य प्र भू॒तम् ।  
इ॒दं दि॒वे नमो॑ अ॒ग्ने पृथि॒व्यै संप॑र्यामि प्र॒यसा॑ या॒मि रत्न॑म् ३  
उ॒तो हि॑ वा॒ पु॒र्व्या आ॑वि॒विद्र॑ ऋ॒ताव॑री रो॒दसी॑ स॒त्यवा॑चः ।

नरश्चिद् वां समिथे शूरसातौ ववन्दिरे पृथिवि वेविदानाः ४  
 को अद्धा वैद् क इह प्र वोचद् देवाँ अच्छा पृथ्याइ का समैति ।  
 ददृश्र एषामवमा सदांसि परेषु या गुह्येषु वृतेषु ५  
 कविर्नृचक्षा अभि षीमचष्ट ऋतस्य योना विधृते मदन्ती ।  
 नाना चक्राते सदनुं यथा वेः समानेन क्रतुना संविदाने ६  
 समानया वियुते दूरेअन्ते ध्रुवे पदे तस्थतुर्जागरूके ।  
 उत स्वसारा युवती भवन्ती आदु ब्रुवाते मिथुनानि नाम ७  
 विश्वेदेते जनिमा सं विविक्तो महो देवान् बिभ्रती न व्यथेते ।  
 एजद् ध्रुवं पत्यते विश्वमेकं चरत् पतत्रि विषुणं वि जातम् ८  
 सना पुराणमध्यैम्यारा न्हः पितुर्जनितुर्जामि तन्नः ।  
 देवासो यत्र पनितार एवै रुरौ पृथि व्युते तस्थुरन्तः ९  
 इमं स्तोमं रोदसी प्र ब्रवीम यदूदराः शृणवन्नग्निजिह्वाः ।  
 मित्रः सम्राजो वरुणो युवान आदित्यासः कवयः पप्रथानाः १०  
 हिरण्यपाणिः सविता सुजिह्व स्त्रिरा दिवो विदथे पत्यमानः ।  
 देवेषु च सवितः श्लोकमश्रे रादस्मभ्यमा सुव सर्वतातिम् ११  
 सुकृत् सुपाणिः स्ववाँ ऋतावा देवस्त्वष्टावसे तानि नो धात् ।  
 पूषणवन्त ऋभवो मादयध्वमूर्ध्वग्रावाणो अध्वरमतष्ट १२  
 विद्युद्रथा मरुत ऋष्टिमन्तौ दिवो मर्या ऋतजाता अयासः ।  
 सरस्वती शृणवन् यज्ञियासो धाता रयिं सहवीरं तुरासः १३  
 विष्णुं स्तोमासः पुरुदस्ममर्का भगस्येव कारिणो यामनि ग्मन् ।  
 उरुक्रमः ककुहो यस्य पूर्वी न मर्धन्ति युवतयो जनित्रीः १४  
 इन्द्रो विश्वैर्वीरैः पत्यमान उभे आ पप्रौ रोदसी महित्वा ।  
 पुरंदरो वृत्रहा धृष्णषैणः संगृभ्या न आ भरा भूरि पृश्नः १५  
 नासत्या मे पितरा बनधुपृच्छा सजात्यमश्विनोश्चारु नाम ।  
 युवं हि स्थो रयिदौ नो रयीणां दात्रं रक्षेथे अकवैरदब्धा १६  
 महत् तद् वः कवयश्चारु नाम यद्ध देवा भवथ विश्व इन्द्रै ।  
 सखं ऋभुभिः पुरुहूत प्रियेभि रिमां धियं सातये तक्षता नः १७  
 अर्यमा णो अदितिर्यज्ञियासो ऽदब्धानि वरुणस्य वृतानि ।  
 युयोत नो अनपत्यानि गन्तौः प्रजावान् नः पशुमाँ अस्तु गातुः १८  
 देवानां दूतः पुरुध प्रसूतो ऽनांगान् नो वोचतु सर्वताता ।

शृणोतु नः पृथिवी द्यौरुतापः सूर्यो नक्षत्रैरुर्वश्नन्तरिक्षम् १९  
 शृणवन्तु नो वर्षणः पर्वतासो ध्रुवक्षेमास इळ्या मदन्तः ।  
 आदित्यैर्नो अदितिः शृणोतु यच्छन्तु नो मरुतः शर्म भद्रम् २०  
 सदा सुगः पितुमाँ अस्तु पनथा मध्वा देवा ओषधीः सं पिपृक्त ।  
 भगौ मे अग्ने सख्ये न मृध्या उद् रायो अश्यां सदनं पुरुक्षोः २१  
 स्वदस्व हव्या समिषो दिदी ह्यस्मद्रयश्क सं मिमीहि श्रवांसि ।  
 विश्वाँ अग्ने पृत्सु ताज्जैषि शत्रूँ नहा विश्वा सुमना दीदिही नः २२

(५५) पञ्चपञ्चाशं सूक्तम्

(१-२२) द्वाविंशत्यृचस्यास्य सूक्तस्य वैश्वामित्रो वाच्यो वा प्रजापतिर्ऋषिः । विश्वे  
 देवा देवताः । त्रिष्टुप् छन्दः

उषसः पूर्वा अध यद् व्यूषुर्महद् वि जज्ञे अक्षरं पदे गौः ।  
 व्रता देवानामुप नु प्रभूषन् महद् देवानामसुरत्वमेकम् १  
 मो षू णो अत्र जुहुरन्त देवा मा पूर्वे अग्ने पितरः पदज्ञाः ।  
 पुराणयोः सद्यनोः केतुरन्त महद् देवानामसुरत्वमेकम् २  
 वि मे पुरुत्रा पतयन्ति कामाः शम्यच्छा दीद्ये पूर्व्याणि ।  
 समिद्धे अग्रावृतमिद् वदेम महद् देवानामसुरत्वमेकम् ३  
 समानो राजा विभृतः पुरुत्रा शयै शयासु प्रयुतो वनानु ।  
 अनया वृत्सं भरति क्षेति माता महद् देवानामसुरत्वमेकम् ४  
 आक्षित् पूर्वास्वपरा अनूरुत् सद्यो जातासु तरुणीष्वन्तः ।  
 अन्तर्वतीः सुवते अप्रवीता महद् देवानामसुरत्वमेकम् ५  
 शयुः परस्तादध नु द्विमाताऽबनध्नश्चरति वृत्स एकः ।  
 मित्रस्य ता वरुणस्य व्रतानि महद् देवानामसुरत्वमेकम् ६  
 द्विमाता होता विदथेषु सम्रा ळन्वग्रं चरति क्षेति बुध्नः ।  
 प्र रश्यानि रशयवाचो भरन्ते महद् देवानामसुरत्वमेकम् ७  
 शूरस्येव युध्यतो अन्तमस्य प्रतीचीनं ददृशे विश्वमायत् ।  
 अन्तर्मतिश्चरति निषिधं गो महद् देवानामसुरत्वमेकम् ८  
 नि वैवेति पलितो दूत आ स्वन्तर्महांश्चरति रोचनेन ।  
 वपूषि बिभ्रदभि नो वि चष्टे महद् देवानामसुरत्वमेकम् ९  
 विष्णुर्गोपाः परमं पाति पार्थः प्रिया धामानयमृता दधानः ।

अग्नि॒ष्टा वि॒श्वा भुव॑नानि वेद म॒हद् दे॒वाना॑मसुरत्वमेकम् १०  
 नाना॑ चक्राते य॒म्या॒र्षे व॒पूषि॑ तयो॒रन॑यद् रोच॑ते कृ॒ष्णम॑नयत् ।  
 श्यावी॑ च॒ यद॑रुषी च॒ स्वसा॑रौ म॒हद् दे॒वाना॑मसुरत्वमेकम् ११  
 मा॒ता च॒ यत्र॑ दुहि॒ता च॑ धे॒नू संब॑र्दु॒घै धा॑पयैते समी॒ची ।  
 अ॒तस्य॑ ते स॒दसी॑ळे अ॒न्त म॒हद् दे॒वाना॑मसुरत्वमेकम् १२  
 अ॒नय॑स्या वृ॒त्सं रि॑हती मि॒माय॑ कया॒ भुवा॑ नि द॑धे धे॒नुरू॑धः ।  
 अ॒तस्य॑ सा प॒र्यसा॑पि॒न्वते॑ळा म॒हद् दे॒वाना॑मसुरत्वमेकम् १३  
 प॒द्या व॑स्ते पु॒रुरू॑पा व॒पू ष्यू॑र्ध्वा त॒स्थौ त्र्य॑विं रे॒रिहा॑णा ।  
 अ॒तस्य॑ स॒द्य वि॑ च॒रामि॑ वि॒द्वान् म॒हद् दे॒वाना॑मसुरत्वमेकम् १४  
 प॒दे ई॒व नि॑हि॒ते द॑स्मे अ॒न्त स्तयो॑रनयद् गुह्य॑मा॒वि॒रन॑यत् ।  
 स॒ध्रीची॑ना प॒थ्या॒र्षे सा॑ वि॒षूची॑ म॒हद् दे॒वाना॑मसुरत्वमेकम् १५  
 आ धे॒नवो॑ धुनयन्ता॒मशि॑श्वीः स॒बर्दु॑घाः श॒श्या अ॑प्रदुग्धाः ।  
 न॒व्या॒न॒व्या यु॒वत॑यो भव॑न्ती म॒हद् दे॒वाना॑मसुरत्वमेकम् १६  
 यद॑नयासु वृष॒भो रो॑रवीति॒ सो अ॒नय॑स्मिन् यू॒थे नि द॑धाति॒ रेतः॑ ।  
 स हि॑ क्षपा॒वान् त्स॑ भगुः स राजा॑ म॒हद् दे॒वाना॑मसुरत्वमेकम् १७  
 वी॒रस्य॑ नु स्व॒श्वयं॑ जना॒सः प्र॑ नु वौ॒चाम॑ वि॒दुर॑स्य दे॒वाः ।  
 षो॒ळ्हा यु॒क्ताः प॒ञ्चप॑ञ्चा व॑हन्ति म॒हद् दे॒वाना॑मसुरत्वमेकम् १८  
 दे॒वस्त्व॑ष्टा स॒विता॑ वि॒श्वरू॑पः पु॒पोष॑ प्र॒जाः पु॒रुधा॑ ज॒जान॑ ।  
 इ॒मा च॒ वि॒श्वा भुव॑नानयस्य म॒हद् दे॒वाना॑मसुरत्वमेकम् १९  
 म॒ही स॒मैर॑ञ्चमवा॑ समी॒ची उ॒भे ते अ॑स्य वसु॒ना न॑यृष्टे ।  
 शृ॒णवे॑ वी॒रो वि॒न्दमा॑नो वसू॒नि म॒हद् दे॒वाना॑मसुरत्वमेकम् २०  
 इ॒मां च॑ नः पृथि॒वीं वि॒श्वधा॑या उ॒प॒ चेति॑ हि॒तमि॑त्रो न राजा॑ ।  
 पु॒रःस॑दः श॒र्मस॑दो न वी॒रा म॒हद् दे॒वाना॑मसुरत्वमेकम् २१  
 नि॒ष्विध्व॑रीस्त॒ ओष॑धीरु॒तापो॑ र॒यिं तं॑ इन्द्र पृथि॒वी बि॑भर्ति ।  
 सखा॑यस्ते वाम॒भार्जः॑ स्याम म॒हद् दे॒वाना॑मसुरत्वमेकम् २२

चतुर्थोऽध्यायः

व० १-२५

(५६) षट्पञ्चाशं सूक्तम्

(१-८) अष्टर्चस्यास्य सूक्तस्य वैश्वामित्रो वाच्यो वा प्रजापतिर्ऋषिः । विश्वे देवा



देवताः । त्रिष्टुप् छन्दः

न ता मिनन्ति मायिनो न धीरा वृता देवानां प्रथमा ध्रुवाणि ।  
न रोदसी अद्भुहा वेद्याभिर्न पर्वता निनमै तस्थिवांसः १  
षड् भाराँ एको अचरन् बिभर्त्यृतं वर्षिष्ठमुप गाव आगुः ।  
तिस्त्रो महीरुपरास्तस्थुरत्या गुहा द्वे निहिते दश्येका २  
त्रिपाजस्यो वृषभो विश्वरूप उत त्र्युधा पुरुध प्रजावान् ।  
त्र्यनीकः पत्यते माहिनावान् त्स रेतोधा वृषभः शश्वतीनाम् ३  
अभीक आसां पदवीरबो ध्यादित्यानामहे चारु नाम ।  
आपश्चिदस्मा अरमन्त देवीः पृथग् व्रजन्तीः परि षीमवृञ्जन् ४  
त्री षधस्थां सिनधवस्त्रिः कवीना मुत त्रिमाता विदथैषु सम्राट् ।  
ऋतावरीर्योषणास्तिस्त्रो अप्या स्त्रिरा दिवो विदथे पत्यमानाः ५  
त्रिरा दिवः सवितुर्वायाणि दिवेदिव आ सुव त्रिर्नो अहः ।  
त्रिधातु राय आ सुवा वसूनि भर्ग त्रातर्धिषणे सातयै धाः ६  
त्रिरा दिवः सविता सौषवीति राजाना मित्रावरुणा सुपाणी ।  
आपश्चिदस्य रोदसी चिदुर्वी रत्नं भिन्नन्त सवितुः सवार्य ७  
त्रिरुत्तमा दूणशा रोचनानि त्रयो राजनत्यसुरस्य वीराः ।  
ऋतावान इषिरा दूळभास स्त्रिरा दिवो विदथै सन्तु देवाः ८

(५७) सप्तपञ्चाशं सूक्तम्

(१-६) षड्चस्यास्य सूक्तस्य गाथिनो विश्वामित्र ऋषिः । विश्वे देवा देवताः ।

त्रिष्टुप् छन्दः

प्र मै विविक्वाँ अविदन्मनीषां धेनुं चरन्तीं प्रयुतामगौपाम् ।  
सद्यश्चिद् या दुदुहे भूरि धासे रिन्द्रस्तदग्निः पनितारौ अस्याः १  
इन्द्रः सु पूषा वृषणा सुहस्ता दिवो न प्रीताः शशयं दुदुहे ।  
विश्वे यदस्यां रणयन्त देवाः प्र वोऽत्र वसवः सुम्रमश्याम् २  
या जामयो वृष्णा इच्छन्ति शक्तिं नमस्यन्तीर्जानते गर्भमस्मिन् ।  
अच्छा पुत्रं धेनवौ वावशाना महश्चरन्ति बिभ्रतं वर्षीषि ३  
अच्छा विवक्मि रोदसी सुमेके ग्राव्णौ युजानो अध्वरे मनीषा ।  
इमा उ ते मनवे भूरिवारा ऊर्ध्वा भवन्ति दर्शता यजत्राः ४  
या तै जिह्वा मधुमती सुमेधा अग्रे देवेषूच्यते उरूची ।

तयेह विश्वाँ अर्वसे यजत्राना सादय पायया चा मधूनि ५  
या तै अग्ने पर्वतस्येव धारा संश्रन्ती पीपयद् देव चित्रा ।  
तामस्मभ्यं प्रमतिं जातवेदो वसो रास्व सुमतिं विश्वर्जनयाम् ६

(५८) अष्टपञ्चाशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । अश्विनौ देवते ।

त्रिष्टुप् छन्दः

धेनुः प्रत्नस्य काम्यं दुहाना ऽन्तः पुत्रश्चरति दक्षिणायाः ।  
आ द्यौतुनिं वहति शभ्रयामो षसः स्तोमौ अश्विनावजीगः १  
सुयुग् वहन्ति प्रति वामृतेनो ध्वा भवन्ति पितरैव मेधाः ।  
जरैथामस्मद् वि पुरेर्मनीषां युवोरवश्चक्रमा यातमर्वाक् २  
सुयुग्भिरश्वैः सुवृता रथेन दस्त्राविमं शृणुतं श्लोकमद्रेः ।  
किमङ्ग वां प्रत्यवर्तिं गमिष्ठा ऽऽहर्विप्रासो अश्विना पुराजाः ३  
आ मनयेथामा गतं कच्चिदेवैर्विश्वे जनासो अश्विना हवन्ते ।  
इमा हि वां गोत्रमृजीका मधूनि प्र मित्रासो न ददुरुस्त्रो अग्रे ४  
तिरः पुरु चिदश्विना रजा स्याङ्गुषो वा मघवाना जनैषु ।  
एह यातं पृथिभिर्देवयानैर्दस्त्राविमे वा निधयो मधूनाम् ५  
पुराणमोकः सख्यं शिवं वा युवोर्नरा द्रविणं जहाव्याम् ।  
पुनः कृणवानाः सख्या शिवानि मध्वा मदेम सह नू समानाः ६  
अश्विना वायुना युवं सुदक्षा नियुद्धिश्च सजोषसा युवाना ।  
नासत्या तिरोऽह्नयं जुषाणा सोमं पिबतमस्त्रिधा सुदानू ७  
अश्विना परि वामिषः पुरुची रीयुर्गीर्भिर्यतमाना अमृधाः ।  
रथौ ह वामृतजा अद्रिजूतः परि द्यावापृथिवी याति सद्यः ८  
अश्विना मधुषुत्तमो युवाकुः सोमस्तं पातमा गतं दुरोणे ।  
रथौ ह वां भूरि वर्षः करिक्वत् सुतावतो निष्कृतमार्गमिष्ठः ९

(५९) एकोनषष्टितमं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । मित्रो देवता । (१-५)

प्रथमादिपञ्चर्चा त्रिष्टुप् (६-६) षष्ठ्यादिचतसृणाञ्च गायत्री छन्दसी

मित्रो जनान् यातयति ब्रुवाणो मित्रो दाधार पृथिवीमुत द्याम् ।

मित्रः कृष्टीरनिमिषाभि चष्टे मित्राय हव्यं घृतवज्रुहोत १  
 प्र स मित्र मर्तो अस्तु प्रयस्वान् यस्त आदित्य शिक्तति वृतेन ।  
 न हनयते न जीयते त्वोतो नैनमंहो अश्नोत्यन्तितो न दूरात् २  
 अनमीवास इळ्या मदन्तो मितज्ञवो वरिमन्ना पृथिव्याः ।  
 आदित्यस्य वृतमुपक्षियन्तो वयं मित्रस्य सुमतौ स्याम ३  
 अयं मित्रो नमस्यः सुशेवो राजा सुक्षत्रो अजनिष्ट वेधाः ।  
 तस्य वयं सुमतौ यज्ञियस्याऽपि भद्रे सौमनसे स्याम ४  
 महां आदित्यो नमसोपसद्यो यातयज्ञनो गृणते सुशेवः ।  
 तस्मा एतत् पनयतमाय जुष्टं मग्नौ मित्राय हविरा जुहोत ५  
 मित्रस्य चर्षणीधृतो ऽवो देवस्य सानसि । द्युमं चित्रश्रवस्तमम् ६  
 अभि यो महिना दिवं मित्रो बभूव सप्रथाः । अभि श्रवोभिः पृथिवीम् ७  
 मित्राय पञ्च येमिरे जना अभिष्टिशवसे । स देवान् विश्वान् बिभर्ति ८  
 मित्रो देवेष्वायुषु जनाय वृक्तबर्हिषे । इषे इष्टव्रता अकः ९

(६०) षष्ठितमं सूक्तम्

(१-७) सप्तर्चस्यास्य सूक्तस्य गाथिनो विश्वामित्र ऋषिः । (१-४)

प्रथमादिचतुर्ऋचामृभवः (५-७) पञ्चम्यादितृचस्य च ऋभव इन्द्रश्च देवताः ।

जगती छन्दः

इहेह वो मनसा ब्रनधुता नर उशिजो जग्मुरभि तानि वेदसा ।  
 याभिर्मायाभिः प्रतिजूतिवर्षसः सौधन्वना यज्ञियं भागमानुश १  
 याभिः शचीभिश्चमसाँ अपिशतु यया धिया गामरिणीतु चर्मणः ।  
 येन हरी मनसा निरतक्षत तेन देवत्वमृभवः समानश २  
 इन्द्रस्य सख्यमृभवः समानश मनोर्नपातो अपसो दधन्विरे ।  
 सौधन्वनासो अमृतत्वमेरिरे विष्टी शमीभिः सुकृतः सुकृत्यया ३  
 इन्द्रेण याथ सरथ सुते सचाँ अथो वशानां भवथा सह श्रिया ।  
 न वः प्रतिमै सुकृतानि वाघतः सौधन्वना ऋभवो वीर्याणि च ४  
 इन्द्र ऋभुभिर्वाजवद्भिः समुक्षितं सुतं सोममा वृषस्वा गर्भस्त्योः ।  
 धियेषितो मघवन् दाशुषो गृहे सौधन्वनेभिः सह मत्स्वा नृभिः ५  
 इन्द्र ऋभुमान् वाजवान् मत्स्वेह नो ऽस्मिन् त्सर्वने शच्या पुरुष्टुत ।  
 इमानि तुभ्यं स्वसराणि येमिरे व्रता देवानां मनुषश्च धर्मभिः ६

इन्द्रं ऋभुभिर्वाजिभिर्वाजयन्निह स्तोमं जरितुरुपं याहि युज्ञियम् ।  
शतं केतैभिरिषिरेभिरायवै सहस्रंणीथो अध्वरस्य होमनि ७

(६१) एकषष्टितमं सूक्तम्

(१-७) सप्तर्चस्यास्य सूक्तस्य गाथिनो विश्वामित्र ऋषिः । उषा देवता ।

त्रिष्टुप् छन्दः

उषो वाजेन वाजिनि प्रचैताः स्तोमं जुषस्व गृणतो मघोनि ।  
पुराणी देवि युवतिः पुरंधि रनु वृतं चरसि विश्ववारे १  
उषो देव्यमर्त्या वि भाहि चन्द्ररथा सूनृता ईरयन्ती ।  
आ त्वा वहन्तु सुयमांसो अश्वा हिरण्यवर्णा पृथुपाजसो ये २  
उषः प्रतीची भुवनानि विश्वो वा तिष्ठस्यमृतस्य केतुः ।  
समानमर्थं चरणीयमाना चक्रमिव नव्यस्या ववृत्स्व ३  
अव स्यूमेव चिन्वती मघोन युषा याति स्वसरस्य पत्नी ।  
स्वर्जनेन्ती सुभगा सुदंसा आन्ताद् दिवः पप्रथ आ पृथिव्याः ४  
अच्छा वो देवीमुषसं विभातीं प्र वो भरध्वं नमसा सुवृक्तिम् ।  
ऊर्ध्वं मधुधा दिवि पाजो अश्रेत् प्र रौचना रुरुचे रणवसंदृक् ५  
ऋतावरी दिवो अकैरबो ध्या रेवती रोदसी चित्रमस्थात् ।  
आयतीमग्न उषसं विभातीं वाममेषि द्रविणं भिक्षमाणः ६  
ऋतस्य बुध्न उषसामिषण्यन् वृषा मही रोदसी आ विवेश ।  
मही मित्रस्य वरुणस्य माया चन्द्रेव भानुं वि दधे पुरुत्रा ७

(६२) द्विषष्टितमं सूक्तम्

(१-१८) अष्टादशर्चस्यास्य सूक्तस्य गाथिनो विश्वामित्रः (१६-१८)

षोडश्यादितृचस्य च जमदग्निर्वा ऋषिः । (१-३) प्रथमादितृचस्येन्द्रावरुणौ (४-

६) चतुर्थ्यादितृचस्य बृहस्पतिः (७-९) सप्तम्यादितृचस्य पूषा (१०-१२)

दशम्यादितृचस्य सविता (१३-१५) त्रयोदश्यादितृचस्य सोमः (१६-१८)

षोडश्यादितृचस्य च मित्रावरुणौ देवताः । (१-३) प्रथमादितृचस्य त्रिष्टुप् (४-१८)

चतुर्थ्यादिपञ्चदशर्चाञ्च गायत्री छन्दसी

इमा उ वां भूमयो मनयमाना युवावते न तुज्या अभूवन् ।  
क्वर्त्यदिन्द्रावरुणा यशौ वां येन स्मा सिनं भरथः सखिभ्यः १

अयमु वां पुरुतमो रयीय ञ्छ्वत्तममवसे जोहवीति ।  
सजोषाविन्द्रावरुणा मरुद्भिर्दिवा पृथिव्या शृणुतं हव मे २  
अस्मे तदिन्द्रावरुणा वसु ष्या दुस्मे रयिर्मरुतः सर्ववीरः ।  
अस्मान् वरून्त्रीः शरुणैरेव नत्वस्मान् होत्रा भारती दक्षिणाभिः ३  
बृहस्पते जुषस्व नो हव्यानि विश्वदेव्य । रास्व रत्नानि दाशुषे ४  
शुचिर्मुकैर्बृहस्पति मध्वरेषु नमस्यत । अनाम्योज आ चके ५  
वृषभं चर्षणीनां विश्वरूपमदाभ्यम् । बृहस्पतिं वरेण्यम् ६  
इयं तै पूषन्नाघृणे सुष्टुतिदैव नव्यसी । अस्माभिस्तुभ्यं शस्यते ७  
तां जुषस्व गिरं मर्म वाजयन्तीमवा धियम् । वधूयुरिव योषणाम् ८  
यो विश्वाभि विपश्यति भुवना सं च पश्यति । स नः पूषाविता भुवत् ९  
तत् सवितुर्वरेण्यं भर्गो देवस्य धीमहि । धियो यो नः प्रचोदयात् १०  
देवस्य सवितुर्वयं वाजयन्तः पुरंध्या । भर्गस्य रातिमीमहे ११  
देवं नरः सवितारं विप्रा यज्ञैः सुवृक्तिभिः । नमस्यन्ति धियेषिताः १२  
सोमो जिगाति गातुविद् देवानामेति निष्कृतम् । ऋतस्य योनिमासदम् १३  
सोमो अस्मभ्यं द्विपदे चतुष्पदे च पशवे । अनमीवा इषस्करत् १४  
अस्माकमार्युर्वर्धय नृभिर्मातीः सहमानः । सोमः सधस्थमासदत् १५  
आ नो मित्रावरुणा घृतैर्गव्यतिमुक्षतम् । मध्वा रजांसि सुक्रतू १६  
उरुशंसा नमोवृधा मुहा दक्षस्य राजथः । द्राघिष्ठाभिः शुचिव्रता १७  
गृणाना जमदग्निना योनावृतस्य सीदतम् । पातं सोममृतावृधा १८

इति तृतीयं मण्डलं समाप्तम्

मनत्र संख्या

द्वितीयमण्डलस्यान्तपर्यन्तं २४३५

तृतीय मण्डलस्य ६१७

सर्वयोगः— ३०५२

अथ चतुर्थं मण्डलम् ।

प्रथमोऽनुवाकः

सू० १ । १०

(१) प्रथमं सूक्तम्

(१-२०) विंशत्यृचस्यास्य सूक्तस्य गौतमो वामदेव ऋषिः । (१, ६-२०)

प्रथमर्चः षष्ठ्यादिपञ्चदशानाञ्चाग्निः (२-५) द्वितीयादिचतसृणाञ्चाग्निर्वरुणो वा देवता । (१) प्रथमर्च अष्टिः (२) द्वितीयाया अतिजगती (३) तृतीयाया धृतिः

(४-२०) चतुर्थ्यादिसप्तदशानाञ्च त्रिष्टुप् छन्दांसि

त्वां ह्यग्ने सदमित् समन्यवौ देवासौ देवमरतिं न्यैरि इति क्रत्वा न्येरिरे ।  
अमर्त्यं यजतु मर्त्येष्व देवमादैवं जनतु प्रचैतसं विश्वमादैवं जनतु प्रचैतसम्  
१

स भ्रातरं वरुणमग्र आ ववृत्स्व देवाँ अच्छा सुमती यज्ञवनसं ज्येष्ठं  
यज्ञवनसम् । ऋतावानमादित्यं चर्षणीधृतं राजानं चर्षणीधृतम् २  
सखे सखायमभ्या ववृत्स्वाशं न चक्रं रथ्यैव रंह्यास्मभ्यं दस्म रंह्या ।

अग्ने मृळीकं वरुणे सचा विदो मरुत्सु विश्वभानुषु ।

तोकाय तुजे शशुचानु शं कृध्यस्मभ्यं दस्म शं कृधि ३

त्वं नो अग्ने वरुणस्य विद्वान् देवस्य हेळोऽव यासिसीष्ठाः ।

यजिष्ठो वह्नितमः शोशुचानो विश्वा द्वेषांसि प्र मुमुग्ध्यस्मत् ४

स त्वं नो अग्नेऽवमो भवोती नेदिष्ठो अस्या उषसो व्युष्टौ ।

अव यद्व नो वरुणं रराणो वीहि मृळीकं सुहवो न एधि ५

अस्य श्रेष्ठा सुभगस्य सदृग् देवस्य चित्रतमा मर्त्येषु ।

शुचिं घृतं न तप्तमघ्न्यायाः स्पार्हा देवस्य मंहनैव धेनोः ६

त्रिरस्य ता परमा सन्ति सत्या स्पार्हा देवस्य जनिमान्यग्नेः ।

अनन्ते अन्तः परिवीत आगा च्छुचिः शक्रो अर्यो रोरुचानः ७

स दूतो विश्वेदभि वष्टि सद्या होता हिरण्यरथो रंसुजिह्वः ।

रोहिदंश्चो वपुष्यो विभावा सदा रणवः पितुमतीव संसत् ८

स चैतयन्मनुषो यज्ञबन्धुः प्र तं मृह्या रशन्या नयन्ति ।

स क्षैत्यस्य दुर्यासु सार्धन् देवो मर्तस्य सधनित्वमाप ९

स तू नो अग्निर्नयतु प्रजानन्नच्छा रत्नं देवभक्तं यदस्य ।

धिया यद् विश्वे अमृता अकृण्वन् द्यौष्पिता जनिता सत्यमुक्षन् १०

स जायत प्रथमः पुस्त्यासु महो बुधे रजसो अस्य योनौ ।  
अपादशीर्षा गुहमानो अन्ता ऽऽयोयुवानो वृषभस्य नीळे ११  
प्र शर्ध आर्त प्रथमं विपुन्याँ ऋतस्य योना वृषभस्य नीळे ।  
स्पाहो युवा वपुष्यौ विभावा सप्त प्रियासोऽजनयन्त वृष्णौ १२  
अस्माकमत्र पितरौ मनुष्या अभि प्र सैदुर्ऋतमाशुषाणाः ।  
अश्मव्रजाः सुदुघा वव्रे अन्त रुदुस्त्रा आजन्नुषसौ हुवानाः १३  
ते मर्मजत ददृवांसो अद्रिं तदैषामन्ये अभितो वि वौचन् ।  
पुश्वर्यन्त्रासो अभि कारमर्चन् विदन्त ज्योतिश्चकृपन्त धीभिः १४  
ते गव्यता मनसा दृध्रमुब्धं गा यैमानं परि षन्तमद्रिम् ।  
दृळ्हं नरो वचसा दैव्यै न व्रजं गोमन्तमुशिजो वि वव्रुः १५  
ते मन्वत प्रथमं नाम धेनो स्त्रिः सप्त मातुः परमाणि विन्दन् ।  
तज्जान्तीरभ्यनूषत वा आविर्भुवदरुणीर्यशसा गोः १६  
नेशत् तमो दुधितं रोचत द्यौ रुद् देव्या उषसौ भानुरर्त ।  
आ सूर्यो बृहतस्तिष्ठदज्राँ ऋजु मर्तेषु वृजिना च पश्यन् १७  
आदित् पुश्चा बुबुधाना व्यरव्यन्नादिद् रत्नं धारयन्त द्युभक्तम् ।  
विश्वे विश्वासु दुर्यासु देवा मित्रं धिये वरुण सत्यमस्तु १८  
अच्छा वोचेय शुशुचानमग्निं होतारं विश्वभरसं यजिष्ठम् ।  
शुच्यूधो अतृणन्न गवा मन्धो न पूतं परिषिक्तमंशोः १९  
विश्वेषामदितिर्यज्ञियानां विश्वेषामतिथिर्मानुषाणाम् ।  
अग्निर्देवानामव आवृणानः सुमृळीको भवतु जातवेदाः २०

## (२) द्वितीयं सूक्तम्

(१-२०) विंशत्यृचस्यास्य सूक्तस्य गौतमो वामदेव ऋषिः । अग्निर्देवता ।

त्रिष्टुप् छन्दः

यो मर्त्येष्वमृतं ऋतावा देवो देवेष्वरतिर्निधायि ।  
होता यजिष्ठो मृहा शुचध्यै हव्यैरग्निर्मनुष ईर्यध्यै १  
इह त्वं सूनो सहसो नो अद्य जातो जाताँ उभयाँ अन्तरग्ने ।  
दूत ईयसे युयुजान ऋष्व ऋजुमुष्कान् वृषणः शक्रांश्च २  
अत्या वृधस्त्रो रोहिता घृतस्त्रो ऋतस्य मन्ये मनसा जविष्ठा ।  
अन्तरीयसे अरुषा युजानो युष्मांश्च देवान् विश आ च मर्तान् ३

अ॒र्यम॑णं वरु॑णं मि॒त्रमै॑षा मि॒न्द्रावि॑ष्णू म॒रुतो॑ अ॒श्विनो॑त ।  
 स्व॒श्वो अ॒ग्ने सु॒रथः॑ सु॒राधा॑ ए॒दु वह॑ सु॒हवि॑षे जना॑य ४  
 गोमाँ॑ अ॒ग्नेऽवि॑माँ अ॒श्वी य॒ज्ञो नृ॑वत्स॒खा स॒दमि॑दप्रमृष्यः ।  
 इळा॑वाँ ए॒षो अ॑सुर प्र॒जावा॑न् दी॒र्घो र॒यिः पृ॑थु॒बुध्नः स॒भावान् ५  
 यस्त॑ इ॒ध्मं ज॒भर॑त् सि॒ष्विदा॑नो मू॒र्धान॑ वा त॒तप॑ते त्वा॒या ।  
 भुव॑स्त॒स्य स्व॑त॒वाँः पा॒युर॑ग्ने वि॒श्वेस्मा॑त् सीम॒घाय॑त उ॒रुष्य ६  
 यस्ते॑ भ॒राद॑न्नियते चि॒दन्न॑ नि॒शिष॑न्म॒न्द्रम॑ति॒थिमु॑दीरत् ।  
 आ दै॒व्युरि॑न॒धते॑ दुरो॒णे तस्मि॑न् र॒यिर्ध्रु॑वो अ॒स्तु दा॑स्वान् ७  
 यस्त्वा॑ दो॒षा य उ॒षसि॑ प्र॒शंसा॑त् प्रि॒यं वा॑ त्वा कृ॒णव॑ते ह॒विष्मा॑न् ।  
 अ॒श्वो न स्वे॑ दम् आ हे॒म्यावा॑न् तम॑हंसः पी॒परो दा॑श्वांसम् ८  
 यस्तु॑भ्यम॒ग्ने अ॒मृता॑य दा॒शद् दु॒वस्त्वे॑ कृ॒णव॑ते य॒तस्तु॑क् ।  
 न स रा॒या श॑शमा॒नो वि यो॑ष॒ त्रैनु॑म॒हः परि॑ वरद॒घायोः ९  
 यस्य॑ त्वम॒ग्ने अ॒ध्वरं॑ जुजौषो दे॒वो म॑र्त॒स्य सु॑धितं र॒राणः॑ ।  
 प्री॑तेद॒सद्धो॒त्रा सा य॑वि॒ष्ठाऽसा॑म् यस्य॑ वि॒धतो॑ वृ॒धासः॑ १०  
 चि॒त्तिम॑चि॒त्तिं चि॒नव॑द् वि वि॒द्वान् पृ॑ष्ठेव वी॒ता वृ॑जि॒ना च॒ म॒तान् ।  
 रा॒ये च॑ नः स्व॒प॒त्याय॑ दे॒व दि॑तिं च रा॒स्वादि॑तिमु॒रुष्य ११  
 क॒विं श॑शासुः क॒वयो॑ऽद॒ब्धा नि॒धा॒रय॑न्तो दु॒र्या॒स्वा॒योः ।  
 अ॒तस्त्वं दृ॑श्याँ अ॒ग्न ए॒तान् प॒ङ्भिः प॑श्येर॒द्धताँ॑ अ॒र्य ए॒वैः १२  
 त्वम॒ग्ने वा॒घते॑ सु॒प्रणी॑तिः सु॒तसौ॑माय वि॒धते॑ य॒विष्ठ॑ ।  
 रत्नं॑ भ॒र श॑शमा॒नाय॑ घृ॒ष्वे पृ॑थु श्च॒न्द्रम॑व॒से च॑र्षणि॒प्राः १३  
 अ॒धा ह॒ यद् व॒यम॒ग्ने त्वा॒या प॒ङ्भिर्ह॑स्तै॒भिश्च॑कृ॒मा त॒नूभिः॑ ।  
 रथं॑ न क्र॒न्तो अ॒पसा॑ भु॒रिजौ॑ ऋ॒तं यै॑मुः सु॒र्ध्य आ॑शुषा॒णाः १४  
 अ॒धा मा॒तुरु॑षसः स॒प्त वि॒प्रा जा॑यैमहि प्रथ॒मा वे॒धसो॑ नृच॒फढ॑न् ।  
 दि॒वस्पु॒त्रा अ॒ङ्गिर॑सो भवे॒माऽद्रि॑ रु॒जेम॑ ध॒निर्न॑ श॒चन्तः॑ १५  
 अ॒धा यथा॑ नः पि॒तरः॑ प॒रासः॑ प्र॒तासौ॑ अ॒ग्न ऋ॒तमा॑शुषा॒णाः ।  
 शु॒चीद॑यन् दी॒र्घि॒तिमु॑क्थ॒शासः॑ क्षा॒मा भि॑न्दन्तौ अ॒रुणी॑रप॒ वन् १६  
 सु॒कर्मा॑णः सु॒रुचौ॑ दे॒वय॑न्तो ऽयो न दे॒वा ज॑नि॒मा ध॑मन्तः ।  
 श॒चन्तौ॑ अ॒ग्निं व॑वृ॒धन्त॑ इ॒न्द्र मू॒र्व ग॒व्यं प॑रिष॒दन्तो॑ अ॒ग्नम् १७  
 आ यू॒थेव॑ क्षु॒म॒तिं प॒श्वो अ॑रु॒यद् दे॒वानां॑ य॒ज्ञनि॑मान्त्यु॒ग्र ।  
 म॒तानां॑ चि॒दुर्व॑शीरकृ॒प्रन् वृ॒धे चि॒द॒र्य उ॑प॒रस्या॑योः १८



अकर्म ते स्वपसो अभूम ऋतमवस्रनुषसो विभातीः ।  
अनूनमग्निं पुरुधा सुश्चन्द्रं देवस्य मर्मजतश्चारु चक्षुः १६  
एता ते अग्न उचथानि वेधो ऽवौचाम कवये ता जुषस्व ।  
उच्छौचस्व कृणुहि वस्यसो नो महो रायः पुरुवार प्र यन्धि २०

(३) तृतीयं सूक्तम्

(१-१६) षोडशर्चस्यास्य सूक्तस्य गौतमो वामदेव ऋषिः । (१) प्रथमर्चोऽग्नी रुद्रो  
वा (२-१६) द्वितीयादिपञ्चदशानाञ्चाग्निर्देवता । त्रिष्टुप् छन्दः

आ वो राजानमध्वरस्य रुद्रं होतारं सत्ययजं रोदस्योः ।  
अग्निं पुरा तनयितोरचित्ता द्विरणयरूपमवसे कृणुध्वम् १  
अयं योनिश्चकृमा यं वयं ते जायेव पत्य उशती सुवासाः ।  
अर्वाचीनः परिवीतो नि षीदेमा उ ते स्वपाक प्रतीचीः २  
आशृण्वते अदृपिताय मन्म नृचक्षसे सुमृळीकार्य वेधः ।  
देवार्य शस्तिमृताय शंस ग्रावेव सोता मधुषुद् यमीळे ३  
त्वं चिन्नः शम्या अग्ने अस्या ऋतस्य बोध्यृतचित् स्वाधीः ।  
कदा त उक्था संधमाद्यानि कदा भवन्ति सख्या गृहे ते ४  
कथा ह तद् वरुणाय त्वमग्ने कथा दिवे गर्हसे कन्न आगः ।  
कथा मित्राय मीळ्हुषे पृथिव्यै ब्रवः कदर्यग्ने कद् भगाय ५  
कद् धिषण्यासु वृधसानो अग्ने कद् वाताय प्रतवसे शुभंये ।  
परिज्मने नासत्याय क्षे ब्रवः कदग्ने रुद्राय नृग्ने ६  
कथा महे पुष्टिभराय पूष्णे कद् रुद्राय सुमखाय हविर्दे ।  
कद् विष्णवे उरुगायाय रेतो ब्रवः कदग्ने शरवे बृहत्यै ७  
कथा शर्धाय मरुतामृताय कथा सूर्ये बृहते पृच्छयमानः ।  
प्रति ब्रवोऽदितये तुराय साधा दिवो जातवेदश्चिकित्वान् ८  
ऋतेन ऋतं निर्यतमीळ आ गो रामा सचा मधुमत् पक्वमग्ने ।  
कृष्णा सती रुशता धासिनैषा जामर्येण पर्यसा पीपाय ९  
ऋतेन हि ष्मा वृषभश्चिदुक्तः पुमाँ अग्निः पर्यसा पृष्ठयैन ।  
अस्पन्दमानो अचरद् वयोधा वृषा शक्रं दुदुहे पृश्निरूधः १०  
ऋतेनाद्रिं व्यसन् भिदन्तः समङ्गिरसौ नवन्त गोभिः ।  
शुनं नरः परि षदनुषास माविः स्वरभवज्जाते अग्नौ ११

ऋतेन देवीरमृता अमृक्ता अर्णोभिरापो मधुमद्भिरग्रे ।  
 वाजी न सर्गेषु प्रस्तुभानः प्र सदमित् स्रवितवे दधन्युः १२  
 मा कस्य युक्षं सदमिद्धुरो गा मा वेशस्य प्रमिनतो मापेः ।  
 मा भ्रातुरग्रे अनृजोऽर्णवे मा सख्युर्दक्ष रिपोर्भुजेम १३  
 रक्षा णो अग्रे तव रक्षणेभी रारक्षाणः सुमख प्रीणानः ।  
 प्रतिष्फुर वि रुज वीड्वंहौ जहि रक्षो महि चिद् वावृधानम् १४  
 एभिर्भव सुमना अग्रे अर्के रिमान् तस्पृश मन्मभिः शूर वाजान् ।  
 उत ब्रह्माण्यङ्गिरो जुषस्व सं तै शस्तिर्देववाता जरेत १५  
 एता विश्वा विदुषे तुभ्यं वेधो नीथान्यग्रे निशया वचांसि ।  
 निवचना कवये काव्या न्यशांसिषं मतिभिर्विप्र उक्थैः १६

## (४) चतुर्थं सूक्तम्

(१-१५) पञ्चदशर्चस्यास्य सूक्तस्य गौतमो वामदेव ऋषिः । रक्षोहाग्निर्देवता ।

त्रिष्टुप् छन्दः

कृणुष्व पाजः प्रसितिं न पृथ्वीं याहि राजेवामवाँ इभैन ।  
 तृष्वीमनु प्रसितिं दूणानो ऽस्तांसि विध्यं रक्षसस्तपिष्ठैः १  
 तव भ्रमास आशया पतन्त्यनु स्पृश धृषता शोशुचानः ।  
 तपूष्यग्रे जुह्वा पतङ्गा नसदितो वि सृज विष्वगुल्काः २  
 प्रति स्पशो वि सृज तूष्णीतमो भवा पायुर्विशो अस्या अदब्धः ।  
 यो नो दूरे अघशंसो यो अन्त्यग्रे मार्किष्टे व्यथिरा दधर्षीत् ३  
 उदग्रे तिष्ठ प्रत्या तनुष्व न्यमित्राँ ओषतात् तिग्महेते ।  
 यो नो अरातिं समिधान चक्रे नीचा तं धक्ष्यतसं न शुष्कम् ४  
 ऊर्ध्वो भव प्रति विध्याध्यस्म दाविष्कृणुष्व दैव्यान्यग्रे ।  
 अव स्थिरा तनुहि यातुजूनां जामिमजामिं प्र मृणीहि शत्रून् ५  
 स तै जानाति सुमतिं यैविष्ठ य ईवते ब्रह्मणे गातुमैरत् ।  
 विश्वान्यस्मै सुदिनानि रायो द्युमन्ययो वि दुरो अभि द्यौत् ६  
 सेदग्रे अस्तु सुभगः सुदानु र्यस्त्वा नित्येन हविषा य उक्थैः ।  
 पिप्रीषति स्व आयुषि दुरोणे विश्वेदस्मै सुदिना सासदिष्टिः ७  
 अचामि ते सुमतिं घोष्यर्वाक् सं तै वावातां जरतामियं गीः ।  
 स्वश्वास्त्वा सुरथा मर्जयेमा ऽस्मे क्षत्राणि धारयेरनु द्यून् ८

इह त्वा भूर्या चरेदुप त्मन् दोषावस्तर्दीदिवांसमनु द्यून् ।  
 क्रीळन्तस्त्वा सुमनसः सपेमा ऽभि द्युम्ना तस्थिवांसो जनानाम् ६  
 यस्त्वा स्वश्वः सुहिरण्यो अग्र उपाति वसुमता रथेन ।  
 तस्य त्राता भवसि तस्य सखा यस्त आतिथ्यमानुषग् जुजौषत् १०  
 महो रुजामि बन्धुता वचोभि स्तन्मा पितुर्गोतमादन्वियाय ।  
 त्वं नो अस्य वचसश्चिकिद्धि होतर्यविष्ठ सुक्रतो दमूनाः ११  
 अस्वप्रजस्तरणयः सुशेवा अतन्द्रासो ऽवृका अश्रमिष्ठाः ।  
 ते पायवः सध्वयञ्चो निषद्या ऽग्ने तव नः पान्त्वमूर १२  
 ये पायवो मामतेयं ते अग्ने पश्यन्तो अन्धं दुरितादरक्षन् ।  
 ररक्ष तान् त्सुकृतौ विश्ववेदा दिप्सन्त इद् रिपवो नाहं देभुः १३  
 त्वया वयं सध्वन्यश्स्त्वोता स्तव प्रणीत्यश्याम् वाजान् ।  
 उभा शंसा सूदय सत्यताते ऽनुष्ठया कृणुह्यहयाण १४  
 अया ते अग्ने समिधा विधेम प्रति स्तोमं शस्यमानं गृभाय ।  
 दहाशसो रक्षसः पाह्यश्स्मान् द्रुहो निदो मित्रमहो अवद्यात् १५

पञ्चमोऽध्यायः

व० १ । २६

(५) पञ्चमं सूक्तम्

(१-१५) पञ्चदशर्चस्यास्य सूक्तस्य गौतमो वामदेव ऋषिः । वैश्वानरोऽग्निर्देवता ।

त्रिष्टुप् छन्दः

वैश्वानराय मीळहुषे सजोषाः कथा दाशेमाग्रये बृहद् भाः ।  
 अनूनेन बृहता वक्षथेनो प स्तभायदुपमिन्न रोधः १  
 मा निन्दतु य इमां मह्यं रातिं देवो ददौ मर्त्याय स्वधावान् ।  
 पाकाय गृत्सो अमृतो विचैता वैश्वानरो नृतमो युहो अग्निः २  
 सामं द्विबर्हा महिं तिग्मभृष्टिः सहस्त्रेता वृषभस्तुविष्मान् ।  
 पुदं न गोरपगूळहं विविद्धा नग्निर्मह्यं प्रेदु वोचन्मनीषाम् ३  
 प्र ताँ अग्निर्बभसत् तिग्मजम्भ स्तर्पिष्ठेन शोचिषा यः सुराधाः ।  
 प्र ये मिनन्ति वरुणस्य धामं प्रिया मित्रस्य चेततो ध्रुवाणि ४  
 अभ्रातरो न योषणो व्यन्तः पतिरिपो न जनयो दुरेवाः ।  
 पापासः सन्तौ अनृता असत्या इदं पुदमजनता गभीरम् ५

इदं मे अग्ने कियते पावका ऽमिनते गुरुं भारं न मन्म ।  
 बृहद् दधाथ धृषता गभीरं यहं पृष्ठं प्रयेसा सप्तधातु ६  
 तमिन्वे॑व सम॒ना सम॒ान म॒भि क्रत्वा पुन॒ती धी॒तिर॑श्याः ।  
 स॒सस्य॑ च॒र्मन्न॑धि चारु पृश्ने रग्रे रूप आरुपितं जबारु ७  
 प्र॒वाच्यं वच॑सः किं मे अस्य गुहा हितमुप निशिग्वदन्ति ।  
 यदु॒स्त्रिया॑णामप वारिव ब्रन् पाति प्रियं रूपो अग्रं पदं वेः ८  
 इदमु॒ त्यन्महि॑ महामनीकं यदु॒स्त्रिया॑ सचत पूर्व्यं गौः ।  
 अ॒तस्य॑ पदे अधि दीद्यानं गुहा रघुष्यद् रघुयद् विवेद ९  
 अध॑ द्युतानः पित्रोः सचासा ऽमनुत गुह्यं चारु पृश्नैः ।  
 मा॒तुष्प॑दे परमे अन्ति षद् गो वर्ष्णाः शोचिषः प्रयतस्य जिह्वा १०  
 अ॒तं वो॑चे नमसा पृच्छयमानं स्तवाशसा जातवेदो यदीदम् ।  
 त्वम॒स्य क्ष॑यसि यद्ध विश्वं दिवि यदु द्रविणं यत् पृथिव्याम् ११  
 किं नो अस्य द्रविणं कद्ध रत्नं वि नो वोचो जातवेदश्चिकित्वान् ।  
 गुहाध्व॑नः परमं यन्नो अस्य रेकु पदं न निदाना अगन्म १२  
 का म॒र्यादा॑ वयुना कद्ध वाम मच्छा गमेम रघवो न वार्जम् ।  
 क॒दा नो॑ देवीरमृतस्य पत्नीः सूरौ वर्णेन ततननुषासः १३  
 अ॒निरे॑ण वचसा फल्ग्वेन प्रतीत्येन कृधुनातृपासः ।  
 अधा॑ ते अग्ने किमिहा वद न्त्यनायुधास आसता सचन्ताम् १४  
 अस्य श्रिये समिधानस्य वर्ष्णो वसोरनीकं दम् आ रुरोच ।  
 रु॒शद् वसा॑नः सुदृशीकरूपः क्षितिर्न राया पुरुवारौ अद्यौत् १५

(६) षष्ठं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । अग्निर्देवता ।

त्रिष्टुप् छन्दः

ऊ॒र्ध्व ऊ॒ षु शौ॑ अध्वरस्य होत॒ ग्रे तिष्ठ॑ देवता॒ता यजी॑यान् ।  
 त्वं हि विश्वम॒भ्यसि॑ मन्म प्र वेधसश्चित् तिरसि मनीषाम् १  
 अ॒मूरो॑ होता न्यसादि विद्वश्-ग्निर्मन्द्रो विदथेषु प्रचैताः ।  
 ऊ॒र्ध्व भानुं॑ सवितेवा॒श्रे न्मे॒तेव॑ धूमं स्तभायदुप द्याम् २  
 य॒ता सु॑जूर्णी रातिनी घृताची प्रदक्षिणिद् देवतातिमुराणः ।  
 उ॒दु स्वरु॑र्नवजा नाक्रः प॒श्वो अन॑त्ति सुधितः सुमेकः ३

स्तीर्णे ब॒र्हिषि॑ समिधाने अ॒ग्रा ऊ॒र्ध्वो अ॒ध्व॒र्युर्जु॑षा॒णो अ॒स्थात् ।  
 पर्य॒ग्निः प॑श॒पा न हो॒ता त्रि॒विष्ट॑येति प्र॒दिव॑ उ॒राणः ४  
 परि॒ त्मना॑ मि॒तद्गुरे॑ति हो॒ता ग्नि॒र्मन्द्रो॑ म॒धुव॑चा अ॒तावा॑ ।  
 द्रव॑न्त्यस्य वा॒जिनो॑ न शोका॒ भय॑न्ते वि॒श्वा भुव॑ना यद॒भ्राट् ५  
 भ॒द्रा तै अ॒ग्ने स्व॑नीक स॒दृग् घोर॑स्य स॒तो वि॒षुण॑स्य चा॒रुः ।  
 न यत् तै शो॒चिस्त॑मसा॒ वर॑न्त न ध्व॒स्मान॑स्तन्वी॒रे रेप॑ आ धुः ६  
 न यस्य॑ सातु॒र्जनि॑तो॒रवारि॑ न मा॒तरा॑पि॒तरा॑ नू चि॒दिष्टौ॑ ।  
 अ॒धा मि॒त्रो न सु॑धितः पाव॒कोऽग्नि॑दी॒दाय॑ मानु॒षीषु॑ वि॒क्षु ७  
 द्वि॒र्यं प॒ञ्च जी॑जनन् त्स॒ंवसा॑नाः स्वसा॒रो अ॒ग्निं मानु॑षीषु वि॒क्षु ।  
 उ॒ष॒र्बुध॑मथ॒र्योऽन॑ दन्तं शु॒क्रं स्वा॑सं प॒रशु॑ न ति॒ग्मम् ८  
 तव॑ त्ये अ॒ग्ने ह॒रितौ॑ घृ॒तस्त्रा॑ रोहि॒तास॑ अ॒ज्वञ्चः॑ स्व॒ञ्चः ।  
 अ॒रुषा॑सो वृष॑ण अ॒जुमु॑ष्का आ दे॒वता॑तिमह॒न्त द॒स्माः ९  
 ये ह॒ त्ये ते स॑ह॒माना॑ अ॒यास॑स्त्वे॒षासौ॑ अ॒ग्ने अ॒र्चय॑श्चर॒न्ति ।  
 श्ये॒नासो॑ न दु॒वस॑नासो अ॒र्थं तु॒विष्व॑णसो मा॒रुतं॑ न श॒र्धः १०  
 अ॒का॒रि ब्र॑ह्म॒ समि॑धान॒ तुभ्यं॑ शंसा॒त्युक्थं॑ यज॒ते व्यू॑ धाः ।  
 हो॒ता॒रम॑ग्निं मनु॒षो नि षै॑दु॒ नम॑स्यन्त॒ उ॒शिजः॑ शंसा॒मायोः॑ ११

(७) सप्तमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । अग्निर्देवता । (१)  
 प्रथमर्चो जगती (२-६) द्वितीयादिपञ्चानामनुष्टुप् (७-११) सप्तम्यादिपञ्चानाञ्च  
 त्रिष्टुप् छन्दांसि

अ॒यमि॒ह प्र॑थ॒मो धा॑यि धा॒तृभि॒र्होता॑ यजि॒ष्ठो अ॒ध्वरे॑ष्वीड॒यः ।  
 यम॑प्र॒वानो॑ भृ॒गवो॑ विरु॒रुचु॑र्व॒नैषु॑ चि॒त्रं वि॒भ्वं वि॒शेवि॑शे १  
 अ॒ग्ने क॒दा तं॑ आ॒नुष॑ग् भुव॒द् दे॒वस्य॑ चे॒तन॑म् ।  
 अ॒धा हि॒ त्वा ज॑गृ॒भिरे॑ म॒र्तासो॑ वि॒द्वीड॑यम् २  
 अ॒तावा॑नं वि॒चैत॑सं प॒श्यन्तो॑ द्यामि॒व स्तृ॑भिः ।  
 वि॒श्वेषा॑मध्व॒राणां॑ ह॒स्क॒र्तारं॑ द॒मैद॑मे ३  
 आ॒शुं दू॒तं वि॒वस्व॑तो वि॒श्वा यश्च॑र्ष॒णीर॑भि ।  
 आ ज॑भ्रुः के॒तुमा॑यवो भृ॒गवा॑णं वि॒शेवि॑शे ४  
 त॒मीं हो॒ता॒रमा॑नु॒षक् चि॑कि॒त्वांसं॑ नि षै॒दिरे॑ ।

रणं पावकशौचिषं यजिष्ठं सप्त धामभिः ५  
 तं शश्वतीषु मातृषु वन आ वीतमश्रितम् ।  
 चित्रं सन्तं गुहा हितं सुवेदं कूचिदर्थिनम् ६  
 ससस्य यद् वियुता सस्मिन्नूर्ध्वं नृतस्य धामन् रणयन्त देवाः ।  
 मुह्यं अग्निर्मसा रातहव्यो वेरध्वराय सदमिदृतावा ७  
 वेरध्वरस्य दूत्यानि विद्वा नुभे अन्ता रोदसी संचिकित्वान् ।  
 दूत ईयसे प्रदिव उराणो विदुष्टरो दिव आरोधनानि ८  
 कृष्णं त एम् रुशतः पुरो भाश्चरिष्यवश्चिर्वपुषामिदेकम् ।  
 यदप्रवीता दधते ह गर्भं सद्यश्चिज्जातो भवसीदु दूतः ९  
 सद्यो जातस्य ददृशानमोजो यदस्य वातो अनुवाति शोचिः ।  
 वृणक्ति तिग्मामतसेषु जिह्वां स्थिरा चिदन्ना दयते वि जम्भैः १०  
 तृषु यदन्ना तृषुणा ववक्ष तृषु दूतं कृणुते यद्वा अग्निः ।  
 वातस्य मेळिं संचते निजूर्वा न्नाशं न वाजयते हिन्वे अवा ११

(८) अष्टमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । अग्निर्देवता ।

गायत्री छन्दः

दूतं वो विश्ववेदसं हव्यवाहममर्त्यम् । यजिष्ठमृज्जसे गिरा १  
 स हि वेदा वसुधितिं मुह्यं आरोधनं दिवः । स देवाँ एह वक्षति २  
 स वेद देव आनमं देवाँ ऋतायते दमे । दाति प्रियाणि चिद् वसु ३  
 स होता सेदु दूत्यं चिकित्वाँ अन्तरीयते । विद्वाँ आरोधनं दिवः ४  
 ते स्याम ये अग्र्ये ददाशुर्हव्यदातिभिः । य ई पुष्यन्त इन्धते ५  
 ते राया ते सुवीर्यैः ससवांसो वि शृणिवरे । ये अग्रा दधिरे दुवः ६  
 अस्मे रायो दिवेदिवे सं चरन्तु पुरुस्पृहः । अस्मे वाजास ईरताम् ७  
 स विप्रश्चर्षणीनां शर्वसा मानुषाणाम् । अति क्षिप्रेव विध्यति ८

(९) नवमं सूक्तम्

(१-९) अष्टर्चस्यास्य सूक्तस्य गौतमो वामदेव ऋषिः । अग्निर्देवता ।

गायत्री छन्दः

अग्रै मृळ मुह्यं असि य ईमा देवयुं जनम् । इयेथ बर्हिरासदम् १

स मानुषीषु दूळभौ विक्षु प्रावीरमर्त्यः । दूतो विश्वेषां भुवत् २  
स सद्य परि गीयते होता मन्द्रो दिर्विष्टिषु । उत पोता नि षीदति ३  
उत ग्रा अग्निरध्वर उतो गृहपतिर्दमै । उत ब्रह्मा नि षीदति ४  
वेषि ह्यध्वरीयता मुपवृक्ता जनानाम् । हव्या च मानुषाणाम् ५  
वेषीद्वस्य दूत्यं यस्य जुजौषो अध्वरम् । हव्यं मर्तस्य वोळहवे ६  
अस्माकं जोष्यध्वर मस्माकं यज्ञमङ्गिरः । अस्माकं शृणुधी हवम् ७  
परि ते दूळभो रथो ऽस्माँ अश्नोतु विश्वतः । येन रक्षसि दाशुषः ८

(१०) दशमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । अग्निर्देवता । (१-३)  
प्रथमतृचस्य पदपङ्क्तिः (४, ६, ७) चतुर्थीषष्ठीसप्तमीनामृचां पदपङ्क्तिरुष्णिग्वा (५)  
पञ्चम्या महापदपङ्क्तिः (८) अष्टम्याश्चोष्णिक् छन्दांसि  
अग्ने तमद्या ऽश्वं न स्तोमैः क्रतुं न भद्रं हृदिस्पृशम् । ऋध्यामां तु ओहैः १  
अधा ह्यग्ने क्रतौर्भद्रस्य दक्षस्य साधोः । रथीर्ऋतस्य बृहतो बभूथ २  
एभिर्नो अकैर्भवा नो अर्वाङ् स्वर्णं ज्योतिः । अग्ने विश्वैभिः सुमना  
अनीकैः ३  
आभिष्टै अद्य गीर्भिर्गृणन्तो ऽग्ने दाशैम । प्र ते दिवो न स्तनयन्ति शुष्माः ४  
तव स्वादिष्टा ऽग्ने संदृष्टि रिदा चिदहं इदा चिदुक्तोः । श्रिये रुक्मो न रौचत  
उपाके ५  
घृतं न पूतं तनूररेपाः शुचि हिरण्यम् । तत् ते रुक्मो न रौचत स्वधावः ६  
कृतं चिद्धिष्मा सनैमि द्वेषो ऽग्रं इनोषि मतात् । इत्था यजमानादृतावः ७  
शिवा नः सख्या सन्तु भ्रात्रा ऽग्रै देवेषु युष्मे । सा नो नाभिः सदर्ने  
सस्मिन्नूर्धन् ८

द्वितीयोऽनुवाकः

सू० ११-२१

(११) एकादशं सूक्तम्

(१-६) षडृचस्यास्य सूक्तस्य गौतमो वामदेव ऋषिः । अग्निर्देवता । त्रिष्टुप् छन्दः  
भद्रं ते अग्ने सहसिन्ननीकमुपाक आ रौचते सूर्यस्य ।  
रुशद् दृशे ददृशे नक्तया चिदरूक्षितं दृश आ रूपे अन्नम् १

वि षाह्यग्रे गृणते मनीषां खं वेपसा तुविजातु स्तवानः ।  
 विश्वैभिर्यद् वावनः शुक्र देवैस्तन्नौ रास्व सुमहो भूरि मन्म २  
 त्वदग्रे काव्या त्वन्मनीषा स्त्वदुक्था जायन्ते राध्यानि ।  
 त्वदैति द्रविणं वीरपैशा इत्थार्धिये दाशुषे मर्त्याय ३  
 त्वद् वाजी वाजभरो विहाया अभिष्टिकृज्जायते सत्यशुष्मः ।  
 त्वद् रयिर्देवजूतो मयो भुस्त्वदाशुर्जूजुवाँ अग्रे अर्वा ४  
 त्वामग्रे प्रथमं देवयन्तौ देवं मर्ता अमृत मन्द्रजिह्वम् ।  
 द्वेषोयुतमा विवासन्ति धीभिर्दमूनसं गृहपतिममूरम् ५  
 आरे अस्मदमतिमारे अंह आरे विश्वा दुर्मतिं यन्निपासि ।  
 दोषा शिवः सहसः सूनो अग्रे यं देव आ चित् सचसे स्वस्ति ६

(१२) द्वादशं सूक्तम्

(१-६) षडृचस्यास्य सूक्तस्य गौतमो वामदेव ऋषिः । अग्निर्देवता । त्रिष्टुप् छन्दः  
 यस्त्वामग्नं इनधते यतस्तुक् त्रिस्ते अन्नं कृणवत् सस्मिन्नहन् ।  
 स सु द्युमैरभ्यस्तु प्रसन्नत् तव क्रत्वा जातवेदश्चिकित्वान् १  
 इध्मं यस्ते जभरच्छश्रमाणो महो अग्रे अनीकमा संपूर्यन् ।  
 स इधानः प्रति दोषामुषासं पुष्यन् रयिं संचते घ्नन्नमित्रान् २  
 अग्निरीशे बृहतः क्षत्रियस्याग्निर्वाजस्य परमस्य रायः ।  
 दधाति रत्नं विधते यविष्ठो व्यानुषङ्गित्याय स्वधावान् ३  
 यच्चिद्धि तै पुरुषत्रा यविष्ठाऽचित्तिभिश्चकृमा कच्चिदार्गः ।  
 कृधी प्वश्स्माँ अदितेरनागान् व्येनासि शिश्रथो विष्वगग्रे ४  
 महश्चिदग्नं एनसो अभीक ऊर्वाद् देवानामुत मर्त्यानाम् ।  
 मा ते सखायः सदमिद् रिषाम् यच्छा तोकाय तनयाय शं योः ५  
 यथा ह त्यद् वसवो गौर्यं चित् पदि षिताममुञ्चता यजत्राः ।  
 एवो प्वश्स्मन्मुञ्चता व्यंहः प्र तार्यग्रे प्रतरं न आयुः ६

(१३) त्रयोदशं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । अग्निर्लिङ्गोक्ता वा देवताः  
 । त्रिष्टुप् छन्दः

प्रत्यग्निरुषसामग्रमख्यद् विभातीनां सुमना रत्नधेयम् ।



या॒तम॑श्विना सु॒कृतौ॑ दुरो॒णमु॑त् सूर्यो॑ ज्योति॒षा दे॒व ए॑ति १  
ऊ॒र्ध्वं भा॒नुं स॑विता दे॒वो अ॑श्रेद् द्र॒प्सं द॑विध्वद् ग॒विषो॑ न स॒त्वा ।  
अ॒नु व्र॑तं वरु॒णो य॑न्ति मि॒त्रो यत् सूर्यं॑ दि॒व्यारो॑हयन्ति २  
यं सी॒मकृ॑णवन् तम॑से वि॒पृचै॑ ध्रु॒वक्षे॑मा अ॒नव॑स्यन्तो अर्थम् ।  
तं सूर्यं॑ ह॒रितः॑ स॒प्त य॒ज्ञीः स्प॑शं वि॒श्वस्य॑ जग॑तो वहन्ति ३  
वहि॑ष्ठेभिर्वि॒हर॑न्यासि तन्तु॑ म॒वव्य॑यन्नसितं दे॒व व॑स्म ।  
द॒विध्व॑तो र॒श्मयः॑ सूर्य॑स्य च॒र्मेवा॑वा॒धुस्त॑मो अ॒प्स्वश्॑न्तः ४  
अ॒नाय॑तो अ॒र्निब॑द्धः क॒थायं॑ न्य॒ङ्ङुत्त॑नोऽव॑ प॒द्यते॑ न ।  
कया॑ याति स्व॒धया॑ को द॑दर्श दि॒वः स्क॑म्भः स॒मृतः॑ पा॒ति ना॑कम् ५

(१४) चतुर्दशं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । अग्निर्लिङ्गोक्ता वा देवताः ।

त्रिष्टुप् छन्दः

प्रत्य॒ग्निरु॑षसौ जा॒तवै॑दा अ॒ख्यद् दे॒वो रोच॑माना॒ महौ॑भिः ।  
आ ना॑सत्यो॒रुगा॑या रथे॒ने मं॑ य॒ज्ञमु॑प॒ नो या॑तमच्छ १  
ऊ॒र्ध्वं के॒तुं स॑विता दे॒वो अ॑श्रे॒ज्योति॑र्वि॒श्वस्मै॑ भुव॑नाय कृ॒णवन् ।  
आ॒प्रा द्या॑वा॒पृथि॒वी अ॒न्तरि॑क्षं वि सूर्यो॑ र॒श्मिभि॑श्चे॒कितानः॑ २  
आ॒वह॑न्त्यरु॒णीज्यो॑ति॒षागा॑न्म॒ही चि॒त्रा र॒श्मिभि॑श्चे॒किताना॑ ।  
प्र॒बो॒धय॑न्ती सु॒विता॑य दे॒व्यु॑षा ई॒यते॑ सु॒युजा॑ रथे॒न ३  
आ वा॑ वहि॒ष्ठा इ॒ह ते॑ वहन्तु रथा॒ अश्वा॑स उ॒षसो॑ व्यु॒ष्टौ ।  
इ॒मे हि॑ वा॒ मधु॑र्पेयाय॒ सोमा॑ अ॒स्मिन् य॒ज्ञे वृ॑षणा मादयेथाम् ४  
अ॒नाय॑तो अ॒र्निब॑द्धः क॒थायं॑ न्य॒ङ्ङुत्त॑नोऽव॑ प॒द्यते॑ न ।  
कया॑ याति स्व॒धया॑ को द॑दर्श दि॒वः स्क॑म्भः स॒मृतः॑ पा॒ति ना॑कम् ५

(१५) पञ्चदशं सूक्तम्

(१-१०) दशर्चस्यास्य सूक्तस्य गौतमो वामदेव ऋषिः । (१-६)

प्रथमादिषडृचामग्निः (७-८) सप्तम्यष्टम्योः साहदेव्यः सोमकः (९-१०)

नवमीदशम्योश्चाश्विनौ देवताः । गायत्री छन्दः

अ॒ग्निर्हो॑ता॒ नो अ॒ध्वरे॑ वा॒जी स॑न् परि॒णीय॑ते । दे॒वो दे॒वेषु॑ य॒ज्ञियः॑ १  
परि॑ त्रि॒विष्ट॑य॒ध्वरं॑ यात्य॒ग्नी र॒थीरि॑व । आ दे॒वेषु॑ प्र॒यो द॑धत् २

परि वाजपतिः कवि रग्निर्हव्यान्यक्रमीत् । दधद् रत्नानि दाशुषे ३  
 अयं यः सृज्ये पुरो दैववाते समिध्यते । द्युमाँ अमित्रदम्भनः ४  
 अस्य घा वीर ईवतो ऽग्नेरीशीत मर्त्यः । तिग्मजम्भस्य मीळ्हुषः ५  
 तमवन्तं न सानसि मरुषं न दिवः शिशुम् । मर्मृज्यन्ते दिवेदिवे ६  
 बोधद्यन्मा हरिभ्यां कुमारः साहदेव्यः । अच्छा न हूत उदरम् ७  
 उत त्या यजता हरी कुमारात् साहदेव्यात् । प्रयता सद्य आ ददे ८  
 एष वा देवावश्विना कुमारः साहदेव्यः । दीर्घायुरस्तु सोमकः ९  
 तं युवं दैवावश्विना कुमारं साहदेव्यम् । दीर्घायुषं कृणोतन १०

(१६) षोडशं सूक्तम्

(१-२१) एकविंशत्यृचस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

आ सत्यो यातु मघवाँ ऋजीषी द्रवन्त्वस्य हरय उप नः ।  
 तस्मा इदन्धः सुषुमा सुदक्ष मिहाभिपित्वं करते गृणानः १  
 अवं स्य शूराध्वनो नान्ते ऽस्मिन् नौ अद्य सर्वने मन्दध्यै ।  
 शंसात्युक्थमुशनैव वेधा श्रिकितुषे असुर्याय मर्म २  
 कविर्न निरयं विदथानि साधन् वृषा यत् सेकं विविपानो अर्चात् ।  
 दिव इत्था जीजनत् सप्त कारू नह्नी चिच्चक्रुर्वयुना गृणन्तः ३  
 स्वर्श्यद् वेदि सुदृशीकमुकैर्महि ज्योती रुरुचुर्यद्ध वस्तौः ।  
 अन्धा तमासि दुधिता विचक्षे नृभ्यश्चकार नृतमो अभिष्टौ ४  
 ववक्ष इन्द्रो अमितमृजीष्युभे आ पप्रौ रोदसी महित्वा ।  
 अतश्चिदस्य महिमा वि रै च्यभि यो विश्वा भुवना बभूव ५  
 विश्वानि शक्रो नर्याणि विद्वा नपो रिरिच सखिभिर्निकामैः ।  
 अश्मानं चिद् ये बिभिदुर्वचौभिर्वजं गोमन्तमुशिजो वि ववुः ६  
 अपो वृत्रं वव्रिवांसं पराहन् प्रावत् ते वज्रं पृथिवी सचैताः ।  
 प्राणसि समुद्रियाण्यैनोः पतिर्भवञ्छवसा शूर धृष्णो ७  
 अपो यदद्रि पुरुहूत ददर् राविर्भुवत् सरमा पूर्व्यं ते ।  
 स नो नेता वाजमा दर्षि भूरि गोत्रा रुजन्नङ्गिरोभिर्गृणानः ८  
 अच्छा कविं नृमणो गा अभिष्टौ स्वर्षाता मघवन्नाधमानम् ।  
 ऊतिभिस्तमिषणो द्युम्रहूतौ नि मायावानब्रह्मा दस्युरर्त ९

आ दस्युघ्ना मनसा याह्यस्तं भुवत् ते कुत्सः सख्ये निकामः ।  
 स्वे योनौ नि षदतुं सरूपा वि वा चिकित्सदृतचिद्ध नारी १०  
 यासि कुत्सेन सरथमवस्यु स्तोदो वार्तस्य हर्योरीशानः ।  
 ऋज्रा वाजं न गध्यं युयूषन् कविर्यदहन् पार्याय भूषात् ११  
 कुत्साय शुष्णमशुषं नि बर्हीः प्रपित्वे अहः कुर्यवं सहस्रा ।  
 सद्यो दस्युन् प्र मृण कुत्स्येन प्र सूरश्चक्रं वृहतादभीके १२  
 त्वं इंप्रुं मृगयं शूशुवांसं मृजिश्चने वैदथिनाय रन्धीः ।  
 पञ्चाशत् कृष्णा नि वपः सहस्रा ऽत्कं न पुरौ जरिमा वि ददः १३  
 सूर उपाके तन्वंश् दधानो वि यत् ते चेत्यमृतस्य वर्षः ।  
 मृगो न हस्ती तविषीमुषाणः सिंहो न भीम आयुधानि बिभ्रत् १४  
 इन्द्रं कामा वसूयन्तौ अग्नन् त्वर्मीळहे न सर्वने चकानाः ।  
 श्रवस्यवः शशमानास उक्थै रोको न रणवा सुदृशीव पुष्टिः १५  
 तमिद् व इन्द्रं सुहव हुवेम यस्ता चकार नर्या पुरूणि ।  
 यो मावते जरित्रे गध्यं चिन्मन्तू वाजं भरति स्पार्हराधाः १६  
 तिग्मा यदन्तरशनिः पताति कस्मिञ्चिच्छूर मुहुके जनानाम् ।  
 घोरा यदर्यं समृतिर्भवा त्यध स्मा नस्तन्वौ बोधि गोपाः १७  
 भुवोऽविता वामदेवस्य धीनां भुवः सखावृको वाजसातौ ।  
 त्वामनु प्रमतिमा जगन्मो रुशंसौ जरित्रे विश्वध स्याः १८  
 एभिर्नृभिरिन्द्र त्वायुभिष्ठा मघवद्भिर्मघवन् विश्व आजौ ।  
 द्यावो न द्युमैरभि सन्तौ अर्यः क्षपो मदेम शरदश्च पूर्वीः १९  
 एवेदिन्द्राय वृषभाय वृष्णे ब्रह्माकर्म भृगवो न रथम् ।  
 नू चिद् यथा नः सख्या वियोषदसन्न उग्रौऽविता तनूपाः २०  
 नू ष्टत इन्द्र नू गृणान इषं जरित्रे नद्योऽं न पीपेः ।  
 अकारि ते हरिवो ब्रह्म नव्यं धिया स्याम रथ्यः सदासाः २१

(१७) सप्तदशं सूक्तम्

(१-२१) एकविंशत्यृचस्यास्य सूक्तस्य गौतमो वामदेव ऋषिः । इन्द्रो देवता ।

(१-१४, १६-२१) प्रथमादिचतुर्दशर्चा षोडश्यादिषण्णाञ्च त्रिष्टुप् (१५)

पञ्चदश्याश्चैकपदा विराट् छन्दसी

त्वं मुहाँ इन्द्र तुभ्यं हृ द्वा अनुं द्वात्रं मुंहना मन्यतु द्यौः ।  
 त्वं वृत्रं शर्वसा जघन्वान् त्सृजः सिन्धूरहिना जग्रसानान् १  
 तव त्विषो जनिमन् रेजतु द्यौ रेजद् भूमिर्भियसा स्वस्य मन्योः ।  
 ऋघायन्तं सुभ्वः पर्वतास आर्दन् धन्वानि सरयन्त आपः २  
 भिनद् गिरिं शर्वसा वज्रमिष्णन्नाविष्कृणवानः सहसान ओजः ।  
 वधीद् वृत्रं वज्रेण मन्दसानः सरन्नापो जर्वसा हतवृष्णीः ३  
 सुवीरस्ते जनिता मन्यतु द्यौ रिन्द्रस्य कर्ता स्वपस्तमो भूत् ।  
 य ई जजान स्वयं सुवज्र मनपच्युतं सदर्सो न भूम ४  
 य एक इच्चयावर्यति प्र भूमा राजा कृष्टीनां पुरुहूत इन्द्रः ।  
 सत्यमैनमनु विश्वे मदन्ति रातिं देवस्य गृणतो मघोनः ५  
 सत्रा सोमा अभवन्नस्य विश्वे सत्रा मर्दासो बृहतो मर्दिष्ठाः ।  
 सत्राभवो वसुपतिर्वसूनां दत्ते विश्वा अधिथा इन्द्र कृष्टीः ६  
 त्वमर्धं प्रथमं जार्यमानो ऽमे विश्वा अधिथा इन्द्र कृष्टीः ।  
 त्वं प्रति प्रवत आशयानुमहिं वज्रेण मघवन् वि वृश्चः ७  
 सत्राहणं दार्धृषिं तुम्रमिन्द्रं महामपारं वृषभं सुवज्रम् ।  
 हन्ता यो वृत्रं सनितोत वाजं दाता मघानि मघवा सुराधाः ८  
 अयं वृत्श्चातयते समीचीर्य आजिषु मघवा शृणव एकः ।  
 अयं वाजं भरति यं सनोत्यस्य प्रियासः सख्ये स्याम ९  
 अयं शृणवे अध जयन्तुत घ्नन्त्यमुत प्र कृणुते युधा गाः ।  
 यदा सत्यं कृणुते मन्युमिन्द्रो विश्वे दृळ्हं भयतु एजदस्मात् १०  
 समिन्द्रो गा अजयत् सं हिरण्या समश्चिया मघवा यो ह पूर्वीः ।  
 एभिर्नृभिर्नृतमो अस्य शाकै रायो विभक्ता सभरश्च वस्वः ११  
 कियत् स्विदिन्द्रो अध्येति मातुः कियत् पितुर्जनितुर्यो जजान ।  
 यो अस्य शुष्मं मुहुकैरियति वातो न जूतः स्तनयद्विरभैः १२  
 क्षियन्तं त्वमक्षियन्तं कृणोतीर्यति रेणुं मघवा समोहम् ।  
 विभञ्जनुरशनिमाँ इव द्यौ रूत स्तोतारं मघवा वसौ धात् १३  
 अयं चक्रमिषणत् सूर्यस्य न्येतशं रीरमत् ससृमाणम् ।  
 आ कृष्ण ई जुहुराणो जिघर्ति त्वचो बुध्रे रजसो अस्य योनौ १४  
 असिक्न्यां यजमानो न होता १५  
 गव्यन्त इन्द्र सख्यायु विप्रा अश्वायन्तो वृषणं वाजयन्तः ।

जनीयन्तौ जनिदामक्षितोति मा च्यावयामोऽवृते न कोशम् १६  
त्राता नौ बोधि ददृशान आपि रभिरुयाता मर्दिता सोम्यानाम् ।  
सखा पिता पितृतमः पितृणां कर्तुमु लोकमुशते वयोधाः १७  
सखीयतामविता बोधि सखा गृणान इन्द्र स्तुवृते वयो धाः ।  
वयं ह्या तै चकृमा सुबाध आभिः शमीभिर्महयन्त इन्द्र १८  
स्तुत इन्द्रो मघवा यद्ध वृत्रा भूरीण्येको अप्रतीनि हन्ति ।  
अस्य प्रियो जरिता यस्य शर्म न्नकिर्देवा वारयन्ते न मर्ताः १९  
एवा न इन्द्रो मघवा विरप्शी करत् सत्या चर्षणीधृदनुर्वा ।  
त्वं राजा जनुषां धेह्यस्मे अधि श्रवो माहिनुं यज्जरित्रे २०  
नू षुत इन्द्र नू गृणान इषं जरित्रे नद्योऽं न पीपेः ।  
अकारि ते हरिवो ब्रह्म नव्यं धिया स्याम रथ्यः सदासाः २१

(१८) अष्टादशं सूक्तम्

(१-१३) त्रयोदशर्चस्यास्य सूक्तस्य (१) प्रथमर्च इन्द्रः (२-३, ४, ८-१३)  
द्वितीयातृतीययोश्चतुर्थ्याः पूर्वार्धस्याष्टम्यादिषण्णाञ्च गौतमो वामदेव ऋषी (४, ५-  
७) चतुर्थ्या उत्तरार्धस्य पञ्चम्यादितृचस्य चादितिर्ऋषिका । (१, ४, ५-७)  
प्रथमर्चश्चतुर्थ्या उत्तरार्धस्य पञ्चम्यादितृचस्य च वामदेवः (२-३, ४, ८-१३)  
द्वितीयातृतीययोश्चतुर्थ्याः पूर्वार्धस्याष्टम्यादिषण्णाञ्चेन्द्रो देवते । त्रिष्टुप् छन्दः  
अयं पन्था अनुवित्तः पुराणो यतौ देवा उदजायन्त विश्वे ।  
अतश्चिदा जनिषीष्ट प्रवृद्धो मा मातरममुया पत्तवे कः १  
नाहमतो निरया दुर्गहितत् तिरश्चता पार्श्वान्निर्गमाणि ।  
बहूनि मे अकृता कर्त्तानि युध्यै त्वेन सं त्वेन पृच्छे २  
पुरायतीं मातरमन्वचष्ट न नानु गान्यनु नू गमानि ।  
त्वष्टुर्गृहे अपिबत् सोममिन्द्रः शतधन्यं चम्बोः सुतस्य ३  
किं स ऋधक् कृणवद् यं सहस्रं मासो जभारं शरदश्च पूर्वीः ।  
नही न्वस्य प्रतिमानमस्त्य न्तजतिषूत ये जनित्वाः ४  
अवद्यमिव मन्यमाना गुहाक् रिन्द्र माता वीर्येणा न्यृष्टम् ।  
अथोदस्थात् स्वयमत्कं वसानु आ रोदसी अपृणाज्जायमानः ५  
एता अर्षन्त्यललाभवन्ती ऋतावरीरिव संक्रोशमानाः ।  
एता वि पृच्छ किमिदं भनन्ति कमापो अद्रिं परिधिं रुजन्ति ६

किमु ष्विदस्मै निविदौ भनन्ते न्द्रस्यावृद्धं दिधिषन्त आपः ।  
 ममैतान् पुत्रो महता वृधेन वृत्रं जघन्वाँ असृजद् वि सिन्धून् ७  
 ममच्चन त्वा युवतिः पुरास ममच्चन त्वा कुषवा जगार ।  
 ममच्चिदापुः शिशवे ममृड्युर्ममच्चिदिन्द्रः सहसोदतिष्ठत् ८  
 ममच्चन तै मघवन् व्यसो निविविध्वाँ अप हनू जघान ।  
 अधा निविद्ध उत्तरो बभूवा ञ्छिरौ दासस्य सं इंपणग्वधेन ९  
 गृष्टिः संसूव स्थविरं तवागा मनाधृष्यं वृषभं तुममिन्द्रम् ।  
 अरीळहं वृत्सं चरथाय माता स्वयं गातुं तन्व इच्छमानम् १०  
 उत माता महिषमन्वेन दमी त्वा जहति पुत्र देवाः ।  
 अथाब्रवीद् वृत्रमिन्द्रो हनिष्यन् त्सखे विष्णो वितुरं वि क्रमस्व ११  
 कस्तै मातरं विधवामचक्र च्युं कस्त्वामजिघांसच्चरन्तम् ।  
 कस्तै देवो अधि मर्डीक आसीद् यत् प्राक्षिणाः पितरं पादगृह्य १२  
 अवर्त्या शुनं आन्त्राणि पेचे न देवेषु विविदे मर्दितारम् ।  
 अपश्यं जायाममहीयमाना मधा मे श्येनो मध्वा जभार १३

षष्ठोऽध्यायः

व० १-३०

(१६) एकोनविंशं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

एवा त्वामिन्द्र वज्रिन्नत्र विश्वे देवासः सुहवांस ऊमाः ।  
 महामुभे रोदसी वृद्धमृष्वं निरेकमिद् वृणते वृत्रहत्यै १  
 अवासृजन्त जिव्रयो न देवा भुवः सम्राळिन्द्र सत्ययौनिः ।  
 अहन्नहिं परिशयान्मर्णः प्र वर्तनीररदो विश्वधेनाः २  
 अतृपणवन्तं वियतमबुध्यमबुध्यमानं सुषुपाणमिन्द्र ।  
 सप्त प्रति प्रवत आशयान् महिं वज्रेण वि रिणा अपर्वन् ३  
 अक्षौदयच्छर्वसा क्षामं बुध्नं वार्षं वातस्तविषीभिरिन्द्रः ।  
 दृळ्हान्यौभ्नादुशमान् ओजो ऽवाभिनत् ककुभः पर्वतानाम् ४  
 अभि प्र दद्रुर्जनेयो न गर्भं रथा इव प्र येयुः सकमद्रयः ।  
 अतर्पयो विसृत उब्ज ऊर्मीन् त्वं वृताँ अरिणा इन्द्र सिन्धून् ५

त्वं म॒हीम॒वर्नि॑ वि॒श्वधे॑नां तु॒र्वीत॑ये व॒य्याय॑ क्षर॑न्तीम् ।  
 अ॒रम॑यो नम॒सैज॒दर्णः॑ सु॒तर॑णाँ अ॒कृणो॑रिन्द्र सिन्धून् ६  
 प्रा॒गुवो॑ नभ॒न्वो॑रि॒ न वक्वा॑ ध्व॒स्त्रा अ॑पिन्वद् युव॒तीर्त्त॑ज्ञाः ।  
 धन्वा॒न्यज्राँ॑ अ॒पृणक् तृषा॑णाँ अ॒धोगि॑न्द्रः स्त॒र्यो॑रि॒ दंसु॑पत्नीः ७  
 पूर्वी॒रुष॑सः श॒रद॑श्च गू॒र्ता वृ॒त्रं ज॑घ॒न्वाँ अ॑सृजद् वि सिन्धून् ।  
 परि॑ष्ठिता अ॒तृण॑द् ब॒द्धा॒नाः सी॒रा इन्द्रः॑ स्रवि॑तवे पृथि॒व्या ८  
 व॒ग्नीभिः॑ पु॒त्रम॒गुवो॑ अ॒दानं॑ नि॒वेश॑नाद्धरिव॒ आ ज॑भर्थ ।  
 व्य॑श्न्धो अ॒रुव॑दहि॒माद॑दानो निर्भू॒दुख॑च्छित् सम॑रन्त॒ पर्व ९  
 प्र ते॑ पूर्वा॒णि कर॑णानि वि॒प्रा ऽऽवि॑द्वाँ आ॒ह वि॒दुषे॑ करा॒सि ।  
 यथा॑यथा वृ॒ष्ण्यानि॑ स्वगू॒र्ता ऽपा॑सि रा॒जन् न॑र्यावि॒वेषीः १०  
 नू ष्ट॑त इन्द्र नू गृ॒णान॑ इषं ज॒रित्रे॑ न॒द्यो॑रि॒ न पी॑पेः ।  
 अ॒कारि॑ ते ह॒रिवो॑ ब्र॒ह्म न॒व्यं धि॒या स्या॑म र॒थ्यः सदा॑साः ११

(२०) विंशं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

आ न॒ इन्द्रो॑ दू॒रादा॑ न आ॒सा द॑भिष्टि॒कृद॑वसे यासदु॒ग्रः ।  
 ओजि॑ष्ठेभिर्नृ॒पति॑र्वज्र॒बाहुः॑ सं॒गे स॒मत्सु॑ तु॒र्वणिः॑ पृ॒तन्यून् १  
 आ न॒ इन्द्रो॑ ह॒रिभि॑र्या॒त्वच्छा॑ ऽर्वा॒चीनो॑ ऽव॒से रा॑धसे च ।  
 ति॑ष्ठाति व॒ज्री म॒घवा॑ वि॒रप्शी॑ मं य॒ज्ञमनु॑ नो वाज॑सातौ २  
 इमं॑ य॒ज्ञं त्वम॑स्माकमिन्द्र पु॒रो द॑धत् स॒निष्य॑सि क्रतु॑ नः ।  
 श्व॒घ्नीव॑ वज्रिन् त्स॒नये॑ ध॒र्नानां॑ त्वया॑ व॒यम॑र्य आ॒जिं ज॑येम ३  
 उ॒शन्नु॑ षु णः सु॒मना॑ उ॒पाके॑ सोम॒स्य नु॑ सु॒षुत॑स्य स्वधावः ।  
 पा इन्द्र॑ प्र॒तिभृ॑तस्य मध्वः स॒मन्ध॑सा म॒मदः॑ पृ॒ष्ठये॑न ४  
 वि यो र॑रप्श ऋ॒षिभि॑र्नवै॒भिर्वृ॑द्धो न प॒क्वः सृ॑ण्यो न जेता ।  
 म॒र्यो न योषा॑म॒भि म॑न्य॒मानो॑ ऽच्छा॑ वि॒वक्मि॑ पुरु॒हूत॑मिन्द्रम् ५  
 गि॒रिर्न यः॑ स्व॒तवाँ॑ ऋ॒ष्व इन्द्रः॑ स॒नादे॑व स॒हसे॑ जा॒त उ॒ग्रः ।  
 आ॒द॒र्ता व॑ज्रं स्थवि॒रं न॑ भीम उ॒दने॑व को॒शं व॑सु॒ना न्यृ॑ष्टम् ६  
 न यस्य॑ व॒र्ता ज॑नु॒षा न्व॑स्ति न रा॒धस॑ आ॒मरी॑ता म॒घस्य॑ ।  
 उ॒द्वावृ॑षाणस्त॒विषी॑व उ॒ग्रा स्म॑भ्यं द॒द्धि पुरु॑हूत रा॒यः ७

ईक्षे रायः क्षयस्य चर्षणीना मुत वृजमपवर्तासि गोनाम् ।  
 शिञ्जानुरः समिथेषु प्रहावान् वस्वो राशिमभिनेतासि भूरिम् ८  
 कया तच्छृणवे शच्या शचिष्ठो यया कृणोति मुहु का चिदृष्वः ।  
 पुरु दाशुषे विचयिष्ठो अंहो ऽथा दधाति द्रविणं जरित्रे ९  
 मा नो मर्धीरा भरा दद्धि तन्नः प्र दाशुषे दातवे भूरि यत् तै ।  
 नव्ये देष्णे शस्ते अस्मिन् त उक्थे प्र ब्रवाम वयमिन्द्र स्तुवन्तः १०  
 नू षुत ईन्द्र नू गृणान इषं जरित्रे नद्योऽं न पीपेः ।  
 अकारि ते हरिवो ब्रह्म नव्यं धिया स्याम रथ्यः सदासाः ११

(२१) एकविंशं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

आ यात्विन्द्रोऽवस उप न इह स्तुतः संधमादस्तु शूरः ।  
 वावृधानस्तविषीर्यस्य पूर्वा द्यौर्न क्षत्रमभिभूति पुष्यात् १  
 तस्येदिह स्तवथ वृष्योनि तुविद्युमस्य तुविरार्धसो नृन् ।  
 यस्य क्रतुर्विदथ्योऽं न सम्राट् साहान् तरुत्रो अभ्यस्ति कृष्टीः २  
 आ यात्विन्द्रो दिव आ पृथिव्या मक्षू समुद्रादुत वा पुरीषात् ।  
 स्वर्णरादवसे नो मरुत्वान् परावतो वा सदनोदृतस्य ३  
 स्थूरस्य रायो बृहतो य ईशे तमु ष्टवाम विदथेष्विन्द्रम् ।  
 यो वायुना जयति गोमतीषु प्र धृष्ण्या नयति वस्यो अच्छ ४  
 उप यो नमो नर्मसि स्तभाय त्रिर्यति वाचं जनयन् यजध्यै ।  
 अञ्जसानः पुरुवार उक्थे रेन्द्रं कृणवीत् सदनेषु होता ५  
 धिषा यदि धिषण्यन्तः सरणयान् त्सदन्तो अद्रिमौशिजस्य गोहे ।  
 आ दुरोषाः पास्त्यस्य होता यो नो महान् त्संवरणेषु वह्निः ६  
 सत्रा यदी भार्वरस्य वृष्णः सिषक्ति शुष्मः स्तुवते भराय ।  
 गुहा यदीमौशिजस्य गोहे प्र यद् धिये प्रायसे मदाय ७  
 वि यद् वरांसि पर्वतस्य वृणवे पर्योभिर्जिन्वे अपां जवांसि ।  
 विदद् गौरस्य गव्यस्य गोहे यदी वाजाय सुध्योऽं वहन्ति ८  
 भद्रा ते हस्ता सुकृतोत पाणी प्रयन्तारा स्तुवते रार्ध इन्द्र ।  
 का ते निषक्तिः किमु नो ममत्सि किं नोदुदु हर्षसे दातवा उ ९



ए॒वा वस्व॑ इन्द्रः स॒त्यः स॒म्रा॒ इन्ता॑ वृ॒त्रं वरि॑वः पू॒र्वे कः ।  
 पु॒रुष्टु॑ क्र॒त्वा नः श॒ग्धि रा॒यो भ॑क्षी॒य तेऽव॑सो दै॒व्यस्य॑ १०  
 नू ष्टु॑ इन्द्र नू गृ॒णान॑ इ॒षं ज॒रित्रे॑ न॒द्योऽं न॑ पी॒पेः ।  
 अ॒कोरि॑ ते ह॒रिवो॑ ब्र॒ह्म न॒व्यं धि॒या स्या॑म र॒थ्यः सदा॑साः ११  
 तृतीयोऽनुवाकः  
 व० २२-३२

(२२) द्वाविंशं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

यन्न॑ इन्द्रो॑ जुजुषे॑ यच्च॑ वष्टि॑ तन्नो॑ म॒हान् क॑रति श॒ष्या चि॑त् ।  
 ब्र॒ह्म स्तोमं॑ म॒घवा॑ सोम॑मुक्था॒ यो अ॒श्मानं॑ शर्व॑सा बिभ्र॑देति १  
 वृषा॑ वृष॑न्धिं चतु॑रश्रिमस्य॒ नृगो॑ बा॒हुभ्यां॑ नृ॒तम् श॑ची॒वान् ।  
 श्रिये॑ परु॒ष्णीमु॒षमा॑ण॒ ऊर्णा॑ यस्याः प॒र्वाणि॑ स॒ख्याय॑ वि॒व्ये २  
 यो दे॒वो दे॒वर्त॑मो जा॒र्यमा॑नो म॒हो वा॒जैर्भि॑र्म॒हद्भि॑श्च शु॒ष्मैः ।  
 दधा॑नो वज्रं॑ बा॒होरु॑श॒न्तं द्या॑म॒मैन॑ रेज॒यत् प्र॑ भू॒र्म ३  
 विश्वा॑ रोधा॑सि प्र॒वत॑श्च पू॒र्वी द्यौर्ऋ॑ष्वा॒ज्जनि॑मन् रेज॒त द्याः॑ ।  
 आ मा॒तरा॑ भर॑ति श॒ष्या गो॑ नृ॒वत् परि॑ज्मन् नोनु॒वन्त॑ वा॒ताः ४  
 ता तू तै॑ इन्द्र॑ म॒हतो॑ म॒हानि॑ वि॒श्वेष्वि॑त् स॒र्वने॑षु प्र॒वाच्या॑ ।  
 यच्छू॑र धृ॒ष्णो धृ॒षता॑ द॒धृष्वा॑ नहिं॑ वज्रै॒ण श॒वसा॑वि॒वेषीः॑ ५  
 ता तू तै॑ स॒त्या तु॑वि॒नृम्णा॑ विश्वा॒ प्र धे॑नवः॒ सि॒स्रते॑ वृ॒ष्ण ऊ॒र्ध्वः ।  
 अ॒धा ह॒ त्वद् वृ॑षम॒णो भि॒या॒नाः प्र॑ सि॒न्धवो॑ ज॒र्वसा॑ चक्र॒मन्त॑ ६  
 अ॒त्राहं॑ ते ह॒रिव॑स्ता उ॑ दे॒वी र॒वोभि॑रिन्द्र॒ स्तव॑न्त॒ स्वसा॑रः ।  
 यत् सी॒मनु॑ प्र मु॒चो ब॑द्ध॒धाना॑ दी॒र्घाम॑नु प्र॒सिति॑ स्य॒न्द्यध्वै॑ ७  
 पिपी॑ळे अ॒ंशुर्म॑द्यो न सि॒न्धु रा॒ त्वा श॑र्मा श॒शमा॑नस्य॒ शक्तिः॑ ।  
 अ॒स्मद्र॑य॒क् शु॒शु॒चान॑स्य॒ यम्या॑ आ॒शुर्न र॒श्मिं तु॒व्योर्ज॑सं गोः ८  
 अ॒स्मे व॑र्षि॒ष्ठा कृ॑णुहि॒ ज्येष्ठा॑ नृ॒म्णानि॑ स॒त्रा स॑ह॒रे सहा॑सि ।  
 अ॒स्मभ्य॑ वृ॒त्रा सु॑ह॒नानि॑ रन्धि॒ जहि॑ व॒धर्व॑नुषो म॒र्त्यस्य॑ ९  
 अ॒स्माक॑मित् सु॒शृणु॑हि त्वमिन्द्रा॒ऽस्मभ्य॑ चि॒त्राँ उप॑ माहि॒ वाजा॑न् ।  
 अ॒स्मभ्य॑ विश्वा॑ इ॒षणः॑ पु॒रंधी॑ र॒स्माकं॑ सु॒ म॒घव॑न् बो॒धि गो॑दाः १०

नू ष्टुत ईन्द्र नू गृणान इषं जरित्रे नद्योऽं न पीपेः ।  
अकारि ते हरिवो ब्रह्म नव्यं धिया स्याम रथ्यः सदासाः ११

(२३) त्रयोविंशं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । (१-७, ११)  
प्रथमादिसप्तर्चामेकादश्याश्चेन्द्रः (८-१०) अष्टम्यादितृचस्येन्द्र ऋतं वा देवता ।

त्रिष्टुप् छन्दः

कथा महामवृधत् कस्य होतुं यज्ञं जुषाणो अभि सोममूधः ।  
पिबन्नुशानो जुषमाणो अन्धौ ववक्ष ऋष्वः शुचते धनाय १  
को अस्य वीरः सधमादमापु समानंश सुमतिभिः को अस्य ।  
कदस्य चित्रं चिकित्ते कदूती वृधे भुवच्छशमानस्य यज्योः २  
कथा शृणोति हूयमानमिन्द्रः कथा शृणवन्नवसामस्य वेद ।  
का अस्य पूर्वीरुपमातयो ह कथैनमाहुः पपुंरिं जरित्रे ३  
कथा सबाधः शशमानो अस्य नशदभि द्रविणं दीध्यानः ।  
देवो भुवन्नवेदा म ऋतानां नमो जगृभ्वाँ अभि यजुजौषत् ४  
कथा कदस्या उषसो व्युष्टौ देवो मर्तस्य सख्यं जुजोष ।  
कथा कदस्य सख्यं सखिभ्यो ये अस्मिन् कामं सुयुजं ततस्ते ५  
किमादमंत्रं सख्यं सखिभ्यः कदा नु तै भ्रात्रं प्र ब्रवाम ।  
श्रिये सुदृशो वपुस्स्य सर्गाः स्वर्णं चित्रतममिषु आ गोः ६  
द्रुहं जिघांसन् ध्वरसमनिन्द्रां तेतिक्ते तिग्मा तुजसे अनीका ।  
ऋणा चिद् यत्र ऋणया न उग्रो दूरे अज्ञाता उषसौ बबाधे ७  
ऋतस्य हि शरुधः सन्ति पूर्वी ऋतस्य धीतिर्वृजिनानि हन्ति ।  
ऋतस्य श्लोको बधिरा ततर्द कर्णा बुधानः शचमान आयोः ८  
ऋतस्य दृळहा धरुणानि सन्ति पुरुणि चन्द्रा वपुषे वपूषि ।  
ऋतेन दीर्घमिषणन्त पृक्षं ऋतेन गावं ऋतमा विवेशुः ९  
ऋतं यैमान ऋतमिद् वनोत्यृ तस्य शुष्मस्तुरया उ गव्युः ।  
ऋताय पृथ्वी बहुले गभीरे ऋताय धेनू परमे दुहाते १०  
नू ष्टुत ईन्द्र नू गृणान इषं जरित्रे नद्योऽं न पीपेः ।  
अकारि ते हरिवो ब्रह्म नव्यं धिया स्याम रथ्यः सदासाः ११

(२४) चतुर्विंशं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता । (१-  
६, ११) प्रथमादिनवर्चामेकादश्याश्च त्रिष्टुप् (१०) दशम्याश्चानुष्टुप् छन्दसी  
का सुष्टुतिः शर्वसः सूनुमिन्द्र मर्वाचीनं राधस आ वर्वर्तत् ।  
दुदिर्हि वीरो गृणते वसूनि स गोपतिर्निषिधां नो जनासः १  
स वृत्रहत्ये हव्यः स ईड्यः स सुष्टुत इन्द्रः सत्यराधाः ।  
स यामन्ना मघवा मर्त्याय ब्रह्मण्यते सुष्वये वरिवो धात् २  
तमिन्नरो वि ह्वयन्ते समीके रिरिक्वांसस्तन्वः कृणवत् त्राम् ।  
मिथो यत् त्यागमुभयासो अगमन् नरस्तोकस्य तनयस्य सातौ ३  
क्रतूयन्ति क्षितयो योग उग्राऽऽशुषाणासौ मिथो अर्णसातौ ।  
सं यद् विशोऽववृत्रन्त युध्मा आदिन्नेम इन्द्रयन्ते अभीके ४  
आदिद्ध नेम इन्द्रियं यजन्त आदित् पृक्तिः पुरोळाशं रिरिच्यात् ।  
आदित् सोमो वि पपृच्यादसुष्वी नादिजुजोष वृषभं यजध्वै ५  
कृणोत्यस्मै वरिवो य इत्थेन्द्राय सोममुशते सुनोति ।  
सध्वीचीनैन् मनसाविर्वेनन् तमित् सखायं कृणते समत्सु ६  
य इन्द्राय सुनवत् सोममद्य पचात् पृक्तीरुत भृजाति धानाः ।  
प्रति मनायोरुचथानि हर्यन् तस्मिन् दधद् वृषेणं शुष्ममिन्द्रः ७  
यदा समर्य व्यचेदृघावा दीर्घं यदाजिमभ्यख्यदर्यः ।  
अचिक्रदद् वृषेणं पत्रयच्छा दुरोण आ निशितं सोमसुद्धिः ८  
भूर्यसा वस्त्रमचरत् कनीयोऽविक्रीतो अकानिषं पुनर्यन् ।  
स भूर्यसा कनीयो नारिरीचीद् दीना दक्षा वि दुहन्ति प्र वाणम् ९  
क इमं दशभिर्ममेन्द्रं क्रीणाति धेनुभिः ।  
यदा वृत्राणि जङ्घन् दथैनं मे पुनर्ददत् १०  
नू षुत इन्द्र नू गृणान इषं जरित्रे नद्योऽं न पीपेः ।  
अकारि ते हरिवो ब्रह्म नव्यं धिया स्याम रथ्यः सदासाः ११

(२५) पञ्चविंशं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

को अद्य नयौ देवकाम उशन्निन्द्रस्य सख्यं जुजोष ।

को वा महेऽवसे पार्याय समिद्धे अग्रौ सुतसौम ईद्रे १  
 को नानाम वचसा सोम्याय मनायुर्वा भवति वस्त उस्त्राः ।  
 क इन्द्रस्य युज्यं कः सखित्वं को भ्रात्रं वष्टि कवये क ऊती २  
 को देवानामवौ अद्या वृणीते क आदित्याँ अदितिं ज्योतिरीद्रे ।  
 कस्याश्विनाविन्द्रो अग्निः सुतस्यां ऽशोः पिबन्ति मनसाविवेनम् ३  
 तस्मा अग्निर्भरितुः शर्म यंस ज्ञचोक पश्यात् सूर्यमुच्चरन्तम् ।  
 य इन्द्राय सुनवामेत्याह नरे नर्याय नृतमाय नृणाम् ४  
 न तं जिनन्ति ब्रह्मो न दभ्रा उर्वस्मा अदितिः शर्म यंसत् ।  
 प्रियः सुकृत् प्रिय इन्द्रे मनायुः प्रियः सुप्रावीः प्रियो अस्य सोमी ५  
 सुप्राव्यः प्राशषाळेष वीरः सुष्वैः पुक्तिं कृणुते केवलेन्द्रः ।  
 नासुष्वेरापिर्न सखा न जामि दुष्प्राव्योऽवहन्तेदवाचः ६  
 न रेवता पुणिनां सख्यमिन्द्रो ऽसुन्वता सुतपाः सं गृणीते ।  
 आस्य वेदः खिदति हन्ति नृगं वि सुष्वये पुक्तये केवलो भूत् ७  
 इन्द्रं परेऽवरे मध्यमास इन्द्रं यान्तो ऽवसितास इन्द्रम् ।  
 इन्द्रं क्षियन्त उत युध्यमाना इन्द्रं नरो वाजयन्तौ हवन्ते ८

(२६) षड्विंशं सूक्तम्

(१-७) सप्तर्चस्यास्य सूक्तस्य (१-३) प्रथमादितृचस्य गौतमो वामदेव इन्द्रो वा  
 (४-७) चतुर्थ्यादिचतसृणाञ्च गौतमो वामदेव ऋषिः । (१-३) प्रथमादितृचस्येन्द्र  
 आत्मा वा (४-७) चतुर्थ्यादिचतसृणाञ्च श्येनो देवते । त्रिष्टुप् छन्दः  
 अहं मनुरभवम् सूर्यश्चाऽहं कक्षीवाँ ऋषिरस्मि विप्रः ।  
 अहं कुत्समार्जुनेयं न्यूञ्जे ऽहं कविरुशना पश्यता मा १  
 अहं भूमिमददामार्यायाऽहं वृष्टिं दाशुषे मर्त्याय ।  
 अहमपो अनयं वावशाना मर्म देवासो अनु केतमायन् २  
 अहं पुरौ मन्दसानो व्यैरं नव साकं नवतीः शम्बरस्य ।  
 शततमं वेश्यं सर्वताता दिवोदासमतिथिग्वं यदावम् ३  
 प्र सु ष विभ्यो मरुतो विरस्तु प्र श्येनः श्येनेभ्य आशपत्वा ।  
 अचक्रया यत् स्वधया सुपर्णो हव्यं भरन्मनवे देवजुष्टम् ४  
 भरद् यदि विरतो वेर्विजानः पथोरुणा मनोजवा असर्जि ।  
 तूयं ययौ मधुना सोम्येनो त श्रवौ विविदे श्येनो अत्र ५

ऋजीपी श्येनो ददमानो अंशं परावतः शकुनो मन्द्रं मदम् ।  
सोमं भरद् दादृहाणो देवानान् दिवो अमुष्मादुत्तरादादाय ६  
आदाय श्येनो अभरत् सोमं सहस्रं सर्वा अयुतं च साकम् ।  
अत्रा पुरंधिरजहादराती मदे सोमस्य मूरा अमूरः ७

(२७) सप्तविंशं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । (१-४) प्रथमादिचतुर्ऋचां  
श्येनः (५) पञ्चम्याश्च श्येन इन्द्रो वा देवता । (१-४) प्रथमादिचतुर्ऋचां त्रिष्टुप्

(५) पञ्चम्याश्च शक्वरी छन्दसी

गर्भे नु सन्नन्वेषामवेद मंहं देवानां जनिमानि विश्वा ।  
शतं मा पुर आर्यसीरक्षन्नर्धं श्येनो जवसा निरदीयम् १  
न घा स मामप जोषं जभारा ऽभीमांस त्वक्षसा वीर्येण ।  
ईर्मा पुरंधिरजहादराती रुत वाता अतरच्छूशुवानः २  
अव यच्छ्येनो अस्वनीदध द्यो वि यद् यदि वात ऊहुः पुरंधिम् ।  
सृजद् यदस्मा अव ह क्षिपज्यां कृशानुरस्ता मनसा भुरगयन् ३  
ऋजिप्य ईमिन्द्रावतो न भुज्युं श्येनो जभार बृहतो अधि ष्णोः ।  
अन्तः पतत् पतत्र्यस्य पूर्णं मधु यामनि प्रसितस्य तद् वेः ४  
अर्धं श्वेतं कलशं गोभिरक्त मापिप्यानं मधवा शक्रमन्धः ।  
अध्वर्युभिः प्रयतुं मध्वो अग्र मिन्द्रो मदाय प्रति धत् पिबध्यै शूरो मदाय  
प्रति धत् पिबध्यै ५

(२८) अष्टाविंशं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । इन्द्र इन्द्रासोमौ वा देवते ।

त्रिष्टुप् छन्दः

त्वा युजा तव तत् सोम सख्य इन्द्रो अपो मनवे सस्रुतस्कः ।  
अहन्नहिमरिणात् सप्त सिन्धू नपावृणोदपिहितेव खानि १  
त्वा युजा नि खिदत् सूर्यस्येन्द्रश्चक्रं सहसा सद्य इन्द्रो ।  
अधि ष्णुना बृहता वर्तमानं महो द्रुहो अप विश्वायु धायि २  
अहन्निन्द्रो अदहदग्निरिन्द्रो पुरा दस्यून् मध्यंदिनादभीके ।  
दुर्गे दुरोणे क्रत्वा न यातां पुरू सहस्रा शर्वा नि बर्हीत् ३

विश्वस्मात् सीमध्माँ इन्द्र दस्यून् विशो दासीरकृणोरप्रशस्ताः ।  
 अबाधेथाममृणतं नि शत्रून् विन्देथामपचितिं वधत्रैः ४  
 एवा सत्यं मघवाना युवं त दिन्द्रश्च सोमोर्वमश्चयं गोः ।  
 आददृतमपिहितान्यश्नो रिरिचथुः चाश्चित् ततृदाना ५

(२९) एकोनत्रिंशं सूक्तम्

(१-५) पञ्चर्वस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

आ नः स्तुत उप वाजैभिरूती इन्द्र याहि हरिभिर्मन्दसानः ।  
 तिरश्चिदुर्यः सर्वना पुरुषया ङ्घ्रिभिर्गृणानः सत्यराधाः १  
 आ हि ष्मा याति नर्यश्चिकित्वान् हूयमानः सोतृभिरुप यज्ञम् ।  
 स्वश्चो यो अभीरुर्मन्यमानः सुष्वाणेभिर्मदति सं ह वीरैः २  
 श्रावयेदस्य कर्णा वाजयध्यै जुष्टामनु प्र दिशं मन्दयध्यै ।  
 उद्वावृषाणो राधसे तुविष्मान् करन्न इन्द्रः सुतीर्थाभयं च ३  
 अच्छो यो गन्ता नाधमानमूती इत्था विप्रं हवमानं गृणन्तम् ।  
 उप त्मनि दधानो धुर्यांशून् त्सहस्राणि शतानि वज्रबाहुः ४  
 त्वोतासो मघवन्नन्द्र विप्रा वयं तै स्याम सूरयो गृणन्तः ।  
 भेजानासौ बृहदिवस्य राय आकाय्यस्य दावने पुरुक्षोः ५

(३०) त्रिंशं सूक्तम्

(१-२४) चतुर्विंशत्यृचस्यास्य सूक्तस्य गौतमो वामदेव ऋषिः । (१-८, १२-२४)  
 प्रथमाद्यष्टर्चा द्वादश्यादित्रयोदशानाञ्चेन्द्रः (९-११) नवम्यादितृचस्य चेन्द्रोषसौ देवते  
 । (१-७, ९-२३) प्रथमादिसप्तर्चा नवम्यादिपञ्चदशानाञ्च गायत्री (८, २४)

अष्टमीचतुर्विंशोश्चानुष्टुप् छन्दसी

नकिरिन्द्र त्वदुत्तरो न ज्यायाँ अस्ति वृत्रहन् । नकिरेवा यथा त्वम् १  
 सत्रा ते अनु कृष्टयो विश्वा चक्रेवं वावृतुः । सत्रा महां असि श्रुतः २  
 विश्वे चनेदना त्वा देवास इन्द्र युयुधुः । यदहा नक्तमातिरः ३  
 यत्रोत बाधितेभ्यश्चक्रं कुत्साय युध्यते । मुषाय इन्द्र सूर्यम् ४  
 यत्र देवाँ ऋघायतो विश्वाँ अयुध्य एक इत् । त्वमिन्द्र वनूरहन् ५  
 यत्रोत मर्त्याय क मरिणा इन्द्र सूर्यम् । प्रावः शर्चाभिरेतशम् ६

किमादुतासि वृत्रहन् मर्धवन् मन्युमत्तमः । अत्राह दानुमातिरः ७  
 एतद् घेदुत वीर्यमिन्द्रं चकथ पौंस्यम् । स्त्रियं यद् दुर्हणायुवं वधीदुहितरं  
 दिवः ८  
 दिवश्चिद् घा दुहितरं महान् महीयमानाम् । उषासमिन्द्र सं इंपणक् ९  
 अपोषा अनसः सरत् संइंपष्टादहं बिभ्युषी । नि यत् सीं शिश्नथद् वृषा १०  
 एतदस्या अनः शये सुसंइंपष्टं विपाश्या । ससारं सीं परावतः ११  
 उत सिन्धुं विबाल्यं वितस्थानामधि क्षमि । परिं ष्ठा इन्द्र मायया १२  
 उत शुष्णस्य धृष्णया प्र मृक्षो अभि वेदनम् । पुरो यदस्य सं इंपणक् १३  
 उत दासं कौलितरं बृहतः पर्वतादधि । अवाहन्निन्द्र शम्बरम् १४  
 उत दासस्य वर्चिनः सहस्राणि शतावधीः । अधि पञ्च प्रधीरिव १५  
 उत त्वं पुत्रमगुवः परावृक्तं शतक्रतुः । उक्थेष्विन्द्र आभजत् १६  
 उत त्या तुर्वशायदू अस्त्रातारा शचीपतिः । इन्द्रो विद्वाँ अपारयत् १७  
 उत त्या सद्य आर्या सरयोरिन्द्र पारतः । अर्णाचित्ररथावधीः १८  
 अनु द्वा जहिता नयो ऽन्धं श्रोणं च वृत्रहन् । न तत् तै सुम्रमष्टवे १९  
 शतमश्मन्मयीनां पुरामिन्द्रो व्यास्यत् । दिवोदासाय दाशुषे २०  
 अस्वापयद् दुभीतये सहस्रां त्रिंशतं हथैः । दासानामिन्द्रो मायया २१  
 स घेदुतासि वृत्रहन् त्समान इन्द्र गोपतिः । यस्ता विश्वानि चिच्युषे २२  
 उत नूनं यदिन्द्रियं करिष्या इन्द्र पौंस्यम् । अद्या नक्लिष्टदा मिनत् २३  
 वामं वामं त आदुरे देवो ददात्वयमा । वामं पूषा वामं भगौ वामं देवः  
 करूळती २४

(३१) एकत्रिंशं सूक्तम्

(१-१५) पञ्चदशर्चस्यास्य सूक्तस्य गौतमो वामदेव ऋषिः । इन्द्रो देवता । (१-२, ४-१५) प्रथमाद्वितीययोर्ऋचोश्चतुर्थ्यादिद्वादशानाञ्च गायत्री (३) तृतीयायाश्च पादनिचृच्छन्दसी

कया नश्चित्र आ भुव दूती सदावृधः सखा । कया शचिष्ठया वृता १  
 कस्त्वा सत्यो मदानां मंहिष्ठो मत्सदन्धसः । दृळहा चिदारुजे वसु २  
 अभी षु णः सखीना मविता जरितृणाम् । शतं भवास्यूतिभिः ३  
 अभी न आ ववृत्स्व चक्रं न वृत्तमवतः । नियुद्धिश्चर्षणीनाम् ४  
 प्रवता हि क्रतूना मा हा पदेव गच्छसि । अभक्षि सूर्ये सचा ५

सं यत् ते इन्द्र मन्यवः सं चक्राणि दधन्विरे । अध त्वे अध सूर्ये ६  
 उत स्मा हि त्वामाहुरिन्मघवानं शचीपते । दातारमविदीधयुम् ७  
 उत स्मा सद्य इत् परि शशमानाय सुन्वते । पुरु चिन्महसे वसु ८  
 नहि ष्मा ते शतं चन राधो वरन्त आमुः । न च्यौत्नानि करिष्यतः ९  
 अस्माँ अवन्तु ते शत मस्मान् त्सहस्रमूतयः । अस्मान् विश्वा अभिष्टयः १०  
 अस्माँ इहा वृणीष्व सख्याय स्वस्तये । महो राये दिवित्मते ११  
 अस्माँ अविद्धि विश्वहेन्द्र राया परीणसा । अस्मान् विश्वाभिरूतिभिः १२  
 अस्मभ्यं ताँ अपा वृधि वृजाँ अस्तैव गोमतः । नवाभिरिन्द्रोतिभिः १३  
 अस्माकं धृष्ण्या रथौ द्युमाँ इन्द्रानपच्युतः । गव्युरश्चयुरीयते १४  
 अस्माकमुत्तमं कृधि श्रवौ देवेषु सूर्य । वर्षिष्ठं द्यामिवोपरि १५

(३२) द्वात्रिंशं सूक्तम्

(१-२४) चतुर्विंशत्यृचस्यास्य सूक्तस्य गौतमो वामदेव ऋषिः । (१-२२)  
 प्रथमादिद्वाविंशत्यृचामिन्द्रः (२३-२४) त्रयोविंशीचतुर्विंश्योश्चेन्द्रस्याश्वौ देवताः ।

गायत्री छन्दः

आ तू न इन्द्र वृत्रह न्नास्माकमर्धमा गहि । महान् महीभिरूतिभिः १  
 भूमिश्चिद् घासि तूतुजि रा चित्र चित्रिणीष्वा । चित्रं कृणोष्युतये २  
 दुभ्रेभिश्चिच्छशीयांसं हंसि बाधन्तमोजसा । सखिभिर्ये त्वे सचा ३  
 वयमिन्द्र त्वे सचा वयं त्वाभि नौनुमः । अस्माँ अस्माँ इदुदव ४  
 स नश्चित्राभिरद्रिवो ऽनवद्याभिरूतिभिः । अनाधृष्टाभिरा गहि ५  
 भूयामो षु त्वावतः सखाय इन्द्र गोमतः । युजो वाजाय घृष्वये ६  
 त्वं ह्येक ईशिष इन्द्र वाजस्य गोमतः । स नो यन्धि महीमिषम् ७  
 न त्वा वरन्ते अन्यथा यद् दित्ससि स्तुतो मघम् । स्तोतृभ्य इन्द्र गिर्वणः ८  
 अभि त्वा गोतमा गिरा ऽनूषत प्र दावनै । इन्द्र वाजाय घृष्वये ९  
 प्र तै वोचाम वीर्याँ या मन्दसान आरुजः । पुरो दासीरभीत्य १०  
 ता तै गृणन्ति वेधसो यानि चकर्थ पौस्या । सुतेष्विन्द्र गिर्वणः ११  
 अवीवृधन्त गोतमा इन्द्र त्वे स्तोमवाहसः । ऐषु धा वीरवद् यशः १२  
 यच्चिद्धि शश्वतामसीन्द्र साधारणस्त्वम् । तं त्वा वयं हवामहे १३  
 अर्वाचीनो वसो भवा ऽस्मे सु मत्स्वान्धसः । सोमानामिन्द्र सोमपाः १४  
 अस्माकं त्वा मतीनामा स्तोम इन्द्र यच्छतु । अर्वागा वर्तया हरी १५



पुरोळाशं च नो घसौ जोषयासे गिरश्च नः । वधूयुरिव योषणाम् १६  
सहस्रं व्यतीनां युक्तानामिन्द्रमीमहे । शतं सोमस्य खार्यः १७  
सहस्रा ते शता वयं गवामा च्यावयामसि । अस्मत्ता राध एतु ते १८  
दश ते कलशानां हिरण्यानामधीमहि । भूरिदा असि वृत्रहन् १९  
भूरिदा भूरि देहि नो मा दभ्रं भूर्या भर । भूरि घेदिन्द्र दित्ससि २०  
भूरिदा ह्यसि श्रुतः पुरुत्रा शूर वृत्रहन् । आ नो भजस्व राधसि २१  
प्र ते बभ्रू विचक्षणं शंसामि गोषणो नपात् । माभ्यां गा अनु शिश्रथः २२  
कनीनकेव विद्रुधे नवै द्रुपदे अर्भके । बभ्रू यामेषु शोभेते २३  
अरं म उस्त्रयाम्णे ऽरमनुस्त्रयाम्णे । बभ्रू यामेष्वस्त्रिधा २४

व० १-२७

३३-४५

चतुर्थोऽनुवाकः

(३३) त्रयस्त्रिंशं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । ऋभवो देवताः ।

त्रिष्टुप् छन्दः

प्र ऋभुभ्यो दूतमिव वाचमिष्य उपस्तिरे श्वेतरिं धेनुमीळे ।  
ये वार्तजूतास्तरणिभिरेवैः परि द्यां सद्यो अपसौ बभूवुः १  
यदारमक्रन्मृभवः पितृभ्यां परिविष्टी वेषणा दंसनाभिः ।  
आदिद् देवानामुप सख्यमायन् धीरांसः पुष्टिमवहन् मुनायै २  
पुनर्ये चक्रुः पितरा युवाना सना यूपैव जरणा शयाना ।  
ते वाजो विभ्वाँ ऋभुरिन्द्रवन्तो मधुप्सरसो नोऽवन्तु यज्ञम् ३  
यत् संवत्समृभवो गामरक्षन् यत् संवत्समृभवो मा अपिशन् ।  
यत् संवत्समभरन् भासौ अस्या स्ताभिः शमीभिरमृतत्वमाशुः ४  
ज्येष्ठ आह चमसा द्वा करेति कनीयान् त्रीन् कृण्वामेत्याह ।  
कनिष्ठ आह चतुरस्करेति त्वष्टं ऋभवस्तत् पनयद् वचो वः ५  
सत्यमूचुरर एवा हि चक्रु रनु स्वधामृभवो जग्मुरेताम् ।  
विभ्राजमानांश्चमसाँ अहेवा ऽवैनुत् त्वष्टा चतुरो ददृश्वान् ६  
द्वादश द्यून् यदगौह्यस्या ऽऽतिथ्ये रणन्मृभवः ससन्तः ।  
सुक्षेत्राकृण्वन्नयन्त सिन्धून् धन्वातिष्ठन्नोषधीर्निघ्नमापः ७

रथं ये चक्रुः सुवृत्तं नरेष्ठां ये धेनुं विश्वजुर्व विश्वरूपाम् ।  
 त आ तक्षन्त्वृभवो रयिं नः स्ववसः स्वपसः सुहस्ताः ८  
 अपो ह्येषामजुषन्त देवा अभि क्रत्वा मनसा दीध्यानाः ।  
 वाजो देवानामभवत् सुकर्मेन्द्रस्य ऋभुक्षा वरुणस्य विभ्वा ९  
 ये हरी मेधयोक्था मदन्त इन्द्राय चक्रुः सुयुजा ये अश्वा ।  
 ते रायस्पोषं द्रविणान्यस्मे धत्त ऋभवः क्षेमयन्तो न मित्रम् १०  
 इदाहः पीतिमुत वो मदं धुर्न ऋते श्रान्तस्य सख्याय देवाः ।  
 ते नूनमुस्मे ऋभवो वसूनि तृतीयं अस्मिन् त्सर्वने दधात ११

(३४) चतुस्त्रिंशं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । ऋभवो देवताः ।

त्रिष्टुप् छन्दः

ऋभुर्विभ्वा वाज इन्द्रो नो अच्छे मं यज्ञं रत्नधेयोप यात ।  
 इदा हि वो धिषणा देव्यहा मधात् पीतिं सं मदा अगमता वः १  
 विदानासो जन्मनो वाजरत्ना उत ऋतुभिर्ऋभवो मादयध्वम् ।  
 सं वो मदा अगमत् सं पुरंधिः सुवीरामस्मे रयिमेरयध्वम् २  
 अयं वो यज्ञ ऋभवोऽकारि यमा मनुष्वत् प्रदिवो दधिध्वे ।  
 प्र वोऽच्छा जुजुषाणासो अस्थु रभूत विश्वे अग्रियोत वाजाः ३  
 अभूदु वो विधते रत्नधेयं मिदा नरो दाशुषे मर्त्याय ।  
 पिबत वाजा ऋभवो ददे वो महि तृतीयं सर्वनं मदाय ४  
 आ वाजा यातोप न ऋभुक्षा मुहो नरो द्रविणसो गृणानाः ।  
 आ वः पीतयोऽभिपित्वे अहा मिमा अस्तं नवस्व इव गमन् ५  
 आ नपातः शवसो यातनोपे मं यज्ञं नमसा हूयमानाः ।  
 सजोषसः सूरयो यस्य च स्थ मध्वः पात रत्नधा इन्द्रवन्तः ६  
 सजोषा इन्द्र वरुणेन सोमं सजोषाः पाहि गिर्वणो मरुद्भिः ।  
 अग्नेपाभिर्ऋतुपाभिः सजोषा ग्रास्पतीभी रत्नधाभिः सजोषाः ७  
 सजोषस आदित्यैर्मादयध्वं सजोषस ऋभवः पर्वतेभिः ।  
 सजोषसो देव्यैना सवित्रा सजोषसः सिन्धुभी रत्नधेभिः ८  
 ये अश्विना ये पितरा य ऊती धेनुं तत्तुर्ऋभवो ये अश्वा ।  
 ये असत्रा य ऋधग्रोदसी ये विभ्वो नरः स्वपत्यानि चक्रुः ९

ये गोमन्तं वाजवन्तं सुवीरं रयिं धत्थ वसुमन्तं पुरुक्षुम् ।  
ते अंग्रेपा ऋभवो मन्दसाना अस्मे धत्त ये च रातिं गृणन्ति १०  
नापाभूत् न वोऽतीतृषामाऽनिःशस्ता ऋभवो यज्ञे अस्मिन् ।  
समिन्द्रेण मदथ सं मरुद्भिः सं राजभी रत्नधेयाय देवाः ११

(३५) पञ्चत्रिंशं सूक्तम्

(१-६) नवर्चस्यास्य सूक्तस्य गौतमो वामदेव ऋषिः । ऋभवो देवताः ।

त्रिष्टुप् छन्दः

इहोप यात शवसो नपातः सौधन्वना ऋभवो मापं भूत ।  
अस्मिन् हि वः सर्वने रत्नधेयं गमन्त्विन्द्रमनु वो मदासः १  
आर्गन्नभूणामिह रत्नधेयमभूत् सोमस्य सुषुतस्य पीतिः ।  
सुकृत्या यत् स्वपस्यया चँ एकं विचक्र चमसं चतुर्धा २  
व्यकृणोत चमसं चतुर्धा सखे वि शिञ्जेत्यब्रवीत् ।  
अथैत वाजा अमृतस्य पन्थां गृणं देवानामृभवः सुहस्ताः ३  
किंमयः स्विच्चमस एष आस यं काव्येन चतुरौ विचक्र ।  
अथा सुनुध्वं सर्वनं मदाय प्रात ऋभवो मधुनः सोम्यस्य ४  
शच्याकर्त पितरा युवाना शच्याकर्त चमसं दैवपानम् ।  
शच्या हरी धनुतरावतष्टेन्द्रवाहावृभवो वाजरत्नाः ५  
यो वः सुनोत्यभिपित्वे अह्ना तीव्रं वाजासः सर्वनं मदाय ।  
तस्मै रयिमृभवः सर्ववीरमा तक्षत वृषणो मन्दसानाः ६  
प्रातः सुतमपिबो हर्यश्च माध्यदिनं सर्वनं केवलं ते ।  
समृभुभिः पिबस्व रत्नधेभिः सखीर्या इन्द्र चकृषे सुकृत्या ७  
ये देवासो अभवता सुकृत्या श्येना इवेदधि दिवि निषेद ।  
ते रत्नं धात शवसो नपातः सौधन्वना अभवतामृतासः ८  
यत् तृतीयं सर्वनं रत्नधेयमकृणुध्वं स्वपस्या सुहस्ताः ।  
तदृभवः परिषिक्तं व एतत् सं मदैभिरिन्द्रियेभिः पिबध्वम् ९

(३६) षट्त्रिंशं सूक्तम्

(१-६) नवर्चस्यास्य सूक्तस्य गौतमो वामदेव ऋषिः । ऋभवो देवताः । (१-८)

प्रथमाद्यष्टर्चा जगती (६) नवम्याश्च त्रिष्टुप् छन्दसी

अ॒न॒श्चो जा॒तो अ॒न॒भीशु॒क्थ्यो॑र॒ रथ॑स्त्रि॒चक्रः॑ परि॒ वर्तते॑ रजः ।  
 म॒हत् तद् वो॑ दे॒व्यस्य॑ प्र॒वाच॑नं॒ द्यामृ॑भवः पृथि॒वीं यच्च॑ पु॒ष्यथ १  
 रथं॑ ये च॒क्रुः सु॒वृत् सु॒चेत॑सो ऽवि॒ह्वर॑न्तं म॒न॒स॒स्प॒रि ध्यया॑ ।  
 ताँ ऊ॒ न्व॒श॑स्य स॒र्व॒नस्य॑ पी॒तय॑ आ वो॑ वा॒जा ऋ॒भवो वे॑दयामसि २  
 तद् वो॑ वा॒जा ऋ॒भवः सु॒प्रवा॑चनं दे॒वेषु॑ वि॒भ्वो अ॒भव॑न्म॒ह॒त्वन॑म् ।  
 जि॒व्री यत् स॒न्ता पि॒तरा॑ स॒नाजु॑रा पु॒नर्यु॑वा॒ना च॒रथा॑य॒ तक्ष॑थ ३  
 एकं॑ वि च॒क्र च॒म॒सं च॒तुर्व॑यं नि॒श्चर्म॑णो गार्म॒रिणी॑त धी॒तिभिः॑ ।  
 अथा॑ दे॒वेष्व॑मृ॒त॒त्वमा॑न॒श श्रु॑ष्टी वा॒जा ऋ॒भव॑स्तद् व॒ उ॒क्थ्यम् ४  
 ऋ॒भुतो॑ र॒यिः प्र॑थ॒मश्र॑वस्त॒मो वा॑ज॒श्रुता॑सो यम॒जीज॑न॒न् नरः॑ ।  
 वि॒भ्व॒त॒ष्टो वि॒दथै॑षु प्र॒वाच्यो॑ यं दे॒वासो॑ऽव॒था स वि॑च॒र्षणिः॑ ५  
 स वा॒ज्य॒र्वा स ऋ॑षि॒र्वच॑स्यया॒ स शू॒रो अ॒स्ता पृ॑त॒नासु॑ दु॒ष्टरः॑ ।  
 स रा॒य॒स्पोषं॑ स सु॒वीर्यं॑ द॒धे यं वा॑जो वि॒भ्वाँ ऋ॒भवो॑ यमा॒विषुः॑ ६  
 श्रेष्ठं॑ वृः पे॒शो अ॒धि धा॑यि द॒र्शतं॑ स्तो॒मो वा॑जा ऋ॒भव॑स्तं जु॒जुष्ट॑न ।  
 धी॒रा॒सो हि॑ ष्ठा क॒वयो॑ वि॒प॒श्चित॑स्तान् व॒ ए॒ना ब्र॑ह्म॒णा वे॑दयामसि ७  
 यू॒य॒म॒स्मभ्य॑ धि॒षणा॑भ्य॒स्प॒रि वि॒द्वांसो॑ वि॒श्वा न॑र्या॒णि भो॑ज॒ना ।  
 द्यु॒म॒न्तं वा॑जं वृष॑शु॒ष्ममु॑त्त॒म मा नो॑ र॒यिर्मृ॑भवस्त॒क्षता॑ व॒यः ८  
 इ॒ह प्र॑जा॒मि॒ह र॒यिं र॒राणा॑ इ॒ह श्र॑वो वी॒रव॑त् त॒क्षता॑ नः ।  
 येन॑ व॒यं चि॒तये॑मा॒त्य॒न्यान् तं वा॑जं चि॒त्रमृ॑भवो द॒दा नः॑ ९

(३७) सप्तत्रिंशं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । ऋभवो देवताः । (१-४)

प्रथमादिचतुर्ऋचां त्रिष्टुप् (५-८) पञ्चम्यादिचतसृणाञ्जानुष्टुप् छन्दसी

उप॑ नो वा॒जा अ॒ध्व॒रमृ॑भु॒क्षा दे॒वा या॑त पृथि॒भिर्दे॒व्या॒नैः ।  
 यथा॑ य॒ज्ञं म॑नु॒षो वि॒द्ववा॑र॒सु द॑धि॒ध्वे र॑वाः सु॒दि॒नेष्व॑ह्नाम् १  
 ते वो॑ ह॒दे म॑न॒से स॑न्तु य॒ज्ञा जु॑ष्टा॒सो अ॒द्य घृ॑त॒निर्णि॑जो गुः ।  
 प्र वः॑ सु॒तासौ॑ ह॒रय॑न्त पू॒र्णाः क्र॒त्वे द॑क्षा॒य ह॑र्षयन्त पी॒ताः २  
 त्र्यु॒दा॒यं दे॒वहि॑तं यथा॑ वृः स्तो॒मो वा॑जा ऋ॒भुक्ष॑णो द॒दे वः॑ ।  
 जु॒ह्वे म॑नु॒ष्वदु॑प॒रासु॑ वि॒क्षु यु॑ष्मे स॒चा बृ॑ह॒द्वि॒वेषु॑ सोम॑म् ३  
 पी॒वोअ॑श्वाः श॒चद्र॑था॒ हि भू॒ता ऽयः॑शि॒प्रा वा॑जिनः सु॒नि॒ष्काः ।

इन्द्रस्य सूनो शवसो नपातो ऽनु वश्चेत्यग्रियं मदाय ४  
 ऋभुर्भुक्षणो रयिं वाजै वाजिन्तं युजम् ।  
 इन्द्रस्वन्तं हवामहे सदासार्तममश्विनम् ५  
 सेदृभवो यमवथ यूयमिन्द्रश्च मर्त्यम् ।  
 स धीभिरस्तु सनिता मेधसाता सो अर्वता ६  
 वि नो वाजा ऋभुक्षणः पृथश्चितनु यष्टवे ।  
 अस्मभ्यं सूरयः स्तुता विश्वा आशास्तरीषणि ७  
 तं नो वाजा ऋभुक्षणे इन्द्र नासत्या रयिम् ।  
 समश्च चर्षणिभ्य आ पुरु शस्त मघत्तये ८

(३८) अष्टात्रिंशं सूक्तम्

(१-१०) दशर्चस्यास्य सूक्तस्य गौतमो वामदेव ऋषिः । (१) प्रथमर्चो  
 द्यावापृथिव्यौ (२-१०) द्वितीयादिनवानाञ्च दधिक्रा देवताः । त्रिष्टुप् छन्दः  
 उतो हि वां दात्रा सन्ति पूर्वा या पूरुभ्यस्त्रसदस्युर्नितोशे ।  
 क्षेत्रासां ददथुरुर्वरासां घनं दस्युभ्यो अभिभूतिमुग्रम् १  
 उत वाजिनं पुरुनिषिध्वानं दधिक्रामु ददथुर्विश्वकृष्टिम् ।  
 ऋजिप्यं श्येनं प्रुषितप्सुमाशुं चर्कृत्यमर्यो नृपतिं न शूरम् २  
 यं सीमनु प्रवतैव द्रवन्तं विश्वः पूरुर्मदति हर्षमाणः ।  
 पडिभर्गृध्यन्तं मेधयुं न शूरं रथतुरं वार्तमिव ध्रजन्तम् ३  
 यः स्मारुन्धानो गध्या समत्सु सनुतरश्चरति गोषु गच्छन् ।  
 आविर्ऋजीको विदथा निचिक्यत् तिरो अरतिं पर्याप आयोः ४  
 उत स्मैनं वस्त्रमथिं न तायुमनु क्रोशन्ति क्षितयो भरेषु ।  
 नीचार्यमानं जसुरिं न श्येनं श्रवश्चाच्छा पशमच्च यूथम् ५  
 उत स्मासु प्रथमः सरिष्यन् नि वैवेति श्रेणिभी रथानाम् ।  
 स्रजं कृणवानो जन्यो न शुभ्वा रेणुं रेरिहत् किरणं ददृश्वान् ६  
 उत स्य वाजी सहृरिर्ऋतावा शुश्रूषमाणस्तन्वा समर्ये ।  
 तुरं यतीषु तुरयन्नृजिप्यो ऽधि भ्रुवोः किरते रेणुमृञ्जन् ७  
 उत स्मास्य तन्यतोरिव द्यो ऋघायतो अभियुजौ भयन्ते ।  
 यदा सहस्रमभि षीमयौधीद् दुर्वतुः स्मा भवति भीम ऋञ्जन् ८  
 उत स्मास्य पनयन्ति जना जूतिं कृष्टिप्रो अभिभूतिमाशोः ।

उ॒तैन॑माहुः स॒मि॒थे वि॒यन्तः॑ परा॑ द॒धि॒क्रा अ॑सरत् स॒हस्रैः॑ ६  
आ द॒धि॒क्राः शर्व॑सा पञ्च॑ कृ॒ष्टीः सूर्य॑ इव॒ ज्योति॑षाप॒स्त॒तान॑ ।  
स॒ह॒स्र॒साः श॑त॒सा वा॒ज्य॒र्वा पृ॒णक्तु॑ म॒ध्वा स॒मि॒मा व॒चांसि॑ १०

(३६) एकोनचत्वारिंशं सूक्तम्

(१-६) षडृचस्यास्य सूक्तस्य गौतमो वामदेव ऋषिः । दधिक्रा देवता । (१-५)

प्रथमादिपञ्चर्चा त्रिष्टुप् (६) षष्ठ्याश्चानुष्टुप् छन्दसी

आ॒शुं द॒धि॒क्रां तमु॑ नु॒ ष्ट॒वाम॑ दि॒वस्पृ॑थि॒व्या उ॒त च॑र्किराम ।  
उ॒च्छन्ती॑र्मा॒मुष॑सः॒ सूद॒यन्त्व॑ति॒ विश्वा॑नि॒ दुरि॑तानि॒ पर्षन् १  
म॒हश्च॑र्क॒र्म्यर्व॑तः॒ क्रतु॑प्रा द॒धि॒क्राव्णोः॑ पु॒रु॒वार॑स्य॒ वृष्णोः॑ ।  
यं पु॒रु॒भ्यो दी॑दि॒वांसं॑ नाग्निं द॒दथु॑र्मि॒त्रावरु॑णा॒ ततु॑रिम् २  
यो अ॒श्वस्य॑ द॒धि॒क्राव्णो॑ अ॒का॒रीत् स॒मि॒द्धे अ॒ग्रा उ॒षसो॑ व्यु॒ष्टौ ।  
अ॒ना॒गसं॑ तमदि॒तिः कृ॑णोतु स मि॒त्रेण॑ वरु॒णेना॑ स॒जोषाः॑ ३  
द॒धि॒क्राव्णो॑ इ॒ष ऊ॒र्जो म॒हो य॒ दम॑न्महि म॒रुतां॑ नाम॒ भद्र॑म् ।  
स्व॒स्तये॑ वरु॒णं इ॒म॒त्रम॒ग्निं ह॒वाम॑ह॒ इन्द्रं॑ व॒ज्र॒बाहु॑म् ४  
इन्द्र॑मि॒वेदु॑भये वि ह॒यन्त॑ उ॒दीरा॑णा॒ यज्ञ॑मु॒पप्र॑यन्तः ।  
द॒धि॒क्रामु॑ सू॒दनं॑ म॒र्त्याय॑ द॒दथु॑र्मि॒त्रावरु॑णा॒ नो अ॒श्वम् ५  
द॒धि॒क्राव्णो॑ अ॒का॒रिषं॑ जि॒ष्णोर॑श्वस्य॒ वा॒जिनः॑ ।  
सु॒रभि॑ नो॒ मुखा॑ क॒रत् प्र॒ण आ॒र्यूषि॑ ता॒रिषत् ६

(४०) चत्वारिंशं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । (१-४) प्रथमादिचतुर्त्रां

दधिक्राः (५) पञ्चम्याश्च सूर्यो देवते । (१) प्रथमर्चस्त्रिष्टुप् (२-५)

द्वितीयादिचतसृणाञ्च जगती छन्दसी

द॒धि॒क्राव्णो॑ इ॒दु नु॒ च॑र्किराम॒ विश्वा॑ इ॒न्मामु॑षसः॒ सूद॒यन्तु॑ ।  
अ॒पाम॑ग्रेरु॒षसः॑ सूर्य॑स्य॒ बृह॑स्प॒तैरा॒ङ्गिर॑सस्य॒ जि॒ष्णोः॑ १  
स॒त्वा भ॑रिषो ग॒विषो॑ दु॒वन्त्य॑स॒ च्छृच॑फ॒द्वव॑स्यादि॒ष उ॒षस॑स्तु॒रय॑सत् ।  
स॒त्यो द्र॒वो द्र॑व॒रः प॑त॒ङ्गरो॑ द॒धि॒क्रावे॑ष॒मूर्जं॑ स्व॒र्जन॑त् २  
उ॒त स्मा॑स्य॒ द्रव॑तस्तु॒रय॑तः॒ पु॒र्णं न॑ वे॒रनु॑ वा॒ति प्र॑ग॒र्धिनः॑ ।  
श्ये॑नस्यै॒व ध्र॑जतो अ॒ङ्कुसं॑ परि॒ द॒धि॒क्राव्णोः॑ स॒होर्जा॑ त॒रित्र॑तः ३

उ॒त स्य वा॒जी क्षि॑प॒णिं तु॑र॒णय॑ति ग्री॒वायां॑ ब॒द्धो अ॑पि॒क्ष आ॒सनि॑ ।  
क्र॒तुं द॒धिका॑ अ॒नु सं॑त॒वीत्व॑त् प॒थाम॑ङ्का॒स्यन्वा॒पनी॑फ॒णत् ४  
हंसः॑ श॒चिष॑द् वसु॒रन्तरि॑क्ष॒स द्धो॑ता वे॒दिष॑दति॒थिर्दु॑रो॒णस॑त् ।  
नृष॑द् व॒रस॑दृ॒तस॑द् व्यो॒मस॑ द॒ब्जा गो॒जा ऋ॒तजा॑ अ॒द्रिजा॑ ऋ॒तम् ५

(४१) एकचत्वारिंशं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रावरुणौ देवते ।

त्रिष्टुप् छन्दः

इन्द्रा॑ को वां वरुणा॑ सु॒ममा॑प॒ स्तोमो॑ ह॒विष्माँ॑ अ॒मृतो॑ न होता ।  
यो वां ह॒दि क्र॒तुमाँ॑ अ॒स्मदु॒क्तः प॒स्पर्श॑दिन्द्रावरुणा॑ नमस्वान् १  
इन्द्रा॑ ह॒ यो वरु॑णा च॒क्र आ॒पी दे॒वौ म॑तः स॒ख्याय॑ प्रयस्वान् ।  
स ह॑न्ति वृ॒त्रा सं॑मि॒थेषु॑ श॒त्रू न॒वोभि॑र्वा म॒हद्भिः॑ स प्र शृ॒णवे २  
इन्द्रा॑ ह॒ रत्नं॑ वरु॒णा धे॒ष्टे त्था॑ नृ॒भ्यः श॑श॒माने॒भ्यस्ता॑ ।  
यदी॑ स॒खाया॑ स॒ख्याय॑ सोमैः सु॒तेभिः॑ सु॒प्रयसा॑ मा॒दयै॑ते ३  
इन्द्रा॑ यु॒वं वरु॑णा दि॒द्युर्म॑स्मि॒ न्नोजि॑ष्ठमु॒ग्रा नि॑ व॒धिष्टं॑ व॒ज्रम् ।  
यो नो॑ दु॒रेवो॑ वृ॒कति॑र्द॒भीति॑ स्तस्मिन् मि॒माथाम॑भि॒भूत्यो॑जः ४  
इन्द्रा॑ यु॒वं वरु॑णा भू॒तम॑स्या धि॒यः प्रे॒तारा॑ वृष॒भेवं॑ धे॒नोः ।  
सा नो॑ दु॒हीय॑द् यव॒सेव॑ ग॒त्वी स॒हस्र॑धा॒रा प॑र्यसा म॒ही गौः ५  
तो॒के हि॑ते त॒नय॑ उ॒र्वरा॑सु स॒रो दृ॒शीके॑ वृष॒णश्च॑ पौ॒स्यै ।  
इन्द्रा॑ नो अ॒त्र वरु॑णा स्या॒ताम॒वोभि॑र्द॒स्मा परि॑त॒कम्या॑याम् ६  
यु॒वामि॑द्ध॒यव॑से पू॒र्व्याय॑ परि॒ प्रभू॑ती ग॒विषः॑ स्वा॒पी ।  
वृ॒णीम॑है स॒ख्याय॑ प्रि॒याय॑ शू॒रा म॑हि॒ष्ठा पि॒तरै॑व श॒भू ७  
ता वां॑ धि॒योऽव॑से वा॒जय॑न्ती॒ राजि॑न् न ज॒ग्मर्यु॑व॒यूः सु॑दान् ।  
श्रि॒ये न गा॑व॒ उप॑ सोम॒मस्थु॑ रि॒न्द्रं गि॒रो वरु॑णं मे म॒नीषाः ८  
इ॒मा इ॒न्द्रं वरु॑णं मे म॒नीषा॑ अ॒गम॑न्नु॒प द्र॒विण॑मि॒च्छमा॑नाः ।  
उ॒पैम॑स्थु॒र्जोष्टा॑र॒ इव॑ वस्वो॒ र॒ध्वीरि॑व श्र॒वसो॑ भि॒क्षमा॑णाः ९  
अ॒श्वघ्न॑स्य॒ त्मना॑ रथ्य॒स्य पु॒ष्टे नि॒त्यस्य॑ रा॒यः प॑तयः स्याम ।  
ता च॑क्रा॒णा ऊ॒तिभि॑र्न॒व्यसी॑भि र॒स्मत्रा॑ रा॒यो नि॒युतः॑ सच॒न्ताम् १०  
आ नो॑ बृ॒हन्ता॑ बृ॒हती॑भि॒रूती॑ इन्द्र॒ यातं॑ वरु॒ण वा॑ज॒सातौ॑ ।  
यद् दि॒द्यवः॑ पृ॒तना॑सु प्र॒क्रीळा॑न् तस्य॑ वां स्याम स॒नितार॑ आ॒जेः ११

## (४२) द्विचत्वारिंशं सूक्तम्

(१-१०) दशर्चस्यास्य सूक्तस्य पौरुकुत्स्यस्त्रसदस्युर्ऋषिः । (१-६)

प्रथमादिषडृचामात्मा (७-१०) सप्तम्यादिचतसृणाञ्चेन्द्रावरुणौ देवताः ।

त्रिष्टुप् छन्दः

मम द्विता राष्ट्रं क्षत्रियस्य विश्वायोर्विश्वे अमृता यथा नः ।  
 क्रतुं सचन्ते वरुणस्य देवा राजामि कृष्टेरुपमस्य वव्रेः १  
 अहं राजा वरुणो मह्यं तान्यसुर्याणि प्रथमा धारयन्त ।  
 क्रतुं सचन्ते वरुणस्य देवा राजामि कृष्टेरुपमस्य वव्रेः २  
 अहमिन्द्रो वरुणस्ते महित्वो र्वी गभीरे रजसी सुमेके ।  
 त्वष्टेव विश्वा भुवनानि विद्वान् त्समैरयं रोदसी धारय च ३  
 अहमपो अपिन्वमुक्षमाणा धारयं दिवं सदन ऋतस्य ।  
 ऋतेन पुत्रो अदितेर्ऋतावो त त्रिधातु प्रथयद् वि भूम ४  
 मां नरः स्वश्वा वाजयन्तो मां वृताः समरणे हवन्ते ।  
 कृणोम्याजिं मघवाहमिन्द्र इर्यमि रेणुमभिभूत्योजाः ५  
 अहं ता विश्वा चकरं नकिर्मा दैव्यं सहौ वरते अप्रतीतम् ।  
 यन्मा सोमासो ममदन्यदुक्थो भे भयेते रजसी अपारे ६  
 विदुष्टे विश्वा भुवनानि तस्य ता प्र ब्रवीषि वरुणाय वेधः ।  
 त्वं वृत्राणि शृणिवषे जघन्वान् त्वं वृताँ अरिणा इन्द्र सिन्धून् ७  
 अस्माकमत्र पितरस्त आसन् त्सप्त ऋषयो दौर्गहे ब्रुध्यमाने ।  
 त आर्यजन्त त्रसदस्युमस्या इन्द्रं न वृत्रतुरमर्धदेवम् ८  
 पुरुकुत्सानी हि वामदाश द्रुव्येभिरिन्द्रावरुणा नमोभिः ।  
 अथा राजानं त्रसदस्युमस्या वृत्रहणं ददथुरर्धदेवम् ९  
 राया वयं संसवांसौ मदेम हव्येन देवा यवसेन गावः ।  
 तां धेनुमिन्द्रावरुणा युवं नो विश्वाहा धत्तमनपस्फुरन्तीम् १०

## (४३) त्रिचत्वारिंशं सूक्तम्

(१-७) सप्तर्चस्यास्य सूक्तस्य सौहोत्रौ पुरुमीळहाजमीळ्हावृषी । अश्विनौ देवते ।

त्रिष्टुप् छन्दः

क उ श्रवत् कतमो यज्ञियानां वन्दारु देवः कतमो जुषाते ।



कस्येमां देवीममृतैषु प्रेष्ठां हृदि श्रेषाम सुष्टुतिं सुहव्याम् १  
को मृळाति कतम आगमिष्ठो देवानामु कतमः शंभविष्ठः ।  
रथं कर्माहुर्द्रवदश्वमाशं यं सूर्यस्य दुहितावृणीत २  
मुक्षू हि ष्मा गच्छथ ईवतो द्यू निन्द्रो न शक्तिं परितक्म्यायाम् ।  
दिव आजाता दिव्या सुपर्णा कया शचीनां भवथः शचिष्ठा ३  
का वां भूदुपमातिः कया न आश्विना गमथो हूयमाना ।  
को वां महश्चित् त्यजसो अभीक उरुष्यत माध्वी दस्त्रा न ऊती ४  
उरु वां रथः परि नक्षति द्या मा यत् समुद्रादभि वर्तते वाम् ।  
मध्वा माध्वी मधु वां प्रुषायन् यत् सीं वां पृक्षौ भुरजन्त पक्वाः ५  
सिन्धुर्ह वां रसया सिञ्चदश्वान् घृणा वयोऽरुषासः परि गमन् ।  
तदू षु वामजिरं चैति यानं येन पती भवथः सूर्यायाः ६  
इहेह यद् वां समना पपृक्षे सेयमस्मे सुमतिर्वाजरत्ना ।  
उरुष्यत जरितारं युवं ह श्रितः कामौ नासत्या युवद्रिक् ७

(४४) चतुश्चत्वारिंशं सूक्तम्

(१-७) समर्चस्यास्य सूक्तस्य सौहोत्रौ पुरमीळहाजमीळहावृषी । अश्विनौ देवते ।

त्रिष्टुप् छन्दः

तं वां रथं वयमद्या हुवेम पृथुजयमश्विना संगतिं गोः ।  
यः सूर्या वहति वन्धुरायुर्गिर्वाहसं पुरुतमं वसूयुम् १  
युवं श्रियमश्विना देवता तां दिवौ नपाता वनथः शचीभिः ।  
युवोर्वपुर्भि पृक्षः सचन्ते वहन्ति यत् ककुहासो रथे वाम् २  
को वामद्या करते रातहव्य ऊतये वा सुतपेयाय वार्केः ।  
ऋतस्य वा वनुषे पूर्व्याय नमो येमानो अश्विना वर्तत ३  
हिरण्ययेन पुरुभू रथेने मं यज्ञं नासत्योप यातम् ।  
पिबोथ इन्मधुनः सोम्यस्य दधथो रत्नं विधुते जनाय ४  
आ नौ यातं दिवो अच्छा पृथिव्या हिरण्ययेन सुवृता रथेन ।  
मा वामन्ये नि यमन् देवयन्तः सं यद् ददे नाभिः पूर्व्या वाम् ५  
नू नौ रयिं पुरुवीरं बृहन्तं दस्त्रा मिमाथामुभयेष्वस्मे ।  
नरो यद् वामश्विना स्तोममावन् त्सधस्तुतिमाजमीळहासौ अगमन् ६

इहेह॒ यद् वा॑ सम॒ना प॑पृ॒क्षे से॒यम॒स्मे सु॑म॒तिर्वा॑जरत्ना ।  
उ॒रुष्य॑तं ज॒रितारं॑ यु॒वं ह॑ श्रितः कामौ नासत्या यु॒वद्रिक् ७

(४५) पञ्चचत्वारिंशं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । अश्विनौ देवते । (१-६)

प्रथमादिषडृचां जगती (७) सप्तम्याश्च त्रिष्टुप् छन्दसी  
एष॒ स्य भ॑ानुरु॒दिय॑ति यु॒ज्यते॑ रथः परि॒ज्मा दि॒वो अ॒स्य सा॑न॒वि ।  
पृ॒क्षासौ॑ अ॒स्मिन् मि॒थुना॑ अ॒धि त्रयो॑ दृतिस्तुरी॒यो म॒धुनो॑ वि र॑प्शते १  
उद् वा॑ पृ॒क्षासो॑ म॒धुम॑न्त ईरते रथा अ॒श्वास॑ उ॒षसो॑ व्युष्टिषु ।  
अ॒पोर्णु॑वन्तस्तम् आ॒ परी॑वृतं स्व॒र्णं श॒क्रं त॒न्वन्त॑ आ रजः २  
म॒ध्वः पि॒बतं॑ म॒धुपे॑भि॒रास॑भि॒रुत॑ प्रि॒यं म॒धुने॑ यु॒ञ्जाथां॑ रथम् ।  
आ॒ वर्त॑निं म॒धुना॑ जि॒न्वथ॑स्प॒थो दृति॑ वहेथे म॒धुम॑न्तमश्विना ३  
हंसा॑सो ये वां म॒धुम॑न्तो अ॒स्त्रिधो॑ हि॒र॒ण्य॑पर्णा उ॒हुव॑ उ॒षर्बु॑धः ।  
उ॒द॒प्रुतो॑ म॒न्दिनो॑ म॒न्दिनि॑स्पृ॒शो म॒ध्वो न॑ म॒क्षः स॑र्व॒नानि॑ गच्छथः ४  
स्व॒ध्व॒रासो॑ म॒धुम॑न्तो अ॒ग्नय॑ उ॒स्त्रा ज॑रन्ते प्र॒ति व॑स्तो॒रश्वि॑ना ।  
यन्नि॑क्तह॒स्तस्तर॑णिर्विचक्ष॒णः सोम॑ सु॒षाव॑ म॒धुम॑न्तम॒द्रिभिः॑ ५  
आ॒के॒नि॒पासो॑ अ॒ह॒भिर्द॑वि॒ध्वतः॑ स्व॒र्णं श॒क्रं त॒न्वन्त॑ आ रजः ।  
सूर॑श्चि॒दश्वान्॑ यु॒यु॒जान॑ ई॒यते॑ वि॒श्वाँ अ॒नु स्व॒धया॑ चेतथस्प॒थः ६  
प्र॒ वा॑मवोचमश्विना धि॒यंधा॑ रथः स्व॒श्वौ अ॒जरो॑ यो अ॒स्ति ।  
येन॑ स॒द्यः प॒रि रजा॑सि या॒थो ह॒विष्म॑न्तं त॒रणिं॑ भो॒जम॑च्छ ७

पञ्चमोऽनुवाकः

सू० ४६-५८

(४६) षट्चत्वारिंशं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । (१) प्रथमर्चो वायुः

(२-७) द्वितीयादिषण्णाञ्चेन्द्रवायू देवते । गायत्री छन्दः

अ॒ग्रं इ॑प॒बा म॒धूनां॑ सु॒तं वा॑यो दि॒विष्टि॑षु । त्वं हि पू॒र्वपा॑ अ॒सि १  
श॒तेना॑ नो अ॒भिष्टि॑भिर्नियु॒त्वाँ इन्द्र॑सारथिः । वा॒यो सु॒तस्य॑ तृ॒म्पतम्॑ २  
आ॒ वा॑ स॒हस्रं॑ ह॒रय॑ इन्द्रवायू अ॒भि प्र॑यः । व॒हन्तु॑ सोम॒पीत॑ये ३  
रथं॑ हि॒र॒ण्यव॑न्धुरमिन्द्रवायू स्व॒ध्वरम्॑ । आ॒ हि स्था॑थौ दि॒विस्पृ॑शम् ४

रथेन पृथुपार्जसा दाश्वांसमुप गच्छतम् । इन्द्रवायू इहा गतम् ५  
इन्द्रवायू अयं सुतस्तं देवेभिः सजोषसा । पिबतं दाशुषौ गृहे ६  
इह प्रयाणमस्तु वामिन्द्रवायू विमोचनम् । इह वां सोमपीतये ७

(४७) सप्तचत्वारिंशं सूक्तम्

(१-४) चतुर्ऋचस्यास्य सूक्तस्य गौतमो वामदेव ऋषिः । (१) प्रथमर्चो वायुः

(२-४) द्वितीयादितृचस्य चेन्द्रवायू देवते । अनुष्टुप् छन्दः

वायौ शक्रो अयामि ते मध्वो अग्रं दिविष्टिषु ।  
आ याहि सोमपीतये स्पर्हो देव नियुत्वता १  
इन्द्रश्च वायवेषां सोमानां पीतिर्महथः ।  
युवां हि यन्तीन्दवो निम्नमापो न सध्वयक् २  
वायुविन्द्रश्च शष्मिणां सरथं शवसस्पती ।  
नियुत्वन्ता न ऊतय आ यातुं सोमपीतये ३  
या वां सन्ति पुरुस्पृहौ नियुतौ दाशुषे नरा ।  
अस्मे ता यज्ञवाहसे न्द्रवायू नि यच्छतम् ४

(४८) अष्टचत्वारिंशं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । वायुर्देवता ।

अनुष्टुप् छन्दः

विहि होत्रा अवीता विपो न रायौ अर्यः ।  
वायुवा चन्द्रेण रथेन याहि सुतस्य पीतये १  
निर्युवाणो अशस्ती निर्युत्वा इन्द्रसारथिः ।  
वायुवा चन्द्रेण रथेन याहि सुतस्य पीतये २  
अनु कृष्णे वसुधिति येमाते विश्वपैशसा ।  
वायुवा चन्द्रेण रथेन याहि सुतस्य पीतये ३  
वहन्तु त्वा मनोयुजौ युक्तासौ नवतिर्नव ।  
वायुवा चन्द्रेण रथेन याहि सुतस्य पीतये ४  
वायौ शतं हरीणां युवस्व पोष्याणाम् ।  
उत वां ते सहस्रिणो रथ आ यातु पार्जसा ५

## (४६) एकोनपञ्चाशं सूक्तम्

(१-६) षडृचस्यास्य सूक्तस्य गौतमो वामदेव ऋषिः । इन्द्राबृहस्पती देवते ।

गायत्री छन्दः

इदं वा॒मा॒स्यै ह॒विः प्रि॒यमिन्द्रा॑बृहस्पती । उ॒क्थं म॑दश्च शस्यते १  
 अ॒यं वा॒ं परि॑ षिच्यते सोमं इन्द्राबृहस्पती । चारु॑र्मदाय पीतयै २  
 आ न॑ इन्द्राबृहस्पती गृहमिन्द्रश्च गच्छतम् । सोम॑पा सोमपीतये ३  
 अ॒स्मे इन्द्रा॑बृहस्पती रु॒यिं ध॑त्तं शत॒ग्विन॑म् । अश्वा॑वन्तं सह॒स्त्रिण॑म् ४  
 इन्द्रा॑बृहस्पती व॒यं सु॑ते गी॒र्भिर्ह॑वामहे । अस्य॑ सोम॑स्य पीतयै ५  
 सोम॑मिन्द्राबृहस्पती पिब॑तं दा॒शुषौ॑ गृहे । मा॒दयै॑थां तदौ॒कसा॑ ६

## (५०) पञ्चाशं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । (१-६)

प्रथमादिनवर्चा बृहस्पतिः (१०-११) दशम्येकादश्योश्चेन्द्राबृहस्पती देवते । (१-६,

११) प्रथमादिनवर्चामेकादश्याश्च त्रिष्टुप् (१०) दशम्याश्च जगती छन्दसी

यस्त॒स्तम्भ॑ सह॑सा वि ज्मो अ॒न्तान् बृह॑स्पतिस्त्रि॒षध॑स्थो रवे॑ण ।  
 तं प्र॒त्नास॑ ऋष॒यो दी॑ध्यानाः पुरो वि॒प्रा दधि॑रे म॒न्द्रजि॑ह्वम् १  
 धुने॑तयः सुप्र॒केतं म॑द॒न्तो बृह॑स्पते अ॒भि ये न॑स्त॒स्त्रे ।  
 पृष॑न्तं सृ॒प्रम॑द॒ब्धमूर्व॑ बृह॑स्पते र॒क्षता॑दस्य॒ योनि॑म् २  
 बृह॑स्पते या प॒रमा॑ प॒राव॑द॒त आ त॑ ऋ॒तस्पृ॑शो नि पै॒दुः ।  
 तुभ्य॑ खा॒ता अ॒वृता॑ अ॒द्रिदु॑ग्धा म॒ध्वः श्रो॑त॒न्त्यभि॑तौ वि॒रप्श॑म् ३  
 बृह॑स्पतिः प्र॒थमं॑ जा॒र्यमा॑नो म॒हो ज्यो॑तिषः प॒रमे॑ व्योमन् ।  
 स॒प्तास्य॑स्तुविजा॒तो रवे॑ण वि स॒प्तर॑श्मि॒रध॑म॒त् तमा॑सि ४  
 स सु॒ष्टुभा॑ स ऋक्व॑ता गु॒णेन॑ वृ॒लं रु॑रोज फ॒लिगं॑ रवे॑ण ।  
 बृह॑स्पतिरु॒स्त्रिया॑ हव्य॒सूदः क॑नि॒क्रद् वा॑व॒शती॑रु॒दाज॑त् ५  
 ए॒वा पि॒त्रे वि॒श्वदै॑वाय॒ वृष्णो॑ य॒ज्ञैर्वि॑धेम॒ नम॑सा ह॒विर्भिः॑ ।  
 बृह॑स्पते सुप्र॒जा वी॑र॒वन्तो व॒यं स्या॑म॒ पत॑यो रयी॒णाम् ६  
 स इ॒द् राजा॑ प्र॒तिज॑न्यानि वि॒श्वा शु॑ष्मे॒ण त॑स्थाव॒भि वी॑र्ये॒ण ।  
 बृह॑स्पतिं यः सु॒भृतं॑ इ॒ंभ॒र्ति व॑ल्गूयति॒ वन्द॑ते पू॒र्वभा॑र्जम् ७  
 स इ॒त् क्षेति॑ सु॒धित॑ ओ॒कसि॑ स्वे तस्मा॒ इळा॑ पि॒न्वते॑ वि॒श्वदानी॑म् ।  
 तस्मै॑ वि॒शः स्व॒यमे॒वा न॑मन्ते॒ यस्मिन् ब्र॑ह्मा राज॑नि पू॒र्व ए॒ति ८

अप्रतीतो जयति सं धनानि प्रतिजन्यान्युत या सजन्या ।  
अवस्यवे यो वरिवः कृणोति ब्रह्मणे राजा तमवन्ति देवाः ६  
इन्द्रश्च सोमं इंपवतं बृहस्पते ऽस्मिन् यज्ञे मन्दसाना वृषणवसू ।  
आ वा विशन्तिवन्दवः स्वाभुवो ऽस्मे रयिं सर्ववीरं नि यच्छतम् १०  
बृहस्पत इन्द्र वर्धतं नः सचा सा वा सुमतिर्भूत्वस्मे ।  
अविष्टं धियो जिगृतं पुरंधी र्जजस्तमुर्यो वनुषामरातीः ११

अथाष्टमोऽध्यायः

। व० १-२६

(५१) एकपञ्चाशं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । उषा देवता ।

त्रिष्टुप् छन्दः

इदमु त्यत् पुरुतमं पुरस्ता ज्योतिस्तमसो व्युनावदस्थात् ।  
नूनं दिवो दुहितरौ विभाती गातुं कृणवन्नुषसो जनाय १  
अस्थुरु चित्रा उषसः पुरस्ता न्मिता इव स्वरवोऽध्वरेषु ।  
व्यू वृजस्य तमसो द्वारो च्छन्तीरवृज्जुचयः पावकाः २  
उच्छन्तीरद्य चितयन्त भोजान् राधोदेयायोषसौ मुघोनीः ।  
अचित्रे अन्तः पणयः ससन्त्वबुध्यमानास्तमसो विमध्ये ३  
कुवित् स देवीः सनयो नवो वा यामौ बभूयादुषसो वो अद्य ।  
येना नवगवे अङ्गिरे दशगवे सप्तास्यै रेवती रेवदूष ४  
यूयं हि देवीर्ऋतयुग्भिर्ऋतैः परिप्रयाथ भुवनानि सद्यः ।  
प्रबोधयन्तीरुषसः ससन्तं द्विपाञ्चतुष्पाञ्चरथाय जीवम् ५  
क्व स्विदासां कतमा पुराणी यया विधाना विदधुर्ऋभूणाम् ।  
शुभं यच्छुभ्रा उषसश्चरन्ति न वि ज्ञायन्ते सदृशीरजुर्याः ६  
ता घा ता भद्रा उषसः पुरासु रभिष्टिद्युम्ना ऋतजतिसत्याः ।  
यास्वीजानः शशमान उक्थैः स्तुवञ्छंसन् द्रविणं सद्य आप ७  
ता आ चरन्ति समना पुरस्तात् समानतः समना पप्रथानाः ।  
ऋतस्य देवीः सदसो बुधाना गवां न सर्गा उषसो जरन्ते ८  
ता इन्वेइव समना समानी रमीतवर्णा उषसश्चरन्ति ।  
गूहन्तीरभ्वमसितं रुशब्धिः शुक्रास्तनूभिः शुचयो रुचानाः ९

र॒यिं दि॒वो दु॒हितरो वि॒भातीः प्र॒जाव॑न्तं यच्छ॒तास्मा॑सु दे॒वीः ।  
 स्यो॒नादा वः॑ प्र॒तिबु॑ध्य॒मानाः सु॒वीर्य॑स्य॒ पत॑यः स्याम १०  
 तद् वो॑ दि॒वो दु॒हितरो वि॒भाती॑ रूपं ब्रुव उष॒सो य॒ज्ञकै॑तुः ।  
 व॒यं स्या॑म य॒शसो॑ जने॒षु तद् द्यौश्च॑ ध॒त्तां पृ॑थि॒वी च दे॒वी ११

(५२) द्विपञ्चाशं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । उषा देवता ।

गायत्री छन्दः

प्रति॒ ष्या॒ सून॑री॒ जनी॑ व्युच्छन्ती॒ परि॒ स्वसुः॑ । दि॒वो अ॑दर्शि दुहि॒ता १  
 अ॒श्वैव चि॒त्रारु॑षी॒ मा॒ता गवा॑मृताव॒री । सखा॑भूद॒श्विनो॑रु॒षाः २  
 उ॒त सखा॑स्य॒श्विनो॑रु॒त मा॒ता गवा॑मसि । उ॒तोषो॑ वस्व ई॒शिषे॑ ३  
 याव॑यद॒द्वेष॑सं त्वा चि॒क्कि॒त्वित् सूनृ॑ताव॒रि । प्रति॒ स्तोमै॑रभु॒त्स्महि॑ ४  
 प्रति॒ भद्रा॑ अ॒दृक्ष॑त॒ गवा॑ं सर्गा॒ न र॒श्मयः॑ । ओषा॑ अ॒प्रा उ॒रु ज॒र्यः॑ ५  
 आ॒प॒पु॒षी वि॒भाव॑रि॒ व्याव॑ज्योति॒षा तमः॑ । उ॒षो अ॒नु स्व॑धाम॒व ६  
 आ द्यां॑ तेनोषि॒ र॒श्मिभि॑रान्तरि॒क्षमु॑रु प्रि॒यम् । उ॒षः शु॒क्रेण॑ शोचि॒षा ७

(५३) त्रिपञ्चाशं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । सविता देवता ।

जगती छन्दः

तद् दे॒वस्य॑ सवि॒तुर्वा॑र्यं म॒हद् वृ॑णीमहे अ॒सुर॑स्य॒ प्रचै॑तसः ।  
 छ॒र्दिर्ये॑न दा॒शुषे॑ यच्छ॒ति त्म॑ना तन्नो॒ म॒हाँ उ॑द॒यान् दे॒वो अ॒क्तुभिः॑ १  
 दि॒वो ध॒र्ता भु॑व॒नस्य॑ प्र॒जाप॑तिः पि॒शङ्गं॑ द्रा॒पिं प्रति॑ मुञ्चते क॒विः ।  
 वि॒चक्ष॑णः प्र॒थय॑न्नापृ॒णनु॑र्व जी॒जन॑त् सवि॒ता सु॒म्रमु॑क्थ्यम् २  
 आ॒प्रा रजा॑सि दि॒व्यानि॑ पा॒र्थिवा॑ श्लो॒कं दे॒वः कृ॑णुते स्वाय॒ धर्म॑णे ।  
 प्र बा॒हू अ॒स्त्राक् सवि॑ता स॒र्वीम॑नि नि॒वेश॑यन् प्र॒सुव॑न्न॒क्तुभि॑र्जगत् ३  
 अ॒दा॒भ्यो भु॑व॒नानि॑ प्र॒चाक॑शद् व॒तानि॑ दे॒वः सवि॑ताभि र॒क्षते॑ ।  
 प्रा॒स्त्राग्बा॒हू भु॑व॒नस्य॑ प्र॒जाभ्यो॑ धृ॒तव॑तो म॒हो अ॒ज्म॑स्य राजति ४  
 त्रि॒रन्तरि॑क्षं सवि॒ता म॑हित्व॒ना त्री॑ रजा॑सि परि॒भूस्त्री॑णि रोच॒ना ।  
 ति॒स्रो दि॒वः पृ॑थि॒वीस्ति॒स्र इ॒न्वति॑ त्रि॒भिर्व॑तैर॒भि नो॑ रक्षति॒ त्मना॑ ५  
 बृ॒हत्सु॑म्रः प्र॒सवी॑ता नि॒वेश॑नो जग॑तः स्था॒तुरु॑भय॒स्य यो व॑शी ।

स नो देवः सविता शर्म यच्छ त्वस्मे क्षयाय त्रिवरूथमंहसः ६  
आगन् देव ऋतुभिर्वर्धतु क्षयं दधातु नः सविता सुप्रजामिषम् ।  
स नः क्षपाभिरहंभिश्च जिन्वतु प्रजावन्तं रयिमुस्मे समिन्वतु ७

(५४) चतुष्पञ्चाशं सूक्तम्

(१-६) षड्वचस्यास्य सूक्तस्य गौतमो वामदेव ऋषिः । सविता देवता । (१-५)

प्रथमादिपञ्चर्चा जगती (६) षष्ठ्याश्च त्रिष्टुप् छन्दसी

अभूद् देवः सविता वन्द्यो नु न इदानीमहं उपवाच्यो नृभिः ।  
वि यो रत्ना भजति मानवेभ्यः श्रेष्ठं नो अत्र द्रविणं यथा दधत् १  
देवेभ्यो हि प्रथमं यज्ञियैभ्यो ऽमृतत्वं सुवसिं भागमुत्तमम् ।  
आदिद् दामानं सवितुर्व्यूण्षि ऽनूचीना जीविता मानुषेभ्यः २  
अचिन्ती यच्चकृमा दैव्ये जनैर्दीनैर्दक्षैः प्रभूती पूरुषत्वता ।  
देवेषु च सवितुर्मानुषेषु च त्वं नो अत्र सुवतादनागसः ३  
न प्रमियै सवितुर्दैव्यस्य तद् यथा विश्वं भुवनं धारयिष्यति ।  
यत् पृथिव्या वरिमन्ना स्वङ्गुर्गिर्वर्ष्मन् दिवः सुवति सत्यमस्य तत् ४  
इन्द्रज्येष्ठान् बृहद्भ्यः पर्वतेभ्यः क्षयाँ एभ्यः सुवसि पस्त्यावतः ।  
यथायथा पतयन्तो वियेमिर एवैव तस्थुः सवितः सवाय ते ५  
ये ते त्रिरहन् त्सवितः सवासो दिवेदिवे सौभगमासुवन्ति ।  
इन्द्रो द्यावापृथिवी सिन्धुरद्भि रदित्यैर्नो अदितिः शर्म यंसत् ६

(५५) पञ्चपञ्चाशं सूक्तम्

(१-१०) दशर्वस्यास्य सूक्तस्य गौतमो वामदेव ऋषिः । विश्वे देवा देवताः ।

(१-७) प्रथमादिसप्तर्चा त्रिष्टुप् (८-१०) अष्टम्यादितृचस्य च गायत्री छन्दसी

को वस्त्राता वसवः को वरूता द्यावाभूमी अदिते त्रासीथां नः ।  
सहीयसो वरुण मित्र मर्तात् को वोऽध्वरे वरिवो धाति देवाः १  
प्र ये धामानि पूर्व्याण्यर्चान् वि यदुच्छान् वियोतारो अमूराः ।  
विधातारो वि ते दधुरजस्त्रा ऋतधीतयो रुरुचन्त दस्माः २  
प्र पस्त्याऽमदितिं सिन्धुमकैः स्वस्तिमीळे सख्याय देवीम् ।  
उभे यथा नो अहनी निपात उषासानक्ता करतामदब्धे ३  
व्ययमा वरुणश्चेति पन्था मिषस्पतिः सुवितं गातुमग्निः ।

इन्द्राविष्णू नृवदु षु स्तवाना शर्म नो यन्तममवद् वरूथम् ४  
 आ पर्वतस्य मरुतामवासि देवस्य त्रातुरवि भगस्य ।  
 पात् पतिर्जन्यादंहसो नो मित्रो मित्रियादुत न उरुष्येत् ५  
 नू रौदसी अहिना बुध्यैन स्तुवीत देवी अप्यैभिरिष्टैः ।  
 समुद्रं न संचरणे सनिष्यवो घर्मस्वरसो नद्योर्ऽप व्रन् ६  
 देवैर्नो देव्यदितिर्नि पातु देवस्त्राता त्रायतामप्रयुच्छन् ।  
 नहि मित्रस्य वरुणस्य धासि महामसि प्रमियं सान्वग्नेः ७  
 अग्निरीशे वसव्यस्याइऽग्नर्महः सौभगस्य । तान्यस्मभ्यं रासते ८  
 उषो मघोन्या वह् सूनृते वार्या पुरु । अस्मभ्यं वाजिनीवति ९  
 तत् सु नः सविता भगो वरुणो मित्रो अर्यमा । इन्द्रो नो राधसा गमत् १०

(५६) षट्पञ्चाशं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । द्यावापृथिव्यौ देवते ।  
 (१-४) प्रथमादिचतुर्ऋचां त्रिष्टुप् (५-७) पञ्चम्यादितृचस्य च गायत्री छन्दसी  
 मही द्यावापृथिवी इह ज्येष्ठै रुचा भवतां शचर्यद्विरकैः ।  
 यत् सीं वरिष्ठे बृहती विमिन्वन् रुवद्धोक्षा पप्रथानेभिरेवैः १  
 देवी देवेभिर्यजते यजत्रै रमिनती तस्थतुरुक्षमाणे ।  
 अतावरी अद्रुहा देवपुत्रे यज्ञस्य नेत्री शचर्यद्विरकैः २  
 स इत् स्वपा भुवनेष्वास य इमे द्यावापृथिवी जजान ।  
 उर्वी गभीरे रजसी सुमेकै अवंशे धीरः शच्या समैरत् ३  
 नू रौदसी बृहद्भिर्नो वरूथैः पत्नीवद्विरिषयन्ती सजोषाः ।  
 उरूची विश्वे यजते नि पातं धिया स्याम रथ्यः सदासाः ४  
 प्र वां महि द्यवी अभ्युपस्तुतिं भरामहे । शुची उप प्रशस्तये ५  
 पुनाने तन्वा मिथः स्वेन दक्षेण राजथः । ऊह्याथै सनादृतम् ६  
 मही मित्रस्य साधथ स्तरन्ती पिप्रती अतम् । परि यज्ञं नि पैदथुः ७

(५७) सप्तपञ्चाशं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । (१-३) प्रथमादितृचस्य  
 क्षेत्रपतिः (४) चतुर्थ्या ऋचः शुनः (५, ८) पञ्चम्यष्टम्योः शुनासीरौ (६-७)  
 षष्ठीसप्तम्योश्च सीता देवताः । (१, ४, ६-७)



प्रथमाचतुर्थीषष्ठीसप्तमीनामृचामनुष्टुप् (२-३, ८) द्वितीयातृतीयाष्टमीनां त्रिष्टुप्

(५) पञ्चम्याश्च पुर उष्णिक् छन्दांसि

क्षेत्रस्य पतिना वयं हितेनैव जयामसि ।  
गामश्च पोषयित्वा स नो मृळातीदृशै १  
क्षेत्रस्य पते मधुमन्तमूर्मि धेनुरिव पयो अस्मासु धुक्त्व ।  
मधुश्चुतं घृतमिव सुपूत मृतस्य नः पतयो मृळयन्तु २  
मधुमतीरोषधीर्द्याव आपो मधुमन्नो भवत्वन्तरिक्षम् ।  
क्षेत्रस्य पतिर्मधुमान् नो अस्त्व रिष्यन्तो अन्वेनं चरेम ३  
शुनं वाहाः शुनं नरः शुनं कृषतु लाङ्गलम् ।  
शुनं वरत्रा बध्यन्तां शुनमष्टामुदिङ्गय ४  
शुनासीराविमां वाचं जुषेथां यद् दिवि चक्रथुः पयः ।  
तेनेमामुप सिञ्चतम् ५  
अर्वार्ची सुभगे भव सीते वन्दामहे त्वा ।  
यथा नः सुभगासंसि यथा नः सुफलासंसि ६  
इन्द्रः सीतां नि गृह्णातु तां पूषानु यच्छतु ।  
सा नः पर्यस्वती दुहा मुत्तरामुत्तरां समाम् ७  
शुनं नः फाला वि कृषन्तु भूमिं शुनं कीनाशा अभि यन्तु वाहैः ।  
शुनं पर्जन्यो मधुना पयोभिः शुनासीरा शुनमस्मासु धत्तम् ८

(५८) अष्टपञ्चाशं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । अग्निः सूर्यो वाऽऽपो  
वा गावो वा घृतं वा देवता । (१-१०) प्रथमादिदशर्चा त्रिष्टुप् (११)

एकादश्याश्च जगती छन्दसी

समुद्रादूर्मिर्मधुमाँ उदार दुपांशुना सममृतत्वमानद् ।  
घृतस्य नाम गुह्यं यदस्ति जिह्वा देवानाममृतस्य नाभिः १  
वयं नाम प्र ब्रवामा घृतस्याऽस्मिन् यज्ञे धारयामा नमोभिः ।  
उप ब्रह्मा शृण्वच्छस्यमानं चतुःशृङ्गोऽवमीद् गौर एतत् २  
चत्वारि शृङ्गा त्रयो अस्य पादा द्वे शीर्षे सप्त हस्तासो अस्य ।  
त्रिधा बद्धो वृषभो रौरवीति महो देवो मर्त्या आ विवेश ३  
त्रिधा हितं पुणिभिर्गुह्यमानं गवि देवासौ घृतमन्वविन्दन् ।

इन्द्र एकं सूर्य एकं जजान वेनादेकं स्वधया निष्टतक्षुः ४  
 एता अर्षन्ति हृद्यात् समुद्रा च्छतव्रजा रिपुणा नावचक्षे ।  
 घृतस्य धारा अभि चाकशीमि हिरण्ययौ वेतसो मध्य आसाम् ५  
 सम्यक् स्त्रवन्ति सरितो न धेना अन्तर्हृदा मनसा पूयमानाः ।  
 एते अर्षन्त्यूर्मयो घृतस्य मृगा इव क्षिपणोरीषमाणाः ६  
 सिन्धौरिव प्राध्वने शूघनासो वातप्रमियः पतयन्ति युहाः ।  
 घृतस्य धारा अरुषो न वाजी काष्ठा भिन्दन्नुर्मिभिः पिन्वमानः ७  
 अभि प्रवन्त समनेव योषाः कल्याणयशः स्मर्यमानासो अग्रिम् ।  
 घृतस्य धाराः समिधौ नसन्त ता जुषाणो हर्यति जातवेदाः ८  
 कन्या इव वहतुमेतवा उ अञ्जयञ्जाना अभि चाकशीमि ।  
 यत्र सोमः सूयते यत्र यज्ञो घृतस्य धारा अभि तत् पवन्ते ९  
 अभ्यर्षत सुष्टुतिं गव्यमाजि मस्मासु भद्रा द्रविणानि धत्त ।  
 इमं यज्ञं नयत देवता नो घृतस्य धारा मधुमत् पवन्ते १०  
 धामन् ते विश्वं भुवन्मधि श्रित मन्तः समुद्रे हृद्यन्तरायुषि ।  
 अपामनीके समिथे य आभृत स्तमश्याम् मधुमन्तं त ऊर्मिम् ११

इति चतुर्थं मण्डलं समाप्तम्

मंत्र — संख्या तृतीयमंडलस्यान्तपर्यन्तं ३०५२  
 चतुर्थमंडलस्य ५८६ सर्वयोगः ३६४१

अथ पञ्चमं मण्डलम् ।

प्रथमोऽनुवाकः

(१) प्रथमं सूक्तम्

(१-१२) द्वादशर्चस्यास्य सूक्तस्यात्रेयौ बुधगविष्टिरावृषी ।

अग्निर्देवता । त्रिष्टुप् छन्दः

अबोध्याग्निः समिधा जनानां प्रति धेनुर्मिवायतीमुषासम् ।  
यद्वा इव प्र वयामुज्जिहानाः प्र भानवः सिस्रते नाकमच्छ १  
अबोधि होता यजथाय देवानूध्वो अग्निः सुमनाः प्रातरस्थात् ।  
समिद्धस्य रुशददर्शि पाजौ महान् देवस्तमसो निरमोचि २  
यदी गृणस्य रशनामजीगुः शुचिरङ्गे शुचिभिर्गोभिरग्निः ।  
आद् दक्षिणा युज्यते वाजय न्युत्तानामूध्वो अधयजुहूभिः ३  
अग्निमच्छा देवयतां मनासि चक्षूषीव सूर्ये सं चरन्ति ।  
यदी सुवाते उषसा विरूपे श्वेतो वाजी जायते अग्रे अह्वाम् ४  
जनिष्ट हि जेन्यो अग्रे अह्वा हितो हितेष्वरुषो वनेषु ।  
दमेदमे सप्त रत्ना दधानोऽग्निर्होता नि षसादा यजीयान् ५  
अग्निर्होता न्यसीदद् यजीयानुपस्थै मातुः सुरभा उ लोके ।  
युवा कविः पुरुनिष्ठ ऋतावा धर्ता कृष्टीनामुत मध्य इद्धः ६  
प्र णु त्यं विप्रमध्वरेषु साधु मग्निं होतारमीळते नमोभिः ।  
आ यस्ततान् रोदसी ऋतेन नित्यं मृजन्ति वाजिनं घृतेन ७  
मार्जाल्यो मृज्यते स्वे दमूनाः कविप्रशस्तो अतिथिः शिवो नः ।  
सहस्रशृङ्गो वृषभस्तदौजा विश्वा अग्रे सहसा प्रास्यन्यान् ८  
प्र सद्यो अग्रे अत्येष्यन्या नाविर्यस्मै चारुतमो बभूथ ।  
ईळेन्यो वपुष्यो विभावा प्रियो विशामतिथिर्मानुषीणाम् ९  
तुभ्यं भरन्ति क्षितयो यविष्ठ बलिमग्ने अन्तित ओत दूरात् ।  
आ भन्दिष्ठस्य सुमतिं चिकिद्धि बृहत् तै अग्रे महि शर्म भद्रम् १०  
आद्य रथं भानुमो भानुमन्त मग्ने तिष्ठ यजतेभिः समन्तम् ।  
विद्वान् पथीनामुर्वशन्तरिक्ष मेह देवान् हविरद्याय वक्षि ११  
अवौचाम कवये मेध्याय वचो वन्दारु वृषभाय वृष्णे ।  
गविष्टिरो नमसा स्तोममग्नौ दिवीव रुक्ममुरुव्यञ्चमश्रेत् १२

## (२) द्वितीयं सूक्तम्

(१-१२) द्वादशर्चस्यास्य सूक्तस्य (१, ३-८, १०-१२) प्रथमर्चस्तृतीयादिषण्णां  
दशम्यादितृचस्य चात्रेयः कुमारो जानो वृशो वा, उभौ वा, (२, ६)

द्वितीयानवम्योश्च जानो वृश ऋषिः । अग्निर्देवता । (१-११) प्रथमाद्येकादशर्चा  
त्रिष्टुप्, (१२) द्वादश्याश्च शक्वरी छन्दसी

कुमारं माता युवतिः समुब्धं गुहां बिभर्ति न ददाति पित्रे ।  
अनीकमस्य न मिनज्जनासः पुरः पश्यन्ति निहितमृतौ १  
कमेतं त्वं युवते कुमारं पेयीं बिभर्षि महिषी जजान ।  
पूर्वीर्हि गर्भः शरदौ ववर्धा ऽपश्यं जातं यदसूत माता २  
हिरण्यदन्तं शुचिवर्णमारात् क्षेत्रादपश्यमायुधा मिमानम् ।  
ददानो अस्मा अमृतं विपृक्वत् किं मामनिन्द्राः कृणवन्ननुकथाः ३  
क्षेत्रादपश्यं सनुतश्चरन्तं सुमद् यूथं न पुरु शोभमानम् ।  
न ता अंगृभृन्नर्जनिष्ट हि षः पलिक्नीरिद् युवतयो भवन्ति ४  
के मे मरुतं वि यवन्त गोभिर्न येषां गोपा अरणश्चिदास ।  
य ई जगृभुरव ते सृजन्त्वाजाति पृश्न उप नश्चिकित्वान् ५  
वसां राजानं वसतिं जनानां मरातयो नि दधुर्मर्त्येषु ।  
ब्रह्माण्यत्रेव तं सृजन्तु निन्दितारो निन्द्यासो भवन्तु ६  
शुनश्चिच्छेपं निर्दितं सहस्राद् यूपादमुञ्चो अशमिष्ट हि षः ।  
एवास्मदग्ने वि मुमुग्धि पाशान् होतश्चिकित्व इह तू निषद्य ७  
हणीयमानो अप हि मदैयेः प्र मे देवानां वतपा उवाच ।  
इन्द्रो विद्वां अनु हि त्वां चचक्ष तेनाहमग्ने अनुशिष्ट आगाम् ८  
वि ज्योतिषा बृहता भात्यग्निं राविर्विश्वानि कृणुते महित्वा ।  
प्रादेवीर्मायाः सहते दुरेवाः शिशीते शृङ्गे रक्षसे विनिक्षे ९  
उत स्वानासौ दिवि षन्त्वग्ने स्तिग्मायुधा रक्षसे हन्तवा उ ।  
मदै चिदस्य प्र रुजन्ति भामा न वरन्ते परिबाधो अदेवीः १०  
एतं ते स्तोमं तुविजातु विप्रो रथं न धीरः स्वपा अतक्षम् ।  
यदीदग्ने प्रति त्वं दैव हयाः स्वर्वतीरप एना जयेम ११  
तुविग्रीवो वृषभो वावृधानो ऽश्ववर्ष्यः समजाति वेदः ।  
इतीममग्निमृता अवोचन् बर्हिष्मते मनवे शर्म  
यंसं ब्रुविष्मते मनवे शर्म यंसत् १२

(३) तृतीयं सूक्तम्

(१-१२) द्वादशर्चस्यास्य सूक्तस्यात्रेयो वसुश्रुत ऋषिः । (१-२, ४-१२)  
 प्रथमाद्वितीययोर्ऋचोश्चतुर्थ्यादिनवानाञ्चाग्निः, (३) तृतीयायाश्च मरुद्द्रविष्णवो  
 देवताः । (१) प्रथमर्चो विराट्, (२-१२) द्वितीयाद्येकादशानाञ्च त्रिष्टुप् छन्दसी  
 त्वमग्ने वरुणो जायसे यत् त्वं इमत्रो भवसि यत् समिद्धः ।  
 त्वे विश्वे सहसस्पुत्र देवा स्त्वमिन्द्रो दाशुषे मर्त्याय १  
 त्वमर्यमा भवसि यत् कनीनां नाम स्वधावन् गुह्यं इबभर्षि ।  
 अञ्जन्ति मित्रं सुधितं न गोभिर्यद् दंपती समनसा कृणोषि २  
 तव श्रिये मरुतो मर्जयन्त रुद्र यत् ते जनिम् चारु चित्रम् ।  
 पदं यद् विष्णोरुपमं निधायि तेन पासि गुह्यं नाम गोनाम् ३  
 तव श्रिया सुदृशो देव देवाः पुरू दधाना अमृतं सपन्त ।  
 होतारमग्निं मनुषो नि षेदुर्दशस्यन्त उशिजः शंसमायोः ४  
 न त्वद्धोता पूर्वी अग्ने यजीयान् न काव्यैः पुरो अस्ति स्वधावः ।  
 विशश्च यस्या अतिथिर्भवासि स यज्ञेन वनवद् देव मर्तान् ५  
 व्यमग्ने वनुयाम् त्वोता वसूयवो हविषा बुध्यमानाः ।  
 वयं समर्ये विदथेष्वह्ना वयं राया सहसस्पुत्र मर्तान् ६  
 यो न आगौ अभ्येनो भरा त्यधीदधमघशंसे दधात ।  
 जही चिकित्वो अभिशस्तिमेता मग्ने यो नो मर्चयति द्वयेन ७  
 त्वामस्या व्युषि देव पूर्वे दूतं कृणवाना अयजन्त हव्यैः ।  
 संस्थे यदग्र ईयसे रयीणां देवो मर्तैर्वसुभिरिध्यमानः ८  
 अवं स्पृधि पितरं योधि विद्वान् पुत्रो यस्तै सहसः सून ऊहे ।  
 कदा चिकित्वो अभि चक्षसे नो ऽग्रे कदा ऋतुचिद् यातयासे ९  
 भूरि नाम् वन्दमानो दधाति पिता वसो यदि तज्जोषयासे ।  
 कुविद् देवस्य सहसा चकानः सुम्रमग्निर्वनते वावृधानः १०  
 त्वमङ्ग जरितारं यविष्ठ विश्वान्यग्ने दुरितार्ति पर्षि ।  
 स्तेना अदृश्रन् रिपवो जनासो ऽज्ञातकेता वृजिना अभूवन् ११  
 इमे यामासस्त्वद्रिगभूवन् वसवे वा तदिदागौ अवाचि ।  
 नाहायमग्निरभिशस्तये नो न रीषते वावृधानः परा दात् १२

## (४) चतुर्थं सूक्तम्

(१-११) एकादशर्चस्यास्य सूक्तस्यात्रेयो वसुश्रुत ऋषिः । अग्निर्देवता ।

त्रिष्टुप् छन्दः

त्वामग्ने वसुपतिं वसूनां मुभिः प्र मन्दे अध्वरेषु राजन् ।  
 त्वया वाजं वाजयन्तो जयेमाभिः प्याम पृत्सुतीर्मर्त्यानाम् १  
 हव्यवाळग्रिजरः पिता नो विभुर्विभावा सुदृशीको अस्मे ।  
 सुगार्हपत्याः समिषो दिदी ह्यस्मद्रयश्क सं मिमीहि श्रवांसि २  
 विशां कविं विशपतिं मानुषीणां शुचिं पावकं घृतपृष्ठमग्निम् ।  
 नि होतारं विश्वविदं दधिध्वे स देवेषु वनते वार्याणि ३  
 जुषस्वाम् इळ्या सजोषा यतमानो रश्मिभिः सूर्यस्य ।  
 जुषस्व नः समिधं जातवेद आ च देवान् हविरद्याय वक्षि ४  
 जुष्टो दमूना अतिथिर्दुरोण इमं नो यज्ञमुप याहि विद्वान् ।  
 विश्वा अग्ने अभियुजो विहत्या शत्रूयतामा भरा भोजनानि ५  
 वधेन दस्युं प्र हि चातयस्व वयः कृण्वानस्तन्वेऽस्वायै ।  
 पिपर्षि यत् सहसस्पुत्र देवान् त्सो अग्ने पाहि नृतम् वाजं अस्मान् ६  
 वयं ते अग्न उक्थैर्विधेम वयं हव्यैः पावक भद्रशोचे ।  
 अस्मे रयिं विश्ववारं समिन्वा स्मे विश्वानि द्रविणानि धेहि ७  
 अस्माकमग्ने अध्वरं जुषस्व सहसः सूनो त्रिषधस्थ हव्यम् ।  
 वयं देवेषु सुकृतः स्याम शर्मणा नस्त्रिवरूथेन पाहि ८  
 विश्वानि नो दुर्गहा जातवेदः सिन्धुं न नावा दुरिताति पर्षि ।  
 अग्रे अत्रिवन्नमसा गृणानोऽस्माकं बोध्यविता तनूनाम् ९  
 यस्त्वा हृदा कीरिणा मन्यमानो ऽमर्त्यं मर्त्यो जोहवीमि ।  
 जातवेदो यशो अस्मासु धेहि प्रजाभिरग्ने अमृतत्वमश्याम् १०  
 यस्मै त्वं सुकृते जातवेद उ लोकमग्ने कृणवः स्योनम् ।  
 अश्विनं स पुत्रिणं वीरवन्तं गोमन्तं रयिं नेशते स्वस्ति ११

## (५) पञ्चमं सूक्तम्

(१-११) एकादशर्चस्यास्य सूक्तस्यात्रेयो वसुश्रुत ऋषिः । (१) प्रथमर्च इध्मः  
 समिद्धो वाग्निः, (२) द्वितीयाया नराशंसः, (३) तृतीयाया इळः, (४) चतुर्थ्या

बर्हिः, (५) पञ्चम्या देवीद्वारः, (६) षष्ठ्या उषासानक्ता, (७) सप्तम्या दैव्यौ  
होतारौ प्रचेतसौ, (८) अष्टम्यास्तिस्त्रो देव्यः सरस्वतीळाभारत्यः, (९)  
नवम्यास्त्वष्टा, (१०) दशम्या वनस्पतिः, (११) एकादश्याश्च स्वाहाकृतयो  
देवताः । गायत्री छन्दः

सुसमिद्धाय शोचिषे घृतं तीव्रं जुहोतन । अग्रये जातवेदसे १  
नराशंसः सुषूदती मं यज्ञमदाभ्यः । कविर्हि मधुहस्त्यः २  
ईळितो अग्र आ वहेन्द्रं चित्रमिह प्रियम् । सुखै रथैभिरूतये ३  
ऊर्णमदा वि प्रथस्वाऽभ्यर्का अनूषत । भवो नः शुभ्र सातये ४  
देवीद्वारो वि श्रयध्वं सुप्रायणा न ऊतये । प्रप्र यज्ञं पृणीतन ५  
सुप्रतीके वयोवृधा युही ऋतस्य मातरा । दोषामुषासमीमहे ६  
वार्तस्य पत्मनीळिता दैव्या होतारा मनुषः । इमं नो यज्ञमा गतम् ७  
इळा सरस्वती मही तिस्रो देवीर्मयोभुवः । बर्हिः सीदन्त्वस्त्रिधः ८  
शिवस्त्वष्टरिहा गहि विभुः पोष उत त्मना । यज्ञेयज्ञे न उदव ९  
यत्र वेत्थ वनस्पते देवानां गुह्या नामानि । तत्र हव्यानि गामय १०  
स्वाहाग्रये वरुणाय स्वाहेन्द्राय मरुद्भ्यः । स्वाहा देवेभ्यो हविः ११

#### (६) षष्ठं सूक्तम्

(१-१०) दशर्चस्यास्य सूक्तस्यात्रेयो वसुश्रुत ऋषिः । अग्निर्देवता । पङ्क्तिश्छन्दः  
अग्निं तं मन्ये यो वसु रस्तं यं यन्ति धेनवः ।  
अस्तमर्वन्त आशवो ऽस्तं नित्यासो वाजिन इषं स्तोतृभ्य आ भर १  
सो अग्निर्यो वसुर्गृणे सं यमायन्ति धेनवः ।  
समर्वन्तो रघुद्रुवः सं सुजातासः सूरय इषं स्तोतृभ्य आ भर २  
अग्निर्हि वाजिनं विशे ददाति विश्वचर्षणिः ।  
अग्नी राये स्वाभुवं स प्रीतो याति वार्य मिषं स्तोतृभ्य आ भर ३  
आ तै अग्र इधीमहि द्युमन्तं देवाजरम् ।  
यद्ध स्या ते पनीयसी समिद् दीदर्यति द्यवी षं स्तोतृभ्य आ भर ४  
आ तै अग्र ऋचा हविः शुक्रस्य शोचिषस्पते ।  
सुश्चन्द्र दस्म विशर्पते हव्यवाद् तुभ्यं हूयत इषं स्तोतृभ्य आ भर ५  
प्रो त्ये अग्रयोऽग्निषु विश्वं पुष्यन्ति वार्यम् ।  
ते हिन्विरे त इन्विरे त इषयन्त्यानुष गिषं स्तोतृभ्य आ भर ६

तव॒ त्ये अ॒ग्ने अ॒र्चयो॒ महि॑ व्राधन्त वा॒जिनः॑ ।  
 ये प॒त्वंभिः॑ श॒फाना॑ व्र॒जा भु॒रन्त॒ गोना॑ मि॒षं स्तो॒तृभ्य॒ आ भ॑र ७  
 नवा॑ नो अग्र॒ आ भ॑र स्तो॒तृभ्यः॑ सु॒क्षिती॑रिषः ।  
 ते स्या॑मु॒ य अ॒नृचु॒ स्त्वाद्दू॑तासो दमे॒दमु॒ इषं॑ स्तो॒तृभ्य॒ आ भ॑र ८  
 उ॒भे सु॑श्चन्द्र स॒र्पिषो॑ द॒र्वी श्री॑णीष आ॒सनि॑ ।  
 उ॒तो न॒ उ॒त् पु॒पू॒र्या उ॒क्थेषु॑ शवसस्प॒त इषं॑ स्तो॒तृभ्य॒ आ भ॑र ९  
 ए॒वाँ अ॒ग्निर्म॑जुर्यमु॒ गी॒र्भिर्य॑ज्ञेभि॒रानु॑षक् ।  
 द॒ध॒द॒स्मे सु॒वीर्य॑मु॒त त्य॒दाश्व॑श्च॒ मिषं॑ स्तो॒तृभ्य॒ आ भ॑र १०

## (७) सप्तमं सूक्तम्

(१-१०) दशर्चस्यास्य सूक्तस्यात्रेय इष ऋषिः । अग्निर्देवता । (१-९)

प्रथमादिनवर्चामनुष्टुप्, (१०) दशम्याश्च पङ्क्तिश्छन्दसी

सखा॑यः सं वः स॒म्यञ्च॒ मिषं॑ स्तोमं चा॒ग्रयै॑ ।  
 वर्षि॑ष्ठाय क्षिती॒ना मूर्जो॑ न॒ष्ट्रे सह॑स्वते १  
 कु॒त्रा चि॒द् यस्य॑ स॒र्मृतौ॑ र॒गवा॑ न॒रो नृ॒षद॑ने ।  
 अ॒ह॒न्तश्चि॒द् यमि॑न्ध॒ते स॑ज॒नय॑न्ति ज॒न्तवः॑ २  
 सः य॒दिषो॑ वना॒महे॒ सं ह॒व्या मा॑नु॒षाणाम्॑ ।  
 उ॒त द्यु॒मस्य॑ शव॒स अ॒तस्य॑ र॒श्मिमा॑ द॒दे ३  
 स स्मा॑ कृ॒णोति॑ के॒तुमा॑ न॒क्तं चि॒ह्न आ॑ स॒ते ।  
 पा॒व॒को यद् व॒नस्प॑तीन् प्र स्मा॑ मि॒नात्य॑जरः ४  
 अ॒व स्म॒ यस्य॑ वे॒षणे॑ स्वेदं प॒थिषु॑ जुह॒ति ।  
 अ॒भीम॑ह॒ स्वजै॑न्यं भू॒मा पृ॒ष्ठेव॑ रुरुहुः ५  
 यं म॒र्त्यः पु॒रुस्पृ॑हं वि॒दद् वि॒श्वस्य॑ धा॒र्यसे॑ ।  
 प्र स्वा॑द॒नं इ॒पतू॑ना म॒स्त॒ताति॑ चि॒दाय॑वै ६  
 स हि ष्मा॑ ध॒न्वाक्षि॑तं दा॒ता न॑ दा॒त्या प॒शुः ।  
 हि॒रि॒श्मश्रुः॑ शुचि॒द नृ॒भुर॑नि॒भृष्ट॑तविषिः ७  
 शुचिः॑ ष्म॒ यस्मा॑ अ॒त्रि॒वत् प्र॑ स्व॒धिती॑व॒ री॒यते॑ ।  
 सु॒षू॒र॒सूत॑ मा॒ता क्रा॒णा यदा॑न॒शे भ॑गम् ८  
 आ य॒स्तै सर्पि॑रासु॒ते ऽग्ने॑ शम॒स्ति धा॒र्यसे॑ ।  
 ऐ॒षु द्यु॒ममु॑त श्रव॒ आ चि॒त्तं म॒र्त्येषु॑ धाः ९



इति चिन्मन्युमध्विजस्त्वादातुमा पशुं ददे ।  
आदग्ने अपृणतो ऽग्निः सासह्याद् दस्यू निषः सासह्यान् च फट् १०

(८) अष्टमं सूक्तम्

(१-७) सप्तर्चस्यास्य सूक्तस्यात्रेय इष ऋषिः । अग्निर्देवता । जगती छन्दः  
त्वामग्ने ऋतायवः समीधिरे प्रत्नं प्रत्नास ऊतये सहस्कृत ।  
पुरुश्चन्द्रं यजतं विश्वधायसं दमूनसं गृहपतिं वरेण्यम् १  
त्वामग्ने अतिथिं पूर्य विशः शोचिष्केशं गृहपतिं नि षेदिरे ।  
बृहत्कैतुं पुरुरूपं धनुस्पृतं सुशर्माणं स्वर्वसं जरद्विषम् २  
त्वामग्ने मानुषीरीळते विशो होत्राविदं विविचिं रत्नधातमम् ।  
गुहा सन्तं सुभग विश्वदर्शतं तुविष्वणसं सुयजं घृतश्रियम् ३  
त्वामग्ने धर्णसिं विश्वधा वयं गीर्भिर्गृणन्तो नमसोप सेदिम ।  
स नो जुषस्व समिधानो अङ्गिरो देवो मर्तस्य यशसा सुदीतिभिः ४  
त्वामग्ने पुरुरूपौ विशेविशे वयो दधासि प्रत्नथा पुरुष्टुत ।  
पुरुणयन्ना सहसा वि राजसि त्विषिः सा तै तित्विषाणस्य नाधृषे ५  
त्वामग्ने समिधानं यविष्ठय देवा दूतं चक्रिरे हव्यवाहनम् ।  
उरुज्रयसं घृतयौनिमाहुतं त्वेषं चक्षुर्दधिरे चोदयन्मति ६  
त्वामग्ने प्रदिव आहुतं घृतैः सुम्रायवः सुषमिधा समीधिरे ।  
स वावृधान ओषधीभिरुक्षितोऽभि जयांसि पार्थिवा वि तिष्ठसे ७  
इति तृतीयोष्टकः

अथ चतुर्थोऽष्टकः ।

प्रथमोऽध्यायः

। व० १ । १३

(९) नवमं सूक्तम्

(१-७) सप्तर्चस्यास्य सूक्तस्यात्रेयो गय ऋषिः । अग्निर्देवता । (१-४, ६)  
प्रथमादिचतुर्ऋचां षष्ठ्याश्चानुष्टुप्, (५, ७) पञ्चमीसप्तम्योश्च पङ्क्तिश्छन्दसी  
त्वामग्ने हविष्मन्तो देवं मर्तास ईळते ।  
मन्यै त्वा जातवैदसं स हव्या वेद्यानुषक् १

अ॒ग्निर्हो॒ता दा॒स्वतुः क्ष॑यस्य वृ॒क्तब॑र्हिषः ।  
 सं य॒ज्ञास॑श्चर॒न्ति यं सं वा॑जसिः श्रव॒स्यवः २  
 उ॒त स्म॒ यं शि॑शुं यथा न॒वं ज॑नि॒ष्टार॑णी ।  
 ध॒तरि॑ मानु॒षीणां वि॒शाम॑ग्निं स्व॒ध्वर॑म् ३  
 उ॒त स्म दु॑र्ग॒भीय॑से पु॒त्रो न ह्य॑र्या॒णाम् ।  
 पु॒रू यो द॑ग्धासि॒ वना ऽग्नै॑ पु॒शुर्न य॑वसे ४  
 अ॒र्धं स्म॒ यस्या॑र्चयः स॒म्यक् सं॑यन्ति धू॒मिनः॑ ।  
 यदी॒महं त्रि॑तो दि॒व्युप॒ ध्मातै॑व ध॒मति॑ शि॒शीते॑ ध्मा॒तरी॑ यथा ५  
 तवा॒हम॑ग्न ऊ॒तिभि॑ मि॒त्रस्य॑ च प्र॒शस्ति॑भिः ।  
 द्वे॒षोयु॑तो न दु॒रिता॑ तु॒र्याम॑ म॒र्त्याना॑म् ६  
 तं नो॑ अ॒ग्ने अ॒भी नरो॑ र॒यिं स॑हस्व॒ आ भ॑र ।  
 स क्षै॑पय॒त् स पौ॑षय॒द् भुव॑द् वा॒जस्य॑ सा॒तय॑ उ॒तैधि॑ पृ॒त्सु नो॑ वृ॒धे ७

(१०) दशमं सूक्तम्

(१-७) सप्तर्चस्यास्य सूक्तस्यात्रेयो गय ऋषिः । अग्निर्देवता । (१-३, ५-६)  
 प्रथमादितृचस्य पञ्चमीषष्ठ्योर्ऋचोश्चानुष्टुप् (४, ७) चतुर्थीसप्तम्योश्च पङ्क्तिश्छन्दसी  
 अ॒ग्न ओ॒जिष्ठ॑मा भ॑र द्यु॒म॒म॒स्मभ्य॑म॒धिगो॑ ।  
 प्र नो॑ रा॒या परी॑णसा॒ रत्सि॑ वा॒जाय॑ प॒न्थाम् १  
 त्वं नो॑ अ॒ग्ने अ॒द्भुत॑ क्र॒त्वा दक्ष॑स्य मु॒हना॑ ।  
 त्वे अ॒सुर्य॑श्मारु॒हत् क्रा॒णा मि॒त्रो न य॑ज्ञियः २  
 त्वं नो॑ अ॒ग्न ए॒षां ग॑र्यं पु॒ष्टिं च॑ वर्धय ।  
 ये स्तो॒मैभिः॑ प्र सू॒रयो॑ नरो॒ म॒घान्या॑न॒शुः ३  
 ये अ॒ग्ने च॒न्द्र ते गि॑रः श॒म्भन्त्य॑श्च॒राध॑सः ।  
 शु॒ष्मैभिः॑ श॒ष्मिणो॑ नरो॒ दि॒वश्चि॑द् येषां बृ॒हत् सु॑की॒र्तिर्बो॑ध॒ति त्मना॑ ४  
 तव॑ त्वे अ॒ग्ने अ॒र्चयो॑ भ्राज॒न्तो य॑न्ति धृ॒ष्णुया॑ ।  
 परि॒ज्मानो॑ न वि॒द्युतः॑ स्वा॒नो रथो॑ न व॒ज्रियुः॑ ५  
 नू नो॑ अ॒ग्न ऊ॒तयै॑ स॒बाध॑सश्च रा॒तयै॑ ।  
 अ॒स्माका॑सश्च सू॒रयो॑ विश्वा॒ आशा॑स्तरी॒षणि॑ ६  
 त्वं नो॑ अ॒ग्ने अ॒ङ्गिरः॑ स्तु॒तः स्तवा॑न॒ आ भ॑र ।  
 होत॑र्वि॒भ्वास॑हं र॒यिं स्तो॑तृ॒भ्यः स्तव॑से च न उ॒तैधि॑ पृ॒त्सु नो॑ वृ॒धे ७

(११) एकादशं सूक्तम्

(१-६) षडृचस्यास्य सूक्तस्यात्रेयः सुतम्भर ऋषिः । अग्निर्देवता । जगती छन्दः  
जनस्य गोपा अजनिष्ट जागृवि रग्निः सुदक्षः सुविताय नव्यसे ।  
घृतप्रतीको बृहता दिविस्पृशा द्युमद् वि भाति भरतेभ्यः शुचिः १  
यज्ञस्य केतुं प्रथमं पुरोहितं मग्निं नरस्त्रिषधस्थे समीधिरे ।  
इन्द्रेण देवैः सरथं स बर्हिषि सीदन्नि होता यजथाय सुक्रतुः २  
असंमृष्टो जायसे मात्रोः शुचिर्मन्द्रः कविरुदतिष्ठो विवस्वतः ।  
घृतेन त्वावर्धयन्नग्न आहुत धूमस्ते केतुरभवद् दिवि श्रितः ३  
अग्निर्नो यज्ञमुप वेतु साधुया ऽग्निं नरो वि भरन्ते गृहेगृहे ।  
अग्निर्दूतो अभवद्धव्यवाहनो ऽग्निं वृणाना वृणते कविक्रतुम् ४  
तुभ्येदमग्ने मदुमत्तमं वचस्तुभ्यं मनीषा इयमस्तु शं हृदे ।  
त्वां गिरः सिन्धुमिवावनीर्मही रा पृणन्ति शर्वसा वर्धयन्ति च ५  
त्वामग्ने अङ्गिरसो गुहा हित मन्वविन्दज्छश्रियाणं वनेवने ।  
स जायसे मथ्यमानः सहो महत् त्वामाहुः सहसस्पुत्रमङ्गिरः ६

(१२) द्वादशं सूक्तम्

(१-६) षडृचस्यास्य सूक्तस्यात्रेयः सुतम्भर ऋषिः । अग्निर्देवता । त्रिष्टुप् छन्दः  
प्राग्र्यै बृहते यज्ञियाय ऋतस्य वृष्णे असुराय मन्म ।  
घृतं न यज्ञ आस्येर् सुपूतं गिरं भरे वृषभार्य प्रतीचीम् १  
ऋतं चिकित्वा ऋतमिच्चिकिद्धयु तस्य धारा अनु तृन्धि पूर्वीः ।  
नाहं यातुं सहसा न द्वयेन ऋतं संपाम्यरुषस्य वृष्णाः २  
कया नो अग्न ऋतयन्तेन भुवो नवेदा उचर्थस्य नव्यः ।  
वेदा मे देव ऋतुपा ऋतूनां नाहं पतिं सनितुरस्य रायः ३  
के ते अग्ने रिपवे बन्धनासः के पायवः सनिषन्त द्युमन्तः ।  
के धासिमग्ने अनृतस्य पान्ति क आसतो वचसः सन्ति गोपाः ४  
सखायस्ते विषुणा अग्न एते शिवासः सन्तो अशिवा अभूवन् ।  
अधूर्षत स्वयमेते वचोभि ऋजूयते वृजिनानि ब्रुवन्तः ५  
यस्ते अग्ने नमसा यज्ञमीदं ऋतं स पात्यरुषस्य वृष्णाः ।  
तस्य क्षयः पृथुरा साधुरेतु प्रसस्त्राणस्य नहुषस्य शेषः ६

## (१३) त्रयोदशं सूक्तम्

(१-६) षडृचस्यास्य सूक्तस्यात्रेयः सुतम्भर ऋषिः । अग्निर्देवता । गायत्री छन्दः  
 अर्चन्तस्त्वा हवामहे ऽर्चन्तः समिधीमहि । अग्ने अर्चन्त ऊतये १  
 अग्नेः स्तोमं मनामहे सिध्मद्य दिविस्पृशः । देवस्य द्रविणस्यवः २  
 अग्निर्जुषत नो गिरो होता यो मानुषेष्वाम् । स यज्ञद् दैव्यं जनम् ३  
 त्वमग्ने सप्रथा असि जुष्टो होता वरैणयः । त्वया यज्ञं वि तन्वते ४  
 त्वामग्ने वाजसातमं विप्रां वर्धन्ति सुष्टुतम् । स नो रास्व सुवीर्यम् ५  
 अग्ने नेमिराँ इव देवाँस्त्वं परिभूरसि । आ राधश्चित्रमृञ्जसे ६

## (१४) चतुर्दशं सूक्तम्

(१-६) षडृचस्यास्य सूक्तस्यात्रेयः सुतम्भर ऋषिः । अग्निर्देवता । गायत्री छन्दः  
 अग्निं स्तोमैर्न बोधय समिधानो अमर्त्यम् । हव्या देवेषु नो दधत् १  
 तमध्वरेष्वीळते देवं मर्ता अमर्त्यम् । यजिष्ठं मानुषे जनै २  
 तं हि शश्वन्त ईळते सुचा देवं घृतश्रुता । अग्निं हव्याय वोळहवे ३  
 अग्निर्जातो अरोचत घ्नन् दस्यूञ्जयोतिषा तमः । अविन्दद् गा अपः स्वः ४  
 अग्निमीळेन्यं कविं घृतपृष्ठं सपर्यत । वेतु मे शृणवद्ध्रुवम् ५  
 अग्निं घृतेन वावृधुः स्तोमैर्भिर्विश्वचर्षणिम् । स्वाधीभिर्वचस्युभिः ६  
 द्वितीयोऽनुवाकः

। सू० १५ । ३२

## (१५) पञ्चदशं सूक्तम्

(१-५) पञ्चर्चस्यास्य सूक्तस्याङ्गिरसो धरुण ऋषिः । अग्निर्देवता ।

त्रिष्टुप् छन्दः

प्र वेधसै क्वये वेद्याय गिरं भरे यशसै पूर्व्याय ।  
 घृतप्रसक्तो असुरः सुशेवो रायो धर्ता धरुणो वस्वो अग्निः १  
 ऋतेन ऋतं धरुणं धारयन्त यज्ञस्य शाके परमे व्योमन् ।  
 दिवो धर्मन् धरुणं सेदुषो नृञ्जातैरजातां अभि ये ननुक्षुः २  
 अंहोयुर्वस्तुन्वस्तन्वते वि वयो महद् दुष्टरं पूर्व्याय ।  
 स संवतो नवजातस्तुतुर्यात् सिंहं न क्रुद्धमभितुः परिष्ठुः ३  
 मातेव यद् भरसे पप्रथानो जनंजनं धार्यसे चक्षसे च ।

वयोवयो जरसे यद् दधानः परि त्मना विषरूपो जिगासि ४  
वाजो नु ते शर्वसस्पात्वन्तं मुरुं दोर्ध धरुणं देव रायः ।  
पदं न तायुर्गुहा दधानो महो राये चितयन्नत्रिमस्पः ५

(१६) षोडशं सूक्तम्

(१-५) पञ्चर्चस्यास्य सूक्तस्यात्रेयः पूरुर्ऋषिः । अग्निर्देवता । (१-४)

प्रथमादिचतुर्ऋचामनुष्टुप् , (५) पञ्चम्याश्च पङ्क्तिश्छन्दसी  
बृहद् वयो हि भानवे ऽर्चा देवायाग्रयै ।  
यं इमत्रं न प्रशस्तिभिर्मर्तासो दधिरे पुरः १  
स हि द्युभिर्जनानां होता दक्षस्य ब्राह्मोः ।  
वि हव्यमग्निरानुषग्भगो न वारमृणवति २  
अस्य स्तोमैर्मघोनः सख्ये वृद्धशौचिषः ।  
विश्वा यस्मिन् तुविष्वणि समर्ये शुष्ममादधुः ३  
अधा ह्यग्न एषां सुवीर्यस्य मंहना ।  
तमिद् युहं न रोदसी परि श्रवो बभूवतुः ४  
नू न एहि वार्यमग्नैर्गृणान आ भर ।  
ये वयं ये च सूरयः स्वस्ति धामहे सचो तैर्धि पृत्सु नो वृधे ५

(१७) सप्तदशं सूक्तम्

(१-५) पञ्चर्चस्यास्य सूक्तस्यात्रेयः पूरुर्ऋषिः । अग्निर्देवता । (१-४)

प्रथमादिचतुर्ऋचामनुष्टुप् , (५) पञ्चम्याश्च पङ्क्तिश्छन्दसी  
आ युज्ञैर्देवमर्त्य इत्था तव्यासमूतयै ।  
अग्निं कृते स्वध्वरे पूरुरीळीतार्वसे १  
अस्य हि स्वयंशस्तर आसा विधर्मन् मन्यसे ।  
तं नार्कं चित्रशौचिषं मन्द्रं पुरो मनीषया २  
अस्य वासा उ अर्चिषा य आयुक्त तुजा गिरा ।  
दिवो न यस्य रेतसा बृहच्छोचन्त्यर्चयः ३  
अस्य क्रत्वा विचैतसो दस्मस्य वसु रथ आ ।  
अधा विश्वासु हव्यो ऽग्निर्विदु प्र शस्यते ४  
नू न इद्धि वार्यमासा सचन्त सूरयः ।

ऊ॒र्जो न॒पाद॒भिष्ट॑ये पा॒हि श॒ग्धि स्व॒स्तये उ॒तैधि॑ पृ॒त्सु नो॑ वृ॒धे ५

(१८) अष्टादशं सूक्तम्

(१-५) पञ्चर्चस्यास्य सूक्तस्य मृक्तवाहा आत्रेयो द्वित ऋषिः । अग्निर्देवता  
। (१-४) प्रथमादिचतुर्ऋचामनुष्टुप् , (५) पञ्चम्याश्च पङ्क्तिश्छन्दसी  
प्रातर॒ग्निः पु॒रुप्रि॑यो वि॒शः स्त॑वे॒ताति॑थिः ।  
वि॒श्वानि॑ यो अ॒मर्त्यो॑ ह॒व्या म॑र्तेषु रण॑यति १  
द्वि॒ताय॑ मृ॒क्तवा॑हसे स्व॒स्य द॑क्षस्य म॒हना॑ ।  
इ॒न्दुं स ध॑त्त आ॒नुष॑क् स्तो॒ता चि॑त् ते अ॒मर्त्य॑ २  
तं वो॑ दी॒र्घायु॑शोचिषं गि॒रा हु॑वे म॒घोना॑म् ।  
अ॒रि॒ष्टो येषां॑ रथो व्य॑श्वदाव॒न्नीय॑ते ३  
चि॒त्रा वा॒ येषु॑ दी॒र्घिति॑ रा॒सन्न॑वथा पा॒न्ति ये॑ ।  
स्ती॒र्णं ब॑र्हिः स्व॒र्णरे॑ श्रवा॒सि द॑धिरे परि॑ ४  
ये मे॑ पञ्चा॒शतं॑ द॒दु र॑श्वा॒नां स॒धस्तु॑ति ।  
द्यु॒मद॑ग्ने म॒हि श्रवो॑ बृ॒हत् कृ॑धि म॒घोना॑ नृ॒वद॑मृत नृ॒णाम् ५

(१९) एकोनविंशं सूक्तम्

(१-५) पञ्चर्चस्यास्य सूक्तस्यात्रेयो वव्रिर्ऋषिः । अग्निर्देवता । (१-२)  
प्रथमाद्वितीययोर्ऋचोर्गायत्री, (३-४) तृतीयाचतुर्थ्योरनुष्टुप् , (५) पञ्चम्याश्च विराड्रूपा छन्दांसि  
अ॒भ्यव॑स्थाः प्र जा॒यन्ते॑ प्र व॒व्रेर्व॑विश्चि॒केत॑ । उ॒पस्थे॑ मा॒तुर्वि॑ च॒ष्टे १  
जु॒हुरे वि॑ चि॒तय॑न्तो ऽनि॒मिषं॑ नृ॒मणं॑ पा॒न्ति । आ॒ दृ॒ळ्हां पु॑रं वि॒विशुः॑ २  
आ॒ श्वैत्रे॑यस्य ज॒न्तवो॑ द्यु॒मद् वर्ध॑न्त कृ॒ष्टयः॑ ।  
नि॒ष्क॒ग्री॒वो बृ॑हदु॒क्थ ए॒ना म॑ध्वा न वा॒जयुः॑ ३  
प्रि॒यं दु॒ग्धं न॑ का॒म्य म॑जा॒मि जा॒म्योः स॒चा ।  
घ॒र्मो न॑ वा॒जज॑ठ॒रो ऽद॑ब्धः श॒श्वतो॑ द॒भः ४  
क्री॒ळन् नो॑ रश्म॒ आ भु॑वः सं भ॒स्मना॑ वा॒युना॑ वे॒वि॒दानः॑ ।  
ता अ॒स्य सन् धृ॑ष॒जो न॑ ति॒ग्माः सु॑स॒शिता॑ व॒क्ष्यो व॑क्षणे॒स्थाः ५

(२०) विंशं सूक्तम्

(१-४) चतुर्ऋचस्यास्य सूक्तस्यात्रेयाः प्रयस्वन्त ऋषयः । अग्निर्देवता । (१-३)  
प्रथमादितृचस्यानुष्टुप् , (४) चतुर्थ्या ऋचश्च पङ्क्तिश्छन्दसी  
यमग्ने वाजसातम् त्वं चिन् मन्यसे रयिम् ।  
तं नो गीर्भिः श्रवाय्यं देवत्रा पनया युजम् १  
ये अग्ने नेरयन्ति ते वृद्धा उग्रस्य शर्वसः ।  
अप द्वेषो अप हरो ऽन्यव्रतस्य सश्चिरे २  
होतारं त्वा वृणीमहे ऽग्ने दक्षस्य साधनम् ।  
यज्ञेषु पूर्वं गिरा प्रयस्वन्तो हवामहे ३  
इत्था यथा त ऊतये सहसावन् दिवेदिवे ।  
राय ऋताय सुक्रतो गोभिः प्याम सधमादौ वीरैः स्याम सधमादः ४

(२१) एकविंशं सूक्तम्

(१-४) चतुर्ऋचस्यास्य सूक्तस्यात्रेयः सस ऋषिः । अग्निर्देवता । (१-३)  
प्रथमादितृचस्यानुष्टुप् , (४) चतुर्थ्या ऋचश्च पङ्क्तिश्छन्दसी  
मनुष्वत् त्वा नि धीमहि मनुष्वत् समिधीमहि ।  
अग्ने मनुष्वदङ्गिरो देवान् देवयते यज १  
त्वं हि मानुषे जने ऽग्ने सुप्रीत इध्यसे ।  
स्रुचस्त्वा यन्त्यानुषक् सुजात सर्पिरासुते २  
त्वां विश्वे सजोषसो देवासो दूतमक्रत ।  
सपर्यन्तस्त्वा कवे यज्ञेषु देवमीळते ३  
देवं वो देवयज्यया ऽग्निमीळीतु मर्त्यः ।  
समिद्धः शुक्र दीदिह्यु तस्य योनिमासदः ससस्य योनिमासदः ४

(२२) द्वाविंशं सूक्तम्

(१-४) चतुर्ऋचस्यास्य सूक्तस्यात्रेयो विश्वसामा ऋषिः । अग्निर्देवता । (१-३)  
प्रथमादितृचस्यानुष्टुप् , (४) चतुर्थ्या ऋचश्च पङ्क्तिश्छन्दसी  
प्र विश्वसामन्नत्रिव दर्चा पावकशौचिषे ।  
यो अर्ध्वरेष्वीड्यो होता मन्द्रतमो विशि १  
न्यग्निं जातवैदसं दधाता देवमृत्विजम् ।  
प्र यज्ञ एत्वानुष गृह्या देवव्यचस्तमः २

चि॒कि॒त्वि॒न्म॒न॒सं त्वा दे॒वं म॒र्ता॒स ऊ॒तयै ।  
 वरै॒रय॒स्य तेऽव॑स इ॒याना॑सौ अ॒मन्म॑हि ३  
 अ॒ग्ने चि॒कि॒द्ध॒य॑स्य न इ॒दं व॒चः स॒हस्य ।  
 तं त्वा॑ सु॒शिप्र॑ दंप॒ते स्तो॒मैर्व॒धन्त्य॑त्र॒यो गी॒र्भिः शु॒म्भन्त्य॑त्र॒यः ४

(२३) त्रयोविंशं सूक्तम्

(१-४) चतुर्ऋचस्यास्य सूक्तस्यात्रेयो विश्वर्चर्षिर्द्युम्न ऋषिः । अग्निर्देवता । (१-  
 ३) प्रथमादितृचस्यानुष्टुप् , (४) चतुर्थ्या ऋचश्च पङ्क्तिश्छन्दसी  
 अ॒ग्ने स॒ह॒न्त॒मा भ॑र द्यु॒म्नस्य॑ प्रा॒स॒हो र॒यिम् ।  
 वि॒श्वा य॒श्चर्ष॑णी॒रभ्या॑ऽसा वा॒जेषु॑ सा॒स॒हत् १  
 तम॑ग्ने पृ॒त॒ना॒ष॒हं र॒यिं स॒ह॒स्व आ भ॑र ।  
 त्वं हि स॒त्यो अ॒द्भुतो॑ दा॒ता वा॒जस्य॑ गो॒म॒तः २  
 वि॒श्वे हि त्वा॑ स॒जोष॑सो ज॒ना॒सो वृ॒क्त॒र्ब॒र्हिषः ।  
 हो॒ता॒रं स॒द्य॑सु प्रि॒यं व्य॑न्ति वा॒र्या पु॒रु ३  
 स हि ष्मा॑ वि॒श्व॒र्च॒र्षि॒ण र॒भि॒मा॒ति स॒हो दु॒धे ।  
 अ॒ग्ने ए॒षु क्ष॑ये॒ष्वा रे॒व॒न्नः शु॒क्र दी॑दिहि द्यु॒मत् पा॑व॒क दी॑दिहि ४

(२४) चतुर्विंशं सूक्तम्

(१-४) चतुर्ऋचस्यास्य सूक्तस्य बन्धुः सुबन्धुः श्रुतबन्धुर्विप्रबन्धुश्च गौपायना  
 लौपायना वा क्रमेणर्षयः । अग्निर्देवता । द्विपदा विराट् छन्दः  
 अ॒ग्ने त्वं नो॑ अ॒न्त॒म उ॒त त्रा॒ता शि॒वो भ॑वा वरू॒थ्यः १  
 वसु॑र॒ग्निर्वसु॑श्च॒वा अ॒च्छा न॑क्षि द्यु॒मत्त॑मं र॒यिं दा॑ः १ २  
 स नो॑ बो॒धि श्रु॒धी ह॒व॒मु॒रु॒ष्या णो॑ अ॒घाय॑तः स॒म॒स्मात् ३  
 तं त्वा॑ शो॒चि॒ष्ठ दी॑दिवः सु॒म्नाय॑ नू॒नमी॑महे स॒खि॒भ्यः २ ४

(२५) पञ्चविंशं सूक्तम्

(१-६) नवर्चस्यास्य सूक्तस्यात्रेया वसूयव ऋषयः । अग्निर्देवता । अनुष्टुप् छन्दः  
 अ॒च्छा वो अ॒ग्नि॒म॒व॒से दे॒वं गा॑सि स नो॑ वसुः ।  
 रा॒स॒त् पु॒त्र ऋ॒षू॒णा मृ॒तावा॑ प॒र्षति॑ द्वि॒षः १  
 स हि स॒त्यो यं पूर्वे॑ चि॒द् दे॒वा॒स॒श्चि॒द् यमी॑धिरे ।



होतारं मुन्द्रजिह्वमित् सुदीतिभिर्विभावंसुम् २  
 स नो धीती वरिष्ठया श्रेष्ठया च सुमत्या ।  
 अग्रे रायो दिदीहि नः सुवृक्तिभिर्वरेण्य ३  
 अग्निर्देवेषु राजत्यग्निर्मर्तेष्वाविशन् ।  
 अग्निर्नो हव्यवाहनो ऽग्निं धीभिः संपर्यत ४  
 अग्निस्तुविश्रवस्तमं तुविब्रह्माणमुत्तमम् ।  
 अतूतं श्रावयत्पतिं पुत्रं ददाति दाशुषे ५  
 अग्निर्ददाति सत्पतिं सासाह यो युधा नृभिः ।  
 अग्निरत्यं रघुष्यदं जेतारमपराजितम् ६  
 यद् वाहिष्ठं तदग्र्यै बृहदर्च विभावसो ।  
 महिषीव त्वद् रुयिस्त्वद् वाजा उदीरते ७  
 तव द्युमन्तो अर्चयो ग्रावैवोच्यते बृहत् ।  
 उतो तै तन्यतुर्यथा स्वानो अर्तु त्मना दिवः ८  
 एवाँ अग्निं वसूयवः सहसानं ववन्दिम ।  
 स नो विश्वा अति द्विषुः पर्षन्नावेव सुक्रतुः ९

(२६) षड्विंशं सूक्तम्

(१-६) नवर्चस्यास्य सूक्तस्यात्रेया वसूयव ऋषयः । (१-८) प्रथमाद्यष्टर्चामग्निः,

(९) नवम्याश्च लिङ्गोक्ता देवताः । गायत्री छन्दः

अग्रे पावक रोचिषा मुन्द्रया देव जिह्वया । आ देवान् वक्षि यक्षि च १  
 तं त्वा घृतस्त्रवीमहे चित्रभानो स्पर्द्धशम् । देवाँ आ वीतये वह २  
 वीतिहौत्रं त्वा कवे द्युमन्तुं समिधीमहि । अग्रे बृहन्तमध्वरे ३  
 अग्रे विश्वेभिरा गहि देवेभिर्हव्यदातये । होतारं त्वा वृणीमहे ४  
 यजमानाय सुन्वत आग्रे सुवीर्यं वह । देवैरा संत्सि बर्हिषि ५  
 समिधानः सहस्रजि दग्ने धर्माणि पुष्यसि । देवानां दूत उक्थ्यः ६  
 न्यःग्निं जातवेदसं होत्रवाहं यविष्ठयम् । दधाता देवमृत्विजम् ७  
 प्र यज्ञ एत्वानुष गुद्या देवव्यचस्तमः । स्तृणीत बर्हिरासदे ८  
 एदं मरुतो अश्विना मित्रः सीदन्तु वरुणः । देवासः सर्वया विशा ९

(२७) सप्तविंशं सूक्तम्

(१-६) षडृचस्यास्य सूक्तस्य त्रैवृष्णस्यरुणः पौरुकुत्स्यस्त्रसदस्युर्भारतोऽश्वमेधश्च  
 राजानो भोमौऽत्रिर्वा ऋषिः । (१-५) प्रथमादिपञ्चर्चामग्निः, (६) षष्ठ्याश्चेन्द्राग्नी  
 देवते । (१-३) प्रथमतृचस्य त्रिष्टुप्, (४-६) द्वितीयतृचस्य चानुष्टुप् छन्दसी  
 अनस्वन्ता सत्पतिर्मामहे मे गावा चेतिष्टो असुरो मघोनः ।  
 त्रैवृष्णो अग्ने दशभिः सहस्रैर्वैश्वानर त्र्यरुणश्चिकेत १  
 यो मे शता च विंशतिं च गोनां हरीं च युक्ता सुधुरा ददाति ।  
 वैश्वानर सुष्टुतो वावृधानो ऽग्ने यच्छ त्र्यरुणाय शर्म २  
 एवा ते अग्ने सुमतिं चकानो नविष्ठाय नवमं त्रसदस्युः ।  
 यो मे गिरस्तुविजातस्य पूर्वा युक्तेनाभि त्र्यरुणो गृणाति ३  
 यो म इति प्रवोच त्वश्वमेधाय सूर्यै ।  
 ददद्वा सनिं यते ददन्मेधामृतायते ४  
 यस्य मा परुषाः शत मुद्धर्षयन्त्युक्षणः ।  
 अश्वमेधस्य दानाः सोमा इव त्र्याशिरः ५  
 इन्द्राग्नी शतदाव्यश्वमेधे सुवीर्यम् ।  
 क्षत्रं धारयतं बृहद् दिवि सूर्यमिवाजरम् ६

(२८) अष्टाविंशं सूक्तम्

(१-६) षडृचस्यास्य सूक्तस्यात्रेयी विश्ववारा ऋषिका । अग्निर्देवता । (१, ३)  
 प्रथमर्चस्तृतीयायाश्च त्रिष्टुप्, (२) द्वितीयाया जगती, (४) चतुर्थ्या अनुष्टुप्,  
 (५-६) पञ्चमीषष्ठ्योश्च गायत्री छन्दांसि  
 समिद्धो अग्निर्दिवि शोचिरंश्रेत् प्रत्यङ्ङुषसुर्विया वि भाति ।  
 एति प्राचीं विश्ववारा नमो भिर्देवाँ ईळाना हविषा घृताचीं १  
 समिध्यमानो अमृतस्य राजसि हविष्कृणवन्तं सचसे स्वस्तये ।  
 विश्वं स धत्ते द्रविणं यमिन्व स्यातिथ्यमग्ने नि च धत्त इत् पुरः २  
 अग्ने शर्ध महते सौभगाय तव द्युमन्युत्तमानि सन्तु ।  
 सं जास्पत्यं सुयममा कृणुष्व शत्रूयतामभि तिष्ठा महांसि ३  
 समिद्धस्य प्रमहसो ऽग्ने वन्दे तव श्रियम् ।  
 वृषभो द्युम्रवाँ असि समध्वरेष्विध्यसे ४  
 समिद्धो अग्न आहुत देवान् यक्षि स्वध्वर । त्वं हि हव्यवाळसि ५  
 आ जुहोता दुवस्यताऽग्निं प्रयत्यध्वरे । वृणीध्वं हव्यवाहनम् ६

(२६) एकोनत्रिंशं सूक्तम्

(१-१५) पञ्चदशर्चस्यास्य सूक्तस्य शाक्त्यो गौरिवीतिर्ऋषिः । इन्द्रो देवता,  
तत्रापि (६) नवम्या ऋचः प्रथमपादस्योशना वा देवता । त्रिष्टुप् छन्दः  
त्र्यर्यमा मनुषो देवताता त्री रौचना दिव्या धारयन्त ।  
अर्चन्ति त्वा मरुतः पूतदक्षा स्त्वमेषामृषिरिन्द्रासि धीरः १  
अनु यदी मरुतो मन्दसान मार्चन्निन्द्र पपिवांसं सुतस्य ।  
आदत्त वज्रमभि यदहिं ह न्नपो यहीरसृजत् सर्तवा उ २  
उत ब्रह्माणो मरुतो मे अस्येन्द्रः सोमस्य सुषुतस्य पेयाः ।  
तद्धि हव्यं मनुषे गा अविन्द दहन्नहिं पपिवाँ इन्द्रो अस्य ३  
आद् रोदसी वितरं वि ष्कभायत् संविव्यानश्चिद् भियसे मृगं कः ।  
जिगर्तिमिन्द्रो अपजर्गुराणः प्रति श्वसन्तमव दानवं हन् ४  
अध क्रत्वा मघवन् तुभ्यं देवा अनु विश्वे अददुः सोमपेयम् ।  
यत् सूर्यस्य हरितः पतन्तीः पुरः सतीरुपरा एतशे कः ५  
नव यदस्य नवतिं च भोगान् त्साकं वज्रेण मघवा विवृश्चत् ।  
अर्चन्तीन्द्र मरुतः सधस्थे त्रैष्टुभेन वचसा बाधत द्याम् ६  
सखा सख्यै अपचत् तूर्यमग्नि रस्य क्रत्वा महिषा त्री शतानि ।  
त्री साकमिन्द्रो मनुषः सरांसि सुतं इपेबद् वृत्रहत्यायु सोमम् ७  
त्री यच्छता महिषाणामघो मा स्त्री सरांसि मघवा सोम्यापाः ।  
कारं न विश्वे अहन्त देवा भरमिन्द्राय यदहिं जघान ८  
उशना यत् सहस्यैरयातं गृहमिन्द्र जूजुवानेभिरश्वैः ।  
वन्वानो अत्र सरथं ययाथ कुत्सेन देवैरवनोर्ह शुष्णम् ९  
प्रान्यच्चक्रमवृहः सूर्यस्य कुत्सायान्यद् वरिवो यातवेऽकः ।  
अनासो दस्यूरमृणो वधेन नि दुर्योण आवृणद् मध्रवाचः १०  
स्तोमासस्त्वा गौरिवीतेरवर्ध न्नरन्धयो वैदथिनाय पिप्रुम् ।  
आ त्वामृजिश्वा सख्याय चक्रे पचन् पत्नीरपिबः सोममस्य ११  
नवग्वासः सुतसौमास इन्द्रं दशग्वासो अभ्यर्चन्त्यकैः ।  
गव्यं चिदूर्वमपिधानवन्तं तं चिन्नरः शशमाना अप वन् १२  
कथो नु ते परि चराणि विद्वान् वीर्या मघवन् या चकर्थ ।  
या चो नु नव्या कृणवः शविष्ठ प्रेदु ता ते विदथेषु ब्रवाम १३

ए॒ता वि॒श्वा च॒कृ॒वाँ इ॒न्द्र भूर्य॑ प॒रीतो ज॒नुषा वी॒र्येण॑ ।  
 या चि॒न्नु व॑ज्रिन् कृ॒णवौ दधृ॑ष्वान् न तै व॒र्ता तवि॑ष्या अ॒स्ति तस्याः॑ १४  
 इन्द्र॑ ब्र॒ह्म क्रि॒यमा॑णा जुषस्व॒ या तै श॒विष्ट॒ नव्या॑ अ॒कर्म॑ ।  
 वस्त्रै॑व भ॒द्रा सु॒कृता॑ वसू॒यू रथं॑ न धी॒रः स्व॒पा अ॒तक्ष॑म् १५

(३०) त्रिंशं सूक्तम्

(१-१५) पञ्चदशर्चस्यास्य सूक्तस्यात्रेयो वभुर्ऋषिः । (१-११)

प्रथमाद्येकादशर्चामिन्द्रः, (१२-१५) द्वादश्यादिचतसृणाञ्च ऋणञ्चयेन्द्रौ देवते ।

त्रिष्टुप् छन्दः

क्व॑स्य वी॒रः को अ॑पश्यदिन्द्रं सु॒खर॑थमी॒र्यमा॑नं ह॒रिभ्या॑म् ।  
 यो रा॒या व॒ज्री सु॒तसौ॑ममिच्छन् तदो॒को ग॒न्ता पुरु॑हूत ऊ॒ती १  
 अवा॑चचक्षं प॒दमे॑स्य स॒स्व रु॒ग्रं नि॒धातु॑रन्वा॒यमिच्छ॑न् ।  
 अपृ॑च्छम॒न्याँ उ॒त ते म॑ आ॒हु रिन्द्रं॑ नरौ बु॒बुधा॑ना अ॒शेम २  
 प्र नु व॒यं सु॒ते या तै कृ॒तानी॑न्द्र ब्र॒वाम॑ या॒नि नो जु॒जौषः॑ ।  
 वेद॑दवि॒द्वाञ्छृ॒णव॑च्च वि॒द्वान् वह॑तेऽयं म॒घवा॑ सर्व॒सेनः॑ ३  
 स्थि॒रं म॒नश्च॑कृ॒षे जा॒त इ॒न्द्र वेषी॑दे॒को यु॒धये॑ भूर्य॒सश्चित्॑ ।  
 अश्मा॑नं चि॒च्छव॑सा दि॒द्युतो॑ वि वि॒दो ग॒वा॒मूर्व॑मु॒स्त्रिया॑णाम् ४  
 प॒रो यत् त्वं प॑र॒म आ॒जनि॑ष्ठाः प॒राव॑ति श्रु॒त्यं नाम॑ बिभ्रत् ।  
 अ॒तश्चि॑दिन्द्रा॒दभ॑यन्त दे॒वा वि॒श्वा अपो॑ अ॒जय॑द् दा॒सप॑त्नीः ५  
 तुभ्ये॑दे॒ते म॒रुतः॑ सु॒शेवा॑ अ॒र्चन्त्य॑र्कं सु॒न्वन्त्य॑न्धः ।  
 अहि॑मो॒हान॑म॒प आ॒शया॑नं प्र मा॒याभि॑र्मा॒यिनं॑ स॒क्षदिन्द्रः॑ ६  
 वि षू मृ॒धौ ज॒नुषा॑ दा॒नमि॒न्व ब्र॒ह्म ग॒वा म॑घवन् त्सं॒चका॑नः ।  
 अत्रा॑ दा॒सस्य॑ न॒र्मुचेः॑ शि॒रो य॒दव॑र्तयो म॒नवे॑ गा॒तुमिच्छ॑न् ७  
 यु॒जं हि मा॑मकृ॒था आ॒दिदि॑न्द्र शि॒रौ दा॑सस्य न॒र्मुचे॑र्म॒थाय॑न् ।  
 अश्मा॑नं चि॒त् स्वर्य॑ व॒र्तमा॑नं प्र च॒क्रियै॑व रोद॑सी म॒रुद्भ्यः॑ ८  
 स्त्रि॒यो हि दा॑स आ॒युधा॑नि च॒क्रे किं मा॑ कर॒न्नब॑ला अस्य॒ सेनाः॑ ।  
 अ॒न्तर्ह्य॑ख्यदु॒भे अस्य॑ धेने अथो॒प प्रैद् यु॒धये॑ दस्युमिन्द्रः ९  
 स॒मत्र॑ गा॒वोऽभि॑तौऽन॒वन्ते॑ हे॒ह व॒त्सैर्वि॑यु॒ता यदा॑सन् ।  
 सं ता इन्द्रौ॑ असृ॒जद॑स्य शा॒कै र्यदी॑ सोमा॒सः सु॑षु॒ता अ॒मन्द॑न् १०  
 यदी॑ सोमा॒ बभ्रु॑धू॒ता अ॒मन्द॑न्नरौ॒रवी॑द् वृष॒भः सा॒दने॑षु ।

पुरंदरः पपिवाँ इन्द्रो अस्य पुनर्गवामददादुस्त्रियाणाम् ११  
भद्रमिदं रुशमा अग्रे अक्रन् गवां चत्वारि ददतः सहस्रा ।  
ऋणंचयस्य प्रयता मघानि प्रत्यग्रभीष्म नृतमस्य नृणाम् १२  
सुपेशसं माव सृजन्त्यस्तं गवां सहस्रै रुशमासो अग्रे ।  
तीव्रा इन्द्रमममन्दुः सुतासो ऽक्तोर्व्युष्टौ परितकम्यायाः १३  
औच्छत् सा रात्री परितकम्या याँ ऋणंचये राजनि रुशमानाम् ।  
अत्यो न वाजी रघुरज्यमानो बभ्रुश्चत्वार्यसनत् सहस्रा १४  
चतुःसहस्रं गव्यस्य पश्वः प्रत्यग्रभीष्म रुशमेष्वग्रे ।  
धर्मश्चित् तप्तः प्रवृजे य आसी दयस्मयस्तम्वादाम् विप्राः १५

(३१) एकत्रिंशं सूक्तम्

(१-१३) त्रयोदशर्चस्यास्य सूक्तस्यात्रेय अवस्युर्ऋषिः । (१-७, ८, १०-१३)

प्रथमादिसप्तर्चामष्टम्याः प्रथमद्वितीयपादयोर्दशम्यादिचतसृणाञ्चेन्द्रः (८)

अष्टम्यास्तृतीयपादस्येन्द्रः कुत्सो वा, चतुर्थपादस्येन्द्र उशना वा, (९)

नवम्याश्चेन्द्राकुत्सौ देवताः । त्रिष्टुप् छन्दः

इन्द्रो रथाय प्रवर्त कृणोति यमध्यस्थान्मघवा वाजयन्तम् ।  
यूथेव पश्वो व्युनोति गोपा अरिष्टो याति प्रथमः सिषासन् १  
आ प्र द्रव हरिवो मा वि वैनः पिशङ्गराते अभि नः सचस्व ।  
नहि त्वदिन्द्र वस्यो अन्यदस्त्य मेनाँश्चिज्जनिवतश्चकर्थ २  
उद्यत् सहः सहस्र आर्जनिष्ट देदिष्ट इन्द्र इन्द्रियाणि विश्वा ।  
प्राचौदयत् सुदुधा ववे अन्त वि ज्योतिषा संववृत्वत् तमोऽवः ३  
अनवस्ते रथमश्वाय तक्षन् त्वष्टा वज्रं पुरुहूत द्युमन्तम् ।  
ब्रह्माण इन्द्र महयन्तो अर्के रवर्धयन्नहये हन्तवा उ ४  
वृष्णे यत् ते वृषणो अर्कमर्चा निन्द्र ग्रावाणो अदितिः सजोषाः ।  
अनश्वासो ये पवयोऽरथा इन्द्रैषिता अभ्यवर्तन्त दस्यून् ५  
प्र ते पूर्वाणि करणानि वोचं प्र नूतना मघवन् या चकर्थ ।  
शक्तीवो यद् विभरा रोदसी उभे जयन्नपो मनवे दानुचित्राः ६  
तदिन्नु ते करणं दस्म विप्रा ऽहिं यद् घ्नन्नोजो अत्रामिमीथाः ।  
शुष्णस्य चित् परि माया अगृह्णाः प्रपित्वं यन्नप दस्यूरसेधः ७

त्वमपो यदेवे तुर्वशायाऽरमयः सुदुधाः पार इन्द्र ।  
 उग्रमयातुमर्वहो ह कुत्सं सं ह यद् वामुशनारन्त देवाः ८  
 इन्द्राकुत्सा वहमाना रथेनाऽऽ वामत्या अपि कर्णे वहन्तु ।  
 निः षीमृद्धो धर्मथो निः षधस्थान् मुघोनौ हदो वरथस्तमांसि ९  
 वार्तस्य युक्तान् त्सुयुजश्चिदश्चान् कविश्चिदेषो अजगन्नवस्युः ।  
 विश्वे ते अत्र मरुतः सखायु इन्द्र ब्रह्माणि तविषीमवर्धन् १०  
 सूरश्चिद् रथं परितक्म्यायां पूर्वं करदुपरं जूजुवांसम् ।  
 भरश्चक्रमेतशः सं रिणाति पुरो दधत् सनिष्यति क्रतुं नः ११  
 आयं जना अभिचक्षे जगामेन्द्रः सखायं सुतसौममिच्छन् ।  
 वदन् ग्रावाव वेदिं इभ्रयाते यस्य जीरमध्वर्यवश्चरन्ति १२  
 ये चाकनन्त चाकनन्त नू ते मर्ता अमृत मो ते अंह आरन् ।  
 वावन्धि यज्यूरुत तेषु धेह्यो ज्ञो जनेषु येषु ते स्याम १३

(३२) द्वात्रिंशं सूक्तम्

(१-१२) द्वादशर्चस्यास्य सूक्तस्यात्रेयो गातुर्ऋषिः । इन्द्रो देवता । त्रिष्टुप् छन्दः  
 अर्दरुत्समसृजो वि खानि त्वमर्णवान् बद्धधानाँ अरम्णाः ।  
 महान्तमिन्द्र पर्वतं वि यद् वः सृजो वि धारा अव दानुवं हन् १  
 त्वमुत्साँ ऋतुभिर्बद्धधानाँ अरह ऊधः पर्वतस्य वज्रिन् ।  
 अहिं चिदुग्र प्रयुतं शयानं जघन्वाँ इन्द्र तविषीमधत्थाः २  
 त्यस्य चिन्महतो निर्मृगस्य वधर्जघान् तविषीभिरिन्द्रः ।  
 य एक इदप्रतिर्मन्यमान् आदस्मादन्यो अजनिष्ट तव्यान् ३  
 त्यं चिदेषां स्वधया मदन्तं इमहो नपातं सुवृधं तमोगाम् ।  
 वर्षप्रभर्मा दानवस्य भामं वज्रेण वज्री नि जघान् शुष्णाम् ४  
 त्यं चिदस्य क्रतुभिर्निषत्तम मर्मणौ विददिदस्य मर्म ।  
 यदीं सुक्षत्र प्रभृता मदस्य युयुत्सन्तं तमसि हर्म्ये धाः ५  
 त्यं चिदित्था केत्पयं शयानमसूर्ये तमसि वावृधानम् ।  
 तं चिन्मन्दानो वृषभः सुतस्यो द्यैरिन्द्रौ अपगूर्या जघान ६  
 उद् यदिन्द्रौ महते दानवाय वधर्यमिष्ट सहो अप्रतीतम् ।  
 यदीं वज्रस्य प्रभृतौ ददाभु विश्वस्य जन्तोरधमं चकार ७  
 त्यं चिदर्णं मधुपं शयानमसिन्वं व्रं मह्यादुग्रः ।

अपादमृत्रं मंहता वधेन नि दुर्योण आवृणइ मृधवाचम् ८  
को अस्य शुष्मं तविषीं वरात् एको धना भरते अप्रतीतः ।  
इमे चिदस्य जयसो नु देवी इन्द्रस्यौजसो भियसा जिहाते ९  
न्यस्मै देवी स्वधितिर्जिहीत् इन्द्राय गातुरुशतीव येमे ।  
सं यदोजौ युवते विश्वमाभिरनु स्वधानै क्षितयो नमन्त १०  
एकं नु त्वा सत्पतिं पाञ्चजन्यं जातं शृणोमि यशसं जनैषु ।  
तं मै जगृभ्र आशसो नविष्ठं दोषा वस्तोर्हवमानास इन्द्रम् ११  
एवा हि त्वामृतुथा यातयन्तं मृघा विप्रैभ्यो ददतं शृणोमि ।  
किं ते ब्रह्माणो गृहते सखायो ये त्वाया निदधुः काममिन्द्र १२  
द्वितीयोऽध्यायः ।

। व० १ । २८

तृतीयोऽनुवाकः

। सू० ३३-४४

(३३) त्रयस्त्रिंशं सूक्तम्

(१-१०) दशर्चस्यास्य सूक्तस्य प्राजापत्यः संवरण ऋषिः । इन्द्रो देवता ।

त्रिष्टुप् छन्दः

महिं महे तवसे दीध्ये नृ निन्द्रायेत्था तवसे अतव्यान् ।  
यो अस्मै सुमतिं वार्जसातौ स्तुतो जनै समर्यश्चिकेत १  
स त्वं न इन्द्र धियसानो अकैर् हरीणां वृषन् योक्त्रमश्रेः ।  
या इत्था मघवन्ननु जोषं वक्षौ अभि प्रार्यः सक्षि जनान् २  
न ते त इन्द्राभ्यस्मदृष्वाऽयुक्तासो अब्रह्मता यदसन् ।  
तिष्ठा रथमधि तं वज्रहस्ता ऽऽरश्मिं देव यमसे स्वश्वः ३  
पुरू यत् त इन्द्र सन्त्युक्था गर्वे चकथोर्वरासु युध्यन् ।  
तत्क्षे सूर्याय चिदोर्कसि स्वे वृषा समत्सु दासस्य नाम चित् ४  
वयं ते त इन्द्र ये च नरः शर्धौ जज्ञाना याताश्च रथाः ।  
आस्माञ्जगम्यादहिशुष्म सत्वा भर्गो न हव्यः प्रभृथेषु चारुः ५  
पृष्टेणयमिन्द्र त्वे ह्योजौ नृम्णानि च नृतमानो अमर्तः ।  
स न एनी वसवानो रयिं दाः प्रार्यः स्तुषे तुविमघस्य दानम् ६  
एवा न इन्द्रोतिभिरेव पाहि गृणतः शूर कारून् ।

उ॒त त्वचं॑ द॒दतो॑ वा॒जसा॑तौ पि॒प्रीहि॑ म॒ध्वः सु॑षु॒तस्य॑ चा॒रौः ७  
 उ॒त त्वे मा॑ पौरु॒कुत्स्य॑स्य॒ सूर॑स्त्र॒सद॑स्योर्हि॒रणि॑नो ररा॒णाः ।  
 वह॑न्तु मा॒ दश॑ श्येता॒सो अ॒स्य गैरि॑क्षित॒स्य क्र॑तुभि॒र्नु सं॒श्वे ८  
 उ॒त त्वे मा॑ मा॒रुता॑श्च॒स्य शो॒णाः क्र॑त्वा॒मघा॑सो वि॒दथ॑स्य रा॒तौ ।  
 स॒हस्रा॑ मे च्य॒वतानो॑ द॒दान॑ आ॒नूक॑म॒र्यो व॑पु॒षे ना॑र्चत् ९  
 उ॒त त्वे मा॑ ध्व॒न्यस्य॑ जु॒ष्टा ल॑क्ष्म॒ण्यस्य॑ सु॒रुचो॑ यता॒नाः ।  
 म॒ह्ना रा॒यः सं॒वर॑ण॒स्य ऋ॒षे र्व॑जं न गा॒वः प्र॑य॒ता अ॒पि ग॑मन् १०

(३४) चतुस्त्रिंशं सूक्तम्

(१-९) नवर्चस्यास्य सूक्तस्य प्राजापत्यः संवरण ऋषिः । इन्द्रो देवता । (१-८)

प्रथमाद्यष्टर्चा जगती (९) नवम्याश्च त्रिष्टुप् छन्दसी

अजा॑तशत्रु॒म॒जरा॑ स्व॒र्व॒ त्यनु॑ स्व॒धामि॑ता दु॒स्ममी॑यते ।  
 सु॒नोत॑न् प॒चत् ब्र॑ह्म॒वाह॑से पु॒रुष्टा॑य प्र॒त॒रं द॑धातन १  
 आ यः सो॒मैन॑ ज॒ठर॑मपि॒प्र॒ता ऽम॑न्दत म॒घवा॑ म॒ध्वो अ॒न्ध॒सः ।  
 यदी॑ मृ॒गाय॑ हन्त॒वे म॒हाव॑धः स॒हस्र॑भृष्टिमु॒शना॑ वृ॒धं य॑मत् २  
 यो अ॒स्मै घृ॑स उ॒त वा॑ य ऊ॒र्धनि॑ सोमं सु॒नोति॑ भव॒ति द्यु॒माँ अ॒ह ।  
 अ॒पाप॑ श॒क्रस्त॑तनु॒ष्टि॒मू॒हति॑ त॒नूशु॑भ्रं म॒घवा॑ यः क॒वास॑खः ३  
 यस्या॑व॒धीत् पि॒तरं॑ यस्य॒ मा॒तरं॑ यस्य॒ श॒क्रो भ्रा॑तरं॒ नात॑ ईषते ।  
 वेती॑द्व॒स्य प्र॑य॒ता यत॑क॒रो न कि॒ल्बि॑षादीषते वस्व॒ आ॒क्रः ४  
 न प॒ञ्चभि॑र्दशभिर्वष्टा॒रभं॑ नासु॒न्वता॑ सच॒ते पु॒ष्यता॑ च॒न ।  
 जि॒नाति॑ वेद॒मुया॑ हन्ति॒ वा धु॒नि रा॑ दे॒वयुं॑ भ॒जति॑ गो॒मति॑ वृ॒जे ५  
 वि॒त्वक्ष॑णः स॒मृतौ॑ चक्रमा॒स॒जो ऽसु॑न्वतो वि॒षुणः॑ सु॒न्वतो॑ वृ॒धः ।  
 इन्द्रो॑ विश्व॒स्य द॑मि॒ता वि॒भीष॑णो यथाव॒शं न॑यति दा॒समा॑र्यः ६  
 समी॑ प॒णेर॑जति॒ भो॒जनं॑ मु॒षे वि॒ दा॒शुषे॑ भ॒जति॑ सू॒नरं॑ वसु ।  
 दु॒र्गे च॒न ध्रि॑यते॒ विश्व॑ आ पु॒रु ज॑नो यो अ॒स्य त॑र्वि॒षीम॑चु॒क्रुध॑त् ७  
 सं य॒ज्जनौ॑ सु॒धनौ॑ वि॒श्वश॑र्ध॒साव॑ वे॒दिन्द्रो॑ म॒घवा॑ गो॒षु श॑भि॒षु ।  
 यु॒जं ह्य॑न्यम॒कृत॑ प्रवे॒प॒ न्युदी॑ गव्यं सृ॒जते॑ स॒त्वभि॑र्धु॒निः ८  
 स॒हस्र॑सामाग्नि॒वेशि॑ गृणी॒षे श॑त्रि॒म॒ग्र उ॒प॒मां के॒तुम॑र्यः ।  
 तस्मा॑ आ॒पः सं॒यतः॑ पी॒पय॑न्त॒ तस्मि॑न् क्ष॒त्रम॑वत् त्वे॒षम॑स्तु ९

(३५) पञ्चत्रिंशं सूक्तम्



(१-८) अष्टर्चस्यास्य सूक्तस्याङ्गिरसः प्रभूवसुर्ऋषिः । इन्द्रो देवता । (१-७)

प्रथमादिसप्तर्चामनुष्टुप् , (८) अष्टम्याश्च पङ्क्तिश्छन्दसी

यस्ते साधिष्ठोऽवस इन्द्र क्रतुष्टमा भर ।  
अस्मभ्यं चर्षणीसहं सस्त्रिं वाजेषु दुष्टरम् १  
यदिन्द्र ते चतस्रो यच्छूर सन्ति तिस्रः ।  
यद् वा पञ्च क्षितीना मवस्तत् सु न आ भर २  
आ तेऽवो वरेण्यं वृषन्तमस्य हूमहे ।  
वृषजूतिर्हि जज्ञिष आभूभिरिन्द्र तुर्वणिः ३  
वृषा ह्यसि राधसे जज्ञिषे वृष्णि ते शर्वः ।  
स्वक्षत्रं ते धृषन्मनः सत्राहमिन्द्र पौंस्यम् ४  
त्वं तमिन्द्र मर्त्यं ममित्रयन्तमद्रिवः ।  
सर्वरथा शतक्रतो नि याहि शवसस्पते ५  
त्वामिद् वृत्रहन्तम् जनांसो वृक्तबर्हिषः ।  
उग्रं पूर्वीषु पूर्व्यं हवन्ते वाजसातये ६  
अस्माकमिन्द्र दुष्टरं पुरोयावानमाजिषु ।  
सयावानं धनैर्धने वाजयन्तमवा रथम् ७  
अस्माकमिन्द्रेहि नो रथमवा पुरंध्या ।  
वयं शविष्ठ वार्यं दिवि श्रवो दधीमहि दिवि स्तोमं मनामहे ८

(३६) षट्त्रिंशं सूक्तम्

(१-६) षडृचस्यास्य सूक्तस्याङ्गिरसः प्रभूवसुर्ऋषिः । इन्द्रो देवता । (१-२, ४-

६) प्रथमाद्वितीययोर्ऋचोश्चतुर्थ्यादितृचस्य च त्रिष्टुप् ,

(३) तृतीयायाश्च जगती छन्दसी

स आ गमदिन्द्रो यो वसूनां चिकैतद् दातुं दामनो रयीणाम् ।  
धन्वचरो न वंसगस्तृषाणश्चकमानः पिबतु दुग्धमंशुम् १  
आ ते हनू हरिवः शूर शिप्रे रुहत् सोमो न पर्वतस्य पृष्ठे ।  
अनु त्वा राजन्नर्वतो न हिन्वन् गीर्भिर्मदेम पुरुहूत विश्वे २  
चक्रं न वृत्तं पुरुहूत वेपते मनो भिया मे अमतेरिदद्रिवः ।  
रथादधि त्वा जरिता सदावृध कुविन्नु स्तोषन्मघवन् पुरुवसुः ३  
एष ग्रावेव जरिता त इन्द्रे यतिं वाचं बृहदाशुषाणः ।

प्र सव्येन मघवन् यंसि रायः प्र दक्षिणिद्धरिवो मा वि वैनः ४  
 वृषा त्वा वृषणं वर्धतु द्यौ वृषा वृषभ्यां वहसे हरिभ्याम् ।  
 स नो वृषा वृषरथः सुशिप्र वृषक्रतो वृषा वज्रिन् भरै धाः ५  
 यो रोहितौ वाजिनौ वाजिनीवान् त्रिभिः शतैः सचमानावदिष्ट ।  
 यूने समस्मै क्षितयो नमन्तां श्रुतरथाय मरुतो दुवोया ६

## (३७) सप्तत्रिंशं सूक्तम्

(१-५) पञ्चर्चस्यास्य सूक्तस्य भौमोऽत्रिर्ऋषिः । इन्द्रो देवता । त्रिष्टुप् छन्दः  
 सं भानुना यतते सूर्यस्याऽऽजुह्वानो घृतपृष्ठः स्वञ्चाः ।  
 तस्मा अमृधा उषसो व्युच्छान् य इन्द्राय सुनवामेत्याह १  
 समिद्धाग्निर्वनवत् स्तीर्णबर्हि र्युक्तग्रावा सुतसौमो जराते ।  
 ग्रावाणो यस्यैषिरं वदन्त्य यदध्वर्युर्विषाव सिन्धुम् २  
 वधूरियं पतिमिच्छन्त्येति य ई वहति महिषीमिषिराम् ।  
 आस्य श्रवस्याद् रथ आ च घोषात् पुरू सहस्रा परि वर्तयाते ३  
 न स राजा व्यथते यस्मिन्निन्द्र स्तीव्रं सोमं इंपबति गोसखायम् ।  
 आ सत्वनैरजति हन्ति वृत्रं क्षेति क्षितीः सुभगो नाम पुष्यन् ४  
 पुष्यात् क्षेमै अभि योगे भवा त्युभे वृतौ संयती सं जयाति ।  
 प्रियः सूर्यै प्रियो अग्रा भवाति य इन्द्राय सुतसौमो ददाशत् ५

## (३८) अष्टात्रिंशं सूक्तम्

(१-५) पञ्चर्चस्यास्य सूक्तस्य भौमोऽत्रिर्ऋषिः । इन्द्रो देवता । अनुष्टुप् छन्दः  
 उरोष्ट इन्द्र राधसो विभ्वी रातिः शतक्रतो ।  
 अधा नो विश्वचर्षणे द्युम्ना सुक्षत्र मंहय १  
 यदीमिन्द्र श्रवाय्य मिषं शविष्ठ दधिषे ।  
 पप्रथे दीर्घश्रुत्तमं हिरण्यवर्णं दुष्टरम् २  
 शुष्मासो ये तै अद्रिवो मेहना केतसापः ।  
 उभा देवावभिष्टये दिवश्च गमश्च राजथः ३  
 उतो नो अस्य कस्य चिद् दक्षस्य तव वृत्रहन् ।  
 अस्मभ्यं नृमणमा भराऽस्मभ्यं नृमणस्यसे ४  
 नू त आभिरभिष्टिभि स्तव शर्मञ्छतक्रतो ।

इन्द्र स्याम सुगोपाः शूर स्याम सुगोपाः ५

(३६) एकोनचत्वारिंशं सूक्तम्

(१-५) पञ्चर्चस्यास्य सूक्तस्य भौमोऽत्रिर्ऋषिः । इन्द्रो देवता । (१-४)

प्रथमादिचतुर्ऋचामनुष्टुप् , (५) पञ्चम्याश्च पङ्क्तिश्छन्दसी

यदिन्द्र चित्र मेहना ऽस्ति त्वादातमद्रिवः ।

राधस्तन्नो विदद्वस उभयाहस्त्या भर १

यन्मन्यसे वरेण्य मिन्द्र द्युक्षं तदा भर ।

विद्याम तस्य ते वय मर्कूपारस्य दावने २

यत् ते दित्सु प्राध्यं मनो अस्ति श्रुतं बृहत् ।

तेन दृळ्हा चिदद्रिव आ वाजं दर्षि सातये ३

मंहिष्ठं वो मुधोनां राजानं चर्षणीनाम् ।

इन्द्रमुप प्रशस्तये पूर्वीभिर्जुषे गिरः ४

अस्मा इत् काव्यं वच उक्थमिन्द्राय शंस्यम् ।

तस्मा उ ब्रह्मवाहसे गिरौ वर्धन्त्यत्रयो गिरः शुम्भन्त्यत्रयः ५

(४०) चत्वारिंशं सूक्तम्

(१-६) नवर्चस्यास्य सूक्तस्य भौमोऽत्रिर्ऋषिः । (१-४) प्रथमादिचतुर्ऋचामिन्द्रः

(५) पञ्चम्याः सूर्यः (६-६) षष्ठ्यादिचतसृणाञ्चात्रिर्देवताः । (१-३)

प्रथमादितृचस्योष्णिक्, (४, ६-८) चतुर्थ्याः षष्ठ्यादितृचस्य च त्रिष्टुप् , (५, ६)

पञ्चमीनवम्योश्चानुष्टुप् छन्दांसि

आ याह्यद्रिभिः सुतं सोमं सोमपते पिब । वृषन्निन्द्र वृषभिर्वृत्रहन्तम् १

वृषा ग्रावा वृषा मदो वृषा सोमो अयं सुतः । वृषन्निन्द्र वृषभिर्वृत्रहन्तम् २

वृषा त्वा वृषणं हुवे वज्रिञ्चित्राभिरूतिभिः । वृषन्निन्द्र वृषभिर्वृत्रहन्तम् ३

ऋजीषी वृजी वृषभस्तुराषाट्छुष्मी राजा वृत्रहा सौमपावा ।

युक्त्वा हरिभ्यामुप यासदुर्वाइ माध्यन्दिने सर्वने मत्सदिन्द्रः ४

यत् त्वा सूर्यं स्वर्भानु स्तमसाविध्यदासुरः ।

अक्षैत्रविद् यथा मुग्धो भुवनान्यदीधयुः ५

स्वर्भानोरध यदिन्द्र माया अवो दिवो वर्तमाना अवाहन् ।

गूळहं सूर्यं तमसापव्रतेन तुरीयेण ब्रह्मणाविन्ददत्रिः ६

मा मामिमं तव सन्तमत्र इरस्या दुग्धो भियसा नि गारीत् ।  
 त्वं इमत्रो असि सत्यराधास्तौ मेहावतं वरुणश्च राजा ७  
 ग्राव्णौ ब्रह्मा युयुजानः संपर्यन् कीरिणा देवान् नमसोपशिक्षन् ।  
 अत्रिः सूर्यस्य दिवि चक्षुराधात् स्वर्भानोरप माया अघुक्षत् ८  
 यं वै सूर्यं स्वर्भानु स्तमसाविध्यदासुरः ।  
 अत्रयस्तमन्वविन्दन् नह्येन्ये अशक्नुवन् ९

(४१) एकचत्वारिंशं सूक्तम्

(१-२०) विंशत्यृचस्यास्य सूक्तस्य भौमोऽत्रिर्ऋषिः । विश्वे देवा देवताः । (१-

१५, १८-१९) प्रथमादिपञ्चदशार्चामष्टादश्येकोनविंशोश्च त्रिष्टुप् , (१६-१७)

षोडशीसप्तदशयोरतिजगती, (२०) विंश्याश्चैकपदा विराट् छन्दांसि

को नु वा इमत्रावरुणावृतायन् दिवो वा महः पार्थिवस्य वा दे ।  
 अतस्य वा सदसि त्रासीथां नो यज्ञायते वा पशषो न वाजान् १  
 ते नो मित्रो वरुणो अर्यमायु रिन्द्रं ऋभुक्षा मरुतो जुषन्त ।  
 नमोभिर्वा ये दधते सुवृक्तिं स्तोमं रुद्राय मीळहुषे सजोषाः २  
 आ वां येष्ठाश्विना हुवध्यै वारतस्य पत्नन् रथ्यस्य पुष्टौ ।  
 उत वा दिवो अस्तुराय मन्म प्रान्धासीव यज्यवे भरध्वम् ३  
 प्र सक्ष्णौ दिव्यः कण्वहोता त्रितो दिवः सजोषा वारतो अग्निः ।  
 पूषा भगः प्रभृथे विश्वभोजा आजिं न जग्मुराश्वश्चतमाः ४  
 प्र वो रयिं युक्ताश्च भरध्वं राय एषेऽवसे दधीत धीः ।  
 सुशेव एवैरौशिजस्य होता ये व एवा मरुतस्तुराणाम् ५  
 प्र वो वायुं रथयुजं कृणुध्वं प्र देवं विप्रं पनितारमर्कैः ।  
 इषुध्यव ऋतसापः पुरंधीर्वस्वीर्नो अत्र पत्नीरा धिये धुः ६  
 उपे व एषे वन्द्यैभिः शूषैः प्र यही दिवश्चितयद्भिरर्कैः ।  
 उषासानक्ता विदुषीव विश्वमा हा वहतो मर्त्याय यज्ञम् ७  
 अभि वो अर्चे पोष्यावतो नृन् वास्तोष्पतिं त्वष्टारं रराणः ।  
 धन्या सजोषा धिषणा नमोभिर्वनस्पतीरिषधी राय एषे ८  
 तुजे नस्तने पर्वताः सन्तु स्वैतवो ये वसवो न वीराः ।  
 पनित आपचो यज्ञतः सदा नो वर्धान्नः शंसं नर्यो अभिष्टौ ९  
 वृष्णो अस्तोषि भूम्यस्य गर्भं त्रितो नपातमुपां सुवृक्ति ।

गृणीते अग्निरेतरी न शूषैः शोचिष्केशो नि रिणाति वना १०  
 कथा महे रुद्रियाय ब्रवाम् कद् राये चिकितुषे भगाय ।  
 आप ओषधीरुत नोऽवन्तु द्यौर्वना गिरयो वृक्षकेशाः ११  
 शृणोतु न ऊर्जा पतिर्गिरिः स नभस्तरयीयाँ इषिरः परिज्मा ।  
 शृणवन्त्वापः पुरो न शुभ्राः परि स्रुचौ बबृहाणस्याद्रैः १२  
 विदा चिन्नु महान्तो ये व एवा ब्रवाम दस्मा वार्य दधानाः ।  
 वयश्चन सुभ्वश् आर्व यन्ति क्षुभा मर्तमनुयतं वधस्त्रैः १३  
 आ दैव्यानि पार्थिवा नि जन्मा उपश्चाच्छा सुमखाय वोचम् ।  
 वर्धन्तां द्यावो गिरश्चन्द्राग्रा उदा वर्धन्तामभिषाता अर्णाः १४  
 पदेपदे मे जरिमा नि धायि वरूत्री वा शक्रा या पायुभिश्च ।  
 सिषक्तु माता मही रसा नः स्मत् सूरिभिर्ऋजुहस्तं ऋजुवनिः १५  
 कथा दाशेम नमसा सुदानू नेवया मरुतो अच्छौक्तौ प्रश्रवसो मरुतो  
 अच्छौक्तौ ।  
 मा नोऽहिर्बुध्यो रिषे धा दस्माकं भूदुपमातिवनिः १६  
 इति चिन्नु प्रजायै पशुमत्यै देवासो वनते मर्त्यो व आ देवासो वनते मर्त्यो  
 वः ।  
 अत्रा शिवां तन्वो धासिमस्या जरां चिन्मे निर्ऋतिर्जग्रसीत १७  
 तां वो देवाः सुमतिमूर्जयन्ती मिषमश्याम वसवः शसा गोः ।  
 सा नः सुदानुर्मृळयन्ती देवी प्रति द्रवन्ती सुविताय गम्याः १८  
 अभि न इळा यूथस्य माता स्मन्नदीभिर्वशी वा गृणातु ।  
 उर्वशी वा बृहद्दिवा गृणाना ऽभ्यूर्णवाना प्रभृथस्यायोः १९  
 सिषक्तु न ऊर्जव्यस्य पुष्टेः २०

(४२) द्विचत्वारिंशं सूक्तम्

(१-१८) अष्टादशर्चस्यास्य सूक्तस्य भौमोऽत्रिर्ऋषिः । (१-१०, १२-१८)  
 प्रथमादिदशर्चा द्वादश्यादिसप्तानाञ्च विश्वे देवाः, (११) एकादश्याश्च रुद्रो देवताः ।  
 (१-१६, १८) प्रथमादिषोडशर्चामष्टादश्याश्च त्रिष्टुप् ,  
 (१७) सप्तदश्याश्चैकपदा विराट् छन्दसी  
 प्र शन्तमा वरुणं दीधिती गी मित्रं भगमदिति नूनमश्याः ।  
 पृषद्योनिः पञ्चहोता शृणोत्व तूर्तपन्था असुरो मयोभुः १

प्रति मे स्तोममदितिर्जगृभ्यात् सूनं न माता हृद्यं सुशेवम् ।  
 ब्रह्म प्रियं देवहितं यदस्त्य हं इमत्रे वरुणे यन्मयोभु २  
 उदीरय कवितमं कवीना मुनतैनमभि मध्वा घृतेन ।  
 स नो वसूनि प्रयता हितानि चन्द्राणि देवः सविता सुवाति ३  
 समिन्द्र णो मनसा नेषि गोभिः सं सूरिभिर्हरिवः सं स्वस्ति ।  
 सं ब्रह्मणा देवहितं यदस्ति सं देवानां सुमत्या यज्ञियानाम् ४  
 देवो भगः सविता रायो अंश इन्द्रो वृत्रस्य संजितो धनानाम् ।  
 ऋभुक्षा वाज उत वा पुरंधि रवन्तु नो अमृतासस्तुरासः ५  
 मरुत्वतो अप्रतीतस्य जिष्णो रजूर्यतः प्र ब्रवामा कृतानि ।  
 न ते पूर्वे मघवन् नापरासो न वीर्यं नूतनः कश्चनाप ६  
 उप स्तुहि प्रथमं रत्नधेयं बृहस्पतिं सनितारं धनानाम् ।  
 यः शंसते स्तुवते शंभविष्ठः पुरुवसुरागमज्जोहुवानम् ७  
 तवोतिभिः सचमाना अरिष्टा बृहस्पते मघवानः सुवीराः ।  
 ये अश्वदा उत वा सन्ति गोदा ये वस्त्रदाः सुभगास्तेषु रायः ८  
 विसर्माणं कृणुहि वित्तमेषां ये भुञ्जते अपृणन्तो न उक्थेः ।  
 अपव्रतान् प्रसवे वावृधानान् ब्रह्मद्विषः सूर्याद् यावयस्व ९  
 य ओहते रक्षसो देववीता वचक्रेभिस्तं मरुतो नि यात ।  
 यो वः शमी शशमानस्य निन्दात् तुच्छचान् कामान् करते सिष्विदानः १०  
 तमुष्टुहि यः स्विषुः सुधन्वा यो विश्वस्य क्षयति भेषजस्य ।  
 यद्वो महे सौमनसार्य रुद्रं नमोभिर्देवमसुरं दुवस्य ११  
 दमूनसो अपसो ये सुहस्ता वृष्णः पत्नीर्नद्यौ विभवतुष्टाः ।  
 सरस्वती बृहद्वोत राका दशस्यन्तीर्वरिवस्यन्तु शुभ्राः १२  
 प्र सू महे सुशरणाय मेधां गिरं भरे नव्यसीं जायमानाम् ।  
 य आहना दुहितुर्वक्षणासु रूपा मिनानो अकृणोदिदं नः १३  
 प्र सुष्टतिः स्तनयन्तं रुवन्तं मिळस्पतिं जरितर्नूनमश्याः ।  
 यो अब्दिमाँ उदनिमाँ इयति प्र विद्युता रोदसी उक्षमाणः १४  
 एषः स्तोमो मारुतं शर्धो अच्छा रुद्रस्य सूनूर्युवन्यूरुदश्याः ।  
 कामो राये हवते मा स्वस्त्यु प स्तुहि पृषदश्वाँ अयासः १५  
 प्रैषः स्तोमः पृथिवीमन्तरिक्षं वनस्पतींरोषधी राये अश्याः ।  
 देवोदेवः सुहवो भूतु मह्यं मा नो माता पृथिवी दुर्मतौ धात् १६

उरौ दैवा अनिब्राधे स्याम १७

समृश्चिनोरवसा नूतनेन मयोभुवा सुप्रणीती गमेम ।

आ नो रयिं वहतमोत वीरा ना विश्वान्यमृता सौभंगानि १८

(४३) त्रिचत्वारिंशं सूक्तम्

(१-१७) सप्तदशर्चस्यास्य सूक्तस्य भौमोऽत्रिर्ऋषिः । विश्वे देवा देवताः । (१-

१५, १७) प्रथमादिपञ्चदशर्चा सप्तदश्याश्च त्रिष्टुप् ,

(१६) षोडश्याश्चैकपदा विराट् छन्दसी

आ धेनवः पर्यसा तूर्यर्था अर्मर्धन्तीरुप नो यन्तु मध्वा ।

महो राये बृहतीः सप्त विप्रौ मयोभुवौ जरिता जौहवीति १

आ सुष्टुती नमसा वर्तयध्वै द्यावा वाजाय पृथिवी अर्मध्वे ।

पिता माता मधुवचाः सुहस्ता भरैभरे नो यशसावविष्टाम् २

अध्वर्यवश्चकृवांसो मधूनि प्र वायवे भरत चारु शक्रम् ।

होतैव नः प्रथमः पाह्यस्य देव मध्वो ररिमा ते मदाय ३

दश क्षिपौ युञ्जते ब्राह्म अद्रिं सोमस्य या शमितारा सुहस्ता ।

मध्वो रसं सुगर्भस्तिर्गिरिष्ठां चनिश्चदद् दुदुहे शक्रमंशः ४

असावि ते जुजुषाणाय सोमः क्रत्वे दक्षाय बृहते मदाय ।

हरी रथे सुधुरा योगै अर्वा गिन्द्र प्रिया कृणुहि हूयमानः ५

आ नो महीमरमतिं सजोषा ग्रां देवीं नमसा रातहव्याम् ।

मधोर्मदाय बृहतीमृतज्ञा माग्रे वह पृथिभिर्देवयानैः ६

अञ्जन्ति यं प्रथयन्तो न विप्रा वृषावन्तं नाग्निना तपन्तः ।

पितुर्न पुत्र उपसि प्रेष्टु आ घर्मो अग्निमृतयन्नसादि ७

अच्छा मही बृहती शन्तमा गीर्दूतो न गन्त्वश्विना हुवध्वै ।

मयोभुवा सरथा यातमर्वा गन्तं निधिं धुरमाणिर्न नाभिम् ८

प्र तव्यसो नमउक्तिं तुरस्याऽहं पूष्ण उत वायोरेदिक्षि ।

या राधसा चोदितारा मतीनां या वाजस्य द्रविणोदा उत त्मन् ९

आ नामभिर्मरुतौ वक्षि विश्वा ना रूपेभिर्जातवेदो हुवानः ।

यज्ञं गिरौ जरितुः सुष्टुतिं च विश्वै गन्त मरुतो विश्व उती १०

आ नो दिवो बृहतः पर्वतादा सरस्वती यजता गन्तु यज्ञम् ।

हव देवी जुजुषाणा घृताचीं शग्मां नो वाचमुशती शृणोतु ११

आ वेधसं नीलपृष्ठं बृहन्तं बृहस्पतिं सद्ने सादयध्वम् ।  
 सादद्यौनिं दम् आ दिदिवांसं हिरण्यवर्णमरुषं सपेम १२  
 आ धर्णसिर्बृहद्विवो रराणो विश्वेभिर्गन्त्वोर्मभिर्हवानः ।  
 ग्रा वसान् ओषधीर्मृध्रस्त्रिधातुशृङ्गो वृषभो वयोधाः १३  
 मातुष्पदे परमे शक्र आयो विपन्यवो रास्पिरासो अगमन् ।  
 सुशेव्यं नमसा रातहव्याः शिशुं मृजन्त्यायवो न वासे १४  
 बृहद् वयो बृहते तुभ्यमग्ने धियाजुरौ मिथुनासः सचन्त ।  
 देवोदैवः सुहवो भूतु मह्यं मा नो माता पृथिवी दुर्मतौ धात् १५  
 उरौ देवा अनिबाधे स्यामि १६  
 समश्चिनोरवसा नूतनेन मयोभुवा सुप्रणीती गमेम ।  
 आ नो रयिं वहतुमोत वीरा ना विश्वान्यमृता सौभंगानि १७

(४४) चतुश्चत्वारिंशं सूक्तम्

(१-१५) पञ्चदशर्चस्यास्य सूक्तस्य काश्यपोऽवत्सारो लिङ्गोक्ताश्च ऋषयः । विश्वे  
 देवा देवताः । (१-१३) प्रथमादित्रयोदशर्चा जगती, (१४-१५)

चतुर्दशीपञ्चदश्योश्च त्रिष्टुप् छन्दसी

तं प्रतथा पूर्वथा विश्वथेमथा ज्येष्ठतातिं बर्हिषदं स्वर्विदम् ।  
 प्रतीचीनं वृजनं दोहसे गिरा ऽऽशं जयन्तमनु यासु वर्धसे १  
 श्रिये सुदृशीरुपरस्य याः स्वर्विरोचमानः ककुभोमचोदते ।  
 सुगोपा असि न दभाय सुक्रतो परो मायाभिर्भ्रत आस नाम ते २  
 अत्यं हविः संचते सच्च धातु चाऽरिष्टगातुः स होता सहोभरिः ।  
 प्रसस्त्राणो अनु बर्हिर्वृषा शिशु मध्ये युवाजुरौ विस्नुहा हितः ३  
 प्र व एते सुयुजो यामन्निष्टये नीचीरमुष्मै युम्य ऋतावृधः ।  
 सुयन्तुभिः सर्वशासैरभीशभिः क्रिविर्नामानि प्रवृणे मुषायति ४  
 संजर्भुराणस्तरुभिः सुतेगृभं वयाकिनं चित्तगर्भासु सुस्वरुः ।  
 धारवाकेष्वृजुगाथ शोभसे वर्धस्व पत्नीरभि जीवो अध्वरे ५  
 यादृगेव ददृशे तादृगुच्यते सं छायाया दधिरे सिध्रयाप्स्वा ।  
 महीमस्मभ्यमुरुषामुरु ज्यो बृहत् सुवीरमनपच्युतं सहः ६  
 वेत्यग्रुर्जनिवान् वा अति स्पृधः समर्यता मनसा सूर्यः कविः ।  
 घंसं रक्षन्तं परि विश्वतो गयं मस्माकं शर्म वनवत् स्वावसुः ७



ज्यायासमस्य यतुनस्य केतुन ऋषिस्वरं चरति यासु नाम ते ।  
यादृश्मिन् धायि तमपस्यया विदद् य उ स्वयं वहते सो अरं करत् ८  
समुद्रमासामव तस्थे अग्रिमा न रिष्यति सर्वनं यस्मिन्नायता ।  
अत्रा न हार्दि क्रवणस्य रेजते यत्रा मतिर्विद्यते पूतबन्धनी ९  
स हि क्षत्रस्य मनसस्य चित्तिभि रेवावदस्य यजतस्य सधैः ।  
अवत्सारस्य स्पृणवाम रणवभिः शविष्ठं वाजं विदुषा चिदध्वम् १०  
श्येन आसामदितिः कक्षयोऽमदौ विश्ववारस्य यजतस्य मायिनः ।  
समन्यमन्यमर्थयन्त्येतवे विदुर्विषाणं परिपानमन्ति ते ११  
सदापृणो यजतो वि द्विषौ वधीद् बाहुवृक्तः श्रुतवित् तयो वः सचा ।  
उभा स वरा प्रत्येति भाति च यदीं गणं भजते सुप्रयावभिः १२  
सुतंभरो यजमानस्य सत्पति विश्वासामूधः स धियामुदञ्चनः ।  
भरद् धेनू रसवच्छिश्रिये पयोऽनुब्रुवाणो अध्येति न स्वपन् १३  
यो जागार तमृचः कामयन्ते यो जागार तमु सामानि यन्ति ।  
यो जागार तमयं सोमं आह तवाहमस्मि सख्ये न्योकाः १४  
अग्निर्जागार तमृचः कामयन्ते ऽग्निर्जागार तमु सामानि यन्ति ।  
अग्निर्जागार तमयं सोमं आह तवाहमस्मि सख्ये न्योकाः १५  
चतुर्थोऽनुवाकः

४५ । ५६

(४५) पञ्चचत्वारिंशं सूक्तम्

(१-११) एकादशर्चस्यास्य सूक्तस्यात्रेयः सदापृण ऋषिः । विश्वे देवा देवताः ।

त्रिष्टुप् छन्दः

विदा दिवो विष्यन्नद्रिमुक्थै रायत्या उषसौ अर्चिनौ गुः ।  
अपावृत वृजिनीरुत् स्वर्गाद् वि दुरो मानुषीर्देव आवः १  
वि सूर्यो अमतिं न श्रियं सादो वाद् गवा माता जानती गात् ।  
धन्वर्णसो नद्यः ४७-: खादोऽअर्णाः स्थूणैव सुमिता दृहत द्यौः २  
अस्मा उक्थाय पर्वतस्य गर्भो महीना जनुषे पूर्व्याय ।  
वि पर्वतो जिहीत साधत द्यौ राविवासन्तो दसयन्त भूम ३  
सूक्तेभिर्वो वचोभिर्देवजुष्टै रिन्द्रा न्वग्नी अवसे हुवध्यै ।  
उक्थेभिर्हिष्मा कवयः सुयज्ञा आविवासन्तो मरुतो यजन्ति ४

एतो न्वश्द्य सुध्योऽभवां प्र दुच्छुनां मिनवामा वरीयः ।  
 आरे द्वेषोसि सनुतर्दधामा ऽर्याम प्राञ्चो यजमानमच्छ ५  
 एता धिर्यं कृण्वामा सखायो ऽप या मातां ऋणुत वृजं गोः ।  
 यया मनुर्विशिशिप्रं जिगाय यया वृणिग्वङ्कुरापा पुरीषम् ६  
 अनूनोदत्र हस्तयतो अद्रि रार्चन् येन दश मासो नवग्वाः ।  
 ऋतं युती सरमा गा अविन्दद् विश्वानि सत्याङ्गिराश्चकार ७  
 विश्वे अस्या व्युषि माहिनायाः सं यद् गोभिरङ्गिरसो नवन्त ।  
 उत्स आसां परमे सधस्थं ऋतस्य पथा सरमा विदद् गाः ८  
 आ सूर्यो यातु सप्ताश्वः क्षेत्रं यदस्योर्विया दीर्घयाथे ।  
 रघुः श्येनः पतयदन्धो अच्छा युवा कविर्दीदयद् गोषु गच्छन् ९  
 आ सूर्यो अरुहच्छुक्रमर्णो ऽयुक्त यद्धरितौ वीतपृष्ठाः ।  
 उदना न नावमनयन्त धीरा आशृण्वतीरापो अर्वागतिष्ठन् १०  
 धिर्यं वो अप्सु दधिषे स्वर्षा ययातरन् दश मासो नवग्वाः ।  
 अया धिया स्याम देवगौपा अया धिया तुतुर्यामात्यंहः ११

(४६) षट्चत्वारिंशं सूक्तम्

(१-८) अष्टर्चस्यास्य सूक्तस्यात्रेयः प्रतिक्षत्र ऋषिः । (१-६) प्रथमादिषडृचां विश्वे  
 देवाः, (७-८) सप्तम्यष्टम्योश्च देवपत्न्यो देवताः । (१, ३-७)

प्रथमर्चस्तृतीयादिपञ्चानाञ्च जगती, (२, ८) द्वितीयाष्टम्योश्च त्रिष्टुप् छन्दसी  
 हयो न विद्वां अयुजि स्वयं धुरि तां वहामि प्रतरणीमवस्युर्वम् ।  
 नास्या वश्मि विमुचं नावृतं पुनर्विद्वान् पथः पुरएत ऋजु नैषति १  
 अग्र इन्द्र वरुण मित्र देवाः शर्धः प्र यन्त मारुतोत विष्णो ।  
 उभा नासत्या रुद्रो अध गाः पूषा भगः सरस्वती जुषन्त २  
 इन्द्राग्नी मित्रावरुणादितिं स्वः पृथिवीं द्यां मरुतः पर्वतां अपः ।  
 हुवे विष्णुं पूषणं ब्रह्मणस्पतिं भगं नु शंसं सवितारमूतये ३  
 उत नो विष्णुरुत वातो अस्त्रिधौ द्रविणोदा उत सोमो मयस्करत् ।  
 उत अभव उत राये नो अश्विनोत त्वष्टोत विभ्वानु मंसते ४  
 उत त्यन्नो मारुतं शर्ध आ गमद् दिविक्ष्यं यजतं बर्हिरासदै ।  
 बृहस्पतिः शर्म पूषोत नो यमद् वरूथ्यं वरुणो मित्रो अर्यमा ५  
 उत त्ये नः पर्वतासः सुशस्तयः सुदीतयो नद्यश्चामणे भुवन् ।

भगौ विभुक्ता शवसावसा गम दुरुव्यचा अदितिः श्रोतु मे हवम् ६  
देवानां पत्नीरुशतीरवन्तु नः प्रावन्तु नस्तुजये वाजसातये ।  
याः पार्थिवासो या अपामपि वृते ता नो देवीः सुहवाः शर्म यच्छत ७  
उत मा व्यन्तु देवपत्नी रिन्द्राण्यश्विनी राट् ।  
आ रोदसी वरुणानी शृणोतु व्यन्तु देवीर्य ऋतुर्जनीनाम् ८

तृतीयोऽध्यायः

व० १।३१

(४७) सप्तचत्वारिंशं सूक्तम्

(१-७) सप्तर्चस्यास्य सूक्तस्यात्रेयः प्रतिरथ ऋषिः । विश्वे देवा देवताः ।

त्रिष्टुप् छन्दः

प्रयुञ्जती दिव एति ब्रुवाणा मही माता दुहितुर्बोधयन्ती ।  
आविवासन्ती युवतिर्मनीषा पितृभ्य आ सदेने जोहुवाना १  
अजिरासस्तदप ईयमाना आतस्थिवांसौ अमृतस्य नाभिम् ।  
अनन्तास उरवौ विश्वतः सीं परि द्यावापृथिवी यन्ति पन्थाः २  
उक्षा समुद्रो अरुषः सुपर्णः पूर्वस्य योनिं इंपतुरा विवेश ।  
मध्ये दिवो निहितः पृश्निरश्मा वि चक्रमे रजसस्पात्यन्तौ ३  
चत्वार ईं बिभ्रति क्षेमयन्तो दश गर्भं चरसै धापयन्ते ।  
त्रिधातवः परमा अस्य गावो दिवश्चरन्ति परि सद्यो अन्तान् ४  
इदं वपुर्निर्वचनं जनासु चरन्ति यन्नद्यस्तस्थुरापः ।  
द्वे यदीं बिभृतो मातुरन्ये इहेह जाते यम्याइ सबन्धू ५  
वि तन्वते धियो अस्मा अपांसि वस्त्रा पुत्राय मातरौ वयन्ति ।  
उपप्रक्षे वृषणो मोदमाना दिवस्पथा वध्वौ यन्त्यच्छ ६  
तदस्तु मित्रावरुणा तदग्ने शं योरस्मभ्यमिदमस्तु शस्तम् ।  
अशीमहि गाधमुत प्रतिष्ठां नमो दिवे बृहते सार्दनाय ७

(४८) अष्टचत्वारिंशं सूक्तम्

(१-५) पञ्चर्चस्यास्य सूक्तस्यात्रेयः प्रतिभानुर्ऋषिः । विश्वे देवा देवताः ।

जगती छन्दः

कदु प्रियाय धाम्ने मनामहे स्वक्षत्राय स्वयशसे महे वृयम् ।

आमेन्यस्य रजसो यदुभ्र आँ अपो वृणाना वितनोति मायिनी १  
 ता अत्रत वयुनं वीरवक्ष्णं समान्या वृतया विश्वमा रजः ।  
 अपो अपाचीरपरा अपैजते प्र पूर्वाभिस्तिरते देवयुर्जनः २  
 आ ग्रावभिरहन्यैभिरक्तुभिर्वरिष्ठं वज्रमा जिघर्ति मायिनि ।  
 शतं वा यस्य प्रचरन् त्वे दमे संवर्तयन्तो वि च वर्तयन्नहा ३  
 तामस्य रीतिं परशोरिव प्रत्य नीकमख्यं भुजे अस्य वर्षसः ।  
 सचा यदि पितुमन्तमिव क्षयं रत्नं दधाति भरहूतये विशे ४  
 स जिह्वया चतुरनीक ऋञ्जते चारु वसानो वरुणो यतन्नरिम् ।  
 न तस्य विद्य पुरुषत्वता वयं यतो भगः सविता दाति वार्यम् ५

(४६) एकोनपञ्चाशं सूक्तम्

(१-५) पञ्चर्चस्यास्य सूक्तस्यात्रेयः प्रतिप्रभ ऋषिः । विश्वे देवा देवताः ।

त्रिष्टुप् छन्दः

देवं वो अद्य सवितारमेषे भगं च रत्नं विभर्जन्तमायोः ।  
 आ वा नरा पुरुभुजा ववृत्यां दिवेदिवे चिदश्विना सखीयन् १  
 प्रति प्रयाणमसुरस्य विद्वान् त्सूक्तैर्देवं सवितारं दुवस्य ।  
 उप ब्रुवीत नमसा विजानञ्जयेष्टं च रत्नं विभर्जन्तमायोः २  
 अदत्रया दयते वार्याणि पूषा भगो अदितिर्वस्त उस्त्रः ।  
 इन्द्रो विष्णुर्वरुणो मित्रो अग्नि रहानि भुद्रा जनयन्त दुस्माः ३  
 तन्नो अनुर्वा सविता वरुथं तत् सिन्धव इषयन्तो अनु गमन् ।  
 उप यद् वोचै अध्वरस्य होता रायः स्याम पतयो वाजरत्नाः ४  
 प्र ये वसुभ्य ईवदा नमो दुर्ये मित्रे वरुणे सूक्तवाचः ।  
 अवैत्वर्ध्वं कृणुता वरीयो दिवस्पृथिव्योरवसा मदेम ५

(५०) पञ्चाशं सूक्तम्

(१-५) पञ्चर्चस्यास्य सूक्तस्यात्रेयः स्वस्त्यात्रेय ऋषिः । विश्वे देवा

देवताः । (१-४) प्रथमादिचतुर्ऋचामनुष्टुप् , (५) पञ्चम्याश्च

पङ्क्तिश्छन्दसी

विश्वो देवस्य नेतुर्मर्तो वुरीत सख्यम् ।

विश्वो राय इषुध्यति द्युम्नं वृणीत पुष्यसै १

ते तै देव नेत॒र्ये चेमाँ॑ अ॒नुश॑से ।  
 ते रा॒या ते ह्या॑ऽपृ॒चे स॒चैम॑हि स॒च॒थ्यैः २  
 अ॒तौ न॒ आ नृ॑न॒तिथी॑ न॒तुः प॒त्नीर्द॑शस्यत ।  
 आ॒रे वि॒श्वं प॒थेष्ठां॑ द्वि॒षो यु॑योतु यू॒युविः ३  
 यत्र॑ व॒ह्निर्भ॑र्हितो दु॒द्रव॑द् द्रो॒णयः॑ प॒शुः ।  
 नृ॒मणा॑ वी॒रप॑स्त्यो ऽर्णा॑ धी॒रैव॑ स॒र्निता ४  
 ए॒ष तै देव॑ ने॒ता र॒थस्प॑तिः शं र॒यिः ।  
 शं रा॒ये शं स्व॑स्तय॑ इ॒षः स्तु॑तो॒ मना॑महे दे॒वस्तु॑तो॒ मना॑महे ५

(५१) एकपञ्चाशं सूक्तम्

(१-१५) पञ्चदशर्चस्यास्य सूक्तस्यात्रेयः स्वस्त्यात्रेय ऋषिः । (१-३, ८-१५)  
 प्रथमादितृचस्याष्टम्याद्यष्टर्चाञ्च विश्वे देवाः, (४, ६-७) चतुर्थ्याः  
 षष्ठीसप्तम्योश्चेन्द्रवायू, (५) पञ्चम्याश्च वायुर्देवताः । (१-४) प्रथमादिचतुर्ऋचां  
 गायत्री, (५-१०) पञ्चम्यादिषण्णामुष्णिक्, (११-१३) एकादश्यादितृचस्य जगती  
 त्रिष्टुब् वा, (१४-१५) चतुर्दशीपञ्चदशयोश्चानुष्टुप् छन्दांसि  
 अ॒ग्रे सु॒तस्य॑ पी॒तये॑ वि॒श्वैरू॑र्मै॒भिरा॑ ग॒हि । दे॒वेभि॑र्ह॒व्यदा॑तये १  
 ऋ॒त॒धी॒तय॑ आ ग॒तु स॒त्य॒धर्मा॑णो अ॒ध्व॒रम् । अ॒ग्नेः पि॑बत जि॒ह्वया॑ २  
 वि॒प्रेभि॑र्वि॒प्र स॒न्त्य प्रा॑त॒र्याव॑भिरा ग॒हि । दे॒वेभिः॑ सोम॒पीत॑ये ३  
 अ॒यं सोम॑श्च॒मू सु॒तो ऽम॑त्रे॒ परि॑ षिच्यते । प्रि॒य इन्द्रा॑य वा॒यवे॑ ४  
 वा॒य॒वा या॑हि वी॒तये॑ जुषा॒णो ह॒व्यदा॑तये ।  
 पि॒बा सु॒तस्या॑न्ध॒सो अ॒भि प्र॑यः ५  
 इन्द्र॑श्च वा॒यवेषां॑ सु॒तानां॑ पी॒तिर्म॑र्हथः । ता॒ज्जुषे॑थाम॒रेप॑साव॒भि प्र॑यः ६  
 सु॒ता इन्द्रा॑य वा॒यवे॑ सोमा॑सो द॒ध्या॑शिरः ।  
 नि॒म्रं न य॑न्ति सि॒न्धवो॑ऽभि प्र॑यः ७  
 स॒जूर्वि॒श्वैभि॑र्दे॒वेभि॑र॒श्विभ्या॑मु॒षसा॑ स॒जूः । आ या॑ह्यग्ने अ॒त्रिव॑त् सु॒ते र॑ण ८  
 स॒जूर्मि॒त्रावरु॑णाभ्यां स॒जूः सोमै॑न॒ विष्णु॑ना । आ या॑ह्यग्ने अ॒त्रिव॑त् सु॒ते र॑ण ९  
 स॒जूर्ग॑दि॒त्यैर्वसु॑भिः स॒जूरि॑न्द्रै॒ण वा॒युना॑ । आ या॑ह्यग्ने अ॒त्रिव॑त् सु॒ते र॑ण १०  
 स्व॒स्ति नौ मि॑मीताम॒श्विना॑ भ॒गः स्व॒स्ति दे॒व्यदि॑तिर॒नुर्व॑णः ।  
 स्व॒स्ति पू॒षा असु॑रो दधातु नः स्व॒स्ति द्यावा॑पृ॒थिवी॑ सु॒चेतु॑ना ११  
 स्व॒स्तये॑ वा॒युमु॑प॒ ब्रवा॑महै सोमं स्व॒स्ति भुव॑नस्य यस्पतिः ।

बृहस्पतिं सर्वगणं स्वस्तये स्वस्तये आदित्यासौ भवन्तु नः १२  
 विश्वे देवा नो अद्या स्वस्तये वैश्वानरो वसुरग्निः स्वस्तये ।  
 देवा अवन्त्वृभवः स्वस्तये स्वस्ति नो रुद्रः पात्वंहसः १३  
 स्वस्ति मित्रावरुणा स्वस्ति पथ्ये रेवति ।  
 स्वस्ति न इन्द्रश्चाग्निश्च स्वस्ति नो अदिते कृधि १४  
 स्वस्ति पन्थामनु चरेम सूर्याचन्द्रमसाविव ।  
 पुनर्ददताघ्नता जानता सं गमेमहि १५

(५२) द्विपञ्चाशं सूक्तम्

(१-१७) सप्तदशर्चस्यास्य सूक्तस्यात्रेयः श्यावाश्व ऋषिः । मरुतो देवताः । (१-  
 ५, ७-१५) प्रथमादिपञ्चर्चा सप्तम्यादिनवानाञ्चानुष्टुप् , (६, १६-१७) षष्ठ्याः  
 षोडशीसप्तदश्योश्च पङ्क्तिश्छन्दसी

प्र श्यावाश्व धृष्णुया ऽर्चा मरुद्भिर्ऋक्वभिः ।  
 ये अद्रोघमनुष्वधं श्रवो मदन्ति युज्ञियाः १  
 ते हि स्थिरस्य शर्वसः सखायः सन्ति धृष्णुया ।  
 ते यामन्ना धृषद्विनस्तमना पान्ति शश्वतः २  
 ते स्पन्द्रासो नोक्षणो ऽति ष्कन्दन्ति शर्वरीः ।  
 मरुतामधा महो दिवि क्षमा च मन्महे ३  
 मरुत्सु वो दधीमहि स्तोमं युज्ञं च धृष्णुया ।  
 विश्वे ये मानुषा युगा पान्ति मर्त्यं रिषः ४  
 अहन्तो ये सुदानवो नरो असामिशवसः ।  
 प्र युज्ञं युज्ञियैभ्यो दिवो अर्चा मरुद्भ्यः ५  
 आ रुक्मैरा युधा नरं ऋष्वा ऋष्टीरसृक्षत ।  
 अन्वेनाँ अहं विद्युतो मरुतो जज्जतीरिव भानुरर्तु तमना दिवः ६  
 ये वावृधन्त पार्थिवा य उरावन्तरिक्ष आ ।  
 वृजनै वा नदीनां सधस्थै वा महो दिवः ७  
 शर्धो मारुतमुच्छंस सत्यशवसमृभ्वसम् ।  
 उत स्म ते शभे नरः प्र स्पन्द्रा युजत तमना ८  
 उत स्म ते परुषया मूर्णा वसत शन्ध्यवः ।  
 उत पुव्या रथाना मद्रि इभन्दन्त्योजसा ९

आप॑थ॒यो वि॒प॒थ॒यो ऽन्त॑स्प॒था अ॒नु॒प॒थाः ।  
 ए॒तेभि॑र्म॒ह्यं ना॒म॒भि॒र्य॒ज्ञं वि॑ष्टार॒ ओ॒हते १०  
 अ॒धा न॒रो न्यो॑हते ऽधा॒ नि॒युत॑ ओ॒हते ।  
 अ॒धा पा॒राव॒ता इति॑ चि॒त्रा रू॒पाणि॑ द॒श्या ११  
 छ॒न्दःस्तु॑भः॒ कु॒भ॒न्यव॑ उ॒त्स॒मा की॑रिणौ नृ॒तुः ।  
 ते मे॒ के चि॒न्न ता॒यव॑ ऊ॒मा आ॒सन् दृ॒शि त्वि॒षे १२  
 य ऋ॒ष्वा ऋ॒ष्टिर्वि॑द्युतः क॒वयः॑ सन्ति वे॒धसः॑ ।  
 तमृ॑षे मा॒रुतं॑ ग॒णं न॑म॒स्या र॒मया॑ गि॒रा १३  
 अ॒च्छ ऋ॒षे मा॒रुतं॑ ग॒णं दा॒ना मि॒त्रं न यो॑षणा ।  
 दि॒वो वा धृ॑ष्णव॒ ओज॑सा स्तु॒ता धी॑भि॒रिष॑णयत १४  
 नू म॑न्वा॒न ए॒षां दे॒वाँ अ॒च्छा न वृ॑क्षणा ।  
 दा॒ना स॑चेत॒ सूरि॑भि॒र्याम॑श्रुतेभि॒रञ्जि॑भिः १५  
 प्र ये मे॑ ब॒न्ध्वेषे॑ गां वोच॑न्त॒ सूर॑यः पृ॒श्निं वो॑चन्त॒ मा॒तर॑म् ।  
 अ॒धा पि॒तर॑मि॒ष्मिण॑ रु॒द्रं वो॑चन्त॒ शिक्व॑सः १६  
 स॒प्त मे॑ स॒प्त शा॒किन् ए॒कमे॒का श॒ता द॑दुः ।  
 य॒मुना॑या॒मधि॑ श्रुत॒ मुद् रा॒धो ग॒व्यं मृ॒जे नि रा॒धो अ॒श्वय॑ मृ॒जे १७

(५३) त्रिपञ्चाशं सूक्तम्

(१-१६) षोडशर्चस्यास्य सूक्तस्यात्रेयः श्यावाश्व ऋषिः । मरुतो देवताः । (१,  
 ५, १०-११, १५) प्रथमापञ्चमीदशम्येकादशीपञ्चदशीनामृचां ककुभ्, (२)  
 द्वितीयाया बृहती, (३) तृतीयाया अनुष्टुप्, (४) चतुर्थ्याः पुर उष्णिक्, (६-७,  
 ९, १३-१४, १६) षष्ठीसप्तमीनवमीत्रयोदशीचतुर्दशीषोडशीनां सतोबृहति, (८,  
 १२) अष्टमीद्वादश्योश्च गायत्री छन्दांसि

को वे॒द जा॒न॒मेषां॑ को वा॒ पु॒रा सु॒मे॒ष्वा॒स म॒रुता॑म् ।  
 यद् यु॒यु॒जे कि॒ला॒स्यः १  
 ऐ॒तान् रथे॑षु त॒स्थुषः॑ कः शु॒श्राव॑ क॒था य॑युः ।  
 कस्मै॑ स॒स्रुः सु॒दा॒से अ॒न्वा॒पय॑ इ॒ळाभि॑र्वृ॒ष्टयः॑ स॒ह २  
 ते म॑ आ॒हुर्य॑ आ॒य॒यु र॒प॒ द्यु॒भिर्वि॑भि॒र्मदे॑ ।  
 न॒रो म॒र्या अ॒रे॒पस॑ इ॒मान् प॒श्यन्नि॑ति॒ ष्ट॒हि ३

ये अ॒ञ्जिषु॑ ये वा॒शीषु॑ स्व॒भान॑वः स्र॒क्षु रु॒क्मेषु॑ खा॒दिषु॑ ।  
 श्रा॒या रथै॑षु ध॒न्व॑सु ४  
 यु॒ष्माकं॑ स्मा॒ रथाँ॑ अ॒नु मु॒दे द॑धे मरुतो जीरदानवः ।  
 वृ॒ष्टी द्यावौ॑ यु॒तीरि॑व ५  
 आ यं नरः सु॒दान॑वो ददा॒शुषे॑ दि॒वः को॒शम॑चु॒च्यवुः॑ ।  
 वि पु॒र्जन्यं॑ सृ॒जन्ति॑ रोद॑सी अ॒नु ध॒न्व॑ना यन्ति वृ॒ष्टयः॑ ६  
 त॒तृदा॑नाः सि॒न्ध॒वः क्षोद॑सा र॒जः प्र स॑स्रु॒र्धेन॑वो यथा ।  
 स्य॒न्ना अ॒श्वा इ॒वा ध्व॑नो वि॒मोच॑ने वि यद् वर्त॑न्त ए॒न्यः ७  
 आ या॑त मरुतो दि॒व आ॒न्तरि॑क्षादु॒मादु॑त ।  
 मा॒व॑ स्था॒त परा॑वर्तः ८  
 मा वो॑ र॒सानि॑त॒भा कु॒भा कु॒मु॒र्मा वः॑ सि॒न्धु॒र्नि री॑रमत् ।  
 मा वः॑ परि॑ ष्ठात् स॒रयुः॑ पु॒रीषि॑य॒स्मे इ॒त् सु॒म्रम॑स्तु वः ९  
 तं वः॑ श॒र्धं रथा॑नां त्वे॒षं गु॒णं मा॒रुतं॑ नव्य॑सीनाम् ।  
 अ॒नु प्र य॑न्ति वृ॒ष्टयः॑ १०  
 श॒र्धंश॒र्धं व ए॒षां वा॒र्त॒वा॒तं गु॒णं॒गं॒ सु॒श॒स्तिभिः॑ ।  
 अ॒नु क्रा॑मेम धी॒तिभिः॑ ११  
 क॒स्मा अ॒द्य सु॒जा॒ताय॑ रा॒तह॑व्याय॒ प्र य॑युः ।  
 ए॒ना या॑मैन म॒रुतः॑ १२  
 ये॒न तो॒काय॑ तन॑याय धा॒न्यं बी॒जं व॒ह॒ध्वे अ॒क्षि॑तम् ।  
 अ॒स्मभ्यं॑ तद् ध॒त्तनु॑ यद् व॒ ई॒महे॑ रा॒धौ वि॒श्वायु॑ सौ॒भ॒गम् १३  
 अ॒ती॒याम॑ नि॒दस्ति॑रः स्व॒स्तिभि॑ हि॒त्वाव॑द्यम॒रोतीः॑ ।  
 वृ॒ष्टी शं॑ यो॒राप॑ उ॒स्त्रि भै॒ष॒जं स्या॑म मरुतः स॒ह १४  
 सु॒दे॒वः स॑महा॒सति॑ सु॒वीरौ॑ नरो मरुतः स म॒र्त्यः॑ ।  
 यं त्रा॑य॒ध्वे स्या॑म॒ ते १५  
 स्तु॒हि भो॒जान् त्स्तु॑व॒तो अ॒स्य॒ या॒म॒नि र॒णन् गा॒वो न॑ यव॑से ।  
 य॒तः पूर्वाँ॑ इ॒व स॒खीर॑नु॒ ह्वय॑ गि॒रा गृ॑णीहि का॒मि॒नः १६

(५४) चतुष्पञ्चाशं सूक्तम्

(१-१५) पञ्चदशर्चस्यास्य सूक्तस्यात्रेयः श्यावाश्च ऋषिः । मरुतो देवताः । (१-१३, १५) प्रथमादित्रयोदशर्चा पञ्चदश्याश्च जगती,



(१४) चतुर्दश्याश्च त्रिष्टुप् छन्दसी

प्र शर्धा॒यु मा॒रुता॒यु स्व॒भान॒व इ॒मां वा॒चम॒नजा॒ पर्व॒त॒च्युते॑ ।  
घ॒र्म॒स्तुभै॑ दि॒व आ॒ पृ॒ष्ठय॒ज्वने॑ द्यु॒म्रश्र॑वसे म॒हि नृ॒म्णम॑र्चत १  
प्र वो॑ मरुतस्तवि॒षा उ॑द॒न्यवो॑ वयो॒वृधो॑ अ॒श्वयु॒जः परि॑ज्रयः ।  
सं वि॒द्युता॒ दध॑ति वा॒शति॑ त्रि॒तः स्वर॑न्त्यापोऽव॒ना परि॑ज्रयः २  
वि॒द्युन्म॑हसो नरो अ॒श्मदि॑द्यवो वा॒त॒त्विषो॑ म॒रुतः॑ पर्व॒त॒च्युतः॑ ।  
अ॒ब्दया॑ चिन्मु॒हुरा ह्री॑दुनीवृ॒तः स्त॒नय॑दमा रभ॒सा उ॒दौज॑सः ३  
व्य॑श्क्तून् रु॒द्रा व्य॑हानि शि॒क्वसो॑ व्य॑न्तरि॒क्षं वि॑ रजा॒सि धू॒तयः॑ ।  
वि॒ यद॒ज्राँ अ॒ज॒थ नाव॑ ई॒ यथा॑ वि॒ दु॒र्गाणि॑ मरुतो॒ नाह॑ रिष्यथ ४  
तद् वी॒र्यं॑ वो मरुतो म॒हित्व॒नं दी॒र्घं तै॒तान् सूर्यो॑ न योज॒नम् ।  
ए॒ता न या॒मे अ॒गृभी॑तशोचिषो ऽन॒श्चदा॑ यन्नच॒यात॑ना गि॒रिम् ५  
अ॒भ्राजि॑ श॒र्धो मरु॑तो यद॒र्णसं॑ मोष॒था वृ॒क्षं क॑प॒नेव॑ वेधसः ।  
अ॒र्धं स्मा॒ नो अ॒रम॑तिं सजोष॒सश्चक्षु॑रिव॒ यन्त॑मनु॒ नेष॑था सु॒गम् ६  
न स जी॑यते मरुतो न ह॒न्यते॒ न स्रै॑धति॒ न व्य॑थते॒ न रि॑ष्यति । नास्य॒ राय॑  
उप॑ दस्यन्ति॒ नोत॑य॒ ऋषि॑ वा॒ यं राजा॑नं वा॒ सुषू॑दथ ७  
नि॒युत्वं॒न्तो ग्रा॒म॒जितो॑ यथा॒ नरो॑ ऽर्य॒मणो॑ न म॒रुतः॑ कब॒न्धिनः॑ ।  
पि॒न्वन्त्यु॒त्सं य॒दिना॑सो अ॒स्वर॑न् व्यु॒न्दन्ति॑ पृथि॒वीं म॒ध्वो अ॒न्धसा॑ ८  
प्र॒वत्वं॒तीयं॑ पृथि॒वी म॒रुद्भ्यः॑ प्र॒वत्वं॒ती द्यौर्भ॑वति प्र॒यद्भ्यः॑ ।  
प्र॒वत्वं॒तीः प॒थ्या अ॒न्तरि॑क्ष्याः प्र॒वत्वं॒न्तः पर्व॑ता जी॒रदा॑नवः ९  
यन्म॑रुतः सभरसः स्व॒र्णरः॑ सूर्य॒ उदि॑ते म॒दथा॑ दि॒वो नरः॑ ।  
न वोऽश्वाः॑ श्रथय॒न्ताह॑ सि॒स्त्रतः॑ स॒द्यो अ॒स्याध्व॑नः पा॒रम॑श्नुथ १०  
अंसै॑षु व अ॒ष्टयः॑ प॒त्सु खा॒दयो॑ व॒क्षःसु॑ रु॒क्मा म॑रुतो रथे शु॒भः ।  
अ॒ग्निभ्रा॑जसो वि॒द्युतो॑ ग॒र्भस्त्योः॑ शि॒प्राः शी॒र्षसु॑ वि॒तता॑ हि॒र॒ण्ययीः॑ ११  
तं नाक॑म॒र्यो अ॒गृभी॑तशोचिषं रु॒शत् पि॒प्पलं॑ मरुतो॒ वि धू॑नुथ ।  
सम॑च्यन्त वृ॒जना॑ति॒त्विष॑न्त॒ यत् स्वर॑न्ति॒ घोषं॑ वि॒त॒तमृ॑तायवः १२  
यु॒ष्माद॑त्तस्य मरुतो वि॒चेत॑सो रा॒यः स्या॑म र॒थ्यो॒इ व॑र्यस्वतः ।  
न यो यु॑च्छति॒ तिष्यो॒इ यथा॑ दि॒वो॒इ ऽस्मे रा॑रन्त मरुतः स॒ह॒स्त्रिण॑म् १३  
यू॒यं र॒यिं म॑रुतः स्पा॒हवी॑रं यू॒यमृ॑षिमवथ॒ साम॑विप्रम् ।  
यू॒यम॑र्वन्तं भ॒रता॑य॒ वाजं॑ यू॒यं ध॑त्थ राजा॑नं श्रुष्टि॒मन्त॑म् १४  
तद् वो॑ या॒मि द्र॒विणं॑ सद्यऊ॒तयो॑ ये॒ना स्व॑र्णं॒ त॒तना॑म् नृ॒रभि॑ ।

इदं सु मे मरुतो हर्यता वचो यस्य तरैम् तरसा शतं हिमाः १५

(५५) पञ्चपञ्चाशं सूक्तम्

(१-१०) दशर्चस्यास्य सूक्तस्यात्रेयः श्यावाश्च ऋषिः । मरुतो देवताः । (१-६)

प्रथमादिनवर्चा जगती, (१०) दशम्याश्च त्रिष्टुप् छन्दसी  
प्रयज्यवो मरुतो भ्राजदृष्टयो बृहद् वयो दधिरे रुक्मवक्षसः ।  
ईयन्ते अश्वैः सुयमैभिराशुभिः शुभं यातामनु रथा अवृत्सत १  
स्वयं दधिध्वे तविषीं यथा विद बृहन्महान्त उर्विया वि राजथ ।  
उतान्तरिक्षं ममिरे व्योजसा शुभं यातामनु रथा अवृत्सत २  
साकं जाताः सुभ्वः साकमुक्षिताः श्रिये चिदा प्रतरं वावृधुर्नरः ।  
विरोकिणः सूर्यस्येव रश्मयः शुभं यातामनु रथा अवृत्सत ३  
आभूषेण्य वो मरुतो महित्वनं दिदृक्षेण्यं सूर्यस्येव चक्ष्णम् ।  
उतो अस्माँ अमृतत्वे दधातु शुभं यातामनु रथा अवृत्सत ४  
उदीरयथा मरुतः समुद्रतो यूयं वृष्टिं वर्षयथा पुरीषिणः ।  
न वो दस्त्रा उप दस्यन्ति धेनवः शुभं यातामनु रथा अवृत्सत ५  
यदश्वान् धूर्षु पृषतीरयुग्ध्वं हिरण्ययान् प्रत्यत्काँ अमुग्ध्वम् ।  
विश्वा इत् स्पृधौ मरुतो व्यस्यथ शुभं यातामनु रथा अवृत्सत ६  
न पर्वता न नद्यो वरन्त वो यत्राचिध्वं मरुतो गच्छथेदु तत् ।  
उत द्यावापृथिवी याथना परि शुभं यातामनु रथा अवृत्सत ७  
यत् पूर्व्यं मरुतो यच्च नूतनं यदुद्यतै वसवो यच्च शस्यतै ।  
विश्वस्य तस्य भवथा नवेदसः शुभं यातामनु रथा अवृत्सत ८  
मृळत नो मरुतो मा वधिष्टना ऽस्मभ्यं शर्म बहुलं वि यन्तन ।  
अधि स्तोत्रस्य सख्यस्य गातु शुभं यातामनु रथा अवृत्सत ९  
यूयमस्मान् नयत वस्यो अच्छा निरहृतिभ्यो मरुतो गृणानाः ।  
जुषध्वं नो हव्यदातिं यजत्रा वयं स्याम पतयो रयीणाम् १०

(५६) षट्पञ्चाशं सूक्तम्

(१-६) नवर्चस्यास्य सूक्तस्यात्रेयः श्यावाश्च ऋषिः । मरुतो देवताः । (१-२,  
४-६, ८-९) प्रथमाद्वितीययोर्ऋचोश्चतुर्थ्यादितृचस्याष्टमीनवम्योश्च बृहती, (३, ७)

तृतीयासप्तम्योश्च सतोबृहती छन्दसी

अग्ने शर्धन्तमा गुणं इं॒प॒ष्टं रु॒क्मेभि॒र॒ञ्जिभिः ।  
विशो अ॒द्य म॒रुता॒मव॑ ह॒ये दि॒वश्चि॒द् रो॒चना॒दधि॑ १  
यथा चि॒न्मन्य॑से ह॒दा तदि॒न्मै जग्मु॑रा॒शसः॑ ।  
ये ते नेदि॑ष्ठं ह॒र्वना॒न्याग॑म॒न् तान् वर्ध॑ भी॒मस॑दृशः २  
मी॒ळ॒हुष्म॑तीव पृथि॒वी परा॑हता म॒दन्त्ये॒त्यस्म॑दा ।  
ऋ॒क्षो न वो॑ मरुतः शिमी॒वाँ अ॒मो दु॒ध्रो गौ॒रिव॑ भी॒मयुः॑ ३  
नि ये रि॒णन्त्यो॒र्जसा॑ वृ॒था गा॒वो न दु॒र्धुरः॑ ।  
अश्मा॑न चि॒त् स्व॒र्यं प॑र्वतं गि॒रिं प्र च्या॑वयन्ति या॒मभिः॑ ४  
उत् तिष्ठ नू॒नमै॑षां स्तो॒मैः स॒मु॒क्षिता॑नाम् ।  
म॒रुता॑ पु॒रुत॑म॒मपू॒र्व्यं ग॒वां सर्ग॑मिव ह॒ये ५  
यु॒ङ्ग॒ध्वं ह्य॒रुषी॑ रथे यु॒ङ्ग॒ध्वं रथे॑षु रो॒हितः॑ ।  
यु॒ङ्ग॒ध्वं हरी॑ अ॒जिरा॑ धु॒रि वो॒ळ॒हवे॑ वहि॒ष्ठा धु॒रि वो॒ळ॒हवे॑ ६  
उ॒त स्य वा॒ज्य॒रुष॑स्तु॒विष्व॑णि॒रिह॑ स्म॒ धायि॑ दर्शतः ।  
मा वो॒ यामै॑षु मरुतश्चि॒रं क॑र॒त् प्र तं रथे॑षु चोदत ७  
रथं॑ नु मा॒रुतं॑ व॒यं श्र॑व॒स्युमा॑ हु॒वामहे॑ ।  
आ यस्मि॑न् त॒स्थौ सु॒रणा॑नि बिभ्र॒ती स॒चा म॒रुत्सु॑ रोद॒सी ८  
तं वः॑ शर्धं रथे॒शुर्भ॑ त्वे॒षं प॑न॒स्युमा॑ हु॒वे ।  
यस्मि॑न् त्सुजा॒ता सु॒भगा॑ म॒हीय॑ते स॒चा म॒रुत्सु॑ मी॒ळ॒हुषी॑ ९

पञ्चमोऽनुवाकः

व० ५७ । ७२

(५७) सप्तपञ्चाशं सूक्तम्

(१-८) अष्टर्चस्यास्य सूक्तस्यात्रेयः श्यावाश्व ऋषिः । मरुतो देवताः । (१-६)

प्रथमादिषडृचां जगती, (७-८) सप्तम्यष्टम्योश्च त्रिष्टुप् छन्दसी

आ रु॒द्रासु॑ इन्द्र॒वन्तः॑ स॒जोष॑सो हि॒र॒ण्य॒रथाः॑ सु॒वि॒ताय॑ गन्तन ।  
इ॒यं वो॑ अ॒स्मत् प्र॑ति ह॒र्यते॑ म॒ति स्तृ॑ष्णजे न दि॒व उत्सा॑ उ॒दन्य॑वै १  
वा॒शीम॑न्त ऋ॒ष्टि॑मन्तो म॒नीषि॑णः सु॒धन्वा॑न् इ॒षुम॑न्तो नि॒ष॒ङ्गि॑णः ।  
स्व॒श्वाः स्थ॑ सु॒रथाः॑ पृ॒श्निमा॑तरः स्वा॒युधा॑ म॒रुतो॑ या॒थना॑ शु॒भम् २  
धू॒नुथ॑ द्यां प॑र्व॒तान् दा॑शु॒षे वसु॑ नि वो॒ वना॑ जि॒हते॑ या॒मनो॑ भि॒या ।

कोपयथ पृथिवीं पृथिनमातरः शुभे यदुग्राः पृषतीरयुग्ध्वम् ३  
 वातत्विषो मरुतो वर्षनिर्णिजो यमा इव सुसदृशः सुपेशसः ।  
 पिशङ्गाश्वा अरुणाश्वा अरेपसः प्रत्वक्षसो महिना द्यौरिवोरवः ४  
 पुरुद्रप्सा अञ्जिमन्तः सुदानव स्त्वेषसदृशो अनवभ्राधसः ।  
 सुजातासौ जनुषा रुक्मवक्षसो दिवो अर्का अमृतं नाम भेजिरे ५  
 अष्टयो वो मरुतो असंयोरधि सह ओजो बाहोर्वो बलं हितम् ।  
 नृणा शीर्षस्वायुधा रथेषु वो विश्वा वः श्रीरधि तनूषु पिपिशे ६  
 गोमदश्वावद् रथवत् सुवीरं चन्द्रवद् राधौ मरुतो ददा नः ।  
 प्रशस्तिं नः कृणुत रुद्रियासो भक्षीय वोऽवसो दैव्यस्य ७  
 ह्ये नरो मरुतो मृळता नस्तुवीमघासो अमृता अतज्ञाः ।  
 सत्यश्रुतः कवयो युवानो बृहद्विरयो बृहदुक्षमाणाः ८

(५८) अष्टपञ्चाशं सूक्तम्

(१-८) अष्टर्चस्यास्य सूक्तस्यात्रेयः श्यावाश्व ऋषिः । मरुतो देवताः ।

त्रिष्टुप् छन्दः

तमु नूनं तविषीमन्तमेषां स्तुषे गुणं मारुतं नव्यसीनाम् ।  
 य आश्वश्वा अमवद् वहन्त उतेशिरे अमृतस्य स्वराजः १  
 त्वेषं गुणं तवसं खादिहस्तं धुनिव्रतं मायिनं दातिवारम् ।  
 मयोभुवो ये अमिता महित्वा वन्दस्व विप्र तुविराधसो नृन् २  
 आ वो यन्तूदवाहासौ अद्य वृष्टिं ये विश्वे मरुतो जुनन्ति ।  
 अयं यो अग्निर्मरुतः समिद्ध एतं जुषध्वं कवयो युवानः ३  
 यूयं राजानमिर्य जनाय विभ्वतष्टं जनयथा यजत्राः ।  
 युष्मदैति मुष्टिहा बाहुजूतो युष्मत् सदश्वो मरुतः सुवीरः ४  
 अरा इवेदचरमा अहैव प्रप्र जायन्ते अकवा महौभिः ।  
 पृश्नैः पुत्रा उपमासो रभिष्टाः स्वया मत्या मरुतः सं मिमिक्षुः ५  
 यत् प्रायासिष्ट पृषतीभिरश्वैर्वीळुपविभिर्मरुतो रथैभिः ।  
 क्षोदन्त आपो रिणते वना न्यवोस्त्रियो वृषभः क्रन्दतु द्यौः ६  
 प्रथिष्ट यामन् पृथिवी चिदेषां भर्तैव गर्भं स्वमिच्छवौ धुः ।  
 वातान् ह्यश्वान् धुर्यायुयुजे वर्षं स्वेदं चक्रिरे रुद्रियासः ७  
 ह्ये नरो मरुतो मृळता नस्तुवीमघासो अमृता अतज्ञाः ।

सत्यंश्रुतः कर्वयो युवानो बृहद्विरयो बृहदुक्षमाणाः ८

(५६) एकोनषष्टितमं सूक्तम्

(१-८) अष्टर्चस्यास्य सूक्तस्यात्रेयः श्यावाश्च ऋषिः । मरुतो देवताः । (१-७)

प्रथमादिसप्तर्चा जगती, (८) अष्टम्याश्च त्रिष्टुप् छन्दसी  
प्र वः स्पळक्रन् त्सुविताय दावने ऽर्चा दिवे प्र पृथिव्या ऋतं भरे ।  
उक्षन्ते अश्वान् तरुषन्त आ रजो ऽनु स्वं भानुं श्रथयन्ते अर्णवैः १  
अर्मादिषां इभयसा भूमिरेजति नौर्न पूर्णा क्षरति व्यथिर्यती ।  
दूरेदृशो ये चितयन्त एमभि रन्तर्मुहे विदथे येतिरे नरः २  
गवामिव श्रियसे शृङ्गमुत्तमं सूर्यो न चक्षू रजसो विसर्जने ।  
अत्या इव सुभ्वश्चरवः स्थन मर्या इव श्रियसे चेतथा नरः ३  
को वो महान्ति महतामुदशनवत् कस्काव्या मरुतः को ह पौस्या ।  
यूयं ह भूमिं किरणं न रैजथ प्र यद् भरध्वे सुविताय दावने ४  
अश्वा इवेदरुषासः सर्वन्धवः शूरा इव प्रयुधः प्रोत युयुधुः ।  
मर्या इव सुवृधौ वावृधुर्नरः सूर्यस्य चक्षुः प्र मिनन्ति वृष्टिभिः ५  
ते अज्येष्ठा अकनिष्ठास उद्भिदो ऽमध्यमासो महसा वि वावृधुः ।  
सुजातासौ जनुषा पृश्निमातरो दिवो मर्या आ नो अच्छा जिगातन ६  
वयो न ये श्रेणीः पप्परोजसा ऽन्तान् दिवो बृहतः सानुनस्परि ।  
अश्वास एषामुभये यथा विदुः प्र पर्वतस्य नभनूरैचुच्यवुः ७  
मिमातु द्यौरदितिर्वीतये नः सं दानुचित्रा उषसौ यतन्ताम् ।  
आचुच्यवुर्दिव्यं कोशमेत ऋषे रुद्रस्य मरुतौ गृणानाः ८

(६०) षष्टितमं सूक्तम्

(१-८) अष्टर्चस्यास्य सूक्तस्यात्रेयः श्यावाश्च ऋषिः । मरुतोऽग्रामरुतौ वा देवते ।

(१-६) प्रथमादितृचद्वयस्य त्रिष्टुप्, (७-८) सप्तम्यष्टम्योर्ऋचोश्च जगती छन्दसी  
ईळे अग्निं स्वर्वसं नमोभि रिह प्रसुतो वि चयत् कृतं नः ।  
रथैरिव प्र भरे वाजयद्भिः प्रदक्षिणिन्मरुतां स्तोममृध्याम् १  
आ ये तस्थुः पृषतीषु श्रुतासु सुखेषु रुद्रा मरुतो रथेषु ।  
वनां चिदुग्रा जिहते नि वो भिया पृथिवी चिद् रेजते पर्वतश्चित् २  
पर्वतश्चिन्महि वृद्धो बिभाय दिवश्चित् सानु रेजत स्वने वः ।

यत् क्रीळथ मरुत ऋष्टिमन्त आप इव सध्वयञ्चो धवध्वे ३  
 वरा इवेद् रैवतासो हिरण्यै रभि स्वधाभिस्तन्वः पिपिश्रे ।  
 श्रिये श्रेयांसस्तवसो रथेषु सत्रा महांसि चक्रिरे तनूषु ४  
 अज्येष्ठासो अकनिष्ठास एते सं भ्रातरो वावृधुः सौभगाय ।  
 युवा पिता स्वपा रुद्र एषां सुदुघा पृश्निः सुदिना मरुद्भ्यः ५  
 यदुत्तमे मरुतो मध्यमे वा यद् वावमे सुभगासो दिवि छ ।  
 अतौ नो रुद्रा उत वा न्वस्या ग्रै वित्ताद्धविषो यद् यजाम ६  
 अग्निश्च यन्मरुतो विश्ववेदसो दिवो वहध्व उत्तरादधि ष्णुभिः ।  
 ते मन्दसाना धुनयो रिशादसो वामं धत्त यजमानाय सुन्वते ७  
 अग्रै मरुद्भिः शभयद्भिर्ऋक्वभिः सोमं इंपब मन्दसानो गणश्रिभिः ।  
 पावकेभिर्विश्वमिन्वेभिरायुभिर्वै श्वानर प्रदिवा केतुना सजूः ८

(६१) एकषष्टितमं सूक्तम्

(१-१६) एकोनविंशत्यृचस्यास्य सूक्तस्यात्रेयः श्यावाश्च ऋषिः । (१-४, ११-१६)  
 प्रथमादिचतुर्ऋचामेकादश्यादिषण्णाञ्च मरुतः, (५-८) पञ्चम्यादिचतसृणां  
 तरन्तमहिषी शशीयसी, (९) नवम्या वैददश्विः पुरुमीळहः, (१०) दशम्या  
 वैददश्विस्तरन्तः, (१७-१८) सतदश्यादितृचस्य च दाभ्यो रथवीतिर्देवताः । (१-  
 ४, ६-८, १०-११) प्रथमादिचतुर्ऋचां षष्ठ्यादितृचस्य दशम्यादिद्वादशानाञ्च गायत्री,  
 (५) पञ्चम्या अनुष्टुप्, (९) नवम्याश्च सतोबृहती छन्दांसि  
 केष्ठा नरः श्रेष्ठतमा य एकैक आयय । पुरमस्याः परावतः १  
 क्वश् वोऽश्वाः क्वाश्भीशवः कथं शैक कथा यय । पृष्ठे सदौ नसोर्यमः २  
 जघने चोद एषां वि सक्थानि नरौ यमुः । पुत्रकृथे न जनयः ३  
 परा वीरास एतन् मर्यासो भद्रजानयः । अग्नितपो यथासथ ४  
 सन्त साश्वयं पशु मुत गव्यं शतावयम् ।  
 श्यावाश्चस्तुताय या दोर्वीरायोपबर्बहत् ५  
 उत त्वा स्त्री शशीयसी पुंसो भवति वस्यसी । अदैवत्रादराधसः ६  
 वि या जानाति जसुरिं वि तृष्यन्तं वि कामिनम् । देवत्रा कृणुते मनः ७  
 उत घा नेमो अस्तुतः पुमाँ इति ब्रुवे पणिः । स वैरदेय इत् समः ८  
 उत मैऽरपद् युवतिर्मन्दुषी प्रति श्यावाय वर्तनिम् ।  
 वि रोहिता पुरुमीळहाय येमतु विप्राय दीर्घयशसे ९

यो मे धेनूनां शतं वैददश्चिर्यथा ददत् । तुरन्त इव मुंहना १०  
य ई वहन्त आशुभिः पिबन्तो मदिरं मधु । अत्र श्रवांसि दधिरे ११  
येषां इंश्रयाधि रोदसी विभ्राजन्ते रथेष्व । दिवि रुक्म इवोपरि १२  
युवा स मारुतो गुणस्त्वेषरथो अनेद्यः । शुभंयावाप्रतिष्कृतः १३  
को वैद नूनमेषां यत्रा मदन्ति धूतयः । ऋतजाता अरेपसः १४  
यूयं मर्तं विपन्यवः प्रणेतार इत्था धिया । श्रोतारो यामहूतिषु १५  
ते नो वसूनि काम्या पुरुश्चन्द्रा रिशादसः । आ यज्ञियासो ववृत्तन १६  
एतं मे स्तोममूर्म्ये दाभ्याय परा वह । गिरौ देवि रथीरिव १७  
उत मे वोचतादिति सुतसोमे रथवीतौ । न कामो अप वेति मे १८  
एष क्षेति रथवीति मघवा गोमतीरनु । पर्वतेष्वपश्रितः १९

६२) द्विषष्टितमं सूक्तम्

(१-६) नवर्चस्यास्य सूक्तस्यात्रेयः श्रुतविदृषिः । मित्रावरुणौ देवते ।

त्रिष्टुप् छन्दः

ऋतेन ऋतमपिहितं ध्रुवं वां सूर्यस्य यत्र विमुचन्त्यश्चान् ।  
दशं शता सह तस्थुस्तदेकं देवानां श्रेष्ठं वपुषामपश्यम् १  
तत् सु वां मित्रावरुणा महित्व मीर्मा तस्थुषीरहभिर्दुदुहे ।  
विश्वाः पिन्वथः स्वसरस्य धेना अनु वामेकः पविरा ववर्त २  
अधारयतं पृथिवीमुत द्यां इमत्रराजाना वरुणा महौभिः ।  
वर्धयतमोषधीः पिन्वतं गा अवं वृष्टिं सृजतं जीरदानू ३  
आ वामश्वासः सुयुजो वहन्तु यतरेश्मय उप यन्त्वर्वाक् ।  
घृतस्य निर्णिगनु वर्तते वा मुप सिन्धवः प्रदिवि क्षरन्ति ४  
अनु श्रुताममतिं वर्धदुर्वी बर्हिरिव यजुषा रक्षमाणा ।  
नमस्वन्ता धृतदक्षाधि गर्ते मित्रासाथे वरुणेळास्वन्तः ५  
अक्रविहस्ता सुकृतै परस्पा यं त्रासाथे वरुणेळास्वन्तः ।  
राजाना क्षत्रमहणीयमाना सहस्रस्थूणं इबभृथः सह द्वौ ६  
हिरण्यनिर्णिगयो अस्य स्थूणा वि भ्राजते दिव्यश्चाजनीव ।  
भद्रे क्षेत्रे निर्मिता तिल्विले वा सनेम मध्वो अधिगर्त्यस्य ७  
हिरण्यरूपमुषसो व्युष्टा वयःस्थूणमुदिता सूर्यस्य ।  
आ रोहथो वरुण मित्र गर्त मर्तश्चक्षाथे अदितिं दितिं च ८

यद् बंहिष्ठं नातिविधे सुदानू अच्छिद्रं शर्म भुवनस्य गोपा ।  
तेन नो मित्रावरुणावविष्टं सिषासन्तो जिगीवांसः स्याम ६

चतुर्थोऽध्यायः

व० १ । ३६

(६३) त्रिषष्टितमं सूक्तम्

(१-७) सप्तर्चस्यास्य सूक्तस्यात्रेयोऽर्चनाना ऋषिः । मित्रावरुणौ देवते ।

जगती छन्दः

ऋतस्य गोपावधि तिष्ठथो रथं सत्यधर्माणा परमे व्यौमनि ।  
यमत्र मित्रावरुणावथो युवं तस्मै वृष्टिर्मधुमत् पिन्वते दिवः १  
सम्राजावस्य भुवनस्य राजथो मित्रावरुणा विदथे स्वर्दृशा ।  
वृष्टिं वां राधौ अमृतत्वमीमहे द्यावापृथिवी वि चरन्ति तन्यवः २  
सम्राजा उग्रा वृषभा दिवस्पती पृथिव्या मित्रावरुणा विचर्षणी ।  
चित्रेभिरभैरुप तिष्ठथो रवं द्यां वर्षयथो असुरस्य मायया ३  
माया वा मित्रावरुणा दिवि श्रिता सूर्यो ज्योतिश्चरति चित्रमायुधम् ।  
तमभ्रेण वृष्ट्या गूहथो दिवि पर्जन्य द्रप्सा मधुमन्त ईरते ४  
रथं युञ्जते मरुतः शभे सुखं शूरो न मित्रावरुणा गविष्टिषु ।  
रजांसि चित्रा वि चरन्ति तन्यवो दिवः सम्राजा पर्यसा न उक्षतम् ५  
वाचं सु मित्रावरुणाविरावतीं पर्जन्यश्चित्रां वदति त्विषीमतीम् ।  
अभ्रा वसत मरुतः सु मायया द्यां वर्षयतमरुणाम रेपसम् ६  
धर्मणा मित्रावरुणा विपश्चिता वृता रक्षेथे असुरस्य मायया ।  
ऋतेन विश्वं भुवनं वि राजथः सूर्यमा धत्थो दिवि चित्र्यं रथम् ७

(६४) चतुःषष्टितमं सूक्तम्

(१-७) सप्तर्चस्यास्य सूक्तस्यात्रेयोऽर्चनाना ऋषिः । मित्रावरुणौ देवते । (१-६)

प्रथमादिषड्चामनुष्टुप् , (७) सप्तम्याश्च पङ्क्तिश्छन्दसी

वरुणं वो रिशादस मृचा मित्रं हवामहे ।  
परि व्रजेव ब्राह्मो र्जगन्वासा स्वर्णरम् १  
ता ब्राह्वा सुचेतुना प्र यन्तमस्मा अर्चते ।  
शेवं हि जार्यं वां विश्वासु क्षासु जोगुवे २



यन्नूनमृश्यां गतिं मित्रस्य यायां पृथा ।  
 अस्य प्रियस्य शर्मण्य हिंसानस्य सश्विरे ३  
 युवाभ्यां इमत्रावरुणो पुमं धैयामृचा ।  
 यद्ध क्षयै मघोनां स्तोतृणां च स्पृधसै ४  
 आ नौ मित्र सुदीति भिर्वरुणश्च सधस्थ आ ।  
 स्वे क्षयै मघोनां सखीनां च वृधसै ५  
 युवं नो येषु वरुण क्षत्रं बृहच्च बिभृथः ।  
 उरु णो वाजसातये कृतं राये स्वस्तये ६  
 उच्छन्त्या मे यजता देवक्षत्रे रुशद्गवि ।  
 सुतं सोमं न हस्तिभि रा पडिभर्धावतं नरा बिभ्रतावर्चनानसम् ७

(६५) पञ्चषष्टितमं सूक्तम्

(१-६) षड्वचस्यास्य सूक्तस्यात्रेयो रातहव्य ऋषिः । मित्रावरुणौ देवते । (१-५)

प्रथमादिपञ्चर्चामनुष्टुप् , (६) षष्ठ्याश्च पङ्क्तिश्छन्दसी

यश्चिकेत स सुक्रतुर्देवत्रा स ब्रवीतु नः ।  
 वरुणो यस्य दर्शतो मित्रो वा वनते गिरः १  
 ता हि श्रेष्ठवर्चसा राजाना दीर्घश्रुत्तमा ।  
 ता सत्पती ऋतावृधं ऋतावाना जनैजने २  
 ता वामियानोऽवसे पूर्वा उपे ब्रुवे सचा ।  
 स्वश्वासः सु चेतुना वाजां अभि प्र दावने ३  
 मित्रो अंहोश्चिदादुरु क्षयाय गातुं वनते ।  
 मित्रस्य हि प्रतूर्वतः सुमतिरस्ति विधतः ४  
 वयं मित्रस्यावसि स्याम सप्रथस्तमे ।  
 अनेहसस्त्वोतयः सत्रा वरुणशेषसः ५  
 युवं इमत्रेमं जनुं यतथः सं च नयथः ।  
 मा मघोनः परि ख्यतुं मो अस्माकमृषीणा गोपीथे न उरुष्यतम् ६

(६६) षट्षष्टितमं सूक्तम्

(१-६) षड्वचस्यास्य सूक्तस्यात्रेयो रातहव्य ऋषिः । मित्रावरुणौ देवते ।

अनुष्टुप् छन्दः

आ चि॒कितान॑ सु॒क्रतू दे॒वौ म॑र्त रि॒शाद॑सा ।  
 वरु॑णाय ऋ॒तपै॑शसे दधी॒त प्र॑यसे मु॒हे १  
 ता हि क्ष॒त्रम॑वि॒हुतं स॒म्यग॑सु॒र्यश्मा॑शति ।  
 अ॒र्धं वृ॒तेव॒ मानु॑षं स्व॒र्णं धा॑यि दर्श॒तम् २  
 ता वा॒मेषे॑ रथा॒ना मु॒र्वी ग॒व्यूति॑मेषाम् ।  
 रा॒तह॑व्यस्य सु॒ष्टतिं॑ द॒धृक् स्तोमै॑र्मनामहे ३  
 अ॒ध्रा हि का॒व्यो यु॒वं दक्ष॑स्य पू॒र्भिर॑द्भुता ।  
 नि के॒तुना॒ जनानां॑ चि॒केथे॑ पू॒तदक्ष॑सा ४  
 तदृ॒तं पृ॑थिवि बृ॒ह च॑च॒फट् व॒एष ऋ॑षी॒णाम् ।  
 ज॒यसा॑नावरं पृ॒थ्व ति॑ क्षरन्ति॒ याम॑भिः ५  
 आ यद् वा॒मीय॑चक्ष॒सा मि॒त्र व॒यं च॑ सू॒रयः॑ ।  
 व्यचि॑ष्ठे बहु॒पाय्ये॒ यतै॑महि स्व॒राज्यै॑ ६

(६७) सप्तषष्ठितमं सूक्तम्

(१-५) पञ्चर्चस्यास्य सूक्तस्यात्रेयो यजत ऋषिः । मित्रावरुणौ देवते ।

अनुष्टुप् छन्दः

ब॒ळि॒त्था दे॒व निष्कृ॑त मादि॒त्या यज॑तं बृ॒हत् ।  
 वरु॑ण मि॒त्राय॑मन् वर्षि॑ष्ठं क्ष॒त्रमा॑शाथे १  
 आ यद् यो॒निं हि॒रण॑ययं वरु॑ण मि॒त्र स॑द॒थः ।  
 ध॒र्तारा॑ चर्षणी॒नां य॒न्तं सु॒म्नं रि॑शादसा २  
 वि॒श्वे हि वि॒श्ववै॑दसो वरु॑णो मि॒त्रो अ॑र्य॒मा ।  
 वृ॒ता प॒देव॑ सश्चि॒रे पा॑न्ति म॒र्त्ये रि॑षः ३  
 ते हि स॒त्या ऋ॒तस्पृ॑शं ऋ॒तावा॑नो जने॒जने॑ ।  
 सु॒नी॒थासः॑ सु॒दान॑वो ऽहोश्चि॒दुरु॑चक्रयः ४  
 को नु वा॑ इ॒म॒त्रास्तु॑तो वरु॑णो वा त॒नूना॑म् ।  
 तत् सु॒ वा॒मेष॑ते म॒ति र॒त्रिभ्य॑ एष॑ते म॒तिः ५

(६८) अष्टषष्ठितमं सूक्तम्

(१-५) पञ्चर्चस्यास्य सूक्तस्यात्रेयो यजत ऋषिः । मित्रावरुणौ देवते ।

गायत्री छन्दः

प्र वो मित्राय गायत वरुणाय विपा गिरा । महिन्नत्रावृतं बृहत् १  
सम्राजा या घृतयौनी मित्रश्चोभा वरुणश्च । देवा देवेषु प्रशस्ता २  
ता नः शक्तं पार्थिवस्य महो रायो दिव्यस्य । महि वां क्षत्रं देवेषु ३  
ऋतमृतेन सपन्ते षिरं दक्षमाशाते । अद्भुता देवौ वर्धेते ४  
वृष्टिद्यावा रीत्यापे षस्पती दानुमत्याः । बृहन्तं गर्तमाशाते ५

(६६) एकोनसप्ततितमं सूक्तम्

(१-४) चतुर्ऋचस्यास्य सूक्तस्यात्रेय उरुचक्रिर्ऋषिः । मित्रावरुणौ देवते ।

त्रिष्टुप् छन्दः

त्री रौचना वरुण त्रीरुत द्यून् त्रीणि मित्र धारयथो रजांसि ।  
वावृधानावमतिं क्षत्रियस्याऽनु वृतं रक्षमाणावजुर्यम् १  
इरावतीवरुण धेनवौ वां मधुमद् वां सिन्धवो मित्र दुहे ।  
त्रयस्तस्थुर्वृषभासस्तिसृणां धिषणांनानां रेतोधा वि द्युमन्तः २  
प्रातर्देवीमदितिं जोहवीमि मध्यंदिन उदिता सूर्यस्य ।  
राये मित्रावरुणा सर्वताते ळे तोकाय तनयाय शं योः ३  
या धर्तारा रजसो रोचनस्यो तादित्या दिव्या पार्थिवस्य ।  
न वां देवा अमृता आ मिनन्ति वृतानि मित्रावरुणा ध्रुवाणि ४

(७०) सप्ततितमं सूक्तम्

(१-४) चतुर्ऋचस्यास्य सूक्तस्यात्रेय उरुचक्रिर्ऋषिः । मित्रावरुणौ देवते ।

गायत्री छन्दः

पुरुषाणां चिद्धयस्त्यवौ नूनं वां वरुण । मित्र वंसि वां सुमतिम् १  
ता वां सम्यगद्ब्रुवाणे षमश्याम धार्यसे । वयं ते रुद्रा स्याम २  
पातं नो रुद्रा पायुभि रूत त्रायेथां सुत्रात्रा । तुर्याम दस्यून् तनूभिः ३  
मा कस्याद्भुतक्रतू यक्षं भुजेमा तनूभिः । मा शेषसा मा तनसा ४

(७१) एकसप्ततितमं सूक्तम्

(१-३) तृचस्यास्य सूक्तस्यात्रेयो बाहुवृक्त ऋषिः । मित्रावरुणौ देवते ।

गायत्री छन्दः

आ नो गन्तं रिशादसा वरुण मित्र बर्हणा । उपेमं चारुमध्वरम् १

विश्वस्य हि प्रचेतसा वरुण मित्र राजथः । ईशाना पिप्यतुं धियः २  
उप नः सुतमा गतुं वरुण मित्र दाशुषः । अस्य सोमस्य पीतये ३

(७२) द्विसप्ततितमं सूक्तम्

(१-३) तृचस्यास्य सूक्तस्यात्रेयो बाहुवृक्त ऋषिः ।

मित्रावरुणौ देवते । उष्णिक् छन्दः

आ मित्रे वरुणे वयं गीर्भिर्जुहुमो अत्रिवत् । नि बर्हिषि सदतुं सोमपीतये १  
वृतेन स्थो ध्रुवक्षेमा धर्मणा यातयज्जना । नि बर्हिषि सदतुं सोमपीतये २  
मित्रश्च नो वरुणश्च जुषेतां यज्ञमिष्टये । नि बर्हिषि सदतां सोमपीतये ३

षष्ठोऽनुवाकः

सू० ७३ । ८७

(७३) त्रिसप्ततितमं सूक्तम्

(१-१०) दशर्चस्यास्य सूक्तस्यात्रेयः पौर ऋषिः । अश्विनौ देवते । अनुष्टुप् छन्द  
यदद्य स्थः परावति यदर्वावत्यश्विना । यद् वा पुरु पुरुभुजा यदन्तरिक्षा आ  
गतम् १

इह त्या पुरुभूतमा पुरु दंसांसि बिभ्रता । वरस्या याम्यधिगू हुवे तुविष्टमा  
भुजे २

ईर्मान्यद् वपुषे वपुश्चक्रं रथस्य येमथुः । पर्यन्या नाहुषा युगा मृहा रजांसि  
दीयथः ३

तद् षु वामेना कृतं विश्वा यद् वामनु ष्वे । नानां जातावरपसा समस्मे  
बन्धुमेयथुः ४

आ यद् वा सूर्या रथं तिष्ठद् रघुष्यदं सदा । परि वामरुषा वयो घृणा वरन्त  
आपः ५

युवोरत्रिश्चिकेतति नरा सुप्नेन चेतसा । घर्म यद् वामरेपसं नासत्यास्त्रा  
भुरणयति ६

उग्रो वा ककुहो ययिः शृणवे यामेषु संतनिः । यद् वां  
दंसौभिरश्विनाऽत्रिर्नराववर्तति ७

मध्व ऊ षु मधूयुवा रुद्रा सिषक्ति पिप्युषी । यत् समुद्राति पर्षथः पुक्वाः

पृ॒क्षो भर॑न्त वाम् ८

स॒त्यमि॒द् वा उ॑ अ॒श्विना यु॒वामा॑ह॒र्मयो॑भुवा । ता या॒मन् या॒म॒ह॒र्त॒मा या॒म॒न्ना  
मृ॒ळय॑त्त॒मा ९

इ॒मा ब्र॑ह्मा॒णि व॑र्ध॒ना ऽश्वि॑भ्या॒ सन्तु॑ श॒न्त॒मा । या त॒क्षाम् र॑थाँ इ॒वा ऽवो॑चाम  
बृ॒हन्न॑मः १०

(७४) चतुःसप्ततितमं सूक्तम्

(१-१०) दशर्चस्यास्य सूक्तस्यात्रेयः पौर ऋषिः । अश्विनौ देवते । अनुष्टुप् छन्दः  
कू॒ष्ठो दे॒वाव॑श्वि॒ना ऽद्या दि॒वो म॑नाव॒सू । तच्छ्र॑व॒थो वृ॑ष॒णव॒सू अ॒त्रि॒र्वा॒मा  
वि॒वास॑ति १

कु॒ह॒ त्या कु॒ह॒ नु श्रु॑ता दि॒वि दे॒वा ना॑स॒त्या । कस्मि॑न्ना य॒तथो॑ ज॒ने को वा॑  
न॒दीनां॑ स॒चा २

कं या॒थः कं ह॑ गच्छ॒थः क॑म॒च्छा यु॒ञ्जाथे॑ रथ॒म् । कस्य॑ ब्र॒ह्मा॒णि र॑ण॒यथो॑ व॒यं  
वा॒मु॒श्मसी॑ष्ट॒यै ३

पौरं॑ चि॒द्धयु॑द॒प्रुतं॑ पौरं॑ पौरा॒य जि॒न्वथः॑ । यदी॑ गृ॒भीत॑ता॒तये॑ सि॒ंहमि॑व द्रु॒हस्प॑दे  
४

प्र च्य॑वा॒नाञ्जु॑रुषो॒ व॒त्रि॒मत्कं॑ न मु॒ञ्चथः॑ । युवा॑ यदी॑ कृ॒थः पुन॑ रा  
का॒ममृ॑ग॒वे व॒ध्वः ५

अस्ति॑ हि वा॒मि॒ह स्तो॑ता स्म॒सि वां स॒दृशि॑ श्रि॒ये । नू श्रु॑तं म॒ आ  
ग॑तु॒मवो॑भि॒र्वाजि॑नीव॒सू ६

को वा॒म॒द्य पु॑रू॒णा मा वे॒न्ने म॑त्या॒नाम् । को वि॒प्रो वि॒प्रवा॑ह॒सा को  
य॒ज्ञैर्वा॑जिनीव॒सू ७

आ वां॑ रथो॒ रथा॑नां॒ येष्टो॑ या॒त्वश्वि॑ना । पु॒रू चि॑द॒स्मयु॑स्ति॒र आ॑ङ्ग॒षो म॑र्त्ये॒ष्वा  
८

श॒मू षु वा॑ म॒धूयु॒वा ऽस्मा॑क॒मस्तु॑ च॒र्कृतिः॑ । अ॒र्वा॒ची॒ना वि॑चे॒तसा॑ वि॒भिः  
श्ये॒नेव॑ दी॒यत॑म् ९

अ॒श्वि॒ना य॒द्ध क॑र्हि चि॒च्छु॑श्रूया॒तमि॑मं ह॒वम् । व॒स्वी॒रू षु वां॑ भु॒जः पृ॒ञ्चन्ति॑  
सु वां॑ पृ॒चः १०

(७५) पञ्चसप्ततितमं सूक्तम्

(१-६) नवर्चस्यास्य सूक्तस्यात्रेयोऽवस्युर्ऋषिः । अश्विनौ देवते । पङ्क्तिश्छन्दः  
 प्रति प्रियतमं रथं वृषणं वसुवाहनम् ।  
 स्तोता वामश्विनावृषिः स्तोमैनु प्रति भूषति माध्वी मम श्रुतं हवम् १  
 अत्यायातमश्विना तिरो विश्वा अहं सना ।  
 दस्त्रा हिरण्यवर्तनी सुषुम्ना सिन्धुवाहसा माध्वी मम श्रुतं हवम् २  
 आ नो रत्नानि बिभ्र तावश्विना गच्छतं युवम् ।  
 रुद्रा हिरण्यवर्तनी जुषाणा वाजिनीवसू माध्वी मम श्रुतं हवम् ३  
 सुष्टुभौ वां वृषणवसू रथे वाणीच्याहिता ।  
 उत वां ककुहो मृगः पृक्षः कृणोति वापुषो माध्वी मम श्रुतं हवम् ४  
 बोधिन्मनसा रथ्यै पिरा हवनश्रुता ।  
 विभिश्चयवानमश्विना नि याथो अद्वयाविनं माध्वी मम श्रुतं हवम् ५  
 आ वां नरा मनोयुजो ऽश्वासः पुषितप्सवः ।  
 वयौ वहन्तु पीतयै सह सुप्तेभिरश्विना माध्वी मम श्रुतं हवम् ६  
 अश्विनावेह गच्छतं नासत्या मा वि वैनतम् ।  
 तिरश्चिदर्यया परि वर्तिर्यातमदाभ्या माध्वी मम श्रुतं हवम् ७  
 अस्मिन् युजे अदाभ्या जरितारं शुभस्पती ।  
 अवस्युर्मश्विना युवं गृणन्तमुप भूषथो माध्वी मम श्रुतं हवम् ८  
 अभूदुषा रुशत्पश राग्निरधाय्यृत्वियः ।  
 अर्योजि वां वृषणवसू रथौ दस्त्रावमर्त्यो माध्वी मम श्रुतं हवम् ९

(७६) षट्सप्ततितमं सूक्तम्

(१-५) पञ्चर्चस्यास्य सूक्तस्य भौमोऽत्रिर्ऋषिः । अश्विनौ देवते । त्रिष्टुप् छन्दः  
 आ भात्यग्निरुषसामनीक मुद् विप्राणां देव्या वाचौ अस्थुः ।  
 अर्वाञ्चा नूनं रथ्येह यातं पीपिवांसमश्विना घर्ममच्छ १  
 न संस्कृतं प्र मिमीतो गमिष्ठा ऽन्ति नूनमश्विनोपस्तुतेह ।  
 दिवाभिपित्वेऽवसागमिष्ठा प्रत्यवर्ति दाशुषे शंभविष्ठा २  
 उता यातं संगवे प्रातरहौ मध्यन्दिन उदिता सूर्यस्य ।  
 दिवा नक्तमवसा शतमेन नेदानीं पीतिरश्विना ततान ३  
 इदं हि वां प्रदिवि स्थानमोक इमे गृहा अश्विनेदं दुरोणम् ।

आ नो दिवो बृहत् पर्वतादा ऽद्भ्यो यातमिषमूर्जं वहन्ता ४  
समश्विनोरवसा नूतनेन मयोभुवा सुप्रणीती गमेम ।  
आ नो रयिं वहतमोत वीरा ना विश्वान्यमृता सौभगानि ५

(७७) सप्तसप्ततितमं सूक्तम्

(१-५) पञ्चर्चस्यास्य सूक्तस्य भौमोऽत्रिर्ऋषिः । अश्विनौ देवते । त्रिष्टुप् छन्दः  
प्रातर्यावाणा प्रथमा यजध्वं पुरा गृध्रादररुषः पिबातः ।  
प्रातर्हि यज्ञमश्विना दधाते प्र शंसन्ति कवयः पूर्वभाजः १  
प्रातर्यजध्वमश्विना हिनोत न सायमस्ति देवया अर्जुष्टम् ।  
उतान्यो अस्मद् यजते वि चावः पूर्वः पूर्वो यजमानो वनीयान् २  
हिरण्यत्वङ्मधुवर्णो घृतस्तुः पृक्षो वहन्ना रथो वर्तते वाम् ।  
मनोजवा अश्विना वार्तरंहा येनातिथो दुरितानि विश्वा ३  
यो भूर्यष्टं नासत्याभ्यां विवेषु चर्निष्ठं इंपत्वो ररते विभागे ।  
स लोकमस्य पीपृच्छमीभि रनूर्ध्वभासः सदमित् तुतुर्यात् ४  
समश्विनोरवसा नूतनेन मयोभुवा सुप्रणीती गमेम ।  
आ नो रयिं वहतमोत वीरा ना विश्वान्यमृता सौभगानि ५

(७८) अष्टसप्ततितमं सूक्तम्

(१-६) नवर्चस्यास्य सूक्तस्यात्रेयः सप्तवध्निर्ऋषिः । अश्विनौ देवते । (१-३)  
प्रथमादितृचस्योष्णिक, (४) चतुर्थ्या ऋचस्त्रिष्टुप्, (५-६)  
पञ्चम्यादिपञ्चानाञ्चानुष्टुप् छन्दांसि  
अश्विनावेह गच्छतं नासत्या मा वि वैनतम् । हंसारिव पततमा सुताँ उप १  
अश्विना हरिणाविव गौराविवानु यवसम् । हंसारिव पततमा सुताँ उप २  
अश्विना वाजिनीवसू जुषेथा यज्ञमिष्टये । हंसारिव पततमा सुताँ उप ३  
अत्रिर्यद् वामवरोहन्वृषीस मजौहवीन्नाधमानेव योषा ।  
श्येनस्य चिज्जवसा नूतनेना ऽऽगच्छतमश्विना शन्तमेन ४  
वि जिहीष्व वनस्पते योनिः सूर्य्यन्त्या इव ।  
श्रुतं मे अश्विना हव सप्तवध्निं च मुञ्चतम् ५  
भीताय नार्धमानाय ऋषये सप्तवधये ।

मा॒याभि॑रश्विना यु॒वं वृ॒क्षं सं च॒ वि चा॑चथः ६  
 यथा॒ वातः॑ पुष्करि॒णीं समि॑ङ्गयति स॒र्वतः॑ ।  
 ए॒वा ते॒ गर्भं॑ एजतु नि॒रैतु॑ दश॒मास्यः॑ ७  
 यथा॒ वातो॑ यथा॒ वनं॑ यथा॑ समु॒द्र एज॑ति ।  
 ए॒वा त्वं द॑शमास्य स॒हावै॑हि ज॒रायु॑णा ८  
 द॒श मा॑साञ्छश॒यानः॑ कु॒मारो॑ अ॒धि मा॒तरि॑ ।  
 नि॒रैतु॑ जी॒वो अ॒क्षतो॑ जी॒वो जी॒वन्त्या॑ अ॒धि ९

(७६) एकोनाशीतितमं सूक्तम्

(१-१०) दशर्चस्यास्य सूक्तस्यात्रेयः सत्यश्रवा ऋषिः । उषा देवता । पङ्क्तिश्छन्दः  
 म॒हे नो॑ अ॒द्य बौ॒धयो॒ षो रा॒ये दि॒वि त्म॑ती ।  
 यथा॑ चि॒न्नो अ॒बौध॑यः स॒त्यश्र॑वसि वा॒य्ये सु॒जाते॑ अ॒श्वसू॑नृते १  
 या सु॒नीथे॑ शौच॒द्रथे॑ व्यौ॒च्छौ दु॒हित॑र्दिवः ।  
 सा व्यु॒च्छ स॒हीय॑सि स॒त्यश्र॑वसि वा॒य्ये सु॒जाते॑ अ॒श्वसू॑नृते २  
 सा नो॑ अ॒द्याभ॑रद्ब॒सु व्यु॒च्छा दु॒हित॑र्दिवः ।  
 यो व्यौ॒च्छः स॒हीय॑सि स॒त्यश्र॑वसि वा॒य्ये सु॒जाते॑ अ॒श्वसू॑नृते ३  
 अ॒भि ये त्वा॑ वि॒भाव॑रि स्तोमैर्गृ॒णन्ति॑ व॒ह्नयः॑ ।  
 म॒घैर्म॑घोनि सु॒श्रियो॑ दा॒मन्व॑न्तः सु॒रात॑यः सु॒जाते॑ अ॒श्वसू॑नृते ४  
 यच्चि॒द्धि तै॑ गु॒णा इ॒मे छ॒दय॑न्ति म॒घत्त॑ये ।  
 परि॑ चि॒द् व॒ष्टयो॑ द॒धु र्द॑दतो रा॒धो अ॒ह्यं सु॒जाते॑ अ॒श्वसू॑नृते ५  
 ऐ॒षु धा॑ वी॒रव॑द् यश॒ उषो॑ म॒घोनि॑ सूरि॒षु ।  
 ये नो॑ रा॒धांस्य॑ह॒या म॒घवा॑नो अ॒रास॑त सु॒जाते॑ अ॒श्वसू॑नृते ६  
 तेभ्यो॑ द्यु॒म्रं बृ॒हद् यश॒ उषो॑ म॒घो॒न्या व॑ह ।  
 ये नो॑ रा॒धांस्य॑श्व॒द्या गु॒व्या भ॑जन्त सूर॒यः सु॒जाते॑ अ॒श्वसू॑नृते ७  
 उ॒त नो॑ गो॒र्मती॑रि॒ष आ व॑हा दु॒हित॑र्दिवः ।  
 सा॒कं सू॒र्यस्य॑ र॒श्मिभिः॑ श॒क्रैः शोच॑द्भि॒रर्चि॑भिः सु॒जाते॑ अ॒श्वसू॑नृते ८  
 व्यु॒च्छा दु॒हित॑र्दि॒वो मा चि॒रं त॑नुथा अ॒र्पः ।  
 नेत् त्वा॑ स्ते॒नं यथा॑ रि॒पुं तपा॑ति सू॒रो अ॒र्चिषा॑ सु॒जाते॑ अ॒श्वसू॑नृते ९  
 ए॒ताव॑द् वेदु॒षस्त्वं भू॒यो वा दा॑तुम॒र्हसि॑ ।  
 या स्तो॒तृभ्यो॑ वि॒भाव॑र्यु॒च्छन्ती॑ न प्र॒मीय॑से सु॒जाते॑ अ॒श्वसू॑नृते १०



(८०) अशीतितमं सूक्तम्

(१-६) षडृचस्यास्य सूक्तस्यात्रेयः सत्यश्रवा ऋषिः । उषा देवता । त्रिष्टुप् छन्दः  
द्युतद्यामानं बृहतीमृतेन ऋतावरीमरुणप्सु विभातीम् ।  
देवीमुषसं स्वरावहेन्तीं प्रति विप्रांसो मतिभिर्जरन्ते १  
एषा जनं दर्शता बोधयन्ती सुगान् पथः कृणवती यात्यग्रे ।  
बृहद्रथा बृहती विश्वमिन्वो षा ज्योतिर्यच्छत्यग्रे अह्वाम् २  
एषा गोभिररुणेभिर्युजाना ऽस्त्रैधन्ती रयिमप्रायु चक्रे ।  
पथो रदन्ती सुविताय देवी पुरुष्टुता विश्ववारा वि भाति ३  
एषा व्यैनी भवति द्विर्वा आविष्कृणवाना तन्वं पुरस्तात् ।  
ऋतस्य पन्थामन्वैति साधु प्रजानतीव न दिशौ मिनाति ४  
एषा शम्ना न तन्वो विदानो ध्वेवं स्नाती दृशये नो अस्थात् ।  
अप द्वेषो बाधमाना तमांस्यु षा दिवो दुहिता ज्योतिषागात् ५  
एषा प्रतीची दुहिता दिवो नृन् योषैव भद्रा नि रिणीते अप्सः ।  
व्यूगर्वती दाशुषे वार्याणि पुनर्ज्योतिर्युवतिः पूर्वथाकः ६

(८१) एकाशीतितमं सूक्तम्

(१-५) पञ्चर्चस्यास्य सूक्तस्यात्रेयः श्यावाश्व ऋषिः । सविता देवता ।  
जगती छन्दः

युञ्जते मन उत युञ्जते धियो विप्रा विप्रस्य बृहतो विपश्चितः ।  
वि होत्रा दधे वयुनाविदेक इन्मही देवस्य सवितुः परिष्टतिः १  
विश्वा रूपाणि प्रति मुञ्चते कविः प्रासावीद् भद्रं द्विपदे चतुष्पदे ।  
वि नार्कमख्यत् सविता वरेण्यो ऽनु प्रयाणमुषसो वि राजति २  
यस्य प्रयाणमन्वन्य इद् ययु देवा देवस्य महिमानमोजसा ।  
यः पार्थिवानि विमुमे स एतंशो रजांसि देवः सविता महित्वना ३  
उत यांसि सवितस्त्रीणि रोचनो त सूर्यस्य रश्मिभिः समुच्यसि ।  
उत रात्रीमुभयतः परीयस उत मित्रो भवसि देव धर्मभिः ४  
उतेशिषे प्रसवस्य त्वमेक इ दुत पूषा भवसि देव यामभिः ।  
उतेदं विश्वं भुवन् वि राजसि श्यावाश्वस्ते सवितुः स्तोममानशे ५

## (८२) द्व्यशीतितमं सूक्तम्

(१-६) नवर्चस्यास्य सूक्तस्यात्रेयः श्यावाश्च ऋषिः । सविता देवता । (१)

प्रथमर्चोऽनुष्टुप् , (२-६) द्वितीयाद्यष्टानाञ्च गायत्री छन्दसी  
तत् सवितुर्वृणीमहे वयं देवस्य भोजनम् । श्रेष्ठं सर्वधातमं तुरं भगस्य  
धीमहि १

अस्य हि स्वयंशस्तरं सवितुः कञ्चन प्रियम् । न मिनन्ति स्वराज्यम् २  
स हि रत्नानि दाशुषै सुवाति सविता भगः । तं भागं चित्रमीमहे ३  
अद्या नो देव सवितः प्रजावत् सावीः सौभगम् । परा दुःष्वप्रयं सुव ४  
विश्वानि देव सवित दुर्गतानि परा सुव । यद् भद्रं तन्न आ सुव ५  
अनागसो अदितये देवस्य सवितुः सवे । विश्वा वामानि धीमहि ६  
आ विश्वदैवं सत्पतिं सूक्तैरद्या वृणीमहे । सत्यसवं सवितारम् ७  
य इमे उभे अहनी पुर एत्यप्रयुच्छन् । स्वाधीर्देवः सविता ८  
य इमा विश्वा जाता न्याश्रावयति श्लोकैः । प्र च सुवाति सविता ९

## (८३) त्र्यशीतितमं सूक्तम्

(१-१०) दशर्चस्यास्य सूक्तस्य भौमोऽत्रिर्ऋषिः । पर्जन्यो देवता । (१, ५-८,  
१०) प्रथमर्चः पञ्चम्यादिचतसृणां दशम्याश्च त्रिष्टुप् , (२-४) द्वितीयादितृचस्य

जगती (६) नवम्याश्चानुष्टुप् छन्दांसि

अच्छा वद तवसं गीर्भिराभिः स्तुहि पर्जन्यं नमसा विवास ।  
कनिक्रदद् वृषभो जीरदानू रेतो दधात्योषधीषु गर्भम् १  
वि वृक्षान् हन्त्युत हन्ति रक्षसो विश्वे इबभाय भुवनं महावधात् ।  
उतानागा ईषते वृष्यावतो यत् पर्जन्यः स्तनयन् हन्ति दुष्कृतः २  
रथीव कश्याश्वा अभिक्षिपन्नाविदूतान् कृणुते वृष्यांश्च अह ।  
दूरात् सिंहस्य स्तनथा उदीरते यत् पर्जन्यः कृणुते वृष्यंश्च नभः ३  
प्र वाता वान्ति पतर्यन्ति विद्युत् उदोषधीर्जिह्वते पिन्वते स्वः ।  
इति विश्वस्मै भुवनाय जायते यत् पर्जन्यः पृथिवीं रेतसावति ४  
यस्य वृते पृथिवी ननमीति यस्य वृते शफवज्रभुरीति ।  
यस्य वृत ओषधीर्विश्वरूपाः स नः पर्जन्य महि शर्म यच्छ ५  
दिवो नो वृष्टिं मरुतो ररीध्वं प्र पिन्वत वृष्णो अश्वस्य धाराः ।  
अवाङितेन स्तनयितुनेह्यपो निषिञ्चन्नसुरः पिता नः ६

अभि क्रन्द स्तनय गर्भमा धा उदन्वता परि दीया रथेन ।  
 दृतिं सु कर्ष विषितं न्यञ्चं समा भवन्तूदृतौ निपादाः ७  
 महान्तं कोशमुदचा नि षिञ्च स्यन्दन्तां कुल्या विषिताः पुरस्तात् ।  
 घृतेन द्यावापृथिवी व्युन्धि सुप्रपाणं भवत्वघ्नयाभ्यः ८  
 यत् पर्जन्य कर्निक्रदत् स्तनयन् हंसि दुष्कृतः ।  
 प्रतीदं विश्वं मोदते यत् किं च पृथिव्यामधि ९  
 अवर्षीर्वर्षमुदु षू गृभाया ऽकधन्वान्यत्यैतवा उ ।  
 अजीजन ओषधीर्भोजनाय कमुत प्रजाभ्योऽविदो मनीषाम् १०

(८४) चतुरशीतितमं सूक्तम्

(१-३) तृचस्यास्य सूक्तस्य भौमोऽत्रिर्ऋषिः । पृथिवी देवता । अनुष्टुप् छन्दः  
 बळित्था पर्वतानां खिद्रं इंबभर्षि पृथिवि ।  
 प्र या भूमिं प्रवत्वति मृहा जिनोषि महिनि १  
 स्तोमासस्त्वा विचारिणि प्रति षोभन्त्यक्तुभिः ।  
 प्र या वाजं न हेषन्तं पेरुमस्यस्यर्जुनि २  
 दृळहा चिद् या वनस्पतीन् क्षमया दर्धर्ष्योर्जसा ।  
 यत् ते अभ्रस्य विद्युतौ दिवो वर्षन्ति वृष्टयः ३

(८५) पञ्चाशीतितमं सूक्तम्

(१-८) अष्टर्चस्यास्य सूक्तस्य भौमोऽत्रिर्ऋषिः । वरुणो देवता । त्रिष्टुप् छन्दः  
 प्र सम्राजै बृहदर्चा गभीरं ब्रह्म प्रियं वरुणाय श्रुताय ।  
 वि यो जघान शमितेव चर्मोपस्तिरै पृथिवीं सूर्याय १  
 वनेषु व्यश्नरिक्षं ततान वाजमवत्सु पय उस्त्रियासु ।  
 हत्सु क्रतुं वरुणो अप्सवश्ग्रिं दिवि सूर्यमदधात् सोममद्रौ २  
 नीचीर्नबारं वरुणः कवन्धं प्र संसर्ज रोदसी अन्तरिक्षम् ।  
 तेन विश्वस्य भुवनस्य राजा यवं न वृष्टिव्युनत्ति भूम ३  
 उनत्ति भूमिं पृथिवीमुत द्यां यदा दुग्धं वरुणो वष्ट्यादित् ।  
 समुभ्रेण वसतु पर्वतास स्तविषीयन्तः श्रथयन्त वीराः ४  
 इमामूष्वासुरस्य श्रुतस्य महीं मायां वरुणस्य प्र वौचम् ।  
 मानैनेव तस्थिवाँ अन्तरिक्षे वि यो ममे पृथिवीं सूर्येण ५

इमामू नु क्वितमस्य मायां महीं देवस्य नकिरा दधर्ष ।  
 एकं यदुदना न पृणन्त्येनी रासिञ्चन्तीरवनयः समुद्रम् ६  
 अर्यम्य वरुण मित्र्य वा सखायं वा सदमिद्भ्रातरं वा ।  
 वेशं वा नित्यं वरुणारणं वा यत् सीमार्गश्चकृमा शिश्रथस्तत् ७  
 कितवासो यद् रिंरिपुर्न दीवि यद् वा घा सत्यमुत यन्न विघ्न ।  
 सर्वा ता वि ष्य शिथिरेव देवाऽधा ते स्याम वरुण प्रियासः ८

(८६) षडशीतितमं सूक्तम्

(१-६) षडचस्यास्य सूक्तस्य भौमोऽत्रिर्ऋषिः । इन्द्राग्नी देवते । (१-५)

प्रथमादिपञ्चर्चामनुष्टुप् (६) षष्ठ्याश्च विराट्पूर्वा छन्दसी

इन्द्राग्नी यमवथ उभा वाजेषु मर्त्यम् ।  
 दृळहा चित् स प्र भैदति द्युम्ना वाणीरिव त्रितः १  
 या पृतनासु दुष्टरा या वाजेषु श्रवाय्या ।  
 या पञ्च चर्षणीरभीन्द्राग्नी ता हवामहे २  
 तयोरिदमवच्छव स्तिग्मा दिद्युन्मघोनोः ।  
 प्रति दुष्टा गभस्त्योर्गवा वृत्रघ्न एषते ३  
 ता वामेषु रथाना मिन्द्राग्नी हवामहे ।  
 पती तुरस्य राधसो विद्वांसा गिर्वणस्तमा ४  
 ता वृधन्तावनु द्यून् मर्ताय देवावदभा ।  
 अर्हन्ता चित् पुरो दधेऽशैव देवाववर्ते ५  
 एवेन्द्राग्निभ्यामहावि हव्यं शूष्यं घृतं न पूतमद्रिभिः ।  
 ता सूरिषु श्रवौ बृहद् रयिं गृणत्सु दिधृतइ मर्षं गृणत्सु दिधृतम् ६

(८७) सप्ताशीतितमं सूक्तम्

(१-६) नवर्चस्यास्य सूक्तस्यात्रेय एवयामरुदृषिः । मरुतो देवताः ।

अतिजगती छन्दः

प्र वो महे मृतयो यन्तु विष्णवे मरुत्वते गिरिजा एवयामरुत् ।  
 प्र शर्धाय प्रयज्यवे सुखादये तवसे भन्ददिष्टये धुनिव्रताय शर्वसे १  
 प्र ये जाता महिना ये च नु स्वयं प्र विघ्नना ब्रुवते एवयामरुत् ।  
 क्रत्वा तद् वो मरुतो नाधृषे शवौ दाना मृहा तदैषा मधृष्टासो नाद्रयः २

प्र ये दिवो बृहत्ः शृङ्गवरे गिरा सुशुक्वानः सुभ्वं एवयामरुत् ।  
न येषामिरी सधस्थ ईष्ट आँ अग्रयो न स्वविद्युतः प्र स्पन्द्रासो धुनीनाम् ३  
स चक्रमे महतो निरुक्रमः समानस्मात् सदस एवयामरुत् ।  
यदायुक्त त्मना स्वादधि ष्णुभिर्विष्वर्धसो विमहसो जिगाति शेवृधो नृभिः  
४  
स्वनो न वोऽमवान् रेजयद् वृषा त्वेषो ययिस्तविष एवयामरुत् ।  
येना सहन्त ऋजत स्वरोचिषः स्थारश्मानो हिरण्ययाः स्वायुधास इष्मिणः  
५  
अपारो वो महिमा वृद्धशवस स्त्वेषं शवोऽवत्वेवयामरुत् ।  
स्थातारो हि प्रसितौ सदृशि स्थन ते न उरुष्यता निदः शुशुक्वांसो नाग्रयः  
६  
ते रुद्रासः सुमखा अग्रयो यथा तुविद्युम्ना अवन्त्वेवयामरुत् ।  
दीर्घं पृथु पप्रथे सद्य पार्थिवं येषामज्मेष्वा महः शर्धास्यद्भुतैनसाम् ७  
अद्वेषो नो मरुतो गातुमेतन् श्रोता हव जरितुरैवयामरुत् ।  
विष्णोर्महः समन्यवो युयोतन् स्मद् रथ्योर्न न दंसना उप द्वेषासि सनुतः ८  
गन्ता नो यज्ञं यज्ञियाः सुशमि श्रोता हवमरुक्ष एवयामरुत् ।  
ज्येष्ठासो न पर्वतासो व्यौमनि यूयं तस्य प्रचेतसः स्यात दुर्धर्तवो निदः ९

समाप्तम्

मंत्र-संख्या

चतुर्थ मण्डलस्यान्तपर्यन्तं १३६४१

पञ्चम मण्डलस्य ७२७

।

सर्वयोगः ४३६८

अथ षष्ठं मण्डलम्

प्रथमोऽनुवाकः

सू० १-१५

(१) प्रथमं सूक्तम्

(१-१३) त्रयोदशर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

त्वं ह्यग्ने प्रथमो मनोता ऽस्या धियो अभवो दस्म होता ।  
 त्वं सीं वृषन्नकृणोर्दुष्टरीतु सहो विश्वस्मै सहसे सहध्वै १  
 अधा होता न्यसीदो यजीया निळस्पद इषयन्नीडयः सन् ।  
 तं त्वा नरः प्रथमं देवयन्तो महो राये चितर्यन्तो अनु ग्मन् २  
 वृतेव यन्त बृहभिर्वसव्यैर्ऽस्त्वे रयिं जागृवांसो अनु ग्मन् ।  
 रुशन्तमग्निं दर्शतं बृहन्तं वपावन्तं विश्वर्हा दीदिवांसम् ३  
 पदं देवस्य नमसा व्यन्तः श्रवस्यवः श्रवं आपन्नमृक्तम् ।  
 नामानि चिद् दधिरे यज्ञियानि भद्रायां ते रणयन्त संदृष्टौ ४  
 त्वां वर्धन्ति क्षितयः पृथिव्यां त्वां राय उभयांसो जनानाम् ।  
 त्वं त्राता तरणे चेत्यौ भूः पिता माता सदमिन्मानुषाणाम् ५  
 सपर्येणयः स प्रियो विद्वश्मिर्होता मन्द्रो नि षसादा यजीयान् ।  
 तं त्वा वयं दम् आ दीदिवांस मुप जुबाधो नमसा सदेम ६  
 तं त्वा वयं सुध्योर्ऽनव्यमग्ने सुम्रायव ईमहे देवयन्तः ।  
 त्वं विशौ अनयो दीद्यानो दिवो अग्ने बृहता रौचनेन ७  
 विशां कविं विश्पतिं शश्वतीनां नितोशनं वृषभं चर्षणीनाम् ।  
 प्रेतीषणिमिषयन्तं पावकं राजन्तमग्निं यजतं रयीणाम् ८  
 सो अग्र ईजे शशमे च मर्तो यस्त आनन्द समिधा हव्यदातिम् ।  
 य आहुतिं परि वेदा नमोभिर्विश्वेत् स वामा दधते त्वोतः ९  
 अस्मा उ ते महि महे विधेम नमोभिरग्ने समिधोत हव्यैः ।  
 वेदीं सूनो सहसो गीर्भिरुक्थै रा ते भद्रायां सुमतौ यतेम १०  
 आ यस्ततन्थ रोदसी वि भासा श्रवौभिश्च श्रवस्यश्स्तरुत्रः ।  
 बृहद्भिर्वाजैः स्थविरैर्भिरस्मे रेवद्भिरग्ने वितुरं वि भाहि ११  
 नृवद् वसो सदमिद्धैह्यस्मे भूरिं तोकाय तनयाय पुश्वः ।

पूर्वीरिषो बृहतीरारेअघा अस्मे भद्रा सौश्रवसानि सन्तु १२  
पुरूरयग्ने पुरुधा त्वाया वसूनि राजन् वसुता ते अश्याम् ।  
पुरूणि हि त्वे पुरुवार सन्त्यग्ने वसु विधते राजन् त्वे १३

पञ्चमोऽध्यायः

व० १-३०

(२) द्वितीयं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

(१-१०) प्रथमादिदशर्चामनुष्टुप्, (११) एकादश्याश्च शक्वरी छन्दसी  
त्वं हि क्षैतवद् यशो ऽग्ने मित्रो न पत्यसे ।  
त्वं विचर्षणे श्रवो वसो पुष्टिं न पुष्यसि १  
त्वां हि ष्मा चर्षणयो यज्ञेभिर्गीर्भिरीळते ।  
त्वां वाजी यात्यवृको रजस्तूर्विश्वचर्षणिः २  
सजोषस्त्वा दिवो नरो यज्ञस्य केतुमिन्धते ।  
यद्ध स्य मानुषो जनः सुम्रायुर्जुह्वे अध्वरे ३  
ऋधद् यस्तै सुदानवे धिया मर्तः शशमते ।  
ऊती ष बृहतो दिवो द्विषो अंहो न तरति ४  
समिधा यस्त आहुतिं निशितिं मर्त्यो न शत् ।  
व्यावन्तं स पुष्यति क्षयमग्ने शतार्युषम् ५  
त्वेषस्तै धूम ऋणवति दिवि षञ्छुक्र आततः ।  
सूरो न हि द्युता त्वं कृपा पावक रोचसे ६  
अधा हि विद्वीड्यो ऽसि प्रियो नो अतिथिः ।  
रणवः पुरीव जूर्यः सूनूर्न त्रययाय्यः ७  
क्रत्वा हि द्रोणै अज्यसे ऽग्ने वाजी न कृत्यः ।  
परिज्मेव स्वधा गयो ऽत्यो न ह्यार्यः शिशुः ८  
त्वं त्या चिदच्युता ऽग्ने पशुर्न यवसे ।  
धामा ह यत् तै अजर वना वृश्चन्ति शिक्वसः ९  
वेषि ह्यध्वरीयतामग्ने होता दमै विशां ।  
समृधौ विशपते कृणु जुषस्व हव्यमङ्गिरः १०  
अच्छा नो मित्रमहो देव देवानग्ने वोचः सुमतिं रोदस्योः ।

वीहि स्वस्तिं सुक्षितिं दिवो नृचफट्ण् द्विषो अंहांसि  
दुरिता तरेम् ता तरेम् तवावसा तरेम ११

(३) तृतीयं सूक्तम्

(१-८) अष्टर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

अग्ने स क्षेपदृत्पा ऋतेजा उरु ज्योतिर्नशते देवयुष्टे ।  
यं त्वं मित्रेण वरुणः सजोषा देव पासि त्यजसा मर्तमंहः १  
ईजे यज्ञेभिः शशमे शमीभि ऋधद्वारायाग्रये ददाश ।  
एवा चन तं यशसामजुष्टिर्नाहो मर्तं नशते न प्रदृप्तिः २  
सूरो न यस्य दृशतिरेपा भीमा यदेति शुचतस्त आ धीः ।  
हेषस्वतः शरुधो नायमक्तोः कुत्रा चिद् रणवो वसतिर्वनेजाः ३  
तिग्मं चिदेम् महि वर्षो अस्य भसदश्चो न यमसान आसा ।  
विजेहमानः परशुर्न जिह्वां द्रविर्न द्रावयति दारु धक्षत् ४  
स इदस्तैव प्रति धादसिष्य जिह्वां तेजोऽयसो न धाराम् ।  
चित्रध्वजतिरतिर्यो अक्तो वेर्न दुषद्वा रघुपत्मजंहाः ५  
स ईरेभो न प्रति वस्त उस्त्राः शोचिषा रारपीति मित्रमहाः ।  
नक्तं य ईमरुषो यो दिवा नृ नमर्त्यो अरुषो यो दिवा नृन् ६  
दिवो न यस्य विधतो नवीनोद् वृषा रुक्ष ओषधीषु नूनोत् ।  
घृणा न यो ध्रजसा पत्मना यन्ना रोदसी वसुना दं सुपत्नी ७  
धायौभिर्वा यो युज्येभिरकैर्विद्युन्न देविद्योत् स्वेभिः शुष्मैः ।  
शर्धो वा यो मरुतां ततक्ष ऋभुर्न त्वेषो रभसानो अद्यौत् ८

(४) चतुर्थं सूक्तम्

(१-८) अष्टर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

यथा होतुर्मनुषो देवताता यज्ञेभिः सूनो सहसो यजासि ।  
एवा नो अद्य समना समाना नुशन्नं उशतो यक्षि देवान् १  
स नो विभावा चक्षणिर्न वस्तो रग्निर्वन्दारु वेद्यश्चनो धात् ।  
विश्वायुर्यो अमृतो मर्त्येषू षर्भुद् भूदतिथिर्जातवैदाः २



द्यावो न यस्य पुनयन्त्यभ्वं भासांसि वस्ते सूर्यो न शक्रः ।  
 वि य इनोत्यजरः पावको ऽशनस्य चिच्छिनथत् पूर्व्याणि ३  
 वद्या हि सूनो अस्यघसद्वा चक्रे अग्निर्जनुषाज्मानम् ।  
 स त्वं न ऊर्जसन् ऊर्जं धा राजैव जेरवृके क्षेप्यन्तः ४  
 नितित्ति यो वारणमन्नमत्ति वायुर्न राष्ट्रचफद्रयत्यैत्यक्तून् ।  
 तुर्याम् यस्त आदिशामराती रत्यो न हुतः पततः परिहुत् ५  
 आ सूर्यो न भानुमद्भिरकै रग्रे ततन्थ रोदसी वि भासा ।  
 चित्रो नयत् परि तमास्यक्तः शोचिषा पत्नन्नौशिजो न दीयन् ६  
 त्वां हि मन्द्रतममर्कशोकैर्ववृमहे महि नः श्रोष्यग्रे ।  
 इन्द्रं न त्वा शर्वसा देवता वायुं पृणन्ति राधसा नृतमाः ७  
 नू नो अग्रेऽवृकेभिः स्वस्ति वेषि रायः पृथिभिः पर्ष्यहः ।  
 ता सूरिभ्यो गृणते रासि सुम्नं मदैम शतहिमाः सुवीराः ८

(५) पञ्चमं सूक्तम्

(१-७) सप्तर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

हुवे वः सूनुं सहसो युवान् मद्रौघवाचं मतिभिर्यविष्ठम् ।  
 य इन्वति द्रविणानि प्रचेता विश्ववाराणि पुरुवारौ अध्रुक १  
 त्वे वसूनि पुर्वणीक होत दोषा वस्तोरेरिरे यज्ञियासः ।  
 क्षामैव विश्वा भुवनानि यस्मिन् त्सं सौभगानि दधिरे पावके २  
 त्वं विक्षु प्रदिवः सीद आसु क्रत्वा रथीरभवो वार्याणाम् ।  
 अत इनोषि विधते चिकित्वो व्यानुषग्जातवेदो वसूनि ३  
 यो नः सनुत्यो अभिदासदग्ने यो अन्तरो मित्रमहो वनुष्यात् ।  
 तमजरैर्भिवृषभिस्तव स्वै स्तपां तपिष्ठ तपसा तपस्वान् ४  
 यस्तै यज्ञेन समिधा य उक्थै रकेभिः सूनो सहसो ददाशत् ।  
 स मत्येष्वमृत प्रचेता राया द्युम्नेन शर्वसा वि भाति ५  
 स तत् कृधीषितस्तूर्यमग्ने स्पृधौ बाधस्व सहसा सहस्वान् ।  
 यच्छस्यसे द्युभिरक्तो वचोभि स्तज्जुषस्व जरितुर्घोषि मन्म ६  
 अश्याम् तं काममग्ने तवोती अश्याम् रयिं रयिवः सुवीरम् ।  
 अश्याम् वाजमभि वाजयन्तो ऽश्याम् द्युम्नमजराजरं ते ७

## (६) षष्ठं सूक्तम्

(१-७) सप्तर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

प्र नव्यसा सहस्रः सूनुमच्छा यज्ञेन गातुमव इच्छमानः ।  
 वृश्चद्वनं कृष्णयामं रुशन्तं वीती होतारं दिव्यं जिगाति १  
 स श्वितानस्तन्यतू रौचनस्था अजरैर्भिर्नानदद्भिर्यविष्ठः ।  
 यः पावकः पुरुतमः पुरुणि पृथून्यग्निरनुयाति भवन् २  
 वि ते विष्वग्वातजूतासो अग्ने भामासः शुचे शुचयश्चरन्ति ।  
 तुविम्रक्षासौ दिव्या नवग्वा वना वनन्ति धृषता रुजन्तः ३  
 ये तै शक्रासः शुचयः शुचिष्मः क्षां वपन्ति विषितासो अश्वाः ।  
 अध भ्रमस्त उर्विया वि भाति यातर्यमानो अधि सानु पृश्नैः ४  
 अध जिह्वा पापतीति प्र वृष्णौ गोषुयुधो नाशनिः सृजाना ।  
 शूरस्येव प्रसितिः क्षातिरग्ने दुर्वर्तुर्भीमो दयते वनानि ५  
 आ भानुना पार्थिवानि जयासि महस्तोदस्य धृषता ततन्थ ।  
 स बाधस्वार्प भया सहोभिः स्पृधौ वनुष्यन् वनुषो नि जूर्व ६  
 स चित्र चित्रं चितर्यन्तमस्मे चित्रक्षत्र चित्रतमं वयोधाम् ।  
 चन्द्रं रयिं पुरुवीरं बृहन्तं चन्द्रं चन्द्राभिर्गूणते युवस्व ७

## (७) सप्तमं सूक्तम्

(१-७) सप्तर्चस्यास्य सूक्तस्य बार्हस्पत्यो भरद्वाज ऋषिः । वैश्वानरोऽग्निर्देवता ।

(१-५) प्रथमादिपञ्चर्चा त्रिष्टुप्, (६-७) षष्ठीसप्तम्योश्च जगती छन्दसी  
 मूर्धानं दिवो अरतिं पृथिव्या वैश्वानरमृत आ जातमग्निम् ।  
 क्विं सम्राजमतिथिं जनाना मासन्ना पात्रं जनयन्त देवाः १  
 नाभिं यज्ञानां सदनं रयीणां महामाहावमभि सं नवन्त ।  
 वैश्वानरं रथ्यमध्वराणां यज्ञस्य केतुं जनयन्त देवाः २  
 त्वद् विप्रौ जायते वाज्यगे त्वद् वीरासौ अभिमातिषाहः ।  
 वैश्वानर त्वमस्मासु धेहि वसूनि राजन् त्सृह्याय्याणि ३  
 त्वां विश्वे अमृतं जायमानं शिशुं न देवा अभि सं नवन्ते ।  
 तव क्रतुभिरमृतत्वमायन् वैश्वानर यत् पित्रोरदीदेः ४

वैश्वानर तव तानि वृतानि महान्यग्रे नकिरा दधर्ष ।  
यज्जायमानः पित्रोरुपस्थे ऽविन्दः केतुं वयुनेष्वह्नाम् ५  
वैश्वानरस्य विर्मितानि चक्षसा सानूनि दिवो अमृतस्य केतुना ।  
तस्येदु विश्वा भुवनाधि मूर्धनि वया इव रुरुहुः सप्त विस्त्रुहः ६  
वि यो रजांस्यमिमीत सुक्रतु वैश्वानरो वि दिवो रौचना कविः ।  
परि यो विश्वा भुवनानि पप्रथे ऽदब्धो गोपा अमृतस्य रक्षिता ७

(८) अष्टमं सूक्तम्

(१-७) सप्तर्चस्यास्य सूक्तस्य बार्हस्पत्यो भरद्वाज ऋषिः । वैश्वानरोऽग्निर्देवता ।

(१-६) प्रथमादितृचद्वयस्य जगती, (७) सप्तम्या ऋचश्च त्रिष्टुप् छन्दसी  
पृक्षस्य वृष्णो अरुषस्य नू सहः प्र नु वौचं विदथा जातवेदसः ।  
वैश्वानराय मतिर्नव्यसी शुचिः सोम इव पवते चारुग्रये १  
स जायमानः परमे व्यौमनि वृतान्यग्निर्वृतपा अरक्षत ।  
व्यश्नन्तरिक्षममिमीत सुक्रतु वैश्वानरो महिना नाकमस्पृशत् २  
व्यस्तभ्नाद् रोदसी मित्रो अद्भुतो ऽन्तर्वावदकृणोज्ज्योतिषा तमः ।  
वि चर्मणीव धिषणौ अवर्तयद् वैश्वानरो विश्वमधत्त वृषयम् ३  
अपामुपस्थे महिषा अगृभ्णत् विशो राजानमुप तस्थुर्गमियम् ।  
आ दूतो अग्निर्मभरद् विवस्वतो वैश्वानरं मातरिश्वा परावतः ४  
युगेयुगे विदुथ्यं गृणद्भ्यो ऽग्रे रयिं यशसं धेहि नव्यसीम् ।  
पव्येव राजन्नघशंसमजर नीचा नि वृश्च वनिनं न तेजसा ५  
अस्माकमग्रे मघवत्सु धारया ऽनामि क्षत्रमजरं सुवीर्यम् ।  
वयं जयेम शतिनं सहस्रिणं वैश्वानरं वाजमग्रे तवोतिभिः ६  
अदब्धेभिस्तव गोपाभिरिष्टे ऽस्माकं पाहि त्रिषधस्थ सूरीन् ।  
रक्षा च नो ददुषां शर्धो अग्रे वैश्वानरं प्र च तारीः स्तवानः ७

(९) नवमं सूक्तम्

(१-७) सप्तर्चस्यास्य सूक्तस्य बार्हस्पत्यो भरद्वाज ऋषिः । वैश्वानरोऽग्निर्देवता ।

त्रिष्टुप् छन्दः

अहश्च कृष्णमहरर्जुनं च वि वर्तेते रजसी वेद्याभिः ।  
वैश्वानरो जायमानो न राजा ऽवातिरज्ज्योतिषाग्निस्तमांसि १

नाहं तन्तुं न वि जानाम्योतुं न यं वर्यन्ति समरेऽतमानाः ।  
 कस्यै स्वित् पुत्र इह वक्त्वानि पुरो वंदात्यवरेण पित्रा २  
 स इत् तन्तुं स वि जानात्योतुं स वक्त्वान्यतुथा वंदाति ।  
 य ई चिकेतदमृतस्य गोपा अवश्चरेन् पुरो अन्येन पश्यन् ३  
 अयं होता प्रथमः पश्यतेम मिदं ज्योतिरमृतं मर्त्येषु ।  
 अयं स जज्ञे ध्रुव आ निषत्तो ऽमर्त्यस्तन्वाऽर्धमानः ४  
 ध्रुवं ज्योतिर्निहितं दृशये कं मनो जविष्ठं पतयत्स्वन्तः ।  
 विश्वे देवाः समनसः सकैता एकं क्रतुमभि वि यन्ति साधु ५  
 वि मे कर्णा पतयतो वि चक्षुर्वीर्यं ज्योतिर्हृदय आहितं यत् ।  
 वि मे मनश्चरति दूरआधीः किं स्विद् वक्ष्यामि किमु नू मनिष्ये ६  
 विश्वे देवा अनमस्यन् भियाना स्त्वामग्ने तमसि तस्थिवांसम् ।  
 वैश्वानरोऽवतूतये नो ऽमर्त्योऽवतूतये नः ७

(१०) दशमं सूक्तम्

(१-७) सप्तर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता । (१-६)

प्रथमादितृचद्वयस्य त्रिष्टुप्, (७) सप्तम्या ऋचश्च द्विपदा विराट् छन्दसी  
 पुरो वो मन्द्रं दिव्यं सुवृक्तिं प्रयति यज्ञे अग्निर्मध्वरे दधिध्वम् ।  
 पुर उक्थेभिः स हि नो विभावा स्वध्वरा करति जातवैदाः १  
 तमु द्युमः पुर्वणीक होत रग्रे अग्निभिर्मनुष इधानः ।  
 स्तोमं यमस्मै ममतेव शूषं घृतं न शुचिं मृतयः पवन्ते २  
 पीपाय स श्रवसा मर्त्येषु यो अग्नये ददाश विप्र उक्थैः ।  
 चित्राभिस्तमूतिभिश्चित्रशौ चिर्वजस्य साता गोमतो दधाति ३  
 आ यः प्रपौ जायमान उर्वी दूरदृशा भासा कृष्णाध्वा ।  
 अर्धं बहु चित् तम् ऊर्मयाया स्तिरः शोचिषो ददृशे पावकः ४  
 नू नश्चित्रं पुरुवाजाभिरूती अग्रे रयिं मघवद्व्यश्च धेहि ।  
 ये राधसा श्रवसा चात्यन्यान् त्सुवीर्यैभिश्चाभि सन्ति जनान् ५  
 इमं यज्ञं चनो धा अग्न उशन् यं त आसानो जुहुते हविष्मान् ।  
 भरद्वाजेषु दधिषे सुवृक्ति मवीर्वाजस्य गध्यस्य सातौ ६  
 वि द्वेषासीनुहि वर्धयेळां मदेम शतहिमाः सुवीराः ७

(११) एकादशं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

यजस्व होतरिषितो यजीया नग्ने बाधौ मरुतां न प्रयुक्ति ।  
आ नो मित्रावरुणा नासत्या द्यावा होत्राय पृथिवी ववृत्याः १  
त्वं होता मन्द्रतमो नो अधु गन्तर्देवो विदथा मर्त्येषु ।  
पावक्या जुह्वारं वह्निरासा ऽग्ने यजस्व तन्वंश् तव स्वाम् २  
धन्या चिद्धि त्वे धिषणा वष्टि प्र देवाञ्जन्म गृणते यजध्वै ।  
वेपिष्ठो अङ्गिरसां यद्ध विप्रो मधु च्छन्दो भनति रे इष्टौ ३  
अदिद्युतत् स्वर्पाको विभावा ऽग्ने यजस्व रोदसी उरूची ।  
आयुं न यं नमसा रातहव्या अञ्जन्ति सुप्रयसं पञ्च जनाः ४  
वृञ्जे ह यन्नमसा बर्हिरग्रा वयामि स्नुग्धृतवती सुवृक्तिः ।  
अम्यक्षि सद्य सदने पृथिव्या अश्रायि यज्ञः सूर्ये न चक्षुः ५  
दशस्या नः पुर्वणीक होत र्देवेभिरग्ने अग्निभिरिधानः ।  
रायः सूनो सहसो वावसाना अति स्रसेम वृजनं नाहः ६

(१२) द्वादशं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

मध्ये होता दुरोणे बर्हिषो राळ् मिस्तोदस्य रोदसी यजध्वै ।  
अयं स सूनुः सहस अतावा दूरात् सूर्यो न शोचिषा ततान १  
आ यस्मिन् त्वे स्वर्पाके यजत्र यक्षद् राजन् त्सर्वतातेव नु द्यौः ।  
त्रिषधस्थस्ततुरुषो न जंहौ हव्या मघानि मानुषा यजध्वै २  
तेजिष्ठा यस्यारतिर्वनेराट् तोदो अध्वन् न वृधसानो अद्यौत् ।  
अद्रोघो न द्रविता चैतति त्म न्नमर्त्योऽवृत्र ओषधीषु ३  
सास्माकैभिरेतरी न शूषै रग्निः ष्ट्वे दम् आ जातवेदाः ।  
द्रवन्नो वन्वन् क्रत्वा नावो स्रः पितेव जारयायि यज्ञैः ४  
अर्ध स्मास्य पनयन्ति भासो वृथा यत् तक्षदनुयाति पृथ्वीम् ।  
सद्यो यः स्पन्द्रो विषितो धवीया नृणो न तायुरति धन्वा राट् ५  
स त्वं नो अर्वन् निदाया विश्वेभिरग्ने अग्निभिरिधानः ।

वेषि रा॒यो वि या॑सि दु॒च्छुना॒ मद॑म श॒तहि॑माः सु॒वीराः ६

(१३) त्रयोदशं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

त्वद् विश्वा सु॒भग॒ सौभ॑गा न्य॒ग्ने वि य॑न्ति व॒निनो॒ न व॒याः ।  
श्रु॒ष्टी र॒यिर्वा॑जौ वृ॒त्रतू॑र्ये दि॒वो वृ॑ष्टिरीड्यौ री॒तिर॒पाम् १  
त्वं भ॒गौ न॒ आ हि र॑त्नमि॒षे परि॑ज्मेव क्षय॒सि दु॑स्मव॒र्चाः ।  
अ॒ग्नै मि॒त्रो न बृ॑हत ऋ॒तस्या॑ ऽसि क्ष॒त्ता वा॒मस्य॑ दे॒व भू॑रैः २  
स स॒त्पतिः॑ शर्व॒सा ह॑न्ति वृ॒त्र म॒ग्ने वि॒प्रो वि पु॒णेर्भ॑र्ति वा॒जम् ।  
यं त्वं प्र॑चेत ऋ॒तजा॑त रा॒या स॒जोषा॑ न॒ज्रापां॑ हि॒नोषि॑ ३  
यस्ते॑ सू॒नो स॒हसो॑ गी॒र्भिरु॑क्थै र्य॒ज्ञैर्म॑र्तो नि॒शितिं॑ वे॒द्यान॑ट् ।  
वि॒श्वं स दे॒व प्र॑ति वा॒रम॒ग्ने ध॒त्ते धा॒न्यं प॑त्य॒ते वस॑व्यैः ४  
ता नृ॒भ्य आ सौ॑श्रव॒सा सु॒वीरा॑ ऽग्नै सू॒नो स॒हसः॑ पु॒ष्यसै॑ धाः ।  
कृ॒णोषि॑ यच्छव॒सा भू॑रि प॒श्वो व॒यो वृ॑का॒यार॑ये ज॒सुर॑ये ५  
वृ॒द्या सू॒नो स॒हसो॑ नो विहा॒या अ॒ग्नै तो॒कं त॑नयं वा॒जि नो॑ दाः ।  
वि॒श्वाभि॑र्गी॒र्भिर॒भि पू॑र्तिम॒श्यां मद॑म श॒तहि॑माः सु॒वीराः ६

(१४) चतुर्दशं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । अग्निर्देवता । (१-५)

प्रथमादिपञ्चर्चामनुष्टुप् (६) षष्ठ्या ऋचश्च शक्वरी छन्दसी

अ॒ग्रा यो म॒र्त्यो दु॒वो धि॒र्य जु॒जोष॑ धी॒तिभिः॑ ।  
भ॒सन्नु॒ ष प्र॑ पू॒र्व्य इ॒षं व॒रीता॑व॒से १  
अ॒ग्निरि॒द्धि प्र॑चे॒ता अ॒ग्निर्वे॑धस्त॒म ऋ॑षिः ।  
अ॒ग्निं हो॒ता॒रमी॑ळते य॒ज्ञेषु॑ म॒नुषो॑ वि॒शः २  
ना॒ना ह्य॑ग्नेऽव॒से स्प॑र्धन्ते रा॒यो अ॒र्यः ।  
तू॒र्वन्तो॑ द॒स्युमा॑यवो वृ॒तैः सी॑क्षन्तो अ॒व॒तम् ३  
अ॒ग्निर॒प्सामृ॑तीष॒ह वी॑रं द॒दाति॑ स॒त्पति॑म् ।  
यस्य॑ त्र॒सन्ति॑ शर्व॒सः स॑न्चक्षि श॒त्रवो॑ भि॒या ४  
अ॒ग्निर्हि वि॒घ्ना नि॒दो दे॒वो म॑र्त॒मुरु॑ष्यति ।

सहावा यस्यावृतो रयिर्वाजेष्ववृतः ५  
अच्छा नो मित्रमहो देव देवानग्ने वोचः सुमतिं रोदस्योः ।  
वीहि स्वस्तिं सुक्षितिं दिवो नृन्  
द्विषो अंहांसि दुरिता तरेम् ता तरेम् तवावसा तरेम ६

(१५) पञ्चदशं सूक्तम्

(१-१६) एकोनविंशत्यृचस्यास्य सूक्तस्य बार्हस्पत्यो भरद्वाज आङ्गिरसो वीतहव्यो  
वा ऋषिः । अग्निर्देवता । (१-२, ४-५, ७-९)

प्रथमाद्वितीययोर्ऋचोश्चतुर्थीपञ्चम्योः सप्तमीनवम्योश्च जगती, (३, १५)

तृतीयापञ्चदश्योः शक्वरी, (६) षष्ठ्या अतिशक्वरी, (१०-१४, १६, १६)

दशम्यादिपञ्चानां षोडश्या एकोनविंश्याश्च त्रिष्टुप्, (१७) सप्तदश्या अनुष्टुप्, (१८)

अष्टादश्याश्च बृहती छन्दांसि

इममू षु वो अतिथिमुषर्बुधं विश्वासां विशां पतिमृञ्जसे गिरा ।  
वेतीद् दिवो जनुषा कच्चिदा शुचिर्ज्योक् चिदत्ति गर्भो यदच्युतम् १  
मित्रं न यं सुधितं भृगवो दधुर्वनस्पतावीड्यमूर्ध्वशौचिषम् ।  
स त्वं सुप्रीतो वीतहव्ये अद्भुत प्रशस्तिभिर्महयसे दिवेदिवे २  
स त्वं दक्षस्यावृको वृधो भूर्यः परस्यान्तरस्य तरुषः ।  
रायः सूनो सहसो मर्त्येष्वो छर्दिर्यच्छ वीतहव्याय सप्रथो भरद्वाजाय सप्रथः  
३

द्युतानं वो अतिथिं स्वर्णरमुग्निं होतारं मनुषः स्वध्वरम् ।  
विप्रं न द्युक्षवचसं सुवृक्तिभिर्हव्यवाहमरतिं देवमृञ्जसे ४  
पावकया यश्चितयन्त्या कृपा क्षामन् रुरुच उषसो न भानुना ।  
तूर्वन् न यामन्नेतशस्य नू रण आ यो घृणे न ततृषाणो अजरः ५  
अग्निमग्निं वः समिधा दुवस्यत प्रियंङ्प्रयं वो अतिथिं गृणीषणि ।  
उप वो गीर्भिरमृतं विवासत देवो देवेषु वनन्ते हि वार्यं देवो देवेषु वनन्ते हि  
नो दुर्वः ६

समिद्धमग्निं समिधा गिरा गृणे शुचिं पावकं पुरो अध्वरे ध्रुवम् ।  
विप्रं होतारं पुरुवारमुद्गृहं कविं सुमैरीमहे जातवैदसम् ७  
त्वां दूतमग्ने अमृतं युगेयुगे हव्यवाहं दधिरे पायुमीड्यम् ।  
देवासश्च मर्तासश्च जागृविं विभुं विश्पतिं नमसा नि षैदिरे ८

विभूषन्नग्न उभयाँ अनु वृता दूतो देवानां रजसी समीयसे ।  
 यत् तै धीतिं सुमतिमावृणीमहे ऽध स्मा नस्त्रिवरूथः शिवो भव ६  
 तं सुप्रतीकं सुदृशं स्वञ्च मविद्वांसो विदुष्टरं सपेम ।  
 स येक्षद् विश्वा वयुनानि विद्वान् प्र हव्यमग्निर्मृतैषु वोचत् १०  
 तमग्ने पास्युत तं पिपर्षि यस्त आनट् कवयै शूर धीतिम् ।  
 यज्ञस्य वा निशितिं वोदितिं वा तमित् पृणक्षि शर्वसोत राया ११  
 त्वमग्ने वनुष्यतो नि पाहि त्वमु नः सहसावन्नवद्यात् ।  
 सं त्वा ध्वस्मन्वदभ्येतु पाथः सं रयिः स्पृहयाय्यः सहस्री १२  
 अग्निर्होता गृहपतिः स राजा विश्वा वेदु जनिमा जातवेदाः ।  
 देवानामुत यो मर्त्यानां यजिष्ठः स प्र यजतामृतावा १३  
 अग्ने यदद्य विशो अध्वरस्य होतुः पार्वकशोचे वेष्टुं हि यज्वा ।  
 ऋता यजासि महिना वि यद् भू हव्या वह यविष्ठ या तै अद्य १४  
 अभि प्रयासि सुधितानि हि ख्यो नि त्वा दधीत रोदसी यजध्वै ।  
 अवा नो मघवन् वाजसाता वग्ने विश्वानि दुरिता तरेम ता तरेम तवावसा  
 तरेम १५  
 अग्ने विश्वैभिः स्वनीक देवै रूणावन्तं प्रथमः सीदु योनिम् ।  
 कुलायिनं घृतवन्तं सवित्रे यज्ञं नयु यजमानाय साधु १६  
 इममु त्यमथर्वव दग्निं मन्थन्ति वेधसः । यमङ्कयन्तमानयु न्नमूरं  
 श्याव्याभ्यः १७  
 जनिष्वा देववीतये सुर्वताता स्वस्तये ।  
 आ देवान् वक्ष्यमृताँ ऋतावृधौ यज्ञं देवेषु पिस्पृशः १८  
 वयमु त्वा गृहपते जनाना मग्ने अकर्म समिधा बृहन्तम् ।  
 अस्थूरि नो गार्हपत्यानि सन्तु तिग्मेन नस्तेजसा सं शिशाधि १९  
 द्वितीयोऽनुवाकः

सू० १६ । २३

(१६) षोडशं सूक्तम्

(१-४८) अष्टचत्वारिंशदृचस्यास्य सूक्तस्य बार्हस्पत्यो भरद्वाज ऋषिः । अग्निर्देवता

। (१, ६) प्रथमाष्टचोर्ऋचोर्वर्धमाना, (२-५, ७-२६, २८-४५)

द्वितीयादिचतसृणां सप्तम्यादिविंशतेरष्टाविंश्याद्यष्टादशानाञ्च गायत्री, (२७, ४७-



४८) सप्तविंश्याः सप्तचत्वारिंश्यष्टचत्वारिंश्योश्चानुष्टुप्, (४६) षट्चत्वारिंश्याश्च  
त्रिष्टुप् छन्दांसि

त्वमग्ने यज्ञानां होता विश्वेषां हितः । देवेभिर्मनुषे जनै १  
स नो मन्द्राभिरध्वरे जिह्वाभिर्यजा महः । आ देवान् वक्षि यक्षि च २  
वेत्था हि वैधो अध्वनः पथश्च देवाञ्जसा । अग्ने यज्ञेषु सुक्रतो ३  
त्वामीळे अर्धं द्विता भरतो वाजिभिः शनम् । ईजे यज्ञेषु यज्ञियम् ४  
त्वमिमा वार्या पुरु दिवोदासाय सुन्वते । भरद्वाजाय दाशुषे ५  
त्वं दूतो अमर्त्य आ वह्ना दैव्यं जनम् । शृणवन् विप्रस्य सुष्टुतिम् ६  
त्वामग्ने स्वाध्योर् मर्तासो देववीतये । यज्ञेषु देवमीळते ७  
तव प्र यक्षि सदृशं मुत क्रतुं सुदानवः । विश्वे जुषन्त कामिनः ८  
त्वं होता मनुर्हितो वह्निरासा विदुष्टरः । अग्ने यक्षि दिवो विशः ९  
अग्र आ याहि वीतये गृणानो हव्यदातये । नि होता सत्सि बर्हिषि १०  
तं त्वा समिद्धिरङ्गिरो घृतेन वर्धयामसि । बृहच्छौचा यविष्ठय ११  
स नः पृथु श्रवाय्य मच्छा देव विवाससि । बृहदग्ने सुवीर्यम् १२  
त्वामग्ने पुष्करादध्यथर्वा निरमन्थत । मूर्ध्नो विश्वस्य वाघतः १३  
तमु त्वा दध्यङ्ङृषिः पुत्र ईधे अथर्वणः । वृत्रहणं पुरंदरम् १४  
तमु त्वा पाथ्यो वृषा समीधे दस्युहन्तमम् । धनंजयं रणैरणे १५  
एह्यु षु ब्रवाणि ते ऽग्र इत्थेतरा गिरः । एभिर्वर्धास इन्दुभिः १६  
यत्र क्व च ते मनो दक्ष दधस उत्तरम् । तत्रा सदः कृणवसे १७  
नहि ते पूर्वमक्षिपद् भुवन्नेमानां वसो । अथा दुवो वनवसे १८  
आग्निरंगा मि भरतो वृत्रहा पुरुचेतनः । दिवोदासस्य सत्पतिः १९  
स हि विश्वाति पार्थिवा रयिं दाशन्महित्वना । वन्वन्नवातो अस्तृतः २०  
स प्रवन्नवीयसा ऽग्ने द्युम्नेन संयता । बृहत् ततन्थ भानुना २१  
प्र वः सखायो अग्रये स्तोमं यज्ञं च धृष्णुया । अर्चं गायं च वेधसे २२  
स हि यो मानुषा युगा सीदद्धोता कविक्रतुः । दूतश्च हव्यवाहनः २३  
ता राजाना शुचिब्रता ऽऽदित्यान् मारुतं गणम् । वसो यक्षीह रोदसी २४  
वस्वी ते अग्ने सदृष्टि रिषयते मर्त्याय । ऊर्जो नपादमृतस्य २५  
क्रत्वा दा अस्तु श्रेष्ठो ऽद्य त्वा वन्वन् त्सुरेकणाः । मर्त आनाश सुवृक्तिम्  
२६  
ते ते अग्ने त्वोता इषयन्तो विश्वमायुः । तरन्तो अर्यो अराती वन्वन्तो अर्यो

अरांतीः २७

अग्निस्तिग्मेन शोचिषा यासद् विश्वं न्यश्त्रिणम् । अग्निर्नो वनते रयिम् २८  
 सुवीरं रयिमा भर जातवेदो विचर्षणे । जहि रक्षांसि सुक्रतो २९  
 त्वं नः पाह्यंहसो जातवेदो अघायुतः । रक्षां णो ब्रह्मणस्कवे ३०  
 यो नो अग्ने दुरेव आ मर्तो वधाय दाशति । तस्मान्नः पाह्यंहसः ३१  
 त्वं तं दैव जिह्या परि बाधस्व दुष्कृतम् । मर्तो यो नो जिघांसति ३२  
 भरद्वाजाय सप्रथः शर्म यच्छ सहन्त्य । अग्ने वरेण्यं वसु ३३  
 अग्निर्वृत्राणि जङ्घनद् द्रविणस्युर्विपन्यया । समिद्धः शक्र आहुतः ३४  
 गर्भे मातुः पितुष्पिता विदिद्युतानो अक्षरे । सीदन्नृतस्य योनिमा ३५  
 ब्रह्म प्रजावदा भर जातवेदो विचर्षणे । अग्ने यद् दीदयद् दिवि ३६  
 उप त्वा एवसंदृशं प्रयस्वन्तः सहस्कृत । अग्ने ससृज्महे गिरः ३७  
 उप छायामिव घृणे रगन्म शर्म ते वयम् । अग्ने हिरण्यसंदृशः ३८  
 य उग्र इव शर्यहा तिग्मशृङ्गो न वंसगः । अग्ने पुरो रुरोजिथ ३९  
 आ यं हस्ते न खादिनुं शिशुं जातं न बिभ्रति । विशामग्निं स्वध्वरम् ४०  
 प्र देवं देववीतये भरता वसुवित्तमम् । आ स्वे योनौ नि षीदतु ४१  
 आ जातं जातवेदसि प्रियं शिशीतातिथिम् । स्योन आ गृहपतिम् ४२  
 अग्ने युद्धा हि ये तवा ऽश्वासो देव साधवः । अरं वहन्ति मन्यवै ४३  
 अच्छा नो याह्या वहा ऽभि प्रयांसि वीतयै । आ देवान् त्सोमपीतये ४४  
 उदग्ने भारत द्युम दजस्त्रेण दविद्युतत् । शोचा वि भाह्यजर ४५  
 वीती यो देवं मर्तो दुवस्ये दग्निमीळीताध्वरे हविष्मान् ।  
 होतारं सत्ययजं रोदस्यो रुतानहस्तो नमसा विवासेत् ४६  
 आ तै अग्न अचा हविर्हदा तृष्टं भरामसि ।  
 ते तै भवन्तूक्ष्णं ऋषभासौ वृशा उत ४७  
 अग्निं देवासौ अग्नि यमिन्धतै वृत्रहन्तमम् ।  
 येना वसून्याभृता तृळहा रक्षांसि वाजिना ४८

षष्ठोऽध्यायः

व० १-२५

(१७) सप्तदशं सूक्तम्

(१-१५) पञ्चदशर्वस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।  
 (१-१४) प्रथमादिचतुर्दशर्चा त्रिष्टुप्, (१५) पञ्चदश्याश्च द्विपदा त्रिष्टुप् छन्दसी  
 पिब्रा सोममभि यमुग्र तर्द ऊर्वं गव्यं महि गृणान इन्द्र ।  
 वि यो धृष्णो वधिषो वज्रहस्त विश्वा वृत्रममित्रिया शवोभिः १  
 स ई पाहि य ऋजीषी तरुत्रो यः शिप्रवान् वृषभो यो मतीनाम् ।  
 यो गौत्रभिद् वज्रभृद् यो हरिष्ठाः स इन्द्र चित्राँ अभि तृन्धि वाजान् २  
 एवा पाहि प्रतथा मन्दतु त्वा श्रुधि ब्रह्म वावृधस्वोत गीर्भिः ।  
 आविः सूर्यं कृणुहि पीपिहीषो जहि शत्रूरभि गा इन्द्र तृन्धि ३  
 ते त्वा मदा बृहदिन्द्र स्वधाव इमे पीता उक्षयन्त द्युमन्तम् ।  
 महामनूनं तवसं विभूतिं मत्सरासौ जर्हन्त प्रसारहम् ४  
 येभिः सूर्यमुषसं मन्दसानो ऽवासयोऽप दृळ्हानि दद्रत् ।  
 महामद्रिं परि गा इन्द्र सन्तं नुत्था अच्युतं सदसस्परि स्वात् ५  
 तव क्रत्वा तव तद् दंसनाभि रामासु पक्वं शच्या नि दीधः ।  
 और्णोर्दुर उस्त्रियाभ्यो वि दृळ्हो दूर्वाद गा असृजो अङ्गिरस्वान् ६  
 प्रप्राथ क्षां महि दंसो व्युर्वी मुप द्यामृष्वो बृहदिन्द्र स्तभायः ।  
 अधारयो रोदसी देवपुत्रे प्रत्ने मातरा यही ऋतस्य ७  
 अध त्वा विश्वे पुर इन्द्र देवा एकं तवसं दधिरे भराय ।  
 अदैवो यदभ्यौहिष्ट देवान् त्वर्षाता वृणत इन्द्रमत्र ८  
 अध द्यौश्चित् ते अप सा नु वज्राद् द्वितानमद् भियसा स्वस्य मन्योः ।  
 अहिं यदिन्द्रो अभ्योहसानं नि चिद् विश्वायुः शयथे जघान ९  
 अध त्वष्टा ते मह उग्र वज्रं सहस्रभृष्टिं ववृतच्छताश्रिम् ।  
 निकाममरमणसं येन नवन्तमहिं सं पिणगृजीषिन् १०  
 वर्धान् यं विश्वे मरुतः सजोषाः पचच्छतं महिषाँ इन्द्र तुभ्यम् ।  
 पूषा विष्णुस्त्रीणि सरांसि धावन् वृत्रहणं मदिरमुं शुर्मस्मै ११  
 आ क्षोदो महि वृतं नदीनां परिष्ठितमसृज ऊर्मिमपाम् ।  
 तासामनु प्रवत इन्द्र पन्थां प्रादयो नीचीरपसः समुद्रम् १२  
 एवा ता विश्वा चकृवांसमिन्द्र महामुग्रमजुर्यं सहोदाम् ।  
 सुवीरं त्वा स्वायुधं सुवज्र मा ब्रह्म नव्यमवसे ववृत्यात् १३  
 स नो वाजाय श्रवस इषे च राये धैहि द्युमत इन्द्र विप्रान् ।  
 भरद्वाजे नृवत इन्द्र सूरीन् दिवि च स्मैधि पार्ये न इन्द्र १४

अ॒या वा॒जं दे॒वहि॑तं स॒नेम॒ मद॑ेम श॒तहि॑माः सु॒वीराः १५

(१८) अष्टादशं सूक्तम्

(१-१५) पञ्चदशर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

तमु॑ ष्टु॒हि यो अ॒भिभू॑त्योजा व॒न्वन्न॑वातः पुरु॒हूत इन्द्रः॑ ।  
 अ॒षाळ॑हमु॒ग्रं स॒हमा॑नमा॒भिर्गी॑र्भिर्व॒र्ध वृ॑षभं च॒र्षणी॑नाम् १  
 स यु॒ध्मः स॒त्वा ख॒ज॒कृत् स॒मद्वा॑ तुवि॒मृक्षो॑ न॒दनु॑माँ ऋ॒जीषी॑ ।  
 बृ॒ह॒द्रै॒णश्च॒यव॑नो॒ मानु॑षीणा॒ मेकः॑ कृ॒ष्टीना॑मभवत् स॒हावा॑ २  
 त्वं ह॒ नु त्य॑द॒दमा॑यो दस्यूँ रे॒कः कृ॒ष्टीर॑वनो॒राया॑य ।  
 अ॒स्ति स्वि॒न्नु वी॒र्य॑ तत् ते॒ इन्द्र॑ न स्वि॒दस्ति॑ तद॒तुथा॑ वि वी॒चः ३  
 सदि॒द्धि ते॑ तुवि॒जात॑स्य म॒न्ये स॒हः स॒हिष्ठ॑ तुर॒तस्तु॑रस्य ।  
 उ॒ग्रमु॑ग्रस्य॒ तव॑स॒स्तवी॑यो ऽर॒ध्रस्य॑ र॒ध्रतु॑रो बभूव ४  
 तन्नः॑ प्र॒त्नं स॒ख्यम॑स्तु यु॒ष्मे इ॒त्था व॑द॒द्भिर्व॑लम॒ङ्गिरो॑भिः ।  
 ह॒न्न॒च्युत॑च्युद् द॒स्मेष॑र्यन्त॒ मृ॒णोः पुरो॑ वि दुरो॒ अस्य॑ वि॒श्वाः ५  
 स हि धी॑भिर्ह॒व्यो अ॒स्त्यु॒ग्र ई॒शान॑कृ॒न्म॒हति॑ वृ॒त्रतू॑र्यै ।  
 स तो॒कसा॑ता॒ तन॑ये स वृ॒ज्जी वि॑तन्त॒साय्यो॑ अभवत् स॒मत्सु॑ ६  
 स म॒ज्मना॑ जनि॒म॒ मानु॑षाणा॒ मम॑र्त्ये॒न॒ नाम्ना॑ति प्र स॒र्खे ।  
 स द्यु॒म्नेन॑ स श॒र्वसो॑त रा॒या स वी॒र्ये॑ण नृ॒तमः॑ स॒मौकाः॑ ७  
 स यो न मु॒हे न मि॒थू ज॒नो भू॑त् सु॒मन्तु॑नामा॒ चुमु॑रि॒ धुनि॑ च ।  
 वृ॒णक् पि॒पुं श॒म्बरं॑ शु॒ष्णमिन्द्रः॑ पुरां च्यौ॒त्ताय॑ श॒यथा॑य नू चि॒त् ८  
 उ॒दाव॑ता॒ त्वक्ष॑सा॒ पन्य॑सा च वृ॒त्रह॑त्याय॒ रथ॑मिन्द्र तिष्ठ ।  
 धि॒ष्व व॒ज्रं ह॒स्त आ द॑क्षि॒णत्रा॑ ऽभि प्र म॒न्द पुरु॑द॒त्र मा॒याः ९  
 अ॒ग्निर्न॑ शु॒ष्कं व॒नमिन्द्र॑ हे॒ती र॒क्षो नि ध॑क्ष्य॒शनि॑र्न भी॒मा ।  
 ग॒म्भीर॑य॒ ऋष्व॑या॒ यो रू॒रोजा॑ ध्वा॒नय॑द् दुरि॒ता द॒म्भय॑च्च १०  
 आ स॒हस्रं॑ पृ॒थिभि॑रिन्द्र रा॒या तुवि॑द्यु॒म्र तुवि॑वा॒जैभि॑र॒वाक् ।  
 या॒हि सू॒नो स॒हसो॑ यस्य नू चि॒ ददे॑व ई॒शै पुरु॑हू॒त यो॒तौः ११  
 प्र तुवि॑द्यु॒म्रस्य॑ स्थवि॒रस्य॑ घृ॒ष्वै दि॒वो र॑र॒प्शे म॒हिमा॑ पृ॒थि॒व्याः ।  
 ना॒स्य श॑त्रुर्न प्र॒तिमा॑नम॒स्ति न प्र॑ति॒ष्ठिः पु॑रु॒माय॑स्य स॒ह्यौः १२  
 प्र तत् ते॑ अ॒द्या कर॑णं कृ॒तं भू॑त् कु॒त्सं य॑दायु॒मति॑थि॒ग्वम॑स्मै ।

पुरु स॒हस्रा॒ नि शि॑शा अ॒भि क्षा॒मुत् तूर्वा॑याणं धृष॒ता नि॑नेथ १३  
अनु॒ त्वाहि॑घ्ने अ॒र्ध दे॒व दे॒वा म॒दन् वि॒श्वे क॒वित॑मं क॒वीना॑म् ।  
करो॒ यत्र॒ वरि॑वो बा॒धिता॑य दि॒वे जना॑य त॒न्वे गृ॑णानः १४  
अनु॒ द्यावा॑पृथि॒वी तत् त॒ ओजो॑ ऽम॒र्त्या जि॑हत इन्द्र दे॒वाः ।  
कृ॒ष्वा कृ॒त्नो अ॒कृतं॑ यत् ते अ॒स्त्यु क्थं॑ नवी॒यो जन॑यस्व य॒ज्ञैः १५

(१६) एकोनविंशं सूक्तम्

(१-१३) त्रयोदशर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

म॒हाँ इन्द्रो॑ नृ॒वदा च॑र्षणि॒प्रा उ॒त द्वि॒बर्हा॑ अ॒मिनः॑ स॒होभिः॑ ।  
अ॒स्मद्र॑य॒गवा॑वृ॒धे वी॒र्या॑यो॒ रुः पृ॒थुः सु॒कृतः॑ क॒र्तृभि॑र्भूत् १  
इन्द्र॑मे॒व धि॒षणा॑ सा॒तये॑ धाद् बृ॒हन्त॑मृष्व॒मज॑रं यु॒वान॑म् ।  
अ॒षाळ॑हे॒न श॑र्वसा शू॒शवा॑सं स॒द्यश्चि॑द् यो वा॑वृ॒धे अ॒सामि॑ २  
पृ॒थू क॒रस्त्रा॑ बहु॒ला ग॑र्भ॒स्ती अ॒स्मद्र॑य॒श्क सं मि॑मीहि श्रवा॑सि ।  
यू॒थेव॑ प॒श्वः प॑श॒पा द॑र्मू॒ना अ॒स्माँ इन्द्रा॑भ्या व॑वृ॒त्स्वाजौ॑ ३  
तं व॒ इन्द्र॑ च॒तिन॑मस्य शा॒कै रि॑ह नूनं वा॒जय॑न्तौ हुवे॒म ।  
यथा॑ चि॒त् पूर्वे॑ ज॒रितार॑ आ॒सु र॑नै॒द्या अ॒नवृ॑द्या अ॒रि॒ष्टाः ४  
धृ॒तव॑तो ध॒न॒दाः सोम॑वृ॒द्धः स हि॒ वाम॑स्य॒ वसु॑नः पुरु॒क्षुः ।  
सं ज॑ग्मिरे पृ॒थ्या॒इ रा॒यो अ॒स्मिन् त्स॑मु॒द्रे न सि॒न्धवो॑ याद॑मानाः ५  
श॒र्विष्ठं॑ न॒ आ भ॑र शूर॒ शव॑ ओजि॒ष्ठमो॑जौ अ॒भिभू॑त उ॒ग्रम् ।  
वि॒श्वा द्यु॒म्ना वृ॑ष॒या मा॑नु॒षाणा॑ म॒स्मभ्य॑ दा हरि॒वो मा॑दय॒ध्वै ६  
यस्ते॒ मदः॑ पृ॒तणा॑षाळ॒मृध॒ इन्द्र॑ तं न॒ आ भ॑र शू॒शवा॑सम् ।  
येन॑ तो॒कस्य॒ तन॑यस्य सा॒तौ म॑सीमहि जिगी॒वांस॑स्त्वो॒ताः ७  
आ नो॑ भ॒र वृ॑ष॒णं शु॒ष्ममि॑न्द्र ध॒न॒स्पृ॒तं शू॒शवा॑सं सु॒दक्ष॑म् ।  
येन॑ वं॒साम् पृ॑त॒नासु॑ शत्रून् तवो॒तिभि॑रु॒त जा॑मी॒रि॒जोमी॑न् ८  
आ ते॒ शु॒ष्मो वृ॑ष॒भ ए॒तु प॒श्चा दो॑त्तरा॒दध॑रा॒दा पु॑रस्तात् ।  
आ वि॒श्वतो॑ अ॒भि स॑मे॒त्वर्वा॑ डिन्द्र॒ द्यु॒म्नं स्व॑र्व॒द्धेह्य॑स्मे ९  
नृ॒वत् तं इन्द्र॑ नृ॒तमा॑भि॒रु॒ती व॑सीमहि वामं श्रोम॑तेभिः ।  
ई॒क्षे हि॒ वस्व॑ उ॒भय॑स्य रा॒जन् धा॑ र॒त्नं म॑हि स्थू॒रं बृ॑हन्तम् १०  
म॒रु॒त्वन्तं॑ वृष॒भं वा॑वृ॒धान॑ म॒कवा॑रिं दि॒व्यं शा॑समिन्द्रम् ।

विश्वासाहमवसे नूतनायो ग्रं सहोदामिह तं हुवेम ११  
 जनं वज्रिन् महि चिन्मन्यमान मेभ्यो नृभ्यो रन्धया येष्वस्मि ।  
 अधा हि त्वा पृथिव्यां शूरसातौ हवामहे तनये गोष्वप्सु १२  
 वयं त एभिः पुरुहूत सख्यैः शत्रोः शत्रोरुत्तर इत् स्याम ।  
 घन्तौ वृत्राण्युभयानि शूर राया मदेम बृहता त्वोताः १३

(२०) विंशं सूक्तम्

(१-१३) त्रयोदशर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

(१-६, ८-१३) प्रथमादितृचद्वयस्याष्टम्यादितृचद्वयस्य च त्रिष्टुप्, (७) सप्तम्याश्च

विराट् छन्दसी

द्यौरन य इन्द्राभि भूमार्य स्तस्थौ रयिः शर्वसा पृत्सु जनान् ।  
 तं नः सहस्रभरमुर्वरासां दद्धि सूनो सहसो वृत्रतुरम् १  
 दिवो न तुभ्यमन्विन्द्र सत्रा ऽसुर्य देवेभिर्धायि विश्वम् ।  
 अहिं यद् वृत्रमपो वव्रिवासं हवृजीषिन् विष्णुना सचानः २  
 तूर्वन्नोजीयान् तव सस्तवीयान् कृतब्रह्मेन्द्रौ वृद्धमहाः ।  
 राजाभवन्मधुनः सोम्यस्य विश्वसिं यत् पुरां दुर्बुमावत् ३  
 शतैरपद्रन् पृणय इन्द्रात्र दशौणये कवये ऽर्कसातौ ।  
 वधैः शुष्णास्याशुषेस्य मायाः पित्वो नारिरेचीत् किं चन प्र ४  
 मुहो द्रुहो अप विश्वायु धायि वज्रस्य यत् पतने पादि शुष्णाः ।  
 उरु ष सरथं सारथये क रिन्द्रः कुत्साय सूर्यस्य सातौ ५  
 प्र श्येनो न मदिरमंशुमस्मै शिरौ दासस्य नमुचेर्मथायन् ।  
 प्रावन्नमी साप्यं ससन्तं पृणग्राया समिषा सं स्वस्ति ६  
 वि पिप्रोरहिमायस्य दृळ्हाः पुरौ वज्रिञ्छवसा न दर्दः ।  
 सुदामन् तद् रेक्णौ अप्रमृष्य मृजिश्चने दात्रं दाशुषे दाः ७  
 स वैतसुं दशमायं दशौणिं तूर्तुजिमिन्द्रः स्वभिष्टिसुम्रः ।  
 आ तुग्रं शश्वदिभं द्योतनाय मातुर्न सीमुप सृजा इयध्यै ८  
 स ई स्पृधौ वनते अप्रतीतो बिभ्रद् वज्रं वृत्रहणं गर्भस्तौ ।  
 तिष्ठद्धरी अध्यस्तैव गते वचोयुजा वहत इन्द्रमृष्वम् ९  
 सनेम ते ऽवसा नव्य इन्द्र प्र पूरवः स्तवन्त एना यज्ञैः ।  
 सप्त यत् पुरः शर्म शारदीर्द्धन् दासीः पुरुकुत्साय शिक्नन् १०

त्वं वृध ईन्द्र पूव्यो भूँर्वरिवस्यन्नुशने काव्याय ।  
 परा नववास्त्वमनुदेयं महे पित्रे देदाथ स्वं नपातम् ११  
 त्वं धुनिरिन्द्र धुर्निमती ऋणोरपः सीरा न स्रवन्तीः ।  
 प्र यत् समुद्रमतिं शूर पर्षि पारया तुर्वशं यदुं स्वस्ति १२  
 तव ह त्यदिन्द्र विश्वमाजौ सस्तो धुनीचुमुरी या ह सिष्वप् ।  
 दीदयदित् तुभ्यं सोमैभिः सुन्वन् दभीतिरिध्मभृतिः पक्थ्यैः १३

(२१) एकविंशं सूक्तम्

(१-१२) द्वादशर्चस्यास्य सूक्तस्य बार्हस्पत्यो भरद्वाज ऋषिः । (१-८, १०, १२)  
 प्रथमाद्यष्टर्चा दशमीद्वादश्योश्चेन्द्रः, (६, ११) नवम्येकादश्योश्च विश्वे देवा देवताः ।

त्रिष्टुप् छन्दः

इमा उँ त्वा पुरुतमस्य कारो हव्यं वीर हव्या हवन्ते ।  
 धियो रथेष्ठामजरं नवीयो रयिर्विभूतिरीयते वचस्या १  
 तमुं स्तुष इन्द्रं यो विदानो गिर्वाहसं गीर्भिर्यज्ञवृद्धम् ।  
 यस्य दिवमतिं मृहा पृथिव्याः पुरुमायस्य रिरिचे महित्वम् २  
 स इत् तमोऽवयुनं तन्वत् सूर्येण वयुनवच्चकार ।  
 कदा ते मर्ता अमृतस्य धामे यक्षन्तो न मिनन्ति स्वधावः ३  
 यस्ता चकार स कुहं स्विदिन्द्रः कमा जनं चरति कासु विन्नु ।  
 कस्तै यज्ञो मनसे शं वराय को अर्क ईन्द्र कतमः स होता ४  
 इदा हि ते वेविषतः पुराजाः प्रत्नासं आसुः पुरुकृत् सखायः ।  
 ये मध्यमासं उत नूतनास उतावमस्य पुरुहूत बोधि ५  
 तं पृच्छन्तोऽवरासः पराणि प्रत्ना त ईन्द्र श्रुत्यानु येमुः ।  
 अर्चामसि वीर ब्रह्मवाहो यादेव विद्य तात् त्वा महान्तम् ६  
 अभि त्वा पाजौ रक्षसो वि तस्थे महि जज्ञानमभि तत्सु तिष्ठ ।  
 तव प्रबेन युज्येन सख्या वज्रेण धृष्णो अप ता नुदस्व ७  
 स तु श्रुधीन्द्र नूतनस्य ब्रह्मण्यतो वीर कारुधायः ।  
 त्वं ह्याऽपिः प्रदिवि पितृणां शश्वद् बभूथ सुहव एष्टौ ८  
 प्रोतये वरुणं मित्रमिन्द्रं मरुतः कृष्वावसे नो अद्य ।  
 प्र पूषणं विष्णुमग्निं पुरंधिं सवितारमोषधीः पर्वतांश्च ९  
 इम उँ त्वा पुरुशाक प्रयज्यो जरितारौ अभ्यर्चन्त्यैः ।

श्रुधी हव॒मा हु॒वतो हु॒वानो न त्वावाँ॑ अ॒न्यो अ॒मृत॒ त्वद॑स्ति १०  
 नू म॒ आ वाच॑मुप॒ याहि वि॒द्वान् वि॒श्वेभिः॑ सू॒नो सह॑सो यज॒त्रैः ।  
 ये अ॒ग्निजि॒ह्वा ऋ॒त॒साप॑ आ॒सु र्ये॑ म॒नु च॒क्रु॒रुप॑रं दसा॒य ११  
 स नो॑ बोधि॒ पुर॑एता सु॒गेषू॒त दु॒र्गेषु॑ पथि॒कृद् वि॒दानः॑ ।  
 ये अ॒श्रमा॑स उ॒रवो॑ वहि॒ष्ठा स्तेभि॑र्न इन्द्रा॒भि व॑क्षि॒ वाज॑म् १२

(२२) द्वाविंशं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

य एक॒ इद्ध॑व्यश्चर्षणी॒ना मि॒न्द्रं तं गी॒र्भिर॒भ्यर्च॑ आ॒भिः ।  
 यः प॒त्यते॑ वृष॒भो वृ॒ष्ण्या॑वान् त्स॒त्यः स॒त्वा पुरु॑मा॒यः सह॑स्वान् १  
 तमु॒ नः पू॒र्वे पि॒तरो॑ नव॒ग्वाः स॒प्त वि॒प्रासो॑ अ॒भि वा॒जय॑न्तः ।  
 न॒क्षदा॒भं त॑तुरिं पर्व॒तेष्ठा म॒द्रौघ॑वाचं म॒तिभिः॑ शवि॒ष्ठम् २  
 तमी॑म॒ह इन्द्र॑मस्य रा॒यः पु॒रुवी॑रस्य नृव॒तः पु॒रुक्षोः॑ ।  
 यो अ॒स्कृ॒धोयु॑रज॒रः स्व॑र्वा॒न् तमा॑ भर॒ हरि॑वो माद॒य॒ध्यै ३  
 तन्नो॑ वि वौचो॒ यदि॑ ते पु॒रा चि॑ञ्ज॒रितार॑ आ॒नुशुः॑ सु॒म्रमि॑न्द्र ।  
 कस्तै॑ भा॒गः किं॑ वयो॒ दुध॑ खि॒द्धः पु॒रुहू॑त पु॒रुव॑सोऽसु॒रघ्नः॑ ४  
 तं पृ॒च्छन्ती॑ वज्र॒हस्तं॑ रथे॒ष्ठा मि॒न्द्रं वेपी॑ वक्व॒री यस्य॑ नू गीः ।  
 तु॒वि॒ग्राभं॑ तु॒विकूर्मि॑ र॒भोदां॑ गा॒तुमि॑षे नक्ष॒ते तु॒म्रम॑च्छ ५  
 अ॒या ह॒ त्यं मा॒यया॑ वावृ॒धानं॑ म॒नोजु॑वा॒ स्वत॑वः पर्व॒तेन॑ ।  
 अ॒र्च्युता॑ चिद् वी॒ळिता॑ स्वौजो रु॒जो वि॒ दृळ॑हा धृष॒ता वि॒रप्शि॑न् ६  
 तं वौ धि॒या न॒व्यस्या॑ शवि॒ष्ठं प्र॒त्नं प्र॒ब्रव॑त् प॒रितं॑स॒य॒ध्यै ।  
 स नो॑ वक्ष॒दनि॑मानः सु॒वह्मे॒ द्रो वि॒श्वान्य॑ति दु॒र्गहा॑णि ७  
 आ जना॑य॒ द्रुह॑णे॒ पार्थि॑वानि दि॒व्यानि॑ दी॒पयो॑ऽन्तरि॒क्षा ।  
 तपा॑ वृषन् वि॒श्वतः॑ शोचि॒षा तान् ब्र॑ह्मद्विषै शोच॒य क्षाम॑पश्च ८  
 भुवो॑ जन॒स्य दि॒व्यस्य॑ राजा॒ पार्थि॑वस्य जग॒तस्त्वेष॑संदृक् ।  
 धि॒ष्व वज्रं॑ दक्षि॒ण इन्द्र॑ हस्ते वि॒श्वा अ॒जुर्य॑ दय॒से वि॒ मा॒याः ९  
 आ स॒ंयत॑मिन्द्र॒ राः स्व॒स्तिं श॑त्रुतू॒र्याय॑ बृ॒हती॑ममृ॒ध्राम् ।  
 यया॑ दासा॒न्याया॑णि वृ॒त्रा करो॑ वज्रिन् सु॒तुका॑ नाहु॒षाणि॑ १०  
 स नो॑ नि॒युद्धिः॑ पु॒रुहू॑त वे॒धो वि॒श्ववा॑रा॒भिरा॑ ग॒हि प्र॑यज्यो ।



न या अदेवो वरते न देव आभिर्याहि तूयमा मद्र्यद्रिक् ११

(२३) त्रयोविंशं सूक्तम्

(१-१०) दशर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

सुत इत् त्वं निर्मिश्र इन्द्र सोमे स्तोमे ब्रह्मणि शस्यमान उक्थे ।  
यद् वा युक्ताभ्यां मघवन् हरिभ्यां बिभ्रद् वज्रं बाहोरिन्द्र यासि १  
यद् वा दिवि पार्ये सुष्विमिन्द्र वृत्रहत्येऽवसि शूरसातौ ।  
यद् वा दक्षस्य बिभ्युषो अबिभ्य दरन्धयः शर्धत इन्द्र दस्यून् २  
पाता सुतमिन्द्रो अस्तु सोमं प्रणेनीरुग्रो जरितारमूती ।  
कर्ता वीराय सुष्वय उ लोकं दाता वसुं स्तुवते कीरये चित् ३  
गन्तेयान्ति सर्वना हरिभ्यां बिभ्रवज्रं पपिः सोमं दृदिर्गाः ।  
कर्ता वीरं नर्युं सर्ववीरं श्रोता हव गृणतः स्तोमवाहाः ४  
अस्मै वयं यद् वावान् तद् विविष्म इन्द्राय यो नः प्रदिवो अपस्कः ।  
सुते सोमै स्तुमसि शंसदुक्थेन्द्राय ब्रह्म वर्धनं यथासत् ५  
ब्रह्माणि हि चकृषे वर्धनानि तारवत् त इन्द्र मतिभिर्विविष्मः ।  
सुते सोमै सुतपाः शन्तमानि रान्द्र्या क्रियास्म वक्ष्णानि यज्ञैः ६  
स नो बोधि पुरोळाशं रराणः पिबा तु सोमं गोऋजीकमिन्द्र ।  
एदं बहिर्यजमानस्य सीदो रुं कृधि त्वायुत उ लोकम् ७  
स मन्दस्वा ह्यनु जोषमुग्र प्र त्वा यज्ञास इमे अश्नुवन्तु ।  
प्रेमे हवासः पुरुहूतमस्मे आ त्वेयं धीरवस इन्द्र यम्याः ८  
तं वः सखायः सं यथा सुतेषु सोमैभिरीं पृणता भोजमिन्द्रम् ।  
कुवित् तस्मा असति नो भराय न सुष्विमिन्द्रोऽवसे मृधाति ९  
एवेदिन्द्रः सुते अस्तावि सोमै भरद्वाजेषु क्षयदिन्मघोनः ।  
असद् यथा जरित्र उत सूरि रिन्द्रो रायो विश्ववारस्य दाता १०

तृतीयोऽनुवाकः

सू० २४ । ४३

(२४) चतुर्विंशं सूक्तम्

(१-१०) दशर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

वृषा मद इन्द्रे श्लोक उक्था सचा सोमेषु सुतपा ऋजीषी ।  
 अर्चयौ मधवा नृभ्य उक्थैर्द्युक्षो राजा गिरामक्षितोतिः १  
 ततुरिर्वीरो नर्यो विचैताः श्रोता हव गृणत उव्यूतिः ।  
 वसुः शंसौ नरां कारुधाया वाजी स्तुतो विदथै दाति वाजम् २  
 अक्षो न चक्रयौः शूर बृहन् प्र तै मुह्ना रिरिचे रोदस्योः ।  
 वृक्षस्य नु तै पुरुहूत वया व्यूतयौ रुरुहुरिन्द्र पूर्वीः ३  
 शचीवतस्ते पुरुशाक शाका गवामिव स्तुतयः संचरणीः ।  
 वत्सानां न तन्तर्यस्त इन्द्र दामन्वन्तो अदामानः सुदामन् ४  
 अन्यदद्य कर्वरमन्यदु श्वो ऽसंश्च सन्मुहुराचक्रिरिन्द्रः ।  
 मित्रो नो अत्र वरुणश्च पूषा ऽर्यो वशस्य पर्येतास्ति ५  
 वि त्वदापो न पर्वतस्य पृष्ठा दुक्थेभिरिन्द्रानयन्त युज्ञैः ।  
 तं त्वाभिः सुष्टुतिभिर्वाजयेन्त आजिं न जग्मुर्गिर्वाहो अश्वाः ६  
 न यं जरन्ति शरदो न मासा न द्याव इन्द्रमवकर्शयन्ति ।  
 वृद्धस्य चिद् वर्धतामस्य तनूः स्तोमैभिरुक्थैश्च शस्यमाना ७  
 न वीळवे नमते न स्थिराय न शर्धते दस्युजूताय स्तवान् ।  
 अज्रा इन्द्रस्य गिरयश्चिदृष्वा गम्भीरे चिद् भवति गाधर्मस्मै ८  
 गम्भीरेण न उरुणामत्रिन् प्रेषो यन्धि सुतपावन् वाजान् ।  
 स्था ऊ षु ऊर्ध्व ऊती अरिषण्य नृक्तोव्युष्टौ परितक्म्यायाम् ९  
 सचस्व नायमवसे अभीक इतो वा तमिन्द्र पाहि रिषः ।  
 अमा चैनमरणये पाहि रिषो मदम शतहिमाः सुवीराः १०

(२५) पञ्चविंशं सूक्तम्

(१-६) नवर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता । त्रिष्टुप्

छन्दः

या त ऊतिरवमा या परमा या मध्यमेन्द्र शुष्मिन्नस्ति ।  
 ताभिरू षु वृत्रहत्यैऽवीर्न एभिश्च वाजैर्महान् न उग्र १  
 आभिः स्पृधौ मिथतीररिषण्य नृमित्रस्य व्यथया मन्युमिन्द्र ।  
 आभिर्विश्वा अभियुजो विषूची रायाय विशोऽव तारीर्दासीः २

इन्द्रं जामय उत येऽजामयो ऽर्वाचीनासौ वनुषो युयुजे ।  
 त्वमेषां विथुरा शर्वासि जहि वृष्यानि कृणुही परोचः ३  
 शूरो वा शूरं वनते शरीरं स्तनुरुचा तरुषि यत् कृण्वैते ।  
 तोके वा गोषु तनये यदप्सु वि क्रन्दसी उर्वरासु ब्रवैते ४  
 नहि त्वा शूरो न तुरो न धृष्णुर्न त्वा योधो मन्यमानो युयोध ।  
 इन्द्र नकिष्ठा प्रत्यस्त्येषां विश्वा जातान्यभ्यसि तानि ५  
 स पत्यत उभयौर्नृणामयो र्यदी वेधसः समिथे हवन्ते ।  
 वृत्रे वा मुहो नृवति क्षयै वा व्यचस्वन्ता यदि वितन्तसैते ६  
 अध स्मा ते चर्षणयो यदेजा निन्द्रं त्रातोत भवा वरुता ।  
 अस्माकांसो ये नृतमासो अर्य इन्द्रं सूर्यो दधिरे पुरो नः ७  
 अनु ते दायि मुह इन्द्रियाय सत्रा ते विश्वमनु वृत्रहत्यै ।  
 अनु क्षत्रमनु सहो यजत्रेन्द्रं देवेभिरनु ते नृषह्यै ८  
 एवा नः स्पृधः समजा सम त्स्विन्द्रं रारन्धि मिथ्यतीरदेवीः ।  
 विद्याम वस्तोरवसा गृणन्तौ भरद्वाजा उत ते इन्द्र नूनम् ९

(२६) षड्विंशं सूक्तम्

(१-८) अष्टर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

श्रुधी न इन्द्र ह्यामसि त्वा मुहो वाजस्य सातौ वावृषाणाः ।  
 सं यद् विशोऽयन्त शूरसाता उग्रं नो ऽवः पार्ये अहन् दाः १  
 त्वां वाजी हवते वाजिनेयो मुहो वाजस्य गध्यस्य सातौ ।  
 त्वां वृत्रेष्विन्द्र सत्पतिं तरुत्रं त्वां चष्टे मुष्टिहा गोषु युध्यन् २  
 त्वं कविं चौदयोऽर्कसातौ त्वं कुत्साय शुष्णं दाशुषे वर्क ।  
 त्वं शिरो अमर्मणः पराह न्नतिथिगवायु शंस्यं करिष्यन् ३  
 त्वं रथं प्र भरो योधमृष्व मावो युध्यन्तं वृषभं दर्शद्युम् ।  
 त्वं तुग्रं वेतसवे सचाहन् त्वं तुजिं गृणन्तमिन्द्र तूतोः ४  
 त्वं तदुक्थमिन्द्र बर्हणा क्रः प्र यच्छता सहस्रा शूर दर्षि ।  
 अवं गिरेदासं शम्बरं हन् प्रावो दिवोदासं चित्राभिरूती ५  
 त्वं श्रद्धाभिर्मन्दसानः सोमैर्दुभीतये चुमुरिमिन्द्र सिष्वप् ।  
 त्वं रजिं पिठीनसे दशस्यन् षष्टिं सहस्रा शच्या सचाहन् ६

अ॒हं च॒न तत् सू॒रिभि॑रान॒श्यां तव॑ ज्यार्य॒ इन्द्र॑ सु॒म्रमो॑र्जः ।  
 त्वया॑ यत् स्त॒र्वन्ते॑ स॒धवी॑र वी॒रा स्त्रि॑वरू॒थेन॑ नहुषा शविष्ठ ७  
 व॒यं ते॑ अ॒स्यामि॑न्द्र द्यु॒म्रहू॑तौ सखायः स्याम महि॒न प्रे॑ष्ठाः ।  
 प्रा॒तर्द॑निः क्ष॒त्रश्री॑रस्तु श्रेष्ठो घ॒ने वृ॒त्राणां॑ स॒नये॑ धनानाम् ८

(२७) सप्तविंशं सूक्तम्

(१-८) अष्टर्चस्यास्य सूक्तस्य बार्हस्पत्यो भरद्वाज ऋषिः । (१-७)  
 प्रथमादिसप्तर्चामिन्द्रः, (८) अष्टम्याश्च चायमानस्याभ्यावर्तिनो दानं देवते ।

त्रिष्टुप् छन्दः

किम॑स्य म॒दे किम्व॑स्य पी॒ता वि॒न्द्रः किम॑स्य स॒ख्ये च॑कार ।  
 रणा॑ वा ये नि॒षदि॑ किं ते अस्य पु॒रा वि॒विद्रे॑ किमु नू॒तना॑सः १  
 स॒दस्य॑ म॒दे स॒द्वस्य॑ पी॒ता वि॒न्द्रः स॒दस्य॑ स॒ख्ये च॑कार ।  
 रणा॑ वा ये नि॒षदि॑ सत् ते अस्य पु॒रा वि॒विद्रे॑ स॒दु नू॒तना॑सः २  
 न॒हि नु॑ ते महि॒मनः॑ सम॒स्य न म॑घवन् म॒घव॑त्त्वस्य॒ वि॒द्य ।  
 न रा॒धसो॑रा॒धसो॑ नू॒तन॑स्ये॒न्द्र न॑कि॒र्ददृ॑श इन्द्रि॒यं ते॑ ३  
 ए॒तत् त्य॑त् ते इन्द्रि॒यम॑चेति॒ येना॑व॒धीर्व॑रशि॒खस्य॑ शेषः ।  
 व॒ज्रस्य॑ यत् ते नि॒हत॑स्य शु॒ष्मात् स्व॑नाच्चि॒दिन्द्र॑ प॒रमो॑ द॒दार ४  
 व॒धीदि॑न्द्रौ व॒रशि॑खस्य॒ शेषो॑ ऽभ्याव॒र्तिनै॑ चायमा॒नाय॑ शि॒क्षन् ।  
 वृ॒चीव॑तो य॒द्धरि॑यू॒पीया॑यां हन् पूर्वे॒ अर्धे॑ भि॒यसा॑प॒रो द॑र्त् ५  
 त्रिं॒शच्छ॑तं व॒र्मिण॑ इन्द्र सा॒कं य॒व्याव॑त्यां पु॒रुहू॑त श्रव॒स्या ।  
 वृ॒चीव॑न्तः शर॑वे प॒त्यमा॑नाः पा॒त्रा भि॑न्द॒ाना न्य॒र्थान्या॑यन् ६  
 यस्य॑ गा॒वाव॑रू॒षा सू॑यव॒स्यू अ॒न्तरू॑ षु चर॑तो रे॒रिहा॑णा ।  
 स सृ॒ज्याय॑ तु॒र्वशं॑ प॒रादा॑द् वृ॒चीव॑तो दै॒ववा॑ताय॒ शि॒क्षन् ७  
 द्रु॒याँ अ॒ग्ने र॒थिनो॑ विं॒शतिं॑ गा वृ॒धूम॑तो म॒घवा॑ मह्यं स॒म्राट् ।  
 अ॒भ्याव॑र्ती चा॒यमा॑नो द॑दाति दू॒णाशे॑यं दक्षि॒णा पा॑र्थ॒वाना॑म् ८

(२८) अष्टाविंशं सूक्तम्

(१-८) अष्टर्चस्यास्य सूक्तस्य बार्हस्पत्यो भरद्वाज ऋषिः । (१, ३-७)  
 प्रथमर्चस्तृतीयादिपञ्चानाञ्च गावः, (२, ८) द्वितीयाष्टम्योरिन्द्रो गावो वा देवताः ।  
 (१, ५-७) प्रथमर्चः पञ्चम्यादितृचस्य च त्रिष्टुप्, (२-४) द्वितीयादितृचस्य

जगती, (८) अष्टम्याश्चानुष्टुप् छन्दांसि

आ गावो अग्नन्तु भद्रमक्रन् त्सीदन्तु गोष्ठे रणयन्त्वस्मे ।  
प्रजावतीः पुरुषा इह स्यु रिन्द्राय पूर्वीरुषसो दुर्हानाः १  
इन्द्रो यज्वने पूणते च शिञ्जत्युपेद् ददाति न स्वं मुषायति ।  
भूयोभूयो रयिमिदस्य वर्धयन्नभिन्ने खिल्ये नि दधाति देवयुम् २  
न ता नशन्ति न दधाति तस्करो नासामामित्रो व्यथिरा दधर्षति ।  
देवाँश्च याभिर्यजते ददाति च ज्योगित् ताभिः सचते गोपतिः सह ३  
न ता अवा रेणुककाटो अश्नुते न संस्कृतत्रमुप यन्ति ता अभि ।  
उरुगायमभयं तस्य ता अनु गावो मर्तस्य वि चरन्ति यज्वनः ४  
गावो भगो गाव इन्द्रो मे अच्छान् गावः सोमस्य प्रथमस्य भक्षः ।  
इमा या गावः स जनास इन्द्र इच्छामीद्धदा मनसा चिदिन्द्रम् ५  
यूयं गावो मेदयथा कृशं चि दश्रीरं चित् कृणुथा सुप्रतीकम् ।  
भद्रं गृहं कृणुथ भद्रवाचो बृहद् वो वयं उच्यते सभासु ६  
प्रजावतीः सूयवसं रिशन्तीः शद्धा अपः सुप्रपाणे पिबन्तीः ।  
मा व स्तेन ईशत माघशंसः परि वो हेती रुद्रस्य वृज्याः ७  
उपेदमुपपर्वन् मासु गोषूप पृच्यताम् ।  
उप ऋषभस्य रेत स्युपैन्द्र तव वीर्ये ८

सप्तमोऽध्यायः

व० १-३५

(२६) एकोनत्रिंशं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

इन्द्रं वो नरः सुख्याय सेपुर्महो यन्तः सुमतये चक्रानाः ।  
महो हि दाता वज्रहस्तो अस्ति महामु रणवमवसे यजध्वम् १  
आ यस्मिन् हस्ते नर्या मिमिक्षु रा रथै हिरण्यये रथेष्ठाः ।  
आ रश्मयो गर्भस्त्योः स्थूरयो राध्वन्नश्वासो वर्षणो युजानाः २  
श्रिये ते पादा दुव आ मिमिक्षु धृष्णुर्वज्री शर्वसा दक्षिणावान् ।  
वसानो अत्कं सुरभिं दृशे कं स्वर्णं नृतविषिरो बभूथ ३  
स सोम आर्मिश्रतमः सुतो भूद् यस्मिन् पक्तिः पच्यते सन्ति धानाः ।

इन्द्रं नरः स्तुवन्तो ब्रह्मकारा उक्था शंसन्तो देववाततमाः ४  
 न ते अन्तः शर्वसो धाय्यस्य वि तु बाबधे रोदसी महित्वा ।  
 आ ता सूरिः पृणति तूतुजानो यूथेवाप्सु समीजमान ऊती ५  
 एवेदिन्द्रः सुहव ऋष्वो अस्तू ती अनूती हिरिशिप्रः सत्वा ।  
 एवा हि जातो असमात्योजाः पुरू च वृत्रा हनति नि दस्यून् ६

(३०) त्रिंशं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

भूय इद् वावृधे वीर्यायँ एको अजुर्यो दयते वसूनि ।  
 प्र रिरिचे दिव इन्द्रः पृथिव्या अर्धमिदस्य प्रति रोदसी उभे १  
 अधा मन्ये बृहदसुर्यमस्य यानि दाधार नकिरा मिनाति ।  
 दिवेदिवे सूर्यो दर्शतो भूद् वि सद्यान्युर्विया सुक्रतुर्धात् २  
 अद्या चिन्नू चित् तदपो नदीनां यदाभ्यो अरदो गातुमिन्द्र ।  
 नि पर्वता अद्यसदो न सैदु स्त्वया दृळहानि सुक्रतो रजांसि ३  
 सत्यमित् तन्न त्वावाँ अन्यो अस्तीन्द्र देवो न मर्त्यो ज्यायान् ।  
 अहन्नहिं परिशयानमर्णो ऽवासृजो अपो अच्छा समुद्रम् ४  
 त्वमपो वि दुरो विषूची रिन्द्र दृळहमरुजः पर्वतस्य ।  
 राजाभवो जगतश्चर्षणीनां साकं सूर्यं जनयन् द्यामुषासम् ५

(३१) एकत्रिंशं सूक्तम्

(१-५) पञ्चर्चस्यास्य सूक्तस्य भारद्वाजः सुहोत्र ऋषिः । इन्द्रो देवता । (१-३,

५) प्रथमादितृचस्य पञ्चम्या ऋचश्च त्रिष्टुप्, (४) चतुर्थ्याश्च शक्वरी छन्दसी  
 अभूरेको रयिपते रयीणा मा हस्तयोरधित्वा इन्द्र कृष्टीः ।  
 वि तोके अप्सु तनये च सूरि ऽवौचन्त चर्षणयो विवाचः १  
 त्वद् भियेन्द्र पार्थिवानि विश्वा ऽच्युता चिच्चयावयन्ते रजांसि ।  
 द्यावाक्षामा पर्वतासो वनानि विश्वं दृळहं भयते अज्मन्ना तै २  
 त्वं कुत्सेनाभि शुष्णमिन्द्रा ऽशुषं युध्य कुर्यवं गविष्ठौ ।  
 दशं प्रपित्वे अध सूर्यस्य मुषायश्चक्रमविवे रपांसि ३  
 त्वं शतान्यव शम्बरस्य पुरौ जघन्थाप्रतीनि दस्यौः ।

अ॒शि॒क्षो॒ यत्र॒ श॒च्या॒ श॒ची॒वो॒ दि॒वो॒दा॒साय॒ सु॒न्व॒ते सु॒त॒क्रे भ॒र॒द्वा॒जाय॒ गृ॒ण॒ते  
व॒सू॒नि ४

स स॒त्य॒स॒त्त्व॒न् म॒ह॒ते र॒णाय॒ र॒थ॒मा ति॒ष्ठ तु॒वि॒नृ॒म्ण भी॒मम् ।  
या॒हि प्र॒प॒थि॒न्न॒व॒सो॒प॒ मु॒द्रि॒क् प्र च॒ श्रु॒त श्रा॒वय॒ च॒र्ष॒णि॒भ्यः ५

(३२) द्वात्रिंशं सूक्तम्

(१-५) पञ्चर्चस्यास्य सूक्तस्य भारद्वाजः सुहोत्र ऋषिः । इन्द्रो देवता ।

त्रिष्टुप् छन्दः

अ॒पू॒र्व्या॒ पु॒रु॒त॒मा॒न्य॒स्मै म॒हे वी॒राय॑ त॒व॒से॒ तुरा॑य ।  
वि॒र॒प्शि॒नै व॒ज्रि॒णे श॑त॒मा॒नि व॒चा॑स्या॒सा स्थ॒वि॒राय॑ त॒क्षम् १  
स मा॒तरा॑ सू॒र्ये॒णा क॒वी॒ना म॒वा॑सयद् रु॒ज॒द॒द्रिं गृ॒णानः॑ ।  
स्वा॒धीभि॒र्ऋ॒क्व॒भिर्वा॑व॒शान॑ उ॒दु॒स्त्रि॒या॒णाम॑सृ॒ज॒न्नि॒दान॑म् २  
स व॒हि॒भि॒र्ऋ॒क्व॒भिर्गो॑षु श॒श्वन् मित॑जु॒भिः पु॒रु॒क॒त्वा जि॑गाय ।  
पु॒रः पु॒रो॒हा स॒खि॒भिः स॒खी॒यन् दृ॒ळ॒हा रु॒रोज॑ क॒वि॒भिः क॒विः सन् ३  
स नी॒व्या॒भिर्ज॑रि॒ता॒म॒च्छा म॒हो वा॒जे॒भिर्म॒ह॒द्भिश्च॑ शु॒ष्मैः ।  
पु॒रु॒वी॒राभि॑र्वृष॒भ क्षि॒ती॒ना मा गि॑र्व॒णः सु॒वि॒ताय॑ प्र या॒हि ४  
स स॒र्गे॒ण श॑र्व॒सा त॒क्तो अ॒त्यै र॒प इन्द्रो॑ दक्षि॒णत॑स्तु॒रा॒षाट् ।  
इ॒त्था सृ॑जा॒ना अ॒न॒पावृ॑द॒र्थं दि॒वेदि॑वे वि॒वि॒षु॒रप्र॑मृष्यम् ५

(३३) त्रयस्त्रिंशं सूक्तम्

(१-५) पञ्चर्चस्यास्य सूक्तस्य भारद्वाजः शुनहोत्र ऋषिः । इन्द्रो देवता ।

त्रिष्टुप् छन्दः

य ओ॒जि॒ष्ठ इन्द्र॑ तं सु नो॒ दा म॒दो वृ॑षन् त्व॒भि॒ष्टि॒र्दा॒स्वान् ।  
सौ॒र्व॒श्च॒यं यो व॒न॒व॒त् स्व॒श्वो वृ॒त्रा स॒म॒त्सु॑ सा॒स॒ह॒द॒मि॒त्रान् १  
त्वां ही॒इन्द्रा॑व॒से वि॒वा॒चो ह॒व॒न्ते च॒र्ष॒णयः॑ शू॒र॒सा॒तौ ।  
त्वं वि॒प्रै॒भिर्वि॑ पु॒र्णै॒रि॒शाय॑ स्त्वो॒त इत् स॒नि॒ता वा॒ज॒म॒वा २  
त्वं तां॑ इन्द्रो॒भया॑ अ॒मि॒त्रान् दा॒सा वृ॒त्रा॒णया॑र्या च शू॒र ।  
व॒धी॒र्व॒नैव॑ सु॒धि॒ते॒भि॒र॒त्कै रा पृ॒त्सु द॑र्षि नृ॒णां नृ॑त॒म ३  
स त्वं न॑ इन्द्रा॒क॒वाभि॑रू॒ती स॒खा वि॒श्वा॒यु॒रवि॒ता वृ॒धे भूः॑ ।  
स्व॒र्षा॒ता य॑द॒ध्वया॑म॒सि त्वा यु॑ध्व॒न्तो ने॒म॒धि॒ता पृ॒त्सु शू॒र ४

नूनं न इन्द्रापुराय च स्या भवा मृळीक उत नो अभिष्टौ ।  
इत्था गृणन्तौ महिनस्य शर्मन् दिवि ध्याम् पार्ये गोषतमाः ५

(३४) चतुस्त्रिंशं सूक्तम्

(१-५) पञ्चर्चस्यास्य सूक्तस्य भारद्वाजः शुनहोत्र ऋषिः । इन्द्रो देवता ।

त्रिष्टुप् छन्दः

सं च त्वे जग्मुर्गिरं इन्द्र पूर्वीर्वि च त्वद् यन्ति विभ्वो मनीषाः ।  
पुरा नूनं च स्तुतय ऋषीणां पस्पृध इन्द्रे अर्ध्युक्थाकार्का १  
पुरुहूतो यः पुरुगूर्त ऋभ्वाँ एकः पुरुप्रशस्तो अस्ति यज्ञैः ।  
रथो न महे शर्वसे युजानोऽस्माभिरिन्द्रो अनुमाद्यो भूत् २  
न यं हिंसन्ति धीतयो न वाणी रिन्द्रं नक्षन्तीदभि वृधयन्तीः ।  
यदि स्तोतारः शतं यत् सहस्रं गृणन्ति गिर्वणसं शं तदस्मै ३  
अस्मा एतद् दिव्यश्चैव मासा मिमिक्ष इन्द्रे न्ययामि सोमः ।  
जनं न धन्वन्नभि सं यदापः सत्रा वावृधुर्हवनानि यज्ञैः ४  
अस्मा एतन्मह्याङ्घ्रिषमस्मा इन्द्राय स्तोत्रं मतिभिरवाचि ।  
असद् यथा महति वृत्रतूर्य इन्द्रो विश्वायुरविता वृधश्च ५

(३५) पञ्चत्रिंशं सूक्तम्

(१-५) पञ्चर्चस्यास्य सूक्तस्य भारद्वाजो नर ऋषिः । इन्द्रो देवता । त्रिष्टुप् छन्दः

कदा भुवन् रथक्षयाणि ब्रह्म कदा स्तोत्रे सहस्रपोष्य दाः ।  
कदा स्तोमं वासयोऽस्य राया कदा धियः करसि वाजरत्नाः १  
कहिं स्वित् तदिन्द्र यन्नृभिर्नृन् वीरैर्वीरान् नीळयासे जयाजीन् ।  
त्रिधातु गा अधि जयासि गोष्विन्द्रं द्युम्नं स्वर्वद् धेह्यस्मे २  
कहिं स्वित् तदिन्द्र यज्ञरित्रे विश्वप्सु ब्रह्म कृणवः शविष्ठ ।  
कदा धियो न नियुतौ युवासे कदा गोमघा हवनानि गच्छाः ३  
स गोमघा जरित्रे अश्वश्चन्द्रा वाजश्रवसो अधि धेहि पृक्षः ।  
पीपिहीषः सुदुघामिन्द्र धेनुं भरद्वाजेषु सुरुचौ रुरुच्याः ४  
तमा नूनं वृजनमन्यथा चिच्छूरो यच्छक्र वि दुरौ गृणीषे ।  
मा निररं शुक्रदुर्घस्य धेनो राङ्गिरसान् ब्रह्मणा विप्र जिन्व ५



(३६) षट्त्रिंशं सूक्तम्

(१-५) पञ्चर्चस्यास्य सूक्तस्य भारद्वाजो नर ऋषिः । इन्द्रो देवता । त्रिष्टुप् छन्दः  
स॒त्रा म॒दा॒स॒स्तव॑ वि॒श्वज॑न्याः स॒त्रा रा॒योऽध॑ ये पा॒र्थि॒वासः॑ ।  
स॒त्रा वा॒जा॒नाम॑भवो वि॒भक्ता॑ यद् दे॒वेषु॑ धा॒रय॑था अ॒सुर्य॑म् १  
अ॒नु प्र॑ ये॒जे ज॒न ओ॒जौ अ॒स्य स॒त्रा द॑धिरे॒ अनु॑ वी॒र्या॑य ।  
स्यु॒म॒गृ॒भे दु॒धये॑ऽर्वते च॒ क्रतुं॑ वृ॒ज्जन्त्य॑पि वृ॒त्रह॑त्यै २  
तं स॒ध्वीची॑रू॒तयो॑ वृ॒ष्ण्या॑नि पौ॒स्या॑नि नि॒युतः॑ स॒श्चुरि॑न्द्रम् ।  
स॒मु॒द्रं न॑ सि॒न्धव॑ उ॒क्थशु॑ष्मा उ॒रुव्य॑च॒सं गि॒र आ॑ वि॒शन्ति॑ ३  
स रा॒यस्वामु॑प॒ सृजा॑ गृ॒णानः॑ पु॒रुश्च॑न्द्रस्य त्वमि॒न्द्र व॑स्वः ।  
प॒तिर्ब॑भू॒थास॑मो ज॒नाना॑ मे॒को वि॒श्वस्य॑ भु॒वन॑स्य॒ राजा॑ ४  
स तु श्रु॑धि श्रु॒त्या यो दु॑वो॒यु द्यौर्न॑ भूमा॒भि रा॒यो अ॒र्यः॑ ।  
अ॒सो यथा॑ नः शर्व॑सा चका॒नो यु॒गेयु॑गे व॒र्यसा॑ चेकि॒तानः॑ ५

(३७) सप्तत्रिंशं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।  
त्रिष्टुप् छन्दः

अ॒र्वाग्र॑थं वि॒श्ववा॑रं त उ॒ग्रे न्द्र॑ यु॒क्तासो॑ ह॒रयो॑ वहन्तु ।  
की॒रिश्चि॑द्धि त्वा ह॒वते॑ स्व॒र्वानृ॑धीमहि॒ सध॑मा॒दस्ते॑ अ॒द्य १  
प्रो द्रो॒णे ह॒रयुः॑ क॒र्मा॒ग्नन् पु॒ना॒नास॑ ऋ॒ज्यन्तो॑ अ॒भूवन्॑ ।  
इ॒न्द्रो नो॑ अ॒स्य पू॒र्व्यः प॑पीयाद् द्यु॒त्तो म॑द॒स्य सो॒म्यस्य॑ राजा २  
आ॒स॒स्त्रा॒णासः॑ श॒वसा॑नम॒च्छे न्द्र॑ सु॒चक्रे॑ र॒थ्यासो॑ अ॒श्वाः ।  
अ॒भि श्र॑व ऋ॒ज्यन्तो॑ व॒हेयु॑ नू चि॒न्नु वा॒योऽमृ॑तं वि द॒स्येत् ३  
व॒रि॑ष्ठो अ॒स्य दक्षि॑णामि॒युती॑ न्द्रो म॒घोना॑ तु॒विकूर्मि॑तमः ।  
यया॑ व॒ज्रिवः॑ प॒रिया॑स्यं॒हौ म॒घा च॑ धृ॒ष्णो द॑र्य॒से वि॑ सू॒रीन् ४  
इ॒न्द्रो वा॒जस्य॑ स्थ॒वि॒रस्य॑ दा॒ते द्रौ॑ गी॒र्भिर्व॑र्धतां वृ॒द्धम॑हाः ।  
इ॒न्द्रो वृ॒त्रं ह॒नि॑ष्ठो अ॒स्तु स॒त्वाऽऽ ता॑ सू॒रिः पृ॑ण॒ति तू॒तु॒जानः॑ ५

(३८) अष्टात्रिंशं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।  
त्रिष्टुप् छन्दः

अपादित उदु नश्चित्रतमो म॒हीं भ॑र्षद् द्युमतीमिन्द्रहूतिम् ।  
 पन्यसीं धीतिं दैव्यस्य याम॒ञ्जन॑स्य रातिं वनते सुदानुः १  
 दूराच्चिदा वसतो अस्य कर्णा घोषादिन्द्रस्य तन्यति ब्रुवाणः ।  
 एयमेनं देवहूतिर्ववृत्वा न्मद्रयश्गिन्द्रमियमृच्यमाना २  
 तं वो धिया परमया पुराजा म॒जर॑मिन्द्रम॒भ्यनू॑ष्यकैः ।  
 ब्रह्मा च गिरौ दधिरे समस्मिन् महाँश्च स्तोमो अधि वर्धदिन्द्रे ३  
 वर्धाद् यं यज्ञ उत सोम इन्द्रं वर्धाद् ब्रह्म गिर उक्था च मन्म ।  
 वर्धाहैनमुषसो यामन्नक्तो वर्धान् मासाः शरदो द्याव इन्द्रम् ४  
 एवा जज्ञानं सहसे असामि वावृधानं राधसे च श्रुताय ।  
 महामुग्रमवसे विप्र नून मा विवासेम वृत्रतूर्येषु ५

(३६) एकोनचत्वारिंशं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

मन्द्रस्य कवेर्दिव्यस्य वहे विप्रमन्मनो वचनस्य मध्वः ।  
 अपा नस्तस्य सचनस्य देवे षौ युवस्व गृणते गोअग्राः १  
 अयमुशानः पर्यद्रिमुस्त्रा ऋतधीतिभिर्ऋतयुग्युजानः ।  
 रुजदरुगुणं वि वलस्य सानुं पर्णीर्वचौभिरभि यौधदिन्द्रः २  
 अयं द्यौतयदद्युतो व्यश्क्तून् दोषा वस्तौः शरद् इन्दुरिन्द्र ।  
 इमं केतुमदधुनू चिदह्नां शुचिजन्मन उषसश्चकार ३  
 अयं रौचयदरुचौ रुचानो३ ऽयं वासयद् व्यृश्तेन पूर्वीः ।  
 अयमीयत ऋतयुग्भिरश्वैः स्वर्विदा नाभिना चर्षणिप्राः ४  
 नू गृणानो गृणते प्रव राज न्निषः पिन्व वसुदेयाय पूर्वीः ।  
 अप ओषधीरविषा वनानि गा अर्वतो नृनृचसे रिरिहि ५

(४०) चत्वारिंशं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

इन्द्र पिब तुभ्यं सुतो मदाया ऽव स्य हरी वि मुचा सखाया ।

उ॒त प्र गा॑य गु॒ण आ नि॒षद्या ऽथा॑ यु॒ज्ञाय॑ गृ॒णते॑ वयो॑ धाः १  
अस्य॑ पिब॒ यस्य॑ ज॒ज्ञान॑ ईन्द्र॒ मदा॑य॒ क्रत्वे॑ अपि॒बो वि॒रप्शिन् ।  
तमु॑ ते गा॒वो न॒र आपो॑ अ॒द्रि रि॒न्दुं स॒म॒ह्यन् पी॒तये॑ स॒म॒स्मै २  
स॒मि॒द्धे अ॒ग्नौ सु॒त ईन्द्र॒ सोम॒ आ त्वा॑ वहन्तु॒ हर॑यो वहि॒ष्ठाः ।  
त्वा॒य॒ता म॒नसा॑ जोह॒वीमीन्द्रा॑ या॒हि सु॒वि॒ताय॑ म॒हे नः॑ ३  
आ या॑हि श॒श्वदु॑श॒ता यया॑थेन्द्र॒ महा॑ म॒नसा॑ सोम॒पेय॑म् ।  
उ॒प ब्र॒ह्मा॒णि शृ॒णव॑ इ॒मा नो ऽथा॑ ते यु॒ज्ञस्त॒न्वे॒ वयो॑ धात् ४  
यदिन्द्र॑ दि॒वि पा॒र्ये यदृ॒ध ग्य॑द् वा स्वे स॒दने॑ यत्र॒ वासि॑ ।  
अ॒तौ नो॑ यु॒ज्ञम॑व॒से नि॒यु॒त्वान् त्स॒जोषा॑ः पा॒हि गि॒र्व॒णो म॒रुद्भिः॑ ५

(४१) एकचत्वारिंशं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

अ॒हैळ॑मान॒ उप॑ या॒हि यु॒ज्ञं तु॒भ्यं प॑वन्त॒ इन्द्र॑वः सु॒तासः॑ ।  
गा॒वो न व॑ज्रिन् त्स्वमो॒को अ॒च्छेन्द्रा॑ ग॒हि प्र॒थ॒मो यु॒ज्ञिया॑नाम् १  
या तै॑ का॒कुत् सु॒कृता॑ या वरि॒ष्ठा यया॑ श॒श्वत् पि॒बसि॑ म॒ध्वं ऊ॒र्मिम् ।  
तया॑ पा॒हि प्र तै॑ अ॒ध्वर्यु॑र॒स्थात् सं ते॑ वज्रो॑ वर्ततामिन्द्र॒ ग॒व्युः २  
ए॒ष द्र॒प्सो वृ॒षभो॑ वि॒श्वरूप॑ इन्द्रा॒य वृ॒ष्णे स॒म॒का॒रि सोमः॑ ।  
ए॒तं पि॒ब ह॒रि॒वः स्था॑तरु॒ग्न यस्ये॑शिषे प्र॒दि॒वि यस्ते॑ अन्नम् ३  
सु॒तः सोमो॑ अ॒सु॒तादि॒न्द्र व॒स्या न॒यं श्रेया॑ञ्चि॒क्रितु॑षे र॒णाय॑ ।  
ए॒तं ति॒तिर्व॑ उप॑ या॒हि यु॒ज्ञं ते॒न वि॒श्वास्त॑वि॒षीरा॑ पृ॒णस्व ४  
ह्या॒मसि॑ त्वेन्द्र॒ याह्य॑र्वा डरं॒ ते सोम॑स्त॒न्वे भ॑वाति ।  
श॒त॒क्रतो॑ मा॒दय॑स्वा सु॒तेषु॑ प्रा॒स्माँ अ॒व पृ॑त॒नासु॑ प्र वि॒क्षु ५

(४२) द्विचत्वारिंशं सूक्तम्

(१-४) चतुर्ऋचस्यास्य सूक्तस्य बार्हस्पत्यो भरद्वाज ऋषिः । इन्द्रो देवता । (१-

३) प्रथमादितृचस्यानुष्टुप्, (४) चतुर्थ्या ऋचश्च बृहती छन्दसी

प्रत्य॑स्मै पिपी॒षते॑ वि॒श्वानि॑ वि॒दुषे॑ भर ।  
अ॒रं॒ग॒मा॒य ज॒ग्म॒ये ऽप॑श्चा॒दध्व॑ने॒ नरे॑ १  
ए॒मैनं॑ प्र॒त्येत॑न् सोमै॒भिः सोम॑पा॒त॒मम् ।

अमत्रेभिर्ऋजीषिणमिन्द्रं सुतेभिरिन्दुभिः २  
यदी सुतेभिरिन्दुभिः सोमैभिः प्रतिभूषथ ।  
वेदा विश्वस्य मेधिरो धृषत् तंतमिदेषते ३  
अस्माअस्मा इदन्धसो ऽध्वर्यो प्र भरा सुतम् ।  
कुवित् समस्य जेन्यस्य शर्धतो ऽभिर्शस्तेरवस्परत् ४

(४३) त्रिचत्वारिंशं सूक्तम्

(१-४) चतुर्ऋचस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

उष्णिक् छन्दः

यस्य त्यच्छम्बरं मदे दिवोदासाय रुन्धयः ।  
अयं स सोमं इन्द्र ते सुतः पिब १  
यस्य तीव्रसुतं मदं मध्यमन्तं च रक्षसे ।  
अयं स सोमं इन्द्र ते सुतः पिब २  
यस्य गा अन्तरश्मनो मदं दृळहा अवासृजः ।  
अयं स सोमं इन्द्र ते सुतः पिब ३  
यस्य मन्दानो अन्धसो माघोनं दधिषे शवः ।  
अयं स सोमं इन्द्र ते सुतः पिब ४

चतुर्थोऽनुवाकः

सू० ४४ । ४६

(४४) चतुश्चत्वारिंशं सूक्तम्

(१-२४) चतुर्विंशत्यृचस्यास्य सूक्तस्य बार्हस्पत्यः शंयुर्ऋषिः । इन्द्रो देवता ।

(१-६) प्रथमादितृचद्वयस्यानुष्टुप्, (७, ९-२४) सप्तम्या नवम्यादिषोडशर्चाञ्च

त्रिष्टुप्, (८) अष्टम्याश्च विराट् छन्दांसि

यो रयिवो रयिंतमो यो ह्युमैर्द्युम्रवत्तमः ।  
सोमः सुतः स इन्द्र ते ऽस्ति स्वधापते मदः १  
यः शग्मस्तुविशग्म ते रायो दामा मतीनाम् ।  
सोमः सुतः स इन्द्र ते ऽस्ति स्वधापते मदः २  
येन वृद्धो न शर्वसा तुरो न स्वाभिरूतिभिः ।  
सोमः सुतः स इन्द्र ते ऽस्ति स्वधापते मदः ३

त्यमु॑ वो॒ अप्र॑हणं॒ गृणी॑षे शर्व॑सस्पतिम् ।  
 इन्द्र॑ विश्वासा॒हुं नरं॑ मंहिष्ठं॒ विश्व॑चर्षणिम् ४  
 यं व॒र्धय॑न्तीद् गिरः॒ पति॑ तुरस्य॒ राध॑सः ।  
 तमि॒न्वस्य॑ रोद॑सी दे॒वी शु॒ष्मं स॑पर्यतः ५  
 तद् व॑ उ॒क्थस्य॑ ब॒र्हणे॑ न्द्रा॒योप॑स्तृणीषणि ।  
 वि॒पो न य॑स्यो॒तयो॑ वि यद् रोह॑न्ति स॒क्षितः॑ ६  
 अ॒विद॑द् द॒क्षं मि॒त्रो न॑वीयान् प॒पानो॑ दे॒वेभ्यो॑ व॒स्यो अ॑चैत् ।  
 स॒स॒वान् त॑स्तौलाभि॒र्धौतरी॑भि॒रुरु॑ष्या पा॒युर॑भवत् स॒खिभ्यः॑ ७  
 अ॒तस्य॑ प॒थि वे॒धा अ॑पायि श्रि॒ये मना॑सि दे॒वासो॑ अ॒क्रन् ।  
 द॒धानो॑ नाम॒ मुहो॑ वचो॒भिर्व॑पु॒र्दृश॑यै वे॒न्यो व्या॑वः ८  
 द्यु॒म॒त्त॒मं द॒क्षं धे॒ह्यस्मे॑ से॒धा ज॑नानां पु॒र्वीर॑रातीः ।  
 वर्षी॑यो व॒यः कृ॒णुहि॑ श॒चीभि॑र्धनस्य सा॒ताव॑स्माँ अ॒वि॒ष्टि ९  
 इन्द्र॑ तुभ्यमि॒न्मघ॑वन्नभूम॒ वयं॑ दा॒त्रे हे॑रि॒वो मा॑ वि॒ वैनः॑ ।  
 नकि॑रा॒पिर्द॑दृशे म॒र्त्यत्रा॑ किमु॒ङ्ग र॑ध्र॒चोद॑नं त्वाहुः १०  
 मा ज॑स्वने वृषभ॒ नो ररी॑था॒ मा ते॑ रे॒वतः॑ स॒ख्ये रि॑षाम ।  
 पूर्वी॑ष्टे इन्द्र॒ निषि॑धो जनेषु ज॒ह्यसु॑ष्वीन् प्र वृहा॒पृण॑तः ११  
 उ॒द॒भ्राणी॑व स्त॒नय॑न्निय॒तीन्द्रो॑ रा॒धांस्य॑श्च॒रानि॑ ग॒व्या ।  
 त्वम॑सि प्र॒दि॒वः का॑रु॒धाया॑ मा त्वा॒दामा॑न् आ द॑भन् मु॒घोर्नः॑ १२  
 अध्व॑र्यो वी॒र प्र॑ मु॒हे सु॑ताना॒ मिन्द्रा॑य भर स ह्य॒स्य राजा॑ ।  
 यः पू॒र्व्याभि॑रु॒त नू॑तना॒ भिर्गी॑र्भिर्वा॒वृधे॑ गृ॒णता॑मृषी॒णाम् १३  
 अस्य॑ म॒दै पुरु॑ वपा॒सि वि॒द्वा निन्द्रो॑ वृ॒त्राय॑प्र॒ती ज॑घान ।  
 तमु॑ प्र हौ॒षि म॑धु॒मन्त॑मस्मै सोमं वी॒राय॑ शि॒प्रिणे॑ पिब॒ध्यै १४  
 पा॒ता सु॑तमिन्द्रो॒ अस्तु॑ सोमं॒ हन्ता॑ वृ॒त्रं व॑ज्रै॒ण म॑न्दसा॒नः ।  
 गन्ता॑ यु॒ज्ञं पे॑राव॒तश्चि॑दच्छा॒ वसु॑र्धीनाम॒विता॑ का॒रु॒धायाः॑ १५  
 इदं॑ त्यत् पा॒त्रमिन्द्र॑पान॒ मिन्द्र॑स्य प्रि॒यम॑मृ॒तम॑पायि ।  
 मत्स॑द् यथा॒ सौम॑न॒साय॑ दे॒वं व्य॑श्मद् द्वेषो॒ युय॑व॒द् व्य॑हः १६  
 ए॒ना म॑न्दा॒नो ज॒हि शू॑र श॒त्रू आ॑मिमजा॒मिं म॑घवन्न॒मित्रा॑न् ।  
 अ॒भिषे॑णाँ अ॒भ्या॒देदि॑शाना॒न् परा॑च इन्द्र॒ प्र मृ॑णा ज॒ही च॑ १७  
 आ॒सु ष्मा॑ णो म॑घवन्न॒न्द्र पृ॒त्स्व॑श्मभ्यं॒ महि॑ वरि॒वः सु॑गं कः ।  
 अ॒पां तो॑कस्य॒ तन॑यस्य जेष॒ इन्द्र॑ सू॒रीन् कृ॒णुहि॑ स्मा॒ नो अ॒र्धम् १८

आ त्वा हरयो वृषणो युजाना वृषरथासो वृषरश्मयोऽत्याः ।  
 अस्मत्राञ्चो वृषणो वज्रवाहो वृष्णे मदीय सुयुजौ वहन्तु १६  
 आ तै वृषन् वृषणो द्रोणमस्थुर्धृतप्रुषो नोर्मयो मदन्तः ।  
 इन्द्र प्र तुभ्यं वृषभिः सुतानां वृष्णै भरन्ति वृषभाय सोमम् २०  
 वृषासि दिवो वृषभः पृथिव्या वृषा सिन्धूनां वृषभः स्तियानाम् ।  
 वृष्णै त इन्दुर्वृषभ पीपाय स्वादू रसो मधुपेयो वरीय २१  
 अयं देवः सहसा जायमान इन्द्रेण युजा पुणिर्मस्तभायत् ।  
 अयं स्वस्य पितुरायुधानीन्दुरमुष्णादशिवस्य मायाः २२  
 अयमकृणोदुषसः सुपत्नी रयं सूर्ये अदधाज्जयोतिरन्तः ।  
 अयं त्रिधार्तु दिवि रौचनेषु त्रितेषु विन्ददमृतं निगूळहम् २३  
 अयं द्यावापृथिवी विष्कभाय दयं रथमयुनक् सप्तरश्मिम् ।  
 अयं गोषु शच्या पक्वमन्तः सोमो दाधार दशयन्त्रमुत्सम् २४

(४५) पञ्चचत्वारिंशं सूक्तम्

(१-३३) त्रयस्त्रिंशदृचस्यास्य सूक्तस्य बार्हस्पत्यः शंयुर्ऋषिः । (१-३०)  
 प्रथमादित्रिंशदृचामिन्द्रः, (३१-३३) एकत्रिंश्यादितृचस्य च बृबुस्तक्षादेवते ।  
 (१-२८, ३०-३२) प्रथमाद्यष्टाविंशत्यृचां त्रिंश्यादितृचस्य च गायत्री, (२९)  
 एकोनत्रिंश्या अतिनिचृत्, (३३) त्रयस्त्रिंश्याश्चानुष्टुप् छन्दांसि  
 य आनयत् परावतः सुनीती तुर्वशं यदुम् । इन्द्रः स नो युवा सखा १  
 अविप्रे चिद् वयो दध दनाशुना चिदर्वता । इन्द्रो जेता हितं धनम् २  
 महीरस्य प्रणीतयः पूर्वोरुत प्रशस्तयः । नास्य क्षीयन्त ऊतयः ३  
 सखायो ब्रह्मवाहसे ऽर्चतु प्र च गायत । स हि नः प्रमतिर्मही ४  
 त्वमेकस्य वृत्रह न्विता द्वयौरसि । उतेदृशे यथा वृयम् ५  
 नयसीद्वति द्विषः कृणोष्युक्थशंसिनः । नृभिः सुवीर उच्यसे ६  
 ब्रह्माणं ब्रह्मवाहसं गीर्भिः सखायमृगिर्यम् । गां न दोहसे हुवे ७  
 यस्य विश्वानि हस्तयो रूचुर्वसूनि नि द्विता । वीरस्य पृतनाषहः ८  
 वि दृळहानि चिदद्रिवो जनानां शचीपते । वृह माया अनानत ९  
 तमु त्वा सत्य सोमपा इन्द्र वाजानां पते । अहमहि श्रवस्यवः १०  
 तमु त्वा यः पुरासिथ यो वा नूनं हिते धने । हव्यः स श्रुधी हवम् ११  
 धीभिरवद्भिरवतो वाजाँ इन्द्र श्रवाय्यान् । त्वया जेष्म हितं धनम् १२

अभूरु वीर गिर्वणो मुहाँ इन्द्र धनं हिते । भरे वितन्तसाय्यः १३  
या त ऊतिरमित्रहन् मुन्नूजवस्तमासति । तया नो हिनुही रथम् १४  
स रथेन रथीतमो ऽस्माकेनाभियुग्वना । जेषि जिष्णो हितं धनम् १५  
य एक इत् तमुष्टि कृष्टीनां विचर्षणिः । पतिर्जज्ञे वृषक्रतुः १६  
यो गृणतामिदासिंथा ऽऽपिरूती शिवः सखा । स त्वं न इन्द्र मृळय १७  
धिष्व वज्रं गर्भस्त्यो रक्षोहत्याय वज्रिवः । सासहीष्ठा अभि स्पृधः १८  
प्रत्नं रयीणां युजं सखायं कीरिचोदनम् । ब्रह्मवाहस्तमं हुवे १९  
स हि विश्वानि पार्थिवाँ एको वसूनि पत्यते । गिर्वणस्तमो अधिगुः २०  
स नो नियुद्धिरा पूण कामं वाजैभिरश्विभिः । गोमद्भिर्गोपते धृषत् २१  
तद् वो गाय सुते सचा पुरुहूताय सत्त्वेन । शं यद् गवे न शाकिनै २२  
न घा वसुर्नि यमते दानं वाजस्य गोमतः । यत् सीमुप श्रवद् गिरः २३  
कुवित्सस्य प्र हि व्रजं गोमन्तं दस्युहा गर्भत् । शर्चीभिरप नो वरत् २४  
इमा उ त्वा शतक्रतो ऽभि प्र शौनुवुर्गिरः । इन्द्र वत्सं न मातरः २५  
दूणाशं सख्यं तव गौरसि वीर गव्यते । अश्वौ अश्वायते भव २६  
स मन्दस्वा ह्यन्धसो राधसे तन्वा महे । न स्तोतारं निदे करः २७  
इमा उ त्वा सुतेसुते नक्षन्ते गिर्वणो गिरः । वत्सं गावो न धेनवः २८  
पुरुतमं पुरूणां स्तौतृणां विवाचि । वाजैभिर्वाजयताम् २९  
अस्मार्कमिन्द्र भूतु ते स्तोमो वाहिष्ठो अन्तमः । अस्मान् राये महे हिनु ३०  
अधि बृबुः पणीनां वर्षिष्ठे मूर्धन्नस्थात् । उरुः कक्षो न गाङ्गयः ३१  
यस्य वायोरिव द्रवद् भद्रा रातिः सहस्त्रिणी । सद्यो दानाय मंहते ३२  
तत् सु नो विश्वे अर्य आ सदा गृणन्ति कारवः ।  
बृबुं सहस्रदातमं सूरिं सहस्रसार्तमम् ३३

(४६) षट्चत्वारिंशं सूक्तम्

(१-१४) चतुर्दशर्चस्यास्य सूक्तस्य बार्हस्पत्यः शंयुर्ऋषिः । इन्द्रो देवता ।

प्रगाथः (विषमर्चा बृहती, समर्चा सतोबृहती) छन्दः

त्वामिद्धि हवामहे साता वाजस्य कारवः ।

त्वां वृत्रेष्विन्द्र सत्पतिं नरस्त्वां काष्ठास्वर्वतः १

स त्वं नश्चित्र वज्रहस्त धृष्ण्या महे स्तवानो अद्रिवः ।

गामश्वं रथ्यमिन्द्र सं किर सत्रा वाजं न जिग्युषे २  
 यः सत्राहा विचर्षणि रिन्द्रं तं हूमहे वयम् ।  
 सहस्रमुष्क तुर्विन्मृण सत्पते भवा समत्सु नो वृधे ३  
 बाधसे जनान् वृषभेव मन्युना घृषौ मीळह ऋचीषम ।  
 अस्माकं बोध्यविता महाधने तनूष्वप्सु सूर्ये ४  
 इन्द्र ज्येष्ठं न आ भरं ओजिष्ठं पपूरि श्रवः ।  
 येनेमे चित्र वज्रहस्त रोदसी ओभे सुशिप्र प्राः ५  
 त्वामुग्रमवसे चर्षणीसहं राजन् देवेषु हूमहे ।  
 विश्वा सु नो विथुरा पिबुना वसो ऽमित्रान् त्सुषहान् कृधि ६  
 यदिन्द्र नाहुषीष्वाँ ओजौ नृमणं च कृष्टिषु ।  
 यद् वा पञ्च क्षितीनां हुम्रमा भर सत्रा विश्वानि पौस्या ७  
 यद् वा तृक्षौ मघवन् द्रुह्यावा जने यत् पूरौ कच्च वृषायम् ।  
 अस्मभ्यं तद् रिरीहि सं नृषाह्ये ऽमित्रान् पृत्सु तुर्वणै ८  
 इन्द्र त्रिधातु शरणं त्रिवरूथं स्वस्तिमत् ।  
 छुर्दिर्यच्छ मघवेद्व्यश्च मह्यं च यावया दिद्युमैभ्यः ९  
 ये गव्यता मनसा शत्रुमादुभु रभिप्रघ्नन्ति धृष्णुया ।  
 अर्ध स्मा नो मघवन्निन्द्र गिर्वणस्तनूपा अन्तमो भव १०  
 अर्ध स्मा नो वृधे भवेन्द्र नायमवा युधि ।  
 यदन्तरिक्षे पतयन्ति पर्णिनो दिद्यवस्तिग्ममूर्धानः ११  
 यत्र शूरासस्तन्वो वितन्वते प्रिया शर्म पितृणाम् ।  
 अर्ध स्मा यच्छ तन्वेऽ तनै च छुर्दि रचित् यावयु द्वेषः १२  
 यदिन्द्र सर्गे अर्वतश्चोदयासे महाधने ।  
 असमने अध्वनि वृजिने पथि श्येनाँ इव श्रवस्यतः १३  
 सिन्धूरिव प्रवृण आशया यतो यदि क्लोशमनु ष्वणि ।  
 आ ये वयो न वर्वृत्यामिषि गृभीता ब्राह्मोर्गवि १४

(४७) सप्तचत्वारिंशं सूक्तम्

(१-३१) एकत्रिंशदृचस्यास्य सूक्तस्य भारद्वाजो गर्ग ऋषिः । (१-५)  
 प्रथमादिपञ्चर्चा सोमः, (६-१६, २१) षष्ठ्यादिचतुर्दशानामेकविंश्याश्चेन्द्रः, (२०)  
 विंश्याः प्रथमपादस्य देवाः, द्वितीयपादस्य भूमिः, तृतीयपादस्य बृहस्पतिः,



चतुर्थपादस्य चेन्द्रः, (२२-२५) द्वाविंश्यादिचतसृणां सार्जयस्य प्रस्तोकस्य  
दानस्तुतिः, (२६-२८) षड्विंश्यादितृचस्य रथः, (२९-३१)  
एकोनत्रिंश्यादितृचस्य दुन्दुभिः, (३१) एकत्रिंश्या उत्तरार्धस्य च इन्द्रो देवताः ।  
(१-१८, २०-२२, २६, २८-३१) प्रथमाद्यष्टादशर्चा विंश्यादितृचस्य षड्विंश्या  
अष्टाविंश्यादिचतसृणाञ्च त्रिष्टुप्, (१९) एकोनविंश्या बृहती, (२३) त्रयोविंश्या  
अनुष्टुप्, (२४) चतुर्विंश्या गायत्री, (२५) पञ्चविंश्या द्विपदा त्रिष्टुप्, (२७)  
सप्तविंश्याश्च जगती छन्दांसि

स्वा॒दुष्किला॒यं मधु॑माँ उ॒तायं ती॒व्रः किला॒यं रस॑वाँ उ॒तायम् ।  
उ॒तो न्व॑स्य॒ प॒पिवाँस॒मिन्द्रं॑ न कश्चन॒ सह॑त आ॒हुवे॑षु १  
अ॒यं स्वा॒दुरि॑ह म॒दिष्ठ॑ आ॒स॒ यस्येन्द्रो॑ वृ॒त्रह॑त्यै म॒माद॑ ।  
पु॒रूणि॑ यश्च॒यौत्ना॑ श॒म्बर॑स्य॒ वि न॑वृ॒तिं न॑व॒ च दे॒ह्यो॑ऽहन् २  
अ॒यं मे॑ पी॒त उ॒दिय॑र्ति॒ वाच॑ म॒यं म॑नी॒षामु॑श॒तीम॑जी॒गः ।  
अ॒यं ष॒ळ्वीर॑मिमी॒त॒ धीरो॑ न या॒भ्यो भुव॑नं क॒ञ्चनारै॑ ३  
अ॒यं स यो॑ व॒रिमा॑णं पृ॒थिव्या॑ व॒ष्मार्णं॑ दि॒वो अ॒कृ॒णोद॑यं सः ।  
अ॒यं पी॒यूषं॑ ति॒सृषु॑ प्र॒वत्सु॑ सोमो॒ दाधा॑रोर्व॒न्तरि॑क्षम् ४  
अ॒यं वि॒दच्चि॒त्रदृ॑शी॒कम॑र्णः श॒क्रस॑द्यना॒मुष॑सा॒मनी॑के ।  
अ॒यं म॒हान् म॑ह॒ता स्क॑भ॒ने नो॑द् द्याम॒स्तभ्ना॑द् वृ॒षभो॑ म॒रुत्वा॑न् ५  
धृ॒षत् पि॑ब क॒लशे॑ सोम॒मिन्द्र॑ वृ॒त्रहा॑ शूर॒ सम॑रे वसू॒नाम् ।  
मा॒र्ध्य॑न्दि॒ने स॑र्व॒न् आ वृ॑ष॒स्व र॒यि॒स्थानो॑ र॒यि॒मु॒स्मासु॑ धेहि ६  
इन्द्र॒ प्र णः॑ पु॒रए॑ते॒व प॑श्य॒ प्र नो॑ नय॒ प्रत॑रं वस्यो॒ अच्छ॑ ।  
भवा॑ सु॒पा॒रो अ॒तिपा॑र॒यो नो॑ भवा॒ सुनी॑तिरु॒त वा॒मनी॑तिः ७  
उ॒रुं नो॑ लो॒कम॑नु॒ नेषि॑ वि॒द्वान् त्व॑र्व॒ज्र॒योति॑रभ॒यं स्व॑स्ति ।  
ऋ॒ष्वा त॑ इन्द्र॒ स्थवि॑रस्य॒ ब्रा॒ह्म उ॑प॒ स्थे॒याम॑ श॒रणा॑ बृ॒हन्ता॑ ८  
व॒रि॒ष्ठे न॑ इन्द्र॒ व॒न्धुरै॑ धा॒ वहि॑ष्ठयोः श॒ताव॑न्न॒श्वयो॑रा ।  
इ॒ष॒मा व॑क्षी॒षां व॑र्षि॒ष्ठां मा न॑स्तारीन्मघ॒वन् रा॒यो अ॒र्यः ९  
इन्द्र॑ मृ॒ळ म॒ह्यं जी॒वातु॑मिच्छ॒ चोद॑य॒ धिय॑म॒यसो॑ न धा॒राम् ।  
यत् किं॑ चा॒हं त्वा॒युरि॑दं वदा॒मि त॒ज्जु॑ष॒स्व कृ॒धि मा॑ दे॒वव॑न्तम् १०  
त्रा॒ता॒र॒मिन्द्र॑म॒वि॒ता॒र॒मिन्द्रं॑ ह॒वैह॑वे सु॒हवं॑ शूर॒मिन्द्र॑म् ।  
ह॒वामि॑ श॒क्रं पु॑रु॒हूत॑मिन्द्र॒ स्व॑स्ति नो॒ म॒घवा॑ धा॒त्विन्द्रः॑ ११  
इन्द्रः॑ सु॒त्रामा॑ स्व॒वाँ अ॒वौभिः॑ सु॒मृ॒ळी॒को भ॑वतु वि॒श्ववै॑दाः ।

बाधतां द्वेषो अभयं कृणोतु सुवीर्यस्य पतयः स्याम १२  
 तस्य वयं सुमतौ यज्ञियस्याऽपि भद्रे सौमनसे स्याम ।  
 स सुत्रामा स्ववाँ इन्द्रो अस्मे आराद्धिद् द्वेषः सनुतर्युयोतु १३  
 अव त्वे इन्द्र प्रवतो नोर्मि गिरो ब्रह्माणि नियुतो धवन्ते ।  
 उरू न राधः सर्वना पुरुषय पो गा वज्रिन् युवसे समिन्दून् १४  
 क ई स्तवत् कः पृणात् को यजाते यदुग्रमिन्मघवा विश्वहावेत् ।  
 पादाविव प्रहरन्नन्यमन्यं कृणोति पूर्वमपरं शचीभिः १५  
 शृगवे वीर उग्रमुग्रं दमाय न्नन्यमन्यमतिनेनीयमानः ।  
 एधमानद्विळभयस्य राजा चोष्कृत्यते विश इन्द्रो मनुष्यान् १६  
 परा पूर्वेषां सख्या वृणक्ति वितर्तुराणो अपरेभिरेति ।  
 अनानुभूतीरवधून्वानः पूर्वोरिन्द्रः शरदस्तर्तरीति १७  
 रूपंरूपं प्रतिरूपो बभूव तदस्य रूपं प्रतिचक्ष्णाय ।  
 इन्द्रो मायाभिः पुरुरूप ईयते युक्ता ह्यस्य हरयः शता दश १८  
 युजानो हरिता रथे भूरि त्वष्टेह राजति ।  
 को विश्वाहा द्विषतः पक्ष आसत उतासीनेषु सूरिषु १९  
 अगव्यूति क्षेत्रमार्गन्म देवा उर्वी सती भूमिरंहूरणाभूत् ।  
 बृहस्पते प्र चिकित्सा गविष्ठा वित्था सते जरित्र इन्द्र पन्थाम् २०  
 दिवेदिवे सदृशीरन्यमर्धं कृष्णा असेधदप सघ्नो जाः ।  
 अहन् दासा वृषभो वस्त्रयन्तो दवजे वर्चिनं शम्बरं च २१  
 प्रस्तोक इन्नु राधसस्त इन्द्र दश कोशयीर्दश वाजिनोऽदात् ।  
 दिवौदासादतिथिग्वस्य राधः शाम्बरं वसु प्रत्यग्रभीष्म २२  
 दशाश्चान् दश कोशान् दश वस्त्रार्धिभोजना ।  
 दशौ हिरण्यपिण्डान् दिवौदासादसानिषम् २३  
 दश रथान् प्रष्टिमतः शतं गा अथर्वभ्यः ।  
 अश्वथः पायवैऽदात् २४  
 महि राधौ विश्वजन्यं दधानान् भरद्वाजान् त्सार्ज्जयो अभ्ययष्ट २५  
 वनस्पते वीड्वद्भो हि भूया अस्मत्सखा प्रतरणः सुवीरः ।  
 गोभिः सन्नद्धो असि वीळ्यस्वाऽऽस्थाता तै जयतु जेत्वानि २६  
 दिवस्पृथिव्याः पर्योज उद्धतं वनस्पतिभ्यः पर्याभृतं सहः ।  
 अपामोज्मानं परि गोभिरावृतं मिन्द्रस्य वज्रं हविषा रथं यज २७

इन्द्रस्य वज्रो मरुतामनीकं मित्रस्य गर्भो वरुणस्य नाभिः ।  
 सेमां नो हव्यदाति जुषाणो देव रथ प्रति हव्या गृभाय २८  
 उप श्वासय पृथिवीमुत द्यां पुरुत्रा ते मनुतां विष्ठितं जगत् ।  
 स दुन्दुभे सजूरिन्द्रेण देवैर्दूराद् दवीयो अप सेध शत्रून् २९  
 आ क्रन्दय बलमोजो न आ धा निः ष्टनिहि दुरिता बाधमानः ।  
 अप प्रोथ दुन्दुभे दुच्छुना इत इन्द्रस्य मुष्टिरसि वीळयस्व ३०  
 आमूर्ज प्रत्यावर्तयेमाः केतुमद् दुन्दुभिर्वावदीति ।  
 समश्वपर्णाश्चरन्ति नो नरो ऽस्माकमिन्द्र रथिनो जयन्तु ३१

अथाष्टमोऽध्यायः

व० १ । ३२

(४८) अष्टचत्वारिंशं सूक्तम्

(१-२२) द्वाविंशतृचस्यास्य सूक्तस्य बार्हस्पत्यः शंयुर्ऋषिः । (१-१०)  
 प्रथमादिदशर्चामग्निः, (११-१५, २०-२१) एकादश्यादिपञ्चानां विंशेकविंशयोश्च  
 मरुतः ( (१३-१५) त्रयोदश्यादितृचस्य लिङ्गोक्ता वा ), (१३-१६)  
 षोडश्यादिचतसृणां पूषा, (२२) द्वाविंश्याश्च द्यावाभूमी वा पृथिवी देवताः ।  
 (१-१२) प्रथमादिद्वादशर्चा प्रगाथः ( (१, ३, ५, ६) प्रथमातृतीयापञ्चमीनवमीनां  
 बृहती, (२, ४, १०, १२) द्वितीयाचतुर्थीदशमीद्वादशीनां सतोबृहती, (६, ८)  
 षष्ठ्यष्टम्योर्महासतोबृहती, (७) सप्तम्या महाबृहती, (११) एकादश्याश्च ककुप्),  
 (१३, १८) त्रयोदश्यष्टादश्योः पुर उष्णिक्, (१४, १६-२०)  
 चतुर्दश्येकोनविंशीविंशीनां बृहती, (१५) पञ्चदश्या अतिजगती, (१६) षोडश्याः  
 ककुप्, (१७) सप्तदश्याः सतोबृहती, (२१) एकविंश्या यवमध्या महाबृहती,  
 (२२) द्वाविंश्याश्चानुष्टुप् छन्दांसि

यज्ञायज्ञा वो अग्रयै गिरागिरा च दक्षसे ।  
 प्रप्र वृयममृतं जातवैदसं प्रियं मित्रं न शंसिषम् १  
 ऊर्जो नपातं स हिनायमस्मयुर्दाशेम हव्यदातये ।  
 भुवद् वाजेष्वविता भुवद् वृध उत त्राता तनूनाम् २  
 वृषा ह्यग्ने अजरौ महान् विभास्यर्चिषा ।  
 अजस्त्रेण शोचिषा शोशुचच्छुचे सुदीतिभिः सु दीदिहि ३  
 महो देवान् यजसि यक्ष्यानुषक् तव क्रत्वोत दंसना ।  
 अर्वाचः सीं कृणुह्यग्नेऽवसे रास्व वाजोत वस्व ४

यमापो अद्रयो वना गर्भमृतस्य पिप्रति ।  
 सहसा यो मथितो जायते नृभिः पृथिव्या अधि सानवि ५  
 आ यः पप्रौ भानुना रोदसी उभे धूमेन धावते दिवि ।  
 तिरस्तमो ददृश ऊर्म्यास्वा श्यावास्वरुषो वृषा श्यावा अरुषो वृषा ६  
 बृहद्भिरग्रे अर्चिभिः शक्रेण देव शोचिषा ।  
 भरद्वाजे समिधानो र्यविष्ठय रेवन्नः शुक्र दीदिहि हुमत् पावक दीदिहि ७  
 विश्वासां गृहपतिर्विशामसि त्वमग्रे मानुषीणाम् ।  
 शतं पूर्भिर्यविष्ठ पाह्यंहसः समेद्धारं शतं हिमां स्तोतृभ्यो ये च ददति ८  
 त्वं नश्चित्र ऊत्या वसो राधांसि चोदय ।  
 अस्य रायस्त्वमग्रे रथीरसि विदा गाधं तुचे तु नः ९  
 पर्षि तोकं तनयं पृतृभिष्ट्व मदब्धैरप्रयुत्वभिः ।  
 अग्रे हेळांसि दैव्या युयोधि नो ऽदेवानि ह्वरांसि च १०  
 आ संखायः सबर्दुर्घा धेनुमजध्वमुप नव्यसा वचः । सृजध्वमनपस्फुराम्  
 ११  
 या शर्धाय मारुताय स्वभानवे श्रवोऽमृत्यु धुक्षत ।  
 या मृळीके मरुतां तुराणां या सुमैरैवयार्वरी १२  
 भरद्वाजायार्व धुक्षत द्विता ।  
 धेनुं च विश्वदौहस मिषं च विश्वभौजसम् १३  
 तं व इन्द्रं न सुक्रतुं वरुणमिव मायिनम् ।  
 अर्यमणं न मुन्द्रं सृप्रभौजसं विष्णुं न स्तुष आदिशै १४  
 त्वेषं शर्धो न मारुतं तुविष्व र्येनर्वाणं पूषणं सं यथा शता ।  
 सं सहस्रा कारिषच्चर्षणिभ्य आँ आविर्गूळहा वसू करत् सुवेदा नो वसू  
 करत् १५  
 आ मां पूषन्नुप द्रव शंसिषं नु तै अपिकर्ण आघृणे ।  
 अघा अर्यो अरातयः १६  
 मा काकम्बीरमुद् वृहो वनस्पति मशस्तीर्वि हि नीनशः ।  
 मोत सूरौ अह एवा चन ग्रीवा आदधते वेः १७  
 दृतैरिव तेऽवृकमेस्तु सख्यम् ।  
 अच्छिद्रस्य दधन्वतः सुपूर्णस्य दधन्वतः १८  
 पुरो हि मत्यैरसि समो देवैरुत श्रिया ।

अभि रूयः पूषन् पृतनासु नस्त्वमवा नूनं यथा पुरा १९  
 वामी वामस्य धूतयुः प्रणीतिरस्तु सूनृता ।  
 देवस्य वा मरुतो मर्त्यस्य वे जानस्य प्रयज्यवः २०  
 सद्यश्चिद् यस्य चर्कृतिः परि द्यां देवो नैति सूर्यः ।  
 त्वेषं शवो दधिरे नाम यज्ञियं मरुतौ वृत्रहं शवो ज्येष्ठं वृत्रहं शवः २१  
 सकृद्ध द्यौरजायत सकृद् भूमिरजायत ।  
 पृथ्या दुग्धं सकृत् पयस्तदन्यो नानु जायते २२

(४६) एकोनपञ्चाशं सूक्तम्

(१-१५) पञ्चदशर्चस्यास्य सूक्तस्य भारद्वाज ऋजिश्वा ऋषिः । विश्वे देवा देवताः ।

(१-१४) प्रथमादिचतुर्दशर्चा त्रिष्टुप्, (१५) पञ्चदश्याश्च शक्वरी छन्दसी  
 स्तुषे जनं सुव्रतं नव्यसीभिर्गीर्भिर्मित्रावरुणा सुम्रयन्ता ।  
 त आ गमन्तु त इह श्रुवन्तु सुक्षत्रासो वरुणो मित्रो अग्निः १  
 विशोविंश ईड्यमध्वरे ष्वदृप्तक्रतुमरतिं युवत्योः ।  
 दिवः शिशं सहसः सूनुमग्निं यज्ञस्य केतुमरुषं यजध्वै २  
 अरुषस्य दुहितरा विरूपे स्तृभिरन्या पिपिशे सूरौ अन्या ।  
 मिथस्तुरा विचरन्ती पावके मन्म श्रुतं नक्षत ऋच्यमाने ३  
 प्र वायुमच्छा बृहती मनीषा बृहद्रथिं विश्ववारं रथप्राम् ।  
 द्युतद्यामा नियुतः पत्यमानः कविः कविर्मियक्षसि प्रयज्यो ४  
 स मे वपुश्छदयदश्विनोर्यो रथो विरुक्मान् मनसा युजानः ।  
 येन नरा नासत्येष्वध्वै वर्तिर्याथस्तनयाय तमनै च ५  
 पर्जन्यवाता वृषभा पृथिव्याः पुरीषाणि जिन्वतमप्यानि ।  
 सत्यश्रुतः कवयो यस्य गीर्भिर्जगतः स्थातर्जगदा कृणुध्वम् ६  
 पावीरवी कन्या चित्रायुः सरस्वती वीरपत्नी धिर्य धात् ।  
 गाभिरच्छिद्रं शरणं सजोषा दुराधर्षं गृणते शर्म यंसत् ७  
 पृथस्पथः परिपतिं वचस्या कामेन कृतो अभ्यानल्लर्कम् ।  
 स नो रासच्छुरुधश्चन्द्राग्रा धिर्यधियं सीषधाति प्र पूषा ८  
 प्रथमभार्ज यशसं वयोधां सुपाणिं देवं सुगर्भस्तिमृभ्वम् ।  
 होता यक्षद् यजतं पुस्त्याना मुग्निस्त्वष्टारं सुहवं विभावा ९  
 भुवनस्य पितरं गीर्भिराभी रुद्रं दिवा वर्धया रुद्रमुक्तौ ।

बृहन्तमृष्वमजरं सुषुम्नमृधगधुवेम कविनेषितासः १०  
 आ युवानः कवयो यज्ञियासो मरुतो गुन्त गृणतो वरस्याम् ।  
 अचित्रं चिद्धि जिन्वथा वृधन्त इत्था नक्षन्तो नरो अङ्गिरस्वत् ११  
 प्र वीराय प्र तवसे तुरायाऽजा यूथेव पशरक्षिरस्तम् ।  
 स पिस्पृशति तन्वि श्रुतस्य स्तृभिर्न नाकं वचनस्य विपः १२  
 यो रजांसि विमुमे पार्थिवानि त्रिश्चिद् विष्णुर्मनवे बाधिताय ।  
 तस्य ते शर्मन्नुपदद्यमाने राया मदेम तन्वाऽतना च १३  
 तन्नोऽहिर्बुध्न्यो अद्भिरकैस्तत् पर्वतस्तत् सेविता चनो धात् ।  
 तदोषधीभिरभि रातिषाचो भगः पुरंधिर्जिन्वतु प्र राये १४  
 नु नो रयिं रथ्यं चर्षणिप्रां पुरुवीरं मह अतस्य गोपाम् ।  
 क्षयं दाताजरं येन जनान् तस्पृधो अदेवीरभि च क्रमाम् विश  
 आदेवीरभ्यश्नवाम १५

पञ्चमोऽनुवाकः

सू० ५० । ६१

(५०) पञ्चाशं सूक्तम्

(१-१५) पञ्चदशर्चस्यास्य सूक्तस्य भारद्वाज ऋजिश्वा ऋषिः । विश्वे देवा देवताः ।

त्रिष्टुप् छन्दः

हुवे वो देवीमदितिं नमोभिर्मृळीकाय वरुणं मित्रमुग्निम् ।  
 अभिक्षदामर्यमणं सुशेवं त्रातृन् देवान् त्सवितारं भगं च १  
 सुज्योतिषः सूर्यं दक्षपितृ ननागास्त्वे सुमहो वीहि देवान् ।  
 द्विजन्मानो य ऋतुसापः सत्याः स्वर्वन्तो यजता अग्निजिह्वाः २  
 उत द्यावापृथिवी क्षत्रमुरु बृहद् रौदसी शरणं सुषुम्ने ।  
 महस्करथो वरिवो यथो नोऽस्मे क्षयाय धिषणे अनेहः ३  
 आ नो रुद्रस्य सूनवो नमन्ता मद्या हूतासो वसवोऽधृष्टाः ।  
 यदीमर्भे महति वा हितासो बाधे मरुतो अह्वाम देवान् ४  
 मिम्यक्ष येषु रोदसी नु देवी सिषक्ति पूषा अभ्यर्धयज्वा ।  
 श्रुत्वा हवं मरुतो यद्ध याथ भूमा रेजन्ते अध्वनि प्रवित्ते ५  
 अभि त्यं वीरं गिर्वणसमर्चेन्द्रं ब्रह्मणा जरितुर्नवैन ।  
 श्रवदिद्धवमुप च स्तवानो रासद् वाजाँ उप महो गृणानः ६

ओमानमापो मानुषीरमृक्तं धातं तोकाय तनयाय शं योः ।  
यूयं हि ष्ठा भिषजो मातृता विश्वस्य स्थातुर्जगतो जनित्रीः ७  
आ नो देवः संविता त्रायमाणो हिरण्यपाणिर्यजतो जगम्यात् ।  
यो दत्रवाँ उषसो न प्रतीकं व्यूणुते दाशुषे वार्याणि ८  
उत त्वं सूनो सहसो नो अद्या देवाँ अस्मिन्नध्वरे ववृत्याः ।  
स्यामहं ते सदमिद् रातौ तव स्यामग्नेऽवसा सुवीरः ९  
उत त्या मे हवमा जगम्यातं नासत्या धीभिर्युवमङ्ग विप्रा ।  
अत्रिं न महस्तमसोऽमुमुक्तं तूर्वतं नरा दुरितादभीकै १०  
ते नो रायो द्युमतो वाजवतो दातारो भूत नृवतः पुरुक्षोः ।  
दशस्यन्तो दिव्याः पार्थिवासो गोजाता अप्या मृळता च देवाः ११  
ते नो रुद्रः सरस्वती सजोषा मीळहुष्मन्तो विष्णुर्मृळन्तु वायुः ।  
ऋभुक्षा वाजो दैव्यो विधाता पर्जन्यावाता पिप्यतामिषं नः १२  
उत स्य देवः संविता भगौ नो ऽपां नपादवतु दानु पप्रिः ।  
त्वष्टा देवेभिर्जनिभिः सजोषा द्यौर्देवेभिः पृथिवी संमुद्रैः १३  
उत नोऽहिर्बुध्न्यः शृणो त्वज एकपात् पृथिवी संमुद्रः ।  
विश्वे देवा ऋतावृधौ हुवानाः स्तुता मन्त्राः कविशस्ता अवन्तु १४  
एवा नपातो मम तस्य धीभिर्भरद्वाजा अभ्यर्चन्त्यकैः ।  
ग्रा हुतासो वसवोऽधृष्टा विश्वे स्तुतासो भूता यजत्राः १५

(५१) एकपञ्चाशं सूक्तम्

(१-१६) षोडशर्चस्यास्य सूक्तस्य भारद्वाज ऋजिश्वा ऋषिः । विश्वे देवा देवताः ।

(१-१२) प्रथमादिद्वादशर्चा त्रिष्टुप्, (१३-१५) त्रयोदश्यादितृचस्योष्णिक, (१६)

षोडश्याश्चानुष्टुप् छन्दांसि

उदु त्यच्चक्षुर्महि मित्रयोराँ एति प्रियं वरुणयोरदब्धम् ।  
ऋतस्य शुचिं दर्शतमनीकं रुक्मो न दिव उदिता व्यद्यौत् १  
वेद यस्त्रीणि विदथान्येषां देवानां जन्म सनुतरा च विप्रः ।  
ऋजु मर्तेषु वृजिना च पश्य नृभिर्चष्टे सूर्ये अर्य एवान् २  
स्तुष उ वो मह ऋतस्य गोपा नदिति मित्रं वरुणं सुजातान् ।  
अर्यमणं भगमदब्धधीती नच्छा वोचे सधन्यः पावकान् ३  
रिशादसः सत्यतीरिदब्धान् महो राज्ञः सुवसनस्य दातृन् ।

यू॒नः सु॒क्षत्रान् क्षय॑तो दि॒वो नृ॒नादि॑त्यान् या॒म्यदि॑तिं दु॒वोयु ४  
 द्यौ॒ऽर्षि॑तः पृथि॒वि मा॒त॒र॒धु॒ग॒ग्रै भ्रा॑त॒र्वस॑वो मृ॒ळता॑ नः ।  
 वि॒श्वे आ॑दि॒त्या अ॒दि॒ते स॒जोषा॑ अ॒स्मभ्यं॑ श॒र्म ब॒हुलं॑ वि य॒न्त ५  
 मा नो॒ वृ॒काय॑ वृ॒क्यै स॒मस्मा॑ अ॒घाय॑ते री॒रध॑ता य॒जत्राः॑ ।  
 यू॒यं हि ष्ठा र॒थ्यो न॑स्त॒नूना॑ यू॒यं दक्ष॑स्य व॒चसो॑ ब॒भूव ६  
 मा व॒ एनो॑ अ॒न्यकृ॑तं भु॒जेम॒ मा तत् क॑र्म व॒सवो॑ य॒च्चय॑ध्वे ।  
 वि॒श्वस्य॑ हि क्षय॑थ वि॒श्वदे॒वाः स्व॒यं रि॒पुस्त॑न्व री॒रिषी॑ष्ट ७  
 नम॒ इदु॑ग्रं नम॒ आ वि॑वा॒से नमो॑ दा॒धार पृथि॑वीमु॒त द्या॑म् ।  
 नमो॑ दे॒वेभ्यो॑ नम॑ ई॒श एषां॑ कृ॒तं चि॑दे॒नो नम॑सा वि॒वासे ८  
 अ॒तस्य॑ वो र॒थ्यः पू॒तद॑क्षा नृ॒तस्य॑ प॒स्त्यस॑दो अ॒दब्ध॑ान् ।  
 ताँ आ नमो॑भिरु॒चक्ष॑सो नृन् वि॒श्वान्व॑ आ न॒मे म॒हो य॑जत्राः ९  
 ते हि श्रेष्ठ॑व॒र्चस॑स्त उ॒ न स्ति॒रो वि॒श्वानि॑ दुरि॒ता न॑यन्ति ।  
 सु॒क्षत्रा॑सो व॒रुणो॑ मि॒त्रो अ॒ग्नि ऋ॑त॒धीत॑यो व॒क्मरा॑ज॒सत्याः १०  
 ते न॒ इन्द्रः॑ पृथि॒वी क्षा॒र्म व॑र्धन् पू॒षा भ॒गो अ॒दि॒तिः प॒ञ्च ज॑नाः ।  
 सु॒शर्मा॑णः स्व॒र्वसः॑ सु॒नीथा॑ भ॒र्वन्तु॑ नः सु॒त्रात्रा॑सः सु॒गोपाः॑ ११  
 नू स॒द्धानं॑ दि॒व्यं नं॑शि दे॒वा भा॑र॒द्वाजः॑ सु॒मतिं॑ या॒ति हो॑ता ।  
 आ॒सा॒नेभि॒र्यज॑मानो मि॒येधै॑ दे॒वानां॑ जन्म॑ व॒सूयु॑र्व॒वन्द १२  
 अप॒ त्यं वृ॑जिनं रि॒पुं स्ते॒नम॑ग्रे दुरा॒ध्यम् ।  
 द॒वि॒ष्टम॑स्य स॒त्पते॑ कृ॒धी सु॒गम् १३  
 ग्रा॒वा॒णः सो॒म नो॒ हि कं॑ स॒खित्व॑नाय॑ वावृ॒शुः ।  
 ज॒ही न्य॑ऽत्रि॒णं पु॒णिं वृ॒को हि षः॑ १४  
 यू॒यं हि ष्ठा सु॑दानव॒ इन्द्र॑ज्ये॒ष्ठा अ॒भिद्य॑वः ।  
 क॒र्ता नो॒ अध्व॑न्ना सु॒गं गो॒पा अ॒मा १५  
 अपि॑ प॒न्था॑म॒गन्म॑हि स्व॒स्ति॒गाम॑ने॒हस॑म् ।  
 येन॑ वि॒श्वाः परि॑ द्वि॒षौ वृ॑ण॒क्ति वि॒न्दते॑ वसु॑ १६

(५२) द्विपञ्चाशं सूक्तम्

(१-१७) सप्तदशर्चस्यास्य सूक्तस्य भारद्वाज ऋजिश्वा ऋषिः । विश्वे देवा देवताः  
 । (१-६, १३, १५-१७) प्रथमादितृचद्वयस्य त्रयोदश्या ऋचः पञ्चदश्यादितृचस्य च  
 त्रिष्टुप्, (७-१२) सप्तम्यादितृचद्वयस्य गायत्री, (१४) चतुर्दश्याश्च



जगती छन्दांसि

न तद् दिवा न पृथिव्यानु मन्ये न युज्ञे नोत शमीभिराभिः ।  
 उब्जन्तु तं सुभ्वः पर्वतासो नि हीयतामतियाजस्य युष्टा १  
 अति वा यो मरुतो मन्यते नो ब्रह्म वा यः क्रियमाणं निनिर्त्सात् ।  
 तपूषि तस्मै वृजिनानि सन्तु ब्रह्मद्विषमभि तं शौचतु द्यौः २  
 किमुङ्ग त्वा ब्रह्मणः सोम गोपां किमुङ्ग त्वाहरभिशस्तिपां नः ।  
 किमुङ्ग नः पश्यसि निद्यमानान् ब्रह्मद्विषे तपूषि हेतिमस्य ३  
 अर्वन्तु मामुषसो जायमाना अर्वन्तु मा सिन्धुवः पिन्वमानाः ।  
 अर्वन्तु मा पर्वतासो ध्रुवासो ऽर्वन्तु मा पितरौ देवहूतौ ४  
 विश्वदानीं सुमनसः स्याम पश्येम नु सूर्यमुच्चरन्तम् ।  
 तथा करद् वसुपतिर्वसूनां देवाँ ओहानोऽवसागमिष्ठः ५  
 इन्द्रो नेदिष्ठमवसागमिष्ठः सरस्वती सिन्धुभिः पिन्वमाना ।  
 पर्जन्यो न ओषधीभिर्मयोभु रग्निः सुशंसः सुहवः पितेव ६  
 विश्वे देवास आ गत शृणुता म इमं हवम् । एदं बर्हिर्नि षीदत ७  
 यो वो देवा घृतसूना हव्येन प्रतिभूषति । तं विश्व उप गच्छथ ८  
 उप नः सूनवो गिरः शृणवन्त्वमृतस्य ये । सुमृळीका भवन्तु नः ९  
 विश्वे देवा ऋतावृधं ऋतुभिर्हवनश्रुतः । जुषन्तां युज्यं पर्यः १०  
 स्तोत्रमिन्द्रो मरुद्गणवस्त्वष्टमान् मित्रो अर्यमा । इमा हव्या जुषन्त नः ११  
 इमं नो अग्ने अध्वरं होतर्वयुर्नशो यज । चिकित्वान् दैव्यं जनम् १२  
 विश्वे देवाः शृणुतेमं हव मे ये अन्तरिक्षे य उप द्यवि ष १३  
 ये अग्निजिह्वा उत वा यजत्रा आसद्यास्मिन् बर्हिषि मादयध्वम् १४  
 विश्वे देवा मम शृणवन्तु यज्ञिया उभे रोदसी अपां नपाञ्च मन्म ।  
 मा वो वचांसि परिचक्ष्याणि वोचं सुम्रेष्विद् वो अन्तमा मदेम १५  
 ये के च ज्मा महिनो अहिमाया दिवो जज्ञिरे अपां सधस्थे ।  
 ते अस्मभ्यमिषये विश्वमायुः क्षप उस्त्रा वरिवस्यन्तु देवाः १६  
 अग्नीपर्जन्याववतं धियं मे ऽस्मिन् हवै सुहवा सुष्टुतिं नः ।  
 इळामन्यो जनयद् गर्भमन्यः प्रजावतीरिष आ धत्तमस्मे १७  
 स्तीर्णे बर्हिषि समिधाने अग्नौ सूक्तेन महा नमसा विवासे ।  
 अस्मिन् नो अद्य विदथै यजत्रा विश्वे देवा हविषि मादयध्वम् १८

## (५३) त्रिपञ्चाशं सूक्तम्

(१-१०) दशर्चस्यास्य सूक्तस्य बार्हस्पत्यो भरद्वाज ऋषिः । पूषा देवता । (१-७, ६-१०) प्रथमादिसप्तर्चा नवमीदशम्योश्च गायत्री, (८) अष्टम्याश्चानुष्टुप् छन्दसी वयमुं त्वा पथस्पते रथं न वाजसातये । धिये पूषन्नयुज्महि १  
अभि नो नर्यं वसु वीरं प्रयतदक्षिणम् । वामं गृहपतिं नय २  
अदित्सन्तं चिदाघृणे पूषन् दानाय चोदय । पुणेश्चिद् वि म्रदा मनः ३  
वि पुथो वाजसातये चिनुहि वि मृधो जहि । सार्धन्तामुग्र नो धियः ४  
परि तृन्धि पणीना मारया हृदया कवे । अथैमुस्मभ्यं रन्धय ५  
वि पूषन्नारया तुद पुणेर्च्छि हृदि प्रियम् । अथैमुस्मभ्यं रन्धय ६  
आ रिख किकिरा कृणु पणीनां हृदया कवे । अथैमुस्मभ्यं रन्धय ७  
यां पूषन् ब्रह्मचोदनी मारां बिभर्ष्याघृणे ।  
तया समस्य हृदय मा रिख किकिरा कृणु ८  
या ते अष्टा गोत्रौपशा ऽऽघृणे पशुसार्धनी । तस्यास्ते सुम्रमीमहे ९  
उत नो गोषणिं धियं मध्वसां वाजसामुत । नृवत् कृणुहि वीतये १०

## (५४) चतुष्पञ्चाशं सूक्तम्

(१-१०) दशर्चस्यास्य सूक्तस्य बार्हस्पत्यो भरद्वाज ऋषिः । पूषा देवता ।

गायत्री छन्दः

सं पूषन् विदुषां नय यो अञ्जसानुशासति । य एवेदमिति ब्रवत् १  
समुं पूष्णा गमेमहि यो गृहां अभिशासति । इम एवेति च ब्रवत् २  
पूष्णाश्चक्रं न रिष्यति न कोशोऽव पद्यते । नो अस्य व्यथते पुविः ३  
यो अस्मै हविषाविधुन्न तं पूषापि मृष्यते । प्रथमो विन्दते वसु ४  
पूषा गा अन्वेतु नः पूषा रक्षत्वर्वतः । पूषा वाजं सनोतु नः ५  
पूषन्ननु प्र गा इहि यजमानस्य सुन्वतः । अस्माकं स्तुवतामुत ६  
मार्किर्नेशन्माकीं रिषन्माकीं सं शारि केवटे । अथारिष्टाभिरा गहि ७  
शृण्वन्तं पूषणं वयं मिर्यमनष्टवेदसम् । ईशानं राय ईमहे ८  
पूषन्तव वृते वयं न रिष्येम कदा चन । स्तोतारस्त इह स्मसि ९  
परि पूषा परस्ता द्धस्तं दधातु दक्षिणम् । पुनर्नो नष्टमार्जतु १०

## (५५) पञ्चपञ्चाशं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । पूषा देवता ।

गायत्री छन्दः

एहि वां विमुचो नपादाघृणे सं संचावहै । रथीर्ऋतस्य नो भव १  
रथीर्तमं कपर्दिनमीशानं राधसो महः । रायः सखायमीमहे २  
रायो धारास्याघृणे वसो राशिरजाश्च । धीर्वतोधीवतः सखा ३  
पूषणं न्वश्जाश्च मुप स्तोषाम वाजिनम् । स्वसुर्यो जार उच्यते ४  
मातुर्दिधिषुमब्रवं स्वसुर्जारः शृणोतु नः । भ्रातेन्द्रस्य सखा मम ५  
आजासः पूषणं रथे निशृम्भास्ते जेनश्रियम् । देवं वहन्तु बिभ्रतः ६

(५६) षट्पञ्चाशं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । पूषा देवता । (१-५)

प्रथमादिपञ्चर्चा गायत्री, (६) षष्ठ्याश्चानुष्टुप् छन्दसी

य एनमादिदैशति कर्म्भादिति पूषणम् । न तेन देव आदिशे १  
उत घा स रथीर्तमः सख्या सत्पतिर्युजा । इन्द्रो वृत्राणि जिघ्रते २  
उतादः परुषे गवि सूरश्चक्रं हिरण्ययम् । न्यैरयद् रथीर्तमः ३  
यदद्य त्वा पुरुष्टु ब्रवाम दस्त्र मन्तुमः । तत् सु नो मन्म साधय ४  
इमं च नो गुवेषणं सातये सीषधो गुणम् । आरात् पूषन्नसि श्रुतः ५  
आ ते स्वस्तिमीमह आरेअघामुपावसुम् । अद्या च सर्वतातये श्वश्च  
सर्वतातये ६

(५७) सप्तपञ्चाशं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । इन्द्रापूषणौ देवते ।

गायत्री छन्दः

इन्द्रा नु पूषणा वयं सख्याय स्वस्तये । हुवेम वाजसातये १  
सोममन्य उपासदत् पातवे चम्बोः सुतम् । कर्म्भमन्य ईच्छति २  
अजा अन्यस्य वह्नयो हरी अन्यस्य संभृता । ताभ्या वृत्राणि जिघ्रते ३  
यदिन्द्रो अनयद् रितो महीरपो वृषन्तमः । तत्र पूषा भवत् सचा ४  
तां पूषणः सुमतिं वयं वृक्षस्य प्र वयामिव । इन्द्रस्य चा रभामहे ५  
उत् पूषणं युवामहे ऽभीशूरिव सारथिः । मद्या इन्द्र स्वस्तये ६

## (५८) अष्टपञ्चाशं सूक्तम्

(१-४) चतुर्ऋचस्यास्य सूक्तस्य बार्हस्पत्यो भरद्वाज ऋषिः । पूषा देवता । (१,  
३-४) प्रथमर्चस्तृतीयाचतुर्थ्योश्च त्रिष्टुप्, (२) द्वितीयायाश्च जगती छन्दसी  
शक्रं तै अन्यद् यजतं तै अन्यद् विष्वरूपे अहनी द्यौरिवासि ।  
विश्वा हि माया अवसि स्वधावो भद्रा तै पूषन्निह रातिरस्तु १  
अजाश्वः पशपा वार्जपस्त्यो धियंजिन्वो भुवने विश्वे अर्पितः ।  
अष्टा पूषा शिथिरामुद्वरीवृजत् संचक्षाणो भुवना देव ईयते २  
यास्तै पूषन्नावो अन्तः समुद्रे हिरण्ययीरन्तरिक्षे चरन्ति ।  
ताभिर्यासि दूत्यां सूर्यस्य कामेन कृतं श्रवं इच्छमानः ३  
पूषा सुबन्धुर्दिव आ पृथिव्या इळस्पतिर्मघवा दुस्मवर्चाः ।  
यं देवासो अर्ददुः सूर्यायै कामेन कृतं तवसं स्वञ्चम् ४

## (५९) एकोनषष्टितमं सूक्तम्

(१-१०) दशर्चस्यास्य सूक्तस्य बार्हस्पत्यो भरद्वाज ऋषिः । इन्द्राग्नी देवते । (१-  
६) प्रथमादितृचद्वयस्य बृहती, (७-१०) सप्तम्यादिचतुर्ऋचाञ्चानुष्टुप् छन्दसी  
प्र नु वोचा सुतेषु वां वीर्यां यानि चक्रथुः ।  
हतासौ वां पितरौ देवशत्रव इन्द्राग्नी जीवथो युवम् १  
बळित्था महिमा वामिन्द्राग्नी पनिष्ठ आ ।  
समानो वां जनिता भ्रातरा युवं यमाविहेहमातरा २  
ओक्किवांसां सुते सचां अश्वा सप्ती इवादने ।  
इन्द्रा न्वशग्नी अवसेह वज्रिणा वयं देवा हवामहे ३  
य इन्द्राग्नी सुतेषु वां स्तवत् तेष्वृतावृधा ।  
जोषवाकं वदतः पञ्चहोषिणा न देवा भुसथश्चन ४  
इन्द्राग्नी को अस्य वां देवौ मर्तश्चिकेतति ।  
विषूचो अश्वान् युयुजान ईयत् एकः समान आ रथे ५  
इन्द्राग्नी अपादियं पूर्वागात् पृथ्वीभ्यः ।  
हित्वी शिरौ जिह्वया वारवदच्चरत् त्रिंशत् पदा न्यक्रमीत् ६  
इन्द्राग्नी आ हि तन्वते नरो धन्वानि बाह्वोः ।  
मा नो अस्मिन् महाधने परा वर्कतं गविष्टिषु ७  
इन्द्राग्नी तपन्ति मा ऽघा अर्यो अरातयः ।

अप॒ द्वेषा॑स्या कृतं युयुतं सूर्या॒दधि॑ ८  
इन्द्रा॑ग्नी यु॒वोरपि॑ वसु॒ दिव्यानि॑ पार्थि॒वा ।  
आ न॑ इह प्र यच्छतं र॒यिं विश्वा॑यु॒पोषसम्॑ ९  
इन्द्रा॑ग्नी उक्थवा॒हसा॑ स्तोमै॒भिर्हवन॑श्रुता ।  
विश्वा॑भिर्गी॒र्भिरा॑ गत॒ म॒स्य सोम॑स्य पी॒तये॑ १०

(६०) षष्ठितमं सूक्तम्

(१-१५) पञ्चदशर्चस्यास्य सूक्तस्य बार्हस्पत्यो भरद्वाज ऋषिः । इन्द्राग्नी देवते ।  
(१-३, १३) प्रथमादितृचस्य त्रयोदश्या ऋचश्च त्रिष्टुप्, (४-१२) चतुर्थ्यादिनवानां  
गायत्री, (१४) चतुर्दश्या बृहती, (१५) पञ्चदश्याश्चानुष्टुप् छन्दांसि  
शनर्थद् वृत्रमु॒त संनो॑ति वाज॒ मिन्द्रा॑ यो अ॒ग्नी सह॑री स॒पर्यात्॑ ।  
इ॒र॒ज्यन्ता॑ व॒स॒व्यस्य॑ भूरेः सह॑स्तमा॒ सहसा॑ वाज॒यन्ता॑ १  
ता यौ॒धिष्ट॑म॒भि गा॑ इन्द्र नून॒ म॒पः स्वरू॑षसौ अ॒ग्न ऊ॒ळहाः॑ ।  
दिशः॑ स्वरू॒षस॑ इन्द्र चि॒त्रा अ॒पो गा॑ अ॒ग्ने युव॑से न॒ियु॒त्वान् २  
आ वृ॒त्रह॑णा वृ॒त्रह॑भिः शुष्मै॒ रिन्द्र॑ या॒तं नमो॑भिर॒ग्ने अ॒र्वाक् ।  
यु॒वं राधो॑भिर॒क॒वेभिरिन्द्रा॑ ग्रै॒ अ॒स्मे भ॑वतमु॒त्तमे॑भिः ३  
ता ह॒वे य॒योरि॑दं प॒ग्ने वि॒श्वं पु॒रा कृ॑तम् । इन्द्रा॑ग्नी न म॑र्धतः ४  
उ॒ग्रा वि॒घ॒निना॑ मृ॒ध इन्द्रा॑ग्नी ह॒वामहे॑ । ता नो॑ मृ॒ळात॑ ई॒दृशौ॑ ५  
ह॒तो वृ॒त्राण॑यार्या ह॒तो दा॑सा॒नि स॒त्प॑ती । ह॒तो वि॒श्वा अप॑ द्विषः ६  
इन्द्रा॑ग्नी यु॒वामि॑मे॒रे॒ऽभि स्तो॑मा॒ अनू॑षत । पि॒ब॒तं शं॑भुवा सु॒तम् ७  
या वा॑ स॒न्ति पुरु॑स्पृ॒हो न॒ियु॒तो दा॑शुषे॒ नरा॑ । इन्द्रा॑ग्नी ता॒भिरा॑ ग॒तम् ८  
ता॒भिरा॑ गच्छ॒तं न॒रो पे॒दं स॒र्व॒नं सु॒तम् । इन्द्रा॑ग्नी सोम॑पी॒तये॑ ९  
तमी॑ळिष्व॒ यो अ॒र्चिषा॑ व॒ना वि॒श्वा परि॑ष्वज॒त् । कृ॒ष्णा कृ॒णोति॑ जि॒ह्वा १०  
य इ॒द्ध आ॒विवा॑सति सु॒म॒मिन्द्र॑स्य॒ मर्त्यः॑ । द्यु॒म॒नाय॑ सु॒तरा॑ अ॒पः ११  
ता नो॑ वा॒ज॒वती॑रिषे॒ आ॒शून् पि॑पृ॒तम॑र्वतः । इन्द्र॑म॒ग्निं च॑ वोळ॒हवे॑ १२  
उ॒भा वा॑मिन्द्रा॑ग्नी आ॒हुव॑ध्या॒ उ॒भा रा॑ध॒सः स॒ह मा॑दु॒यध्यै॑ ।  
उ॒भा दा॑तारा॒विषा॑ र॒योणा॑ मु॒भा वा॑ज॒स्य सा॒तये॑ ह॒वे वा॑म् १३  
आ नो॑ ग॒व्येभिर॑श्च॒यै र्व॑स॒व्यैरे॑रुप॒ गच्छ॑तम् ।  
स॒खायौ॑ दे॒वौ स॒ख्याय॑ शं॒भुवै॑न्द्रा॑ग्नी ता ह॒वामहे॑ १४  
इन्द्रा॑ग्नी शृ॒णु॒तं ह॒वं य॑ज॒मान॑स्य सु॒न्वतः॑ ।

वीतं हव्यान्वा गतं पिबतं सोम्यं मधु १५

(६१) एकषष्टितमं सूक्तम्

(१-१४) चतुर्दशर्चस्यास्य सूक्तस्य बार्हस्पत्यो भरद्वाज ऋषिः । सरस्वती देवता ।  
(१-३, १३) प्रथमादितृचस्य त्रयोदश्या ऋचश्च जगती, (४-१२) चतुर्थ्यादिनवानां  
गायत्री, (१४) चतुर्दश्याश्च त्रिष्टुप् छन्दांसि  
इयमददाद् रभसमृणच्युतं दिवोदासं वध्र्यश्वायं दाशुषे ।  
या शश्वन्तमाचखादावुसं पुणिं ता तै दात्राणि तविषा सरस्वति १  
इयं शुष्मैभिर्बिसखा इवारुजत् सानुं गिरीणां तविषेभिरूर्मिभिः ।  
पारावतुघ्नीमवसे सुवृक्तिभिः सरस्वतीमा विवासेम धीतिभिः २  
सरस्वति देवनिदो नि बर्हय प्रजां विश्वस्य बृसयस्य मायिनः ।  
उत क्षितिभ्योऽवनीरविन्दो विषमैभ्यो अस्त्रवो वाजिनीवति ३  
प्र णो देवी सरस्वती वाजैभिर्वाजिनीवती । धीनामवित्र्यवतु ४  
यस्त्वा देवि सरस्वत्युपब्रूते धनै हिते । इन्द्रं न वृत्रतूर्ये ५  
त्वं देवि सरस्वत्यवा वाजेषु वाजिनि । रदा पूषेव नः सनिम् ६  
उत स्या नः सरस्वती घोरा हिरण्यवर्तनिः । वृत्रघ्नी वष्टि सुष्टुतिम् ७  
यस्या अनन्तो अहुत स्त्वेषश्चरिष्णुरणवः । अमश्चरति रोरुवत् ८  
सा नो विश्वा अति द्विषः स्वसूरन्या ऋतावरी । अतन्नहैव सूर्यः ९  
उत नः प्रिया प्रियासु सप्तस्वसा सुजुष्टा । सरस्वती स्तोम्या भूत् १०  
आपुप्रुषी पार्थिवा न्युरु रजो अन्तरिक्षम् । सरस्वती निदस्पातु ११  
त्रिषधस्था सप्तधातुः पञ्च जाता वर्धयन्ती । वाजैवाजे हव्या भूत् १२  
प्र या महिम्ना मुहिनासु चेकिते द्युमेभिरन्या अपसामपस्तमा ।  
रथ इव बृहती विभ्वनै कृतो पस्तुत्या चिकितुषा सरस्वती १३  
सरस्वत्यभि नो नेषि वस्यो माप स्फरीः पर्यसा मा न आ धक् ।  
जुषस्व नः सख्या वेश्या च मा त्वत् क्षेत्राण्यरणानि गन्म १४

इति चतुर्थोऽष्टकः

षष्ठोऽनुवाकः । सू० ६२-७५

प्रथमोऽध्यायः व० १।२७

(६२) द्विषष्टितमं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । अश्विनौ देवते ।

त्रिष्टुप् छन्दः

स्तुषे नरा दिवो अस्य प्रसन्ता ऽश्विना हुवे जरमाणो अर्केः ।  
या सद्य उस्त्रा व्युषि ज्मो अन्तान् युयूषतः पर्युरू वरांसि १  
ता यज्ञमा शुचिभिश्चक्रमाणा रथस्य भानुं रुरुचू रजौभिः ।  
पुरू वरांस्यमिता मिमाना ऽपो धन्वान्यति याथो अजान् २  
ता ह त्यद् वर्तिर्यदरध्रमुग्रे तथा धिय ऊहथुः शश्वदश्वैः ।  
मनौजवेभिरिषिरैः शयध्यै परि व्यथिर्दाशुषो मर्त्यस्य ३  
ता नव्यसो जरमाणस्य मन्मोप भूषतो युयुजानसप्ती ।  
शुभं पृक्षमिषमूर्जं वहन्ता होता यक्षत् प्रतो अध्रुग्युवाना ४  
ता वल्गू दस्त्रा पुरुशाकतमा प्रत्ना नव्यसा वचसा विवासे ।  
या शंसते स्तुवते शंभविष्ठा बभूवतुर्गूणते चित्रराती ५  
ता भुज्युं विभिरद्भ्यः समुद्रात् तउगस्य सूनूमूहथू रजौभिः ।  
अरेणुभिर्योजनेभिर्भुजन्तो पतत्रिभिरर्णसो निरुपस्थात् ६  
वि जयुषा रथ्या यातमद्रिं श्रुतं हव वृषणा वध्रिमत्याः ।  
दशस्यन्ता शयवै पिप्यथुर्गामिति च्यवाना समुतिं भुरग्यू ७  
यद् रौदसी प्रदिवो अस्ति भूमा हेळौ देवानामुत मर्त्यत्रा ।  
तदादित्या वसवो रुद्रियासो रक्षोयुजे तपुर्घं दधात ८  
य ई राजानावृतुथा विदधद् रजसो मित्रो वरुणश्चिकेतत् ।  
गम्भीराय रक्षसे हेतिमस्य द्रोघाय चिद् वचस आनवाय ९  
अन्तरैश्चक्रैस्तनयाय वर्ति हुमता यातं नृवता रथेन ।  
सनुत्येन त्यजसा मर्त्यस्य वनुष्यतामर्षि शीर्षा ववृक्तम् १०  
आ परमाभिरुत मध्यमाभिर्नियुद्धिर्यातमवमाभिरर्वाक् ।  
दृळ्हस्य चिद् गोमतो वि व्रजस्य दुरौ वर्त गूणते चित्रराती ११

(६३) त्रिषष्टितमं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । अश्विनौ देवते ।

(१-१०) प्रथमादिदशर्चा त्रिष्टुप्, (११) एकादश्याश्चैकपदा त्रिष्टुप् छन्दसी  
क्व१ त्या वल्गू पुरुहूताद्य दूतो न स्तोमोऽविदुन्नमस्वान् ।  
आ यो अर्वाङ्नासत्या ववर्तु प्रेष्ठा ह्यसथो अस्य मन्मन् १

अरं मे गन्तं हवनायास्मै गृणाना यथा पिबाथो अन्धः ।  
 परि ह त्यद् वर्तिर्याथो रिषो न यत् परो नान्तरस्तुतुर्यात् २  
 अकारि वामन्धसो वरीमन्नस्तारि बर्हिः सुप्रायणतमम् ।  
 उत्तानहस्तो युवयुर्ववन्दा ऽऽ वां नक्षन्तो अद्रय आज्जन् ३  
 ऊर्ध्वो वामग्निरध्वरेष्वस्थात् प्र रातिरैति जूर्णिनी घृताची ।  
 प्र होता गूर्तमना उराणो ऽयुक्त यो नासत्या हवीमन् ४  
 अधि श्रिये दुहिता सूर्यस्य रथं तस्थौ पुरुभुजा शतोतिम् ।  
 प्र मायाभिर्मायिना भूतमत्र नरा नृतू जनिमन् यज्ञियानाम् ५  
 युवं श्रीभिर्दर्शिताभिराभिः शुभे पुष्टिमूहथुः सूर्यायाः ।  
 प्र वां वयो वपुषेऽनु पप्तन् नक्षद् वाणी सुष्टुता धिष्ण्या वाम् ६  
 आ वां वयोऽश्वासो वहिष्ठा अभि प्रयो नासत्या वहन्तु ।  
 प्र वां रथो मनोजवा असर्जी षः पृक्ष इषिधो अनु पूर्वीः ७  
 पुरु हि वां पुरुभुजा देष्णं धेनुं न इषं पिन्वतमसक्राम् ।  
 स्तुतश्च वां माध्वी सुष्टुतिश्चरसाश्च ये वामनु रातिमगमन् ८  
 उत म ऋजे पुरयस्य रध्वी सुमीळहे शतं पैरुके च पक्वा ।  
 शाण्डो दाद्विरणिनः स्मदिष्टीन् दश वशासौ अभिषाच ऋष्वान् ९  
 सं वां शता नासत्या सहस्रा ऽश्वानां पुरुपन्था गिरे दात् ।  
 भरद्वाजाय वीर नू गिरे दा द्रुता रक्षासि पुरुदंससा स्युः १०  
 आ वां सुमे वरिमन्त्सूरिभिः प्याम् ११

(६४) चतुःषष्टितमं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । उषा देवता ।

त्रिष्टुप् छन्दः

उदुं श्रिय उषसो रोचमाना अस्थिरपां नोर्मयो रुशन्तः ।  
 कृणोति विश्वा सुपथा सुगा न्यभूदु वस्वी दक्षिणा मघोनी १  
 भद्रा ददृक्ष उर्विया वि भा स्युत् तै शोचिर्भानवो द्यामपप्तन् ।  
 आविर्वक्षः कृणुषे शम्भमानो षौ देवि रोचमाना महौभिः २  
 वहन्ति सीमरुणासो रुशन्तो गावः सुभगांमुर्विया प्रथानाम् ।  
 अपैजते शूरो अस्तैव शत्रून् बाधते तमो अजिरो न वोळहा ३  
 सुगोत तै सुपथा पर्वते प्ववाते अपस्तरसि स्वभानो ।



सा नु आ वह पृथुयामनृष्वे रयिं दिवो दुहितरिष्यध्वै ४  
सा वह योक्षभिरवातो षो वरं वहसि जोषमनु ।  
त्वं दिवो दुहितर्या ह देवी पूर्वहूतौ मंहना दर्शता भूः ५  
उत् ते वयश्चिद् वसतेरपमन् नरश्च ये पितुभाजो व्युष्टौ ।  
अमा सते वहसि भूरि वाम मुषौ देवि दाशुषे मर्त्याय ६

(६५) पञ्चषष्ठितमं सूक्तम्

(१-६) षड्वचस्यास्य सूक्तस्य बार्हस्पत्यो भरद्वाज ऋषिः । उषा देवता ।

त्रिष्टुप् छन्दः

एषा स्या नो दुहिता दिवोजाः क्षितीरुच्छन्ती मानुषीरजीगः ।  
या भानुना रुशता राम्या स्वज्ञायि तिरस्तमसश्चिदक्तून् १  
वि तद् ययुररुणायुग्भिरश्वैश्चित्रं भान्त्युषसश्चन्द्ररथाः ।  
अग्रं यज्ञस्य बृहतो नयन्ती वि ता बोधन्ते तम् ऊर्म्यायाः २  
श्रवो वाजमिषमूर्जं वहन्ती नि दाशुष उषसो मर्त्याय ।  
मघोनीर्वीरवत् पत्यमाना अवो धात विधते रत्नमद्य ३  
इदा हि वो विधते रत्नमस्ती दा वीराय दाशुष उषासः ।  
इदा विप्राय जरते यदुक्था नि ष्म मावते वहथा पुरा चित् ४  
इदा हि त उषो अद्रिसानो गोत्रा गवामङ्गिरसो गृणन्ति ।  
व्यश्केण बिभिदुर्ब्रह्मणा च सत्या नृणामभवद् देवहूतिः ५  
उच्छा दिवो दुहितः प्रववन्नो भरद्वाजवद् विधते मघोनि ।  
सुवीरं रयिं गृणते रिरीह्य रुगायमधि धेहि श्रवो नः ६

(६६) षट्षष्ठितमं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । मरुतो देवताः ।

त्रिष्टुप् छन्दः

वपुर्नु तच्चिकितुषै चिदस्तु समानं नाम धेनु पत्यमानम् ।  
मर्तेष्वन्यद् दोहसे पीपाय सकृच्छुक्रं दुदुहे पृश्नरूधः १  
ये अग्रयो न शोशुचन्निधाना द्विर्यत् त्रिर्मरुतौ वावृधन्त ।  
अरेणवो हिरण्ययास एषां साकं नृमणैः पौंस्यैभिश्च भूवन् २  
रुद्रस्यये मीळहुषः सन्ति पुत्रा यांश्चो नु दार्ध्विर्भरध्वै ।

वि॒दे हि मा॒ता म॒हो म॒ही षा सेत् पृ॒श्निः सु॒भ्वे॑र्ग॒ गर्भ॑माधात् ३  
 न य ई॒षन्ते ज॒नुषो॑ऽया न्व॒श्-॑ऽन्तः सन्तो॑ऽव॒द्यानि पु॒नानाः ।  
 निर्य॑द् दु॒हे शु॒चयो॑ऽनु जोष॒ मनु॑ श्रि॒या त॒न्वमु॑क्षमाणाः ४  
 म॒क्षू न ये॑षु दो॒हसै चि॒द्या आ नाम॑ धृ॒ष्णु मा॒रुतं॑ दधा॒नाः ।  
 न ये स्तो॒ना अ॒यासो॑ म॒ह्ना नू चि॑त् सु॒दानु॑रव॒ यास॑दु॒ग्रान् ५  
 त इ॒दुग्राः शर्व॑सा धृ॒ष्णुषै॑णा उ॒भे यु॑जन्त॒ रोद॑सी सु॒मेकै ।  
 अ॒र्धं स्मै॑षु रोद॒सी स्व॑शौचि॒ राम॑वत्सु तस्थौ न रौकः ६  
 अ॒नेनो॒ वौ म॑रुतो॒ यामो॑ अ॒स्त्व न॒श्चश्चि॑द् यमज॒त्यर॑थीः ।  
 अ॒न॒व॒सो अ॒न॒भीशू॑ र॒ज॒स्तू वि॑ रोद॒सी प॒थ्या या॑ति सा॒धन् ७  
 नास्य॑ व॒र्ता न त॑रुता न्व॒स्ति म॑रुतो॒ यम॑व॒थ वा॒जसा॑तौ ।  
 तो॒के वा गो॑षु तन॒ये यम॑प्सु स व्रजं द॒र्ता पा॒र्ये अ॒ध द्योः ८  
 प्र चि॒त्रम॑र्कं गू॒णते॑ तुरा॒य मा॒रुता॑य॒ स्वत॑वसे भर॒ध्वम् ।  
 ये स॒हा॒सि स॒हसा॑ स॒हन्ते॑ रेज॒ते अ॒ग्ने पृ॒थि॒वी म॒खेभ्यः ९  
 त्वि॒षीम॑न्तो अ॒ध्वर॑स्यैव दि॒द्युत् तृ॑षुच्यव॒सो जु॒होर्ग॒ नाग्नेः ।  
 अ॒र्च॒त्रयो॑ धु॒नयो॑ न वी॒रा भ्रा॑ज॒जन्मा॑नो म॒रुतो॑ अ॒र्धृष्टाः १०  
 तं वृ॒धन्तं॑ मा॒रुतं॑ भ्राज॒दृष्टिं॑ रु॒द्रस्य॑ सूनुं ह॒वसा॑ वि॒वासे ।  
 दि॒वः श॒र्धाय॑ शु॒चयो॑ मनी॒षा गि॒रयो॑ नाप॒ उ॒ग्रा अ॑स्पृधन् ११

(६७) सप्तषष्ठितमं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । मित्रावरुणौ देवते

। त्रिष्टुप् छन्दः

विश्वै॑षां वः स॒तां ज्येष्ठ॑तमा गी॒र्भिर्मि॑त्रावरु॒णा वावृ॑ध॒ध्यै ।  
 सं या र॒श्मेव॑ य॒मतु॑र्यमि॒ष्टा द्वा ज॒नाँ अ॒समा॑ ब्रा॒हुभिः॑ स्वैः १  
 इ॒यं म॒द् वां प्र स्तृ॑णीते मनी॒षो प॑ प्रि॒या नम॑सा ब॒र्हिर॑च्छ ।  
 यु॒न्तं नो॑ मि॒त्रावरु॑णावधृष्टं छु॒दिर्य॑द् वा॒ वरू॑थ्य सु॒दानू २  
 आ या॑तं मि॒त्रावरु॑णा सु॒श॒स्त्यु प॑ प्रि॒या नम॑सा हू॒यमा॑ना ।  
 सं याव॑प्प्रःस्थो अ॒पसै॑व॒ जना॑ ऋ॒रुधी॑य॒तश्चि॑द् यतथो म॒हित्वा ३  
 अ॒श्वा न या॑ वा॒जिना॑ पू॒तब॑न्धू ऋ॒ता यद् गर्भ॑मदि॒तिर्भर॑ध्यै ।  
 प्र या॑ म॒हि म॒हान्ता॑ जा॒यमा॑ना घो॒रा म॒र्ताय॑ रि॒पवे॑ नि दी॒धः ४

विश्वे यद् वां मंहना मन्दमानाः क्षत्रं देवासो अर्दधुः सजोषाः ।  
परि यद् भूथो रोदसी चिदुर्वी सन्ति स्पशो अर्दब्धासो अमूराः ५  
ता हि क्षत्रं धारयेथे अनु द्यून् दृहेथे सानुमुपमादिव द्योः ।  
दृळ्हो नक्षत्र उत विश्वदेवो भूमिमातान् द्यां धासिनायोः ६  
ता विग्रं धैथे जठरं पृणध्या आ यत् सद्य सभृतयः पृणन्ति ।  
न मृष्यन्ते युवतयोऽवाता वि यत् पयो विश्वजिन्वा भरन्ते ७  
ता जिह्वया सदमेदं सुमेधा आ यद् वां सत्यो अरतिर्भूते भूत् ।  
तद् वां महित्वं घृतान्नावस्तु युवं दाशुषे वि चयिष्टमंहः ८  
प्र यद् वां मित्रावरुणा स्पूर्धन् प्रिया धाम युवर्धिता मिनन्ति ।  
न ये देवास ओहसा न मर्ता अयज्ञसाचो अप्यो न पुत्राः ९  
वि यद् वाचं कीस्तासो भरन्ते शंसन्ति के चिन्निविदौ मनानाः ।  
आद् वां ब्रवाम सत्यान्युक्था नकिर्देवेभिर्यतथो महित्वा १०  
अवोरित्था वां छुर्दिषो अभिष्टौ युवोर्मित्रावरुणावस्कृधोयु ।  
अनु यद् गावः स्फुरानृजिप्यं धृष्णं यद् रणे वृषणं युनजन् ११

(६८) अष्टषष्टितमं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । इन्द्रावरुणौ देवते

। (१-८, ११) प्रथमाद्यष्टर्चामेकादश्याश्च त्रिष्टुप्,

(९-१०) नवमीदशम्योश्च जगती छन्दसी

श्रुष्टी वां यज्ञ उद्यतः सजोषा मनुष्वद् वृक्तबर्हिषो यजध्वै ।  
आ य इन्द्रावरुणाविषे अद्य मुहे सुम्रायं मुह आववर्तत् १  
ता हि श्रेष्ठा देवताता तुजा शूराणां शर्विष्ठा ता हि भूतम् ।  
मुघोनां मंहिष्ठा तुविशुष्मं ऋतेन वृत्रतुरा सर्वसेना २  
ता गृणीहि नमस्यैभिः शूषैः सुप्तेभिरिन्द्रावरुणा चक्राना ।  
वज्रेणान्यः शर्वसा हन्ति वृत्रं सिषक्त्यन्यो वृजनैषु विप्रः ३  
ग्राश्च यन्नरंश्च वावृधन्त विश्वे देवासो नरां स्वर्गताः ।  
प्रैभ्य इन्द्रावरुणा महित्वा द्यौश्च पृथिवि भूतमुर्वी ४  
स इत् सुदानुः स्ववाँ ऋतावेन्द्रा यो वां वरुण दाशति त्मन् ।  
इषा स द्विषस्तेरिद् दास्वान् वंसद् रयिं रयिवर्तश्च जनान् ५  
यं युवं दाश्वध्वराय देवा रयिं धत्थो वसुमन्तं पुरुक्षुम् ।

अस्मे स इन्द्रावरुणावपि ष्यात् प्र यो भनक्ति वनुषामशस्तीः ६  
 उत नः सुत्रात्रो देवगोपाः सूरिभ्य इन्द्रावरुणा रयिः ष्यात् ।  
 येषां शुष्मः पृतनासु साह्वान् प्र सद्यो द्युम्ना तिरते ततुरिः ७  
 नू न इन्द्रावरुणा गृणाना पृङ्गं रयिं सौश्रवसाय देवा ।  
 इत्था गृणन्तौ महिनस्य शर्धो ऽपो न नावा दुरिता तरेम ८  
 प्र सप्ताजै बृहते मन्म नु प्रियमर्च देवाय वरुणाय सप्रथः ।  
 अयं य उर्वी महिना महिब्रतः क्रत्वा विभात्यजरो न शोचिषा ९  
 इन्द्रावरुणा सुतपाविमं सुतं सोमं पिबतुं मर्घं धृतव्रता ।  
 युवो रथौ अध्वरं देववीतये प्रति स्वसरमुप याति पीतये १०  
 इन्द्रावरुणा मधुमत्तमस्य वृष्णः सोमस्य वृषणा वृषेथाम् ।  
 इदं वामन्धः परिषिक्तमस्मे आसद्यास्मिन् बर्हिषि मादयेथाम् ११

(६६) एकोनसप्ततितमं सूक्तम्

(१-८) अष्टर्चस्यास्य सूक्तस्य बार्हस्पत्यो भरद्वाज ऋषिः । इन्द्राविष्णू देवते ।

त्रिष्टुप् छन्दः

सं वां कर्मणा समिषा हिंनोमीन्द्राविष्णू अपसस्पारे अस्य ।  
 जुषेथां यज्ञं द्रविणं च धत्तमरिष्टैर्नः पृथिभिः पारयन्ता १  
 या विश्वासां जनितारां मतीनामिन्द्राविष्णू कलशां सोमधानां ।  
 प्र वां गिरः शस्यमाना अवन्तु प्र स्तोमासो गीयमानासो अकैः २  
 इन्द्राविष्णू मदपती मदाना मा सोमं यातुं द्रविणो दधाना ।  
 सं वामञ्जन्त्वक्तुभिर्मतीनां सं स्तोमासः शस्यमानास उक्थैः ३  
 आ वामश्वासो अभिमातिषाह इन्द्राविष्णू सधमादौ वहन्तु ।  
 जुषेथां विश्वा हवना मतीनामुप ब्रह्माणि शृणुतं गिरौ मे ४  
 इन्द्राविष्णू तत् पनुयाय्यं वां सोमस्य मदं उरु चक्रमाथे ।  
 अकृणुतमन्तरिक्षं वरीयो ऽप्रथतं जीवसै नो रजांसि ५  
 इन्द्राविष्णू हविषा वावृधाना ऽग्राद्धाना नमसा रातहव्या ।  
 घृतासुती द्रविणं धत्तमस्मे समुद्रः स्थः कलशः सोमधानः ६  
 इन्द्राविष्णू पिबतुं मध्वो अस्य सोमस्य दस्त्रा जुठरं पृणेथाम् ।  
 आ वामन्धांसि मदिरायगम् नृप ब्रह्माणि शृणुतं हव मे ७  
 उभा जिग्यथुर्न परा जयेथे न परा जिग्ये कतस्त्रनैनौः ।

इन्द्रश्च विष्णो यदपस्पृधेथां त्रेधा सहस्रं वि तदैरयेथाम् ८

(७०) सप्ततितमं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । द्यावापृथिव्यौ देवते ।

जगती छन्दः

घृतवती भुवनानामभिश्चिर्वी पृथ्वी मधुदुधे सुपेशसा ।  
 द्यावापृथिवी वरुणस्य धर्मणा विष्कभिते अजरे भूरिरेतसा १  
 असश्चन्ती भूरिधारे पर्यस्वती घृतं दुहाते सुकृते शुचिव्रते ।  
 राजन्ती अस्य भुवनस्य रोदसी अस्मे रेतः सिञ्चतं यन्मनुर्हितम् २  
 यो वामृजवे क्रमणाय रोदसी मर्तो ददाश धिषणे स साधति ।  
 प्र प्रजाभिर्जायते धर्मणस्परि युवोः सिक्ता विषुरूपाणि सव्रता ३  
 घृतेन द्यावापृथिवी अभीवृते घृतश्रिया घृतपृचा घृतावृधा ।  
 उर्वी पृथ्वी होतृवूर्ये पुरोहिते ते इद् विप्रा ईळते सुममिष्टये ४  
 मधु नो द्यावापृथिवी मिमिक्षतां मधुश्रुतां मधुदुधे मधुव्रते ।  
 दधाने यज्ञं द्रविणं च देवता महि श्रवो वार्जमस्मे सुवीर्यम् ५  
 ऊर्जं नो द्यौश्च पृथिवी च पिन्वतां पिता माता विश्वविदा सुदंससा ।  
 संरराणे रोदसी विश्वशम्भुवा सनिं वार्जं रयिमस्मे समिन्वताम् ६

(७१) एकसप्ततितमं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । सविता देवता । (१-

३) प्रथमतृचस्य जगती, (४-६) द्वितीयतृचस्य च त्रिष्टुप् छन्दसी

उदु ष्य देवः सविता हिरण्यया बाहू अयंस्तु सर्वनाय सुकृतुः ।  
 घृतेन पाणी अभि प्रुष्णते मुखो युवा सुदक्षो रजसो विधर्मणि १  
 देवस्य वयं सवितुः सर्वामनि श्रेष्ठे स्याम वसुनश्च दावनै ।  
 यो विश्वस्य द्विपदो यश्चतुष्पदो निवेशने प्रसवे चासि भूमनः २  
 अदब्धेभिः सवितः पायुभिष्टं शिवेभिरद्य परि पाहि नो गयम् ।  
 हिरण्यजिह्वः सुविताय नव्यसे रक्षा मार्किर्नो अघशंस ईशत ३  
 उदु ष्य देवः सविता दमूना हिरण्यपाणिः प्रतिदोषमस्थात् ।  
 अयोहनुर्यजतो मन्द्रजिह्व आ दाशुषे सुवति भूरि वामम् ४  
 उदू अयां उपवृक्तेव बाहू हिरण्यया सविता सुप्रतीका ।

दिवो रोहांस्यरुहत् पृथिव्या अरीरमत् पतयत् कच्चिदभ्वम् ५  
 वाममुद्य सवितर्वाममु श्वो दिवेदिवे वाममुस्मभ्यं सावीः ।  
 वामस्य हि क्षयस्य देव भूरै रया धिया वामभाजः स्याम ६

(७२) द्विसप्ततितमं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रासोमौ देवते ।

त्रिष्टुप् छन्दः

इन्द्रासोमा महि तद् वा महित्वं युवं महानि प्रथमानि चक्रथुः ।  
 युवं सूर्यं विविदथुर्युवं स्वर्विश्वा तमांस्यहतं निदश्च १  
 इन्द्रासोमा वासयथ उषासु मुत् सूर्यं नयथो ज्योतिषा सह ।  
 उप द्यां स्कम्भथुः स्कम्भनेना प्रथतं पृथिवीं मातरं वि २  
 इन्द्रासोमावहिमपः परिष्ठां हथो वृत्रमनु वां द्यौरमन्यत ।  
 प्राणांस्यैरयतं नदीना मा समुद्राणि पप्रथुः पुरुणि ३  
 इन्द्रासोमा पक्वमामास्वन्तर्नि गवामिद् दधथुर्वक्षणासु ।  
 जगृभथुरनपिनद्धमासु रुशच्चित्रासु जगतीष्वन्तः ४  
 इन्द्रासोमा युवमङ्ग तरुत्र मपत्यसाचं श्रुत्य रराथे ।  
 युवं शुष्मं नर्यं चर्षणिभ्यः सं विव्यथुः पृतनाषाहमुग्रा ५

(७३) त्रिसप्ततितमं सूक्तम्

(१-३) तृचस्यास्य सूक्तस्य बार्हस्पत्यो भरद्वाज ऋषिः । बृहस्पतिर्देवता ।

त्रिष्टुप् छन्दः

यो अद्रिभित् प्रथमजा ऋतावा बृहस्पतिराङ्गिरसो हविष्मान् ।  
 द्विबर्हज्मा प्राघर्मसत् पिता न आ रोदसी वृषभो रौरवीति १  
 जनाय चिद् य ईवत उ लोकं बृहस्पतिर्देवहूतौ चकार ।  
 घ्नन् वृत्राणि वि पुरौ दर्दरीति जयञ्छत्रैर्मित्रान् पृत्सु साहन् २  
 बृहस्पतिः समजयद् वसूनि महो वृजान् गोमतो देव एषः ।  
 अपः सिषासन् त्वश्रप्रतीतो बृहस्पतिर्हन्त्यमित्रमर्कैः ३

(७४) चतुःसप्ततितमं सूक्तम्

(१-४) चतुर्चस्यास्य सूक्तस्य बार्हस्पत्यो भरद्वाज ऋषिः । सोमारुद्रौ देवते ।

त्रिष्टुप् छन्दः

सोमार्द्रा धारयैथामसुर्यं१ प्र वामिष्टयोऽरमश्नुवन्तु ।  
दमैदमे सप्त रत्ना दधाना शं नो भूतं द्विपदे शं चतुष्पदे १  
सोमार्द्रा वि वृहतं विषूची ममीवा या नो गर्यमाविवेश ।  
आरे बाधेथां निर्ऋतिं पराचै रस्मे भद्रा सौश्रवसानि सन्तु २  
सोमार्द्रा युवमेतान्यस्मे विश्वा तनूषु भेषजानि धत्तम् ।  
अव स्यतं मुञ्चतं यन्नो अस्ति तनूषु बद्धं कृतमेनो अस्मत् ३  
तिग्मायुधौ तिग्महेती सुशेवौ सोमार्द्राविह सु मृळतं नः ।  
प्र नो मुञ्चतं वरुणस्य पाशाद् गोपायत नः सुमनस्यमाना ४

(७५) पञ्चसप्ततितमं सूक्तम्

(१-१६) एकोनविंश्यतृचस्यास्य सूक्तस्य भारद्वाजः पायुर्ऋषिः । (१) प्रथमर्चो  
वर्म, (२) द्वितीयाया धनुः, (३) तृतीयाया ज्या, (४) चतुर्थ्या आर्त्ती, (५)  
पञ्चम्या इषुधिः, (६) षष्ठ्याः पूर्वार्धस्य सारथिरुत्तरार्धस्य च रश्मयः, (७)  
सप्तम्या अश्वाः, (८) अष्टम्या रथः, (९) नवम्या रथगोपाः, (१०) दशम्या  
ब्राह्मणपितृसोमद्यावापृथिवीपूषाणः, (११-१२, १५-१६)  
एकादशीद्वादशीपञ्चदशीषोडशीनामिषवः, (१३) त्रयोदश्याः प्रतोदः, (१४)  
चतुर्दश्या हस्तघ्नः, (१७) सप्तदश्या युद्धभूमिकवचब्रह्मणस्पत्यादयः, (१८)  
अष्टादश्या वर्मसोमवरुणाः, (१९) एकोनविंश्याश्च देवा ब्रह्म च देवताः । (१-५,  
७-९, ११, १४, १८) प्रथमादिपञ्चर्चा सप्तम्यादितृचस्यैकादशीचतुर्दश्यष्टादशीनाञ्च  
त्रिष्टुप्, (६, १०) षष्ठीदशम्योर्जगती (१२-१३, १५-१६, १९)  
द्वादशीत्रयोदशीपञ्चदशीषोडश्येकोनविंशीनामनुष्टुप्, (१७) सप्तदश्याश्च

पङ्क्तिश्छन्दांसि

जीमूतस्येव भवति प्रतीकं यद् वर्मी याति समदामुपस्थे ।  
अनाविद्धया तन्वा जय त्वं स त्वा वर्मणो महिमा पिपर्तु १  
धन्वना गा धन्वनाजिं जयेम धन्वना तीव्राः समदौ जयेम ।  
धनुः शत्रोरपक्रामं कृणोति धन्वना सर्वाः प्रदिशौ जयेम २  
वृद्धयन्तीवेदा गनीगन्ति कर्णं प्रियं सखायं परिषस्वजाना ।  
योषैव शिङ्गे वितताधि धन्वञ्ज्या इयं समने पारयन्ती ३  
ते आचरन्ती समनेव योषा मातेव पुत्रं बिभृतामुपस्थे ।  
अप शत्रून् विध्यतां संविदाने आर्त्ती इमे विष्फुरन्ती अमित्रान् ४

ब॒ह्वीनां पि॒ता ब॒हुर॑स्य पु॒त्रश्चि॒श्वा कृ॑णोति॒ सम॑नाव॒गत्य॑ ।  
 इ॒षुधिः स॒ङ्काः पृ॑त॒नाश्च॒ सर्वाः पृ॑ष्ठे नि॒नद्धो॑ जयति॒ प्रसू॑तः ५  
 र॒थे तिष्ठ॑न् नयति॒ वा॒जिनः॑ पु॒रो यत्र॑यत्र का॒मय॑ते सुषा॒रथिः॑ ।  
 अ॒भीशू॑नांम हि॒मानं॑ पनायत॒ मनः॑ प॒श्चादनु॑ यच्छन्ति॒ रश्म॑यः ६  
 ती॒वान् घो॑षान् कृणवते॒ वृष॑पा॒ण्यो ऽश्वा॑ रथे॒भिः सह॑ वा॒जय॑न्तः ।  
 अ॒व॒क्राम॑न्तः प्रप॑दैर॒मित्रा॑न् क्षि॒णन्ति॑ शत्रू॑र॒नप॑व्ययन्तः ७  
 र॒थवा॑हनं ह॒विर॑स्य॒ नाम॒ यत्रा॑युधं नि॒र्हित॑मस्य॒ वर्म॑ ।  
 तत्रा॒ रथ॑मुप॒ श॒गमं॑ संदेम॒ विश्वा॑हा व॒यं सु॑मन॒स्यमा॑नाः ८  
 स्वा॒दुषु॑ंसदः पि॒तरौ॑ वयो॒धाः कृ॑च्छ्रे॒श्रितुः॑ शक्ती॒वन्तो॑ ग॒भीराः॑ ।  
 चि॒त्रसे॑ना इ॒षुब॑ला अ॒मृ॒ध्राः सु॒तोवी॑रा उ॒रवो॑ वा॒तसा॑हाः ९  
 ब्रा॒ह्म॒णासः॑ पि॒तरः॑ सोम्या॑सः शि॒वे नो॒ द्यावा॑पृथि॒वी अ॒नेह॑सा ।  
 पू॒षा नः॑ पातु दुरि॒तादृ॑तावृ॒धो र॒क्षा मा॑कि॒र्नो अ॒घश॑स ई॒शत॑ १०  
 सु॒प॒र्णं व॑स्ते मृ॒गो अ॒स्या द॑न्तो गो॒भिः सं॑नद्धा पतति॒ प्रसू॑ता ।  
 यत्रा॒ नरः॑ सं च॒ वि च॒ द्रव॑न्ति॒ तत्रा॑स्मभ्य॒मिष॑वः शर्म॑ यंसन् ११  
 ऋ॒जी॒ते परि॑ वृ॒द्धि नो॑ ऽश्मा॒ भवतु॑ नस्त॒नूः ।  
 सोमो॑ अ॒धि ब्र॑वीतु नो ऽदि॒तिः शर्म॑ यच्छतु १२  
 आ ज॑ङ्घन्ति॒ सान्वे॑षां ज॒घना॑ँ उप॒ जिघ्र॑ते ।  
 अ॒श्वाज॑नि प्रचै॒तसो॑ ऽश्वा॒न् त्स॑मत्सु॒ चोद॑य १३  
 अ॒हि॒रिव॑ भो॒गैः पर्ये॑ति ब्रा॒ह्मं ज्या॑या हेति॑ परि॒बाध॑मानः ।  
 ह॒स्तघ्नो॑ वि॒श्वा व॑युना॒नि वि॒द्वान् पु॒मान् पु॒मांसं॑ परि॑ पातु वि॒श्वतः॑ १४  
 आ॒ला॒क्ता या॑ रु॒शी॒ष्ण्यथो॑ यस्या॒ अयो॑ मुख॒म् ।  
 इ॒दं पु॒र्जन्य॑रेतस॒ इष्वै॑ दे॒व्यै बृ॒हन्न॑र्मः १५  
 अ॒व॒सृष्टा॑ परा॒ पतु॑ शर॒व्ये ब्र॑ह्मसं॒शिते॑ ।  
 गच्छा॑मि॒त्रान् प्र॑ प॒द्यस्व॒ मामी॑षां कं च॒नोच्छि॑षः १६  
 यत्र॑ ब्रा॒णाः संप॑तन्ति॒ कुमा॑रा वि॒शिखा॑ इव ।  
 तत्रा॒ नो ब्र॑ह्म॒णस्प॑ति॒ रदि॑तिः शर्म॑ यच्छतु वि॒श्वाहा॑ शर्म॑ यच्छतु १७  
 म॒मा॒णि ते॒ वर्म॑णा छादयामि॒ सोम॑स्त्वा॒ राजा॑मृते॒नानु॑ वस्ताम्  
 उ॒रोर्व॑री॒यो व॑रु॒णस्ते॑ कृ॒णोतु॑ जय॒न्तं त्वा॑नु दे॒वा म॑दन्तु १८  
 यो नः॑ स्वो अ॒रणो॑ यश्च नि॒ष्टयो॑ जिघा॑सति ।  
 दे॒वास्तं॑ सर्वे॒ धूर्व॑न्तु ब्र॒ह्म वर्म॑ म॒मान्तर॑म् १९



इति षष्ठं मण्डलं समाप्तम्  
मन्त्रसङ्ख्या  
पञ्चमण्डलस्यान्तपर्यन्तं ४३६८  
षष्ठमण्डलस्य ७६५  
सर्वयोगः- ५१३३

अथ सप्तमं मण्डलम् ।  
प्रथमोऽनुवाकः । सू० १-१७

(१) प्रथमं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

(१-१८) प्रथमाद्यष्टादशर्चा विराट्,

(१६-२५) एकोनविंश्यादिसप्तानाञ्च त्रिष्टुप् छन्दसी

अग्निं नरो दीधितिभिररयो हस्तच्युती जनयन्त प्रशस्तम् । दूरेदृशं  
गृहपतिमथर्युम् १

तमग्निमस्ते वसवो नृशवन् त्सुप्रतिचक्ष्मवसे कुतश्चित् । दक्षाव्यो यो दम्  
आसु नित्यः २

प्रेद्धौ अग्ने दीदिहि पुरो नो ऽजस्रया सूर्या यविष्ठ । त्वां शश्वन्त उप यन्ति  
वाजाः ३

प्र ते अग्नयोऽग्निभ्यो वरं निः सुवीरासः शोशुचन्त द्युमन्तः । यत्रा नरः  
समासते सुजाताः ४

दा नो अग्ने धिया रयिं सुवीरं स्वपत्यं सहस्य प्रशस्तम् । न यं यावा तरति  
यातुमावान् ५

उप यमेति युवतिः सुदक्षं दोषा वस्तोर्हविष्मती घृताची । उप  
स्वैनमरमतिर्वसूयुः ६

विश्वा अग्नेऽप दहाराती र्येभिस्तपैभिरदहो जरूथम् । प्र निस्वरं  
चातयस्वामीवाम् ७

आ यस्तै अग्न इधते अनीकं वसिष्ठ शुक्र दीदिवः पार्वक । उतो न एभिः  
स्तवथैरिह स्याः ८

वि ये तै अग्ने भेजिरे अनीकं मर्ता नरः पित्र्यासः पुरुत्रा । उतो न एभिः  
सुमना इह स्याः ९

इमे नरो वृत्रहत्येषु शूरा विश्वा अदेवीरभि सन्तु मायाः । ये मे धियं पुनर्यन्त  
प्रशस्ताम् १०

मा शूनै अग्ने नि षदाम नृणां माशेषसोऽवीरता परि त्वा । प्रजावतीषु दुर्यासु  
दुर्य ११

यमश्ची नित्यमुपयाति यज्ञं प्रजावन्तं स्वपत्यं क्षयं नः । स्वजन्मना शेषसा

वावृ॒धानम् १२

पा॒हि नो॑ अ॒ग्ने र॒क्षसो॑ अ॒जु॒ष्टात् पा॒हि धू॒र्तेर॑र॒रुषो॑ अ॒घा॒योः । त्वा यु॒जा

पृ॒तना॒यूर॑भि ष्याम् १३

से॒द॒ग्निर॒ग्रीर॑त्य॒स्त्वन्या॑न् यत्र॑ वा॒जी तन॑यो वी॒ळु॒पाणिः॑ । स॒हस्र॑पा॒था अ॒क्षरा॑  
स॒मेति॑ १४

से॒द॒ग्निर्यो॑ व॒नुष्य॑तो नि॒पाति॑ स॒मेद्धा॒रम॑ह॒स उरु॑ष्यात् । सु॒जा॒तासः॑ परि॑  
चर॑न्ति वी॒राः १५

अ॒यं सो अ॒ग्निराहु॑तः पु॒रुत्रा॑ यमी॒शानः॑ स॒मिदि॒न्धे ह॒विष्मा॑न् । परि॑  
यमे॒त्यध्व॑रेषु॒ होता॑ १६

त्वे अ॒ग्न आ॒हव॑नानि॒ भूरी॑ शा॒नास॑ आ जु॒हुयाम्॑ नित्या॑ । उ॒भा कृ॒णव॑न्तो  
वह॑तू मि॒येधै १७

इ॒मो अ॒ग्ने वी॒तत॑मानि॒ हव्या॑ ऽज॒स्रो व॒क्षि दे॒वता॑ति॒मच्छ॑ । प्र॒ति न ई॑  
सु॒रभी॑णि॒ व्यन्तु॑ १८

मा नो॑ अ॒ग्नेऽवी॑र॒ते परा॑ दा दु॒र्वास॑सेऽम॒तये॑ मा नो॑ अ॒स्यै ।

मा नः॑ क्षु॒धे मा र॒क्षसं॑ ऋ॒तावो॑ मा नो॒ दमे॑ मा व॒न आ जु॑हूर्थाः १९

नू मे॒ ब्रह्मा॑ण॒यग्न॑ उच्छ॑शाधि॒ त्वं दै॒व म॒घव॑द्भ्यः सु॒षूदः॑ ।

रा॒तौ स्या॑मो॒भया॑स॒ आ तै॑ यू॒यं पा॑त स्व॒स्तिभिः॑ सदा॑ नः २०

त्वम॑ग्ने सु॒हवो॑ र॒णव॑स॒दृक् सु॒दीती॑ सू॒नो स॒हसो॑ दि॒दीहि॑ ।

मा त्वे स॒चा तन॑ये॒ नित्य॑ आ ध॒ङ्गा वी॒रो अ॒स्मन्न॑र्यो॒ वि दा॑सीत् २१

मा नो॑ अ॒ग्ने दु॒र्भृत॑ये स॒चैषु॑ दे॒वेद्धै॑ष्व॒ग्निषु॑ प्र वो॒चः ।

मा तै॑ अ॒स्मान् दु॒र्म॒तयो॑ भृ॒माच्चि॑द् दे॒वस्य॑ सू॒नो स॒हसो॑ न॒शन्त॑ २२

स म॒तो अ॒ग्ने स्व॒नीक॑ रे॒वानम॑र्त्ये॒ य आ॑जु॒होति॑ ह॒व्यम् ।

स दे॒वता॑ वसु॒वर्नि॑ दधा॒ति यं सू॒रि॒रर्थी॑ पृ॒च्छमा॑न् ए॒ति २३

म॒हो नो॑ अ॒ग्ने सु॒वित॑स्य॒ वि॒द्वान् र॒यिं सू॒रिभ्य॑ आ व॒हा बृ॑हन्त॑म् ।

येन॑ व॒यं स॑हसाव॒न् मदे॑माऽवि॒क्षिता॑स॒ आयु॑षा सु॒वीराः॑ २४

नू मे॒ ब्रह्मा॑ण॒यग्न॑ उच्छ॑शाधि॒ त्वं दै॒व म॒घव॑द्भ्यः सु॒षूदः॑ ।

रा॒तौ स्या॑मो॒भया॑स॒ आ तै॑ यू॒यं पा॑त स्व॒स्तिभिः॑ सदा॑ नः २५

द्वि॒तीयोऽध्या॑यः । व० १-३०

## (२) द्वितीयं सूक्तम्

(१-११) एकादशर्चस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्च इध्मः  
समिद्धो वाग्निः, (२) द्वितीयाया नराशंसः, (३) तृतीयाया इळः, (४) चतुर्थ्या  
बर्हिः, (५) पञ्चम्या देवीद्वारः, (६) षष्ठ्या उषासानक्ता, (७) सप्तम्या दैव्यौ  
होतारौ प्रचेतसौ, (८) अष्टम्यास्तिस्त्रो देव्यः सरस्वतीळाभारत्यः, (९)  
नवम्यास्त्वष्टा, (१०) दशम्या वनस्पतिः, (११) एकादश्याश्च स्वाहाकृतयो

देवताः । त्रिष्टुप् छन्दः

जुषस्व नः समिधमग्ने अद्य शोचा बृहद् यजत धूममृणवन् ।  
उप स्पृश दिव्यं सानु स्तूपैः सं रश्मिभिस्ततनः सूर्यस्य १  
नराशंसस्य महिमानमेषा मुप स्तोषाम यजतस्य यज्ञैः ।  
ये सुक्रतवः शुचयो धियुधाः स्वदन्ति देवा उभयानि हव्या २  
ईळैन्य वो असुरं सुदक्षं मन्तर्दूतं रोदसी सत्यवाचम् ।  
मनुष्वदग्निं मनुना समिद्धं समध्वराय सदमिन्महेम ३  
सपर्यवो भरमाणा अभिज्ञु प्र वृञ्जते नमसा बर्हिरग्नौ ।  
आजुह्वाना घृतपृष्ठं पृषद्वर्ध्ववो हविषा मर्जयध्वम् ४  
स्वाध्योर् वि दुरौ देवयन्तो ऽशिश्नयू रथयुर्देवताता ।  
पूर्वी शिशं न मातरा रिहाणे समग्रवो न समनेष्वञ्जन् ५  
उत योषणै दिव्ये मही न उषासानक्ता सुदुर्ध्व धेनुः ।  
बर्हिषदा पुरुहूते मघोनी आ यज्ञियै सुविताय श्रयेताम् ६  
विप्रा यज्ञेषु मानुषेषु कारू मन्ये वां जातवैदसा यजध्वै ।  
ऊर्ध्व नो अध्वरं कृतं हवेषु ता देवेषु वनथो वार्याणि ७  
आ भारती भारतीभिः सजोषा इळा देवैर्मनुष्यैभिरग्निः ।  
सरस्वती सारस्वतेभिर्वाक् तिस्रो देवीर्बर्हि रेदं सदन्तु ८  
तन्नस्तुरीपमध पोषयितु देव त्वष्टृर्विराणः स्यस्व ।  
यतो वीरः कर्मण्यः सुदक्षो युक्तावा जायते देवकामः ९  
वनस्पतेऽव सृजोप देवा नग्निर्हविः शमिता सूदयाति ।  
सेदु होता सत्यतरो यजाति यथा देवानां जनिमानि वेद १०  
आ याह्यग्ने समिधानो अर्वा डिन्द्रेण देवैः सरथं तुरेभिः ।  
बर्हिर्न आस्तामदितिः सुपुत्रा स्वाहा देवा अमृता मादयन्ताम् ११

(३) तृतीयं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

अग्निं वो देवमग्निभिः सजोषा यजिष्ठं दूतमध्वरे कृणुध्वम् ।  
यो मर्त्येषु निधुविर्भूतावा तपुर्मूर्धा घृतान्नः पावकः १  
प्रोथदश्चो न यवसेऽविष्यन् यदा महः संवरणाद् व्यस्थात् ।  
आदस्य वातो अनु वाति शोचिरधं स्म ते व्रजनं कृष्णमस्ति २  
उद् यस्य ते नवजातस्य वृष्णो ऽग्ने चरन्त्यजरा इधानाः ।  
अच्छा द्यामरुषो धूम एति सं दूतो अग्न ईयसे हि देवान् ३  
वि यस्य ते पृथिव्यां पाजो अश्रैत् तृषु यदन्ना समवृक्त जम्भैः ।  
सेनैव सृष्टा प्रसितिष्ट एति यवं न देस्म जुह्वा विवेक्षि ४  
तमिद् दोषा तमुषसि यविष्ठामग्निमत्यं न मर्जयन्त नरः ।  
निशिशाना अतिथिमस्य योनौ दीदाय शोचिराहुतस्य वृष्णः ५  
सुसंदृक् तै स्वनीक प्रतीकं वि यद् रुक्मो न रोचस उपाके ।  
दिवो न तै तन्यतुरैति शुष्मश्चित्रो न सूरः प्रति चक्षि भानुम् ६  
यथा वृः स्वाहाग्रये दाशैम् परीळाभिर्घृतवद्भिश्च हव्यैः ।  
तेभिर्नो अग्ने अमितैर्महोभिः शतं पूर्भिरायसीभिर्नि पाहि ७  
या वा ते सन्ति दाशुषे अधृष्टा गिरौ वा याभिर्नृवतीरुष्याः ।  
ताभिर्नः सूनो सहस्रो नि पाहि स्मत् सूरिर्ज्जरितृचफदृज्जातवेदः ८  
निर्यत् पूतेव स्वधितिः शुचिर्गात् स्वया कृपा तन्वाऽरोचमानः ।  
आ यो मात्रोरुशेन्यो जनिष्ट देवयज्याय सुक्रतुः पावकः ९  
एता नो अग्ने सौभगा दिदीह्य पि क्रतुं सुचेतसं वतेम ।  
विश्वा स्तोतृभ्यो गृणते च सन्तु यूयं पात स्वस्तिभिः सदा नः १०

(४) चतुर्थं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

प्र वः शक्राय भानवे भरध्वं हव्यं मतिं चाग्रये सुपूतम् ।  
यो दैव्यानि मानुषा जनुष्यन्तर्विश्वानि विघ्नना जिगाति १  
स गृत्सो अग्निस्तरुणश्चिदस्तु यतो यविष्ठो अजनिष्ट मातुः ।

सं यो वना युवते शुचिदन् भूरि चिदन्ना समिदत्ति सद्यः २  
 अस्य देवस्य संसद्यनीके यं मर्तासः श्येतं जगृभ्रे ।  
 नि यो गृभं पौरुषेयीमुवोच दुरोकमग्निरायवे शुशोच ३  
 अयं कविरकविषु प्रचेता मर्तेष्वग्निरमृतो नि धायि ।  
 स मा नो अत्र जुहुरः सहस्वः सदा त्वे सुमनसः स्याम ४  
 आ यो योनिं देवकृतं ससाद क्रत्वा ह्यग्निर्मृताँ अतारीत् ।  
 तमोषधीश्च वनिनश्च गर्भं भूमिश्च विश्वधायसं बिभर्ति ५  
 ईशे ह्यग्निर्मृतस्य भूरे रीशे रायः सुवीर्यस्य दातौः ।  
 मा त्वा वयं सहसावन्नवीरा माप्सवः परि षदाम् मादुवः ६  
 परिषद्यं ह्यरणस्य रेक्णो नित्यस्य रायः पतयः स्याम ।  
 न शेषौ अग्रे अन्यजात मस्त्यचेतानस्य मा पृथो वि दुक्षः ७  
 नहि ग्रभायारणः सुशेवो ऽन्योदर्यो मनसा मन्तवा उ ।  
 अधा चिदोकः पुनरित् स एत्या ऽऽ नौ वाज्यभीषाळेतु नव्यः ८  
 त्वमग्रे वनुष्यतो नि पाहि त्वमु नः सहसावन्नवद्यात् ।  
 सं त्वा ध्वस्मन्वदभ्येतु पाथः सं रयिः स्पृहयार्थ्यः सहस्त्री ९  
 एता नौ अग्रे सौभगा दिदीह्य पि क्रतुं सुचेतसं वतेम ।  
 विश्वा स्तोतृभ्यो गृणते च सन्तु यूयं पात स्वस्तिभिः सदा नः १०

(५) पञ्चमं सूक्तम्

(१-६) नवर्चस्यास्य सूक्तस्य मैत्रावरुणिर्वसिष्ठ ऋषिः । वैश्वानरोऽग्निर्देवता ।

त्रिष्टुप् छन्दः

प्राग्रयै तवसे भरध्वं गिरं दिवो अरतयै पृथिव्याः ।  
 यो विश्वेषाममृतानामुपस्थे वैश्वानरो वावृधे जागृवद्भिः १  
 पृष्ठो दिवि धाय्यग्निः पृथिव्यां नेता सिन्धूनां वृषभः स्तियानाम् ।  
 स मानुषीरभि विशो वि भाति वैश्वानरो वावृधानो वरेण २  
 त्वद् भिया विश आयन्नसिकनी रसमना जहतीर्भोजनानि ।  
 वैश्वानर पूरवे शोशुचानः पुरो यदग्रे दुरयन्नदीदेः ३  
 तव त्रिधातुं पृथिवी उत द्यौ वैश्वानर व्रतमग्रे सचन्त ।  
 त्वं भासा रोदसी आ तन्था ऽजस्त्रेण शोचिषा शोशुचानः ४  
 त्वामग्रे हरितौ वावशाना गिरः सचन्ते धुनयो घृताचीः ।

पतिं कृष्टीनां रथ्यं रयीणां वैश्वानरमुषसां केतुमहाम् ५  
 त्वे असुर्यं वसवो न्यृणवन् क्रतुं हि तै मित्रमहो जुषन्त ।  
 त्वं दस्यूरौकसो अग्न आज उरु ज्योतिर्जनयन्नार्याय ६  
 स जार्यमानः परमे व्यौमन् वायुर्न पाथः परि पासि सद्यः ।  
 त्वं भुवना जनयन्नभि क्रन्नपत्याय जातवेदो दशस्यन् ७  
 तामग्ने अस्मे इषमेरयस्व वैश्वानर द्युमतीं जातवेदः ।  
 यया राधः पिन्वसि विश्ववार पृथु श्रवौ दाशुषे मर्त्याय ८  
 तं नो अग्ने मधवद्भ्यः पुरुक्षुं रयिं नि वाजं श्रुत्य युवस्व ।  
 वैश्वानर महि नः शर्म यच्छ रुद्रेभिरग्ने वसुभिः सजोषाः ९

(६) षष्ठं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । वैश्वानरोऽग्निर्देवता ।

त्रिष्टुप् छन्दः

प्र सम्राजो असुरस्य प्रशस्तिं पुंसः कृष्टीनामनुमाद्यस्य ।  
 इन्द्रस्येव प्र तवसंस्कृतानि वन्दे दारुं वन्दमानो विवस्मि १  
 कविं केतुं धासिं भानुमद्रे हिन्वन्ति शं राज्यं रोदस्योः ।  
 पुरंदरस्य गीर्भिरा विवासे ऽग्नेर्वृतानि पूर्या महानि २  
 न्यक्रतून् ग्रथिनो मध्रवाचः पूर्णैरश्रद्धाँ अवृधाँ अयज्ञान् ।  
 प्रप्र तान् दस्यूरग्निर्विवाय पूर्वश्चकारापराँ अयज्यन् ३  
 यो अपाचीने तमसि मदन्तीः प्राचीश्चकार नृतम् शचीभिः ।  
 तमीशानं वस्वो अग्निं गृणीषे ऽनानतं दमयन्तं पृतन्यन् ४  
 यो देह्योऽं अनमयद् वधस्त्रैर्यो अर्यपत्नीरुषसश्चकार ।  
 स निरुध्या नहुषो युहो अग्निं विशश्चक्रे बलिहतः सहोभिः ५  
 यस्य शर्मन्नुप विश्वे जनास एवैस्तस्थुः सुमतिं भिक्षमाणाः ।  
 वैश्वानरो वरमा रोदस्यो राग्निः संसाद पित्रोरुपस्थम् ६  
 आ देवो ददे बुध्याऽं वसूनि वैश्वानर उदिता सूर्यस्य ।  
 आ समुद्रादवरादा परस्मा दाग्निर्ददे दिव आ पृथिव्याः ७

(७) सप्तमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । त्रिष्टुप्

छन्दः

प्र वो दे॒वं चि॒त् सह॑सा॒नम॒ग्नि॒मश्वं॑ न वा॒जिनं॑ हि॒षे नमो॑भिः ।  
 भवा॑ नो दू॒तो अ॒ध्वर॑स्य॒ वि॒द्वान् त्मना॑ दे॒वेषु॑ वि॒विदे॑ मि॒तद्रुः १  
 आ या॑ह्य॒ग्ने प॒थ्या॒ऽनु स्वा॒ म॒न्द्रो दे॒वानां॑ स॒ख्यं जु॑षा॒णः ।  
 आ सा॒नु शु॒ष्मैर्न॑द॒यन् पृ॒थि॒व्या ज॒म्भैभि॑र्वि॒श्वमु॑श॒ध॒ग्वना॑नि २  
 प्रा॒चीनो॑ य॒ज्ञः सु॒धितं॑ हि ब॒र्हिः प्री॑णी॒ते अ॒ग्निरी॑ळि॒तो न हो॑ता ।  
 आ मा॒तरा॑ वि॒श्ववा॑रे हु॒वानो॑ यतो॒ यवि॑ष्ठ ज॒ज्ञिषे॑ सु॒शेवः॑ ३  
 स॒द्यो अ॒ध्वरे॑ र॒थिरं॑ ज॒नन्त॑ मानु॒षासो॑ वि॒चेत॑सो॒ य ए॑षाम् ।  
 वि॒शाम॑धा॒यि वि॒श॒पति॑र्दु॒रोणे॑ऽग्नि॒र्म॒न्द्रो म॒धुव॑चा ऋ॒तावा॑ ४  
 असा॑दि वृ॒तो वह्नि॑राज॒गन्वा॒ न॒ग्निर्ब्र॑ह्मा नृ॒षद॑ने वि॒धर्ता॑ ।  
 द्यौश्च॒ यं पृ॒थि॒वी वा॑वृ॒धाते॒ आ यं हो॑ता य॒जति॑ वि॒श्ववा॑रम् ५  
 ए॒ते द्यु॒म्नेभि॑र्वि॒श्वमा॑र्ति॒रन्त॑ मन्त्रं॒ ये वा॒रं न॑र्या अ॒त॒क्षन् ।  
 प्र ये वि॒श॒स्तिर॑न्त॒ श्रो॑षमा॒णा आ ये मे॑ अ॒स्य दी॑ध॒य॒नृ॒तस्य॑ ६  
 नू त्वा॑म॒ग्न ई॒महे॑ वसि॒ष्ठा ई॒शानं॑ सू॒नो सह॑सो वसू॒नाम् ।  
 इ॒षं स्तो॒तृभ्यो॑ म॒घव॑द्भ्य आ॒नङ् यू॒यं पा॑त स्व॒स्तिभिः॑ सदा॑ नः ७

(८) अष्टमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

इ॒न्धे रा॒जा स॒म॒र्यो नमो॑भि॒र्यस्य॑ प्रती॒कमा॑हु॒तं घृ॑तेन ।  
 नरो॑ ह॒व्येभि॑रीळते स॒बाध॑ आ॒ग्निर॑ग्र उ॒षसा॑मशोचि १  
 अ॒यमु॒ष्य सु॑म॒हाँ अ॒वेदि॑ होता॒ म॒न्द्रो म॒नुषो॑ य॒हो अ॒ग्निः ।  
 वि॒भा अ॒कः स॒सृ॒जानः॑ पृ॒थि॒व्यां कृ॒ष्णप॑वि॒रोष॑धीभिर्वव॒क्षे २  
 कया॑ नो अ॒ग्ने वि॒वसः॑ सु॒वृत्तिं॑ का॒मु स्व॒धामृ॑णवः श॒स्यमा॑नः ।  
 क॒दा भ॑वे॒म॒ पत॑यः सु॒दत्र॑ रा॒यो व॒न्तारो॑ दु॒ष्टर॑स्य सा॒धोः ३  
 प्र॒प्रा॒यम॒ग्निर्भ॑र॒तस्य॑ शृ॒णवे॒ वि यत् सूर्यो॑ न रोच॑ते बृ॒हद् भाः॑ ।  
 अ॒भि यः पू॑रं पृ॒तना॑सु त॒स्थौ द्यु॒तानो॑ दै॒व्यो अ॒तिथिः॑ शु॒शोच॑ ४  
 अ॒सन्नि॑त् त्वे आ॒हव॑नानि भूरि॒ भुवो॑ वि॒श्वैभिः॑ सु॒मना॑ अ॒नीकैः॑ ।  
 स्तु॒तश्चि॑द॒ग्ने शृ॑णिव॒षे गृ॑णानः स्व॒यं व॑र्धस्व त॒न्व सु॑जात ५  
 इ॒दं वचः॑ शत॒साः सं॑स॒हस्र॑ मु॒द॒ग्रये॑ जनिषीष्ट द्वि॒बर्हाः॑ ।



शं यत् स्तोतृभ्य आपये भवाति द्युमदमीवचातनं रक्षोहा ६  
नू त्वामग्र ईमहे वसिष्ठा ईशानं सूनो सहसो वसूनाम् ।  
इषं स्तोतृभ्यो मधवद्भ्य आनङ् यूयं पात स्वस्तिभिः सदा नः ७

(६) नवमं सूक्तम्

(१-६) षड्वचस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

अबोधि जार उषसामुपस्थाद्धोता मन्द्रः कवितमः पावकः ।  
दधाति केतुमुभयस्य जन्तो हव्या देवेषु द्रविणं सुकृत्सु १  
स सुक्रतुर्यो वि दुरः पणीनां पुनानो अर्कं पुरुभोजसं नः ।  
होता मन्द्रो विशां दमूना स्तिरस्तमौ ददृशे राम्याणाम् २  
अमूरः कविरदितिर्विवस्वान् त्सुसंसन्मित्रो अतिथिः शिवो नः ।  
चित्रभानुरुषसां भात्यग्रे ऽपां गर्भः प्रस्वश् आ विवेश ३  
ईळेन्यो वो मनुषो युगेषु समनगा अशुचज्जातवेदाः ।  
सुसंदृशा भानुना यो विभाति प्रति गावः समिधानं बुधन्त ४  
अग्रे याहि दूत्यं मा रिषण्यो देवाँ अच्छा ब्रह्मकृता गुणेन ।  
सरस्वतीं मरुतो अश्विनापो यक्षि देवान् रत्नधेयाय विश्वान् ५  
त्वामग्रे समिधानो वसिष्ठो जरूथं हन् यक्षि राये पुरंधिम् ।  
पुरुणीथा जातवेदो जरस्व यूयं पात स्वस्तिभिः सदा नः ६

(१०) दशमं सूक्तम्

(१-५) पञ्चवचस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

उषो न जारः पृथु पाजौ अश्रेद् दविद्युतद् दीद्यच्छोश्चानः ।  
वृषा हरिः शुचिरा भाति भासा धियो हिन्वान उशतीरजीगः १  
स्वर्णं वस्तोरुषसामरोचि यज्ञं तन्वाना उशिजो न मन्म ।  
अग्निर्जन्मानि देव आ वि विद्वान् द्रवद् दूतो देवयावा वर्निष्ठः २  
अच्छा गिरौ मृतयो देवयन्ती रग्निं यन्ति द्रविणं भिक्षमाणाः ।  
सुसंदृशं सुप्रतीकं स्वञ्च हव्यवाहमरतिं मानुषाणाम् ३  
इन्द्रं नो अग्रे वसुभिः सजोषा रुद्रं रुद्रेभिरा वहा बृहन्तम् ।

आदित्येभिरदितिं विश्वजन्यां बृहस्पतिमृक्वभिर्विश्ववारम् ४  
मुन्द्रं होतारमुशिजो यविष्ठं मुग्निं विश ईळते अध्वरेषु ।  
स हि क्षपावाँ अभवद् रयीणा मर्तन्द्रो दूतो यजथाय देवान् ५

(११) एकादशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । त्रिष्टुप् छन्दः ।  
मुहाँ अस्यध्वरस्य प्रकेतो न ऋते त्वदमृता मादयन्ते ।  
आ विश्वेभिः सरथं याहि देवै न्यग्ने होता प्रथमः सदेह १  
त्वामीळते अजिरं दूत्याय हविष्मन्तः सदमिन्मानुषासः ।  
यस्य देवैरासदो बर्हिरग्ने ऽहान्यस्मै सुदिना भवन्ति २  
त्रिश्चिदुक्तोः प्र चिकितुर्वसूनि त्वे अन्तर्दाशुषे मर्त्याय ।  
मुनुष्वदग्न इह यक्षि देवान् भवा नो दूतो अभिशस्तिपावा ३  
अग्निरीशे बृहतो अध्वरस्या ऽग्निं विश्वस्य हविषः कृतस्य ।  
क्रतुं ह्यस्य वसवो जुषन्ता ऽथा देवा दधिरे हव्यवाहम् ४  
आग्ने वह हविरद्याय देवा निन्द्रज्येष्ठास इह मादयन्ताम् ।  
इमं यज्ञं दिवि देवेषु धेहि यूयं पात स्वस्तिभिः सदा नः ५

(१२) द्वादशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । त्रिष्टुप् छन्दः ।  
अगन्म मुहा नमसा यविष्ठं यो दीदायु समिद्धः स्वे दुरोणे ।  
चित्रभानुं रोदसी अन्तरुर्वी स्वाहुतं विश्वतः प्रत्यञ्चम् १  
स मुह्ना विश्वा दुरितानि साह्वा नग्निः ष्टवे दम् आ जातवेदाः ।  
स नो रक्षिषद् दुरितादवद्या दुस्मान् गृणत उत नो मघोनः २  
त्वं वरुण उत मित्रो अग्ने त्वां वर्धन्ति मतिभिर्वसिष्ठाः ।  
त्वे वसु सुषणनानि सन्तु यूयं पात स्वस्तिभिः सदा नः ३

(१३) त्रयोदशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । वैश्वानरोऽग्निर्देवता ।  
त्रिष्टुप् छन्दः ।  
प्राग्रयै विश्वशुचै धियुधै ऽसुरघ्ने मन्म धीतिं भरध्वम् ।

भरे हविर्न बर्हिषि प्रीणानो वैश्वानराय यतये मतीनाम् १  
त्वमग्ने शोचिषा शोशुचान् आ रोदसी अपृणा जायमानः ।  
त्वं देवाँ अभिशस्तेरमुञ्चो वैश्वानर जातवेदो महित्वा २  
जातो यदग्ने भुवना व्यख्यः पशून् न गोपा इर्यः परिज्मा ।  
वैश्वानर ब्रह्मणे विन्द गातुं यूयं पात स्वस्तिभिः सदा नः ३

(१४) चतुर्दशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । (१)

प्रथमर्चो बृहती, (२-३) द्वितीयातृतीययोश्च त्रिष्टुप् छन्दसी

समिधा जातवेदसे देवाय देवहूतिभिः ।  
हविर्भिः शक्रशौचिषे नमुस्विनौ वयं दाशेमाग्रये १  
वयं ते अग्रे समिधा विधेम वयं दाशेम सुष्टुती यजत्र ।  
वयं घृतेनाध्वरस्य होत वयं देव हविषा भद्रशोचे २  
आ नो देवेभिरुप देवहूति मग्रे याहि वर्षट्कृतिं जुषाणः ।  
तुभ्यं देवाय दाशतः स्याम यूयं पात स्वस्तिभिः सदा नः ३

(१५) पञ्चदशं सूक्तम्

(१-१५) पञ्चदशर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

गायत्री छन्दः

उपसद्याय मीळहृष आस्यै जुहुता हविः । यो नो नेदिष्टमाप्यम् १  
यः पञ्च चर्षणीरभि निषसाद् दमैदमे । कुविर्गृहपतिर्युवा २  
स नो वेदो अमात्य मग्नी रक्षतु विश्वतः । उतास्मान् पात्वंहसः ३  
नवं नु स्तोममग्रये दिवः श्येनार्य जीजनम् । वस्वः कुविद् वनाति नः ४  
स्पार्हा यस्य श्रियो दृशे रयिर्वीरवतो यथा । अग्रे यज्ञस्य शोचतः ५  
सेमां वैतु वर्षट्कृति मग्निर्जुषत नो गिरः । यजिष्ठो हव्यवाहनः ६  
नि त्वा नक्ष्य विश्पते द्युमन्त देव धीमहि । सुवीरमग्र आहुत ७  
क्षप उस्त्रश्च दीदिहि स्वग्रयस्त्वया वयम् । सुवीरस्त्वमस्मयुः ८  
उप त्वा सातये नरो विप्रांसो यन्ति धीतिभिः । उपाक्षरा सहस्त्रिणी ९  
अग्नी रक्षांसि सेधति शक्रशौचिरमर्त्यः । शुचिः पावक ईडयः १०  
स नो राधास्या भरे शौनः सहसो यहो । भर्गश्च दातु वार्यम् ११

त्वमग्ने वीरवद् यशो देवश्च सविता भर्गः । दितिश्च दाति वार्यम् १२  
 अग्ने रक्षा णो अंहसः प्रति ष्म देव रीषतः । तपिष्ठैरजरो दह १३  
 अधा मही न आयस्य नाधृष्टो नृपीतये । पूर्भवा शतभुजिः १४  
 त्वं नः पाह्यंहसो दोषावस्तरघायुतः । दिवा नक्तमदाभ्य १५

(१६) षोडशं सूक्तम्

(१-१२) द्वादशर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

प्रगाथः ( विषमर्चा बृहती समर्चा सतोबृहती ) छन्दः

एना वो अग्निं नमसो र्जो नपातमा हुवे ।  
 प्रियं चेतिष्ठमरतिं स्वध्वरं विश्वस्य दूतममृतम् १  
 स योजते अरुषा विश्वभौजसा स दुद्रवत् स्वाहुतः ।  
 सुब्रह्मा यज्ञः सुशमी वसूनां देवं राधो जनानाम् २  
 उदस्य शोचिरस्था दाजुह्वानस्य मीळहृषः ।  
 उद् धूमासौ अरुषासौ दिविस्पृशः समग्निमिन्धते नरः ३  
 तं त्वा दूतं कृणमहे यशस्तमं देवाँ आ वीतये वह ।  
 विश्वा सूनो सहसो मर्तभोजना रास्व तद् यत् त्वेमहे ४  
 त्वमग्ने गृहपति स्त्वं होता नो अध्वरे ।  
 त्वं पोता विश्ववार प्रचेता यन्नि वेषि च वार्यम् ५  
 कृधि रत्नं यजमानाय सुक्रतो त्वं हि रत्नधा असि ।  
 आ न ऋते शिशीहि विश्वमृत्विजं सुशंसो यश्च दक्षते ६  
 त्वे अग्ने स्वाहुत प्रियासः सन्तु सूरयः ।  
 यन्तारो ये मघवानो जनाना मूर्वान् दयन्त गोनाम् ७  
 येषामिळा घृतहस्ता दुरोण आ अपि प्राता निषीदति ।  
 ताँस्त्रायस्व सहस्य हुहो निदो यच्छा नः शर्म दीर्घश्रुत् ८  
 स मन्द्रया च जिह्वया वहिरासा विदुष्टरः ।  
 अग्ने रयिं मघवद्भ्यो न आ वह हव्यदातिं च सूदय ९  
 ये राधासि ददत्यश्वया मघा कामेन श्रवसो महः ।  
 ताँ अंहसः पिपृहि पृतृभिष्ट्वं शतं पूर्भिर्यविष्ठय १०  
 देवो वो द्रविणोदाः पूर्णा विवष्ट्यासिचम् ।  
 उद् वा सिञ्चध्वमुप वा पृणध्व मादिद् वो देव औहते ११

तं होतारमध्वरस्य प्रचेतसं वह्निं देवा अकृणवत ।  
दधाति रत्नं विधते सुवीर्यं मुग्धिर्जनाय दाशुषे १२

(१७) सप्तदशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । द्विपदा  
त्रिष्टुप् छन्दः

अग्ने भव सुषमिधा समिद्ध उत बर्हिर्बुध्न्या वि स्तृणीताम् १  
उत द्वार उशतीर्वि श्रयन्तामुत देवाँ उशत आ वहेह १ २  
अग्ने वीहि हविषा यक्षि देवान् त्वध्वरा कृणुहि जातवेदः ३  
स्वध्वरा करति जातवेदा यक्षद् देवाँ अमृतान् पिप्रयच्च २ ४  
वंस्व विश्वा वार्याणि प्रचेतः सत्या भवन्त्वाशिषौ नो अद्य ५  
त्वामु ते दधिरे हव्यवाहं देवासौ अग्न ऊर्ज आ नपातम् ३ ६  
ते ते देवाय दाशतः स्याम मुहो नो रत्ना वि दध इयानः ४ ७  
द्वितीयोऽनुवाकः । सू० १८-३३

(१८) अष्टादशं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । (१-२१)  
प्रथमाद्येकविंशत्यृचामिन्द्रः, (२२-२५) द्वाविंश्यादिचतसृणाञ्च पैजवनस्य सुदासो  
दानस्तुतिर्देवते । त्रिष्टुप् छन्दः

त्वे ह यत् पितरश्चिन्न इन्द्र विश्वा वामा जरितारो असन्वन् ।  
त्वे गारवः सुदुघास्त्वे ह्यश्वास्त्वं वसु देवयते वर्निष्ठः १  
राजैव हि जनिभिः क्षेप्येवाऽव द्युभिरभि विदुष्कविः सन् ।  
पिशा गिरौ मघवन् गोभिरश्वैस्त्वायतः शिशीहि राये अस्मान् २  
इमा उ त्वा पस्पृधानासो अत्र मुन्द्रा गिरौ देवयन्तीरुप स्थुः ।  
अर्वाची ते पथ्या राय एतु स्याम ते सुमतार्विन्द्र शर्मन् ३  
धेनुं न त्वा सूयवसे दुदुक्षन्नुप ब्रह्माणि ससृजे वसिष्ठः ।  
त्वामिमे गोपतिं विश्व आहा ऽऽ न इन्द्रः सुमतिं गुन्त्वच्छ ४  
अर्णांसि चित् पप्रथाना सुदास इन्द्रो गाधान्यकृणोत् सुपारा ।  
शर्धन्तं शिम्यमुचथस्य नव्यः शापं सिन्धूनामकृणोदशस्तीः ५

पु॒रोळा इत् तुर्वशो यक्षु॑रासीद् रा॒ये मत्स्या॑सो निशि॑ता अ॒पीव ।  
 श्रु॒ष्टिं च॑क्रुर्भृ॒गोवो द्रु॒ह्यव॑श्च सखा॒ सखा॑यमतर॒द् विषू॑चोः ६  
 आ पु॒क्थासो॑ भ॒लान॑सो भ॒नन्ता ऽलि॑नासो विषा॒णिनः॑ शि॒वासः॑ ।  
 आ योऽन॑यत् स॒धमा॑ आ॒र्यस्य॑ गु॒व्या तृ॒त्सु॑भ्यो अजगन् यु॒धा नृन् ७  
 दुरा॒ध्योऽर्द॑ति स्त्रेव॒यन्तो ऽचे॑तसो वि ज॒गृभ्रे॑ परु॒ष्णीम् ।  
 मु॒ह्नावि॒व्यक् पृ॒थि॒वीं प॒त्य॑मानः पु॒शुष्क॑वि॒रश॑य॒च्चाय॑मानः ८  
 ई॒युर॒र्थं न न्य॒र्थं परु॑ष्णी मा॒शुश्च॑नेद॒भिपि॑त्वं ज॒गाम ।  
 सु॒दास॑ इन्द्रः सु॒तुका॑ अ॒मित्रा॑ नर॒न्धय॑न्मानु॒षे व॒ध्निवा॑चः ९  
 ई॒युर्गा॒वो न यव॑सादगो॒पा यथा॑कृतम॒भि मि॒त्रं चि॑तासः ।  
 पृ॒श्नि॒गावः॑ पृ॒श्नि॒निप्रे॑षितासः श्रु॒ष्टिं च॑क्रुर्नियु॒तो रन्त॑यश्च १०  
 एकं च॒ यो वि॑शतिं च॒ श्रव॑स्या वै॒कर्ण॑यो॒र्जनान्॑ राजा न्यस्तः ।  
 द॒स्मो न स॒द्यन् नि शि॑शाति ब॒र्हिः शूरः॑ सर्गम॒कृणो॑दिन्द्र एषाम् ११  
 अ॒र्धं श्रु॑तं क॒वर्षं वृ॒द्धम॑प्स्व नु॒ द्रु॒ह्यं नि वृ॑ण॒गव॑ज्रबाहुः ।  
 वृ॒णा॒ना अ॒त्र स॒ख्याय॑ स॒ख्यं त्वा॑यन्तो ये अ॒मद॑न्ननु॒ त्वा १२  
 वि स॒द्यो वि॒श्वा दृ॑हि॒तान्यैषा॑ मिन्द्रः पु॒रः स॒हसा॑ स॒प्त द॑र्दः ।  
 व्या॒नव॑स्य तृ॒त्सवे॑ ग॒यं भा॒ग्जेष्म॑ पू॒रं वि॒दथे॑ मृ॒ध्रवा॑चम् १३  
 नि गु॒व्यवो॑ऽन॒वो द्रु॒ह्यव॑श्च ष॒ष्टिः श॒ता सु॑षु॒पुः षट् स॒हस्रा॑ ।  
 ष॒ष्टिर्वी॒रासो॑ अ॒धि षड् दु॑वो॒यु वि॒श्वेदिन्द्र॑स्य वी॒र्या॑ कृतानि १४  
 इन्द्रै॒णैते॑ तृ॒त्सवो॑ वेविषा॒णा आपो॑ न सृ॒ष्टा अ॒धवन्त॑ नी॒चीः ।  
 दु॒र्मि॒त्रासः॑ प्र॒कल॑वि॒न्मिमा॑ना ज॒हुर्वि॒श्वोनि॑ भो॒जना॑ सु॒दासै॑ १५  
 अ॒र्धं वी॒रस्य॑ श्रु॒तपा॑म॒निन्द्रं॑ प॒रा श॒र्धन्तं॑ नु॒नुदे॑ अ॒भि क्षा॑म् ।  
 इन्द्रो॑ म॒न्युं म॒न्युम्यो॑ मि॒माय॑ भे॒जे पु॒थो वर्त॑नि प॒त्य॑मानः १६  
 आ॒ध्रेण॑ चि॒त् तद्वे॑कं च॒कार॑ सि॒ंह्यं चि॒त् पे॒त्वैना॑ जघान ।  
 अ॒व स॒क्तीर्वे॑श्यावृ॒श्चदिन्द्रः॑ प्रा॒यच्छ॑द् वि॒श्वा भो॒जना॑ सु॒दासै॑ १७  
 श॒श्वन्तो॑ हि श॒त्रवो॑ रा॒रधु॑ष्टे भे॒दस्य॑ चि॒च्छर्ध॑तो वि॒न्द्र र॑न्धिम् ।  
 म॒ताँ ए॒नः स्तु॑व॒तो यः कृ॑णोति ति॒ग्मं तस्मिन्॑ नि ज॒हि व॑ज्रमिन्द्र १८  
 आ॒व॒दिन्द्र॑ य॒मुना॑ तृ॒त्सव॑श्च प्रा॒त्र भे॑दं स॒र्वता॑ता मुषायत् ।  
 अ॒जास॑श्च शि॒ग्रवो॑ यक्ष॒वश्च ब॒लिं शी॒र्षाणि॑ ज॒भ्रुर॑श्च॒द्यानि॑ १९  
 न त इन्द्र॑ सु॒मत॑यो न रा॒यः स॒ंचक्षे॑ पूर्वा॒ उष॑सो न नू॒ताः ।  
 दे॒वकं॑ चिन्मान्यमा॒नं ज॑घ॒न्था ऽव॑ त्मना॒ बृ॒हतः॑ श॒म्बरं॑ भेत् २०

प्र ये गृहादममदुस्त्वाया पराशरः शतयातुर्वसिष्ठः ।  
न ते भोजस्य सख्यं मृषन्ताऽधा सूरिभ्यः सुदिना व्युच्छान् २१  
द्वे नमर्देववतः शते गोर्द्धा रथा वधूमन्ता सुदासः ।  
अर्हन्नग्रे पैजवनस्य दानं होतैव सद्य पर्येमि रेभन् २२  
चत्वारो मा पैजवनस्य दानाः स्मद्दिष्टयः कृशनिनो निरेके ।  
ऋज्रासौ मा पृथिविष्ठाः सुदासस्तोकं तोकाय श्रवसे वहन्ति २३  
यस्य श्रवो रोदसी अन्तरुर्वी शीर्ष्णेशीर्ष्णे विबभाजा विभक्ता ।  
सप्तेदिन्द्रं न स्रवतौ गृणन्ति नि युध्यामधिर्मशिशादभीकै २४  
इमं नरो मरुतः सञ्चतानु दिवौदासं न पितरं सुदासः ।  
अविष्टना पैजवनस्य केतं दूणाशं क्षत्रमजरं दुवोयु २५

(१६) एकोनविंशं सूक्तम्

(१-११) एकादशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

यस्तिग्मशृङ्गो वृषभो न भीम एकः कृष्टीश्चयावयति प्र विश्वाः ।  
यः शश्वतो अदाशुषो गर्यस्य प्रयन्तासि सुष्वितराय वेदः १  
त्वं ह त्यदिन्द्र कुत्समावः शुश्रूषमाणस्तन्वा समुर्ये ।  
दासं यच्छुष्णं कुर्यवं न्यस्मा अरन्धय आर्जुनेयाय शिक्तन् २  
त्वं धृष्णो धृषता वीतहव्यं प्रावो विश्वाभिरूतिभिः सुदासम् ।  
प्र पौरुकुत्सिं त्रसदस्युमावः क्षेत्रसाता वृत्रहत्येषु पूरुम् ३  
त्वं नृभिर्नृमणो देववीतौ भूरीणि वृत्रा हर्यश्च हंसि ।  
त्वं नि दस्युं चुमुरिं धुनिं चाऽस्वापयो दभीतये सुहन्तु ४  
तव च्यौत्नानि वज्रहस्त तानि नव यत् पुरो नवतिं च सद्यः ।  
निवेशने शततमाविवेषी रहञ्च वृत्रं नमुचिमुताहन् ५  
सना ता त इन्द्र भोजनानि रातहव्याय दाशुषै सुदासै ।  
वृष्णो ते हरी वृषणा युनज्म व्यन्तु ब्रह्माणि पुरुशाक् वाजम् ६  
मा ते अस्यां सहसावन् परिष्ठा वधाय भूम हरिवः परादै ।  
त्रायस्व नोऽवृकेभिर्वरूथै स्तवं प्रियासः सूरिषु स्याम ७  
प्रियास इत् ते मघवन्नभिष्टौ नरो मदेम शरणे सखायः ।  
नि तुर्वशं नि याद्वं शिशी ह्यतिथिग्वाय शंस्यं करिष्यन् ८

सद्यश्चिन्तु ते मघवन्नभिष्टौ नरः शंसन्त्युक्थशास उक्था ।  
 ये ते हवैभिर्वि पुणिरिदाश न्नस्मान् वृणीष्व युज्याय तस्मै ६  
 एते स्तोमा नरां नृतम् तुभ्य मस्मद्रघञ्चो ददतो मघानि ।  
 तेषामिन्द्र वृत्रहत्यै शिवो भूः सखा च शूरोऽविता च नृणाम् १०  
 नू इन्द्र शूर स्तवमान ऊती ब्रह्मजुतस्तन्वा वावृधस्व ।  
 उप नो वाजान् मिमीह्युप स्तीन् यूयं पात स्वस्तिभिः सदा नः ११  
 तृतीयोऽध्यायः । व० १-३०

## (२०) विंशं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

उग्रो जज्ञे वीर्याय स्वधावा अक्रिरपो नर्यो यत् करिष्यन् ।  
 जग्मिर्युवा नृषदंनमवौभि स्त्राता नू इन्द्र एनसो महश्चित् १  
 हन्ता वृत्रमिन्द्रः शूशवानः प्रावीन्नु वीरो जरितारमुती ।  
 कर्ता सुदासे अह वा उ लोकं दाता वसु मुहुरा दाशुषै भूत् २  
 युध्मो अनर्वा खजकृत् समद्वा शूरः सत्राषाड् जनुषेमषाळहः ।  
 व्यास इन्द्रः पृतनाः स्वोजा अधा विश्वं शत्रूयन्तं जघान ३  
 उभे चिदिन्द्र रोदसी महित्वा ऽऽपप्राथ तविषीभिस्तुविष्मः ।  
 नि वज्रमिन्द्रो हरिवान् मिमिक्षन् त्समन्धसा मदेषु वा उवोच ४  
 वृषा जजान् वृषेणं रणाय तमु चिन्नारी नर्यं ससूव ।  
 प्र यः सैनानीरध नृभ्यो अस्ती नः सत्वा गुवेषेणः स धृष्णः ५  
 नू चित् स भ्रैषते जनो न रेषन् मनो यो अस्य घोरमाविवासात् ।  
 यज्ञैर्य इन्द्रे दधते दुवासि क्षयत् स राय ऋतपा ऋतेजाः ६  
 यदिन्द्र पूर्वो अपराय शिञ्ज न्नयज्जयायान् कनीयसो देष्णम् ।  
 अमृत इत् पर्यासीत दूर मा चित्र चित्र्यं भरा रयिं नः ७  
 यस्त इन्द्र प्रियो जनो ददाश दसन्निरेके अद्रिवः सखा ते ।  
 वयं ते अस्यां सुमतौ चनिष्ठाः स्याम वरूथे अघ्नतो नृपीतौ ८  
 एष स्तोमो अचिक्रदुद् वृषा त उत स्तामुर्मघवन्नक्रपिष्ट ।  
 रायस्कामौ जरितारं त आगन् त्वमङ्ग शक्र वस्व आ शको नः ९  
 स न इन्द्र त्वयताया इषे धा स्तमना च ये मघवानो जुनन्ति ।



वस्वी षु तै जरित्रे अस्तु शक्तिर्युयं पात स्वस्तिभिः सदा नः १०

(२१) एकविंशं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

असावि देवं गोऋजीकमन्धो न्यस्मिन्निन्द्रो जनुषैमुवोच ।  
 बोधामसि त्वा हर्यश्च यज्ञैर्बोधा नः स्तोममन्धसो मदेषु १  
 प्र यन्ति यज्ञं विपयन्ति बर्हिः सौममादौ विदथै दुध्रवाचः ।  
 न्यु भ्रियन्ते यशसौ गृभादा दूरउपब्दो वृषणो नृषाचः २  
 त्वमिन्द्र स्रवित्वा अपस्कः परिष्ठिता अहिना शूर पूर्वीः ।  
 त्वद् वावक्रे रथ्योऽं न धेना रेजन्ते विश्वा कृत्रिमाणि भीषा ३  
 भीमो विवेषायुधेभिरेषा मपांसि विश्वा नर्याणि विद्वान् ।  
 इन्द्रः पुरो जहृषाणो वि दूधोत् वि वज्रहस्तो महिना जघान ४  
 न यातव इन्द्र जूजुवुर्नो न वन्दना शविष्ठ वेद्याभिः ।  
 स शर्धदुर्यो विषुणस्य जन्तो मां शिशनदेवा अपि गुर्भृतं नः ५  
 अभि क्रत्वैन्द्र भूरध्र ज्मन् न तै विव्यङ् महिमानं रजांसि ॥ हि वृत्रं शर्वसा  
 जघन्थ न शत्रुरन्तं विविदद् युधा तै ६  
 देवाश्चित् ते असुर्याय पूर्वे ऽनु क्षत्राय ममिरे सहांसि ।  
 इन्द्रो मघानि दयते विषह्येन्द्रं वाजस्य जोहुवन्त सातौ ७  
 कीरिश्चिद्धि त्वामवसे जुहावे शानमिन्द्र सौभगस्य भूरैः ।  
 अवो बभूथ शतमूते अस्मे अभिक्षत्तुस्त्वारवतो वरूता ८  
 सखायस्त इन्द्र विश्वहं स्याम नमोवृधासौ महिना तरुत्र ।  
 वन्वन्तु स्मा तेऽवसा समीकेऽं ऽभीतिमुर्यो वनुषां शवांसि ९  
 स न इन्द्र त्वयताया इषे धा स्तमना च ये मघवानो जुनन्ति ।  
 वस्वी षु तै जरित्रे अस्तु शक्तिर्युयं पात स्वस्तिभिः सदा नः १०

(२२) द्वाविंशं सूक्तम्

(१-६) नवर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता । (१-८)

प्रथमाद्यष्टर्चा विराट्, (६) नवम्याश्च त्रिष्टुप् छन्दसी

पिबा सोममिन्द्र मन्दतु त्वा यं तै सुषाव हर्यश्वाद्रिः ।

सोतुर्बाहुभ्यां सुयतो नार्वा १  
 यस्ते मदो युज्यश्चारुरस्ति येन वृत्राणि हर्यश्च हंसि ।  
 स त्वामिन्द्र प्रभूवसो ममत्तु २  
 बोधा सु मै मघवन् वाचमेमां यां ते वसिष्ठो अर्चति प्रशस्तिम् ।  
 इमा ब्रह्म सधमादै जुषस्व ३  
 श्रुधी हवं विपिपानस्याद्रेर्बोधा विप्रस्यार्चतो मनीषाम् ।  
 कृष्वा दुवांस्यन्तमा सचेमा ४  
 न ते गिरो अपि मृष्ये तुरस्य न सुष्टुतिर्मसुर्यस्य विद्वान् ।  
 सदा ते नाम स्वयशो विवक्मि ५  
 भूरि हि ते सर्वना मानुषेषु भूरि मनीषी हवते त्वामित् ।  
 मारे अस्मन्मघवञ्जयोक् केः ६  
 तुभ्येदिमा सर्वना शूर विश्वा तुभ्यं ब्रह्माणि वर्धना कृणोमि ।  
 त्वं नृभिर्हव्यौ विश्वधासि ७  
 नू चिन्नु ते मन्यमानस्य दस्मो दश्नुवन्ति महिमानमुग्र ।  
 न वीर्यमिन्द्र ते न राधः ८  
 ये च पूर्व ऋषयो ये च नूत्ना इन्द्र ब्रह्माणि जनयन्त विप्राः ।  
 अस्मे तै सन्तु सख्या शिवानि यूयं पात स्वस्तिभिः सदा नः ९

(२३) त्रयोविंशं सूक्तम्

(१-६) षड्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

उदु ब्रह्माण्यैरत श्रवस्येन्द्रं समुर्ये महया वसिष्ठ ।  
 आ यो विश्वानि शर्वसा ततानौ पश्रोता म ईवतो वचांसि १  
 अयामि घोषे इन्द्र देवजामि रिरज्यन्त यच्छुरुधो विवाचि ।  
 नहि स्वमायुश्चिकिते जनैषु तानीदंहांस्यति पर्ष्यस्मान् २  
 युजे रथं गुवेषणं हरिभ्यामुप ब्रह्माणि जुजुषाणमस्थुः ।  
 वि बाधिष्ट स्य रोदसी महित्वेन्द्रो वृत्राण्यप्रती जघन्वान् ३  
 आपश्चित् पिप्युः स्तुर्योर्न न गावो नक्षत्रं जरितारस्त इन्द्र ।  
 याहि वायुर्न नियुतौ नो अच्छा त्वं हि धीभिर्दयसे वि वाजान् ४  
 ते त्वा मदा इन्द्र मादयन्तु शुष्मिणं तुविराधसं जरित्रे ।

एको देव॒त्रा द॒यसे॒ हि म॒र्ता न॒स्मिञ्छू॒र स॒र्वने॒ माद॑यस्व ५  
एवेदि॒न्द्रं वृ॒षणं॑ व॒ज्रबा॑हुं वसि॒ष्ठासो॑ अ॒भ्यर्च॑न्त्य॒कैः ।  
स नः॑ स्तु॒तो वी॒रव॑द् धा॒तु गो॒मद् यू॒यं पा॑त स्व॒स्तिभिः॑ सदा॑ नः ६

(२४) चतुर्विंशं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

योनि॑ष्ट इन्द्र॒ सद॑ने अ॒का॒रि॒ तमा॑ नृ॒भिः पु॒रुहू॑त॒ प्र या॑हि ।  
अ॒सो य॒था नोऽवि॑ता वृ॒धे च॒ ददो॑ वसू॒नि म॒मद॑श्च सोमैः १  
गृ॒भीतं॑ ते म॒न इन्द्र॑ द्वि॒र्बा॒ः सु॒तः सोमः॑ प॒रिषि॑क्ता म॒धूनि॑ ।  
वि॒सृष्ट॑धेना भ॒रते॑ सुवृ॒क्ति रिय॑मिन्द्रं जोह॑वती म॒नीषा॑ २  
आ नो॑ दि॒व आ पृ॑थि॒व्या ऋ॒जीषि॑ न्नि॒दं ब॒र्हिः सोम॑पेयाय याहि ।  
वह॑न्तु त्वा॒ हर॑यो म॒द्रय॑ञ्च मा॒ङ्गुष॑मच्छा॒ तव॑सं म॒दाय॑ ३  
आ नो॑ वि॒श्वाभि॑रू॒तिभिः॑ स॒जोषा॑ ब्र॒ह्म जुषा॑णो ह॒र्यश्च॑ याहि ।  
वरी॑वृ॒जत् स्थ॑वि॒रेभिः॑ सु॒शिप्रा॑ऽस्मे द॒धद् वृ॒षणं॑ शु॒ष्ममिन्द्र॑ ४  
एष॑ स्तोमो॒ मह॑ उ॒ग्राय॑ वाहै॒ धुरी॑श्वा॒त्यो न वा॑जय॒न्नधा॑यि ।  
इन्द्र॑ त्वा॒यम॑र्क ई॒ष्टे वसू॑नां दि॒र्वीव॑ द्याम॒धि नः॑ श्रोम॑तं धाः ५  
एवा॑ न इन्द्र॒ वार्य॑स्य पू॒र्धि प्र ते॑ म॒हीं सु॑म॒तिं वैवि॑दाम ।  
इष॑ इ॒पन्व म॒घव॑द्भ्यः सु॒वीरा॑ यू॒यं पा॑त स्व॒स्तिभिः॑ सदा॑ नः ६

(२५) पञ्चविंशं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

आ ते॑ म॒ह इन्द्रो॑त्यु॒ग्र स॑म॒न्यवो॑ यत् स॒मर॑न्त॒ सेनाः॑ ।  
प॒ताति॑ दि॒द्युन्न॑र्यस्य ब्रा॒ह्मो र्मा॑ ते म॒नो वि॑ष्व॒द्रय॑श्ग्वि चा॒रीत् १  
नि दु॒र्ग इन्द्र॑ श्नथि॒ह्यमि॒त्रा न॒भि ये नो॑ म॒र्तासो॑ अ॒मन्ति॑ ।  
आ॒रे तं शंस॑ कृ॒णुहि॑ नि॒नित्सो॑ रा नो॒ भर॑ संभ॒रणं॑ वसू॒नाम् २  
श॒तं ते शि॑प्रि॒नूत॑यः सु॒दासै॑ सह॒स्रं शंसा॑ उ॒त रा॒तिर॑स्तु ।  
ज॒हि व॒धर्व॑नुषो म॒र्त्यस्या॑ऽस्मे द्यु॒म्रम॑धि र॒त्नं च॑ धेहि ३  
त्वाव॑तो हीन्द्र॒ क्रत्वे॑ अ॒स्मि त्वाव॑तोऽवि॒तुः शूर॑ रा॒तौ ।

विश्वेदहानि तविषीव उग्रं ओकः कृणुष्व हरिवो न मर्धीः ४  
 कुत्सा एते हर्यश्वाय शूष मिन्द्रे सहो देवजूतमियानाः ।  
 सत्रा कृधि सुहना शूर वृत्रा वयं तरुत्राः सनुयाम् वाजम् ५  
 एवा न इन्द्र वार्यस्य पूर्धि प्र ते महीं सुमतिं वैविदाम ।  
 इषं इपन्व मघवद्भ्यः सुवीरा यूयं पात स्वस्तिभिः सदा नः ६

(२६) षड्विंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

न सोम इन्द्रमसुतो ममाद् नाब्रह्माणो मघवानं सुतासः ।  
 तस्मा उक्थं जनये यजुजौष नृवन्नवीयः शृणवद् यथा नः १  
 उक्थउक्थेसोम इन्द्र ममाद नीथेनीथे मघवानं सुतासः ।  
 यदी सबाधः पितरं न पुत्राः समानदक्षा अवसे हवन्ते २  
 चकार ता कृणवन्नूनमन्या यानि ब्रुवन्ति वेधसः सुतेषु ।  
 जनीरिव पतिरेकः समानो नि मामृजे पुर इन्द्रः सु सर्वाः ३  
 एवा तमाहुरुत शृणव इन्द्र एकौ विभक्ता तरणिर्मघानाम् ।  
 मिथस्तुर ऊतयो यस्य पूर्वी रस्मे भद्राणि सश्वत प्रियाणि ४  
 एवा वसिष्ठ इन्द्रमूतये नृन् कृष्टीनां वृषभं सुते गृणाति ।  
 सहस्त्रिण उप नो माहि वाजान् यूयं पात स्वस्तिभिः सदा नः ५

(२७) सप्तविंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

इन्द्रं नरो नेमर्धिता हवन्ते यत् पार्या युनजते धियस्ताः ।  
 शूरो नृषाता शर्वसश्चकान आ गोमति वृजे भजा त्वं नः १  
 य इन्द्र शुष्मो मघवन् ते अस्ति शिञ्जा सखिभ्यः पुरुहूत नृभ्यः ।  
 त्वं हि दृळ्हा मघवन् विचेता अपा वृधि परिवृतं न राधः २  
 इन्द्रो राजा जगतश्चर्षणीना मधि क्षमि विषुरूपं यदस्ति ।  
 ततो ददाति दाशुषे वसूनि चोदद् राध उपस्तुतश्चिदुर्वाक् ३  
 नू चिन्न इन्द्रो मघवा सहृती दानो वाजं नि यमते न ऊती ।

अ॒नू॒ना यस्य॑ दक्षि॑णा पी॒पाय॑ वा॒मं नृ॒भ्यो अ॒भिर्वी॑ता सखि॑भ्यः ४  
नू इन्द्र॑ रा॒ये वरि॑वस्कृ॒धी न॒ आ ते॒ मनो॑ ववृ॒त्याम॑ मु॒घाय॑ ।  
गोम॒दश्वा॑व॒द् रथ॑व॒द् व्यन्तो॑ यू॒यं पा॑त स्व॒स्तिभिः॑ सदा॑ नः ५

(२८) अष्टाविंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

ब्र॒ह्मा ण॑ इन्द्रो॑प॒ याहि॑ वि॒द्वा न॒र्वाञ्च॑स्ते ह॒रयः॑ सन्तु॒ युक्ताः॑ ।  
वि॒श्वे चि॒द्धि त्वा॑ वि॒हव॑न्त॒ मर्ता॑ अ॒स्माक॑मिच्छृ॒णुहि॑ वि॒श्वमि॑न्व १  
हव॑ त इन्द्र॑ म॒हिमा॒ व्या॑न॒ड् ब्र॒ह्म यत् पा॑सि शव॒सि नृ॑षी॒णाम् ।  
आ यद् वज्रं॑ दधि॒षे ह॑स्त॒ उग्र॑ घो॒रः सन् क्र॑त्वा॒ जनि॑ष्ठा अ॒षाळ॑हः २  
तव॑ प्र॒णीती॑न्द्र जो॒हुवाना॑न् त्सं यन्न॑न् न रो॒दसी॑ नि॒नेथ॑ ।  
मु॒हे क्ष॒त्राय॑ शर्व॑से हि ज॒ज्ञे ऽतू॑तुजिं चि॒त् तू॑तुजि॒रशि॑शनत् ३  
ए॒भिर्न॑ इन्द्रा॒हभि॑र्दशस्य दु॒र्मि॒त्रासो॑ हि क्षि॒तयः॑ पव॑न्ते ।  
प्र॒ति यच्च॑ष्टे अ॒नृत॑मने॒ना अ॒व द्वि॑ता वरु॒णो मा॒यी नः॑ सात् ४  
वो॒चेमे॑दिन्द्रं॒ मु॒घवा॑नमे॒नं मु॒हो रा॒यो रा॑ध॒सो यद् द॑दन्नः ।  
यो अ॒र्चतो॑ ब्र॒ह्मकृ॑तिमवि॒ष्टो यू॒यं पा॑त स्व॒स्तिभिः॑ सदा॑ नः ५

(२९) एकोनत्रिंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

अ॒यं सोम॑ इन्द्र॒ तुभ्य॑ सु॒न्व आ तु प्र॑ या॒हि ह॑रि॒वस्त॑दो॒काः ।  
पि॒बा त्व॑स्य सु॒षुत॑स्य॒ चारो॑र्ददौ॒ मु॒घानि॑ म॒घव॑न्नियानः १  
ब्र॒ह्मन् वी॒र ब्र॒ह्मकृ॑तिं जुषा॒णो ऽर्वा॑ची॒नो ह॑रि॒भिर्या॑हि तू॒र्यम् ।  
अ॒स्मिन्न॑ षु स॒र्वने॑ मादय॒स्वो पु॒ ब्र॒ह्मा॑णि शृणव॒ इमा॑ नः २  
का ते॑ अ॒स्त्यर॑कृ॒तिः सू॒क्तैः क॒दा नूनं॑ ते॒ म॒घव॑न् दा॒शेम॑ ।  
वि॒श्वा म॒तीरा॑ त॒तने॑ त्वा॒या ऽधा॑ म इन्द्र॑ शृणवो॒ हवे॑मा ३  
उ॒तो घा॑ ते पु॒रुष्या॑ इ॒दास॑न् येषां॒ पूर्वे॑षामशृ॒णोर्ऋ॑षी॒णाम् ।  
अ॒धाहं॑ त्वा॒ म॒घव॑ज्जोहवी॒मि त्वं न॑ इन्द्रा॒सि प्र॑म॒तिः पि॒तेव॑ ४  
वो॒चेमे॑दिन्द्रं॒ मु॒घवा॑नमे॒नं मु॒हो रा॒यो रा॑ध॒सो यद् द॑दन्नः ।

यो अर्चतो ब्रह्मकृतिमविष्टो यूयं पात स्वस्तिभिः सदा नः ५

(३०) त्रिंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

आ नो देव शर्वसा याहि शुष्मिन् भवा वृध इन्द्र रायो अस्य ।  
महे नृणाय नृपते सुवज्र महि क्षत्राय पौस्याय शूर १  
हवन्त उ त्वा हव्यं विवाचि तनूषु शूराः सूर्यस्य सातौ ।  
त्वं विश्वेषु सेन्यो जनैषु त्वं वृत्राणि रन्धया सुहन्तु २  
अहा यदिन्द्र सुदिना व्युच्छान् दधो यत् केतुमुपमं समत्सु ।  
न्यग्निः सीददसुरो न होता हुवानो अत्र सुभगाय देवान् ३  
वयं ते त इन्द्र ये च देव स्तवन्त शूर ददतो मघानि ।  
यच्छा सूरिभ्य उपमं वरूथं स्वाभुवो जरणामश्नवन्त ४  
वोचेमेदिन्द्र मघवानमेनं महो रायो राधसो यद् ददन्नः ।  
यो अर्चतो ब्रह्मकृतिमविष्टो यूयं पात स्वस्तिभिः सदा नः ५

(३१) एकत्रिंशं सूक्तम्

(१-१२) द्वादशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता । (१-

६) प्रथमादिनवर्चा गायत्री, (१०-१२) दशम्यादितृचस्य च विराट् छन्दसी  
प्र व इन्द्राय मार्दनुं हर्यश्वाय गायत । सखायः सोमपावने १  
शंसेदुक्थं सुदानव उत द्युक्षं यथा नरः । चक्रमा सत्यराधसे २  
त्वं न इन्द्र वाजयुस्त्वं गव्युः शतक्रतो । त्वं हिरण्ययुर्वसो ३  
वयमिन्द्र त्वायवो ऽभि प्र णौनुमो वृषन् । विद्धी त्वशस्य नो वसो ४  
मा नो निदे च वक्तवे ऽर्यो रन्धीररावणे । त्वे अपि क्रतुर्मम ५  
त्वं वर्मासि सप्रथः पुरोयोधश्च वृत्रहन् । त्वया प्रति ब्रुवे युजा ६  
महाँ उतासि यस्य ते ऽनु स्वधावरी सहः । मघाते इन्द्र रोदसी ७  
तं त्वा मरुत्वती परि भुवद् वाणी सयावरी । नक्षमाणा सह द्युभिः ८  
ऊर्ध्वासस्त्वान्विन्दवो भुवन् दुस्ममुप द्यवि । सं ते नमन्त कृष्टयः ९  
प्र वो महे महिवृधे भरध्वं प्रचेतसे प्र सुमतिं कृणुध्वम् । विशः पूर्वीः प्र  
चरा चर्षणिप्राः १०

उरुव्यचसे मुहिने सुवृक्ति मिन्द्राय ब्रह्म जनयन्त विप्राः । तस्य वृतानि न  
मिनन्ति धीराः ११

इदं वाणीरनुत्तमन्युमेव सत्रा राजानं दधिरे सहध्वै । हर्यश्वाय बर्हया  
समापीन् १२

(३२) द्वात्रिंशं सूक्तम्

(१-२७) सप्तविंशत्यृचस्यास्य सूक्तस्य मैत्रावरुणिर्वसिष्ठः, (२६) षड्विंश्या  
ऋचः पूर्वार्धस्य वासिष्ठः शक्तिर्वा ऋषिः । इन्द्रो देवता । (१-२, ४-२७)  
प्रथमाद्वितीययोर्ऋचोश्चतुर्थ्यादिचतुर्विंशतेश्च प्रगाथः ( विषमर्चा बृहती, समर्चा  
सतोबृहती ), (३) तृतीयायाश्च द्विपदा विराट् छन्दसी

मो षु त्वा वाघर्तश्चनाऽऽरे अस्मन्नि रीरमन् ।

आरात्ताञ्चित् सधमादं न आ गंही ह वा सन्नुपं श्रुधि १

इमे हि ते ब्रह्मकृतः सुते सचा मधौ न मक्ष आसते ।

इन्द्रे कामं जरितारौ वसूयवो रथे न पादमा दधुः २

रायस्कांमो वज्रहस्तं सुदक्षिणं पुत्रो न पितरं हुवे ३

इम इन्द्राय सुन्विरे सोमांसो दध्याशिरः ।

तां आ मदाय वज्रहस्त पीतये हरिभ्यां याह्योक् आ ४

श्रवच्छुत्कर्ण ईयते वसूनां नू चिन्नो मर्धिषद् गिरः ।

सद्यश्चिद् यः सहस्राणि शता ददन्नकिर्दित्सन्तमा मिनत् ५

स वीरो अप्रतिष्कुत इन्द्रेण शूशुवे नृभिः ।

यस्तै गभीरा सर्वनानि वृत्रहन् त्सुनोत्या च धावति ६

भवा वरूथं मघवन् मघोनां यत् समजासि शर्धतः ।

वि त्वाहतस्य वेदनं भजेम ह्या दूणाशौ भरा गर्यम् ७

सुनोता सोमपाव्ने सोममिन्द्राय वज्रिणै ।

पर्वता पृक्तीरवसे कृणुध्वमित् पूणन्नित् पूणते मयः ८

मा स्त्रैधत सोमिनो दक्षता महे कृणुध्वं राय आतुजै ।

तरणिरिजयति क्षेति पुष्यति न देवासः कवत्तवै ९

नकिः सुदासो रथं पर्यास न रीरमत् ।

इन्द्रो यस्याविता यस्य मरुतो गमत् स गोमति वृजे १०

गमद् वाजं वाजयन्निन्द्र मर्त्यो यस्य त्वमविता भुवः ।

अस्माकं बोध्यविता रथानां मस्माकं शूर नृणाम् ११  
 उदिन्वस्य रिच्यते ऽशो धनं न जिग्युषः ।  
 य इन्द्रो हरिवान् न दभन्ति तं रिपो दक्ष दधाति सोमिनि १२  
 मन्त्रमखर्व सुधितं सुपेशसं दधात यज्ञियेष्व ।  
 पूर्वीश्चन प्रसितयस्तरन्ति तं य इन्द्रे कर्मणा भुवत् १३  
 कस्तमिन्द्र त्वावसु मा मर्त्यो दधर्षति ।  
 श्रद्धा इत् तै मघवन् पार्यै दिवि वाजी वाजं सिषासति १४  
 मघोनः स्म वृत्रहत्येषु चोदय ये ददति प्रिया वसु ।  
 तव प्रणीती हर्यश्च सूरिभिर्विश्वा तरेम दुरिता १५  
 तवेदिन्द्रावमं वसु त्वं पुष्यसि मध्यमम् ।  
 सत्रा विश्वस्य परमस्य राजसि नकिष्ठा गोषु वृणवते १६  
 त्वं विश्वस्य धनुदा असि श्रुतो य ई भवन्त्याजयः ।  
 तवायं विश्वः पुरुहूत पार्थिवो ऽवस्युर्नाम भिक्षते १७  
 यदिन्द्र यावत्स्त्व मेतावद्दहमीशीय ।  
 स्तोतारमिद् दिधिषेय रदावसो न पापत्वाय रासीय १८  
 शिद्धैर्यमिन्महयते दिवेदिवे राय आ कुहचिद्विदै ।  
 नहि त्वदन्यन्मघवन् न आप्यं वस्यो अस्ति पिता चन १९  
 तरणिरित् सिषासति वाजं पुरंध्या युजा ।  
 आ व इन्द्र पुरुहूतं नमे गिरा नेमिं तष्टेव सुद्रवम् २०  
 न दुष्टती मर्त्यो विन्दते वसु न स्नेधन्तं रयिर्नशत् ।  
 सुशक्तिरिन्मघवन् तुभ्यं मावते देष्णं यत् पार्यै दिवि २१  
 अभि त्वा शूर नोनुमो ऽदुग्धा इव धेनवः ।  
 ईशानमस्य जगतः स्वर्दृश मीशानमिन्द्र तस्थुषः २२  
 न त्वावाँ अन्यो दिव्यो न पार्थिवो न जातो न जनिष्यते ।  
 अश्वायन्तौ मघवन्निन्द्र वाजिनौ गव्यन्तस्त्वा हवामहे २३  
 अभी षतस्तदा भरेन्द्र ज्यायुः कनीयसः ।  
 पुरुवसुर्हि मघवन् त्सनादसि भरेभरे च हव्यः २४  
 परा गुदस्व मघवन्नमित्रान् त्सुवेदा नो वसू कृधि ।  
 अस्माकं बोध्यविता महाधने भवा वृधः सखीनाम् २५  
 इन्द्र क्रतुं न आ भर पिता पुत्रेभ्यो यथा ।



शि॒क्षां णो अ॒स्मिन् पु॒रुहू॒त॒ याम॑नि जी॒वा ज्योति॑रशीमहि २६  
मा नो अ॒ज्ञा॒ता वृ॒जना॑ दुरा॒ध्योऽ॒ माशि॑वासो अ॒व क्र॑मुः ।  
त्वया॑ व॒यं प्र॒वतः॑ शश्च॒तीर॒पो ऽति॑ शूर तरामसि २७

(३३) त्रयस्त्रिंशं सूक्तम्

(१-१४) चतुर्दशर्चस्यास्य सूक्तस्य (१-६) प्रथमादिनवर्चा मैत्रावरुणिर्वसिष्ठः,

(१०-१४) दशम्यादिपञ्चानाञ्च वसिष्ठपुत्रा इन्द्रो वा ऋषयः । (१-६)

प्रथमादिनवर्चा वसिष्ठपुत्राः, (१०-१४) दशम्यादिपञ्चानाञ्च वसिष्ठो देवताः ।

त्रिष्टुप् छन्दः

श्वित्यञ्चो॑ मा दक्षि॒णत॑स्क॒पदा॑ धियंजि॒न्वासो॑ अ॒भि हि प्र॑म॒न्दुः ।  
उ॒त्तिष्ठ॑न् वो॒चे परि॑ ब॒र्हिषो॑ नृन् न मे॑ दूरादवि॒तवे॑ वसि॒ष्ठाः १  
दूरादिन्द्र॑मनय॒न्ना सु॒तेन॑ तिरो वै॒शन्त॑मा॒ते पान्त॑मुग्रम् ।  
पा॒श॑द्यु॒मस्य॑ वा॒य॒तस्य॑ सोमा॒त् सु॒तादिन्द्रो॑ऽवृ॒णीता॑ वसि॒ष्ठान् २  
ए॒वेन्न॑ कं सि॒न्धुमे॑भिस्त॒तारे॑ वे॒न्न कं॑ भेदमै॒भिर्जघा॑न ।  
ए॒वेन्न॑ कं दा॒शरा॑ज्ञे सु॒दासं॑ प्राव॒दिन्द्रो॑ ब्रह्म॒णा वो॑ वसि॒ष्ठाः ३  
जुष्टी॑ नरो ब्रह्म॒णा वः॑ पि॒तृणा॑ म॒क्षम॑व्ययं न किला॑ रिषाथ ।  
यच्छ॑क्व॒रीषु॑ बृ॒हता॑ रवे॒णे न्दे॒ शुष्म॑मद॒धाता॑ वसि॒ष्ठाः ४  
उद् द्यामि॑वेत् तृ॒ष्णजो॑ नाथि॒तासो॑ ऽदी॒धयु॑र्दा॒शरा॑ज्ञे वृ॒तासः॑ ।  
वसि॑ष्ठस्य स्तु॒वत॑ इन्द्रो॑ अ॒श्रो दु॒रुं तृ॒त्सु॑भ्यो अ॒कृणो॑दु लो॒कम् ५  
द॒ण्डा इ॒वेद् गो॒अ॒र्जना॑स आ॒सन् परि॑च्छि॒न्ना भ॑र॒ता अ॒र्भका॑सः ।  
अ॒र्भव॑ञ्च पु॒र॒एता॑ वसि॒ष्ठ आ॑दि॒त् तृ॒त्सूनां॑ वि॒शो अ॒प्रथ॑न्त ६  
त्रयः॑ कृ॒णव॑न्ति भु॒वनेषु॑ रे॒त॒स्ति॒स्रः प्र॒जा आ॒र्या ज्योति॑र॒ग्राः ।  
त्रयो॑ घृ॒र्मासं॑ उ॒षसं॑ सच॒न्ते सवा॑ इ॒त् तां अनु॑ वि॒दुर्वसि॑ष्ठाः ७  
सूर्य॑स्येव व॒क्षथो॑ ज्योति॒रिषां॑ समु॒द्रस्यै॑व म॒हिमा॑ ग॒भीरः॑ ।  
वा॒त॒स्येव॑ प्र॒ज॒वो नान्ये॑न् स्तो॒र्मो वसि॑ष्ठा अ॒न्वे॒तवे॑ वः ८  
त इ॒न्नि॒रयं॑ हृद॒यस्य॑ प्र॒के॒तैः स॒हस्र॑वल्शम॒भि सं च॑रन्ति ।  
य॒मेन॑ त॒तं प॑रि॒धिं व॑र॒न्तो ऽप्सर॑स॒ उप॑ से॒दुर्वसि॑ष्ठाः ९  
वि॒द्युतो॑ ज्योतिः॒ परि॑ सं॒जिहा॑नं इ॒म॒त्राव॑रु॒णा यद॑पश्यतां त्वा ।  
तत् ते॒ जन्मो॑तै॒कं वसि॑ष्ठा ग॒स्त्यो यत् त्वा॑ वि॒श आ॒ज॒भारं॑ १०  
उ॒तासि॑ मै॒त्राव॑रु॒णो वसि॑ष्ठो॒र्वश्या॑ ब्रह्मन् म॒न॒सोऽधि॑ जा॒तः ।

द्रुप्सं स्कन्नं ब्रह्मणा दैव्येन विश्वे देवाः पुष्करे त्वाददन्त ११  
 स प्रकेत उभयस्य प्रविद्वान् सहस्रदान उत वा सदानः ।  
 यमेन ततं परिधिं वयिष्यन्नप्सरसः परि जज्ञे वसिष्ठः १२  
 सत्रे ह जाताविषिता नमोभिः कुम्भे रेतः सिषिचतुः समानम् ।  
 ततो ह मान उदियाय मध्यात् ततो जातमृषिमाहुर्वसिष्ठम् १३  
 उक्थभृतं सामभृतं इंबभर्ति ग्रावाणं इंबभ्रत् प्र वदात्यग्रे ।  
 उपैनमाध्वं सुमनस्यमाना आ वो गच्छाति प्रतृदो वसिष्ठः १४  
 तृतीयोऽनुवाकः । सू० ३४-५५

(३४) चतुस्त्रिंशं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । (१-१५, १८-२५) प्रथमादिपञ्चदशर्चामष्टादश्याद्यष्टानाञ्च विश्वे देवाः, (१६) षोडश्या अहिः, (१७) सप्तदश्याश्चाहिर्बुध्यो देवताः । (१-२१) प्रथमाद्येकविंशत्यृचां द्विपदा विराट्, (२२-२५) द्वाविंश्यादिचतसृणाञ्च त्रिष्टुप् छन्दसी

प्र शुक्रेतु देवी मनीषा अस्मत् सुतेष्टो रथो न वाजी १  
 विदुः पृथिव्या दिवो जनित्रं शृण्वन्त्यापो अध क्षरन्तीः २  
 आपश्चिदस्मै पिबन्त पृथ्वी वृत्रेषु शूरा मंसन्त उग्राः ३  
 आ धूर्षस्मै दधाताश्वा निन्द्रो न वज्री हिरण्यबाहुः ४  
 अभि प्र स्थाताहैव यज्ञं यातैव पत्नन् तमनां हिनोत ५  
 तमनां समत्सु हिनोत यज्ञं दधात केतुं जनाय वीरम् ६  
 उदस्य शुष्माद् भानुर्नार्तु बिभर्ति भारं पृथिवी न भूम ७  
 हयामि देवाँ अयातुरग्ने साधन्नृतेन धियं दधामि ८  
 अभि वो देवीं धियं दधिध्वं प्र वो देवत्रा वाचं कृणुध्वम् ९  
 आ चष्ट आसां पाथो नदीनां वरुण उग्रः सहस्रचक्षाः १०  
 राजा राष्ट्रचफट्टानां पेशो नदीनां मनुत्तमस्मै क्षत्रं विश्वायु ११  
 अविष्टो अस्मान् विश्वासु विद्वद् द्युं कृणोत शंसं निनित्सोः १२  
 व्येतु दिद्युद् द्विषामशैवा युयोत विष्वग्रपस्तनूनाम् १३  
 अवीन्नो अग्निर्हव्यान्नमोभिः प्रेष्ठो अस्मा अधायि स्तोमः १४  
 सजूर्देवेभिरपां नपातं सखायं कृध्वं शिवो नो अस्तु १५  
 अब्जामुक्थैरहिं गृणीषे बुध्ने नदीनां रजःसु षीदन् १६

मा नोऽहिर्बुध्यो रिषे धा॒न्मा य॒ज्ञो अ॒स्य स्त्रि॒धृता॒योः १७  
उ॒त न॑ ए॒षु नृ॒षु श्रवो॑ धुः प्र रा॒ये य॑न्तु श॒र्धन्तो अ॒र्यः १८  
तप॑न्ति श॒त्रुं स्व॑र्णं भूमा॑ म॒हासे॒नासो॑ अ॒मैभिरेषाम् १९  
आ य॒न्नः प॒त्नीर्गम॑न्त्यच्छा॒ त्वष्टा॑ सु॒पाणि॑र्दधातु वी॒रान् २०  
प्रति॑ नः स्तोमं॑ त्वष्टा॑ जुषेत॒ स्याद॑स्मे अ॒रम॑तिर्वसू॒युः २१  
ता नो॑ रा॒सन् रा॒तिषा॒चो वसू॑न्त्या रोद॑सी वरु॒णानी॑ शृणोतु ।  
वरू॑त्रीभिः सुश॒रणो नो॑ अस्तु॒ त्वष्टा॑ सु॒दत्रो॑ वि द॑धातु रा॒यः २२  
तन्नो॑ रा॒यः पर्व॑तास्तन्न आप॒स्तद् रा॒तिषा॒च ओष॑धीरु॒त द्यौः ।  
व॒नस्प॑तिभिः पृथि॒वी स॒जोषा॑ उ॒भे रोद॑सी परि॑ पा॒सतो॑ नः २३  
अ॒नु तदु॑र्वी रोद॑सी जिहा॒ता म॑नु॒ द्युक्षो॑ वरु॒ण इन्द्र॑सखा ।  
अ॒नु वि॒श्वे म॒रुतो॑ ये स॒हासो॑ रा॒यः स्या॑म ध॒रुणं॑ धि॒यध्वै २४  
तन्न॑ इन्द्रो वरु॒णो मि॒त्रो अ॒ग्नि रा॒प ओष॑धीर्व॒निनो॑ जुषन्त ।  
श॒र्मन् त॒स्याम म॒रुता॑मु॒पस्थै॑ यू॒यं पा॑त स्व॒स्तिभिः॑ सदा॑ नः २५

(३५) पञ्चत्रिंशं सूक्तम्

(१-१५) पञ्चदशर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवता ।

त्रिष्टुप् छन्दः

शं न॑ इन्द्रा॒ग्नी भ॑वतामवो॒भिः शं न॑ इन्द्रावरु॒णा रा॒तह॑व्या ।  
शमिन्द्रा॒सोमा॑ सु॒विता॒यु शं योः शं न॑ इन्द्रा॒पूष॑णा वा॒जसा॑तौ १  
शं नो॑ भ॒गः श॒र्मु नः॑ शंसौ॑ अस्तु शं नः॑ पु॒रन्धिः॑ श॒र्मु स॑न्तु रा॒यः ।  
शं नः॑ स॒त्यस्य॑ सु॒यम॑स्य शंसः॑ शं नो॑ अ॒र्यमा॑ पु॒रुजा॑तो अस्तु २  
शं नो॑ धा॒ता श॒र्मु ध॒र्ता नो॑ अस्तु शं न॑ उरू॒ची भ॑वतु स्व॒धाभिः॑ ।  
शं रोद॑सी बृ॒हती॑ शं नो॑ अ॒द्रिः शं नो॑ दे॒वाना॑ सु॒हवा॑नि सन्तु ३  
शं नो॑ अ॒ग्निर्ज्योति॑रनी॒को अस्तु॑ शं नो॑ मि॒त्रावरु॑णाव॒श्विना॑ शम् ।  
शं नः॑ सु॒कृता॑ सु॒कृता॑नि सन्तु शं न॑ इ॒षिरो॑ अ॒भि वा॑तु वा॒तः ४  
शं नो॑ द्यावा॒पृथि॒वी पू॒र्वह॑तौ शम॒न्तरि॑क्षं दृ॒शये॑ नो अस्तु ।  
शं न॑ ओष॑धीर्व॒निनो॑ भवन्तु शं नो॑ रज॑स॒स्पति॑रस्तु जि॒ष्णुः ५  
शं न॑ इन्द्रो वसु॑भिर्दे॒वो अस्तु॑ शमा॑दित्येभिर्वरु॒णः सु॑शंसः ।  
शं नो॑ रु॒द्रो रु॒द्रेभि॑र्जला॒षः शं न॑स्त्वष्टा॒ ग्राभि॑रि॒ह शृ॑णोतु ६  
शं नः॑ सोमो॑ भवतु ब्र॒ह्म शं नः॑ शं नो॑ ग्रावा॒णः श॒र्मु स॑न्तु य॒ज्ञाः ।

शं नः स्वरूणां मितयो भवन्तु शं नः प्रस्वः शम्वस्तु वेदिः ७  
 शं नः सूर्य उरुचक्षा उदैतु शं नश्चतस्रः प्रदिशौ भवन्तु ।  
 शं नः पर्वता ध्रुवयो भवन्तु शं नः सिन्धवः शमु सन्त्वापः ८  
 शं नो अदितिर्भवतु वृतेभिः शं नो भवन्तु मरुतः स्वर्काः ।  
 शं नो विष्णुः शमु पूषा नो अस्तु शं नो भुवित्रं शम्वस्तु वायुः ९  
 शं नो देवः सविता त्रायमाणः शं नो भवन्तूषसौ विभातीः ।  
 शं नः पर्जन्यो भवतु प्रजाभ्यः शं नः क्षेत्रस्य पतिरस्तु शंभुः १०  
 शं नो देवा विश्वदेवा भवन्तु शं सरस्वती सह धीभिरस्तु ।  
 शमभिषाचः शमु रातिषाचः शं नो दिव्याः पार्थिवाः शं नो अप्याः ११  
 शं नः सत्यस्य पतयो भवन्तु शं नो अर्वन्तः शमु सन्तु गार्वः ।  
 शं नः ऋभर्वः सुकृतः सुहस्ताः शं नो भवन्तु पितरो हवेषु १२  
 शं नो अज एकपाद् देवो अस्तु शं नोऽहिर्बुध्यः शं समुद्रः ।  
 शं नो अपां नपात् पेरुरस्तु शं नः पृश्निर्भवतु देवगौपा १३  
 आदित्या रुद्रा वसवो जुषन्ते दं ब्रह्म क्रियमाणं नवीयः ।  
 शृण्वन्तु नो दिव्याः पार्थिवासो गोजाता उत ये यज्ञियासः १४  
 ये देवानां यज्ञिया यज्ञियानां मनोर्यजत्रा अमृता ऋतज्ञाः ।  
 ते नो रासन्तामुरुगायमद्य यूयं पात स्वस्तिभिः सदा नः १५ चतुर्थोऽध्यायः  
 । व० १-३०

(३६) षट्त्रिंशं सूक्तम्

(१-६) नवर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

प्र ब्रह्मैतु सदानादृतस्य वि रश्मिभिः ससृजे सूर्यो गाः ।  
 वि सानुना पृथिवी संस्र उर्वी पृथु प्रतीकमध्येधे अग्निः १  
 इमां वा इमत्रावरुणा सुवृक्ति मिषं न कृणवे असुरा नवीयः ।  
 इनो वामन्यः पदवीरदब्धो जनं च मित्रो यतति ब्रुवाणः २  
 आ वार्तस्य ध्वजतो रन्त इत्या अपीपयन्त धेनवो न सूदाः ।  
 मुहो दिवः सदाने जायमानो ऽचिक्रदद् वृषभः सस्मिन्नूधन् ३  
 गिरा य एता युनजद्धरी त इन्द्र प्रिया सुरथा शूर धायू ।  
 प्र यो मय्युं रिरिक्ततो मिना त्या सुक्रतुमर्यमणं ववृत्याम् ४

यजन्ते अस्य सख्यं वयश्च नमस्विनः स्व ऋतस्य धामन् ।  
 वि पृक्षौ बाबधे नृभिः स्तवान् इदं नमो रुद्राय प्रेष्ठम् ५  
 आ यत् साकं यशसौ वावशानाः सरस्वती सप्तथी सिन्धुमाता ।  
 याः सुष्वयन्त सुदुघाः सुधारा अभि स्वेन पर्यसा पीप्यानाः ६  
 उत त्वे नो मरुतौ मन्दसाना धिर्यं तोकं च वाजिनोऽवन्तु ।  
 मा नः परि ख्यदक्षरा चरन्त्यवीवृधन् युज्यं ते रयिं नः ७  
 प्र वो महीमरमतिं कृणुध्वं प्र पूषणं विदुथ्यं न वीरम् ।  
 भर्गं धियोऽवितारं नो अस्याः सातौ वाजं रातिषाचं पुरंधिम् ८  
 अच्छायं वो मरुतः श्लोकं एत्वच्छा विष्णुं निषिक्तुपामवोभिः ।  
 उत प्रजायै गृणते वयो धुर्युयं पात स्वस्तिभिः सदा नः ९

(३७) सप्तत्रिंशं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

आ वो वाहिष्ठो वहतु स्तवध्ये रथो वाजा ऋभुक्षणे अमृक्तः ।  
 अभि त्रिपृष्ठैः सर्वनेषु सोमैर्मदे सुशिप्रा महभिः पूषध्वम् १  
 यूयं ह रत्नं मघवत्सु धत्थ स्वर्दृशं ऋभुक्षणे अमृक्तम् ।  
 सं यज्ञेषु स्वधावन्तः पिबध्वं वि नो राधासि मतिभिर्दयध्वम् २  
 उवोचिथ हि मघवन् देष्णं महो अर्भस्य वसुनो विभागे ।  
 उभा तै पूष्णा वसुना गभस्ती न सूनृता नि यमते वसव्या ३  
 त्वमिन्द्र स्वयंशा ऋभुक्षा वाजो न साधुरस्तमेष्वृक्वा ।  
 वयं नु तै दाश्वांसः स्याम ब्रह्म कृणवन्तौ हरिवो वसिष्ठाः ४  
 सनितासि प्रवतो दाशुषे चिद् याभिर्विवेषो हर्यश्च धीभिः ।  
 ववन्मा नु ते युज्याभिरूती कदा न इन्द्र राय आ दशस्येः ५  
 वासयसीव वेधसस्त्वं नः कदा न इन्द्र वचसो बुबोधः ।  
 अस्तं तात्या धिया रयिं सुवीरं पृक्षो नो अर्वा न्युहीत वाजी ६  
 अभि यं देवी निर्ऋतिश्चिदीशे नक्षन्त इन्द्रं शरदः सुपृक्षः ।  
 उपं त्रिबन्धुर्जरदष्टिमे त्यस्ववेशं यं कृणवन्त मर्ताः ७  
 आ नो राधासि सवित स्तवध्या आ रायो यन्तु पर्वतस्य रातौ ।  
 सदा नो दिव्यः पायुः सिषक्तु यूयं पात स्वस्तिभिः सदा नः ८

(३८) अष्टात्रिंशं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । (१-६) प्रथमादिषडृचां  
सविता, (६) षष्ठ्या उत्तरार्धस्य भगो वा, (७-८) सप्तम्यष्टम्योश्च वाजिनो  
देवताः । त्रिष्टुप् छन्दः

उदु ष्य देवः सविता ययाम हिरण्ययीममतिं यामशिश्नेत् ।  
नूनं भगो हव्यो मानुषेभिर्वि यो रत्नां पुरुवसुर्दधाति १  
उदु तिष्ठ सवितः श्रुध्यस्य हिरण्यपाणे प्रभृतावृतस्य ।  
व्युर्वी पृथ्वीममतिं सृजान आ नृभ्यो मर्तभोजनं सुवानः २  
अपि षतः सविता देवो अस्तु यमा चिद् विश्वे वसवो गृणन्ति ।  
स नः स्तोमान् नमस्यश्चनो धाद् विश्वेभिः पातु पायुभिर्नि सूरिन् ३  
अभि यं देव्यदितिर्गृणाति सवं देवस्य सवितुर्जुषाणा ।  
अभि सम्राजो वरुणो गृणन्त्यभि मित्रासौ अर्यमा सजोषाः ४  
अभि ये मिथो वनुषः सपन्ते रातिं दिवो रातिषाचः पृथिव्याः ।  
अहिर्बुध्य उत नः शृणोतु वरुण्येकधेनुभिर्नि पातु ५  
अनु तन्नो जास्पतिर्मसीष्ट रत्नं देवस्य सवितुरियानः ।  
भर्गुगोऽवसे जोहवीति भगमनुगो अध याति रत्नम् ६  
शं नो भवन्तु वाजिनो हवेषु देवताता मितद्रवः स्वर्काः ।  
जम्भयन्तोऽहिं वृकं रक्षांसि सनैम्यस्मद् युयवन्नमीवाः ७  
वाजैवाजेऽवत वाजिनो नो धनेषु विप्रा अमृता ऋतज्ञाः ।  
अस्य मध्वः पिबत मादर्यध्वं तृप्ता यात पृथिभिर्देवयानैः ८

(३९) एकोनचत्वारिंशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

ऊर्ध्वो अग्निः सुमतिं वस्वो अश्नेत् प्रतीची जूर्णिर्देवतातिमेति ।  
भेजाते अद्री रथ्यैव पन्था मृतं होता न इषितो यजाति १  
प्र वावृजे सुप्रया बहिरैषा मा विश्पतीव बीरिट इयाते ।  
विशामुक्तोरुषसः पूर्वहूतौ वायुः पूषा स्वस्तये नियुत्वान् २  
ज्मया अत्र वसवो रन्त देवा उरावन्तरिक्षे मर्जयन्त शुभ्राः ।

अ॒र्वाक॑ प॒थ उ॑रु॒जयः॑ कृ॒णुध्वं॑ श्रो॒ता दू॑तस्य॒ जग्मु॑षो नो अ॒स्य ३  
ते हि य॒ज्ञेषु॑ य॒ज्ञिया॑स॒ ऊमाः॑ स॒धस्थं॑ वि॒श्वे अभि॑ सन्ति दे॒वाः ।  
तां अ॑ध्व॒र उ॑श॒तो य॑क्ष्य॒ग्ने श्रु॑ष्टी भ॒गं ना॑स॒त्या पु॑र॒धिम् ४  
आ॒ग्ने गि॑रौ दि॒व आ॑ पृ॒थिव्या॑ मि॒त्रं वह॑ वरु॒णमिन्द्र॑म॒ग्निम् ।  
आ॒र्यम॑ण॒मदि॑तिं वि॒ष्णुमेषां॑ सर॒स्वती म॒रुतौ॑ मा॒दय॑न्ताम् ५  
र॒रे ह॒व्यं म॒तिभिर्य॑ज्ञि॒यानां॑ नक्ष॒त् कामं॑ म॒र्त्याना॑मसि॒न्वन् ।  
धा॒ता र॒यिम॑वि॒दस्य॑ स॒दासां॑ स॒क्षीम॑हि यु॒ज्यैभि॑र्नु दे॒वैः ६  
नू रो॑द॒सी अ॒भिष्टे॑ वसि॒ष्ठे ऋ॑तावा॒नो वरु॑णो मि॒त्रो अ॒ग्निः ।  
यच्छ॑न्तु च॒न्द्रा उ॑प॒मं नो॑ अ॒र्कं यू॒यं पा॑त स्व॒स्तिभिः॑ सदा॑ नः ७

(४०) चत्वारिंशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

ओ श्रु॒ष्टिर्वि॒दथ्या॑ऽ॒ समै॑तु॒ प्रति॑ स्तोमं॒ दधी॑महि॒ तुरा॑णाम् ।  
यद॒द्य दे॒वः स॑वि॒ता सु॒वाति॑ स्यामा॒स्य र॒त्निनो॑ वि॒भागे १  
मि॒त्रस्त॒न्नो वरु॑णो रो॒दसी च॑ द्यु॒भक्त॑मिन्द्रो॒ अर्य॑मा द॒दातु॑ ।  
दि॒दैष्टु॑ दे॒व्यदि॑ती रे॒कणो॑ वा॒युश्च॑ यन्नियु॒वैते॑ भ॒गश्च॑ २  
सेदु॒ग्रो अ॑स्तु म॒रुतः॑ स श॒ष्मी यं म॒र्त्ये पृ॑षदश्चा॒ अवा॑थ ।  
उ॒तेम॒ग्निः सर॑स्वती जु॒नन्ति॑ न तस्य॒ रायः॑ प॒र्येता॑स्ति ३  
अ॒यं हि ने॒ता वरु॑ण ऋ॒तस्य॑ मि॒त्रो रा॒जा॒नो अ॒र्यमा॑पो धुः ।  
सु॒हवा॑ दे॒व्यदि॑तिर॒नुर्वा॑ ते नो अ॒ंहो अ॒ति प॑र्ष॒न्नरि॑ष्टान् ४  
अ॒स्य दे॒वस्य॑ मी॒ळहु॑षो व॒या वि॒ष्णो रेष॑स्य॒ प्रभृ॑थे ह॒विर्भिः॑ ।  
वि॒दे हि रु॒द्रो रु॒द्रियं॑ म॒हित्वं या॑सि॒ष्टं व॒र्तिर॑श्वि॒नावि॑रावत् ५  
मा॒त्रं पू॑षन्नाघृ॒ण इ॒रस्यो॑ वरु॒त्री यद् रा॑ति॒षाच॑श्च रा॒सन् ।  
म॒योभु॑वो नो अ॒र्वन्तो॑ नि पा॒न्तु वृ॑ष्टिं परि॒ज्मा वा॑तो द॒दातु॑ ६  
नू रो॑द॒सी अ॒भिष्टे॑ वसि॒ष्ठे ऋ॑तावा॒नो वरु॑णो मि॒त्रो अ॒ग्निः ।  
यच्छ॑न्तु च॒न्द्रा उ॑प॒मं नो॑ अ॒र्कं यू॒यं पा॑त स्व॒स्तिभिः॑ सदा॑ नः ७

(४१) एकचत्वारिंशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१)  
प्रथमर्चोऽग्नीन्द्रमित्रावरुणाश्विभगपूषब्रह्मणस्पतिसोमरुद्राः, (२-६) द्वितीयादिपञ्चानां  
भगः, (७) सप्तम्याश्चोषसो देवताः । (१) प्रथमर्चो जगती, (२-७)

द्वितीयादिषण्णाञ्च त्रिष्टुप् छन्दसी

प्रातरग्निं प्रातरिन्द्रं हवामहे प्रातर्मित्रावरुणा प्रातरश्विना ।  
प्रातर्भगं पूषणं ब्रह्मणस्पतिं प्रातः सोममुत रुद्रं हुवेम १  
प्रातर्जितं भगमुग्रं हुवेम वयं पुत्रमदितेयो विधर्ता ।  
आध्रश्चिद् यं मन्यमानस्तुरश्चिद् राजा चिद् यं भगं भुक्षीत्याह २  
भग प्रणेतर्भग सत्यराधो भगेमां धियमुदवा ददन्नः ।  
भग प्र णौ जनय गोभिरश्वैर्भग प्र नृभिर्नृवन्तः स्याम ३  
उतेदानीं भगवन्तः स्यामो त प्रपित्व उत मध्ये अह्नाम् ।  
उतोदिता मघवन् त्सूर्यस्य वयं देवानां सुमतौ स्याम ४  
भग एव भगवां अस्तु देवा स्तेन वयं भगवन्तः स्याम ।  
तं त्वो भग सर्व इज्जोहवीति स नो भग पुरेता भवेह ५  
समध्वरायोषसौ नमन्त दधिक्रावैव शुचये पदाय ।  
अर्वाचीनं वसुविदं भग नो रथमिवाश्वा वाजिन आ वहन्तु ६  
अश्वावतीर्गोमतीर्न उषासौ वीरवतीः सदमुच्छन्तु भद्राः ।  
घृतं दुहाना विश्वतः प्रपीता यूयं पात स्वस्तिभिः सदा नः ७

(४२) द्विचत्वारिंशं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

प्र ब्रह्माणो अङ्गिरसो नक्षन्त प्र क्रन्दुर्नभ्यस्य वेतु ।  
प्र धेनव उदप्रुतौ नवन्त युज्यातामद्री अध्वरस्य पेशः १  
सुगस्ते अग्ने सनवित्तो अध्वा युद्धवा सुते हरितौ रोहितश्च ।  
ये वा सद्यन्नरूषा वीरवाहो हुवे देवानां जनिमानि सत्तः २  
समु वो यज्ञं महयन् नमोभिः प्र होता मन्द्रो रिरिच उपाके ।  
यजस्व सु पुर्वणीक देवा ना यज्ञियामरमतिं ववृत्याः ३  
यदा वीरस्य रेवतौ दुरोणे स्योनशीरतिथिराचिकेतत् ।  
सुप्रीतो अग्निः सुधितो दम आ स विशे दाति वार्यमियत्यै ४



इमं नो अग्ने अध्वरं जुषस्व मरुत्स्विन्द्रै यशसं कृधी नः ।  
आ नक्ता बर्हिः सदतामुषासो शन्ता मित्रावरुणा यजेह ५  
एवाग्निं सहस्यं वसिष्ठो रायस्कांमो विश्वप्सून्यस्य स्तौत् ।  
इषं रयिं पप्रथद् वाजमस्मे यूयं पात स्वस्तिभिः सदा नः ६

(४३) त्रिचत्वारिंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

प्र वो यज्ञेषु देवयन्तौ अर्चन् द्यावा नमोभिः पृथिवी इषध्वै ।  
येषां ब्रह्माण्यसमानि विप्रा विष्वग्वियन्ति वनिनो न शाखाः १  
प्र यज्ञ एतु हेत्वो न सप्ति रुद्यच्छध्वं समनसो घृताचीः ।  
स्तृणीत बर्हिरध्वराय साधूध्वा शोचींषि देवयून्यस्थुः २  
आ पुत्रासो न मातरं विभृत्राः सानौ देवासौ बर्हिषः सदन्तु ।  
आ विश्वाची विदथ्यामनुक्त्वग्ने मा नो देवताता मृधस्कः ३  
ते सीषपन्त जोषमा यजत्रा ऋतस्य धाराः सुदुघा दुहानाः ।  
ज्येष्ठो वो अद्य मह आ वसूना मा गन्तन् समनसो यतिष्ठ ४  
एवा नो अग्ने विद्धा देशस्य त्वया वयं सहसावन्नास्क्राः ।  
राया युजा सधमादो अरिष्टा यूयं पात स्वस्तिभिः सदा नः ५

(४४) चतुश्चत्वारिंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्चो  
दधिक्राश्व्युषोऽग्निभगेन्द्रविष्णुपूषब्रह्मणस्पत्यादित्यद्यावापृथिव्यापः, (२-५)  
द्वितीयादिचतसृणाञ्च दधिक्रा देवताः । (१) प्रथमर्चो जगती, (२-५)

द्वितीयादिचतसृणाञ्च त्रिष्टुप् छन्दसी

दधिक्रां वः प्रथममश्विनोषसं मग्निं समिद्धं भगमूतये हुवे ।  
इन्द्रं विष्णुं पूषणं ब्रह्मणस्पतिं मादित्यान् द्यावापृथिवी अपः स्वः १  
दधिक्रामु नमसा बोधयन्त उदीराणा यज्ञमुपप्रयन्तः ।  
इळां देवीं बर्हिषि सादयन्तोऽश्विना विप्रा सुहवा हुवेम २  
दधिक्रावाणं बुबुधानो अग्निमुप ब्रुव उषसं सूर्यं गाम् ।  
ब्रध्नं मश्वतोर्वरुणस्य बभ्रुं ते विश्वास्मद् दुरिता यावयन्तु ३

दुधिक्रावा प्रथमो वाज्यर्वा ऽग्रे रथानां भवति प्रजानन् ।  
 संविदान उषसा सूर्येणा ऽऽदित्येभिर्वसुभिरङ्गिरोभिः ४  
 आ नो दधिकाः पथ्यामनक्त्वृ तस्य पन्थामन्वैतुवा उ ।  
 शृणोतु नो दैव्यं शर्धो अग्निः शृणवन्तु विश्वे महिषा अमूराः ५

(४५) पञ्चचत्वारिंशं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । सविता देवता ।

त्रिष्टुप् छन्दः

आ देवो यातु सविता सुरत्नोऽन्तरिक्षप्रा वहमानो अश्वैः ।  
 हस्ते दधानो नया पुरुणि निवेशयञ्च प्रसुवञ्च भूमं १  
 उदस्य बाहू शिथिरा बृहन्ता हिरण्यया दिवो अन्ता अनष्टाम् ।  
 नूनं सो अस्य महिमा पेनिष्ट सूरश्चिदस्मा अनु दादपस्याम् २  
 स घा नो देवः सविता सहावा ऽऽ साविषद् वसुपतिर्वसूनि ।  
 विश्रयमाणो अमतिमुरुचीं मर्तभोजनमध रासते नः ३  
 इमा गिरः सवितारं सुजिह्वं पूर्णगभस्तिमीळते सुपाणिम् ।  
 चित्रं वयो बृहदस्मे दधातु यूयं पात स्वस्तिभिः सदा नः ४

(४६) षट्चत्वारिंशं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । रुद्रो देवता । (१-३)

प्रथमादितृचस्य जगती, (४) चतुर्थ्या ऋचश्च त्रिष्टुप् छन्दसी

इमा रुद्राय स्थिरधन्वने गिरः क्षिप्रेषवे देवाय स्वधावने ।  
 अषाळहाय सहमानाय वेधसे त्रिगमायुधाय भरता शृणोतु नः १  
 स हि क्षयेण क्षम्यस्य जन्मनः साम्राज्येन दिव्यस्य चेतति ।  
 अवन्नवन्तीरुप नो दुर्श्चराऽनमीवो रुद्र जासु नो भव २  
 या ते दिद्युदर्वसृष्टा दिवस्परि क्षमया चरति परि सा वृणक्तु नः ।  
 सहस्रं ते स्वपिवात भेषजा मा नस्तोकेषु तनयेषु रीरिषः ३  
 मा नो वधी रुद्र मा परा दा मा ते भूम प्रसितौ हीळितस्य ।  
 आ नो भज बर्हिषि जीवशंसे यूयं पात स्वस्तिभिः सदा नः ४

(४७) सप्तचत्वारिंशं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । आपो देवताः ।

त्रिष्टुप् छन्दः

आपो यं वः प्रथमं देवयन्तं इन्द्रपानमूर्मिमकृणवतेळः ।  
तं वो वयं शुचिमरिप्रमद्य घृतपुषं मधुमन्तं वनेम १  
तमूर्मिमापो मधुमन्तं वो ऽपां नपादवत्वाशहेमा ।  
यस्मिन्निन्द्रो वसुभिर्मादयाते तमश्याम देवयन्तौ वो अद्य २  
शतपवित्राः स्वधया मदन्ती देवीर्देवानामपि यन्ति पार्थः ।  
ता इन्द्रस्य न मिनन्ति व्रतानि सिन्धुभ्यो हव्यं घृतवज्रुहोत ३  
याः सूर्यो रश्मिभिराततान् याभ्य इन्द्रो अरदद् गातुमूर्मिम् ।  
ते सिन्धवो वरिवो धातना नो यूयं पात स्वस्तिभिः सदा नः ४

(४८) अष्टचत्वारिंशं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । (१-३)

प्रथमादितृचस्य ऋभवः, (४) चतुर्थ्या ऋचश्च ऋभवो विश्वे देवा वा देवताः ।

त्रिष्टुप् छन्दः

ऋभुक्षणे वाजा मादयध्वमस्मे नरो मघवानः सुतस्य ।  
आ वोऽर्वाचः क्रतवो न यातां विभ्वो रथं नयं वर्तयन्तु १  
ऋभुर्ऋभुभिरभि वः स्याम विभवौ विभुभिः शर्वसा शर्वासि ।  
वाजो अस्माँ अवतु वाजसाता विन्द्रेण युजा तरुषेम वृत्रम् २  
ते चिद्धि पूर्वीरभि सन्ति शासा विश्वाँ अर्य उ॑परताति वन्वन् ।  
इन्द्रो विभ्वाँ ऋभुक्षा वाजो अर्यः शत्रौर्मिथत्या कृणवन् वि नृणाम् ३  
नू देवासो वरिवः कर्तना नो भूत नो विश्वेऽवसे सजोषाः ।  
समस्मे इषं वसवो ददीरन् यूयं पात स्वस्तिभिः सदा नः ४

(४९) एकोनपञ्चाशं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । आपो देवताः ।

त्रिष्टुप् छन्दः

समुद्रज्यैष्ठाः सलिलस्य मध्यात् पुनाना यन्त्यनिविशमानाः ।  
इन्द्रो या वज्री वृषभो रराद् ता आपौ देवीरिह मामवन्तु १  
या आपौ दिव्या उत वा स्रवन्ति खनित्रिमा उत वा याः स्वयंजाः ।

समुद्रार्था याः शुचयः पावकास्ता आपौ देवीरिह मामवन्तु २  
 यासां राजा वरुणो याति मध्ये सत्यानृते अवपश्यञ्जनानाम् ।  
 मधुश्चुतः शुचयो याः पावकास्ता आपौ देवीरिह मामवन्तु ३  
 यासु राजा वरुणो यासु सोमो विश्वे देवा यासूर्जं मदन्ति ।  
 वैश्वानरो यास्वग्निः प्रविष्टः स्ता आपौ देवीरिह मामवन्तु ४

(५०) पञ्चाशं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्चो  
 मित्रावरुणौ, (२) द्वितीयाया अग्निः, (३) तृतीयाया विश्वे देवाः, (४)  
 चतुर्थ्याश्च नद्यो देवताः । (१-३) प्रथमादितृचस्य जगती, (४) चतुर्थ्या  
 ऋचश्चातिजगती शक्वरी वा छन्दसी

आ मां इमंत्रावरुणेह रक्षतं कुलाययद् विश्वयन्मा न आ गन् ।  
 अजकावं दुर्दृशीकं तिरो दधे मा मां पद्यैन रपसा विदत् त्सरुः १  
 यद् विजामन् परुषि वन्दनं भुव दष्टीवन्तौ परि कुल्फौ च देहत् ।  
 अग्निष्टच्छोचन्नप बाधतामितो मा मां पद्यैन रपसा विदत् त्सरुः २  
 यच्छल्मलौ भवति यन्नदीषु यदोषधीभ्यः परि जायते विषम् ।  
 विश्वे देवा निरितस्तत् सुवन्तु मा मां पद्यैन रपसा विदत् त्सरुः ३  
 याः प्रवतौ निवत उद्धत उदन्वतीरनुदकाश्च याः ।  
 ता अस्मभ्यं पर्यसा पिन्वमानाः शिवा देवीरंशिपदा भवन्तु सर्वा नद्यो  
 अशिमिदा भवन्तु ४

(५१) एकपञ्चाशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । आदित्या देवताः ।

त्रिष्टुप् छन्दः

आदित्यानामवसा नूतनेन सक्षीमहि शर्मणा शन्तमेन ।  
 अनागास्त्वे अदितित्वे तुरास इमं यज्ञं दधतु श्रोषमाणाः १  
 आदित्यासो अदितिर्मादयन्तां इमत्रो अर्यमा वरुणो रजिष्ठाः ।  
 अस्माकं सन्तु भुवनस्य गोपाः पिबन्तु सोममवसे नो अद्य २  
 आदित्या विश्वे मरुतश्च विश्वे देवाश्च विश्वे ऋभवश्च विश्वे ।  
 इन्द्रो अग्निरश्विना तुष्टुवाना यूयं पात स्वस्तिभिः सदा नः ३

(५२) द्विपञ्चाशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । आदित्यो देवताः ।

त्रिष्टुप् छन्दः

आदित्यासो अदितयः स्याम पूदैवत्रा वसवो मर्त्यत्रा ।  
सनैम मित्रावरुणा सनन्तो भवेम द्यावापृथिवी भवन्तः १  
मित्रस्तन्नो वरुणो मामहन्त शर्म तोकाय तनयाय गोपाः ।  
मा वो भुजेमान्यजातमेनो मा तत् कर्म वसवो यच्चयध्वे २  
तुरगयवोऽङ्गिरसो नक्षन्त रत्न देवस्य सवितुरियानाः ।  
पिता च तन्नो महान् यजत्रो विश्वे देवाः समनसो जुषन्त ३

(५३) त्रिपञ्चाशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । द्यावापृथिव्यौ देवते ।

त्रिष्टुप् छन्दः

प्र द्यावा यज्ञैः पृथिवी नमोभिः स्वाध ईळे बृहती यजत्रे ।  
ते चिद्धि पूर्वे कवयो गृणन्तः पुरो मही दधिरे देवपुत्रे १  
प्र पूर्वजे पितरा नव्यसीभिर्गीर्भिः कृणुध्वं सदेने ऋतस्य ।  
आ नो द्यावापृथिवी दैव्येन जनैन यातुं महि वां वरूथम् २  
उतो हि वां रत्नधेयानि सन्ति पुरुणि द्यावापृथिवी सुदासै ।  
अस्मे धत्तं यदसदस्कृधोयु यूयं पात स्वस्तिभिः सदा नः ३

(५४) चतुष्पञ्चाशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । वास्तोष्पतिर्देवता ।

त्रिष्टुप् छन्दः

वास्तौष्पते प्रति जानीह्यस्मान् त्वावेशो अनमीवो भवा नः ।  
यत् त्वेमहे प्रति तन्नो जुषस्व शं नो भव द्विपदे शं चतुष्पदे १  
वास्तौष्पते प्रतरणो न एधि गयस्फानो गोभिरश्वैभिरिन्दो ।  
अजरासस्ते सुख्ये स्याम पितेर्व पुत्रान् प्रति नो जुषस्व २  
वास्तौष्पते शग्मया संसदा ते सक्षीमहि रणवया गातुमत्या ।  
पाहि क्षेम उत योगे वरं नो यूयं पात स्वस्तिभिः सदा नः ३

## (५५) पञ्चपञ्चाशं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्चो  
वास्तोष्पतिः, (२-८) द्वितीयादिसप्तानाञ्चेन्द्रो देवते । (१) प्रथमर्चो गायत्री,  
(२-४) द्वितीयादितृचस्योपरिष्ठाद्बृहती,  
(५-८) पञ्चम्यादिचतसृणाञ्चानुष्टुप् छन्दांसि

अमीवहा वास्तोष्पते विश्वा रूपाण्याविशन् । सखा सुशेव एधि नः १  
यदर्जुन सारमेय दतः पिशङ्ग यच्छसे ।

वीव भ्राजन्त ऋष्टय उप स्रक्वेषु बप्सतो नि षु स्वप २  
स्तेनं राय सारमेय तस्करं वा पुनःसर ।

स्तोतृनिन्द्रस्य रायसि किमुस्मान् दुच्छुनायसे नि षु स्वप ३  
त्वं सूकरस्य दर्दहि तव दर्दतु सूकरः ।

स्तोतृनिन्द्रस्य रायसि किमुस्मान् दुच्छुनायसे नि षु स्वप ४  
सस्तु माता सस्तु पिता सस्तु श्वा सस्तु विश्वपतिः ।

ससन्तु सर्वे ज्ञातयः सस्त्वयमभितो जनः ५

य आस्ते यश्च चरति यश्च पश्यति नो जनः ।

तेषां सं हन्मो अक्षाणि यथेदं हर्म्य तथा ६

सहस्रशृङ्गो वृषभो यः समुद्रादुदाचरत् ।

तेना सहस्यैना वयं नि जनान् त्वापयामसि ७

प्रोष्ठेशया वह्येशया नारीर्यास्तल्पशीवरीः ।

स्त्रियो याः पुण्यगन्धास्ताः सर्वाः स्वापयामसि ८

चतुर्थोऽनुवाकः । सू० ५६-७०

## (५६) षट्पञ्चाशं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । मरुतो देवताः ।

(१-११) प्रथमाद्येकादशर्चा द्विपदा विराट्, (१२-२५) द्वादश्यादिचतुर्दशानाञ्च  
त्रिष्टुप् छन्दसी

क ई व्यक्ता नरः सनीळा रुद्रस्य मर्या अधा स्वश्वाः १

नक्लिह्येषां जनूषि वेद ते अङ्ग विद्रे मिथो जनित्रम् १ २

अभि स्वपूभिर्मिथो वपन्त वातस्वनसः श्येना अस्पृधन् ३

ए॒तानि॒ धी॒रो नि॒श्या चि॑केत॒ पृ॒श्नि॒र्य॒दू॒धौ म॒ही ज॒भार॑ २ ४  
 सा वि॒ट् सु॒वीरा॑ म॒रु॒द्भि॒रस्तु॑ स॒नात् स॒ह॒न्ती पु॒ष्य॒न्ती नृ॒म॒णम् ५  
 या॒मं ये॒ष्टाः श॒भा शो॒भि॒ष्ठाः श्रि॒या संमि॑श्ल॒ ओजो॑भि॒रु॒ग्राः ३ ६  
 उ॒ग्रं व॒ ओजः॑ स्वि॒रा श॒वांस्य॑धा॒ म॒रु॒द्भि॒र्गु॒णस्तु॑वि॒ष्मान् ७  
 श॒भ्रो वः॑ शु॒ष्मः क्रु॒ध्मी म॒नासि॑ धु॒नि॒र्मु॒नि॒रिव॑ श॒र्धस्य॑ धृ॒ष्णोः ४ ८  
 स॒नैम्य॑स्मद् यु॒योत॑ दि॒द्युं मा वो॑ दु॒र्म॒ति॒रि॒ह प्र॒ण॒इनः॑ ९  
 प्रि॒या वो॒ नाम॑ हु॒वे तु॒रा॒णा मा यत् तृ॒प॒न्म॑रुतो वाव॒शा॒नाः ५ १०  
 स्वा॒यु॒धास॑ इ॒ष्मि॒णः सु॒नि॒ष्का उ॒त स्व॒यं त॒न्व॑ः शु॒म्भ॑मा॒नाः ६ ११  
 शु॒ची॒ वो ह॒व्या म॑रुतः शु॒ची॒नां शु॒चि॑ हि॒नो॒म्य॒ध्व॒रं शु॒चि॑भ्यः ।  
 ऋ॒तेन॑ स॒त्य॒मृत॑साप॒ आय॑ ङ्छु॒चि॒ज॒न्मानः॑ शु॒चयः॑ पा॒व॒काः १२  
 अ॒ंसे॒ष्वा म॑रुतः खा॒दयो॑ वो व॒क्षः॑सु रु॒क्मा उ॑प॒शि॒श्रि॒या॒णाः ।  
 वि॒ वि॒द्युतो॑ न वृ॒ष्टि॒भी रु॒चा॒ना अ॒नु स्व॒धा॒मायु॑धैर्यच्छ॒मानाः॑ १३  
 प्र बु॒ध्या व ई॒रते॑ म॒हासि॑ प्र नामा॒नि प्र॑य॒ज्य॒व॒स्ति॒रध्व॑म् ।  
 स॒ह॒स्त्रि॒यं द॒म्यं भा॒गमे॑तं गृ॒हमे॑धी॒र्य म॑रुतो जुष॒ध्वम् १४  
 यदि॑ स्तु॒तस्य॑ म॒रुतो॑ अधी॒थे॒त्था वि॒प्र॒स्य वा॒जिनो॑ ह॒वीम॑न् ।  
 म॒क्षू रा॒यः सु॒वीर्य॑स्य दा॒तु नू चि॒द् य॒म॒न्य आ॒द॒भ॒दरा॑वा १५  
 अ॒त्या॒सो न ये॑ म॒रुतः॑ स्व॒ञ्चो य॒क्षदृ॑शो न श॒भय॑न्त॒ मयाः॑ ।  
 ते ह॒र्म्ये॒ष्टाः शि॒शवो॑ न श॒भ्रा व॒त्सा॒सो न प्र॑क्री॒ळिनः॑ प॒यो॒धाः १६  
 द॒श॒स्य॒न्तो नो॑ म॒रुतो॑ मृ॒ळन्तु॑ वरि॒व॒स्य॒न्तो रो॑द॒सी सु॒मे॒के ।  
 आ॒रे गो॒हा नृ॒हा वृ॒धो वो॑ अस्तु सु॒मेभि॑र॒स्मे व॑स॒वो न॑मध्वम् १७  
 आ वो॒ हो॒ता जो॒हवी॑ति स॒त्तः स॒त्राची॑ रा॒तिं म॑रुतो गृ॒णानः॑ ।  
 य ई॒वतो॑ वृष॒णो अ॒स्ति गो॒पाः सो अ॒द्व॒यावी॑ ह॒वते॑ व उ॒क्थैः॑ १८  
 इ॒मे तु॒रं म॒रुतो॑ रा॒मय॑न्ती॒ मे स॒हः स॒हस्र॑ आ न॑मन्ति ।  
 इ॒मे शंस॑ व॒नुष्य॑तो नि पा॒न्ति गुरु॑ द्वे॒षो अ॒र॒रु॒षे द॒धन्ति॑ १९  
 इ॒मे र॒ध्रं चि॑न्म॒रुतो॑ जु॒नन्ति॑ भृ॒मि चि॒द् यथा॑ व॒स॒वो जु॑षन्त॒ ।  
 अ॒प॒ बा॒ध॒ध्वं वृ॑ष॒णस्त॑मा॒सि ध॒त्त वि॒श्वं त॑नयं तो॒कम॑स्मे २०  
 मा वो॑ दा॒त्रा॒न्म॑रुतो नि॒र॒राम॑ मा प॒श्चाद् द॑ध्म रथ्यो वि॒भा॒गे ।  
 आ नः॑ स्पा॒र्हे भ॑ज॒तना॑ व॒स॒व्ये॒इ॒ यदी॑ सु॒जा॒तं वृ॑ष॒णो वो॑ अ॒स्ति २१  
 सं य॒द्ध॒न॒न्त म॑न्यु॒भिर्ज॑ना॒सः शू॒रा य॒ही॒ष्वा॒षधी॑षु वि॒क्षु ।  
 अ॒र्ध॒ स्मा नो॑ म॒रुतो॑ रु॒द्रि॒यास॑ स्त्रा॒तारो॑ भू॒त पृ॑त॒नास्व॒र्यः २२

भूरि चक्र मरुतः पित्र्याण्युक्थानि या वः शस्यन्तै पुरा चित् ।  
 मरुद्भिरुग्रः पृतनासु साळ्हा मरुद्भिरित् सनिता वाजमर्वा २३  
 अस्मे वीरो मरुतः शष्म्यस्तु जनानां यो असुरो विधर्ता ।  
 अपो येन सुक्षितये तरेमाऽध स्वमोकौ अभि वः स्याम २४  
 तन्न इन्द्रो वरुणो मित्रो अग्नि राप ओषधीर्वनिनौ जुषन्त ।  
 शर्मन् तस्याम मरुतामुपस्थै यूयं पात स्वस्तिभिः सदा नः २५

(५७) सप्तपञ्चाशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । मरुतो देवताः ।

त्रिष्टुप् छन्दः

मध्वो वो नाम मरुतं यजत्राः प्र यज्ञेषु शर्वसा मदन्ति ।  
 ये रेजयन्ति रोदसी चिदुर्वी पिन्वन्त्युत्सं यदयासुरुग्राः १  
 निचेतारो हि मरुतौ गृणन्त प्रणेतारो यजमानस्य मन्म ।  
 अस्माकमद्य विदथेषु बर्हि रा वीतयै सदत पिप्रियाणाः २  
 नैतावदन्ये मरुतो यथेमे भ्राजन्ते रुक्मैरायुधैस्तनूभिः ।  
 आ रोदसी विश्वपिर्शः पिशानाः समानमञ्जयञ्जते शभे कम् ३  
 अधक् सा वो मरुतो दिद्युदस्तु यद् व आगः पुरुषता कराम ।  
 मा वस्तस्यामपि भूमा यजत्रा अस्मे वो अस्तु सुमतिश्चनिष्ठा ४  
 कृते चिदत्र मरुतौ रणन्ताऽनवद्यासः शुचयः पावकाः ।  
 प्र णोऽवत सुमतिभिर्यजत्राः प्र वाजैभिस्तिरत पुष्यसै नः ५  
 उत स्तुतासौ मरुतौ व्यन्तु विश्वेभिर्नामभिर्नरो हवींषि ।  
 ददात नो अमृतस्य प्रजायै जिगृत रायः सूनृता मृधानि ६  
 आ स्तुतासौ मरुतो विश्व ऊती अच्छा सूरिन्तस्वताता जिगात ।  
 ये नस्तमना शतिनो वर्धयन्ति यूयं पात स्वस्तिभिः सदा नः ७

(५८) अष्टपञ्चाशं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । मरुतो देवताः ।

त्रिष्टुप् छन्दः

प्र साकमुक्षै अर्चता गृणाय यो दैव्यस्य धाम्नास्तुविष्मान् ।  
 उत क्षौदन्ति रोदसी महित्वा नक्षन्ते नाकं निर्ऋतेरवशात् १



ज॒नूश्चि॑द् वो मरु॒तस्त्वे॒ष्वै॒ण भी॑मा॒सस्तु॑विम॒न्यवो॑ऽया॒सः ।  
 प्र ये म॒हौभि॑रोज॒सोत॑ सन्ति॒ विश्वौ॑ वो या॒मन् भ॑यते स्वरु॑द्रक् २  
 बृ॒हद् व॒यौ म॒घव॑द्भ्यो दधा॒तु जु॒जौष॑न्नि॒मरु॑तः सु॒ष्टुतिं॑ नः ।  
 गु॒तो ना॒ध्वा वि॒ तिरा॑ति ज॒न्तुं प्र णः॑ स्पा॒र्हाभि॑रू॒तिभि॑स्तिरेत ३  
 यु॒ष्मोतो॑ विप्रौ मरु॒तः श॒तस्वी॑ यु॒ष्मोतो॑ अ॒र्वा सह॑रिः सह॒स्त्री ।  
 यु॒ष्मोतः॑ स॒म्राळ॑त ह॑न्ति वृ॒त्रं प्र तद् वो॑ अस्तु धू॒तयो॑ दे॒ष्णम् ४  
 ताँ आ रु॒द्रस्य॑ मी॒ळ्हुषो॑ वि॒वासे॑ कु॒विन्न॑सन्ते म॒रुतः॑ पु॒नर्नः॑ ।  
 यत् स॒स्वता॑ जिही॒ळिरे॑ यदा॒वि र॒व तदे॑न ई॒महे॑ तु॒राणाम्॑ ५  
 प्र सा वा॑चि सु॒ष्टुति॑र्मु॒घोना॑ मि॒दं सू॒क्तं म॒रुतो॑ जुषन्त ।  
 आ॒राञ्चि॑द् द्वेषो॑ वृष॒णो यु॒योत॑ यू॒यं पो॑त स्व॒स्तिभिः॑ सदा॑ नः ६

(५६) एकोनषष्टितमं सूक्तम्

(१-१२) द्वादशर्चस्यास्य सूक्तस्य मैत्रावरुणिर्वसिष्ठ ऋषिः । (१-११)

प्रथमाद्येकादशर्चा मरुतः (१२) द्वादश्याश्च रुद्रो देवताः । (१-६)

प्रथमादितृचद्वयस्य प्रगाथः ( विषमर्चा बृहती, समर्चा सतोबृहती ), (७-८)

सप्तम्यष्टम्योर्ऋचोस्त्रिष्टुप्, (६-११) नवम्यादितृचस्य गायत्री, (१२)

द्वादश्याश्चानुष्टुप् छन्दांसि

यं त्राय॑ध्व इ॒दमि॑दं दे॒वांसो॑ यं च॒ नय॑थ ।  
 तस्मा॑ अ॒ग्ने व॑रु॒ण मि॒त्राय॑मन् म॒रुतः॑ शर्म॑ यच्छत १  
 यु॒ष्माकं॑ दे॒वा अ॒वसा॑ह॒नि प्रि॒य ई॒जान॑स्तरति॒ द्विषः॑ ।  
 प्र स क्ष॑यं ति॒रते॑ वि म॒हीरि॑षो यो वो व॒राय॑ दा॒शति॑ २  
 न॒हि व॑श्च॒रमं॑ च॒न व॑सिष्ठः प॒रिमं॑सते ।  
 अ॒स्माक॑म॒द्य म॑रुतः सु॒ते स॒चा वि॒श्वे पि॑बत क॒ामिनः॑ ३  
 न॒हि व॑ ऊ॒तिः पृ॑त॒नासु॑ म॒र्धति॑ यस्मा॒ अरा॑ध्वं नरः ।  
 अ॒भि व॒ आ॒वर्त्त॑ सु॒म॒तिर्न॑वी॒यसी॑ तू॒यं या॑त पिपीषवः ४  
 ओ षु घृ॑ष्विराधसो या॒तना॑न्धा॒सि पी॑तये ।  
 इ॒मा वो॑ ह॒व्या म॑रुतो॒ ररे॒ हि कं॑ मो ष्व॒न्यत्र॑ गन्त॒न ५  
 आ च॑ नो ब॒र्हिः स॒दता॑वि॒ता च॑ नः स्पा॒र्हाणि॑ दा॒तवे॑ वसु ।  
 अ॒स्त्रेध॑न्तो मरुतः सो॒म्ये म॒धौ स्वा॑हे॒ह मा॑दयाध्वै ६  
 स॒स्वश्चि॑द्धि त॒न्वः शु॒म्भमा॑ना आ ह॒ंसा॑सो नी॒लेपृ॑ष्ठा अ॒प॒प्तन् ।

विश्वं शर्धो अभितो मा नि षेद नरो न रणवाः सर्वने मदन्तः ७  
 यो नो मरुतो अभि दुर्हणायु स्तिरश्चित्तानि वसवो जिघांसति ।  
 द्रुहः पाशान् प्रति स मुचीष्ट तपिष्ठेन हर्मना हन्तना तम् ८  
 सातपना इदं हवि मरुतस्तज्जुष्टन । युष्माकोती रिशादसः ९  
 गृहमेधास आ गत मरुतो माप भूतन । युष्माकोती सुदानवः १०  
 इहेह वः स्वतवसः कवयः सूर्यत्वचः । यज्ञं मरुत आ वृणे ११  
 त्र्यम्बकं यजामहे सुगन्धिं पुष्टिवर्धनम् ।  
 उर्वारुकमिव बन्धना मृत्योर्मुक्षीय मामृतात् १२  
 पञ्चमोऽध्यायः । व० १-२७

(६०) षष्ठितमं सूक्तम्

(१-१२) द्वादशर्चस्यास्य सूक्तस्य मित्रावरुणर्वसिष्ठ ऋषिः । (१) प्रथमर्चः सूर्यः,  
 (२-१२) द्वितीयाद्येकादशानाञ्च मित्रावरुणौ देवताः । त्रिष्टुप् छन्दः  
 यदद्य सूर्यं ब्रवोऽनागा उद्यन् मित्राय वरुणाय सत्यम् ।  
 वयं देवत्रादिते स्याम तव प्रियासौ अर्यमन् गृणन्तः १  
 एष स्य मित्रावरुणा नृचक्षा उभे उदैति सूर्यो अभि ज्मन् ।  
 विश्वस्य स्थातुर्जगतश्च गोपा ऋजु मर्तेषु वृजिना च पश्यन् २  
 अयुक्त सप्त हरितः सधस्थाद् या ई वहन्ति सूर्यं घृताचीः ।  
 धामानि मित्रावरुणा युवाकुः सं यो यूथेव जनिमानि चष्टे ३  
 उद् वा पृक्षासो मधुमन्तो अस्थुरा सूर्यो अरुहच्छुक्रमणः ।  
 यस्मा आदित्या अध्वनो रदन्ति मित्रो अर्यमा वरुणः सजोषाः ४  
 इमे चेतारो अनृतस्य भूरे मित्रो अर्यमा वरुणो हि सन्ति ।  
 इम ऋतस्य वावृधुर्दुरोणे शग्मासः पुत्रा अदितेरदब्धाः ५  
 इमे मित्रो वरुणो दूळभासो ऽचेतसं चिञ्चितयन्ति दक्षैः ।  
 अपि क्रतुं सुचेतसं वर्तन्त स्तिरश्चिदंहः सुपथा नयन्ति ६  
 इमे दिवो अनिमिषा पृथिव्या श्विकित्वांसौ अचेतसं नयन्ति ।  
 प्रवाजे चिन्नद्यौ गाधर्मस्ति पारं नो अस्य विष्पितस्य पर्षन् ७  
 यद् गोपावददितिः शर्म भद्रं इमत्रो यच्छन्ति वरुणः सुदासैः ।  
 तस्मिन्ना तोकं तनयं दधाना मा कर्म देवहेळनं तुरासः ८  
 अव वेदिं होत्राभिर्यजेत रिपुः काश्चिद् वरुणध्रुतः सः ।

परि द्वेषौभिर्युमा वृणक्तू रं सुदासे वृषणा उ लोकम् ६  
सस्वश्चिद्धि समृतिस्त्वेष्यैषामपीच्येन सहसा सहन्ते ।  
युष्मद् भिया वृषणो रेजमाना दक्षस्य चिन्महिना मृळता नः १०  
यो ब्रह्मणे सुमृतिमायजाते वाजस्य सातौ परमस्य रायः ।  
सीक्षन्त मन्युं मघवानो अर्य उरु क्षयाय चक्रिरे सुधातु ११  
इयं देव पुरोहितिर्युवभ्या यज्ञेषु मित्रावरुणावकारि ।  
विश्वानि दुर्गा पिपृतं तिरो नौ यूयं पात स्वस्तिभिः सदा नः १२

(६१) एकषष्टितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । मित्रावरुणौ देवते ।

त्रिष्टुप् छन्दः

उद् वां चक्षुर्वरुण सुप्रतीकं देवयोरिति सूर्यस्ततुन्वान् ।  
अभि यो विश्वा भुवनानि चष्टे स मन्युं मर्त्येष्ववा चिकेत १  
प्र वां स मित्रावरुणावृतावा विप्रो मन्मानि दीर्घश्रुदियति ।  
यस्य ब्रह्माणि सुक्रतू अवाथ आ यत् क्रत्वा न शरदः पृणैथे २  
प्रोरोर्मित्रावरुणा पृथिव्याः प्र दिव ऋष्वाद् बृहतः सुदानू ।  
स्पशौ दधाथे ओषधीषु विद्वद्वृधग्यतो अर्निमिषं रक्षमाणा ३  
शंसा मित्रस्य वरुणस्य धाम शुष्मो रोदसी बद्धधे महित्वा ।  
अयन् मासा अयज्वनामवीराः प्र यज्ञमन्मा वृजनं तिराते ४  
अमूरा विश्वा वृषणाविमा वां न यासु चित्रं ददृशे न युक्षम् ।  
द्रुहः सचन्ते अनृता जनानां न वां निगयान्यचितै अभूवन् ५  
समु वां यज्ञं महयं नमौभिर्हुवे वां इमत्रावरुणा सबाधः ।  
प्र वां मन्मान्यचसे नवानि कृतानि ब्रह्म जुजुषन्निमानि ६  
इयं देव पुरोहितिर्युवभ्या यज्ञेषु मित्रावरुणावकारि ।  
विश्वानि दुर्गा पिपृतं तिरो नौ यूयं पात स्वस्तिभिः सदा नः ७

(६२) द्विषष्टितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । (१-३) प्रथमतृचस्य

सूर्यः, (४-६) द्वितीयतृचस्य च मित्रावरुणौ देवताः । त्रिष्टुप् छन्दः

उत् सूर्यो बृहदूर्चीष्यश्रेत् पुरु विश्वा जनिम् मानुषाणाम् ।

समो दिवा ददृशे रोचमानः क्रत्वा कृतः सुकृतः कर्तृभिर्भूत् १  
 स सूर्यं प्रति पुरो न उद् गा एभिः स्तोमैभिरेतशेभिरेवैः ।  
 प्र नो मित्राय वरुणाय वोचो ऽनागसो अर्यम्णे अग्रये च २  
 वि नः सहस्रं शरुधौ रदन्त्वृतावानो वरुणो मित्रो अग्निः ।  
 यच्छन्तु चन्द्रा उ॒पमं नो अ॒र्कमा नः कामं पू॒पुरन्तु स्त॒वानाः ३  
 द्यावा॑भूमी अदिते त्रासीथां नो ये वां ज॒ज्ञुः सु॒जनि॑मान ऋष्वे ।  
 मा हे॒ळै भूम॑ वरुणस्य वा॒यो मा मि॒त्रस्य॑ प्रिय॒तम॑स्य नृ॒णाम् ४  
 प्र ब्रा॒ह्वा सि॒सृतं जी॒वसे॑ न आ नो ग॒व्यूति॑मु॒क्षतं घृ॒तेन॑ ।  
 आ नो जने॑ श्रवयतं युवाना श्रुतं मे मित्रावरुणा हवे॒मा ५  
 नू मि॒त्रो वरु॑णो अ॒र्यमा न॒ स्तम॑ने॒ तोका॑य॒ वरि॑वो दधन्तु ।  
 सु॒गा नो वि॒श्वा सु॒पथा॑नि सन्तु यू॒यं पा॑त स्व॒स्तिभिः॑ सदा॑ नः ६

(६३) त्रिषष्टितमं सूक्तम्

(१-६) षडृचस्यास्य सूक्तस्य मैत्रावरुणर्वसिष्ठ ऋषिः । (१-४, ५)

प्रथमादिचतुर्त्रिंशं पञ्चम्याः पूर्वार्धस्य च सूर्यः, (५-६) पञ्चम्या उत्तरार्धस्य षष्ठ्याश्च  
 मित्रावरुणौ देवताः । त्रिष्टुप् छन्दः

उद्वैति सुभगौ विश्वचक्ष्णाः साधारणः सूर्यो मानुषाणाम् ।  
 चक्षुर्मित्रस्य वरुणस्य देवश्चमैव यः समविव्यक्तमांसि १  
 उद्वैति प्रसवीता जनानां महान् केतुरणवः सूर्यस्य ।  
 समानं चक्रं पर्याविवृत्सन् यदेतशो वहति धूर्षु युक्तः २  
 विभ्राजमान उषसामुपस्थाद् रभैरुदैत्यनुमद्यमानः ।  
 एष मे देवः सविता चच्छन्द यः समानं न प्रमिनाति धाम ३  
 दिवो रुक्म उरुचक्ष्णा उदैति दूरेऽर्थस्तरणिभ्राजमानः ।  
 नूनं जनाः सूर्येण प्रसूता अयन्नर्थानि कृण्वन्नपांसि ४  
 यत्रा चक्रुरमृता गातुमस्मै श्येनो न दीयन्नन्वेति पार्थः ।  
 प्रति वां सूर उदिते विधेम नमोभिर्मित्रावरुणोत हव्यैः ५  
 नू मि॒त्रो वरु॑णो अ॒र्यमा न॒ स्तम॑ने॒ तोका॑य॒ वरि॑वो दधन्तु ।  
 सु॒गा नो वि॒श्वा सु॒पथा॑नि सन्तु यू॒यं पा॑त स्व॒स्तिभिः॑ सदा॑ नः ६

(६४) चतुषष्टितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । मित्रावरुणौ देवते ।

त्रिष्टुप् छन्दः

दिवि क्षयन्ता रजसः पृथिव्यां प्र वा घृतस्य निर्णिजौ ददीरन् ।  
हव्यं नो मित्रो अर्यमा सुजातो राजा सुक्षत्रो वरुणो जुषन्त १  
आ राजाना मह ऋतस्य गोपा सिन्धुपती क्षत्रिया यातमूर्वाक् ।  
इळां नो मित्रावरुणोत वृष्टि मव दिव इन्वतं जीरदानू २  
मित्रस्तन्नो वरुणो देवो अर्यः प्र साधिष्ठेभिः पृथिभिर्नयन्तु ।  
ब्रवद् यथा न आदरिः सुदास इषा मदेम सह देवगौपाः ३  
यो वां गर्तं मनसा तक्षदेत मूर्ध्वा धीतिं कृणवद् धारयच्च ।  
उक्षेथा मित्रावरुणा घृतेन ता राजाना सुक्षितीस्तर्पयेथाम् ४  
एष स्तोमो वरुण मित्र तुभ्यं सोमः शक्रो न वायवैऽयामि ।  
अविष्टं धियो जिगृतं पुरंधी र्युयं पति स्वस्तिभिः सदा नः ५

(६५) पञ्चषष्टितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । मित्रावरुणौ देवते ।

त्रिष्टुप् छन्दः

प्रति वां सूर उदिते सूक्तै मित्रं हुवे वरुणं पूतदक्षम् ।  
ययौरसुर्यश्मक्षितं ज्येष्ठं विश्वस्य यामन्नाचिता जिगृबु १  
ता हि देवानामसुरा तावर्या ता नः क्षितीः करतमूर्जयन्तीः ।  
अश्याम मित्रावरुणा वयं वां द्यावा च यत्र पीपयन्नहा च २  
ता भूरिपाशावनृतस्य सेतू दुरत्येतू रिपवे मर्त्याय ।  
ऋतस्य मित्रावरुणा पथा वा मपो न नावा दुरिता तरेम ३  
आ नो मित्रावरुणा हव्यजुष्टिं घृतैर्गव्यूतिमुक्षतमिळाभिः ।  
प्रति वामत्र वरमा जनाय पृणीतमुदनो दिव्यस्य चारौः ४  
एष स्तोमो वरुण मित्र तुभ्यं सोमः शक्रो न वायवैऽयामि ।  
अविष्टं धियो जिगृतं पुरंधी र्युयं पति स्वस्तिभिः सदा नः ५

(६६) षट्षष्टितमं सूक्तम्

(१-१६) एकोनविंशत्यृचस्यास्य सूक्तस्य मैत्रावरुणिर्वसिष्ठ ऋषिः । (१-३, १७-

१६) प्रथमादितृचस्य सप्तदश्यादितृचस्य च मित्रावरुणौ, (४-१३)

चतुर्थ्यादिदशर्चामादित्याः, (१४-१६) चतुर्दश्यादितृचस्य च सूर्यो देवताः । (१-  
६, १७-१९) प्रथमादिनवर्चा सप्तदश्यादितृचस्य च गायत्री, (१०-१५)  
दशम्यादितृचद्वयस्य प्रगाथः (विषमर्चा बृहती, समर्चा सतोबृहती), (१६)

षोडश्याश्च पुर उष्णिक् छन्दांसि

प्र मित्रयोर्वरुणयो स्तोमौ न एतु शूष्यः । नमस्वान् तुविजातयोः १  
या धारयन्त देवाः सुदक्षा दक्षपितरा । असुर्याय प्रमहसा २  
ता न स्तिपा तनूपा वरुण जरितृणाम् । मित्रे साधयतुं धियः ३  
यदद्य सूर उदिते ऽनागा मित्रो अर्यमा । सुवाति सविता भगः ४  
सुप्रावीरस्तु स क्षयः प्र नु यामन् त्सुदानवः । ये नो अंहोऽतिपिप्रति ५  
उत स्वराजो अदिति रदब्धस्य व्रतस्य ये । महो राजान ईशते ६  
प्रति वां सूर उदिते मित्रं गृणीषे वरुणम् । अर्यमणं रिशादसम् ७  
राया हिरण्यया मति रियमवृकाय शर्वसे । इयं विप्रा मेधसातये ८  
ते स्याम देव वरुण ते मित्र सूरिभिः सह । इषं स्वश्च धीमहि ९  
ब्रह्मवः सूरचक्षसो ऽग्निजिह्वा ऋतावृधः ।  
त्रीणि ये येमुर्विदधानि धीतिभिर्विश्वानि परिभूतिभिः १०  
वि ये दधुः शरदं मासमादहं र्यज्ञमक्तुं चादृचम् ।  
अनाप्यं वरुणो मित्रो अर्यमा क्षत्रं राजान आशत ११  
तद् वो अद्य मनामहे सूक्तैः सूर उदिते ।  
यदोहते वरुणो मित्रो अर्यमा यूयमृतस्य रथ्यः १२  
ऋतावान् ऋतजाता ऋतावृधो घोरासौ अनृतद्विषः ।  
तेषां वः सुप्ते सुच्छुर्दिष्टमे नरः स्याम ये च सूरयः १३  
उदु त्यद् दर्शतं वपुर्दिव एति प्रतिहरे ।  
यदीमाशुर्वहति देव एतंशो विश्वस्मै चक्षसे अरम् १४  
शीर्ष्णः शीर्ष्णो जगतस्तस्थुषस्पतिं समया विश्वमा रजः ।  
सप्त स्वसारः सुविताय सूर्यं वहन्ति हरितो रथे १५  
तच्चक्षुर्देवहितं शुक्रमुच्चरत् । पश्येम शरदः शतं जीवेम शरदः शतम् १६  
काव्यैभिरदाभ्या ऽऽयातं वरुण द्युमत् । मित्रश्च सोमपीतये १७  
दिवो धामभिर्वरुण मित्रश्चा यातमद्बुहा । पिबतुं सोममातुजी १८  
आ यातं मित्रावरुणा जुषाणावाहुतिं नरा । पातं सोममृतावृधा १९

(६७) सप्तषष्ठितमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

प्रति वां रथं नृपती जुरध्यै हविष्मता मनसा युज्ञियैन ।  
यो वां दूतो न धिष्ण्यावजीग रच्छा सूनूर्न पितरा विवक्मि १  
अशौच्यग्निः समिधानो अस्मे उपौ अदृश्रन् तमसश्चिदन्ताः ।  
अचैति केतुरुषसः पुरस्ता च्छ्रये दिवो दुहितुर्जायमानः २  
अभि वां नूनमश्विना सुहोता स्तोमैः सिषक्ति नासत्या विवक्वान् ।  
पूर्वीभिर्याति पथ्याभिरर्वाक् स्वर्विदा वसुमता रथेन ३  
अवोवां नूनमश्विना युवाकु हुवे यद् वां सुते माध्वी वसूयुः ।  
आ वां वहन्तु स्थविरासो अश्वाः पिबाथो अस्मे सुषुता मधूनि ४  
प्राचीमु देवाश्विना धियं मे ऽमृधां सातयै कृतं वसूयुम् ।  
विश्वा अविष्टं वाज आ पुरन्धी स्ता नः शक्तं शचीपती शचीभिः ५  
अविष्टं धीर्ष्वश्विना न आसु प्रजावद् रेतो अहयं नो अस्तु ।  
आ वां तोके तनये तूतुजानाः सुरत्नासो देववीतिं गमेम ६  
एष स्य वां पूर्वगत्वैव सख्यै निधिर्हितो माध्वी रातो अस्मे ।  
अहैळता मनसा यातमर्वा गश्नन्ता हव्यं मानुषीषु विक्षु ७  
एकस्मिन् योगै भुरणा समाने परि वां सप्त स्रवतो रथौ गात् ।  
न वायन्ति सुभ्वौ देवयुक्ता ये वां धूर्षु तरणयो वहन्ति ८  
असश्चता मघवद्भ्यो हि भूतं ये राया मघदेयं जुनन्ति ।  
प्र ये बन्धुं सूनृताभिस्तिरन्ते गव्या पृञ्चन्तो अश्वयो मघानि ९  
नू मे हवमा शृणुतं युवाना यासिष्टं वर्तिरश्विनाविरावत् ।  
धत्तं रत्नानि जरतं च सूरीन् यूयं पात स्वस्तिभिः सदा नः १०

(६८) अष्टषष्ठितमं सूक्तम्

(१-६) नवर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते । (१-७)

प्रथमादिसप्तर्चा विराट्, (८-६) अष्टमीनवम्योश्च त्रिष्टुप् छन्दसी

आ शुभ्रा यातमश्विना स्वश्वा गिरौ दस्त्रा जुजुषाणा युवाकौः ।  
हव्यानि च प्रतिभृता वीतं नः १  
प्र वामन्धासि मद्यान्यस्थुररं गन्तं हविषौ वीतयै मे ।

तिरो अर्यो हव॑नानि श्रु॒तं नः २  
 प्र वा॑ रथो मनो॑जवा इय॒र्ति तिरो रजा॑स्यश्विना श॒तोतिः ।  
 अ॒स्मभ्य॑ सूर्या॒वसू॑ इयानः ३  
 अ॒यं ह॒ यद् वा॑ दे॒वया॒ उ॒ अ॒द्रि॒रू॒ध्वो वि॒व॒क्ति सोम॑सुद् यु॒वभ्या॑म् ।  
 आ व॒ल्गू वि॒प्रो व॒वृती॑त ह॒व्यैः ४  
 चि॒त्रं ह॒ यद् वा॑ भो॒ज॒नं न्व॒स्ति न्य॒त्रये॑ महि॒ष्वन्तं॑ यु॒योत॑म् ।  
 यो वा॑मो॒मानं॑ द॒धते॑ प्रि॒यः सन् ५  
 उ॒त त्यद् वा॑ जुर॒ते अ॒श्विना॒ भू॒ च॒यवा॑नाय प्र॒तीत्य॑ ह॒विर्दे॑ ।  
 अ॒धि यद् व॑र्ष इ॒त ऊ॒ति ध॒त्थः ६  
 उ॒त त्यं॑ भु॒ज्युर्म॑श्विना स॒खायो॑ म॒ध्यै ज॒हुदुरे॑वासः स॒मुद्रे॑ ।  
 नि॒री प॑र्ष॒दरा॑वा यो यु॒वाकुः॑ ७  
 वृ॒काय॑ चि॒ज्जस॑मानाय श॒क्त मु॒त श्रु॒तं श॒यवे॑ हू॒यमा॑ना ।  
 याव॒घ्न्याम॑पि॒न्वत॑म॒पो न स्त॑र्य॒ चिच्छ॑क्त्य॒श्विना॒ शची॑भिः ८  
 ए॒ष स्य॑ का॒रुर्ज॑रते सू॒क्तै र॒ग्रे बु॒धान॑ उ॒षसा॑ सु॒मन्मा॑ ।  
 इ॒षा तं॑ व॒र्धद्घ्न्या॑ प॒योभि॑र्यु॒यं पा॑त स्व॒स्तिभिः॑ सदा॑ नः ९

(६६) एकोनसप्ततितमं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

आ वा॑ रथो रोद॑सी ब॒द्धा॒नो हि॒र॒ण्यो वृ॑ष॒भिर्या॑त्व॒श्वैः ।  
 घृ॒तव॑र्त॒निः पु॒विभी॑ रु॒चान॑ इ॒षां वो॒ळ॒हा नृ॑प॒तिर्वा॑जिनी॒वान् १  
 स प॑प्र॒थानो॑ अ॒भि प॒ञ्च भू॒मा त्रि॒वन्धु॑रो म॒नसा॑ या॒तु यु॒क्तः ।  
 वि॒शो ये॒न ग॒च्छ॑थो दे॒व॒यन्तीः॑ कु॒त्रो चि॒द् याम॑म॒श्विना॒ दधा॑ना २  
 स्व॒श्वा य॒शसा॑ या॒तम॑र्वाग् द॒स्त्रा नि॒धिं म॑धु॒मन्तं॑ पि॒बाथः॑ ।  
 वि वा॑ रथो व॒ध्वा॒र॒याद॑मा॒नो ऽन्ता॑न् दि॒वो बा॑धते व॒र्त॒निभ्या॑म् ३  
 यु॒वोः श्रि॒यं प॒रि योषा॑वृणी॒त सू॒रो दु॒हिता॑ प॒रित॑क॒म्यायाम्॑ ।  
 यद् दै॒व॒यन्त॑म॒व॒थः श॒चीभिः॑ प॒रि घ्नं॑स॒मोम॑ना वा॑ व॒यो गा॑त् ४  
 यो ह॒ स्य वा॑ रथि॒रा व॑स्त॒ उ॒स्त्रा रथो॑ यु॒जानः॑ प॒रिया॑ति॒ वर्तिः॑ ।  
 तेन॑ नः शं यो॒रुष॑सो व्यु॒ष्टौ न्य॑श्विना व॒हतं॑ य॒ज्ञे अ॒स्मिन् ५  
 नरा॑ गौ॒रेव॑ वि॒द्युतं॑ तृषा॒णा ऽस्मा॑क॒मुद्य॑ स॒वनो॑प॒ यात॑म् ।



पुरुत्रा हि वां म॒तिभिर्हव॑न्ते मा वा॒म॒न्ये नि य॑मन् देव॒यन्तः ६  
यु॒वं भु॒ज्युम॑र्वविद्धं समुद्र उदू॑हथुर॒णसो॑ अस्त्रि॒धानैः ।  
पु॒त्रिभि॑रश्र॒मैर॑व्य॒थिभि॑र्द॒सना॑भिरश्विना॒ पार॑यन्ता ७  
नू मे॒ हव॑मा शृणुतं युवाना यासि॒ष्टं व॒र्तिर॑श्विना॒ विरा॑वत् ।  
ध॒त्तं रत्ना॑नि ज॒रतं॑ च सू॒रीन् यू॒यं पा॑त स्व॒स्तिभिः॑ सदा॑ नः ८

(७०) सप्ततितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

आ वि॒श्ववा॑राश्विना गतं नः प्र तत् स्था॒नम॑वाचि वां पृथि॒व्याम् ।  
अश्वो॑ न वा॒जी शन॑पृष्ठो अस्था॒दा यत् से॒दथु॑र्ध्रुवसे न योनि॑म् १  
सिष॑क्ति सा वां सु॒म॒तिश्च॑निष्ठा ऽता॒पि घ॒र्मो म॑नुषो दुरो॒णे ।  
यो वां समु॑द्रान् त्सरि॒तः पि॒प॒त्ये त॑गवा चिन्न सुयु॒जा यु॒जानः॑ २  
यानि॑ स्था॒ना॒न्यश्वि॑ना दु॒धार्थे॑ दि॒वो य॒ही॒ष्वोष॑धीषु वि॒क्षु ।  
नि प॑र्वतस्य मूर्ध॒नि स॒द॒न्ते षं॑ जना॒य दा॑शुषे वह॑न्ता ३  
च॒नि॒ष्टं दै॒वा ओ॑षधीष्वप्सु यद् यो॒ग्या अ॒शन॑वैथे ऋषी॒णाम् ।  
पु॒रू॒णि रत्ना॑ दध॒तौ न्य॑स्मे अ॒नु पूर्वा॑णि च॒ख्यथु॑र्यु॒गानि॑ ४  
श॒श्रु॒वांसा॑ चिदश्विना पु॒रू॒ण्य॒भि ब्र॑ह्मा॒णि च॒क्षाथे॑ ऋषी॒णाम् ।  
प्र॒ति प्र या॑तुं वर॒मा जना॑या ऽस्मे वा॒मस्तु॑ सु॒म॒तिश्च॑निष्ठा ५  
यो वां य॒ज्ञो ना॑सत्या ह॒विष्मा॑न् कृतब्र॒ह्मा स॒म॒यो॒र्ज्ञे भ॑वाति ।  
उ॒प प्र या॑तुं वर॒मा वसि॑ष्ठ मि॒मा ब्र॑ह्मा॒ण्यृच्य॑न्ते यु॒वभ्या॑म् ६  
इ॒यं म॑नी॒षा इ॒यम॑श्विना गी॒ रि॒मां सु॑वृ॒क्तिं वृ॑षणा जुषेथाम् ।  
इ॒मा ब्र॑ह्मा॒णि यु॒व॒यू॒न्यग्म॑न् यू॒यं पा॑त स्व॒स्तिभिः॑ सदा॑ नः ७  
पञ्च॒मोऽनु॑वाकः । सू० ७-८६

(७१) एकसप्ततितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

अ॒प स्व॑सु॒रुष॑सो नगि॒ज॒ही॒ते रि॒णक्ति॑ कृ॒ष्णीर॑रुषाय॒ पन्था॑म् ।  
अ॒श्वाम॑घा गोम॑घा वां हुवे॒म दि॒वा न॑क्तं शरु॒म॒स्मद् यु॑योतम् १

उपायातं दाशुषे मर्त्याय रथेन वाममश्विना वहन्ता ।  
 युयुतमस्मदनिराममीवां दिवा नक्तं माध्वी त्रासीथां नः २  
 आ वां रथमवमस्यां व्युष्टौ सुम्नायवो वृषणो वर्तयन्तु ।  
 स्यूमगभस्तिमृतयुग्भिरश्वैराश्विना वसुमन्तं वहेत्याम् ३  
 यो वां रथौ नृपती अस्ति वोळहा त्रिवन्धुरो वसुमाँ उस्त्रयामा ।  
 आ न एना नासत्योप यात मभि यद वा विश्वप्सून् यो जिगाति ४  
 युवं च्यवानं जरसौऽमुमुक्तं नि पेदव ऊहथुराशुमश्वम् ।  
 निरंहसस्तमसः स्पर्तमत्रिं नि जाहुषं शिथिरे धातमन्तः ५  
 इयं मनीषा इयमश्विना गी रिमां सुवृक्तिं वृषणा जुषेत्याम् ।  
 इमा ब्रह्माणि युवयून्यग्मन् यूयं पात स्वस्तिभिः सदा नः ६

(७२) द्विसप्ततितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

आ गोमता नासत्या रथेनाऽश्वावता पुरुश्चन्द्रेण यातम् ।  
 अभि वां विश्वा नियुतः सचन्ते स्पर्हया श्रिया तन्वा शुभाना १  
 आ नो देवेभिरुप यातमर्वाक् सजोषसा नासत्या रथेन ।  
 युवोर्हि नः सख्या पित्र्याणि समानो बन्धुरुत तस्य वित्तम् २  
 उदु स्तोमासो अश्विनोरबुध्र ज्ञामि ब्रह्माण्युषसश्च देवीः ।  
 आविवासन् रोदसी धिष्येमे अच्छा विप्रो नासत्या विवक्ति ३  
 वि चेदुच्छन्त्यश्विना उषासः प्र वां ब्रह्माणि कारवो भरन्ते ।  
 ऊर्ध्व भानुं सविता देवो अश्रेद् बृहद्गयः समिधा जरन्ते ४  
 आ पश्वातान्नासत्या पुरस्ता दार्श्विना यातमधरादुदक्तात् ।  
 आ विश्वतः पाञ्चजन्येन राया यूयं पात स्वस्तिभिः सदा नः ५

(७३) त्रिसप्ततितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

अतारिष्म तमसस्परमस्य प्रति स्तोमं देवयन्तो दधानाः ।  
 पुरुदंसा पुरुतमा पुराजा ऽमर्त्या हवते अश्विना गीः १

न्यु प्रियो मनुषः सादि होता नासत्या यो यजते वन्दते च ।  
अशनीतं मध्वो अश्विना उपाक आ वा वोचे विदथेषु प्रयस्वान् २  
अहेम यज्ञं पथामुराणा इमां सुवृक्तिं वृषणा जुषेथाम् ।  
श्रुष्टीवेव प्रेषितो वामबोधि प्रति स्तोमैर्जरमाणो वसिष्ठः ३  
उप त्या वह्नी गमतो विशा नो रक्षोहणा संभृता वीळपाणी ।  
समन्धास्यगमत मत्सराणि मा नो मर्धिष्टमा गतं शिवेन ४  
आ पश्चातान्नासत्या पुरस्ता दाश्विना यातमधरादुदक्तात् ।  
आ विश्वतः पाञ्चजन्येन राया यूयं पात स्वस्तिभिः सदा नः ५

(७४) चतुःसप्ततितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते । प्रगाथः  
(विषमर्चा बृहती, समर्चा सतोबृहती) छन्दः

इमा उ वां दिविष्टय उस्त्रा हवन्ते अश्विना ।  
अयं वामहेऽवसे शचीवसू विशाविशं हि गच्छथः १  
युवं चित्रं ददथुर्भोजनं नरा चोदैथां सूनृतावते ।  
अर्वाग्रथं समनसा नि यच्छतं पिबतं सोम्यं मधु २  
आ यातमुप भूषतं मध्वः पिबतमश्विना ।  
दुग्धं पयो वृषणा जेन्यावसू मा नो मर्धिष्टमा गतम् ३  
अश्वासो ये वामुप दाशुषो गृहं युवां दीर्यन्ति बिभ्रतः ।  
मक्षूयुभिर्नरा हयैभिरश्विना ऽऽ देवा यातमस्मयू ४  
अधो ह यन्तौ अश्विना पृक्षः सचन्त सूरयः ।  
ता यसतो मध्वद्वो ध्रुवं यश शछ्दिस्मभ्यं नासत्या ५  
प्र ये ययुरवृकासो रथा इव नृपातारो जनानाम् ।  
उत स्वेन शर्वसा शूशुवर्नर उत क्षियन्ति सुक्षितिम् ६

(७५) पञ्चसप्ततितमं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

व्युषा आवो दिविजा ऋतेना ऽऽविष्करवाना महिमानुमागात् ।  
अप दुहस्तम आवरजुष्ट मङ्गिरस्तमा पथ्या अजीगः १

म॒हे नो॑ अ॒द्य सु॒वि॒ताय॑ बो॒ध्युषो॑ म॒हे सौ॒भगा॑य॒ प्र य॑न्धि ।  
 चि॒त्रं र॒यिं य॒शसं॑ धे॒ह्यस्मे॑ दे॒वि म॑र्तेषु मानुषि श्रव॑स्युम् २  
 ए॒ते त्वे॑ भ॒ानवो॑ दर्श॒ताया॑श्चि॒त्रा उ॒षसो॑ अ॒मृता॑सु आ॒गुः ।  
 जे॒नय॑न्तो दै॒व्यानि॑ व्र॒तान्या॑ पृ॒णन्तो॑ अ॒न्तरि॑क्षा व्य॑स्थुः ३  
 ए॒षा स्या॑ यु॒जाना॑ प॒राका॑त् पञ्च॒ क्षितीः॑ परि॒ सद्यो॑ जि॒गाति॑ ।  
 अ॒भिप॑श्यन्ती व॒युना॑ ज॒नानां॑ दि॒वो दु॑हिता भुव॑नस्य प॒त्नी ४  
 वा॒जिनी॑वती सूर्य॑स्य योषा चि॒त्राम॑घा रा॒य ई॒शे व॑सूनाम् ।  
 ऋषि॑ष्टुता ज॒रय॑न्ती म॒घो न्यु॑षा उ॒च्छति॑ वह्नि॒भिर्गृ॑णाना ५  
 प्रति॑ द्यु॒ताना॑म॒रुषा॑सो अ॒श्वाश्चि॒त्रा अ॑दृश्र॒न्नुष॑सं वह॑न्तः ।  
 याति॑ शु॒भ्रा वि॑श्वपिशा रथे॒न द॑धाति रत्नं वि॒धते॑ ज॒नाय॑ ६  
 स॒त्या स॒त्येभि॑र्म॒हती॑ म॒हद्भि॑र्दे॒वी दे॒वेभि॑र्यज॒ता य॑जत्रैः ।  
 रु॒जद् दृ॒ळहा॑नि द॒ददु॑स्त्रियाणां प्रति गाव॑ उ॒षसं॑ वाव॑शन्त ७  
 नू नो॑ गोम॑द् वी॒रव॑द् धेहि रत्नं मु॒षो अ॒श्वाव॑त् पु॒रुभो॑जो अ॒स्मे ।  
 मा नो॑ ब॒र्हिः पु॒रुष॑ता नि॒दे क॑रू॒यं पा॑त स्व॒स्तिभिः॑ सदा॑ नः ८

(७६) षट्सप्ततितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

उ॒दु ज्योति॑र॒मृतं॑ वि॒श्वज॑न्यं वि॒श्वान॑रः स॒विता॑ दे॒वो अ॑श्रेत् ।  
 क्र॒त्वा दे॒वाना॑म॒जनि॑ष्ट चक्षु॑ रा॒विर॑क॒र्भुव॑नं वि॒श्वमु॑षाः १  
 प्र मे॑ प॒न्था दे॒व्याना॑ अ॒दृश्र॑न्नम॒र्धन्तो॑ वसु॒भिरि॑ष्कृ॒तासः॑ ।  
 अ॒भूदु॑ के॒तुरु॑षसः पु॒रस्ता॑त् प्रती॒च्यागा॑दधि॒ हर्म्ये॑भ्यः २  
 तानी॑द॒हानि॑ बहु॒लान्या॑सन् या प्रा॒चीन॑मु॒दिता॑ सूर्य॑स्य ।  
 यतः॑ परि॒ जार॑ ई॒वाच॑र॒ न्युषो॑ ददृ॒क्षे न पु॑नर्य॒तीव॑ ३  
 त इ॒द् दे॒वाना॑ स॒धमा॑द॒ आस॑ नृ॒तावा॑नः क॒वयः॑ पू॒र्व्यासः॑ ।  
 गू॒ळहं॑ ज्योतिः पि॒त्रो अ॒न्ववि॑न्दन् त्स॒त्यम॑न्त्रा अ॒जन॑य॒न्नुषा॑सम् ४  
 स॒मा॒न ऊ॒र्वे अ॒धि सं॑ग॒तासुः॑ सं जा॒नते॑ न य॒तन्ते॑ मि॒थस्ते॑ ।  
 ते दे॒वानां॑ न मि॒नन्ति॑ व्र॒ता न्य॑म॒र्धन्तो॑ वसु॒भिर्या॑द॒मानाः॑ ५  
 प्रति॑ त्वा॒ स्तोमै॑रीळते वसि॒ष्ठा उ॒षर्बु॑धः सु॒भगे॑ तुष्टु॒वांसः॑ ।  
 गवा॑ ने॒त्री वा॑ज॒पत्नी॑ न उ॒च्छो षः॑ सु॒जाते॑ प्रथ॒मा ज॑रस्व ६

एषा नेत्री राधसः सूनृतांना मुषा उच्छन्ती रिभ्यते वसिष्ठैः ।  
दीर्घश्रुतं रयिमस्मे दधाना यूयं पात स्वस्तिभिः सदा नः ७

(७७) सप्तसप्ततितमं सूक्तम्

(१-६) षड्वचस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

उपो रुरुचे युवतिर्न योषा विश्वं जीवं प्रसुवन्ती चरायै ।  
अभूदग्निः समिधे मानुषाणा मकज्योतिर्बाधमाना तमांसि १  
विश्वं प्रतीची सप्रथा उदस्थाद् रुशद् वासो बिभ्रती शक्रमश्वैत् ।  
हिरण्यवर्णा सुदृशीकसंदृग् गवां माता नेत्र्यह्वामरोचि २  
देवानां चक्षुः सुभगा वहन्ती श्वेतं नयन्ती सुदृशीकमश्वम् ।  
उषा अदशि रश्मिभिर्यक्ता चित्रामघा विश्वमनु प्रभूता ३  
अन्तिवामा दूरे अमित्रमुच्छो वीं गव्यूतिमभयं कृधी नः ।  
यावय द्वेष आ भरा वसूनि चोदय राधौ गृणते मघोनि ४  
अस्मे श्रेष्ठेभिर्भानुभिर्वि भाह्यु षौ देवि प्रतिरन्ती न आयुः ।  
इषं च नो दधती विश्ववारे गोमदश्चावद् रथवच्च राधः ५  
यां त्वा दिवो दुहितर्वर्धय न्त्युषः सुजाते मतिभिर्वसिष्ठाः ।  
सास्मासु धा रयिमृष्वं बृहन्तं यूयं पात स्वस्तिभिः सदा नः ६

(७८) अष्टसप्ततितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

प्रति केतवः प्रथमा अदृश्र नूध्वा अस्या अज्जयो वि श्रयन्ते ।  
उषो अर्वाचा बृहता रथेन ज्योतिष्मता वाममस्मभ्यं वक्षि १  
प्रति षीमग्निर्जरते समिद्धः प्रति विप्रांसो मतिभिर्गृणन्तः ।  
उषा याति ज्योतिषा बाधमाना विश्वा तमांसि दुरिताप देवी २  
एता उ त्याः प्रत्यदृश्रन् पुरस्ता ज्योतिर्यच्छन्तीरुषसौ विभातीः ।  
अजीजनन् त्सूर्यं यज्ञमग्निं मपाचीनं तमो अगादजुष्टम् ३  
अचैति दिवो दुहिता मघोनी विश्वे पश्यन्त्युषसं विभातीम् ।  
आस्थाद् रथं स्वधया युज्यमाना मा यमश्वासः सुयुजो वहन्ति ४

प्रति त्वाद्य सुमनसो बुधन्ता ऽस्माकासो मधवानो वयं च ।  
तिल्विलायध्वमुषसो विभाती यूयं पात स्वस्तिभिः सदा नः ५

(७६) एकोनाशीतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

व्यु॑षा आवः पु॒थ्या॑र् जना॒नां पञ्च॑ क्षिती॒र्मानु॑षीर्बोधयन्ती ।  
सु॒सं॒दृग्भि॑रु॒क्षभि॑र्भानु॒मेश्रे॑द् वि सूर्यो रोद॑सी चक्ष॑सावः १  
व्य॑ञ्जते दि॒वो अ॒नैष्व॑क्तून् वि॒शो न यु॑क्ता उ॒षसो॑ यतन्ते ।  
सं ते गाव॑स्तम् आ वर्तयन्ति ज्योति॑र्यच्छन्ति सवि॑तेव॒ ब्राह् २  
अ॒भूदु॑षा इन्द्र॑तमा म॒घो न्यजी॑जनत् सुवि॒ताय॑ श्रवा॑सि ।  
वि दि॒वो दे॒वी दु॑हिता द॒धा त्यङ्गि॑रस्तमा सु॒कृते॑ वसू॑नि ३  
ताव॑दुषो राधौ अ॒स्मभ्य॑ रास्व याव॑त् स्तो॒तृभ्यो॑ अ॒रदो॑ गृणा॒ना ।  
यां त्वा ज॒ज्ञुर्वृ॑षभस्या रवे॑ण वि दृ॒ळ्हस्य॑ दुरो अ॒द्रैरौ॑र्णोः ४  
दे॒वदे॒वं राध॑से चोदयन्त्य स्म॒द्रय॑क् सूनृ॒ता ईर॑यन्ती ।  
व्यु॑च्छन्ती नः स॒नये॑ धियो॒ धा यूयं॑ पात स्व॒स्तिभिः॑ सदा नः ५

(८०) अशीतितमं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

प्रति॑ स्तोमै॒भिरु॑षसं वसि॑ष्ठा गी॒र्भिर्वि॑प्रासः प्रथ॑मा अ॒बुध॑न् ।  
वि॒वर्त॑यन्तीं रज॑सी समन्ते आविष्कृ॑ण्वतीं भुव॑नानि विश्वा १  
ए॒षा स्या नव्य॑मायु॒र्दधाना॑ गू॒ह्वी तमो॑ ज्योति॑षोषा अ॒बोधि॑ ।  
अ॒ग्र एति॑ युव॒तिर॑हयाणा प्राचि॑कित॒त् सूर्य॑ य॒ज्ञम॑ग्निम् २  
अ॒श्वाव॑तीर्गोम॑तीर्न उ॒षासो॑ वी॒रव॑तीः स॒दमु॑च्छन्तु भ॒द्राः ।  
घृ॒तं दुहा॑ना वि॒श्वतः॑ प्रपी॑ता यूयं पात स्व॒स्तिभिः॑ सदा नः ३  
षष्ठोऽध्यायः । व० १-२५

(८१) एकाशीतितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । उषसो देवताः । प्रगाथः

(विषमर्चा बृहती, समर्चा सतोबृहती) छन्दः  
प्रत्यु॑ अदर्श्या॑यत्यु॑च्छन्ती॑ दुहि॒ता दि॒वः ।  
अ॒पो म॒हि व्य॑यति॒ चक्ष॑से त॒मो ज्योति॑ष्कृणोति॒ सून॑री १  
उदु॑स्त्रियाः सृजते॒ सूर्यः॑ स॒र्चा उ॒द्यन्न॑क्षत्रमर्चि॒वत् ।  
तवे॑दु॒षो व्यु॑षि सूर्यस्य च॒ सं भु॑क्तेन॒ गमे॑महि २  
प्रति॑ त्वा दुहितर्दिव॒ उषो॑ जी॒रा अ॒भुत्स्म॑हि ।  
या वह॑सि पु॒रु स्पा॑र्ह वनन्वति॒ रत्नं॑ न दा॒शुषे॑ मयः ३  
उ॒च्छन्ती॑ या कृ॒णोषि॑ म॒हना॑ महि प्र॒ख्ये दै॒वि स्व॑र्दृ॒शे ।  
तस्या॑स्ते रत्न॒भाज॑ ईमहे व॒यं स्याम॑ मा॒तुर्न॑ सून॒वः ४  
तच्चि॒त्रं रा॒ध आ भ॒रो षो॒ यद् दी॑र्घश्रु॒त्तमम् ।  
यत् ते॑ दि॒वो दु॒हित॑र्म॒र्तभो॑ज॒नं तद् रा॑स्व भुन॒जाम॑हे ५  
श्र॒वः सूरि॑भ्यो॒ अमृ॑तं वसु॒त्वनं॑ वा॒जाँ अ॒स्मभ्यं॑ गोम॒तः ।  
चोद॑यि॒त्री म॒घोर्नः॑ सूनृता॒वत्यु॑षा उ॒च्छद॑प॒ स्त्रि॒धः ६

(८२) द्व्यशीतितमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रावरुणौ देवते ।

जगती छन्दः

इन्द्रा॑वरुणा यु॒वम॑ध्व॒राय॑ नो वि॒शे जना॑य॒ महि॑ शर्म॒ यच्छ॑तम् ।  
दी॒र्घप्र॑यज्युमति॒ यो व॑नुष्यति॒ वयं॑ ज॒येम॑ पृ॒तना॑सु दू॒ढ्यः १  
स॒म्राळ॑न्यः स्व॒राळ॑न्य उ॒च्यते॑ वां म॒हान्ता॑विन्द्रावरुणा म॒हाव॑सू ।  
विश्वे॑ दे॒वासः॑ प॒रमे॑ व्योमनि॒ सं वा॑मोजो॒ वृष॑णा॒ सं ब॑र्त॒ दधुः॑ २  
अ॒न्वपां॑ खान्य॒तृन्त॑मोज॒सा सूर्य॑मैरयतं दि॒वि प्र॑भुम् ।  
इन्द्रा॑वरुणा॒ मद॑ अस्य मा॒यिनो॑ ऽपि॒न्वत॑म॒पितुः॑ पि॒न्वतुं॑ धियः ३  
यु॒वामि॑द् यु॒त्सु पृ॑त॒नासु॑ वह॒यो यु॒वां क्षे॑मस्य प्र॒सवे॑ मि॒तज्ञ॑वः ।  
ई॒शाना॑ वस्व॒ उभ॑यस्य का॒रव॑ इन्द्रावरुणा सु॒हवा॑ हवामहे ४  
इन्द्रा॑वरुणा॒ यदि॑मानि॒ चक्र॑थु॒ वि॒श्वा जा॑तानि॒ भुव॑नस्य म॒ज्मना॑ ।  
क्षे॒मेण॑ मि॒त्रो वरु॑णं दु॒वस्य॑ति म॒रुद्भि॑रु॒ग्रः शु॒भम॑न्य ई॒यते॑ ५  
मु॒हे श॑ल्काय॒ वरु॑णस्य॒ नु त्वि॑ष ओजो॒ मिमा॑ते ध्रु॒वम॑स्य॒ यत् स्व॑म् ।  
अ॒जा॒मिम॑न्यः श॒नथ॑यन्त॒माति॑रद् द॒ध्रेभि॑र॒न्यः प्र॑ वृ॒णोति॑ भू॒यसः॑ ६  
न तम॑हो न दु॒रितानि॑ म॒र्त्य मि॑न्द्रावरुणा॒ न तपः॑ कु॒तश्च॑न ।

यस्य देवा गच्छथो वीथो अर्ध्वरं न तं मर्तस्य नशते परिहृतिः ७  
 अर्वाङ्गनरा दैव्येनावसा गतं शृणुतं हवं यदि मे जुजौषथः ।  
 युवोर्हि सख्यमुत वा यदाप्यं माङ्गीकमिन्द्रावरुणा नि यच्छतम् ८  
 अस्माकमिन्द्रावरुणा भरेभरे पुरोयोधा भवतं कृष्टयोजसा ।  
 यद् वां हवन्त उभये अर्ध स्पृधि नरस्तोकस्य तनयस्य सातिषु ९  
 अस्मे इन्द्रो वरुणो मित्रो अर्यमा ह्युग्रं यच्छन्तु महि शर्म सप्रथः ।  
 अवध्रं ज्योतिरदितेर्ऋतावृधौ देवस्य श्लोकं सवितुर्मनामहे १०

(८३) त्र्यशीतितमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रावरुणौ देवते ।

जगती छन्दः

युवां नरा पश्यमानासु आप्यं प्राचा गव्यन्तः पृथुपर्शवो ययुः ।  
 दासा च वृत्रा हतमार्याणि च सुदासमिन्द्रावरुणावसावतम् १  
 यत्रा नरः समर्यन्ते कृतध्वजो यस्मिन्नाजा भवति किं च न प्रियम् ।  
 यत्रा भयन्ते भुवना स्वर्दृशस्तत्रा न इन्द्रावरुणाधि वोचतम् २  
 सं भूम्या अन्ता ध्वसिरा अदृक्षते न्द्रावरुणा दिवि घोष आरुहत् ।  
 अस्थुर्जनानामुप मामरातयो ऽर्वागवसा हवनश्रुता गतम् ३  
 इन्द्रावरुणा वधनाभिरप्रति भेदं वन्वन्ता प्र सुदासमावतम् ।  
 ब्रह्माण्येषां शृणुतं हवीमनि सत्या तृत्सूनामभवत् पुरोहितिः ४  
 इन्द्रावरुणावभ्या तपन्ति माघान्यर्यो वनुषामरातयः ।  
 युवं हि वस्व उभयस्य राजथो ऽर्ध स्मा नोऽवतं पार्ये दिवि ५  
 युवां हवन्त उभयास आजिष्विन्द्रं च वस्वो वरुणं च सातये ।  
 यत्र राजभिर्दशभिर्निबाधितं प्र सुदासमावतं तृत्सुभिः सह ६  
 दश राजानः समिता अयज्यवः सुदासमिन्द्रावरुणा न युयुधुः ।  
 सत्या नृणामघ्नसदामुपस्तुतिर्देवा एषामभवन् देवहूतिषु ७  
 दाशराज्ञे परियत्ताय विश्वतः सुदास इन्द्रावरुणावशिक्ततम् ।  
 श्वित्यञ्चो यत्र नमसा कपर्दिर्नो धिया धीवन्तो असंपन्त तृत्सवः ८  
 वृत्रायन्यः समिथेषु जिघ्रते व्रतान्यन्यो अभि रक्षते सदा ।  
 हवामहे वां वृषणा सुवृक्तिभि रस्मे इन्द्रावरुणा शर्म यच्छतम् ९  
 अस्मे इन्द्रो वरुणो मित्रो अर्यमा ह्युग्रं यच्छन्तु महि शर्म सप्रथः ।



अ॒व॒ध्रं ज्यो॒तिर॒दि॒तेऽर्च॒तावृ॒धौ दे॒वस्य॒ श्लो॒कं स॒वि॒तुर्म॑नमहे १०

(८४) चतुरशीतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रावरुणौ देवते ।

त्रिष्टुप् छन्दः

आ वा॑ राजानावध्वरे ववृ॒त्यां ह॒व्येभि॑रिन्द्रावरुणा नमो॑भिः ।  
प्र वा॑ घृ॒ताचीं ब्रा॒ह्मोर्द॑धाना परि॒ त्मना॒ विषु॑रूपा जिगाति १  
युवो रा॒ष्ट्रं बृ॒हदि॑न्वति द्यौ॒र्यौ से॒तृभि॑रर॒जुभिः॒ सिनी॑थः ।  
परि॑ नो हे॒ळो वरु॑णस्य वृज्या उरुं न इन्द्रः कृणवदुलोकम् २  
कृतं नो य॒ज्ञं वि॒दथै॑षु चारुं कृतं ब्रह्माणि सूरिषु प्रशस्ता ।  
उपो॑ रयिर्दे॒वजूतो॑ न एतु प्र र्णः स्पा॒र्हाभि॑रू॒तिभि॑स्तिरेतम् ३  
अस्मे॑ इन्द्रावरुणा वि॒श्ववारं॑ रयिं ध॒त्तं वसु॑मन्तं पुरुक्षुम् ।  
प्र य आ॑दि॒त्यो अ॒नृता॑ मि॒ना॒त्यमि॑ता शूरो दयते वसूनि ४  
इ॒यमिन्द्रं॑ वरुणमष्ट मे गीः प्रावत् तो॒के तन॑ये तू॒तुजाना॑ ।  
सु॒रत्ना॑सो दे॒ववी॑तिं गमेम यूयं पात स्व॒स्तिभिः॒ सदा॑ नः ५

(८५) पञ्चाशीतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता ।

त्रिष्टुप् छन्दः

पुनी॑षे वा॒मर॒क्षसं॑ मनी॒षां सोम॑मिन्द्राय वरुणाय जुह्वत् ।  
घृ॒तप्रे॑तीकामुषसं न देवीं ता नो याम॑नुरुष्यताम॒भीकै॑ १  
स्पर्ध॑न्ते वा उ॑ दे॒वहू॑ये अत्र॒ येषु॑ ध्व॒जेषु॑ दि॒द्यवः॒ पत॑न्ति ।  
यु॒वं ताँ इन्द्रा॑वरुणाव॒मित्रा॑न् ह॒तं परा॑चः शर्वा विषूचः २  
आप॑श्चिद्धि स्वय॑शसः स॒दःसु॑ दे॒वीरिन्द्रं॑ वरुणं दे॒वता॑ धुः ।  
कृ॒ष्टीर॑न्यो धा॒रय॑ति प्रवि॒क्ता वृ॒त्राण॑न्यो अ॒प्रती॑नि हन्ति ३  
स सु॒क्रतु॑र्ऋ॒तचि॑दस्तु होता य आ॑दि॒त्य शर्व॑सा वा॒ नम॑स्वान् ।  
आ॒व॒वर्त॑दवसे वा॒ हवि॑ष्मा न॒स॒दित् स सु॑वि॒ताय॑ प्रय॑स्वान् ४  
इ॒यमिन्द्रं॑ वरुणमष्ट मे गीः प्रावत् तो॒के तन॑ये तू॒तुजाना॑ ।  
सु॒रत्ना॑सो दे॒ववी॑तिं गमेम यूयं पात स्व॒स्तिभिः॒ सदा॑ नः ५

## (८६) षडशीतितमं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता ।

त्रिष्टुप् छन्दः

धीरा त्वस्य महिना जनूषि वि यस्तस्तम्भ रोदसी चिदुर्वी ।  
 प्र नार्कमृष्वं नुनुदे बृहन्तं द्विता नक्षत्रं पप्रथञ्च भूम १  
 उत स्वया तन्वाऽसं वदे तत् कदा न्वश्न्तर्वरुणे भवानि ।  
 किं मे हव्यमहणानो जुषेत कदा मृळीकं सुमना अभि ख्यम् २  
 पृच्छे तदेनो वरुण दिदृक्षूषो एमि चिकितुषो विपृच्छम् ।  
 समानमिन्मै कवयश्चिदाहुर्यं ह तुभ्यं वरुणो हणीते ३  
 किमार्ग आस वरुण ज्येष्ठं यत् स्तोतारं जिघांससि सखायम् ।  
 प्र तन्मै वोचो दूळभ स्वधावोऽव त्वानेना नमसा तुर इयाम् ४  
 अव द्रुग्धानि पित्र्या सृजा नोऽव या वयं चकृमा तनूभिः ।  
 अव राजन् पशतृपं न तायुं सृजा वत्सं न दाम्नो वसिष्ठम् ५  
 न स स्वो दक्षो वरुण ध्रुतिः सा सुरा मन्युर्विभीदको अचित्तिः ।  
 अस्ति ज्यायान् कनीयस उपारे स्वप्नश्चनेदन्तस्य प्रयोता ६  
 अरं दासो न मीळहुषै कराण्यहं देवाय भूर्येऽनागाः ।  
 अचेतयदचितो देवो अर्यो गृत्स राये कवितरो जुनाति ७  
 अयं सु तुभ्यं वरुण स्वधावो हृदि स्तोम उपश्रितश्चिदस्तु ।  
 शं नः क्षेमे शमु योगै नो अस्तु यूयं पात स्वस्तिभिः सदा नः ८

## (८७) सप्ताशीतितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता ।

त्रिष्टुप् छन्दः

रदत् पथो वरुणः सूर्याय प्राणांसि समुद्रिया नदीनाम् ।  
 सर्गो न सृष्टो अर्वतीर्ऋतायञ्चकार महीरवनीरहभ्यः १  
 आत्मा ते वातो रज आ नवीनोत् पशुर्न भूर्यिर्वसे ससवान् ।  
 अन्तर्मही बृहती रोदसीमे विश्वा ते धाम वरुण प्रियाणि २  
 परि स्पशो वरुणस्य स्मदिष्टा उभे पश्यन्ति रोदसी सुमेकै ।  
 ऋतावानः कवयो यज्ञधीराः प्रचेतसो य इषयन्त मन्म ३  
 उवाच मे वरुणो मेधिराय त्रिः सप्त नामाघ्न्या बिभर्ति ।

विद्वान् पदस्य गुह्या न वोचद् युगाय विप्र उपेराय शिक्तन् ४  
 तिस्रो द्यावो निर्हिता अन्तरस्मिन् तिस्रो भूमिरुपराः षड्विधानाः ।  
 गृत्सो राजा वरुणश्चक्र एतं दिवि प्रेङ्खं हिरण्ययं शुभे कम् ५  
 अव सिन्धुं वरुणो द्यौरिव स्थाद् द्रप्सो न श्वेतो मृगस्तुविष्मान् ।  
 गम्भीरशंसो रजसो विमानः सुपारक्षत्रः सतो अस्य राजा ६  
 यो मृळ्याति चक्रुषे चिदागौ वयं स्याम वरुणे अनागाः ।  
 अनु व्रतान्यदितेर्धन्तौ यूयं पात स्वस्तिभिः सदा नः ७

(८८) अष्टाशीतितमं सूक्तम्

(१-७) अष्टर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता ।

त्रिष्टुप् छन्दः

प्र शन्ध्युवं वरुणाय प्रेष्ठां मतिं वसिष्ठ मीळुषे भरस्व ।  
 य ईमर्वाञ्चं करते यजत्रं सहस्रामघं वर्षणं बृहन्तम् १  
 अधा न्वस्य सदृशं जगन्वा नग्रेरनीकं वरुणस्य मंसि ।  
 स्वर्श्यदश्मन्नधिपा उ अन्धो ऽभि मा वपुर्दृश्यै निनीयात् २  
 आ यद् रुहाव वरुणश्च नावं प्र यत् समुद्रमीरयाव मध्यम् ।  
 अधि यदपां स्तुभिश्चराव प्र प्रेङ्ख ईङ्ख्यावहे शुभे कम् ३  
 वसिष्ठं ह वरुणो नाव्याधा दृषिं चकार स्वपा महौभिः ।  
 स्तोतारं विप्रः सुदिनत्वे अह्नां यानु द्यावस्ततनन् यादुषासः ४  
 क्वश् त्यानि नौ सख्या बभूवुः सचावहे यदवृकं पुरा चित् ।  
 बृहन्तं मानं वरुण स्वधावः सहस्रद्वारं जगमा गृहं तै ५  
 य आपिर्नित्यौ वरुण प्रियः सन् त्वामागांसि कृणवत् सखा ते ।  
 मा त एनस्वन्तो यक्षिन् भुजेम युन्धि ष्मा विप्रः स्तुवते वरूथम् ६  
 ध्रुवासु त्वासु क्षितिषु क्षियन्तो व्यश्मत् पाशं वरुणो मुमोचत् ।  
 अवो वन्वाना अदितेरुपस्थाद् यूयं पात स्वस्तिभिः सदा नः ७

(८९) एकोननवतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता । (१-४)

प्रथमादिचतुर्त्रिंशं गायत्री, (५) पञ्चम्याश्च जगती छन्दसी

मो षु वरुण मृन्मयं गृहं राजन्नहं गमम् । मृळा सुक्षत्र मृळय १

यदेमि प्रस्फुरन्निव दृतिर्न ध्मातो अद्रिवः । मृळा सुक्षत्र मृळय २  
 क्रत्वः समह दीनता प्रतीपं जगमा शुचे । मृळा सुक्षत्र मृळय ३  
 अपां मध्ये तस्थिवांसं तृष्णाविदज्जरितारम् । मृळा सुक्षत्र मृळय ४  
 यत् किं चेदं वरुण दैव्ये जनै ऽभिद्रोहं मनुष्याश्चरामसि ।  
 अचिन्ती यत् तव धर्मा युयोपिम मा नस्तस्मादेनसो देव रीरिषः ५

(६०) नवतितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१-४)

प्रथमादिचतुर्वाचां वायुः, (५-७) पञ्चम्यादितृचस्य चेन्द्रवायू देवते । त्रिष्टुप् छन्दः  
 प्र वीर्या शुचयो दद्रे वा मध्वर्युभिर्मधुमन्तः सुतासः ।  
 वह वायो नियुतो याह्यच्छा पिबा सुतस्यान्धसो मदाय १  
 ईशानाय प्रहृतिं यस्त आनुद् शुचिं सोमं शुचिपास्तुभ्यं वायो ।  
 कृणोषि तं मर्त्येषु प्रशस्तं जातो जातो जायते वाज्यस्य २  
 राये नु यं जज्ञतू रोदसीमे राये देवी धिषणा धाति देवम् ।  
 अर्धं वायुं नियुतः सञ्चत स्वा उत श्वेतं वसुधितिं निरेके ३  
 उच्छन्नुषसः सुदिना अरिप्रा उरु ज्योतिर्विविदुर्दीध्यानाः ।  
 गव्यं चिदूर्वमुशिजो वि ववु स्तेषामनु प्रदिवः ससुरापः ४  
 ते सत्येन मर्नसा दीध्यानाः स्वेन युक्तासः क्रतुना वहन्ति ।  
 इन्द्रवायू वीरवाहं रथं वा मीशानयौरभि पृक्षः सचन्ते ५  
 ईशानासो ये दधते स्वर्णो गोभिरश्वेभिर्वसुभिर्हिरण्यैः ।  
 इन्द्रवायू सूरयो विश्वमायु रवद्विर्वरैः पृतनासु सद्युः ६  
 अर्वन्तो न श्रवसो भिक्षमाणा इन्द्रवायू सुष्टुतिभिर्वसिष्ठाः ।  
 वाजयन्तः स्ववसे हुवेम यूयं पात स्वस्तिभिः सदा नः ७

(६१) एकनवतितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१, ३)

प्रथमातृतीययोर्वाचां वायुः, (२, ४-७) द्वितीयायाश्चतुर्थ्यादिचतसृणाञ्चेन्द्रवायू देवते  
 । त्रिष्टुप् छन्दः

कुविदङ्ग नर्मसा ये वृधासः पुरा देवा अनवद्यास आसन् ।  
 ते वायवे मर्नवे बाधिताया ऽवासयन्नुषसं सूर्येण १

उ॒शन्ता॑ दू॒ता न द॑भाय गो॒पा मा॒सश्च॑ पा॒थः श॒रद॑श्च पू॒र्वीः ।  
 इन्द्र॑वायू सु॒ष्टुति॑र्वा॒मिया॒ना मा॒र्द्धीक॑मी॒ष्टे सु॒वितं॑ च न॒व्यम् २  
 पी॒वोअ॒न्नाँ रयि॑वृधः सु॒मे॒धाः श्वेतः॑ सि॒षक्ति॑ नि॒युता॑म॒भि॒श्रीः ।  
 ते वा॒यवे॒ सम॑नसो वि त॑स्थु॒र्विश्वे॑न्नरः स्वप॒त्यानि॑ चक्रुः ३  
 याव॑त् तर॑स्तन्वो॒इ याव॑दोजो॒ याव॑न्नर॒श्चक्ष॑सा दी॒ध्यानाः॑ ।  
 शुचिं॑ सोमं शुचि॒पा पा॑तम॒स्मे इन्द्र॑वायू स॒दतं॑ ब॒हिरे॑दम् ४  
 नि॒युवा॒ना नि॒युतः॑ स्पा॒र्हवी॑रा इन्द्र॑वायू स॒रथं॑ या॒तम॒र्वाक् ।  
 इदं॑ हि वां प्र॒भृतं॑ म॒ध्वो अग्र॑ म॒ध प्री॑णाना वि मु॒मुक्त॑म॒स्मे ५  
 या वां श॑तं नि॒युतो॑ याः स॒हस्र॑ मिन्द्र॑वायू वि॒श्ववा॑राः स॒चन्ते॑ ।  
 आ॒भिर्या॑तं सु॒विद॑त्रा॒भिर॒र्वाक् पा॑तं न॒रा प्र॑ति॒भृत॑स्य म॒ध्वः ६  
 अ॒र्वन्तो॑ न श्र॒वसो॑ भि॒क्षमा॑णा इन्द्र॑वायू सु॒ष्टुति॑भि॒र्वसि॑ष्ठाः ।  
 वा॒जय॑न्तः स्व॒वसे॑ ह॒वेम॒ यूयं॑ पा॑त स्व॒स्तिभिः॑ सदा॑ नः ७

(६२) द्विनवतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । (१, ३, ५)  
 प्रथमातृतीयापञ्चमीनामृचां वायुः, (२, ४) द्वितीयाचतुर्थ्योश्चेन्द्रवायू देवते ।

त्रिष्टुप् छन्दः

आ वा॑यो भूष शुचि॒पा उप॑ नः स॒हस्रं॑ ते नि॒युतो॑ वि॒श्ववा॑र ।  
 उपो॑ ते अ॒न्धो म॒द्यम॑यामि यस्य देव दधि॒षे पू॒र्वपे॑यम् १  
 प्र सो॑ता जी॒रो अ॒ध्वरे॑ष्व॒स्थात् सोम॑मिन्द्रा॒य वा॒यवे॒ पिब॑ध्यै ।  
 प्र यद् वां म॒ध्वो अग्रि॑यं भ॒रन्त्य॑ध्व॒र्यवो॑ दे॒वय॑न्तः श॒चीभिः॑ २  
 प्र या॒भिर्या॑सि दा॒श्वांस॑म॒च्छा नि॒युद्भि॑र्वा॒यवि॑ष्टयै दुरो॒णे ।  
 नि नो॑ र॒यिं सु॒भोर्ज॑सं युवस्व नि वी॒रं ग॒व्यम॑श्वयं च रा॒धः ३  
 ये वा॒यव॑ इन्द्र॒माद॑नास॒ आदै॑वासो नि॒तोश॑नासो अ॒र्यः ।  
 घ्नन्तो॑ वृ॒त्राणि॑ सू॒रिभिः॑ ष्याम सा॒स॒ह्रांसो॑ यु॒धा नृ॒भिर॑मि॒त्रान् ४  
 आ नो॑ नि॒युद्भिः॑ श॒तिनी॑भिर॒ध्वरं॑ स॒हस्रि॑णी॒भिरु॑प॒ याहि॑ य॒ज्ञम् ।  
 वा॒यो अ॒स्मिन् त्स॑र्वने मा॒दय॑स्व यू॒यं पा॑त स्व॒स्तिभिः॑ सदा॑ नः ५

(६३) त्रिनवतितमं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । इन्द्राग्नी देवते ।

त्रिष्टुप् छन्दः

शुचिं नु स्तोमं नवजातमद्येन्द्राग्नी वृत्रहणा जुषेथाम् ।  
 उभा हि वां सुहवा जोहवीमि ता वार्जं सद्य उशते धेष्ठा १  
 ता सानसी शवसाना हि भूतं साकंवृधा शवसा शूशवांसा ।  
 क्षयन्तौ रायो यवसस्य भूरैः पृङ्क्तं वार्जस्य स्थविरस्य घृष्वैः २  
 उपौ ह यद् विदथं वाजिनो गुर्धीभिर्विप्राः प्रमतिमिच्छमानाः ।  
 अर्वन्तो न काष्ठां नक्षमाणा इन्द्राग्नी जोहवतो नरस्ते ३  
 गीर्भिर्विप्रः प्रमतिमिच्छमान ईष्टै रयिं यशसं पूर्वभार्जम् ।  
 इन्द्राग्नी वृत्रहणा सुवज्रा प्र नो नव्यैभिस्तिरतं देष्णैः ४  
 सं यन्मही मिथती स्पर्धमाने तनुरुचा शूरसाता यतैते ।  
 अदैवयुं विदथै देवयुभिः सत्रा हैतं सोमसुता जनैन ५  
 इमामु षु सोमसुतिमुप न एन्द्राग्नी सौमनुसाय यातम् ।  
 नू चिद्धि परिमन्नाथै अस्मा ना वां शश्वद्भिर्ववृतीय वार्जैः ६  
 सो अग्र एना नमसा समिद्धो ऽच्छा मित्रं वरुणमिन्द्रं वोचे ।  
 यत् सीमांश्चकृमा तत् सु मृळ तदर्यमादितिः शिश्रथन्तु ७  
 एता अग्र आशुषाणास इष्टी र्युवोः सचाभ्यश्याम वार्जान् ।  
 मेन्द्रौ नो विष्णुर्मरुतः परि ख्यन् यूयं पात स्वस्तिभिः सदा नः ८

(६४) चतुर्नवतितमं सूक्तम्

(१-१२) द्वादशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्राग्नी देवते ।

(१-११) प्रथमाद्येकादशर्चा गायत्री, (१२) द्वादश्याश्चानुष्टुप् छन्दसी

इयं वामस्य मन्मन् इन्द्राग्नी पूर्व्यस्तुतिः । अभ्राद् वृष्टिरिवाजनि १  
 शृणुतं जरितुर्हव मिन्द्राग्नी वनंतं गिरं । ईशाना पिप्यतं धियः २  
 मा पापत्वार्य नो नरेन्द्राग्नी माभिर्शस्तये । मा नौ रीरधतं निदे ३  
 इन्द्रै अग्रा नमो बृहत् सुवृक्तिमेरयामहे । धिया धेना अवस्यवः ४  
 ता हि शश्वन्त ईळत इत्था विप्रास ऊतयै । सबाधो वार्जसातये ५  
 ता वां गीर्भिर्विपन्यवः प्रयस्वन्तो हवामहे । मेधसाता सनिष्यवः ६  
 इन्द्राग्नी अवसा गत मुस्मभ्य चर्षणीसहा । मा नौ दुःशंस ईशत ७  
 मा कस्य नो अररुषो धूर्तिः प्रणङ्गत्यस्य । इन्द्राग्नी शर्म यच्छतम् ८  
 गोमुद्धिरण्यवद् वसु यद् वामश्चावदीमहे । इन्द्राग्नी तद् वनेमहि ९

यत् सोम॒ आ सु॒ते नरं॑ इन्द्रा॒ग्नी अजो॑हवुः । स॒र्षीव॑न्ता स॒पर्य॑वः १०  
उ॒वथे॑भिर्वृ॒त्रह॑न्त॒मा या म॑न्दा॒ना चि॒दा गि॒रा । आ॒ङ्गूषै॒रावि॑वासतः ११  
तावि॒द् दुःशंसं॑ म॒र्त्यं दुर्वि॑द्वांसं र॒क्षस्वि॑नम् ।  
आ॒भोगं॑ ह॒न्मना॑ ह॒तमु॒दधिं॑ ह॒न्मना॑ ह॒तम् १२

(६५) पञ्चनवतितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । (१-२, ४-६)  
प्रथमाद्वितीययोर्ऋचोश्चतुर्थ्यादितृचस्य च सरस्वती, (३) तृतीयायाश्च सरस्वान्  
देवते । त्रिष्टुप् छन्दः

प्र क्षो॒दसा॑ धा॒र्यसा॑ स॒स्त्र एषा॑ सर॒स्वती॑ ध॒रुण॑मा॒र्यसी॑ पूः ।  
प्र॒बाब॑धाना र॒थ्यैव॑ याति॒ विश्वा॑ अपो म॒हिना॑ सि॒न्धुर॑न्याः १  
एका॑चेत॒त् सर॑स्वती न॒दीनां॑ शुचि॒र्यती॑ गि॒रिभ्य॑ आ स॒मुद्रा॑त् ।  
रा॒यश्चे॑त॒न्ती भुव॑नस्य भूरे॒र्धृतं॑ पयो॒ दुदु॑हे नाहु॒षाय॑ २  
स वा॒वृधे॑ न॒र्यो योष॑णासु वृषा शि॒शुर्वृष॑भो य॒ज्ञिया॑सु ।  
स वा॒जिनं॑ म॒घव॑द्भ्यो दधाति वि सा॒तयै॑ त॒न्वं मा॑मृजीत ३  
उ॒त स्या॑ नः सर॒स्वती॑ जुषा॒णोप॑ श्रवत् सु॒भगा॑ य॒ज्ञे अ॒स्मिन् ।  
मि॒तज्ञु॑भिर्नम॒स्यैरि॒या॒ना रा॒या यु॒जा चि॒दुत्त॑रा सखि॒भ्यः ४  
इ॒मा जु॒ह्वाना॑ युष्म॒दा नमो॑भिः प्र॒ति स्तोमं॑ सरस्वति जुषस्व ।  
ते॒व श॑र्मन् प्रि॒यत॑मे दधा॒ना उप॑ स्थेयाम श॒रणं न॑ वृ॒क्षम् ५  
अ॒यमु॑ ते सरस्वति॒ वसि॑ष्ठो द्वा॒रावृ॑तस्य सु॒भगे॑ व्या॒विः ।  
व॒र्धं शु॒भ्रे स्तु॒वते॑ रा॒सि वा॒जान्॑ यू॒यं पा॑त स्व॒स्तिभिः॑ सदा॒ नः ६

(६६) षण्णवतितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । (१-३) प्रथमतृचस्य  
सरस्वती, (४-६) द्वितीयतृचस्य च सरस्वान् देवते । (१-२)  
प्रथमाद्वितीययोर्ऋचोः प्रगाथः (प्रथमाया बृहती, द्वितीयायाः सतोबृहती), (३)  
तृतीयायाः प्रस्तारपङ्क्तिः, (४-६) चतुर्थ्यादितृचस्य च गायत्री छन्दांसि  
बृहदु॒ गायि॑षे वचो॒ ऽसुर्या॑ न॒दीना॑म् ।  
सर॒स्वती॑मि॒न्मह॑या सुवृ॒क्तिभिः॑ स्तोमैर्वसिष्ठ रो॒दसी॑ १  
उ॒भे यत् तै॑ म॒हिना॑ शु॒भ्रे अ॒न्धसी॑ अ॒धि॒क्षि॒यन्ति॑ पू॒र्वः ।

सा नो बोध्यवित्री मरुत्सखा चोद राधौ मघोनाम् २  
भद्रमिद् भद्रा कृणवत् सरस्व त्यक्वारी चेतति वाजिनीवती ।  
गृणाना जमदग्निवत् स्तुवाना च वसिष्ठवत् ३  
जनीयन्तो न्वग्रवः पुत्रीयन्तः सुदानवः । सरस्वन्तं हवामहे ४  
ये ते सरस्व ऊर्मयो मधुमन्तो घृतश्रुतः । तेभिर्नोऽविता भव ५  
पीपिवांसं सरस्वतः स्तनं यो श्विदर्शतः । भक्षीमहि प्रजामिषम् ६

(६७) सप्तनवतितमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्च इन्द्रः,  
(२, ४-८) द्वितीयायाश्चतुर्थ्यादिपञ्चानाञ्च बृहस्पतिः, (३, ९)  
तृतीयानवम्योरिन्द्राब्रह्मणस्पती, (१०) दशम्याश्चेन्द्राबृहस्पती देवताः ।

त्रिष्टुप् छन्दः

यज्ञे दिवो नृषदने पृथिव्या नरो यत्र देवयवो मदन्ति ।  
इन्द्राय यत्र सर्वनानि सुन्वे गमुन्मदाय प्रथमं वयश्च १  
आ दैव्या वृणीमहेऽवासि बृहस्पतिर्नो मह आ सखायः ।  
यथा भवेम मीळ्हुषे अनागा यो नो दाता परावतः पितेव २  
तमु ज्येष्ठं नमसा हविर्भिः सुशेवं ब्रह्मणस्पतिं गृणीषे ।  
इन्द्रं शलोको महि दैव्यः सिषक्तु यो ब्रह्मणो देवकृतस्य राजा ३  
स आ नो योनिं सदतु प्रेष्ठो बृहस्पतिर्विश्ववारो यो अस्ति ।  
कामो रायः सुवीर्यस्य तं दातु पर्षन्नो अति सञ्चतो अरिष्टान् ४  
तमा नो अर्कममृताय जुष्ट मिमे धासुर्मृतासः पुराजाः ।  
शुचिक्रन्दं यजतं पुस्त्यानां बृहस्पतिमनुवर्णं हुवेम ५  
तं शग्मासौ अरुषासो अश्वा बृहस्पतिं सहवाहौ वहन्ति ।  
सहश्चिद् यस्य नीलवत् सधस्थं नभो न रूपमरुषं वसानाः ६  
स हि शुचिः शतपत्रः स शुन्ध्युर्हिरण्यवाशीरिषिरः स्वर्षाः ।  
बृहस्पतिः स स्वावेश ऋष्वः पुरु सखिभ्य आसुतिं करिष्ठः ७  
देवी देवस्य रोदसी जनित्री बृहस्पतिं वावृधतुर्महित्वा ।  
दक्षायाय दक्षता सखायः कर्दु ब्रह्मणे सुतरा सुगाधा ८  
इयं वा ब्रह्मणस्पते सुवृक्तिर्ब्रह्मेन्द्राय वज्रिणे अकारि ।  
अविष्टं धियो जिगृतं पुरंधी र्जजस्तमर्यो वनुषामरातीः ९



बृहस्पते युवमिन्द्रश्च वस्वो दिव्यस्यैशाथे उत पार्थिवस्य ।  
धत्तं रयिं स्तुवते कीरये चिद् यूयं पात स्वस्तिभिः सदा नः १०

(६८) अष्टनवतितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१-६)

प्रथमादिषडृचामिन्द्रः, (७) सप्तम्याश्चेन्द्राबृहस्पती देवते । त्रिष्टुप् छन्दः  
अध्वर्यवोऽरुणं दुग्धमंशं जुहोतन वृषभाय क्षितीनाम् ।  
गौराद् वेदीयां अवपानमिन्द्रो विश्वाहेद् याति सुतसौममिच्छन् १  
यद् दधिषे प्रदिवि चार्वन्नं दिवेदिवे पीतिमिदस्य वक्षि ।  
उत हृदोत मनसा जुषाण उशन्निन्द्र प्रस्थितान् पाहि सोमान् २  
जज्ञानः सोमं सहसे पपाथ प्र ते माता महिमानमुवाच ।  
एन्द्र पप्राथोर्वशन्तरिक्षं युधा देवेभ्यो वरिवश्चकर्थ ३  
यद् योधया महतो मन्यमानान् त्साक्षाम् तान् बाहुभिः शाशदानान् ।  
यद् वा नृभिर्वृत इन्द्राभियुध्या स्तं त्वयाजिं सौश्रवसं जयेम ४  
प्रेन्द्रस्य वोचं प्रथमा कृतानि प्र नूतना मघवा या चकार ।  
यदेददेवीरसहिष्ट माया अथाभवत् केवलः सोमो अस्य ५  
तवेदं विश्वमभितः पशव्यं यत् पश्यसि चक्षसा सूर्यस्य ।  
गवामसि गोपतिरेक इन्द्र भक्षीमहि ते प्रयतस्य वस्वः ६  
बृहस्पते युवमिन्द्रश्च वस्वो दिव्यस्यैशाथे उत पार्थिवस्य ।  
धत्तं रयिं स्तुवते कीरये चिद् यूयं पात स्वस्तिभिः सदा नः ७

(६९) नवनवतितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१-३, ७)

प्रथमादितृचस्य सप्तम्या ऋचश्च विष्णुः, (४-६) चतुर्थ्यादितृचस्य चेन्द्राविष्णू देवते ।  
। त्रिष्टुप् छन्दः

पुरो मात्रया तन्वा वृधान् न ते महित्वमन्वश्नुवन्ति ।  
उभे ते विद्म रजसी पृथिव्या विष्णो देव त्वं परमस्य वित्से १  
न ते विष्णो जार्यमानो न जातो देव महिम्नः परमन्तमाप ।  
उदस्तम्ना नाकमृष्वं बृहन्त दाधर्थ प्राचीं ककुभं पृथिव्याः २  
इरावती धेनुमती हि भूतं सूर्यवसिनी मनुषे दशस्या ।

व्यस्तभ्ना रोदसी विष्णवेते दाधर्थ पृथिवीमभितो मयूखैः ३  
 उरुं यज्ञाय चक्रथुरु लोकं जनयन्ता सूर्यमुषासमग्निम् ।  
 दासस्य चिद् वृषशिप्रस्य माया जघ्नथुर्नरा पृतनाज्येषु ४  
 इन्द्राविष्णू दृहिताः शम्बरस्य नव पुरो नवतिं च शनथिष्टम् ।  
 शतं वर्चिनः सहस्रं च साकं हथो अप्रत्यसुरस्य वीरान् ५  
 इयं मनीषा बृहती बृहन्तो रुक्रमा तवसा वर्धयन्ती ।  
 रेरे वां स्तोमं विदर्थेषु विष्णो पिन्वतमिषौ वृजनैष्विन्द्र ६  
 वर्षट्ते विष्णवास आ कृणोमि तन्मै जुषस्व शिपिविष्ट हव्यम् ।  
 वर्धन्तु त्वा सुष्टुतयो गिरौ मे यूयं पात स्वस्तिभिः सदा नः ७

(१००) शततमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । विष्णुर्देवता ।

त्रिष्टुप् छन्दः

नू मर्तो दयते सनिष्यन् यो विष्णव उरुगायाय दाशत् ।  
 प्र यः सत्राचा मनसा यजात एतावन्तं नर्यमाविवासात् १  
 त्वं विष्णो सुमतिं विश्वजन्या मप्रयुतामेवयावो मतिं दाः ।  
 पर्चो यथा नः सुवितस्य भूरे रश्वावतः पुरुश्चन्द्रस्य रायः २  
 त्रिदेवः पृथिवीमेष एतां वि चक्रमे शतर्चसं महित्वा ।  
 प्र विष्णुरस्तु तवसस्तवीयान्त्वेषं ह्यस्य स्थविरस्य नाम ३  
 वि चक्रमे पृथिवीमेष एतां क्षेत्राय विष्णुर्मनुषे दशस्यन् ।  
 ध्रुवासौ अस्य कीरयो जनास उरुक्षितिं सुजनिमा चकार ४  
 प्र तत् तै अद्य शिपिविष्ट नामाऽर्यः शंसामि वयुनानि विद्वान् ।  
 तं त्वा गृणामि तवसमतव्यान् क्षयन्त मस्य रजसः पराके ५  
 किमित् तै विष्णो परिचक्ष्य भूत् प्र यद् ववक्षे शिपिविष्टो अस्मि ।  
 मा वर्षो अस्मदप गूह एतद् यदन्यरूपः समिथे बभूथ ६  
 वर्षट् ते विष्णवास आ कृणोमि तन्मै जुषस्व शिपिविष्ट हव्यम् ।  
 वर्धन्तु त्वा सुष्टुतयो गिरौ मे यूयं पात स्वस्तिभिः सदा नः ७

सप्तमोऽध्यायः । व० १-३३

(१०१) एकोत्तरशततमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ आग्नेयः कुमारो वा ऋषिः ।

पर्जन्यो देवता । त्रिष्टुप् छन्दः

ति॒स्त्रो वा॒चः प्र वे॒द् ज्योति॑र॒ग्रा या ए॒तद् दु॒हे म॑धु॒दोष॑मू॒र्धः ।  
स व॒त्सं कृ॑णवन् गर्भ॒मोष॑धीनां स॒द्यो जा॑तो वृ॒षभो रौर॑वीति १  
यो वर्ध॑न् ओ॒षधी॑नां यो अ॒पां यो वि॒श्वस्य॑ जग॑तो दे॒व ई॒शै ।  
स त्रि॒धातुं श॒रणं श॒र्म यंस॑त् त्रि॒वर्तुं ज्योति॑ः स्व॒भिष्ट॑य॒श्मे २  
स्त॒रीरु त्व॒द् भव॑ति सू॒त उ त्व॒द् यथा॑व॒शं त॒न्व च॒क्र ए॒षः ।  
पि॒तुः प॒यः प्र॒ति गृ॑भ्णाति मा॒ता तेन॑ पि॒ता वर्ध॑ते तेन॑ पु॒त्रः ३  
यस्मिन् वि॒श्वानि॑ भु॒वनानि॑ त॒स्थु स्ति॒स्त्रो द्या॒वस्त्रे॒धा स॒स्रुरा॑पः ।  
त्रयः॑ को॒शास॑ उप॒सेच॑नासो म॒ध्वः श्रो॑त॒न्त्यभि॑तौ वि॒रप्श॑म् ४  
इदं वचः॑ पर्ज॒न्याय॑ स्व॒राजै ह॒दो अ॒स्त्वन्त॑रं तज्जु॒जोष॑त् ।  
म॒योभु॑वौ वृ॒ष्टयः॑ सन्त्व॒स्मे सु॑पि॒प्पला ओ॒षधी॑र्दे॒वगौ॑पाः ५  
स रै॒तोधा॑ वृ॒षभः॑ श॒श्वती॑नां तस्मि॒न्नात्मा॑ जग॑तस्त॒स्थुष॑श्च ।  
तन्म॑ अ॒तं पा॑तु श॒तशा॑र॒दाय॑ यू॒यं पा॑त स्व॒स्तिभिः॑ सदा॑ नः ६

(१०२) द्व्युत्तरशततमं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ आग्नेयः कुमारो वा ऋषिः । पर्जन्यो देवता । गायत्री छन्दः

पर्ज॒न्याय॑ प्र गा॒यत॑ दि॒वस्पु॒त्राय॑ मी॒ळहु॑षे । स नो॒ यव॑समिच्छतु १  
यो गर्भ॒मोष॑धीनां गवा॑ कृ॒णोत्य॑र्वताम् । पर्ज॒न्यः पुरु॑षी॒णाम् २  
तस्मा॑ इ॒दास्यै॑ ह॒विर्जु॒होता॑ म॒धुम॑त्तमम् । इ॒ळा नः॑ सं॒यतं॑ करत् ३

(१०३) त्र्युत्तरशततमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । मण्डूका देवताः ।

(१) प्रथमर्चोऽनुष्टुप्, (२-१०) द्वितीयादिनवानाञ्च त्रिष्टुप् छन्दसी

संव॒त्सरं॑ श॒श्याना॑ ब्रा॒ह्मणा॑ व्र॒तचा॑रिणः ।  
वाचं॑ पर्ज॒न्यजि॑न्वितां प्र म॒ण्डूका॑ अ॒वादि॑षुः १  
दि॒व्या आपौ॑ अ॒भि यदै॑न्मा॒यन् दृ॒तिं न शु॑ष्कं स॒रसी॑ श॒यान॑म् ।  
गवा॑म॒ह न मा॒युर्व॑त्सिनीनां म॒ण्डूका॑नां व॒ग्नुर॒त्रा समै॑ति २  
यदै॑मेनाँ उ॒शतो॑ अ॒भ्यव॑र्षीत् तृ॒ष्याव॑तः प्रा॒वृष्या॑गतायाम् ।

अक्खलीकृत्या पितरं न पुत्रो अन्यो अन्यमुप वदन्तमेति ३  
 अन्यो अन्यमनु गृभ्णात्येनो रूपां प्रसर्गे यदमन्दिषाताम् ।  
 मण्डूको यदभिवृष्टः कनिष्कन् पृश्निः संपृङ्क्ते हरितेन वाचम् ४  
 यदैषामन्यो अन्यस्य वाचं शाक्तस्यैव वदति शिद्धमाणः ।  
 सर्वं तदैषां समृधेव पर्व यत् सुवाचो वदथनाध्यप्सु ५  
 गोमायुरेको अजमायुरेकः पृश्निरेको हरितु एक एषाम् ।  
 समानं नाम बिभ्रतो विरूपाः पुरुत्रा वाचं पिपिशर्वदन्तः ६  
 ब्राह्मणासौ अतिरात्रे न सोमे सरो न पूर्णमभितो वदन्तः ।  
 संवत्सरस्य तदहः परि ष्ट यन्मण्डूकाः प्रावृषीणं बभूव ७  
 ब्राह्मणासः सोमिनो वाचमक्रतु ब्रह्म कृणवन्तः परिवत्सरीणम् ।  
 अध्वर्यवो घर्मिणः सिष्विदाना आविर्भवन्ति गुह्या न के चित् ८  
 देवहितं जुगुपुर्द्वादशस्य ऋतुं नरो न प्र मिनन्त्येते ।  
 संवत्सरे प्रावृष्यागतायां तप्ता घर्मा अश्नुवते विसर्गम् ९  
 गोमायुरदाजमायुरदात् पृश्निरदाद्धरितो नो वसूनि ।  
 गवां मण्डूका ददतः शतानि सहस्रसावे प्र तिरन्त आयुः १०

(१०४) चतुरुत्तरशततमं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । (१-७, १५,  
 २४-२५) प्रथमादिसप्तर्चा पञ्चदश्याश्चतुर्विंशीपञ्चविंशयोश्चेन्द्रासोमौ, (८, १६, १६-  
 २२) अष्टमीषोडशयोरेकोनविंश्यादिचतसृणाञ्चेन्द्रः, (९, १२-१३)  
 नवमीद्वादशीत्रयोदशीनां सोमः, (१०, १४) दशमीचतुर्दशयोरग्निः, (११)  
 एकादश्या देवाः, (१७) सप्तदश्या ग्रावाणः, (१८) अष्टादश्या मरुतः, (२३)  
 त्रयोविंश्याश्च पूर्वार्धस्य वसिष्ठाशीरुत्तरार्धस्य च पृथिव्यन्तरिक्षे देवताः । (१-६,  
 १८, २१, २३) प्रथमादिषड्चामष्टादश्येकविंशीत्रयोविंशीनाञ्च जगती, (७)  
 सप्तम्या जगती त्रिष्टुप्वा, (८-१७, १६-२०, २२, २४)  
 अष्टम्यादिदशानामेकोनविंशीविंशीद्वाविंशीचतुर्विंशीनाञ्च त्रिष्टुप्, (२५)

पञ्चविंश्याश्चानुष्टुप् छन्दांसि

इन्द्रासोमा तपतं रक्षं उब्जतं न्यर्पयतं वृषणा तमोवृधः ।  
 परां शृणीतमुचितो न्यौषतं हुतं नुदेथां नि शिशीतमुत्रिणः १  
 इन्द्रासोमा समघशंसमभ्यशं तपुर्पयस्तु चरुरग्निवाँ इव ।  
 ब्रह्मद्विषे क्रव्यादै घोरचक्षसे द्वेषौ धत्तमनवायं किमीदिनै २

इन्द्रा॑सोमा दु॒ष्कृतौ॑ व॒वे अ॒न्त र॑नार॒म्भणे॑ तम॑सि प्र वि॒ध्यतम् ।  
 यथा॑ नातुः पु॒नरेक॑श्चनोदयत् तद् वा॑मस्तु स॒हसे॑ मन्युमच्छ॒र्वः ३  
 इन्द्रा॑सोमा वर्त॑यतं दि॒वो व॒धं सं पृ॑थि॒व्या अ॒घश॑साय॒ तर्ह॑णम् ।  
 उत् त॑क्षतं स्व॒र्यैः पर्व॑तेभ्यो येन॒ रक्षो॑ वावृ॒धानं॑ निजूर्व॑थः ४  
 इन्द्रा॑सोमा वर्त॑यतं दि॒वस्प॑र्य॒ ग्रित॑प्रेभि॒र्युवम॑श्म॒हन्म॑भिः ।  
 तपु॑र्वधेभि॒रज॑रै॒भिर॑त्रि॒णो नि प॑शानि वि॒ध्यतं॑ यन्तु॒ निस्व॑रम् ५  
 इन्द्रा॑सोमा परि॑ वां भूतु वि॒श्वत॑ इयं म॒तिः क॒क्षया॑श्चैव वा॒जिना॑ ।  
 यां वां॑ होत्रा॑ परि॒हिनो॑मि मे॒धये॑ मा ब्र॒ह्माणि॑ नृप॒तीव॑ जिन्वतम् ६  
 प्रति॑ स्मरेथां तुज॒र्यद्भि॑रेवै॒ हृतं॑ द्रुहो र॒क्षसौ॑ भङ्गु॒राव॑तः ।  
 इन्द्रा॑सोमा दु॒ष्कृते॑ मा सु॒गं भू॒द् यो नः॑ क॒दा चि॑दभि॒दास॑ति द्रुहा ७  
 यो मा॑ पा॒केन॑ मन॑सा चर॑न्त म॒भिच॑ष्टे अ॒नृते॑भिर्वचो॒भिः ।  
 आप॑ इव का॒शिना॑ संगृ॒भीता॑ अस॒न्नस्त्वा॑सत इन्द्र वृ॒क्ता ८  
 ये पा॑कशंसं वि॒हर॑न्त एवै॒र्ये वा॑ भृ॒द्रं दू॑षयन्ति स्व॒धाभिः॑ ।  
 अ॒हये॑ वा॒ तान् प्र॑ददातु सोम॒ आ वा॑ दधातु नि॒र्ऋते॑रुपस्थे ९  
 यो नो॑ रसं दि॒प्स॑ति पि॒त्वो अ॒ग्ने यो अ॑श्वा॒नां यो ग॒वां यस्त॑नूनाम् ।  
 रि॒पुः स्तेनः॑ स्तै॒यकृ॑द् द॒भ्रमे॑तु नि ष ही॒यतां॑ त॒न्वा॒ऽतना॑ च १०  
 प॒रः सो अ॑स्तु त॒न्वा॒ऽतना॑ च ति॒स्रः पृ॑थि॒वीर॒धो अ॑स्तु वि॒श्वाः ।  
 प्रति॑ शुष्यतु यशो॑ अस्य दे॒वा यो नो॑ दि॒वा दि॒प्स॑ति यश्च नक्तम् ११  
 सु॒वि॒ज्ञानं॑ चि॒क्रितु॑षे जना॒य स॒द्यास॑ञ्च वच॑सी पस्पृ॒धाते॑ ।  
 तयो॑र्यत् स॒त्यं य॑तरदृ॒जीय॑ स्तदि॒त् सोमो॑ऽवति हन्त्यास॑त् १२  
 न वा॑ उ॒ सोमो॑ वृ॒जिनं॑ हि॒नोति॑ न क्षत्रि॒यं मिथु॑या धा॒रय॑न्तम् ।  
 हन्ति॑ र॒क्षो ह॑न्त्यास॒द् वद॑न्त मु॒भावि॑न्द्रस्य प्र॒सितौ॑ शयाते १३  
 यदि॑ वा॒हम॑नृतदे॒व आ॑स॒ मोघं॑ वा दे॒वां अ॑प्यु॒हे अ॒ग्ने ।  
 किमु॑स्मभ्यं जा॒तवे॑दो ह॒णीषे॑ द्रोघ॒वाच॑स्ते नि॒र्ऋथं॑ स॒चन्ता॑म् १४  
 अ॒द्या मु॑रीय॒ यदि॑ यातु॒धानो॑ अस्मि॒ यदि॑ वा॒युस्त॑तप॒ पूरु॑षस्य ।  
 अ॒धा स वी॑रैर्द॒शभि॑र्वि यू॒या यो मा॑ मोघं॑ यातु॒धाने॑त्याह १५  
 यो मा॒यातुं॑ यातु॒धाने॑त्याह॒ यो वा॑ र॒क्षाः शुचि॑र॒स्मीत्या॑ह ।  
 इन्द्र॑स्तं ह॑न्तु म॒हता॑ व॒धेन॑ वि॒श्वस्य॑ ज॒न्तोर्ध॑मस्प॒दीष्ट॑ १६  
 प्र या॑ जिगाति ख॒र्गलै॑व नक्त॒ मप॑ द्रुहा त॒न्वंऽगू॑ह॒माना॑ ।  
 व॒त्रां अ॑न॒न्तां अ॒व सा॑ प॒दीष्ट॑ ग्रा॒वाणो॑ घ्नन्तु र॒क्षस॑ उप॒ब्दैः १७

वि तिष्ठध्वं मरुतो विद्विषच्छतं गृभायत रक्षसः सं पिनष्टन ।  
 वयो ये भूत्वी पतयन्ति नक्तभिर्ये वा रिपौ दधिरे देवे अर्ध्वरे १८  
 प्र वर्तय दिवो अश्मानमिन्द्र सोमशितं मघवन् त्सं शिशाधि ।  
 प्राक्तादपाक्तादधरादुदक्ता दुभि जहि रक्षसः पर्वतेन १९  
 एत उ त्वे पतयन्ति श्वयातव इन्द्र दिप्सन्ति दिप्सवोऽदाभ्यम् ।  
 शिशीते शक्रः पिशुनेभ्यो वृधं नूनं सृजदशनिं यातुमद्भ्यः २०  
 इन्द्रो यातूनामभवत् पराशरो हविर्मथीनामभ्याश्चिवांसताम् ।  
 अभीदु शक्रः परशुर्यथा वनं पात्रैव भिन्दन् त्सत एति रक्षसः २१  
 उलूकयातुं शुशूलूकयातुं जहि श्वयातुमुत कोकयातुम् ।  
 सुपर्णयातुमुत गृध्रयातुं दृषदैव प्र मृण रक्ष इन्द्र २२  
 मा नो रक्षो अभि नड्यातुमावता मपौच्छतु मिथुना या किमीदिना ।  
 पृथिवी नः पार्थिवात् पात्वंहसो ऽन्तरिक्षं दिव्यात् पात्वस्मान् २३  
 इन्द्र जहि पुमांसं यातुधानं मुत स्त्रियं मायया शाशदानाम् ।  
 विग्रीवासो मूरदेवा ऋदन्तु मा ते दृशन् त्सूर्यमुच्चरन्तम् २४  
 प्रति चक्ष्व वि चक्ष्वे न्द्रश्च सोम जागृतम् ।  
 रक्षोभ्यो वृधमस्यत मशनिं यातुमद्भ्यः २५

इति सप्तमं मण्डलं समाप्तम्  
 मन्त्रसङ्ख्या  
 षष्ठमण्डलस्यान्तपर्यन्तं ५१३३  
 सप्तममण्डलस्य ८४१  
 सर्वयोगः १५९७४

## अथाष्टमं मण्डलम् ।

### (१) प्रथमं सूक्तम्

(१-३४) चतुस्त्रिंशदृचस्यास्य सूक्तस्य (१-२) प्रथमाद्वितीययोर्ऋचोर्घोरः काणवः प्रगाथः, (३-२६) तृतीयादिसप्तविंशतेः काणवौ मेधातिथिमेध्यातिथी, (३०-३३) त्रिंश्यादिचतसृणां प्लायोगिरासङ्ग ऋषयः, (३४) चतुस्त्रिंश्याश्चाङ्गिरसी शश्वती ऋषिका । (१-२६) प्रथमाद्येकोनत्रिंशदृचामिन्द्रः, (३०-३४) त्रिंश्यादिपञ्चानाञ्चासङ्गो देवते । (१-४) प्रथमादिचतुर्ऋचां प्रगाथः (विषमर्चा बृहती, समर्चा सतोबृहती), (५-३२) पञ्चम्याद्यष्टाविंशतेर्बृहती, (३३-३४)

त्रयस्त्रिंशीचतुस्त्रिंशोश्च त्रिष्टुप् छन्दांसि

मा चिदुन्यद् वि शंसतु सखायो मा रिषयत ।  
इन्द्रमित् स्तोता वृषणं सचा सुते मुहुरुक्था च शंसत १  
अवक्रक्षिणं वृषभं यथाजुरं गां न चर्षणीसहम् ।  
विद्वेषणं संवननोभयंकरं मंहिष्ठमुभयाविनम् २  
यच्चिद्धि त्वा जना इमे नाना हवन्त ऊतये ।  
अस्माकं ब्रह्मेदमन्द्र भूतु ते ऽहा विश्वा च वर्धनम् ३  
वि तर्तूर्यन्ते मघवन् विपश्चिते ऽर्यो विपो जनानाम् ।  
उपे क्रमस्व पुरुरूपमा भर वाजं नेदिष्ठमूतये ४  
महे चन त्वामद्रिवः परा शल्काय देयाम् ।  
न सहस्राय नायुताय वज्रिवो न शताय शतामघ ५  
वस्याँ इन्द्रासि मे पितुरुत भ्रातुरभुञ्जतः ।  
माता च मे छदयथः समा वसो वसुत्वनाय राधसे ६  
क्वेयथ क्वेदसि पुरुत्रा चिद्धि ते मनः ।  
अलर्षि युध्म खजकृत् पुरन्दर प्र गायत्रा अगासिषुः ७  
प्रास्मै गायत्रमर्चत वावातुर्यः पुरंदरः ।  
याभिः काणवस्योपे बहिरासदं यासद् वज्री भिनत् पुरः ८  
ये ते सन्ति दशग्विनः शतिनो ये सहस्त्रिणः ।  
अश्वासो ये ते वृषणो रघुद्रुव स्तेभिर्नस्तूयमा गहि ९  
आ त्वश्च संबर्दुघा हुवे गायत्रवैपसम् ।  
इन्द्रं धेनुं सुदुघामन्यामिषं मुरुधारामरंकृतम् १०

यत् तुद त्सूर एतंशं वृद्धं वातस्य पर्णिना ।  
 वहत् कुत्समार्जुनेयं शतक्रतुः त्सरद् गन्धर्वमस्तृतम् ११  
 य ऋते चिदभिश्चिषः पुरा जत्रुभ्य आतृदः ।  
 संधाता संधिं मघवा पुरुवसु रिष्कर्ता विहुतं पुनः १२  
 मा भूम निष्टया इवेन्द्र त्वदरेणा इव ।  
 वनानि न प्रजहितान्यद्रिवो दुरोषासो अमन्महि १३  
 अमन्महीदनाशवो ऽनुग्रासश्च वृत्रहन् ।  
 सकृत् सु ते महता शूर राधसा ऽनु स्तोमं मुदीमहि १४  
 यदि स्तोमं मम श्रव दस्माकमिन्द्रमिन्दवः ।  
 तिरः पवित्रं ससृवांसं आशवो मन्दन्तु तुग्रयावृधः १५  
 आ त्वश्द्य सधस्तुतिं वावातुः सख्युरा गहि ।  
 उपस्तुतिर्मघोनां प्र त्वाव त्वधा ते वश्मि सुष्टुतिम् १६  
 सोता हि सोममद्रिभि रेमेनमप्सु धावत ।  
 गव्या वस्त्रैव वासयन्त इन्नरो निर्धुक्षन् वृक्षणाभ्यः १७  
 अध ज्मो अध वा दिवो बृहतो रौचनादधि ।  
 अया वर्धस्व तन्वा गिरा ममा ऽऽ जाता सुक्रतो पृण १८  
 इन्द्राय सु मदिन्तं सोमं सोता वरेण्यम् ।  
 शक्र एणं पीपयद् विश्वया धिया हिन्वानं न वाजयुम् १९  
 मा त्वा सोमस्य गल्दया सदा याचन्नहं गिरा ।  
 भूर्णि मृगं न सर्वनेषु चुक्रुधं क ईशानं न याचिषत् २०  
 मदेनेषितं मदे मुग्रमुग्रेण शर्वसा ।  
 विश्वेषां तरुतारं मदच्युतं मदे हि ष्मा ददाति नः २१  
 शेवा रे वार्या पुरु देवो मर्ताय दाशुषै ।  
 स सुन्वते च स्तुवते च रासते विश्वगूर्तो अरिष्टतः २२  
 एन्द्र याहि मत्स्व चित्रेण देव राधसा ।  
 सरो न प्रास्युदरं सपीतिभिरा सोमैभिरुरु स्फिरम् २३  
 आ त्वा सहस्रमा शतं युक्ता रथे हिरण्यये ।  
 ब्रह्मयुजो हरय इन्द्र केशिनो वहन्तु सोमपीतये २४  
 आ त्वा रथे हिरण्यये हरी मयूरशेप्या ।  
 शितिपृष्ठा वहतां मध्वो अन्धसो विवक्ष्णस्य पीतये २५



पि॒बा त्व॑स्य गि॒र्वणः॑ सु॒तस्य॑ पूर्॒वपा॑ इ॒व ।  
परि॑ष्कृतस्य र॒सिन॑ इ॒यमो॑सुतिश्चा॒रुर्म॑दाय पत्यते २६  
य ए॒को अ॒स्ति द॒ंसना॑ म॒हो॑ उ॒ग्रो अ॒भि ब्र॑तैः ।  
गम॑त् स शि॒प्री न स यो॑ष॒दा ग॑म॒द्धव॑न् न परि॑ वर्जति २७  
त्वं पु॑रं चरि॒ष्णव॑ व॒धैः शु॒ष्णास्य॑ सं पि॒णक् ।  
त्वं भा अ॒नु च॑रो अ॒र्धं द्वि॑ता यदि॒न्द्र ह॑व्यो भु॒वः २८  
मम॑ त्वा॒ सूर॑ उदि॒ते मम॑ म॒ध्यंदि॑ने दि॒वः ।  
मम॑ प्र॒पित्वे॑ अ॒पिश॑र्वी व॒स॒वा स्तो॑मा॒सो अ॒वृत्स॑त २९  
स्तु॒हि स्तु॒हीदे॑ते घा॒ ते मं॑हि॒ष्ठासो॑ म॒घोना॑म् ।  
नि॒न्दिता॑श्चः प्र॒प॒थी प॑र॒म॒ज्या म॒घस्य॑ मे॒ध्याति॑थे ३०  
आ यद॑श्वा॒न् व॑न॒न्वतः॑ श्र॒द्धया॑हं रथे॑ रु॒हम् ।  
उ॒त वा॒मस्य॑ वसु॑नश्चि॒केत॑ति यो अ॒स्ति या॑द्वः प॒शुः ३१  
य ऋ॒ज्जा म॑ह्यं मा॒म॒हे स॒ह त्व॑चा हि॒रण्य॑या ।  
एष॑ वि॒श्वान्य॑भ्यस्तु सौ॒र्भगा॑ ऽऽ स॒ङ्गस्य॑ स्व॒नद्र॑थः ३२  
अ॒ध प्ला॑यो॒गिर॑ति॒ दास॑द॒न्या ना॑स॒ङ्गो अ॒ग्रे द॑शभिः स॒हस्रैः॑ ।  
अ॒धोक्ष॑णो द॒श म॑ह्यं रु॒शन्तो॑ न॒ळा इ॒व सर॑सो नि॒रति॑ष्ठन् ३३  
अ॒न्वस्य॑ स्थू॒रं द॑दृ॒शे पु॑रस्ता॒ दन॑स्थ ऊ॒रुर॑व॒रम्ब॑माणः ।  
शश्व॑ती ना॒र्य॑भि॒चक्ष्या॑ह॒ सुभ॑द्रम॒र्यं भो॑र्जनं बि॒भर्षि॑ ३४

### (२) द्वितीयं सूक्तम्

(१-४२) द्विचत्वारिंशदृचस्यास्य सूक्तस्य (१-४०) प्रथमादिचत्वारिंशदृचां  
काणवो मेधातिथिराङ्गिरसः प्रियमेधश्च, (४१-४२) एकचत्वारिंशीद्विचत्वारिंश्योश्च  
काणवो मेधातिथिर्ऋषी । (१-४०) प्रथमादिचत्वारिंशदृचामिन्द्रः, (४१-४२)  
एकचत्वारिंशीद्विचत्वारिंश्योश्च विभिन्दोर्दानस्तुतिर्देवते । (१-२७, २९-४२)  
प्रथमादिसप्तविंशत्यृचामेकोनत्रिंश्यादिचतुर्दशानाञ्च गायत्री, (२८)

अष्टाविंश्याश्चानुष्टुप् छन्दसी

इ॒दं व॑सो सु॒तम॑न्धः पि॒बा सु॑पूर्णमु॒दर॑म् । अ॒ना॒भयि॑न् र॒रिमा॑ तै १  
नृ॒भिर्धू॑तः सु॒तो अ॒श्वे र॑व्यो वा॒रैः परि॑पूतः । अ॒श्वो न नि॑क्तो न॒दीषु॑ २  
तं ते॒ यव॑न् यथा॒ गोभिः॑ स्वा॒दुर्म॑कर्म श्री॒णन्तः॑ । इ॒न्द्र त्वा॒स्मिन् त्स॑ध॒मादै॑ ३  
इ॒न्द्र इ॒त् सौ॒म॒पा ए॒क इ॒न्द्रः सु॒त॒पा वि॒श्वायुः॑ । अ॒न्तर्दे॑वान् म॒र्ताश्च॑ ४

न यं शक्रो न दुराशीर्न तृप्रा उरुव्यचंसम् । अपस्पृशवते सुहार्दम् ५  
 गोभिर्यदीमन्ये अस्मन् मृगं न वा मृगयन्ते । अभित्सरन्ति धेनुभिः ६  
 त्रय इन्द्रस्य सोमाः सुतासः सन्तु देवस्य । स्वे क्षयै सुतुपावः ७  
 त्रयः कोशासः श्वेतन्ति तिस्रश्चम्वशः सुपूर्णाः । समाने अधि भार्मन् ८  
 शुचिरसि पुरुनिष्ठाः क्षीरैर्मध्यत आशीर्तः । दध्ना मन्दिष्ठः शूरस्य ९  
 इमे ते इन्द्र सोमा स्तीव्रा अस्मे सुतासः । शक्रा आशिर याचन्ते १०  
 तां आशिर पुरोळाश मिन्द्रेमं सोमं श्रीणीहि । रेवन्तं हि त्वा शृणोमि ११  
 हत्सु पीतासौ युध्यन्ते दुर्मदासो न सुरायाम् । ऊर्ध्वं नृगा जर्जन्ते १२  
 रेवाँ इद् रेवतः स्तोता स्यात् त्वावतो मघोनः । प्रेदु हरिवः श्रुतस्य १३  
 उक्थं च न शस्यमानं मगौररिरा चिकेत । न गायत्रं गीयमानं १४  
 मा न इन्द्र पीयूषवे मा शर्धते परा दाः । शिक्षा शचीवः शचीभिः १५  
 वयमु त्वा तदिदंथा इन्द्र त्वायन्तः सखायः । कण्वा उक्थेभिर्जर्जन्ते १६  
 न घैमन्यदा पपन वज्रिन्नपसो नविष्टौ । तवेदु स्तोमं चिकेत १७  
 इच्छन्ति देवाः सुन्वन्तं न स्वप्राय स्पृहयन्ति । यन्ति प्रमादमर्तन्द्राः १८  
 ओ षु प्र याहि वाजैभिर्मा हृणीथा अभ्यश्मान् । महां इव युवजानिः १९  
 मो ष्वश्च दुर्हणावान् त्सायं कर्दारे अस्मत् । अश्रीर इव जामाता २०  
 विद्या ह्यस्य वीरस्य भूरिदावरीं सुमतिम् । त्रिषु जातस्य मनांसि २१  
 आ तू षिञ्च कण्वमन्तं न घा विद्य शवसानात् । यशस्तरं शतमूतेः २२  
 ज्येष्ठेन सोतरिन्द्राय सोमं वीराय शक्राय । भरा पिबन्नयाय २३  
 यो वेदिष्ठो अव्यथि ष्वश्वावन्तं जरितृभ्यः । वाजं स्तोतृभ्यो गोमन्तम् २४  
 पन्यपन्यमित् सौतार आ धावतु मद्याय । सोमं वीराय शूराय २५  
 पाता वृत्रहा सुत मा घा गमुन्नारे अस्मत् । नि यमते शतमूतिः २६  
 एह हरी ब्रह्मयुजा शग्मा वक्षतः सखायम् । गीर्भिः श्रुतं गिर्वणसम् २७  
 स्वादवः सोमा आ याहि श्रीताः सोमा आ याहि ।  
 शिप्रिन्नृषीवः शचीवो नायमच्छा सध्मादम् २८  
 स्तुतश्च यास्त्वा वर्धन्ति महे राधसे नृम्णाय । इन्द्र कारिणं वृधन्तः २९  
 गिरश्च यास्तै गिर्वाह उक्था च तुभ्यं तानि । सत्रा दधिरे शवांसि ३०  
 एवेदेष तुविकूर्मिर्वाजाँ एको वज्रहस्तः । सनादमृत्तो दयते ३१  
 हन्ता वृत्रं दक्षिणेनेन्द्रः पुरु पुरुहूतः । महान् महीभिः शचीभिः ३२  
 यस्मिन् विश्वाश्चर्षणय उत च्यौत्वा जयांसि च । अनु घेन्मन्दी मघोनः ३२

एष एतानि चकारेन्द्रो विश्वा योऽति शृणवे । वाजदावा मघोनाम् ३४  
 प्रभर्ता रथं गव्यन्तं मपाकञ्चिद् यमवति । इनो वसु स हि वोळ्हा ३५  
 सनिता विप्रो अर्वद्भिर्हन्ता वृत्रं नृभिः शूरः । सत्योऽविता विधन्तम् ३६  
 यजध्वैनं प्रियमेधा इन्द्रं सत्राचा मनसा । यो भूत् सोमैः सत्यमद्वा ३७  
 गाथश्रवसं सत्पतिं श्रवस्कामं पुरुत्मानम् । कण्वांसो गात वाजिनम् ३८  
 य ऋते चिद् गास्पदेभ्यो दात् सखा नृभ्यः शर्चीवान् । ये अस्मिन्  
 काममश्रियन् ३९  
 इत्थाधीवन्तमद्रिवः काणवं मेध्यातिथिम् । मेषो भूतोऽभि यन्नयः ४०  
 शिक्ता विभिन्दो अस्मै चत्वार्ययुता ददत् । अष्टा परः सहस्रा ४१  
 उत सु ते पयोवृधा माकी रणस्य नृपचा । जनित्वनार्यं मामहे ४२

(३) तृतीयं सूक्तम्

(१-२४) चतुर्विंशत्यृचस्यास्य सूक्तस्य काणवो मेध्यातिथिर्ऋषिः । (१-२०)  
 प्रथमादिविंशत्यृचामिन्द्रः, (२१-२४) एकविंश्यादिचतसृणाञ्च कौरयाणस्य  
 पाकस्थाम्नो दानस्तुतिर्देवते । (१-२०) प्रथमादिविंशत्यृचां प्रगाथः (विषमर्चा  
 बृहती, समर्चा सतोबृहती), (२१) एकविंश्या अनुष्टुप्, (२२-२३)  
 द्वाविंशीत्रयोविंशयोर्गायत्री, (२४) चतुर्विंश्याश्च बृहती छन्दांसि  
 पिबा सुतस्य रसिनो मत्स्वा न इन्द्र गोमतः ।  
 आपिर्ने बोधि सधमाद्यौ वृधेऽस्माँ अवन्तु ते धियः १  
 भूयाम ते सुमतौ वाजिनो वयं मा नः स्तरभिमातये ।  
 अस्माञ्चित्राभिरवतादुभिष्टिभिरा नः सुम्रेषु यामय २  
 इमा उ त्वा पुरुवसो गिरौ वर्धन्तु या मम ।  
 पावकवर्णाः शुचयो विपश्चितोऽभि स्तोमैरनूषत ३  
 अयं सहस्रमृषिभिः सहस्कृतः समुद्र इव पप्रथे ।  
 सत्यः सो अस्य महिमा गूणे शर्वो यज्ञेषु विप्रराज्ये ४  
 इन्द्रमिद् देवतातय इन्द्रं प्रयत्यध्वरे ।  
 इन्द्रं समीके वनिनो हवामह इन्द्रं धनस्य सातये ५  
 इन्द्रो मुहा रोदसी पप्रथच्छव इन्द्रः सूर्यमरोचयत् ।  
 इन्द्रे ह विश्वा भुवनानि येमिर इन्द्रे सुवानास इन्द्रवः ६  
 अभि त्वा पूर्वपीतय इन्द्र स्तोमैभिरायवः ।

समीचीनासं ऋभवः समस्वरन् रुद्रा गृणन्त पूर्व्यम् ७  
 अस्येदिन्द्रौ वावृधे वृष्णं शवो मदं सुतस्य विष्णवि ।  
 अद्या तमस्य महिमानमायवो ऽनुं ष्टवन्ति पूर्वथा ८  
 तत् त्वां यामि सुवीर्यं तद् ब्रह्म पूर्वचित्तये ।  
 येना यतिभ्यो भृगवे धनै हिते येन प्रस्कण्वमाविथ ९  
 येना समुद्रमसृजो महीरप स्तदिन्द्र वृष्णि ते शवः ।  
 सद्यः सो अस्य महिमा न संनशे यं क्षोणीरनुचक्रदे १०  
 शग्धी न इन्द्र यत् त्वां रयिं यामि सुवीर्यम् ।  
 शग्धि वाजाय प्रथमं सिषासते शग्धि स्तोमाय पूर्व्य ११  
 शग्धी नो अस्य यद्ध पौरमाविथ धियं इन्द्र सिषासतः ।  
 शग्धि यथा रुशमं श्यावकं कृप मिन्द्र प्रावः स्वर्णरम् १२  
 कन्नव्यो अतसीनां तुरो गृणीत मर्त्यः ।  
 नही न्वस्य महिमानमिन्द्रियं स्वर्गणन्त आनुशः १३  
 कदु स्तुवन्तं ऋतयन्त देवत ऋषिः को विप्र ओहते ।  
 कदा हव मघवन्निन्द्र सुन्वतः कदु स्तुवत आ गमः १४  
 उदु त्ये मधुमत्तमा गिरः स्तोमास ईरते ।  
 सत्राजितौ धनुसा अक्षितोतयो वाजयन्तो रथा इव १५  
 कण्वा इव भृगवः सूर्या इव विश्वमिद धीतमानशुः ।  
 इन्द्रं स्तोमैर्भिर्महयन्त आयवः प्रियमैधासो अस्वरन् १६  
 युद्धा हि वृत्रहन्तम् हरी इन्द्र परावतः ।  
 अर्वाचीनो मघवन् त्सोमपीतय उग्र ऋष्वेभिरा गंहि १७  
 इमे हि तै कारवो वावृशुर्धिया विप्रासो मेधसातये ।  
 स त्वं नो मघवन्निन्द्र गिर्वणो वेनो न शृणुधी हवम् १८  
 निरिन्द्र बृहतीभ्यो वृत्रं धनुभ्यो अस्फुरः ।  
 निरबुदस्य मृगयस्य मायिनो निः पर्वतस्य गा आजः १९  
 निरग्रयो रुरुचुर्निरु सूर्यो निः सोम इन्द्रियो रसः ।  
 निरन्तरिक्षादधमो महामहिं कृषे तदिन्द्र पौंस्यम् २०  
 यं मे दुरिन्द्रो मरुतः पाकस्थामा कौरयाणः ।  
 विश्वेषां तमना शोभिष्ट मुपैव दिवि धावमानम् २१  
 रोहितं मे पाकस्थामा सुधुरं कक्ष्यप्राम् ।

अदाद् रायो विबोधनम् २२  
यस्मा अन्ये दश प्रति धुरं वहन्ति वह्नयः ।  
अस्तं वयो न तुग्र्यम् २३  
आत्मा पितुस्तनूवासं ओजोदा अभ्यञ्जनम् ।  
तुरीयमिद् रोहितस्य पाकस्थामानं भोजं दातारमब्रवम् २४

(४) चतुर्थं सूक्तम्

(१-२१) एकविंशत्यृचस्यास्य सूक्तस्य कारवो देवातिथिर्ऋषिः । (१-१४)  
प्रथमादिचतुर्दशर्चामिन्द्रः, (१५-१८) पञ्चदश्यादिचतसृणामिन्द्रः पूषा वा, (१९-  
२१) एकोनविंश्यादितृचस्य च कुरुङ्गस्य दानस्तुतिर्देवताः । (१-२०)  
प्रथमादिविंशत्यृचां प्रगाथः (विषमर्चा बृहती, समर्चा सतोबृहती), २१  
एकविंश्याश्च पुर उष्णिक् छन्दसी  
यदिन्द्र प्रागपागुदङ् न्यग्वा हूयसे नृभिः ।  
सिमां पुरू नृषूतो अस्यानवे ऽसिं प्रशर्धं तुर्वशं १  
यद् वा रुमे रुशमे श्यावके कृप इन्द्रं मादयसे सचा ।  
करवासस्त्वा ब्रह्मभिः स्तोमवाहस इन्द्रा यच्छन्त्या गंहि २  
यथा गौरो अपा कृतं तृष्यन्नेत्यवेरिणम् ।  
आपित्वे नः प्रपित्वे तूयमा गंहि करवेषु सु सचा पिब ३  
मन्दन्तु त्वा मघवन्निन्द्रेन्दवो राधोदेयाय सुन्वते ।  
आमुष्या सोममपिबश्चमू सुतं ज्येष्ठं तद् दधिषे सहः ४  
प्र चक्रे सहसा सहौ बभञ्ज मन्युमोजसा ।  
विश्वे त इन्द्र पृतनायवौ यहो नि वृक्षा इव येमिरे ५  
सहस्रैरेव सचते यवीयुधा यस्त आनुळुपस्तुतिम् ।  
पुत्रं प्रावर्गं कृणुते सुवीर्यं दाश्नोति नमउक्तिभिः ६  
मा भैम मा श्रमिष्मो ग्रस्य सख्ये तव ।  
महत् ते वृष्णो अभिचक्ष्य कृतं पश्येम तुर्वशं यदुम् ७  
सव्यामनुं स्फिग्यं वावसे वृषा न दानो अस्य रोषति ।  
मध्वा संपृक्ताः सारघेण धेनव स्तूयमेहि द्रवा पिब ८  
अश्वी रथी सुरूप इद् गोमाँ इदिन्द्र ते सखा ।  
श्वात्रभाजा वयसा सचते सदा चन्द्रो याति सभामुप ९

ऋश्यो न तृष्यन्नवपानमा गहि पिबा सोमं वशाँ अनु ।  
 निमेघमानो मघवन् दिवेदिव ओजिष्ठं दधिषे सहः १०  
 अध्वर्यो द्रावया त्वं सोममिन्द्रः पिपासति ।  
 उपे नूनं युयुजे वृषणा हरी आ च जगाम वृत्रहा ११  
 स्वयं चित् स मन्यते दाशुरिर्जनो यत्रा सोमस्य तृप्सि ।  
 इदं ते अन्नं युज्यं समुक्षितं तस्येहि प्र द्रवा पिब १२  
 रथेष्ठायाध्वर्यवः सोममिन्द्राय सोतन ।  
 अधि ब्रध्नस्याद्रयो वि चक्षते सुन्वन्तो दाश्वध्वरम् १३  
 उपे ब्रध्नं वावाता वृषणा हरी इन्द्रमपसु वक्षतः ।  
 अर्वाञ्च त्वा सप्तयोऽध्वरश्रियो वहन्तु सवनेदुपे १४  
 प्र पूषणं वृणीमहे युज्याय पुरुवसुम् ।  
 स शक्र शिक्त पुरुहूत नो धिया तुजे राये विमोचन १५  
 सं नः शिशीहि भुरिजौरिव क्षुरं रास्व रायो विमोचन ।  
 त्वे तन्नः सुवेदमुस्त्रियं वसु यं त्वं हिनोषि मर्त्यम् १६  
 वेमि त्वा पूषन्नृञ्जसे वेमि स्तोतव आघृणे ।  
 न तस्य वेम्यरणिं हि तद् वसो स्तुषे पञ्जाय साम्नै १७  
 परा गावो यवसं कच्चिदाघृणे नित्यं रेक्णौ अमर्त्य ।  
 अस्माकं पूषन्नविता शिवो भव मंहिष्ठो वाजसातये १८  
 स्थूरं राधः शताश्वं कुरुङ्गस्य दिविष्टिषु ।  
 राजस्त्वेषस्य सुभगस्य रातिषु तुर्वशैष्वमन्महि १९  
 धीभिः सातानि काणवस्य वाजिनः प्रियमैधैरभिद्युभिः ।  
 षष्टिं सहस्रानु निर्मजामजे निर्यूथानि गवामृषिः २०  
 वृक्षाश्चिन्मे अभिपित्वे अरारणुः ।  
 गां भजन्त मेहना ऽश्वं भजन्त मेहना २१

अथाष्टमोऽध्यायः । च० १-३६

(५) पञ्चमं सूक्तम्

(१-३६) एकोनचत्वारिंशदृचस्यास्य सूक्तस्य काणवो ब्रह्मातिथिर्ऋषिः । (१-३६,  
 ३७) प्रथमादिषट्त्रिंशदृचां सप्तत्रिंश्याः पूर्वार्धस्य चाश्विनौ, (३७, ३८-३९)  
 सप्तत्रिंश्या उत्तरार्धस्याष्टात्रिंश्येकोनचत्वारिंशयोश्च चैद्यस्य कशोर्दानस्तुतिर्देवताः ।

(१-३६) प्रथमादिषट्त्रिंशदृचां गायत्री, (३७-३८) सप्तत्रिंशष्टात्रिंशयोर्बृहती,  
(३९) एकोनचत्वारिंश्याश्चानुष्टुप् छन्दांसि

दूरादिहेव यत् स त्वरुणप्सुरशिश्चितत् । वि भानुं विश्वधातनत् १  
नृवद् दस्त्रा मनोयुजा रथेन पृथुपार्जसा । सचैथे अश्विनोषसम् २  
युवाभ्यां वाजिनीवसू प्रति स्तोमा अदक्षत । वाचं दूतो यथौहिषे ३  
पुरुप्रिया श ऊतये पुरुमन्द्रा पुरुवसू । स्तुषे कण्वांसो अश्विना ४  
मंहिष्ठा वाजसातमे षयन्ता शभस्पती । गन्तारा दाशुषो गृहम् ५  
ता सुदेवाय दाशुषे सुमेधामवितारिणीम् । घृतैर्गव्यूतिमुक्षतम् ६  
आ नः स्तोममुप द्रवत् तूर्य श्येनेभिराशुभिः । यातमश्वेभिरश्विना ७  
येभिस्त्रिस्तः परावतौ दिवो विश्वानि रोचना । त्रींक्तून् परिदीयथः ८  
उत नो गोमतीरिष उत सातीरहर्विदा । वि पथः सातये सितम् ९  
आ नो गोमन्तमश्विना सुवीरं सुरथं रयिम् । वोळहमश्वावतीरिषः १०  
वावृधाना शुभस्पती दस्त्रा हिरण्यवर्तनी । पिबतं सोम्यं मधु ११  
अस्मभ्यं वाजिनीवसू मधवद्व्यश्च सप्रथः । छर्दिर्यन्तमदाभ्यम् १२  
नि षु ब्रह्म जनानां याविष्टं तूयमा गतम् । मो ष्वश्यां उपारतम् १३  
अस्य पिबतमश्विना युवं मदस्य चारुणः । मध्वो रातस्य धिष्ण्या १४  
अस्मे आ वहतं रयिं शतवन्तं सहस्त्रिणम् । पुरुक्षुं विश्वधायसम् १५  
पुरुत्रा चिद्धि वा नरा विह्वयन्ते मनीषिणः । वाघद्विरश्विना गतम् १६  
जनांसो वृक्तबर्हिषो हविष्मन्तो अरंकृतः । युवां हवन्ते अश्विना १७  
अस्माकमद्य वामयं स्तोमो वाहिष्ठो अन्तमः । युवाभ्यां भूत्वश्विना १८  
यो ह वां मधुनो दृति राहितो रथचर्षणे । ततः पिबतमश्विना १९  
तेन नो वाजिनीवसू पश्वे तोकाय शं गवै । वहतं पीवरीरिषः २०  
उत नो दिव्या इष उत सिन्धूरहर्विदा । अप द्वारैव वर्षथः २१  
कदा वां तौग्रयो विधत् समुद्रे जहितो नरा । यद् वां रथो विभिष्पतात् २२  
युवं कण्वाय नासत्याऽपरिप्राय हर्म्ये । शश्वदूतीर्दशस्यथः २३  
ताभिरा यातमूतिभिर्नव्यसीभिः सुशस्तिभिः । यद् वां वृषणवसू हुवे २४  
यथा चित् कण्वमावतं प्रियमैधमुपस्तुतम् । अत्रिं शिञ्जारमश्विना २५  
यथोत कृत्व्ये धनेऽशं गोष्वगस्त्यम् । यथा वाजेषु सोभरिम् २६  
एतावद् वां वृषणवसू अतौ वा भूयो अश्विना । गृणन्तः सुम्रमीमहे २७  
रथं हिरण्यवन्धुरं हिरण्यभाशुमश्विना । आ हि स्थाथौ दिविस्पृशम् २८

हिरण्ययी वां रभिरीषा अक्षौ हिरण्ययः । उभा चक्रा हिरण्यया २९  
 तेन नो वाजिनीवसू परावतश्चिदा गतम् । उपेमां सुष्टुतिं मम ३०  
 आ वहेथे पराकात् पूर्वोरशनन्तावश्विना । इषो दासीरिमत्या ३१  
 आ नो द्युमैरा श्रवोभिरा राया यातमश्विना । पुरुश्चन्द्रा नासत्या ३२  
 एह वां पुषितप्सवो वयौ वहन्तु पर्णिनः । अच्छा स्वध्वरं जनम् ३३  
 रथं वामनुगायसं य इषा वर्तते सह । न चक्रमभि बाधते ३४  
 हिरण्ययेन रथेन द्रवत्पाणिभिरश्वैः । धीजवना नासत्या ३५  
 युवं मृगं जागृवांसं स्वदथो वा वृषणवसू । ता नः पृङ्क्तमिषा रयिम् ३६  
 ता मे अश्विना सनीनां विद्यातुं नवानाम् ।  
 यथा चिच्चैद्यः कशुः शतमुष्टचफट्ठानां ददत् सहस्रा दश गोनाम् ३७  
 यो मे हिरण्यसंदृशो दश राज्ञो अमहत ।  
 अधस्पदा इच्चैद्यस्य कृष्टयश्चर्मन्ना अभितो जनाः ३८  
 मार्किरेना पृथा गाद् येनेमे यन्ति चेदयः ।  
 अन्यो नेत् सूरिरोहते भूरिदावत्तरो जनः ३९

द्वितीयोऽनुवाकः । सू० ६-१२

(६) षष्ठं सूक्तम्

(१-४८) अष्टचत्वारिंशदृचस्यास्य सूक्तस्य काण्वो वत्स ऋषिः । (१-४५)

प्रथमादिपञ्चचत्वारिंशदृचामिन्द्रः, (४६-४८) षट्चत्वारिंश्यादितृचस्य च

पारशव्यस्य तिरिन्दिरस्य दानस्तुतिर्देवते । गायत्री छन्दः

मुहाँ इन्द्रो य ओजसा पर्जन्यो वृष्टिमाँ इव । स्तोमैर्वत्सस्य वावृधे १  
 प्रजामृतस्य पिप्रतः प्र यद् भरन्त वह्नयः । विप्रो ऋतस्य वाहसा २  
 कण्वा इन्द्रं यदक्रतु स्तोमैर्यज्ञस्य साधनम् । जामि ब्रुवत आयुधम् ३  
 समस्य मन्यवे विशो विश्वा नमन्त कृष्टयः । समुद्रायैव सिन्धवः ४  
 ओजस्तदस्य तित्विष उभे यत् समवर्तयत् । इन्द्रश्चर्मैव रोदसी ५  
 वि चिद् वृत्रस्य दोधतो वज्रेण शतपर्वणा । शिरौ बिभेद वृष्णिना ६  
 इमा अभि प्र शौनुमो विषामग्रेषु धीतयः । अग्नेः शोचिर्न दिद्युतः ७  
 गुहा सतीरुप त्मना प्र यच्छोचन्त धीतयः । कण्वा ऋतस्य धारया ८  
 प्र तमिन्द्र नशीमहि रयिं गोमन्तमश्विनम् । प्र ब्रह्म पूर्वचित्तये ९  
 अहमिद्धि पितुष्परि मेधामृतस्य जग्रभ । अहं सूर्य इवाजनि १०



अ॒हं प्र॒त्नेन॒ म॒र्म॒ना गिरः॑ शु॒भ्भामि॑ क॒णव॒वत् । येनेन्द्रः॑ शु॒ष्ममि॑द् द॒धे ११  
ये त्वामिन्द्र॑ न तुष्टुवु॒ ऋष॑यो ये च॑ तुष्टुवुः । ममेद् वर्ध॑स्व सुष्टुतः १२  
यदस्य॑ म॒न्युरध्व॑नीद् वि वृ॒त्रं पर्व॑शो रु॒जन् । अपः॑ स॒मुद्रमैर॑यत् १३  
नि शु॒ष्ण इन्द्र॑ ध॒र्णसिं॑ व॒ज्रं जघ॑न्थ दस्य॒वि । वृषा॑ ह्यु॒ग्र शृ॒गिव॑षे १४  
न द्याव॑ इन्द्र॒मोजा॑ नान्तरि॒क्षाणि॑ व॒ज्रिण॑म् । न वि॒व्यच॑न्त भू॒मयः॑ १५  
यस्त॑ इन्द्र॒ म॒हीर॒पः स्त॑भूय॒मान॒ आश॑यत् । नि तं प॒द्यासु॑ शि॒शनथः॑ १६  
य इमे॑ रोद॒सी म॒ही स॒मीची॑ स॒मज॑ग्रभीत् । तमो॑भिरिन्द्र॒ तं गु॑हः १७  
य इन्द्र॑ यत॒यस्त्वा॒ भृग॑वो ये च॑ तुष्टुवुः । ममेदु॑ग्र श्रु॒धी ह॒वम् १८  
इमास्त॑ इन्द्र॒ पृश्न॑यो घृ॒तं दु॑हत आ॒शिर॑म् । ए॒नामृ॑तस्य॒ पि॒प्युषीः॑ १९  
या इन्द्र॑ प्र॒स्वस्त्वा॒ ऽऽसा॑ गर्भ॒मच॑क्रिरन् । परि॒ धर्मे॑व॒ सूर्य॑म् २०  
त्वामिच्छ॑वसस्प॒ते क॒णवा॑ उ॒क्थेन॑ वावृधुः । त्वां सु॒तास॑ इन्द्र॒वः २१  
तवेदिन्द्र॑ प्र॒णीति॑षू॒ त प्र॑श॒स्तिर॒द्रिवः॑ । य॒ज्ञो वि॑तन्त॒साय्यः॑ २२  
आ न॑ इन्द्र॒ म॒हीमि॑षं पु॒रं न॑ दर्षि॒ गोम॑तीम् । उ॒त प्र॑जां सु॒वीर्य॑म् २३  
उ॒त त्य॑दाश्च॒श्चयं॑ यदिन्द्र॒ नाहु॑षीष्वा । अ॒ग्रे वि॒क्षु प्र॑दीद॒यत् २४  
अ॒भि वृ॒जं न॑ त॒त्रिषे॑ सू॒र उ॒पाक॑च॒क्षस॑म् । यदिन्द्र॑ मृ॒ळया॑सि नः २५  
यद॒ङ्ग त॑विषी॒यस॑ इन्द्र॒ प्र॒राज॑सि क्षि॒तीः । मु॒हाँ अ॒पार॑ ओज॒सा २६  
तं त्वा॑ ह॒विष्म॑तीर्वि॒श उ॒प ब्रु॑वत ऊ॒तयै॑ । उ॒रु॒जय॑स॒मिन्दु॑भिः २७  
उ॒प॒हरे॑ गि॒रीणां॑ स॒ंग॒थे च॑ न॒दीना॑म् । धि॒या वि॒प्रौ अ॒जाय॑त २८  
अ॒तः स॒मुद्र॑मु॒द्वत॑ श्चि॒कित्वाँ॑ अ॒व प॑श्यति । यतौ॑ वि॒पान॑ ए॒जति॑ २९  
आदि॑त् प्र॒त्नस्य॑ रे॒तसो॑ ज्योति॒ष्पश्य॑न्ति वा॒सर॑म् । प॒रो य॒दि॒ध्यतै॑ दि॒वा ३०  
क॒णवा॑स इन्द्र॒ ते म॒तिं वि॒श्वे वर्ध॑न्ति पौ॒स्यम् । उ॒तो श॑विष्ट॒ वृष्ण॑यम् ३१  
इ॒मां म॑ इन्द्र॒ सुष्टु॑तिं जुष॒स्व प्र॑ सु॒ माम॑व । उ॒त प्र॑ वर्ध॒या म॒तिम् ३२  
उ॒त ब्र॑ह्म॒णया॑ व॒यं तु॒भ्यं प्र॑वृद्ध॒ वज्रि॑वः । वि॒प्रा अ॒त॒क्ष्म जी॒वसे॑ ३३  
अ॒भि क॒णवा॑ अनू॒षता॑ ऽऽपो॒ न प्र॑वता॒ यतीः॑ । इन्द्रं॑ व॒न॒न्वती॑ म॒तिः ३४  
इन्द्र॑मु॒क्थानि॑ वावृधुः स॒मुद्रमि॑व॒ सिन्ध॑वः । अ॒नु॒त्तम॑न्युम॒जर॑म् ३५  
आ नो॑ याहि प॒राव॑तो॒ हरि॑भ्यां ह॒र्यता॑भ्याम् । इममिन्द्र॑ सु॒तं पि॑ब ३६  
त्वामि॑द् वृ॒त्रह॑न्तम् जना॒सो वृ॒क्तब॑र्हिषः । ह॒वन्ते॑ वा॒जसा॑तये ३७  
अ॒नु त्वा॑ रोद॒सी उ॒भे च॒क्रं न॑ वृ॒त्येत॑शम् । अ॒नु सु॒वा॒नास॑ इन्द्र॒वः ३८  
म॒न्दस्वा॑ सु॒ स्वर्ण॑र उ॒तेन्द्र॑ श॒र्यणा॑वति । म॒त्स्वा वि॒वस्व॑तो म॒ती ३९  
वा॒वृ॒धान॑ उ॒प द्या॒वि वृषा॑ वृ॒ज्यरो॑रवीत् । वृ॒त्रहा॑ सौम॒पात॑मः ४०

ऋषिर्हि पूर्वजा अस्येक ईशान ओजसा । इन्द्रं चोष्कूयसे वसु ४१  
 अस्माकं त्वा सुतां उप वीतपृष्ठा अभि प्रयः । शतं वहन्तु हरयः ४२  
 इमां सु पूर्व्या धियं मधौर्धृतस्य पिप्युषीम् । कण्वा उक्थेन वावृधुः ४३  
 इन्द्रमिदं विमहीनां मेधै वृणीत मर्त्यः । इन्द्रं सनिष्युरूतये ४४  
 अवाञ्च त्वा पुरुष्टुत प्रियमैधस्तुता हरी । सोमपेयाय वक्षतः ४५  
 शतमुहं तिरिन्दिरे सहस्रं पर्शावा ददे । राधांसि याद्वानाम् ४६  
 त्रीणि शतान्यर्वतां सहस्रा दश गोनाम् । ददुष्पजाय साध्वै ४७  
 उदानत् ककुहो दिव मुष्ट्राञ्चतुर्युजो ददेत् । श्रवसा याद्वं जनम् ४८

### (७) सप्तमं सूक्तम्

(१-३६) षट्त्रिंशदृचस्यास्य सूक्तस्य कारवः पुनर्वत्स ऋषिः । मरुतो देवताः ।

गायत्री छन्दः

प्र यद् वस्त्रिष्टुभमिषं मरुतो विप्रो अक्षरत् । वि पर्वतेषु राजथ १  
 यदङ्ग तविषीयवो यामं शुभ्रा अचिध्वम् । नि पर्वता अहासत २  
 उदीरयन्त वायुभिर्वाश्रासः पृश्निमातरः । धुक्षन्त पिप्युषीमिषम् ३  
 वर्षन्ति मरुतो मिहं प्र वैपयन्ति पर्वतान् । यद् यामं यान्ति वायुभिः ४  
 नि यद् यामाय वो गिरिर्नि सिन्धवो विधर्मणे । महे शुष्माय येमिरे ५  
 युष्माँ उ नक्तमूतये युष्मान् दिवा हवामहे । युष्मान् प्रयत्यध्वरे ६  
 उदु त्ये अरुणप्सवश्चित्रा यामैभिरीरते । वाश्रा अधि ष्णुना दिवः ७  
 सृजन्ति रश्मिमोजसा पन्थां सूर्याय यातवे । ते भानुभिर्वि तस्थिरे ८  
 इमां मे मरुतो गिरिमिमं स्तोममृभुक्षणः । इमं मे वनता हवम् ९  
 त्रीणि सरांसि पृश्नयो दुदुहे वज्रिणे मधु । उत्सं कर्वन्धमुद्रिणम् १०  
 मरुतो यद्ध वो दिवः सुम्नायन्तो हवामहे । आ तू न उप गन्तन ११  
 यूयं हि ष्ठा सुदानवो रुद्रा ऋभुक्षणे दमै । उत प्रचेतसो मदै १२  
 आ नो रयिं मदच्युतं पुरुक्षं विश्वधायसम् । इयता मरुतो दिवः १३  
 अधीव यद् गिरीणां यामं शुभ्रा अचिध्वम् । सुवानैर्मन्दध्व इन्दुभिः १४  
 एतावतश्चिदेषां सुम्रं भिक्षेत मर्त्यः । अदाभ्यस्य मन्मभिः १५  
 ये द्रप्सा इव रोदसी धमन्त्यनु वृष्टिभिः । उत्सं दुहन्तो अक्षितम् १६  
 उदु स्वानेभिरीरत उद् रथैरुदु वायुभिः । उत स्तोमैः पृश्निमातरः १७  
 येनाव तुर्वशं यदुं येन कण्वं धनस्पृतम् । राये सु तस्य धीमहि १८

इमा उ वः सुदानवो घृतं न पिप्युषीरिषः । वर्धान् काणवस्य मन्मभिः १६  
 क्व नूनं सुदानवो मदथा वृक्तबर्हिषः । ब्रह्मा को वः सपर्यति २०  
 नहि ष्म यद्ध वः पुरा स्तोमैभिर्वृक्तबर्हिषः । शर्धाँ ऋतस्य जिन्वथ २१  
 समु त्ये महतीरपः सं क्षोणी समु सूर्यम् । सं वज्रं पर्वशो दधुः २२  
 वि वृत्रं पर्वशो ययुर्वि पर्वताँ अराजिनः । चक्राणा वृष्णि पौंस्यम् २३  
 अनु त्रितस्य युध्यतः शुष्ममावनुत क्रतुम् । अन्विन्द्र वृत्रतूर्ये २४  
 विद्युद्धस्ता अभिद्यवः शिप्राः शीर्षन् हिरण्ययीः । शम्ना व्यञ्जत श्रिये २५  
 उशना यत् परावत उक्ष्णो रन्ध्रमयातन । द्यौर्न चक्रदद् भिया २६  
 आ नो मुखस्य दावने ऽक्षैर्हिरण्यपाणिभिः । देवास उप गन्तन २७  
 यदैषां पृषती रथे प्रष्टिर्वहति रोहितः । यान्ति शम्ना रिणन्नपः २८  
 सुषोमै शर्यणाव त्यार्ज्जुके पुस्त्यावति । ययुर्निचक्रया नरः २९  
 कदा गच्छाथ मरुत इत्था विप्रं हवमानम् । मर्डीकेभिर्नाधमानम् ३०  
 कद्ध नूनं कधप्रियो यदिन्द्रमजहातन । को वः सखित्व ओहते ३१  
 सहो षु णो वज्रहस्तैः कणवासो अग्निं मरुद्भिः । स्तुषे हिरण्यवाशीभिः ३२  
 ओ षु वृष्णाः प्रयज्यु ना नव्यसे सुविताय । वृवृत्यां चित्रवाजान् ३३  
 गिरयश्चिन्नि जिहते पर्शानासो मन्यमानाः । पर्वताश्चिन्नि यैमिरे ३४  
 आक्ष्णयावानो वह न्त्यन्तरिक्षेण पततः । धातारः स्तुवते वयः ३५  
 अग्निर्हि जानि पूर्व्यं श्छन्दो न सूरौ अर्चिषा । ते भानुभिर्वि तस्थिरे ३६

(८) अष्टमं सूक्तम्

(१-२३) त्रयोविंशत्यृचस्यास्य सूक्तस्य काणवः सध्वंस ऋषिः । अश्विनौ देवते ।

अनुष्टुप् छन्दः

आ नो विश्वाभिरूतिभि रश्विना गच्छतं युवम् ।  
 दस्त्रा हिरण्यवर्तनी पिबतं सोम्यं मधु १  
 आ नूनं यातमश्विना रथेन सूर्यत्वचा ।  
 भुजी हिरण्यपेशसा कवी गम्भीरचेतसा २  
 आ यातं नहुषस्पया ऽन्तरिक्षात् सुवृक्तिभिः ।  
 पिबाथो अश्विना मधु कणवानां सर्वने सुतम् ३  
 आ नो यातं दिवस्पया ऽन्तरिक्षादधप्रिया ।  
 पुत्रः कणवस्य वामिह सुषाव सोम्यं मधु ४

आ नो यातमुपेश्रुत्यश्विना सोमपीतये ।  
 स्वाहा स्तोमस्य वर्धना प्र कवी धीतिभिर्नरा ५  
 यच्चिद्धि वां पुर ऋषयो जुहूरेऽवसे नरा ।  
 आ यातमश्विना गतमुपेमां सुष्टुतिं मम ६  
 दिवश्चिद् रोचनादध्या नो गन्तं स्वर्विदा ।  
 धीभिर्वत्सप्रचेतसा स्तोमैभिर्हवनश्रुता ७  
 किमन्ये पर्यासते ऽस्मत् स्तोमैभिरश्विना ।  
 पुत्रः कण्वस्य वामृषिर्गीर्भिर्वत्सो अवीवृधत् ८  
 आ वां विप्र इहावसे ऽह्वत् स्तोमैभिरश्विना ।  
 अरिप्रा वृत्रहन्तमा ता नो भूतं मयोभुवा ९  
 आ यद् वां योषणा रथमतिष्ठद् वाजिनीवसू ।  
 विश्वान्यश्विना युवं प्र धीतान्यगच्छतम् १०  
 अतः सहस्रनिर्णिजा रथेना यातमश्विना ।  
 वत्सो वां मधुमद् वचो ऽशंसीत् काव्यः कविः ११  
 पुरुमन्द्रा पुरुवसू मनोतरा रयीणाम् ।  
 स्तोमं मे अश्विनाविममुभि वही अनूषाताम् १२  
 आ नो विश्वान्यश्विना धत्तं राधांस्यहया ।  
 कृतं न ऋत्वियावतो मा नो रीरधतं निदे १३  
 यन्नासत्या परावति यद् वा स्थो अध्यम्बरे ।  
 अतः सहस्रनिर्णिजा रथेना यातमश्विना १४  
 यो वां नासत्यावृषिर्गीर्भिर्वत्सो अवीवृधत् ।  
 तस्मै सहस्रनिर्णिजमिषं धत्तं घृतश्रुतम् १५  
 प्रास्मा ऊर्जं घृतश्रुतमश्विना यच्छतं युवम् ।  
 यो वां सुम्राय तुष्टवद् वसूयाद् दानुनस्पती १६  
 आ नो गन्तं रिशादसे मं स्तोमं पुरुभुजा ।  
 कृतं नः सुश्रियो नरे मा दातमभिष्टये १७  
 आ वां विश्वाभिरुतिभिः प्रियमेधा अहूषत ।  
 राजन्तावध्वराणां मश्विना यामहूतिषु १८  
 आ नो गन्तं मयोभुवा ऽश्विना शंभुवा युवम् ।  
 यो वां विपन्यू धीतिभिर्गीर्भिर्वत्सो अवीवृधत् १९

याभिः कण्वं मेधातिथिं याभिर्वशं दशव्रजम् ।  
याभिर्गोशर्यमावतुं ताभिर्नोऽवतं नरा २०  
याभिर्नरा त्रसदस्यु मावतुं कृत्वये धने ।  
ताभिः प्वशस्माँ अश्विना प्रावतुं वाजसातये २१  
प्र वां स्तोमाः सुवृक्तयो गिरौ वर्धन्त्वश्विना ।  
पुरुत्रा वृत्रहन्तमा ता नौ भूतं पुरुस्पृहा २२  
त्रीणि पदान्यश्विनौ राविः सान्ति गुहा पुरः ।  
कवी ऋतस्य पत्नभि र्वाग्जीवेभ्यस्परि २३

(६) नवमं सूक्तम्

(१-२१) एकविंशत्यृचस्यास्य सूक्तस्य काण्वः शशकर्ण ऋषिः । अश्विनौ देवते ।  
(१, ४, ६, १४-१५) प्रथमाचतुर्थीषष्ठीचतुर्दशीपञ्चदशीनामृचां बृहती, (२-३,  
२०-२१) द्वितीयातृतीयाविंशयेकविंशीनां गायत्री, (५) पञ्चम्याः ककुप् (७-९,  
१३, १६-१९) सप्तम्यादितृचस्य त्रयोदश्या षोडश्यादिचतसृणाञ्चानुष्टुप्, (१०)  
दशम्यास्त्रिष्टुप्, (११) एकादश्या विराट्, (१२) द्वादश्याश्च जगती छन्दांसि  
आ नूनमश्विना युवं वृत्सस्य गन्तमवसे ।  
प्रास्मै यच्छतमवृकं पृथु छर्दि युयुतं या अरातयः १  
यदन्तरिक्षे यद् दिवि यत् पञ्च मानुषाँ अनु ।  
नृम्णं ततद् धत्तमश्विना २  
ये वां दंसास्यश्विना विप्रांसः परिमामृशुः ।  
एवेत् काण्वस्य बोधतम् ३  
अयं वां घर्मो अश्विना स्तोमैन् परि षिच्यते ।  
अयं सोमो मधुमान् वाजिनीवसू येन वृत्रं चिकेतथः ४  
यदप्सु यद् वनस्पतौ यदोषधीषु पुरुदंससा कृतम् ।  
तेन माविष्टमश्विना ५  
यन्नासत्या भुरणयथो यद् वां देव भिषज्यथः ।  
अयं वां वृत्सो मतिभिर्न विन्धते हविष्मन्तं हि गच्छथः ६  
आ नूनमश्विनोऽर्षिः स्तोमं चिकेत वामया ।  
आ सोमं मधुमत्तमं घर्मं सिञ्चादथर्वणि ७  
आ नूनं रघुवर्तनिं रथं तिष्ठाथो अश्विना ।

आ वां स्तोमा इमे मम नभो न चुच्यवीरत ८  
 यदद्य वा नासत्यो कथैराचुच्युवीमहि ।  
 यद् वा वाणीभिरश्विने वेत् काणवस्य बोधतम् ९  
 यद् वा कक्षीवाँ उत यद् व्यश्च ऋषिर्यद् वा दीर्घतमा जुहाव ।  
 पृथी यद् वा वैन्यः सार्दनेष्वे वेदतो अश्विना चेतयेथाम् १०  
 यातं छर्दिष्पा उत नः परस्पा भूतं जगत्पा उत नस्तनूपा ।  
 वर्तिस्तोकाय तनयाय यातम् ११  
 यदिन्द्रेण सरथं याथो अश्विना यद् वा वायुना भवथः समौकसा ।  
 यदादित्येभिर्ऋभुभिः सजोषसा यद् वा विष्णौर्विक्रमणेषु तिष्ठथः १२  
 यदद्याश्विनावहं हुवेयु वाजसातये ।  
 यत् पृत्सु तुर्वणे सह स्तच्छ्रेष्ठमश्विनोरवः १३  
 आ नूनं यतिमश्विने मा हव्यानि वां हिता ।  
 इमे सोमासो अधि तुर्वशे यदा विमे कण्वेषु वामथ १४  
 यन्नासत्या पराके अवाकि अस्ति भेषजम् ।  
 तेन नूनं विमदाय प्रचेतसा छर्दिर्वत्साय यच्छतम् १५  
 अभुत्स्यु प्र देव्या साकं वाचाहमश्विनौः ।  
 व्यावर्देव्या मतिं वि रातिं मर्त्येभ्यः १६  
 प्र बोधयोषो अश्विना प्र देवि सूनृते महि ।  
 प्र यज्ञहोतरानुषक् प्र मदाय श्रवौ बृहत् १७  
 यदुषो यासि भानुना सं सूर्येण रोचसे ।  
 आ हायमश्विनो रथौ वर्तिर्याति नृपाय्यम् १८  
 यदार्पीतासो अंशवो गावो न दुह ऊर्धभिः ।  
 यद् वा वाणीरनूषत् प्र देवयन्तौ अश्विना १९  
 प्र द्युम्नाय प्र शर्वसे प्र नृषाह्याय शर्मणे ।  
 प्र दक्षाय प्रचेतसा २०  
 यन्नूनं धीभिरश्विना पितुर्योना निषीदथः ।  
 यद् वा सुप्तेभिरुक्थ्या २१

(१०) दशमं सूक्तम्

(१-६) षड्चस्यास्य सूक्तस्य घौरः प्रगाथ ऋषिः । अश्विनौ देवते । (१)

प्रथमर्चा बृहती, (२) द्वितीयाया मध्येज्योतिस्त्रिष्टुप्, (३) तृतीयाया अनुष्टुप्,  
(४) चतुर्थ्या आस्तारपङ्क्तिः, (५-६) पञ्चमीषष्ठयोश्च प्रगाथः (पञ्चम्या बृहती,  
षष्ठ्याः सतोबृहती) छन्दांसि

यत् स्थो दीर्घप्रसघ्ननि यद् वादो रौचने दिवः ।  
यद् वा समुद्रे अध्याकृते गृहे ऽतु आ यातमश्विना १  
यद् वा यज्ञं मनवे संमिमिक्षथुरेवेत् काणवस्य बोधतम् ।  
बृहस्पतिं विश्वान् देवाँ अहं हुव इन्द्राविष्णूँ अश्विनावाशुहेषसा २  
त्या न्वश्विना हुवे सुदंससा गृभे कृता ।  
ययोरस्ति प्र णः सुख्यं देवेष्वध्याप्यम् ३  
ययोरधि प्र यज्ञा असूरे सन्ति सूरयः ।  
ता यज्ञस्याध्वरस्य प्रचेतसा स्वधाभिर्या पिबतः सोम्यं मधु ४  
यद्वाश्विनावपाग् यत् प्राक् स्थो वाजिनीवसू ।  
यद् द्रुह्यव्यनवि तुर्वशे यदौ हुवे वामथ मा गतम् ५  
यदन्तरिक्षे पतथः पुरुभुजा यद् वेमे रोदसी अनु ।  
यद् वा स्वधाभिरधितिष्ठथो रथ मत् आ यातमश्विना ६

(११) एकादशं सूक्तम्

(१-१०) दशर्चस्यास्य सूक्तस्य काणवो वत्स ऋषिः । अग्निर्देवता । (१)

प्रथमर्चः प्रतिष्ठा गायत्री, (२) द्वितीयाया वर्धमाना गायत्री, (३-६)

तृतीयादिसप्तानां गायत्री, (१०) दशम्याश्च त्रिष्टुप् छन्दांसि

त्वमग्ने व्रतपा असि देव आ मर्त्येष्वाम् । त्वं यज्ञेष्वीड्यः १  
त्वमसि प्रशस्यो विदथेषु सहन्त्य । अग्ने रथीरध्वराणाम् २  
स त्वमस्मदपु द्विषो युयोधि जातवेदः । अदेवीरग्ने अरातीः ३  
अन्ति चित् सन्तमहं यज्ञं मर्तस्य रिपोः । नोप वेषि जातवेदः ४  
मर्ता अमर्त्यस्य ते भूरि नाम मनामहे । विप्रासो जातवेदसः ५  
विप्रं विप्रासोऽवसे देवं मर्तास ऊतयै । अग्निं गीर्भिर्हवामहे ६  
आ तै वत्सो मनो यमत् परमाच्चित् सधस्थात् । अग्ने त्वांकामया गिरा ७  
पुरुत्रा हि सदृङ्ङसि विशो विश्वा अनु प्रभुः । समत्सु त्वा हवामहे ८  
समत्स्वग्निमवसे वाजयन्तो हवामहे । वाजेषु चित्राधसम् ९  
प्रतो हि कमीड्यो अध्वरेषु सनाच्च होता नव्यश्च सत्सि ।

स्वां चाग्ने तन्वं पिप्रयस्वाऽस्मभ्यं च सौभगमा यजस्व १०  
इति पञ्चमोऽष्टकः

अथषष्ठोऽष्टकः । व० १-४०  
प्रथमोऽध्यायः

(१२) द्वादशं सूक्तम्

(१-३३) त्रयस्त्रिंशदृचस्यास्य सूक्तस्य काण्वः पर्वत ऋषिः । इन्द्रो देवता ।  
उष्णिक छन्दः

य इन्द्र सोमपातमो मदः शविष्ठ चेतति । येना हंसि न्यश्त्रिणं तमीमहे १  
येना दशग्वमधिगुं वेपयन्तं स्वर्णरम् । येना समुद्रमार्विथा तमीमहे २  
येन सिन्धु महीरपो रथाँ इव प्रचोदयः । पन्थामृतस्य यातवे तमीमहे ३  
इमं स्तोममभिष्टये घृतं न पूतमद्रिवः । येना नु सद्य ओजसा ववक्षिथ ४  
इमं जुषस्व गिर्वणः समुद्र इव पिन्वते । इन्द्र विश्वाभिरूतिभिर्ववक्षिथ ५  
यो नो देवः परावतः सखित्वनाय मामहे । दिवो न वृष्टिं प्रथयन्ववक्षिथ ६

ववक्षुरस्य केतव उत वज्रो गर्भस्त्योः । यत् सूर्यो न रोदसी अवर्धयत् ७  
यदि प्रवृद्ध सत्पते सहस्रं महिषाँ अर्घः । आदित् ते इन्द्रियं महि प्र वावृधे ८

इन्द्रः सूर्यस्य रश्मिभिर्न्यर्शसानमौषति । अग्निर्वनैव सासहिः प्र वावृधे ९  
इयं ते ऋत्वियावती धीतिरेति नवीयसी । सपर्यन्ती पुरुप्रिया मिमीत इत् १०

गर्भो यज्ञस्य देवयुः क्रतुं पुनीत आनुषक् । स्तोमैरिन्द्रस्य वावृधे मिमीत इत् ११

सनिर्मित्रस्य पप्रथ इन्द्रः सोमस्य पीतये । प्राची वाशीव सुन्वते मिमीत इत् १२

यं विप्रा उक्थवाहसो ऽभिप्रमन्दुरायवः । घृतं न पिप्य आसन्मृतस्य यत् १३  
उत स्वर्राजे अदितिः स्तोममिन्द्राय जीजनत् । पुरुप्रशस्तमृतस्य यत् १४

अभि वह्नय ऊतये ऽनूषत् प्रशस्तये । न देव विव्रता हरी ऋतस्य यत् १५



यत् सोममिन्द्र विष्णावि यद् वा घ त्रित आप्तये । यद् वा मरुत्सु मन्दसे  
 समिन्दुभिः १६  
 यद् वा शक्र परावति समुद्रे अधि मन्दसे । अस्माकमिह सुते रणा  
 समिन्दुभिः १७  
 यद् वासि सुन्वतो वृधो यजमानस्य सत्पते । उक्थे वा यस्य रणयसि  
 समिन्दुभिः १८  
 देवदेवं वोऽवस इन्द्रमिन्द्रं गृणीषणि । अधा यज्ञाय तुर्वणे व्यानशः १९  
 यज्ञेभिर्यज्ञवाहसं सोमैभिः सोमपातमम् । होत्राभिरिन्द्रे वावृधुर्व्यानशः २०  
 महीरस्य प्रणीतयः पूर्वोरुत प्रशस्तयः । विश्वा वसूनि दाशुषे व्यानशः २१  
 इन्द्रं वृत्राय हन्तवे देवासौ दधिरे पुरः । इन्द्रं वाणीरनूषता समोजसे २२  
 महान्तं महिना वयं स्तोमैभिर्हवनश्रुतम् । अकैरभि प्र णौनुमः समोजसे २३  
 न यं विविक्तो रोदसी नान्तरिक्षाणि वज्रिणम् । अमादिदस्य तित्विषे  
 समोजसः २४  
 यदिन्द्र पृतनाज्ये देवास्त्वा दधिरे पुरः । आदित् ते हर्यता हरी ववक्षतुः  
 २५  
 यदा वृत्रं नदीवृतं शर्वसा वज्रिन्नवधीः । आदित् ते हर्यता हरी ववक्षतुः  
 २६  
 यदा ते विष्णुरोजसा त्रीणि पदा विचक्रमे । आदित् ते हर्यता हरी ववक्षतुः  
 २७  
 यदा ते हर्यता हरी वावृधाते दिवेदिवे । आदित् ते विश्वा भुवनानि येमिरे  
 २८  
 यदा ते मारुतीर्विशस्तुभ्यमिन्द्र नियेमिरे । आदित् ते विश्वा भुवनानि  
 येमिरे २९  
 यदा सूर्यमुं दिवि शक्रं ज्योतिरधारयः । आदित् ते विश्वा भुवनानि येमिरे  
 ३०  
 इमां ते इन्द्र सुष्टुतिं विप्र इयर्ति धीतिभिः । जामिं पदेव पिप्रतीं प्राध्वरे ३१  
 यदस्य धामनि प्रिये समीचीनासो अस्वरन् । नाभा यज्ञस्य दोहना प्राध्वरे  
 ३२  
 सुवीर्यं स्वश्वयं सुगव्यमिन्द्र दद्धि नः । होतैव पूर्वचित्तये प्राध्वरे ३३  
 तृतीयोऽनुवादकः । सू० १३-२०

## (१३) त्रयोदशं सूक्तम्

(१-३३) त्रयस्त्रिंशदृचस्यास्य सूक्तस्य काण्वो नारद ऋषिः । इन्द्रो देवता ।

उष्णिक् छन्दः

इन्द्रः सुतेषु सोमेषु क्रतुं पुनीत उक्थ्यम् । विदे वृधस्य दक्षसो महान् हि षः  
१

स प्रथमे व्योमनि देवानां सदाने वृधः । सुपारः सुश्रवस्तमः समप्सुजित् २  
तमहे वाजसातय इन्द्रं भरीय शुष्मिणम् । भवा नः सुम्ने अन्तमः सखा वृधे  
३

इयं ते इन्द्र गिर्वणो रातिः क्षरति सुन्वतः । मृन्दानो अस्य बर्हिषो वि रजसि  
४

नूनं तदिन्द्र दद्धि नो यत् त्वा सुन्वन्त ईमहे । रयिं नश्चित्रमा भरा स्वर्विदम्  
५

स्तोता यत् ते विचर्षणि रतिप्रशर्धयद् गिरः । वया इवानु रोहते जुषन्त यत्  
६

प्रववज्जनया गिरः शृणुधी जरितुर्हवम् । मदमदे ववक्षिथा सुकृत्वने ७  
क्रीळन्त्यस्य सूनृता आपो न प्रवता यतीः । अया धिया य उच्यते पतिर्दिवः  
८

उतो पतिर्य उच्यते कृष्टीनामेक इद् वशी । नमोवृधैरवस्युभिः सुते रण ९  
स्तुहि श्रुतं विपश्चितं हरी यस्य प्रसक्षिणा । गन्तारा दाशुषौ गृहं नमस्विनः  
१०

तूतुजानो महेमते ऽश्वेभिः प्रुषितप्सुभिः । आ याहि यज्ञमाशुभिः शमिद्धि ते  
११

इन्द्र शविष्ठ सत्पते रयिं गृणत्सु धारय । श्रवः सूरिभ्यो अमृतं वसुत्वनम्  
१२

हवै त्वा सूर उदिते हवै मध्यंदिने दिवः । जुषाण इन्द्र सप्तिभिर्न आ गंहि  
१३

आ तू गंहि प्र तु द्रव मत्स्वा सुतस्य गोमतः । तन्तुं तनुष्व पूर्य यथा विदे  
१४

यच्छक्रासि परावति यदवावति वृत्रहन् । यद् वा समुद्रे अन्धसोऽवितेदसि

१५

इन्द्रं वर्धन्तु नो गिर इन्द्रं सुतास इन्द्रवः । इन्द्रं हविष्मतीर्विशो अराणिषुः

१६

तमिद् विप्रा अवस्यवः प्रवत्स्वतीभिरूतिभिः । इन्द्रं क्षोणीरवर्धयन् वया इव

१७

त्रिकट्टुकेषु चेतनं देवासौ यज्ञमन्नत । तमिद् वर्धन्तु नो गिरः सदावृधम् १८  
स्तोता यत् ते अनुव्रत उक्थान्यृतुथा दधे । शुचिः पावक उच्यते सो अद्भुतः

१९

तदिद् रुद्रस्य चेतति यंहं प्रत्नेषु धामसु । मनो यत्रा वि तद् दधुर्विचेतसः

२०

यदि मे सख्यमावर इमस्य पाह्यन्धसः । येन विश्वा अति द्विषो अतारिम

२१

कदा तं इन्द्र गिर्वणः स्तोता भवाति शंतमः । कदा नो गव्ये अश्वये वसौ  
दधः २२

उत ते सुष्टुता हरी वृषणा वहतो रथम् । अजुर्यस्य मदिन्तमं यमीमहे २३

तमीमहे पुरुष्टतं यंहं प्रत्नाभिरूतिभिः । नि बर्हिषि प्रिये सददधं द्विता २४

वर्धस्वा सु पुरुष्टत ऋषिष्टुताभिरूतिभिः । धुक्षस्व पिप्युषीमिषमवा च नः

२५

इन्द्र त्वमवितेदसी त्वा स्तुवतो अद्रिवः । अतादियमि ते धियं मनोयुजम्

२६

इह त्या संधमाद्या युजानः सोमपीतये । हरी इन्द्र प्रतद्वसू अभि स्वर २७

अभि स्वरन्तु ये तव रुद्रासः सक्षत श्रियम् । उतो मरुत्वतीर्विशो अभि प्रयः

२८

इमा अस्य प्रतूर्तयः पदं जुषन्त यद् दिवि । नाभा यज्ञस्य सं दधुर्यथा विदे

२९

अयं दीर्घाय चक्षसे प्राचि प्रयत्यध्वरे । मिमीते यज्ञमानुषग्विचक्ष्य ३०

वृषायमिन्द्र ते रथ उतो ते वृषणा हरी । वृषा त्वं शतक्रतो वृषा हवः ३१

वृषा गावा वृषा मदो वृषा सोमौ अयं सुतः । वृषा यज्ञो यमिन्वसि वृषा

हवः ३२

वृषा त्वा वृषणं हुवे वज्रिञ्जित्राभिरूतिभिः । वावन्थ हि प्रतिष्ठति वृषा हवः

३३

(१४) चतुर्दशं सूक्तम्

(१-१५) पञ्चदशर्चस्यास्य सूक्तस्य कारवायनौ गोषूक्त्यश्वसूक्तिनावृषी । इन्द्रो देवता । गायत्री छन्दः

यदिन्द्राहं यथा त्वमीशीय वस्व एक इत् । स्तोता मे गोषखा स्यात् १  
 शिञ्जैयमस्मै दित्सैयं शचीपते मनीषिणै । यदहं गोपतिः स्याम् २  
 धेनुष्ट इन्द्र सूनृता यजमानाय सुन्वते । गामश्च पिप्युषी दुहे ३  
 न तै वर्तास्ति राधस इन्द्र देवो न मर्त्यः । यद् दित्ससि स्तुतो मुघम् ४  
 यज्ञ इन्द्रमवर्धयद् यद् भूमिं व्यवर्तयत् । चक्राण औपशं दिवि ५  
 वावृधानस्य ते वयं विश्वा धनानि जिग्युषः । ऊतिमिन्द्रा वृणीमहे ६  
 व्यश्नन्तरिक्षमतिरन्मदे सोमस्य रोचना । इन्द्रो यदभिनद् वलम् ७  
 उद् गा आजदङ्गिरोभ्य आविष्कृण्वन् गुहा सतीः । अर्वाञ्च ननुदे वलम् ८  
 इन्द्रेण रोचना दिवो दृळ्हानि दृंहितानि च । स्थिराणि न पराणुदै ९  
 अपामूर्मिर्मदन्निव स्तोम इन्द्राजिरायते । वि ते मदा अराजिषुः १०  
 त्वं हि स्तोमवर्धन् इन्द्रास्युक्थवर्धनः । स्तोतृचफट्टणामुत भद्रकृत् ११  
 इन्द्रमित् केशिना हरी सोमपेयाय वक्षतः । उप यज्ञं सुराधसम् १२  
 अपां फेनेन नमुचेः शिर इन्द्रोदवर्तयः । विश्वा यदजयः स्पृधः १३  
 मायाभिरुत्सिसृप्सत् इन्द्र द्यामारुरुक्षतः । अव दस्यूरधूनुथाः १४  
 असुन्वामिन्द्र संसदं विषूचीं व्यनाशयः । सोमपा उत्तरो भवन् १५

(१५) पञ्चदशं सूक्तम्

(१-१३) त्रयोदशर्चस्यास्य सूक्तस्य कारवायनौ गोषूक्त्यश्वसूक्तिनावृषी । इन्द्रो देवता । उष्णिक् छन्दः

तम्वभि प्र गांयत पुरुहूतं पुरुष्टुतं । इन्द्रं गीर्भिस्तविषमा विवासत १  
 यस्य द्विबर्हसो बृहत् सहो दाधार रोदसी । गिरीरज्रा अपः स्वर्वृषत्वना २  
 स राजसि पुरुष्टुतं एकौ वृत्राणि जिघ्रसे । इन्द्र जैत्रा श्रवस्या च यन्तवे ३  
 तं ते मदं गृणीमसि वृषणं पृत्सु सासहिम् । उ लोककृत्तुमद्रिवो हरिश्रियम् ४

येन ज्योतीष्यायवे मनवे च विवेदिथ । मन्दानो अस्य बर्हिषो वि राजसि

५

तदद्या चित् त उ॒थिनो ऽनु॑ ष्टुवन्ति पू॒र्वथा॑ । वृष॑प॒त्नीर॒पो ज॑या दि॒वेदि॑वे ६  
तव॒ त्यदि॑न्द्रि॒यं बृ॒हत् तव॒ शुष्म॑मु॒त् क्रतु॑म् । वज्रं॑ शि॒शाति॑ धि॒षणा॑ वरै॒रयम्॑  
७

तव॒ द्यौरि॑न्द्र पौ॒स्यं पृ॒थि॒वी वर्ध॑ति श्रवः॑ । त्वामा॑पुः पर्व॑तासश्च हि॒न्विरे ८  
त्वां वि॒ष्णुर्बृ॑हन् क्ष॒यौ मि॒त्रो गृ॑णाति वरु॒णः । त्वां श॒र्धे म॑द॒त्यनु॑ मा॒रुतम्॑ ९  
त्वं वृ॒षा ज॑नानां मंहि॑ष्ठ इन्द्र जज्ञि॑षे । स॒त्रा वि॒श्वा स्व॑प॒त्यानि॑ दधि॑षे १०  
स॒त्रा त्वं पु॑रु॒ष्टुतुँ ए॒कौ वृ॒त्राणि॑ तोश॑से । नान्य॑ इन्द्रा॒त् कर॑णं भू॒य इ॒न्वति॑ ११  
यदि॑न्द्र मन्म॒शस्त्वा॑ नाना॒ हव॑त ऊ॒तयै॑ । अ॒स्मकै॑भिर्नृ॒भिर॒त्रा स्व॑र्जय १२  
अ॒रं क्ष॑याय नो म॒हे वि॒श्वा रू॒पाया॑वि॒शन् । इन्द्रं॑ जै॒त्राय॑ हर्ष॒या श॑ची॒पति॑म्  
१३

(१६) षोडशं सूक्तम्

(१-१२) द्वादशर्चस्यास्य सूक्तस्य काण्व इरिम्बिठिर्ऋषिः । इन्द्रो देवता ।

गायत्री छन्दः

प्र स॒म्राजं॑ च॒र्षणी॑ना मिन्द्रं॑ स्तो॒ता नव्यं॑ गी॒र्भिः । नरं॑ नृ॒षाहं॑ मंहि॑ष्ठम् १  
यस्मि॑न्नु॒क्थानि॑ रण॒यन्ति॑ वि॒श्वानि॑ च श्रव॒स्या । अ॒पाम॒वो न स॑मु॒द्रे २  
तं सु॑ष्टु॒त्या वि॒वासे॑ ज्येष्ठ॒राजं॑ भरे॑ कृ॒तुम् । म॒हो वा॒जिनं॑ स॒निभ्यैः ३  
यस्या॑नू॒ना ग॒भीरा॑ मदा॒ उ॒रव॑स्तरु॒त्राः । ह॒र्षुम॑न्तः शू॒रसा॑तौ ४  
तमि॑द् धने॑षु हि॒ते ष्व॑धिवा॒काय॑ हवन्ते । येषा॑मिन्द्र॒स्ते ज॑यन्ति ५  
तमि॑च्च॒यौतै॑रार्यन्ति॒ तं कृ॑तेभिश्च॒र्षण॑यः । एष॑ इन्द्रो॒ वरि॑व॒स्कृत् ६  
इन्द्रो॑ ब्र॒ह्मेन्द्र॑ ऋ॒षि रि॑न्द्रः पु॒रु पु॑रु॒हूतः । म॒हान् म॒हीभिः॑ श॒चीभिः॑ ७  
सः स्तो॑म्यः स ह॒व्यः स॒त्यः स॒त्वा तु॑वि॒कूर्मिः । ए॒कश्चित् स॒न्नभि॑भूतिः ८  
तम॑र्के॒भिस्तं॑ सा॒मभि॑स्तं गा॒यत्रैश्च॒र्षण॑यः । इन्द्रं॑ वर्ध॑न्ति क्षि॒तयः॑ ९  
प्र॒णेता॑रं व॒स्यो अ॒च्छा क॑र्तारं ज्योतिः॒ सम॑त्सु । सा॒स॒ह्रांसं॑ यु॒धामि॑त्रान् १०  
स नः॑ प॒प्रिः पा॑रयाति स्व॒स्ति ना॒वा पु॑रु॒हूतः । इन्द्रो॑ वि॒श्वा अ॒ति द्वि॑षः ११  
स त्वं न॑ इन्द्र॒ वाजै॑भिर्द॒शस्या॑ च गा॒तुया॑ च । अ॒च्छा च नः॑ सु॒म्रं नै॑षि १२

(१७) सप्तदशं सूक्तम्

(१-१५) पञ्चदशर्चस्यास्य सूक्तस्य काण्व इरिम्बिठिर्ऋषिः । (१-१३, १५)

प्रथमादित्रयोदशर्चा पञ्चदश्याश्चेन्द्रः, (१४) चतुर्दश्याश्चेन्द्रो वास्तोष्पतिर्वा देवता ।

(१-१३) प्रथमादित्रयोदशर्चा गायत्री, (१४-१५) चतुर्दशीपञ्चदशयोश्च प्रगाथः

(चतुर्दश्या बृहती, पञ्चदश्याः सतोबृहती) छन्दसी

आ याहि सुषुमा हि त इन्द्र सोमं पिबा इमम् । एदं बृहिः सदो मम १  
 आ त्वा ब्रह्मयुजा हरी वहतामिन्द्र केशिना । उप ब्रह्माणि नः शृणु २  
 ब्रह्माणस्त्वा वयं युजा सोमपामिन्द्र सोमिनः । सुतावन्तो हवामहे ३  
 आ नो याहि सुतावतो ऽस्माकं सुष्टीरुप । पिबा सु शिप्रिन्नन्धसः ४  
 आ तै सिञ्चामि कुक्ष्यो रनु गात्रा वि धावतु । गृभाय जिह्वया मधु ५  
 स्वादुष्टै अस्तु संसुदे मधुमान् तन्वेऽ तव । सोमः शर्मस्तु ते हृदे ६  
 अयमु त्वा विचर्षणे जनीरिवाभि संवृतः । प्र सोम इन्द्र सर्पतु ७  
 तुविग्रीवो वपोदरः सुबाहुरन्धसो मदै । इन्द्रो वृत्राणि जिघ्रते ८  
 इन्द्र प्रेहि पुरस्त्वं विश्वस्येशान् ओजसा । वृत्राणि वृत्रहञ्जहि ९  
 दीर्घस्तै अस्त्वङ्कुशो येना वसु प्रयच्छसि । यजमानाय सुन्वते १०  
 अयं त इन्द्र सोमो निपूतो अधि बृहिषि । एहीमस्य द्रवा पिब ११  
 शाचिगो शाचिपूजना ऽयं रणाय ते सुतः । आखण्डल प्र हूयसे १२  
 यस्तै शृङ्गवृषो नपात् प्रणपात् कुरङ्पाय्यः । न्यस्मिन् दध्र आ मनः १३  
 वास्तोष्पते ध्रुवा स्थूणां ऽसत्रं सोम्यानाम् ।  
 द्रप्सो भेत्ता पुरां शश्वतीना मिन्द्रो मुनीनां सखा १४  
 पृदाकुसानुर्यजतो गुवेषण एकः सन्नभि भूर्यसः ।  
 भूर्णिमश्वं नयत् तुजा पुरो गृभे न्द्रं सोमस्य पीतये १५

(१८) अष्टादशं सूक्तम्

(१-२२) द्वाविंशत्यृचस्यास्य सूक्तस्य काण्व इरिम्बिठिर्ऋषिः । (१-३, ५, १०-

२२) प्रथमादितृचस्य पञ्चम्या ऋचो दशम्यादित्रयोदशानाञ्चादित्याः, (४, ६-७)

चतुर्थीषष्ठीसप्तमीनामदितिः, (८) अष्टम्या अश्विनौ, (९) नवम्याश्चाग्निसूर्यानिला

देवताः । उष्णिक् छन्दः

इदं ह नूनमेषां सुम्रं भिक्षेतु मर्त्यः । आदित्यानामपूर्व्यं सर्वामनि १  
 अनुर्वाणो ह्येषां पन्था आदित्यानाम् । अदब्धाः सन्ति पायवः सुगेवृधः २  
 तत् सु नः सविता भगो वरुणो मित्रो अर्यमा । शर्म यच्छन्तु सप्रथो यदीमहे

३

दे॒वेभिर्दे॒व्यदि॒ते ऽरि॑ष्टभ॒र्म्ना ग॑हि । स्मत् सूरि॒भिः पु॒रुप्रि॑ये सु॒शर्म॑भिः ४  
ते हि पु॒त्रासो॑ अदि॒तेर्वि॒दुर्द्वेषा॑सि योत॒वे । अ॒होश्चि॑दु॒रुच॑क्रयोऽने॒हसः॑ ५  
अदि॒तिर्नो॑ दि॒वा पु॒शु मदि॑ति॒र्नक्त॑मद्व॒याः । अदि॑तिः पा॒त्वंह॑सः स॒दावृ॑धा ६  
उ॒त स्या॑ नो दि॒वा म॒ति रदि॑तिरू॒त्या ग॑मत् । सा शंता॑ति मय॑स्कर॒दप॑  
स्त्रि॒धः ७

उ॒त त्या॑ दै॒व्या भि॑ष॒जा शं नः॑ करतो अ॒श्विना॑ । यु॒युया॑ता॒मितो॑ रपो अप॑  
स्त्रि॒धः ८

श॒म॒ग्नि॒रग्नि॑भिः क॒र॒च्छं न॑स्तपतु सूर्यः । शं वा॒तो वा॒त्वर॑पा अप॑ स्त्रि॒धः ९  
अ॒पा॒मी॒वाम॑प॒ स्त्रि॒ध॒ मप॑ से॒धत॑ दु॒र्मति॑म् । आदि॒त्यासो॑ यु॒योत॑ना नो अ॒हसः॑  
१०

यु॒यो॒ता श॑रु॒म॒स्मदाँ॑ आदि॒त्यास॑ उ॒ताम॑तिम् । ऋ॒ध॒ग्द॒वेषः॑ कृ॒णुत॑ वि॒श्ववे॑दसः  
११

तत् सु॒ नः श॑र्म यच्छ॒ता ऽऽदि॑त्या यन्मु॒मौच॑ति । ए॒न॒स्वन्तं॑ चि॒दे॒न॒सः  
सु॒दान॑वः १२

यो नः॑ कश्चि॒द् रि॑रि॒क्षति॑ र॒क्षस्त्वे॒न म॑र्त्यः । स्वैः ष ए॒वै रि॑रि॒षीष्ट॑ यु॒र्जनः॑ १३  
स॒मि॒त् त॒म॒घर्म॑श्नवद् दुःशंसं॑ म॒र्त्यं रि॑पुम् । यो अ॒स्म॒त्रा दु॒र्हणा॑वाँ उप॑ द्व॒युः  
१४

पा॒क॒त्रा स्थ॑न दे॒वा ह॑त्सु जा॒नीथ॑ म॒र्त्यम् । उप॑ द्व॒युं चा॒द्वयुं॑ च व॒सवः॑ १५  
आ श॑र्म प॒र्व॒ताना॑ मो॒तापां॑ वृ॒णीम॑हे । द्यावा॑क्षा॒मारे॑ अ॒स्मद् रप॑स्कृतम् १६  
ते नो॑ भ॒द्रेण॑ श॒र्मणा॑ यु॒ष्माकं॑ ना॒वा व॑सवः । अ॒ति वि॒श्वानि॑ दु॒रिता॑ पि॒प॒र्तन॑  
१७

तु॒चे तना॑य॒ तत् सु॒ नो द्रा॑घी॒य आ॑र्यु॒र्जीव॑सै । आदि॒त्यासः॑ सु॒म॒हसः॑ कृ॒णोत॑न  
१८

य॒ज्ञो ही॒ळो वो॑ अ॒न्तर॑ आदि॒त्या अ॑स्ति मृ॒ळत॑ । यु॒ष्मे इ॒द् वो अ॑पि ष्म॒सि  
स॒जा॒त्यै १९

बृ॒हद् व॑रू॒थं म॑रुता॑ दे॒वं त्रा॑ता॒र॒श्विना॑ । मि॒त्रमी॑महे व॒रुणं॑ स्व॒स्तये॑ २०  
अ॒ने॒हो मि॑त्रा॒र्यम॑न् नृ॒वद् व॑रु॒ण शंस्य॑म् । त्रि॒वरू॑थं म॒रुतो॑ यन्त न॒श्छ॑र्दिः २१  
ये चि॒द्धि मृ॒त्युर्ब॑न्ध॒व आदि॑त्या॒ मन॑वः॒ स्मसि॑ । प्र सू॒ न आ॑र्यु॒र्जीव॑सै ति॒रेत॑न  
२२

(१६) एकोनविंशं सूक्तम्

(१-३७) सप्तत्रिंशदृचस्यास्य सूक्तस्य काण्वः सोभरिर्ऋषिः । (१-३३)  
प्रथमादित्रयस्त्रिंशदृचामग्निः, (३४-३५) चतुस्त्रिंशीपञ्चत्रिंशयोरादित्याः, (३६-  
३७) षट्त्रिंशीसप्तत्रिंशोश्च पौरुकृत्यस्य त्रसदस्योर्दानस्तुतिर्देवताः । (१-२६,  
२८-३३) प्रथमादिषड्विंशत्यृचामष्टाविंश्यादिषणाञ्च प्रगाथः (विषमर्चा ककुप्,  
समर्चा सतोबृहती), (२७) सप्तविंश्या द्विपदा विराट्, (३४) चतुस्त्रिंश्या  
उष्णिक्, (३५) पञ्चत्रिंश्याः सतोबृहती, (३६) षट्त्रिंश्याः ककुप्, (३७)

सप्तत्रिंश्याश्च पङ्क्तिश्छन्दांसि

तं गूर्धया स्वर्णरं देवासौ देवमरतिं दधन्विरे । देवत्रा हव्यमोहि रे १  
विभूतरातिं विप्र चित्रशौचिष मग्निमीळिष्व यन्तुरम् ।  
अस्य मेधस्य सोम्यस्य सोभरे प्रेमध्वराय पूर्व्यम् २  
यजिष्ठं त्वा ववमहे देवं देवत्रा होताममर्त्यम् । अस्य यज्ञस्य सुक्रतुम् ३  
ऊर्जो नपातं सुभगं सुदीदिति मग्निं श्रेष्ठशौचिषम् ।  
स नो मित्रस्य वरुणस्य सो अपा मा सुभ्रं यक्षते दिवि ४  
यः समिधा य आहुती यो वेदेन ददाश मर्ते अग्नये ।  
यो नमसा स्वध्वरः ५  
तस्येदर्वन्तो रंहयन्त आशवस्तस्य द्युम्रितम् यशः ।  
न तमंहौ देवकृतं कर्तश्चन न मर्त्यकृतं नशत् ६  
स्वग्नयौ वो अग्निभिः स्याम सूनो सहस ऊर्जा पते । सुवीरस्त्वमस्मयुः ७  
प्रशंसमानो अतिथिर्न मित्रियो ऽग्नी रथो न वेद्यः ।  
त्वे क्षेमासो अपि सन्ति साधवस्त्वं राजा रयीणाम् ८  
सो अद्धा दाश्वध्वरो ऽग्ने मर्तः सुभग स प्रशंस्यः । स धीभिरस्तु सनिता ९  
यस्य त्वमूर्ध्वो अंध्वराय तिष्ठसि क्षयद्वीरः स साधते ।  
सो अर्वद्भिः सनिता स विपन्युभिः स शूरैः सनिता कृतम् १०  
यस्याग्निर्वपुर्गृहे स्तोमं चनो दधीत विश्ववार्यः । हव्या वा वेविषद् विषः  
११

विप्रस्य वा स्तुवतः सहसो यहो मक्षतमस्य रातिषु ।  
अवोदेवमुपरिमर्त्य कृधि वसौ विविदुषो वचः १२  
यो अग्निं हव्यदातिभिर्नमोभिर्वा सुदक्षमाविवांसति । गिरा  
वाजिरशौचिषम् १३



समिधा यो निशिती दाशददिति धामभिरस्य मर्त्यः ।  
विश्वेत् स धीभिः सुभगो जनाँ अति द्युमैरुदन इव तारिषत् १४  
तदग्ने द्युममा भर यत् सासहत् सदेने कं चिदत्रिणम् । मन्युं जनस्य दूढयः  
१५  
येन चष्टे वरुणो मित्रो अर्यमा येन नासत्या भगः ।  
वयं तत् ते शर्वसा गातुवित्तमा इन्द्रत्वोता विधेमहि १६  
ते घेदग्ने स्वाध्योऽये ते त्वा विप्र निदधिरे नृचक्षसम् । विप्रांसो देव सुक्रतुम्  
१७  
त इद् वेदिं सुभग त आहुतिं ते सोतुं चक्रिरे दिवि ।  
त इद् वाजैभिर्जिग्युर्महद् धनुं ये त्वे काम न्येरिरे १८  
भद्रो नो अग्निराहुतो भद्रा रातिः सुभग भद्रो अध्वरः । भद्रा उत प्रशस्तयः  
१९  
भद्रं मनः कृणुष्व वृत्रतूर्ये येना समत्सु सासहः ।  
अव स्थिरा तनुहि भूरि शर्धतां वनेमा ते अभिष्टिभिः २०  
ईळे गिरा मनुर्हितं यं देवा दूतमरतिं न्येरिरे । यजिष्ठं हव्यवाहनम् २१  
तिग्मजम्भाय तरुणाय राजते प्रयो गायस्यग्रये ।  
यः पिंशते सूनृताभिः सुवीर्यं मग्निघृतेभिराहुतः २२  
यदी घृतेभिराहुतो वाशीमग्निर्भरत उच्चाव च । असुर इव निर्णिजम् २३  
यो हव्यान्यैरयता मनुर्हितो देव आसा सुगन्धिना ।  
विवासते वार्याणि स्वध्वरो होता देवो अमर्त्यः २४  
यदग्ने मर्त्यस्त्वं स्यामहं मित्रमहो अमर्त्यः । सहसः सूनवाहुत २५  
न त्वा रासीयाभिर्शस्तये वसो न पापत्वार्य सन्त्य ।  
न मै स्तोतामतीवा न दुर्हितः स्यादग्ने न पापया २६  
पितुर्न पुत्रः सुभृतो दुरोण आ देवाँ एतु प्र णौ हविः २७  
तवाहर्मग्न ऊतिभिर्नेदिष्ठाभिः सचेय जोषमा वसो । सदा देवस्य मर्त्यः  
२८  
तव क्रत्वा सनेयं तव रातिभिर्रग्ने तव प्रशस्तिभिः ।  
त्वामिदाहुः प्रमतिं वसो ममाग्ने हर्षस्व दातवे २९  
प्र सो अग्ने तवोतिभिः सुवीराभिस्तिरते वाजभर्मभिः । यस्य त्वं  
सख्यमावरः ३०

तव द्रुप्सो नीलवान् वाश ऋत्विय इन्धानः सिष्णवा ददे ।  
 त्वं महीनामुषसामसि प्रियः क्षपो वस्तुषु राजसि ३१  
 तमार्गन्म सौभरयः सहस्रमुष्कं स्वभिष्टिमवसे । सम्राजं त्रासदस्यवम् ३२  
 यस्य ते अग्ने अन्ये अग्रय उपक्षितौ वया इव ।  
 विपो न द्युम्ना नि युवे जनानां तव क्षत्राणि वर्धयन् ३३  
 यमादित्यासो अद्रुहः पारं नयथ मर्त्यम् । मघोनां विश्वेषां सुदानवः ३४  
 यूयं राजानः कं चिच्चर्षणीसहः क्षयन्तं मानुषाँ अनु ।  
 वयं ते वो वरुण मित्रार्यमन् तस्यामेदृतस्य रथ्यः ३५  
 अदान्मे पौरुकुत्स्यः पञ्चाशतं त्रसदस्युर्वधूनाम् । मंहिष्ठो अर्यः सत्पतिः ३६  
 उत मै प्रियर्योर्वयियौः सुवास्त्वा अधि तुर्वनि ।  
 तिसृणां सप्ततीनां श्यावः प्रणेता भुवद् वसुर्दियानां पतिः ३७

(२०) विंशं सूक्तम्

(१-२६) षड्विंशत्यृचस्यास्य सूक्तस्य काण्वः सोभरिर्ऋषिः । मरुतो देवताः ।

प्रगाथः (विषमर्चा ककुप्, समर्चा सतोबृहती) छन्दः

आ गन्ता मा रिषयत् प्रस्थलवानो माप स्थाता समन्यवः । स्थिरा  
 चिन्नमयिष्णवः १ वीळुपविभिर्मरुत ऋभुक्ष्ण आ रुद्रासः सुदीतिभिः ।  
 इषा नो अद्या गता पुरुस्पृहो यज्ञमा सौभरीयवः २  
 विद्या हि रुद्रियाणां शुष्ममुग्रं मरुतां शिमीवताम् । विष्णोरिषस्य मीळुषाम्  
 ३  
 वि द्वीपानि पापतन् तिष्ठद् दुच्छुनो भे युजन्त रोदसी ।  
 प्र धन्वान्यैरत शुभ्रखादयो यदेजथ स्वभानवः ४  
 अच्युता चिद् वो अज्मन्ना नानदति पर्वतासो वनस्पतिः । भूमिर्यामैषु रेजते  
 ५  
 अमाय वो मरुतो यातवे द्यौर्जिहीत उत्तरा बृहत् ।  
 यत्रा नरो देदिशते तनूष्वा त्वक्षांसि बाह्वौजसः ६  
 स्वधामनु श्रियं नरो महि त्वेषा अमवन्तो वर्षप्सवः । वहन्ते अहुतप्सवः  
 ७  
 गोभिर्वाणो अज्यते सौभरीणां रथे कोशे हिरण्यये ।  
 गोबन्धवः सुजातास इषे भुजे महान्तौ नः स्पर्से नु ८

प्रति वो वृषदञ्जयो वृष्णे शर्धाय मारुताय भरध्वम् । हव्या वृषप्रयाव्णे ६  
वृष्णश्वेन मरुतो वृषप्सुना रथेन वृषनाभिना ।

आ श्येनासो न पक्षिणो वृथा नरो हव्या नो वीतये गत १०

समानमञ्जयेषां वि भ्राजन्ते रुक्मासो अधि बाहुषु । दविद्युतत्यृष्टयः ११

त उग्रासो वृष्ण उग्रबाहवो नकिष्टनूषु येतिरे ।

स्थिरा धन्वान्यार्युधा रथेषु वो ऽनीकेष्वधि श्रियः १२

येषामर्णो न सप्रथो नाम त्वेषं शश्वतामेकमिद् भुजे । वयो न पित्र्यं सहः

१३

तान् वन्दस्व मरुतस्तां उप स्तुहि तेषां हि धुनीनाम् ।

अराणां न चरमस्तदैषां दाना मुहा तदैषाम् १४

सुभगः स व ऊतिष्वास पूर्वासु मरुतो व्युष्टिषु । यो वा नूनमुतासति १५

यस्य वा यूयं प्रति वाजिनो नर आ हव्या वीतये गथ ।

अभि ष द्युमैरुत वाजसातिभिः सुम्ना वो धूतयो नशत् १६

यथा रुद्रस्य सूनवो दिवो वशन्त्यसुरस्य वेधसः । युवानस्तथेदसत् १७

ये चाहन्ति मरुतः सुदानवः स्मन्मीळुषश्चरन्ति ये ।

अतश्चिदा न उप वस्यसा हृदा युवान आ ववृध्वम् १८

यून ऊ षु नविष्ठया वृष्णः पावकां अभि सौभरे गिरा । गाय गा इव चकृषत्

१९

साहा ये सन्ति मुष्टिहेव हव्यो विश्वासु पृत्सु होतृषु ।

वृष्णाश्चन्द्रान्न सुश्रवस्तमान् गिरा वन्दस्व मरुतो अह २०

गावश्चिद् घा समन्यवः सजात्यैन मरुतः सबन्धवः । रिहते ककुभौ मिथः

२१

मर्तश्चिद् वो नृतवो रुक्मवक्षस उप भ्रातृत्वमायति ।

अधि नो गात मरुतः सदा हि व आपित्वमस्ति निध्रुवि २२

मरुतो मारुतस्य न आ भैषजस्य वहता सुदानवः । यूयं सखायः सप्तयः

२३

याभिः सिन्धुमर्वथ याभिस्तूर्वथ याभिर्दशस्यथा क्रिविम् ।

मयौ नो भूतोतिभिर्मयोभुवः शिवाभिरसचद्विषः २४

यत्सिन्धौ यदसिकन्यां यत् समुद्रेषु मरुतः सुबर्हिषः । यत् पर्वतेषु भेषजम्

२५

विश्वं पश्यन्तो बिभृथा तनूष्वा तेना नो अधि वोचत ।  
 क्षमा रपौ मरुत आतुरस्य न इष्कर्ता विहुतं पुनः २६  
 द्वितीयोऽध्यायः । व० १-४०  
 चतुर्थोऽनुवाकः । सू० २१-३०

(२१) एकविंशं सूक्तम्

(१-१८) अष्टादशर्चस्यास्य सूक्तस्य कारवः सोभरिर्ऋषिः । (१-१६)  
 प्रथमादिषोडशर्चामिन्द्रः, (१७-१८) सप्तदश्यष्टादश्योश्च चित्रस्य दानस्तुतिर्देवते ।  
 प्रगाथः (विषमर्चा ककुप्, समर्चा सतोबृहती) छन्दः  
 वयमु त्वामपूर्व्य स्थूरं न कञ्चिद् भरन्तोऽवस्यवः । वाजै चित्रं हवामहे १  
 उप त्वा कर्मनूतये स नो युवो ग्रश्चक्राम यो धृषत् ।  
 त्वामिद्धयवितारं ववृमहे सखाय इन्द्र सानुसिम् २  
 आ याहीम इन्द्रवो ऽश्वपते गोपत उर्वरापते । सोमं सोमपते पिब ३  
 वयं हि त्वा बन्धुमन्तमबन्धवो विप्रांस इन्द्र येमिम ।  
 या ते धामानि वृषभ तेभिरा गहि विश्वेभिः सोमपीतये ४  
 सीदन्तस्ते वयो यथा गोश्रीते मधौ मदरे विवक्षणे । अभि त्वामिन्द्र नोनुमः  
 ५  
 अच्छा च त्वैना नमसा वदामसि किं मुहुश्चिद् वि दीधयः ।  
 सन्ति कामासो हरिवो दृदिष्टं स्मो वयं सन्ति नो धियः ६  
 नूत्रा इदिन्द्र ते वय मूती अभूम नहि नू तै अद्रिवः । विद्या पुरा परीणसः ७  
 विद्या सखित्वमुत शूर भोज्यश्मा ते ता वज्रिनीमहे ।  
 उतो समस्मिन्ना शिशीहि नो वसो वाजै सुशिप्र गोमति ८  
 यो न इदमिदं पुरा प्र वस्य आनिनाय तमु वः स्तुषे । सखाय इन्द्रमूतये ९  
 हर्यश्च सत्पतिं चर्षणीसहं स हि ष्मा यो अमन्दत ।  
 आ तु नः स वयति गव्यमश्वयं स्तोतृभ्यो मघवां शतम् १०  
 त्वया ह स्विद् युजा वयं प्रति श्वसन्तं वृषभ ब्रवीमहि । संस्थे जनस्य  
 गोमतः ११ जयम कारे पुरुहूत कारिणो ऽभि तिष्ठेम दूढयः ।  
 नृभिर्वृत्रं हन्याम शूश्याम चाऽवैरिन्द्र प्र णो धियः १२  
 अभ्रातृव्यो अना त्व मनापिरिन्द्र जनुषा सनादसि । युधेदापित्वमिच्छसे  
 १३

नकी रेवन्तं सखायं विन्दसे पीयन्ति ते सुराश्चः ।  
यदा कृणोषि नदनुं समूहस्यादित् पितेव हूयसे १४  
मा ते अमाजुरौ यथा मूरासं इन्द्र सख्ये त्वावतः । नि षदाम सचा सुते १५  
मा ते गोदत्र निरराम राधसं इन्द्र मा ते गृहामहि ।  
दृळहा चिदुर्यः प्र मृशाभ्या भर न ते दामान आदभै १६  
इन्द्रो वा घेदियन्मघं सरस्वती वा सुभगा ददिर्वसु । त्वं वा चित्र दाशुषे  
१७  
चित्र इद् राजा राजका इदन्यके यके सरस्वतीमनु ।  
पर्जन्य इव ततनद्धि वृष्ट्या सहस्रमयुता ददत् १८

(२२) द्वाविंशं सूक्तम्

(१-१८) अष्टादशर्चस्यास्य सूक्तस्य कारवः सोभरिर्ऋषिः । अश्विनौ देवते । (१-६) प्रथमादिषडृचां प्रगाथः (विषमर्चा बृहती, समर्चा सतोबृहती), (७) सप्तम्या बृहती, (८) अष्टम्या अनुष्टुप्, (९-१०, १३-१८) नवमीदशम्योस्त्रयोदश्यादिषण्णाञ्च काकुभः प्रगाथः (विषमर्चा ककुप्, समर्चा सतोबृहती), (११) एकादश्याः ककुप्, (१२) द्वादश्याश्च मध्येज्योतिस्त्रिष्टुप् छन्दांसि

ओ त्यमह आ रथं मुद्या दंसिष्ठमृतयै ।  
यमश्विना सुहवा रुद्रवर्तनी आ सूर्यायै तस्थथुः १  
पूर्वापुषं सुहवं पुरुस्पृहं भुज्युं वाजेषु पूर्व्यम् ।  
सचनावन्तं सुमतिभिः सोभरे विद्वेषसमनेहसम् २  
इह त्या पुरुभूतमा देवा नमोभिरश्विना ।  
अर्वाचीना स्ववसे करामहे गन्तारा दाशुषो गृहम् ३  
युवो रथस्य परि चक्रमीयत ईर्मान्यद् वामिषयति ।  
अस्मां अच्छां सुमतिर्वा शुभस्पती आ धेनुरिव धावतु ४  
रथो यो वा त्रिवन्धुरो हिरणयाभीशुरश्विना ।  
परि द्यावापृथिवी भूषति श्रुतस्तेन नासत्या गतम् ५  
दशस्यन्ता मनवे पूर्व्यं दिवि यवं वृक्रेण कर्षथः ।  
ता वामद्य सुमतिभिः शुभस्पती अश्विना प्र स्तुवीमहि ६  
उप नो वाजिनीवसू यातमृतस्य पृथिभिः ।

येभिस्तृद्धिं वृषणा त्रसदस्यवं महे क्षत्राय जिन्वथः ७  
 अयं वामद्विभिः सुतः सोमो नरा वृषणवसू ।  
 आ यातं सोमपीतये पिबतं दाशुषो गृहे ८  
 आ हि रुहतमश्विना रथे कोशे हिरण्यये वृषणवसू ।  
 युञ्जाथां पीवरीरिषः ९  
 याभिः पुक्थमवथो याभिरधिगुं याभिर्बुभुं विजौषसम् ।  
 ताभिर्नो मक्षू तूर्यमश्विना गतं भिषज्यतं यदातुरम् १०  
 यदधिगावो अधिगू इदा चिदहो अश्विना हवामहे ।  
 वयं गीर्भिर्विपन्यवः ११  
 ताभिरा यातं वृषणोप मे हव विश्वप्सु विश्ववार्यम् ।  
 इषा मंहिष्ठा पुरुभूतमा नरा याभिः क्रिविं वावृधुस्ताभिरा गतम् १२  
 ताविदा चिदहानां तावश्विना वन्दमान उप ब्रुवे । ता ऊ नमोभिरीमहे १३  
 ताविद् दोषा ता उषसि शभस्पती ता यामन् रुद्रवर्तनी ।  
 मा नो मताय रिपवे वाजिनीवसू पुरो रुद्रावति ख्यतम् १४  
 आ सुगम्याय सुगम्यं प्राता रथेनाश्विना वा सक्षणी । हुवे पितेव सोभरी १५  
 मनोजवसा वृषणा मदच्युता मक्षुंगमाभिरूतिभिः ।  
 आरात्ताच्चिद्धतमस्मे अवसे पुर्वीभिः पुरुभोजसा १६  
 आ नो अश्वावदश्विना वर्तियासिष्टं मधुपातमा नरा । गोमद् दस्त्रा हिरण्यवत् १७  
 सुप्रावर्गं सुवीर्यं सुष्ठु वार्यं मनाधृष्टं रक्षस्विना ।  
 अस्मिन्ना वामायाने वाजिनीवसू विश्वा वामानि धीमहि १८

(२३) त्रयोविंशं सूक्तम्

(१-३०) त्रिंशदृचस्यास्य सूक्तस्य वैयश्चो विश्वमना ऋषिः । अग्निर्देवता ।

उष्णिक् छन्दः

ईळिष्वा हि प्रतीव्यं यजस्व जातवेदसम् । चरिष्णधूममगृभीतशोचिषम् १  
 दामानं विश्वचर्षणे ऽग्निं विश्वमनो गिरा । उत स्तुषे विष्पधसो रथानाम् २  
 येषामाबाध ऋग्मिय इषः पृक्षश्च निग्रभे । उपविदा वह्निर्विन्दते वसु ३  
 उदस्य शोचिरस्थाद् दीदियुषो व्यज्रम् । तपुर्जम्भस्य सुद्युतो गणश्रियः ४  
 उदु तिष्ठ स्वध्वर स्तवानो देव्या कृपा । अभिरव्या भासा बृहता शशुक्वनिः

५

अग्रै याहि सुशस्तिभिर्हव्या जुह्वान आनुषक् । यथा दूतो बभूथ  
हव्यवाहनः ६

अग्निं वः पूर्व्यं हुवे होतारं चर्षणीनाम् । तमया वाचा गूणे तमु वः स्तुषे ७  
यज्ञेभिरद्भुतक्रतुं यं कृपा सूदयन्त इत् । मित्रं न जने सुधितमृतावनि ८  
ऋतावानमृतायवो यज्ञस्य साधनं गिरा । उपौ एनं जुजुषुर्नर्मसस्पदे ९  
अच्छा नो अङ्गिरस्तमं यज्ञासौ यन्तु संयतः । होता यो अस्ति विद्धवा  
यशस्तमः १०

अग्रे तव त्वे अजरे न्धानासो बृहद् भाः । अश्वा इव वृषणस्तविषीयवः ११  
स त्वं न ऊर्जा पते रयिं रास्व सुवीर्यम् । प्राव नस्तोके तनये समत्स्वा १२  
यद् वा उ विश्पतिः शितः सुप्रीतो मनुषो विशि । विश्वेदग्निः प्रति रक्षांसि  
सेधति १३

श्रुष्ट्यग्रे नवस्य मे स्तोमस्य वीर विश्पते । नि मायिनस्तपुषा रक्षसो दह  
१४

न तस्य मायया चन रिपुरीशीतु मर्त्यः । यो अग्रये ददाश हव्यदातिभिः १५  
व्यश्वस्त्वा वसुविदं मुक्षगयुरप्रीणादृषिः । महो राये तमु त्वा समिधीमहि  
१६

उशना काव्यस्त्वा नि होतारमसादयत् । आयजिं त्वा मनवे जातवैदसम्  
१७

विश्वे हि त्वा सजोषसो देवासो दूतमक्रत । श्रुष्टी देव प्रथमो यज्ञियो भुवः  
१८

इमं वा वीरो अमृतं दूतं कृण्वीतु मर्त्यः । पावकं कृष्णवर्तनिं विहायसम्  
१९

तं हुवेम युतस्रुचः सुभासं शक्रशौचिषम् । विशामग्निमजरं प्रत्नमीड्यम् २०  
यो अस्मै हव्यदातिभि राहुतिं मर्तोऽविधत् । भूरि पोषं स धत्ते वीरवद् यशः  
२१

प्रथमं जातवैदस मग्निं यज्ञेषु पूर्व्यम् । प्रति स्रुगैति नर्मसा हविष्मती २२  
आभिर्विधेमाग्रये ज्येष्ठाभिर्यश्ववत् । मंहिष्ठाभिर्मतिभिः शक्रशौचिषे २३  
नूनमर्चं विहायसे स्तोमैभिः स्थूरयूपवत् । ऋषे वैयश्च दम्यायाग्रये २४  
अतिथिं मानुषाणां सूनुं वनस्पतीनाम् । विप्रा अग्निमवसे प्रत्नमीळते २५

म॒हो वि॒श्वाँ अ॒भि ष॒तो॒ऽभि ह॒व्यानि॒ मानु॑षा । अ॒ग्ने नि ष॑त्सि नम॒साधि॑  
ब॒र्हिषि॑ २६

वंस्वा॑ नो वा॒या पुरु॑ वंस्व रा॒यः पु॒रुस्पृ॑हः । सु॒वीर्य॑स्य प्र॒जाव॑तो यश॑स्वतः  
२७

त्वं व॑रो सुषाम्णे ऽग्ने जना॑य चोदय । सदा॑ वसो रा॒तिं य॑विष्टु शश्व॑ते २८  
त्वं हि सु॒प्रतूर॑सि त्वं नो गो॒र्मती॑रिषः । म॒हो रा॒यः सा॒तिर्म॑ग्ने अ॒पा वृ॑धि २९  
अ॒ग्ने त्वं य॒शा अ॒स्या मि॒त्रावरु॑णा वह । अ॒तावा॑ना स॒म्राजा॑ पूतद॑क्षसा ३०

(२४) चतुर्विंशं सूक्तम्

(१-३०) त्रिंशदृचस्यास्य सूक्तस्य वैयश्चो विश्वमना ऋषिः । (१-२७)

प्रथमादिसप्तविंशत्यृचामिन्द्रः, (२८-३०) अष्टाविंश्यादितृचस्य च सौषाम्णस्य  
वरोदानस्तुतिर्देवते । (१-२९) प्रथमाद्येकोनत्रिंशदृचामुष्णिक्, (३०)

त्रिंश्याश्चानुष्टुप् छन्दसी

सखा॑य आ शिषाम॒हि ब्र॒ह्मेन्द्रा॑य वृ॒जिणो॑ । स्तुष॑ ऊ॒ षु वो॒ नृत॑माय धृ॒ष्णवो॑ १  
शर्व॑सा ह्यसि॒ श्रुतो॑ वृ॒त्रह॑त्यैन वृ॒त्रहा॑ । म॒घैर्म॑घो॒नो अ॒ति शूर॑ दाशसि २  
स नः॑ स्तवा॑न आ भ॑र र॒यिं चि॒त्रश्र॑वस्तमम् । नि॒रेके॑ चि॒द् यो ह॑रिवो  
वसु॑र्ददिः ३

आ नि॒रेक॑मुत प्रि॒य मि॒न्द्र द॑र्षि जना॑नाम् । धृष॑ता धृ॒ष्णो स्तव॑मान आ भ॑र  
४

न तै॑ स॒व्यं न दक्षि॑णं हस्तं वरन्त आ॒मुर्ः । न प॑रि॒बाधो॑ हरि॒वो ग॑र्विष्टिषु ५  
आ त्वा॑ गोभि॒रिव॑ वृ॒जं गी॒र्भिर्ऋ॑णोम्यद्रि॒वः । आ स्मा॑ कामं ज॒रितु॑रा मनः  
पृ॒ण ६

वि॒श्वा॒नि वि॒श्वम॑नसो धि॒या नो॑ वृ॒त्रह॑न्तम । उ॒ग्र प्र॑णे॒तुरधि॑ षू व॑सो गहि ७  
व॒यं तै॑ अ॒स्य वृ॒त्रह॑न् वि॒द्याम॑ शूर नव्य॑सः । वसोः॑ स्पा॒र्हस्य॑ पुरु॒हूत॑ राध॑सः  
८

इ॒न्द्र यथा॑ ह्यस्ति॒ ते ऽप॑रीतं नृ॒तो शवः॑ । अ॒मृक्ता॑ रा॒तिः पु॑रु॒हूत॑ दा॒शुषे॑ ९  
आ वृ॑षस्व महाम॒ह म॒हे नृ॑तम् राध॑से । दृ॒ळह॑श्चि॒द् दृ॒ह्य म॑घवन् म॒घत्त॑ये १०  
नू अ॒न्यत्रा॑ चि॒दद्रि॒व स्त्व॑न्नो जग्मु॒राश॑सः । म॑घव॒ञ्छुग्धि॑ तव॒ तन्न॑ ऊ॒तिभिः॑  
११

न॒ह्य॒ङ्ग नृ॑तो त्व द॒न्यं वि॒न्दामि॑ राध॑से । रा॒ये द्यु॒म्नाय॑ शर्व॑से च गिर्व॑णः



१२

ए॒न्दुमिन्द्रा॑य सिञ्च॒त पि॒बा॑ति सो॒म्यं म॑धु । प्र रा॒ध॑सा चोदयाते महि॒त्व॒ना १३

उ॒पो ह॑री॒णां प॑तिं द॒क्षं पृ॒ञ्चन्त॑मब्रवम् । नूनं श्रु॒धि स्तु॒व॒तो अ॒श्व॒घ॒स्य १४

न॒ह्य॑श्ङ्ग॒ पुरा च॑न ज॒ज्ञे वी॒र॒त॑रस्त्वत् । न॒की रा॒या नै॒व॒था न भु॑न्दना १५

ए॒दु म॑ध्वो म॒दि॒न्त॑रं सिञ्च॒ वा॒ध्व॒र्यो अ॒न्ध॑सः । ए॒वा हि वी॒रः स्त॑वते

स॒दावृ॑धः १६

इन्द्र॑ स्थात॒र्ह॑री॒णां न॑कि॒ष्टे पू॒र्व्य॑स्तु॒तिम् । उ॒दानं॑ श॒र्व॑सा न भु॒न्द॒ना १७

तं वो वा॒जा॒नां प॑ति॒ मह॑महि श्रव॒स्य॒वः । अ॒प्रा॒युभि॒र्य॒ज्ञेभि॒र्वावृ॑धे॒न्यम् १८

ए॒तो न्विन्द्रं॑ स्त॒वाम् स॒खा॒यः स्तो॒म्यं न॑रम् । कृ॒ष्टी॒र्यो वि॒श्वा अ॒भ्य॒स्त्ये॒क इ॒त् १९

१६

अ॒गो॒रु॒धाय॑ गु॒विषे॑ द्यु॒क्षा॒य द॒स्म्यं व॑चः । घृ॒तात् स्वा॒दी॒यो म॑धुनश्च वो॒चत॑

२०

यस्या॑मि॒तानि॑ वी॒र्या॑ न रा॒धः प॑र्येतवे । ज्यो॒ति॒र्न वि॒श्वम॑भ्य॒स्ति द॑क्षि॒णा २१

स्तु॒हीन्द्रं॑ व्य॒श्व॒व॒ द॒नू॒र्मि वा॒जिनं॑ यमम् । अ॒र्यो ग॒यं म॑ह॒मानं॑ वि दा॒शुषे॑ २२

ए॒वा नून॑मुप॒ स्तु॒हि वै॒र्य॑श्च द॒श॒मं न॑वम् । सु॒वि॒द्वांसं॑ च॒र्क॒त्य च॒र॒णी॒नाम् २३

वै॒त्था हि नि॒र्ऋ॒ती॒नां व॑ज्रहस्त॒ परिवृ॑जम् । अ॒ह॒र॒हः श॒न्ध्युः प॑रि॒पदा॑मिव

२४

तदिन्द्रा॑व आ भ॒र ये॒ना द॑सिष्ट॒ कृ॒त्व॑ने । द्वि॒ता कु॒त्सा॑य शि॒श्न॒थो नि चो॑दय

२५

तमु॑ त्वा नून॑मी॒महे॒ नव्यं॑ द॑सिष्ट॒ स॒न्य॑से । स त्वं नो वि॒श्वा अ॒भि॒मा॑तीः

स॒क्षि॑णिः २६

य ऋ॒क्षा॒द॒ह॑सो मु॒चद् यो वा॒र्या॑त् स॒प्त सि॒न्धु॑षु । व॒ध॒र्दा॑सस्य॒ तुवि॑नृ॒म्णा

नी॒न॒मः २७

यथा॑ व॒रो सु॒षाम्णो॑ स॒नि॒भ्य आ॑व॒हो र॒यिम् । व्य॑श्वे॒भ्यः सु॒भगे॑ वा॒जिनी॑वति

२८

आ ना॒र्य॑स्य॒ द॑क्षि॒णा व्य॑श्वाँ ए॒तु सो॒मिनः॑ । स्थू॒रं च॒ रा॒धः श॒त॒व॒त् स॒हस्र॑वत्

२९

यत् त्वा॑ पृ॒च्छा॒दी॒जानः॑ कु॒ह॒या कु॑ह॒याकृ॑ते । ए॒षो अ॒प॒श्रि॒तो व॒लो गो॑म॒तीम॑व

तिष्ठ॑ति ३०

## (२५) पञ्चविंशं सूक्तम्

(१-२४) चतुर्विंशत्यृचस्यास्य सूक्तस्य वैयश्चो विश्वमना ऋषिः । (१-६, १३-२४)  
प्रथमादिनवर्चा त्रयोदश्यादिद्वादशानाञ्च मित्रावरुणौ, (१०-१२) दशम्यादितृचस्य  
च विश्वे देवा देवताः । (१-२२, २४) प्रथमादिद्वाविंशत्यृचां चतुर्विंश्याश्चोष्णिक्,  
(२३) त्रयोविंश्याश्चोष्णिग्गर्भा छन्दसी

ता वां विश्वस्य गोपा देवा देवेषु यज्ञिया । ऋतावाना यजसे पूतदक्षसा १  
मित्रा तना न रथ्याः वरुणो यश्च सुक्रतुः । सनात् सुजाता तनया धृतव्रता २

ता माता विश्ववेदसा ऽसुर्याय प्रमहसा । मही जज्ञानादितिर्ऋतावरी ३  
महान्ता मित्रावरुणा सम्राजा देवावसुरा । ऋतावानावृतमा घोषतो बृहत् ४  
नपाता शर्वसो महः सूनू दक्षस्य सुक्रतू । सृप्रदानू इषो वास्त्वधि क्षितः ५  
सं या दानूनि येमथु दिव्याः पार्थिवीरिषः । नभस्वतीरा वा चरन्तु वृष्टयः ६

अधि या बृहतो दिवोः ऽभि यूथेव पश्यतः । ऋतावाना सम्राजा नमसे  
हिता ७

ऋतावाना नि पैदतुः साम्राज्याय सुक्रतू । धृतव्रता क्षत्रिया क्षत्रमाशतुः ८  
अक्षश्चिद् गातुवित्तेरा ऽनुल्बणेन चक्षसा । नि चिन्मिषन्ता निचिरा नि  
चिक्वतुः ९

उत नो देव्यदिति रुरुष्यतां नासत्या । उरुष्यन्तु मरुतो वृद्धशवसः १०  
ते नो नावमुरुष्यत दिवा नक्तं सुदानवः । अरिष्यन्तो नि पायुभिः सचेमहि ११

अघ्नते विष्णवे वय मरिष्यन्तः सुदानवे । श्रुधि स्वयावन् त्सिन्धो  
पूर्वचित्तये १२

तद् वार्यं वृणीमहे वरिष्ठं गोपयत्यम् । मित्रो यत् पान्ति वरुणो यदर्यमा १३  
उत नः सिन्धुरपां तन्मरुतस्तदश्विना । इन्द्रो विष्णुर्मीदवांसः सजोषसः १४  
ते हि ष्मा वनुषो नरो ऽभिमातिं कयस्य चित् । तिग्मं न क्षोदः प्रतिघ्नन्ति  
भूर्ययः १५

अयमेक इत्था पुरूरु चष्टे वि विश्पतिः । तस्य व्रतान्यनु वश्वरामसि १६  
अनु पूर्वाण्योक्त्या साम्राज्यस्य सश्विम । मित्रस्य व्रता वरुणस्य दीर्घश्रुत् १७  
परि यो रश्मिना दिवो ऽन्तान् ममे पृथिव्याः । उभे आ पप्रौ रोदसी महित्वा

१८

उ॒दु ष्य श॑र॒णे दि॒वो ज्योति॑रयंस्त॒ सूर्यः॑ । अ॒ग्निर्न श॑क्रः स॒मिधा॑न आहु॒तः

१९

वचो॑ दी॒र्घप्र॑स॒द्यनी शे॒ वाज॑स्य गोम॒तः । ईशे॑ हि पि॒त्वोऽवि॑षस्य दा॒वने

२०

तत् सूर्य॑ रोद॒सी उ॒भे दो॑षा वस्तो॒रुप॑ ब्रुवे । भोजे॑ष्वस्माँ अ॒भ्युच्च॑रा सदा २१

अ॒ज्रमु॑क्षयार्य॒ने रज॑तं ह॒रया॑णे । रथं॑ यु॒क्तम॑सनाम सु॒षाम॑णि २२

ता मे॒ अश्व॑द्यानां ह॒रीणां॑ नि॒तोश॑ना । उ॒तो नु॑ कृ॒त्यानां॑ नृ॒वाह॑सा २३

स्मद॑भीशू कशा॒वन्ता॒ विप्रा॑ नवि॒ष्ठया॒ मृती॑ । म॒हो वा॒जिना॒वर्वन्ता॑

सचा॑सनम् २४

(२६) षड्विंशं सूक्तम्

(१-२५) पञ्चविंशत्यृचस्यास्य सूक्तस्य वैयश्वो विश्वमना आङ्गिरसो व्यश्वो वा ऋषिः

। (१-१९) प्रथमाद्येकोनविंशत्यृचामश्विनौ, (२०-२५) विंश्यादिषण्णाञ्च

वायुर्देवताः । (१-१५, २२-२४) प्रथमादिपञ्चदशर्चा द्वाविंश्यादितृचस्य

चोष्णिक्, (१६-१९, २१, २५) षोडश्यादिचतसृणामेकविंशीपञ्चविंश्योश्च गायत्री,

(२०) विंश्याश्चानुष्टुप् छन्दांसि

यु॒वोरु॑ षू रथं॑ हुवे स॒धस्तु॑त्याय सूरि॒षु । अ॒तूर्त॑दक्षा वृष॒णा वृष॑णवसू १

यु॒वं व॑रो सु॒षाम्णौ॑ म॒हे तनै॑ नासत्या । अ॒वौभि॑र्याथो वृष॒णा वृष॑णवसू २

ता वा॑म॒द्य ह॑वामहे ह॒व्येभि॑र्वा॒जिनी॑वसू । पू॒र्वीरि॑ष इ॒षय॑न्ता॒वति॑ क्षपः ३

आ वा॑ वाहि॒ष्ठो अ॒श्विना॒ रथौ॑ यातु श्रु॒तो न॑रा । उ॒प स्तो॑मान् तुर॒स्य दर्श॑थः

श्रिये ४

जु॒हुरा॑णा चि॒दश्वि॒ना ऽऽम॑न्येथां वृष॒णवसू॑ । यु॒वं हि रु॑द्रा पर्ष॒थो अ॒ति द्वि॑षः

५

द॒स्त्रा हि॑ वि॒श्वमा॑नु॒षङ् म॒क्षूभिः॑ परि॒दीय॑थः । धि॒यंजि॑न्वा मधु॒वर्णा॑ शु॒भस्प॑ती

६

उ॒प नो॑ यातमश्विना रा॒या वि॒श्वपु॑षा स॒ह । म॒घवा॑ना सु॒वीरा॑वर्नपच्युता ७

आ मे॒ अस्य॑ प्र॒तीव्य॑ मि॒न्द्रना॑सत्या गतम् । दे॒वा दे॒वेभि॑र॒द्य स॒चन॑स्तमा ८

व॒यं हि वा॑ ह॒वाम॑ह उ॒क्षय॑न्तौ व्य॒श्वव॑त् । सु॒म॒तिभि॑रु॒प वि॒प्रावि॑हा ग॒तम्

९

अश्विना स्वृषे स्तुहि कुवित् ते श्रवतो हवम् । नेदीयसः कूळयातः पुणीरुत  
१०

वैयश्वस्य श्रुतं नरोतो मे अस्य वेदथः । सजोषसा वरुणो मित्रो अर्यमा ११  
युवादत्तस्य धिष्यया युवानीतस्य सूरिभिः । अहरहर्वृषणा मह्यं शिक्ततम्  
१२

यो वां यज्ञेभिरावृतो ऽधिवस्त्रा वधूरिव । सपर्यन्ता शुभे चक्राते अश्विना  
१३

यो वामुरुव्यचस्तमं चिकेतति नृपाय्यम् । वर्तिरश्विना परि यातमस्मयू १४

अस्मभ्यं सु वृषणवसू यातं वर्तिर्नृपाय्यम् । विषुद्रुहैव यज्ञमूहथुर्गिरा १५

वाहिष्ठो वां हवानां स्तोमौ दूतो हुवन्नरा । युवाभ्यां भूत्वश्विना १६

यददो दिवो अर्णव इषो वा मदथो गृहे । श्रुतमिन्मे अमर्त्या १७

उत स्या श्वेतयावरी वाहिष्ठा वां नदीनाम् । सिन्धुर्हिरण्यवर्तनिः १८

स्मदेतया सुकीर्त्या ऽश्विना श्वेतया धिया । वहैथे शुभ्रयावाना १९

युक्त्वा हि त्वं रथासहा युवस्व पोष्या वसो । आन्नौ वायो मधु

पिबान् ऽस्माकं सवना गहि २०

तव वायवृतस्पते त्वष्टुर्जामातरद्भुत । अवांस्या वृणीमहे २१

त्वष्टुर्जामातरं वयमीशानं राय ईमहे । सुतावन्तो वायुं द्युम्ना जनांसः २२

वायौ याहि शिवा दिवो वहस्वा सु स्वश्वयम् । वहस्व महः पृथुपक्षसा रथे

२३

त्वां हि सुप्सरस्तमं नृषदनेषु हूमहै । ग्रावाणं नाश्वपृष्ठं मुहना २४

स त्वं नो देव मनसा वायौ मन्दानो अग्रियः । कृधि वाजाँ अपो धियः २५

(२७) सप्तविंशं सूक्तम्

(१-२२) द्वाविंशत्यृचस्यास्य सूक्तस्य वैवस्वतो मनुर्ऋषिः । विश्वे देवा देवताः ।

प्रगाथः (विषमर्चा बृहती, समर्चा सतोबृहती) छन्दः

अग्निरुवथे पुरोहितो ग्रावाणो बर्हिरध्वरे ।

ऋचा यामि मरुतो ब्रह्मणस्पतिं देवाँ अवो वरैरयम् १

आ पशुं गांसि पृथिवीं वनस्पतीं नुषासा नक्तमोषधीः ।

विश्वे च नो वसवो विश्ववेदसो धीनां भूत प्रावितारः २

प्र॒सू॒नं॑ ए॒त्वध्व॒रोऽ॑ग्रा दे॒वेषु॑ पू॒र्व्यः ।  
 आ॒दि॒त्येषु॑ प्र॒वरु॑णे धृ॒तव॑ते म॒रुत्सु॑ वि॒श्वभा॑नुषु ३  
 वि॒श्वे हि॒ ष्मा म॑न॒वे वि॒श्ववे॑दसो भु॒वन् वृ॑धे रि॒शाद॑सः ।  
 अ॒रि॒ष्टेभिः॑ पा॒युभिर्वि॒श्ववे॑दसो यन्ता॑ नोऽवृ॒कं छु॑र्दिः ४  
 आ नो॑ अ॒द्य स॑म॒नसो॑ गन्ता॒ विश्वे॑ स॒जोष॑सः ।  
 अ॒चा गि॒रा म॑रु॒तो दे॒व्यदि॑ते स॒दने॑ प॒स्त्यै म॑हि ५  
 अ॒भि प्रि॒या म॑रु॒तो या वो॑ अ॒श्वया॑ ह॒व्या मि॑त्र प्र॒याथ॑न ।  
 आ ब॒र्हि॒रिन्द्रो॑ वरु॒णस्तु॑रा नर॑ आ॒दि॒त्यासः॑ स॒दन्तु॑ नः ६  
 व॒यं वो॑ वृ॒क्तब॑र्हिषो हि॒तप्र॑यस आ॒नुष॑क् ।  
 सु॒तसौ॑मासो वरु॒ण ह॑वा॒महे म॑नु॒ष्वदि॒द्धाग्र॑यः ७  
 आ प्र॒यातु॑ म॒रुतो॑ वि॒ष्णो अ॒श्विना॑ पू॒षन् मा॑की॒नया॑ धि॒या ।  
 इन्द्र॑ आ॒यातु॑ प्र॒थमः॑ स॒निष्यु॑भि॒र्वृषा॑ यो वृ॒त्रहा॑ गृ॒णे ८  
 वि नो॑ दे॒वासो॑ अ॒द्रुहो॑ ऽच्छि॒द्रं श॑र्म यच्छत ।  
 न यद् दू॒राद् व॑स॒वो नू॑ चि॒दन्ति॑तो वरू॒थमा॑द॒धर्ष॑ति ९  
 अ॒स्ति हि॒ वः स॒जा॒त्यं रि॑शा॒दसो॑ दे॒वासो॑ अ॒स्त्याप्य॑म् ।  
 प्र॒णः पू॑र्व॒स्मै सु॒वि॒ताय॑ वोचत म॒क्षू सु॒म्राय॑ न॒व्यसे॑ १०  
 इ॒दा हि॒ व॒ उप॑स्तुति॒मि॒दा वा॒मस्य॑ भु॒क्तये॑ ।  
 उप॑ वो वि॒श्ववे॑दसो न॒मस्यु॑राँ अ॒सृ॒क्ष्यन्त्या॑मिव ११  
 उ॒दु ष्य॑ वः स॒वि॒ता सु॑प्र॒णीत॒यो ऽस्था॑दू॒ध्वो वरै॑रयः ।  
 नि॒ द्वि॒पाद॑श्चतु॒ष्पादो॑ अ॒र्थिनो॑ ऽवि॒श्रन् प॑तयि॒ष्णवः॑ १२  
 दे॒वदे॒वं वोऽव॑से दे॒वदे॒वम॒भिष्ट॑ये ।  
 दे॒वदे॒वं हु॒वेम॒ वाज॑सातये गृ॒णन्तो॑ दे॒व्या धि॒या १३  
 दे॒वासो॑ हि॒ ष्मा म॑न॒वे स॑म॒न्यवो॑ वि॒श्वे सा॒कं स॑रा॒तयः॑ ।  
 ते नो॑ अ॒द्य ते अ॒पु॒रं तु॒चे तु नो॑ भव॒न्तु व॑रि॒वोवि॑दः १४  
 प्र॒ वः शं॑सा॒म्यद्रु॑हः स॒ंस्थ उप॑स्तुतीनाम् ।  
 न तं धू॒र्तिर्व॑रु॒ण मि॑त्र म॒र्त्यं यो वो॑ धा॒मभ्यो॑ऽवि॒धत् १५  
 प्र स॒क्षय॑ति॒रते॑ वि म॒हीरि॑षो यो वो॒ वरा॑य॒ दाश॑ति ।  
 प्र प्र॒जाभि॑र्जायते ध॒र्मण॑स्प॒र्य रि॑ष्टः स॒र्व ए॑धते १६  
 अ॒ते स वि॑न्दते यु॒धः सु॒गेभि॑र्या॒त्यध्व॑नः ।  
 अ॒र्यमा॑ मि॒त्रो वरु॑णः स॒रा॒तयो॑ यं त्रा॒यन्ते॑ स॒जोष॑सः १७

अ॒ज्ञे चि॒दस्मै॑ कृ॒णुथा॑ न्य॒ञ्चनं॑ दु॒र्गे चि॒दा सु॑स॒रणम् ।  
 ए॒षा चि॒दस्मा॑द॒शनिः॑ पु॒रो नु सा॑स्त्रै॒धन्ती॑ वि न॑श्यतु १८  
 यद॒द्य सूर्य॑ उ॒द्यति॑ प्रि॒यक्ष॑त्रा अ॒तं द॒ध ।  
 यन्नि॒मृचिं॑ प्र॒बुधि॑ विश्व॒वेद॑सो यद् वा म॒ध्यंदि॑ने दि॒वः १९  
 यद् वा॒भिपि॑त्वे अ॒सुरा अ॒तं य॒ते छु॑र्दिर्ये॒म वि दा॑शुषे ।  
 व॒यं तद् वा॑ वस॒वो विश्व॑वेद॒स उप॑ स्थे॒याम् म॒ध्य आ २०  
 यद॒द्य सूर॑ उ॒दिते॑ यन्म॒ध्यंदि॑न आ॒तुचि॑ ।  
 वा॒मं ध॒त्थ म॑न॒वे विश्व॑वेद॒सो जु॒ह्वाना॑य प्र॒चेत॑से २१  
 व॒यं तद् वः॑ स॒म्राज॑ आ वृ॒णीम॑हे पु॒त्रो न ब॑हुपा॒र्यम् ।  
 अ॒श्याम् तदा॑दि॒त्या जु॒ह्वतो॑ ह॒वि र्ये॒न व॑स्यो॒ऽनशा॑महे २२

(२८) अष्टाविंशं सूक्तम्

(१-५) पञ्चर्चस्यास्य सूक्तस्य वैवस्वतो मनु॒र्ऋषिः । विश्वे दे॒वा दे॒वताः । (१-३,  
 ५) प्रथ॒मादि॑तृचस्य पञ्च॒म्या ऋ॑चश्च गाय॒त्री, (४) चतु॒र्थ्याश्च॑ पु॒र उ॒ष्णिक् छ॑न्दसी  
 ये त्रिं॒शति॑ त्रय॒स्पुरो॑ दे॒वासो॑ ब॒र्हिरा॑स॒दन् । वि॒दन्न॑हं द्वि॒तास॑नन् १  
 वरु॒णो मि॒त्रो अ॒र्यमा॑ स्म॒द्राति॑षाचो अ॒ग्नयः॑ । प॒त्नीव॑न्तो व॒षट्कृ॑ताः २  
 ते नो॑ गो॒पा अ॒पाच्या॑ स्त उ॒द॒क्त इ॒त्था न्य॑क् । पु॒रस्ता॑त् सर्वा॒या वि॒शा ३  
 यथा॑ व॒शन्ति॑ दे॒वास्त॑थेद॒सत् तदे॑षां न॒किरा॑ मि॒नत् । अ॒रावा॑ च॒न म॑र्त्यः ४  
 स॒प्तानां॑ स॒प्त ऋ॑ष्टयः स॒प्त द्यु॒म्नान्ये॑षाम् । स॒प्तो अ॒धि श्रि॒यो धि॑रे ५

(२९) एकोनत्रिंशं सूक्तम्

(१-१०) दशर्चस्यास्य सूक्तस्य वैवस्वतो मनु॒र्मरीचः॑ कश्यपो वा ऋषिः । विश्वे  
 दे॒वा दे॒वताः । द्वि॒पदा॑ वि॒राट् छ॑न्दः  
 ब॒भ्रु॒रेको॑ वि॒षुणः॑ सू॒नरो॑ यु॒वाञ्ज॑य॒इक्ते॑ हि॒र॒ण्य॒र्यम् १  
 यो॒निमे॒क आ॑ स॒साद् द्यो॑र्त॒नो ऽन्त॑र्दे॒वेषु॑ मे॒धिरः॑ १ २  
 वा॒शीमे॒कौ बि॒भर्ति॑ ह॒स्त आय॑सी॒मन्त॑र्दे॒वेषु॑ नि॒धुविः॑ ३  
 व॒ज्रमे॒कौ बि॒भर्ति॑ ह॒स्त आ॑हि॒तं तेन॑ वृ॒त्राणि॑ जिघ्र॒ते २ ४  
 ति॒ग्ममे॒कौ बि॒भर्ति॑ ह॒स्त आ॑र्यु॒धं शु॒चिरु॒ग्रो ज॒ला॒षभे॑षजः ५  
 प॒थ ए॒कः पी॑पाय॒ तस्क॑रो यथाँ ए॒ष वै॑द नि॒धीना॑म् ३ ६  
 त्री॒ण्ये॒क उ॒रुगा॑यो वि च॒क्रमे॑ यत्र दे॒वासो॑ म॒दन्ति॑ ७

विभिर्द्वा चरतु एकया सह प्र प्रवासेव वसतः ४ ८  
सदो द्वा चक्राते उपमा दिवि सम्राजा सर्पिरासुती ९  
अर्चन्त एके महि सामं मन्वतु तेन सूर्यमरोचयन् ५ १०

(३०) त्रिंशं सूक्तम्

(१-४) चतुर्ऋचस्यास्य सूक्तस्य वैवस्वतो मनुर्ऋषिः । विश्वे देवा देवताः । (१)

प्रथमर्चो गायत्री, (२) द्वितीयायाः पुर उष्णिक्, (३) तृतीयाया बृहती, (४)

चतुर्थ्याश्चानुष्टुप् छन्दांसि

नहि वो अस्त्यर्भको देवासो न कुमारकः । विश्वे सतोर्महान्त इत् १  
इति स्तुतासौ असथा रिशादसो ये स्थ त्रयश्च त्रिंशच्च । मनोर्देवा यज्ञियासः  
२

ते नस्त्राध्वं तैऽवतु त उ नो अधि वोचत ।

मा नः पथः पित्र्यान्मानुवादधि दूरं नैष्ट परावतः ३

ये देवास इह स्थन् विश्वे वैश्वानुरा उत ।

अस्मभ्यं शर्म सप्रथो गवेऽश्वाय यच्छत ४

पञ्चमोऽनुवाकः । ३१-४२

(३१) एकत्रिंशं सूक्तम्

(१-१८) अष्टादशर्चस्यास्य सूक्तस्य वैवस्वतो मनुर्ऋषिः । (१-४)

प्रथमादिचतुर्ऋचां यज्ञो यजमानश्च, (५-९) पञ्चम्यादिपञ्चानां दम्पती, (१०-१८)

दशम्यादिनवानाञ्च दम्पत्याशिपो देवताः । (१-८, ११-१३)

प्रथमाद्यष्टर्चामेकादश्यादितृचस्य च गायत्री, (९, १४) नवमीचतुर्दशयोरनुष्टुप्,

(१०) दशम्याः पादनिचृत्, (१५-१८) पञ्चदश्यादिचतसृणाञ्च पङ्क्तिश्छन्दांसि

यो यजाति यजातु इत् सुनर्वच्च पचाति च । ब्रह्मेदिन्द्रस्य चाकनत् १

पुरोळाशं यो अस्मै सोमं ररत आशिरम् । पादितु तं शक्रो अंहसः २

तस्य द्युमाँ अंसद् रथो देवजूतः स शूशुवत् । विश्वा वन्वन्नमित्रिया ३

अस्य प्रजावती गृहे ऽसञ्चन्ती दिवेदिवे । इळा धेनुमती दुहे ४

या दंपती समनसा सुनुत आ च धावतः । देवासो नित्ययाशिरा ५

प्रति प्राशव्याँ इतः सम्यञ्चा बर्हिशाशाते । न ता वाजेषु वायतः ६

न देवानामपि हुतः सुमतिं न जुगुक्षतः । श्रवो बृहद् विवासतः ७

पु॒त्रिणा॑ ता कु॒मा॒रिणा॑ वि॒श्वमा॑युर्व्य॒श्नुतः॑ । उ॒भा हि॒र॒ण्यपे॑शसा ८  
 वी॒तिहो॑त्रा कृत॒द्वसू॑ दश॒स्यन्ता॑मृता॒य॒ कम् ।  
 समू॒धौ रोम॑शं ह॒तो दे॒वेषु॑ कृ॒णुतो॑ दु॒वः ९  
 आ श॒र्म पर्व॑तानां वृ॒णीम॑हे न॒दीना॑म् । आ वि॒ष्णोः स॒चा॒भुवः॑ १०  
 ऐ॒तु पू॒षा र॒यिर्भ॑गः स्व॒स्ति स॑र्व॒धात॑मः । उ॒रु॒ध्वा स्व॒स्तये॑ ११  
 अ॒र॒म॒तिर॑न॒र्वणो॑ वि॒श्वो दे॒वस्य॑ मन॒सा । आ॒दि॒त्याना॑म॒नेह॑ इत् १२  
 यथा॑ नो मि॒त्रो अ॒र्य॑मा वरु॒णः स॒न्ति गो॑पाः । सु॒गा ऋ॒तस्य॑ प॒न्थाः १३  
 अ॒ग्निं वः॑ पू॒र्व्य गि॒रा दे॒वमी॑ळे वसू॒नाम् । स॒प॒र्यन्तः॑ पु॒रुप्रि॑यं मि॒त्रं न  
 क्षै॒त्रसा॑र्धसम् १४  
 म॒क्षू दे॒वव॑तो रथः शू॒रो वा पृ॒त्सु का॑सु चि॒त् । दे॒वानां॑ य इ॒न्मनो॑ यज॒मान॑  
 इ॒य॒क्ष॒ त्य॒भीद॑य॒ज्वनो॑ भुवत् १५  
 न य॑ज॒मान॑ रि॒ष्यसि॑ न सु॒न्वान॑ न दै॒वयो॑ । दे॒वानां॑ य इ॒न्मनो॑ यज॒मान॑  
 इ॒य॒क्ष॒ त्य॒भीद॑य॒ज्वनो॑ भुवत् १६  
 न॒कि॒ष्टं क॑र्म॒णा न॒शन्न॑ प्र योष॒न्न योष॑ति । दे॒वानां॑ य इ॒न्मनो॑ यज॒मान॑  
 इ॒य॒क्ष॒ त्य॒भीद॑य॒ज्वनो॑ भुवत् १७  
 अ॒स॒द॒त्र सु॒वीर्य॑ मु॒त त्य॒दाश्च॑श्च॒यम् । दे॒वानां॑ य इ॒न्मनो॑ यज॒मान॑  
 इ॒य॒क्ष॒ त्य॒भीद॑य॒ज्वनो॑ भुवत् १८  
 तृ॒तीयोऽध्या॑यः । व० १-४६

(३२) द्वात्रिंशं सूक्तम्

(१-३०) त्रिंशदृचस्यास्य सूक्तस्य काण्वो मेधातिथिर्ऋषिः । इन्द्रो देवता ।

गायत्री छन्दः

प्र कृ॒तान्यृ॑जी॒षिणाः॑ क॒णवा॑ इ॒न्द्रस्य॑ गा॒थया॑ । म॒दे सोम॑स्य वो॒चत॑ १  
 यः सृ॒बि॒न्द॒मन॑र्श॒निं पि॑पुं दा॒सम॑हीशु॒वम् । व॒धी॒दु॒ग्रो रि॒णन्न॑पः २  
 न्य॒र्बु॒दस्य॑ वि॒ष्टप॑ व॒ष्मार्ण॑ बृ॒हत॑स्ति॒र । कृ॒षे तदि॑न्द्र पौ॒स्यम् ३  
 प्र॒ति श्रु॑ताय॒ वो धृ॑षत् तू॒र्णाशं॑ न गि॒रेर॑धि । हु॒वे सु॑शि॒प्रमू॑तये ४  
 स गो॒रश्च॑स्य वि वृ॒जं म॑न्दा॒नः सो॒म्येभ्यः॑ । पु॒रं न शू॑र द॒र्षसि॑ ५  
 यदि॑ मे रा॒रणाः॑ सु॒त उ॒क्थे वा॑ द॒धसे॑ च॒नः । आ॒रादु॑प॒ स्व॒धा ग॑हि ६  
 व॒यं घा॑ ते अ॒पि ष्म॑सि स्तो॒तार॑ इ॒न्द्र गि॑र्व॒णः । त्वं नो॑ जि॒न्व सो॑मपाः ७  
 उ॒त नः॑ पि॒तुमा॑ भर॒ संर॑णा॒णो अ॒वि॒क्षित॑म् । म॒घव॑न् भूरि॑ ते वसु ८



उ॒त नो॑ गो॒म॒त॒स्कृ॒धि॒ हि॒र॒ण्य॒व॒तो अ॒श्विनः॑ । इ॒ळा॒भिः॑ सं र॒भेम॑हि ६  
 बृ॒ब॒दु॒क्थं॑ ह॒वाम॑हे सृ॒प्र॒क॒र॒स्त्र॒मू॒तयै॑ । सा॒धु कृ॒णव॑न्त॒मव॑से १०  
 यः सं॒स्थे चि॑च्छ॒त॒क्र॒तु रा॒दीं कृ॒णोति॑ वृ॒त्रहा॑ । ज॒रि॒तृ॒भ्यः पु॒रू॒व॒सुः ११  
 स नः॑ श॒क्रश्चि॒दा श॑कृ॒द् दान॑वाँ अ॒न्तरा॑भ॒रः । इन्द्रो॑ वि॒श्वाभि॑रू॒तिभिः॑ १२  
 यो रा॒योऽव॑नि॒र्म॒हान् त्सु॑पा॒रः सु॒न्वतः॑ स॒खा । तमि॑न्द्र॒म॒भि गा॑यत १३  
 आ॒य॒न्ता॒रं म॒हिं स्थि॑रं पृ॒त॒नासु॑ श्रवो॒जित॑म् । भू॒रे॒री॒शा॒न॒मो॒जसा॑ १४  
 न॒कि॒रस्य॑ श॒ची॒नां नि॒य॒न्ता सूनृ॑ता॒नाम् । न॒कि॒र्व॒क्ता न दा॑दिति १५  
 न नूनं॑ बृ॒ह्म॒णा॒मृ॒णं प्रा॑शू॒नाम॑स्ति सु॒न्वता॑म् । न सोमो॑ अप्र॒ता प॑पे १६  
 प॒न्य इ॒दुप॑ गा॒यत॑ प॒न्य उ॒क्थानि॑ शंस॒त । ब्र॒ह्मा कृ॒णोत॑ प॒न्य इ॒त् १७  
 प॒न्य आ द॑र्दि॒रच्छ॑ता स॒हस्रा॑ वा॒ज्यवृ॑तः । इन्द्रो॑ यो यज्व॒नो वृ॑धः १८  
 वि षू च॑र स्व॒धा अ॒नु कृ॒ष्टी॒नाम॑न्वा॒हुवः॑ । इन्द्र॑ पिब॒ सु॒ताना॑म् १९  
 पिब॒ स्व॒धैन॑वा॒ना मु॒त उ॒त यस्तु॑र॒ग्रे स॒चा । उ॒ताय॑मिन्द्र॒ यस्तव॑ २०  
 अ॒ती॒हि म॒न्युषा॑वि॒णं सु॑षु॒वांस॑मु॒पा॒रणे॑ । इ॒मं रा॒तं सु॒तं पि॑ब २१  
 इ॒हि ति॒स्रः प॑रा॒वत॑ इ॒हि प॒ञ्च ज॒नाँ अ॒ति । धे॒ना इन्द्रा॑व॒चाक॑शत् २२  
 सू॒यो र॒श्मिं यथा॑ सू॒जा ऽऽ त्वा॑ यच्छ॒न्तु मे॑ गि॒रः । नि॒म॒न्मा॒पो न स॒ध्व्येक॑  
 २३  
 अ॒ध्व॒र्य॒वा तु॑ हि षि॒ञ्च सोमं॑ वी॒राय॑ शि॒प्रि॒णै । भ॒रा सु॒तस्य॑ पी॒तयै॑ २४  
 य उ॒द्नः॑ फ॒लि॒गं भि॒न न्न॒यश्क॑ सि॒न्धूर॑वा॒सृज॑त् । यो गो॑षु प॒क्वं धा॒रय॑त्  
 २५  
 अ॒ह॒न् वृ॒त्र॒मृ॒ची॒षम॑ औ॒र्ण॒वा॒भम॑हीशु॒र्वम् । हि॒मे॒ना॒वि॒ध्य॒द॒बु॒दम् २६  
 प्र व॑ उ॒ग्राय॑ नि॒ष्टुरे॑ ऽषा॒ळ॒हाय॑ प्रस॒क्षि॒णै । दे॒वत्तं॑ ब्र॒ह्म गा॑यत २७  
 यो वि॒श्वा॒न्य॒भि वृ॒ता सोम॑स्य॒ मदे॑ अ॒न्ध॒सः । इन्द्रो॑ दे॒वेषु॑ चे॒तति॑ २८  
 इ॒ह त्या॑ सं॒ध॒माद्या॑ ह॒री हि॒र॒ण्य॒के॒श्या । वो॒ळ॒हाम॑भि प्र॒यो हित॑म् २९  
 अ॒र्वाञ्च॑ त्वा पु॒रु॒ष्टुत॑ प्रि॒यमै॑धस्तु॒ता ह॒री । सोम॑पे॒याय॑ व॒क्षतः॑ ३०

(३३) त्रयस्त्रिंशं सूक्तम्

(१-१६) एकोनविंशत्यृचस्यास्य सूक्तस्य काण्वो मेध्यातिथिर्ऋषिः । इन्द्रो देवता

। (१-१५) प्रथमादिपञ्चदशर्चा बृहती, (१३-१८) षोडश्यादितृचस्य गायत्री,

(१६) एकोनविंश्याश्चानुष्टुप् छन्दांसि

वयं घ त्वा सुतावन्त आपो न वृक्तबर्हिषः ।

पु॒वि॒त्रस्य॑ प्र॒स्रव॑णेषु वृ॒त्रह॑न् परि॑ स्तो॒तार॑ आ॒सते १  
 स्वर॑न्ति त्वा सु॒ते न॒रो वसो॑ निरे॒क उ॒क्थि॑नः ।  
 क॒दा सु॒तं तृ॒षाण॑ ओ॒क् आ ग॑म् इन्द्र॑ स्व॒ब्दीव॑ वंस॒गः २  
 क॒रवै॑भिर्धृ॒ष्णावा॑ धृ॒षद् वाज॑र् द॒र्षि स॒हस्रि॑णम् ।  
 पि॒शङ्ग॑रूपं म॒घव॑न् वि॒चर्ष॑णे म॒क्षू गोम॑न्तमीमहे ३  
 पा॒हि गा॒यान्ध॑सो म॒दु इन्द्रा॑य मे॒ध्याति॑थे ।  
 यः संमि॑श्लो ह॒र्यो॒र्यः सु॒ते सचा॑ व॒ज्री रथो॑ हिर॒ण्ययः॑ ४  
 यः सु॒षु॒व्यः सु॒दक्षि॑ण॒ इ॒नो यः सु॒क्रतु॑र्गृणे ।  
 य आ॑क॒रः स॒हस्रा॑ यः श॒ताम॑घ इन्द्रो॒ यः पू॒र्भिदा॑रितः ५  
 यो धृ॑षि॒तो योऽवृ॑तो यो अ॒स्ति श्मश्रु॑षु श्रि॒तः ।  
 वि॒भूत॑द्यु॒म्रश्च॑र्वनः पुरु॒ष्टतः॑ क्र॒त्वा गौ॑रि॒व शा॒किनः॑ ६  
 क ई॑ वे॒द सु॒ते सचा॑ पिब॑न्तं क॒द् वयो॑ द॒धे ।  
 अ॒यं यः पुरो॑ वि॒भिन॑त्यो॒र्जसा॑ म॒न्दानः॑ शि॒प्रच॑न्ध॒सः ७  
 दा॒ना मृ॒गो न वा॑र॒णः पु॑रु॒त्रा च॒रथ॑ द॒धे ।  
 नकि॑ष्ठा नि य॑म॒दा सु॒ते ग॑मो म॒हाँश्च॑र॒स्योर्ज॑सा ८  
 य उ॒ग्रः सन्न॑नि॒ष्टत॑ स्थि॒रो रणा॑यु सं॒स्कृतः॑ ।  
 यदि॑ स्तो॒तुर्म॑घवा॑ शृ॒णव॑द्ध॒वं नेन्द्रो॑ योष॒त्या ग॑मत् ९  
 स॒त्यमि॑त्था वृ॒षेद॑सि वृ॒षजू॑ति॒र्नोऽवृ॑तः ।  
 वृ॒षा ह्यु॒ग्र शृ॑णि॒वषे॑ प॒राव॑ति वृ॒षो अ॒र्वाव॑ति श्रु॒तः १०  
 वृ॒षण॑स्ते अ॒भीश॑वो वृ॒षा क॑शा॒ हिर॒ण्ययी॑ ।  
 वृ॒षा रथो॑ म॒घव॑न् वृ॒षणा॑ ह॒री वृ॒षा त्वं श॑तक्रतो ११  
 वृ॒षा सोता॑ सु॒नोतु॑ ते वृ॒षन्नृ॑जीपि॒न्ना भ॑र ।  
 वृ॒षा द॑धन्वे वृ॒षणं॑ न॒दीष्वा॑ तु॒भ्यं स्था॑त॒र्हरी॑णाम् १२  
 एन्द्र॑ या॒हि पी॑तये म॒धु श॑विष्ठ सो॒म्यम् ।  
 ना॒यम॑च्छा म॒घवा॑ शृ॒णव॑द् गि॒रो ब्र॑ह्मो॒क्था च॑ सु॒क्रतुः॑ १३  
 वह॑न्तु त्वा रथे॒ष्ठा मा॑ ह॒रयो॑ रथ॒युजः॑ ।  
 ति॒रश्चि॑द॒र्यं स॑र्व॒नानि॑ वृ॒त्रह॑न्न॒न्येषां॑ या श॑तक्रतो १४  
 अ॒स्माक॑म॒द्यान्त॑मं स्तोमं॑ धि॒ष्व म॑हामह ।  
 अ॒स्माकं॑ ते स॑र्व॒ना सन्तु॑ श॑त॒मा म॑दा॒य द्यु॑क्ष सोम॒पाः १५  
 न॒हि ष॑स्तव॒ नो म॑म॒ शास्त्रे॑ अ॒न्यस्य॑ र॒णय॑ति । यो अ॒स्मान् वी॒र आ॑न॒यत् १६

इन्द्रश्चिद् घा तदब्रवीत् स्त्रिया अशास्यं मनः । उतो अहं क्रतुं रघुम् १७  
सप्ती चिद् घा मदच्युता मिथुना वहतो रथम् । एवेद् धूर्वष्ण उत्तरा १८  
अधः पश्यस्व मोपरि संतरां पादकौ हर । मा ते कशप्लकौ दृशन् त्स्त्री हि  
ब्रह्मा बभूव्विथ १९

(३४) चतुस्त्रिंशं सूक्तम्

(१-१८) अष्टादशर्चस्यास्य सूक्तस्य (१-१५) प्रथमादिपञ्चदशर्चा कारवो  
नीपातिथिः, (१६-१८) षोडश्यादितृचस्य चाङ्गिरसाः सहस्रं वसुरोचिष ऋषयः ।  
इन्द्रो देवता । (१-१५) प्रथमादिपञ्चदशर्चामनुष्टुप्, (१६-१८) षोडश्यादितृचस्य  
च गायत्री छन्दसी

एन्द्र याहि हरिभि रूपं कण्वस्य सुष्टुतिम् ।  
दिवो अमुष्य शासतो दिवं युय दिवावसो १  
आ त्वा ग्रावा वदन्निह सोमी घोषेण यच्छतु ।  
दिवो अमुष्य शासतो दिवं युय दिवावसो २  
अत्रा वि नेमिरेषा मुरां न धूनुते वृकः ।  
दिवो अमुष्य शासतो दिवं युय दिवावसो ३  
आ त्वा कणवा इहावसे हवन्ते वाजसातये ।  
दिवो अमुष्य शासतो दिवं युय दिवावसो ४  
दधामि ते सुतानां वृष्णे न पूर्वपाय्यम् ।  
दिवो अमुष्य शासतो दिवं युय दिवावसो ५  
स्मत्पुंरन्धिर्न आ गंहि विश्वतोधीर्न ऊतये ।  
दिवो अमुष्य शासतो दिवं युय दिवावसो ६  
आ नो याहि महेमते सहस्रोते शतामघ ।  
दिवो अमुष्य शासतो दिवं युय दिवावसो ७  
आ त्वा होता मनुर्हितो देवत्रा वक्षदीडयः ।  
दिवो अमुष्य शासतो दिवं युय दिवावसो ८  
आ त्वा मदच्युता हरी श्येनं पक्षेव वक्षतः ।  
दिवो अमुष्य शासतो दिवं युय दिवावसो ९  
आ याह्यर्य आ परि स्वाहा सोमस्य पीतये ।  
दिवो अमुष्य शासतो दिवं युय दिवावसो १०

आ नो याह्युपश्रुत्युक्थेषु रणया इह ।  
 दिवो अमुष्य शासतो दिवं युय दिवावसो ११  
 सरूपैरा सु नो गहि संभृतैः संभृताश्वः ।  
 दिवो अमुष्य शासतो दिवं युय दिवावसो १२  
 आ याहि पर्वतेभ्यः समुद्रस्याधि विष्टपः ।  
 दिवो अमुष्य शासतो दिवं युय दिवावसो १३  
 आ नो गव्यान्यश्वया सहस्रा शूर दर्दहि ।  
 दिवो अमुष्य शासतो दिवं युय दिवावसो १४  
 आ नः सहस्रशो भरा ऽयुतानि शतानि च ।  
 दिवो अमुष्य शासतो दिवं युय दिवावसो १५  
 आ यदिन्द्रश्च दद्वहे सहस्रं वसुरोचिषः । ओजिष्ठमश्वयं पशुम् १६  
 य ऋजा वातरंहसो ऽरुषासो रघुष्यदः । भ्राजन्ते सूर्या इव १७  
 पारावतस्य रातिषु द्रवच्चक्रेष्वाशुषु । तिष्ठं वनस्य मध्य आ १८

(३५) पञ्चत्रिंशं सूक्तम्

(१-२४) चतुर्विंशत्यृचस्यास्य सूक्तस्यात्रेयः श्यावाश्व ऋषिः । अश्विनौ देवते ।  
 (१-२१) प्रथमाद्येकविंशत्यृचामुपरिष्ठाज्ज्योतिः, (२२, २४) द्वाविंशीचतुर्विंश्योः  
 पङ्क्तिः, (२३) त्रयोविंश्याश्च महाबृहती छन्दांसि  
 अग्निनेन्द्रेण वरुणेन विष्णुना ऽऽदित्यै रुद्रैर्वसुभिः सचाभुवा ।  
 सजोषसा उषसा सूर्येण च सोमं पिबतमश्विना १  
 विश्वाभिर्धीभिर्भुवनेन वाजिना दिवा पृथिव्याद्रिभिः सचाभुवा ।  
 सजोषसा उषसा सूर्येण च सोमं पिबतमश्विना २  
 विश्वैर्देवैस्त्रिभिरेकादशैरिहा ऽद्भिर्मरुद्भिर्भृगुभिः सचाभुवा ।  
 सजोषसा उषसा सूर्येण च सोमं पिबतमश्विना ३  
 जुषेथां यज्ञं बोधतं हवस्य मे विश्वेह देवौ सवनाव गच्छतम् ।  
 सजोषसा उषसा सूर्येण च षं नो वोळहमश्विना ४  
 स्तोमं जुषेथां युवशेवं कन्यनां विश्वेह देवौ सवनाव गच्छतम् ।  
 सजोषसा उषसा सूर्येण च षं नो वोळहमश्विना ५  
 गिरौ जुषेथामध्वरं जुषेथां विश्वेह देवौ सवनाव गच्छतम् ।  
 सजोषसा उषसा सूर्येण च षं नो वोळहमश्विना ६

हा॒रि॒द्र॒वे॒व॑ प॒त॒थो॒ व॒ने॒दु॒प॒ सो॒मं॑ सु॒तं॑ म॒हि॒षे॒वा॒व॑ ग॒च्छ॒थः॑ ।  
 स॒जोष॑सा उ॒षसा॒ सूर्ये॑ण च त्रि॒र्व॒र्ति॒र्या॒त॒म॒श्वि॒ना ७  
 हं॒सा॒वि॒व॒ प॒त॒थो॒ अ॒ध्व॒गा॒वि॒व॒ सो॒मं॑ सु॒तं॑ म॒हि॒षे॒वा॒व॑ ग॒च्छ॒थः॑ ।  
 स॒जोष॑सा उ॒षसा॒ सूर्ये॑ण च त्रि॒र्व॒र्ति॒र्या॒त॒म॒श्वि॒ना ८  
 श्ये॒ना॒वि॒व॒ प॒त॒थो॒ ह॒व्य॒दा॒त॒ये॒ सो॒मं॑ सु॒तं॑ म॒हि॒षे॒वा॒व॑ ग॒च्छ॒थः॑ ।  
 स॒जोष॑सा उ॒षसा॒ सूर्ये॑ण च त्रि॒र्व॒र्ति॒र्या॒त॒म॒श्वि॒ना ९  
 पि॒ब॒तं॑ च तृ॒प्णु॑तं चा च॑ ग॒च्छ॒तं॑ प्र॒जां च॑ ध॒त्तं॑ द्र॒वि॒णं॑ च ध॒त्त॒म् ।  
 स॒जोष॑सा उ॒षसा॒ सूर्ये॑ण चो॒र्जं॑ नो ध॒त्त॒म॒श्वि॒ना १०  
 ज॒य॒तं॑ च प्र॒ स्तु॑तं च प्र॒ चा॒व॒तं॑ प्र॒जां च॑ ध॒त्तं॑ द्र॒वि॒णं॑ च ध॒त्त॒म् ।  
 स॒जोष॑सा उ॒षसा॒ सूर्ये॑ण चो॒र्जं॑ नो ध॒त्त॒म॒श्वि॒ना ११  
 ह॒तं॑ च श॒त्रून्॒ य॒त॒तं॑ च मि॒त्रि॒णः॑ प्र॒जां च॑ ध॒त्तं॑ द्र॒वि॒णं॑ च ध॒त्त॒म् ।  
 स॒जोष॑सा उ॒षसा॒ सूर्ये॑ण चो॒र्जं॑ नो ध॒त्त॒म॒श्वि॒ना १२  
 मि॒त्रा॒व॒रु॑ण॒व॒न्ता॒ उ॒त॒ ध॒र्म॒व॒न्ता॒ म॒रु॒त्वं॒न्ता॒ ज॒रि॒तु॒र्ग॒च्छ॒थो॒ ह॒व॒म् ।  
 स॒जोष॑सा उ॒षसा॒ सूर्ये॑ण चा॒ऽऽदि॒त्यै॒र्या॒त॒म॒श्वि॒ना १३  
 अ॒ङ्गि॒र॒स्व॒न्ता॒ उ॒त॒ वि॒ष्णु॑व॒न्ता॒ म॒रु॒त्वं॒न्ता॒ ज॒रि॒तु॒र्ग॒च्छ॒थो॒ ह॒व॒म् ।  
 स॒जोष॑सा उ॒षसा॒ सूर्ये॑ण चा॒ऽऽदि॒त्यै॒र्या॒त॒म॒श्वि॒ना १४  
 ऋ॒भु॒म॒न्ता॒ वृ॒ष॒णा॒ वा॒ज॒व॒न्ता॒ म॒रु॒त्वं॒न्ता॒ ज॒रि॒तु॒र्ग॒च्छ॒थो॒ ह॒व॒म् ।  
 स॒जोष॑सा उ॒षसा॒ सूर्ये॑ण चा॒ऽऽदि॒त्यै॒र्या॒त॒म॒श्वि॒ना १५  
 ब्र॒ह्म॑ जि॒न्व॒त॒मु॒त॒ जि॒न्व॒तं॑ धि॒यो॒ ह॒तं॑ र॒क्षा॑सि॒ से॒ध॒त॒म॒मी॒वाः॑ ।  
 स॒जोष॑सा उ॒षसा॒ सूर्ये॑ण च॒ सो॒मं॑ सु॒न्व॒तो॒ अ॒श्वि॒ना १६  
 क्ष॒त्रं॑ जि॒न्व॒त॒मु॒त॒ जि॒न्व॒तं॑ नृ॒न् ह॒तं॑ र॒क्षा॑सि॒ से॒ध॒त॒म॒मी॒वाः॑ ।  
 स॒जोष॑सा उ॒षसा॒ सूर्ये॑ण च॒ सो॒मं॑ सु॒न्व॒तो॒ अ॒श्वि॒ना १७  
 धे॒नू॒र्जि॒न्व॒त॒मु॒त॒ जि॒न्व॒तं॑ वि॒शो॒ ह॒तं॑ र॒क्षा॑सि॒ से॒ध॒त॒म॒मी॒वाः॑ ।  
 स॒जोष॑सा उ॒षसा॒ सूर्ये॑ण च॒ सो॒मं॑ सु॒न्व॒तो॒ अ॒श्वि॒ना १८  
 अ॒त्रै॒रि॒व॒ शृ॒णु॑तं पू॒र्व्य॒स्तु॑तिं श्या॒वा॒श्व॒स्य॒ सु॒न्व॒तो॒ म॑द॒च्यु॒ता ।  
 स॒जोष॑सा उ॒षसा॒ सूर्ये॑ण चा॒ऽश्वि॒ना॒ ति॒रो॒अ॒ह॒य॒म् १९  
 स॒र्गा॑ इ॒व॒ सृ॒ज॒तं॑ सु॒ष्टी॒रु॒पं॑ श्या॒वा॒श्व॒स्य॒ सु॒न्व॒तो॒ म॑द॒च्यु॒ता ।  
 स॒जोष॑सा उ॒षसा॒ सूर्ये॑ण चा॒ऽश्वि॒ना॒ ति॒रो॒अ॒ह॒य॒म् २०  
 र॒श्मी॒र्इ॒र॒व॒ य॒च्छ॒त॒म॒ध्व॒रा॑ उ॒प॑ श्या॒वा॒श्व॒स्य॒ सु॒न्व॒तो॒ म॑द॒च्यु॒ता ।  
 स॒जोष॑सा उ॒षसा॒ सूर्ये॑ण चा॒ऽश्वि॒ना॒ ति॒रो॒अ॒ह॒य॒म् २१

अ॒र्वाग् रथं॑ नि यच्छ॑तुं पिब॑तं सोम्यं मधु॑  
 आ या॑तमश्विना ग॑त॒मव॑स्युर्वामि॒हं हु॑वे ध॒त्तं रत्नानि॑ दा॒शुषे॑ २२  
 न॒मोवा॑के प्र॒स्थिते॑ अध्व॒रे न॑रा वि॒वक्ष॑णस्य पी॒तयै॑  
 आ या॑तमश्विना ग॑त॒मव॑स्युर्वामि॒हं हु॑वे ध॒त्तं रत्नानि॑ दा॒शुषे॑ २३  
 स्वाहा॑कृतस्य तृ॒म्पतं॑ सु॒तस्य॑ दे॒वाव॑न्ध॒सः  
 आ या॑तमश्विना ग॑त॒मव॑स्युर्वामि॒हं हु॑वे ध॒त्तं रत्नानि॑ दा॒शुषे॑ २४

(३६) षट्त्रिंशं सूक्तम्

(१-७) सप्तर्चस्यास्य सूक्तस्यात्रेयः श्यावाश्व ऋषिः । इन्द्रो देवता । (१-६)

प्रथमादिषडृचां शक्वरी, (७) सप्तम्याश्च महापङ्क्तिश्छन्दसी

अवि॒तासि॑ सु॒न्वतो॑ वृ॒क्तब॑र्हिषः पि॒ब्रा सोमं॑ मदा॒य कं॑ श॒तक्र॑तो ।  
 यं तै॑ भा॒गम॑धा॒रय॑न् विश्वाः से॒हानः॑ पृ॒तना॑ उ॒रु ज॒यः स॑म॒प्सुजि॑ न्म॒रुत्वाँ॑ इन्द्र  
 स॒त्पते॑ १

प्राव॑ स्तो॒तारं॑ मघव॒न्नव॑ त्वां पि॒ब्रा सोमं॑ मदा॒य कं॑ श॒तक्र॑तो ।  
 यं तै॑ भा॒गम॑धा॒रय॑न् विश्वाः से॒हानः॑ पृ॒तना॑ उ॒रु ज॒यः स॑म॒प्सुजि॑ न्म॒रुत्वाँ॑ इन्द्र  
 स॒त्पते॑ २

ऊ॒र्जा दे॒वाँ अव॑स्यो ज॒सा त्वां॑ पि॒ब्रा सोमं॑ मदा॒य कं॑ श॒तक्र॑तो ।  
 यं तै॑ भा॒गम॑धा॒रय॑न् विश्वाः से॒हानः॑ पृ॒तना॑ उ॒रु ज॒यः स॑म॒प्सुजि॑ न्म॒रुत्वाँ॑ इन्द्र  
 स॒त्पते॑ ३

ज॒निता॑ दि॒वो ज॑निता पृ॒थिव्याः॑ पि॒ब्रा सोमं॑ मदा॒य कं॑ श॒तक्र॑तो ।  
 यं तै॑ भा॒गम॑धा॒रय॑न् विश्वाः से॒हानः॑ पृ॒तना॑ उ॒रु ज॒यः स॑म॒प्सुजि॑ न्म॒रुत्वाँ॑ इन्द्र  
 स॒त्पते॑ ४

ज॒निता॑श्वा॒नां ज॑निता गवा॒मसि॑ पि॒ब्रा सोमं॑ मदा॒य कं॑ श॒तक्र॑तो ।  
 यं तै॑ भा॒गम॑धा॒रय॑न् विश्वाः से॒हानः॑ पृ॒तना॑ उ॒रु ज॒यः स॑म॒प्सुजि॑ न्म॒रुत्वाँ॑ इन्द्र  
 स॒त्पते॑ ५

अ॒त्रीणां॑ स्तोम॑मद्रि॒वो म॒हस्कृ॑धि पि॒ब्रा सोमं॑ मदा॒य कं॑ श॒तक्र॑तो ।  
 यं तै॑ भा॒गम॑धा॒रय॑न् विश्वाः से॒हानः॑ पृ॒तना॑ उ॒रु ज॒यः स॑म॒प्सुजि॑ न्म॒रुत्वाँ॑ इन्द्र  
 स॒त्पते॑ ६

श्या॒वाश्व॑स्य सु॒न्वत॑ स्तथा॑ शृ॒णु यथा॑शृ॒णो र॒त्रेः क॑र्मा॒णि कृ॑ण॒वतः॑ ।  
 प्र त्र॒सद॑स्युमावि॒थ त्वमे॑क॒ इन्द्र॑षा॒ह्य इन्द्र॑ ब्र॒ह्मा॒णि वर्ध॑यन् ७

(३७) सप्तत्रिंशं सूक्तम्

(१-७) सप्तर्चस्यास्य सूक्तस्यात्रेयः श्यावाश्व ऋषिः । इन्द्रो देवता । (१)

प्रथमर्चोऽतिजगती, (२-७) द्वितीयादिषण्णाञ्च महापङ्क्तिश्छन्दसी  
प्रेदं ब्रह्म वृत्रतूर्येष्वाविथ प्र सुन्वतः शचीपत इन्द्र विश्वाभिरूतिभिः ।  
माध्यदिनस्य सर्वनस्य वृत्रहन्ननेद्य पिबा सोमस्य वज्रिवः १  
सेहान उग्र पृतना अभि द्रुहः शचीपत इन्द्र विश्वाभिरूतिभिः ।  
माध्यदिनस्य सर्वनस्य वृत्रहन्ननेद्य पिबा सोमस्य वज्रिवः २  
एकराळस्य भुवनस्य राजसि शचीपत इन्द्र विश्वाभिरूतिभिः ।  
माध्यदिनस्य सर्वनस्य वृत्रहन्ननेद्य पिबा सोमस्य वज्रिवः ३  
सस्थावाना यवयसि त्वमेक इच्छचीपत इन्द्र विश्वाभिरूतिभिः ।  
माध्यदिनस्य सर्वनस्य वृत्रहन्ननेद्य पिबा सोमस्य वज्रिवः ४  
क्षेमस्य च प्रयुजश्च त्वमीशिषे शचीपत इन्द्र विश्वाभिरूतिभिः ।  
माध्यदिनस्य सर्वनस्य वृत्रहन्ननेद्य पिबा सोमस्य वज्रिवः ५  
क्षत्राय त्वमवसि न त्वमाविथ शचीपत इन्द्र विश्वाभिरूतिभिः ।  
माध्यदिनस्य सर्वनस्य वृत्रहन्ननेद्य पिबा सोमस्य वज्रिवः ६  
श्यावाश्वस्य रेभतस्तथा शृणु यथाशृणो रत्रेः कर्माणि कृण्वतः ।  
प्र त्रसदस्युमाविथ त्वमेक इन्नृषाह्य इन्द्र क्षत्राणि वर्धयन् ७

(३८) अष्टात्रिंशं सूक्तम्

(१-१०) दशर्चस्यास्य सूक्तस्यात्रेयः श्यावाश्व ऋषिः । इन्द्राग्नी देवते ।

गायत्री छन्दः

यज्ञस्य हि स्थ ऋत्विजा सस्त्री वाजेषु कर्मसु । इन्द्राग्नी तस्य बोधतम् १  
तोशासा रथयावाना वृत्रहणापराजिता । इन्द्राग्नी तस्य बोधतम् २  
इदं वा मदिरं मध्वधुक्षन्नद्रिभिर्नरः । इन्द्राग्नी तस्य बोधतम् ३  
जुषेथां यज्ञमिष्टयै सुतं सोमं सधस्तुती । इन्द्राग्नी आ गतं नरा ४  
इमा जुषेथां सर्वना येभिर्हव्यान्यूहथुः । इन्द्राग्नी आ गतं नरा ५  
इमां गायत्रवर्तनिं जुषेथां सुष्टुतिं मम । इन्द्राग्नी आ गतं नरा ६  
प्रातर्यावभिरा गतं देवेभिर्जन्यावसू । इन्द्राग्नी सोमपीतये ७  
श्यावाश्वस्य सुन्वतो ऽत्रीणां शृणुतं हवम् । इन्द्राग्नी सोमपीतये ८

ए॒वा वा॑म॒ह ऊ॒तये॑ यथाहु॑वन्त॒ मेधि॑राः । इन्द्रा॑ग्नी सोम॑पीतये ६  
आ॒हं सर॑स्वतीवतो रिन्द्रा॑ग्रचो॒रवो॑ वृ॒णे । याभ्या॑ गाय॒त्रमृ॑च्यते १०

(३६) एकोनचत्वारिंशं सूक्तम्

(१-१०) दशर्चस्यास्य सूक्तस्य काण्वो नाभाक ऋषिः । अग्निर्देवता ।

महापङ्क्तिश्छन्दः

अ॒ग्निर्म॑स्तोष्यृ॒ग्मिय॑ म॒ग्निमी॒ळा य॒ज॒ध्वै ।  
अ॒ग्निर्दे॒वाँ अ॒नक्तु॑ न उ॒भे हि वि॒दथे॑ क॒वि र॒न्तश्च॑रति दू॒त्यं॑ नभ॑न्तामन्य॒के  
स॑मे १  
न्य॒ग्ने न॒व्यसा॑ वच॑ स्त॒नूषु॑ शंस॑मेषाम् ।  
न्यरा॑ती ररा॑व्णां वि॒श्वा अ॒र्यो अ॒राती॑ रि॒तो यु॑च्छन्त्वा॒मुरो॑ नभ॑न्तामन्य॒के स॑मे  
२  
अ॒ग्ने म॒न्मा॒नि तु॒भ्यं कं॑ घृ॒तं न जु॑ह आ॒सनि॑ ।  
स दे॒वेषु॑ प्र चि॑किद्धि त्वं ह्य॒सि पू॒र्व्यः शि॒वो दू॒तो वि॒वस्व॑तो नभ॑न्तामन्य॒के  
स॑मे ३।  
तत्तद॑ग्निर्वयो दधे॒ यथा॑यथा कृ॒णय॑ति ।  
ऊ॒र्जाहु॑तिर्वसू॒नां शं च॑ योश्च॒ मयो॑ दधे॒ विश्व॑स्यै दे॒वहू॑त्यै नभ॑न्तामन्य॒के स॑मे  
४  
स चि॑केत॒ सही॑यसा ऽग्निश्चि॒त्रेण॑ कर्म॒णा ।  
स हो॒ता श॑श्व॒तीनां॑ दक्षि॒णाभि॒रभी॑वृ॒त इ॒नोति॑ च प्र॒तीव्यं॑ नभ॑न्तामन्य॒के स॑मे  
५  
अ॒ग्निर्जा॒ता दे॒वानां॑ म॒ग्निर्वे॑द॒ मर्ता॑नामपी॒च्यम् ।  
अ॒ग्निः स द्र॑वि॒णोदा॑ अ॒ग्निर्द्वारा॑ व्यू॒ण्ते स्वा॑हु॒तो नवी॑यसा नभ॑न्तामन्य॒के स॑मे  
६  
अ॒ग्निर्दे॒वेषु॑ संव॒सुः स वि॒क्षु य॒ज्ञिया॑स्वा ।  
स मु॒दा का॒व्या पुरु॑ वि॒श्वं भू॑मैव पु॒ष्यति॑ दे॒वो दे॒वेषु॑ य॒ज्ञियो॑ नभ॑न्तामन्य॒के  
स॑मे ७  
यो अ॒ग्निः स॒प्तमा॑नुषः श्रि॒तो वि॒श्वेषु॑ सि॒न्धुषु॑ ।  
तमा॑गन्म त्रि॒प॒स्त्यं म॑न्धा॒तुर्द॑स्यु॒हन्त॑म॒ म॒ग्निं य॒ज्ञेषु॑ पू॒र्व्यं नभ॑न्तामन्य॒के स॑मे  
८



अग्निस्त्रीणि त्रिधातू न्या क्षेति विदथा कविः ।  
स त्रीरैकादशाँ इह यक्षञ्च पिप्रयञ्च नो विप्रौ दूतः परिष्कृतो नभन्तामन्यके  
समे ६  
त्वं नो अग्र आयुषु त्वं देवेषु पूर्व्य वस्व एक इरज्यसि ।  
त्वामापः परिस्तुतः परि यन्ति स्वसैतवो नभन्तामन्यके समे १०

(४०) चत्वारिंशं सूक्तम्

(१-१२) द्वादशर्चस्यास्य सूक्तस्य काणवो नाभाक ऋषिः । इन्द्राग्नी देवते । (१,  
३-११) प्रथमर्चस्तृतीयादिनवानाञ्च महापक्तिः, (२) द्वितीयायाः शक्वरी, (१२)  
द्वादश्याश्च त्रिष्टुप् छन्दांसि

इन्द्रागी युवं सु नः सहन्ता दासथो रयिम् ।  
येन दृळहा समत्स्वा वीळु चित् साहिषीमह्य गिर्वनैव वात इन्नभन्तामन्यके  
समे १

नहि वा वव्रयामहे ऽथेन्द्रमिद् यजामहे शविष्ठं नृणां नरम् ।  
स नः कदा चिदर्वता गमदा वाजसातये गमदा मेधसातये नभन्तामन्यके  
समे २

ता हि मध्यं भराणा मिन्द्राग्नी अधिक्षितः ।  
ता उ कवित्वना कवी पृच्छयमाना सखीयते सं धीतमश्नुतं नरा  
नभन्तामन्यके समे ३।

अभ्यर्च नभाकव दिन्द्राग्नी यजसा गिरा ।  
ययोर्विश्वमिदं जग दिव्यं द्यौः पृथिवी मह्युपस्थे बिभृतो वसु नभन्तामन्यके  
समे ४

प्र ब्रह्माणि नभाकव दिन्द्राग्निभ्यामिरज्यत ।  
या सप्तबुधमर्णवं जिह्वबारमपोर्णुत इन्द्र ईशान् ओजसा नभन्तामन्यके समे  
५

अपि वृश्च पुराणवद् वृततैरिव गुष्पित मोजो दासस्य दम्भय ।  
वयं तदस्य संभृतं वस्विन्द्रेण वि भजेमहि नभन्तामन्यके समे ६  
यदिन्द्राग्नी जना इमे विह्वयन्ते तना गिरा ।

अस्माकैभिर्नृभिर्वयं सासह्याम पृतन्यतो वनुयाम वनुष्यतो नभन्तामन्यके  
समे ७

या नु श्वेताववो दिव उच्चरातु उप द्युभिः ।  
 इन्द्राग्रयोरनु वृत मुहाना यन्ति सिन्धवो यान् त्सीं बन्धादमुञ्चतां  
 नभन्तामन्यके संमे ८  
 पूर्वीष्ट इन्द्रोपमातयः पूर्वीरुत प्रशस्तयः सूनौ हिन्वस्य हरिवः ।  
 वस्वो वीरस्यापृचो या नु साधन्त नो धियो नभन्तामन्यके संमे ९  
 तं शिशीता सुवृक्तिभिस्त्वेषं सत्वानमृग्यम् ।  
 उतो नु चिद् य ओजसा शुष्णस्यागडानि भेदति जेषत् स्वर्वतीरपो  
 नभन्तामन्यके संमे १०  
 तं शिशीता स्वध्वरं सत्यं सत्वानमृत्वयम् ।  
 उतो नु चिद् य ओहत आगडा शुष्णस्य भेदत्यजैः स्वर्वतीरपो  
 नभन्तामन्यके संमे ११  
 एवेन्द्राग्निभ्यां पितृवन्नवीयो मन्धातृवदङ्गिरस्वदवाचि ।  
 त्रिधातुना शर्मणा पातमस्मान् वयं स्याम पतयो रयीणाम् १२

(४१) एकचत्वारिंशं सूक्तम्

(१-१०) दशर्चस्यास्य सूक्तस्य काण्वो नाभाक ऋषिः । वरुणो देवता ।

महापङ्क्तिश्छन्दः

अस्मा ऊ षु प्रभूतये वरुणाय मरुद्भ्यो ऽर्चा विदुष्टेभ्यः ।  
 यो धीता मानुषाणां पृथ्वी गा इव रक्षति नभन्तामन्यके संमे १  
 तमू षु समुना गिरा पितृणां च मन्मभिः ।  
 नाभाकस्य प्रशस्तिभिर्यः सिन्धूनामुपौदये सप्तस्वसा स मध्यमो  
 नभन्तामन्यके संमे २  
 स क्षपः परि षस्वजे न्युष्ट्रो मायया दधे स विश्वं परि दर्शतः ।  
 तस्य वेनीरनु वृत मुषस्तिस्त्रो अवर्धयन् नभन्तामन्यके संमे ३  
 यः ककुभौ निधारयः पृथिव्यामधि दर्शतः ।  
 स माता पूर्व्य पदं तद् वरुणस्य सप्तयं स हि गोपा इवेर्यो नभन्तामन्यके  
 संमे ४  
 यो धर्ता भुवनानां य उस्त्राणामपीच्याइ वेद नामानि गुह्या ।  
 स कविः काव्या पुरु रूपं द्यौरिव पुष्यति नभन्तामन्यके संमे ५  
 यस्मिन् विश्वानि काव्या चक्रे नाभिरिव श्रिता ।

त्रितं जुती संपर्यत वृजे गावो न संयुजै युजे अश्वाँ अयुक्षत नभन्तामन्यके  
समे ६

य आस्वत्क आशये विश्वा जातान्येषाम् ।

परि धामानि मर्मृशद् वरुणस्य पुरो गये विश्वे देवा अनु वृतं नभन्तामन्यके  
समे ७

स समुद्रो अपीच्यस्तुरो द्यामिव रोहति नि यदासु यजुर्दधे ।

स माया अर्चिना पदा ऽस्तृणान्नाकुमारुह नभन्तामन्यके समे ८

यस्य श्वेता विचक्षणा तिस्रो भूमीरधिक्षितः ।

त्रिरुत्तराणि पप्रतु वरुणस्य ध्रुवं सदः स सप्तानामिरज्यति नभन्तामन्यके  
समे ९

यः श्वेताँ अधिनिर्णिज श्वक्रे कृष्णाँ अनु वृता ।

स धाम पूर्य ममे यः स्कम्भेन वि रोदसी अजो न द्यामधारय नभन्तामन्यके  
समे १०

(४२) द्विचत्वारिंशं सूक्तम्

(१-६) षडृचस्यास्य सूक्तस्य काणवो नाभाक आत्रेयोऽर्चनाना वा ऋषिः । (१-३)

प्रथमतृचस्य वरुणः, (४-६) द्वितीयतृचस्य चाश्विनौ देवताः । (१-३)

प्रथमतृचस्य त्रिष्टुप्, (४-६) द्वितीयतृचस्य चानुष्टुप् छन्दसी

अस्तभ्नाद् द्यामसुरो विश्ववैदा अर्मिमीत वरिमाणं पृथिव्याः ।

आसीद्दद् विश्वा भुवनानि सम्राड् विश्वेत् तानि वरुणस्य वृतानि १

एवा वन्दस्व वरुणं बृहन्तं नमस्या धीरममृतस्य गोपाम् ।

स नः शर्म त्रिवरुथं वि यसत् पातं नो द्यावापृथिवी उपस्थे २

इमां धियं शिक्षमाणस्य देव क्रतुं दक्षं वरुणं सं शिशाधि ।

ययाति विश्वा दुरिता तरैम सुतर्माणमधि नार्वं रुहेम ३

आ वां ग्रावाणो अश्विना धीभिर्विप्रो अचुच्यवुः ।

नासत्या सोमपीतये नभन्तामन्यके समे ४

यथा वामत्रिरश्विना गीर्भिर्विप्रो अजौहवीत् ।

नासत्या सोमपीतये नभन्तामन्यके समे ५

एवा वामह ऊतये यथाहुवन्त मेधिराः ।

नासत्या सोमपीतये नभन्तामन्यके समे ६

षष्ठोऽनुवाकः । सू० ४३-४८

(४३) त्रिचत्वारिंशं सूक्तम्

(१-३३) त्रयस्त्रिंशदृचस्यास्य सूक्तस्याङ्गिरसो विरूप ऋषिः । अग्निर्देवता ।

गायत्री छन्दः

इमे विप्रस्य वेधसो ऽग्नेरस्तृतयज्वनः । गिरः स्तोमांस ईरते १  
 अस्मै ते प्रतिहर्यते जातवेदो विचर्षणे । अग्ने जनामि सुष्टुतिम् २  
 आरोका इव घेदहं तिग्मा अग्ने तव त्विषः । दुद्धिर्वनानि बप्सति ३  
 हरयो धूमकैतवो वार्तजूता उप द्यवि । यतन्ते वृथगग्रयः ४  
 एते त्ये वृथगग्रय इद्धासः समदृक्षत । उषसामिव केतवः ५  
 कृष्णा रजांसि पत्सुतः प्रयाणो जातवेदसः । अग्निर्यद् रोधति क्षमि ६  
 धासिं कृण्वान ओषधी बप्सदग्निर्न वायति । पुनर्यन् तरुणीरपि ७  
 जिह्वाभिरह नन्नम दुर्चिषा जञ्जणाभवन् । अग्निर्वनैषु रोचते ८  
 अप्सवग्ने सधिष्टव सौषधीरनु रुध्यसे । गर्भे सञ्जायसे पुनः ९  
 उदग्ने तव तद् घृता दुर्ची रोचत आहुतम् । निंसांनं जुहोर्मुखे १०  
 उक्षान्नाय वृशान्नाय सोमपृष्ठाय वेधसे । स्तोमैर्विधेमाग्रये ११  
 उत त्वा नमसा वयं होतुर्वरेण्यक्रतो । अग्ने समिद्धिरीमहे १२  
 उत त्वा भृगुवच्छुचे मनुष्वदग्र आहुत । अङ्गिरस्वद्धवामहे १३  
 त्वं ह्यग्ने अग्निना विप्रो विप्रेण सन् त्सता । सखा सख्या समिध्यसे १४  
 स त्वं विप्राय दाशुषे रयिं देहि सहस्त्रिणम् । अग्ने वीरवतीमिषम् १५  
 अग्ने भ्रातुः सहस्कृत रोहिदश्च शुचिव्रत । इमं स्तोमं जुषस्व मे १६  
 उत त्वाग्ने मम स्तुतो वाश्राय प्रतिहर्यते । गोष्ठं गाव इवाशत १७  
 तुभ्यं ता अङ्गिरस्तम् विश्वाः सुक्षितयः पृथक् । अग्ने कामाय येमिरे १८  
 अग्निं धीभिर्मनीषिणो मेधिंरासो विपुश्चितः । अघसद्याय हिन्विरे १९  
 तं त्वामज्मेषु वाजिनं तन्वाना अग्ने अध्वरम् । वह्निं होतारमीळते २०  
 पुरुत्रा हि सदृङ्ङसि विशो विश्वा अनु प्रभुः । समत्सु त्वा हवामहे २१  
 तमीळिष्व य आहुतो ऽग्निर्विभ्राजते घृतैः । इमं नः शृणवद्धवम् २२  
 तं त्वा वयं हवामहे शृणवन्तं जातवेदसम् । अग्ने घन्तमप द्विषः २३  
 विशां राजानमद्भुत मर्ध्यक्षं धर्मणामिमम् । अग्निमीळे स उ श्रवत् २४  
 अग्निं विश्वार्युवेपसं मर्यं न वाजिनं हितम् । सप्तिं न वाजयामसि २५

घ्नन् मृध्राण्यप द्विषो दहन् रक्षांसि विश्वहा । अग्ने त्रिगमेन दीदिहि २६  
यं त्वा जनांस इन्धते मनुष्वदङ्गिरस्तम । अग्ने स बौधि मे वचः २७  
यदग्ने दिविजा अस्य प्सुजा वा सहस्कृत । तं त्वा गीर्भिर्हवामहे २८  
तुभ्यं घेत् ते जना इमे विश्वाः सुक्षितयः पृथक् । धासिं हिन्वन्त्यत्तवे २९  
ते घेदग्ने स्वाध्यो ऽहा विश्वा नृचक्षसः । तरन्तः स्याम दुर्गहा ३०  
अग्निं मन्द्रं पुरुप्रियं शीरं पावकशौचिषम् । हृद्धिर्मन्द्रेभिरीमहे ३१  
स त्वमग्ने विभावंसुः सृजन् त्सूर्यो न रश्मिभिः । शर्धन् तमांसि जिघ्रसे  
३२  
तत् तै सहस्व ईमहे दात्रं यन्नोपदस्यति । त्वदग्ने वार्यं वसु ३३

(४४) चतुश्चत्वारिंशं सूक्तम्

(१-३०) त्रिंशदृचस्यास्य सूक्तस्याङ्गिरसो विरूप ऋषिः । अग्निर्देवता ।

गायत्री छन्दः

समिधाग्निं दुवस्यत घृतैर्बोधयतातिथिम् । आस्मिन् हव्या जुहोतन १  
अग्ने स्तोमं जुषस्व मे वर्धस्वानेन मन्मना । प्रति सूक्तानि हर्य नः २  
अग्निं दूतं पुरो दधे हव्यवाहुमुप ब्रुवे । देवाँ आ सोदयादिह ३  
उत् तै बृहन्तौ अर्चयः समिधानस्य दीदिवः । अग्ने शक्रास ईरते ४  
उप त्वा जुहोर् मम घृतार्चीर्यन्तु हर्यत । अग्ने हव्या जुषस्व नः ५  
मन्द्रं होतारिमृत्विजं चित्रभानुं विभावंसुम् । अग्निमीळे स उ श्रवत् ६  
प्रबं होतारमीडयं जुष्टमग्निं कविक्रतुम् । अध्वराणामभिश्चियम् ७  
जुषानो अङ्गिरस्तमे मा हव्यान्यानुषक् । अग्ने यज्ञं नय ऋतुथा ८  
समिधान उ सन्त्य शुक्रशोच इहा वह । चिकित्वान् दैव्यं जनम् ९  
विप्रं होतारमद्रुहं धूमकैतुं विभावंसुम् । यज्ञानां केतुमीमहे १०  
अग्नौ नि पाहि नस्त्वं प्रति ष्व देव रीषतः । भिन्धि द्वेषः सहस्कृत ११  
अग्निः प्रबेन मन्मना शुम्भानस्तन्वं स्वाम् । कविर्विप्रैण वावृधे १२  
ऊर्जो नपातमा हुवे ऽग्निं पावकशौचिषम् । अस्मिन् यज्ञे स्वध्वरे १३  
स नो मित्रमहस्त्व मग्ने शक्रेण शोचिषा । देवैरा संत्सि बर्हिषि १४  
यो अग्निं तन्वोर् दमै देवं मर्तः सपर्यति । तस्मा इद् दीदयद् वसु १५  
अग्निर्मूर्धा दिवः ककुत् पतिः पृथिव्या अयम् । अपां रेतांसि जिन्वति १६  
उदग्ने शुचयस्तव शक्रा भ्राजन्त ईरते । तव ज्योतीष्यर्चयः १७

ईशिषे वार्यस्य हि दात्रस्याग्ने स्वर्यतिः । स्तोता स्यां तव शर्मणि १८  
 त्वामग्ने मनीषिणस्त्वां हिन्वन्ति चित्तिभिः । त्वां वर्धन्तु नो गिरः १९  
 अर्दब्धस्य स्वधावतो दूतस्य रेभतुः सदा । अग्नेः सख्यं वृणीमहे २०  
 अग्निः शुचिर्व्रततमः शुचिर्विप्रः शुचिः कविः । शुची रोचतु आहुतः २१  
 उत त्वां धीतयो मम गिरौ वर्धन्तु विश्वहा । अग्ने सख्यस्य बोधि नः २२  
 यदग्ने स्यामहं त्वं त्वं वा घा स्या अहम् । स्युष्टै सत्या इहाशिषः २३  
 वसुर्वसुपतिर्हि क मस्यग्ने विभार्वसुः । स्याम ते सुमतावपि २४  
 अग्ने धृतव्रताय ते समुद्रायैव सिन्धवः । गिरौ वाश्रास ईरते २५  
 युवानं विश्पतिं कविं विश्वाद पुरुवेपसम् । अग्निं शुम्भामि मन्मभिः २६  
 यज्ञानां रथ्यै वयं तिग्मजम्भाय वीळ्वै । स्तोमैरिषेमाग्र्यै २७  
 अयमग्ने त्वे अपि जरिता भूतु सन्त्य । तस्मै पावक मृळय २८  
 धीरो ह्यस्यद्यसद् विप्रो न जागृविः सदा । अग्ने दीदर्यसि द्यवि २९  
 पुराग्ने दुरितेभ्यः पुरा मृध्रेभ्यः कवे । प्र ण आयुर्वसो तिर ३०

(४५) पञ्चचत्वारिंशं सूक्तम्

(१-४२) द्विचत्वारिंशदृचस्यास्य सूक्तस्य काण्वस्त्रिशोक ऋषिः । (१)  
 प्रथमर्चोऽग्नीन्द्रौ, (२-४२) द्वितीयाद्येकचत्वारिंशदृचाञ्चेन्द्रो देवते । गायत्री छन्दः  
 आ घा ये अग्निमिन्धते स्तृणन्ति बर्हिर्नानुषक् । येषामिन्द्रो युवा सखा १  
 बृहन्निदिध्म एषां भूरि शस्तं पृथुः स्वरुः । येषामिन्द्रो युवा सखा २  
 अयुद्ध इद् युधा वृतं शूर आजैति सत्त्वभिः । येषामिन्द्रो युवा सखा ३  
 आ बुन्दं वृत्रहा ददे जातः पृच्छद् वि मातरम् । क उग्राः के ह शृगिवरे ४  
 प्रति त्वा शवसी वदद् गिरावप्सो न यौधिषत् । यस्तै शत्रुत्वमाचके ५  
 उत त्वं मघवञ्छृणु यस्ते वष्टि ववन्ति तत् । यद् वीळ्यासि वीळु तत् ६  
 यदाजिं यात्याजिकृ दिन्द्रः स्वश्चयुरुप । रथीतमो रथीनाम् ७  
 वि षु विश्वा अभियुजो वज्रिन् विष्वग्यथा वृह । भवा नः सुश्रवस्तमः ८  
 अस्माकं सु रथं पुर इन्द्रः कृणोतु सातयै । न यं धूर्वन्ति धूर्तयैः ९  
 वृज्याम ते परि द्विषो ऽरं ते शक्र दावनै । गुमेमेदिन्द्र गोमैतः १०  
 शनैश्चिद् यन्तौ अद्रिवो ऽश्वावन्तः शतुग्विनः । विवक्षणा अनेहसः ११  
 ऊर्ध्वा हि तै दिवेदिवे सहस्रा सूनृता शता । जरितृभ्यो विमंहते १२  
 विद्या हि त्वा धनंजय मिन्द्र दृळ्हा चिदारुजम् । आदारिणं यथा गर्यम्

१३

ककुहं चित् त्वा कवे मन्दन्तु धृष्णविन्दवः । आ त्वा पुणिं यदीमहे १४  
यस्तै रेवाँ अदाशुरिः प्रममर्ष मघत्तये । तस्य नो वेद आ भर १५  
इम उ त्वा वि चक्षते सखाय इन्द्र सोमिनः । पुष्टावन्तो यथा पशुम् १६  
उत त्वाबधिरं वयं श्रुत्कर्णं सन्तमूतये । दूरादिह हवामहे १७  
यच्छुश्रूया इमं हव दुर्मर्षं चक्रिया उत । भवैरापिनो अन्तमः १८  
यच्चिद्धि ते अपि व्यथिर्जगन्वांसो अमन्महि । गोदा इदिन्द्र बोधि नः १९  
आ त्वा रम्भं न जिव्रयो ररुभ्मा शवसस्पते । उश्मसि त्वा सधस्थ आ २०  
स्तोत्रमिन्द्राय गायत पुरुनृणाय सत्त्वेने । नक्रियं वृणवते युधि २१  
अभि त्वा वृषभा सुते सुतं सृजामि पीतये । तृम्पा व्यश्नुही मदम् २२  
मा त्वा मूरा अविष्यवो मोपहस्वान् आ दभन् । मार्की ब्रह्मद्विषौ वनः २३  
इह त्वा गोपरीणसा महे मन्दन्तु राधसे । सरौ गौरो यथा पिब २४  
या वृत्रहा परावति सना नवा च चुच्युवे । ता संसत्सु प्र वोचत २५  
अपिबत् कद्रुवः सुत मिन्द्रः सहस्रबाहे । अत्रादेदिष्ट पौंस्यम् २६  
सत्यं तत् तुर्वशे यदौ विदानो अहवाय्यम् । व्यानट् तुर्वणे शमि २७  
तरणिं वो जनानां त्रदं वाजस्य गोमंतः । समानमु प्र शंसिषम् २८  
अभुक्ष्णं न वर्तव उक्थेषु तुग्यावृधम् । इन्द्रं सोमे सचा सुते २९  
यः कृन्तदिद् वि योन्यं त्रिशोकाय गिरिं पृथुम् । गोभ्यो गातुं निरैतवे ३०  
यद् देधिषे मनस्यसि मन्दानः प्रेदियक्षसि । मा तत् करिन्द्र मृळय ३१  
दुभ्रं चिद्धि त्वावतः कृतं शृणवे अधि क्षमि । जिगात्विन्द्र ते मनः ३२  
तवेदु ताः सुकीर्तयो ऽसन्नत प्रशस्तयः । यदिन्द्र मृळयासि नः ३३  
मा न एकस्मिन्नागसि मा द्वयोरुत त्रिषु । वधीर्मा शूर भूरिषु ३४  
बिभया हि त्वावत उग्रादभिप्रभङ्गिणः । दस्मादहमृतीषहः ३५  
मा सख्युः शूनमा विदे मा पुत्रस्य प्रभूवसो । आवृत्त्वद् भूतु ते मनः ३६  
को नु मर्या अमिथितः सखा सखायमब्रवीत् । जहा को अस्मदीषते ३७  
एवारै वृषभा सुते ऽसिन्वन् भूर्यावयः । श्वघ्नीर्व निवता चरन् ३८  
आ त एता वचोयुजा हरीं गृभ्णे सुमद्रथा । यदी ब्रह्मभ्य इद्ददः ३९  
भिन्धि विश्वा अप द्विषुः परि बाधौ जही मृधः । वसुस्पार्ह तदा भर ४०  
यद्वीळाविन्द्र यत् स्थिरे यत् पशानि पराभृतम् । वसु स्पार्ह तदा भर ४१  
यस्य ते विश्वमानुषो भूरैर्दत्तस्य वेदति । वसु स्पार्ह तदा भर ४२

चतुर्थोऽध्यायः । व० १-५४

(४६) षट्चत्वारिंशं सूक्तम्

(१-३३) त्रयस्त्रिंशदृचस्यास्य सूक्तस्याश्व्यो वश ऋषिः । (१-१०, २६-३१, ३३)

प्रथमादिविंशत्यृचामेकोनत्रिंश्यादितृचस्य त्रयस्त्रिंश्याश्चेन्द्रः, (२१-२४)

एकविंश्यादिचतसृणां कानीतस्य पृथुश्रवसो दानस्तुतिः, (२५-२८, ३२)

पञ्चविंश्यादिचतसृणां द्वात्रिंश्याश्च वायुर्देवताः । (१) प्रथमर्चः पादनिचृत्, (२-

४, ६, १०, २३, २६, ३३) द्वितीयादितृचस्य

षष्ठीदशमीत्रयोविंश्येकोनत्रिंशीत्रयस्त्रिंशीनाञ्च गायत्री, (५) पञ्चम्याः ककुप्, (७,

१६) सप्तम्येकोनविंश्योर्बृहती, (८) अष्टम्या अनुष्टुप्, (९) नवम्याः सतोर्बृहती,

(११-१२) एकादशीद्वादश्योर्विपरीतोत्तरः प्रगाथः (एकादश्या बृहती, द्वादश्या

विपरीता सतोर्बृहती), (१३) त्रयोदश्या द्विपदा जगती, (१४) चतुर्दश्या

पिपीलिकमध्या बृहती, (१५) पञ्चदश्याः ककुप्त्रयङ्कुशिरा, (१६) षोडश्या

विराट्, (१७) सप्तदश्या जगती, (१८) अष्टादश्या उपरिष्ठाद्बृहती, (२०)

विंश्या विषमपदा बृहती, (२१-२२, २४, ३२)

एकविंशीद्वाविंशीचतुर्विंशीद्वात्रिंशीनां पङ्क्तिः (२५-२८) पञ्चविंश्यादिचतसृणां प्रगाथः ((२५, २७) पञ्चविंशीसप्तविंश्योर्बृहती, (२६, २८) षड्विंश्यष्टाविंश्योः

सतोर्बृहती), (३०) त्रिंश्या द्विपदा विराट्, (३१) एकत्रिंश्याश्चोष्णिक् छन्दांसि त्वावतः पुरुवसो व्यमिन्द्र प्रणेतः । स्मसिं स्थातर्हरीणाम् १

त्वां हि सत्यमद्रिवो विद्य दातारमिषाम् । विद्य दातारं रयीणाम् २

आ यस्य ते महिमानं शतमूते शतक्रतो । गीर्भिर्गृणन्ति कारवः ३

सुनीथो घा स मर्त्यो यं मरुतो यमर्यमा । मित्रः पान्त्यद्बुहः ४

दधानो गोमदश्चवत् सुवीर्यमादित्यजूत एधते । सदा राया पुरुस्पृहा ५

तमिन्द्रं दानमीमहे शवसानमभीर्वम् । ईशानं राय ईमहे ६

तस्मिन् हि सन्त्यूतयो विश्वा अभीरवः सचा ।

तमा वहन्तु सप्तयः पुरुवसुं मदाय हरयः सुतम् ७

यस्ते मदो वरैरयो य ईन्द्र वृत्रहन्तमः ।

य आददिः स्वर्नृभिर्त्यः पृतनासु दुष्टरः ८

यो दुष्टरो विश्ववार श्रवाय्यो वाजेष्वस्ति तरुता ।

स नः शविष्ठ सवना वसो गहि गुमेम् गोमति वृजे ९

गव्यो षु गो यथा पुरा ऽश्वयोत रथया । वरिवस्य महामह १०



नृहि ते शूर राधसो ऽन्तं विन्दामि सत्रा ।  
 दशस्या नो मघवन्नू चिदद्रिवो धियो वाजैभिराविथ ११  
 य ऋष्वः श्रावयत्सखा विश्वेत् स वैदु जनिमा पुरुष्टुतः ।  
 तं विश्वे मानुषा युगेन्द्रं हवन्ते तविषं यतस्तुचः १२  
 स नो वाजैष्वविता पूरुवसुः पुरःस्थाता मघवा वृत्रहा भुवत् १३  
 अभि वो वीरमन्धसो मदेषु गाय गिरा महा विचैतसम् ।  
 इन्द्रं नाम श्रुत्य शाकिनं वचो यथा १४  
 ददी रेक्णास्तन्वै ददिर्वसु ददिर्वाजेषु पुरुहूत वाजिनम् ।  
 नूनमथ १५  
 विश्वेषामिरज्यन्तं वसूनां सासह्वासं चिदस्य वर्षसः ।  
 कृपयतो नूनमत्यथ १६  
 महः सु वो अरमिषे स्त्वामहे मीळहुषे अरंगमाय जग्मये ।  
 यज्ञेभिर्गीर्भिर्विश्वमनुषां मरुतामियक्षसि गायै त्वा नमसा गिरा १७  
 ये पातयन्ते अज्मभिर्गिरीणां स्तुभिरेषाम् ।  
 यज्ञं महिष्वशीनां सुम्रं तुविष्वशीनां प्राध्वरे १८  
 प्रभुङ्गं दुर्मतीनामिन्द्रं शविष्ठा भर ।  
 रयिमस्मभ्यं युज्यं चोदयन्मते ज्येष्ठं चोदयन्मते १९  
 सनितुः सुसनितुरुग्र चित्र चेतिष्ठ सूनृत ।  
 प्रासहा सम्राट् सहुरिं सहन्तं भुज्यं वाजेषु पूर्व्यम् २०  
 आ स एतु य ईवुदाँ अदेवः पूर्वमाददे ।  
 यथा चिद्वशौ अश्वयः पृथुश्रवसि कानीतेऽस्या व्युष्याददे २१  
 षष्टिं सहस्राश्वयस्यायुतसिन् मुष्टानां विंशतिं शता ।  
 दश श्यावीनां शता दश त्र्यरुषीणां दश गवां सहस्रा २२  
 दश श्यावा ऋधद्रयो वीतवारास आशवः ।  
 मथा नेमिं नि वावृतुः २३  
 दानांसः पृथुश्रवसः कानीतस्य सुराधसः ।  
 रथं हिरण्ययं ददु न्महिष्ठः सूरिरभूद् वर्षिष्ठमकृत श्रवः २४  
 आ नो वायो महे तनै याहि मखाय पाजसे ।  
 वयं हि ते चकृमा भूरि दावनै सद्यश्चिन्महि दावनै २५  
 यो अश्वेभिर्वहते वस्त उस्त्रा स्त्रिः सप्त सप्ततीनाम् ।

एभिः सोमैभिः सोमसुद्धिः सोमपा दानाय शुक्रपूतपाः २६  
 यो मं इमं चिदु त्मना मन्दच्चित्रं दावनै ।  
 अरट्वे अक्षे नहुषे सुकृत्वा नि सुकृत्तराय सुक्रतुः २७  
 उचथ्येऽ वपुषि यः स्वरा लुत वायो घृतस्त्राः ।  
 अश्वैषितुं रजैषितुं शुनैषितुं प्राज्म तदिदं नु तत् २८  
 अध प्रियमिषिराय षष्टिं सहस्रासनम् ।  
 अश्वानामिन्न वृष्णाम् २९  
 गावो न यूथमुप यन्ति वध्रय उप मा यन्ति वध्रयः ३०  
 अध यच्चरथे गणे शतमुष्ट्रं अचिक्रदत् ।  
 अध श्वितेषु विंशतिं शता ३१  
 शतं दासे बल्बूथे विप्रस्तरुक्ष आ देदे ।  
 ते तै वायविमे जना मदन्तीन्द्रगोपा मदन्ति देवगोपाः ३२  
 अध स्या योषणा मही प्रतीची वशमश्वयम् । अधिरुक्मा वि नीयते ३३

(४७) सप्तचत्वारिंशं सूक्तम्

(१-१८) अष्टादशर्चस्यास्य सूक्तस्याप्तयस्त्रित ऋषिः । (१-१३)

प्रथमादित्रयोदशर्चामादित्याः, (१४-१८) चतुर्दश्यादिपञ्चानाञ्चादित्योषसो देवताः

। महापङ्क्तिश्छन्दः

महि वो महतामवो वरुण मित्रं दाशुषै ।  
 यमादित्या अभि द्रुहो रक्षथा नेमधं नश दनेहसौ व ऊतयः सुऊतयो व  
 ऊतयः १  
 विदा देवा अधाना मादित्यासो अपाकृतिम् ।  
 पक्षा वयो यथोपरि व्यश्स्मे शर्म यच्छता नेहसौ व ऊतयः सुऊतयो व  
 ऊतयः २  
 व्यश्स्मे अधि शर्म तत् पक्षा वयो न यन्तन ।  
 विश्वानि विश्ववेदसो वरूथ्या मनामहे ऽनेहसौ व ऊतयः सुऊतयो व  
 ऊतयः ३  
 यस्मा अरासत् क्षयं जीवातुं च प्रचैतसः ।  
 मनोर्विश्वस्य घेदिम आदित्या राय ईशते ऽनेहसौ व ऊतयः सुऊतयो व  
 ऊतयः ४

परि शो वृणजन्नघा दुर्गाणि रथ्यो यथा ।  
स्यामेदिन्द्रस्य शर्म रयादित्यानामुतावस्य नेहसौ व ऊतयः सुऊतयो व  
ऊतयः ५  
परिहृतेदना जनो युष्मादत्तस्य वायति ।  
देवा अदभ्रमाश वो यमादित्या अहेतना नेहसौ व ऊतयः सुऊतयो व  
ऊतयः ६  
न तं तिग्मं चन त्यजो न द्रासदभि तं गुरु ।  
यस्मा उ शर्म सप्रथ आदित्यासो अराध्वमनेहसौ व ऊतयः सुऊतयो व  
ऊतयः ७  
युष्मे देवा अपि ष्मसि युध्यन्त इव वर्मसु ।  
यूयं मुहो न एनसो यूयमर्भादुरुष्यता नेहसौ व ऊतयः सुऊतयो व ऊतयः  
८  
अदितिर्न उरुष्यत्व दितिः शर्म यच्छतु ।  
माता मित्रस्य रेवतो ऽर्यम्णो वरुणस्य चा नेहसौ व ऊतयः सुऊतयो व  
ऊतयः ९  
यदैवाः शर्म शरणं यद्भद्रं यदनातुरम् ।  
त्रिधातु यद्वरूथ्यं तदस्मासु वि यन्तना नेहसौ व ऊतयः सुऊतयो व  
ऊतयः १०  
आदित्या अव हि ख्यता धि कूलादिव स्पर्शः ।  
सुतीर्थमवतो यथा नु नो नेषथा सुगमनेहसौ व ऊतयः सुऊतयो व ऊतयः  
११  
नेह भद्रं रक्षस्विने नावयै नोपया उत ।  
गवै च भद्रं धेनवै वीराय च श्रवस्यते ऽनेहसौ व ऊतयः सुऊतयो व  
ऊतयः १२  
यदाविर्यदपीच्यं देवासो अस्ति दुष्कृतम् ।  
त्रिते तद्विश्वमाप्त्ये अरे अस्मद् दधातना नेहसौ व ऊतयः सुऊतयो व  
ऊतयः १३  
यच्च गोषु दुष्वप्रयं यच्चास्मे दुहितर्दिवः ।  
त्रिताय तद्विभावया पचाय परा वहा नेहसौ व ऊतयः सुऊतयो व ऊतयः  
१४

निष्कं वा घा कृण्वते स्रजं वा दुहितर्दिवः ।

त्रिते दुष्वप्रयं सर्वमाप्त्ये परि दद्यस्य नेहसौ व ऊतयः सुऊतयौ व ऊतयः

१५

तदन्नाय तदपसे तं भागमुपसेदुषै ।

त्रिताय च द्विताय चो षौ दुष्वप्रयं वहा नेहसौ व ऊतयः सुऊतयौ व

ऊतयः १६

यथा कलां यथा शफं यथ ऋणं संनयामसि ।

एवा दुष्वप्रयं सर्वमाप्त्ये सं नयामस्य नेहसौ व ऊतयः सुऊतयौ व ऊतयः

१७

अजैष्माद्यासनाम् चा भूमानागसो वयम् ।

उषो यस्माद् दुष्वप्रया दभैष्माप तदुच्छत्वनेहसौ व ऊतयः सुऊतयौ व

ऊतयः १८

(४८) अष्टचत्वारिंशं सूक्तम्

(१-१५) पञ्चदशर्चस्यास्य सूक्तस्य घौरः काणवः प्रगाथ ऋषिः । सोमो देवता ।

(१-४, ६-१५) प्रथमादिचतुर्ऋचां षष्ठ्यादिदशानाञ्च त्रिष्टुप्,

(५) पञ्चम्याश्च जगती छन्दसी

स्वादोरभक्षि वयसः सुमेधाः स्वाध्यौ वरिवोवित्तरस्य ।

विश्वे यं देवा उत मर्त्यासो मधु ब्रुवन्तौ अभि संचरन्ति १

अन्तश्च प्रागा अदितिर्भवास्य वयाता हरसो दैव्यस्य ।

इन्द्रविन्द्रस्य सख्यं जुषाणः श्रौष्टीव धुमनु राय ऋध्याः २

अपाम सोमममृता अभूमा गन्म ज्योतिरविदाम देवान् ।

किं नूनमस्मान् कृण्वदरातिः किमु धूर्तिरमृत मर्त्यस्य ३

शं नो भव हृद आ पीत इन्दो पितेव सोम सूनवे सुशेवः ।

सखेव सख्ये उरुशंस धीरः प्र ण आयुर्जीवसै सोम तारीः ४

इमे मा पीता यशस उरुष्यवो रथं न गावः समनाह पर्वसु ।

ते मा रक्षन्तु विस्रसश्चरित्रा दुत मा स्त्रामाद्यवयन्तिवन्दवः ५

अग्निं न मा मथितं सं दिदीपुः प्र चक्षय कृणुहि वस्यसो नः ।

अथा हि ते मद आ सोम मन्ये रेवां इव प्र चैरा पुष्टिमच्छ ६

इषिरेण ते मनसा सुतस्य भक्षीमहि पितृस्येव रायः ।

सोमं राजन् प्र ण आरूषि तारी रहांनीव सूर्यो वासराणि ७  
 सोमं राजन् मृळ्या नः स्वस्ति तव स्मसि वृत्याइस्तस्य विद्धि ।  
 अलर्ति दक्ष उत मन्युरिन्द्रो मा नो अर्यो अनुकामं परा दाः ८  
 त्वं हि नस्तन्वः सोम गोपा गात्रैगात्रे निषसत्था नृचक्षाः ।  
 यत् ते वयं प्रमिनाम वृतानि स नो मृळ सुषखा दैव वस्यः ९  
 ऋदूदरेण सरूया सचेय यो मा न रिष्येद्धर्यश्च पीतः ।  
 अयं यः सोमो न्यधाय्यस्मे तस्मा इन्द्रं प्रतिरमेम्यायुः १०  
 अप त्या अस्थुरनिरा अमीवा निरत्रसन् तमिषीचीरभैषुः ।  
 आ सोमो अस्माँ अरुहद् विहाया अगन्म यत्र प्रतिरन्त आयुः ११  
 यो न इन्दुः पितरो हत्सु पीतो ऽमर्त्यो मर्त्याँ आविवेश ।  
 तस्मै सोमाय हविषो विधेम मृळीके अस्य सुमतौ स्याम १२  
 त्वं सोम पितृभिः संविदानो ऽनु द्यावापृथिवी आ तंतन्थ ।  
 तस्मै त इन्द्रो हविषो विधेम वयं स्याम पतयो रयीणाम् १३  
 त्रातारो देवा अधि वोचता नो मा नो निद्रा ईशत मोत जल्पिः ।  
 वयं सोमस्य विश्वहं प्रियासः सुवीरांसो विदथमा वंदेम १४  
 त्वं नः सोम विश्वतौ वयोधा स्त्वं स्वर्विदा विशा नृचक्षाः ।  
 त्वं न इन्द्र ऊतिभिः सजोषाः पाहि पश्चातादुत वा पुरस्तात् १५

अथ वालखिल्यम् ।

(४६) एकोनपञ्चाशं सूक्तम्

(१-१०) दशर्चस्यास्य सूक्तस्य कारवः प्रस्करव ऋषिः । इन्द्रो देवता । प्रगाथः

(विषमर्चा बृहती, समर्चा सतोबृहती) छन्दः

अभि प्र वः सुरार्धस मिन्द्रमर्च यथा विदे ।  
 यो जरितृभ्यो मघवा पुरुवसुः सहस्रैरेव शिञ्जति १  
 शतानीकेव प्र जिगाति धृष्णुया हन्ति वृत्राणि दाशुषे ।  
 गिरेरिव प्र रसा अस्य पिन्विरे दत्राणि पुरुभोजसः २  
 आ त्वा सुतास इन्दवो मदा य इन्द्र गिर्वणः ।  
 आपो न वेज्जिन्नन्वोक्थं सरः पृणन्ति शूर राधसे ३  
 अनेहसं प्रतरणं विवर्क्ष्णं मध्वः स्वादिष्ठमीं पिब ।

आ यथा मन्दसानः किरासि नः प्र क्षुद्रेव त्मना धृषत् ४  
 आ नः स्तोममुप द्रव द्वियानो अश्वो न सोतृभिः ।  
 यं तै स्वधावन् त्वदयन्ति धेनव इन्द्र कण्वेषु रातयः ५  
 उग्रं न वीरं नमसोप सेदिम् विभूतिमक्षितावसुम् ।  
 उद्रीव वज्रिन्नवतो न सिञ्चते क्षरन्तीन्द्र धीतयः ६  
 यद्ध नूनं यद्वा युज्ञे यद्वा पृथिव्यामधि ।  
 अतौ नो यज्ञमाशुभिर्महेमत उग्र उग्रेभिरा गहि ७  
 अजिरासो हरयो ये त आशवो वाता इव प्रसक्षिणः ।  
 येभिरपत्यं मनुषः परीर्यसे येभिर्विश्वं स्वर्दृशे ८  
 एतावतस्त ईमह इन्द्र सुमस्य गोमतः ।  
 यथा प्रावौ मघवन् मेध्यातिथिं यथा नीपातिथिं धनै ९  
 यथा कण्वे मघवन् त्रसदस्यवि यथा पक्थे दशव्रजे ।  
 यथा गोशर्ये असनोर्ऋजिश्चनीन्द्र गोमद्विरणयवत् १०

(५०) पञ्चाशं सूक्तम्

(१-१०) दशर्चस्यास्य सूक्तस्य कारवः पुष्टिगुर्ऋषिः । इन्द्रो देवता । प्रगाथः  
 (विषमर्चा बृहती, समर्चा सतोबृहती) छन्दः

प्र सु श्रुतं सुरार्धस मर्चा शक्रमभिष्टये ।  
 यः सुन्वते स्तुवते काम्यं वसु सहस्रैरेव मंहते १  
 शतानीका हेतयौ अस्य दुष्टरा इन्द्रस्य समिषो महीः ।  
 गिरिर्न भुज्मा मघवत्सु पिन्वते यदी सुता अमन्दिषुः २  
 यदी सुतास इन्द्रवो ऽभि प्रियममन्दिषुः ।  
 आपो न धायि सर्वनं म आ वसो दुर्घावोप दाशुषे ३  
 अनेहस वो हवमानमूतये मध्वः क्षरन्ति धीतयः ।  
 आ त्वा वसो हवमानास इन्द्रव उप स्तोत्रेषु दधिरे ४  
 आ नः सोमै स्वध्वर इयानो अत्यो न तौशते ।  
 यं तै स्वदावन् त्वदन्ति गूर्तयः पौरे छन्दयसे हवम् ५  
 प्र वीरमुग्रं विविचिं धनुस्पृतं विभूतिं राधसो महः ।  
 उद्रीव वज्रिन्नवतो वसुत्वना सदा पीपेथ दाशुषे ६  
 यद्ध नूनं परावति यद् वा पृथिव्यां दिवि ।

यु॒ज्ञान॑ ईन्द्र॒ हरि॑भिर्महेमत ऋष्व ऋष्वेभिरा ग॑हि ७  
र॒थिरा॑सो हर॒यो ये तै॑ अ॒स्त्रिध॒ ओजो॑ वा॒तस्य॑ पिप्रति ।  
येभि॒र्नि दस्युं॑ मनु॒षो नि॒घोष॑यो येभिः स्वः प॒रीर्य॑से ८  
ए॒ताव॑तस्ते व॒सो वि॒द्याम॑ शूर॒ नव्य॑सः ।  
ये॒था प्राव॑ ए॒तंशं॑ कृ॒त्व्ये धने॑ यथा व॒शं द॑शव्रजे ९  
यथा॒ कण्वै॑ म॒घव॑न् मे॒धै अध्व॑रे दी॒र्घनी॑थे द॒मून॑सि ।  
यथा॒ गोश॑र्ये अ॒सिषा॑सो अ॒द्रि॒वो मयि॑ गो॒त्रं ह॑रि॒श्रिय॑म् १०

(५१) एकपञ्चाशं सूक्तम्

(१-१०) दशर्चस्यास्य सूक्तस्य कारणः श्रुष्टिगुर्ऋषिः । इन्द्रो देवता । प्रगाथः

(विषमर्चा बृहती, समर्चा सतोबृहती) छन्दः

यथा॒ मनौ॑ सा॒व॒र॒णौ सोम॑मिन्द्रा॒पिबः॑ सु॒तम् ।  
नीपा॑तिथौ म॒घव॑न् मे॒ध्याति॑थौ पु॒ष्टिगौ॑ श्रु॒ष्टिगौ॑ स॒चा १  
पा॒र्षद्वा॑णः प्र॒स्क॒ण्वं स॑मसादय॒ च्छया॑नं जि॒त्रिमु॑द्धितम् ।  
स॒हस्रा॑ण्यसिषासद् ग॒वामृ॑षि॒ स्त्वोतो॑ दस्यवे वृ॒कः २  
य उ॒क्थेभि॑र्न वि॒न्धतै॑ चि॒कि॒द्य ऋ॑षिचो॒दनः॑ ।  
इन्द्रं॑ तमच्छा॒ वद॑ नव्यस्या म॒त्य रि॑ष्यन्तं न भोज॑से ३  
यस्मा॑ अ॒र्कं स॒प्तशी॑र्षाणमा॒नृचु॑ स्त्रि॒धातु॑मु॒त्तमे॑ प॒दे ।  
स त्वि॑मा वि॒श्वा भु॑वनानि चि॒क्रद् दा॑दि॒ज्जनि॑ष्ट पौ॒स्यम् ४  
यो नो॑ दा॒ता व॑सू॒ना मि॒न्द्रं तं ह॑महे व॒यम् ।  
वि॒द्या ह्य॑स्य सु॒मु॒तिं नवी॑यसीं गु॒मेम् गो॑मति व्र॒जे ५  
यस्मै॑ त्वं व॒सो दा॑नाय॒ शि॒क्षसि॑ स रा॒यस्पो॑षमश्नुते ।  
तं त्वा॑ व॒यं म॑घवन्निन्द्र॒ गिर्व॑णः सु॒ताव॑न्तो हवामहे ६  
क॒दा च॒न स्त॒रीर॑सि नेन्द्र॒ सश्व॑सि दा॒शुषे॑ ।  
उपो॑पेन्नु म॒घव॑न् भूय॒ इन्नु ते॑ दा॒नं दे॒वस्य॑ पृच्यते ७  
प्र यो न॑न॒क्षे अ॒भ्यो॑जसा॒ क्रि॒वि व॒धैः शु॒ष्णं नि॒घोष॑यन् ।  
यदे॑दस्त॒म्भीत् प्र॒थय॑न्न॒मं दि॒व मा॑दि॒ज्जनि॑ष्ट पा॒र्थिवः॑ ८  
यस्या॑यं वि॒श्व आ॒र्यो दा॑सः शेव॒धिपा॑ अ॒रिः ।  
ति॒रश्चि॑द॒र्ये रु॑श॒मे प॑री॒रवि॑ तु॒भ्येत् सो अ॑ज्यते र॒यिः ९  
तुर॑ण्यवो म॒धुम॑न्तं घृ॒तश्चु॑तं वि॒प्रा॒सो अ॒र्कमा॑नृचुः । स्मे र॒यिः प॑प्रथे वृ॒ष्णय॑

शवो ऽस्मे सुवानास इन्दवः १०

(५२) द्विपञ्चाशं सूक्तम्

(१-१०) दशर्चस्यास्य सूक्तस्य कारव आयुर्ऋषिः । इन्द्रो देवता । प्रगाथः

(विषमर्चा बृहती, समर्चा सतोबृहती) छन्दः

यथा मनौ विर्वस्वति सोमं शक्रापिबः सुतम् ।  
 यथा त्रिते छन्द इन्द्र जुजौषस्या यौ मादयसे सचा १  
 पृषध्रे मेध्यै मातरिश्चनीन्द्र सुवाने अमन्दथाः ।  
 यथा सोमं दशशिप्रे दशौरये स्यूमरश्मावृजूनसि २  
 य उक्था केवला दधे यः सोमं धृषितापिबत् ।  
 यस्मै विष्णुस्त्रीणि पुदा विचक्रम उप मित्रस्य धर्मभिः ३  
 यस्य त्वमिन्द्र स्तोमेषु चाकनो वाजै वाजिञ्छतक्रतो ।  
 तं त्वा वयं सुदुधामिव गोदुहौ जुहूमसि श्रवस्यवः ४  
 यो नो दाता स नः पिता महां उग्र ईशानकृत् ।  
 अयामनुग्रो मघवा पुरुवसुर्गोरश्वस्य प्र दातु नः ५  
 यस्मै त्वं वसो दानाय मंहसे स रायस्पोषमिन्वति ।  
 वसूयवो वसुपतिं शतक्रतुं स्तोमैरिन्द्र हवामहे ६  
 कदा चन प्र युच्छस्युभे नि पासि जन्मनी ।  
 तुरीयादित्य हवनं त इन्द्रिय मा तस्थावमृतं दिवि ७  
 यस्मै त्वं मघवन्निन्द्र गिर्वणः शिद्धो शिद्धसि दाशुषे ।  
 अस्माकं गिर उत सुष्टुतिं वसो कराववच्छृणुधी हवम् ८  
 अस्तावि मन्म पुर्व्यं ब्रह्मेन्द्राय वोचत ।  
 पूर्वीर्ऋतस्य बृहतीरनूषत स्तोतुर्मेधा असृक्षत ९  
 समिन्द्रो रायो बृहतीरधूनुत सं क्षोणी समु सूर्यम् ।  
 सं शक्रासः शुचयः सं गवाशिरः सोमा इन्द्रममन्दिषुः १०

(५३) त्रिपञ्चाशं सूक्तम्

(१-८) अष्टर्चस्यास्य सूक्तस्य कारवो मेध्य ऋषिः । इन्द्रो देवता । प्रगाथः

(विषमर्चा बृहती, समर्चा सतोबृहती) छन्दः

उपमं त्वा मघोनां ज्येष्ठं च वृषभाणाम् ।



पूर्भिर्त्तमं मघवन्निन्द्र गोविदमीशानं राय ईमहे १  
 ये आयुं कुत्समतिथिग्वमर्दयो वावृधानो दिवेदिवे ।  
 तं त्वा वयं हर्यश्वं शतक्रतुं वाजयन्तो हवामहे २  
 आ नो विश्वेषां रसं मध्वः सिञ्चन्त्वद्रयः ।  
 ये परावति सुन्विरे जनेष्वा ये अर्वावतीन्दवः ३  
 विश्वा द्वेषांसि जहि चाव चा कृधि विश्वे सन्वन्त्वा वसु ।  
 शीष्टेषु चित्ते मदिरासौ अंशवो यत्रा सोमस्य तृप्सि ४  
 इन्द्र नेदीय एदिहि मितमैधाभिरूतिभिः ।  
 आ शतम् शतमाभिरभिष्टिभि रा स्वापे स्वापिभिः ५  
 आजितुरं सत्पतिं विश्वचर्षणिं कृधि प्रजास्वाभगम् ।  
 प्र सू तिरा शचीभिर्ये त उक्थिनः क्रतुं पुनत आनुषक् ६  
 यस्ते साधिष्ठोऽवसे ते स्याम भरेषु ते ।  
 वयं होत्राभिरुत देवहूतिभिः ससवांसौ मनामहे ७  
 अहं हि तै हरिवो ब्रह्म वाजयु राजिं यामि सदोतिभिः ।  
 त्वामिदेव तममे समश्चयुर्गव्युरग्रे मथीनाम् ८

(५४) चतुष्पञ्चाशं सूक्तम्

(१-८) अष्टर्चस्यास्य सूक्तस्य काणवो मातरिश्वा ऋषिः । (१-२, ५-८)  
 प्रथमाद्वितीययोर्ऋचोः पञ्चम्यादिचतसृणाञ्चेन्द्रः, (३-४) तृतीयाचतुर्थ्योश्च विश्वे देवा  
 देवताः । प्रगाथः (विषमर्चा बृहती, समर्चा सतोबृहती) छन्दः  
 एतत् त इन्द्र वीर्यं गीर्भिर्गृणन्ति कारवः ।  
 ते स्तोभन्त ऊर्जमावन् घृतश्चुतं पौरासौ नक्षन् धीतिभिः १  
 नक्षन्त इन्द्रमवसे सुकृत्यया येषां सुतेषु मन्दसे ।  
 यथा संवर्ते अमदो यथा कृश एवास्मे इन्द्र मत्स्व २  
 आ नो विश्वे सजोषसो देवासो गन्तनोप नः ।  
 वसवो रुद्रा अवसे न आ गम जहृणवन्तु मरुतो हवम् ३  
 पूषा विष्णुर्हवनं मे सरस्व त्यवन्तु सप्त सिन्धवः ।  
 आपो वातः पर्वतासो वनस्पतिः शृणोतु पृथिवी हवम् ४  
 यदिन्द्र राधो अस्ति ते माघौनं मघवत्तम ।  
 तेन नो बोधि सधमाद्यौ वृधे भगौ दानाय वृत्रहन् ५

आजिपते नृपते त्वमिद्धि नो वाज आ वक्षि सुक्रतो ।  
 वीती होत्राभिरुत देववीतिभिः ससवांसो वि शृणिवरे ६  
 सन्ति ह्यर्श्य आशिष इन्द्र आयुर्जनानाम् ।  
 अस्मान् नेक्षस्व मघवन्नुपावसे धुक्षस्व पिप्युषीमिषम् ७  
 वयं ते इन्द्र स्तोमैभिर्विधेम त्वमस्माकं शतक्रतो ।  
 महि स्थूरं शशयं राधो अहयं प्रस्करवाय नि तौशय ८

(५५) पञ्चपञ्चाशं सूक्तम्

(१-५) पञ्चर्चस्यास्य सूक्तस्य कारवः कृश ऋषिः । इन्द्रः प्रस्करवस्य दानस्तुतिश्च  
 देवते । (१-२, ४) प्रथमाद्वितीययोर्त्रयोश्चतुर्थ्याश्च गायत्री, (३, ५)  
 तृतीयापञ्चम्योश्चानुष्टुप् छन्दसी

भूरीदिन्द्रस्य वीर्यं व्यख्यमभ्यायति । राधस्ते दस्यवे वृक १  
 शतं श्वेतास उक्ष्णौ दिवि तारो न रौचन्ते । मृहा दिवं न तस्तभुः २  
 शतं वेणूञ्छतं शुनः शतं चर्माणि म्लातानि ।  
 शतं मे बल्बजस्तुका अरुषीणां चतुःशतम् ३  
 सुदेवाः स्थं कारवायना वयौवयो विचरन्तः । अश्वांसो न चङ्क्रमत ४  
 आदित् साप्तस्य चर्किरन्नानूनस्य महि श्रवः ।  
 श्यावीरतिध्वसन् पथश्चक्षुषा चन संनशे ५

(५६) षट्पञ्चाशं सूक्तम्

(१-५) पञ्चर्चस्यास्य सूक्तस्य कारवः पृषध्र ऋषिः । (१-४)  
 प्रथमादिचतुर्त्रयामिन्द्रः प्रस्करवस्य दानस्तुतिश्च, (५) पञ्चम्याश्चाग्निसूर्यो देवताः ।  
 (१-४) प्रथमादिचतुर्त्रयां गायत्री, (५) पञ्चम्याश्च पङ्क्तिश्छन्दसी  
 प्रति ते दस्यवे वृक राधो अदृश्यहयम् । द्यौर्न प्रथिना शर्वः १  
 दश मह्यं पौतक्रतः सहस्रा दस्यवे वृकः । नित्याद्रायो अमंहत २  
 शतं मे गर्दभानां शतमूर्णावतीनाम् । शतं दासां अति स्रजः ३  
 तत्रो अपि प्राणीयत पूतक्रतायै व्यक्ता । अश्वानामिन्न यूथ्याम् ४  
 अचैत्यग्निश्चिकितु हव्यवाट् स सुमद्रथः ।  
 अग्निः शुक्रेण शोचिषा बृहत् सूरौ अरोचत दिवि सूर्यो अरोचत ५

(५७) सप्तपञ्चाशं सूक्तम्

(१-४) चतुर्ऋचस्यास्य सूक्तस्य कारवो मेध्य ऋषिः । अश्विनौ देवते । त्रिष्टुप्

छन्दः

यु॒वं दै॒वा क्र॒तुना पू॒र्व्येण॑ यु॒क्ता रथे॑न त॒विषं॑ य॒जत्रा॑ ।  
आ॒र्गच्छ॑तं नास॒त्या शर्ची॑भि॒रिदं॑ तृ॒तीयं॑ स॒र्वनं॑ पि॒बाथः॑ १  
यु॒वां दे॒वास्त्रय॑ ए॒काद॒शासः॑ स॒त्याः स॒त्यस्य॑ ददृ॒शे पु॒रस्ता॑त् ।  
अ॒स्माकं॑ य॒ज्ञं स॒र्वनं॑ जुषा॒णा पा॒तं सोम॑मश्वि॒ना दी॒द्यग्नी॑ २  
प॒नाय्यं॑ तद॒श्विना॑ कृतं वा वृष॒भो दि॒वो रज॑सः पृथि॒व्याः ।  
स॒हस्रं॑ शंसा॒ उ॒त ये॑ ग॒र्विष्टौ॑ स॒र्व इत् तां॑ उ॒प या॒ता पि॒ब॒ध्यै ३  
अ॒यं वा॑ भा॒गो नि॒हितो॑ य॒जत्रे॑ मा गि॒रौ ना॒स॒त्योप॑ या॒तम् ।  
पि॒ब॒तुं सोमं॑ म॒धुम॑न्त॒मस्मे॒ प्र दा॒श्वांस॑म॒वतुं॑ श॒र्चीभिः॑ ४

(५८) अष्टपञ्चाशं सूक्तम्

(१-३) तृचस्यास्य सूक्तस्य कारवो मेध्य ऋषिः । (१) प्रथमर्चो विश्वे देवा  
ऋत्विजो वा, (२-३) द्वितीयातृतीययोश्च विश्वे देवा देवताः । त्रिष्टुप् छन्दः  
यमृ॒त्विजो॑ बहु॒धा क॒ल्पय॑न्तः स॒चैत॑सो य॒ज्ञमि॒मं वह॑न्ति ।  
यो अ॒नूचा॑नो ब्रा॒ह्मणो॑ यु॒क्त आ॑सीत् का स्वि॒त् तत्र॑ य॒ज॑मानस्य स॒ंवित् १  
ए॒क ए॒वाग्नि॑र्बहु॒धा समि॑द्ध ए॒कः सूर्यो॑ वि॒श्वम॑नु प्र॒भूतः॑ ।  
ए॒कैवो॑षाः स॒र्वमि॑दं वि॒भा॒त्येकं॑ वा इ॒दं वि॒ब॒भूव॑ स॒र्वम् २  
ज्योति॑ष्मन्तं के॒तुम॑न्तं त्रि॒चक्रं॑ सु॒खं रथं॑ सु॒षदं॑ भूरि॒वारम् ।  
चि॒त्राम॑घा॒ यस्य॑ यो॒गैऽधि॑जज्ञे॒ तं वा॑ हु॒वे अ॒ति रि॒क्तं पि॒ब॒ध्यै ३

(५९) एकोनषष्टितमं सूक्तम्

(१-७) सप्तर्चस्यास्य सूक्तस्य कारवः सुपर्ण ऋषिः । इन्द्रावरुणौ देवते ।

जगती छन्दः

इ॒मानि॑ वां भा॒गुधे॑यानि सि॒स्त्रत् इन्द्रा॑वरु॒णा प्र म॒हे सु॒तेषु॑ वाम् ।  
य॒ज्ञेय॑ज्ञे ह॒ स॒र्वना॑ भुर॒ण्यथो॑ यत् सु॒न्वते॑ य॒ज॑मानाय॒ शि॒क्ष॑थः १  
नि॒ष्विध्व॑रीरोष॒धीरा॑प आ॒स्ता मिन्द्रा॑वरु॒णा म॒हिमा॑नमा॒शत॑ ।  
या सि॒स्त्रतू॑ रज॑सः पा॒रे अध्व॑नो॒ ययोः॑ श॒त्रुर्नकि॑रादै॒व ओ॒हते॑ २

सत्यं तदिन्द्रावरुणा कृशस्य वां मध्व ऊर्मि दुहते सप्त वाणीः ।  
 ताभिर्दाश्वांसमवतं शुभस्पती यो वामदब्धो अभि पाति चित्तिभिः ३  
 घृतप्रुषः सौम्या जीरदानवः सप्त स्वसारः सदन ऋतस्य ।  
 या ह वामिन्द्रावरुणा घृतश्चतुस्ताभिर्धत्तं यजमानाय शिक्तम् ४  
 अवौचाम महते सौभगाय सत्यं त्वेषाभ्यां महिमानमिन्द्रियम् ।  
 अस्मान् त्विन्द्रावरुणा घृतश्चतुस्त्रिभिः साप्तेभिरवतं शुभस्पती ५  
 इन्द्रावरुणा यदृषिभ्यो मनीषां वाचो मतिं श्रुतमदत्तमग्रे ।  
 यानि स्थानान्यसृजन्त धीरा यज्ञं तन्वानास्तपसाभ्यपश्यम् ६  
 इन्द्रावरुणा सौमनसमदृप्तं रायस्पोषं यजमानेषु धत्तम् ।  
 प्रजां पुष्टिं भूतिमस्मासु धत्तं दीर्घायुत्वायु प्र तिरतं न आयुः ७  
 इति वालखिल्यं समाप्तम् ।  
 सप्तमोऽनुवाकः । सू० ६०-६६

(६०) षष्ठितमं सूक्तम्

(१-२०) विंशत्युचस्यास्य सूक्तस्य प्रागाथो भर्ग ऋषिः । अग्निर्देवता । प्रगाथः

(विषमर्चा बृहती, समर्चा सतोबृहती) छन्दः

अग्न आ याह्यग्निभिर्होतारं त्वा वृणीमहे ।  
 आ त्वामनक्तु प्रयता हविष्मती यजिष्ठं बर्हिरासदे १  
 अच्छा हि त्वा सहसः सूनो अङ्गिरः स्तुचश्चरन्त्यध्वरे ।  
 ऊर्जो नपातं घृतकैशमीमहे ऽग्निं यज्ञेषु पूर्व्यम् २  
 अग्रे कविर्वेधा असि होता पावक यदर्यः ।  
 मन्द्रो यजिष्ठो अध्वरेष्वीड्यो विप्रैभिः शुक्र मन्मभिः ३  
 अद्रौघमा वहोशतो यविष्ठय देवाँ अजस्र वीतये ।  
 अभि प्रयांसि सुधिता वसो गहि मन्दस्व धीतिभिर्हितः ४  
 त्वमित् सप्रथा अस्य ग्रै त्रातर्तृतस्कविः ।  
 त्वां विप्रांसः समिधान दीदिव आ विवासन्ति वेधसः ५  
 शोचा शोचिष्ठ दीदिहि विशे मयो रास्व स्तोत्रे मुहाँ असि ।  
 देवानां शर्मन् मम सन्तु सूरयः शत्रूषाहः स्वग्रयः ६  
 यथा चिद् वृद्धमृतस मग्रे संजूर्वसि क्षमि ।  
 एवा देह मित्रमहो यो अस्मधुग् दुर्मन्मा कश्च वेनति ७

मा नो मर्ताय रिपवे रक्षस्विने माघशसाय रीरधः ।  
 अस्त्रैधद्भिस्तरणिभिर्यविष्ठय शिवेभिः पाहि पायुभिः ८  
 पाहि नो अग्न एकया पाह्युत द्वितीयया ।  
 पाहि गीर्भिस्तिस्सृभिरूर्जा पते पाहि चतसृभिर्वसो ९  
 पाहि विश्वस्माद्रक्षसो अराव्णः प्र स्म वाजेषु नोऽव ।  
 त्वामिद्धि नेदिष्ठं देवतातय आपि नक्षामहे वृधे १०  
 आ नो अग्ने वयोवृध रयिं पावक शंस्यम् ।  
 रास्वा च न उपमाते पुरुस्पृहं सुनीती स्वयशस्तरम् ११  
 येन वंसाम् पृतनासु शर्धत स्तरन्तो अर्य आदिशः ।  
 स त्वं नो वर्ध प्रयसा शचीवसो जिन्वा धियो वसुविदः १२  
 शिशानो वृषभो यथाग्निः शृङ्गे दविध्वत् ।  
 तिम्रा अस्य हनवो न प्रतिधृषे सुजम्भः सहसो युहुः १३  
 नहि ते अग्ने वृषभ प्रतिधृषे जम्भासो यद्वितिष्ठसे ।  
 स त्वं नो होतः सुहृतं हविष्कृधि वंस्वा नो वार्या पुरु १४  
 शेषे वनेषु मात्रोः सं त्वा मर्तास इन्धते ।  
 अतन्द्रो हव्या वहसि हविष्कृत आदिद् देवेषु राजसि १५  
 सप्त होतारस्तमिदीळते त्वा ऽग्ने सुत्यजमहयम् ।  
 भिनत्स्यद्रिं तपसा वि शोचिषा प्राग्ने तिष्ठ जनाँ अति १६  
 अग्निमग्निं वो अधिगुं हुवेम वृक्तबर्हिषः ।  
 अग्निं हितप्रयसः शश्वतीष्वा ऽऽहोतारं चर्षणीनाम् १७  
 केतैन् शर्मन् त्सचते सुषामणयग्ने तुभ्यं चिकित्वना ।  
 इषणयया नः पुरुरूपमा भर वाजं नेदिष्ठमूतयै १८  
 अग्ने जरितर्विशपति स्तेपानो देव रक्षसः ।  
 अप्रौषिवान् गृहपतिर्मुहाँ असि दिवस्पायुर्दुरोणयुः १९  
 मा नो रक्ष आ वैशीदाघृणीवसो मा यातुर्यातुमार्वताम् ।  
 पुरोगव्यूत्यनिरामप क्षुधामग्ने सेध रक्षस्विनः २०

(६१) एकषष्टितमं सूक्तम्

(१-१८) अष्टादशर्चस्यास्य सूक्तस्य प्रागाथो भर्ग ऋषिः । इन्द्रो देवता । प्रगाथः  
 (विषमर्चा बृहती, समर्चा सतोबृहती) छन्दः

उ॒भयं शृ॒णव॑च्च न॒ इन्द्रो॑ अ॒र्वागि॑दं वचः ।  
 स॒त्राच्यो॑ म॒घवा॑ सोम॒पीत॑ये धि॒या श॑विष्ठ आ ग॑मत् १  
 तं हि स्वर॑र्जं वृष॒भं तमो॑र्जसे धि॒षणै॑ निष्ट॒तुक्षुः॑ ।  
 उ॒तोप॑मानां प्रथ॒मो नि॑ षीद॒सि सोम॑कामं हि ते मनः २  
 आ वृष॑स्व पुरु॒वसो॑ सुत॒स्येन्द्रा॑न्धसः ।  
 वि॒द्या हि त्वा॑ हरि॒वः पृ॒त्सु सा॑सहि म॒धृष्टं॑ चिद् दधृ॒ष्वणि॑म् ३  
 अ॒प्रामि॑सत्य म॒घव॑न् तथेद॑स॒ दिन्द्र॑ क्रत्वा यथा वशैः ।  
 स॒नेम॑ वाजं तव शि॒प्रिन्न॑वसा म॒क्षू चि॑द्यन्तो अ॒द्रिवः॑ ४  
 श॒ग्ध्यू॑षु श॑चीपत् इन्द्र॒ विश्वा॑भिरू॒तिभिः॑ ।  
 भगं॑ न हि त्वा॑ य॒शसं॑ वसु॒विद् म॑नु शूर॒ चराम॑सि ५  
 पौरो॑ अ॒श्वस्य॑ पुरु॒कृद् ग॑वामि॒ स्युत्सो॑ देव हि॒रण्य॑यः ।  
 नकि॑र्हि दानं प॒रिम॑र्धिषत् त्वे यद्य॒द्यामि॑ तदा भर ६  
 त्वं ह्येहि॑ चेर॒वे वि॒दा भगं॑ वसु॒त्तये॑ ।  
 उद् वा॑वृषस्व म॒घव॑न् गवि॒ष्टय॑ उ॒दिन्द्रा॑श्वमिष्टये ७  
 त्वं पुरु॑ सह॒स्राणि॑ श॒तानि॑ च यु॒था द॑ानाय मंहसे ।  
 आ पु॑रंद॒रं च॑कृम॒ विप्र॑वचस॒ इन्द्रं॑ गाय॒न्तोऽव॑से ८  
 अ॒विप्रो॑ वा यद॒विध॑ द्विप्रो॒ वेन्द्र॑ ते वचः ।  
 स प्र॑ म॒मन्द॑त् त्वा॒या श॑तक्र॒तो प्रा॑चाम॒न्यो अ॒हसन॑ ९  
 उ॒ग्रबा॑हुर्म॒रक्ष॑कृत्वा पु॒रंद॑रो यदि मे शृ॒णव॑द्धवम् ।  
 व॒सूय॑वो वसु॒पतिं॑ श॒तक्र॑तुं स्तोमै॒रिन्द्रै॑ हवामहे १०  
 न पा॑पासो मनामहे नारा॒यासो॑ न जल्ह॑वः ।  
 यदि॑न्विन्द्रं वृष॒णं स॒चा सु॑ते सखा॒यं कृ॑णवामहे ११  
 उ॒ग्रं यु॑युज्म॒ पृत॑नासु सा॒सहि॑ मृ॒णका॑तिमदाभ्यम् ।  
 वेदा॑ भृ॒मं चि॒त् स॒निता॑ र॒थीत॑मो वा॒जिनं॑ यमि॒दू न॑शत् १२  
 यत॑ इन्द्र॒ भया॑महे ततो॒ नो अ॒भयं॑ कृधि ।  
 म॒घव॑ञ्छु॒ग्धि तव॑ तन्न ऊ॒तिभि॑र्वि द्वि॒षो वि॑ मृ॒धौ ज॑हि १३  
 त्वं हि रा॑धस्पते राध॒सो म॒हः क्ष॑य॒स्यासि॑ वि॒धतः॑ ।  
 तं त्वा॑ व॒यं म॑घवन्निन्द्र॒ गिर्व॑णः सु॒ताव॑न्तो हवामहे १४  
 इन्द्रः॑ स्पळ॒त वृ॒त्रहा॑ प॒र॒स्या नो॑ व॒रैर॑यः ।  
 स नो॑ रक्षिष॒च्चर॑मं स म॒ध्यमं॑ स प॒श्चात् पा॑तु नः पु॒रः १५

त्वं नः पश्चादधरादुत्तरात् पुर इन्द्र नि पाहि विश्वतः ।  
आरे अस्मत् कृणुहि दैव्यं भयं मारे हेतीरदेवीः १६  
अद्याद्या श्वःश्च इन्द्र त्रास्व पुरे च नः ।  
विश्वा च नो जरितृन् त्सत्पते अहा दिवा नक्तं च रक्षिषः १७  
प्रभङ्गी शूरो मघवा तुवीमघः संमिश्लो वीर्याय कम् ।  
उभा तै ब्राह्म वृषणा शतक्रतो नि या वज्रं मिमिक्षतुः १८

(६२) द्विषष्टितमं सूक्तम्

(१-१२) द्वादशर्चस्यास्य सूक्तस्य कारवो घौरः प्रगाथ ऋषिः । इन्द्रो देवता ।

(१-६, १०-१२) प्रथमादितृचद्वयस्य दशम्यादितृचस्य च पङ्क्तिः, (७-६)

सप्तम्यादितृचस्य च बृहती छन्दसी

प्रो अस्मा उपस्तुतिं भरता यज्जुजौषति ।  
उक्थैरिन्द्रस्य माहिन् वयौ वर्धन्ति सोमिनो भद्रा इन्द्रस्य रातयः १  
अयुजो असमो नृभिरेकः कृष्टीरयास्यः ।  
पूर्वोरति प्र वावृधे विश्वा जातान्योजसा भद्रा इन्द्रस्य रातयः २  
अहितेन चिदर्वता जीरदानुः सिषासति ।  
प्रवाच्यमिन्द्र तत् तव वीर्याणि करिष्यतो भद्रा इन्द्रस्य रातयः ३  
आ याहि कृण्वाम त इन्द्र ब्रह्माणि वर्धना ।  
येभिः शविष्ठ चाकनो भद्रमिह श्रवस्यते भद्रा इन्द्रस्य रातयः ४  
धृषतश्चिद् धृषन्मनः कृणोषीन्द्र यत् त्वम् ।  
तीव्रैः सोमैः सपर्यतो नमोभिः प्रतिभूषतो भद्रा इन्द्रस्य रातयः ५  
अव चष्ट ऋचीषमो ऽवतां इव मानुषः ।  
जुष्टी दक्षस्य सोमिनः सखायं कृणुते युजं भद्रा इन्द्रस्य रातयः ६  
विश्वे त इन्द्र वीर्यं देवा अनु क्रतुं ददुः ।  
भवो विश्वस्य गोपतिः पुरुष्टुत भद्रा इन्द्रस्य रातयः ७  
गृणे तदिन्द्र ते शवं उपमं देवतातये ।  
यद्धंसि वृत्रमौजसा शचीपते भद्रा इन्द्रस्य रातयः ८  
समनेव वपुष्यतः कृण्वन्मानुषा युगा ।  
विदे तदिन्द्रश्चेतनमधे श्रुतो भद्रा इन्द्रस्य रातयः ९  
उज्जातमिन्द्र ते शव उत त्वामुत् तव क्रतुम् ।

भूरिगो भूरि वावृधुर्मर्धवन् तव शर्मणि भद्रा इन्द्रस्य रातयः १०  
 अहं च त्वं च वृत्रहन्त्सं युज्याव सनिभ्य आ ।  
 अरातीवा चिदद्विवो ऽनु नौ शूर मंसते भद्रा इन्द्रस्य रातयः ११  
 सत्यमिद् वा उ तं वय मिन्द्रं स्तवाम् नानृतम् ।  
 मुह्यं असुन्वतो वधो भूरि ज्योतीषि सुन्वतो भद्रा इन्द्रस्य रातयः १२

(६३) त्रिषष्टितमं सूक्तम्

(१-१२) द्वादशर्चस्यास्य सूक्तस्य कारवः प्रगाथ ऋषिः । (१-११)  
 प्रथमाद्येकादशर्चामिन्द्रः, (१२) द्वादश्याश्च देवा देवताः । (१, ४-५, ७)  
 प्रथमर्चश्चतुर्थीपञ्चमीसप्तमीनाञ्चानुष्टुप्, (२-३, ६, ८-११)  
 द्वितीयातृतीयाषष्ठीनामष्टम्यादिचतसृणाञ्च गायत्री, (१२) द्वादश्याश्च त्रिष्टुप् छन्दांसि  
 स पूव्यो महानां वेनः क्रतुभिरानजे । यस्य द्वारा मनुष्यिता देवेषु धियं  
 आनुजे १  
 दिवो मानं नोत्सदन् त्सोमपृष्ठासो अद्रयः । उक्था ब्रह्म च शंस्या २  
 स विद्वाँ अङ्गिरोभ्य इन्द्रो गा अवृणोदप । स्तुषे तदस्य पौंस्यम् ३  
 स प्रवृथा कविवृध इन्द्रो वाकस्य वक्षणिः ।  
 शिवो अर्कस्य होमं न्यस्मत्रा गुन्त्ववसे ४  
 आदू नु ते अनु क्रतुं स्वाहा वरस्य यज्यवः ।  
 श्वात्रमुर्का अनूषतेन्द्र गोत्रस्य दावनै ५  
 इन्द्रे विश्वानि वीर्या कृतानि कर्त्तानि च । यमुर्का अध्वरं विदुः ६  
 यत् पाञ्चजन्यया विशेन्द्रे घोषा असृक्षत ।  
 अस्तृणाद्वर्हणा विपोरे ऽर्यो मानस्य स क्षयः ७  
 इयमु ते अनुष्टुतिश्चकृषे तानि पौस्या । प्रावश्चक्रस्य वर्तनिम् ८  
 अस्य वृष्णो व्योदन उरु क्रमिष्ट जीवसे । यवं न पृश्न आ ददे ९  
 तदधाना अवस्यवो युष्माभिर्दक्षपितरः । स्याम मरुत्वतो वृधे १०  
 बळत्वियाय धाम्न ऋक्वभिः शूर नोनुमः । जेषामेन्द्र त्वर्या युजा ११  
 अस्मै रुद्रा मेहना पर्वतासो वृत्रहत्ये भरहूतौ सजोषाः ।  
 यः शंसते स्तुवते धारि पृञ्च इन्द्रज्येष्ठा अस्माँ अवन्तु देवाः १२

(६४) चतुषष्टितमं सूक्तम्



(१-१२) द्वादशर्चस्यास्य सूक्तस्य काण्वः प्रगाथ ऋषिः । इन्द्रो देवता ।

गायत्री छन्दः

उत् त्वा मन्दन्तु स्तोमाः कृणुष्व राधौ अद्रिवः । अर्व ब्रह्मद्विषौ जहि १  
पदा पुर्णीर्राधसो नि बांधस्व मुहाँ असि । नहि त्वा कश्चन प्रति २  
त्वमीशिषे सुताना मिन्द्र त्वमसुतानाम् । त्वं राजा जनानाम् ३  
एहि प्रेहि क्षयौ दि व्याइघोषञ्चर्षणीनाम् । ओभे पृणासि रोदसी ४  
त्यं चित् पर्वतं गिरिं शतवन्तं सहस्रिणम् । वि स्तोतृभ्यो रुरोजिथ ५  
वयमु त्वा दिवा सुते वयं नक्तं हवामहे । अस्माकं काममा पृण ६  
क्वस्य वृषभो युवा तुविग्रीवो अनानतः । ब्रह्मा कस्तं संपर्यति ७  
कस्ये स्वित् सर्वनु वृषा जुजुष्वाँ अर्व गच्छति । इन्द्रं क उ स्विदा चके ८  
कं तै दाना असक्षत वृत्रहन् कं सुवीर्या । उक्थे क उ स्विदन्तमः ९  
अयं ते मानुषे जने सोमः पूरुषु सूयते । तस्येहि प्र द्रवा पिब १०  
अयं तै शर्यणावति सुषोमायामधि प्रियः । आर्जीकीये मदिन्तमः ११  
तमद्य राधसे महे चारुं मदाय घृष्वये । एहीमिन्द्र द्रवा पिब १२

(६५) पञ्चषष्टितमं सूक्तम्

(१-१२) द्वादशर्चस्यास्य सूक्तस्य काण्वः प्रगाथ ऋषिः । इन्द्रो देवता ।

गायत्री छन्दः

यदिन्द्र प्रागपागुदुङ् न्यग्वा हूयसे नृभिः । आ याहि तूर्यमाशुभिः १  
यद्वा प्रस्रवणे दिवो मादयासे स्वर्ण रे । यद्वा समुद्रे अन्धसः २  
आ त्वा गीर्भिर्महामुरुं हुवे गामिव भोजसे । इन्द्र सोमस्य पीतये ३  
आ त इन्द्र महिमानं हरयो देव ते महः । रथै वहन्तु बिभ्रतः ४  
इन्द्रं गृणीष उ स्तुषे मुहाँ उग्र ईशानकृत् । एहि नः सुतं पिब ५  
सुतावन्तस्त्वा वयं प्रयस्वन्तो हवामहे । इदं नो बर्हिरासदै ६  
यच्चिद्धि शश्वतामसीन्द्र साधारणस्त्वम् । तं त्वा वयं हवामहे ७  
इदं तै सोम्यं मध्व धुक्षन्नद्रिभिर्नरैः । जुषाण इन्द्र तत् पिब ८  
विश्वाँ अर्यो विपश्चितो ऽति ख्यस्तूयमा गहि । अस्मे धैहि श्रवौ बृहत् ९  
दाता मे पृषतीनां राजा हिरण्यवीनाम् । मा देवा मुघवा रिषत् १०  
सहस्रे पृषतीना मधि चन्द्रं बृहत् पृथु । शक्रं हिरण्यमा ददे ११  
नपातो दुर्गहस्य मे सहस्रेण सुरार्धसः । श्रवौ देवेष्वक्रत १२

(६६) षट्षष्टितमं सूक्तम्

(१-१५) पञ्चदशर्चस्यास्य सूक्तस्य प्रागाथः कलिर्ऋषिः । इन्द्रो देवता । (१-१४) प्रथमादिचतुर्दशर्चा प्रागाथः (विषमर्चा बृहती, समर्चा सतोबृहती), १५ पञ्चदश्याश्चानुष्टुप् छन्दसी

तरोभिर्वो विदद्वसु मिन्द्रं सुबाधं ऊतयै ।  
 बृहद्ग्रायन्तः सुतसौमे अध्वरे हुवे भरं न कारिणम् १  
 न यं दुध्रा वरन्ते न स्थिरा मुरो मदे सुशिप्रमन्धसः ।  
 य आदृत्या शशमानाय सुन्वते दाता जरित्र उक्थ्यम् २  
 यः शक्रो मृत्तो अश्वयो यो वा कीजौ हिरण्ययः ।  
 स ऊर्वस्य रेजयत्यपावृति मिन्द्रो गव्यस्य वृत्रहा ३  
 निखातं चिद्यः पुरुसंभृतं वसू दिद्वपति दाशुषै ।  
 वज्री सुशिप्रो हर्यश्च इत् केरदिन्द्रः क्रत्वा यथा वशत् ४  
 यद्वावन्थ पुरुष्टुत पुरा चिच्छूर नृणाम् ।  
 वयं तत् ते इन्द्र सं भरामसि यज्ञमुक्थं तुरं वचः ५  
 सचा सोमैषु पुरुहूत वज्रिवो मदयि द्युक्ष सोमपाः ।  
 त्वमिद्धि ब्रह्मकृते काम्यं वसु देष्टः सुन्वते भुवः ६  
 वयमेनमिदा ह्यो ऽपीपेमेह वज्रिणम् ।  
 तस्मा उ अद्य समना सुतं भरा ऽऽ नूनं भूषत श्रुते ७  
 वृकश्चिदस्य वारुण उरामथि रा वयुनेषु भूषति ।  
 सेमं नः स्तोमं जुजुषाण आ गृहीन्द्र प्र चित्रया धिया ८  
 कदू न्वश्याकृत मिन्द्रस्यास्ति पौंस्यम् ।  
 केनो नु कं श्रोमतेन न शश्रुवे जनुषः परि वृत्रहा ९  
 कदू महीरधृष्टा अस्य तविषीः कदु वृत्रघ्नो अस्तृतम् ।  
 इन्द्रो विश्वान् बेकनाटाँ अहर्दृश उत क्रत्वा पूर्णरिभि १०  
 वयं घा ते अपूर्व्येन्द्र ब्रह्माणि वृत्रहन् ।  
 पुरुतमांसः पुरुहूत वज्रिवो भृतिं न प्र भरामसि ११  
 पूर्वीश्चिद्धि त्वे तुविकूर्मिन्नाशसो हवन्त इन्द्रोतयः ।  
 तिरश्चिद्वयः सवना वसो गहि शविष्ठ श्रुधि मे हवम् १२  
 वयं घा ते त्वे इ द्विन्द्र विप्रा अपि ष्मसि ।

नृहि त्वदन्यः पुरुहूत कश्चन मर्षवन्नस्ति मर्दिता १३  
 त्वं नो अस्या अमतेरुत क्षुधोर्ऽभिर्शस्तेरव स्पृधि ।  
 त्वं न उती तव चित्रया धिया शिज्ञा शचिष्ठ गातुवित् १४  
 सोम इद्वः सुतो अस्तु कलयो मा बिभीतन ।  
 अपेदेष ध्वस्मारयति स्वयं घैषो अपायति १५

(६७) सप्तषष्ठितमं सूक्तम्

(१-२१) एकविंशत्यृचस्यास्य सूक्तस्य साम्मदो मत्स्यो मैत्रावरुणिर्मान्यो वा  
 जालनद्धा बहवो मत्स्या वा ऋषयः । आदित्या देवताः । गायत्री छन्दः  
 त्यान् नु क्षत्रियाँ अव आदित्यान् याचिषामहे । सुमृळीकाँ अभिष्टये १  
 मित्रो नो अत्यंहतिं वरुणः पर्षदर्यमा । आदित्यासो यथा विदुः २  
 तेषां हि चित्रमुक्थ्यं वरुथमस्ति दाशुषे । आदित्यानामरंकृतै ३  
 महि वो महतामवो वरुण मित्रार्यमन् । अवांस्या वृणीमहे ४  
 जीवान् नो अभि धैतना ऽऽदित्यासः पुरा हथात् । कद्ध स्थ हवनश्रुतः ५  
 यद्वः श्रान्तार्य सुन्वते वरुथमस्ति यच्छर्दिः । तेना नो अधि वोचत ६  
 अस्ति देवा अंहोरुर्व स्ति रत्नमनागसः । आदित्या अद्भुतैनसः ७  
 मा नः सेतुः सिषेदयं महे वृणक्तु नस्परि । इन्द्र इद्धि श्रुतो वृशी ८  
 मा नो मृचा रिपूणां वृजिनानामविष्यवः । देवा अभि प्र मृक्षत ९  
 उत त्वामदिते मा ह्यहं देव्युप ब्रुवे । सुमृळीकामभिष्टये १०  
 पर्षि दीने गभीर आ उग्रपुत्रे जिघांसतः । मार्किस्तोकस्य नो रिषत् ११  
 अनेहो न उरुव्रज उरुचि वि प्रसर्तवे । कृधि तोकाय जीवसे १२  
 ये मूर्धानः क्षितीना मदब्धासः स्वयंशसः । वृता रक्षन्ते अद्भुहः १३  
 ते न आस्रो वृकाणा मादित्यासो मुमोचत । स्तेनं बद्धमिवादिते १४  
 अपो षु ण इयं शरु रादित्या अप दुर्मतिः । अस्मदेत्वजघ्नुषी १५  
 शश्चद्धि वः सुदानव आदित्या ऊतिभिर्वयम् । पुरा नूनं बुभुज्महे १६  
 शश्वन्तं हि प्रचेतसः प्रतियन्तं चिदेनसः । देवाः कृणुथ जीवसे १७  
 तत् सु नो नव्यं सन्यस आदित्या यन्मुमोचति । बन्धाद्बद्धमिवादिते १८  
 नास्मार्कमस्ति तत् तर आदित्यासो अतिष्कदै । यूयमस्मभ्यं मृळत १९  
 मा नो हेतिर्विवस्वत आदित्याः कृत्रिमा शरुः । पुरा नु जरसौ वधीत् २०  
 वि षु द्वेषो व्यंहति मादित्यासो वि संहितम् । विष्वग्वि वृहता रपः २१

पञ्चमोऽध्यायः । व० १-३८

(६८) अष्टषष्टितमं सूक्तम्

(१-१६) एकोनविंशत्यृचस्यास्य सूक्तस्याङ्गिरसः प्रियमेध ऋषिः । (१-१३)  
प्रथमादित्रयोदशर्चामिन्द्रः, (१४-१६) चतुर्दश्यादितृचद्वयस्य च  
ऋक्षाश्वमेधयोर्दानस्तुतिर्देवताः । (१-१२) प्रथमादिद्वादशर्चामानुष्टुभः प्रगाथः  
(१, ४, ७, १०) प्रथमाचतुर्थीसप्तमीदशमीनामनुष्टुप्, (२-३, ५-६, ८-९, ११-  
१२) द्वितीयातृतीयापञ्चमीषष्ठ्यष्टमीनवम्येकादशीद्वादशीनाञ्च गायत्री), (१३-१६)  
त्रयोदश्यादिसप्तानाञ्च गायत्री छन्दसी

आ त्वा रथं यथोतयै सुम्राय वर्तयामसि । तुविकूर्मिमृतीषह मिन्द्र शविष्ठ  
सत्पते १

तुविशुष्म तुविक्रतो शचीवो विश्वया मते । आप्राथ महित्वना २  
यस्य ते महिना मुहः परि ज्मायन्तमीयतुः । हस्ता वज्रं हिरण्ययम् ३  
विश्वानरस्य वस्पति मनानतस्य शवसः । एवैश्च चर्षणीना मूती हुवे  
रथानाम् ४

अभिष्टये सदावृधं स्वर्मीळहेषु यं नरः । नाना हवन्त ऊतयै ५  
पुरोमात्रमृचीषम् मिन्द्रमुग्रं सुरार्धसम् । ईशानं चिद्वसूनाम् ६  
तंतुमिद्रार्धसे मुह इन्द्रं चोदामि पीतयै ।

यः पूर्व्यामनुष्टुति मीशै कृष्टीनां नृतुः ७  
न यस्य ते शवसान सख्यमानंश मर्त्यः । नक्तिः शवासि ते नशत् ८  
त्वोतासस्त्वा युजा ऽप्सु सूर्ये महद्धनम् । जयैम पृत्सु वज्रिवः ९  
तं त्वा यज्ञेभिरीमहे तं गीर्भिर्गिर्वणस्तम ।

इन्द्र यथा चिदविथ वाजेषु पुरुमाय्यम् १०  
यस्य ते स्वादु सख्यं स्वाद्वी प्रणीतिरद्विवः । यज्ञो वितन्तसाय्यः ११  
उरु रास्तन्वेर् तन उरु क्षयाय नस्कृधि । उरु राँ यन्धि जीवसै १२  
उरुं नृभ्य उरुं गव उरुं रथाय पन्थाम् । देववीतिं मनामहे १३  
उप मा षड् द्वाद्वी नरः सोमस्य हर्ष्या । तिष्ठन्ति स्वादुरातयः १४  
ऋजाविन्द्रोत आ देदे हरी ऋक्षस्य सूनवि । आश्वमेधस्य रोहिता १५  
सुरथाँ आतिथिग्वे स्वभीशूरार्क्षे । आश्वमेधे सुपेशसः १६  
षळश्वाँ आतिथिग्व इन्द्रोते वधूमतः । सचा पूतक्रतौ सनम् १७

ऐषु चेतद्वर्षणव त्यन्तर्जुष्वरुषी । स्वभीशुः कशावती १८  
न युष्मे वाजबन्धवो निनित्सुश्चन मर्त्यः । अवद्यमधि दीधरत् १९

(६६) एकोनसप्ततितमं सूक्तम्

(१-१८) अष्टादशर्चस्यास्य सूक्तस्याङ्गिरसः प्रियमेध ऋषिः । (१-१०, १३-१८)  
प्रथमादिदशर्चा त्रयोदश्यादिषण्णाञ्चेन्द्रः, (११) एकादश्या पूर्वार्धस्य विश्वे देवाः,  
(११-१२) एकादश्या उत्तरार्धस्य द्वादश्याश्च वरुणो देवताः । (१, ३, ७-१०, १२-  
१५) प्रथमर्चस्तृतीयायाः सप्तम्यादिचतसृणां द्वादश्यादिचतसृणाञ्चानुष्टुप्, (२)

द्वितीयाया उष्णिक्, (४-६) चतुर्थ्यादितृचस्य गायत्री, (११, १६)

एकादशीषोडश्योः पङ्क्तिः, (१७-१८) सप्तदश्यष्टादश्योश्च बृहती छन्दांसि  
प्रप्र वस्त्रिष्टुभमिषं मन्दद्वीरायेन्दवे । धिया वो मेधसातये पुरंध्या विवासति  
१

नृदं व ओदतीनां नृदं योयुवतीनाम् । पतिं वो अघ्नयानां धेनूनामिषुध्यसि २  
ता अस्य सूददोहसः सोमं श्रीणन्ति पृश्नयः ।

जन्मन् देवानां विशि स्त्रिष्वा रौचने दिवः ३

अभि प्र गोपतिं गिरे न्द्रमर्च यथा विदे । सूनुं सत्यस्य सत्पतिम् ४

आ हरयः ससृजिरे ऽरुषीरधि बर्हिषि । यत्राभि संनवामहे ५

इन्द्राय गावं आशिरं दुदुहे वृजिणे मधु । यत् सीमुपहरे विदत् ६

उद्यद्ब्रध्नस्य विष्टपं गृहमिन्द्रश्च गन्वहि ।

मध्वः पीत्वा संचेवहि त्रिः सप्त सख्युः पदे ७

अर्चत प्रार्चत प्रियमेधासो अर्चत । अर्चन्तु पुत्रका उत पुरं न धृष्णवर्चत ८

अव स्वराति गर्गरो गोधा परि सनिष्वणत् ।

पिङ्गा परि चनिष्कद् दिन्द्राय ब्रह्मोद्यतम् ९

आ यत् पतन्त्येन्यः सुदुघा अनपस्फुरः ।

अपस्फुरं गृभायत् सोममिन्द्राय पातवे १०

अपादिन्द्रो अपादग्निर्विश्वे देवा अमत्सत ।

वरुण इदिह क्षयत् तमापो अभ्यनूषत वत्सं संशिश्वरीरिव ११

सुदेवो असि वरुण यस्य ते सप्त सिन्धवः ।

अनुक्षरन्ति काकुदं सूर्यं सुषिरामिव १२

यो व्यतीरिफाणयत् सुरुक्तां उप दाशुषै ।

त्ववो नेता तदिद्वपु रूपमा यो अमुच्यत १३  
 अतीदु शक्र औहत इन्द्रो विश्वा अति द्विषः ।  
 भिनत् कनीन ओदनं पच्यमानं पुरो गिरा १४  
 अर्भको न कुमारको ऽधि तिष्ठन् नवं रथम् ।  
 स पक्षन्महिषं मृगं पित्रे मात्रे विभुक्रतुम् १५  
 आ तू सुशिप्र दंपते रथं तिष्ठा हिरण्ययम् ।  
 अर्धं द्युक्षं संचेवहि सहस्रपादमरुषं स्वस्तिगामनेहसम् १६  
 तं घैमित्था नमस्विन् उप स्वराजमासते ।  
 अर्थं चिदस्य सुधितं यदेतव आवर्तयन्ति दावने १७  
 अनु प्रत्नस्यौकसः प्रियमैधास एषाम् ।  
 पूर्वामनु प्रयतिं वृक्तबर्हिषो हितप्रयस आशत १८

अष्टमोऽनुवाकः । सू० ७०-८०

(७०) सप्ततितमं सूक्तम्

(१-१५) पञ्चदशर्चस्यास्य सूक्तस्याङ्गिरसः पुरुहन्मा ऋषिः । इन्द्रो देवता । (१-६) प्रथमादितृचद्वयस्य प्रगाथः (विषमर्चा बृहती, समर्चा सतोबृहती), (७-१२) सप्तम्यादिषडृचां बृहती, (१३) त्रयोदश्या उष्णिक्, (१४) चतुर्दश्या अनुष्टुप्, (१५) पञ्चदश्याश्च पुर उष्णिक् छन्दांसि

यो राजा चर्षणीनां याता रथेभिरधिगुः ।  
 विश्वासां तरुता पृतनानां ज्येष्ठो यो वृत्रहा गृणे १  
 इन्द्रं तं शुम्भ पुरुहन्मन्त्रवसे यस्य द्विता विधर्तरि ।  
 हस्ताय वज्रः प्रति धायि दर्शतो महो दिवे न सूर्यः २  
 नकिष्टं कर्मणा नशा द्यश्चकार सदावृधम् ।  
 इन्द्रं न यज्ञैर्विश्वगूर्तमृभ्वस मधृष्टं धृष्यवौजसम् ३  
 अषाढहमुग्रं पृतनासु सासहिं यस्मिन् महीरुरुजयः ।  
 सं धेनवो जायमाने अनोनवु द्यावः क्षामौ अनोनवुः ४  
 यदद्याव इन्द्र ते शतं शतं भूमीरुत स्युः ।  
 न त्वा वज्रिन् त्सहस्रं सूर्या अनु न जातमष्ट रोदसी ५  
 आ पप्राथ महिना वृषया वृषन् विश्वा शविष्ट शर्वसा ।

अस्माँ अ॒व म॒घव॒न् गोम॑ति वृ॒जे वज्रि॑ञ्चित्राभि॒रु॒तिभिः ६  
न सी॒मदै॒व आप॑दि॒र्ष दी॒र्घायो॑ म॒र्त्यः ।  
एत॑ग्वा चि॒द्य एत॑शा यु॒योज॑ते ह॒री इन्द्रो॑ यु॒योज॑ते ७  
तं वो॑ म॒हो म॒हाय्य॑ मिन्द्रं द॒नाय॑ स॒क्षणि॑म् ।  
यो गा॒धेषु॑ य आ॒रणेषु॑ ह॒व्यो वाजे॑ष्वस्ति ह॒व्यः ८  
उ॒दू षु॑ गौ॒ वसो॑ म॒हे मृ॒शस्व॑ शू॒र रा॒धसे॑ ।  
उ॒दू षु॑ म॒ह्यै म॒घव॑न् म॒घत्त॑य॒ उदि॑न्द्र श्रव॑से म॒हे ९  
त्वं न॑ इन्द्र ऋ॒तयु॑ स्त्वा॒निदो॑ नि तृ॒म्पसि॑ ।  
म॒ध्यै वसि॑ष्व तुवि॒नृम॑णो॒र्वो नि॑ दा॒सं शि॑श्नथो ह॒थैः १०  
अ॒न्यव॑त॒ममा॑नु॒ष म॑य॒ज्वान॑मदै॒वयु॑म् । अ॒व स्वः॑ स॒खा दु॑धुवी॒त प॑र्वतः  
सु॒घ्नाय॑ द॒स्युं प॑र्वतः ११  
त्वं न॑ इन्द्रा॒सां ह॑स्तै श॒विष्ठ॑ दा॒वनै॑ ।  
धा॒नाना॑ं न सं गृ॒भाया॑स्म॒यु द्विः॑ सं गृ॒भाया॑स्म॒युः १२  
स॒खायः॑ क्र॒तुमि॑च्छत क॒था रा॑धाम श॒रस्य॑ ।  
उप॑स्तुतिं भो॒जः सू॒रियो॑ अ॒हयः॑ १३  
भू॒रिभिः॑ सम॒ह ऋ॒षिभि॑र्ब॒र्हिष्म॑द्भिः स्तवि॒ष्यसे॑ ।  
यदि॒त्थमे॑कमे॒कमि॑च्छ॒रं व॒त्सान् प॑रा॒ददः॑ १४  
क॒र्णगृ॑ह्या म॒घवा॑ शौ॒रदे॒व्यो व॒त्सं न॑स्त्रि॒भ्य आ॑न॒यत् । अ॒जां सू॒रिर्न॑ धा॒तवे॑  
१५

(७१) एकसप्ततितमं सूक्तम्

(१-१५) पञ्चदशर्चस्यास्य सूक्तस्याङ्गिरसौ सुदीतिपुरुमीळौ तयोरन्यतरो वा ऋषिः । अग्निर्देवता । (१-६) प्रथमादिनवर्चा गायत्री, (१०-१५) दशम्यादिषण्णाञ्च प्रगाथः (विषमर्चा बृहती, समर्चा सतोबृहती) छन्दसी  
त्वं नो॑ अ॒ग्ने म॒होभिः॑ पा॒हि वि॒श्वस्या॑ अ॒रातेः॑ ।  
उ॒त द्वि॒षो म॒र्त्यस्य॑ १  
न॒हि म॒न्युः पौ॒रुषे॑य॒ ईशे॑ हि वः प्रियजा॒त । त्वमि॑द॒सि क्ष॑पा॒वान् २  
स नो॑ वि॒श्वेभि॑र्दे॒वेभि॑ रू॒र्जो न॑पा॒द्भद्र॑शो॒चे । र॒यिं दे॑हि वि॒श्ववा॑रम् ३  
न तम॑ग्ने अ॒रात॑यो म॒र्तं यु॑वन्त रा॒यः । यं त्रा॑र्यसे दा॒श्वांस॑म् ४  
यं त्वं वि॑प्र मे॒धसा॑ता॒ वग्नै॑ हि॒नोषि॑ धना॒य । स तवो॑ती गो॒षु ग॑न्ता ५

त्वं रयिं पुरुवीर मग्ने दाशुषे मर्ताय । प्र णौ नय वस्यो अच्छ ६  
 उरुष्या णो मा परा दा अघायते जातवेदः । दुराध्येर् मर्ताय ७  
 अग्ने मार्किष्ठे देवस्य रातिमदैवो युयोत । त्वमीशिषे वसूनाम् ८  
 स नो वस्व उपे मा स्यूजो नपान्माहि नस्य । सखे वसो जरितृभ्यः ९  
 अच्छा नः शीरशौचिषं गिरौ यन्तु दर्शतम् ।  
 अच्छा यज्ञासो नमसा पुरुवसु पुरुप्रशस्तमूतये १०  
 अग्निं सूनं सहसो जातवेदसं दानाय वार्याणाम् ।  
 द्विता यो भूदमृतो मर्त्येष्व होता मन्द्रतमो विशि ११  
 अग्निं वो देवयज्यया ऽग्निं प्रयत्यध्वरे ।  
 अग्निं धीषु प्रथममग्निमर्व त्यग्निं क्षेत्राय साधसे १२  
 अग्निषां सख्ये ददातु न ईशे यो वार्याणाम् ।  
 अग्निं तोके तनये शश्वदीमहे वसु सन्त तनूपाम् १३  
 अग्निमीळिष्वार्वसे गाथाभिः शीरशौचिषम् ।  
 अग्निं राये पुरुमीळह श्रुतं नरो ऽग्निं सुदीतये छर्दिः १४  
 अग्निं द्वेषो योतुवै नो गृणीम स्यग्निं शं योश्च दातवे ।  
 विश्वासु विध्वं वितेव हव्यो भुवद्वस्तुर्ऋषूणाम् १५

(७२) द्विसप्ततितमं सूक्तम्

(१-१८) अष्टादशर्चस्यास्य सूक्तस्य प्रागाथो हर्यत ऋषिः । अग्निर्हवीषि वा देवताः  
। गायत्री छन्दः

हविष्कृणुध्वमा गम दध्वर्युर्वनते पुनः । विद्वाँ अस्य प्रशासनम् १  
 नि तिग्ममभ्यंशं सीदद्धोता मनावधि । जुषाणो अस्य सख्यम् २  
 अन्तरिच्छन्ति तं जनै रुद्रं पुरो मनीषया । गृभ्णन्ति जिह्वया ससम् ३  
 जाम्यतीतपे धनुर्वयोधा अरुहद्वनम् । दृषदं जिह्वावधीत् ४  
 चरन् वत्सो रुशन्निह निदातारं न विन्दते । वेति स्तोतव अम्ब्यम् ५  
 उतो न्वस्य यन्मह दक्षावद्योजनं बृहत् । दामा रथस्य ददृशे ६  
 दुहन्ति सप्तैका मुप द्वा पञ्च सृजतः । तीर्थे सिन्धोरधि स्वरे ७  
 आ दशभिर्विवस्वत इन्द्रः कोशमचुच्यवीत् । खेदया त्रिवृता दिवः ८  
 परि त्रिधातुरध्वरं जूषिरेति नवीयसी । मध्वा होतारो अञ्जते ९  
 सिञ्चन्ति नमसावृत मुञ्चाचक्रं परिज्मानम् । नीचीनबारमक्षितम् १०



अभ्यारमिदद्रयो निषिक्तं पुष्करे मधु । अवतस्य विसर्जने ११  
गाव उपावतावतं मही यज्ञस्य रप्सुदा । उभा कर्णा हिरण्यया १२  
आ सुते सिञ्चतु श्रियं रोदस्योरभिश्चियम् । रसा दधीत वृषभम् १३  
ते जानतु स्वमोक्यं सं वत्सासो न मातृभिः । मिथो नसन्त जामिभिः १४  
उप स्रक्वेषु बप्सतः कृणवते धरुणं दिवि । इन्द्रे अग्रा नमः स्वः १५  
अधुक्षत् पिप्युषीमिष मूर्जं सप्तपदीमुरिः । सूर्यस्य सप्त रश्मिभिः १६  
सोमस्य मित्रावरुणो दिता सूर आ ददे । तदातुरस्य भेषजम् १७  
उतो न्वस्य यत् पदं हर्यतस्य निधान्यम् । परि द्यां जिह्यातनत् १८

(७३) त्रिसप्ततितमं सूक्तम्

(१-१८) अष्टादशर्चस्यास्य सूक्तस्यात्रेयो गोपवनः सप्तवध्निर्वा ऋषिः । अश्विनौ  
देवते । गायत्री छन्दः

उदीराथामृतायते युञ्जाथामश्विना रथम् । अन्ति षड्भूतु वामवः १  
निमिषश्चिज्जवीयसा रथेना यातमश्विना । अन्ति षड्भूतु वामवः २  
उप स्तृणीतमत्रये हिमेन घर्ममश्विना । अन्ति षड्भूतु वामवः ३  
कुहं स्थः कुहं जग्मथुः कुहं श्येनेव पेतथुः । अन्ति षड्भूतु वामवः ४  
यदद्य कर्हि कर्हि चिच्छ्रूयातमिमं हवम् । अन्ति षड्भूतु वामवः ५  
अश्विना यामहूतमा नेदिष्ठं याम्याप्यम् । अन्ति षड्भूतु वामवः ६  
अवन्तमत्रये गृहं कृणुतं युवमश्विना । अन्ति षड्भूतु वामवः ७  
वरैथे अग्निमातपो वदते वल्गवत्रये । अन्ति षड्भूतु वामवः ८  
प्र सप्तवध्निराशसा धारामग्नेरशायत । अन्ति षड्भूतु वामवः ९  
इहा गतं वृषणवसू शृणुतं म इमं हवम् । अन्ति षड्भूतु वामवः १०  
किमिदं वा पुराणव ज्वरतो रिष शस्यते । अन्ति षड्भूतु वामवः ११  
समानं वा सजात्यं समानो बन्धुरश्विना । अन्ति षड्भूतु वामवः १२  
यो वा रजास्यश्विना रथौ वियाति रोदसी । अन्ति षड्भूतु वामवः १३  
आ नो गव्यैभिरश्वयैः सहस्रैरुप गच्छतम् । अन्ति षड्भूतु वामवः १४  
मा नो गव्यैभिरश्वयैः सहस्रैभिरति ख्यतम् । अन्ति षड्भूतु वामवः १५  
अरुणप्सुरुषा अभू दकज्योतिर्भृतावरी । अन्ति षड्भूतु वामवः १६  
अश्विना सु विचाकेश द्वाक्षं परशमाँ इव । अन्ति षड्भूतु वामवः १७  
पुरं न धृष्णावा रुज कृष्णया बाधितो विशा । अन्ति षड्भूतु वामवः १८

(७४) चतुःसप्ततितमं सूक्तम्

(१-१५) पञ्चदशर्चस्यास्य सूक्तस्यात्रेयो गोपवन ऋषिः । (१-१२)

प्रथमादिद्वादशर्चामग्निः, (१३-१५) त्रयोदश्यादितृचस्य चार्क्षस्य श्रुतर्वणो  
दानस्तुतिर्देवते । (१-१२) प्रथमादिद्वादशर्चामानुष्टुभः प्रगाथः ((१, ४, ७, १०)

प्रथमाचतुर्थीसप्तमीदशमीनामनुष्टुप्, (२-३, ५-६, ८-९, ११-१२)

द्वितीयातृतीयापञ्चमीषष्ठ्यष्टमीनवम्येकादशीद्वादशीनाञ्च गायत्री), (१३-१५)

त्रयोदश्यादितृचस्य चानुष्टुप् छन्दसी

वि॒शोवि॑शो वो अ॒र्तिथिं॑ वा॒ज॒यन्तः॑ पु॒रुप्रि॑यम् ।

अ॒ग्निं वो॑ दु॒र्य॑ वचः॑ स्तु॒षे शू॒षस्य॑ म॒न्म॑भिः १

यं जना॑सो ह॒विष्म॑न्तो मि॒त्रं न स॒र्पिरा॑सुतिम् । प्र॒शंस॑न्ति प्र॒शस्ति॑भिः २

प॒न्यासं॑ जा॒तवै॑द॒सं यो दे॒वता॑त्युद्य॒ता । ह॒व्यान्वैर॑यद्वि॒वि ३

आ॒गन्म॑ वृ॒त्रह॑न्त॒मं ज्येष्ठ॑म॒ग्निमा॑न॒वम् ।

यस्य॑ श्रु॒तवा॑ बृ॒हन्ना॑र्क॒षो अ॒नीक॑ ए॒धते॑ ४

अ॒मृतं॑ जा॒तवै॑द॒सं ति॒रस्त॑मा॒सि द॑र्श॒तम् । घृ॒ताह॑व॒नमी॑ड॒यम् ५

स॒बाधो॑ यं जना॑ इमे॒रेऽग्निं॑ ह॒व्येभि॑रीळते । जु॒हाना॑सो य॒तस्तु॑चः ६

इ॒यं ते॒ नव्य॑सी म॒तिर॒ग्ने अ॒धाय्य॑स्मदा ।

म॒न्द्र सु॑जा॒त सु॒क्रतो॑ ऽमूर॑ दस्मा॒तिथे॑ ७

सा तै॑ अ॒ग्ने श॑न्त॒मा च॑नि॒ष्ठा भ॑वतु प्रि॒या । तया॑ वर्ध॒स्व सु॑ष्टु॒तः ८

सा द्यु॒मैर्द्यु॑मि॒नी बृ॒ह दु॒पोप॑ श्रव॒सि श्रवः॑ । द॒धीत॑ वृ॒त्रतू॑र्यै ९

अ॒श्वमि॑द्वां र॒थप्रां॑ त्वे॒षमि॑न्द्रं न स॒त्पति॑म् ।

यस्य॑ श्रवा॒सि तू॒र्वथ॑ प॒न्यप॑न्यं च कृ॒ष्टयः॑ १०

यं त्वा॑ गो॒पर्व॑नो गि॒रा च॑नि॒ष्ठद॒ग्ने अ॒ङ्गिरः॑ । स पा॑वक श्रु॒धी ह॑व॒म् ११

यं त्वा॑ जना॑स ईळते स॒बाधो॑ वा॒जसा॑तये । स बो॑धि वृ॒त्रतू॑र्यै १२

अ॒हं ह॑वा॒न आ॒र्क्षे श्रु॑तर्व॒णि म॑द॒च्युति॑ ।

श॒र्धासी॑व स्तुका॒विना॑ मृ॒क्षा शी॒र्षा च॑तु॒र्णाम् १३

मां च॒त्वार॑ आ॒शवः॑ श॒विष्ठ॑स्य द्रवि॒त्तवेः॑ ।

सु॒रथा॑सो अ॒भि प्र॑यो व॒क्षन् व॑यो न तु॒ग्रय॑म् १४

स॒त्यमि॑त् त्वा॑ महे॒नदि॑ प॒रुष॑यव॒ देदि॑शम् ।

नेमापो अश्वदातः शविष्ठादस्ति मर्त्यः १५

(७५) पञ्चसप्ततितमं सूक्तम्

(१-१६) षोडशर्चस्यास्य सूक्तस्याङ्गिरसो विरूप ऋषिः । अग्निर्देवता ।

गायत्री छन्दः

युद्ध्वा हि देवहूतमाँ अश्वान् अग्ने रथीरिव । नि होता पूर्व्यः संदः १  
उत नो देव देवाँ अच्छा वोचो विदुष्टरः । श्रद्धिश्चा वार्या कृधि २  
त्वं ह यद्यविष्टय सहसः सूनवाहुत । ऋतावा यज्ञियो भुवः ३  
अयमग्निः सहस्त्रिणो वाजस्य शतिनस्पतिः । मूर्धा कवी रयीणाम् ४  
तं नेमिभूवो यथा ऽऽ नमस्व सहूतिभिः । नेदीयो यज्ञमङ्गिरः ५  
तस्मै नूनमभिद्यवे वाचा विरूप नित्यया । वृष्णे चोदस्व सुष्टुतिम् ६  
कमुं ष्विदस्य सेनया ऽग्नेरपाकचक्षसः । पुंणिं गोषु स्तरामहे ७  
मा नो देवानां विशः प्रस्नातीरिवोस्त्राः । कृशं न हासुरघ्नयाः ८  
मा नः समस्य दूढयज्ञः परिद्वेषसो अंहतिः । ऊर्मिर्न नावमा वधीत् ९  
नमस्ते अग्न ओजसे गृणन्ति देव कृष्टयः । अमैरमित्रमर्दय १०  
कुवित् सु नो गविष्टये ऽग्ने संवेर्षिषो रयिम् । उरुकृदुरु णस्कृधि ११  
मा नो अस्मिन् महाधने परा वग्भारभृद्यथा । संवर्गं सं रयिं जय १२  
अन्यमस्मद्भिया इय मग्ने सिषक्तु दुच्छुना । वर्धा नो अमवच्छवः १३  
यस्याजुषन्नमस्विनः शमीमदुर्मखस्य वा । तं घेदग्निर्वृधावति १४  
परस्या अधि संवतो ऽवराँ अभ्या तर । यत्राहमस्मि ताँ अव १५  
विद्या हि ते पुरा वय मग्ने पितुर्यथावसः । अधा ते सुममीमहे १६

(७६) षट्सप्ततितमं सूक्तम्

(१-१२) द्वादशर्चस्यास्य सूक्तस्य काण्वः कुरुसुतिर्ऋषिः । इन्द्रो देवता ।

गायत्री छन्दः

इमं नु मायिनं हव इन्द्रमीशानमोजसा । मरुत्वंतं न वृज्जसे १  
अयमिन्द्रो मरुत्सखा वि वृत्रस्याभिनुच्छिरः । वज्रेण शतपर्वणा २  
वावृधानो मरुत्सखेन्द्रो वि वृत्रमैरयत् । सृजन् त्समुद्रिया अपः ३  
अयं ह येन वा इदं स्वमरुवता जितम् । इन्द्रेण सोमपीतये ४  
मरुत्वंतमृजीषिण मोजस्वन्तं विरप्शिनम् । इन्द्रं गीर्भिर्हवामहे ५

इन्द्रं प्रवेन मन्मना मरुत्वंतं हवामहे । अस्य सोमस्य पीतये ६  
 मरुत्वाँ इन्द्र मीद्वः पिबा सोमं शतक्रतो । अस्मिन् युज्ञे पुरुष्टुत ७  
 तुभ्येदिन्द्र मरुत्वंते सुताः सोमांसो अद्रिवः । हृदा हूयन्त उक्थिनः ८  
 पिबेदिन्द्र मरुत्सखा सुतं सोमं दिविष्टिषु । वज्रं शिशान् ओजसा ९  
 उत्तिष्ठन्नोजसा सह पीत्वी शिप्रै अवेपयः । सोममिन्द्र चमू सुतम् १०  
 अनु त्वा रोदसी उभे क्रक्षमाणमकृपेताम् । इन्द्र यदस्युहाभवः ११  
 वाचमष्टापदीमहं नवस्त्रक्तिमृतस्पृशम् । इन्द्रात् परि त्वं ममे १२

(७७) सप्तसप्ततितमं सूक्तम्

(१-११) एकादशर्चस्यास्य सूक्तस्य कारवः कुरुसुतिर्ऋषिः । इन्द्रो देवता । (१-६) प्रथमादिनवर्चा गायत्री, (१०-११) दशम्येकादश्योश्च प्रगाथः (दशम्या बृहती, एकादश्याः सतोबृहती) छन्दसी

जज्ञानो नु शतक्रतुर्वि पृच्छदिति मातरम् । क उग्राः के ह शृणिवरे १  
 आदीं शवस्यब्रवी दौर्णवाभमहीशुवम् । ते पुत्र सन्तु निष्टुरः २  
 समित् तान् वृत्रहाखिदत् खे अराँ इव खेदया । प्रवृद्धो दस्युहाभवत् ३  
 एकया प्रतिधापिबत् साकं सरांसि त्रिंशतम् । इन्द्रः सोमस्य कारुका ४  
 अभि गन्धर्वमतृण दबुध्रेषु रजःस्वा । इन्द्रो ब्रह्मभ्य इद्वधे ५  
 निराविध्यद्विरिभ्य आ धारयत् पक्वमौदनम् । इन्द्रो बुन्दं स्वाततम् ६  
 शतब्रध्न इषुस्तव सहस्रपर्ण एक इत् । यमिन्द्र चकृषे युजम् ७  
 तेन स्तोतृभ्य आ भर नृभ्यो नारिभ्यो अत्तवे । सद्यो जात ऋभुष्ठिर ८  
 एता च्यौबानि ते कृता वर्षिष्ठानि परीणसा । हृदा वीड्वधारयः ९  
 विश्वेत् ता विष्णुराभर दुरुक्रमस्त्वेषितः । शतं महिषान् क्षीरपाकमौदनं  
 वराहमिन्द्र एमुषम् १०  
 तुविक्षं ते सुकृतं सूमयं धनुः साधुबुन्दो हिरण्ययः ।  
 उभा तै ब्राह्म रग्या सुसंस्कृत ऋदूषे चिदृदूवृधा ११

(७८) अष्टसप्ततितमं सूक्तम्

(१-१०) दशर्चस्यास्य सूक्तस्य कारवः कुरुसुतिर्ऋषिः । इन्द्रो देवता । (१-६) प्रथमादिनवर्चा गायत्री, (१०) दशम्याश्च बृहती छन्दसी  
 पुरोळाशं नो अन्धस इन्द्र सहस्रमा भर । शता च शूर गोनाम् १

आ नो भर व्यञ्जनं गामश्चमभ्यञ्जनम् । सचा मुना हिरण्यया २  
उत नः कर्णशोभना पुरुणि धृष्णावा भर । त्वं हि शृणिवषे वसो ३  
नकी वृधीक इन्द्र ते न सुषा न सुदा उत । नान्यस्त्वच्छूर वाघतः ४  
नकीमिन्द्रो निकर्तवे न शक्रः परिशक्तवे । विश्वं शृणोति पश्यति ५  
स मन्युं मत्याना मदब्धो नि चिकीषते । पुरा निदश्चिकीषते ६  
क्रत्व इत् पूर्णमुदरं तुरस्यास्ति विधतः । वृत्रघ्नः सौमपावः ७  
त्वे वसूनि संगेता विश्वा च सोम सौभगा । सुदात्वपरिहृता ८  
त्वामिद्यवयुर्मम कामौ गव्युर्हिरण्ययुः । त्वामेश्वयुरेषते ९  
तवेदिन्द्राहमाशसा हस्ते दात्रं चना ददे ।  
दिनस्य वा मघवन् त्संभृतस्य वा पूर्धि यवस्य काशिना १०

(७९) एकोनाशीतितमं सूक्तम्

(१-९) नवर्चस्यास्य सूक्तस्य भार्गवः कृत्तुर्ऋषिः । सोमो देवता । (१-८)

प्रथमाद्यष्टर्चा गायत्री, (९) नवम्याश्चानुष्टुप् छन्दसी

अयं कृत्तुरगृभीतो विश्वजिदुद्भिदित् सोमः । ऋषिर्विप्रः काव्येन १  
अभ्यूर्णोति यन्नग्रं भिषक्ति विश्वं यत् तुरम् । प्रेमन्धः ख्यन्निः श्रोणो भूत् २  
त्वं सोम तनूकृद्धो द्वेषोभ्योऽन्यकृतेभ्यः । उरु यन्तासि वरूथम् ३  
त्वं चित्ती तव दक्षैर् दिव आ पृथिव्या ऋजीषिन् । यावीरघस्य चिद् द्वेषः ४

अर्थिनो यन्ति चेदर्थं गच्छानिद्दुषौ रातिम् । वृज्युस्तृष्यतः कामम् ५  
विदद्यत् पूर्व्यं नष्ट मुदीमृतायुमीरयत् । प्रेमार्युस्तारीदतीर्णम् ६  
सुशेवो नो मृळयाकु रदमक्रतुरवातः । भवा नः सोम शं हृदे ७  
मा नः सोम सं वीविजो मा वि बीभिषथा राजन् ।

मा नो हार्दि त्विषा वधीः ८

अव यत् स्वे सधस्थे देवानां दुर्मतीरीक्षे ।

राजन्नप द्विषः सेध मीद्वो अप स्त्रिधः सेध ९

(८०) अशीतितमं सूक्तम्

(१-१०) दशर्चस्यास्य सूक्तस्य नौधस एकद्व्युर्ऋषिः । (१-९)

प्रथमादिनवर्चामिन्द्रः, (१०) दशम्याश्च देवा देवताः । (१-९) प्रथमादिनवर्चा

गायत्री, (१०) दशम्याश्च त्रिष्टुप् छन्दसी  
 नृह्य॑न्यं ब॒ळाकरं॑ म॒र्दितारं॑ शतक्रतो । त्वं न इन्द्र मृळय १  
 यो नः॑ शश्वत् पुरावि॒थाऽमृ॑धो वाजसातये । स त्वं न इन्द्र मृळय २  
 किम॒ङ्ग र॑ध्रचोदेनः सुन्वा॒नस्या॑वितेदसि । कुवित् स्विन्द्र॒ णः शकः॑ ३  
 इन्द्र प्र॒ णो रथ॑मव प॒श्चाच्चि॑त् सन्तमद्रिवः । पुरस्तादेनं मे कृधि ४  
 हन्तो॑ नु किमा॑ससे प्रथ॒मं नो रथं॑ कृधि । उप॒मं वा॑जयु श्रवः ५  
 अवा॑ नो वा॒जयुं रथं॑ सुकरं॑ ते किमित् परि । अ॒स्मान् त्सु॑ जि॒ग्युष॑स्कृधि ६  
 इन्द्र दृ॒ह्यस्व॒ पूर॑सि भ॒द्रा ते॑ एति निष्कृतम् । इयं धी॒र्भृ॒त्विया॑वती ७  
 मा सी॒मव॑द्य आ भा॒गुर्वी॑ काष्ठा॒ हितं॑ धनम् । अ॒पावृ॑क्ता अ॒रत्रयः॑ ८  
 तुरी॒युं नाम॑ य॒ज्ञियं॑ य॒दा क॑र॒स्तदु॑श्मसि । आदित् पति॑र्न ओहसे ९  
 अवी॑वृधदो अमृता॒ अम॑न्दी दे॒कृद्यू॑दैवा उ॒त याश्च॑ देवीः ।  
 तस्मा॑ उ॒ राधः॑ कृणुत प्रश॒स्तं प्रा॑तर्म॒क्षू धि॒याव॑सुर्जगम्यात् १०  
 नवमोऽनुवाकः । सू० ८१-८३

(८१) एकाशीतितमं सूक्तम्

(१-६) नवर्चस्यास्य सूक्तस्य कारणः कुसीदी ऋषिः । इन्द्रो देवता ।

गायत्री छन्दः

आ तू न इन्द्र क्षु॒मन्तं॑ चि॒त्रं ग्रा॑भं सं गृ॒भाय॑ । म॒हाह॑स्ती दक्षिणेन १  
 वि॒द्या हि॒ त्वां तु॑विकूर्मिं तुविदै॒ष्णं तु॑वीर्मघम् । तुवि॒मात्र॑मवौभिः २  
 न॒हि त्वां शूर॑ देवा न मर्ता॒सो दि॑त्सन्तम् । भी॒मं न गां॑ वा॒रय॑न्ते ३  
 ए॒तो न्विन्द्रं॑ स्तवा॒मे शा॑नं वस्वः स्व॒राज॑म् । न राध॑सा मर्धिषन्नः ४  
 प्र स्तो॑षुदुपं गासिष॒ च्छ्रव॑त् सामं गी॒यमा॑नम् । अ॒भि राध॑सा जुगुरत् ५  
 आ नो॑ भर॒ दक्षि॑णेना॒ऽभि स॒व्येन॑ प्र मृश । इन्द्र मा नो वसो॑र्निर्भाक् ६  
 उप॑ क्रम॒स्वा भर॑ धृष॒ता धृ॑ष्णो जना॒नाम् । अ॒दाशू॑ष्टरस्य वेदः ७  
 इन्द्र य उ॒ नु ते॑ अस्ति वा॒जो वि॑प्रै॒भिः स॑नित्वः । अ॒स्माभिः॑ सु तं स॑नुहि ८  
 स॒द्योजु॑र्वस्ते वाजा॑ अ॒स्मभ्य॑ विश्वश्चन्द्राः । वशै॑श्च म॒क्षू ज॑रन्ते ९  
 षष्ठोऽध्यायः । व० १-३८

(८२) द्व्यशीतितमं सूक्तम्

(१-६) नवर्चस्यास्य सूक्तस्य कारवः कुसीदी ऋषिः । इन्द्रो देवता ।

गायत्री छन्दः

आ प्र द्रव परावतो ऽर्वावतश्च वृत्रहन् । मध्वः प्रति प्रभर्मणि १  
तीवाः सोमासु आ गहि सुतासौ मादयिष्णवः । पिबा दधृग्यथौचिषे २  
इषा मन्दस्वादु ते ऽरं वराय मन्यवे । भुवत् त इन्द्र शं हृदे ३  
आ त्वंशत्रवा गहि न्युश्क्थानि च हूयसे । उपमे रौचने दिवः ४  
तुभ्यायमद्रिभिः सुतो गोभिः श्रीतो मदायु कम् । प्र सोम इन्द्र हूयते ५  
इन्द्र श्रुधि सु मे हव मस्मे सुतस्य गोमतः । वि पीतिं तृप्तिमश्नुहि ६  
य इन्द्र चमसेष्वा सोमश्चमूषु ते सुतः । पिबेदस्य त्वमीशिषे ७  
यो अप्सु चन्द्रमा इव सोमश्चमूषु ददृशे । पिबेदस्य त्वमीशिषे ८  
यं तै श्येनः पदाभरत् तिरो रजांस्यस्पृतम् । पिबेदस्य त्वमीशिषे ९

(८३) त्र्यशीतितमं सूक्तम्

(१-६) नवर्चस्यास्य सूक्तस्य कारवः कुसीदी ऋषिः । विश्वे देवा देवताः ।

गायत्री छन्दः

देवानामिदवो महत् तदा वृणीमहे वयम् । वृष्णामस्मभ्यमूतये १  
ते नः सन्तु युजः सदा वरुणो मित्रो अर्यमा । वृधासश्च प्रचेतसः २  
अति नो विष्पिता पुरु नौभिरपो न पर्षथ । यूयमूतस्य रथ्यः ३  
वामं नो अस्त्वयमन् वामं वरुण शंस्यम् । वामं ह्यावृणीमहे ४  
वामस्य हि प्रचेतस ईशानाशो रिशादसः । नेमादित्या अघस्य यत् ५  
वयमिद्वः सुदानवः क्षियन्तो यान्तो अध्वन्ना । देवा वृधाय हूमहे ६  
अधि न इन्द्रैषां विष्णो सजात्यानाम् । इता मरुतो अश्विना ७  
प्र भ्रातृत्वं सुदानवो ऽध द्विता समान्या । मातुर्गर्भे भरामहे ८  
यूयं हि ष्ठा सुदानव इन्द्रज्येष्ठा अभिद्यवः । अधा चिद्व उत ब्रुवे ९

(८४) चतुरशीतितमं सूक्तम्

(१-६) नवर्चस्यास्य सूक्तस्य काव्य उशना ऋषिः । अग्निर्देवता । गायत्री छन्दः

प्रेष्ठ वो अतिथिं स्तुषे मित्रमिव प्रियम् । अग्निं रथं न वेद्यम् १  
कविमिव प्रचेतसं यं देवासो अध द्विता । नि मर्त्येष्वदधुः २  
त्वं यविष्ठ दाशुषो नृः पाहि शृणुधी गिरः । रक्षां लोकमुत त्मना ३

कया॑ ते अग्ने॑ अङ्गिर॑ ऊर्जो॑ नपादुप॑स्तुतिम् । वरा॑य देव॒ मन्यवे॑ ४  
 दाशै॑म् कस्य॒ मनसा॑ यु॒ज्ञस्य॑ सहसो॒ यहो॑ । कर्तु॑ वोच॒ इदं नमः॑ ५  
 अधा॑ त्वं हि न॒स्करो॑ विश्वा॑ अ॒स्मभ्य॑ सु॒क्षितीः॑ । वाज॑द्रवि॒णसो॑ गिरः॒ ६  
 कस्य॑ नूनं॒ परी॑णसो॒ धियो॑ जिन्व॒सि दंप॑ते । गोषा॑ता॒ यस्य॑ ते गिरः॒ ७  
 तं म॑र्जयन्त॒ सुक्र॑तुं पुरो॒यावान॑माजिषु॑ । स्वेषु॑ क्षयै॑षु वा॒जिन॑म् ८  
 क्षेति॑ क्षेमै॑भिः सा॒धुभि॑र्न॒क्रियं॑ घ्नन्ति॒ हन्ति॑ यः । अग्ने॑ सु॒वीर॑ एधते॒ ९

(८५) पञ्चाशीतितमं सूक्तम्

(१-९) नवर्चस्यास्य सूक्तस्याङ्गिरसः कृष्ण ऋषिः । अश्विनौ देवते ।

गायत्री छन्दः

आ मे॒ हव॑ नास॒त्या ऽश्वि॑ना गच्छ॑तं युवम् । मध्वः॒ सोम॑स्य पी॒तये॑ १  
 इमं॑ मे॒ स्तोम॑मश्वि॒ने मं मे॑ शृणु॑तं हव॑म् । मध्वः॒ सोम॑स्य पी॒तये॑ २  
 अयं॑ वां कृष्णो॑ अश्वि॒ना हव॑ते वाजिनीवसू । मध्वः॒ सोम॑स्य पी॒तये॑ ३  
 शृणु॑तं ज॒रितु॑र्हव॑ं कृष्णस्य॒ स्तुव॑तो नरा । मध्वः॒ सोम॑स्य पी॒तये॑ ४  
 छ॒र्दिर्यन्त॑मदा॒भ्यं वि॑प्राय॒ स्तुव॑ते नरा । मध्वः॒ सोम॑स्य पी॒तये॑ ५  
 गच्छ॑तं दा॒शुषो॑ गृह॒ मि॒त्था स्तुव॑तो अश्वि॒ना । मध्वः॒ सोम॑स्य पी॒तये॑ ६  
 यु॒ञ्जाथां॑ रास॒भं रथे॑ वी॒ड्वङ्गे॑ वृषणवसू । मध्वः॒ सोम॑स्य पी॒तये॑ ७  
 त्रि॒व॒न्धुरेण॑ त्रि॒वृता॑ रथे॒ना या॑तमश्वि॒ना । मध्वः॒ सोम॑स्य पी॒तये॑ ८  
 नू मे॒ गिरौ॑ नास॒त्या ऽश्वि॑ना प्राव॑तं युवम् । मध्वः॒ सोम॑स्य पी॒तये॑ ९

(८६) षडशीतितमं सूक्तम्

(१-५) पञ्चर्चस्यास्य सूक्तस्याङ्गिरसः कृष्णः कार्ष्णिर्विश्वको वा ऋषिः । अश्विनौ देवते । जगती छन्दः

उ॒भा हि द॒स्त्रा भि॑षजा॒ मयो॑भुवो॒भा दक्ष॑स्य वच॑सो बभूवथुः ।  
 ता वां॑ वि॒श्वको॑ हवते तनूकृ॒थे मा नो॑ वि यौष्टं स॒ख्या मु॑मोच॑तम् १  
 क॒था नूनं॑ वां वि॒र्मना॑ उप॒ स्तव॑ द्यु॒वं धिर्य॑ ददथु॒र्वस्य॑ इष्टये ।  
 ता वां॑ वि॒श्वको॑ हवते तनूकृ॒थे मा नो॑ वि यौष्टं स॒ख्या मु॑मोच॑तम् २  
 यु॒वं हि ष्मा॑ पुरु॒भुजे॑ममै॒धतुं॑ वि॒ष्णाज्वै॑ ददथु॒र्वस्य॑ इष्टये ।  
 ता वां॑ वि॒श्वको॑ हवते तनूकृ॒थे मा नो॑ वि यौष्टं स॒ख्या मु॑मोच॑तम् ३



उ॒त त्वं वी॒रं ध॑न॒सामृ॑जी॒षिणं॑ दू॒रे चि॒त् सन्त॑मव॒से ह॒वाम॑हे ।  
यस्य॑ स्वादि॒ष्टा सु॑म॒तिः पि॒तुर्यथा॑ मा नो वि यौष्टं स॒ख्या मु॑मोच॒तम् ४  
ऋ॒तेन॑ दे॒वः स॒वि॒ता श॑मायत ऋ॒तस्य॑ शृङ्ग॒मुर्वि॑या वि प॒प्रथे॑ ।  
ऋ॒तं सा॑साह॒ महि॑ चि॒त्पृ॒तन्य॑तो मा नो वि यौष्टं स॒ख्या मु॑मोच॒तम् ५

(८७) सप्ताशीतितमं सूक्तम्

(१-६) षडृचस्यास्य सूक्तस्य वासिष्ठो द्युम्नीक आङ्गिरसः प्रियमेधो वाङ्गिरसः कृष्णो  
वा ऋषिः । अश्विनौ देवते ।

प्रगाथः (विषमर्चा बृहती, समर्चा सतोबृहती) छन्दः

द्यु॒म्नी वां॑ स्तोमौ अ॒श्विना॒ क्रि॒विर्न॒ सेक॒ आ ग॑तम् ।  
म॒ध्वः सु॒तस्य॑ स दि॒वि प्रि॒यो न॑रा पा॒तं गौ॑रावि॒वेरि॑णे १  
पि॒ब॒तं घृ॒र्म म॑धु॒मन्त॑म॒श्विना॒ ऽऽ ब॒र्हिः सी॑द॒तं न॑रा ।  
ता म॑न्दसा॒ना म॑नु॒षो दुरो॑ण आ नि पा॒तं वेद॑सा वयः २  
आ वां॑ वि॒श्वाभि॑रू॒तिभिः॑ प्रि॒यमे॑धा अ॒हूष॑त ।  
ता व॒र्तिर्या॑त॒मुप॑ वृ॒क्तब॑र्हि॒षो जुष्टं॑ य॒ज्ञं दि॒विष्टि॑षु ३  
पि॒ब॒तं सो॒मं म॑धु॒मन्त॑म॒श्विना॒ ऽऽ ब॒र्हिः सी॑द॒तं सु॑मत् ।  
ता वा॑वृ॒ध॒ना उ॒प सु॑ष्ट॒तिं दि॒वो ग॑न्तं गौ॒रावि॒वेरि॑णम् ४  
आ नूनं॑ या॒तम॑श्वि॒ना ऽश्वे॑भिः प्रु॒षित॑प्सु॒भिः ।  
द॒स्त्रा हि॑र॒ण्यव॑र्तनी शु॒भस्प॑ती पा॒तं सो॑म॒मृता॑वृ॒धा ५  
व॒यं हि वां॑ ह॒वाम॑हे वि॒प॒न्यवो॑ वि॒प्रा॑सो वा॒जसा॑तये ।  
ता व॒ल्गू द॒स्त्रा पु॑रु॒दंसा॑सा धि॒या ऽश्वि॑ना श्रु॒ष्ट्या ग॑तम् ६

(८८) अष्टाशीतितमं सूक्तम्

(१-६) षडृचस्यास्य सूक्तस्य गौतमो नोधा ऋषिः । इन्द्रो देवता । प्रगाथः

(विषमर्चा बृहती, समर्चा सतोबृहती) छन्दः

तं वो॑ द॒स्ममृ॑ती॒षहं॑ वसो॒र्मन्दा॑नम॒न्धसः॑ ।  
अ॒भि व॒त्सं न॑ स्व॒सरे॑षु धे॒नव॒ इन्द्रं॑ गी॒र्भिर्न॑वामहे १  
द्यु॒क्षं सु॒दानुं॑ तवि॒षीभि॑रावृ॒तं गि॑रिं न पु॒रुभो॑ज॒सम् ।  
क्षु॒मन्तं॑ वा॒जं श॑तिर्न॒ सह॑स्त्रि॒णं म॒क्षू गो॑म॒न्तमी॑महे २  
न त्वा॑ बृ॒हन्तो॑ अ॒द्रयो॑ वर॒न्त इन्द्र॑ वी॒ळवः॑ ।

यदित्ससि स्तुवते मार्वतेवसु नकिष्टदा मिनाति ते ३  
 योद्धासि क्रत्वा शर्वसोत दुंसना विश्वा जाताभि मुज्मना ।  
 आ त्वायमर्क ऊतये ववर्तति यं गोतमा अजीजनन् ४  
 प्र हि रिरिक्त ओजसा दिवो अन्तैभ्यस्परि ।  
 न त्वा विव्याच रज इन्द्र पार्थिव मनु स्वधां ववक्षिथ ५  
 नकिः परिष्टिर्मघवन् मघस्य ते यद्वाशुषे दशस्यसि ।  
 अस्माकं बोध्युचथस्य चोदिता मंहिष्ठो वार्जसातये ६

(८६) एकोननवतितमं सूक्तम्

(१-७) सप्तर्चस्यास्य सूक्तस्याङ्गिरसौ नृमेधपुरुमेधावृषी । इन्द्रो देवता । (१-४)  
 प्रथमादिचतुर्ऋचां प्रगाथः (विषमर्चा बृहती, समर्चा सतोबृहती), (५-६)  
 पञ्चमीषष्ठ्योरनुष्टुप्, (७) सप्तम्याश्च बृहती छन्दांसि

बृहदिन्द्राय गायतु मरुतो वृत्रहन्तमम् ।  
 येन ज्योतिरजनयन्नृतावृधौ देवं देवाय जागृवि १  
 अपाधमदभिर्शस्तीरशस्तिहा ऽथेन्द्रो द्युमन्त्राभवत् ।  
 देवास्त इन्द्र सख्याय येमिरे बृहद्भानो मरुद्गण २  
 प्र व इन्द्राय बृहते मरुतो ब्रह्मार्चत ।  
 वृत्रं हनति वृत्रहा शतक्रतुर्वज्रेण शतपर्वणा ३  
 अभि प्र भर धृषता धृषन्मनः श्रवश्चित् ते असद्ब्रह्म ।  
 अर्षन्त्वापो जवसा वि मातरो हनौ वृत्रं जया स्वः ४  
 यज्ञायथा अपूर्व्य मघवन् वृत्रहत्याय ।  
 तत् पृथिवीर्मप्रथय स्तदस्तम्ना उत द्याम् ५  
 तत् तै यज्ञो अजायत तदर्क उत हस्कृतिः ।  
 तद्विश्वमभिभूरसि यज्ञातं यच्च जन्त्वम् ६  
 आमासु पक्वमैरय आ सूर्य रोहयो दिवि ।  
 घर्म न सामन् तपता सुवृक्तिभिर्जुष्टं गिर्वणसे बृहत् ७

(८७) नवतितमं सूक्तम्

(१-६) षडृचस्यास्य सूक्तस्याङ्गिरसौ नृमेधपुरुमेधावृषी । इन्द्रो देवता । प्रगाथः  
 (विषमर्चा बृहती, समर्चा सतोबृहती) छन्दः

आ नो विश्वा॑सु हव्य॑ इन्द्रः समत्सु॑ भूषतु ।  
उप॑ ब्रह्मा॑णि सर्व॑नानि वृत्र॑हा पर॑म॒ज्या ऋची॑षमः १  
त्वं दा॒ता प्र॑थ॒मो रा॑ध॒साम॒स्यसि॑ स॒त्य ई॑शा॒नकृ॑त् ।  
तुवि॑द्यु॒मस्य॑ यु॒ज्या वृ॑णीमहे पु॒त्रस्य॑ शर्व॑सो मु॒हः २  
ब्रह्मा॑ त इन्द्र॑ गिर्व॑णः क्रि॒यन्ते॑ अ॒नति॑द्भुता ।  
इ॒मा जु॑षस्व ह॒र्यश्च॑ योज॒नेन्द्र॑ या ते अ॒मन्म॑हि ३  
त्वं हि स॒त्यो म॑घव॒न्नना॑नतो वृ॒त्रा भूरि॑ न्यृ॒ज्जसे॑ ।  
स त्वं श॑विष्ठ वज्र॑हस्त दा॒शुषे॑ ऽर्वाञ्च॑ र॒यिमा॑ कृ॒धि ४  
त्वमिन्द्र॑ य॒शा अस्य॑ जी॒षी श॑वसस्पते ।  
त्वं वृ॒त्राणि॑ हंस्य॒प्रती॑न्येक॒ इद॑ नु॒त्ता च॑र्षणी॒धृता॑ ५  
तमु॑ त्वा नून॑म॒सुर॑ प्रचै॒तसं॑ राधो॒ भाग॑मि॒वेम॑हे ।  
म॒हीव॑ कृ॒त्तिः श॑र॒णा त इन्द्र॑ प्र ते सु॒म्ना नो॑ अ॒श्नवन्॑ ६

(६१) एकनवतितमं सूक्तम्

(१-७) सप्तर्चस्यास्य सूक्तस्यात्रेय्यपाला ऋषिका । इन्द्रो देवता । (१-२)  
प्रथमाद्वितीययोर्ऋचोः पङ्क्तिः, (३-७) तृतीयादिपञ्चानाञ्चानुष्टुप् छन्दसी  
क॒न्या॒रे वार॑वाय॒ती सोम॑मपि॒ स्नुता॑वि॒दत् ।  
अ॒स्तं भ॑र॒न्त्यब्र॑वी दि॒न्द्राय॑ सु॒नवै॑ त्वा श॒क्राय॑ सु॒नवै॑ त्वा १  
अ॒सौ य ए॑षि वी॒रको॑ गृ॒हंगृ॑हं वि॒चाक॑शत् ।  
इ॒मं ज॑म्भ॒सुतं॑ पिब धा॒नार्वा॑न्तं क॒र॒म्भिण॑ म॒पूप॑र्वा॒न्तमु॑क्थि॒नम् २  
आ च॒न त्वा॑ चि॒कित्सा॑मो ऽधि च॒न त्वा॑ ने॒मसि॑ ।  
श॒नैरि॑व श॒नकै॑रि॒वेन्द्रा॑येन्द्रो परि॑ स्रव ३  
कु॒विच्छ॑कत् कु॒वित् क॑रत् कु॒विन्नो॑ वस्य॑स॒स्कर॑त् ।  
कु॒वित् प॑ति॒द्विषो॑ य॒ती रि॒न्द्रेण॑ स॒ंगमा॑महे ४  
इ॒मानि॑ त्री॒णि वि॑ष्ट॒पा ता॒नीन्द्र॑ वि रौ॒हय॑ ।  
शि॒रस्त॑तस्यो॒र्वरा॑ मादि॒दं म॒ उपो॑दरे ५  
अ॒सौ च॒ या न॑ उ॒र्वरा॑ दि॒मां त॒न्व॑श्म॒म ।  
अ॒थो त॑तस्य॒ यच्छि॑रः सर्वा॒ ता रौ॑म॒शा कृ॒धि ६  
खे रथ॑स्य॒ खेऽन॑सः खे यु॒गस्य॑ श॒तक्र॑तो ।  
अ॒पा॒लामिन्द्र॑ त्रि॒ष्पू त्व्य॑कृ॒णोः सूर्य॑त्वचम् ७

## (६२) द्विनवतितमं सूक्तम्

(१-३३) त्रयस्त्रिंशदृचस्यास्य सूक्तस्याङ्गिरसः श्रुतकक्षः सुकक्षो वा ऋषिः । इन्द्रो देवता । (१) प्रथमर्चोऽनुष्टुप्, (२-३३) द्वितीयादिद्वात्रिंशदृचाञ्च गायत्री छन्दसी पान्तमा वो अन्धस इन्द्रमभि प्र गायत ।

विश्वासाहं शतक्रतुं मंहिष्ठं चर्षणीनाम् १  
पुरुहूतं पुरुष्टुतं गाथान्यं सनश्रुतम् । इन्द्र इति ब्रवीतन २  
इन्द्र इन्नो महानां दाता वाजानां नृतुः । मुह्यं अभिज्ज्वा यमत् ३  
अपादु शिष्यन्धसः सुदक्षस्य प्रहोषिणः । इन्दोरिन्द्रो यवाशिरः ४  
तम्वाभि प्रार्चतेन्द्रं सोमस्य पीतये । तदिद्व्यस्य वर्धनम् ५  
अस्य पीत्वा मदानां देवो देवस्यौजसा । विश्वाभि भुवना भुवत् ६  
त्यमु वः सत्रासाहं विश्वासु गीर्ष्वार्यतम् । आ च्यावयस्युतये ७  
युध्मं सन्तमनवर्णं सोमपामनपच्युतम् । नरमवार्यक्रतुम् ८  
शिक्तां ण इन्द्र राय आ पुरु विद्वां ऋचीषम । अवा नः पार्ये धने ९  
अतश्चिदिन्द्र ण उपा ऽऽ याहि शतवाजया । इषा सहस्रवाजया १०  
अयाम् धीर्वतो धियो ऽवद्भिः शक्र गोदरे । जयेम पृत्सु वज्रिवः ११  
वयमु त्वा शतक्रतो गावो न यवसेष्वा । उक्थेषु रणयामसि १२  
विश्वा हि मर्त्यत्वना ऽनुकामा शतक्रतो । अगन्म वज्रिन्नाशसः १३  
त्वे सु पुत्र शवसो ऽवृत्रन् कामकातयः । न त्वामिन्द्राति रिच्यते १४  
स नो वृषन् त्सनिष्ठया सं घोरया द्रवित्वा । धियाविद्धि पुरंध्या १५  
यस्तै नूनं शतक्रतु विन्द्र द्युम्रितमो मदः । तेन नूनं मदै मदः १६  
यस्तै चित्रश्रवस्तमो य इन्द्र वृत्रहन्तमः । य औजोदातमो मदः १७  
विद्या हि यस्तै अद्रिव स्त्वादत्तः सत्य सोमपाः । विश्वासु दस्म कृष्टिषु १८

इन्द्राय मर्दने सुतं परि षोभन्तु नो गिरः । अर्कमर्चन्तु कारवः १९  
यस्मिन् विश्वा अधि श्रियो रणन्ति सप्त संसदः । इन्द्र सुते हवामहे २०  
त्रिकद्रुकेषु चेतनं देवासो यज्ञमत्तत । तमिद्वर्धन्तु नो गिरः २१  
आ त्वा विशन्तिवन्दवः समुद्रमिव सिन्धवः । न त्वामिन्द्राति रिच्यते २२  
विव्यकथं महिना वृषन् भुक्तं सोमस्य जागृवे । य इन्द्र जठरैषु ते २३  
अरं त इन्द्र कुक्षये सोमो भवतु वृत्रहन् । अरं धामभ्य इन्दवः २४

अ॒र॒म॒श्वा॒य गाय॑ति श्रु॒तक॑क्षो अ॒रं ग॑र्वे । अ॒र॒मिन्द्र॑स्य धाम्ने २५  
अ॒रं हि ष्मा॑ सु॒तेषु॑ णः सोमै॑ष्विन्द्र भूष॑सि । अ॒रं ते शक्र॑ दा॒वनै २६  
प॒रा॒का॒त्ताच्चि॑दद्रि॒वस्त्वां न॑क्षन्त नो गि॒रः । अ॒रं ग॑माम ते व॒यम् २७  
ए॒वा ह्य॑सि वी॒र॒यु॒रे॒वा शू॑र उ॒त स्थि॑रः । ए॒वा ते रा॑ध्यं म॒नः २८  
ए॒वा रा॑तिस्तु॒वीमघ॑ विश्वे॒भिर्धा॑यि धा॒तृभिः॑ । अ॒धा चि॑दिन्द्र मे स॒चा २९  
मो षु ब्र॑ह्मे॒व तन्द्र॑यु॒र्भुवो॑ वा॒जानां॑ पते । म॒त्स्वा सु॑तस्य गो॒म॒तः ३०  
मा न॑ इन्द्रा॒भ्या॒र्इ॒दिशः॑ सू॒रो अ॒क्तु॑ष्वा य॒मन् । त्वा यु॑जा व॒नेम॑ तत् ३१  
त्वये॑दिन्द्र यु॒जा व॒यं प्र॑ति ब्रु॒वीम॑हि स्पृ॒धः । त्वम॑स्मा॒कं तव॑ स्मसि ३२  
त्वामि॑द्धि त्वा॒यवो॑ ऽनु॒नोनु॑वत॒श्चरा॑न् । सखा॑य इन्द्र का॒रवः॑ ३३

(६३) त्रिनवतितमं सूक्तम्

(१-३४) चतुस्त्रिंशदृचस्यास्य सूक्तस्याङ्गिरसः सुकक्ष ऋषिः । (१-३३)

प्रथमादित्रयस्त्रिंशदृचामिन्द्रः (३४) चतुस्त्रिंशयाश्चेन्द्र ऋभवश्च देवताः ।

गायत्री छन्दः

उ॒द॒घेद॑भि श्रु॒ताम॑घं वृष॒भं न॑र्यापसम् । अ॒स्तार॑मेषि सू॒र्य १  
न॒व॒ यो न॑व॒तिं पु॑रो बि॒भेद॑ बा॒ह्वौज॑सा । अ॒हिं च वृ॑त्र॒हाव॑धीत् २  
स न॒ इन्द्रः॑ शि॒वः स॒खा ऽश्वा॑व॒द्रोम॑द्यव॒मत् । उ॒रु॒धरे॑व दो॒हते ३  
यद॑द्य क॒च्च वृ॑त्रह॒ नुद॑गा॒ अभि॑ सू॒र्य । स॒र्वं तदि॑न्द्र ते व॒शै ४  
यद्वा॑ प्रवृद्ध स॒त्पते॑ न म॒रा इति॑ म॒न्यसे॑ । उ॒तो तत् स॒त्यमि॑त् तव॑ ५  
ये सोमा॑सः प॒राव॑ति ये अ॒र्वाव॑ति सु॒न्विरे॑ । स॒र्वास्ताँ॑ इन्द्र गच्छ॑सि ६  
तमि॑न्द्रं वा॒जया॑मसि म॒हे वृ॑त्राय॒ हन्त॑वे । स वृ॑षा वृष॒भो भु॑वत् ७  
इन्द्रः॑ स दाम॑ने कृत ओ॒र्जिष्ठः॑ स म॒दै हि॑तः । द्यु॒म्नी श्लो॑की स सो॒म्यः ८  
गि॒रा व॒ज्रो न॑ संभृ॒तः स॒बलो॑ अ॒न॒पच्यु॑तः । व॒व॒क्ष ऋ॑ष्वो अ॒स्तृतः॑ ९  
दु॒र्गे चि॑न्नः सु॒गं कृ॑धि गृ॒णान॑ इन्द्र गि॒र्वणः॑ । त्वं च॑ म॒घव॑न् व॒शः १०  
यस्य॑ ते नू चि॒दादि॑शं न मि॒नन्ति॑ स्व॒राज्य॑म् । न दे॒वो ना॒धिगु॑र्जनः ११  
अ॒धा ते अ॒प्रति॑ष्कुतं दे॒वी शु॑ष्मं स॒पर्य॑तः । उ॒भे सु॑शिप्र॒ रोद॑सी १२  
त्वमे॒तद॑धारयः कृ॒ष्णासु॑ रोहि॒णीषु॑ च । पर॑ष्णीषु रु॒शत् प॑यः १३  
वि यद॑हे॒रध॑ त्वि॒षो वि॒श्वे दे॒वासो॑ अ॒क्रमुः॑ । वि॒दन्मृ॑गस्य ताँ अ॒मः १४  
आ॒दु मे नि॒व॒रो भु॑व॒ दूत्र॑हादि॒ष्ट पौ॑स्यम् । अ॒जात॑शत्रु॒रस्तृ॑तः १५

श्रुतं वो वृत्रहन्तम् प्र शर्धं चर्षणीनाम् । आ शुषे राधसे महे १६  
 अया धिया च गव्यया पुरुणामन् पुरुष्टुत । यत् सोमैसोम् आभेवः १७  
 बोधिन्मना इदंस्तु नो वृत्रहा भूर्यासुतिः । शृणोतु शक्र आशिषम् १८  
 कया त्वं न ऊत्या ऽभि प्र मन्दसे वृषन् । कया स्तोतृभ्य आ भेर १९  
 कस्य वृषा सुते सचा नियुत्वान् वृषभो रणत् । वृत्रहा सोमपीतये २०  
 अभी षु ग्नुस्त्वं रयिं मन्दसानः सहस्त्रिणम् । प्रयन्ता बोधि दाशुषै २१  
 पत्नीवन्तः सुता इम उशन्तौ यन्ति वीतयै । अपां जग्मिर्निचुम्पुणः २२  
 इष्टा होत्रा असृक्षते न्द्रं वृधासौ अध्वरे । अच्छावभृथमोजसा २३  
 इह त्या सधमाद्या हरी हिरण्यकेश्या । वोळहामभि प्रयो हितम् २४  
 तुभ्यं सोमाः सुता इमे स्तीर्णं बर्हिर्विभावसो । स्तोतृभ्य इन्द्रमा वह २५  
 आ ते दक्षं वि रौचना दधद्रत्ना वि दाशुषै । स्तोतृभ्य इन्द्रमर्चत २६  
 आ तै दधामीन्द्रिय मुक्था विश्वा शतक्रतो । स्तोतृभ्य इन्द्र मृळय २७  
 भद्रंभद्रं न आ भुरे षमूर्जं शतक्रतो । यदिन्द्र मृळयासि नः २८  
 स नो विश्वान्या भेर सुवितानि शतक्रतो । यदिन्द्र मृळयासि नः २९  
 त्वामिद्वृत्रहन्तम् सुतार्वन्तो हवामहे । यदिन्द्र मृळयासि नः ३०  
 उप नो हरिभिः सुतं याहि मदानां पते । उप नो हरिभिः सुतम् ३१  
 द्विता यो वृत्रहन्तमो विद इन्द्रः शतक्रतुः । उप नो हरिभिः सुतम् ३२  
 त्वं हि वृत्रहन्तेषां पाता सोमानामसि । उप नो हरिभिः सुतम् ३३  
 इन्द्र इषे ददातु न ऋभुक्षणमृभुं रयिम् । वाजी ददातु वाजिनम् ३४  
 दशमोऽनुवाकः । सू० ६४-१०३

(६४) चतुर्नवतितमं सूक्तम्

(१-१२) द्वादशर्चस्यास्य सूक्तस्याङ्गिरसो बिन्दुः पूतदक्षो वा ऋषिः । मरुतो देवताः । गायत्री छन्दः

गौर्धयति मरुतां श्रवस्युर्माता मघोनाम् । युक्ता वह्नी रथानाम् १  
 यस्या देवा उपस्थै वृता विश्वै धारयन्ते । सूर्यामासो दृशे कम् २  
 तत् सु नो विश्वै अर्य आ सदा गृणन्ति कारवः । मरुतः सोमपीतये ३  
 अस्ति सोमो अयं सुतः पिबन्त्यस्य मरुतः । उत स्वराजौ अश्विना ४  
 पिबन्ति मित्रो अर्यमा तना पूतस्य वरुणः । त्रिषधस्थस्य जावतः ५  
 उतो न्वस्य जोषमाँ इन्द्रः सुतस्य गोमतः । प्रातर्होतैव मत्सति ६

कद॑त्विषन्त॒ सूर॑य॒ स्तिर॑ आप॒ इव॑ स्त्रि॒धः । अ॒र्षन्ति॑ पू॒तद॑क्षसः ७  
कद्वौ॑ अ॒द्य म॒हाना॑ दे॒वाना॒मवौ॑ वृ॒णे । त्मना॑ च द॒स्मर्व॑र्चसाम् ८  
आ ये वि॒श्वा पा॑र्थि॒वानि प॒प्रथ॑न् रो॒चना दि॒वः । म॒रुतः॑ सोम॑पीतये ९  
त्यान् नु पू॒तद॑क्षसो दि॒वो वौ म॒रुतो॑ हुवे । अ॒स्य सोम॑स्य पी॒तये १०  
त्यान् नु ये वि रो॑दसी तस्त॒भुर्म॑रुतौ हुवे । अ॒स्य सोम॑स्य पी॒तये ११  
त्यं नु मा॑रुतं ग॒णं गि॑रि॒ष्ठां वृ॑ष॒णं हुवे । अ॒स्य सोम॑स्य पी॒तये १२

(६५) पञ्चनवतितमं सूक्तम्

(१-६) नवर्चस्यास्य सूक्तस्याङ्गिरसस्तिरश्चीर्ऋषिः । इन्द्रो देवता । अनुष्टुप् छन्दः  
आ त्वा गि॒रौ र॒थीरि॒वा ऽस्थुः॑ सु॒तेषु॑ गिर्व॒णः ।  
अ॒भि त्वा॒ सम॑नूष॒ते न्द्रं॑ व॒त्सं न मा॒तरः॑ १  
आ त्वा श॒क्रा अ॑चु॒च्यवुः॑ सु॒तास॑ इन्द्र गिर्व॒णः ।  
पि॒बा त्व॑स्यान्ध॒स इन्द्र॑ वि॒श्वा॒सु ते हि॒तम् २  
पि॒बा सोमं॑ मदा॒य क॒ मिन्द्र॑ श्येनाभृतं सु॒तम् ।  
त्वं हि श॑श्वतीनां पती राजा वि॒शाम॑सि ३  
श्रु॒धी ह॒र्व तिर॑श्च॒या इन्द्र॑ यस्त्वा स॒पर्य॑ति ।  
सु॒वीर्य॑स्य गोम॑तो रा॒यस्पृ॑र्धि म॒हाँ अ॑सि ४  
इन्द्र॑ यस्ते नवी॒यसीं॑ गिरं म॒न्द्राम॑जीजनत् ।  
चि॒क्वि॒त्विन्म॑न॒सं धि॒र्यं प्र॑तामृतस्य पि॒प्युषी॑म् ५  
तमु॑ ष्टवाम॒ यं गिर॑ इन्द्रमु॒क्थानि॑ वावृ॒धुः ।  
पु॒रुरा॑यस्य पौ॒स्या सि॑षासिन्तो वनामहे ६  
ए॒तो न्विन्द्रं॑ स्तवाम श॒द्धं श॒द्धेन॑ साम्ना ।  
श॒द्धैरु॒क्थैर्वा॒वृध्वांसं॑ श॒द्ध आ॑शी॒वान् म॑मत्तु ७  
इन्द्र॑ श॒द्धो न॒ आ ग॑हि श॒द्धः श॒द्धाभि॑रू॒तिभिः॑ ।  
श॒द्धो र॒यिं नि धा॑रय श॒द्धो म॑म॒द्धि सो॒म्यः ८  
इन्द्र॑ श॒द्धो हि नौ र॒यिं श॒द्धो र॒त्नानि॑ दा॒शुषे॑ ।  
श॒द्धो वृ॒त्राणि॑ जिघ्रसे श॒द्धो वाजं॑ सिषाससि ९

(६६) षण्णवतितमं सूक्तम्

(१-२१) एकविंशत्यृचस्यास्य सूक्तस्य मारुतो द्युतान आङ्गिरसस्तिरश्चीर्वा ऋषिः ।

(१-१३, १४, १६-२१) प्रथमादित्रयोदशर्चा चतुर्दश्याः पादत्रयस्य  
षोडश्यादिषण्णाञ्चेन्द्रः, (१४) चतुर्दश्यास्तुरीयपादस्य मरुतः, (१५)  
पञ्चदश्याश्चेन्द्राबृहस्पती देवताः । (१-३, ५-२०) प्रथमादितृचस्य  
पञ्चम्यादिषोडशर्चाञ्च त्रिष्टुप्, (४) चतुर्थ्या विराट्, (२१) एकविंश्याश्च  
पुरस्ताज्ज्योतिस्त्रिष्टुप् छन्दांसि

अस्मा उषास आतिरन्त याम् मिन्द्राय नक्तमूर्म्याः सुवाचः ।  
अस्मा आपो मातरः सप्त तस्थु नृभ्यस्तराय सिन्धवः सुपाराः १  
अतिविद्धा विथुरेणा चिदस्त्रा त्रिः सप्त सानु संहिता गिरीणाम् ।  
न तद्देवो न मर्त्यस्तुतुर्या द्यानि प्रवृद्धो वृषभश्चकार २  
इन्द्रस्य वज्र आयसो निर्मिश्र इन्द्रस्य बाहोर्भूयिष्ठमोजः ।  
शीर्षन्निन्द्रस्य क्रतवो निरेक आसन्नेषन्त श्रुत्या उपाके ३  
मन्ये त्वा यज्ञियं यज्ञियानां मन्ये त्वा च्यवनमच्युतानाम् ।  
मन्ये त्वा सत्वनामिन्द्र केतुं मन्ये त्वा वृषभं चर्षणीनाम् ४  
आ यद्वज्रं बाहोरिन्द्र धत्से मदच्युतमहये हन्तवा उ ।  
प्र पर्वता अनवन्त प्र गावः प्र ब्रह्माणौ अभिनक्षन्त इन्द्रम् ५  
तमुं ष्टवाम् य इमा जजान विश्वा जातान्यवराण्यस्मात् ।  
इन्द्रेण मित्रं दिधिषेम गीर्भिरुपो नमोभिर्वृषभं विशेम ६  
वृत्रस्य त्वा श्वसथादीषमाणा विश्वे देवा अजहुर्ये सखायः ।  
मरुद्भिरिन्द्र सख्यं ते अस्त्व थेमा विश्वाः पृत्तना जयासि ७  
त्रिः षष्टिस्त्वा मरुतौ वावृधाना उस्त्रा इव राशयो यज्ञियासः ।  
उप त्वेमः कृधि नो भागधेयं शुष्मं त एना हविषा विधेम ८  
तिग्ममार्युधं मरुतामनीकं कस्त इन्द्र प्रति वज्रं दधर्ष ।  
अनायुधासो असुरा अदेवाश्चक्रेण तां अप वप ऋजीषिन् ९  
मह उग्राय तवसे सुवृक्तिं प्रेरय शिवतमाय पश्वः ।  
गिर्वाहसे गिर इन्द्राय पूर्वा धेहि तन्वै कुविदङ्ग वेदत् १०  
उक्थवाहसे विध्वै मनीषां दृणा न पारमौरया नदीनाम् ।  
नि स्पृश धिया तन्वि श्रुतस्य जुष्टतरस्य कुविदङ्ग वेदत् ११  
तद्विविद्धि यत् त इन्द्रो जुजौषत् स्तुहि सुष्टुतिं नमसा विवास ।  
उप भूष जरितर्मा रुवण्यः श्रावया वार्चं कुविदङ्ग वेदत् १२  
अव द्रप्सो अशमतीमतिष्ठ दियानः कृष्णो दशभिः सहस्रैः ।



आव॒त् तमिन्द्रः॑ श॒च्या ध॒मन्त॒ म॒पु स्नेहि॑तीर्नृ॒मणा॑ अध॒त्त १३  
 द्र॒प्सम॑प॒श्यं वि॒षुणे॑ च॒रन्त॒ मु॒प॒ह्वरे॑ न॒द्यौ अंश॑म॒त्याः ।  
 नभो॑ न कृ॒ष्णम॑वतस्थि॒वांस॒ मि॒ष्यामि॑ वो वृ॒षणो॑ यु॒ध्यता॒जौ १४  
 अ॒र्धं द्र॒प्सो अंश॑म॒त्या उ॒प॒स्थे ऽधा॑रयत् त॒न्वं ति॒त्विषा॑णः ।  
 विशो॑ अ॒दैवी॒रभ्या॑श्च॒रन्ती॑ बृ॒हस्प॑ति॒ना यु॒जेन्द्रः॑ स॒साहे १५  
 त्वं ह॒ त्यत् स॒प्तभ्यो॑ जा॒र्यमा॑नो ऽश॒त्रुभ्यो॑ अ॒भवः॑ श॒त्रुरिन्द्र॑ ।  
 गू॒ळहे॑ द्यावा॒पृथि॒वी अ॒न्ववि॑न्दो वि॒भुम॑द्भ्यो भु॒र्वने॑भ्यो र॒णं धाः॑ १६  
 त्वं ह॒ त्यद॑प्रति॒मान॑मो॒जो व॒ज्रेण॑ व॒ज्रिन् धृ॒षितो॑ ज॒घन्थ॑ ।  
 त्वं शु॒ष्णास्या॑वा॒तिरो॑ व॒धत्रै॑ स्त्वं गा इ॒न्द्र श॑च्येद॒विन्दः॑ १७  
 त्वं ह॒ त्यद्वृ॒षभ॑ च॒र्षणी॑नां घ॒नो वृ॒त्राणां॑ त॒विषो॑ ब॒भूथ॑ ।  
 त्वं सि॒न्धूरै॑सृजस्तस्त॒भानान्॑ त्वम॒पो अ॒जयो॑ दा॒सप॑त्नीः १८  
 स सु॒क्रतू॑ र॒णिता॑ यः सु॒तेष्व॑ न॒त्तम॑न्यु॒र्यो अ॒हैव॑ रे॒वान् ।  
 य ए॒क इ॒न्नर्य॑पा॒सि क॒र्ता स॑ वृ॒त्रहा॑ प्र॒तीद॑न्यमा॒हुः १९  
 स वृ॒त्रहेन्द्र॑श्च॒र्षणी॑धृत् तं सु॒ष्टुत्या॑ ह॒व्यं हु॑वेम ।  
 स प्रा॒विता॑ म॒घवा॑ नोऽधि॒वृक्ता॑ स वा॒जस्य॑ श्रव॒स्यस्य॑ दा॒ता २०  
 स वृ॒त्रहेन्द्र॑ ऋ॒भुक्षाः॑ स॒द्यो ज॑ज्ञानो ह॒व्यो ब॒भूव॑ ।  
 कृ॒णव॑न्नपा॒सि न॒र्या पु॒रूणि॑ सोमो॑ न पी॒तो ह॒व्यः स॒खिभ्यः॑ २१

(६७) सप्तनवतितमं सूक्तम्

(१-१५) पञ्चदशर्चस्यास्य सूक्तस्य काश्यपो रेभ ऋषिः । इन्द्रो देवता । (१-६)

प्रथमादिनवर्चा बृहती, (१०, १३) दशमीत्रयोदशयोरतिजगती, (११-१२)

एकादशीद्वादशयोरुपरिष्ठाद्बृहती, (१४) चतुर्दश्यास्त्रिष्टुप्, (१५) पञ्चदश्याश्च

जगती छन्दांसि

या इ॒न्द्र मु॒ज आ॒भरः॑ स्व॒र्वा अ॒सुरे॑भ्यः ।  
 स्तो॒तार॒मिन्म॑घवन्नस्य व॒र्धय॑ ये च॒ त्वे वृ॒क्तब॑र्हिषः १  
 यमिन्द्र॑ दधिषे त्व॒मश्वं॑ गां भा॒गम॑व्ययम् ।  
 यज॑माने सु॒न्वति॑ दक्षि॒णाव॑ति॒ तस्मिन्॑ तं धै॒हि मा॒ पु॒णौ २  
 य इ॒न्द्र स॒स्त्यव॑तौ ऽनु॒ष्वाप॑मदै॒वयुः॑ ।  
 स्वैः ष॑ ए॒वैर्मु॑रुत् पोष्य॑ र॒यिं स॑नुतधै॒हि तं ततः॑ ३

यच्छक्रासि परावति यदवावति वृत्रहन् ।  
 अतस्त्वा गीर्भिर्द्युगदिन्द्र केशिभिः सुतावाँ आ विवासति ४  
 यद्वासि रोचने दिवः समुद्रस्याधि विष्टपि ।  
 यत् पार्थिवे सदेने वृत्रहन्तम् यदन्तरिक्ष आ गहि ५  
 स नः सोमेषु सोमपाः सुतेषु शवसस्पते ।  
 मादयस्व राधसा सूनृतावृतेन्द्र राया परीणसा ६  
 मा न इन्द्र परा वृण ग्भवा नः सधमाद्यः ।  
 त्वं न ऊती त्वमिन्न आप्यं मा न इन्द्र परा वृणक् ७  
 अस्मे इन्द्र सचा सुते नि षदा पीतये मधु ।  
 कृधी जरित्रे मघवन्नवो मह दुस्मे इन्द्र सचा सुते ८  
 न त्वा देवास आशत न मर्त्यासो अद्रिवः ।  
 विश्वा जातानि शर्वसाभिभूरसि न त्वा देवास आशत ९  
 विश्वाः पृतना अभिभूतरं नरं सजू स्ततक्षुरिन्द्रं जजनुश्च राजसै ।  
 क्रत्वा वरिष्ठं वरं आमुरिमुतो ग्रमोजिष्ठं तवसं तरस्विनम् १०  
 समीं रेभासौ अस्वरं निन्द्रं सोमस्य पीतये ।  
 स्वर्पतिं यदी वृधे धृतवतो ह्योजसा समूतिभिः ११  
 नेमिं नमन्ति चक्षसा मेषं विप्रा अभिस्वरा ।  
 सुदीतयो वो अद्रुहो ऽपि कर्णे तरस्विनः समृक्वभिः १२  
 तमिन्द्रं जोहवीमि मघवानमुग्रं सत्रा दधानुमप्रतिष्कुतं शवांसि ।  
 मंहिष्ठो गीर्भिरा च यज्ञियो ववर्तद्राये नो विश्वा सुपथा कृणोतु वृज्जी १३  
 त्वंपुर इन्द्र चिकिदेना व्योजसा शविष्ठ शक्र नाशयध्यै ।  
 त्वद्विश्वानि भुवनानि वज्रिन् द्यावा रेजेते पृथिवी च भीषा १४  
 तन्म अतमिन्द्र शूर चित्र पात्वपो न वज्रिन् दुरिताति पर्षि भूरि ।  
 कदा न इन्द्र राय आ दशस्ये विश्वप्स्यस्य स्पृहयाय्यस्य राजन् १५

इति षष्ठाष्टके षष्ठोऽध्यायः ।

सप्तमोऽध्यायः । व० १-३६

(६८) अष्टनवतितमं सूक्तम्

(१-१२) द्वादशर्चस्यास्य सूक्तस्याङ्गिरसो नृमेध ऋषिः । इन्द्रो देवता । (१-६,

८) प्रथमादितृचद्वयस्याष्टम्या ऋचश्चोष्णिक, (७, १०-११) सप्तमीदशम्येकादशीनां  
ककुप्, (६, १२) नवमीद्वादशयोश्च पुर उष्णिक छन्दांसि  
इन्द्राय॑ सामं॒ गाय॑त॒ वि॒प्रा॒य बृ॒हते॒ बृ॒हत् । ध॒र्म॒कृ॒तै वि॒प॒श्चितै॑ प॒न॒स्य॒वै १  
त्व॒मिन्द्रा॑भि॒भूर॑सि॒ त्वं सूर्य॑मरोचयः । वि॒श्वक॑र्मा वि॒श्वदे॑वो म॒हाँ अ॑सि २  
वि॒भ्राज॑ञ्ज॒योति॑षा स्व॒र्गच्छो॑ रोच॒नं दि॒वः । दे॒वास्त॑ इन्द्र॒ स॒ख्याय॑ येमिरे  
३  
ए॒न्द्र नो॑ गधि॒ प्रि॒यः स॒त्राजि॑दगौ॒ह्यः । गि॒रिर्न॑ वि॒श्वत॑स्पृथुः प॒तिर्दि॒वः ४  
अ॒भि हि॑ स॒त्य सो॒मपा॑ उ॒भे ब॒भूथ॑ रोद॒सी । इन्द्रा॑सि॒ सु॒न्वतो॑ वृ॒धः प॒तिर्दि॒वः  
५  
त्वं हि॑ श॒श्वती॑ना॒ मिन्द्र॑ दु॒र्ता पु॒राम॑सि । ह॒न्ता द॒स्यो॒र्मनो॑र्वृ॒धः प॒तिर्दि॒वः ६  
अ॒धा ही॑न्द्र गि॒र्वण॑ उ॒प त्वा॑ का॒मान् म॒हः स॑सृ॒ज्महे॑ । उ॒दे॒व॒ यन्त॑ उ॒दभिः॑ ७  
वा॒र्ण त्वा॑ य॒व्याभि॑र्व॒धन्ति॑ शूर॒ ब्र॒ह्मा॑णि । वा॒वृ॒ध्वांसि॑ चि॒दद्रि॒वो दि॒वेदि॒वे  
८  
यु॒ञ्जन्ति॑ ह॒री इ॒षिर॑स्य॒ गाथ॑यो॒ रौ रथ॑ उ॒रुयु॑गे । इन्द्र॑वाहा॒ वचो॑युजा॒ ९  
त्वं न॑ इन्द्रा॒ भूरं॑ ओजो॒ नृ॒म॒णं श॑तक्रतो वि॒चर्ष॑णे । आ वी॒रं पृ॑त॒ना॒षह॑म् १०  
त्वं हि॑ नः पि॒ता व॑सो॒ त्वं मा॒ता श॑तक्रतो ब॒भूवि॑थ । अ॒धा ते सु॒म॒मीम॑हे ११  
त्वां शु॒ष्मिन् पु॑रुहूत वा॒जय॑न्त॒ मुप॑ ब्रुवे शतक्रतो । स नो॑ रास्व॒ सु॒वीर्य॑म्  
१२

(६६) नवनवतितमं सूक्तम्

(१-८) अष्टर्चस्यास्य सूक्तस्याङ्गिरसो नृमेध ऋषिः । इन्द्रो देवता । प्रगाथः

(विषमर्चा बृहती, समर्चा सतोबृहती) छन्दः

त्वा॒मि॒दा ह्यो॑ नरो ऽपी॒प्यन् व॒ज्रिन् भू॑र्णयः ।  
स इन्द्र॑ स्तोम॒वाह॑सा॒मिह॑ श्रु॒ध्यु॒प स्व॑स॒रमा॑ ग॒हि १  
मत्स्वा॑ सु॒शिप्र॑ हरि॒वस्त॑दी॒महे॒ त्वे आ॑ भूष॒न्ति वे॒धसः॑ ।  
तव॑ श्रवा॒स्युप॑मान्यु॒क्थ्या॑ सु॒तेष्विन्द्र॑ गि॒र्वणः॑ २  
श्राय॑न्त॒ इव॑ सूर्यं वि॒श्वेदिन्द्र॑स्य भ॒क्षत॑ ।  
वसू॑नि जा॒ते ज॑न॒मान् ओज॑सा॒ प्रति॑ भा॒गं न दी॑धिम ३  
अ॒न॒र्शरा॑तिं वसु॒दामु॑प॒ स्तुहि॑ भ॒द्रा इन्द्र॑स्य रा॒तयः॑ ।

सो अस्य कामं विधतो न रोषति मनो दानाय चोदयन् ४  
 त्वमिन्द्र प्रतूर्तिष्वभि विश्वा असि स्पृधः ।  
 अशस्तिहा जनिता विश्वतूरसि त्वं तूर्य तरुष्यतः ५  
 अनु ते शुष्मं तुरयन्तमीयतुः क्षोणी शिशं न मातरा ।  
 विश्वास्ते स्पृधः शनथयन्त मन्यवे वृत्रं यदिन्द्र तूर्वासि ६  
 इत ऊती वो अजरं प्रहेतारमप्रहितम् ।  
 आशुं जेतारं हेतारं रथीतम् मतूर्तं तुग्रयावृधम् ७  
 इष्कृत्तारमनिष्कृतं सहस्कृतं शतमूर्तिं शतक्रतुम् ।  
 समानमिन्द्रमवसे हवामहे वसवानं वसूजुवम् ८

(१००) शततमं सूक्तम्

(१-१२) द्वादशर्चस्यास्य सूक्तस्य (१-३, ६-१२) प्रथमादितृचस्य  
 षष्ठ्यादिसप्तानामृचां भार्गवो नेमः, (४-५) चतुर्थीपञ्चम्योश्चेन्द्र ऋषी । (१-७,  
 १२) प्रथमादिसप्तर्चा द्वादश्याश्चेन्द्रः, (८) अष्टम्याः सुपर्ण इन्द्रो वा, (९) नवम्या  
 वज्रो इन्द्रो वा, (१०-११) दशम्येकादश्योश्च वाग्देवताः । (१-५, १०-१२)  
 प्रथमादिपञ्चर्चा दशम्यादितृचस्य च त्रिष्टुप्, (६) षष्ठ्या जगती, (७-९)

सप्तम्यादितृचस्य चानुष्टुप् छन्दांसि

अयं ते एमि तन्वा पुरस्ता द्विष्वे देवा अभि मा यन्ति पश्चात् ।  
 यदा मह्यं दीधरो भागमिन्द्रा ऽऽदिन्मया कृणवो वीर्याणि १  
 दधामि ते मधुनो भक्षमग्रे हितस्तै भागः सुतो अस्तु सोमः ।  
 असञ्च त्वं दक्षिणतः सखा मे ऽधा वृत्राणि जङ्घनाव भूरि २  
 प्र सु स्तोमं भरत वाजयन्त इन्द्राय सत्यं यदि सत्यमस्ति ।  
 नेन्द्रो अस्तीति नेम उ त्व आहु क ई ददर्श कमभि ष्टवाम ३  
 अयमस्मि जरितः पश्य मेह विश्वा जातान्यभ्यस्मि मृहा ।  
 ऋतस्य मा प्रदिशो वर्धयन्त्यादर्शिरो भुवना दर्दरीमि ४  
 आ यन्मा वेना अरुहन्वृतस्य एकमासीनं हर्यतस्य पृष्ठे ।  
 मनश्चिन्मे हृद आ प्रत्यवोच दचिक्रदज्छिशुमन्तः सखायः ५  
 विश्वेत् ता ते सर्वनेषु प्रवाच्या या चकर्थ मघवन्निन्द्र सुन्वते ।  
 पारावतं यत् पुरुसंभृतं व स्वपावृणोः शरभाय ऋषिबन्धवे ६  
 प्र नूनं धावता पृथङ् नेह यो वो अवावरीत् ।

नि षीं वृत्रस्य मर्मणि वज्रमिन्द्रो अपीपतत् ७  
मनोजवा अयेमान आयसीमतरत् पुरम् ।  
दिवं सुपर्णो गत्वाय सोमं वज्रिण आभरत् ८  
समुद्रे अन्तः शयत उदना वज्रो अभीवृतः ।  
भरन्त्यस्मै संयतः पुरःप्रस्रवणा बलिम् ९  
यद्वाग्वदन्त्यविचेतनानि राष्ट्री देवानां निषसाद मन्द्रा ।  
चतस्र ऊर्जं दुदुहे पर्यासि क्वं स्विदस्याः परमं जगाम १०  
देवीं वाचमजनयन्त देवास्तां विश्वरूपाः पशवो वदन्ति ।  
सा नो मन्त्रेषमूर्जं दुहाना धेनुर्वागस्मानुप सुष्टुतैतु ११  
सखे विष्णो वितुरं वि क्रमस्व द्यौर्देहि लोकं वज्राय विष्कभे ।  
हनाव वृत्रं रिणचाव सिन्धू निन्द्रस्य यन्तु प्रसवे विसृष्टाः १२

(१०१) एकोत्तरशततमं सूक्तम्

(१-१६) षोडशर्चस्यास्य सूक्तस्य भार्गवो जमदग्निर्ऋषिः । (१-४, ५)

प्रथमादिचतुर्ऋचां पञ्चम्याः पादत्रयस्य च मित्रावरुणौ, (५-६)

पञ्चम्यास्तृतीयपादस्य षष्ठ्याश्चादित्याः, (७-८) सप्तम्यष्टम्योरश्विनौ, (९-१०)

नवमीदशम्योर्वायुः, (११-१२) एकादशीद्वादशयोः सूर्यः, (१३) त्रयोदश्या उषाः

सूर्यप्रभा वा, (१४) चतुर्दश्याः पवमानः, (१५-१६) पञ्चदशीषोडशयोश्च

गौर्देवताः । (१-२, ५-१२) प्रथमाद्वितीययोर्ऋचोः पञ्चम्याद्यष्टानाञ्च प्रगाथः

(विषमर्चा बृहती, समर्चा सतोबृहती), (३) तृतीयाया गायत्री, (४) चतुर्थ्याः

सतोबृहती, (१३) त्रयोदश्या बृहती,

(१४-१६) चतुर्दश्यादितृचस्य च त्रिष्टुप् छन्दांसि

ऋधंगित्था स मर्त्यः शशमे देवतातये ।

यो नूनं मित्रावरुणावभिष्टय आचक्रे हव्यदातये १

वर्षिष्ठक्षत्रा उरुचक्षसा नरा राजाना दीर्घश्रुत्तमा ।

ता बाहुता न दंसना रथर्यतः साकं सूर्यस्य रश्मिभिः २

प्र यो वा मित्रावरुणा ऽजिरो दूतो अद्रवत् ।

अयःशीर्षा मदैरघुः ३

न यः संपृच्छे न पुनर्हवीतवे न संवादाय रमते ।

तस्मान्नो अद्य समृतेरुरुष्यतं बाहुभ्यां न उरुष्यतम् ४

प्र मित्राय प्रार्यग्णे संचध्यमृतावसो ।  
 वरूथ्यं वरुणे छन्दं वचः स्तोत्रं राजसु गायत ५  
 ते हिंन्विरे अरुणं जेन्यं वस्वे कं पुत्रं तिसृणाम् ।  
 ते धामान्यमृता मर्त्यानामदब्धा अभि चक्षते ६  
 आ मे वचांस्युद्यता द्युमत्तमानि कर्त्वा ।  
 उभा यातं नासत्या सजोषसा प्रति हव्यानि वीतये ७  
 रातिं यद्वामरक्षसं हवामहे युवाभ्यां वाजिनीवसू ।  
 प्राचीं होत्रां प्रतिरन्तावितं नरा गृणाना जमदग्निना ८  
 आ नो यज्ञं दिविस्पृशं वायौ याहि सुमन्मभिः ।  
 अन्तः पवित्रं उपरि श्रीणानोऽयं शक्रो अयामि ते ९  
 वेत्यध्वर्युः पृथिभी रजिष्ठैः प्रति हव्यानि वीतये ।  
 अधा नियुत्व उभयस्य नः पिब शुचिं सोमं गवाशिरम् १०  
 बरमहाँ असि सूर्य बळादित्य महाँ असि ।  
 महस्तै सतो महिमा पनस्यते ऽद्धा दैव महाँ असि ११  
 बट् सूर्य श्रवसा महाँ असि सत्रा दैव महाँ असि ।  
 महा देवानामसुर्यः पुरोहितो विभु ज्योतिरदाभ्यम् १२  
 इयं या नीच्यर्किणी रूपा रोहिण्या कृता ।  
 चित्रेव प्रत्यदश्यायत्यं न्तर्दशसु बाहुषु १३  
 प्रजा ह तिस्रो अत्यार्यमीयु न्यं न्या अर्कमभितौ विविश्रे ।  
 बृहद्धं तस्थौ भुवनेष्वन्तः पर्वमानो हरित आ विवेश १४  
 माता रुद्राणां दुहिता वसूनां स्वसादित्यानाममृतस्य नाभिः ।  
 प्र नु वौचं चिकितुषे जनाय मा गामनागामदिति वधिष्ट १५  
 वचोविदं वाचमुदीरयन्तीं विश्वाभिर्धीभिरुपतिष्ठमानाम् ।  
 देवीं देवेभ्यः पर्येयुषीं गामा मावृक्त मर्त्यो दभ्रचैताः १६

(१०२) द्व्युत्तरशततमं सूक्तम्

(१-२२) द्वाविंशत्यृचस्यास्य सूक्तस्य भार्गवः प्रयोगो बार्हस्पत्यः पावको वाग्निर्वा,  
 सहसः सुतौ गृहपतियविष्ठौ वा तयोरन्यतरो वा ऋषिः । अग्निर्देवता ।

गायत्री छन्दः

त्वमग्ने बृहद्वयो दधासि देव दाशुषे । कविर्गृहपतिर्युवा १

स न ईळानया सह देवाँ अग्ने दुवस्युवा । चिकिद्विभानुवा वह २  
 त्वया ह स्विद्युजा वयं चोदिष्ठेन यविष्ठय । अभि ष्मो वाजसातये ३  
 और्वभृगुवच्छुचि मप्रवानुवदा हुवे । अग्निं समुद्रवाससम् ४  
 हुवे वातस्वनं कविं पर्जन्यक्रन्ध्यं सहः । अग्निं समुद्रवाससम् ५  
 आ सवं सवितुर्यथा भगस्येव भुजिं हुवे । अग्निं समुद्रवाससम् ६  
 अग्निं वो वृधन्तं मध्वराणां पुरुतमम् । अच्छा नप्त्रे सहस्वते ७  
 अयं यथा न आभुवत् त्वष्टा रूपेव तदया । अस्य क्रत्वा यशस्वतः ८  
 अयं विश्वा अभि श्रियो ऽग्निर्देवेषु पत्यते । आ वाजैरुप नो गमत् ९  
 विश्वेषामिह स्तुहि होतृणां यशस्तमम् । अग्निं यज्ञेषु पूर्व्यम् १०  
 शीरं पावकशौचिषं ज्येष्ठो यो दमेष्वा । दीदार्य दीर्घश्रुतमः ११  
 तमर्वन्तं न सानुसिं गृणीहि विप्र शष्मिणम् । मित्रं न यातयज्जनम् १२  
 उप त्वा जामयो गिरो देदिशतीर्हविष्कृतः । वायोरनीके अस्थिरन् १३  
 यस्य त्रिधात्वृतं बर्हिस्तस्थावसंदिनम् । आपश्चिन्नि दधा पदम् १४  
 पदं देवस्य मीळ्हुषो ऽनाधृष्टाभिरूतिभिः । भद्रा सूर्य इवोपदृक् १५  
 अग्ने घृतस्य धीतिभि स्तेपानो देव शोचिषा । आ देवान् वक्षि यक्षि च १६  
 तं त्वाजनन्त मातरः कविं देवासौ अङ्गिरः । हव्यवाहममर्त्यम् १७  
 प्रचेतसं त्वा कवे ऽग्ने दूतं वरैरयम् । हव्यवाहं नि षेदिरे १८  
 नहि मे अस्त्यघ्न्या न स्वधितिर्वनन्वति । अथैतादृग्भरामि ते १९  
 यदग्ने कानि कानि चि दा ते दारूणि दुध्मसि । ता जुषस्व यविष्ठय २०  
 यदत्युपजिह्विका यद्वम्रो अतिसर्पति । सर्वं तदस्तु ते घृतम् २१  
 अग्निमिन्धानो मनसा धिर्यं सचेतु मर्त्यः । अग्निमीधे विवस्वभिः २२

(१०३) त्र्युत्तरशततमं सूक्तम्

(१-१४) चतुर्दशर्चस्यास्य सूक्तस्य काणवः सोभरिर्ऋषिः । (१-१३)

प्रथमादित्रयोदशर्चामग्निः, (१४) चतुर्दश्याश्चाग्रामरुतो देवताः । (१-४, ६)  
 प्रथमादिचतुर्ऋचां षष्ठ्याश्च बृहती, (५) पञ्चम्या विराड्रूपा, (७, ९, ११, १३)  
 सप्तमीनवम्येकादशीत्रयोदशीनां सतोबृहती, (८, १२) अष्टमीद्वादश्योः ककुप्,

(१०) दशम्या हसीयसी गायत्री, (१४) चतुर्दश्याश्चानुष्टुप् छन्दांसि

अदर्शि गातुवित्तमो यस्मिन् वृतान्यादधुः ।

उपो षु जातमार्यस्य वर्धनं मुग्निं नक्षन्त नो गिरः १

प्र दैवोदासो अग्निर्देवाँ अच्छा न मुज्मना ।  
 अनु मातरं पृथिवीं वि वावृते तस्थौ नाकस्य सानवि २  
 यस्माद्रेजन्त कृष्टयं श्रुर्कृत्यानि कृण्वतः ।  
 सहस्रसां मेधसां ताविव त्मना ऽग्निं धीभिः संपर्यत ३  
 प्र यं राये निनीषसि मर्तो यस्तै वसो दाशत् ।  
 स वीरं धत्ते अग्र उक्थशंसिनं त्मना सहस्रपोषिणम् ४  
 स दृळहे चिदभि तृणति वाजमवता स धत्ते अक्षिति श्रवः ।  
 त्वे देवत्रा सदा पुरुवसो विश्वा वामानि धीमहि ५  
 यो विश्वा दयते वसु होता मन्द्रो जनानाम् ।  
 मधोर्न पात्रा प्रथमान्यस्मै प्र स्तोमा यन्त्यग्रये ६  
 अश्वं न गीर्भी रथ्यं सुदानवो मर्मज्यन्तै देवयवः ।  
 उभे तोके तनये दस्म विश्पते पर्षि राधौ मघोनाम् ७  
 प्र मंहिष्ठाय गायत अतावै बृहते शुक्रशौचिषे ।  
 उपस्तुतासो अग्रये ८  
 आ वसते मघवा वीरवद्यशः समिद्धो द्युम्रयाहुतः ।  
 कुविन्नौ अस्य सुमतिर्नवीयस्य च्छा वाजैभिरागमत् ९  
 प्रेष्ठमु प्रियाणां स्तुह्यासावातिथिम् ।  
 अग्निं रथानां यर्मम् १०  
 उदिता यो निदिता वेदिता व स्वा यज्ञियो ववर्तति ।  
 दुष्टरा यस्य प्रवृणे नोर्मयो धिया वाजं सिषासतः ११  
 मा नो हणीतामतिथिर्वसुरग्निः पुरुप्रशस्त एषः ।  
 यः सुहोता स्वध्वरः १२  
 मो ते रिषन्त्ये अच्छौक्तिभिर्वसो ऽग्ने केभिश्चिदेवैः ।  
 कीरिश्चिद्धि त्वामीदृ दूत्याय रातहव्यः स्वध्वरः १३  
 आग्ने याहि मरुत्सखा रुद्रेभिः सोमपीतये ।  
 सोभर्या उप सुष्टुतिं मादयस्व स्वर्णरे १४

इत्यष्टमं मण्डलं समाप्तम्



मन्त्रसङ्ख्या  
सप्तममण्डस्यान्तपर्यन्तं ५६७४  
अष्टममण्डलस्य वालखिल्य सहिता १७१६  
वालखिल्य रहिता १६३६ सर्वयोगः ७६६०

अथ नवमं मण्डलम् ।

प्रथमोऽनुवाकः

। सू० १-२४ ।

(१) प्रथमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । पवमानः सोमो देवता । गायत्री छन्दः

स्वादिष्ठया मदिष्ठया पर्वस्व सोम धारया । इन्द्राय पातवे सुतः १  
रक्षोहा विश्वर्चर्षणि रभि योनिमयोहतम् । द्रुणा सधस्थमार्सदत् २  
वरिवोधातमो भव मंहिष्ठो वृत्रहन्तमः । पर्षि राधौ मघोनाम् ३  
अभ्यर्ष महाना देवाना वीतिमन्धसा । अभि वार्जमुत श्रवः ४  
त्वामच्छा चरामसि तदिदर्थं दिवेदिवे । इन्द्रो त्वे न आशसः ५  
पुनाति ते परिस्तुतं सोमं सूर्यस्य दुहिता । वारैण शश्वता तना ६  
तमीमरवीः समर्य आ गृभ्णन्ति योषणो दश । स्वसारः पार्यै दिवि ७  
तमीं हिन्वन्त्यगुवो धर्मन्ति बाकुरं दृतिम् । त्रिधातु वारणं मधु ८  
अभीर्मेमघ्नया उत श्रीणन्ति धेनवः शिशुम् । सोममिन्द्राय पातवे ९  
अस्येदिन्द्रो मदेष्वा विश्वा वृत्राणि जिघ्रते । शूरो मघा च मंहते १०

(२) द्वितीयं सूक्तम्

(१-१०) दशर्चस्यास्य सूक्तस्य काणवो मेधातिथिर्ऋषिः । पवमानः सोमो देवता । गायत्री छन्दः

पर्वस्व देववीरति पवित्रं सोम रंह्या । इन्द्रमिन्द्रो वृषा विश १  
आ वच्यस्व महि प्सरो वृषेन्दो द्युम्रवन्तमः । आ योनिं धर्णसिः सन्दः २  
अधुक्षत प्रियं मधु धारा सुतस्य वैधसः । अपो वसिष्ठ सुक्रतुः ३  
महान्तं त्वा महीरन्वार्षो अर्षन्ति सिन्धवः । यद्गोभिर्वासियिष्यसै ४  
समुद्रो अप्सु मामृजे विष्टम्भो धरुणो दिवः । सोमः पवित्रै अस्मयुः ५  
अचिक्रददृषा हरिं महान् मित्रो न दर्शतः । सं सूर्येण रोचते ६  
गिरस्त इन्द्र ओजसा मर्मज्यन्तै अपस्युवः । याभिर्मदाय शुम्भसे ७  
तं त्वा मदाय घृष्वय उ लोककृत्तुमीमहे । तव प्रशस्तयो महीः ८  
अस्मभ्यमिन्द्रविन्द्रयुर्मध्वः पवस्व धारया । पर्जन्यौ वृष्टिमाँ इव ९

गोषा इ॒न्दो नृ॒षा अ॒स्य श्व॒सा वा॒जसा उ॒त । आ॒त्मा य॒ज्ञस्य॑ पू॒र्व्यः १०

(३) तृतीयं सूक्तम्

(१-१०) दशर्चस्यास्य सूक्तस्याजीगर्तिः शुनःशेषः (कृत्रिमो वैश्वामित्रो देवरातः)

ऋषिः । पवमानः सोमो देवता । गायत्री छन्दः

ए॒ष दे॒वो अ॒मर्त्यः॑ पर्ण॒वीरि॑व दी॒यति॑ । अ॒भि द्रो॑णा॒न्यास॑दम् १  
ए॒ष दे॒वो वि॒पा कृ॒तो ऽति॑ ह॒रांसि॑ धावति । प॒र्वमा॒नो अ॒दाभ्यः॑ २  
ए॒ष दे॒वो वि॒प॒न्युभिः॑ प॒र्वमा॒न ऋ॒तायु॑भिः । ह॒रिर्वा॒जाय॑ मृज्यते ३  
ए॒ष वि॒श्वानि॑ वा॒र्या शू॒रो यन्नि॑व स॒त्त्वभिः॑ । प॒र्वमा॒नः सि॒षास॑ति ४  
ए॒ष दे॒वो र॑थर्यति प॒र्वमा॒नो द॑शस्यति । आ॒विष्कृ॑णोति व॒ग्वनु॑म् ५  
ए॒ष वि॒प्रैर॒भिष्टु॑तो ऽपो दे॒वो वि॑ गा॒हते॑ । द॒ध॒द्र॒त्नानि॑ दा॒शुषे॑ ६  
ए॒ष दि॒वं वि॑ धावति ति॒रो र॒जांसि॑ धा॒रया॑ । प॒र्वमा॒नः क॒र्निक्र॑दत् ७  
ए॒ष दि॒वं व्या॑सरत् ति॒रो र॒जांस्य॑स्पृतः । प॒र्वमा॒नः स्व॒ध्वरः॑ ८  
ए॒ष प्र॒बेन॑ जन्म॒ना दे॒वो दे॒वेभ्यः॑ सु॒तः । ह॒रिः पु॒वित्रे॑ अ॒र्षति॑ ९  
ए॒ष उ॒ स्य पु॑रु॒व॒तो ज॑ज्ञा॒नो ज॒नय॑न्निषः । धा॒रया॑ पवते सु॒तः १०

(४) चतुर्थं सूक्तम्

(१-१०) दशर्चस्यास्य सूक्तस्याङ्गिरसो हिरण्यस्तूप ऋषिः । पवमानः सोमो देवता

। गायत्री छन्दः

स॒ना च॑ सोम॒ जेषि॑ च॒ प॒र्वमा॒न म॒हि श्र॑वः । अ॒था नो॑ व॒स्यस॑स्कृधि १  
स॒ना ज्यो॑तिः स॒ना स्व॑र्ष॒र्विश्वा॑ च सोम॒ सौभ॑गा । अ॒था नो॑ व॒स्यस॑स्कृधि २  
स॒ना दक्ष॑मु॒त क्र॒तु म॑पे सोम॒ मृधौ॑ जहि । अ॒था नो॑ व॒स्यस॑स्कृधि ३  
प॒र्वीता॑रः पु॒नीत॑न॒ सोम॑मिन्द्रा॒य पा॑तवे । अ॒था नो॑ व॒स्यस॑स्कृधि ४  
त्वं सू॒र्ये न॒ आ भ॑ज॒ तव॑ क्र॒त्वा तवो॑तिभिः । अ॒था नो॑ व॒स्यस॑स्कृधि ५  
तव॑ क्र॒त्वा तवो॑तिभि॒ ज्योक् प॑श्येम॒ सूर्य॑म् । अ॒था नो॑ व॒स्यस॑स्कृधि ६  
अ॒भ्यर्ष॑ स्वायु॒ध सोम॑ द्वि॒बर्ह॑सं र॒यिम् । अ॒था नो॑ व॒स्यस॑स्कृधि ७  
अ॒भ्यर्ष॑र्षानपच्युतो र॒यिं स॑मत्सु॒ सास॑हिः । अ॒था नो॑ व॒स्यस॑स्कृधि ८  
त्वां य॒ज्ञैर॑वीवृ॒धन् प॒र्वमा॒न वि॒धर्म॑णि । अ॒था नो॑ व॒स्यस॑स्कृधि ९  
र॒यिं न॑श्चि॒त्रम॑श्वि॒न मि॒न्दौ वि॒श्वायु॑मा भ॑र । अ॒था नो॑ व॒स्यस॑स्कृधि १०

## (५) पञ्चमं सूक्तम्

(१-११) एकादशर्चस्यास्य सूक्तस्य काश्यपोऽसितो देवलो वा ऋषिः । (१) प्रथमर्च इध्मः समिद्धो वाग्निः, (२) द्वितीयायास्तनूनपात्, (३) तृतीयाया इळः, (४) चतुर्थ्या बर्हिः, (५) पञ्चम्या देवीर्द्वारः, (६) षष्ठ्या उषासानक्ता, (७) सप्तम्या दैव्यौ होतारौ प्रचेतसौ, (८) अष्टम्यास्तिस्त्रो देव्यः सरस्वतीळाभारत्यः, (९) नवम्यास्त्वष्टा, (१०) दशम्या वनस्पतिः, (११) एकादश्याश्च स्वाहाकृतयो देवताः । (१-७) प्रथमादिसप्तर्चा गायत्री, (८-११)

अष्टम्यादिचतसृणाञ्चानुष्टुप् छन्दसी

समिद्धो विश्वतस्पतिः पर्वमानो वि रजति । प्रीणन् वृषा कर्निक्रदत् १  
तनूनपात् पर्वमानः शृङ्गे शिशानो अर्षति । अन्तरिक्षेण ररजत् २  
ईळैन्यः पर्वमानो रयिर्वि रजति द्युमान् । मधोर्धाराभिरोजसा ३  
बर्हिः प्राचीनमोजसा पर्वमान स्तृणन् हरिः । देवेषु देव ईयते ४  
उदातैर्जिहते बृहद् द्वारौ देवीर्हिरण्ययीः । पर्वमानेन सुष्टुताः ५  
सुशिल्पे बृहती मही पर्वमानो वृषणयति । नक्तोषासा न दर्शति ६  
उभा देवा नृचक्षसा होतारा दैव्या हुवे । पर्वमान इन्द्रो वृषा ७  
भारती पर्वमानस्य सरस्वतीळा मही ।  
इमं नो यज्ञमा गमन् तिस्रो देवीः सुपेशसः ८  
त्वष्टारमग्रजां गोपां पुरोयावानमा हुवे ।  
इन्दुरिन्द्रो वृषा हरिः पर्वमानः प्रजापतिः ९  
वनस्पतिं पर्वमान मध्वा समङ्गधि धारया ।  
सहस्रवल्शं हरितं भ्राजमानं हिरण्ययम् १०  
विश्वे देवाः स्वाहाकृतिं पर्वमानस्या गत ।  
वायुर्बृहस्पतिः सूर्योऽग्निरिन्द्रः सजोषसः ११

## (६) षष्ठं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पर्वमानः सोमो देवता । गायत्री छन्दः

मुन्द्रया सोम धारया वृषा पवस्व देवयुः । अव्यो वारैष्वस्मयुः १  
अभि त्यं मद्यं मद मिन्द्रविन्द्र इति क्षर । अभि वाजिनो अर्वतः २  
अभि त्यं पूर्व्यं मद सुवानो अर्ष पवित्र आ । अभि वाजमुत श्रवः ३

अनु द्रप्सास इन्द्रव आपो न प्रवतासरन् । पुनाना इन्द्रमाशत ४  
यमत्यमिव वाजिनं मृजन्ति योषणो दश । वने क्रीळन्तमत्यविम् ५  
तं गोभिर्वृषणं रसं मदाय देववीतये । सुतं भरायु सं सृज ६  
देवो देवाय धारयेन्द्राय पवते सुतः । पयो यदस्य पीपयत् ७  
आत्मा यज्ञस्य रंह्या सुष्वाणः पवते सुतः । प्रबं नि पाति काव्यम् ८  
एवा पुनान इन्द्रयुर्मदं मदिष्ठ वीतर्ये । गुहा चिदधिषे गिरः ९

(७) सप्तमं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

असृग्रमिन्द्रवः पथा धर्मवृत्तस्य सुश्रियः । विदाना अस्य योजनम् १  
प्र धारा मध्वो अग्रियो महीरपो वि गाहते । हविर्हविष्णु वन्द्यः २  
प्र युजो वाचो अग्रियो वृषाव चक्रद्वनै । सद्याभि सत्यो अध्वरः ३  
परि यत् काव्या कविर्नृणा वसानो अर्षति । स्वर्वाजी सिषासति ४  
पवमानो अभि स्पृधो विशो राजैव सीदति । यदीमृगवन्ति वेधसः ५  
अव्यो वारे परि प्रियो हरिर्वनैषु सीदति । रेभो वनुष्यते मृती ६  
स वायुमिन्द्रमश्विना साकं मदेन गच्छति । रणा यो अस्य धर्मभिः ७  
आ मित्रावरुणा भगं मध्वः पवन्त ऊर्मयः । विदाना अस्य शर्मभिः ८  
अस्मभ्यं रोदसी रयिं मध्वो वाजस्य सातर्ये । श्रवो वसूनि सं जितम् ९

(८) अष्टमं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

एते सोमा अभि प्रिय मिन्द्रस्य काममक्षरन् । वर्धन्तो अस्य वीर्यम् १  
पुनानासश्चमूषदो गच्छन्तो वायुमश्विना । ते नो धान्तु सुवीर्यम् २  
इन्द्रस्य सोमं राधसे पुनानो हार्दि चोदय । ऋतस्य योनिमासदम् ३  
मृजन्ति त्वा दश क्षिपौ हिन्वन्ति सप्त धीतर्यः । अनु विप्रा अमादिषुः ४  
देवेभ्यस्त्वा मदाय कं सृजानमति मेष्यः । सं गोभिर्वासयामसि ५  
पुनानः कलशेष्वा वस्त्राण्यरुषो हरिः । परि गव्यान्वव्यत ६  
मघोन् आ पवस्व नो जहि विश्वा अप द्विषः । इन्द्रो सखायमा विश ७

वृष्टिं दिवः परि स्रव द्युम्रं पृथिव्या अधि । सहो नः सोम पृत्सु धाः ८  
नृचक्षसं त्वा वयमिन्द्रपीतं स्वर्विदम् । भक्षीमहि प्रजामिषम् ९

(९) नवमं सूक्तम्

(१-९) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

परि प्रिया दिवः कविर्वयांसि नृपयौर्हितः । सुवानो याति कविक्रतुः १  
प्रप्र क्षयाय पन्यसे जनाय जुष्टौ अद्रुहै । वीत्यर्ष चर्निष्ठया २  
स सूनुर्मातरा शुचिर्जातो जाते अरोचयत् । महान् मही ऋतावृधा ३  
स सप्त धीतिभिर्हितो नृद्यौ अजिन्वदद्रुहै । या एकमक्षि वावृधुः ४  
ता अभि सन्तमस्तृतं महे युवानुमा दधुः । इन्दुमिन्द्र तव वृते ५  
अभि वह्निरमर्त्यः सप्त पश्यति वार्वहिः । क्रिविर्देवीरतर्पयत् ६  
अवा कल्पेषु नः पुम्स्तमांसि सोम योध्या । तानि पुनान जङ्घनः ७  
नू नव्यसे नवीयसे सूक्ताय साधया पथः । प्रववद्रौचया रुचः ८  
पवमान् महि श्रवो गामश्च रासि वीरवत् । सना मेधां सना स्वः ९

(१०) दशमं सूक्तम्

(१-९) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

प्र स्वानासो रथा इवाऽर्वन्तो न श्रवस्यवः । सोमासो राये अक्रमुः १  
हिन्वानासो रथा इव दधन्विरे गर्भस्त्योः । भरांसः कारिणामिव २  
राजानो न प्रशस्तिभिः सोमासो गोभिरञ्जते । यज्ञो न सप्त धातृभिः ३  
परि सुवानास इन्दवो मदाय बर्हणा गिरा । सुता अर्षन्ति धारया ४  
आपानासो विवस्वतो जनन्त उषसो भगम् । सूर्यो अणवं वि तन्वते ५  
अप द्वारा मतीनां प्रता ऋणवन्ति कारवः । वृष्णो हरस आयवः ६  
समीचीनास आसते होतारः सप्तजामयः । पुदमेकस्य पिप्रतः ७  
नाभा नाभि न आ ददे चक्षुश्चित् सूर्ये सचा । कवेरपत्यमा दुहे ८  
अभि प्रिया दिवस्पद मध्वर्युभिर्गुहा हितम् । सूरः पश्यति चक्षसा ९

(११) एकादशं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

उपास्मै गायता नरः पवमानायेन्दवे । अभि देवाँ इयक्षते १  
अभि ते मधुना पयो ऽथर्वाणो अशिश्रयुः । देवं देवाय देवयु २  
स नः पवस्व शं गवे शं जनायु शमवते । शं राजन्नोषधीभ्यः ३  
बभ्रवे नु स्वतवसे ऽरुणाय दिविस्पृशे । सोमाय गाथमर्चत ४  
हस्तच्युतेभिरद्रिभिः सुतं सोमं पुनीतन । मधावा धावता मधु ५  
नमसेदुपं सीदत दध्रेदभि श्रीणीतन । इन्दुमिन्द्रै दधातन ६  
अमित्रहा विचर्षणिः पवस्व सोम शं गवे । देवेभ्यो अनुकामकृत् ७  
इन्द्राय सोम पातवे मदायु परि षिच्यसे । मनुश्चिन्मनसस्पतिः ८  
पवमान सुवीर्यं रयिं सोम रिरीहि नः । इन्दुविन्द्रैण नो युजा ९

(१२) द्वादशं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

सोमा असृगमिन्दवः सुता ऋतस्य सादने । इन्द्राय मधुमत्तमाः १  
अभि विप्रा अनूषत गावो वत्सं न मातरः । इन्द्रं सोमस्य पीतये २  
मदच्युत् क्षेति सादने सिन्धौरूर्मा विपश्चित् । सोमो गौरी अधि श्रितः ३  
दिवो नाभा विचक्ष्णो ऽव्यो वारै महीयते । सोमो यः सुक्रतुः कविः ४  
यः सोमः कलशेष्वाँ अन्तः पवित्र आहितः । तमिन्दुः परि षस्वजे ५  
प्र वाचमिन्दुरिष्यति समुद्रस्याधि विष्टपि । जिन्वन् कोशं मधुश्रुतम् ६  
नित्यंस्तोत्रो वनस्पतिर्धीनामन्तः सबर्दुर्धः । हिन्वानो मानुषा युगा ७  
अभि प्रिया दिवस्पदा सोमो हिन्वानो अर्षति । विप्रस्य धारया कविः ८  
आ पवमान धारय रयिं सहस्रवर्चसम् । अस्मे इन्दो स्वाभुवम् ९

अष्टमोऽध्यायः

। व० १।३३ ।

(१३) त्रयोदशं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

सोमः पुनानो अर्षति सहस्रधारो अत्यविः । वायोरिन्द्रस्य निष्कृतम् १  
 पवमानमवस्यवो विप्रमभि प्र गायत । सुष्वाणं देववीतये २  
 पवन्ते वाजसातये सोमाः सहस्रपाजसः । गृणाना देववीतये ३  
 उत नो वाजसातये पवस्व बृहतीरिषः । द्युमदिन्दो सुवीर्यम् ४  
 ते नः सहस्रिणं रयिं पवन्तामा सुवीर्यम् । सुवाना देवास इन्द्रवः ५  
 अत्या हियाना न हेतृभि रसृगं वाजसातये । वि वारमव्यमाशवः ६  
 वाश्वा अर्षन्तीन्दवो ऽभि वत्सं न धेनवः । दधन्विरे गर्भस्त्योः ७  
 जुष्ट इन्द्राय मत्सरः पवमान कनिक्रदत् । विश्वा अप द्विषो जहि ८  
 अपघ्नन्तो अराव्णः पवमानाः स्वर्दृशः । योनावृतस्य सीदत ९

(१४) चतुर्दशं सूक्तम्

(१-८) अष्टर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
 देवता । गायत्री छन्दः

परि प्रासिष्यदत् कविः सिन्धोरूमावधि श्रितः । कारं बिभ्रत् पुरुस्पृहम् १  
 गिरा यदी सबन्धवः पञ्च व्राता अपस्यवः । परिष्कृणवन्ति धर्णसिम् २  
 आदस्य शष्मिणो रसे विश्वे देवा अमत्सत । यदी गोभिर्वसायते ३  
 निरिणानो वि धावति जहृच्छयाणि तान्वा । अत्रा सं जिघ्रते युजा ४  
 नृप्तीभिर्यो विवस्वतः शश्रो न मामृजे युवा । गाः कृणवानो न निर्णिजम् ५  
 अति श्रिती तिरश्चता गुव्या जिगात्यणव्या । वृमुर्मियर्ति यं विदे ६  
 अभि क्षिपः समगमत मर्जयन्तीरिषस्पतिम् । पृष्ठा गृणत वाजिनः ७  
 परि दिव्यानि मर्मशद् विश्वानि सोम पार्थिवा । वसूनि याह्यस्मयुः ८

(१५) पञ्चदशं सूक्तम्

(१-८) अष्टर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
 देवता । गायत्री छन्दः

एष धिया यात्यणव्या शूरो रथैभिराशुभिः । गच्छन्निन्द्रस्य निष्कृतम् १  
 एष पुरु धियायते बृहते देवतातये । यत्रामृतास आसते २  
 एष हितो वि नीयते ऽन्तः शभ्रावता पथा । यदी तुञ्जन्ति भूर्णयः ३  
 एष शृङ्गाणि दोधुव च्छिर्षीते यूथ्योर्ष वृषा । नृम्णा दधान ओजसा ४



एष रुक्मिभिरीयते वाजी शुभ्रेभिरंशुभिः । पतिः सिन्धूनां भवन् ५  
एष वसूनि पिबन्ना परुषा ययिवाँ अति । अव शादैषु गच्छति ६  
एतं मृजन्ति मर्ज्य मुप द्रोणैष्वायवः । प्रचक्राणं महीरिषः ७  
एतमु त्यं दश क्षिपौ मृजन्ति सप्त धीतर्यः । स्वायुधं मुदिन्तमम् ८

(१६) षोडशं सूक्तम्

(१-८) अष्टर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

प्र ते सोतारं ओणयोऽं रसं मदायु घृष्वये । सर्गो न तृक्त्येतशः १  
क्रत्वा दक्षस्य रथ्यं मुपो वसानमन्धसा । गोषामणवेषु सश्विम २  
अनप्तमप्सु दुष्टं सोमं पवित्र आ सृज । पुनीहीन्द्राय पातवे ३  
प्र पुनानस्य चेतसा सोमः पवित्रे अर्षति । क्रत्वा सधस्थमासदत् ४  
प्र त्वा नमोभिरिन्दव इन्द्र सोमा असृक्षत । महे भराय कारिणः ५  
पुनानो रूपे अव्यये विश्वा अर्षन्नभि श्रियः । शूरो न गोषु तिष्ठति ६  
दिवो न सानु पिप्युषी धारा सुतस्य वेधसः । वृथा पवित्रे अर्षति ७  
त्वं सोम विपश्चितं तना पुनान आयुषु । अव्यो वारं वि धावसि ८

(१७) सप्तदशं सूक्तम्

(१-८) अष्टर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

प्र निम्नेनैव सिन्धवो घन्तौ वृत्राणि भूरण्यः । सोमा असृग्रमाशवः १  
अभि सुवानास इन्दवो वृष्टयः पृथिवीमिव । इन्द्रं सोमासो अक्षरन् २  
अत्यूर्मिर्मत्सरो मदः सोमः पवित्रे अर्षति । विघ्नन् रक्षांसि देवयुः ३  
आ कलशेषु धावति पवित्रे परि पिच्यते । उक्थैर्यज्ञेषु वर्धते ४  
अति त्री सोम रोचना रोहन् न भ्राजसे दिवम् । इष्णन् त्सूर्यं न चौदयः ५  
अभि विप्रा अनूषत मूर्धन् यज्ञस्य कारवः । दधानाश्चक्षसि प्रियम् ६  
तमु त्वा वाजिनं नरो धीभिर्विप्रा अवस्यवः । मृजन्ति देवतातये ७  
मधोर्धारामनु क्षर तीव्रः सधस्थमासदः । चारुर्ऋताय पीतये ८

(१८) अष्टादशं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

परि सुवानो गिरिष्ठाः पवित्रे सोमौ अक्षाः । मदैषु सर्वधा असि १  
त्वं विप्रस्त्वं कविर्मधु प्र जातमन्धसः । मदैषु सर्वधा असि २  
तव विश्वे सजोषसो देवासः पीतिमाशत । मदैषु सर्वधा असि ३  
आ यो विश्वानि वार्या वसूनि हस्तयोर्दधे । मदैषु सर्वधा असि ४  
य इमे रोदसी मही सं मातरैव दोहते । मदैषु सर्वधा असि ५  
परि यो रोदसी उभे सद्यो वाजैर्भिरर्षति । मदैषु सर्वधा असि ६  
स शुष्मी कलशेष्वा पुनानो अचिक्रदत् । मदैषु सर्वधा असि ७

(१६) एकोनविंशं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

यत् सोम चित्रमुक्थ्यं दिव्यं पार्थिवं वसु । तन्नः पुनान आ भर १  
युवं हि स्थः स्वर्पती इन्द्रश्च सोम गोपती । ईशाना पिप्यतुं धियः २  
वृषा पुनान आयुषु स्तनयन्नधि बर्हिषि । हरिः सन् योनिमासदत् ३  
अवावशन्त धीतयौ वृषभस्याधि रेतसि । सूनोर्वत्सस्य मातरः ४  
कुविद्वृषयन्तीभ्यः पुनानो गर्भमादधत् । याः शक्रं दुहते पयः ५  
उप शिन्नापतस्थुषौ भियसमा धैहि शत्रुषु । पवमान विदा रयिम् ६  
नि शत्रोः सोम वृष्यं नि शुष्मं नि वयस्तिर । दूरे वा सतो अन्ति वा ७

(२०) विंशं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

प्र कविर्देववीतये ऽव्यो वारैर्भिरर्षति । साह्वान् विश्वा अभि स्पृधः १  
स हि ष्मा जरितृभ्य आ वाजं गोमन्तमिन्वति । पवमानः सहस्त्रिणम् २  
परि विश्वानि चेतसा मृशसे पर्वसे मृती । स नः सोम श्रवो विदः ३  
अभ्यर्ष बृहद्यशौ मघवद्भ्यो ध्रुवं रयिम् । इषं स्तोतृभ्य आ भर ४  
त्वं राजैव सुव्रतो गिरः सोमा विवेशिथ । पुनानो वहे अद्भुत ५  
स वह्निरप्सु दुष्टरौ मृज्यमानो गर्भस्त्योः । सोमश्चमूषु सीदति ६

क्रीळुर्मखो न मंहयुः पवित्रं सोम गच्छसि । दधत् स्तोत्रे सुवीर्यम् ७

(२१) एकविंशं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो देवता । गायत्री छन्दः

एते धावन्तीन्दवः सोमा इन्द्राय घृष्वयः । मत्सरासः स्वर्विदः १  
प्रवृण्वन्तो अभियुजः सुष्वये वरिवोविदः । स्वयं स्तोत्रे वयस्कृतः २  
वृथा क्रीळन्त इन्दवः सधस्थमभ्येकमिह । सिन्धौरुर्मा व्यक्षरन् ३  
एते विश्वानि वार्या पर्वमानास आशत । हिता न सप्तयो रथे ४  
आस्मिन् पिशङ्गमिन्दवो दधाता वेनमादिशे । यो अस्मभ्यमरावा ५  
ऋभुर्न रथ्यं नवं दधाता केतमादिशे । शुक्राः पवध्वमर्णसा ६  
एत उ त्वे अवीवशन् काष्ठा वाजिनौ अक्रत । सतः प्रासाविषुर्मतिम् ७

(२२) द्वाविंशं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो देवता । गायत्री छन्दः

एते सोमास आशवो रथा इव प्र वाजिनः । सर्गाः सृष्टा अहेषत १  
एते वाता इवोरवः पर्जन्यस्येव वृष्टयः । अग्नेरिव भ्रमा वृथा २  
एते पूता विपश्चितः सोमासो दध्याशिरः । विपा व्यानशर्धियः ३  
एते मृष्टा अमर्त्याः ससृवांसो न शश्रमुः । इयक्षन्तः पृथो रजः ४  
एते पृष्ठानि रोदसो विप्रयन्तो व्यानशुः । उतेदमुत्तमं रजः ५  
तन्तुं तन्वानमुत्तममनुं प्रवत आशत । उतेदमुत्तमाय्यम् ६  
त्वं सोम पणिभ्य आ वसु गव्यानि धारयः । तत् तन्तुमचिक्रदः ७

(२३) त्रयोविंशं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो देवता । गायत्री छन्दः

सोमा असृग्रमाशवो मधोर्मदस्य धारया । अभि विश्वानि काव्या १  
अनुं प्रतास आयवः पदं नवीयो अक्रमुः । रुचे जनन्त सूर्यम् २

आ पवमान नो भराऽर्यो अदाशुषो गर्यम् । कृधि प्रजावतीरिषः ३  
 अभि सोमास आयवः पवन्ते मद्यं मदम् । अभि कोशं मधुश्चुतम् ४  
 सोमो अर्षति धर्णसि र्दधान इन्द्रियं रसम् । सुवीरो अभिशस्तिपाः ५  
 इन्द्राय सोम पवसे देवेभ्यः सधमाद्यः । इन्द्रो वार्जं सिषाससि ६  
 अस्य पीत्वा मदाना मिन्द्रो वृत्रायप्रति । जघान जघनञ्च नु ७

(२४) चतुर्विंशं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
 देवता । गायत्री छन्दः

प्र सोमासो अधन्विषुः पवमानास इन्द्रवः । श्रीणाना अप्सु मृञ्जत १  
 अभि गावो अधन्विषु रापो न प्रवता यतीः । पुनाना इन्द्रमाशत २  
 प्र पवमान धन्वसि सोमेन्द्राय पार्वे । नृभिर्यतो वि नीयसे ३  
 त्वं सोम नृमादनुः पवस्व चर्षणीसहे । सस्त्रियो अनुमाद्यः ४  
 इन्द्रो यदद्रिभिः सुतः पवित्रं परिधावसि । अरमिन्द्रस्य धाम्ने ५  
 पवस्व वृत्रहन्तमो कथेभिरनुमाद्यः । शुचिः पावको अद्भुतः ६  
 शुचिः पावक उच्यते सोमः सुतस्य मध्वः । देवावीरघशंसहा ७  
 द्वितीयोऽनुवाकः

। सू० २५-६० ।

(२५) पञ्चविंशं सूक्तम्

(१-६) षडृचस्यास्य सूक्तस्यागस्त्यो दृव्हहच्युत ऋषिः । पवमानः सोमो देवता ।  
 गायत्री छन्दः

पवस्व दक्षसाधनो देवेभ्यः पीतये हरे । मरुद्भ्यो वायवे मदः १  
 पवमान धिया हितोऽभि योनिं कनिक्रदत् । धर्मणा वायुमा विंश २  
 सं देवैः शोभते वृषा कविर्योनावधि प्रियः । वृत्रहा देववीर्यमः ३  
 विश्वा रूपाण्याविशन् पुनानो याति हर्यतः । यत्रामृतास आसते ४  
 अरुषो जनयन् गिरः सोमः पवत आयुषक् । इन्द्रं गच्छन् कविक्रतुः ५  
 आ पवस्व मदिन्तम पवित्रं धारया कवे । अर्कस्य योनिमासदम् ६

(२६) षड्विंशं सूक्तम्

(१-६) षडृचस्यास्य सूक्तस्य दाळ्हच्युत इध्मवाह ऋषिः । पवमानः सोमो देवता  
। गायत्री छन्दः

तर्ममृक्षन्त वाजिनं मुपस्थे अर्दितेरधि । विप्र्रासो अशव्या धिया १  
तं गावो अभ्यनूषत सहस्रधारमक्षितम् । इन्दुं धर्तारमा दिवः २  
तं वेधां मेधयाह्यन् पर्वमानमधि द्यवि । धर्णसिं भूरिधायसम् ३  
तर्मह्यन् भुरिजौर्धिया संवसानं विवस्वतः । पतिं वाचो अदाभ्यम् ४  
तं सानावधि जामयो हरिं हिन्वन्त्यद्रिभिः । हर्यतं भूरिचक्षसम् ५  
तं त्वा हिन्वन्ति वेधसः पर्वमान गिरावृधम् । इन्दुविन्द्राय मत्सरम् ६

(२७) सप्तविंशं सूक्तम्

(१-६) षडृचस्यास्य सूक्तस्याङ्गिरसो नृमेध ऋषिः । पवमानः सोमो देवता ।  
गायत्री छन्दः

एष क्विरभिष्टुतः पवित्रे अधि तोशते । पुनानो घ्नन्नप स्त्रिधः १  
एष इन्द्राय वायवे स्वर्जित् परि षिच्यते । पवित्रे दक्षसाधनः २  
एष नृभिर्वि नीयते दिवो मूर्धा वृषा सुतः । सोमो वनेषु विश्ववित् ३  
एष गव्युरचिक्रदत् पर्वमानो हिरण्ययुः । इन्दुः सत्राजिदस्तृतः ४  
एष सूर्येण हासते पर्वमानो अधि द्यवि । पवित्रे मत्सरो मदः ५  
एष शुष्यसिष्यद दन्तरिक्षे वृषा हरिः । पुनान इन्दुरिन्द्रमा ६

(२८) अष्टाविंशं सूक्तम्

(१-६) षडृचस्यास्य सूक्तस्याङ्गिरसः प्रियमेध ऋषिः । पवमानः सोमो देवता ।  
गायत्री छन्दः

एष वाजी हितो नृभिर्विश्वविन्मनसस्पतिः । अव्यो वारं वि धावति १  
एष पवित्रे अक्षरत् सोमो देवेभ्यः सुतः । विश्वा धामान्याविशन् २  
एष देवः शुभायते ऽधि योनावमर्त्यः । वृत्रहा देववीतमः ३  
एष वृषा कर्निक्रद दशभिर्जामिभिर्युतः । अभि द्रोणानि धावति ४  
एष सूर्यमरोचयत् पर्वमानो विचर्षणिः । विश्वा धामानि विश्ववित् ५  
एष शुष्यदाभ्यः सोमः पुनानो अर्षति । देवावीरघशंसहा ६

(२९) एकोनत्रिंशं सूक्तम्

(१-६) षडृचस्यास्य सूक्तस्याङ्गिरसो नृमेध ऋषिः । पवमानः सोमो देवता ।

गायत्री छन्दः

प्रास्य धारां अक्षरन् वृष्णः सुतस्यौजसा । देवाँ अनु प्रभूषतः १  
 सप्ति मृजन्ति वेधसौ गृणन्तः कारवौ गिरा । ज्योतिर्जज्ञानमुक्थ्यम् २  
 सुषहा सोम तानि ते पुनानाय प्रभूवसो । वर्धा समुद्रमुक्थ्यम् ३  
 विश्वा वसूनि संजयन् पर्वस्व सोम धारया । इनु द्वेषासि सध्र्यक ४  
 रक्षा सु नो अररुषः स्वनात् समस्य कस्य चित् । निदो यत्र मुमुच्यहे ५  
 एन्दो पार्थिवं रयिं दिव्यं पवस्व धारया । द्युमन्तं शुष्ममा भर ६

(३०) त्रिंशं सूक्तम्

(१-६) षड्चस्यास्य सूक्तस्याङ्गिरसो बिन्दुर्ऋषिः । पवमानः सोमो देवता ।

गायत्री छन्दः

प्र धारां अस्य शष्मिणो वृथा पवित्रे अक्षरन् । पुनानो वाचमिष्यति १  
 इन्दुर्हियानः सोतृभिर्मृज्यमानः कनिक्रदत् । इयति वृग्मुमिन्द्रियम् २  
 आ नः शुष्मं नृषाह्यं वीरवन्तं पुरुस्पृहम् । पर्वस्व सोम धारया ३  
 प्र सोमो अति धारया पवमानो असिष्यदत् । अभि द्रोणान्यासदम् ४  
 अप्सु त्वा मधुमत्तमं हरिं हिन्वन्त्यद्रिभिः । इन्दुविन्द्राय पीतये ५  
 सुनोता मधुमत्तमं सोममिन्द्राय वज्रिणै । चारुं शर्धाय मत्सरम् ६

(३१) एकत्रिंशं सूक्तम्

(१-६) षड्चस्यास्य सूक्तस्य राहूगणो गोतम ऋषिः । पवमानः सोमो देवता ।

गायत्री छन्दः

प्र सोमासः स्वाध्यः पवमानासो अक्रमुः । रयिं कृणवन्ति चेतनम् १  
 दिवस्पृथिव्या अधि भवेन्दो द्युम्वर्धनः । भवा वाजानां पतिः २  
 तुभ्यं वार्ता अभिप्रियं स्तुभ्यमर्षन्ति सिन्धवः । सोम वर्धन्ति ते महः ३  
 आ प्यायस्व समेतु ते विश्वतः सोम वृष्यम् । भवा वाजस्य संगुथे ४  
 तुभ्यं गावौ घृतं पयो बभ्रौ दुदुहे अक्षितम् । वर्षिष्ठे अधि सानवि ५  
 स्वायुधस्य ते सतो भुवनस्य पते वयम् । इन्दो सखित्वमुश्मसि ६

(३२) द्वात्रिंशं सूक्तम्

(१-६) षड्चस्यास्य सूक्तस्यात्रेयः श्यावाश्व ऋषिः । पवमानः सोमो देवता ।

गायत्री छन्दः

प्र सोमांसो मदच्युतः श्रवसे नो मधोनः । सुता विदथे अक्रमुः १  
आदीं त्रितस्य योषणो हरिं हिन्वन्त्यद्रिभिः । इन्दुमिन्द्राय पीतयै २  
आदीं हंसो यथा गुणं विश्वस्यावीवशन्मतिम् । अत्यो न गोभिरज्यते ३  
उभे सौमावचाकशन् मृगो न तक्तो अर्षसि । सीदन्नृतस्य योनिमा ४  
अभि गावो अनूषत योषा जारमिव प्रियम् । अगन्नाजिं यथा हितम् ५  
अस्मे धैहि द्युमद्यशौ मधवद्व्यश्च मह्यं च । सनिं मेधामुत श्रवः ६

(३३) त्रयस्त्रिंशं सूक्तम्

(१-६) षडृचस्यास्य सूक्तस्याप्तयस्त्रित ऋषिः । पवमानः सोमो देवता । गायत्री  
छन्दः

प्र सोमांसो विपश्चितो ऽपां न यन्त्यूर्मयः । वनानि महिषा इव १  
अभि द्रोणानि बभ्रवः शक्रा ऋतस्य धारया । वाजं गोमन्तमक्षरन् २  
सुता इन्द्राय वायवे वरुणाय मरुद्भ्यः । सोमा अर्षन्ति विष्णावे ३  
तिस्रो वाच उदीरते गावो मिमन्ति धेनवः । हरिरिति कनिक्रदत् ४  
अभि ब्रह्मीरनूषत युहीर्ऋतस्य मातरः । मर्मृज्यन्ते दिवः शिशुम् ५  
रायः समुद्रांश्चतुरो ऽस्मभ्यं सोम विश्वतः । आ पवस्व सहस्त्रिणः ६

(३४) चतुस्त्रिंशं सूक्तम्

(१-६) षडृचस्यास्य सूक्तस्याप्तयस्त्रित ऋषिः । पवमानः सोमो देवता । गायत्री  
छन्दः

प्र सुवानो धारया तने न्दुर्हिन्वानो अर्षति । रुजद्वृळहा व्योर्जसा १  
सुत इन्द्राय वायवे वरुणाय मरुद्भ्यः । सोमो अर्षति विष्णावे २  
वृषाणं वृषभिर्यतं सुन्वन्ति सोममद्रिभिः । दुहन्ति शक्मना पर्यः ३  
भुवत् त्रितस्य मज्यो भुवदिन्द्राय मत्सरः । सं रूपैरज्यते हरिः ४  
अभीमृतस्य विष्टपं दुहते पृश्निमातरः । चारु प्रियतमं हविः ५  
समैनुमहुता इमा गिरौ अर्षन्ति सस्तुतः । धेनूर्वाश्रो अवीवशत् ६

(३५) पञ्चत्रिंशं सूक्तम्

(१-६) षडृचस्यास्य सूक्तस्याङ्गिरसः प्रभूवसुर्ऋषिः । पवमानः सोमो देवता ।  
गायत्री छन्दः

आ नः पवस्व धारया पवमान रयिं पृथुम् । यया ज्योतिर्विदासि नः १  
 इन्दो समुद्रमीद्वय पवस्व विश्वमेजय । रायो धर्ता न ओजसा २  
 त्वया वीरेण वीरवो ऽभि ष्याम पृतन्यतः । क्षरा णो अभि वार्यम् ३  
 प्र वाजमिन्दुरिष्यति सिषासन् वाजसा ऋषिः । वृता विदान आयुधा ४  
 तं गीर्भिर्वाचमीद्वयं पुनानं वासयामसि । सोमं जनस्य गोपतिम् ५  
 विश्वो यस्य वृते जनो दाधार धर्मणस्पतैः । पुनानस्य प्रभूवसोः ६

(३६) षट्त्रिंशं सूक्तम्

(१-६) षडृचस्यास्य सूक्तस्याङ्गिरसः प्रभूवसुर्ऋषिः । पवमानः सोमो देवता ।  
 गायत्री छन्दः

असर्जि रथ्यो यथा पुवित्रे चम्बोः सुतः । कार्ष्मन् वाजी न्यक्रमीत् १  
 स वह्निः सोम जागृविः पवस्व देववीरति । अभि कोशं मधुश्चुतम् २  
 स नो ज्योतीषि पूर्य पवमान वि रौचय । क्रत्वे दक्षाय नो हिनु ३  
 शुम्भमान ऋतायुभिर्मुज्यमानो गर्भस्त्योः । पवते वारै अव्ययै ४  
 स विश्वा दाशुषे वसु सोमो दिव्यानि पार्थिवा । पवतामान्तरिक्ष्या ५  
 आ दिवस्पृष्टमश्वयु गव्ययुः सोम रोहसि । वीरयुः शवसस्पते ६

(३७) सप्तत्रिंशं सूक्तम्

(१-६) षडृचस्यास्य सूक्तस्याङ्गिरसो रहूगण ऋषिः । पवमानः सोमो देवता ।  
 गायत्री छन्दः

स सुतः पीतये वृषा सोमः पुवित्रे अर्षति । विघ्नन् रक्षांसि देवयुः १  
 स पुवित्रे विचक्ष्णो हरिरर्षति धर्णसिः । अभि योनिं कर्निक्रदत् २  
 स वाजी रौचना दिवः पवमानो वि धावति । रुक्षोहा वारमव्ययम् ३  
 स त्रितस्याधि सानवि पवमानो अरोचयत् । जामिभिः सूर्य सह ४  
 स वृत्रहा वृषा सुतो वरिवोविददाभ्यः । सोमो वाजमिवासरत् ५  
 स देवः क्विनैषितोर्ऽभि द्रोणानि धावति । इन्दुरिन्द्राय मंहना ६

(३८) अष्टात्रिंशं सूक्तम्

(१-६) षडृचस्यास्य सूक्तस्याङ्गिरसो रहूगण ऋषिः । पवमानः सोमो देवता ।  
 गायत्री छन्दः



ए॒ष उ॒ स्य वृ॒षा रथो ऽव्यो॒ वारै॑भिरर्षति । गच्छन् वाजं सहस्रिणम् १  
 ए॒तं त्रि॒तस्य॑ योष॑णो हरिं हि॒न्वन्त्य॑द्रिभिः । इ॒न्दुमि॒न्द्राय॑ पी॒तयै॑ २  
 ए॒तं त्यं ह॒रितो॑ द॒शं म॑र्मृज्यन्तै॑ अप॒स्युर्वः॑ । या॒भिर्म॑दाय॒ शुम्भ॑ते ३  
 ए॒ष स्य॑ मा॒नुषी॑ष्वा श्ये॒नो न वि॒क्षु सी॑दति । गच्छ॑ञ्जारो न योषितम् ४  
 ए॒ष स्य॑ म॒द्यो र॒सो ऽर्व॑ चष्टे दि॒वः शि॑शुः । य इ॒न्दुर्वार॑मावि॒शत् ५  
 ए॒ष स्य॑ पी॒तयै॑ सु॒तो ह॒रिर्ष॑ति ध॒र्णसिः॑ । क्र॒न्दन् यो॒निम॑भि प्रि॒यम् ६

(३६) एकोनचत्वारिंशं सूक्तम्

(१-६) षडृचस्यास्य सूक्तस्याङ्गिरसो बृहन्मतिर्ऋषिः । पवमानः सोमो देवता ।

गायत्री छन्दः

आ॒शु॒र्षं बृ॒हन्म॑ते परि॑ प्रि॒येण॑ धाम्ना । यत्र॑ दे॒वा इति॑ ब्र॒वन् १  
 प॒रिष्कृ॑णवन्ननिष्कृतं जना॑य या॒तय॑न्निषः । वृ॒ष्टिं दि॒वः परि॑ स्र॒व २  
 सु॒त ए॒ति प॒वित्र॑ आ त्विषिं॑ द॒धान॑ ओज॑सा । वि॒चक्ष॑णो वि॒रोच॑र्यन् ३  
 अ॒यं स यो दि॒वस्प॑रि रघु॒यामा॑ प॒वित्र॑ आ । सि॒न्धौरू॑र्मा व्य॒क्षर॑त् ४  
 आ॒विवा॑सन् प॒राव॑तो अ॒थौ अ॒र्वाव॑तः सु॒तः । इ॒न्द्राय॑ सि॒च्यते॑ म॒धु ५  
 स॒मीची॑ना अ॒नूष॑त॒ हरिं॑ हि॒न्वन्त्य॑द्रिभिः । यो॒नावृ॑तस्य॑ सी॒दत ६

(४०) चत्वारिंशं सूक्तम्

(१-६) षडृचस्यास्य सूक्तस्याङ्गिरसो बृहन्मतिर्ऋषिः । पवमानः सोमो देवता ।

गायत्री छन्दः

पु॒ना॒नो अ॒क्रमी॑द॒भि वि॒श्वा मृ॒धो वि॒चर्ष॑णिः । श॒म्भन्ति॑ वि॒प्रं धी॑तिभिः १  
 आ यो॒निम॑रु॒णो रु॒ह द॑म॒दिन्द्रं॑ वृ॒षा सु॒तः । ध्रु॒र्वे स॑द॒सि सी॑दति २  
 नू नो॑ र॒यिं म॒हामि॑न्दो ऽस्म॒भ्यं सोम॑ वि॒श्वतः॑ । आ प॑वस्व सहस्रिणम् ३  
 वि॒श्वा सोम॑ पवमान॒ द्युम॑नानी॒न्दवा॑ भ॒र । वि॒दाः स॑हस्रिणी॒रिषः॑ ४  
 स नः॑ पु॒नान॑ आ भ॒र र॒यिं स्तो॑त्रे सु॒वीर्य॑म् । ज॒रितु॑र्व॒र्धया॑ गि॒रः ५  
 पु॒नान॑ ई॒न्दवा॑ भ॒र सोम॑ द्वि॒बर्ह॑सं र॒यिम् । वृ॒षन्नि॑न्दो न उ॒क्थ्य॑म् ६

(४१) एकचत्वारिंशं सूक्तम्

(१-६) षडृचस्यास्य सूक्तस्य काण्वो मेध्यातिथिर्ऋषिः । पवमानः सोमो देवता ।

गायत्री छन्दः

प्र ये गावो न भूर्णयस्त्वेषा अयासो अक्रमुः । घन्तः कृष्णामपु त्वचम् १  
 सुवितस्य मनामहे ऽति सेतुं दुराव्यम् । साहांसो दस्युमव्रतम् २  
 शृगवे वृष्टेरिव स्वनः पवमानस्य शष्मिणः । चरन्ति विद्युतौ दिवि ३  
 आ पवस्व महीमिषं गोमदिन्दो हिरण्यवत् । अश्वावद्वार्जवत् सुतः ४  
 स पवस्व विचर्षण आ मही रोदसी पृण । उषाः सूर्यो न रश्मिभिः ५  
 परि णः शर्मयन्त्या धारया सोम विश्वतः । सरो रसेव विष्टपम् ६

(४२) द्विचत्वारिंशं सूक्तम्

(१-६) षडृचस्यास्य सूक्तस्य कारवो मेध्यातिथिर्ऋषिः । पवमानः सोमो देवता ।

गायत्री छन्दः

जनयन् रोचना दिवो जनयन्नप्सु सूर्यम् । वसानो गा अपो हरिः १  
 एष प्रत्नेन मन्मना देवो देवेभ्यस्परि । धारया पवते सुतः २  
 वावृधानाय तूर्वये पवन्ते वार्जसातये । सोमाः सहस्रपाजसः ३  
 दुहानः प्रत्नमित् पयः पवित्रे परि षिच्यते । क्रन्दन् देवाँ अजीजनत् ४  
 अभि विश्वानि वार्या ऽभि देवाँ ऋतावृधः । सोमः पुनानो अर्षति ५  
 गोमन्नः सोम वीरव दश्वावद्वार्जवत् सुतः । पवस्व बृहतीरिषः ६

(४३) त्रिचत्वारिंशं सूक्तम्

(१-६) षडृचस्यास्य सूक्तस्य कारवो मेध्यातिथिर्ऋषिः । पवमानः सोमो देवता ।

गायत्री छन्दः

यो अत्यं इव मृज्यते गोभिर्मदाय हर्यतः । तं गीर्भिर्वासयामसि १  
 तं नो विश्वा अवस्युवो गिरः शुम्भन्ति पूर्वथा । इन्दुमिन्द्राय पीतये २  
 पुनानो याति हर्यतः सोमो गीर्भिः परिष्कृतः । विप्रस्य मेध्यातिथेः ३  
 पवमान विदा रयि मस्मभ्यं सोम सुश्रियम् । इन्दो सहस्रवर्चसम् ४  
 इन्दुरत्यो न वाजसृत् कनिक्रन्ति पवित्र आ । यदक्षारति देवयुः ५  
 पवस्व वाजसातये विप्रस्य गृणतो वृधे । सोम रास्व सुवीर्यम् ६  
 इति षष्ठोऽष्टकः

अथ सप्तमोऽष्टकः

प्रथमोऽध्यायः

। व० १-४१ ।

(४४) चतुश्चत्वारिंशं सूक्तम्

(१-६) षडृचस्यास्य सूक्तस्याङ्गिरस अयास्य ऋषिः । पवमानः सोमो देवता ।

गायत्री छन्दः

प्र ण इ॒न्दो म॒हे त॒न ऊ॒र्मि न बिभ्र॑दर्षसि । अ॒भि दे॒वाँ अ॒यास्यः १  
म॒ती जु॒ष्टो धि॒या हि॒तः सोमो॑ हि॒न्वे प॒राव॑ति । वि॒प्रस्य॑ धा॒रया॑ क॒विः २  
अ॒यं दे॒वेषु॑ जा॒गृविः॑ सु॒त ए॑ति प॒वित्र॑ आ । सोमो॑ या॒ति वि॒चर्ष॑णिः ३  
स नः॑ प॒वस्व वा॒जयु॑श्च॒क्राण॑श्चा॒रुम॑ध्व॒रम् । ब॒र्हिष्माँ॑ आ वि॒वास॑ति ४  
स नो॑ भ॒गाय॑ वा॒यवे॑ वि॒प्रवी॑रः स॒दावृ॑धः । सोमो॑ दे॒वेष्व॑ य॒मत् ५  
स नो॑ अ॒द्य वसु॑त्तये क्र॒तुवि॑द्वा॒तुवि॑त्त॒मः । वा॒जं जे॒षि श्र॑वो बृ॒हत् ६

(४५) पञ्चचत्वारिंशं सूक्तम्

(१-६) षडृचस्यास्य सूक्तस्याङ्गिरस अयास्य ऋषिः । पवमानः सोमो देवता ।

गायत्री छन्दः

स प॒वस्व॑ म॒दाय॑ कं नृ॒चक्षा॑ दे॒ववी॑तये । इ॒न्दुवि॒न्द्राय॑ पी॒तये॑ १  
स नो॑ अ॒र्षाभि॑ दू॒त्यं त्व॑मि॒न्द्राय॑ तो॒शसे॑ । दे॒वान् त्स॑खि॒भ्य आ॑ व॒रम् २  
उ॒त त्वा॑म॒रुणं॑ व॒यं गो॑भि॒रञ्ज॑मो म॒दाय॑ क॒म् । वि नो॑ रा॒ये दु॒रौ वृ॑धि ३  
अ॒त्यू प॒वित्र॑म॒क्रमी॑द् वा॒जी धु॑रं न या॒मनि॑ । इ॒न्दुर्दे॒वेषु॑ प॒त्यते॑ ४  
समी॑ स॒खायो॑ अ॒स्वर॑न् वने॒ क्रीळ॑न्त॒मत्य॑विम् । इ॒न्दुं ना॒वा अ॑नूष॒त ५  
तया॑ प॒वस्व॑ धा॒रया॑ यया॑ पी॒तो वि॒चक्ष॑से । इ॒न्दो स्तो॒त्रे सु॑वी॒र्यम्॑ ६

(४६) षट्चत्वारिंशं सूक्तम्

(१-६) षडृचस्यास्य सूक्तस्याङ्गिरस अयास्य ऋषिः । पवमानः सोमो देवता ।

गायत्री छन्दः

अ॒सृग्र॑न् दे॒ववी॑तये ऽ॒त्यासः॑ कृ॒त्या इ॒व । क्ष॑र॒न्तः प॑र्व॒तावृ॑धः १  
प॒रिष्कृ॑ता॒स इ॒न्द्वो योषे॑व॒ पित्र्या॑वती । वा॒युं सोमो॑ अ॒सृक्ष॑त २  
ए॒ते सोमो॑स॒ इन्द॑वः प्र॒यस्व॑न्तश्च॒मू सु॒ताः । इ॒न्द्रं वर्ध॑न्ति॒ कर्म॑भिः ३  
आ धा॑व॒ता सु॒हस्त्यः॑ शु॒क्रा गृ॑णी॒त म॒न्थिना॑ । गो॒भिः श्री॑णी॒त म॒त्सर॑म् ४  
स प॒वस्व॑ धनं॒जय॑ प्र॒यन्ता॑ रा॒धसो॑ म॒हः । अ॒स्मभ्य॑ सोम॒ गातु॑वित् ५

एतं मृजन्ति मर्ज्यं पवमानं दश क्षिपः । इन्द्राय मत्सरं मदम् ६

(४७) सप्तचत्वारिंशं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

गायत्री छन्दः

अया सोमः सुकृत्यया महश्चिदभ्यवर्धत । मन्दान उदूषायते १  
कृतानीदस्य कर्त्वा चेतन्ते दस्युतर्हणा । ऋणा च धृष्णुश्चयते २  
आत् सोम इन्द्रियो रसो वज्रः सहस्रसा भुवत् । उक्थं यदस्य जायते ३  
स्वयं कविर्विधर्तरि विप्राय रत्नमिच्छति । यदी मर्मज्यते धियः ४  
सिषासतू रयीणां वाजेष्वर्वतामिव । भरेषु जिग्युषामसि ५

(४८) अष्टचत्वारिंशं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

गायत्री छन्दः

तं त्वा नृम्णानि बिभ्रतं सुधस्थेषु महो दिवः । चारुं सुकृत्ययैमहे १  
संवृक्तधृष्णुमुक्थ्यं महामहिब्रतं मदम् । शतं पुरो रुरुक्षणिम् २  
अतस्त्वा रयिमभि राजानं सुक्रतो दिवः । सुपर्णो अव्यथिर्भरत् ३  
विश्वस्मा इत् स्वर्दृशे साधारणं रजस्तुरम् । गोपामृतस्य विर्भरत् ४  
अधा हिन्वान इन्द्रियं ज्यायो महित्वमानशे । अभिष्टिकृद्विचर्षणिः ५

(४९) एकोनपञ्चाशं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

गायत्री छन्दः

पवस्व वृष्टिमा सु नो ऽपामूर्मिं दिवस्परि । अयुक्ष्मा बृहतीरिषः १  
तया पवस्व धारया यया गाव इहागमन् । जन्यास उप नो गृहम् २  
घृतं पवस्व धारया यज्ञेषु देववीतमः । अस्मभ्यं वृष्टिमा पव ३  
स न ऊर्जे व्यश्वयं पवित्रं धाव धारया । देवासः शृणवन् हि कम् ४  
पवमानो असिष्यद् दक्षास्यपुजङ्घनत् । प्रवद्रोचयन् रुचः ५

(५०) पञ्चाशं सूक्तम्

(१-५) पञ्चर्चस्यास्य सूक्तस्याङ्गिरस उचथ्य ऋषिः । पवमानः सोमो देवता ।

गायत्री छन्दः

उत् ते शुष्मास ईरते सिन्धोरूर्मेरिव स्वनः । वाणस्य चोदया पविम् १  
प्रसवे तु उदीरते तिस्रो वाचो मखस्युवः । यदव्य एषि सानवि २  
अव्यो वारे परि प्रियं हरिं हिन्वन्त्यद्रिभिः । पवमानं मधुश्चुतम् ३  
आ पवस्व मदिन्तम् पवित्रं धारया कवे । अर्कस्य योर्निमासदम् ४  
स पवस्व मदिन्तम् गोभिरञ्जानो अक्तुभिः । इन्द्रविन्द्राय पीतये ५

(५१) एकपञ्चाशं सूक्तम्

(१-५) पञ्चर्चस्यास्य सूक्तस्याङ्गिरस उचथ्य ऋषिः । पवमानः सोमो देवता ।

गायत्री छन्दः

अध्वर्यो अद्रिभिः सुतं सोमं पवित्र आ सृज । पुनीहीन्द्राय पातवे १  
दिवः पीयूषमुत्तमं सोममिन्द्राय वज्रिणै । सुनोता मधुमत्तमम् २  
तव त्य इन्द्रो अन्धसो देवा मधोर्व्यश्नते । पवमानस्य मरुतः ३  
त्वं हि सोम वर्धयन् त्सुतो मदाय भूर्यये । वृषन् त्सुतो तारमूतये ४  
अभ्यर्ष विचक्षण पवित्रं धारया सुतः । अभि वाजमुत श्रवः ५

(५२) द्विपञ्चाशं सूक्तम्

(१-५) पञ्चर्चस्यास्य सूक्तस्याङ्गिरस उचथ्य ऋषिः । पवमानः सोमो देवता ।

गायत्री छन्दः

परि द्युक्षः सनद्रयिर्भरद्वाजं नो अन्धसा । सुवानो अर्ष पवित्र आ १  
तव प्रवेभिरध्वभि रव्यो वारे परि प्रियः । सहस्रधारो यात् तना २  
चरुं यस्तमीङ्क्ष्वेन्दो न दानमीङ्क्ष्वय । वधैर्वधस्त्रवीङ्क्ष्वय ३  
नि शुष्ममिन्दवेषां पुरुहूत जनानाम् । यो अस्माँ आदिदैशति ४  
शतं न इन्द्र ऊतिभिः सहस्रं वा शुचीनाम् । पवस्व मंहयद्रयिः ५

(५३) त्रिपञ्चाशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता

। गायत्री छन्दः

उत् ते शुष्मासो अस्थू रक्षो भिन्दन्तौ अद्रिवः । नुदस्व याः परिस्पृधः १  
 अया निजघ्निरोजसा रथसङ्गे धनै हिते । स्तवा अबिभ्युषा हृदा २  
 अस्य वृतानि नाधृषे पवमानस्य दूढया । रुज यस्त्वा पृतन्यति ३  
 तं हिन्वन्ति मदच्युतं हरिं नदीषु वाजिनम् । इन्दुमिन्द्राय मत्सरम् ४

(५४) चतुष्पञ्चाशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता  
 । गायत्री छन्दः

अस्य प्रतामनु द्युतं शुक्रं दुदुहे अहयः । पर्यः सहस्रसामृषिम् १  
 अयं सूर्य इवोपदृग्यं सरांसि धावति । सप्त प्रवतु आ दिवम् २  
 अयं विश्वानि तिष्ठति पुनानो भुवनोपरि । सोमो देवो न सूर्यः ३  
 परि णो देववीतये वाजा अर्षसि गोमतः । पुनान इन्दविन्द्रयुः ४

(५५) पञ्चपञ्चाशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता  
 । गायत्री छन्दः

यवयवं नो अन्धसा पुष्टं पुष्टं परि स्रव । सोम विश्वा च सौभगा १  
 इन्द्रो यथा तव स्तवो यथा ते जातमन्धसः । नि बृहिषि प्रिये सदः २  
 उत नो गोविदश्चवित् पवस्व सोमन्धसा । मृक्षूतमेभिरहभिः ३  
 यो जिनाति न जीयते हन्ति शत्रुमभीत्य । स पवस्व सहस्रजित् ४

(५६) षट्पञ्चाशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता  
 । गायत्री छन्दः

परि सोमं ऋतं बृहदाशुः पवित्रे अर्षति । विघ्नन् रक्षांसि देवयुः १  
 यत् सोमो वाजमर्षति शतं धारा अपस्युवः । इन्द्रस्य सख्यमाविशन् २  
 अभि त्वा योषणो दशं जारं न कन्यानूषत । मृज्यसे सोम सातये ३  
 त्वमिन्द्राय विष्णावे स्वादुरिन्द्रो परि स्रव । नृचफढन् स्तोतृन् पाह्यंहसः ४

(५७) सप्तपञ्चाशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता  
। गायत्री छन्दः

प्र ते धारा असञ्चतौ दिवो न यन्ति वृष्टयः । अच्छा वाजं सहस्त्रिणम् १  
अभि प्रियाणि काव्या विश्वा चक्षारो अर्षति । हरिस्तुञ्जान आयुधा २  
स मर्मजान आयुभि रिभो राजैव सुव्रतः । श्येनो न वंसु षीदति ३  
स नो विश्वा दिवो वसूतो पृथिव्या अधि । पुनान इन्द्रवा भर ४

(५८) अष्टपञ्चाशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता  
। गायत्री छन्दः

तरत् स मन्दी धावति धारा सुतस्यान्धसः । तरत् स मन्दी धावति १  
उस्त्रा वैद वसूनां मर्तस्य देव्यवसः । तरत् स मन्दी धावति २  
ध्वस्त्रयोः पुरुषन्त्यो रा सहस्त्राणि दद्यहे । तरत् स मन्दी धावति ३  
आ ययौस्त्रिंशत् तना सहस्त्राणि च दद्यहे । तरत् स मन्दी धावति ४

(५९) एकोनषष्टितमं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता  
। गायत्री छन्दः

पवस्व गोजिदंश्चजि द्विश्चजित् सौम रययजित् । प्रजावद्रत्नमा भर १  
पवस्वाद्भ्यो अदाभ्यः पवस्वौषधीभ्यः । पवस्व धिषणाभ्यः २  
त्वं सौम पवमानो विश्वानि दुरिता तर । कविः सौद नि बर्हिषि ३  
पवमान स्वर्विदो जायमानोऽभवो महान् । इन्द्रो विश्वाँ अभीदसि ४

(६०) षष्टितमं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता  
। (१-२, ४) प्रथमाद्वितीययोर्ऋचोश्चतुर्थ्याश्च गायत्री, (३) तृतीयायाश्च पुर  
उष्णिक् छन्दसी

प्र गायत्रेण गायत पवमानं विचर्षणिम् । इन्दुं सहस्रचक्षसम् १  
तं त्वा सहस्रचक्षस मथौ सहस्रभर्णसम् । अति वारमपाविषुः २

अति वारान् पवमानो असिष्यदत् कलशाँ अभि धावति । इन्द्रस्य  
हाद्याविशन् ३

इन्द्रस्य सोम राधसे शं पवस्व विचर्षणे । प्रजावद्रेत आ भर ४

तृतीयोऽनुवाकः

। सू० ६१-६७ ।

(६१) एकषष्टितमं सूक्तम्

(१-३०) त्रिंशदृचस्यास्य सूक्तस्याङ्गिरसोऽमहीयुर्ऋषिः । पवमानः सोमो देवता ।

गायत्री छन्दः

अया वीती परि स्रव यस्त इन्द्रो मदेष्वा । अवाहन् नवतीर्नव १  
पुरः सद्य इत्थाधिये दिवौदासाय शम्बरम् । अध त्यं तुर्वशं यदुम् २  
परि णो अश्वमश्चवि द्रोमदिन्द्रो हिरण्यवत् । क्षरा सहस्रिणीरिषः ३  
पवमानस्य ते वयं पवित्रमभ्युन्दतः । सखित्वमा वृणीमहे ४  
ये तै पवित्रमूर्मयो ऽभिक्षरन्ति धारया । तेभिर्नः सोम मृळय ५  
स नः पुनान आ भर रयिं वीरवतीमिषम् । ईशानः सोम विश्वतः ६  
एतमु त्यं दश क्षिपौ मृजन्ति सिन्धुमातरम् । समादित्येभिरख्यत ७  
समिन्द्रेणोत वायुना सुत एति पवित्र आ । सं सूर्यस्य रश्मिभिः ८  
स नो भर्गाय वायवे पूष्णे पवस्व मधुमान् । चारुमित्रे वरुणे च ९  
उच्चा तै जातमन्धसो दिवि षड्भूम्या ददे । उग्रं शर्म महि श्रवः १०  
एना विश्वान्यर्य आ द्युम्नानि मानुषाणाम् । सिषासन्तो वनामहे ११  
स न इन्द्राय यज्यवे वरुणाय मरुद्भ्यः । वरिवोवित् परि स्रव १२  
उपो षु जातमसुरं गोभिर्भृङ्गं परिष्कृतम् । इन्दु देवा अयासिषुः १३  
तमिर्द्धन्तु नो गिरौ वत्सं संशिश्वरीरिव । य इन्द्रस्य हृदंसनिः १४  
अर्षा णः सोम शं गवे धुक्षस्व पिप्युषीमिषम् । वर्धा समुद्रमुक्थ्यम् १५  
पवमानो अजीजनद्विचित्रं न तन्यतुम् । ज्योतिर्वैश्वानरं बृहत् १६  
पवमानस्य ते रसो मदौ राजन्नदुच्छुनः । वि वारमव्यमर्षति १७  
पवमान रसस्तव दक्षो वि राजति द्युमान् । ज्योतिर्विश्वं स्वर्दृशे १८  
यस्ते मदो वरैरय स्तेना पवस्वान्धसा । देवावीरघशंसहा १९  
जघ्निर्वृत्रममित्रियं सस्त्रिर्वाज दिवेदिवे । गोषा उ अश्वसा असि २०  
संमिश्लो अरुषो भव सूपस्थाभिर्न धेनुभिः । सीदज्ज्येनो न योनिमा २१



स पवस्व य आविथेन्द्रं वृत्राय हन्तवे । वृत्रिवांसं महीरपः २२  
सुवीरांसो वयं धना जयैम सोम मीढ्वः । पुनानो वर्ध नो गिरः २३  
त्वोतास्तवावसा स्याम वन्वन्तं आमुरः । सोम वृतेषु जागृहि २४  
अपघ्नन् पवते मृधो ऽपु सोमो अराव्णः । गच्छन्निन्द्रस्य निष्कृतम् २५  
महो नो राय आ भर पवमान जही मृधः । रास्वेन्दो वीरवद्यशः २६  
न त्वा शतं चन हुतो राधो दित्सन्तमा मिनन् । यत् पुनानो मखस्यसै २७  
पवस्वेन्दो वृषा सुतः कृधी नो यशसो जनैः । विश्वा अप द्विषौ जहि २८  
अस्य ते सख्ये वयं तवेन्दो द्युम्न उत्तमे । सासह्याम पृतन्यतः २९  
या तै भीमान्यायुधा तिग्मानि सन्ति धूर्वणे । रक्षा समस्य नो निदः ३०

(६२) द्विषष्टितमं सूक्तम्

(१-३०) त्रिंशदृचस्यास्य सूक्तस्य भार्गवो जमदग्निर्ऋषिः । पवमानः सोमो देवता  
। गायत्री छन्दः

एते असृग्रमिन्दव स्तिरः पवित्रमाश्वः । विश्वान्यभि सौभगा १  
विघ्नन्तो दुरिता पुरु सुगा तोकार्य वाजिनः । तना कृणवन्तो अर्वते २  
कृणवन्तो वरिवो गवे ऽभ्यर्षन्ति सुष्टुतिम् । इळामस्मभ्य संयतम् ३  
असाव्यंशुर्मदाया ऽप्सु दक्षौ गिरिष्ठाः । श्येनो न योनिमासदत् ४  
शुभ्रमन्धौ देववात मप्सु धूतो नृभिः सुतः । स्वदन्ति गावः पयोभिः ५  
आदीमश्वं न हेतारो ऽशूशुभन्नमृताय । मध्वो रसं सधमादै ६  
यास्ते धारा मधुश्चुतो ऽसृग्रमिन्द ऊतयै । ताभिः पवित्रमासदः ७  
सो अर्षेन्द्राय पीतयै तिरो रोमाण्यव्यया । सीदन् योना वनेष्वा ८  
त्वमिन्दो परि स्रव स्वादिष्ठो अङ्गिरोभ्यः । वरिवोविदधृतं पयः ९  
अयं विचर्षणिर्हितः पवमानः स चैतति । हिन्वान आप्यं बृहत् १०  
एष वृषा वृषव्रतः पवमानो अशस्तिहा । करद्वसूनि दाशुर्षे ११  
आ पवस्व सहस्त्रिणं रयिं गोमन्तमश्विनम् । पुरुश्चन्द्रं पुरुस्पृहम् १२  
एष स्य परि षिच्यते मर्मज्यमान आयुभिः । उरुगायः कविक्रतुः १३  
सहस्रोतिः शतामघो विमानो रजसः कविः । इन्द्राय पवते मदः १४  
गिरा जात इह स्तुत इन्दुरिन्द्राय धीयते । वियोना वसताविव १५  
पवमानः सुतो नृभिः सोमो वाजमिवासरत् । चमूषु शक्मनासदम् १६  
तं त्रिपृष्ठे त्रिवन्धुरे रथे युञ्जन्ति यातवे । ऋषीणां सप्त धीतिभिः १७

तं सौतारो धनस्पृतं माशं वाजाय यातवे । हरिं हिनोत वाजिनम् १८  
 आविशन् कलशं सुतो विश्वा अर्षन्नभि श्रियः । शूरो न गोषु तिष्ठति १९  
 आ तं इन्द्रो मदाय कं पयो दुहन्त्यायवः । देवा देवेभ्यो मधु २०  
 आ नः सोमं पवित्र आ सृजता मधुमत्तमम् । देवेभ्यो देवश्रुतमम् २१  
 एते सोमा असृक्षत गृणानाः श्रवसे महे । मदिन्तमस्य धारया २२  
 अभि गव्यानि वीतये नृम्णा पुनानो अर्षसि । सनद्वाजः परि स्त्रव २३  
 उत नो गोमतीरिषो विश्वा अर्ष परिष्ठभः । गृणानो जमदग्निना २४  
 पवस्व वाचो अग्रियः सोमं चित्राभिरूतिभिः । अभि विश्वानि काव्या २५  
 त्वं समुद्रिया अपौ ऽग्रियो वाच ईरयन् । पवस्व विश्वमेजय २६  
 तुभ्येमा भुवना कवे महिम्ने सोम तस्थिरे । तुभ्यमर्षन्ति सिन्धवः २७  
 प्र ते दिवो न वृष्टयो धारा यन्त्यसञ्चतः । अभि शक्रामुपस्तिरम् २८  
 इन्द्रायेन्दु पुनीतनो ग्रं दक्षाय साधनम् । ईशानं वीतिराधसम् २९  
 पवमान ऋतः कविः सोमः पवित्रमासदत् । दधत् स्तोत्रे सुवीर्यम् ३०

(६३) त्रिषष्टितमं सूक्तम्

(१-३०) त्रिंशदृचस्यास्य सूक्तस्य काश्यपो निधुविर्ऋषिः । पवमानः सोमो देवता  
 । गायत्री छन्दः

आ पवस्व सहस्रिणं रयिं सोम सुवीर्यम् । अस्मे श्रवांसि धारय १  
 इषमूर्जं च पिन्वस इन्द्राय मत्सरिन्तमः । चमूष्वा नि षीदसि २  
 सुत इन्द्राय विष्णावे सोमः कलशं अक्षरत् । मधुमाँ अस्तु वायवे ३  
 एते असृग्रमाशवो ऽति हरांसि बभ्रवः । सोमा ऋतस्य धारया ४  
 इन्द्रं वर्धन्तो अमुरः कृणवन्तो विश्वमार्यम् । अपघ्नन्तो अराव्णः ५  
 सुता अनु स्वमा रजो ऽभ्यर्षन्ति बभ्रवः । इन्द्रं गच्छन्त इन्द्रवः ६  
 अया पवस्व धारया यया सूर्यमरौचयः । हिन्वानो मानुषीरपः ७  
 अयुक्त सूर एतं पवमानो मनावधि । अन्तरिक्षेण यातवे ८  
 उत त्या हरितो दश सूरौ अयुक्त यातवे । इन्दुरिन्द्र इति ब्रुवन् ९  
 परीतो वायवे सुतं गिर इन्द्राय मत्सरम् । अव्यो वारेषु सिञ्चत १०  
 पवमान विदा रयि मस्मभ्यं सोम दुष्टरम् । यो दूणाशौ वनुष्यता ११  
 अभ्यर्ष सहस्रिणं रयिं गोमन्तमश्विनम् । अभि वाजमुत श्रवः १२  
 सोमो देवो न सूर्यो ऽद्रिभिः पवते सुतः । दधानः कलशे रसम् १३

ए॒ते धा॒मा॒न्या॒र्या श॒क्रा ऋ॒तस्य॑ धा॒र॒या । वा॒जं गो॒म॒न्त॒म॒क्षर॑न् १४  
सु॒ता इन्द्रा॑य व॒ज्रिणे॑ सोमा॒सो द॒ध्या॒शिरः॑ । प॒वि॒त्र॒म॒त्य॒क्षर॑न् १५  
प्र सौ॒म म॒धु॒म॒त्त॒मो रा॒ये अ॒र्ष प॒वि॒त्र आ । म॒दो यो दै॒व॒वी॒त॒मः १६  
त॒र्मा मृ॒ज॒न्त्या॒यवो॑ ह॒रिं न॒दीषु॑ वा॒जिन॑म् । इ॒न्दु॒मिन्द्रा॑य म॒त्स॒रम् १७  
आ प॑व॒स्व हिर॑ण्यव॒ द॒श्वा॒वत् सोम॑ वी॒र॒वत् । वा॒जं गो॒म॒न्त॒मा भ॑र १८  
परि॑ वा॒जे न वा॒ज॒यु म॒व्यो वा॒रेषु॑ सिञ्च॒त । इन्द्रा॑य म॒धु॒म॒त्त॒मम् १९  
क॒विं मृ॒ज॒न्ति म॒ज्यं धी॒भिर्वि॒प्रा अव॑स्य॒वः । वृ॒षा क॒र्निक्र॑दर्ष॒ति २०  
वृ॒ष॒णं धी॒भिर्मु॒रं सोम॑मृ॒तस्य॑ धा॒र॒या । म॒ती वि॒प्राः स॒म॒स्वर॑न् २१  
प॒व॒स्व दे॒वायु॑ष गि॒न्द्रं ग॒च्छ॒तु ते म॑दः । वा॒यु॒मा रौ॒ह ध॑र्म॒णा २२  
प॒व॒मा॒न॒ नि तौ॑श॒से र॒यिं सौ॒म श्र॒वा॒य्यम् । प्रि॒यः स॒मु॒द्र॒मा वि॑श २३  
अ॒प॒घ्नन् प॑व॒से मृ॒धः क्र॒तु॒वित् सौ॒म म॒त्स॒रः । नु॒द॒स्वा॒दै॒व॒युं ज॑न॒म् २४  
प॒व॒मा॒ना अ॒सृ॒क्ष॒त॒ सोमाः॑ श॒क्रा॒स इन्द्र॑वः । अ॒भि वि॒श्वानि॑ का॒व्या २५  
प॒व॒मा॒ना॒स आ॒श॒वः श॒भ्रा अ॒सृ॒ग॒मिन्द्र॑वः । घ्न॒न्तो वि॒श्वा अ॒प॒ द्वि॒षः २६  
प॒व॒मा॒ना दि॒वस्प॑र्य॒न्तरि॑क्षा॒द॒सृ॒क्ष॒त । पृ॒थि॒व्या अ॒धि सा॑न॒वि २७  
पु॒ना॒नः सौ॒म धा॒र॒ये॒न्दो वि॒श्वा अ॒प॒ स्त्रि॒धः । ज॒हि र॒क्षा॑सि सु॒क्रतो॑ २८  
अ॒प॒घ्नन् त्सौ॑म र॒क्ष॒सो ऽभ्य॑र्ष॒ क॒र्निक्र॑दत् । द्यु॒म॒न्तं शु॒ष्म॒मु॒त्त॒मम् २९  
अ॒स्मे व॒सूनि॑ धा॒र॒यु सोम॑ दि॒व्यानि॑ पा॒र्थि॒वा । इन्द्रो॑ वि॒श्वानि॑ वा॒र्या ३०

(६४) चतुःषष्टितमं सूक्तम्

(१-३०) त्रिंशदृचस्यास्य सूक्तस्य मारीचः कश्यप ऋषिः । पवमानः सोमो देवता  
। गायत्री छन्दः

वृ॒षा सोम॑ द्यु॒माँ अ॒सि वृ॒षा दे॒व वृ॒ष॒व॒तः । वृ॒षा ध॑र्मा॒णि द॒धिषे॑ १  
वृ॒ष्णा॒स्ते वृ॒ष्ण॒यं श॒वो वृ॒षा व॒नं वृ॒षा म॑दः । स॒त्यं वृ॒ष॒न् वृ॒षे॒द॒सि २  
अ॒श्वो न च॑क्र॒दो वृ॒षा सं गा॑ इन्द्रो॒ स॒म॒व॒तः । वि नो॑ रा॒ये दुरो॑ वृ॒धि ३  
अ॒सृ॒क्ष॒त॒ प्र वा॒जिनो॑ गु॒व्या सोमा॑सो अ॒श्व॒या । श॒क्रा॒सो वी॒र॒या॒श॒वः ४  
श॒म्भ॒मा॒ना ऋ॒ता॒युभि॑र्मृ॒ज्य॒मा॒ना ग॑र्भ॒स्त्योः । प॒व॒न्ते वा॒रे अ॒व्य॒यै ५  
ते वि॒श्वा दा॑शु॒षे व॒सु सोमा॑ दि॒व्यानि॑ पा॒र्थि॒वा । प॒व॒न्ता॒मा॒न्तरि॑क्ष॒या ६  
प॒व॒मा॒नस्य॑ वि॒श्व॒वित् प्र ते॑ स॒र्गा अ॒सृ॒क्ष॒त । सू॒र्य॒स्ये॒व न र॑श्म॒यः ७  
के॒तुं कृ॒णव॑न् दि॒वस्प॑रि वि॒श्वा रू॒पाभ्य॑र्ष॒सि । स॒मु॒द्रः सौ॒म पि॒न्व॒से ८

हि॒न्वा॒नो वा॒र्चमि॒ष्यसि॒ पर्व॑मा॒नु वि॒धर्म॑णि । अ॒क्रान् दे॒वो न सूर्यः॑ ६  
 इ॒न्दुः प॒विष्ट॒ चेत॑नः प्रि॒यः क॑वी॒नां म॒ती । सृ॒जद॑श्च र॒थीरि॑व १०  
 ऊ॒र्मिर्य॑स्तै प॒वित्र॒ आ दै॒वावीः प॒र्यक्ष॑रत् । सी॒दन्नृ॑तस्य यो॒निमा ११  
 स नो॑ अ॒र्ष प॒वित्र॒ आ म॒दो यो दै॒ववी॑तमः । इ॒न्द्रवि॑न्द्राय पी॒तयै १२  
 इ॒षे प॑वस्व धा॒रया॑ मृ॒ज्यमा॑नो म॒नीषि॑भिः । इ॒न्दौ रु॒चाभि॑ गा इ॒हि १३  
 पु॒ना॒नो वरि॑वस्कृ॒ध्यूर्ज॑ ज॒नाय॑ गिर्व॒णः । हरे॑ सृ॒जान॒ आशि॑रम् १४  
 पु॒ना॒नो दे॒ववी॑तय॒ इन्द्र॑स्य या॒हि निष्कृ॑तम् । द्यु॒ता॒नो वा॒जिभि॑र्य॒तः १५  
 प्र हि॒न्वा॒नास॒ इन्द्र॑वो ऽच्छा॑ स॒मुद्र॑मा॒शर्वः॑ । धि॒या जू॑ता अ॒सृक्ष॑त १६  
 म॒र्मजा॑नास॒ आय॑वो वृ॒था स॒मुद्र॑मि॒न्दवः॑ । अ॒ग्नम॑न्नृ॒तस्य॑ यो॒निमा १७  
 परि॑ णो या॒ह्यस्म॑यु॒र्विश्वा॑ वसू॒न्योर्ज॑सा । पा॒हि नः॑ श॒र्म वी॑रवत् १८  
 मि॒मा॒ति व॒ह्निरे॑त॒शः पु॒दं यु॑जान॒ ऋक्॑व॒भिः । प्र य॑त् स॒मुद्र॑ आ॒हितः॑ १९  
 आ य॒द्योनि॑ हिर॒ण्यय॑ मा॒शुर्नृ॑तस्य सी॒दति॑ । ज॒हात्य॑प्र॒चेत॑सः २०  
 अ॒भि वे॒ना अ॒नूष॑ते य॒क्षन्ति॒ प्रचे॑तसः । म॒ज्जन्त्य॑वि॒चेत॑सः २१  
 इ॒न्द्राये॑न्दो म॒रुत्व॑ते प॑वस्व म॒धुम॑त्तमः । ऋ॒तस्य॑ यो॒निमा॒सद॑म् २२  
 तं त्वा॑ वि॒प्रा व॑चो॒विद्ः परि॑ष्कृ॒णव॑न्ति वे॒धसः॑ । सं त्वा॑ मृ॒जन्त्या॑यवः २३  
 रसं॑ ते मि॒त्रो अ॒र्यमा॑ पिब॒न्ति व॑रु॒णः क॑वे । प॑र्व॒मान॑स्य म॒रुतः॑ २४  
 त्वं सो॑म वि॒पुश्चित॑ पु॒ना॒नो वा॒र्चमि॒ष्यसि॒ । इ॒न्दौ स॒हस्र॑भ॒र्णस॑म् २५  
 उ॒तो स॒हस्र॑भ॒र्णसं॑ वा॒र्च सो॑म म॒खस्यु॑र्वम् । पु॒ना॒न इ॒न्द्रवा॑ भ॒र २६  
 पु॒ना॒न इ॒न्द्रवे॑षां पु॒रुहू॑त॒ जना॑नाम् । प्रि॒यः स॒मुद्र॑मा वि॒श २७  
 द॒विद्यु॑त॒त्या रु॒चा पै॒रिष्टो॑भ॒न्त्या कृ॑पा । सो॒माः श॒क्रा ग॒वाशि॑रः २८  
 हि॒न्वा॒नो हे॒तृभि॑र्य॒त आ वा॒ज वा॒ज्य॑क॒मीत् । सी॒दन्तो॑ व॒नुषो॑ य॒था २९  
 अ॒धक् सो॑म स्व॒स्तये॑ संज॒गमा॑नो दि॒वः क॒विः । प॑वस्व सूर्यो॑ दृ॒शे ३०  
 द्वि॒तीयोऽध्या॑यः

। व० १-३३ ।

(६५) पञ्चषष्टितमं सूक्तम्

(१-३०) त्रिंशदृचस्यास्य सूक्तस्य वारुणिर्भृगुर्भार्गवो जमदग्निर्वा ऋषिः । पवमानः  
सोमो देवता । गायत्री छन्दः

हि॒न्वन्ति॒ सूर॑मु॒स्रयः॒ स्वसा॑रो जा॒मय॑स्पतिम् । म॒हामि॑न्दु॒ मही॑युवः १  
 प॑र्व॒मान॒ रुचा॑रु॒चा दे॒वो दे॒वेभ्य॑स्परि॑ । वि॒श्वा वसू॑न्या वि॒श २

आ पवमान सुष्टुतिं वृष्टिं देवेभ्यो दुर्वः । इषे पवस्व संयतम् ३  
 वृषा ह्यसि भानुना द्युमन्तं त्वा हवामहे । पवमान स्वाध्यः ४  
 आ पवस्व सुवीर्यं मन्दमानः स्वायुध । इहो ष्विन्दवा गहि ५  
 यद्विद्विः परिषिच्यसे मृज्यमानो गर्भस्त्योः । दुर्णा सधस्थमश्नुषे ६  
 प्र सोमाय व्यश्नवत् पवमानाय गायत । महे सहस्रचक्षसे ७  
 यस्य वर्णं मधुश्चतुं हरिं हिन्वन्त्यद्रिभिः । इन्दुमिन्द्राय पीतये ८  
 तस्य ते वाजिनो वयं विश्वा धनानि जिग्युषः । सखित्वमा वृणीमहे ९  
 वृषा पवस्व धारया मरुत्वते च मत्सरः । विश्वा दधान ओजसा १०  
 तं त्वा धर्तारिमोरयोः पवमान स्वर्दृशम् । हिन्वे वाजेषु वाजिनम् ११  
 अया चित्तो विपानया हरिः पवस्व धारया । युजं वाजेषु चोदय १२  
 आ न इन्दो महीमिषं पवस्व विश्वदर्शतः । अस्मभ्यं सोम गातुवित् १३  
 आ कलशा अनूषते न्दो धाराभिरोजसा । एन्द्रस्य पीतये विश १४  
 यस्य ते मद्यं रसं तीव्रं दुहन्त्यद्रिभिः । स पवस्वाभिमातिहा १५  
 राजा मेधाभिरीयते पवमानो मनावधि । अन्तरिक्षेण यातवे १६  
 आ न इन्दो शतग्विनं गवां पोषं स्वश्चयम् । वह्ना भर्गत्तिमूतये १७  
 आ नः सोम सहो जुवौ रूपं न वर्चसे भर । सुष्वाणो देववीतये १८  
 अर्षा सोम द्युमन्तमो ऽभि द्रोणानि रोर्ववत् । सीदञ्छयेनो न योनिमा १९  
 अप्सा इन्द्राय वायवे वरुणाय मरुद्भ्यः । सोमो अर्षति विष्णावे २०  
 इषं तोकाय नो दधं दस्मभ्यं सोम विश्वतः । आ पवस्व सहस्रिणम् २१  
 ये सोमासः परावति ये अर्वावति सुन्विरे । ये वादः शर्यणावति २२  
 य आर्जिकेषु कृत्वसु ये मध्ये पुस्त्यानाम् । ये वा जनैषु पुञ्चसु २३  
 ते नो वृष्टिं दिवस्पति पवन्तामा सुवीर्यम् । सुवाना देवास इन्द्रवः २४  
 पवते हर्यतो हरिं गृणानो जमदग्निना । हिन्वानो गोरधि त्वचि २५  
 प्र शक्रासौ वयोजुवौ हिन्वानासो न सप्तयः । श्रीणाना अप्सु मृञ्जत २६  
 तं त्वा सुतेष्वाभुवौ हिन्विरे देवतातये । स पवस्वानया रुचा २७  
 आ ते दक्षं मयोभुवं वह्निमद्या वृणीमहे । पान्तमा पुरुस्पृहम् २८  
 आ मन्द्रमा वरेण्यमा विप्रमा मनीषिणम् । पान्तमा पुरुस्पृहम् २९  
 आ रयिमा सुचेतुन मा सुक्रतो तनूष्वा । पान्तमा पुरुस्पृहम् ३०

(६६) षट्षष्टितमं सूक्तम्

(१-३०) त्रिंशदृचस्यास्य सूक्तस्य शतं वैखानसा ऋषयः । (१-१८, २२-३०)

प्रथमाद्यष्टादशर्चा द्वाविंश्यादिनवानाञ्च पवमानः सोमः, (१६-२१)

एकोनविंश्यादितृचस्य च पवमानोऽग्निर्देवते । (१-१७, १६-३०)

प्रथमादिसप्तदशर्चामेकोनविंश्यादिद्वादशानाञ्च गायत्री,

(१८) अष्टादश्याश्चानुष्टुप् छन्दसी

पर्वस्व विश्वचर्षणे ऽभि विश्वानि काव्या । सखा सखिभ्य ईड्यैः १  
ताभ्यां विश्वस्य राजसि ये पवमान धामनी । प्रतीची सौम तस्थतुः २  
परि धामानि यानिते त्वं सौमासि विश्वतः । पवमान ऋतुभिः कवे ३  
पर्वस्व जनयन्निषो ऽभि विश्वानि वार्या । सखा सखिभ्य ऊतयै ४  
तव शक्रासौ अर्चयौ दिवस्पृष्टे वि तन्वते । पवित्रं सोम धामभिः ५  
तवेमे सप्त सिन्धवः प्रशिषं सोम सिस्त्रते । तुभ्यं धावन्ति धेनवः ६  
प्र सौम याहि धारया सुत इन्द्राय मत्सरः । दधानो अक्षिति श्रवः ७  
समु त्वा धीभिरस्वरन् हिन्वतीः सप्त जामयः । विप्रमाजा विवस्वतः ८  
मृजन्ति त्वा समग्रुवो ऽव्यै जीरावधि प्वणि । रेभो यदज्यसे वनै ९  
पवमानस्य ते कवे वाजिन् त्सर्गा असृक्षत । अर्वन्तो न श्रवस्यवः १०  
अच्छा कोशं मधुश्चुत मसृग्रं वारं अव्ययै । अवावशन्त धीतयः ११  
अच्छा समुद्रमिन्द्रवो ऽस्तं गावो न धेनवः । अगमन्नृतस्य योनिमा १२  
प्र णं इन्दो महे रण आपौ अर्षन्ति सिन्धवः । यद्गोभिर्वासयिष्यसे १३  
अस्य ते सख्ये वय मियक्षन्तस्त्वोतयः । इन्दो सखित्वमुश्मसि १४  
आ पवस्व गर्विष्ठये महे सौम नृचक्षसे । एन्द्रस्य जठरं विश १५  
महाँ असि सोम ज्येष्ठं उग्राणामिन्द्र ओजिष्ठः । युध्वा सञ्छश्चज्जिगेथ १६  
य उग्रेभ्यश्चिदोजीया ज्छूरैभ्यश्चिच्छूरतरः । भूरिदाभ्यश्चिन्मंहीयान् १७  
त्वं सौम सूर एषं स्तोकस्य साता तनूनाम् । वृणीमहे सख्याय वृणीमहे  
युज्याय १८

अग्र आरूषि पवस आ सुवोर्जमिषं च नः । आरे बाधस्व दुच्छुनाम् १९  
अग्निर्ऋषिः पवमानः पाञ्चजन्यः पुरोहितः । तमीमहे महागुयम् २०  
अग्ने पवस्व स्वपा अस्मे वर्चः सुवीर्यम् । दधद्रयिं मयि पोषम् २१  
पवमानो अति स्त्रिधो ऽभ्यर्षति सुष्टतिम् । सूरौ न विश्वदर्शतः २२  
स मर्मजान आयुभिः प्रयस्वान् प्रयसे हितः । इन्दुरत्यौ विचक्षणः २३  
पवमान ऋतं बृहच्छुक्रं ज्योतिरजीजनत् । कृष्णा तमांसि जङ्घनत् २४

पर्वमानस्य जङ्घनतो हरैश्चन्द्रा असृक्षत । जीरा अजिरशौचिषः २५  
पर्वमानो रथीतमः शभ्रेभिः शभ्रशस्तमः । हरिश्चन्द्रो मरुद्गणः २६  
पर्वमानो व्यंशनव द्रुश्मभिर्वाजसातमः । दधत् स्तोत्रे सुवीर्यम् २७  
प्र सुवान इन्दुरक्षाः पवित्रमत्यव्ययम् । पुनान इन्दुरिन्द्रमा २८  
एष सोमो अधि त्वचि गवां क्रीळत्यद्रिभिः । इन्द्रं मदायु जोहुवत् २९  
यस्य ते द्युम्रवत् पयः पर्वमानाभृतं दिवः । तेन नो मृळ जीवसे ३०

(६७) सप्तषष्टितमं सूक्तम्

(१-३२) द्वात्रिंशदृचस्यास्य सूक्तस्य सप्तर्षयः-(१-३) प्रथमादितृचस्य बार्हस्पत्यो  
भरद्वाजः, (४-६) चतुर्थ्यादितृचस्य मारीचः कश्यपः, (७-९) सप्तम्यादितृचस्य  
राहूगणो गोतमः, (१०-१२) दशम्यादितृचस्य भौमोऽग्निः, (१३-१५)  
त्रयोदश्यादितृचस्य गाथिनो विश्वामित्रः, (१६-१८) षोडश्यादितृचस्य भार्गवो  
जमदग्निः, (१९-२१) एकोनविंश्यादितृचस्य मैत्रावरुणिर्वसिष्ठः, (२२-३२)  
द्वाविंश्याद्येकादशर्चाञ्चाङ्गिरसः पवित्रो वसिष्ठो वोभौ वा ऋषयः । (१-६, १३-२२,  
२८-३०) प्रथमादिनवर्चा त्रयोदश्यादिदशानामष्टाविंश्यादितृचस्य च पवमानः  
सोमः, (१०-१२) दशम्यादितृचस्य पवमानः पूषा सोमो वा, (२३-२४)  
त्रयोविंशीचतुर्विंशयोः पवमानोऽग्निः, (२५) पञ्चविंश्याः पवमानोऽग्निः सविता वा,  
(२६) षड्विंश्याः पवमानोऽग्निः पवमानाग्निसवितारो वा, (२७) सप्तविंश्याः  
पवमानोऽग्निर्विश्वे देवा वा, (३१-३२) एकत्रिंशीद्वात्रिंश्योश्च  
पावमान्यध्येतृस्तुतिर्देवताः । (१-१५, १६-२६, २८-२९)  
प्रथमादिपञ्चदशर्चामेकोनविंश्याद्यष्टानामष्टाविंश्येकोनत्रिंश्योश्च गायत्री, (१६-१८)  
षोडश्यादितृचस्य द्विपदा गायत्री, (२७, ३१-३२)  
सप्तविंश्येकत्रिंशीद्वात्रिंशीनामनुष्टुप्, (३०) त्रिंश्याश्च पुर उष्णिक् छन्दांसि  
त्वं सौमासि धारयुर्मन्द्र ओजिष्ठो अध्वरे । पर्वस्व मंहयद्रयिः १  
त्वं सुतो नृमादनो दधन्वान् मत्सरिन्तमः । इन्द्राय सूरिरन्धसा २  
त्वं सुष्वाणो अद्रिभिर्भ्यर्ष कर्निक्रदत् । द्युमन्तं शुष्ममुत्तमम् ३  
इन्दुर्हिन्वानो अर्षति तिरो वाराण्यव्यया । हरिर्वाजमचिक्रदत् ४  
इन्दो व्यव्यमर्षसि वि श्रवांसि वि सौभगा । वि वाजान् त्सोम गोमतः ५  
आ न इन्दो शतृग्विनं रयिं गोमन्तमश्विनम् । भरा सोम सहस्त्रिणम् ६  
पर्वमानास इन्दव स्तिरः पवित्रमाशवः । इन्द्रं यामेभिराशत ७  
ककुहः सोम्यो रस इन्दुरिन्द्राय पूर्व्यः । आयुः पवत आयवे ८

हिन्वन्ति सूरमुस्रयः पर्वमानं मधुश्चुतम् । अभि गिरा समस्वरन् ६  
 अविता नो अजाश्वः पूषा यामनियामनि । आ भक्षत् कन्यासु नः १०  
 अयं सोमः कपर्दिनै घृतं न पवते मधु । आ भक्षत् कन्यासु नः ११  
 अयं त आघृणे सुतो घृतं न पवते शुचि । आ भक्षत् कन्यासु नः १२  
 वाचो जन्तुः कवीनां पर्वस्व सोम धारया । देवेषु रत्नधा असि १३  
 आ कलशेषु धावति श्येनो वर्म वि गाहते । अभि द्रोणा कर्निक्रदत् १४  
 परि प्र सोम ते रसो ऽसर्जि कलशे सुतः । श्येनो न तक्तो अर्षति १५  
 पर्वस्व सोम मन्दय त्रिन्द्राय मधुमत्तमः १६  
 असृग्रन् देववीतये वाजयन्तो रथा इव १७  
 ते सुतासो मुदिन्तमाः शुक्रा वायुमसृक्षत १८  
 ग्राव्णा तुन्नो अभिष्टुतः पवित्रं सोम गच्छसि । दधत् स्तोत्रे सुवीर्यम् १९  
 एष तुन्नो अभिष्टुतः पवित्रमति गाहते । रत्नोहा वारमव्ययम् २०  
 यदन्ति यच्च दूरके भयं विन्दति मामिह । पर्वमानु वि तज्जहि २१  
 पर्वमानुः सो अद्य नः पवित्रेण विचर्षणिः । यः पोता स पुनातु नः २२  
 यत् तै पवित्रमर्चिष्यग्ने विततमन्तरा । ब्रह्म तेन पुनीहि नः २३  
 यत् तै पवित्रमर्चिव दग्ने तेन पुनीहि नः । ब्रह्मसवैः पुनीहि नः २४  
 उभाभ्यां देव सवितः पवित्रेण सवेन च । मां पुनीहि विश्वतः २५  
 त्रिभिष्ट्वं देव सवितुर्वर्षिष्ठैः सोम धामभिः । अग्ने दक्षैः पुनीहि नः २६  
 पुनन्तु मां देवजनाः पुनन्तु वसवो धिया । विश्वे देवाः पुनीत मा जातवेदः  
 पुनीहि मां २७  
 प्र प्यायस्व प्र स्यन्दस्व सोम विश्वेभिरंशुभिः । देवेभ्य उत्तमं हविः २८  
 उपे प्रियं पनिप्रतं युवानमाहुतीवृधम् । अगन्म बिभ्रतो नमः २९  
 अलाय्यस्य परशुर्ननाश त मा पवस्व देव सोम । आखुं चिदेव देव सोम  
 ३०  
 यः पावमानीरध्ये त्यृषिभिः संभृतं रसम् । सर्वं स पूतमश्नाति स्वदितं  
 मातुरिश्चना ३१  
 पावमानीर्यो अध्ये त्यृषिभिः संभृतं रसम् । तस्मै सरस्वती दुहे क्षीरं  
 सर्पिर्मधूदकम् ३२

चतुर्थोऽनुवाकः

। सू० ६८-८५ ।



(६८) अष्टषष्टितमं सूक्तम्

(१-१०) दशर्चस्यास्य सूक्तस्य भालन्दनो वत्सप्रिर्ऋषिः । पवमानः सोमो देवता ।

(१-६) प्रथमादिनवर्चा जगती, (१०) दशम्याश्च त्रिष्टुप् छन्दसी

प्र देवमच्छा मधुमन्त इन्दवो ऽसिष्यदन्त गाव आ न धेनवः ।  
बर्हिषदौ वचनावन्त ऊर्धभिः परिस्तुतमुस्त्रिया निर्णिजं धिरे १  
स रोर्वदभि पूर्वा अचिक्रद दुपारुहः श्रथयन् त्स्वादते हरिः ।  
तिरः पवित्रं परियन्नुरु ज्यो नि शयाणि दधते देव आ वरम् २  
वि यो ममे यम्या संयती मदः साकंवृधा पर्यसा पिन्वदक्षिता ।  
मही अपारे रजसी विवेविद दभिव्रजन्नक्षितं पाज आ ददे ३  
स मातरा विचरन् वाजयन्नपः प्र मेधिरः स्वधया पिन्वते पदम् ।  
अंशुर्यवैन पिपिशे यतो नृभिः सं जामिभिर्नसते रक्षते शिरः ४  
सं दक्षेण मनसा जायते कवि ऋतस्य गर्भो निहितो यमा पुरः ।  
यूना ह सन्ता प्रथमं वि जज्ञतु गुहा हितं जनिम् नेममुद्यतम् ५  
मन्द्रस्य रूपं विविदुर्मनीषिणः श्येनो यदन्धो अभरत् परावतः ।  
त मर्जयन्त सुवृधं नदीष्वा उशन्तमंशं परियन्तमृगमयम् ६  
त्वां मृजन्ति दश योषणः सुतं सोम ऋषिभिर्मतिभिर्धीतिभिर्हितम् ।  
अव्यो वारैभिरुत देवहूतिभिर्नृभिर्यतो वाजमा दर्षि सातयै ७  
परिप्रयन्तं व्ययं सुषंसदं सोमं मनीषा अभ्यनूषत स्तुभः ।  
यो धारया मधुमा ऊर्मिणा दिव इयति वाचं रयिषाळमर्त्यः ८  
अयं दिव इयति विश्वमा रजः सोमः पुनानः कलशेषु सीदति ।  
अद्भिर्गोभिर्मृज्यते अद्भिः सुतः पुनान इन्दुर्वरिवो विदत् प्रियम् ९  
एवा नः सोम परिषिच्यमानो वयो दधच्चित्रतमं पवस्व ।  
अद्वेषे द्यावापृथिवी हुवेम देवा धत्त रयिमस्मे सुवीरम् १०

(६९) एकोनसप्ततितमं सूक्तम्

(१-१०) दशर्चस्यास्य सूक्तस्याङ्गिरसो हिरण्यस्तूप ऋषिः । पवमानः सोमो देवता

। (१-८) प्रथमाद्यष्टर्चा जगती, (९-१०) नवमीदशम्योश्च त्रिष्टुप् छन्दसी

इषुर्न धन्वन् प्रति धीयते मतिर्वत्सो न मातुरुप सज्यूर्धनि ।  
उरुधरिव दुहे अग्र आयत्यस्य वृतेष्वपि सोम इष्यते १

उपौ म॒तिः पृ॒च्यते सि॒च्यते म॒धु म॒न्द्राज॑नी चोदते अ॒न्तरा॑सनि ।  
 प॒र्वमा॑नः संत॒निः प्र॒घ्नता॑मिव॒ मधु॑मान् द्रु॒प्सः परि॑ वार॑मर्षति २  
 अव्ये॑ वधू॒युः प॑वते परि॑ त्वचि॒ श्र॑न्तीते न॒प्तीर॑दितेर्भू॒तं य॒ते ।  
 हरि॑रक्रान् यज॒तः संय॑तो म॒दो नृ॑म्णा शि॒शानो॑ महिषो न शो॑भते ३  
 उ॒क्षा मि॑माति॒ प्रति॑ यन्ति धे॒नवो॑ दे॒वस्य॑ दे॒वीरु॑पं यन्ति निष्कृ॒तम् ।  
 अत्य॑क्रमी॒दर्जु॑नं वार॑म॒व्य य॒मत्कं॑ न नि॒क्तं परि॑ सोमो॑ अव्यत ४  
 अ॒मृत्के॑न रु॒शता॑ वा॒ससा॑ हरि॒ रम॑त्यो॒ निर्णि॑जानः परि॑ व्यत ।  
 दि॒वस्पृ॑ष्ठं ब॒र्हणा॑ नि॒र्णिजे॑ कृ॒तो पु॒स्तर॑णं च॒म्बोर्न॑भ॒स्मय॑म् ५  
 सूर्य॑स्यैव र॒श्मयो॑ द्रावयि॒त्वो म॑त्स॒रासः प्र॑सु॒पः सा॑क॒मीर॑ते ।  
 तन्तुं॑ त॒तं परि॑ सर्गा॒स आ॑श॒वो ने॒न्द्रादृ॑ते प॑वते धाम॒ किं च॒न ६  
 सि॒न्धौरि॑व प्रव॒णे नि॒म्र आ॑श॒वो वृ॑ष॒च्युता॑ म॒दासो॑ गा॒तुमा॑शत ।  
 शं नो॑ नि॒वेशे॑ द्वि॒पदे॑ चतु॒ष्पदे॑ ऽस्मे वा॒जाः सोम॑ तिष्ठन्तु कृ॒ष्टयः॑ ७  
 आ नः॑ प॒वस्व॒ वसु॑म॒द्धिर॑ण॒यव॒ दश्वा॑व॒द्भोम॑द्य॒वम॑त् सु॒वीर्य॑म् ।  
 यू॒यं हि सौ॑म पि॒तरो॑ मम॒ स्थन॑ दि॒वो मूर्धा॑नः प्र॒स्थिता॑ व॒यस्कृ॑तः ८  
 ए॒ते सोमाः॑ प॒र्वमा॑नास॒ इन्द्रं॑ रथा॒ इव॒ प्र य॑युः सा॒तिम॑च्छ ।  
 सु॒ताः पु॒वित्र॑मति॒ यु॒न्त्यव्य॑ हि॒त्वी व॒त्रिं ह॑रि॒तौ वृ॑ष्टि॒मच्छ॑ ९  
 इ॒न्द्रवि॒न्द्राय॑ बृ॒हते॑ प॒वस्व॒ सुमृ॑ळी॒को अ॑न॒वद्यो॑ रि॒शादाः॑ ।  
 भ॒रा च॒न्द्राणि॑ गृ॒णते॑ वसू॒नि दे॒वैर्द्या॑वापृ॒थिवी॑ प्रा॒वतं॑ नः १०

(७०) सप्ततितमं सूक्तम्

(१-१०) दशर्चस्यास्य सूक्तस्य वैश्वामित्रो रेणुर्ऋषिः । पवमानः सोमो देवता ।

(१-६) प्रथमादिनवर्चा जगती, (१०) दशम्याश्च त्रिष्टुप् छन्दसी

त्रि॒रस्मै॑ स॒प्त धे॒नवो॑ दु॒दुहे॑ स॒त्यामा॑शि॒रं पू॒र्व्ये व्यो॑मनि ।  
 च॒त्वार्य॑न्या भु॒व॒नानि॑ नि॒र्णिजे॑ चा॒रुणि॑ च॒क्रे य॑दृ॒तैर॑व॒र्धत॑ १  
 स भि॒क्षमा॑णो अ॒मृत॑स्य चा॒रुण॑ उ॒भे द्या॒वा का॒व्येना॑ वि श॑श्रथे ।  
 तेजि॑ष्ठा अ॒पो म॑ह॒ना परि॑ व्यत॒ यदी॑ दे॒वस्य॑ श्र॒वसा॑ स॒दो वि॒दुः २  
 ते अ॑स्य सन्तु के॒तवो॑ ऽमृ॒त्यवो॑ ऽदा॒भ्यासो॑ ज॒नुषी॑ उ॒भे अ॒नु ।  
 येभि॑र्नृ॒म्णा च॑ दे॒व्या च॑ पु॒नत॑ आदि॒द्राजा॑नं म॒नना॑ अ॒गृभ्ण॑त ३  
 स मृ॒ज्यमा॑नो द॒शभिः॑ सु॒कर्म॑भिः प्र म॑ध्य॒मासु॑ मा॒तृषु॑ प्र॒मे स॑चा ।  
 वृ॒तानि॑ पा॒नो अ॒मृत॑स्य चा॒रुण॑ उ॒भे नृ॒चक्षा॑ अ॒नु प॑श्यते वि॒शौ ४

स मर्मजान इन्द्रियाय धायस ओभे अन्ता रोदसी हर्षते हितः ।  
वृषा शुष्मैण बाधते वि दुर्मती रादेदिशानः शर्यहेव शरुधः ५  
स मातरा न ददृशान उस्त्रियो नानददेति मरुतामिव स्वनः ।  
जानन्नृतं प्रथमं यत् स्वरं प्रशस्तये कर्मवृणीत सुक्रतुः ६  
रुवर्ति भीमो वृषभस्तविष्यया शृङ्गे शिशानो हरिणी विचक्षणः ।  
आ योनिं सोमः सुक्रतुं नि षीदति गव्ययी त्वग्भवति निर्णिगव्ययी ७  
शुचिः पुनानस्तन्वमरेपस मव्ये हरिन्यधाविष्ट सानवि ।  
जुष्टो मित्राय वरुणाय वायवे त्रिधातु मधु क्रियते सुकर्मभिः ८  
पर्वस्व सोम देववीतये वृषे न्द्रस्य हार्दि सोमधानमा विश ।  
पुरा नो बाधादुरिताति पारय क्षेत्रविद्धि दिश आहा विपृच्छते ९  
हितो न सप्तिरभि वाजमर्षेन द्रस्येन्दो जठरमा पवस्व ।  
नावा न सिन्धुमति पर्षि विद्वा ज्छूरो न युध्यन्नव नो निद स्पः १०

(७१) एकसप्ततितमं सूक्तम्

(१-६) नवर्चस्यास्य सूक्तस्य वैश्वामित्र ऋभव ऋषिः । पवमानः सोमो देवता ।

(१-८) प्रथमाद्यष्टर्चा जगती, (९) नवम्याश्च त्रिष्टुप् छन्दसी  
आ दक्षिणा सृज्यते शष्म्याऽसदं वेति द्रुहो रक्षसः पाति जागृविः ।  
हरिरोपशं कृणुते नभस्पय उपस्तिरै चम्बोऽब्रह्म निर्णिजे १  
प्र कृष्टिहेव शूष एति रोरुव दसुर्यं वर्णं नि रिणीते अस्य तम् ।  
जहाति वृत्रं पितुरेति निष्कृत मुपप्रुतं कृणुते निर्णिजं तना २  
अद्रिभिः सुतः पवते गर्भस्त्यो वृषायते नभसा वेपते मृती ।  
स मौदते नसते साधते गिरा नैनिक्ते अप्सु यजते परीमणि ३  
परि द्युक्षं सहसः पर्वतावृधं मध्वः सिञ्चन्ति हर्म्यस्य सक्षणिम् ।  
आ यस्मिन् गावः सुहुताद् ऊर्ध्वनि मूर्धञ्छुचफट्ठीणन्त्यग्रियं वरीमभिः ४  
समी रथं न भुरिजौरहेषत् दश स्वसोरो अदितेरुपस्थ आ ।  
जिगादुपे जयति गोरपीच्यं पदं यदस्य मृतुथा अजीजनन् ५  
श्येनो न योनिं सदनं धिया कृतं हिरण्ययमासदं देव एषति ।  
ए रिणन्ति बर्हिषि प्रियं गिरा ऽश्चो न देवाँ अप्येति यज्ञियः ६  
परा व्यक्तो अरुषो दिवः कवि र्वृषा त्रिपृष्ठो अनविष्ट गा अभि ।  
सहस्रणीतिर्यतिः परायती रेभो न पूर्वोरुषसो वि राजति ७

त्वेषं रूपं कृणुते वर्णो अस्य स यत्राशयत् समृता सेधति स्त्रिधः ।  
 अप्सा याति स्वधया दैव्यं जनं सं सुष्टुती नसते सं गोअग्रया ८  
 उक्षेव यूथा परियन्नरावी दधि त्विर्षीरधितु सूर्यस्य ।  
 दिव्यः सुपर्णोऽव चक्षत क्षां सोमः परि क्रतुना पश्यते जाः ९

(७२) द्विसप्ततितमं सूक्तम्

(१-६) नवर्चस्यास्य सूक्तस्याङ्गिरसो हरिमन्त ऋषिः । पवमानः सोमो देवता ।

जगती छन्दः

हरिं मृजन्त्यरुषो न युज्यते सं धेनुभिः कलशे सोमो अज्यते ।  
 उद्वाचमीरयति हिन्वते मृती पुरुष्टुतस्य कति चित् परिप्रियः १  
 साकं वेदन्ति ब्रह्मवो मनीषिण इन्द्रस्य सोमं जठरे यदादुहुः ।  
 यदी मृजन्ति सुगभस्तयो नरः सनीळाभिर्दशभिः काम्यं मधु २  
 अरममाणो अत्यैति गा अभि सूर्यस्य प्रियं दुहितुस्तिरो रवम् ।  
 अन्वस्मै जोषमभरद्विनंगुसः सं द्वयीभिः स्वसृभिः क्षेति जामिभिः ३  
 नृधूतो अद्रिषुतो बर्हिषि प्रियः पतिर्गवां प्रदिव इन्दुर्भृत्वियः ।  
 पुरन्धिवान् मनुषो यज्ञसाधनः शुचिर्धिया पवते सोम इन्द्र ते ४  
 नृबाहुभ्यां चोदितो धारया सुतोऽनुष्वधं पवते सोम इन्द्र ते ।  
 आप्राः क्रतून् त्समजैरध्वरे मृती वेन दुषच्चम्बोऽरासदुद्धरिः ५  
 अंशं दुहन्ति स्तनयन्तमक्षितं कविं कवयोऽपसो मनीषिणः ।  
 समी गावो मृतयो यन्ति संयतं ऋतस्य योना सदने पुनर्भुवः ६  
 नाभा पृथिव्या धरुणो महो दिवोऽपामूर्मो सिन्धुष्वन्तरुक्षितः ।  
 इन्द्रस्य वज्रो वृषभो विभूवसुः सोमो हृदे पवते चारु मत्सरः ७  
 स तू पवस्व परि पार्थिवं रजः स्तोत्रे शिक्ताधून्वते च सुक्रतो ।  
 मा नो निर्भागवसुनः सादनस्पृशो रयिं पिशङ्गं बहुलं वसीमहि ८  
 आ तू न इन्दो शतदात्वश्वयं सहस्रदातु पशमद्विरणयवत् ।  
 उप मास्व बृहती रेवतीरिषोऽधि स्तोत्रस्य पवमान नो गहि ९

(७३) त्रिसप्ततितमं सूक्तम्

(१-६) नवर्चस्यास्य सूक्तस्याङ्गिरसः पवित्र ऋषिः । पवमानः सोमो देवता ।

जगती छन्दः

स्रक्वे द्रप्सस्य धर्मतुः समस्वर नृतस्य योना समरन्त नाभयः ।  
 त्रीन् त्स मूर्ध्नो असुरश्चक्र आरभै सत्यस्य नावः सुकृतमपीपरन् १  
 सम्यक् सम्यञ्चो महिषा अहेषत सिन्धौरूमावधि वेना अवीविपन् ।  
 मधोर्धाराभिर्जनयन्तो अर्कमित् प्रियामिन्द्रस्य तन्वमवीवृधन् २  
 पवित्रवन्तः परि वार्चमासते पितैर्षा प्रतो अभि रक्षति व्रतम् ।  
 मुहः समुद्रं वरुणस्तिरो दधे धीरा इच्छैकुर्धरुणेष्वारभम् ३  
 सहस्रधारेऽव ते समस्वरन् दिवो नाके मधुजिह्वा असञ्चतः ।  
 अस्य स्पशो न नि मिषन्ति भूर्ययः पुदेपदे पाशिनः सन्ति सेतवः ४  
 पितुर्मातुरध्या ये समस्वर नृचा शोचन्तः संदहन्तो अवृतान् ।  
 इन्द्रद्विष्टामप धमन्ति मायया त्वचमसिक्नीं भूमनो दिवस्परि ५  
 प्रबान्मानादध्या ये समस्वर ऋलोकयनत्रासो रभसस्य मन्तवः ।  
 अपान्नासौ बधिरा अहासत अतस्य पनथां न तरन्ति दुष्कृतः ६  
 सहस्रधारे वितते पवित्र आ वार्च पुनन्ति कवयो मनीषिणः ।  
 रुद्रास एषामिषिरासौ अद्रुहः स्पशः स्वञ्चः सुदृशौ नृचक्षसः ७  
 अतस्य गोपा न दभाय सुक्रतु स्त्री ष पवित्रो हृद्यन्तरा दधे ।  
 विद्वान् त्स विश्वा भुवनाभि पेश्य त्यवाजुष्टान् विध्यति कर्ते अवृतान् ८  
 अतस्य तन्तुर्विततः पवित्र आ जिह्वाया अग्रे वरुणस्य मायया ।  
 धीराश्चित् तत् समिनक्षन्त आशताऽत्रा कर्तमव पदात्यप्रभुः ९

(७४) चतुःसप्ततितमं सूक्तम्

(१-९) नवर्चस्यास्य सूक्तस्य दैर्घतमसः कक्षीवान् ऋषिः । पवमानः सोमो देवता  
 । (१-७, ९) प्रथमादिसप्तर्चा नवम्याश्च जगती, (८) अष्टम्याश्च त्रिष्टुप् छन्दसी  
 शिशर्न जातोऽव चक्रदद्वने स्वर्श्यद्वाज्यरुषः सिषासति ।  
 दिवो रेतसा सचते पयोवृधा तमीमहे सुमती शर्म सप्रथः १  
 दिवो यः स्कम्भो धरुणः स्वातत आपूर्णो अंशुः पर्येति विश्वतः ।  
 सेमे मही रोदसी यक्षदावृता समीचीने दाधार समिषः कविः २  
 महि प्सरः सुकृतं सोम्यं मधू र्वी गव्यूतिरदितेऽर्तुतं यते ।  
 ईशे यो वृष्टेरित उस्त्रियो वृषा ऽपां नेता य इतर्कतिर्गमियः ३  
 आत्मन्वन्नभौ दुह्यते घृतं पर्य अतस्य नाभिरमृतं वि जायते ।  
 समीचीनाः सुदानवः प्रीणन्ति तं नरो हितमव मेहन्ति परवः ४

अरावीदंशुः सचमान ऊर्मिणा देवाव्यं मनुषे पिन्वति त्वचम् ।  
 दधाति गर्भमदितेरुपस्थ आ येन तोकं च तनयं च धामहे ५  
 सहस्रधारेऽव ता असश्चत स्तृतीयै सन्तु रजसि प्रजावतीः ।  
 चतस्रो नाभो निहिता अवो दिवो हविर्भरन्त्यमृतं घृतश्चुतः ६  
 श्वेतं रूपं कृणुते यत् सिषासति सोमो मीढ्वाँ असुरो वेद भूमनः ।  
 धिया शमी सचते सेमभि प्रवद् दिवस्क्वन्धमव दर्षदुद्रिणम् ७  
 अर्धं श्वेतं कलशं गोभिर्क्तं कार्ष्णन्ना वाज्यक्रमीत् ससवान् ।  
 आ हिन्विरे मनसा देवयन्तः कक्षीवते शतहिमायु गोनाम् ८  
 अद्भिः सोम पृचानस्य ते रसो ऽव्यो वारं वि पवमान धावति ।  
 स मृज्यमानः कविभिर्मदिन्तम् स्वदस्वेन्द्राय पवमान पीतये ९

(७५) पञ्चसप्ततितमं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

अभि प्रियाणि पवते चनोहितो नामानि युहो अधि येषु वर्धते ।  
 आ सूर्यस्य बृहतो बृहन्नधि रथं विष्वञ्चमरुहद्विचक्षणः १  
 ऋतस्य जिह्वा पवते मधु प्रियं वक्ता पतिर्धियो अस्या अदाभ्यः ।  
 दधाति पुत्रः पित्रोरपीच्यं नाम तृतीयमधि रोचने दिवः २  
 अव द्युतानः कलशाँ अचिक्रद् नृभिर्येमानः कोश आ हिरण्यये ।  
 अभीमृतस्य दोहना अनूषता ऽधि त्रिपृष्ठ उषसो वि राजति ३  
 अद्रिभिः सुतो मतिभिश्चनोहितः प्ररोचयन् रोदसी मातरा शुचिः ।  
 रोमाण्यव्या समया वि धावति मधोर्धारा पिन्वमाना दिवेदिवे ४  
 परि सोम प्र धन्वा स्वस्तये नृभिः पुनानो अभि वासयाशिरम् ।  
 ये ते मदा आहूनसो विहायस स्तेभिरिन्द्र चोदय दार्तवे मघम् ५  
 तृतीयोऽध्यायः

। व० १-२६ ।

(७६) षट्सप्ततितमं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

ध॒र्ता दि॒वः प॑वते कृ॒त्व्यो र॒सो द॒क्षौ दे॒वाना॑मनु॒माद्यो नृ॑भिः ।  
हरिः सृ॒जानो अ॒त्यो न स॒त्त्वभि॑र्वृ॒था पा॒जासि॑ कृ॒णुते न॒दीष्वा १  
शू॒रो न ध॑त्त आ॒युधा॑ ग॒र्भस्त्योः स्व॑ः सि॒षासन् र॑थि॒रो ग॒र्विष्टि॑षु ।  
इन्द्र॑स्य शु॒ष्ममी॒रय॑न्न॒पस्यु॑भि॒रिन्दु॑र्हि॒न्वानो अ॑ज्यते म॒नीषि॑भिः २  
इन्द्र॑स्य सोम॒ पव॑मान ऊ॒र्मिणा॑ तवि॒ष्यमा॑णो ज॒ठरे॑ष्वा वि॒श ।  
प्र णाः पि॒न्व वि॒द्युद॑ध्रेव॒ रोद॑सी धि॒या न वा॒जाँ उप॑ मासि॒ शश्व॑तः ३  
विश्व॑स्य॒ राजा॑ पवते स्व॒र्दृशं॑ ऋ॒तस्य॑ धी॒तिमृ॑षिषाळ॒वीव॑शत् ।  
यः सूर्य॑स्यासिरेण मृ॒ज्यते पि॒ता म॑तीनामसमष्टकाव्यः ४  
वृष॑व यू॒था परि॑ को॒शम॑र्ष॒स्यपा॑मुपस्थे वृष॒भः क॑र्निक्रदत् ।  
स इन्द्रा॑य पवसे मत्सरि॒न्तो यथा॑ जेषा॒म स॑मि॒थे त्वो॑तयः ५

(७७) सप्तसप्ततितमं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

ए॒ष प्र को॑शे म॒धुमाँ अ॑चिक्रद॒ दिन्द्र॑स्य॒ वज्रो॑ व॒पुषो॑ व॒पुष्टरः॑ ।  
अ॒भीमृ॑तस्य सु॒दुघा॑ घृ॒तश्चु॑तो वा॒श्रा अ॑र्षन्ति प॒यसे॑व धे॒नवः॑ १  
स पू॒र्व्यः प॑वते यं दि॒वस्परि॑ श्ये॒नो म॑था॒यदि॑षितस्ति॒रो रजः॑ ।  
स म॒ध्व आ॑ यु॒वते वे॑र्वि॒जान् इ॒त् कृ॑शानो॒रस्तु॑र्म॒नसा॑ह बि॒भ्युषा॑ २  
ते नः॒ पूर्वा॑स॒ उप॑रास॒ इन्द्र॑वो म॒हे वा॒जाय॑ ध॒न्वन्तु गो॑मते ।  
ई॒क्षेण॑या॒सो अ॒ह्यो॒र्न चार॑वो ब्र॒ह्मब्र॑ह्म ये जु॒जुषु॑र्ह॒विर्ह॑विः ३  
अ॒यं नो॑ वि॒द्वान् वे॑नवद्व॒नुष्य॑त इन्द्रुः॒ स॒त्राचा॑ म॒नसा॑ पु॒रुष्ट॑तः ।  
इ॒नस्य॑ यः स॒दने॑ ग॒र्भमा॑द॒धे ग॒वा॒मु॒रुब्ज॑म॒भ्यर्ष॑ति वृ॒जम् ४  
च॒क्रिर्दि॒वः प॑वते कृ॒त्व्यो र॒सो म॒हाँ अ॑द॒ब्धो व॑रु॒णो हु॑रु॒ग्यते॑ ।  
अ॒सा॒वि मि॒त्रो वृ॒जनै॑षु य॒ज्ञियो॑ ऽत्यो न यू॒थे वृ॑ष॒युः क॑र्निक्रदत् ५

(७८) अष्टसप्ततितमं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

प्र राजा॑ वाचं ज॒नय॑न्नसिष्यद॒ दुपो॑ वसा॒नो अ॒भि गा॑ ई॒यक्ष॑ति ।  
गृ॒ष्णाति॑ रि॒प्रम॑वि॒रस्य॑ तान्वा॒ श॒द्धो दे॒वाना॑मु॒प या॑ति निष्कृ॒तम् १

इन्द्राय सोमं परि षिच्यसे नृभिर्नृचक्षो ऊर्मिः कविरज्यसे वने ।  
 पूर्वीर्हि ते स्तुतयः सन्ति यातवे सहस्रमश्वा हरयश्चमूषदः २  
 समुद्रिया अप्सरसो मनीषिण मासीना अन्तरभि सोममक्षरन् ।  
 ता ई हिन्वन्ति हर्म्यस्य सक्षणिं याचन्ते सुम्नं पवमानमक्षितम् ३  
 गोजिन्नः सोमो रथजिद्धिरण्यजित् स्वर्जिदब्जित् पवते सहस्रजित् ।  
 यं देवासश्चक्रिरे पीतये मदं स्वादिष्ठं द्रुप्समरुणं मयोभुवम् ४  
 एतानि सोमं पवमानो अस्मयुः सत्यानि कृणवन् द्रविणान्यर्षसि ।  
 जहि शत्रुमन्तिके दूरके च य उर्वी गव्यूतिमभयं च नस्कृधि ५

(७६) एकोनाशीतितमं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

अचोदसो नो धन्वन्तिवन्देवः प्र सुवानासो बृहदिवेषु हरयः ।  
 वि च नशन् न इषो अरातयो ऽर्यो नशन्त सनिषन्त नो धियः १  
 प्र णो धन्वन्तिवन्देवो मदच्युतो धना वा येभिरवतो जुनीमसि ।  
 तिरो मर्तस्य कस्य चित् परिहृतिं वयं धनानि विश्वधा भरेमहि २  
 उत स्वस्या अरात्या अरिर्हि ष उतान्यस्या अरात्या वृको हि षः ।  
 धन्वन् न तृष्णा समरीत तां अभि सोमं जहि पवमान दुराध्यः ३  
 दिवि ते नाभा परमो य आददे पृथिव्यास्तै रुरुहुः सानवि क्षिप ।  
 अद्रयस्त्वा बप्सति गोरधि त्व च्येप्सु त्वा हस्तैर्दुदुहर्मनीषिणः ४  
 एवा त इन्दो सुभ्वं सुपेशसं रसं तुञ्जन्ति प्रथमा अभिश्रियः ।  
 निदनिदं पवमान नि तारिष आविस्ते शुष्मो भवतु प्रियो मदः ५

(८०) अशीतितमं सूक्तम्

(१-५) पञ्चर्चस्यास्य सूक्तस्य भारद्वाजो वसुर्ऋषिः । पवमानः सोमो देवता ।

जगती छन्दः

सोमस्य धारा पवते नृचक्षस ऋतेन देवान् हवते दिवस्परि ।  
 बृहस्पते र्वथैना वि दिद्युते समुद्रासो न सर्वनानि विव्यचुः १  
 यं त्वा वाजिन्नघ्या अभ्यनूषता ऽर्योहतं योनिमा रोहसि द्युमान् ।



मधोनामायुः प्रतिरन् महि श्रव इन्द्राय सोम पवसे वृषा मदः २  
 एन्द्रस्य कुक्षा पवते मुदिन्तम् ऊर्जं वसानुः श्रवसे सुमङ्गलः ।  
 प्रत्यङ् स विश्वा भुवनाभि पप्रथे क्रीळन् हरित्यः स्यन्दते वृषा ३  
 तं त्वा देवेभ्यो मधुमत्तम् नरः सहस्रधारं दुहते दश क्षिपः ।  
 नृभिः सोम प्रच्युतो ग्रावभिः सुतो विश्वान् देवाँ आ पवस्वा सहस्रजित् ४  
 तं त्वा हस्तिनो मधुमन्तमद्रिभिर्दुहन्त्यप्सु वृषभं दश क्षिपः ।  
 इन्द्रं सोम मादयन् दैव्यं जनं सिन्धौरिवोर्मिः पवमानो अर्षसि ५

(८१) एकाशीतितमं सूक्तम्

(१-५) पञ्चर्चस्यास्य सूक्तस्य भारद्वाजो वसुर्ऋषिः । पवमानः सोमो देवता ।

(१-४) प्रथमादिचतुर्ऋचां जगती, (५) पञ्चम्याश्च त्रिष्टुप् छन्दसी  
 प्र सोमस्य पवमानस्योर्मय इन्द्रस्य यन्ति जठरं सुपेशसः ।  
 दध्ना यदीमुन्नीता यशसा गवां दानाय शूरमुदमन्दिषुः सुताः १  
 अच्छा हि सोमः कलशाँ असिष्यद् दत्यो न वोळ्हा रघुवर्तनिर्वृषा ।  
 अथा देवानामुभयस्य जन्मनो विद्वाँ अश्नोत्यमुत इतश्च यत् २  
 आ नः सोम पवमानः किरा वस्विन्दो भव मधवा राधसो महः ।  
 शिक्षा वयोधो वसवे सु चेतुना मा नो गर्यमारे अस्मत् परा सिचः ३  
 आ नः पूषा पवमानः सुरातयो मित्रो गच्छन्तु वरुणः सजोषसः ।  
 बृहस्पतिर्मरुतो वायुरश्विना त्वष्टा सविता सुयमा सरस्वती ४  
 उभे द्यावापृथिवी विश्वमिन्वे अर्यमा देवो अदितिर्विधाता ।  
 भगो नृशंस उर्वश्न्तरिक्षं विश्वे देवाः पवमानं जुषन्त ५

(८२) द्व्यशीतितमं सूक्तम्

(१-५) पञ्चर्चस्यास्य सूक्तस्य भारद्वाजो वसुर्ऋषिः । पवमानः सोमो देवता ।

(१-४) प्रथमादिचतुर्ऋचां जगती, (५) पञ्चम्याश्च त्रिष्टुप् छन्दसी  
 असावि सोमो अरुषो वृषा हरी राजैव दुस्मो अभि गा अचिक्रदत् ।  
 पुनानो वारं पर्येत्यव्ययं श्येनो न योनिं घृतवन्तमासदम् १  
 कविर्वेधस्या पर्येषि माहिन् मत्यो न मृष्टो अभि वाजमर्षसि ।  
 अपसेधन् दुरिता सौम मृळय घृतं वसानुः परि यासि निर्णिजम् २  
 पर्जन्यः पिता महिषस्य पर्णिनो नाभा पृथिव्या गिरिषु क्षयं दधे ।

स्वसार॑ आपो॑ अ॒भि गा उ॒तासर॑न् त्सं॒ ग्राव॑भिर्नसते वी॒ते अ॒ध्वरे ३  
जा॒येव॑ प॒त्याव॑धि शेव॑ म॒हसे॑ प॒ज्राया॑ गर्भं शृ॒णुहि॑ ब्रवी॑मि ते ।  
अ॒न्तर्वा॑णीषु प्र च॒रा सु जी॒वसे॑ ऽनि॒नद्यो॑ वृ॒जने॑ सोम जागृ॑हि ४  
यथा॑ पूर्वे॒भ्यः श॒त॒सा अ॒मृधः॑ स॒हस्र॑साः पु॒र्यया॑ वा॒जमि॑न्दो ।  
ए॒वा प॑वस्व सु॒वि॒ताय॑ न॒व्यसे॑ तव॑ व॒तम॑न्वापः सच॑न्ते ५

(८३) त्र्यशीतितमं सूक्तम्

(१-५) पञ्चर्चस्यास्य सूक्तस्याङ्गिरसः पवित्र ऋषिः । पवमानः सोमो देवता ।  
जगती छन्दः

प॒वित्रं॑ ते॒ वि॒त॒तं ब्र॑ह्मणस्पते प्र॒भुर्गात्रा॑णि॒ पर्यै॑षि वि॒श्वतः॑ ।  
अ॒त॒प्त॒त॒नूर्न॑ तदा॒मो अ॑श्नुते शृ॒तास॑ इ॒द्वह॑न्तस्तत् समा॑शत १  
तपो॑ष्प॒वित्रं॑ वि॒त॒तं दि॒वस्प॑दे शोच॑न्तो अस्य॒ तन्त॑वो व्य॒स्थिर॑न् ।  
अ॒व॒न्त्य॑स्य प॒वी॒तार॑मा॒शवो॑ दि॒वस्पृ॑ष्ठमधि॒ तिष्ठ॑न्ति चे॒तसा॑ २  
अ॒रू॒रुच॑दुष॒सः पृ॑श्नि॒रग्रि॑य उ॒क्षा बि॑भर्ति॒ भुव॑नानि वा॒ज॒युः ।  
मा॒या॒वि॒नो म॑मिरे अस्य मा॒यया॑ नृ॒चक्ष॑सः पि॒तरो॑ गर्भ॒मा द॑धुः ३  
ग॒न्ध॒र्व इ॒त्था पु॑दम॒स्य र॑क्षति पा॒ति दे॒वानां॑ ज॒नि॒मान्य॑द्भुतः ।  
गृ॒ष्णा॒ति रि॒पुं नि॒धया॑ नि॒धाप॑तिः सु॒कृ॒त्त॒मा म॑धु॒नो भ॑क्षमा॒शत ४  
ह॒विर्ह॑विष्मो म॒हि स॒द्य दै॒व्यं न॑भो वसा॑न्ः परि॒ यास्य॑ध्व॒रम् ।  
राजा॑ प॒वित्र॑रथो वा॒ज॒मारु॑हः स॒हस्र॑भृष्टि॒र्जय॑सि श्रवो॑ बृ॒हत् ५

(८४) चतुरशीतितमं सूक्तम्

(१-५) पञ्चर्चस्यास्य सूक्तस्य वाच्यः प्रजापतिर्ऋषिः । पवमानः सोमो देवता ।  
जगती छन्दः

प॒वस्व॑ दे॒व॒मा॒द॒नो वि॑च॒र्षणि॑ र॒प्सा इ॒न्द्राय॑ वरु॒णाय॑ वा॒यवे॑ ।  
कृ॒धी नो॑ अ॒द्य वरि॑वः स्व॒स्ति॒म दुरु॑क्षितौ गृ॒णीहि॑ दै॒व्यं ज॑नम् १  
आ यस्त॑स्थौ भुव॒नान्य॑म॒र्त्यो वि॒श्वा॒नि सोमः॑ परि॒ तान्य॑र्षति ।  
कृ॒णव॑न् त्स॒ंच॒तं वि॒च॒त॒म॒भिष्ट॑य इ॒न्दुः सि॒षक्त्यु॑षसं न सूर्यः २  
आ यो गो॑भिः सृ॒ज्यत॑ ओष॒धीष्वा॑ दे॒वानां॑ सु॒म्न इ॒षय॑न्नुपा॒वसुः॑ ।  
आ वि॒द्युता॑ पव॒ते धा॑रया सु॒त इ॒न्द्रं सोमो॑ मा॒दय॑न् दै॒व्यं ज॑नम् ३  
ए॒ष स्य॑ सोमः पव॒ते स॒हस्र॑जि॒द्वि॒न्वा॒नो वा॑चमिषि॒रामु॑ष॒र्बुध॑म् ।

इन्द्रुः समुद्रमुदियति वायुभि रेन्द्रस्य हार्दि कलशेषु सीदति ४  
अभि त्यं गावः पयसा पयोवृधं सोमं श्रीणन्ति मृतिभिः स्वर्विदम् ।  
धनंजयः पवते कृत्वो रसो विप्रः कविः काव्येना स्वर्चनाः ५

(८५) पञ्चाशीतितमं सूक्तम्

(१-१२) द्वादशर्चस्यास्य सूक्तस्य भार्गवो वेन ऋषिः । पवमानः सोमो देवता ।  
(१-१०) प्रथमादिदशर्चा जगती, (११-१२) एकादशीद्वादशयोश्च त्रिष्टुप् छन्दसी  
इन्द्राय सोम सुषुतः परि स्रवाऽपामीवा भवतु रक्षसा सह ।  
मा ते रसस्य मत्सत द्याविनो द्रविणस्वन्त इह सन्तिवन्दवः १  
अस्मान् त्समुर्ये पवमान चोदय दक्षो देवानामसि हि प्रियो मर्दः ।  
जहि शत्रूँभ्या भन्दनायतः पिबेन्द्र सोममव नो मृधौ जहि २  
अर्दध इन्द्रो पवसे मुदिन्तम आत्मेन्द्रस्य भवसि धासिरुत्तमः ।  
अभि स्वरन्ति ब्रह्मवो मनीषिणो राजानमस्य भुवनस्य निंसते ३  
सहस्रंणीथः शतधारो अद्भुत इन्द्रायेन्द्रुः पवते काम्यं मधु ।  
जयन् क्षेत्रमभ्यर्षा जयन्नप उरुं नो गातुं कृणु सोम मीढ्वः ४  
कनिक्रदत् कलशे गोभिरज्यसे व्यश्वययं समया वारमर्षसि ।  
मर्मृज्यमानो अत्यो न सानसि रिन्द्रस्य सोम जठरे समक्षरः ५  
स्वादुः पवस्व दिव्याय जन्मने स्वादुरिन्द्राय सुहवीतुनाम्ने ।  
स्वादुर्मित्राय वरुणाय वायवे बृहस्पतये मधुमो अदाभ्यः ६  
अत्यं मृजन्ति कलशे दश क्षिपः प्र विप्राणां मृतयो वाच ईरते ।  
पवमाना अभ्यर्षन्ति सुष्टति मेन्द्रं विशन्ति मदिरास इन्द्रवः ७  
पवमानो अभ्यर्षा सुवीर्ये मुर्वी गव्यूतिं महि शर्म सप्रथः ।  
मार्किर्नो अस्य परिषूतिरीशतेन्द्रो जयैम त्वया धनं धनम् ८  
अधि द्यामस्थादृषभो विचक्ष्णो ऽरुरुचद्वि दिवो रौचना कविः ।  
राजा पवित्रमत्यैति रोरुवद् दिवः पीयूषं दुहते नृचक्षसः ९  
दिवो नाके मधुजिह्वा असञ्चतौ वेना दुहन्त्युक्षर्णं गिरिष्ठाम् ।  
अप्सु द्रप्सं वावृधानं समुद्र आ सिन्धौरूमा मधुमन्तं पवित्र आ १०  
नाकै सुपर्णमुपपत्तिवांसं गिरौ वेनानामकृपन्त पूर्वीः ।  
शिशं रिहन्ति मृतयः पनिप्रतं हिरण्ययं शकुनं क्षामणि स्थाम् ११  
ऊर्ध्वो गन्धर्वो अधि नाकै अस्थाद् विश्वा रूपा प्रतिचक्ष्णो अस्य ।

भानुः शुक्रेण शोचिषा व्यद्यौत् प्रारूरुचद्रोदसी मात्रा शुचिः १२

पञ्चमोऽनुवाकः

। सू० ८६-९६ ।

(८६) षडशीतितमं सूक्तम्

(१-४८) अष्टचत्वारिंशदृचस्यास्य सूक्तस्य (१-१०) प्रथमादिदशर्चामकृष्टा  
माषाः, (११-२०) एकादश्यादिदशानां सिकता निवावरी, (२१-३०)  
एकविंश्यादिदशानां पृश्नयोऽजाः, (३१-४०) एकत्रिंश्यादिदशानामत्रेयः, (४१-  
४५) एकचत्वारिंश्यादिपञ्चानां भौमोऽग्निः, (४६-४८) षट्चत्वारिंश्यादितृचस्य च  
भार्गवः शौनको गृत्समद ऋषयः । पवमानः सोमो देवता । जगती छन्दः  
प्र त आशवः पवमान धीजवो मदा अर्षन्ति रघुजा इव त्मना ।  
दिव्याः सुपर्णा मधुमन्त इन्दवो मदिन्तमासः परि कोशमासते १  
प्र ते मदासो मदिरास आशवो ऽसृक्षत रथ्यासो यथा पृथक् ।  
धेनुर्न वत्सं पर्यसाभि वज्रिण मिन्द्रमिन्दवो मधुमन्त ऊर्मयः २  
अत्यो न हियानो अभि वाजमर्ष स्वर्वित् कोशं दिवो अद्रिमातरम् ।  
वृषा पवित्रे अधि सानौ अव्यये सोमः पुनान इन्द्रियाय धार्यसे ३  
प्र त आश्विनीः पवमान धीजुवो दिव्या असृगृन् पर्यसा धरीमणि ।  
प्रान्तर्ऋषयः स्थाविरीरसृक्षत ये त्वा मृजन्त्यृषिषाण वेधसः ४  
विश्वा धामानि विश्वचक्ष ऋभ्वसः प्रभोस्ते सतः परि यन्ति केतवः ।  
व्यानशिः पवसे सोम धर्मभिः पतिर्विश्वस्य भुवनस्य राजसि ५  
उभयतः पवमानस्य रश्मयो ध्रुवस्य सतः परि यन्ति केतवः ।  
यदी पवित्रे अधि मृज्यते हरिः सत्ता नि योना कलशेषु सीदति ६  
यज्ञस्य केतुः पवते स्वध्वरः सोमो देवानामुप याति निष्कृतम् ।  
सहस्रधारः परि कोशमर्षति वृषा पवित्रमत्यैति रोरुवत् ७  
राजा समुद्रं नद्योऽ वि गाहते ऽपामूर्मि संचते सिन्धुषु श्रितः ।  
अध्यस्थात् सानु पवमानो अव्ययं नाभा पृथिव्या धरुणो महो दिवः ८  
दिवो न सानु स्तनयन्नचिक्रदद् द्यौश्च यस्य पृथिवी च धर्मभिः ।  
इन्द्रस्य सख्यं पवते विवेविदत् सोमः पुनानः कलशेषु सीदति ९  
ज्योतिर्यज्ञस्य पवते मधु प्रियं पिता देवानां जनिता विभूवसुः ।  
दधाति रत्नं स्वधयौरपीच्यं मदिन्तमो मत्सर इन्द्रियो रसः १०

अभिक्रन्दन् कलशं वाज्यर्षति पतिर्दिवः शतधारो विचक्षणः ।  
 हरिर्मित्रस्य सदनेषु सीदति मर्मज्ञानोऽविभिः सिन्धुभिर्वृषा ११  
 अग्रे सिन्धूनां पर्वमानो अर्षत्यग्रे वाचो अग्रियो गोषु गच्छति ।  
 अग्रे वाजस्य भजते महाधनं स्वायुधः सोतृभिः पूयते वृषा १२  
 अयं मृतवाञ्छकुनो यथा हितो ऽव्यै ससार पर्वमान ऊर्मिणा ।  
 तव क्रत्वा रोदसी अन्तरा कवे शुचिर्धिया पवते सोम इन्द्र ते १३  
 द्रापिं वसानो यजतो दिविस्पृश मन्तरिक्षप्रा भुवनेष्वर्पितः ।  
 स्वर्जज्ञानो नभसाभ्यक्रमीत् प्रतमस्य पितरमा विवासति १४  
 सो अस्य विशे महि शर्म यच्छति यो अस्य धाम प्रथमं व्यानशे ।  
 पुदं यदस्य परमे व्योमन् यतो विश्वा अभि सं याति संयतः १५  
 प्रो अयासीदिन्दुरिन्द्रस्य निष्कृतं सखा सख्युर्न प्र मिनाति संगिरम् ।  
 मर्य इव युवतिभिः समर्षति सोमः कलशे शतयाम्ना पृथा १६  
 प्र वो धियो मन्द्रयुवो विपन्युवः पनस्युवः संवसनेष्वक्रमुः ।  
 सोमं मनीषा अभ्यनूषत स्तुभो ऽभि धेनवः पर्यसेमशिश्रयुः १७  
 आ नः सोम संयतं पिप्युषीमिष मिन्दो पर्वस्व पर्वमानो अस्त्रिधम् ।  
 या नो दोहते त्रिरहन्नसंश्रुषी क्षुमद्वाजवन्मधुमत् सुवीर्यम् १८  
 वृषा मतीनां पवते विचक्षणः सोमो अहः प्रतरीतोषसो दिवः ।  
 क्राणा सिन्धूनां कलशां अवीवश दिन्द्रस्य हाद्यां विशन् मनीषिभिः १९  
 मनीषिभिः पवते पूर्यः कवि नृभिर्यतः परि कोशां अचिक्रदत् ।  
 त्रितस्य नाम जनयन् मधु क्षरदिन्द्रस्य वायोः सख्याय कर्तवे २०  
 अयं पुनान उषसो वि रौचय द्यं सिन्धुभ्यो अभवदु लोककृत् ।  
 अयं त्रिः सप्त दुदुहान आशिरं सोमो हृदे पवते चारु मत्सरः २१  
 पर्वस्व सोम दिव्येषु धामसु सृजान इन्दो कलशे पवित्र आ ।  
 सीदन्निन्द्रस्य जठरे कनिक्रद नृभिर्यतः सूर्यमारौहयो दिवि २२  
 अद्रिभिः सुतः पवसे पवित्र आ इन्द्रविन्द्रस्य जठरैष्वाविशन् ।  
 त्वं नृचक्षा अभवो विचक्षण सोम गोत्रमङ्गिरोभ्योऽवृणोरप २३  
 त्वां सौम पर्वमानं स्वाध्यो ऽनु विप्रासो अमदन्नवस्यवः ।  
 त्वां सुपर्ण आभरद् दिवस्परीन्दो विश्वाभिर्मृतिभिः परिष्कृतम् २४  
 अव्यै पुनानं परि वारं ऊर्मिणा हरिं नवन्ते अभि सप्त धेनवः ।  
 अपामुपस्थे अध्यायवः कवि मृतस्य योना महिषा अहेषत २५

इन्दुः पुनानो अति गाहते मृधो विश्वानि कृण्वन् त्सुपथानि यज्यवे ।  
 गाः कृण्वानो निर्णिजं हर्यतः कवि रत्यो न क्रीळन् परि वारमर्षति २६  
 असश्चतः शतधारा अभिश्रियो हरिं नवन्तेऽव ता उदैन्युवः ।  
 क्षिपौ मृजन्ति परि गोभिरावृतं तृतीयै पृष्ठे अधि रोचने दिवः २७  
 तवेमाः प्रजा दिव्यस्य रेतसस्त्वं विश्वस्य भुवनस्य राजसि ।  
 अथेदं विश्वं पवमान ते वशे त्वमिन्दो प्रथमो धाम्धा असि २८  
 त्वं समुद्रो असि विश्ववित् कवे तवेमाः पञ्च प्रदिशो विधर्मणि ।  
 त्वं द्यां च पृथिवीं चाति जभ्रिषे तव ज्योतींषि पवमान सूर्यः २९  
 त्वं पवित्रे रजसो विधर्मणि देवेभ्यः सोम पवमान पूयसे ।  
 त्वामुशिजः प्रथमा अगृभ्णत तुभ्येमा विश्वा भुवनानि येमिरे ३०  
 प्र रेभ एत्यति वारमव्ययं वृषा वनेष्वव चक्रदद्धरिः ।  
 सं धीतयो वावशाना अनूषत शिशं रिहन्ति मृतयः पनिप्रतम् ३१  
 स सूर्यस्य रश्मिभिः परि व्यत तर्तुं तन्वानस्त्रिवृतं यथा विदे ।  
 नयन्नृतस्य प्रशिषो नवीयसीः पतिर्जनीनामुप याति निष्कृतम् ३२  
 राजा सिन्धूनां पवते पतिर्दिव अतस्य याति पृथिभिः कर्निक्रदत् ।  
 सहस्रधारः परि पिच्यते हरिः पुनानो वाचं जनयन्नुपावसुः ३३  
 पवमान मह्यर्णो वि धावसि सूरौ न चित्रो अव्ययानि पव्यया ।  
 गर्भस्तिपूतो नृभिरद्रिभिः सुतो महे वाजाय धन्याय धन्वसि ३४  
 इषमूर्जं पवमानाभ्यर्षसि श्येनो न वंसु कलशेषु सीदसि ।  
 इन्द्राय मद्वा मद्यो मदः सुतो दिवो विष्टम्भ उपमो विचक्षणः ३५  
 सप्त स्वसारो अभि मातरः शिशं नवं जज्ञानं जेन्यं विपश्चितम् ।  
 अपां गन्धर्वं दिव्यं नृचक्षसं सोमं विश्वस्य भुवनस्य राजसे ३६  
 ईशान इमा भुवनानि वीर्यसे युजान इन्दो हरितः सुपश्यः ।  
 तास्तै क्षरन्तु मधुमदघृतं पयस्तव वृते सोम तिष्ठन्तु कृष्टयः ३७  
 त्वं नृचक्षा असि सोम विश्वतः पवमान वृषभ ता वि धावसि ।  
 स नः पवस्व वसुमद्विरणयवद् वयं स्याम भुवनेषु जीवसे ३८  
 गोवित् पवस्व वसुविद्विरणयविद् रेतोधा इन्दो भुवनेष्वर्पितः ।  
 त्वं सुवीरौ असि सोम विश्ववित् तं त्वा विप्रा उप गिरेम आसते ३९  
 उन्मध्वं ऊर्मिर्वनना अतिष्ठिप दुपो वसानो महिषो वि गाहते ।  
 राजा पवत्रथो वाजमारुहत् सहस्रभृष्टिर्जयति श्रवौ बृहत् ४०

स भ॒न्द॒ना उ॒दिय॑ति प्र॒जाव॑ती वि॒श्वायु॑र्वि॒श्वाः सु॒भरा॑ अ॒हर्दि॑वि ।  
 ब्र॒ह्म प्र॒जाव॑द्रयिम॒श्वप॑स्त्यं पी॒त इ॒न्द्रवि॒न्द्रम॑स्मभ्य॑ याच॒तात् ४१  
 सो अ॒ग्रे अ॒ह्नां ह॑रि॒र्हर्य॑तो म॒दः प्र चे॑त॒सा चे॑तयते॒ अनु द्यु॑भिः ।  
 द्वा ज॒ना या॑त॒यन्न॑न्तरी॒यते॑ नरा॑ च शंसं॒ दैव्यं॑ च ध॒र्तरि॑ ४२  
 अ॒ञ्जते॑ व्य॒ञ्जते॑ सम॒ञ्जते॑ क्रतुं॒ रिह॑न्ति मधु॒नाभ्य॑ञ्जते ।  
 सि॒न्धौरु॑च्छ॒वासे॑ पु॒तय॑न्तमु॒क्ष्णं हि॑र॒ण्यपा॑वाः पु॒शुमा॑सु गृ॒भ्णते॑ ४३  
 वि॒प॒श्चिते॑ प॒र्वमा॑नाय गाय॒त म॒ही न धा॑रात्य॒न्धौ अ॑र्षति ।  
 अ॒हिर्न जू॒र्णाम॑ति॒ सर्प॑ति त्वच॒ म॒त्यो न क्री॑ळन्न॒सर॒द्रूषा॑ ह॒रिः ४४  
 अ॒ग्रेगो॑ राजा॒प्यस्त॑विष्यते वि॒मानो॑ अ॒ह्नां भुव॑नेष्वर्पितः ।  
 ह॒रिर्धृ॑त॒स्तुः सु॒दृशी॑को अ॒र्णवो॑ ज्योती॒रथः॑ प॒वते॑ रा॒य ओ॒क्ष्यः ४५  
 अ॒स॒र्जि स्कु॒म्भो दि॒व उ॒द्यतो॑ म॒दः परि॑ त्रि॒धातु॑र्भुव॒नान्य॑र्षति ।  
 अ॒ंशं रि॑हन्ति म॒तयः॑ प॒निप्र॑तं गि॒रा य॒दि नि॒र्णिज॑मृ॒ग्मिणो॑ य॒युः ४६  
 प्र ते॑ धा॒रा अ॒त्य॒श्वानि॑ मे॒ष्यः पु॒नान॑स्य॒ संय॑तौ य॒न्ति रं॑हयः ।  
 य॒द्गोभि॑रि॒न्दो च॒म्वोः स॒म॒ज्यस॑ आ सु॒वानः॑ सौ॒म क॒लशै॑षु सी॒दसि॑ ४७  
 प॒र्वस्व॑ सोम क्रतु॒विन्न॑ उ॒क्थ्यो॑ ऽव्यो॒ वारे॑ परि॒ धाव॑ मधु॒ प्रिय॑म् ।  
 ज॒हि वि॒श्वान् र॒क्षस॑ इ॒न्दो अ॒त्रिणो॑ बृ॒हद्व॑दे॒म वि॒दथे॑ सु॒वीराः॑ ४८

(८७) सप्ताशीतितमं सूक्तम्

(१-६) नवर्चस्यास्य सूक्तस्य काव्य उशना ऋषिः । पवमानः सोमो देवता ।

त्रिष्टुप् छन्दः

प्र तु द्र॑व॒ परि॑ को॒शं नि॑ षी॒द नृ॑भिः पु॒नानो॑ अ॒भि वा॒जम॑र्ष ।  
 अ॒श्वं न त्वा॑ वा॒जिनं॑ म॒र्जय॑न्तो ऽच्छा॑ ब॒र्ही र॑श॒नाभि॑र्नयन्ति १  
 स्वा॒युधः॑ प॒वते॑ दे॒व इ॒न्दु र॑श॒स्तिहा॑ वृ॒जनं॑ र॒क्षमा॑णः ।  
 पि॒ता दे॒वानां॑ ज॒निता॑ सु॒दक्षो॑ वि॒ष्टम्भो॑ दि॒वो ध॒रुणः॑ पृ॒थिव्याः॑ २  
 ऋ॒षिर्वि॑प्रः पु॒र॒एता॑ ज॒नाना॑ मृ॒भुर्धी॑र उ॒शना॑ का॒व्येन॑ ।  
 स चि॑द्वि॒वेद॑ नि॒हितं॑ यदा॒सा म॑पी॒च्यं गु॑ह्यं नाम॒ गोना॑म् ३  
 ए॒ष स्य॑ ते मधु॒माँ इ॒न्द्र सो॒मो वृ॑षा वृ॒ष्णे परि॑ पु॒वित्रे॑ अ॒क्षाः ।  
 स॒ह॒स्र॒साः श॑त॒सा भू॑रि॒दावा॑ श॒श्वत्त॑मं ब॒र्हिरा॑ वा॒ज्य॒स्थात् ४  
 ए॒ते सो॒मा अ॒भि गु॒व्या स॒ह॒स्रा॑ म॒हे वा॒जाया॑मृ॒ताय॑ श्रवा॒सि ।

प॒वित्रेभिः प॑व॒माना असृ॑ग्र ञ्छ्र॒व॒स्यवो न पृ॑त॒नाजो अ॒त्याः ५  
 प॒रि हि ष्मा॑ पुरु॒हूतो ज॒नानां॑ वि॒श्वासर॑द्भो ज॒ना पू॒यमा॑नः ।  
 अ॒था भ॑र श्येनभृ॒त प्रया॑सि र॒यिं तु॒ज्जानो॑ अ॒भि वा॒जम॑र्ष ६  
 ए॒ष सु॒वानः प॒रि सोमः॑ प॒वित्रे स॒र्गो न सृ॑ष्टो अ॒दधा॑व॒दवा॑ ।  
 ति॒ग्मे शि॒शानो॑ म॒हिषो न शृ॑ङ्गे गा ग॒व्यन्न॑भि शू॒रो न स॒त्वा ७  
 ए॒षा य॑यौ प॒रमा॑द॒न्तर॑द्रेः कू॒चित् स॒तीरू॒र्वे गा वि॑वेद ।  
 दि॒वो न वि॒द्युत् स्त॒नय॑न्त्यैः सोम॑स्य ते पव॒त इन्द्र॑ धारा ८  
 उ॒त स्म रा॒शिं प॒रि या॑सि गो॒ना मि॒न्द्रेण॑ सोम स॒रथं पु॒नानः॑ ।  
 पूर्वी॑रिषो बृ॒हती॑र्जीर॒दानो॑ शि॒क्षा श॑चीव॒स्तव॑ ता उ॑प॒ष्टुत् ९

(८८) अष्टाशीतितमं सूक्तम्

(१-८) अष्टर्चस्यास्य सूक्तस्य काव्य उशना ऋषिः । पवमानः सोमो देवता ।

त्रिष्टुप् छन्दः

अ॒यं सोम॑ इन्द्र तु॒भ्य सु॒न्वे तु॒भ्य प॑व॒ते त्वम॑स्य पा॒हि ।  
 त्वं ह॒ यं च॑कृ॒षे त्वं व॑वृष इन्द्रुं म॒दाय॑ यु॒ज्याय॑ सोम॑म् १  
 स ई॒ रथो॑ न भृ॒रिषा॑ळ॒योजि॑ म॒हः पु॒रूणि॑ सा॒तये॑ वसू॒नि ।  
 आ॒दीं वि॒श्वा न॑हु॒ष्याणि॑ जा॒ता स्व॑र्षा॒ता व॑न ऊ॒र्ध्वा न॑वन्त २  
 वा॒युर्न यो नि॒युत्वाँ इ॒ष्ट्या॑मा॒ नास॑त्येव॒ हव॑ आ शंभ॒विष्ठः॑ ।  
 वि॒श्ववा॑रो द्रवि॒णोदा॑ ई॒व त्मन् पू॒षेव॑ धीज॒र्वनो॑ऽसि सोम ३  
 इन्द्रो॑ न यो म॒हा क॑र्मा॒णि च॑क्रि॒ हन्ता॑ वृ॒त्राणा॑म॒सि सोम॑ पू॒र्भित् ।  
 पै॒द्वो न हि त्वम॑हि॒नाम्नां॑ ह॒न्ता वि॒श्वस्या॑सि सोम॑ द॒स्योः ४  
 अ॒ग्निर्न यो व॑न॒ आ सृ॑ज्यमा॒नो वृ॒था पा॑जा॒सि कृ॑णुते न॒दीषु॑ ।  
 ज॒नो न यु॑ध्वा॒ मह॑त उ॑प॒ब्धि रिय॑र्ति॒ सोमः॑ प॒वमान॑ ऊ॒र्मिम् ५  
 ए॒ते सोमा॑ अ॒ति वा॒राण॑यव्या दि॒व्या न को॑शा॒सो अ॒भ्रव॑र्षाः ।  
 वृ॒था स॑मु॒द्रं सि॒न्ध्वो न नी॑चीः सु॒तासौ॑ अ॒भि क॒लशाँ॑ असृ॒ग्रन् ६  
 श॒ष्मी श॑र्धो॒ न मा॑रु॒तं प॑व॒स्वा ऽन॑भि॒शस्ता॑ दि॒व्या यथा॑ वि॒ट् ।  
 आ॒पो न म॒क्षू सु॑म॒तिर्भ॑वा नः स॒हस्रा॑प्साः पृ॒तना॑षा॒रन॑ य॒ज्ञः ७  
 रा॒ज्ञो नु ते॑ वरु॒णस्य॑ व॒तानि॑ बृ॒हद्ग॑भीरं तव॑ सोम॑ धाम॑ ।  
 शु॒चि॒ष्ट्वम॑सि प्रि॒यो न मि॒त्रो द॒क्षा॒य्यो अ॒र्यमे॑वा॒सि सोम॑ ८



(८६) एकोननवतितमं सूक्तम्

(१-७) सप्तर्चस्यास्य सूक्तस्य काव्य उशना ऋषिः । पवमानः सोमो देवता ।

त्रिष्टुप् छन्दः

प्रो स्य वह्निः पृथ्याभिरस्यान् दिवो न वृष्टिः पवमानो अक्षाः ।  
सहस्रधारो असदुनन्यस्मे मातुरुपस्थे वन आ च सोमः १  
राजा सिन्धूनामवसिष्टे वासं ऋतस्य नावमारुहद्रजिष्ठाम् ।  
अप्सु द्रप्सो वावृधे श्येनजूतो दुह ईं इंप्ता दुह ईं इंप्तुर्जाम् २  
सिंहं नसन्त मध्वो अयासं हरिमरुषं दिवो अस्य पतिम् ।  
शूरो युत्सु प्रथमः पृच्छते गा अस्य चक्षसा परि पात्युक्षा ३  
मधुपृष्ठं घोरमयासमश्वं रथे युञ्जन्त्युरुचक्र ऋष्वम् ।  
स्वसार ईं जामयो मर्जयन्ति सनाभयो वाजिनमूर्जयन्ति ४  
चतस्र ईं घृतदुहः सचन्ते समाने अन्तर्धरुणे निषत्ताः ।  
ता ईमर्षन्ति नमसा पुनाना स्ता ईं विश्वतः परि षन्ति पूर्वीः ५  
विष्टम्भो दिवो धरुणः पृथिव्या विश्वा उत क्षितयो हस्तै अस्य ।  
असत् त उत्सो गूणते नियुत्वान् मध्वो अंशुः पवत इन्द्रियाय ६  
वन्वन्नवातो अभि देववीति मिन्द्राय सोम वृत्रहा पवस्व ।  
शुग्धि महः पुरुश्चन्द्रस्य रायः सुवीर्यस्य पतयः स्याम ७

(९०) नवतितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । पवमानः सोमो देवता ।

त्रिष्टुप् छन्दः

प्र हिन्वानो जनिता रोदस्यो रथो न वाजं सनिष्यन्नयासीत् ।  
इन्द्रं गच्छन्नायुधा संशिशानो विश्वा वसु हस्तयोरादधानः १  
अभि त्रिपृष्ठं वृषणं वयोधा माङ्गूषाणामवावशन्त वाणीः ।  
वना वसानो वरुणो न सिन्धून् वि रत्नधा दयते वार्याणि २  
शूरग्रामः सर्ववीरः सहावा जेता पवस्व सनिता धनानि ।  
तिग्मायुधः क्षिप्रधन्वा समत्स्व षाळहः साह्वान् पृतनासु शत्रून् ३  
उरुगव्यूतिरभयानि कृणवन् त्समीचीने आ पवस्वा पुरंधी ।  
अपः सिषासन्नुषसः स्वर्गाः सं चिक्रदो महो अस्मभ्यं वाजान् ४  
मत्सि सोम वरुणं मत्सि मित्रं मत्सीन्द्रमिन्दो पवमान विष्णुम् ।

मत्सि शर्धो मारुतं मत्सि देवान् मत्सि महामिन्द्रमिन्द्रो मदाय ५  
 एवा राजैव क्रतुमाँ अमैन् विश्वा घनिघ्नदुरिता पवस्व ।  
 इन्द्रो सूक्ताय वचसे वयो धा यूयं पात स्वस्तिभिः सदा नः ६  
 चतुर्थोऽध्यायः  
 । व० १-२८ ।

(६१) एकनवतितमं सूक्तम्

(१-६) षडृचस्यास्य सूक्तस्य मारीचः कश्यप ऋषिः । पवमानः सोमो देवता ।  
 त्रिष्टुप् छन्दः

असर्जि वक्वा रथ्ये यथाजौ धिया मनोता प्रथमो मनीषी ।  
 दश स्वसारो अधि सानो अव्ये ऽजन्ति वह्निं सदनान्यच्छ १  
 वीती जनस्य दिव्यस्य कव्यै रधि सुवानो नहुष्यैभिरिन्दुः ।  
 प्र यो नृभिरमृतो मर्त्यैभिर्मर्मजानोऽविभिर्गोभिरद्भिः २  
 वृषा वृष्णे रोरुवदंशुरस्मै पवमानो रुशदीर्ते पयो गोः ।  
 सहस्रमृक्वा पृथिभिर्वचोवि दध्वस्मभिः सूरौ अण्वं वि याति ३  
 रुजा दृळ्हा चिद्रक्षसः सदासि पुनान इन्द्र ऊर्गुहि वि वाजान् ।  
 वृश्चोपरिष्ठात् तुजता वधेन ये अन्ति दूरादुपनायमेषाम् ४  
 स प्रववन्नव्यसे विश्ववार सूक्ताय पृथः कृणुहि प्राचः ।  
 ये दुष्पहासो वनुषा बृहन्त स्ताँस्तै अश्याम पुरुकृत् पुरुक्षो ५  
 एवा पुनानो अपः स्वर्गा अस्मभ्यं तोका तनयानि भूरि ।  
 शं नः क्षेत्रमुरु ज्योतींषि सोम ज्योङ्गनः सूर्यं दृशये रिरीहि ६

(६२) द्विनवतितमं सूक्तम्

(१-६) षडृचस्यास्य सूक्तस्य मारीचः कश्यप ऋषिः । पवमानः सोमो देवता ।  
 त्रिष्टुप् छन्दः

परि सुवानो हरिरंशुः पवित्रे रथो न सर्जि सनये हियानः ।  
 आपृच्छलोकमिन्द्रियं पूयमानः प्रति देवाँ अजुषत प्रयोभिः १  
 अच्छा नृचक्षा असरत् पवित्रे नाम दधानः कविरस्य योनौ ।  
 सीदन् होतैव सदाने चमूषू पैमग्मनृषयः सप्त विप्राः २

प्र सुमे॒धा गा॑तुविद्वि॒श्वदै॑वः सोमः पुनानः स॒द ए॒ति नित्य॑म् ।  
 भुव॒द्विश्वे॑षु का॒व्येषु॑ रन्ता ऽनु जना॑न् यतते पञ्च धीरः ३  
 तव॒ त्वे सोम॑ पवमान नि॒शये॑ विश्वे दे॒वास्त्रय॑ एकाद॒शासः॑ ।  
 दश॑ स्व॒धाभिर॑धि सानो अ॒व्यै मृ॑जन्ति त्वा न॒द्यः स॒प्त यु॒ह्वीः ४  
 तन्न॒ स॒त्यं प॑वमानस्यास्तु यत्र विश्वे का॒रवः॑ संन॑सन्त ।  
 ज्योति॑र्यद॒ह्ने अ॒कृ॒णोदु॑ लो॒कं प्रा॑व॒न्मनुं॑ दस्य॒वे क॑र॒भीक॑म् ५  
 परि॒ सद्यै॑व पश॒मान्ति॑ हो॒ता राजा॑ न स॒त्यः स॒मिती॑रि॒यानः॑ ।  
 सोमः पुनानः क॒लशाँ॑ अयासीत् सीदन् मृ॒गो न म॑हिषो वनेषु ६

(६३) त्रिनवतितमं सूक्तम्

(१-५) पञ्चर्चस्यास्य सूक्तस्य गौतमो नोधा ऋषिः । पवमानः सोमो देवता ।

त्रिष्टुप् छन्दः

सा॒कमु॒क्षौ म॑र्जयन्त स्व॒सारो॑ दश॒ धीर॑स्य धी॒तयो॑ धनु॒त्रीः ।  
 हरिः॑ पर्य॒द्रव॒जाः सूर्य॑स्य द्रो॒णं न॑न॒क्षे अ॒त्यो न वा॒जी १  
 सं मा॒तृभि॑र्न शि॒र्षुवा॑व॒शानो॑ वृषा दधन्वे पु॒रुवा॑रौ अ॒द्भिः ।  
 म॒र्यो न योषा॑म॒भि नि॑ष्कृतं यन् त्सं गच्छते क॒लशाँ॑ उ॒स्त्रिया॑भिः २  
 उ॒त प्र पि॑प्य ऊ॒धर॑घ्न॒चाया॑ इन्दु॒र्धारा॑भिः सचते सुमे॒धाः ।  
 मू॒र्धानं॑ गावः पर्यसा च॒मूष्व॑भि श्री॒णन्ति॑ वसु॒भिर्न नि॑क्तैः ३  
 स नो दे॒वेभिः॑ पवमान र॒दे न्दो॑ र॒यिम॑श्चि॒नं वा॑व॒शानः॑ ।  
 र॒थिरा॑यता॒मुश॑ती पु॒रंधि॑ र॒स्मद्र॑च॒शंगा॑ दा॒वने॑ वसू॒नाम् ४  
 नू नो र॒यिमु॑प॒ मास्व॑ नृवन्त पु॒नानो॑ वा॒ताप्य॑ विश्व॒श्चन्द्र॑म् ।  
 प्र व॑न्दि॒तुरि॑न्दो ता॒र्यायुः॑ प्रा॒तर्म॑क्षू धि॒याव॑सु॒र्जग॑म्यात् ५

(६४) चतुर्नवतितमं सूक्तम्

(१-५) पञ्चर्चस्यास्य सूक्तस्याङ्गिरसः कण्व ऋषिः । पवमानः सोमो देवता ।

त्रिष्टुप् छन्दः

अ॒धि य॑द॒स्मिन् वा॒जिनी॑व शु॒भः स्पर्ध॑न्ते धि॒यः सूर्ये॑ न वि॒शः ।  
 अ॒पो वृ॑णानः पवते क॒वीय॑न् वृ॒जं न प॑शव॒र्धना॑य॒ मन्म॑ १  
 द्वि॒ता व्यू॑र्षव॒न्नमृ॑तस्य धाम स्व॒र्विदे॑ भुव॒नानि॑ प्रथन्त ।  
 धि॒यः पि॒न्वा॒नाः स्व॒सरे॑ न गाव॑ ऋ॒ताय॑न्ती॒रभि॑ वा॒वश्च॑ इन्दु॒म् २

परि यत् कविः काव्या भरते शूरो न रथो भुवनानि विश्वा ।  
 देवेषु यशो मर्ताय भूषन् दक्षाय रायः पुरुभूषु नव्यः ३  
 श्रिये जातः श्रिय आ निरियाय श्रियं वयौ जरितृभ्यो दधाति ।  
 श्रियं वसाना अमृतत्वमायन् भवन्ति सत्या समिथा मितद्रौ ४  
 इषमूर्जमभ्यर्षाश्वं गा मुरु ज्योतिः कृणुहि मत्सि देवान् ।  
 विश्वानि हि सुषहा तानि तुभ्यं पवमान बाधसे सोम शत्रून् ५

(६५) पञ्चनवतितमं सूक्तम्

(१-५) पञ्चर्चस्यास्य सूक्तस्य काण्वः प्रस्काण्व ऋषिः । पवमानः सोमो देवता ।

त्रिष्टुप् छन्दः

कनिक्रन्ति हरिरा सृज्यमानः सीदन् वनस्य जठरै पुनानः ।  
 नृभिर्यतः कृणुते निर्णिजं गा अतो मृतीर्जनयत स्वधाभिः १  
 हरिः सृजानः पृथ्यामृतस्ये र्यति वाचमरितेव नार्वम् ।  
 देवो देवानां गुह्यानि नामा ऽऽविष्कृणोति बर्हिषि प्रवाचै २  
 अपामिवेदूर्मयस्तर्तुराणाः प्र मनीषा ईरते सोममच्छ ।  
 नमस्यन्तीरुप च यन्ति सं चा ऽऽ च विशन्त्युशतीरुशन्तम् ३  
 तं मर्मजानं महिषं न साना वंशं दुहन्त्युक्ष्णं गिरिष्ठाम् ।  
 तं वावशानं मतयः सचन्ते त्रितो बिभर्ति वरुणं समुद्रे ४  
 इष्यन् वाचमुपवृक्तेव होतुः पुनान इन्दो वि ष्या मनीषाम् ।  
 इन्द्रश्च यत् क्षयथः सौभगाय सुवीर्यस्य पतयः स्याम ५

(६६) षण्णवतितमं सूक्तम्

(१-२४) चतुर्विंशत्यृचस्यास्य सूक्तस्य दैवोदासिः प्रतर्दन ऋषिः । पवमानः सोमो

देवता । त्रिष्टुप् छन्दः

प्र सैनानीः शूरो अग्रे रथानां गुव्यन्नैति हर्षते अस्य सेना ।  
 भद्रान् कृणवन्निन्द्रहवान् त्सखिभ्य आ सोमो वस्त्रा रभसानि दत्ते १  
 समस्य हरिं हरयो मृजन्त्य श्वहयैरनिशितं नमोभिः ।  
 आ तिष्ठति रथमिन्द्रस्य सखा विद्वाँ एना सुमतिं यात्यच्छ २  
 स नो देव देवताते पवस्व महे सोम प्सरस इन्द्रपानः ।  
 कृणवन्नपो वर्षयन् द्यामुतेमा मुरोरा नो वरिवस्या पुनानः ३

अजीतयेऽहतये पवस्व स्वस्तये सर्वतातये बृहते ।  
 तदुशन्ति विश्वे इमे सखायस्तदहं वंश्मि पवमान सोम ४  
 सोमः पवते जनिता मतीनां जनिता दिवो जनिता पृथिव्याः ।  
 जनिताग्नेर्जनिता सूर्यस्य जनितेन्द्रस्य जनितोत विष्णोः ५  
 ब्रह्मा देवानां पदवीः कवीनामृषिर्विप्राणां महिषो मृगाणाम् ।  
 श्येनो गृध्राणां स्वधितिर्वनानां सोमः पवित्रमत्यैति रेभन् ६  
 प्रावीविपद्वाच ऊर्मिं न सिन्धुर्गिरः सोमः पवमानो मनीषाः ।  
 अन्तः पश्यन् वृजनेमावरा रया तिष्ठति वृषभो गोषु जानन् ७  
 स मत्सरः पृत्सु वन्वन्नवातः सहस्ररेता अभि वाजमर्ष ।  
 इन्द्रायेन्द्रो पवमानो मनीष्यंशोरूर्मिमीरय गा इषुरयन् ८  
 परि प्रियः कलशै देववात इन्द्राय सोमो रणयो मदाय ।  
 सहस्रधारः शतवाज इन्दुर्वाजी न सप्तिः समना जिगाति ९  
 स पूव्यो वसुविज्जायमानो मृजानो अप्सु दुदुहानो अद्रौ ।  
 अभिशस्तिपा भुवनस्य राजा विदद्वातुं ब्रह्मणे पूयमानः १०  
 त्वया हि नः पितरः सोम पूर्वे कर्माणि चक्रुः पवमान धीराः ।  
 वन्वन्नवातः परिधीरपौरु वीरेभिरश्वैर्मघवा भवा नः ११  
 यथापवथा मनवे वयोधा अमित्रहा वरिवोविद्धविष्मान् ।  
 एवा पवस्व द्रविणं दधान इन्द्रे सं तिष्ठ जनयार्युधानि १२  
 पवस्व सोम मधुमां ऋतावा ऽपो वसानो अधि सानो अव्ये ।  
 अव द्रोणानि घृतवान्ति सीद मदिन्तमो मत्सर इन्द्रपानः १३  
 वृष्टिं दिवः शतधारः पवस्व सहस्रसा वाजयुर्देववीतौ ।  
 सं सिन्धुभिः कलशै वावशानः समुस्त्रियाभिः प्रतिरन् न आयुः १४  
 एष स्य सोमो मतिभिः पुनानो ऽत्यो न वाजी तरीदरातीः ।  
 पयो न दुग्धमदितेरिषिर मुर्विव गातुः सुयमो न वोळ्हा १५  
 स्वायुधः स्रोतृभिः पूयमानो ऽभ्यर्ष गुह्यं चारु नाम ।  
 अभि वाजं सप्तिरिव श्रवस्या ऽभि वायुमभि गा दैव सोम १६  
 शिशुं जज्ञानं हर्यतं मृजन्ति शम्भन्ति वह्निं मरुतो गुणेन ।  
 कविर्गीर्भिः काव्यैना कविः सन् त्सोमः पवित्रमत्यैति रेभन् १७  
 ऋषिमना य ऋषिकृत् स्वर्षाः सहस्रणीथः पदवीः कवीनाम् ।  
 तृतीयं धाम महिषः सिषासन् त्सोमो विराजमनु राजति ष्टप् १८

च॒मूष॒च्छये॒नः श॑कु॒नो वि॒भृत्वा॑ गो॒विन्दु॑र्द्र॒प्स आ॒यु॒धानि॑ बि॒भ्रत् ।  
 अ॒पामूर्मि॑ स॒च॒मानः॑ स॒मु॒द्रं तु॒रीयं॑ धा॒र्मं म॒हिषो॑ वि॒वक्ति॑ १६  
 म॒र्यो न श॑भ्रस्त॒न्व मृ॒जानो॑ ऽत्यो न सृ॒त्वा स॒नये॑ ध॒नाना॑म् ।  
 वृषे॑व यू॒था परि॑ को॒शम॑र्षन् क॒निक्र॑द॒ञ्चम्वो॑ऽरा वि॒वेश २०  
 प॒र्वस्वे॒न्दो प॒र्वमा॒नो म॒हौभिः॑ क॒निक्र॑दत् परि॒ वारा॑ण्यर्ष ।  
 क्रीळ॑ञ्चम्वो॑ऽरा वि॒श पू॒यमा॑न् इन्द्रं ते र॒सो म॒दिरो म॑मत्तु २१  
 प्रा॒स्य धा॒रा बृ॒हती॑र॒सृग्र॑ नृ॒क्तो गो॑भिः क॒लशाँ॑ आ वि॒वेश ।  
 सा॒र्म कृ॒णवन् त्सा॑म॒न्यो वि॒प॒श्चित् क्र॑न्द॒न्नेत्य॑भि स॒ख्युर्न जा॑मिम् २२  
 अ॒प॒घ्नन्ने॑षि प॒वमा॑न् श॒त्रून् प्रि॒यां न जा॑रो अ॒भिगी॑त इन्द्रुः ।  
 सी॒दन् व॒नैषु॑ श॒कुनो॑ न प॒त्वा सो॒मः पु॒नानः॑ क॒लशै॑षु स॒त्ता २३  
 आ ते रु॒चः प॒र्वमा॑नस्य सोम॒ योषे॑व यन्ति सु॒दुघाः॑ सु॒धाराः॑ ।  
 ह॒रि॒रानी॑तः पु॒रु॒वारो॑ अ॒प्स्व चि॑क्रदत् क॒लशै॑ दे॒वयू॑नाम् २४

षष्ठोऽनुवाकः

। सू० ६७-१०३ ।

(६७) सप्तनवतितमं सूक्तम्

(१-५८) अष्टपञ्चाशदृचस्यास्य सूक्तस्य (१-३) प्रथमादितृचस्य  
 मैत्रावरुणिर्वसिष्ठः, (४-६) चतुर्थ्यादितृचस्य वासिष्ठ इन्द्रप्रमतिः, (७-९)  
 सप्तम्यादितृचस्य वासिष्ठो वृषगणः, (१०-१२) दशम्यादितृचस्य वासिष्ठो मन्युः,  
 (१३-१५) त्रयोदश्यादितृचस्य वासिष्ठ उपमन्युः, (१६-१८) षोडश्यादितृचस्य  
 वासिष्ठो व्याघ्रपात्, (१९-२१) एकोनविंश्यादितृचस्य वासिष्ठः शक्तिः, (२२-  
 २४) द्वाविंश्यादितृचस्य वासिष्ठः कर्णश्रुत्, (२५-२७) पञ्चविंश्यादितृचस्य  
 वासिष्ठो मृळीकः, (२८-३०) अष्टाविंश्यादितृचस्य वासिष्ठो वसुक्रः, (३१-४४)  
 एकत्रिंश्यादिचतुर्दशर्चा शाक्त्यः पराशरः, (४५-५८)  
 पञ्चचत्वारिंश्यादिचतुर्दशानाञ्चाङ्गिरसः कुत्स ऋषयः । पवमानः सोमो देवता ।

त्रिष्टुप् छन्दः

अस्य प्रेषा हे॒मना॑ पू॒यमा॑नो दे॒वो दे॒वेभिः॑ स॒र्मपृ॑क्त र॒सम् ।  
 सु॒तः प॒वित्रं॑ प॒र्येति॑ रे॒भन् मि॒तेव॑ स॒द्यं प॑श॒मान्ति॑ होता १  
 भ॒द्रा व॒स्त्रा स॒मु॒न्या॑ऽव॒सानो॑ म॒हान् क॒वि॒र्नि॒वर्च॑नानि शंसन् ।  
 आ व॑च्यस्व च॒म्वोः पू॒यमा॑नो वि॒चक्ष॑णो जा॒गृवि॑र्दे॒ववी॑तौ २  
 स॒मु प्रि॒यो मृ॑ज्यते स॒नो अव्यै॑ य॒शस्त॑रो य॒शसा॑ं चै॒तौ अ॒स्मे ।

अ॒भि स्वर॑ ध॒न्वा पू॒यमा॑नो यू॒यं पा॑त स्व॒स्तिभिः॑ सदा॑ नः ३  
 प्र गा॑यता॒भ्यर्चाम॑ दे॒वान् त्सो॑मं हि॒नोत॑ मह॒ते धना॑य ।  
 स्वा॒दुः प॑वाते अति॒ वार॑मव्य॒ मा सी॑दाति क॒लशं॑ दे॒वयु॑र्नः ४  
 इ॒न्दुर्दे॒वाना॑मुप॒ सख्य॑मा॒यन् त्स॑हस्र॒धारः॑ पवते॒ मदा॑य ।  
 नृ॒भिः स्तवा॑नो अनु॒ धाम॑ पूर्वं म॒गन्नि॑न्द्रं मह॒ते सौ॒भगा॑य ५  
 स्तो॒त्रे रा॒ये हरि॑रर्षा पु॒नान॑ इन्द्रं॒ मदो॑ गच्छतु ते भ॒राय॑ ।  
 दे॒वैर्या॑हि स॒रथं॑ रा॒धो अ॒च्छा यू॒यं पा॑त स्व॒स्तिभिः॑ सदा॑ नः ६  
 प्र का॒व्यमु॑शने॒व ब्रु॒वाणो॑ दे॒वो दे॒वानां॑ जनि॒मा वि॒वक्ति॑ ।  
 महि॑व्रतः शुचि॒बन्धुः॑ पा॒वकः॑ प॒दा व॑रा॒हो अ॒भ्यैति॑ रे॒भन् ७  
 प्र हं॑सास॒स्तृप॑लं म॒न्युम॑च्छा॒ माद॑स्तं वृष॒गणा॑ अ॒यासुः॑ ।  
 आ॒ङ्गूष्य॑ प॒र्वमा॑नं स॒खायो॑ दु॒र्मर्षं॑ सा॒कं प्र व॑दन्ति वा॒णम् ८  
 स र॑हत उ॒रुगा॑यस्य॒ जूतिं॑ वृथा॒ क्रीळ॑न्तं मि॒मते॑ न गा॒र्वः ।  
 प॒रीणा॑सं कृ॒णुते॑ ति॒ग्मशृ॑ङ्गो दि॒वा ह॑रि॒र्ददृ॑शे न॒क्तमृ॑जः ९  
 इ॒न्दुर्वा॑जी प॑वते गो॒न्यौघा॑ इ॒न्द्रे सो॑मः स॒ह इ॒न्वन् मदा॑य ।  
 ह॒न्ति र॒क्षो बा॑र्धते पर्य॒राती॑ र्व॒रिवः॑ कृ॒णवन्॑ वृ॒जन॑स्य॒ राजा॑ १०  
 अध॒ धार॑या म॒ध्वा पृ॑चान॒ स्तिरो॑ रो॒र्म प॑वते अ॒द्रिदु॑ग्धः ।  
 इ॒न्दुरि॑न्द्रस्य स॒ख्यं जु॑षा॒णो दे॒वो दे॒वस्य॑ मत्स॒रो मदा॑य ११  
 अ॒भि प्रि॒याणि॑ प॑वते पु॒नानो॑ दे॒वो दे॒वान् त्स्वे॒न् रसे॑न पृ॒ञ्चन् ।  
 इ॒न्दुर्ध॑र्मा॒णय॑तु॒था व॑सानो॒ दश॑ क्षि॒पो अव्य॑त॒ सानो॑ अव्यै १२  
 वृ॒षा शो॑णो॒ अभि॑कनि॒क्रद॑द्वा न॒दय॑न्नेति पृथि॒वीमु॑त द्याम् ।  
 इ॒न्द्रस्ये॒व व॒ग्नुरा॑ शृ॒णव॑ आ॒जौ प्र॑चे॒तय॑न्न॒र्षति॑ वा॒चमे॑माम् १३  
 र॒साय्यः॑ पर्य॒सा पि॒न्वमा॑न ई॒रय॑न्नेषि मधु॒मन्त॑मं॒शुम् ।  
 प॒र्वमा॑नः सं॒तनि॑मैषि कृ॒णव॑न्नि॒न्द्राय॑ सोम॒ परि॑षि॒च्यमा॑नः १४  
 ए॒वा प॑वस्व म॒दिरो॑ म॒दायो॑ द॒ग्राभ॑स्य॒ नम॑र्यन् व॒धस्त्रैः॑ ।  
 प॒रि वर्णं॑ भ॒रमा॑णो रु॒शन्तं॑ ग॒व्युर्नो॑ अ॒र्ष प॑रि॒ सोम॑ सि॒क्तः १५  
 जु॒ष्टी न॑ इ॒न्दो सु॑प॒था सु॑गा॒न्युरौ प॑वस्व व॒रि॑वांसि कृ॒णवन् ।  
 घ॒ने॒व वि॒ष्वग्दु॑रि॒तानि॑ वि॒घ्नन्न॑धि ष्णु॒ना ध॒न्व सानो॑ अव्यै १६  
 वृ॒ष्टिं नो॑ अ॒र्ष दि॒व्यां जि॑गृ॒बु मि॒ळाव॑तीं शं॒गयी॑ जी॒रदा॑नुम् ।  
 स्तु॒कै॒व वी॒ता ध॑न्वा वि॒चि॒न्वन् ब॒न्धूरि॑माँ अ॒वराँ॑ इ॒न्दो वा॒यून् १७  
 ग्र॒न्थिं न॑ वि ष्य॒ ग्रथि॑तं पु॒नान॑ ऋ॒जुं च॑ गा॒तुं वृ॑जिनं च॒ सोम॑ ।

अत्यो न क्रदो हरिरा सृजानो मर्यो देव धन्व पस्त्यावान् १८  
 जुष्टो मदाय देवतात इन्दो परि ष्णुना धन्व सानो अव्यै ।  
 सहस्रधारः सुरभिरदब्धः परि स्रव वाजसातौ नृषह्यै १९  
 अरश्मानो यैऽरथा अयुक्ता अत्यासो न संसृजानास आजौ ।  
 एते शक्रासौ धन्वन्ति सोमा देवासस्तां उप याता पिबध्ये २०  
 एवा न इन्दो अभि देववीतिं परि स्रव नभो अर्णश्चमूषु ।  
 सोमो अस्मभ्यं काम्यं बृहन्तं रयिं ददातु वीरवन्तमुग्रम् २१  
 तक्षद्यदी मनसो वेनतो वाग ज्येष्ठस्य वा धर्मणि क्षोरनीके ।  
 आदीमायन् वरमा वावशाना जुष्टं पतिं कलशे गाव इन्दुम् २२  
 प्र दानुदो दिव्यो दानुपिन्व ऋतमृताय पवते सुमेधाः ।  
 धर्मा भुवद्वजन्त्यस्य राजा प्र रश्मिभिर्दशभिर्भारि भूम २३  
 पवित्रैभिः पर्वमानो नृचक्षा राजा देवानामुत मर्त्यानाम् ।  
 द्विता भुवद्रयिपती रयीणा मृतं भरत् सुभृतं चार्विन्दुः २४  
 अवाँ इव श्रवसे सातिमच्छेन्द्रस्य वायोरभि वीतिमर्ष ।  
 स नः सहस्रा बृहतीरिषोदा भवा सोम द्रविणोवित् पुनानः २५  
 देवाव्यौ नः परिषिच्यमानाः क्षयं सुवीरं धन्वन्तु सोमाः ।  
 आयज्यवंः सुमतिं विश्ववारा होतारो न दिवियजौ मन्द्रतमाः २६  
 एवा देव देवताते पवस्व महे सोम प्सरसे देवपानः ।  
 महश्चिद्धि ष्मसि हिताः समर्ये कृधि सुष्ठाने रोदसी पुनानः २७  
 अश्चो न क्रदो वृषभिर्युजानः सिंहो न भीमो मनसो जवीयान् ।  
 अर्वाचीनैः पृथिभिर्ये रजिष्ठा आ पवस्व सौमनसं न इन्दो २८  
 शतं धारा देवजाता असृग्रन् त्सहस्रमेनाः कवयौ मृजन्ति ।  
 इन्दो सनित्रं दिव आ पवस्व पुरएतासि महतो धनस्य २९  
 दिवो न सर्गा अससृग्रमह्नां राजा न मित्रं प्र मिनाति धीरः ।  
 पितुर्न पुत्रः क्रतुभिर्यतान आ पवस्व विशे अस्या अजीतिम् ३०  
 प्र ते धारा मधुमतीरसृग्रन् वारान् यत् पूतो अत्येष्यव्यान् ।  
 पर्वमान पर्वसे धाम गोनां जज्ञानः सूर्यमपिन्वो अकैः ३१  
 कनिक्रदुदनु पनथामृतस्य शक्रो वि भास्यमृतस्य धाम ।  
 स इन्द्राय पवसे मत्सरवान् हिन्वानो वाचं मतिभिः कवीनाम् ३२  
 दिव्यः सुपर्णोऽव चक्षि सोम पिन्वन् धाराः कर्मणा देववीतौ ।



ए॒न्दो॑ वि॒श क॒लशं॑ सोम॒धानं॑ क्र॒न्दन्नि॒हि सूर्य॑स्योप॒ र॒श्मिम् ३३  
 ति॒स्रो वाचं॑ ईर॒यति॑ प्र वह्नि॑ ऋ॒तस्य॑ धी॒तिं ब्र॒ह्म॒णो मनी॑षाम् ।  
 गावो॑ यन्ति गोप॑तिं पृ॒च्छमा॑नाः सोमं॑ यन्ति म॒तयौ॑ वाव॒शानाः॑ ३४  
 सोमं॑ गावो॑ धेनवो॑ वाव॒शानाः॑ सोमं॑ वि॒प्रा म॒तिभिः॑ पृ॒च्छमा॑नाः ।  
 सोमः॑ सु॒तः पू॒यते अ॒ज्यमा॑नः सोमै॑ अ॒र्कास्त्रि॑ष्टुभः सं न॑वन्ते ३५  
 ए॒वा नः॑ सोम॑ परि॒षिच्य॑मान् आ प॑वस्व पू॒यमा॑नः स्व॒स्ति ।  
 इन्द्र॑मा वि॒श बृ॒हता॑ रवे॒ण व॒र्धया॑ वाचं॑ ज॒नया॑ पु॒रधि॑म् ३६  
 आ जा॒गृवि॑र्विप्र॑ ऋ॒ता म॑तीनां सोमः॑ पु॒नानो॑ अ॒सद॑च्च॒मूषु॑ ।  
 स॒प॑न्ति यं मि॒थुना॑सो॒ निका॑मा अ॒ध्व॒र्यवो॑ रथि॒रासः॑ सु॒हस्ताः॑ ३७  
 स पु॒नान॑ उप॒सूरे॑ न धा॒तो भे॑ अ॒प्रा रो॑दसी वि ष अ॒विः ।  
 प्रि॒या चि॒द्यस्य॑ प्रि॒यसा॑स ऊ॒ती स तू॑ ध॒नं का॒रिणे॑ न प्र य॑सत् ३८  
 स व॑र्धिता व॒र्धनः॑ पू॒यमा॑नः सोमो॑ मी॒ढ्वाँ अ॒भि नो॑ ज्योति॑षावीत् ।  
 येना॑ नः॒ पूर्वे॑ पि॒तरः॑ पद॒ज्ञाः स्व॒र्विदो॑ अ॒भि गा अ॒द्रिमु॑ष्णन् ३९  
 अ॒क्रान् त्समु॑द्रः प्र॒थमे॑ वि॒धर्म॑ ज॒नयन्॑ प्र॒जा भु॑र्वनस्य॒ राजा॑ ।  
 वृषा॑ प॒वित्रे॑ अधि॒सानो॑ अव्यै॒ बृहत्॑ सोमो॑ वावृ॒धे सु॒वान॑ इन्द्रुः ४०  
 मु॒हत् तत् सोमो॑ म॒हिषश्च॑का॒रा ऽपां॑ यद्ग॒र्भोऽवृ॑णीत दे॒वान् ।  
 अ॒द॒धादि॑न्द्रे प॒र्वमा॑न॒ ओजो॑ ऽज॒नय॑त् सूर्ये॑ ज्योति॑रिन्द्रुः ४१  
 मत्सि॑ वा॒युमि॑ष्टये रा॒धसे॑ च मत्सि॑ मि॒त्रावरु॑णा पू॒यमा॑नः ।  
 मत्सि॑ श॒र्धो मा॑रु॒तं मत्सि॑ दे॒वान् मत्सि॑ द्यावा॑पृथि॒वी दै॒व सोम॑ ४२  
 ऋ॒जुः प॑वस्व वृ॒जिन॑स्य॒ हन्ता॑ ऽपा॒मीवां॑ बा॒धमा॑नो मृ॒धश्च॑ ।  
 अ॒भि॒श्री॒णन् प॒यः प॑यसा॒भि गो॒नामि॑न्द्रस्य॒ त्वं तव॑ व॒यं स॒खायः॑ ४३  
 म॒ध्वः सू॒दं प॑वस्व वस्व॒ उत्सं॑ वी॒रं च॑ न॒ आ प॑वस्वा भ॒गं च॑ ।  
 स्व॒द॒स्वेन्द्रा॑य॒ पर्व॑मान॒ इन्द्रो॑ र॒यिं च॑ न॒ आ प॑वस्वा स॒मुद्रा॑त् ४४  
 सोमः॑ सु॒तो धा॒रया॑त्यो न हि॒त्वा सि॒न्धुर्न॑ नि॒म्रम॑भि वा॒ज्य॑क्षाः ।  
 आ योनिं॑ व॒न्यम॑सदत् पु॒नानः॑ स॒मिन्दु॑र्गो॒भिर॑सरत् स॒मद्भिः॑ ४५  
 एष॑ स्य तै॒ पव॑त इन्द्र॒ सोम॑श्च॒मूषु॑ धी॒र उ॑शते तव॑स्वान् ।  
 स्व॑र्च॒क्षा र॑थि॒रः स॒त्यशु॑ष्मः का॒मो न॑ यो दै॒वय॑ताम॒सर्जि॑ ४६  
 एष॑ प्र॒ब्रेन॑ व॒यसा॑ पु॒नान॑ स्ति॒रो व॑र्षा॒सि दु॒हितु॑र्दधानः ।  
 वे॒सानः॑ श॒र्म त्रि॑वरू॒थम॑प्सु हो॒तैव॑ याति॒ सम॑नेषु रे॒भन् ४७  
 नू न॒स्त्वं र॑थि॒रो दै॒व सोम॑ परि॒ स्रव॑ च॒म्बोः पू॒यमा॑नः ।

अप्सु स्वादिष्ठो मधुमाँ ऋतावाँ देवो न यः सविता सत्यमन्मा ४८  
 अभि वायुं वीत्यर्षा गृणानोरे ऽभि मित्रावरुणा पूयमानः ।  
 अभी नरं धीजवनं रथेष्ठा मभीन्द्रं वर्षणं वज्रबाहुम् ४९  
 अभि वस्त्रा सुवसनान्यर्षा ऽभि धेनूः सुदुघाः पूयमानः ।  
 अभि चन्द्रा भर्तवे नो हिरण्यया ऽभ्यश्चान् रथिनो देव सोम ५०  
 अभी नो अर्ष दिव्या वसू न्यभि विश्वा पार्थिवा पूयमानः ।  
 अभि येन द्रविणमृश्नवामा ऽभ्यार्षेयं जमदग्निवन्नः ५१  
 अया पवा पवस्वैना वसूनि माँश्चत्व इन्दो सरसि प्र धन्व ।  
 ब्रध्नश्चिदत्र वातो न जूतः पुरुमेधश्चित् तर्कवे नरं दात् ५२  
 उत न एना पवया पवस्वा ऽधि श्रुते श्रवाय्यस्य तीर्थे ।  
 षष्टिं सहस्रा नैगुतो वसूनि वृक्षं न पक्वं धूनवद्रणाय ५३  
 महीमे अस्य वृषणाम शूषे माँश्चत्वे वा पृशने वा वधत्रे ।  
 अस्वापयन्निगुतः स्नेहयुच्चा ऽपामित्राँ अपाचितौ अचेतः ५४  
 सं त्री पवित्रा विततान्येष्य न्वेकं धावसि पूयमानः ।  
 असि भगो असि दात्रस्य दाता ऽसि मघवा मघवद्भ्य इन्दो ५५  
 एष विश्ववित् पवते मनीषी सोमो विश्वस्य भुवनस्य राजा ।  
 द्रप्साँ ईरयन् विदथेष्विन्दुर्वि वारमव्यं समयाति याति ५६  
 इन्दुं रिहन्ति महिषा अदब्धाः पदे रैभन्ति कवयो न गृध्राः ।  
 हिन्वन्ति धीरा दशभिः क्षिपाभिः समञ्जते रूपमपां रसेन ५७  
 त्वया व्यं पवमानेन सोम भरे कृतं वि चिनुयाम शश्वत् ।  
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ५८

(६८) अष्टनवतितमं सूक्तम्

(१-१२) द्वादशर्चस्यास्य सूक्तस्य वार्षागिरोऽम्बरीषो भारद्वाज ऋजिश्वा च ऋषी ।  
 पवमानः सोमो देवता । (१-१०, १२) प्रथमादिदशर्चा द्वादश्याश्चानुष्टुप्, (११)

एकादश्याश्च बृहती छन्दसी

अभि नो वाजसातमं रयिमर्ष पुरुस्पृहम् ।  
 इन्दो सहस्रभर्णसं तुविद्युमं विभ्वासहम् १  
 परि ष्य सुवानो अव्ययं रथे न वर्माव्यत ।  
 इन्दुरभि द्रुणा हितो हियानो धाराभिरक्षाः २

परि ष्य सुवानो अक्षा इन्दुरव्ये मदच्युतः ।  
 धारा य ऊर्ध्वो अध्वरे भ्राजा नैति गव्ययुः ३  
 स हि त्वं देव शश्वते वसु मर्ताय दाशुषे ।  
 इन्दो सहस्रिण रयिं शतात्मानं विवाससि ४  
 वयं ते अस्य वृत्रहन् वसो वस्वः पुरुस्पृहः ।  
 नि नेदिष्ठतमा इषः स्याम सुम्रस्याधिगो ५  
 द्विर्यं पञ्च स्वयंशसं स्वसारो अद्रिसंहतम् ।  
 प्रियमिन्द्रस्य काम्यं प्रस्त्रापयन्त्यूर्मिणम् ६  
 परि त्यं हर्यतं हरिं बभ्रुं पुनन्ति वारैण ।  
 यो देवान् विश्वाँ इत् परि मदेन सह गच्छति ७  
 अस्य वो ह्यवसा पान्तो दक्षसार्धनम् ।  
 यः सूरिषु श्रवो बृहद् दधे स्वर्णं हर्यतः ८  
 स वो युज्ञेषु मानवी इन्दुर्जनिष्ठ रोदसी ।  
 देवो देवी गिरिष्ठा अस्त्रैधन् तं तुविष्वणि ९  
 इन्द्राय सोम पातवे वृत्रघ्ने परि पिच्यसे ।  
 नरे च दक्षिणावते देवाय सदानासदे १०  
 ते प्रतासो व्युष्टिषु सोमाः पवित्रै अक्षरन् ।  
 अप्रोथन्तः सनुतर्हुरश्चितः प्रातस्ताँ अप्रचेतसः ११  
 तं संखायः पुरोरुचं यूयं वयं च सूरयः ।  
 अश्याम् वाजगन्ध्यं सनेम् वाजपस्त्यम् १२

(६६) नवनवतितमं सूक्तम्

(१-८) अष्टर्चस्यास्य सूक्तस्य काश्यपौ रेभसून् ऋषी । पवमानः सोमो देवता ।

(१) प्रथमर्चो बृहती, (२-८) द्वितीयादिसप्तानाञ्चानुष्टुप् छन्दसी

आ हर्यताय धृष्णवे धनुस्तन्वन्ति पौंस्यम् ।  
 शक्रां वयन्त्यसुराय निर्णिजं विपामग्रे महीयुवः १  
 अधं क्षपा परिष्कृतो वाजाँ अभि प्र गाहते ।  
 यदी विवस्वतो धियो हरिं हिन्वन्ति यातवे २  
 तमस्य मर्जयामसि मदो य इन्द्रपातमः ।  
 यं गाव आसभिर्दधुः पुरा नूनं च सूरयः ३

तं गार्थया पुराणया पुनानमभ्यनूषत ।  
 उतो कृपन्त धीतयौ देवानां नाम बिभ्रतीः ४  
 तमुक्षमाणमव्यये वारं पुनन्ति धर्णसिम् ।  
 दूतं न पूर्वचित्तय आ शासते मनीषिणः ५  
 स पुनानो मदिन्तमः सोमश्चमूषु सीदति ।  
 पशौ न रेत आदधत् पतिर्वचस्यते धियः ६  
 स मृज्यते सुकर्मभिर्देवो देवेभ्यः सुतः ।  
 विदे यदासु सन्ददिर्महीरपो वि गहिते ७  
 सुत इन्दो पवित्र आ नृभिर्यतो वि नीयसे ।  
 इन्द्राय मत्सरिन्तमश्चमूष्वा नि षीदसि ८

(१००) शततमं सूक्तम्

(१-६) नवर्चस्यास्य सूक्तस्य काश्यपौ रेभसून् ऋषी । पवमानः सोमो देवता ।

अनुष्टुप् छन्दः

अभी नवन्ते अद्रुहः प्रियमिन्द्रस्य काम्यम् ।  
 वृत्सं न पूर्वं आयुनि जातं रिहन्ति मातरः १  
 पुनान इन्द्रवा भर सोमं द्विबर्हसं रयिम् ।  
 त्वं वसूनि पुष्यसि विश्वानि दाशुषौ गृहे २  
 त्वं धियं मनोयुजं सृजा वृष्टिं न तन्यतुः ।  
 त्वं वसूनि पार्थिवा दिव्या च सोम पुष्यसि ३  
 परि ते जिग्युषौ यथा धारा सुतस्य धावति ।  
 रंहमाणा व्यश्वयं वारं वाजीवं सानसिः ४  
 क्रत्वे दक्षाय नः कवे पर्वस्व सोम धारया ।  
 इन्द्राय पातवे सुतो मित्राय वरुणाय च ५  
 पर्वस्व वाजसातमः पवित्रे धारया सुतः ।  
 इन्द्राय सोम विष्णावे देवेभ्यो मधुमत्तमः ६  
 त्वां रिहन्ति मातरो हरिं पवित्रे अद्रुहः ।  
 वृत्सं जातं न धेनवः पवमान विधर्मणि ७  
 पवमान महि श्रवं शित्रेभिर्यासि रश्मिभिः ।  
 शर्धन् तमांसि जिघ्रसे विश्वानि दाशुषौ गृहे ८

त्वं द्यां च महिब्रत पृथिवीं चाति जग्निषे ।

प्रति द्रापिममुञ्चथाः पवमान महित्वना ६

पञ्चमोऽध्यायः

। व० १-३३ ।

(१०१) एकोत्तरशततमं सूक्तम्

(१-१६) षोडशर्चस्यास्य सूक्तस्य (१-३) प्रथमादितृचस्य श्यावाश्विरन्धीगुः,  
(४-६) चतुर्थ्यादितृचस्य नाहुषो ययाति, (७-९) सप्तम्यादितृचस्य राजर्षिर्मानवो  
नहूषः, (१०-१२) दशम्यादितृचस्य सांवरणो मनुः, (१३-१६)  
त्रयोदश्यादिचतुर्ऋचस्य च वैश्वामित्रो वाच्यो वा प्रजापतिर्ऋषयः । पवमानः सोमो  
देवता । (१, ४-१६) प्रथमर्चश्चतुर्थ्यादित्रयोदशानाञ्चानुष्टुप्, (२-३)

द्वितीयातृतीययोश्च गायत्री छन्दसी

पुरोजिती वो अन्धसः सुताय मादयित्वे ।

अपु श्वानं शनथिष्टन् सखायो दीर्घजिह्वयम् १

यो धारया पावकया परिप्रस्यन्दते सुतः । इन्दुरश्वो न कृत्व्यः २

तं दुरोषमभी नरः सोमं विश्वाच्या धिया । यज्ञं हिन्वन्त्यद्रिभिः ३

सुतासो मधुमत्तमाः सोमा इन्द्राय मन्दिनः ।

पुवित्रवन्तो अक्षरन् देवान् गच्छन्तु वो मदाः ४

इन्दुरिन्द्राय पवतु इति देवासौ अब्रुवन् ।

वाचस्पतिर्मखस्यते विश्वस्येशान् ओजसा ५

सहस्रधारः पवते समुद्रो वाचमीङ्खयः ।

सोमः पती रयीणां सखेन्द्रस्य दिवेदिवे ६

अयं पूषा रयिर्भगुः सोमः पुनानो अर्षति ।

पतिर्विश्वस्य भूमनो व्यख्यद्रोदसी उभे ७

समु प्रिया अनूषत गावो मदायु घृष्वयः ।

सोमासः कृणवते पथः पवमानास इन्दवः ८

य ओजिष्ठस्तमा भर पवमान श्रवाय्यम् ।

यः पञ्च चर्षणीरभि रयिं येन वनामहै ९

सोमाः पवन्त इन्दवो ऽस्मभ्यं गातुवित्तमाः ।

मित्राः सुवाना अरेपसः स्वाध्यः स्वर्विदः १०

सु॒ष्वा॒णासो॑ व्य॒द्रिभि॑श्चि॒ता॒ना॒ गो॒रधि॑ त्व॒चि ।  
 इ॒षे॒म॒स्मभ्य॑म॒भितुः॑ स॒मस्वर॑न् वसु॒विदः॑ ११  
 ए॒ते पू॒ता वि॒पश्चितुः॑ सोमा॑सो द॒ध्या॑शिरः ।  
 सू॒र्या॑सो न द॑र्शतासौ जिगृ॒ब्वौ ध्रु॒वा घृ॒ते १२  
 प्र सु॒न्वा॒नस्या॒न्धसो॑ म॒र्तो न वृ॑त तद्व॒र्चः ।  
 अ॒प॒ श्वा॒नम॒राध॑सं ह॒ता म॒खं न भृ॑गवः १३  
 आ जा॒मिर॑त्कै॒ अव्य॑त भु॒जे न पु॒त्र ओ॒ण्योः ।  
 स॒र॒ज्ज॒ारो न यो॑ष॒णां व॒रो न यो॒निमा॒सद॑म् १४  
 स वी॒रो द॑क्षसा॒धनो॑ वि यस्त॒स्तम्भ॑ रोद॑सी ।  
 ह॒रिः पु॒वित्रे॑ अव्य॒त वे॒धा न यो॒निमा॒सद॑म् १५  
 अ॒व्यो वा॒रैभिः॑ पव॒ते सोमो॑ ग॒व्ये अ॒धि त्व॒चि ।  
 क॒र्निक्र॑द॒द्वषा॑ ह॒रि रि॒न्द्रस्या॒भ्येति॑ निष्कृ॒तम् १६

(१०२) द्व्युत्तरशततमं सूक्तम्

(१-८) अष्टर्चस्यास्य सूक्तस्याप्तयस्त्रित ऋषिः । पवमानः सोमो देवता ।

उष्णिक् छन्दः

क्रा॒णा शि॒शुर्म॑हीनां हि॒न्व॒नृत॑स्य दी॒धि॒तिम् । वि॒श्वा परि॑ प्रि॒या भु॒व॒दध॑ द्वि॒ता  
 १  
 उप॑ त्रि॒तस्य॑ पा॒ष्यो॒र॒भक्त॑ यद्गुहा॑ प॒दम् । य॒ज्ञस्य॑ स॒प्त धाम॑भिर॒ध प्रि॒यम् २  
 त्री॒णि त्रि॒तस्य॑ धा॒रया॑ पृ॒ष्ठेष्वे॒रया॑ र॒यिम् । मि॒मी॒ते अ॒स्य यो॒जना॑ वि सु॒क्रतुः  
 ३  
 ज॒ज्ञानं॑ स॒प्त मा॒तरौ वे॒धाम॑शासत श्रि॒ये । अ॒यं ध्रु॒वो र॑यी॒णां चि॒कैत॑ यत् ४  
 अ॒स्य वृ॒ते स॒जोष॑सो वि॒श्वे दे॒वासौ अ॒द्गुहः॑ । स्पा॒र्हा भ॑वन्ति र॒न्तयो॑ जु॒षन्त॑  
 यत् ५  
 यमी॑ गर्भ॒मृता॑वृ॒धौ दृ॒शे चा॒रुम॑जी॒जनन् । क॒विं मं॑हि॒ष्ठम॒ध्वरे पु॑रु॒स्पृह॑म् ६  
 स॒मी॒चीने॑ अ॒भि त्म॑ना॒ य॒ह्नी अ॒तस्य॑ मा॒तरा॑ । त॒न्वा॒ना य॒ज्ञमा॑नु॒षग॑यद॒ञ्जते॑ ७  
 क॒त्वा श॒क्रेभि॑र॒क्षभि॑र्ऋ॒णोर॑प॒ वृ॒जं दि॒वः । हि॒न्व॒नृत॑स्य दी॒धि॒तिं प्रा॒ध्वरे ८

(१०३) त्र्युत्तरशततमं सूक्तम्

(१-६) षडृचस्यास्य सूक्तस्याप्तयस्त्रित ऋषिः । पवमानः सोमो देवता । उष्णिक्

छन्दः

प्र पु॒नाना॑य वे॒धसे॑ सोमा॑य व॒च उ॒द्यत॑म् । भृ॒तिं न भ॑रा म॒तिभि॑र्जुजोषते १  
परि॑ वारा॑ण्यव्यया गो॒भिरञ्जानो॑ अ॒र्षति॑ । त्री ष॒धस्था॑ पु॒नानः॑ कृ॒णुते॑ हरिः २  
परि॑ को॒शं मधु॑श्चु॒तं म॒व्यये॑ वारै॑ अ॒र्षति॑ । अ॒भि वा॒णीर्ऋ॒षीणां॑ सप्त नूषत ३  
परि॑ शे॒ता म॑तीनां वि॒श्वदे॑वो अ॒दाभ्यः॑ । सोमः॑ पु॒नानश्च॑म्वोर्वि॒शद्भरिः॑ ४  
परि॑ दै॒वीरनु॑ स्व॒धा इन्द्रै॑ण याहि स॒रथ॑म् । पु॒नानो वा॒घद्वाघ॑द्भिरम॒र्त्यः ५  
परि॑ स॒मिर्न वा॑ज॒युर्दे॒वो दे॒वेभ्यः॑ सु॒तः । व्या॒न॒शिः प॑र्वमानो वि धा॒वति॑ ६  
सप्तमोऽनुवाकः

। सू० १०४-११४ ।

(१०४) चतुरुत्तरशततमं सूक्तम्

(१-६) षडृचस्यास्य सूक्तस्य काण्वौ पर्वतनारदौ काश्यप्यौ शिखणिडन्यावप्सरसौ  
वा ऋषिके । पवमानः सोमो देवता । उष्णिक् छन्दः

सखा॑य आ नि षी॒दत पु॒नाना॑य प्र गा॒यत॑ । शिशुं॑ न यु॒ज्ञैः परि॑ भूषत श्रि॒ये १  
समी॑ व॒त्सं न मा॒तृभिः॑ सृ॒जता॑ गय॒साध॑नम् । दे॒वाव्यं॑ म॒दम॒भि द्वि॑शवसम्  
२

पु॒नाता॑ दक्ष॒साध॑नं यथा श॒र्धाय॑ वी॒तयै॑ । यथा॑ मि॒त्राय॑ वरु॒णाय॑ श॒तमः॑ ३  
अ॒स्मभ्य॑ त्वा वसु॒विद॑ म॒भि वा॒णीर॑नूषत । गो॒भिष्टे॑ वर्ण॒मभि॑ वा॒सयाम॑सि  
४

स नो॑ म॒दानां॑ प॒तु इन्द्रो॑ दे॒वप्स॑रा असि । सखै॑व स॒ख्यै गा॑तुवित्त॒मो भव॑ ५  
सने॑मि कृ॒ध्यस्म॒दा र॒क्षसं॑ कं चि॒द॒त्रिण॑म् । अ॒पादे॑वं द्रु॒युम॑हौ यु॒योधि॑ नः ६

(१०५) पञ्चोत्तरशततमं सूक्तम्

(१-६) षडृचस्यास्य सूक्तस्य काण्वौ पर्वतनारदावृषी । पवमानः सोमो देवता ।

उष्णिक् छन्दः

तं वः॑ सखा॑यो म॒दाय॑ पु॒नान॑म॒भि गा॒यत॑ । शिशुं॑ न यु॒ज्ञैः स्व॑दयन्त गू॒र्तिभिः॑  
१  
सं व॒त्स इ॑व मा॒तृभि॑ रि॒न्दुर्हि॒न्वानो॑ अ॒ज्यते॑ । दे॒वावी॑र्मदो म॒तिभिः॑ परि॑ष्कृतः  
२

अ॒यं द॒क्षा॑य सा॒धनो॑ ऽयं श॒र्धाय॑ वी॒तयै॑ । अ॒यं दे॒वेभ्यो॑ म॒धुम॑त्तमः सु॒तः ३

गोमन्त्र इन्द्रो अश्ववत् सुतः सुदक्ष धन्व । शुचिं ते वर्णमधि गोषु दीधरम् ४  
 स नो हरीणां पतु इन्द्रो देवप्सरस्तमः । सखैव सख्ये नर्यो रुचे भव ५  
 सनेमि त्वमस्मदाँ अदैवं कं चिद्विणम् । साहाँ इन्द्रो परि बाधो अप द्वयुम्  
 ६

(१०६) षडुत्तरशततमं सूक्तम्

(१-१४) चतुर्दशर्चस्यास्य सूक्तस्य (१-३, १०-१४) प्रथमादितृचस्य  
 दशम्यादिपञ्चानाञ्च चान्नुषोऽग्निः, (४-६) चतुर्थ्यादितृचस्य मानवश्चान्नुः, (७-९)  
 सप्तम्यादितृचस्य चाप्सवो मनुर्ऋषयः । पवमानः सोमो देवता । उष्णिक् छन्दः  
 इन्द्रमच्छ सुता इमे वृषणं यन्तु हरयः । श्रुष्टी जातास इन्द्रवः स्वर्विदः १  
 अयं भराय सानसि रिन्द्राय पवते सुतः । सोमो जैत्रस्य चेतति यथा विदे  
 २  
 अस्येदिन्द्रो मदेष्वा ग्राभं गृभ्णीत सानसिम् । वज्रं च वृषणं भरत्  
 समप्सुजित् ३  
 प्र धन्वा सोम जागृवि रिन्द्रायेन्द्रो परि स्रव । द्युमन्तं शुष्ममा भरा  
 स्वर्विदम् ४  
 इन्द्राय वृषणं मदं पवस्व विश्वदर्शतः । सहस्रयामा पथिकृद्विचक्ष्णः ५  
 अस्मभ्यं गातुवित्तमो देवेभ्यो मधुमत्तमः । सहस्रं याहि पृथिभिः कर्निक्रदत्  
 ६  
 पवस्व देववीतय इन्द्रो धाराभिरोजसा । आ कलशं मधुमान् त्सोम नः सदः  
 ७  
 तव द्रप्सा उदप्रुत इन्द्रं मदाय वावृधुः । त्वां देवासो अमृताय कं पपुः ८  
 आ नः सुतास इन्द्रवः पुनाना धावता रयिम् । वृष्टिद्यावो रीत्यापः स्वर्विदः  
 ९  
 सोमः पुनान ऊर्मिणा ऽव्यो वारं वि धावति । अग्रे वाचः पवमानः  
 कर्निक्रदत् १०  
 धीभिर्हिन्वन्ति वाजिनं वने क्रीळन्तमत्यविम् । अभि त्रिपृष्ठं मतयः  
 समस्वरन् ११  
 असर्जि कलशाँ अभि मीळहे सप्तिर्न वाजयुः । पुनानो वाचं जनयन्नसिष्य-  
 दत् १२



पवते हर्यतो हरि रति हरांसि रंद्वा । अभ्यर्षन् त्सोतृभ्यो वीरवद्यशः १३  
अया पवस्व देव्युर्मधोर्धारा असृक्षत । रेभन् पुवित्रं पर्येषि विश्वतः १४

(१०७) सप्तोत्तरशततमं सूक्तम्

(१-२६) षड्विंशत्यृचस्यास्य सूक्तस्य बार्हस्पत्यो भरद्वाजः, मारीचः कश्यपः,  
राहूगणो गोतमः, भौमोऽत्रिः, गाथिनो विश्वामित्रः, भार्गवो जमदग्निः,  
मैत्रावरुणिर्वसिष्ठश्च सप्तर्षयः । पवमानः सोमो देवता । (१-२, ४-७, १०-१५,  
१७-२६) प्रथमाद्वितीययोर्ऋचोश्चतुर्थ्यादिचतसृणां दशम्यादिषण्णां  
सप्तदश्यादिदशानाञ्च प्रगाथः ((१, ४, ६, १०, १२, १४, १७, १९, २१, २३, २५)  
प्रथमाचतुर्थीषष्ठीदशमीद्वादशीचतुर्दशीसप्तदश्येकोनविंश्येकविंशीत्रयोविंशीपञ्चविंशी  
नां बृहती, (२, ५, ७, ११, १३, १५, १८, २०, २२, २४, २६)  
द्वितीयापञ्चमीसप्तम्येकादशीत्रयोदशीपञ्चदश्यष्टादशीविंशीद्वाविंशीचतुर्विंशीषड्विंशी  
नां सतोबृहती), (३) तृतीयाया भुरिग्विराड् द्विपदा (८-९) अष्टमीनवम्योर्बृहती,  
(१६) षोडश्याश्च द्विपदा विराट् छन्दांसि

परीतो षिञ्चता सुतं सोमो य उ॒त्तमं ह॒विः ।  
द॒ध॒न्वाँ यो न॒र्यो अ॒प्स्व॑न्तरा सुषाव॒ सोम॑मद्रिभिः १  
नूनं पु॒नानो॑ऽविभिः परि॒ स्र॒वाऽद॑ब्धः सुरभि॑न्तरः ।  
सुते चि॒त् त्वाप्सु॑ म॒दामो॑ अ॒न्ध॒सा श्री॑णन्तो गोभि॒रुत्तर॑म् २  
परि॒ सुवा॑नश्चक्ष॒से दे॒वमा॑द॒नः क्र॒तुरि॒न्दुर्वि॒चक्ष॑णः ३  
पु॒नानः॑ सौम॒ धार॑या ऽपो वसा॒नो अ॑र्षसि ।  
आ र॑त्न॒धा योनि॑मृतस्य॒ सीद॒स्युत्सो॑ देव हि॒रग॑ययः ४  
दु॒हान॑ ऊ॒र्ध॒र्दिव्यं॑ मधु॒ प्रियं॑ प्र॒त्नं स॒धस्थ॑मासदत् ।  
आ॒पृच्छ॑यं ध॒रुणं॑ वा॒ज्य॑र्षति नृभि॒र्धूतो॑ वि॒चक्ष॑णः ५  
पु॒नानः॑ सौम॒ जागृ॑वि॒रव्यो॑ वा॒रे परि॑ प्रियः ।  
त्वं वि॒प्रो अभ॑वोऽङ्गि॒रस्त॑मो मध्वा॒ यज्ञं॑ मि॒मिक्ष॑ नः ६  
सोमो॑ मी॒ढ्वान् प॑वते गा॒तुवित्त॑म् ऋ॒षिर्वि॒प्रो वि॒चक्ष॑णः ।  
त्वं क॒विर॑भवो दे॒ववी॑तम् आ सूर्यं॑ रो॒हयो॑ दि॒वि ७  
सोम॑ उ॒ षुवा॑णः सो॒तृभि॒रधि॑ ष्णुभि॒रवी॑नाम् ।  
अ॒श्व॒येव॑ ह॒रिता॑ याति धा॒रया॑ मु॒न्द्रया॑ याति धा॒रया॑ ८  
अ॒नूपे॑ गोमा॒न् गोभि॑रक्षाः सोमो॑ दु॒ग्धाभि॑रक्षाः ।  
स॒मु॒द्रं न॑ स॒व॒र॒णान्य॑गमन् मु॒न्दी म॑दाय तोशते ९

आ सोम सुवानो अद्रिभिस्तिरो वाराण्यव्यया ।  
 जनो न पुरि चम्बोर्विशद्धरिः सदो वनैषु दधिषे १०  
 स मामृजे तिरो अणवानि मेष्ठ्यो मीळहे सप्तिर्न वाजयुः ।  
 अनुमाद्यः पवमानो मनीषिभिः सोमो विप्रैर्भिरृक्वभिः ११  
 प्र सोम देववीतये सिन्धुर्न पिप्ये अणसा ।  
 अंशोः पर्यसा मदिरा न जागृविरच्छा कोशं मधुश्चुतम् १२  
 आ हर्यतो अर्जुने अत्के अव्यत प्रियः सूनुर्न मर्ज्यः ।  
 तमीं हिन्वन्त्यपसो यथा रथं नदीष्वा गर्भस्त्योः १३  
 अभि सोमांस आयवः पवन्ते मद्यं मदम् ।  
 समुद्रस्याधि विष्टपि मनीषिणौ मत्सरासः स्वर्विदः १४  
 तर्तुं समुद्रं पवमान ऊर्मिणा राजा देव ऋतं बृहत् ।  
 अर्षन्मित्रस्य वरुणस्य धर्मणा प्र हिन्वान ऋतं बृहत् १५  
 नृभिर्येमनो हर्यतो विचक्ष्णो राजा देवः समुद्रियः १६  
 इन्द्राय पवते मदः सोमो मरुत्वन्ते सुतः ।  
 सहस्रंधारो अत्यव्यमर्षति तमीं मृजन्त्यायवः १७  
 पुनानश्चमू जनयन् मतिं कविः सोमो देवेषु रणयति ।  
 अपो वसानः परि गोभिरुत्तरः सीदन् वनैष्वव्यत १८  
 तवाहं सोम रारण सख्य इन्दो दिवेदिवे ।  
 पुरुणि बभ्रो नि चरन्ति मामव परिधीरति तां इहि १९  
 उताहं नक्तमुत सोम ते दिवा सख्याय बभ्र ऊर्धनि ।  
 घृणा तपन्तमति सूर्यं पुरः शकुना इव पप्तिम २०  
 मृज्यमानः सुहस्त्य समुद्रे वाचमिन्वसि ।  
 रयिं पिशङ्गं बहुलं पुरुस्पृहं पवमानाभ्यर्षसि २१  
 मृजानो वारे पवमानो अव्यये वृषाव चक्रदो वनै ।  
 देवानां सोम पवमान निष्कृतं गोभिरञ्जानो अर्षसि २२  
 पवस्व वाजसातये ऽभि विश्वानि काव्या ।  
 त्वं समुद्रं प्रथमो वि धारयो देवेभ्यः सोम मत्सरः २३  
 स तू पवस्व परि पार्थिवं रजौ दिव्या च सोम धर्मभिः ।  
 त्वां विप्रांसो मतिभिर्विचक्षण शभ्रं हिन्वन्ति धीतिभिः २४  
 पवमाना असृक्षत पवित्रमति धारया ।

मरुत्वन्तो मत्सरा इन्द्रिया हया मेधामभि प्रयासि च २५  
अपो वसानः परि कोशमर्षतीन्दुर्हियानः सोतृभिः ।  
जनयञ्ज्योतिर्मन्दना अवीवशद् गाः कृण्वानो न निर्णिजम् २६

(१०८) अष्टोत्तरशततमं सूक्तम्

(१-१६) षोडशर्चस्यास्य सूक्तस्य (१-२) प्रथमाद्वितीययोर्ऋचोः शाक्त्यो  
गौरिवीतिः, (३, १४-१६) तृतीयायाश्चतुर्दश्यादितृचस्य च वासिष्ठः शक्तिः, (४-  
५) चतुर्थीपञ्चम्योराङ्गिरस ऊरुः, (६-७) षष्ठीसप्तम्योर्भारद्वाज ऋजिश्वा, (८-९)  
अष्टमीनवम्योराङ्गिरस ऊर्ध्वसद्या, (१०-११) दशम्येकादशयोराङ्गिरसः कृतयशाः,  
(१२-१३) द्वादशीत्रयोदश्योश्च राजर्षिऋणञ्चय ऋषयः । पवमानः सोमो देवता ।

काकुभः प्रगाथः (विषमर्चा ककुप्, समर्चा सतोबृहती), (१३) त्रयोदश्या  
यवमध्या गायत्री छन्दः

पर्वस्व मधुमत्तम् इन्द्राय सोम क्रतुवित्तमो मदः ।  
महि द्युक्षतमो मदः १  
यस्य ते पीत्वा वृषभो वृषायते ऽस्य पीता स्वर्विदः ।  
स सुप्रकैतो अभ्यक्रमीदिषो ऽच्छा वाजं नैतशः २  
त्वं ह्य१ङ्ग दैव्या पवमानं जनिमानि द्युमत्तमः । अमृतत्वाय घोषयः ३  
येना नवग्वो दुध्यङ्ङपोरुति येन विप्रोस आपिरे ।  
देवानां सुप्ते अमृतस्य चारुणो येन श्रवास्यानुशुः ४  
एष स्य धारया सुतो ऽव्यो वारैभिः पवते मुदिन्तमः । क्रीळन्नूर्मिरपामिव ५  
य उस्त्रिया अप्या अन्तरश्मनो निर्गा अकृन्तदोजसा ।  
अभि व्रजं तत्रिषे गव्यमश्वयं वर्मीव धृष्णावा रुज ६  
आ सौता परि पिञ्चताऽक्षं न स्तोममुमुरं रजस्तुरम् । वनक्रक्षमुदप्रुतम् ७  
सहस्रधारं वृषभं पयोवृधं प्रियं देवाय जन्मने ।  
ऋतेन य ऋतजातो विवावृधे राजा देव ऋतं बृहत् ८  
अभि द्युम्नं बृहद्यश इषस्पते दिदीहि दैव देवयुः । वि कोशं मध्यमं युव ९  
आ वच्यस्व सुदक्ष चम्बोः सुतो विशां वह्निर्न विश्पतिः ।  
वृष्टिं दिवः पवस्व रीतिमुपां जिन्वा गविष्टये धियः १०  
एतमु त्यं मदच्युतं सहस्रधारं वृषभं दिवो दुहुः । विश्वा वसूनि बिभ्रतम् ११  
वृषा वि जज्ञे जनयन्नमर्त्यः प्रतपञ्ज्योतिषा तमः ।

स सुष्टुतः कविभिर्निर्णिजं दधे त्रिधात्वस्य दंससा १२  
 स सुन्वे यो वसूनां यो रायामानेता य इळानाम् । सोमो यः सुक्षित्तीनाम्  
 १३  
 यस्य न इन्द्रः पिबाद्यस्य मरुतो यस्य वार्यमणा भगः ।  
 आ येन मित्रावरुणा करामह एन्द्रमवसे महे १४  
 इन्द्राय सोम पातवे नृभिर्यतः स्वायुधो मदिन्तमः । पवस्व मधुमत्तमः १५  
 इन्द्रस्य हार्दि सोमधानमा विश समुद्रमिव सिन्धवः ।  
 जुष्टो मित्राय वरुणाय वायवे दिवो विष्टम्भ उत्तमः १६

(१०६) नवोत्तरशततमं सूक्तम्

(१-२२) द्वाविंशत्यृचस्यास्य सूक्तस्यैश्वरयो धिष्ण्याग्रय ऋषयः । पवमानः सोमो  
 देवता । द्विपदा विराट् छन्दः

परि प्र धन्वेन्द्राय सोम स्वादुर्मित्राय पूष्णे भगाय १  
 इन्द्रस्ते सोम सुतस्य पेयाः क्रत्वे दक्षाय विश्वे च देवाः १ २  
 एवामृताय महे क्षयाय स शक्रो अर्ष दिव्यः पीयूषः ३  
 पवस्व सोम महान् त्समुद्रः पिता देवानां विश्वाभि धाम २ ४  
 शक्रः पवस्व देवेभ्यः सोम दिवे पृथिव्यै शं च प्रजायै ५  
 दिवो धर्तासि शक्रः पीयूषः सत्ये विधर्मन् वाजी पवस्व ३ ६  
 पवस्व सोम द्युम्नी सुधारो महामवीनामनु पूर्व्यः ७  
 नृभिर्येमानो जज्ञानः पूतः क्षरद्विश्वा नि मन्द्रः स्वर्वित् ४ ८  
 इन्दुः पुनानः प्रजामुराणः करद्विश्वा नि द्रविणानि नः ९  
 पवस्व सोम क्रत्वे दक्षायाऽश्चो न निक्तो वाजी धनाय ५ १०  
 तं ते सोतारो रसं मदाय पुनन्ति सोमं महे द्युम्नाय ११  
 शिशं जज्ञानं हरिं मृजन्ति पवित्रे सोमं देवेभ्य इन्दुम् ६ १२  
 इन्दुः पविष्ट चारुर्मदायाऽपामुपस्थे कविर्भगाय १३  
 बिभर्ति चार्विन्द्रस्य नाम येन विश्वानि वृत्रा जघान ७ १४  
 पिबन्त्यस्य विश्वे देवासो गोभिः श्रीतस्य नृभिः सुतस्य १५  
 प्र सुवानो अक्षाः सहस्रधारस्तिरः पवित्रं वि वारमव्यम् ८ १६  
 स वाज्यक्षाः सहस्रैरता अद्भिर्मृजानो गोभिः श्रीणानः १७  
 प्र सोम याहीन्द्रस्य कुक्षा नृभिर्येमानो अद्भिभिः सुतः ९ १८

असर्जि वाजी त्रिः पवित्रमिन्द्राय सोमः सहस्रधारः १६  
अञ्जन्त्यैनं मध्वो रसेनेन्द्राय वृष्ण इन्दुं मदाय १० २०  
देवेभ्यस्त्वा वृथा पार्जसे ऽपो वसानं हरिं मृजन्ति २१  
इन्दुरिन्द्राय तोशते नि तोशते श्रीणन्नगो रिणन्नपः ११ २२

(११०) दशोत्तरशततमं सूक्तम्

(१२) द्वादशर्चस्यास्य सूक्तस्य त्रैवृष्णस्त्र्यरुणः पौरुकुत्स्यस्त्रसदस्युर्ऋषी ।  
पवमानः सोमो देवता । (१-३) प्रथमादितृचस्य पिपीलिकमध्यानुष्टुप्, (४-६)  
चतुर्थ्यादितृचद्वयस्योर्ध्वबृहती, (१०-१२) दशम्यादितृचस्य च विराट् छन्दांसि  
पर्यु षु प्र धन्व वाजसातये परि वृत्राणि सक्षणिः ।  
द्विषस्तरध्या ऋण्या न ईयसे १  
अनु हि त्वा सुतं सौम मदामसि महे समर्यराज्ये ।  
वाजाँ अभि पवमान प्र गाहसे २  
अजीजनो हि पवमान सूर्य विधारे शक्मना पर्यः ।  
गोजीरया रंहमाणः पुरंध्या ३  
अजीजनो अमृत मर्त्येष्वाँ ऋतस्य धर्मन्नमृतस्य चारुणः ।  
सदासरो वाजमच्छा सनिष्यदत् ४  
अभ्यभि हि श्रवसा ततर्दिथोत्सं न कं चिञ्जनुपानमक्षितम् ।  
शर्याभिर्न भरमाणो गर्भस्त्योः ५  
आदीं के चित् पश्यमानास आप्यं वसुरुचौ दिव्या अभ्यनूषत ।  
वारं न देवः सविता व्यूणुते ६  
त्वे सौम प्रथमा वृक्तबर्हिषो महे वाजाय श्रवसे धिर्यं दधुः ।  
स त्वं नो वीर वीर्याय चोदय ७  
दिवः पीयूषं पूर्यं यदुक्थ्यं महो गाहादिव आ निरधुक्षत ।  
इन्द्रमभि जार्यमानं समस्वरन् ८  
अध यदिमे पवमान रोदसी इमा च विश्वा भुवनाभि मज्मना ।  
यूथे न निःष्ठा वृषभो वि तिष्ठसे ९  
सोमः पुनानो अव्यये वारे शिशर्न क्रीळन् पवमानो अक्षाः ।  
सहस्रधारः शतवाज इन्दुः १०  
एष पुनानो मधुमाँ ऋतावेन्द्रायेन्दुः पवते स्वादुरूर्मिः ।

वा॒ज॒स॒निर्व॑रि॒वोवि॑द्वयो॒धाः ११  
स प॑वस्व॒ सह॑मानः पृ॒त॒न्यून् त्से॒धन् र॑क्षांस्यप॑ दु॒र्गहा॑णि ।  
स्वा॒युधः सा॑स॒हान् त्सौ॑म॒ शत्रू॑न् १२

(१११) एकादशोत्तरशततमं सूक्तम्

(१-३) तृचस्यास्य सूक्तस्य पारुच्छेपिरनानत ऋषिः । पवमानः सोमो देवता ।

अत्यष्टिश्छन्दः

अ॒या रु॒चा ह॑रि॒ण्या पु॒नानो॑ वि॒श्वा द्वे॑षा॒सि तर॑ति स्व॒युग्व॑भिः स॒रो न  
स्व॒युग्व॑भिः ।  
धा॒रा सु॑तस्य॒ रोच॑ते पु॒नानो॑ अ॒रुषो॑ ह॒रिः वि॒श्वा य॒द्रूपा प॑रि॒यात्यृ॑क्वभिः  
स॒प्तास्यै॑भिर्ऋ॒क्वभिः १  
त्वं त्य॑त् प॑णी॒नां वि॑दो वसु॒ सं मा॒तृभि॑र्म॒र्जय॑सि स्व आ द॑मं ऋ॒तस्य॑  
धी॒तिभि॑र्द॒मै ।  
प॒राव॑तो न साम॒ तद् य॒त्रा र॑ण॒न्ति धी॑तयः । त्रि॒धातु॑भिर॒रुषी॑भिर्वयो॒ दधे॑  
रोच॑मानो वयो॒ दधे २  
पूर्वा॑म॒नु प्र॒दिशं॑ याति॒ चेकि॑त॒त् सं र॒श्मिभि॑र्य॒तते द॑र्शतो रथो । दै॒व्यो द॑र्शतो  
रथः ।  
अ॒ग्नम॑नु॒क्थानि॑ पौ॒स्येन्द्रं॑ जै॒त्राय॑ ह॒र्षय॑न् । व॒ज्रश्च॑ य॒द्भ॒वथो॑ अ॒न॒पच्यु॑ता  
स॒मत्स्व॑न॒पच्यु॑ता ३

(११२) द्वादशोत्तरशततमं सूक्तम्

(१-४) चतुर्ऋचस्यास्य सूक्तस्याङ्गिरसः शिशुर्ऋषिः । पवमानः सोमो देवता ।

पङ्क्तिश्छन्दः

ना॒ना॒नं वा उ॑ नो धि॒यो वि वृ॑तानि॒ जना॑म् ।  
त॒क्षा रि॒ष्टं रु॒तं भि॑षग् ब्र॒ह्मा सु॒न्वन्त॑मिच्छ॒तीन्द्रा॑येन्द्रो परि॒ स्रव १  
ज॒र॒तीभि॑रोष॒धीभिः॑ पु॒र्णेभिः॑ श॒कुना॑नाम् ।  
का॒मा॒रो अ॒श्मभि॑र्द्युभि॒र्हि॒र॒ण्यव॑न्तमिच्छ॒तीन्द्रा॑येन्द्रो परि॒ स्रव २  
का॒रु॒हं त॒तो भि॑षगु॒पल॑प्र॒क्षिणी॑ न॒ना ।  
ना॒ना॒धियो॑ वसू॒यवो॑ ऽनु गा इ॒व त॑स्थि॒मेन्द्रा॑येन्द्रो परि॒ स्रव ३  
अ॒श्वो वो॒ळ्हा सु॒खं रथ॑ ह॒स॒नामु॑प॒मन्त्रि॑णः ।

शेपो रोमशवन्तौ भेदौ वारिन्मण्डूक इच्छतीन्द्रायेन्दो परि स्रव ४

(११३) त्रयोदशोत्तरशततमं सूक्तम्

(१-११) एकादशर्चस्यास्य सूक्तस्य मारीचः कश्यप ऋषिः । पवमानः सोमो देवता । पङ्क्तिश्छन्दः

शर्यणावति सोममिन्द्रः पिबतु वृत्रहा ।

बलं दधान आत्मनि करिष्यन् वीर्यं महदिन्द्रायेन्दो परि स्रव १

आ पवस्व दिशां पत आर्जीकात् सौम मीढ्वः ।

ऋतुवाकेन सत्येन श्रद्धया तपसा सुत इन्द्रायेन्दो परि स्रव २

पर्जन्यवृद्धं महिषं तं सूर्यस्य दुहिताभरत् ।

तं गन्धर्वाः प्रत्यगृभ्णन् तं सोमे रसमादधुरिन्द्रायेन्दो परि स्रव ३

ऋतं वदन्वृतद्युम्न सत्यं वदन् तस्यकर्मन् ।

श्रद्धां वदन् त्सोम राजन् धात्रा सौम परिष्कृत इन्द्रायेन्दो परि स्रव ४

सत्यमुग्रस्य बृहतः सं स्रवन्ति संस्रवाः ।

सं यन्ति रसिनो रसाः पुनानो ब्रह्मणा हर इन्द्रायेन्दो परि स्रव ५

यत्र ब्रह्मा पवमान छन्दस्यांश्च वाचं वदन् ।

ग्राव्णा सोमै महीयते सोमै नानन्दं जनयन्निन्द्रायेन्दो परि स्रव ६

यत्र ज्योतिरजस्रं यस्मिन् लोके स्वरहितम् ।

तस्मिन् मां धैहि पवमानाऽमृतै लोके अक्षित इन्द्रायेन्दो परि स्रव ७

यत्र राजा वैवस्वतो यत्रावरोधनं दिवः ।

यत्रामूर्यहतीरापस्तत्र माममृतं कृधीन्द्रायेन्दो परि स्रव ८

यत्रानुकामं चरणं त्रिनाके त्रिदिवे दिवः ।

लोका यत्र ज्योतिष्मन्तस्तत्र माममृतं कृधीन्द्रायेन्दो परि स्रव ९

यत्र कामा निकामाश्च यत्र ब्रध्नस्य विष्टपम् ।

स्वधा च यत्र तृप्तिश्च तत्र माममृतं कृधीन्द्रायेन्दो परि स्रव १०

यत्रानन्दाश्च मोदाश्च मुदः प्रमुद आसते ।

कामस्य यत्राप्ताः कामास्तत्र माममृतं कृधीन्द्रायेन्दो परि स्रव ११

(११४) चतुर्दशोत्तरशततमं सूक्तम्

(१-४) चतुर्ऋचस्यास्य सूक्तस्य मारीचः कश्यप ऋषिः । पवमानः सोमो देवता ।

पङ्क्तिश्छन्दः

य इन्द्रोः पर्वमानस्याऽनु धामान्यक्रमीत् ।  
 तमाहुः सुप्रजा इति यस्तै सोमाविधन्मनु इन्द्रायेन्द्रो परि स्रव १  
 ऋषे मनत्रकृतां स्तोमैः कश्यपोद्वर्धयन् गिरः ।  
 सोमं नमस्य राजानं यो जज्ञे वीरुधां पतिरिन्द्रायेन्द्रो परि स्रव २  
 सप्त दिशो नानासूर्याः सप्त होतार ऋत्विजः ।  
 देवा आदित्या ये सप्त तेभिः सोमाभि रक्ष नु इन्द्रायेन्द्रो परि स्रव ३  
 यत् तै राजञ्छृतं हविस्तेन सोमाभि रक्ष नः ।  
 अरातीवा मा नस्तारीन्मो च नुः किं चनाममुदिन्द्रायेन्द्रो परि स्रव ४

इति नवमं मण्डलं समाप्तम्

मन्त्रसंख्या

अष्टममण्डलस्यान्तपर्यन्तं ७६६०

नवममण्डलस्य ११०८

सर्वयोगः ८७६८



अथ दशमं मण्डलम् ।

प्रथमोऽनुवाकः

। सू० १-१६ ।

(१) प्रथमं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः  
अग्रे बृहन्नुषसांमूर्ध्वो अस्थान्निर्जगन्वान् तमसो ज्योतिषागात् ।  
अग्निर्भानुना रुशता स्वङ्ग आ जातो विश्वा सद्धान्यप्राः १  
स जातो गर्भो असि रोदस्योरग्रे चारुर्विभृत ओषधीषु ।  
चित्रः शिशुः परि तमास्यक्तून् प्र मातृभ्यो अधि कर्निक्रदद्वाः २  
विष्णुरित्था परममस्य विद्वाञ्जातो बृहन्नभि पाति तृतीयम् ।  
आसा यदस्य पयो अक्रतु स्वं सचैतसो अभ्यर्चन्त्यत्र ३  
अत उ त्वा पितुभृतो जनित्रीरन्नावृधं प्रति चरन्त्यत्रैः ।  
ता ई प्रत्येषि पुनरन्यरूपा असि त्वं विक्षु मानुषीषु होता ४  
होतारं चित्ररथमध्वरस्य यज्ञस्ययज्ञस्य केतुं रुशन्तम् ।  
प्रत्यर्धि देवस्यदेवस्य मुह्य श्रिया त्वग्निमतिथिं जनानाम् ५  
स तु वस्त्राण्यध पेशनानि वसानो अग्निर्नाभा पृथिव्याः ।  
अरुषो जातः पुद इळायाः पुरोहितो राजन् यक्षीह देवान् ६  
आ हि द्यावापृथिवी अग्न उभे सदा पुत्रो न मातरा ततन्थ ।  
प्र याह्यच्छौशतो यविष्ठाऽथा वह सहस्येह देवान् ७

(२) द्वितीयं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः  
पिप्रीहि देवाँ उशतो यविष्ठ विद्वाँ ऋतूँर्ऋतुपते यजेह ।  
ये दैव्या ऋत्विजस्तेभिर्ग्रे त्वं होतृचफट्णामस्यायजिष्ठः १  
वेषि होत्रमुत पोत्रं जनानां मन्धातासि द्रविणोदा ऋतावा ।  
स्वाहा वयं कृण्वामा हवींषि देवो देवान् यजत्वग्निरहन् २  
आ देवानामपि पन्थामगन्म यच्छक्नवाम् तदनु प्रवौळहुम् ।  
अग्निर्विद्वान् त्स यजात् सेदु होता सो अध्वरान् त्स ऋतून् कल्पयाति ३  
यद्वौ वयं प्रमिनाम व्रतानि विदुषां देवा अविदुष्टरासः ।

अग्निष्टद्विश्चमा पृणाति विद्वान् येभिर्देवाँ ऋतुभिः कल्पयाति ४  
 यत् पाकत्रा मनसा दीनदक्षा न यज्ञस्य मन्वते मर्त्यासः ।  
 अग्निष्टद्धोता क्रतुविद्विजानन् यजिष्ठो देवाँ ऋतुशो यजाति ५  
 विश्वेषां ह्यध्वराणामनीकं चित्रं केतुं जनिता त्वा जुजान् ।  
 स आ यजस्व नृवतीरनु क्षाः स्पार्हा इषः क्षुमतीर्विश्वजन्याः ६  
 यं त्वा द्यावापृथिवी यं त्वापस्त्वष्टा यं त्वा सुजनिमा जुजान् ।  
 पन्थामनु प्रविद्वान् पितृयाणं द्युमदग्ने समिधानौ वि भाहि ७

### (३) तृतीयं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः  
 इनो राजन्नरतिः समिद्धो रौद्रो दक्षाय सुषुमाँ अदर्शि ।  
 चिकिद्धि भाति भासा बृहता ऽसिक्नीमेति रुशतीमपाजन् १  
 कृष्णां यदेनीमभि वर्षसा भूजनयन् योषा बृहतः पितुर्जाम् ।  
 ऊर्ध्वं भानुं सूर्यस्य स्तभायन् दिवो वसुभिररतिर्वि भाति २  
 भद्रो भद्रया सचमान आगात् स्वसारं जारो अभ्येति पश्चात् ।  
 सुप्रकेतैर्द्युभिरग्निर्वितिष्ठन् रुशद्भिर्वर्णैरभि राममस्थात् ३  
 अस्य यामासो बृहतो न वृग्रनिन्धाना अग्नेः सख्युः शिवस्य ।  
 ईड्येस्य वृष्णो बृहतः स्वासो भामासो यामन्नक्तवश्चिकित्रे ४  
 स्वना न यस्य भामासः पर्वन्ते रोचमानस्य बृहतः सुदिवः ।  
 ज्येष्ठैर्भिर्यस्तेजिष्ठैः क्रीळमद्भिर्वर्षिष्ठेभिर्भानुभिर्नक्षति द्याम् ५  
 अस्य शुष्मासो ददृशानपवेर्जेहमानस्य स्वनयन् नियुद्धिः ।  
 प्रत्नेभिर्यो रुशद्भिर्देवतमो वि रेभद्भिररतिर्भाति विभ्वा ६  
 स आ वक्षि महि न आ च सत्सि दिवस्पृथिव्योररतिर्युवत्योः ।  
 अग्निः सुतुकः सुतुकैभिरश्वै रभस्वद्धी रभस्वाँ एह गम्याः ७

### (४) चतुर्थं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः  
 प्र ते यक्षि प्र ते इयमि मन्म भुवो यथा वन्द्यौ नो हवेषु ।  
 धन्वन्निव प्रपा असि त्वमग्न इयक्षवै पूरवै प्रत्न राजन् १  
 यं त्वा जनासो अभि संचरन्ति गाव उष्णमिव व्रजं यविष्ठ ।

दूतो देवानामसि मर्त्यानामन्तर्महाँश्चरसि रोचनेन २  
 शिशं न त्वा जेन्यं वर्धयन्ती माता बिभर्ति सचनस्यमाना ।  
 धनोरधि प्रवता यासि हर्यञ्जिगीषसे पशुरिवावसृष्टः ३  
 मूरा अमूर न वयं चिकित्वो महित्वमग्ने त्वमङ्ग वित्से ।  
 शयै वव्रिश्चरति जिह्यादन् रैरिह्यतै युवतिं विशपतिः सन् ४  
 कूचिजायते सनयासु नव्यो वनै तस्थौ पलितो धूमकैतुः ।  
 अस्त्रातापो वृषभो न प्र वैति सचैतसो यं प्रणयन्त मर्ताः ५  
 तनूत्यजैव तस्करा वनर्गू रशनाभिर्दशभिरभ्यधीताम् ।  
 इयं तै अग्ने नव्यसी मनीषा युद्धवा रथं न शचयद्भिरङ्गैः ६  
 ब्रह्म च ते जातवेदो नमश्चेयं च गीः सदमिद्वर्धनी भूत् ।  
 रक्षा णो अग्ने तनयानि तोका रक्षोत नस्तन्वोऽप्रयुच्छन् ७

(५) पञ्चमं सूक्तम्

(१-७) सप्तर्चस्यास्य सूक्तस्याप्तचस्त्रित ऋषिः । अग्निर्देवता । त्रिष्टुप् छन्दः  
 एकः समुद्रो धरुणौ रयीणामस्मद्धदो भूरिजन्मा वि चष्टे ।  
 सिषक्त्यूधर्निगयोरुपस्थ उत्सस्य मध्ये निहितं पदं वेः १  
 समानं नीळं वृषणो वसानाः सं जग्मिरे महिषा अर्वतीभिः ।  
 ऋतस्य पदं कवयो नि पान्ति गुहा नामानि दधिरे पराणि २  
 ऋतायिनी मायिनी सं दधाते मित्वा शिशं जज्ञतुर्वर्धयन्ती ।  
 विश्वस्य नाभिं चरतो ध्रुवस्य कवेश्चित् तन्तुं मनसा वियन्तः ३  
 ऋतस्य हि वर्तनयः सुजातमिषो वाजाय प्रदिवः सचन्ते ।  
 अधीवासं रोदसी वावसाने घृतैरन्नैर्वावृधाते मधूनाम् ४  
 सप्त स्वसूरुषीर्वावशानो विद्वान् मध्व उज्जभारा दृशे कम् ।  
 अन्तर्यैमे अन्तरिक्षे पुराजा इच्छन् वव्रिमविदत् पूषणस्य ५  
 सप्त मर्यादाः कवयस्ततक्षुस्तासामेकामिदभ्यहरो गात् ।  
 आयोर्हं स्कम्भ उपमस्य नीळे पथां विसर्गे धरुणेषु तस्थौ ६  
 असञ्च सञ्च परमे व्योमन् दक्षस्य जन्मन्नदितेरुपस्थे ।  
 अग्निर्ह नः प्रथमजा ऋतस्य पूर्व आयुनि वृषभश्च धेनुः ७

षष्ठोऽध्यायः

। व० १-२८ ।

## (६) षष्ठं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः  
 अयं स यस्य शर्मन्नवौभिरग्नेरेधते जरिताभिष्टौ ।  
 ज्येष्ठैभिर्यो भानुभिर्ऋषूणां पर्येति परिवीतो विभावा १  
 यो भानुभिर्विभावा विभात्यग्निर्देवेभिर्ऋतावाजस्रः ।  
 आ यो विवायं सख्या सखिभ्यो ऽपरिहृतो अत्यो न सप्तिः २  
 ईशे यो विश्वस्या देववीतेरीशे विश्वायुरुषसो व्युष्टौ ।  
 आ यस्मिन् मना हवींष्यग्रावरिष्टरथः स्कभ्नाति शूषैः ३  
 शूषेभिर्वृधो जुषाणो अकैर्देवाँ अच्छा रघुपत्वा जिगाति ।  
 मन्द्रो होता स जुह्वा यजिष्ठः संमिश्रो अग्निरा जिघर्ति देवान् ४  
 तमुस्त्रामिन्द्रं न रेर्जमानमग्निं गीर्भिर्नमोभिरा कृणुध्वम् ।  
 आ यं विप्रासो मतिभिर्गृणन्ति जातवेदसं जुह्वं सहानाम् ५  
 सं यस्मिन् विश्वा वसूनि जग्मुर्वाजे नाश्वाः सप्तीवन्त एवैः ।  
 अस्मे ऊतीरिन्द्रवाततमा अर्वाचीना अग्र आ कृणुष्व ६  
 अधा ह्यग्ने म्हा निषद्या सद्यो जज्ञानो हव्यो बभूथ ।  
 तं ते देवासो अनु केतमायन्नधावर्धन्त प्रथमास ऊमाः ७

## (७) सप्तमं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः  
 स्वस्ति नो दिवो अग्ने पृथिव्या विश्वायुर्धेहि यजथाय देव ।  
 सचैमहि तव दस्म प्रकैतैरुरुष्या ण उरुभिर्देव शंसैः १  
 इमा अग्ने मतयस्तुभ्यं जाता गोभिरश्वैरभि गृणन्ति राधः ।  
 यदा ते मर्तो अनु भोगमानुड्वसो दधानो मतिभिः सुजात २  
 अग्निं मन्ये पितरमग्निमापिमग्निं भ्रातरं सदमित् सखायम् ।  
 अग्नेरनीकं बृहतः संपर्य दिवि शक्रं यजतं सूर्यस्य ३  
 सिध्ना अग्ने धियो अस्मे सनुत्रीर्यं त्रायसे दम् आ नित्यं होता ।  
 ऋतावा स रोहिदश्वः पुरुक्षुर्द्युभिरस्मा अहंभिर्वाममस्तु ४  
 द्युभिर्हितं मित्रमिव प्रयोगं प्रबमृत्वजमध्वरस्य जारम् ।  
 बाहुभ्यामग्निमायवोऽजनन्त विक्षु होतां न्यसादयन्त ५  
 स्वयं यजस्व दिवि देव देवान् किं ते पाकः कृणवदप्रचेताः ।

यथायज ऋतुभिर्देव देवानेवा यजस्व तन्वं सुजात ६  
भवा नो अग्नेऽवितोत गोपा भवा वयस्कृदुत नो वयोधाः ।  
रास्वा च नः सुमहो हव्यदातिं त्रास्वोत नस्तन्वोऽप्रयुच्छन् ७

(८) अष्टमं सूक्तम्

(१-६) नवर्चस्यास्य सूक्तस्य त्वाष्ट्रस्त्रिशिरा ऋषिः । (१-६)

प्रथमादितृचद्वयस्याग्निः, (७-६) सप्तम्यादितृचस्य चेन्द्रो देवते । त्रिष्टुप् छन्दः  
प्र केतुना बृहता यात्यग्निरा रोदसी वृषभो रौरवीति ।  
दिवश्चिदन्ताँ उपमाँ उदानळपामुपस्थै महिषो ववर्ध १  
मुमोद गर्भो वृषभः ककुद्धानस्त्रेमा वत्सः शिमीवाँ अरावीत् ।  
स देवतात्युद्यतानि कृणवन् त्वेषु क्षयेषु प्रथमो जिगाति २  
आ यो मूर्धानं पित्रोररब्ध न्यध्वरे दधिरे सूरौ अर्णः ।  
अस्य पत्नन्नरुषीरश्वबुध्रा ऋतस्य योनौ तन्वौ जुषन्त ३  
उषउषो हि वसो अग्रमेषि त्वं यमयौरभवो विभावा ।  
ऋतार्य सप्त दधिषे पदानि जनयन् मित्रं तन्वेऽस्वायै ४  
भुवश्चक्षुर्मह ऋतस्य गोपा भुवो वरुणो यदृतायु वेषि ।  
भुवो अपां नपाजातवेदो भुवो दूतो यस्य हव्यं जुजौषः ५  
भुवो यज्ञस्य रजसश्च नेता यत्रा नियुद्धिः सचसे शिवाभिः ।  
दिवि मूर्धानं दधिषे स्वर्षा जिह्वामग्ने चकृषे हव्यवाहम् ६  
अस्य त्रितः क्रतुना वव्रे अन्तरिच्छन् धीतिं पितुरेवैः परस्य ।  
सचस्यमानः पित्रोरुपस्थै जामि ब्रुवाण आयुधानि वेति ७  
स पित्र्याणयार्युधनि विद्वानिन्द्रैषित आपयो अभ्ययुध्यत् ।  
त्रिशीर्षाणं सप्तरश्मिं जघन्वान् त्वाष्ट्रस्य चित्रिः संसृजे त्रितो गाः ८  
भूरीदिन्द्र उदिनक्षन्तमोजो ऽवाभिनुत् सत्पतिर्मन्यमानम् ।  
त्वाष्ट्रस्य चिद्विश्वरूपस्य गोनामाचक्राणस्त्रीणि शीर्षा परा वर्क ९

(९) नवमं सूक्तम्

(१-६) नवर्चस्यास्य सूक्तस्याम्बरीषः सिन्धुद्वीपस्त्वाष्ट्रस्त्रिशिरा वा ऋषिः । आपो  
देवताः । (१-४, ६) प्रथमादिचतुर्ऋचां षष्ठ्याश्च गायत्री, (५) पञ्चम्या वर्धमाना  
गायत्री, (७) सप्तम्याः प्रतिष्ठा गायत्री, (८-९) अष्टमीनवम्योश्चानुष्टुप् छन्दांसि

आपो हि ष्ठा मयोभुवस्ता न ऊर्जे दधातन । महे रणाय चक्षसे १  
 यो वः शिवतमो रसस्तस्य भाजयतेह नः । उशतीरिव मातरः २  
 तस्मा अरं गमाम वो यस्य क्षयाय जिन्वथ । आपो जनयथा च नः ३  
 शं नो देवीरभिष्टय आपो भवन्तु पीतयै । शं योरभि स्त्रवन्तु नः ४  
 ईशाना वार्याणां क्षयन्तीश्चर्षणीनाम् । अपो याचामि भेषजम् ५  
 अप्सु मे सोमो अब्रवीदन्तर्विश्वानि भेषजा । अग्निं च विश्वशंभुवम् ६  
 आपः पृणीत भेषजं वरूथं तन्वेरे मम । ज्योक् च सूर्यं दृशे ७  
 इदमापः प्र वहत यत् किं च दुरितं मयि ।  
 यद्वाहमभिदुद्रोह यद्वा शेष उतानृतम् ८  
 आपो अद्यान्वचारिषुं रसेन समगस्महि ।  
 पर्यस्वानग्र आ गहि तं मा सं सृज वर्चसा ९

(१०) दशमं सूक्तम्

(१-१४) चतुर्दशर्चस्यास्य सूक्तस्य (१, ३, ५-७, ११, १३) प्रथमातृतीययोर्ऋचोः  
 पञ्चम्यादितृचस्यैकादशीत्रयोदश्योश्च वैवस्वती यमी ऋषिका, (२, ४, ८-१०, १२,  
 १४) द्वितीयाचतुर्थ्योरष्टम्यादितृचस्य द्वादशीचतुर्दश्योश्च वैवस्वतो यम ऋषिः ।  
 (१, ३, ५-७, ११, १३) प्रथमातृतीययोः पञ्चम्यादितृचस्यैकादशीत्रयोदश्योश्च यमः,  
 (२, ४, ८-१०, १२, १४) द्वितीयाचतुर्थ्योरष्टम्यादितृचस्य द्वादशीचतुर्दश्योश्च यमी  
 देवते । (१-१२, १४) प्रथमादिद्वादशर्चां चतुर्दश्याश्च त्रिष्टुप्, (१३) त्रयोदश्याश्च

विराट्स्थाना छन्दसी

ओ चित् सखायं सख्या ववृत्यां तिरः पुरु चिदर्शवं जगन्वान् ।  
 पितुर्नर्पातमा दधीत वेधा अधि क्षमि प्रतरं दीर्घ्यानः १  
 न ते सखा सख्यं वष्टयेतत् सलक्ष्मा यद्विषुरूपा भवति ।  
 महस्पुत्रासो असुरस्य वीरा दिवो धर्तारि उर्विया परि ख्यन् २  
 उशन्ति घा ते अमृतांस एतदेकस्य चित् त्यजसं मर्त्यस्य ।  
 नि ते मनो मनसि धाय्यस्मे जन्युः पतिस्तन्वश्मा विविश्याः ३  
 न यत् पुरा चकृमा कद्ध नूनमा वदन्तो अनृतं रपेम ।  
 गन्धर्वो अप्सवप्या च योषा सा नो नाभिः परमं जामि तन्नौ ४  
 गर्भे नु नौ जनिता दंपती कर्देवस्त्वष्टा सविता विश्वरूपः ।  
 नकिरस्य प्र मिनन्ति वृतानि वेदं नावस्य पृथिवी उत द्यौः ५

को अस्य वेद प्रथमस्याहः क ई ददर्श क इह प्र वौचत् ।  
 बृहन्मित्रस्य वरुणस्य धाम् कर्तुं ब्रव आहनो वीच्या नृन् ६  
 यमस्य मा यम्यं काम आगन् त्समाने योनौ सहशेय्याय ।  
 जायेव पत्यै तन्वे रिरिच्यां वि चिद्वहेव रथ्यैव चक्रा ७  
 न तिष्ठन्ति न नि मिषन्त्येते देवानां स्पश इह ये चरन्ति ।  
 अन्येन मदाहनो याहि तूयं तेन वि वृह रथ्यैव चक्रा ८  
 रात्रीभिरस्मा अहभिर्दशस्येत् सूर्यस्य चक्षुर्मुहुरुन्मिमीयात् ।  
 दिवा पृथिव्या मिथुना सबन्धू यमीर्यमस्य बिभृयादजामि ९  
 आ घा ता गच्छानुत्तेरा युगानि यत्र जामयः कृणवन्नजामि ।  
 उप बर्बृहि वृषभाय बाहुमन्यमिच्छस्व सुभगे पतिं मत् १०  
 किं भ्रातासद्यदेनाथं भवति किमु स्वसा यन्निर्ऋतिर्निगच्छात् ।  
 काममूता बृहेश्तेद्रपामि तन्वा मे तन्वं सं पिपृग्धि ११  
 न वा उ ते तन्वा तन्वं सं पिपृच्यां पापमाहुर्यः स्वसारं निगच्छात् ।  
 अन्येन मत् प्रमुदः कल्पयस्व न ते भ्राता सुभगे वष्टयेतत् १२  
 ब्रतो बतासि यम् नैव ते मनो हृदयं चाविदाम ।  
 अन्या किल त्वां कक्ष्यैव युक्तं परि ष्वजाते लिबुजेव वृक्षम् १३  
 अन्यमू षु त्वं यम्यन्य उ त्वां परि ष्वजाते लिबुजेव वृक्षम् ।  
 तस्य वा त्वं मन इच्छा स वा तवाऽधा कृणुष्व संविदं सुभद्राम् १४

(११) एकादशं सूक्तम्

(१-६) नवर्चस्यास्य सूक्तस्याङ्गिर्हविर्धान ऋषिः । अग्निर्देवता । (१-६)

प्रथमादितृचद्वयस्य जगती, (७-६) सप्तम्यादितृचस्य च त्रिष्टुप् छन्दसी  
 वृषा वृष्णो दुदुहे दोहसा दिवः पर्यासि यज्ञो अदितेरदाभ्यः ।  
 विश्वं स वेद वरुणो यथा धिया स यज्ञियौ यजतु यज्ञियाँ ऋतून् १  
 रपद्रन्धर्वीरप्या च योषणा नदस्य नादे परि पातु मे मनः ।  
 इष्टस्य मध्ये अदितिर्नि धातु नो भ्राता नो ज्येष्ठः प्रथमो वि वौचति २  
 सो चिन्नु भद्रा क्षुमती यशस्वत्युषा उवास मनवे स्वर्वती ।  
 यदीमुशन्तमुशतामनु क्रतुमग्निं होतारं विदथाय जीर्जनन् ३  
 अध त्यं द्रप्सं विभ्वं विचक्ष्णं विराभरदिषितः श्येनो अध्वरे ।  
 यदी विशौ वृणते दस्ममार्या अग्निं होतारमध धीरजायत ४

सदा॑सि र॒णवो यव॑सेव॒ पुष्य॑ते होत्रा॑भिरग्रे मनु॑षः स्वध्व॑रः ।  
 विप्र॑स्य वा यच्छ॑शमान उ॒क्थ्यं॑ वाजं स॒सवाँ उ॑पयासि भूरि॑भिः ५  
 उदी॑रय पि॒तरां जा॒र आ भग॑मियेक्षति हर्य॑तो ह॒त्त इ॑ष्यति ।  
 विव॑क्ति वह्निः स्वप॑स्यते मुख॑स्तविष्यते असुरो॑ वेप॑ते म॒ती ६  
 यस्तै॑ अग्रे सुम॑तिं म॒र्तो अ॒क्षत् सह॑सः सूनो॑ अति स प्र शृ॑णवे ।  
 इषं॑ दधा॑नो वह॑मानो अश्वै॑रा स द्युमाँ॑ अ॒मवान् भूष॑ति द्यून् ७  
 यद॑ग्र एषा समि॑तिर्भवाति दे॒वी दे॒वेषु॑ यज॒ता य॑जत्र ।  
 रत्ना॑ च॒ यद्वि॑भजासि स्वधा॒वो भा॑गं नो अत्र॑ वसु॑मन्तं वी॒तात् ८  
 श्रु॒धी नो॑ अग्रे स॒दने॑ स॒धस्थे॑ यु॒द्ध्वा रथ॑म॒मृत॑स्य द्रवि॒तुम् ।  
 आ नो॑ वह॒ रोद॑सी दे॒वपु॑त्रे मा॒किर्दे॒वाना॑मप॒ भूरि॑ह स्याः ९

(१२) द्वादशं सूक्तम्

(१-९) नवर्चस्यास्य सूक्तस्याङ्गिर्हविर्धान ऋषिः । अग्निर्देवता । त्रिष्टुप् छन्दः  
 द्यावा॑ ह॒ क्षामा॑ प्रथ॒मे ऋ॒तेना॑ऽभि॒श्रावे॑ भवतः सत्य॒वाचा॑ ।  
 दे॒वो यन्म॑र्तान् य॒जथा॑य कृ॒णवन् त्सीद॑द्धोता॒ प्रत्य॑ङ् स्वम॑सुं यन् १  
 दे॒वो दे॒वान् प॑रिभू॒र्त्तते॑ न॒ वहा॑ नो ह॒व्यं प्र॑थमश्चि॒कित्वा॑न् ।  
 धूम॑कैतुः स॒मिधा॑ भा॒र्त्तृजी॑को म॒न्द्रो हो॒ता नित्यो॑ वा॒चा य॒जीया॑न् २  
 स्वा॒वृ॒गदे॒वस्या॑मृतं यदी॒ गोर॑तो जा॒तासौ॑ धा॒रय॑न्त उ॒र्वी ।  
 विश्वे॑ दे॒वा अनु॑ तत् ते यजु॑र्गु॒र्दुहे॑ यदे॒नी दि॒व्यं घृ॑तं वाः ३  
 अ॒र्चामि॑ वां व॒र्धाया॑पो घृ॒तसू॑ द्यावा॒भूमी॑ शृणु॑तं रौद॑सी मे ।  
 अ॒हा यद् द्या॒वोऽसु॑नीतिमय॒न् मध्वा॑ नो अत्र॑ पि॒तरा॑ शिशीताम् ४  
 किं स्वि॑न्नो राजा जगृ॒हे क॒दस्या॑ऽति व्र॑तं च॒क्रमा॑ को वि वै॒द ।  
 मि॒त्रश्चि॒द्धिष्मा॑ जुहुरा॒णो दे॒वाञ्छ॒लोको॑ न या॒ताम॑पि वा॒जो अ॒स्ति ५  
 दु॒र्मन्त्व॑त्रामृत॑स्य नाम॒ सल॑क्ष्मा यद्वि॒षुरु॑पा भवा॑ति ।  
 य॒मस्य॑ यो म॒नव॑ते सु॒मन्त्व॑ग्रे तमृ॑ष्व पा॒ह्यप्र॑युच्छन् ६  
 यस्मि॑न् दे॒वा वि॒दर्थे॑ मा॒दय॑न्ते वि॒वस्व॑तः स॒दने॑ धा॒रय॑न्ते ।  
 सूर्ये॑ ज्योति॒रद॑धुर्मा॒स्यश्क्तू॑न् प॒रि द्यो॑त॒निं च॑रतो अ॒र्जस्त्रा॑ ७  
 यस्मि॑न् दे॒वा म॒न्मनि॑ सं॒चर॑न्त्यपी॒च्येऽ न॑ व॒यम॑स्य वि॒द्य ।  
 मि॒त्रो नो॑ अत्रादि॒तिर॑ना॒गान् त्स॒विता॑ दे॒वो वरु॑णाय वोचत् ८  
 श्रु॒धी नो॑ अग्रे स॒दने॑ स॒धस्थे॑ यु॒द्ध्वा रथ॑म॒मृत॑स्य द्रवि॒तुम् ।



आ नो वह रोदसी देवपुत्रे मार्किर्देवानामपे भूरिह स्याः ६

(१३) त्रयोदशं सूक्तम्

(१-५) पञ्चर्चस्यास्य सूक्तस्यादित्यो विवस्वानाङ्गिर्हविर्धानो वा ऋषिः । हविर्धाने शकटे देवते । (१-४) प्रथमादिचतुर्चर्चां त्रिष्टुप्, (५) पञ्चम्याश्च जगती छन्दसी युजे वा ब्रह्म पूर्व्यं नमोभिर्वि श्लोक एतु पथ्यैव सुरैः ।  
शृण्वन्तु विश्वे अमृतस्य पुत्रा आ ये धामानि दिव्यानि तस्थुः १  
यमे इव यतमाने यदैतं प्र वा भरन् मानुषा देवयन्तः ।  
आ सीदतं स्वमु लोकं विदाने स्वासस्थे भवतमिन्दवे नः २  
पञ्च पुदानि रूपो अन्वरोहं चतुष्पदीमन्वैमि ब्रूतेन ।  
अक्षरैण प्रति मिम एतामृतस्य नाभावधि सं पुनामि ३  
देवेभ्यः कर्मवृणीत मृत्युं प्रजायै कममृतं नावृणीत ।  
बृहस्पतिं यज्ञमकृण्वत ऋषिं इन्द्रयां यमस्तन्वं प्रारिरेचीत् ४  
सप्त क्षरन्ति शिशवे मरुत्वते पित्रे पुत्रासो अप्येवीवतनृतम् ।  
उभे इदस्योभयस्य राजत उभे यतेते उभयस्य पुष्यतः ५

(१४) चतुर्दशं सूक्तम्

(१-१६) षोडशर्चस्यास्य सूक्तस्य वैवस्वतो यम ऋषिः । (१-५, १३-१६)  
प्रथमादिपञ्चर्चां त्रयोदश्यादिचतसृणाञ्च यमः, (६) षष्ठ्या अङ्गिरःपित्रथर्वभृगवः,  
(७-९) सप्तम्यादितृचस्य लिङ्गोक्ताः पितरो वा, (१०-१२) दशम्यादितृचस्य च सारमेयौ श्वानौ देवताः । (१-१२) प्रथमादिद्वादशर्चां त्रिष्टुप्, (१३-१४, १६)  
त्रयोदशीचतुर्दशीषोडशीनामनुष्टुप्, (१५) पञ्चदश्याश्च बृहती छन्दांसि  
प्रेयिवांसं प्रवतौ महीरनु बृहभ्यः पन्थामनुपस्पशानम् ।  
वैवस्वतं संगमनं जनानां यमं राजानं हविषा दुवस्य १  
यमो नो गातुं प्रथमो विवेद नैषा गव्यूतिरपभर्तवा उ ।  
यत्रा नः पूर्वे पितरः प्रेयुरेना जज्ञानाः पथ्याऽनु स्वाः २  
मातली कव्यैर्यमो अङ्गिरोभिर्बृहस्पतिर्भृक्वभिर्वावृधानः ।  
याँश्च देवा वावृधुर्ये च देवान् त्वाहान्ये स्वधयान्ये मदन्ति ३  
इमं यम प्रस्तरमा हि सीदाऽङ्गिरोभिः पितृभिः संविदानः ।  
आ त्वा मन्त्राः कविशस्ता वहन्त्वेना राजन् हविषा मादयस्व ४

अङ्गिरोभि॒रा ग॑हि य॒ज्ञियै॑भि॒र्यम॑ वैरू॒पैरि॑ह मा॒दय॑स्व ।  
 वि॒वस्व॑न्तं हु॒वे यः पि॒ता ते ऽस्मिन् य॒ज्ञे ब॒र्हिष्या॑ नि॒षद्य॑ ५  
 अङ्गि॑रसो नः पि॒तरो॒ नव॑ग्वा अ॒र्थवा॑णो भृ॒गवः॑ सो॒म्यासः॑ ।  
 तेषां व॒यं सु॑म॒तौ य॒ज्ञिया॑ना॒मपि॑ भ॒द्रे सौ॑म॒नसे॒ स्याम॑ ६  
 प्रेहि॑ प्रेहि॑ प॒थिभिः॑ पू॒र्व्येभि॑र्यत्रा नः पू॒र्वे पि॒तरः॑ प॒रेयुः॑ ।  
 उ॒भा राजा॑ना स्व॒धया॑ म॒दन्ता॑ य॒मं प॑श्यासि वरु॒णं च॑ दे॒वम् ७  
 सं गच्छ॑स्व पि॒तृभिः॑ सं य॒मेनै॑ष्टापू॒र्तेन॑ प॒रमे॒ व्योम॑न् ।  
 हि॒त्वाया॑व॒द्यं पु॒नर॑स्त॒मेहि॑ सं गच्छ॑स्व त॒न्वा सु॑व॒र्चाः ८  
 अपै॑त वी॒त वि च॑ स॒र्पता॑तो ऽस्मा ए॒तं पि॒तरो॑ लो॒कम॑क्रन् ।  
 अ॒होभि॑र॒द्भिर॑क्तुभि॒र्व्यक्तं॑ य॒मो द॑दात्यव॒सान॑मस्मै ९  
 अ॒ति द्र॑व सा॒रमे॒यौ श्वा॒नौ च॑तु॒रक्षौ॑ श॒बलौ॑ सा॒धुना॑ प॒था ।  
 अ॒था पि॒तृन् त्सु॑वि॒दत्राँ॑ उपै॒हि य॒मेन॑ ये स॒धमा॑दं म॒दन्ति॑ १०  
 यौ ते श्वा॒नौ यम॑ र॒क्षिता॑रौ चतु॒रक्षौ॑ प॒थिर॑क्षी नृ॒चक्ष॑सौ ।  
 ताभ्या॑मे॒नं परि॑ देहि राजन् त्व॒स्ति चा॑स्मा अ॒नमी॑वं च॒ धेहि॑ ११  
 उ॒रूणा॑साव॒सुतृ॑पा उदु॒म्बलौ॑ य॒मस्य॑ दू॒तौ च॑रतो ज॒नाँ अनु॑ ।  
 ताव॒स्मभ्य॑ दृ॒शये॑ सू॒र्याय॑ पु॒नर्दा॑तामसु॒मद्ये॑ह भ॒द्रम् १२  
 य॒माय॑ सो॒र्म सु॑नुत य॒माय॑ जु॒हता॑ ह॒विः ।  
 य॒मं ह॑ य॒ज्ञो गच्छ॑त्यग्नि॒दूतो॑ अ॒र॑कृतः १३  
 य॒माय॑ घृ॒तव॑द्धवि॒र्जुहो॑त प्र च॒ तिष्ठ॑त ।  
 स नो॑ दे॒वेष्व॑ा य॒मद् दी॒र्घमा॑युः प्र जी॒वसे॑ १४  
 य॒माय॑ मधु॒मत्त॑मं रा॒ज्ञे ह॒व्यं जु॑होतन ।  
 इ॒दं न॑म॒ ऋषि॑भ्यः पू॒र्वजे॑भ्यः पू॒र्वेभ्यः॑ प॒थिकृ॑द्भ्यः १५  
 त्रि॒क॑द्रु॒केभिः॑ प॒तति॑ ष॒ळवी॑रि॒कमि॑द्वहत् ।  
 त्रि॒ष्टुब्गा॑य॒त्री छ॒न्दा॑सि॒ सर्वा॑ ता य॒म आ॑हि॒ता १६

(१५) पञ्चदशं सूक्तम्

(१-१४) चतुर्दशर्चस्यास्य सूक्तस्य यामायनः शङ्ख ऋषिः । पितरो देवताः । (१-  
 १०, १२-१४) प्रथमादिदशर्चा द्वादश्यादितृचस्य च त्रिष्टुप्, (११) एकादश्याश्च  
 जगती छन्दसी

उदी॒रता॑मव॒र उ॒त् परा॑स॒ उन्म॑ध्य॒माः पि॒तरः॑ सो॒म्यासः॑ ।

असुं य ईयुरवृका ऋतज्ञास्ते नोऽवन्तु पितरो हवेषु १  
 इदं पितृभ्यो नमो अस्त्वद्य ये पूर्वासो य उपरास ईयुः ।  
 ये पार्थिवे रजस्या निषत्ता ये वा नूनं सुवृजनासु विद्वुः २  
 आहं पितृन् त्सुविदत्राँ अवित्सि नपातं च विक्रमणं च विष्णौः ।  
 बर्हिषदो ये स्वधया सुतस्य भजन्त पित्वस्त इहागमिष्ठाः ३  
 बर्हिषदः पितर ऊत्यर्वागिमा वो हव्या चक्रमा जुषध्वम् ।  
 त आ गुतावसा शतमेनाऽथा नः शं योरपो दधात ४  
 उपहृताः पितरः सोम्यासौ बर्हिष्येषु निधिषु प्रियेषु ।  
 त आ गमन्तु त इह श्रुवन्त्वधि ब्रुवन्तु तेऽवन्त्वस्मान् ५  
 आच्या जानु दक्षिणतो निषद्येमं यज्ञमभि गृणीत विश्वे ।  
 मा हिंसिष्ट पितरः केन चित्रो यद्व आगः पुरुषता करांम ६  
 आसीनासो अरुणीनामुपस्थे रयिं धत्त दाशुषे मर्त्याय ।  
 पुत्रेभ्यः पितरस्तस्य वस्वः प्र यच्छत त इहोर्जं दधात ७  
 ये नः पूर्वे पितरः सोम्यासौ ऽनूहिरे सौमपीथं वसिष्ठाः ।  
 तेभिर्यमः सरराणो हवींष्युशनुशब्दिः प्रतिकाममत्तु ८  
 ये तातृषुदैवत्रा जेहमाना होत्राविदः स्तोमं तष्टासो अकैः ।  
 आग्ने याहि सुविदत्रैभिरवाङ् सत्यैः कव्यैः पितृभिर्धर्मसद्भिः ९  
 ये सत्यासौ हविरदौ हविष्पा इन्द्रेण देवैः सरथं दधानाः ।  
 आग्ने याहि सहस्रं देववन्दैः परैः पूर्वैः पितृभिर्धर्मसद्भिः १०  
 अग्निष्वात्ताः पितर एह गच्छत सदःसदः सदत सुप्रणीतयः ।  
 अत्ता हवींषि प्रयतानि बर्हिष्यथा रयिं सर्ववीरं दधातन ११  
 त्वमग्न ईळितो जातवेदो ऽवाङ्मुव्यानि सुरभीणि कृत्वी ।  
 प्रादाः पितृभ्यः स्वधया ते अक्षन्नद्धि त्वं देव प्रयता हवींषि १२  
 ये चेह पितरो ये च नेह याँश्च विद्य याँ उँ च न प्रविद्य ।  
 त्वं वैत्थ यति ते जातवेदः स्वधाभिर्यज्ञं सुकृतं जुषस्व १३  
 ये अग्निदग्धा ये अग्निदग्धा मध्ये दिवः स्वधया मादयन्ते ।  
 तेभिः स्वराळसुनीतिमेतां यथावशं तन्व कल्पयस्व १४

(१६) षोडशं सूक्तम्

(१-१४) चतुर्दशर्चस्यास्य सूक्तस्य यामायनो दमन ऋषिः । अग्निर्देवता । (१-

१०) प्रथमादिदशर्चा त्रिष्टुप्, (११-१४) एकादश्यादिचतसृणाञ्चानुष्टुप् छन्दसी  
 मै॒नम॒ग्ने वि द॑हो मा॒भि शौ॒चो मा॒स्य त्वचं॑ चि॒क्षि॒पो मा शरी॑रम् ।  
 य॒दा श्रु॑तं कृ॒णवौ जा॑तवे॒दो ऽथै॑मे॒नं प्र हि॑णुतात् पि॒तृभ्यः॑ १  
 श्रु॑तं य॒दा कर्॑सि जा॒तवे॒दो ऽथै॑मे॒नं परि॑ दत्तात् पि॒तृभ्यः॑ ।  
 य॒दा गच्छा॑त्यसु॒नीति॑मे॒तामथा॑ दे॒वानां॑ व॒शनी॑र्भवाति २  
 सूर्यं॑ चक्षु॒र्गच्छ॑तु वा॒तमा॑त्मा द्यां च गच्छ पृ॒थि॒वीं च ध॑र्म॒णा ।  
 अ॒पो वा गच्छ॑ यदि तत्र ते हि॒तमोष॑धीषु प्रति तिष्ठा शरी॑रैः ३  
 अ॒जो भा॒गस्तप॑सा तं तपस्व तं तै शोचि॑स्तपतु तं तै अ॒र्चिः ।  
 यास्तै शि॒वास्त॒न्वौ जा॑तवे॒दस्ताभि॑र्व॒हैनं॑ सु॒कृता॑मु लो॒कम् ४  
 अ॒व सृ॒ज पुन॑र॒ग्ने पि॒तृभ्यो॑ यस्त आ॒हुत॑श्चरति स्व॒धाभिः॑ ।  
 आ॒युर्वसा॑न् उप वे॒तु शेषः॑ सं गच्छतां त॒न्वा जा॑तवे॒दः ५  
 यत् तै कृ॒ष्णः श॑कुन आ॒तुतो॑द पिपी॒लः सर्प॑ उ॒त वा श्वाप॑दः ।  
 अ॒ग्निष्ट॒द्विश्वा॑द॒गदं॑ कृ॒णोतु॑ सोमश्च यो ब्रा॒ह्मणां॑ आ॒वि॒वेश ६  
 अ॒ग्नेर्वर्म॑ परि गो॒भिर्व्य॑यस्व सं प्रो॒र्णष्व॑ पी॒वसा॑ मे॒दसा॑ च ।  
 नेत् त्वा धृ॒ष्णुर्हर॑सा ज॒र्हषा॑णो द॒धृग्वि॑ध॒क्ष्यन् पर्य॑ह्वयाते ७  
 इ॒मम॑ग्ने चम॒सं मा वि जि॑ह्वरः प्रि॒यो दे॒वाना॑मु॒त सो॒म्याना॑म् ।  
 ए॒ष यश्च॑म॒सो दै॒वपा॑न॒स्तस्मिन् दे॒वा अ॒मृता॑ मा॒दय॑न्ते ८  
 क्र॒व्याद॑म॒ग्निं प्र हि॑णोमि दूरं य॒मरा॑ज्ञो गच्छतु रि॒प्रवा॑हः ।  
 इ॒हैवा॑यमि॒तरो जा॑तवे॒दा दे॒वेभ्यो॑ ह॒व्यं व॑हतु प्र॒जान॑न् ९  
 यो अ॒ग्निः क्र॒व्यात् प्र॑वि॒वेश वो गृ॑हमि॒मं पश्य॑न्नित॒रं जा॑तवे॒दसम् ।  
 तं ह॑रामि पि॒तृय॑ज्ञाय दे॒वं स घ॑र्ममि॒न्वात् पर॑मे स॒धस्थे॑ १०  
 यो अ॒ग्निः क्र॒व्यवा॑हनः पि॒तृन् यक्ष॑द॒तावृ॑धः ।  
 प्रेदु॑ ह॒व्यानि॑ वोचति दे॒वेभ्यश्च॑ पि॒तृभ्य॑ आ ११  
 उ॒शन्त॑स्त्वा नि धी॒मह्यु॑शन्तः स॒मि॒धीम॑हि ।  
 उ॒शन्नु॑शत आ व॑ह पि॒तृन् ह॒विषे॑ अ॒त्तवे॑ १२  
 यं त्वम॑ग्ने स॒मद॑ह॒स्तमु॑ नि॒र्वाप॑या पुनः ।  
 क्रि॒याम्ब॒वत्र॑ रो॒हतु॑ पा॒कदू॒र्वा व्य॑ल्क॒शा १३  
 शी॒र्तिके॑ शी॒र्तिका॑वति ह्रादि॒के ह्रादि॑कावति ।  
 म॒ण्डूक्या॑ सु सं ग॒म इ॒मं स्व॑ग्निं ह॒र्षय॑ १४

द्वितीयोऽनुवाकः

। सू० १७-२६ ।

(१७) सप्तदशं सूक्तम्

(१-१४) चतुर्दशर्चस्यास्य सूक्तस्य यामायनो देवश्रवा ऋषिः । (१-२)  
प्रथमाद्वितीययोर्ऋचोः सरण्यूः, (३-६) तृतीयादिचतसृणां पूषा, (७-९)  
सप्तम्यादितृचस्य सरस्वती, (१०, १४) दशमीचतुर्दशयोरापः, (११-१३)  
एकादश्यादितृचस्य च आपः सोमो वा देवताः । (१-१२) प्रथमादिद्वादशर्चा  
त्रिष्टुप्, (१३) त्रयोदश्या अनुष्टुप्पुरस्ताद्बृहती वा, (१४) चतुर्दश्याश्चानुष्टुप् छन्दांसि  
त्वष्टा दुहित्रे वहतुं कृणोतीतीदं विश्वं भुवन्नं समैति ।  
यमस्य माता पर्युह्यमाना महो जाया विवस्वतो ननाश १  
अपागूहन्नमृतां मर्त्येभ्यः कृत्वी सर्वर्णमिददुर्विवस्वते ।  
उताश्विनावभरद्यत् तदासीदजहादु द्वा मिथुना सरण्यूः २  
पूषा त्वेतश्चर्यावयतु प्र विद्वाननष्टपशर्भुवनस्य गोपाः ।  
स त्वैतेभ्यः परि ददत् पितृभ्यो ऽग्निर्देवेभ्यः सुविदत्रियेभ्यः ३  
आर्युर्विश्वायुः परि पासति त्वा पूषा त्वा पातु प्रपथे पुरस्तात् ।  
यत्रासते सुकृतो यत्र ते ययुस्तत्र त्वा देवः सविता दधातु ४  
पूषेमा आशा अनु वेद सर्वाः सो अस्माँ अभयतमेन नेषत् ।  
स्वस्तिदा आघृणिः सर्ववीरो ऽप्रयुच्छन् पुर एतु प्रजानन् ५  
प्रपथे पृथामजनिष्ट पूषा प्रपथे दिवः प्रपथे पृथिव्याः ।  
उभे अभि प्रियतमे सधस्थे आ च परा च चरति प्रजानन् ६  
सरस्वतीं देवयन्तौ हवन्ते सरस्वतीमध्वरे तायमाने ।  
सरस्वतीं सुकृतौ अह्वयन्त सरस्वती दाशुषे वार्यं दात् ७  
सरस्वति या सरथं ययार्थं स्वधाभिर्देवि पितृभिर्मदन्ती ।  
आसद्यास्मिन् बर्हिषि मादयस्वाऽनमीवा इष आ धेह्यस्मे ८  
सरस्वतीं यां पितरो हवन्ते दक्षिणा यज्ञमभिनक्षमाणाः ।  
सहस्रार्धमिळो अत्र भागं रायस्पोषं यजमानेषु धेहि ९  
आपो अस्मान् मातरः शुन्धयन्तु घृतेन नो घृतर्ष्वः पुनन्तु ।  
विश्वं हि रिप्रं प्रवहन्ति देवीरुदिदाभ्यः शुचिरा पूत एमि १०  
द्रुप्सश्चस्कन्द प्रथमाँ अनु द्यूनिमं च योनिमनु यश्च पूर्वः ।  
समानं योनिमनु संचरन्तं द्रुप्सं जुहोम्यनु सप्त होत्राः ११

यस्ते द्रुप्सः स्कन्दति यस्ते अंशुर्बाहुच्युतो धिषणाया उपस्थात् ।  
 अध्वर्योर्वा परि वा यः पवित्रात् तं ते जुहोमि मनसा वर्षदकृतम् १२  
 यस्ते द्रुप्सः स्कन्नो यस्ते अंशुरवश्च यः परः सुचा ।  
 अयं देवो बृहस्पतिः सं तं सिञ्चतु राधसे १३  
 पर्यस्वतीरोषधयः पर्यस्वन्मामकं वचः ।  
 अपां पर्यस्वदित् पयस्तेन मा सह शुन्धत १४

(१८) अष्टादशं सूक्तम्

(१-१४) चतुर्दशर्चस्यास्य सूक्तस्य यामायनः संकुसुक ऋषिः । (१-४)  
 प्रथमादिचतुर्नृचां मृत्युः, (५) पञ्चम्या धाता, (६) षष्ठ्यास्त्वष्टा, (७-१३)  
 सप्तम्यादिसप्तानां पितृमेधः, (१४) चतुर्दश्याश्च पितृमेधः प्रजापतिर्वा देवताः ।  
 (१-१०, १२) प्रथमादिदशर्चा द्वादश्याश्च त्रिष्टुप्, (११) एकादश्याः  
 प्रस्तारपङ्क्तिः, (१३) त्रयोदश्या जगती, (१४) चतुर्दश्याश्चानुष्टुप् छन्दांसि  
 परं मृत्यो अनु परैहि पन्थां यस्ते स्व इतरो देवयानात् ।  
 चक्षुष्मते शृण्वते ते ब्रवीमि मा नः प्रजां रीरिषो मोत वीरान् १  
 मृत्योः पुदं योपयन्तो यदैतु द्राघीयु आयुः प्रतरं दधानाः ।  
 आप्यायमानाः प्रजया धनेन शुद्धाः पूता भवत यज्ञियासः २  
 इमे जीवा वि मृतैराववृत्रन्नभूद्धद्रा देवहूतिर्नो अद्य ।  
 प्राञ्चो अगाम नृतये हसाय द्राघीयु आयुः प्रतरं दधानाः ३  
 इमं जीवेभ्यः परिधिं दधामि मैषां नु गादपरो अर्थमेतम् ।  
 शतं जीवन्तु शरदः पुरुचीरन्तमृत्युं दधतां पर्वतेन ४  
 यथाहान्यनुपूर्वं भवन्ति यथं अतव अतुभिर्यन्ति साधु ।  
 यथा न पूर्वमपरो जहात्येवा धातरायूषि कल्पयैषाम् ५  
 आ रौहतायुर्जरसं वृणाना अनुपूर्वं यतमाना यतिष्ठ ।  
 इह त्वष्टा सुजनिमा सजोषा दीर्घमायुः करति जीवसे वः ६  
 इमा नारीरविधवाः सुपत्नीराजनेन सर्पिषा सं विशन्तु ।  
 अनुश्रवोऽनमीवाः सुरत्वा आ रौहन्तु जनयो योनिमग्रे ७  
 उदीर्ष्व नार्युभि जीवलोकं गतासुमेतमुप शेष एहि ।  
 हस्तग्राभस्य दिधिषोस्तवेदं पत्युर्जनित्वमभि सं बभूथ ८  
 धनुर्हस्तादाददानो मृतस्याऽस्मे क्षत्राय वर्चसे बलाय ।

अत्रैव त्वमिह वयं सुवीरा विश्वाः स्पृधौ अभिमातीर्जयेम ६  
उप सर्प मातरं भूमिमेतामुरुव्यचसं पृथिवीं सुशेवाम् ।  
ऊर्णम्रदा युवतिर्दक्षिणावत एषा त्वा पातु निर्वृतेरुपस्थात् १०  
उच्छर्वञ्चस्व पृथिवि मा नि बाधथाः सूपायनास्मै भव सूपवञ्चना ।  
माता पुत्रं यथा सिचा ऽभ्यैनं भूम ऊर्णहि ११  
उच्छर्वञ्चमाना पृथिवी सु तिष्ठतु सहस्रं मितु उप हि श्रयन्ताम् ।  
ते गृहासौ घृतश्रुतौ भवन्तु विश्वाहास्मै शरणाः सन्त्वत्र १२  
उत् ते स्तभ्नामि पृथिवीं त्वत् परीमं लोगं निदधन्मो अहं रिषम् ।  
एतां स्थूणां इंपुतरौ धारयन्तु तेऽत्रा यमः सादना ते मिनोतु १३  
प्रतीचीने मामहनीष्वाः पर्णमिवा दधुः ।  
प्रतीचीं जग्रभा वाचमश्वं रशनया यथा १४

सप्तमोऽध्यायः

। व० १-३० ।

(१६) एकोनविंशं सूक्तम्

(१-८) अष्टर्चस्यास्य सूक्तस्य यामायनो मथितो वारुणिर्भृगुर्वा भार्गवश्चयवनो वा  
ऋषिः । (१, २-८) प्रथमर्चः पूर्वार्धस्य द्वितीयादिसप्तानाञ्चापो गावो वा, (१)  
प्रथमाया उत्तरार्धस्य चाग्नीषोमौ देवताः । (१-५, ७-८) प्रथमादिपञ्चर्चा

सप्तम्यष्टम्योश्चानुष्टुप्, (६) षष्ठ्याश्च गायत्री छन्दसी

नि वर्तध्वं मानु गाताऽस्मान् त्सिषक्त रेवतीः ।  
अग्नीषोमा पुनर्वसू अस्मे धारयतं रयिम् १  
पुनरेना नि वर्तय पुनरेना न्या कुरु ।  
इन्द्र एणा नि यच्छत्वग्निरेना उपाजतु २  
पुनरेता नि वर्तन्तामस्मिन् पुष्यन्तु गोपतौ ।  
इहैवाग्ने नि धारयेह तिष्ठतु या रयिः ३  
यन्नियानं न्ययनं संज्ञानं यत् परायणम् ।  
आवर्तनं निवर्तनं यो गोपा अपि तं हवे ४  
य उदानद् व्ययनं य उदानद् परायणम् ।  
आवर्तनं निवर्तनमपि गोपा नि वर्तताम् ५  
आ निवर्त नि वर्तय पुनर्न इन्द्र गा देहि । जीवाभिर्भुनजामहे ६

परि वो विश्वतो दध ऊर्जा घृतेन पर्यसा ।  
 ये देवाः के च यज्ञियास्ते रय्या सं सृजन्तु नः ७  
 आ निर्वर्तन वर्तय नि निर्वर्तन वर्तय ।  
 भूम्याश्चतस्रः प्रदिशस्ताभ्य एना नि वर्तय ८

(२०) विंशं सूक्तम्

(१-२०) दशर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः । अग्निर्देवता । (१) प्रथमर्च एकपदा विराट्, (२) द्वितीयाया अनुष्टुप्, (३-८) तृतीयादितृचद्वयस्य गायत्री, (९) नवम्या विराट्, (१०) दशम्याश्च त्रिष्टुप् छन्दः

भद्रं नो अपि वातय मनः १  
 अग्निमीळे भुजां यविष्ठं शासा मित्रं दुर्धरीतुम् २  
 यस्य धर्मन् त्वशरेनीः सपर्यन्ति मातुरूधः ३  
 यमासा कृपनीळं भासाकैतुं वर्धयन्ति । भ्राजते श्रेणिदन् ४  
 अर्यो विशां गातुरेति प्र यदानङ् दिवो अन्तान् । कविरभ्रं दीद्यानः ५  
 जुषद्धव्या मानुषस्योर्ध्वस्तस्थावृध्वा यज्ञे । मिन्वन् त्सद्यं पुर एति ६  
 स हि क्षेमो हविर्यज्ञः श्रुष्टीदस्य गातुरेति । अग्निं देवा वाशीमन्तम् ७  
 यज्ञासाहं दुर्व इषे ऽग्निं पूर्वस्य शेवस्य । अद्रैः सूनुमायुमाहुः ८  
 नरो ये के चास्मदा विश्वेत् ते वाम आ स्युः ।  
 अग्निं हविषा वर्धन्तः कृष्णः श्वेतोऽरुषो यामौ अस्य ब्रध्न ऋज उत शोणो  
 यशस्वान् ।  
 हिरण्यरूपं जनिता जजान ९  
 एवा तै अग्ने विमदो मनीषामूर्जो नपादमृतेभिः सजोषाः ।  
 गिर आ वक्षत् सुमतीरियान इषमूर्जं सुक्षितिं विश्वमाभाः १०

(२१) एकविंशं सूक्तम्

(१-८) अष्टर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः । अग्निर्देवता । आस्तारपङ्क्तिश्छन्दः

आग्निं न स्ववृत्तिभिर्होतारं त्वा वृणीमहे ।  
 यज्ञाय स्तीर्णबर्हिषे वि वो मदं शीरं पावकशौचिषं विवक्षसे १



त्वामु ते स्वाभुवः शम्भन्त्यश्चराधसः ।  
वेति त्वामुपसेचनी वि वो मद ऋजीतिरग्न आहुतिर्विवक्षसे २  
त्वे धर्माण आसते जुहूभिः सिञ्चतीरिव ।  
कृष्णा रूपाण्यर्जुना वि वो मदे विश्वा अधि श्रियो धिषे विवक्षसे ३  
यमग्ने मन्यसे रयिं सहसावन्नमर्त्य ।  
तमा नो वार्जसातये वि वो मदे यज्ञेषु चित्रमा भरा विवक्षसे ४  
अग्निर्जातो अथर्वणा विदद्विश्वा नि काव्या ।  
भुवद्भूतो विवस्वतो वि वो मदे प्रियो यमस्य काम्यो विवक्षसे ५  
त्वां यज्ञेष्वीळते ऽग्ने प्रयत्यध्वरे ।  
त्वं वसूनि काम्या वि वो मदे विश्वा दधासि दाशुषे विवक्षसे ६  
त्वां यज्ञेष्वृत्विजं चारुमग्ने नि पैदिरे ।  
घृतप्रतीकं मनुषो वि वो मदे शक्रं चेतिष्ठमक्षभिर्विवक्षसे ७  
अग्ने शक्रेण शोचिषोरु प्रथयसे बृहत् ।  
अभिक्रन्दन् वृषायसे वि वो मदे गर्भं दधासि जामिषु विवक्षसे ८

(२२) द्वाविंशं सूक्तम्

(१-१५) पञ्चदशर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा

ऋषिः । इन्द्रो देवता । (१-४, ६, ८, १०-१४) प्रथमादिचतुर्मात्रां

षष्ठ्यष्टम्योर्दशम्यादिपञ्चानाञ्च पुरस्ताद्बृहती, (५, ७, ९)

पञ्चमीसप्तमीनवमीनामनुष्टुप्, (१५) पञ्चदश्याश्च त्रिष्टुप् छन्दांसि

कुहं श्रुत इन्द्रः कस्मिन्नद्य जनै मित्रो न श्रूयते ।  
ऋषीणां वा यः क्षये गुहा वा चर्कषे गिरा १  
इह श्रुत इन्द्रो अस्मे अद्य स्तवै वृज्यर्चीषमः ।  
मित्रो न यो जनेष्वा यशश्चक्रे असाम्या २  
महो यस्पतिः शर्वसो असाम्या महो नृमणस्य तूतुजिः ।  
भर्ता वज्रस्य धृष्णोः पिता पुत्रमिव प्रियम् ३  
युजानो अश्वा वार्तस्य धुनीं देवो देवस्य वज्रिवः ।  
स्यन्ता पृथा विरुक्मता सृजानः स्तोष्यध्वनः ४  
त्वं त्या चिद्वातस्याश्वागा ऋज्रा त्मना वहध्यै ।  
ययौर्देवो न मर्त्यो यन्ता नकिर्विदार्यः ५

अध॒ ग॒म॒न्तो॒शना॑ पृ॒च्छते॒ वां क॑द॒र्था न॒ आ गृ॑हम् ।  
 आ ज॑ग॒मथुः प॒राका॑द् दि॒वश्च॑ ग॒मश्च॑ म॒र्त्यम् ६  
 आ न॑ इन्द्र पृ॒क्षसे॒ ऽस्माकं॑ ब॒ह्मोद्य॑तम् ।  
 तत् त्वा॑ या॒चाम॒हेऽवुः॑ शु॒ष्णं य॑द्ध॒न्नमा॑नुषम् ७  
 अ॒क॒र्मा द॑स्यु॒रभि॑ नो॒ अम॑न्तु॒रन्य॑व्र॒तो अ॑मानुषः ।  
 त्वं तस्या॑मि॒त्रह॑न् व॒धर्दा॑सस्य॒ दम्भ॑य ८  
 त्वं न॑ इन्द्र शूर॒ शूरै॑रु॒त त्वो॒ता॒सो ब॒र्हणा॑ ।  
 पु॒रु॒त्रा ते॒ वि पू॒र्तयो॑ न॒वन्त॑ द्यो॒णयो॑ यथा ९  
 त्वं तान् वृ॒त्रह॑त्यै॒ चोद॑यो नृन् का॒र्पाणे॑ शूर॒ वज्रि॑वः ।  
 गुहा॑ यदी॒ कवी॑नां वि॒शां नक्ष॑त्रशवसाम् १०  
 मु॒क्षू ता त॑ इन्द्र दा॒नाप्र॑स आ॒क्षणे॑ शूर॒ वज्रि॑वः ।  
 यद्ध॑ शु॒ष्णस्य॑ द॒म्भयो॑ जा॒तं विश्वं॑ स॒यार्व॑भिः ११  
 माकु॑ध॒द्येगि॑न्द्र शूर॒ वस्वी॑र॒स्मे भू॑व॒न्नभि॑ष्टयः ।  
 व॒यं व॑यं त आसां सु॒प्ते स्या॑म वज्रि॒वः १२  
 अ॒स्मे ता त॑ इन्द्र स॒न्तु स॒त्या ऽहि॑स॒न्तीरु॑प॒स्पृशः॑ ।  
 वि॒द्याम॒ यासां॑ भुजो॒ धेनू॑नां न वज्रि॒वः १३  
 अ॒ह॒स्ता यद॑पदी॒ वर्ध॑त॒ क्षाः श॑ची॒भिर्वे॑द्यानाम् ।  
 शु॒ष्णं परि॑ प्रदक्षि॒णिद् वि॒श्वाय॑वे॒ नि शि॑श्नथः १४  
 पि॒बापि॑बेदिन्द्र शूर॒ सोमं॑ मा रि॒षण॑यो वसवान् वसुः सन् ।  
 उ॒त त्रा॑यस्व गृ॒णतो॑ म॒घोनो॑ म॒हश्च॑ रा॒यो रे॒वत॑स्कृ॒धी नः १५

(२३) त्रयोविंशं सूक्तम्

(१-७) सप्तर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः

। इन्द्रो देवता । (१, ७) प्रथमासप्तम्योर्ऋचोस्त्रिष्टुप्, (२-४, ६)

द्वितीयादितृचस्य षष्ठ्याश्च जगती, (५) पञ्चम्याश्चाभिसारिणी छन्दांसि

यजामह इन्द्रं वज्रदक्षिणं हरीणां रथ्यं विव्रतानाम् ।

प्र श्मश्रु दोधुवदूर्ध्वथा भूद् वि सेनाभिर्दयमानो वि राधसा १

हरी न्वस्य या वने विदे वस्विन्द्रो मघैर्मघवा वृत्रहा भुवत् ।

ऋभुर्वार्ज ऋभुक्षाः पत्यते शवो ऽव क्षणौमि दासस्य नाम चित् २

यदा वज्रं हिरण्यमिदथा रथं हरी यमस्य वहतो वि सूरिभिः ।  
 आ तिष्ठति मघवा सनश्नुत इन्द्रो वाजस्य दीर्घश्रवसस्पतिः ३  
 सो चिन्नु वृष्टिर्यूथ्याइ स्वा सचाँ इन्द्रः श्मश्रूणि हरिताभि प्रुष्णुते ।  
 अवं वेति सुक्षयं सुते मधूदिद्धनोति वातो यथा वनम् ४  
 यो वाचा विवाचो मृध्रवाचः पुरु सहस्राशिवा जघान ।  
 तत्तदिदस्य पौंस्यं गृणीमसि पितेव यस्तविषीं वावृधे शवः ५  
 स्तोमं त इन्द्र विमदा अजीजनन्नपूर्व्यं पुरुतमं सुदानवे ।  
 विद्या ह्यस्य भोजनमिनस्य यदा पशं न गोपाः करामहे ६  
 मार्किर्न एना सख्या वि यौषुस्तव चैन्द्र विमदस्य च ऋषैः ।  
 विद्या हि ते प्रमतिं देव जामिवदस्मे तै सन्तु सख्या शिवानि ७

(२४) चतुर्विंशं सूक्तम्

(१-६) षडृचस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः ।

(१-३) प्रथमतृचस्येन्द्रः, (४-६) द्वितीयतृचस्य चाश्विनौ देवताः । (१-३)

प्रथमतृचस्यास्तारपङ्क्तिः, (४-६) द्वितीयतृचस्य चानुष्टुप् छन्दसी

इन्द्र सोममिमं पिब मधुमन्तं चमू सुतम् ।  
 अस्मे रयिं नि धारय वि वो मदे सहस्रिणं पुरुवसो विवक्षसे १  
 त्वां युज्ञेभिरुक्थैरुप हव्येभिरीमहे ।  
 शचीपते शचीनां वि वो मदे श्रेष्ठं नो धेहि वार्यं विवक्षसे २  
 यस्पतिर्वार्याणामसि रध्रस्य चोदिता ।  
 इन्द्र स्तोतृणामविता वि वो मदे द्विषो नः पाह्यंहसो विवक्षसे ३  
 युवं शक्रा मायाविना समीची निरमन्थतम् ।  
 विमदेन यदीळिता नासत्या निरमन्थतम् ४  
 विश्वे देवा अकृपन्त समीच्योर्निष्पतन्त्योः ।  
 नासत्यावब्रुवन् देवाः पुनरा वहतादिति ५  
 मधुमन्मे पुरार्यणं मधुमत् पुनरायनम् ।  
 ता नो देवा देवतया युवं मधुमतस्कृतम् ६

(२५) पञ्चविंशं सूक्तम्

(१-११) एकादशर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा

ऋषिः । सोमो देवता । आस्तारपङ्क्तिश्छन्दः

भ॒द्रं नो॒ अपि॑ वा॒तय॒ मनो॑ द॒क्षमु॒त क्र॑तुम् ।  
 अ॒धा ते स॒ख्ये अ॒न्धसो॑ वि वो॒ मदे॑ र॒णन् गा॒वो न य॑व॒से वि॒वक्ष॑से १  
 ह॒दिस्पृ॑शस्त आ॒सते॑ वि॒श्वेषु॑ सोम॒ धाम॑सु ।  
 अ॒धा का॒मा इ॒मे मम॑ वि वो॒ मदे॑ वि ति॒ष्ठन्ते व॑सू॒यवो॑ वि॒वक्ष॑से २  
 उ॒त व॒तानि॑ सोम ते प्रा॒हं मि॑नामि पा॒क्या ।  
 अ॒धा पि॒तेव॑ सू॒नवे॑ वि वो॒ मदे॑ मृ॒ळा नो॑ अ॒भि चि॑द्व॒धाद्वि॑वक्ष॑से ३  
 समु॒ प्र य॑न्ति धी॒तयः॑ स॒र्गासोऽव॑ताँ इ॒व ।  
 क्र॑तु नः सोम जी॒वसे॑ वि वो॒ मदे॑ धा॒रया॑ चम॒साँ इ॒व वि॑वक्ष॑से ४  
 तव॒ त्वे सो॑म शक्ति॒भिर्निका॑मासो व्यृ॒शिव॑रे ।  
 गृ॒त्सस्य॑ धी॒रास्त॑वसो वि वो॒ मदे॑ वृ॒जं गो॑म॒न्तम॒श्विनं॑ वि॒वक्ष॑से ५  
 पु॒शुं नः॑ सोम र॒क्षसि॑ पु॒रुत्रा॑ वि॒ष्टितुं॑ जग॑त् ।  
 स॒माकृ॑णोषि जी॒वसे॑ वि वो॒ मदे॑ वि॒श्वा संप॑श्यन् भु॒वना॑ वि॒वक्ष॑से ६  
 त्वं नः॑ सोम वि॒श्वतो॑ गो॒पा अ॒दाभ्यो॑ भव ।  
 से॒धं रा॒जन्नप॑ स्त्रि॒धो वि वो॒ मदे॑ मा नो॑ दुःशंस॑ ई॒शता॑ वि॒वक्ष॑से ७  
 त्वं नः॑ सोम सु॒क्रतु॑र्वयो॒धेया॑य जागृ॒हि ।  
 क्षेत्र॑वि॒त्तरो॑ म॒नुषो॑ वि वो॒ मदे॑ द्रु॒हो नः॑ पा॒ह्यंह॑सो वि॒वक्ष॑से ८  
 त्वं नो॑ वृ॒त्रह॑न्तमे॒न्द्रस्ये॑न्दो शि॒वः सखा॑ ।  
 यत् सीं॑ ह॒वन्ते॑ स॒मिथे॑ वि वो॒ मदे॑ यु॒ध्यमा॑नास्तो॒कसा॑तौ वि॒वक्ष॑से ९  
 अ॒यं घृ॒ स तुरो॑ मद॒ इन्द्र॑स्य वर्ध॑त प्रि॒यः ।  
 अ॒यं क॒क्षीर्व॑तो म॒हो वि वो॒ मदे॑ म॒तिं वि॒प्रस्य॑ वर्ध॒यद्वि॑वक्ष॑से १०  
 अ॒यं वि॒प्राय॑ दा॒शुषे॑ वा॒जाँ इ॒यर्ति॑ गो॒म॑तः ।  
 अ॒यं सप्त॑भ्य आ व॒रं वि वो॒ मदे॑ प्रा॒न्धं श्रो॑णं च॒ तारि॑षद्वि॒वक्ष॑से ११

(२६) षड्विंशं सूक्तम्

(१-६) नवर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः ।

पूषा देवता । (१, ४) प्रथमाचतुर्थ्योर्ऋचोरुष्णिक्, (२-३, ५-६)

द्वितीयातृतीययोः पञ्चम्यादिपञ्चानाञ्चानुष्टुप् छन्दसी

प्र ह्यच्छा॑ मनी॒षाः स्पा॒र्हा य॑न्ति नि॒युतः॑ ।

प्र द॒स्त्रा नि॒युद्र॑थः पू॒षा अ॒विष्ट॑ मा॒हि॒नः १

यस्य त्यन्महित्वं वाताप्यमयं जनः ।  
विप्र आ वसद्धीतिभिश्चिकेत सुष्टुतीनाम् २  
स वैद सुष्टुतीनामिन्दुर्न पूषा वृषा ।  
अभि प्सुरः प्रुषायति वृजं न आ प्रुषायति ३  
मंसीमहि त्वा वयमस्माकं देव पूषन् ।  
मतीनां च साधनं विप्राणां चाध्वम् ४  
प्रत्यर्धिर्यज्ञानामश्वहयो रथानाम् ।  
ऋषिः स यो मनुर्हितो विप्रस्य यावयत्सखः ५  
आधीषमाणायाः पतिः शचायाश्च शचस्य च ।  
वासोवायोऽवीनामा वासांसि मर्मृजत् ६  
इनो वाजानां पतिरिनः पुष्टीनां सखा ।  
प्र श्मश्रु हर्यतो दूधोद् वि वृथा यो अदाभ्यः ७  
आ ते रथस्य पूषन्नजा धुरं ववृत्युः ।  
विश्वस्यार्थिनः सखा सनोजा अनपच्युतः ८  
अस्माकमूर्जा रथं पूषा अविष्ट माहिनः ।  
भुवद्वाजानां वृध इमं नः शृण्वद्धवम् ९

(२७) सप्तविंशं सूक्तम्

(१-२४) चतुर्विंशत्यृचस्यास्य सूक्तस्यैन्द्रो वसुक्र ऋषिः । इन्द्रो देवता ।

त्रिष्टुप् छन्दः

असत् सु मै जरितुः साभिवेगो यत् सुन्वते यजमानायु शिक्तम् ।  
अनाशीर्दामहमस्मि प्रहन्ता सत्यध्वर्त वृजिनायन्तमाभुम् १  
यदीदहं युधये संनयान्यदैवयून् तन्वाः शूशुजानान् ।  
अमा ते तुष्टं वृषभं पंचानि तीव्रं सुतं पञ्चदशं नि षिञ्चम् २  
नाहं तं वैद य इति ब्रवीत्यदैवयून् त्समरणे जघन्वान् ।  
यदावाख्यत् समरणमृषावृदादिद्ध मे वृषभा प्र ब्रुवन्ति ३  
यदज्ञातेषु वृजनेष्वासं विश्वे सतो मघवानो म आसन् ।  
जिनामि वेत् क्षेम आ सन्तमाभुं प्र तं क्षिणां पर्वते पादगृह्य ४  
न वा उ मां वृजनै वारयन्ते न पर्वतासो यदहं मनस्ये ।  
मम स्वनात् कृधुकर्णो भयात् एवेदनु द्यून् किरणः समैजात् ५

दर्शन्वत्र श्रुतपाँ अग्निन्द्रान् बाहुक्षदः शरवे पत्यमानान् ।  
 घृषु वा ये निनिदुः सखायमध्यू न्वेषु पवयौ ववृत्युः ६  
 अभूर्वौक्षीर्व्युः आयुरानड् दर्षन्तु पूर्वो अपरो नु दर्षत् ।  
 द्वे पवस्तेपरि तं न भूतो यो अस्य पारे रजसो विवेष ७  
 गावो यवं प्रयुता अर्यो अक्षन् ता अपश्यं सहगौपाश्चरन्तीः ।  
 हवा इदुर्यो अभितुः समायन् कियदासु स्वपतिश्छन्दयाते ८  
 सं यद्वयं यवसादो जनानामहं यवाद उर्वजै अन्तः ।  
 अत्रा युक्तौ ऽवसातारमिच्छादथो अयुक्तं युनजद्ववन्वान् ९  
 अत्रेदु मे मंससे सत्यमुक्तं द्विपाञ्च यच्चतुष्पात् संसृजानि ।  
 स्त्रीभिर्यो अत्र वृषणं पृतन्यादयुद्धो अस्य वि भजानि वेदः १०  
 यस्यानक्षा दुहिता जात्वास कस्तां विद्वाँ अभि मन्याते अन्धाम् ।  
 कतुरो मेनिं प्रति तं मुचाते य ई वहते य ई वा वरेयात् ११  
 कियती योषा मर्यतो वधूयोः परिप्रीता पन्यसा वार्येण ।  
 भद्रा वधूर्भवति यत् सुपेशाः स्वयं सा मित्रं वनुते जनै चित् १२  
 पुतो जगार प्रत्यञ्चमत्ति शीष्णा शिरः प्रति दधौ वरूथम् ।  
 आसीन ऊर्ध्वामुपसि क्षिणाति न्यङ्ङुत्तानामन्वेति भूमिम् १३  
 बृहन्नच्छायो अपलाशो अवा तस्थौ माता विषितो अत्ति गर्भः ।  
 अन्यस्या वत्सं रिहती मिमाय कया भुवा नि दधे धेनुरूधः १४  
 सप्त वीरासौ अधरादुदायन्नष्टोत्तरात्तात् समजगिमरन्ते ।  
 नवं पश्चातात् स्थविमन्त आयन् दश प्राक् सानु वि तिरन्त्यश्नः १५  
 दशानामेकं कपिलं समानं तं हिन्वन्ति क्रतवे पार्याय ।  
 गर्भं माता सुधितं वक्षणास्ववेनन्तं तुषयन्ती बिभर्ति १६  
 पीवानं मेषमपचन्त वीरा न्युप्ता अक्षा अनु दीव आसन् ।  
 द्वा धनु बृहतीमुप्स्वश्नः पुवित्रवन्ता चरतः पुनन्ता १७  
 वि क्रौशनासो विष्वेच्च आयन् पचाति नेमौ नहि पक्षदुर्धः ।  
 अयं मे देवः सविता तदाह द्रवन्न इद्वनवत् सर्पिरन्नः १८  
 अपश्यं ग्रामं वहमानमारादचक्रया स्वधया वर्तमानम् ।  
 सिषक्त्यर्यः प्र युगा जनानां सद्यः शिश्ना प्रमिनानो नवीयान् १९  
 एतौ मे गावौ प्रमुरस्य युक्तौ मो षु प्र सैधीर्मुहुरिन्ममन्धि ।  
 आपश्चिदस्य वि नशन्त्यर्थं सूरश्च मर्क उपरो बभूवान् २०

अयं यो वज्रः पुरुधा विवृत्तो ऽवः सूर्यस्य बृहत्तः पुरीषात् ।  
 श्रव इदेना पुरो अन्यदस्ति तदव्यथी जरिमाणस्तरन्ति २१  
 वृक्षेवृक्षे निर्यता मीमयद्वौस्ततौ वयः प्र पतान् पूरुषादः ।  
 अथेदं विश्वं भुवनं भयात् इन्द्राय सुन्वदृषये च शिक्षत् २२  
 देवानां माने प्रथमा अतिष्ठन् कृन्तत्रादिषामुपरा उदायन् ।  
 त्रयस्तपन्ति पृथिवीर्मनूपा द्वा बृबूकं वहतः पुरीषम् २३  
 सा ते जीवातुरुत तस्य विद्धि मा स्मैतादृगप गूहः समर्ये ।  
 आविः स्वः कृणुते गूहते ब्रुसं स पादुरस्य निर्णिजो न मुच्यते २४

(२८) अष्टाविंशं सूक्तम्

(१-१२) द्वादशर्चस्यास्य सूक्तस्य (१) प्रथमर्च इन्द्रस्तृषा वसुक्रपत्नी ऋषिका,  
 (२, ६, ८, १०, १२) द्वितीयाषष्ठ्यष्टमीदशमीद्वादशीनामिन्द्रः, (३-५, ७, ९, ११)  
 तृतीयादितृचस्य सप्तमीनवम्येकादशीनाञ्चेन्द्रो वसुक्र ऋषिः । (१, ३-५, ७, ९,  
 ११) प्रथमर्चस्तृतीयादितृचस्य सप्तमीनवम्येकादशीनाञ्चेन्द्रः, (२, ६, ८, १०, १२)

द्वितीयाषष्ठ्यष्टमीदशमीद्वादशीनाञ्चेन्द्रो वसुक्रो देवते । त्रिष्टुप् छन्दः

विश्वो ह्यश्न्यो अरिराजगाम ममेदह श्वशुरो ना जगाम ।  
 जज्ञीयाद्धाना उत सोमं पपीयात् स्वाशितः पुनरस्तं जगायात् १  
 स रोरुवद्वृषभस्तिग्मशृङ्गो वर्ष्मन् तस्थौ वरिमुन्ना पृथिव्याः ।  
 विश्वेष्वेनं वृजनैषु पामि यो मे कुक्षी सुतसौमः पृणति २  
 अद्रिणा ते मन्दिन इन्द्र तूयान् त्सुन्वन्ति सोमान् पिबसि त्वमेषाम् ।  
 पचन्ति ते वृषभाँ अत्सि तेषां पृक्षेण यन्मघवन् हूयमानः ३  
 इदं सु मे जरितरा चिकिद्धि प्रतीपं शार्पं नद्यौ वहन्ति ।  
 लोपाशः सिंहं प्रत्यञ्चमत्साः क्रोष्टा वराहं निरतक्त कक्षात् ४  
 कथा ते एतदहमा चिकेतुं गृत्सस्य पाकस्तवसौ मनीषाम् ।  
 त्वं नो विद्वाँ ऋतुथा वि वौचो यमर्धं ते मघवन् क्षेम्या धूः ५  
 एवा हि मां तवसं वर्धयन्ति दिवश्चिन्मे बृहत् उत्तरा धूः ।  
 पुरु सहस्रा नि शिशामि साकर्मशत्रुं हि मा जनिता जजान ६  
 एवा हि मां तवसं जज्ञुरुग्रं कर्मन्कर्मन् वृषणमिन्द्र देवाः ।  
 वर्धी वृत्रं वज्रेण मन्दसानो ऽप वृजं महिना दाशुषे वम् ७  
 देवास आयन् परशूरैर्बिभ्रन् वना वृश्चन्तौ अभि विडिभरायन् ।

नि सु॒द्र॒वं॑ द॒ध॒तो वृ॒क्ष॒णा॑सु यत्रा कृ॒पी॒ट॒म॒नु तद्द॑हन्ति ८  
 श॒शः क्षुरं॑ प्र॒त्यञ्चं॑ ज॒ग॒राऽद्रिं॑ लो॒गेन॑ व्य॒भेद॑मा॒रात् ।  
 बृ॒हन्तं॑ चि॒द्वह॑ते रन्ध॒यानि॑ व॒र्यद्व॑त्सो वृष॒भं शू॑श॒वानः ९  
 सु॒पर्ण॑ इ॒त्था न॒ख॒मा सि॑षा॒याव॑रुद्धः प॒रिप॑दं न सि॒ंहः ।  
 नि॒रुद्ध॑श्चि॒न्महि॑षस्त॒र्ष्यावा॑न् गो॒धा तस्मा॑ अ॒यथ॑ क॒र्षदे॑तत् १०  
 तेभ्यो॑ गो॒धा अ॒यथ॑ क॒र्षदे॑तद्ये ब्र॒ह्मणः॑ प्र॒तिपी॑यन्त्य॒न्नैः ।  
 सि॒म उ॒क्ष्णो॑ऽवसृष्टाँ अ॒दन्ति॑ स्व॒यं ब॒लानि॑ त॒न्वः शृ॒णानाः ११  
 ए॒ते श॒मीभिः॑ सु॒शमी॑ अभूवन् ये हि॒न्विरे॑ त॒न्वः सोम॑ उ॒क्थैः ।  
 नृ॒वद्व॑द॒न्नुप॑ नो मा॒हि वा॒जान् दि॒वि श्रवो॑ दधि॒षे नाम॑ वी॒रः १२

(२६) एकोनत्रिंशं सूक्तम्

(१-८) अष्टर्चस्यास्य सूक्तस्यैन्द्रो वसुक्र ऋषिः । इन्द्रो देवता । त्रिष्टुप् छन्दः  
 वने॑ न वा॒ यो न्य॑धायि चा॒कञ्छु॑चि॒र्वा स्तोमो॑ भुरणावजीगः ।  
 यस्येदिन्द्रः पुरु॒दिने॑षु होता॒ नृणां॑ न॒र्यो नृ॑तमः क्ष॒पावा॑न् १  
 प्र ते॑ अ॒स्या उ॒षसः॑ प्रा॒पर॑स्या नृ॒तौ स्या॑म् नृ॒तम॑स्य नृ॒णाम् ।  
 अनु॑ त्रि॒शोकः॑ श॒तमा॑व॒हन् न॒ कुत्से॑न् रथो॒ यो अस॑त् स॒स॒वान् २  
 कस्ते॑ मद॒ इन्द्र॑ रन्त्यो॒ भूदुरो॑ गि॒रौ अभ्यु॑र्गो वि धा॒व ।  
 कद्वा॑हो अ॒र्वागु॑प॒मा म॑नी॒षा आ त्वा॑ श॒क्यामु॑प॒मं रा॒धो अ॒न्नैः ३  
 कदु॑ द्यु॒ममि॑न्द्र त्वा॒वतो॑ नृन् क॒या धि॒या के॑रसे क॒न्न आ॑गन् ।  
 मि॒त्रो न स॒त्य उ॑रुगाय भृ॒त्या अ॒न्नैः स॒मस्य॑ यद॒सन् म॑नी॒षाः ४  
 प्रेर॑य॒ सूरौ॑ अ॒र्थं न पा॑रं ये अ॒स्य का॑मं ज॒निधा॑ इ॒व ग॑मन् ।  
 गि॒रश्च॑ ये ते॒ तुवि॑जात॒ पूर्वी॑र्नरं इन्द्र प्र॒तिशि॑क्षन्त्य॒न्नैः ५  
 मात्रे॑ नु ते॒ सुमि॑ते इन्द्र॒ पूर्वी॑ द्यौर्म॒ज्मना॑ पृथि॒वी का॒व्येन॑ ।  
 वरा॑य ते घृ॒तव॑न्तः सु॒तासः॑ स्वा॒घ्नं भ॑वन्तु पी॒तये॑ म॒धूनि॑ ६  
 आ म॒ध्वो अ॒स्मा असि॑च॒न्नम॑त्रमिन्द्राय॒ पूर्णं॑ स हि स॒त्यरा॑धाः ।  
 स वा॑वृ॒धे वरि॑म॒न्ना पृ॑थि॒व्या अभि॑ क्र॒त्वा न॑र्यः पौ॒स्यैश्च॑ ७  
 व्या॑न॒ळिन्द्रः॑ पृ॒तनाः॑ स्वो॒जा आ॒स्मै य॑तन्ते स॒ख्याय॑ पूर्वीः ।  
 आ स्मा॑ रथं न पृ॒तना॑सु तिष्ठ॒ यं भ॑द्र॒या सु॑म॒त्या चो॒दया॑से ८  
 तृतीयोऽनुवाकः

। सू० ३०-४२ ।



(३०) त्रिंशं सूक्तम्

(१-१५) पञ्चदशर्चस्यास्य सूक्तस्यैलूषः कवष ऋषिः । आपोऽपां नपाद्वा देवता ।

त्रिष्टुप् छन्दः

प्र दे॒व॒त्रा ब्र॒ह्म॒णे गा॒तुरे॒त्व॒पो अ॒च्छा म॒न॒सो न प्र॒यु॒क्ति ।  
म॒हीं मि॒त्रस्य॒ वरु॑णस्य धा॒सिं पृ॒थु॒जय॑से री॒रधा सु॒वृ॒क्तिम् १  
अ॒ध्व॒र्य॒वो ह॒विष्म॑न्तो हि भू॒ताऽच्छा॑प ईतो॒शती॑रु॒शन्तः ।  
अ॒व॒ याश्च॑ष्टै अ॒रु॒णः सु॒पर्ण॑स्त॒मास्य॑ध्व॒मूर्मि॑म॒द्या सु॒हस्ताः २  
अ॒ध्व॒र्य॒वोऽप॒ ईता॑ स॒मुद्र॑म॒पां न॒पातं॑ ह॒विषा॑ यजध्वम् ।  
स वो॑ द॒ददू॑र्मि॒मद्या॑ सु॒पूतं॑ तस्मै सोमं॑ म॒धुम॑न्तं सु॒नोत ३  
यो अ॒नि॒ध्मो दी॑द॒यद॑प्स्व॒न्तर्य॑ वि॒प्रास॑ ईळते अ॒ध्वरे॑षु ।  
अ॒पां न॒पान्म॑धु॒मती॑र॒पो दा॑ या॒भिरि॒न्द्रो वा॒वृधे॑ वी॒र्या॑य ४  
या॒भिः सोमो॑ मोदते॒ हर्ष॑ते च क॒ल्या॒णीभि॑र्यु॒वति॑भिर्न म॒र्यः ।  
ता अ॒ध्वर्यो॑ अ॒पो अ॒च्छा परे॑हि यदा॒सिञ्चा॑ ओष॒धीभिः॑ पुनी॒तात् ५  
ए॒वेद्यू॑नै यु॒वत॑यो नमन्त॒ यदी॑मु॒शन्नु॑शती॒रेत्य॑च्छ ।  
सं जा॑नते म॒नसा॑ सं चि॒कित्रे॑ ऽध्व॒र्यवो॑ धि॒षणा॑पश्च दे॒वीः ६  
यो वो॑ वृ॒ताभ्यो॑ अ॒कृ॒णोदु॑ लो॒कं यो वो॑ म॒ह्या अ॒भि॒शस्ते॑रमुञ्चत् ।  
तस्मा॑ इ॒न्द्राय॑ म॒धुम॑न्त॒मूर्मि॑ दे॒वमा॑द॒नं प्र हि॑णोत॒नापः ७  
प्रा॒स्मै हि॒नोत॑ म॒धुम॑न्त॒मूर्मि॑ ग॒र्भो यो वः॑ सि॒न्धवो॑ म॒ध्व उत्सः॑ ।  
घृ॒तपृ॑ष्ठ॒मीड॑य॒मध्व॑रेष्वाऽऽपौ रे॒वतीः शृ॑णु॒ता ह॒व मे ८  
तं सि॒न्धवो॑ मत्स॒रमि॑न्द्र॒पान॑मूर्मि॒ प्र है॒त य उ॒भे इ॒र्यति॑ ।  
म॒द॒च्युत॑मौ॒शानं॑ न॒भो॒जां परि॑ त्रि॒तन्तुं॑ वि॒चर॑न्त॒मुत्स॑म् ९  
आ॒व॒र्व॒तती॑र॒ध नु॑ द्वि॒धारा॑ गो॒षुयु॑धो न नि॒य॒वं च॑रन्तीः ।  
ऋ॒षे ज॒नि॒त्रीर्भु॑व॒नस्य॑ प॒त्नीर॑पो व॒न्दस्व॑ स॒वृधः॑ स॒यौनीः॑ १०  
हि॒नोता॑ नो अ॒ध्वरं॑ दे॒वय॑ज्या हि॒नोत॑ ब्र॒ह्म स॒नये॑ ध॒नाना॑म् ।  
ऋ॒तस्य॑ यो॒गे वि॒ष्यध्व॑मू॒धः श्रु॒ष्टीव॑री॒भूत॑ना॒स्मभ्य॑मापः ११  
आ॒पो रे॒वतीः क्ष॑य॒था हि॑ व॒स्वः क्र॑तुं च भ॒द्र इ॒ब॒भृथा॑मृ॒तं च ।  
रा॒यश्च॑ स्थ स्व॒प॒त्यस्य॑ प॒त्नीः सर॑स्वती॒ तद्गृ॑णते व॒यौ धा॑त् १२  
प्र॒ति यदा॑पो अ॒दृश॑मा॒यती॑र्घृ॒तं प॒र्यासि॑ बि॒भ्रती॑र्म॒धूनि॑ ।  
अ॒ध्व॒र्युभि॑र्म॒नसा॑ संवि॒दाना॑ इ॒न्द्राय॑ सोमं॑ सु॒षुतं॑ भ॒रन्तीः॑ १३

एमा अगमन् रेवतीर्जीवधन्या अध्वर्यवः सादयता सखायः ।  
 नि बर्हिषि धत्तन सोम्यासो ऽपां नज्रां संविदानास एनाः १४  
 आगमन्नाप उशतीर्बर्हिरेदं न्यध्वरे असदन् देवयन्तीः ।  
 अध्वर्यवः सुनुतेन्द्राय सोममभूदु वः सुशका देवयुज्या १५

(३१) एकत्रिंशं सूक्तम्

(१-११) एकादशर्चस्यास्य सूक्तस्यैलूषः कवष ऋषिः । विश्वे देवा देवताः ।

त्रिष्टुप् छन्दः

आ नो देवानामुप वेतु शंसो विश्वेभिस्तुरैरवसे यजत्रः ।  
 तेभिर्वयं सुषखायो भवेम तरन्तो विश्वा दुरिता स्याम १  
 परि चिन्मर्तो द्रविणं ममन्यादृतस्य पथा नमसा विवासेत् ।  
 उत स्वेन क्रतुना सं वदेत् श्रेयांसं दक्षं मनसा जगृभ्यात् २  
 अधायि धीतिरससृगमंशास्तीर्थे न दुस्ममुप यन्त्यूमाः ।  
 अभ्यानश्म सुवितस्य शूषं नवैदसो अमृतानामभूम ३  
 नित्यश्चाकन्यात् स्वपतिर्दमूना यस्मा उ देवः संविता जजान ।  
 भगौ वा गोभिरयमेमनज्यात् सो अस्मै चारुश्छदयदुत स्यात् ४  
 इयं सा भूया उषसामिव क्षा यद्ध क्षुमन्तः शर्वसा समार्यन् ।  
 अस्य स्तुतिं जरितुर्भिक्षमाणा आ नः शग्मास उप यन्तु वाजाः ५  
 अस्येदेषा सुमतिः पप्रथाना ऽभवत् पूव्या भूमना गौः ।  
 अस्य सनीळा असुरस्य योनौ समान आ भरणे बिभ्रमाणाः ६  
 किं स्विद्वनं क उ स वृक्ष आस यतो द्यावापृथिवी निष्टतक्षुः ।  
 संतस्थाने अजरे इतऊती अहानि पूर्वीरुषसो जरन्त ७  
 नैतावदेना परो अन्यदस्त्युक्षा स द्यावापृथिवी बिभर्ति ।  
 त्वचं पवित्रं कृणुत स्वधावान् यदीं सूर्यं न हरितो वहन्ति ८  
 स्तेगो न क्षामत्येति पृथ्वीं मिहं न वातो वि ह वाति भूम ।  
 मित्रो यत्र वरुणो अज्यमानो ऽग्निर्वने न व्यसृष्ट शोकम् ९  
 स्तरीर्यत् सूत सद्यो अज्यमाना व्यथिरव्यथीः कृणुत स्वगौपा ।  
 पुत्रो यत् पूर्वः पित्रोर्जनिष्ट शम्यां गौर्जगार यद्ध पृच्छान् १०  
 उत कर्षं नृषदः पुत्रमाहुरुत श्यावो धनुमादत्त वाजी ।  
 प्र कृष्णाय रुशदपिन्वतोर्धर्तुतमत्र नकिरस्मा अपीपेत् ११

(३२) द्वात्रिंशं सूक्तम्

(१-६) नवर्चस्यास्य सूक्तस्यैलूषः कवष ऋषिः । इन्द्रो देवता । (१-५)

प्रथमादिपञ्चर्चा जगती, (६-६) षष्ठ्यादिचतसृणाञ्च त्रिष्टुप् छन्दसी

प्र सु ग्मन्ता धियसानस्य सक्षणि वरेभिर्वराँ अभि षु प्रसीदतः ।  
अस्माकमिन्द्र उभयं जुजोषति यत् सोम्यस्यान्धसो बुबोधति १  
वीन्द्र यासि दिव्यानि रोचना वि पार्थिवानि रजसा पुरुष्टुत ।  
ये त्वा वहन्ति मुहुरध्वराँ उप ते सु वन्वन्तु वग्वनाँ अराधसः २  
तदिन्मे छन्तस्द्रुपुषो वपुष्टरं पुत्रो यज्जानं पित्रोर्धीयति ।  
जाया पतिं वहति वृमुना सुमत् पुंस इन्द्रो वहतुः परिष्कृतः ३  
तदित् सधस्थमभि चारु दीधय गावो यच्छासन् वहतुं न धेनवः ।  
माता यन्मन्तुर्युथस्य पूर्व्याऽभि वाणस्य सप्तधातुरिज्जनः ४  
प्र वोऽच्छा रिरिचे देवयुष्पदमेकौ रुद्रेभिर्याति तुर्वणिः ।  
जरा वा येष्वमृतैषु दावने परि व ऊमैभ्यः सिञ्चता मधु ५  
निधीयमानमपगूळहमप्सु प्र मै देवानां व्रतपा उवाच ।  
इन्द्रो विद्वाँ अनु हि त्वा चचक्ष तेनाहमग्ने अनुशिष्ट आगाम् ६  
अक्षैत्रवित् क्षेत्रविदं ह्यप्राट् स प्रैति क्षेत्रविदानुशिष्टः ।  
एतद्वै भद्रमनुशासनस्योत स्तुतिं विन्दत्यञ्जसीनाम् ७  
अद्येदु प्राणीदममन्निमाहा ऽपीवृतो अधयन्मातुरूधः ।  
एमैनमाप जरिमा युवानमहैळन् वसुः सुमना बभूव ८  
एतानि भद्रा कलश क्रियाम् कुरुश्रवण ददतो मघानि ।  
दान इद्वौ मघवानः सो अस्त्वयं च सोमो हृदि यं बिभर्मि ९

अष्टमोऽध्यायः

। व० १-२६ ।

(३३) त्रयस्त्रिंशं सूक्तम्

(१-६) नवर्चस्यास्य सूक्तस्यैलूषः कवष ऋषिः । (१) प्रथमर्चो विश्वे देवाः,  
(२-३) द्वितीयातृतीययोरिन्द्रः, (४-५) चतुर्थीपञ्चम्योस्त्रासदस्यवस्य कुरुश्रवणस्य  
दानस्तुतिः, (६-६) षष्ठ्यादिचतसृणाञ्च मैत्रातिथिरुपमश्रवा देवताः । (१)  
प्रथमर्चस्त्रिष्टुप्, (२-३) द्वितीयातृतीययोः प्रगाथः (द्वितीयाया बृहती, तृतीयायाः

सतोबृहती), (४-६) चतुर्थ्यादितृचद्वयस्य च गायत्री छन्दांसि  
 प्र मा युयुज्जे प्रयुजो जनानां वहामि स्म पूषणमन्तरिण ।  
 विश्वे देवासो अध मामरक्षन् दुःशासुरागादिति घोष आसीत् १  
 सं मा तपन्त्यभितः सपत्नीरिव पर्शवः ।  
 नि बाधते अमतिर्नृग्रता जसुर्वेन वैवीयते मतिः २  
 मूषो न शिश्ना व्यदन्ति माध्यः स्तोतारं ते शतक्रतो ।  
 सकृत् सु नो मघवन्निन्द्र मृळयाऽधा पितेव नो भव ३  
 कुरुश्रवणमावृणि राजानं त्रासदस्यवम् । मंहिष्ठं वाघतामृषिः ४  
 यस्य मा हरितो रथे तिस्रो वहन्ति साधुया । स्तवै सहस्रदक्षिणे ५  
 यस्य प्रस्वादसो गिर उपमश्रवसः पितुः । क्षेत्रं न रणवमूचुषे ६  
 अधि पुत्रोपमश्रवो नपान्मित्रातिथेरिहि । पितुष्टै अस्मि वन्दिता ७  
 यदीशीयामृतानामुत वा मर्त्यानाम् । जीवेदिन्मघवा मम ८  
 न देवानामति व्रतं शतात्मा चन जीवति । तथा युजा वि वावृते ९

(३४) चतुस्त्रिंशं सूक्तम्

(१-१४) चतुर्दशर्चस्यास्य सूक्तस्यैलूषः कवषो मौजवानक्षो वा ऋषिः । (१, ७, ९,

१२) प्रथमासप्तमीनवमीद्वादशीनामृचामक्षाः, (२-६, ८, १०-११, १४)

द्वितीयादिपञ्चानामष्टमीदशम्येकादशीचतुर्दशीनाञ्चाक्षकितवनिन्दा, (१३)

त्रयोदश्याश्च कृषिर्देवताः । (१-६, ८-१४) प्रथमादिषडृचामष्टम्यादिसप्तानाञ्च

त्रिष्टुप्, (७) सप्तम्याश्च जगती छन्दसी

प्रावेपा मा बृहतो मादयन्ति प्रवातेजा इरिणे वर्वृतानाः ।  
 सोमस्येव मौजवतस्य भक्षो विभीदको जागृविर्मह्यमच्छान् १  
 न मा मिमेथ न जिहीळ एषा शिवा सखिभ्य उत मह्यमासीत् ।  
 अक्षस्याहमैकपरस्य हेतोरनुव्रतामप जायामरोधम् २  
 द्वेष्टि श्वश्रूरप जाया रुणद्धि न नाथितो विन्दते मर्दितारम् ।  
 अश्वस्येव जरतो वस्त्रयस्य नाहं विन्दामि कितवस्य भोगम् ३  
 अन्ये जायां परि मृशन्त्यस्य यस्यागृधद्वेदने वाज्यक्षः ।  
 पिता माता भ्रातर एनमाहुर्न जानीमो नयता बद्धमेतम् ४  
 यदादीध्ये न देविषाण्येभिः परायद्धोऽव हीये सखिभ्यः ।  
 न्युप्ताश्च बभ्रवो वाचमक्रतुं एमीदैषां निष्कृतं जारिणीव ५

स॒भामै॑ति कि॒तवः॑ पृ॒च्छमा॑नो जे॒ष्यामी॑ति त॒न्वा॒ऽशू॑शु॒जानः॑ ।  
 अ॒क्षासौ॑ अ॒स्य वि॑ ति॒रन्ति॑ का॒मं प्र॑ति॒दी॒न्ने द॑र्ध॒त आ कृ॑तानि ६  
 अ॒क्षास॑ इदं॒ङ्कुशि॑नो॒ नितो॑दि॒नो नि॒कृत्वा॑न॒स्तप॑नास्तापयि॒ष्णवः॑ ।  
 कु॒मा॒रदै॑ष्णा जय॑तः पु॒नर्ह॑णो म॒ध्वा संपृ॑क्ताः कि॒तव॑स्य ब॒र्हणा॑ ७  
 त्रि॒पञ्चा॑शः क्री॒ळति॑ ब्रा॒त एषां॑ दे॒व इ॒व स॒विता स॒त्यध॑र्मा ।  
 उ॒ग्रस्य॑ चिन्म॒न्यवे॑ ना न॑मन्ते रा॒जा चि॑दे॒भ्यो नम॑ इत् कृ॒णोति॑ ८  
 नी॒चा वर्त॑न्त उ॒परि॑ स्फुरन्त्यह॒स्तासो॑ ह॒स्तव॑न्तं स॒हन्ते॑ ।  
 दि॒व्या अ॒ङ्गा॒रा इ॒रि॒णे न्यु॑प्ताः शी॒ताः स॒न्तो हृ॑दयं नि॒र्द॑हन्ति ९  
 जा॒या तप्य॑ते कि॒तव॑स्य ह्री॒ना मा॒ता पु॒त्रस्य॑ चर॑तः क्व॒ स्वि॒त् ।  
 अ॒णा॒वा बि॒भ्यद्ध॑नमि॒च्छमा॑नो ऽन्ये॒षाम॑स्तमु॒प न॑क्तमेति १०  
 स्त्रियं॑ दृ॒ष्ट्वाय॑ कि॒तव॑ त॒तापा॑न्येषां जा॒यां सु॑कृतं च॒ योनि॑म् ।  
 पूर्वा॒ह्ने अ॒श्वान् यु॒युजे॑ हि ब॒भून् त्सो॑ अ॒ग्रेर॑न्तै वृष॒लः प॑पाद ११  
 यो वः॑ से॒नानी॑र्म॒हतो॑ ग॒णस्य॑ रा॒जा ब्रा॒तस्य॑ प्रथ॒मो ब॒भूव॑ ।  
 तस्मै॑ कृ॒णोमि॑ न ध॒ना रु॒णध्मि॑ दशा॒हं प्रा॒ची॒स्तदृ॑तं व॒दामि॑ १२  
 अ॒क्षैर्मा दी॑व्यः कृ॒षिमि॑त् कृ॒षस्व॑ वि॒त्ते र॑मस्व ब॒हु म॑न्य॒मानः॑ ।  
 तत्र॑ गा॒वः कि॒तव॑ तत्र॑ जा॒या त॒न्मे वि॑ च॒ष्टे स॒विता॑यम॒र्यः १३  
 मि॒त्रं कृ॑णु॒ध्वं खलु॑ मृ॒ळता॑ नो मा नो॒ घो॒रेण॑ चर॒ताभि॑ धृ॒ष्णु ।  
 नि वो॒ नु म॒न्युर्वि॑शतामरा॒तिर॑न्यो ब॒भूणां॑ प्र॒सितौ॑ न्वस्तु १४

(३५) पञ्चत्रिंशं सूक्तम्

(१-१४) चतुर्दशर्चस्यास्य सूक्तस्य धानाको लुश ऋषिः । विश्वे देवा देवताः ।  
 (१-१२) प्रथमादिद्वादशर्चा जगती, (१३-१४) त्रयोदशीचतुर्दश्योश्च त्रिष्टुप् छन्दसी  
 अबुध्रमु त्य इन्द्रवन्तो अग्रयो ज्योतिर्भरन्त उषसो व्युष्टिषु ।  
 म॒ही द्या॒वापृ॑थि॒वी चै॑ततामपो ऽद्या दे॒वाना॑मव॒ आ वृ॑णीमहे १  
 दि॒वस्पृ॑थि॒व्योरव॑ आ वृ॑णीमहे मा॒तृन् त्सि॑न्धून् पर्व॒ताञ्छर्य॑णाव॑तः ।  
 अ॒ना॒गास्त्वं सूर्य॑मुषासमीमहे भ॒द्रं सोमः॑ सु॒वानो॑ अ॒द्या कृ॑णोतु नः २  
 द्या॒वा नो अ॒द्य पृ॑थि॒वी अ॒ना॒गसो॑ म॒ही त्रा॑येतां सु॒विता॑य मा॒तरा॑ ।  
 उ॒षा उ॒च्छन्त्य॑प॒ बाध॑ताम॒घं स्व॒स्त्य॒ग्निं स॑मिधा॒नमी॑महे ३  
 इ॒यं न॑ उ॒स्त्रा प्र॑थ॒मा सु॑दे॒व्य रे॒वत् स॒नि॒भ्यो रे॒वती॑ व्यु॒च्छतु॑ ।  
 आ॒रे म॒न्युं दु॑र्वि॒दत्र॑स्य धीमहि स्व॒स्त्य॒ग्निं स॑मिधा॒नमी॑महे ४

प्र याः सिस्त्रते सूर्यस्य रश्मिभिर्ज्योतिर्भरन्तीरुषसो व्युष्टिषु ।  
 भद्रा नो अद्य श्रवसे व्युच्छत स्वस्त्यश्निं समिधानमीमहे ५  
 अनमीवा उषस आ चरन्तु न उदग्रयो जिहतां ज्योतिषा बृहत् ।  
 आयुक्षातामश्विना तूतुजिं रथं स्वस्त्यश्निं समिधानमीमहे ६  
 श्रेष्ठं नो अद्य सवितर्वरेण्यं भागमा सुव स हि रत्नधा असि ।  
 रायो जनित्रीं धिषणामुप ब्रुवे स्वस्त्यश्निं समिधानमीमहे ७  
 पिपर्तु मा तदृतस्य प्रवाचनं देवानां यन्मनुष्याः अमन्महि ।  
 विश्वा इदुस्त्राः स्पळुदैति सूर्यः स्वस्त्यश्निं समिधानमीमहे ८  
 अद्वेषो अद्य बर्हिषः स्तरीमणि ग्राव्णां योगे मन्मनः साध ईमहे ।  
 आदित्यानां शर्मणि स्था भुरगयसि स्वस्त्यश्निं समिधानमीमहे ९  
 आ नो बर्हिः संधमादै बृहदिवि देवाँ ईळे सादया सप्त होतृन् ।  
 इन्द्रं मित्रं वरुणं सातये भर्गं स्वस्त्यश्निं समिधानमीमहे १०  
 त आदित्या आ गता सर्वतातये वृधे नो यज्ञमवता सजोषसः ।  
 बृहस्पतिं पूषणमश्विना भर्गं स्वस्त्यश्निं समिधानमीमहे ११  
 तन्नो देवा यच्छत सुप्रवाचनं छर्दिरोदित्याः सुभरं नृपाय्यम् ।  
 पश्वे तोकाय तनयाय जीवसे स्वस्त्यश्निं समिधानमीमहे १२  
 विश्वे अद्य मरुतो विश्वं ऊती विश्वे भवन्त्वग्नयः समिद्धाः ।  
 विश्वे नो देवा अवसा गमन्तु विश्वमस्तु द्रविणं वाजो अस्मे १३  
 यं देवासोऽर्वथ वाजसातौ यं त्रायध्वे यं पिपृथात्यंहः ।  
 यो वो गोपीथे न भयस्य वेद ते स्याम देववीतये तुरासः १४

(३६) षट्त्रिंशं सूक्तम्

(१-१४) चतुर्दशर्चस्यास्य सूक्तस्य धानाको लुश ऋषिः । विश्वे देवा देवताः ।  
 (१-१२) प्रथमादिद्वादशर्चा जगती, (१३-१४) त्रयोदशीचतुर्दश्योश्च त्रिष्टुप् छन्दसी  
 उपासानक्ता बृहती सुपेशसा द्यावाक्षाता वरुणो मित्रो अर्यमा ।  
 इन्द्रं हुवे मरुतः पर्वताँ अप आदित्यान् द्यावापृथिवी अपः स्वः १  
 द्यौश्च नः पृथिवी च प्रचेतस ऋतावरी रक्षतामंहसो रिषः ।  
 मा दुर्विदत्रा निर्ऋतिर्न ईशत तद्देवानामवो अद्या वृणीमहे २  
 विश्वस्मान्नो अदितिः पात्वंहसो माता मित्रस्य वरुणस्य रेवतः ।  
 स्वर्वज्रचोतिरवृकं नशीमहि तद्देवानामवो अद्या वृणीमहे ३

ग्रावा वदन्नप रक्षांसि सेधतु दुष्वप्रयं निर्ऋतिं विश्वमृत्रिणम् ।  
 आदित्यं शर्म मरुतामशीमहि तदेवानामवौ अद्या वृणीमहे ४  
 एन्द्रो बर्हिः सीदतु पिन्वतामिळा बृहस्पतिः सामभिर्ऋक्वो अर्चतु ।  
 सुप्रकेतं जीवसे मन्म धीमहि तदेवानामवौ अद्या वृणीमहे ५  
 दिविस्पृशं यज्ञमस्माकमश्विना जीराध्वरं कृणुतं सुममिष्टये ।  
 प्राचीनरश्मिमाहुतं घृतेन तदेवानामवौ अद्या वृणीमहे ६  
 उप ह्वये सुहवं मारुतं गुणं पावकमृष्वं सख्याय शंभुवम् ।  
 रायस्पोषं सौश्रवसाय धीमहि तद् देवानामवौ अद्या वृणीमहे ७  
 अपां पेरुं जीवधन्यं भरामहे देवाव्यं सुहवमध्वरश्रियम् ।  
 सुरश्मिं सोममिन्द्रियं यमीमहि तद् देवानामवौ अद्या वृणीमहे ८  
 सनेम तत् सुसनितां सनित्वभिर्वयं जीवा जीवपुत्रा अनागसः ।  
 ब्रह्मद्विषो विष्वगेनो भरेतु तद् देवानामवौ अद्या वृणीमहे ९  
 ये स्था मनोर्यज्ञियास्ते शृणोतनु यद्वो देवा ईमहे तद्दातन ।  
 जैत्रं क्रतुं रयिमद्वीरवद्यशस्तद् देवानामवौ अद्या वृणीमहे १०  
 महदद्य महतामा वृणीमहे ऽवौ देवानां बृहतामनुर्वणाम् ।  
 यथा वसु वीरजातं नशामहे तद् देवानामवौ अद्या वृणीमहे ११  
 मुहो अग्नेः समिधानस्य शर्मण्यनागा मित्रे वरुणे स्वस्तये ।  
 श्रेष्ठे स्याम सवितुः सर्वामनि तद् देवानामवौ अद्या वृणीमहे १२  
 ये सवितुः सत्यसवस्य विश्वे मित्रस्य वृते वरुणस्य देवाः ।  
 ते सौभगं वीरवद्भोमदभो दधातनु द्रविणं चित्रमस्मे १३  
 सविता पश्चातात् सविता पुरस्तात् सवितोत्तरात्तात् सविताधरात्तात् ।  
 सविता नः सुवतु सर्वतांति सविता नो रासतां दीर्घमायुः १४

(३७) सप्तत्रिंशं सूक्तम्

(१-१२) द्वादशर्चस्यास्य सूक्तस्य सौर्योऽभितपा ऋषिः । सूर्यो देवता । (१-६,

११-१२) प्रथमादिनवर्चामेकादशीद्वादश्योश्च जगती,

(१०) दशम्याश्च त्रिष्टुप् छन्दसी

नमो मित्रस्य वरुणस्य चक्षसे मुहो देवाय तदृतं संपर्यत ।

दूरेदृशे देवजाताय केतवे दिवस्पुत्राय सूर्याय शंसत १

सा मा सत्योक्तिः परि पातु विश्वतो द्यावा च यत्र ततनुन्नहानि च ।

विश्वमन्यन्नि विशते यदेजति विश्वाहापो विश्वाहोदैति सूर्यः २  
 न ते अदेवः प्रदिवो नि वासते यदैतशेभिः पतुरै रथर्यसि ।  
 प्राचीनमन्यदनु वर्तते रज उदन्येन ज्योतिषा यासि सूर्य ३  
 येन सूर्य ज्योतिषा बाधसे तमो जगच्च विश्वमुदियर्षि भानुना ।  
 तेनास्मद्विश्वामनिरामनाहुतिमपामीवामप दुष्वप्रयं सुव ४  
 विश्वस्य हि प्रेषितो रक्षसि व्रतमहेळ्यनुच्चरसि स्वधा अनु ।  
 यदद्य त्वा सूर्योपब्रवामहे तं नो देवा अनु मंसीरत क्रतुम् ५  
 तं नो द्यावापृथिवी तन्न आप इन्द्रः शृण्वन्तु मरुतो हव वचः ।  
 मा शूनै भूम सूर्यस्य सदृशि भद्रं जीवन्तो जरणामशीमहि ६  
 विश्वाहा त्वा सुमनसः सुचक्षसः प्रजावन्तो अनमीवा अनागसः ।  
 उद्यन्त त्वा मित्रमहो दिवेदिवे ज्योग्जीवाः प्रति पश्येम सूर्य ७  
 महि ज्योतिर्बिभ्रतं त्वा विचक्षण भास्वन्तं चक्षुषे चक्षुषे मयः ।  
 आरोहन्तं बृहतः पाजसस्परि वयं जीवाः प्रति पश्येम सूर्य ८  
 यस्य ते विश्वा भुवनानि केतुना प्र चरेते नि च विशन्तै अक्तुभिः ।  
 अनागास्त्वेन हरिकेश सूर्याऽह्नाह्ना नो वस्यसावस्यसोदिहि ९  
 शं नो भव चक्षसा शं नो अह्ना शं भानुना शं हिमा शं घृणेन ।  
 यथा शमध्वञ्छमसद् दुरोणे तत् सूर्य द्रविणं धेहि चित्रम् १०  
 अस्माकं देवा उभयाय जन्मने शर्म यच्छत द्विपदे चतुष्पदे ।  
 अदत् पिबदूर्जयमानमाशितं तदस्मे शं योररपो दधातन ११  
 यद्वौ देवाश्चक्रम जिह्या गुरु मनसो वा प्रयुती देवहेळनम् ।  
 अरावा यो नो अभि दुच्छुनायते तस्मिन् तदेनौ वसवो नि धैतन १२

(३८) अष्टात्रिंशं सूक्तम्

(१-५) पञ्चर्चस्यास्य सूक्तस्य मुष्कवानिन्द्र ऋषिः । इन्द्रो देवता । जगती छन्दः  
 अस्मिन् न इन्द्र पृत्सुतौ यशस्वति शिमीवति क्रन्दसि प्राव सातयै ।  
 यत्र गोषाता धृषितेषु खादिषु विष्वक् पतन्ति दिद्यवौ नृषाह्यै १  
 स नः क्षुमन्तं सदेने व्यूणहि गोअर्णसं रयिमिन्द्र श्रवाय्यम् ।  
 स्याम ते जयतः शक्र मेदिनो यथा वयमुश्मसि तद्वसो कृधि २  
 यो नो दास आयौ वा पुरुष्टताऽदेव इन्द्र युधये चिकेतति ।  
 अस्माभिष्टे सुषहाः सन्तु शत्रवस्त्वया वयं तान् वनुयाम संगमे ३



यो द॒भ्रेभि॒र्हव्यो॑ यश्च॒ भूरि॑भि॒र्यो॒ अभी॑के॒ वरि॒वोवि॒वृषा॑ह्यै ।  
तं वि॒खादे॑ सस्त्रि॒मद्य॑ श्रु॒तं नर॑म॒र्वाञ्च॒मिन्द्र॒मर्व॑से॒ कराम॑हे ४  
स्व॒वृजं॑ हि त्वा॒मह॑मिन्द्र॒ शश्र॑वा॒नानु॑दं वृष॒भ र॒ध्रचो॑दनम् ।  
प्र मुञ्च॑स्व॒ परि॒ कुत्सा॑दि॒हा ग॑हि॒ किमु॒ त्वावा॑न् मु॒ष्कयो॑र्बुद्ध आ॒सते ५

(३६) एकोनचत्वारिंशं सूक्तम्

(१-१४) चतुर्दशर्चस्यास्य सूक्तस्य काक्षीवती घोषा ऋषिका । अश्विनौ देवते ।

(१-१३) प्रथमादित्रयोदशर्चा जगती, (१४) चतुर्दश्याश्च त्रिष्टुप् छन्दसी  
यो वां परि॒ज्मा सु॒वृद॑श्चि॒ना रथो॑ दोषा॒मुषा॑सो ह॒व्यो ह॒विष्म॑ता ।  
श॒श्वत्त॑मा॒सस्त॑मु॒ वामि॑दं व॒यं पि॒तुर्न॑ नाम॒ सुह॑र्वं ह॒वाम॑हे १  
चो॒दय॑तं सू॒नृताः पि॒न्वत॑तं धि॒य उ॒त् पु॒रंधी॑रीरय॒तं तदु॑श्मसि ।  
य॒शसं॑ भा॒गं कृ॑णु॒तं नो अ॒श्विना॒ सोमं॑ न चा॒रुं म॒घव॑त्सु नस्कृतम् २  
अ॒माजु॑र॒श्चिद्भव॑थो यु॒वं भगो॑ ऽना॒शोश्चि॑द॒वितारा॑प॒मस्य॑ चित् ।  
अ॒न्धस्य॑ चि॒न्नास॑त्या कृ॒शस्य॑ चि॒द्युवा॑मि॒दाह॑र्भिष॒जा रु॒तस्य॑ चित् ३  
यु॒वं च्य॑वानं॒ सन॑यं यथा॒ रथं॑ पु॒नर्यु॑वानं॒ चर॑थाय तक्षथुः ।  
निष्टौ॒ग्रच॑मू॒हथु॑रद्भ्यस्परि॒ विश्वे॑त् ता वां स॒र्वने॑षु प्र॒वाच्या ४  
पु॒राणा॑ वां वी॒र्या॑इ॒ प्र ब्र॑वा॒ जने॑ ऽथो॒ हास॑थुर्भिष॒जा मयो॑भुवा ।  
ता वां नु॑ न॒व्याव॑र्वसे॒ कराम॑हे ऽयं ना॒सत्या॒ श्रद॑रि॒र्यथा॒ दध॑त् ५  
इ॒यं वा॑म॒ह्वे शृ॑णु॒तं मे॑ अ॒श्विना पु॒त्रायै॑व पि॒तरा॒ मह्यं॑ शि॒क्षत॑म् ।  
अ॒नापि॑र॒ज्ञा अस॑जा॒त्याम॑तिः पु॒रा तस्या॑ अ॒भिशा॑स्ते॒रव॑ स्पृ॒तम् ६  
यु॒वं रथे॑न वि॒मदा॑य॒ शन्ध्यु॑वं न्यू॒हथुः पु॒रुमि॑त्रस्य॒ योष॑णाम् ।  
यु॒वं ह॒वं व॒ध्निम॑त्या अ॒गच्छ॑तं यु॒वं सु॑षु॒तिं च॒क्रथुः पु॒रंध॑ये ७  
यु॒वं वि॒प्रस्य॑ ज॒रणाम॑पे॒युषः पु॒नः क॒लेर॑कृणु॒तं यु॒वद्व॑यः ।  
यु॒वं व॒न्दन॑मृ॒शय॑दादु॒दू॒पथु॑र्यु॒वं स॒द्यो वि॒श॒पला॑मे॒तवे॑ कृथः ८  
यु॒वं ह॒ रे॒भं वृ॑ष॒णा गु॒हा हि॑तमु॒दैर॑य॒तं म॒मृवा॑स॒मश्वि॑ना ।  
यु॒वमृ॒बीस॑मु॒त त॒प्तम॑त्र॒य ओ॒मन्व॑न्तं च॒क्रथुः स॒प्तव॑ध्रये ९  
यु॒वं श्वे॑तं पे॒दवै॑ऽश्वि॒नाश्च॑ न॒वभि॑र्वा॒जैर्न॑व॒ती च॑ वा॒जिन॑म् ।  
च॒कृत्य॑ द॒दथु॑र्द्रा॒वय॑त्स॒खं भ॑गं न नृ॒भ्यो ह॒व्यं म॑यो॒भुव॑म् १०  
न तं रा॒जाना॑वदि॒ते कु॑र्त॒श्चन॑ ना॒हौ अ॒श्नोति॑ दुरि॒तं न॑कि॒र्भय॑म् ।  
य॒मश्वि॑ना सु॒हवा॑ रु॒द्रव॑र्तनी पु॒रोर॑थं कृ॒णु॒थः प॒त्न्या॑ सह ११

आ तेन यातुं मनसो जवीयसा रथं यं वामृभवश्चक्रुरश्विना ।  
 यस्य योगै दुहिता जायते दिव उभे अहनी सुदिनै विवस्वतः १२  
 ता वर्तिर्यातं जयुषा वि पर्वतमपिन्वतं शयवे धेनुमश्विना ।  
 वृकस्य चिद्वर्तिकामन्तरास्याद्युवं शचीभिर्गसिताममुञ्चतम् १३  
 एतं वां स्तोममश्विनावकर्मातक्षाम भृगवो न रथम् ।  
 न्यमृक्षाम योषणां न मर्ये नित्यं न सूनुं तनयं दधानाः १४

(४०) चत्वारिंशं सूक्तम्

(१-१४) चतुर्दशर्चस्यास्य सूक्तस्य काक्षीवती घोषा ऋषिका । अश्विनौ देवते ।

जगती छन्दः

रथं यान्तं कुह को ह वां नरा प्रति द्युमन्तं सुविताय भूषति ।  
 प्रातर्यावाणं विभ्वं विशेविशे वस्तोर्वस्तोर्वहमानं धिया शर्मि १  
 कुहं स्विद् दोषा कुह वस्तोरश्विना कुहाभिपित्वं करतः कुहौषतुः ।  
 को वां शयुत्रा विधवेव देवरं मर्यं न योषां कृणुते सधस्थ आ २  
 प्रातर्जरथे जरणेव कार्पया वस्तोर्वस्तोर्यजता गच्छथो गृहम् ।  
 कस्य ध्वस्त्रा भवथः कस्य वा नरा राजपुत्रेव सवनाव गच्छथः ३  
 युवां मृगेव वारणा मृगयवो दोषा वस्तोर्हविषा नि ह्वयामहे ।  
 युवं होत्रामृतुथा जुहते नरेषु जनाय वहथः शुभस्पती ४  
 युवां ह घोषा पर्यश्विना युती राज ऊचे दुहिता पृच्छे वां नरा ।  
 भूतं मे अह उत भूतमुक्तवे ऽश्वावते रथिनै शक्तमवते ५  
 युवं कवी ष्टः पर्यश्विना रथं विशो न कुत्सो जरितुर्नशायथः ।  
 युवोर्ह मक्षा पर्यश्विना मध्वासा भरत निष्कृतं न योषणा ६  
 युवं ह भुज्युं युवमश्विना वशं युवं शिञ्जारमुशनामुपारथुः ।  
 युवो ररावा परि सख्यमासते युवोरहमवसा सुम्रमा चके ७  
 युवं ह कृशं युवमश्विना शयुं युवं विधन्तं विधवामुरुष्यथः ।  
 युवं सनिभ्यः स्तनयन्तमश्विना ऽपे वृजमूर्णुथः सप्तास्यम् ८  
 जनिष्ट योषा पतयत् कनीनको वि चारुहन् वीरुधो दंसना अनु ।  
 आस्मै रीयन्ते निवनेव सिन्धवो ऽस्मा अहं भवति तत् पतित्वनम् ९  
 जीवं रुदन्ति वि मयन्ते अध्वरे दीर्घामनु प्रसितिं दीधियुर्नरः ।  
 वामं पितृभ्यो य इदं संमेरिरे मयः पतिभ्यो जनयः परिष्वजे १०

न तस्य विद्म तदु षु प्र वोचत् युवां ह यद्युवत्याः क्षेति योनिषु ।  
प्रियोस्त्रियस्य वृषभस्य रेतिनौ गृहं गमेमाश्विना तदुश्मसि ११  
आ वामगन् त्सुमतिर्वाजिनीवसू न्यश्विना हत्सु कामा अयंसत ।  
अभूतं गोपा मिथुना शुभस्पती प्रिया अर्यम्णो दुर्या अशीमहि १२  
ता मन्दसाना मनुषो दुरोण आ धत्तं रयिं सहवीरं वचस्यवे ।  
कृतं तीर्थं सुप्रपाणं शुभस्पती स्थाणुं पथेष्ठामप दुर्मतिं हतम् १३  
क्व स्विदद्य कतमास्वश्विना विद्म दस्त्रा मादयेते शुभस्पती ।  
क ई नि यैमे कतमस्य जग्मतुर्विप्रस्य वा यजमानस्य वा गृहम् १४

(४१) एकचत्वारिंशं सूक्तम्

(१-३) तृचस्यास्य सूक्तस्य घौषेयः सुहस्त्य ऋषिः । अश्विनौ देवते ।

जगती छन्दः

समानमु त्यं पुरुहूतमुक्थ्यं रथं त्रिचक्रं सर्वना गनिगमतम् ।  
परिज्मानं विदुथ्यं सुवृक्तिभिर्वयं व्युष्टा उषसौ हवामहे १  
प्रातुर्युजं नासत्याधि तिष्ठथः प्रातर्यावाणं मधुवाहनं रथम् ।  
विशो येन गच्छथो यज्वरीनरा कीरेश्चिद्यज्ञं होतृमन्तमश्विना २  
अध्वर्यु वा मधुपाणिं सुहस्त्यमग्निध वा धृतदंष्ट्रं दमूनसम् ।  
विप्रस्य वा यत् सर्वनानि गच्छथो ऽत आ यातं मधुपेयमश्विना ३

(४२) द्विचत्वारिंशं सूक्तम्

(१-११) एकादशर्चस्यास्य सूक्तस्याङ्गिरसः कृष्ण ऋषिः । इन्द्रो देवता ।

त्रिष्टुप् छन्दः

अस्तेव सु प्रतरं लायमस्यन् भूषन्निव प्र भरा स्तोममस्मै ।  
वाचा विप्रास्तरत् वाचमर्यो नि रामय जरितः सोम इन्द्रम् १  
दोहैन गामुप शिञ्जा सखायं प्र बौधय जरितर्जारमिन्द्रम् ।  
कोशं न पूर्णं वसुना न्यृष्टमा च्यावय मघदेयाय शूरम् २  
किमङ्ग त्वा मघवन् भोजमाहुः शिशीहि मा शिशयं त्वा शृणोमि ।  
अप्रस्वती मम धीरस्तु शक्र वसुविदं भर्गमिन्द्रा भरा नः ३  
त्वां जना ममसत्येष्विन्द्र संतस्थाना वि ह्वयन्ते समीके ।  
अत्रा युजं कृणुते यो हविष्मान् नासुन्वता सख्यं वष्टि शूरः ४

धनं न स्पन्दं बहुलं यो अस्यै तीवान् त्सोमाँ आसुनोति प्रयस्वान् ।  
 तस्मै शत्रून् त्सुतुकान् प्रातरहो नि स्वष्ट्रान् युवति हन्ति वृत्रम् ५  
 यस्मिन् वयं देधिमा शंसमिन्द्रे यः शिश्राय मघवा काममस्मे ।  
 आराञ्चित् सन् भयतामस्य शत्रुन्यस्मै हुम्ना जन्या नमन्ताम् ६  
 आराच्छत्रुमप बाधस्व दूरमुग्रो यः शम्बेः पुरुहूत तेन ।  
 अस्मे धेहि यवमद्गोमदिन्द्र कृधी धिर्य जरित्रे वाजरत्नाम् ७  
 प्र यमन्तवृषसवासो अग्मन् तीव्राः सोमाँ बहुलान्तास इन्द्रम् ।  
 नाहं दामानं मघवा नि यसन्नि सुन्वते वहति भूरि वामम् ८  
 उत प्रहामतिदीव्या जयाति कृतं यच्छवघ्नी विचिनोति काले ।  
 यो देवकामो न धना रुणद्धि समित् तं राया सृजति स्वधावान् ९  
 गोभिष्टरेमामतिं दुरेवां यवेन क्षुधं पुरुहूत विश्वाम् ।  
 वयं राजभिः प्रथमा धनान्यस्माकैन वृजनैना जयेम १०  
 बृहस्पतिर्नः परि पातु पश्चादुतोत्तरस्मादधरादघायोः ।  
 इन्द्रः पुरस्तादुत मध्यतो नः सखा सखिभ्यो वरिवः कृणोतु ११

चतुर्थोऽनुवाकः

। सू० ४३-६० ।

(४३) त्रिचत्वारिंशं सूक्तम्

(१-११) एकादशर्चस्यास्य सूक्तस्याङ्गिरसः कृष्ण ऋषिः । इन्द्रो देवता । (१-६)  
 प्रथमादिनवर्चा जगती, (१०-११) दशम्येकादश्योश्च त्रिष्टुप् छन्दसी  
 अच्छा म् इन्द्रं मृतयः स्वर्विदः सध्रीचीर्विश्वा उशतीरनूषत ।  
 परिष्वजन्ते जनयो यथा पतिं मर्यं न शन्ध्युं मघवानमृतयै १  
 न घा त्वद्रिगप वेति मे मनस्त्वे इत् कामं पुरुहूत शिश्रय ।  
 राजैव दस्म नि षदोऽधि बर्हिष्यस्मिन् त्सु सोमैऽवपानमस्तु ते २  
 विषूवदिन्द्रो अमतेरुत क्षुधः स इद्रायो मघवा वस्व ईशते ।  
 तस्येदिमे प्रवणे सप्त सिन्धवो वयो वर्धन्ति वृषभस्य शष्मिणः ३  
 वयो न वृक्षं सुपलाशमासदन् त्सोमाँस इन्द्रं मन्दिनश्चमूषदः ।  
 प्रैषामनीकं शर्वसा दविद्युतद्विदत् स्वर्मर्नवे ज्योतिरार्यम् ४  
 कृतं न श्वघ्नी वि चिनोति देवने संवर्गं यन्मघवा सूर्यं जयत् ।  
 न तत् तै अन्यो अनु वीर्यं शक्न पुराणो मघवन् नोत नूतनः ५

विशंविशं म॒घवा॒ पर्य॑शायत॒ जनानां॑ धेना॑ अव॒चाक॑शदूषा ।  
यस्याह॑ श॒क्रः सवै॑षु रण॑यति स ती॒व्रैः सोमैः॑ सहते पृतन्य॒तः ६  
आपो॑ न सिन्धु॒मभि॑ यत् स॒मक्ष॑रन् त्सोमा॑स इन्द्र॑ कुल्या इव ह॒दम् ।  
वर्ध॑न्ति वि॒प्रा महौ॑ अस्य॒ साद॑ने॒ यवं॑ न वृष्टि॑र्दिव्येन॒ दानु॑ना ७  
वृषा॑ न क्रुद्धः प॑तयद्रजः॒ स्वा यो अ॑र्यप॒त्नीर॑कृ॒णोदि॑मा अपः ।  
स सु॑न्वते म॒घवा॑ जी॒रदा॑नवे ऽवि॒न्द्रज॑चोति॒र्मन॑वे ह॒विष्म॑ते ८  
उज्जा॑यतां प॒रशु॑ज्योतिषा सह भू॒या अ॒तस्य॑ सु॒दुघा॑ पुराणवत् ।  
वि रौ॑चतामरु॒षो भानु॑ना शुचिः॒ स्वर्णं॑ श॒क्रं श॑शुचीत॒ सत्प॑तिः ९  
गोभि॑ष्ट्रेमाम॒तिं दु॒रेवां॑ यवै॒न क्षु॑धं पुरु॒हूत॑ विश्वा॒म् ।  
व॒यं राज॑भिः प्रथ॒मा धना॑न्यस्माकै॒न वृ॒जने॑ना जयेम १०  
बृह॑स्पति॒र्नः परि॑ पातु प॒श्चादु॒तोत्तर॑स्मा॒दध॑रादघा॒योः ।  
इन्द्रः॑ पु॒रस्ता॑दु॒त म॑ध्यतो नः सखा॒ सखि॑भ्यो वरि॒वः कृ॑णोतु ११

(४४) चतुश्चत्वारिंशं सूक्तम्

(१-११) एकादशर्चस्यास्य सूक्तस्याङ्गिरसः कृष्ण ऋषिः । इन्द्रो देवता । (१-३,  
१०-११) प्रथमादितृचस्य दशम्येकादशयोर्ऋचोश्च त्रिष्टुप्, (४-६)

चतुर्थ्यादितृचद्वयस्य च जगती छन्दसी

आ या॒त्विन्द्रः॑ स्वप॑तिर्मदा॒य यो ध॑र्मणा तूतु॒जान॑स्तुविष्मान् ।  
प्र॒त्नक्ष॑णो अ॒ति वि॒श्वा सहा॑स्यपा॒रेण॑ मह॒ता वृ॑ष्णयै॒न १  
सु॒ष्ठामा॑ रथः सु॒यमा॑ हरी॒ ते मि॒म्यक्ष॑ वज्रौ नृप॑ते ग॒र्भस्तौ॑ ।  
शी॒र्भं राज॑न् त्सु॒पथा॑ या॒ह्यर्वा॑ङ् व॒र्धाम॑ ते पु॒षो वृ॑ष्ण्यानि २  
ए॒न्द्रवा॑हो नृप॑तिं वज्र॒बाहु॑मु॒ग्रमु॒ग्रास॑स्तवि॒षास॑ ए॒नम् ।  
प्र॒त्नक्ष॑सं वृ॒षभं॑ स॒त्यशु॑ष्ममे॒र्मस्म॑न्ना स॒धमा॑दौ वह॒न्तु ३  
ए॒वा प॑तिं द्रो॒णसा॑चं स॒चैत॑समूर्जः स्क्र॒म्भं ध॑रु॒ण आ वृ॑षायसे ।  
ओ॒र्जः कृ॑ष्व॒ सं गृ॑भाय॒ त्वे अ॒प्यसो॑ यथा॒ केनि॑पाना॒मिनो॑ वृ॒धे ४  
ग॒र्मन्न॑स्मे वसू॒न्या हि शं॑सिषं स्वा॒शिषं॑ भ॒रमा॑ या॒हि सो॒मिने॑ ।  
त्व॒मीशि॑षे सा॒स्मिन्ना स॑त्सि ब॒र्हिष्य॑नाधृ॒ष्या तव॑ पात्रा॒णि ध॑र्मणा ५  
पृथ॑क् प्रा॒यन् प्र॑थ॒मा दे॒वहू॑तयो ऽकृ॒णव॑त श्रव॒स्यानि॑ दुष्ट॒रा ।  
न ये शे॑कुर्य॒ज्ञियां॑ नाव॒मारु॑ह॒मीमै॑व ते न्य॒विश॑न्त॒ केप॑यः ६  
ए॒वैवापा॑गप॒रे सन्तु॑ दू॒ढ्यो ऽश्वा॑ येषां दु॒र्युज॑ आयु॒युजे॑ ।

इ॒त्था ये प्रा॒गुपे॑ सन्ति दा॒वने॑ पु॒रूणि॑ यत्र व॒युना॑नि भो॒जना ७  
 गि॒रीर॑ज्जान् रेज॒मानाँ॑ अ॒धारय॑द् द्यौः क्र॒न्दद॑न्तरि॒क्षाणि॑ कोपयत् ।  
 समी॒चीने॑ धि॒षणे॑ वि ष्क॒भाय॑ति वृ॒ष्णाः पी॒त्वा मद॑ उ॒क्थानि॑ शंसति ८  
 इ॒मं बि॑भर्मि सु॒कृतं॑ ते अ॒ङ्कुशं॑ येना॒रुजा॑सि म॒घव॑ज्छ॒फारु॑जः ।  
 अ॒स्मिन् त्सु॑ ते स॒र्वने॑ अ॒स्त्वो॒क्त्यं सु॑त इ॒ष्टौ म॑घवन् बो॒ध्याभ॑गः ९  
 गोभि॑ष्ट्रेमा॒मतिं॑ दु॒रेवा॑ यवे॒न क्षु॑र्धं पु॒रुहू॑त विश्वा॒म् ।  
 व॒यं राज॑भिः प्रथ॒मा धना॑न्यस्मा॒कैर्न वृ॑जनै॒ना जये॑म १०  
 बृ॒हस्प॑तिर्नः परि॑ पातु प॒श्चादु॑तो॒त्तर॑स्मा॒दध॑राद॒घायोः॑ ।  
 इन्द्रः॑ पु॒रस्ता॑दुत म॒ध्यतो॑ नः सखा॑ सखि॒भ्यो वरि॑वः कृ॒णोतु॑ ११

(४५) पञ्चचत्वारिंशं सूक्तम्

(१-१२) द्वादशर्चस्यास्य सूक्तस्य भालन्दनो वत्सप्रिर्ऋषिः । अग्निर्देवता ।

त्रिष्टुप् छन्दः

दि॒वस्प॑रि प्रथ॒मं जज्ञे॑ अ॒ग्निर॒स्मद् द्वि॒तीयं॑ परि॒ जात॑वे॒दाः ।  
 तृ॒तीयं॑म॒प्सु नृ॑मणा अ॒र्जस्त्र॑मिन्धान ए॒नं ज॑रते स्वा॒धीः १  
 वि॒द्या ते॑ अ॒ग्ने त्रे॒धा त्र॑याणि॒ विद्या॑ ते धा॒म वि॑भृता पु॒त्रा ।  
 वि॒द्या ते॑ ना॒म पर॑मं गुहा॒ यद्वि॒द्या तमु॑त्सं यत॑ आज॒गन्थ २  
 स॒मुद्रे॑ त्वा नृ॒मणा॑ अ॒प्स्वश्॑न्तर्नृचक्षा ई॒धे दि॒वो अ॒ग्न ऊ॑र्धन् ।  
 तृ॒तीयै॑ त्वा रज॑सि तस्ति॒वांस॑म॒पामु॑पस्थे॒ महि॑षा अ॒वर्ध॑न् ३  
 अ॒क्रन्द॑द॒ग्निः स्त॑नय॒न्निव॑ द्यौः क्षा॒मा रे॑रि॒हद्वी॑रुर्धः स॒मञ्ज॑न् ।  
 स॒द्यो ज॑ज्ञानो वि ही॒मिद्धो॑ अ॒ख्यदा॑ रोद॒सी भानु॑ना॒ भात्य॑न्तः ४  
 श्री॒णामु॑दा॒रो ध॒रुणो॑ रयी॒णां म॑नी॒षाणां॑ प्रा॒र्पणः॑ सोम॒गोपाः॑ ।  
 वसुः॑ सूनुः स॒हसो॑ अ॒प्सु राजा॑ वि भा॒त्यग्रे॑ उ॒षसा॑मि॒धानः॑ ५  
 वि॒श्वस्य॑ के॒तुर्भु॑वनस्य॒ गर्भं॑ आ रोद॒सी अपृ॑णा॒ज्जाय॑मानः ।  
 वी॒ळुं चि॒दद्रि॑मभिनत् प॒राय॑ज्जना॒ यद॑ग्निर्यजन्त॒ पञ्च ६  
 उ॒शिक॑ पा॒वको॑ अ॒रतिः॑ सु॒मेधा॑ म॒तेष्व॑ग्निर॒मृतो॑ नि धा॒यि ।  
 इ॒यति॑ धूम॒मरु॑षं भ॒रिभ्र॑दुच्छु॒क्रेण॑ शोचिषा॒ द्यामि॑न॒क्षन् ७  
 दृ॒शानो॑ रु॒क्म उ॑र्वि॒या व्य॑द्यौद् दु॒र्मर्ष॑मायुः श्रि॒ये रु॑चानः ।  
 अ॒ग्निर॒मृतो॑ अभव॒द्वयो॑भिर्यदे॒न द्यौ॑र्जनयत् सु॒रेताः॑ ८  
 यस्तै॑ अ॒द्य कृ॒णव॑द्भद्रशोचे ऽपू॒षं दे॒व घृ॑तव॒न्तम॑ग्रे ।

प्र तं नय प्रतरं वस्यो अच्छाऽभि सुम्रं देवभक्तं यविष्ठ ६  
 आ तं भज सौश्रवसेष्वग्र उक्थउक्थ आ भज शस्यमाने ।  
 प्रियः सूर्ये प्रियो अग्रा भवात्युज्जातेन भिनददुज्जनित्वैः १०  
 त्वामग्ने यजमाना अनु द्यून् विश्वा वसुं दधिरे वार्याणि ।  
 त्वया सह द्रविणमिच्छमाना वृजं गोमन्तमुशिजो वि वव्रुः ११  
 अस्ताव्यग्निर्नरां सुशेवो वैश्वानर ऋषिभिः सोमगोपाः ।  
 अद्वेषे द्यावापृथिवी हुवेम देवा धत्त रयिमस्मे सुवीरम् १२  
 अथाष्टमोऽष्टकः  
 प्रथमोऽध्यायः  
 । व० १-३० ।

(४६) षट्चत्वारिंशं सूक्तम्

(१-१०) दशर्चस्यास्य सूक्तस्य भालन्दनो वत्सप्रिर्ऋषिः । अग्निर्देवता ।

त्रिष्टुप् छन्दः

प्र होता जातो महान् नभोविनृषद्वा सीददपामुपस्थै ।  
 दधिर्यो धायि स ते वर्यासि यन्ता वसूनि विधते तनूपाः १  
 इमं विधन्तो अपां सधस्थै पशुं न नष्टं पदैरनु ग्मन् ।  
 गुहा चतन्तमुशिजो नमोभिरिच्छन्तो धीरा भृगवोऽविन्दन् २  
 इमं त्रितो भूर्यविन्ददिच्छन् वैभूवसो मूर्धन्यघ्नयायाः ।  
 स शेवृधो जात आ हर्म्येषु नाभिर्युवा भवति रोचनस्य ३  
 मुन्द्रं होतारमुशिजो नमोभिः प्राञ्च यज्ञं नेतारमध्वराणाम् ।  
 विशामकृणवन्नरतिं पावकं हव्यवाहुं दधतो मानुषेषु ४  
 प्र भूर्जयन्तं महां विपोधां मूरा अमूरं पुरां दर्माणम् ।  
 नर्यन्तो गर्भं वनां धिर्य धुर्हिरिश्मश्रुं नार्याणि धनर्चम् ५  
 नि पस्त्यासु त्रितः स्तभूयन् परिवीतो योनौ सीददन्तः ।  
 अतः संगृभ्या विशां दमूना विधर्मणायन्नैरीयते नृन् ६  
 अस्याजरासो दमामरित्रा अर्चद्धमासो अग्रयः पावकाः ।  
 श्वितीचयः श्वात्रासौ भुरणयवौ वनर्षदौ वायवो न सोमाः ७  
 प्र जिह्वया भरते वेपो अग्निः प्र वयुनानि चेतसा पृथिव्याः ।  
 तमायवः श्चयन्तं पावकं मुन्द्रं होतारं दधिरे यजिष्ठम् ८

द्यावा यमग्निं पृथिवी जनिष्टामाप्स्त्वष्टा भृगवो यं सहोभिः ।  
 ईळैन्यं प्रथमं मातरिश्वा देवास्ततक्षुर्मनवे यजत्रम् ६  
 यं त्वा देवा दधिरे हव्यवाहं पुरुस्पृहो मानुषासो यजत्रम् ।  
 स यामन्नग्रे स्तुवते वयो धाः प्र देवयन् यशसः सं हि पूर्वीः १०

(४७) सप्तचत्वारिंशं सूक्तम्

(१-८) अष्टर्चस्यास्य सूक्तस्याङ्गिरसः सप्तगुर्ऋषिः । वैकुण्ठ इन्द्रो देवता ।

त्रिष्टुप् छन्दः

जगृभ्मा ते दक्षिणमिन्द्र हस्तं वसूयवौ वसुपते वसूनाम् ।  
 विद्या हि त्वा गोपतिं शूर गोनामस्मभ्यं चित्रं वृषणं रयिं दाः १  
 स्वायुधं स्ववसं सुनीथं चतुःसमुद्रं धरुणं रयीणाम् ।  
 चर्कृत्यं शंस्यं भूरिवारमस्मभ्यं चित्रं वृषणं रयिं दाः २  
 सुब्रह्माणं देववन्तं बृहन्तमुरुं गभीरं पृथुबुधमिन्द्र ।  
 श्रुतऋषिमुग्रमभिमातिषाहमस्मभ्यं चित्रं वृषणं रयिं दाः ३  
 सनद्वाजं विप्रवीरं तरुत्रं धनस्पृतं शूशवांसं सुदक्षम् ।  
 दस्युहनं पूर्भिदमिन्द्र सत्य-मस्मभ्यं चित्रं वृषणं रयिं दाः ४  
 अश्वोवन्तं रथिनं वीरवन्तं सहस्रिणं शतिनं वार्जमिन्द्र ।  
 भद्रवातं विप्रवीरं स्वर्षा-मस्मभ्यं चित्रं वृषणं रयिं दाः ५  
 प्र सप्तगुमृतधीतिं सुमेधां बृहस्पतिं मतिरच्छा जिगाति ।  
 य आङ्गिरसो नमसोपसद्यो ऽस्मभ्यं चित्रं वृषणं रयिं दाः ६  
 वर्नीवानो मम दूतास इन्द्रं स्तोमाश्चरन्ति सुमतीरियानाः ।  
 हृदिस्पृशो मनसा वच्यमाना अस्मभ्यं चित्रं वृषणं रयिं दाः ७  
 यत् त्वा यामि दद्धि तन्न इन्द्र बृहन्तं क्षयमसमं जनानाम् ।  
 अभि तद् द्यावापृथिवी गृणीता-मस्मभ्यं चित्रं वृषणं रयिं दाः ८

(४८) अष्टचत्वारिंशं सूक्तम्

(१-११) एकादशर्चस्यास्य सूक्तस्य वैकुण्ठ इन्द्र ऋषिः । वैकुण्ठ इन्द्रो देवता ।

(१-६, ८-९) प्रथमादितृचद्वयस्याष्टमीनवम्योर्ऋचोश्च जगती, (७, १०-११)

सप्तमीदशम्येकादशीनाञ्च त्रिष्टुप् छन्दसी

अहं भुवं वसुनः पूर्व्यस्पतिरहं धनानि सं जयामि शश्वतः ।



मां हवन्ते पितरं न जन्तवो ऽहं दाशुषे वि भजामि भोजनम् १  
 अहमिन्द्रो रोधो वक्षो अथर्वणस्त्रिताय गा अजनयमहेरधि ।  
 अहं दस्युभ्यः परि नृम्णमा ददे गोत्रा शिक्नन् दधीचे मातरिश्चने २  
 मह्यं त्वष्टा वज्रमतक्षदायसं मयि देवासोऽवृजन्नपि क्रतुम् ।  
 ममानीकं सूर्यस्येव दुष्टं मामार्यन्ति कृतेन कर्त्वेन च ३  
 अहमेतं गुव्ययमश्वयं पशुं पुरीषिणं सायकेना हिरण्ययम् ।  
 पुरु सहस्रा नि शिशामि दाशुषे यन्मा सोमास उक्थिनो अमन्दिषुः ४  
 अहमिन्द्रो न परा जिग्य इद्धनं न मृत्यवेऽव तस्थे कदा चन ।  
 सोममिन्मा सुन्वन्तो याचता वसु न मै पूरवः सख्ये रिषाथन ५  
 अहमेताञ्छाश्वसतो द्वाद्वेन्द्रं ये वज्रं युधयेऽकृणवत ।  
 आह्वयमानां अव हन्मनाहनं दृळहा वदन्ननमस्युर्नमस्विनः ६  
 अभीर्दमेकमेको अस्मि निष्पाळभी द्वा किमु त्रयः करन्ति ।  
 खले न पर्षान् प्रति हन्मि भूरि किं मा निन्दन्ति शत्रवोऽनिन्द्राः ७  
 अहं गुङ्गुभ्यो अतिथिग्वमिष्करमिषं न वृत्रतुरं विक्षु धारयम् ।  
 यत् पर्णयुघ्न उत वा करञ्जहे प्राहं मुहे वृत्रहत्ये अशुश्रवि ८  
 प्र मे नमी साप्य इषे भुजे भूद्रवामेषै सख्या कृणुत द्विता ।  
 दिद्युं यदस्य समिथेषु मंहयमादिदैनुं शंस्यमुक्थ्यं करम् ९  
 प्र नेमस्मिन् ददृशे सोमो अन्तर्गोपा नेममाविरस्था कृणोति ।  
 स त्रिगमशृङ्गं वृषभं युयुत्सन् द्रुहस्तस्थौ बहुले बद्धो अन्तः १०  
 आदित्यानां वसूनां रुद्रियाणां देवो देवानां न मिनामि धाम ।  
 ते मा भद्राय शर्वसे ततक्षुरपराजितमस्तृतमषाळहम् ११

(४६) एकोनपञ्चाशं सूक्तम्

(१-११) एकादशर्चस्यास्य सूक्तस्य वैकुण्ठ इन्द्र ऋषिः । वैकुण्ठ इन्द्रो देवता ।

(१, ३-१०) प्रथमर्चस्तृतीयाद्यष्टानाञ्च जगती,

(२, ११) द्वितीयैकादश्योश्च त्रिष्टुप् छन्दसी

अहं दां गृणते पूर्व्यं वस्वहं ब्रह्म कृणवं मह्यं वर्धनम् ।  
 अहं भुवं यजमानस्य चोदिताऽयज्वनः साक्षि विश्वस्मिन् भरै १  
 मां धुरिन्द्रं नाम देवता दिवश्च गमश्चापां च जन्तवः ।  
 अहं हरी वृषणा विव्रता रघू अहं वज्रं शर्वसे धृष्णवा ददे २

अ॒हम॒र्त्कं क॒वये॑ शि॒श्नथं॑ ह॒थैर॒हं कु॒त्स॒माव॒माभि॒रूति॑भिः ।  
 अ॒हं शु॒ष्णा॒स्य श॒नथि॑ता व॒ध॒र्य॒मं न यो॒र आ॒र्यं॑ ना॒म द॒स्य॒वे ३  
 अ॒हं पि॒तेव॑ वे॒त॒सूर॑भि॒ष्टये॑ तु॒ग्रं कु॒त्सा॒य॒ स्मदि॑भं च र॒न्धय॑म् ।  
 अ॒हं भु॒वं य॒ज॒मान॑स्य रा॒जनि॑ प्र य॒द्धरे॑ तु॒जये॑ न प्रि॒याधृ॑षे ४  
 अ॒हं र॒न्धय॑ं मृ॒गय॑ं श्रु॒तव॑णे य॒न्माजि॑हीत व॒युना॑ च॒नानु॑षक् ।  
 अ॒हं वे॒शं न॒म्रमा॑यवै॒ऽकर॑म॒हं स॒व्या॒य॒ पङ्ग॑भि॒मर॒न्धय॑म् ५  
 अ॒हं स यो न॒व॒वास्त्वं बृ॒हद्र॑थं सं वृ॒त्रेव॑ दा॒सं वृ॒त्रहा॑रु॒जम् ।  
 यद्व॒र्धय॑न्तं प्र॒थय॑न्त॒मानु॑ष॒गदू॑रे पा॒रे र॒ज॒सो रो॒चना॑क॒रम् ६  
 अ॒हं सू॒र्यस्य॑ परि॒ याम्या॑शु॒भिः प्रै॒त॒शेभि॑र्व॒हमा॒न ओ॒जसा॑ ।  
 यन्मा॑ सा॒वो म॒नुष॑ आ॒हं नि॒र्णिज॑ ऋ॒धक् कृ॑षे दा॒सं कृ॒त्व्यं ह॒थैः ७  
 अ॒हं स॒प्त॒हा न॒हुषो॑ न॒हुष्ट॑रः प्रा॒श्राव॑यं श॒र्वसा॑ तु॒र्वशं॑ यदु॒म् ।  
 अ॒हं न्य॑श्न्यं स॒हसा॑ स॒हस्करं॑ न॒व ब्रा॑ध॒तो न॒वति॑ च व॒क्षय॑म् ८  
 अ॒हं स॒प्त स्र॑व॒तौ धा॑रयं वृषा॑ द्रवि॒त्त्वः पृ॒थि॒व्यां सी॒रा अ॒धि ।  
 अ॒हम॒र्णासि॑ वि ति॒रामि॑ सु॒क्रतु॑र्यु॒धा वि॒दं म॒नवे॑ गा॒तुमि॑ष्टये ९  
 अ॒हं तदा॑सु धा॒रय॑ं यदा॑सु न दे॒वश्च॑न त्व॒ष्टाधा॑रय॒दुश॑त् ।  
 स्पा॒र्हं ग॒वा॒मूधः॑सु व॒क्षणा॑स्वा म॒धो॒र्मधु॑ श्वा॒त्र्यं सोम॑मा॒शिर॑म् १०  
 ए॒वा दे॒वाँ इन्द्रो॑ वि॒व्ये नृ॑न् प्र च्यो॒त्वेन॑ मु॒घवा॑ स॒त्यरा॑धाः ।  
 वि॒श्वेत् ता॑ तै ह॒रिवः॑ श॒चीवो॑ ऽभि॒ तुरा॑सः स्वय॒शो गृ॑णन्ति ११

(५०) पञ्चाशं सूक्तम्

(१-७) सप्तर्चस्यास्य सूक्तस्य वैकुण्ठ इन्द्र ऋषिः । वैकुण्ठ इन्द्रो देवता । (१-  
 २, ६-७) प्रथमाद्वितीययोर्ऋचोः षष्ठीसप्तम्योश्च जगती, (३-४)  
 तृतीयाचतुर्थ्योरभिसारिणी, (५) पञ्चम्याश्च त्रिष्टुप् छन्दांसि  
 प्र वो॑ म॒हे म॒न्द॒माना॑यान्ध॒सो ऽर्चा॑ वि॒श्वान॑राय वि॒श्वाभु॑वै ।  
 इन्द्र॑स्य यस्य सु॒म॒खं स॒हो म॒हि श्रवो॑ नृ॒म्णां च॑ रोद॒सी स॒पर्य॑तः १  
 सो चि॒न्नु स॒ख्या न॑र्य॒ इनः॑ स्तु॒तश्च॑र्क॒त्य इन्द्रो॑ मा॒वते॑ नरै॒ ।  
 वि॒श्वा॒सु धूर्षु॑ वा॒ज॒क॒त्यैषु॑ स॒त्यते॑ वृ॒त्रे वा॒प्स्व॑श्भि शूर॒ म॒न्दसे॑ २  
 के ते नर॑ इन्द्र॒ ये त॑ इ॒षे ये तै॑ सु॒म्रं स॑ध॒न्यश्मि॑य॒क्षान् ।  
 के ते॑ वा॒जा॒यासु॑र्या॒य हि॒न्विरे॑ के॒ अप्सु॑ स्वा॒सू॒र्वरा॑सु पौ॒स्यै ३  
 भुव॑स्त्वमिन्द्र॒ ब्रह्म॑णा म॒हान् भुवो॑ वि॒श्वेषु॑ स॒र्वने॑षु य॒ज्ञियः॑ ।

भुवो नृश्चयौतो विश्वस्मिन् भरे ज्येष्ठश्च मन्त्रौ विश्वचर्षणे ४  
अवा नु कं ज्यायान् यज्ञर्वनसो महीं त ओमात्रां कृष्टयौ विदुः ।  
असो नु कं मजरो वर्धाश्च विश्वेदेता सर्वना तूतुमा कृषे ५  
एता विश्वा सर्वना तूतुमा कृषे स्वयं सूनो सहस्रो यानि दधिषे ।  
वराय ते पात्रं धर्मणे तना यज्ञो मन्त्रो ब्रह्मोद्यतं वचः ६  
ये तै विप्र ब्रह्मकृतः सुते सचा वसूनां च वसुनश्च दावनै ।  
प्र ते सुमस्य मनसा पथा भुवन् मदै सुतस्य सोम्यस्यान्धसः ७

(५१) एकपञ्चाशं सूक्तम्

(१-६) नवर्चस्यास्य सूक्तस्य (१, ३, ५, ७, ९)

प्रथमातृतीयापञ्चमीसप्तमीनवमीनामृचां देवाः, (२, ४, ६, ८)

द्वितीयाचतुर्थीषष्ठ्यष्टमीनाञ्च सौचीकोऽग्निर्ऋषयः । (१, ३, ५, ७, ९)

प्रथमातृतीयापञ्चमीसप्तमीनवमीनामृचामग्निः, (२, ४, ६, ८)

द्वितीयाचतुर्थीषष्ठ्यष्टमीनाञ्च देवा देवताः । त्रिष्टुप् छन्दः

महत् दुल्लं स्थविरं तदासीद्येनाविष्टितः प्रविवेशिथापः ।  
विश्वा अपश्यद्बहुधा तै अग्ने जातवेदस्तन्वौ देव एकः १  
को मा ददर्श कतमः स देवो यो मै तन्वौ बहुधा पर्यपश्यत् ।  
क्वाह मित्रावरुणा क्षियन्त्यग्नेर्विश्वाः समिधौ देवयानीः २  
ऐच्छाम त्वा बहुधा जातवेदः प्रविष्टमग्ने अप्सवोषधीषु ।  
तं त्वा यमो अचिकेच्चित्रभानो दशान्तरुष्यादतिरोचमानम् ३  
होत्रादहं वरुण बिभ्यदायं नेदेव मा युनजन्नत्र देवाः ।  
तस्य मे तन्वौ बहुधा निविष्टा एतमर्थं न चिकेताहमग्निः ४  
एहि मनुर्देवयुर्यज्ञकामो ऽरंकृत्या तमसि क्षेप्यग्ने ।  
सुगान् पथः कृणुहि देवयानान् वह हव्यानि सुमनस्यमानः ५  
अग्नेः पूर्वे भार्तरो अर्थमेतं रथीवाध्वानमन्वावरीवुः ।  
तस्माद्भिया वरुण दूरमायं गौरो न क्षेप्रोरविजे ज्यायाः ६  
कुर्मस्त आयुरजरं यदग्ने यथा युक्तो जातवेदो न रिष्याः ।  
अथा वहासि सुमनस्यमानो भागं देवेभ्यो हविषः सुजात ७  
प्रयाजान् मै अनुयाजांश्च केवलानूर्जस्वन्तं हविषौ दत्त भागम् ।  
घृतं चापां पुरुषं चौषधीनामग्रेष्व दीर्घमायुरस्तु देवाः ८

तव प्रयाजा अनुयाजाश्च केवल ऊर्जस्वन्तो हविषः सन्तु भागाः ।  
तवाग्ने यज्ञोऽयमस्तु सर्वस्तुभ्यं नमन्तां प्रदिशश्चतस्रः ६

(५२) द्विपञ्चाशं सूक्तम्

(१-६) षडृचस्यास्य सूक्तस्य सौचीकोऽग्निर्ऋषिः । विश्वे देवा देवताः ।

त्रिष्टुप् छन्दः

विश्वे देवाः शास्तन मा यथेह होता वृतो मनवै यन्निषद्य ।  
प्र मै ब्रूत भागधेयं यथा वो येन पथा हव्यमा वो वहानि १  
अहं होता न्यसीदं यजीयान् विश्वे देवा मरुतो मा जुनन्ति ।  
अहरहरश्चिनाध्वर्यवं वां ब्रह्मा समिद्धवति साहुतिर्वाम् २  
अयं यो होता किरु स यमस्य कमप्यूहे यत् समञ्जन्ति देवाः ।  
अहरहर्जायते मासिमास्यथा देवा दधिरे हव्यवाहम् ३  
मां देवा दधिरे हव्यवाहमपम्लुक्तं बहु कृच्छ्रा चरन्तम् ।  
अग्निर्विद्वान् यज्ञं नः कल्पयाति पञ्चयामं त्रिवृतं सप्ततन्तुम् ४  
आ वो यक्ष्यमृतत्वं सुवीरं यथा वो देवा वरिवः कराणि ।  
आ बाहोर्वज्रमिन्द्रस्य धेयामथेमा विश्वाः पृतना जयाति ५  
त्रीणि शता त्री सहस्राण्यग्निं त्रिंशच्च देवा नव चासपर्यन् ।  
औक्षन् घृतैरस्तृणन् बर्हिर्स्मा आदिद्धोतारं न्यसादयन्त ६

(५३) त्रिपञ्चाशं सूक्तम्

(१-११) एकादशर्चस्यास्य सूक्तस्य (१-३, ६-११) प्रथमादितृचस्य  
षष्ठ्यादितृचद्वयस्य च देवाः, (४-५) चतुर्थीपञ्चम्योर्ऋचोश्च सौवीकोऽग्निर्ऋषयः ।

(१-३, ६-११) प्रथमादितृचस्य षष्ठ्यादितृचद्वयस्य चाग्निः, (४-५)  
चतुर्थीपञ्चम्योर्ऋचोश्च देवा देवताः । (१-५, ८) प्रथमादिपञ्चार्चामष्टम्याश्च त्रिष्टुप्

(६-७, ९-११) षष्ठीसप्तम्योर्नवम्यादितृचस्य च जगती छन्दसी

यमैच्छाम मनसा सोऽयमागाद्यज्ञस्य विद्वान् परुषश्चिकित्वान् ।  
स नो यक्षद् देवताता यजीयान् नि हि षत्सदन्तरः पूर्वो अस्मत् १  
अराधि होता निषदा यजीयान्भि प्रयासि सुधितानि हि ख्यत् ।  
यजामहै यज्ञियान् हन्त देवा ईळामहा ईड्याँ आज्येन २  
साध्वीर्मकदेववीतिं नो अद्य यज्ञस्य जिह्वामविदाम गुह्याम् ।

स आयुरागात् सुरभिर्वसानो भद्रामर्कदेवहूतिं नो अद्य ३  
तदद्य वाचः प्रथमं मसीय येनासुरां अभि देवा असीम ।  
ऊर्जाद उत यज्ञियासः पञ्च जना मम होत्रं जुषध्वम् ४  
पञ्च जना मम होत्रं जुषन्तां गोजाता उत ये यज्ञियासः ।  
पृथिवी नः पार्थिवात् पात्वंहसो ऽन्तरिक्षं दिव्यात्पात्वस्मान् ५  
तन्तुं तन्वन् रजसो भानुमन्विहि ज्योतिष्मतः पथो रक्ष धिया कृतान् ।  
अनुल्बणं वयत् जोगुवामपो मनुर्भव जनया दैव्यं जनम् ६  
अक्षानहौ नह्यतनोत सौम्या इष्कृणुध्वं रशना ओत पिशत ।  
अष्टार्वन्धुरं वहताभितो रथं येन देवासो अनयन्नभि प्रियम् ७  
अश्मन्वती रीयते सं रभध्वमुत्तिष्ठत् प्र तरता सखायः ।  
अत्रा जहाम् ये असन्नशैवाः शिवान् वयमुत्तरेमाभि वाजान् ८  
त्वष्टा माया वैदपसामपस्तमो बिभ्रत् पात्रा देवपानानि शन्तमा ।  
शिशीते नूनं परशुं स्वायसं येन वृश्चादेतशो ब्रह्मणस्पतिः ९  
सतो नूनं केवयः सं शिशीत् वाशीभिर्याभिरमृताय तक्षथ ।  
विद्वांसैः पदा गुह्यानि कर्तन् येन देवासो अमृतत्वमानुशुः १०  
गर्भे योषामदधुर्वत्समासन्यपीच्येन मनसोत जिह्वया ।  
स विश्वाहा सुमना योग्या अभि सिंषासनिर्वनते कार इज्जितिम् ११

(५४) चतुष्पञ्चाशं सूक्तम्

(१-६) षड्चस्यास्य सूक्तस्य वामदेव्यो बृहदुक्थ ऋषिः । इन्द्रो देवता ।

त्रिष्टुप् छन्दः

तां सु ते कीर्तिं मघवन् महित्वा यत् त्वा भीते रोदसी अह्वयेताम् ।  
प्रावो देवाँ आतिरो दासमोजः प्रजायै त्वस्यै यदशिक्ष इन्द्र १  
यदचरस्तन्वा वावृधानो बलानीन्द्र प्रब्रुवाणो जनैषु ।  
मायेत् सा ते यानि युद्धान्याहर्नाद्य शत्रुं ननु पुरा विवित्से २  
क उ नु ते महिमनः समस्याऽस्मत् पूर्व ऋषयोऽन्तमापुः ।  
यन्मातरं च पितरं च साकमर्जनयथास्तन्वः स्वायाः ३  
चत्वारिं ते असुर्याणि नामाऽदाभ्यानि महिषस्य सन्ति ।  
त्वमङ्ग तानि विश्वानि वित्से येभिः कर्माणि मघवञ्चकथं ४  
त्वं विश्वा दधिषे केवलानि यान्याविर्या च गुहा वसूनि ।

काम॒मिन्मे॑ म॒घव॑न् मा वि ता॒री॒स्त्वमा॑ज्ञा॒ता त्वमि॑न्द्रा॒सि दा॒ता ५  
यो अ॒द॒धा॒ज्ज्योति॑षि॒ ज्योति॑र॒न्तर्यो॑ अ॒सृ॒जन्म॑धु॒ना सं म॑धू॒नि ।  
अ॒ध प्रि॒यं शू॒षमि॑न्द्रा॒य म॒न्म ब्र॒ह्म॒कृतो॑ बृ॒हदु॑क्था॒दवा॑चि ६

(५५) पञ्चपञ्चाशं सूक्तम्

(१-८) अष्टर्चस्यास्य सूक्तस्य वामदेव्यो बृहदुक्थ ऋषिः । इन्द्रो देवता ।

त्रिष्टुप् छन्दः

दू॒रे तन्ना॑म॒ गुह्यं॑ प॒राचै॑र्यत्त्वा॒ भी॒ते अ॒ह॒येतां॑ वयो॒धै ।  
उ॒द॒स्त॒भ्नाः पृ॒थि॒वीं द्या॑म॒भी॒के भ्रा॑तुः पु॒त्रान् म॑घवन् तित्वि॒षाणः॑ १  
म॒हत् तन्ना॑म॒ गुह्यं॑ पु॒रु॒स्पृग् येन॑ भू॒तं ज॒नयो॑ येन॒ भव्य॑म् ।  
प्र॒त्नं जा॒तं ज्योति॑र्यद॒स्य प्रि॒यं प्रि॒याः स॒म॒वि॒शन्त॑ पञ्च २  
आ रो॒द॒सी अ॒पृ॒णा॒दोत॑ म॒ध्यं पञ्च॑ दे॒वाँ ऋ॒तु॒शः स॒प्त॒स॒प्त ।  
चतु॑स्त्रिंश॒ता पु॒रु॒धा वि च॑ष्टे स॒रूपे॑ण॒ ज्योति॑षा वि॒व्र॒तेन॑ ३  
यदु॑ष॒ औच्छः॑ प्र॒थ॒मा वि॒भाना॑म॒ज॒नयो॑ येन॒ पुष्ट॑स्य॒ पुष्ट॑म् ।  
यत् तै॑ जा॒मि॒त्वम॑वरं॒ पर॑स्या म॒हन्म॑ह॒त्या अ॒सुर॑त्वमे॒कम् ४  
वि॒धुं द॑द्रा॒णं स॒म॒ने ब॒हूनां॑ यु॒वानुं॑ स॒न्तं प॒लितो॑ ज॒गार॑ ।  
दे॒वस्य॑ प॒श्य का॒व्यं म॑हि॒त्वा ऽद्या॑ म॒मा॒र स ह्यः॑ स॒मान॑ ५  
शा॒क्म॒ना शा॒को अ॒रु॒णः सु॑प॒र्ण आ यो म॑हः शू॒रः स॒नाद॑नी॒ळः ।  
यच्चि॑के॒तं स॒त्यमि॑त् तन्न मो॒घं वसु॑ स्पा॒र्हमु॑त जे॒तोत॑ दा॒ता ६  
ऐ॒भिर्द॑दे वृ॒ष्ण्या॒ पौ॒स्यानि॑ ये॒भिरौ॑क्ष॒द्ब्र॒ह॒त्याय॑ व॒ज्री ।  
ये क॑र्म॒णः क्रि॒यमा॑णस्य म॒ह ऋ॒तेक॑र्ममु॒दजा॑यन्त दे॒वाः ७  
यु॒जा क॑र्मा॒णि ज॒नय॑न् वि॒श्वौजा॑ अ॒शस्ति॑हा वि॒श्वम॑नास्तुरा॒षाट् ।  
पी॒त्वी सोम॑स्य दि॒व आ वृ॑धा॒नः शू॒रो निर्यु॑धा॒धम॑ह॒स्यून् ८

(५६) षट्पञ्चाशं सूक्तम्

(१-७) सप्तर्चस्यास्य सूक्तस्य वामदेव्यो बृहदुक्थ ऋषिः । विश्वे देवा देवताः ।

(१-३, ७) प्रथमादितृचस्य सप्तम्या ऋचश्च त्रिष्टुप्, (४-६) चतुर्थ्यादितृचस्य च  
जगती छन्दसी

इ॒दं त॒ एकं॑ प॒र ऊं॑ त॒ एकं॑ तृतीये॒न ज्योति॑षा॒ सं वि॑शस्व ।  
सं॒वेश॑ने त॒न्वश्च॑र॒रेधि॑ प्रि॒यो दे॒वानां॑ प॒रमे॑ ज॒नित्रै॑ १

त॒नू॒ष्टै वाजिन् त॒न्वं॑ न॒यन्ती॑ वा॒मम॒स्मभ्यं॑ धा॒तु श॒र्म तु॒भ्यम् ।  
 अ॒हुतो॑ म॒हो ध॒रुणाय॑ दे॒वान् दि॒वीव॑ ज्योतिः स्व॒मा मि॒मीयाः २  
 वा॒ज्यसि॑ वाजि॒नेना॑ सु॒वेनीः सु॒वितः॑ स्तोमं सु॒वितो॑ दि॒वं गाः ।  
 सु॒वितो॑ ध॒र्म प्रथ॑मानु स॒त्या सु॒वितो॑ दे॒वान् त्सु॒वितोऽनु॑ प॒त्नम् ३  
 म॒हिम्न ए॑षां पि॒तरश्च॑ने॒शिरि॑ दे॒वा दे॒वेष्व॑दधु॒रपि॑ क्र॒तुम् ।  
 स॒मवि॑व्यचुरु॒त या॒न्यत्वि॑षुरै॒षां त॒नूषु॑ नि वि॒विशः॑ पुनः ४  
 स॒होभि॑र्वि॒श्वं परि॑ च॒क्रमू र॒जः पूर्वा॑ धा॒मान्य॑मि॒ता मि॒मा॒नाः ।  
 त॒नूषु॑ वि॒श्वा भुव॑ना॒ नि ये॑मिरे प्रा॒सार॑यन्त पु॒रुध प्र॒जा अनु॑ ५  
 द्वि॒धा सून॑वोऽसु॒रं स्व॒र्विद॒मास्था॑पयन्त तृ॒तीयै॑न॒ कर्म॑णा ।  
 स्वां प्र॒जां पि॒तरः॑ पि॒त्र्यं सह॑ आ॒वरे॑ष्वदधु॒स्तन्तु॑मा॒र्ततम् ६  
 ना॒वा न क्षो॑दः प्र॒दिशः॑ पृथि॒व्याः स्व॒स्तिभि॑रति॒ दुर्गा॑णि वि॒श्वा ।  
 स्वां प्र॒जां बृ॒हदु॑क्थो म॒हित्वा ऽऽव॑रेष्वदध्ना॒दा परेषु॑ ७

(५७) सप्तपञ्चाशं सूक्तम्

(१-६) षड्वचस्यास्य सूक्तस्य बन्धुः श्रुतबन्धुर्विप्रबन्धुर्गोपायना ऋषयः । विश्वे देवा  
 देवताः । गायत्री छन्दः

मा प्र गा॒म प॒थो व॒यं मा य॒ज्ञादि॑न्द्र सो॒मिनः॑ । मा॒न्तः स्थु॑र्नो अ॒रा॒तयः॑ १  
 यो य॒ज्ञस्य॑ प्र॒साध॑न॒स्तन्तु॑र्दे॒वेष्व॑र्ततः । त॒माहु॑तं न॒शीम॑हि २  
 म॒नो न्वा हु॑वामहे ना॒राशं॑से॒न सोमै॑न । पि॒तृणां॑ च म॒न्म॑भिः ३  
 आ त ए॒तु म॒नः पु॒नः क्र॒त्वे द॒क्षाय॑ जी॒वसे॑ । ज्योक् च सूर्यं दृ॒शे ४  
 पु॒नर्नः॑ पि॒तरो॑ म॒नो द॑दा॒तु दै॒व्यो ज॒नः । जी॒वं वा॒र्त स॑चेमहि ५  
 व॒यं सौ॒म व॒ते तव॑ म॒नस्त॑नूषु बिभ्र॑तः । प्र॒जाव॑न्तः स॑चेमहि ६

(५८) अष्टपञ्चाशं सूक्तम्

(१-१२) द्वादशर्चस्यास्य सूक्तस्य बन्धुः श्रुतबन्धुर्विप्रबन्धुर्गोपायना ऋषयः ।

आवर्तमानं मनो देवता । अनुष्टुप् छन्दः

यत् ते य॒मं वै॒वस्व॑तं म॒नो ज॒गाम॑ दूर॒कम् । तत् त॒ आ व॑र्तयामसी॒ह क्ष॑याय  
 जी॒वसे॑ १  
 यत् ते दि॒वं यत् पृ॑थि॒वीं म॒नो ज॒गाम॑ दूर॒कम् । तत् त॒ आ व॑र्तयामसी॒ह  
 क्ष॑याय जी॒वसे॑ २

यत् ते भूमिं चतुर्भृष्टिं मनो जगाम दूरकम् । तत् त आ वर्तयामसीह क्षयाय  
जीवसे ३

यत् ते चतस्रः प्रदिशो मनो जगाम दूरकम् । तत् त आ वर्तयामसीह क्षयाय  
जीवसे ४

यत् ते समुद्रमर्णवं मनो जगाम दूरकम् । तत् त आ वर्तयामसीह क्षयाय  
जीवसे ५

यत् ते मरीचीः प्रवतो मनो जगाम दूरकम् । तत् त आ वर्तयामसीह क्षयाय  
जीवसे ६

यत् ते अपो यदोषधीर्मनो जगाम दूरकम् । तत् त आ वर्तयामसीह क्षयाय  
जीवसे ७

यत् ते सूर्यं यदुषसं मनो जगाम दूरकम् । तत् त आ वर्तयामसीह क्षयाय  
जीवसे ८

यत् ते पर्वतान् बृहतो मनो जगाम दूरकम् । तत् त आ वर्तयामसीह क्षयाय  
जीवसे ९

यत् ते विश्वमिदं जगन्मनो जगाम दूरकम् । तत् त आ वर्तयामसीह क्षयाय  
जीवसे १०

यत् ते पराः परावतो मनो जगाम दूरकम् । तत् त आ वर्तयामसीह क्षयाय  
जीवसे ११

यत् ते भूतं च भव्यं च मनो जगाम दूरकम् । तत् त आ वर्तयामसीह क्षयाय  
जीवसे १२

(५६) एकोनषष्टितमं सूक्तम्

(१-१०) दशर्चस्यास्य सूक्तस्य बन्धुः श्रुतबन्धुर्विप्रबन्धुर्गोपायना ऋषयः । (१-३)

प्रथमादितृचस्य निर्ऋतिः, (४) चतुर्थ्या ऋचो निर्ऋतिः सोमश्च, (५-६)

पञ्चमीषष्ठ्योरसुनीतिः, (७) सप्तम्याः पृथिवीद्युरन्तरिक्षसोमपूषपथ्यास्वस्तयः,

(८-९, १०) अष्टमीनवम्योर्दशम्या उत्तरार्धस्य च द्यावापृथिव्यौ, (१०) दशम्याः  
पूर्वार्धस्य चेन्द्रो देवताः । (१-७) प्रथमादिसप्तर्चा त्रिष्टुप्, (८) अष्टम्याः पङ्क्तिः,

(९) नवम्या महापङ्क्तिः, (१०) दशम्याश्च पङ्क्त्युत्तरा छन्दांसि

प्र तार्यायुः प्रतरं नवीयुः स्थातरिव क्रतुमता रथस्य ।

अध च्यवान् उत् तवीत्यर्थं परातरं सु निर्ऋतिर्जिहीताम् १



सामन् नु राये निधिमन्वन्नं करामहे सु पुरुध श्रवांसि ।  
ता नो विश्वानि जरिता ममत्तु परातरं सु निर्वृतिर्जिहीताम् २  
अभी ष्वश्यः पौंस्यैर्भवेम द्यौर्न भूमिं गिरयो नाजान् ।  
ता नो विश्वानि जरिता चिकेत परातरं सु निर्वृतिर्जिहीताम् ३  
मो षु शः सोम मृत्यवे परा दाः पश्येम नु सूर्यमुच्चरन्तम् ।  
द्युर्भिर्हितो जरिमा सू नो अस्तु परातरं सु निर्वृतिर्जिहीताम् ४  
असुनीते मनो अस्मासु धारय जीवातवे सु प्र तिरा न आयुः ।  
रारन्धि नः सूर्यस्य सदृशि घृतेन त्वं तन्वं वर्धयस्व ५  
असुनीते पुनरस्मासु चक्षुः पुनः प्राणमिह नो धेहि भोगम् ।  
ज्योक् पश्येम सूर्यमुच्चरन्तमनुमते मृळ्या नः स्वस्ति ६  
पुनर्नो असु पृथिवी ददातु पुनर्द्यौर्देवी पुनरन्तरिक्षम् ।  
पुनर्नः सोमस्तन्वं ददातु पुनः पूषा पृथ्यां या स्वस्तिः ७  
शं रोदसी सुबन्धवे यही अतस्य मातरा ।  
भरतामप यद्रपो द्यौः पृथिवि क्षमा रपो मो षु ते किं चनाममत् ८  
अव हुके अव त्रिका दिवश्चरन्ति भेषजा ।  
क्षमा चरिष्वेककं भरतामप यद्रपो द्यौः पृथिवि क्षमा रपो मो षु ते किं  
चनाममत् ९  
समिन्द्रेरय गामन्ड्वाहं य आवहदुशीनराण्या अनः ।  
भरतामप यद्रपो द्यौः पृथिवि क्षमा रपो मो षु ते किं चनाममत् १०

(६०) षष्ठितमं सूक्तम्

(१-१२) द्वादशर्चस्यास्य सूक्तस्य (१-५, ७-१२) प्रथमादिपञ्चर्चा  
सप्तम्यादितृचद्वयस्य च बन्धुः श्रुतबन्धुर्विप्रबन्धुर्गौपायना ऋषयः, (६) षष्ठ्याश्चैषां  
मातागस्त्यस्वसा ऋषिका । (१-४, ६) प्रथमादिचतुर्वर्चां षष्ठ्याश्चासमातिः,  
(५) पञ्चम्या इन्द्रः, (७-११) सप्तम्यादिपञ्चानां सुबन्धोर्जीवः, (१२) द्वादश्याश्च  
बन्ध्वादीनां हस्ता देवताः । (१-५) प्रथमादिपञ्चर्चा गायत्री, (६-७, १०-१२)  
षष्ठीसप्तम्योर्दशम्यादितृचस्य चानुष्टुप्, (८-९) अष्टमीनवम्योश्च पङ्क्तिश्छन्दांसि  
आ जनं त्वेषसदृशं माहीनानामुपस्तुतम् । अगन्म बिभ्रतो नमः १  
असमातिं नितोशनं त्वेषं निययिनं रथम् । भजेरथस्य सत्पतिम् २  
यो जनान् महिषां ईवाऽतितस्थौ पवीरवान् । उतापवीरवान् युधा ३

यस्यै॒क्ष्वा॒कुरु॒पं वृ॒ते रे॒वान् म॑रा॒य्येध॑ते । दि॒वीव॒ पञ्च॑ कृ॒ष्टयः॑ ४  
 इन्द्रं॑ क्ष॒त्रास॑मातिषु रथ॒प्रोष्ठे॑षु धारय । दि॒वीव॒ सूर्यं॑ दृ॒शे ५  
 अ॒गस्त्य॑स्य न॒द्यः स॒प्ती यु॑न॒क्षि रोहि॑ता ।  
 पु॒णीन् न्य॑क्रमी॒रभि॑ विश्वा॒न् राज॑न्नरा॒धसः॑ ६  
 अ॒यं मा॒तायं॑ पि॒ता ऽयं॑ जी॒वातु॑राग॒मत् ।  
 इ॒दं तव॑ प्र॒सर्प॑णं सु॒बन्ध॑वेहि नि॒रिहि॑ ७  
 यथा॑ यु॒गं व॑र॒त्रया॑ न॒ह्यन्ति॑ ध॒रुणाय॑ कम् ।  
 ए॒वा दा॑धार ते॒ मनो॑ जी॒वात॑वे न मृ॒त्यवे॑ ऽथो॑ अ॒रिष्ट॑ता॒तये॑ ८  
 य॒थेयं॑ पृ॒थि॒वी म॒ही दा॑धा॒रेमा॑न् वन॒स्पती॑न् ।  
 ए॒वा दा॑धार ते॒ मनो॑ जी॒वात॑वे न मृ॒त्यवे॑ ऽथो॑ अ॒रिष्ट॑ता॒तये॑ ९  
 य॒माद॑हं वैव॒स्वता॑त् सु॒बन्धो॑र्मन् आ॒भर॑म् । जी॒वात॑वे न मृ॒त्यवे॑ ऽथो॑  
 अ॒रिष्ट॑ता॒तये॑ १०  
 न्य॒श्ग॒वातो॑ऽर्वं वा॒ति न्य॑क् तप॒ति सूर्यः॑ । नी॒चीन॑म॒घ्न्या दु॑हे न्य॒ग्भव॑तु ते॒ रपः॑  
 ११  
 अ॒यं मे॒ हस्तो॑ भ॒गवान॑न॒यं मे॒ भग॑वत्तरः । अ॒यं मे॒ वि॒श्वभै॑षजो॒ ऽयं॑  
 शि॒वाभि॑म॒र्शनः॑ १२

पञ्चमोऽनुवाकः

। सू० ६१-६८ ।

(६१) एकषष्टितमं सूक्तम्

(१-२७) सप्तविंशत्यृचस्यास्य सूक्तस्य मानवो नाभानेदिष्ठ ऋषिः । विश्वे देवा  
देवताः । त्रिष्टुप् छन्दः

इ॒दमि॒त्था रौ॑द्रं गूर्त॒वचा॑ ब्र॒ह्म क्र॑त्वा श॒च्याम॑न्तरा॒जौ ।  
 क्रा॒णा यद॑स्य पि॒तरा॑ म॒हने॑ष्ठाः पर्ष॒त् प॒क्थे अ॒ह॒न्ना स॒प्त हो॑त॒न् १  
 स इ॒द॒नाय॑ द॒भ्याय॑ व॒न्वञ्च॑वान् सूर॒दैर॑मिमी॒त् वेदि॑म् ।  
 तूर्व॒याणो॑ गूर्त॒वच॑स्तमः क्षो॒दो न रे॑त॒ इत॑ऊ॒ति सिञ्च॑त् २  
 मनो॑ न ये॒षु ह॑व॒नेषु॑ ति॒ग्मं वि॒पः श॒च्या व॑नु॒थो द्र॑व॒न्ता ।  
 आ यः॑ श॒र्याभि॑स्तुवि॒नृम॑णो अ॒स्याऽश्री॑णी॒तादि॑शं ग॒र्भस्तौ॑ ३  
 कृ॒ष्णा यदो॑ष्व॒रुणी॑षु सी॒दद् दि॒वो न॑पा॒ताश्वि॑ना हु॒वे वा॑म् ।  
 वी॒तं मे॒ य॒ज्ञमा॑ ग॒तं मे॒ अन्नं॑ व॒न्वासा॑ ने॒षम॑स्मृ॒तधू॑ ४

प्रथिष्ट॑ यस्य॑ वी॒रक॑र्ममि॒ष्णदनु॑ष्ठितं नु न॒र्यो अपौ॑हत् ।  
 पुन॑स्तदा वृ॒हति॑ यत् क॒नाया॑ दु॒हितुरा॑ अ॒नुभृ॑तमन॒र्वा ५  
 म॒ध्या यत् क॑र्त्त्वम॒भवद॑भी॒के का॑र्म कृ॒णवा॑ने पि॒तरि॑ युव॒त्याम् ।  
 म॒नान॑ग्रेतो॒ जहतु॑र्वि॒यन्ता॑ सानो॒ निषि॑क्तं सु॒कृत॑स्य योनौ ६  
 पि॒ता यत् स्वां दु॑हित॒रमधि॑ष्कन् द॒मया॑ रेतः॒ संजग्मा॑नो नि षिञ्चत् ।  
 स्वा॒ध्योऽज॑नयन् ब्र॒ह्म दे॒वा वास्तो॑ष्पतिं व्र॒तपां॑ निर॒तक्षन् ७  
 स ईं वृ॒षा न फे॑नमस्यदा॒जौ स्मदा॑ प॒रैदप॑ द॒भ्रचै॑ताः ।  
 सर॑त् पु॒दा न दक्षि॑णा प॒रावृ॑ङ् न ता नु मे॒ पृश॑न्यो जगृ॒भ्रे ८  
 म॒क्षू न वह्निः॑ प्र॒जाया॑ उप॒ब्दि॒रग्निं॑ न न॒ग्न उप॑ सीद॒दूधः॑ ।  
 स॒नि॒तेध्मं॑ स॒नि॒तोत॑ वाजं स ध॒र्ता जज्ञे॑ स॒हसा॑ यवी॒युत् ९  
 म॒क्षू क॒नायाः॑ स॒ख्यं नव॑ग्वा ऋ॒तं वदे॑न्त ऋ॒तयु॑क्तिम॒गमन् ।  
 द्वि॒बर्ह॑सो य उप॑ गो॒पमा॑गु॒रदक्षि॑णासो अ॒च्युता॑ दुदु॒क्षन् १०  
 म॒क्षू क॒नायाः॑ स॒ख्यं नवी॑यो रा॒धो न रेत॑ ऋ॒तमि॑त् तु॒रय॑न् ।  
 शु॒चि यत् ते॒ रेक्का॑ आ॒रय॑जन्त स॒बर्दु॑घा॒याः पय॑ उ॒स्त्रिया॑याः ११  
 प॒श्वा यत् प॒श्वा वि॒युता॑ बु॒धन्ते॑ति ब्रवी॒ति वृ॒क्षरी॑ ररा॒णः ।  
 वसो॑र्वसु॒त्वा का॑रवो॒ऽनेहा॑ वि॒श्वं वि॒वेष्टि॑ द्रवि॒णमु॑प क्षु १२  
 तदि॒न्वस्य॑ परि॒षद्धानो॑ अ॒गमन्॑ पु॒रू स॒दन्तो॑ ना॒र्षदं॑ बि॒भित्सन् ।  
 वि शु॒ष्णास्य॑ संग्र॒थित॑मन॒र्वा वि॒दत् पु॑रु॒प्रजा॑तस्य गुहा॒ यत् १३  
 भगो॑ ह॒ नामो॑त यस्य॑ दे॒वाः स्व॑र्ण॒ ये त्रि॑ष॒धस्थे॑ नि॒षेदुः॑ ।  
 अ॒ग्निर्ह॒ नामो॑त जा॒तवै॑दाः श्रु॒धी नो॑ होत॒र्ऋत॑स्य हो॒ताधु॑क् १४  
 उ॒त त्या॑ मे॒ रौद्रा॑वर्चि॒मन्ता॑ नास॒त्यावि॒न्द्र गूर्त॑ये यज॒ध्वै ।  
 म॒नुष्व॑द्वक्त॒बर्हि॑षे ररा॒णा म॒न्दू हि॒तप्र॑यसा वि॒क्षु यज्यू॑ १५  
 अ॒यं स्तु॑तो राजा॒ वन्दि॑ वे॒धा अ॒पश्च॑ वि॒प्रस्तर॑ति स्वसै॒तुः ।  
 स क॒क्षीव॑न्तं रेजय॒त् सो अ॒ग्निं ने॑मिं न च॒क्रम॑र्वतो रघु॒द्रु १६  
 स द्वि॒बन्धु॑र्वै॒तर॑णो यष्टा॒ सब॑र्धु॒ धेनु॑म॒स्व दु॑ह॒ध्वै ।  
 सं यन्मि॒त्रावरु॑णा वृ॒ज्ज उ॒क्थैर्ज्यैष्ठै॑भिर्य॒मणं॑ वरू॒थैः १७  
 तद्व॑न्धुः सू॒रिर्दिवि॑ ते॒ धिय॑न्धा नाभा॒नेदि॑ष्ठो रपति॒ प्र वे॑नन् ।  
 सा नो॑ नाभिः॒ पर॑मास्य वा॒ घाऽहं॑ तत् प॒श्वा क॑तिथश्चि॒दास १८  
 इ॒यं मे॒ नाभि॑रि॒ह मे॒ स॒धस्थ॑मि॒मे मे॒ दे॒वा अ॒यम॑स्मि॒ सर्वः॑ ।  
 द्वि॒जा अ॒हं प्र॑थम॒जा ऋ॒तस्ये॑दं धे॒नुर॑दुह॒जाय॑माना १९

अधासु मन्द्रो अरतिर्विभावा ऽव स्यति द्विवर्तनिर्वनेषाट् ।  
 ऊर्ध्वा यच्छ्रेणिर्न शिशुर्दन् मुक्षू स्थिरं शैवृधं सूत माता २०  
 अधा गाव उपमातिं कनाया अनु श्वान्तस्य कस्य चित् परैयुः ।  
 श्रुधि त्वं सुद्रविणो नस्त्वं याळाश्वघ्नस्य वावृधे सूनृताभिः २१  
 अध त्वमिन्द्र विद्धयस्मान् महो राये नृपते वज्रबाहुः ।  
 रक्षा च नो मघोनः पाहि सूरिननेहसस्ते हरिवो अभिष्टौ २२  
 अध यद्राजाना गविष्टौ सरत् सरगयुः कारवै जरगयुः ।  
 विप्रः प्रेष्टुः स ह्येषां बभूव परा च वक्षदुत पर्षदेनान् २३  
 अधा न्वस्य जेन्यस्य पुष्टौ वृथा रेभन्त ईमहे तदू नु ।  
 सरगयुरस्य सूनुरश्चो विप्रश्चासि श्रवसश्च सातौ २४  
 युवोर्यदि सख्यायास्मे शर्धाय स्तोमं जुजुषे नमस्वान् ।  
 विश्वत्र यस्मिन्ना गिरः समीचीः पूर्वीव गातुर्दाशत् सूनृतायै २५  
 स गृणानो अब्दिर्देववानिति सुबन्धुर्नमसा सूक्तैः ।  
 वर्धदुक्थैर्वचोभिरा हि नूनं व्यध्वैति पर्यस उस्त्रियायाः २६  
 त ऊ षु णौ महो यजत्रा भूत देवास ऊतयै सजोषाः ।  
 ये वाजाँ अनयता वियन्तो ये स्था निचेतारो अमूराः २७

द्वितीयोऽध्यायः

। व० १-२४ ।

(६२) द्विषष्टितमं सूक्तम्

(१-११) एकादशर्चस्यास्य सूक्तस्य मानवो नाभानेदिष्ट ऋषिः । (१-६)  
 प्रथमादिषडृचां विश्वे देवा अङ्गिरसो वा, (७) सप्तम्या विश्वे देवाः, (८-११)  
 अष्टम्यादिचतसृणाञ्च सावर्णेर्दानस्तुतिर्देवताः । (१-४) प्रथमादिचतुर्भृचां जगती,  
 (५, ८, ९) पञ्चम्यष्टमीनवमीनामनुष्टुप्, (६-७) षष्ठीसप्तम्योः प्रगाथः (षष्ठ्या  
 बृहती, सप्तम्याः सतोबृहती), (१०) दशम्या गायत्री,

(११) एकादश्याश्च त्रिष्टुप् छन्दांसि

ये यज्ञेन दक्षिण्या समक्ता इन्द्रस्य सख्यममृतत्वमानुश ।  
 तेभ्यो भद्रमङ्गिरसो वो अस्तु प्रति गृष्णीत मानवं सुमेधसः १  
 य उदार्जन् पितरौ गोमयं वस्वृतेनाभिन्दन् परिवत्सरे वलम् ।  
 दीर्घायुत्वमङ्गिरसो वो अस्तु प्रति गृष्णीत मानवं सुमेधसः २

य ऋतेन सूर्यमारौहयन् दिव्यप्रथयन् पृथिवीं मातरं वि ।  
सुप्रजास्त्वमङ्गिरसो वो अस्तु प्रति गृभ्णीत मानवं सुमेधसः ३  
अयं नाभा वदति वल्गु वो गृहे देवपुत्रा ऋषयस्तच्छृणोतन ।  
सुब्रह्मण्यमङ्गिरसो वो अस्तु प्रति गृभ्णीत मानवं सुमेधसः ४  
विरूपास इदृषयस्त इद्रम्भीरवैपसः ।  
ते अङ्गिरसः सूनवस्ते अग्नेः परि जज्ञिरे ५  
ये अग्नेः परि जज्ञिरे विरूपासो दिवस्परि ।  
नवग्वो नु दशग्वो अङ्गिरस्तमः सचा देवेषु मंहते ६  
इन्द्रेण युजा निः सृजन्त वाघतो व्रजं गोमन्तमश्विनम् ।  
सहस्रं मे ददतो अष्टकुर्यश्ः श्रवो देवेष्वक्रत ७  
प्र नूनं जायतामयं मनुस्तोक्मैव रोहतु ।  
यः सहस्रं शताश्वं सद्यो दानाय मंहते ८  
न तमश्नोति कश्चन दिव इव सान्वारभम् ।  
सावर्ण्यस्य दक्षिणा वि सिन्धुरिव पप्रथे ९  
उत दासा परिविषे स्मद्दिष्टी गोपरीणसा । यदुस्तुर्वशं मामहे १०  
सहस्रदा ग्रामणीर्मा रिषन्मनुः सूर्येणास्य यतमानैतु दक्षिणा ।  
सार्वर्णेर्देवाः प्र तिरन्त्वायुर्यस्मिन्नश्रान्ता असनाम् वाजम् ११

(६३) त्रिषष्टितमं सूक्तम्

(१-१७) सप्तदशर्चस्यास्य सूक्तस्य प्लातो गय ऋषिः । (१-१४, १७)  
प्रथमादिचतुर्दशर्चा सप्तदश्याश्च विश्वे देवाः, (१५-१६) पञ्चदशीषोडश्योश्च  
पथ्यास्वस्तिर्देवताः । (१-१४) प्रथमादिचतुर्दशर्चा जगती, (१५) पञ्चदश्या  
त्रिष्टुब्जगती वा, (१६-१७) षोडशीसप्तदश्योश्च त्रिष्टुप् छन्दांसि  
प्रावतो ये दिधिषन्त आप्यं मनुप्रीतासो जनिमा विवस्वतः ।  
ययातेर्ये नहुष्यस्य बर्हिषि देवा आसते ते अधि ब्रुवन्तु नः १  
विश्वा हि वो नमस्यानि वन्द्या नामानि देवा उत यज्ञियानि वः ।  
ये स्थ जाता अदितेरुद्वस्परि ये पृथिव्यास्ते म इह श्रुता हवम् २  
येभ्यो माता मधुमत् पिन्वते पर्यः पीयूषं द्यौरदितिरद्रिबर्हाः ।  
उक्थशुष्मान् वृषभरान् त्वप्रसस्ताँ आदित्याँ अनु मदा स्वस्तये ३  
नृचक्षसो अर्निमिषन्तो अर्हणा बृहदेवासौ अमृतत्वमानशुः ।

ज्योतीर॑था अ॒हिमा॒या अ॒ना॒गसो दि॒वो व॒ष्मणं॑ वसते स्व॒स्तये॑ ४  
 स॒म्राजो॑ ये सु॒वृधौ॑ य॒ज्ञमा॒युरप॑रिहृता दधिरे दि॒वि क्षय॑म् ।  
 तां आ वि॒वास॒ नम॑सा सु॒वृक्ति॑भिर्म॒हो आ॒दि॒त्याँ अ॒दि॒तिं स्व॒स्तये॑ ५  
 को वः॑ स्तोमं राधति यं जुजोष॑थ वि॒श्वे दे॒वासो म॑नुषो यति॒ष्ठन॑ ।  
 को वोऽध्व॑रं तुविजा॒ता अ॒रं क॒रद् यो नः॑ पर्ष॒दत्य॑हः स्व॒स्तये॑ ६  
 येभ्यो॑ होत्रा प्रथ॒मामा॑येजे म॒नुः स॒मिद्धा॑ग्निर्म॒नसा॑ स॒प्त हो॑तृभिः ।  
 त आ॒दि॒त्या अ॒भयं॑ शर्म॒ यच्छ॑त सु॒गा नः॑ कर्त॒ सुप॑था स्व॒स्तये॑ ७  
 य ई॒शिरे॑ भुव॒नस्य॑ प्रचै॒तसो॑ वि॒श्वस्य॑ स्था॒तुर्ज॑गतश्च म॒न्तवः॑ ।  
 ते नः॑ कृ॒ताद॑कृ॒तादे॒नस॑स्प॒र्यद्या॑ दै॒वासः॑ पि॒पृता स्व॒स्तये॑ ८  
 भरे॑ष्विन्द्रं सु॒हव॑ हवामहे॒होमु॑चं सु॒कृतं॑ दै॒व्यं ज॑नम् ।  
 अ॒ग्निं मि॒त्रं वे॒रुणं॑ सा॒तये॑ भ॒गं द्या॒वापृ॑थि॒वी म॒रुतः॑ स्व॒स्तये॑ ९  
 सु॒त्रामा॑ण॒पृथि॒वीं द्या॒मने॒हसं॑ सु॒शमा॑ण॒मदि॑तिं सु॒प्रणी॑तिम् ।  
 दै॒वीं ना॒वं स्व॒रित्रा॑म॒ना॒गस॑म॒स्त्रेव॑न्ती॒मा रु॑हे॒मा स्व॒स्तये॑ १०  
 वि॒श्वे य॑जत्रा अ॒धि वो॑च॒तोत॑ये त्राय॒ध्वं नो॑ दु॒रेवा॑या अ॒भिहु॑तः ।  
 स॒त्यया॑ वो दे॒वहू॑त्या हुवे॒म शृ॑ण॒वतो॑ दै॒वा अ॒र्वसे॑ स्व॒स्तये॑ ११  
 अ॒पामी॑वा॒मप॑ वि॒श्वाम॑ना॒हुति॑मपा॒राति॑ दु॒र्वि॒दत्रा॑म॒घाय॑तः ।  
 आ॒रे दै॒वा द्वे॒षो अ॒स्मद्दु॑यो॒तनो॑रु॒णः शर्म॑ यच्छ॒ता स्व॒स्तये॑ १२  
 अ॒रि॒ष्टः स म॑र्तो वि॒श्वे ए॒धते॑ प्र प्र॒जाभि॑र्जायते ध॒र्म॒णस्प॑रि ।  
 यमा॑दि॒त्यासो॑ नय॒था सु॒नी॒तिभि॑रति वि॒श्वानि॑ दु॒रिता॑ स्व॒स्तये॑ १३  
 यं दै॒वासो॑ऽर्व॒थ वा॒जसा॑तौ यं शू॒रसा॑ता म॒रुतो॑ हि॒ते ध॑नै ।  
 प्रा॒त॒र्यावा॑णं रथ॒मिन्द्र॑ सा॒न॒सिम॑रि॒ष्यन्त॑मा रु॒हे॒मा स्व॒स्तये॑ १४  
 स्व॒स्ति नः॑ प॒थ्या॑सु ध॒न्व॑सु स्व॒स्त्य॑प्सु वृ॒जने॑ स्व॒र्वति॑ ।  
 स्व॒स्ति नः॑ पु॒त्रकृ॑थेषु यो॒निषु॑ स्व॒स्ति रा॒ये म॑रुतो दधा॒तन॑ १५  
 स्व॒स्तिरि॒द्धि प्र॑प॒थे श्रे॑ष्ठा रे॒क्का॑स्व॒त्यभि॑ या वा॒ममे॑ति ।  
 सा नो॑ अ॒मा सो अ॒र॒णे नि॑ पा॒तु स्वा॑वे॒शा भ॑वतु दे॒वगो॑पा १६  
 ए॒वा प्ल॑तेः सू॒नुर॑वीवृ॒धद्वो॑ वि॒श्वे आ॒दि॒त्या अ॒दि॒ते म॑नी॒षी ।  
 ई॒शा॒नासो॑ नरो॒ अ॒मर्त्ये॑नाऽस्ता॒वि ज॑नो दि॒व्यो ग॑ये॒न १७

(६४) चतुःषष्टितमं सूक्तम्

(१-१७) सप्तदशर्चस्यास्य सूक्तस्य प्लातो गय ऋषिः । विश्वे देवा देवताः ।

(१-११, १३-१५) प्रथमाद्येकादशर्चा त्रयोदश्यादितृचस्य च जगती, (१२, १६-  
१७) द्वादशीषोडशीसप्तदशीनाञ्च त्रिष्टुप् छन्दसी  
कथा देवानां कतमस्य यामनि सुमन्तु नाम शृण्वतां मनामहे ।  
को मृळाति कतमो नो मयस्करत् कतम ऊती अभ्या ववर्तति १  
क्रतूयन्ति क्रतवो हत्सु धीतयो वेनन्ति वेनाः पतयन्त्या दिशः ।  
न मर्दिता विद्यते अन्य एभ्यो देवेषु मे अधि कामा अयंसत २  
नरा वा शंसं पूषणमगौह्यमग्निं देवेद्धमभ्यर्चसे गिरा ।  
सूर्यामासा चन्द्रमसा यमं दिवि त्रितं वार्तमुषसं मत्तुमश्विनां ३  
कथा कविस्तुवीरवान् कया गिरा बृहस्पतिर्वावृधते सुवृत्तिभिः ।  
अज एकपात् सुहवैभिर्भृक्वभिरहिः शृणोतु बुध्योर्हवीमनि ४  
दक्षस्य वादिते जन्मनि वृते राजाना मित्रावरुणा विवाससि ।  
अतूर्तपन्थाः पुरुरथौ अर्यमा सप्तहोता विषुरूपेषु जन्मसु ५  
ते नो अर्वन्तो हवनश्रुतो हवं विश्वे शृण्वन्तु वाजिनो मितद्रवः ।  
सहस्रसा मेधसाताविव त्मना महो ये धनं समिथेषु जग्निरे ६  
प्र वो वायुं रथयुजं पुरंधिं स्तोमैः कृणुध्वं सख्याय पूषणम् ।  
ते हि देवस्य सवितुः सर्वामनि क्रतुं सचन्ते सचितुः सचेतसः ७  
त्रिः सप्त सस्त्रा नद्यो महीरपो वनस्पतीन् पर्वतां अग्निमूतयै ।  
कृशानुमस्तृन् तिष्यं सधस्थ आ रुद्रं रुद्रेषु रुद्रियं हवामहे ८  
सरस्वती सरयुः सिन्धुरूर्मिभिर्महो महीरवसा यन्तु वक्षणीः ।  
देवीरापो मातरः सूदयित्वौ घृतवत् पयो मधुमन्नो अर्चत ९  
उत माता बृहद्दिवा शृणोतु नस्त्वष्टा देवेभिर्जनिभिः पिता वचः ।  
अभुक्षा वाजो रथस्पतिर्भगौ रणवः शंसः शशमानस्य पातु नः १०  
रणवः संदृष्टौ पितुमां इव क्षयो भद्रा रुद्राणां मरुतामुपस्तुतिः ।  
गोभिः प्याम यशसो जनेष्वा सदा देवास इळ्या सचेमहि ११  
यां मे धियं मरुत इन्द्र देवा अर्ददात वरुण मित्र यूयम् ।  
तां पीपयत पर्यसेव धेनुं कुविद्भिरो अधि रथे वर्हाथ १२  
कुविद्भिर् प्रति यथा चिदस्य नः सजात्यस्य मरुतो बुबौधथ ।  
नाभा यत्र प्रथमं संनसामहे तत्र जामित्वमदितिर्दधातु नः १३  
ते हि द्यावापृथिवी मातरा मही देवी देवाञ्जन्मना यज्ञिये इतः ।  
उभे बिभृत उभयं भरीमभिः पुरू रतांसि पितृभिश्च सिञ्चतः १४

वि षा होत्रा विश्वमश्नोति वार्यं बृहस्पतिररमतिः पनीयसी ।  
 ग्रावा यत्र मधुषुदुच्यते बृहदवीवशन्त मतिभिर्मनीषिणः १५  
 एवा कविस्तुवीरवाँ ऋतज्ञा द्रविणस्युर्द्रविणसश्चकानः ।  
 उक्थेभिरत्र मतिभिश्च विप्रो ऽपीपयद्रयौ दिव्यानि जन्म १६  
 एवा प्लतेः सूनुरवीवृधद्वो विश्व आदित्या अदिते मनीषी ।  
 ईशानासो नरो अमर्त्येनाऽस्तावि जनौ दिव्यो गयेन १७

(६५) पञ्चषष्टितमं सूक्तम्

(१-१५) पञ्चदशर्चस्यास्य सूक्तस्य वासुक्रो वसुकर्ण ऋषिः । विश्वे देवा देवताः ।

(१-१४) प्रथमादिचतुर्दशर्चा जगती, (१५) पञ्चदश्याश्च त्रिष्टुप् छन्दसी  
 अग्निरिन्द्रो वरुणो मित्रो अर्यमा वायुः पूषा सरस्वती सजोषसः ।  
 आदित्या विष्णुर्मरुतः स्वर्बृहत् सोमो रुद्रो अदितिर्ब्रह्मणस्पतिः १  
 इन्द्राग्नी वृत्रहत्येषु सत्पती मिथो हिन्वाना तन्वाँ समौकसा ।  
 अन्तरिक्षं मह्या पर्प्ररोजसा सोमो घृतश्रीर्महिमानमीरयन् २  
 तेषां हि मुह्य मंहतामनर्वणां स्तोमाँ इर्यमृतज्ञा ऋतावृधाम् ।  
 ये अप्सवमर्णवं चित्रराधसस्ते नो रासन्तां महये सुमित्र्याः ३  
 स्वर्णरमन्तरिक्षाणि रोचना द्यावाभूमी पृथिवीं स्कम्भुरोजसा ।  
 पृक्षा इव महयन्तः सुरातयो देवाः स्तवन्ते मनुषाय सूरयः ४  
 मित्राय शिञ्ज वरुणाय दाशुषे या सम्राजा मनसा न प्रयुच्छतः ।  
 ययोर्धाम धर्मणा रोचते बृहद् ययोरुभे रोदसी नाधसी वृताँ ५  
 या गौर्वर्तनिं पर्येति निष्कृतं पयो दुहाना व्रतनीरवारतः ।  
 सा प्रब्रुवाणा वरुणाय दाशुषे देवेभ्यो दाशद्धविषा विवस्वते ६  
 दिवक्षसो अग्निजिह्वा ऋतावृध ऋतस्य योनिं विमृशन्त आसते ।  
 द्यां स्कभित्व्यश्प आ चक्रुरोजसा यज्ञं जनिन्त्वी तन्वीँ नि मामृजुः ७  
 परिक्षिता पितरो पूर्वजावरी ऋतस्य योनां क्षयतः समौकसा ।  
 द्यावापृथिवी वरुणाय सव्रते घृतवत् पयो महिषाय पिन्वतः ८  
 पर्जन्यावाता वृषभा पुरीषिणैन्द्रवायू वरुणो मित्रो अर्यमा ।  
 देवाँ आदित्याँ अदितिं हवामहे ये पार्थिवासो दिव्यासो अप्सु ये ९  
 त्वष्टारं वायुर्मभवो य ओहते दैव्या होतारा उषसं स्वस्तये ।  
 बृहस्पतिं वृत्रखादं सुमेधसमिन्द्रियं सोमं धनुसा उ ईमहे १०



ब्रह्म गामश्च ज॒नय॑न्त॒ ओष॑धीर्व॒नस्पती॑न् पृथि॒वीं पर्व॑ताँ अ॒पः ।  
सूर्यं दि॒वि रो॒हय॑न्तः सु॒दान॑न् आ॒र्या वृ॒ता वि॑सृजन्तो अ॒धि क्ष॑मि ११  
भु॒ज्युम॑हंसः पिपृथो निर॑श्विना॒ श्याव॑ पु॒त्रं व॑ध्निम॒त्या अ॑जिन्वतम् ।  
क्व॒मद्यु॑र्व वि॒मदा॑योहथु॒र्युव॑ं वि॒ष्णाप्व॑ं वि॒श्वका॑याव॒ सृज॑थः १२  
पा॒वीर॑वी तन्यतु॒रेक॑पाद॒जो दि॒वो ध॒र्तो सि॑न्धुरा॒पः स॒मुद्रि॑यः ।  
वि॒श्वे दे॒वासः शृ॑णव॒न् वचा॑सि मे॒ सर॑स्वती स॒ह धी॑भिः पु॒रंध्या १३  
वि॒श्वे दे॒वाः स॒ह धी॑भिः पु॒रंध्या॑ म॒नोर्य॑जत्रा अ॒मृता॑ ऋ॒तज्ञाः॑ ।  
रा॒तिषा॑चो॒ अभि॑षाचः स्व॒र्विदः॑ स्व॒र्गिरो॒ ब्रह्म॑ सू॒क्तं जु॑षेरत १४  
दे॒वान् वसि॑ष्ठो अ॒मृता॑न् वव॒न्दे ये वि॒श्वा भु॑व॒नाभि॑ प्र॒तस्थुः॑ ।  
ते नो॑ रा॒सन्ता॑मु॒रुगा॑य॒मद्य॑ यू॒यं पा॑त स्व॒स्तिभिः॑ सदा॑ नः १५

(६६) षट्षष्टितमं सूक्तम्

(१-१५) पञ्चदशर्चस्यास्य सूक्तस्य वासुक्रो वसुकर्ण ऋषिः । विश्वे देवा देवताः ।

(१-१४) प्रथमादिचतुर्दशर्चा जगती, (१५) पञ्चदश्याश्च त्रिष्टुप् छन्दसी  
दे॒वान् हु॑वे बृ॒हच्छ्र॑वसः स्व॒स्तये॑ ज्योति॒ष्कृतौ॑ अ॒ध्वर॑स्य प्र॒चैत॑सः ।  
ये वा॑वृ॒धुः प्र॑तरं वि॒श्ववे॑दस इन्द्र॒ज्येष्ठा॑सो अ॒मृता॑ ऋ॒तावृ॑धः १  
इन्द्र॑प्रसू॒ता वरु॑णप्रशिष्टा ये सूर्यस्य ज्योति॒षो भा॒गमा॑नु॒शुः ।  
म॒रुद्ग॑णे वृ॒जने॒ मन्म॑ धीमहि माघो॒ने य॒ज्ञं ज॑नयन्त सूर॒यः २  
इन्द्रो॑ वसु॒भिः परि॑ पातु नो ग॒यमा॑दित्यै॒र्नो अ॑दि॒तिः श॑र्म यच्छतु ।  
रु॒द्रो रु॒द्रेभि॑र्दे॒वो मृ॑ळयाति न॒स्त्वष्टा॑ नो ग्रा॒भिः सु॒वि॒ताय॑ जिन्वतु ३  
अ॒दि॒तिर्द्या॑वापृथि॒वी ऋ॒तं म॒हदिन्द्रा॑वि॒ष्णू म॒रुतः॑ स्व॒र्बृ॑हत् ।  
दे॒वाँ आ॑दि॒त्याँ अ॒वसे॑ हवामहे वसू॒न् रु॒द्रान् त्स॑वि॒तार॑ सु॒दंस॑सम् ४  
सर॑स्वान् धी॒भिर्वरु॑णो धृ॒तव॑तः पू॒षा वि॒ष्णुर्म॑हिमा वा॒युर॑श्विना ।  
ब्र॒ह्मकृ॑तौ अ॒मृता॑ वि॒श्ववे॑दसः श॑र्म नो यंसन् त्रि॒वरू॑थम॒हंसः॑ ५  
वृषा॑ य॒ज्ञो वृ॑षणः सन्तु य॒ज्ञिया॑ वृष॒णो दे॒वा वृ॑षणो हवि॒ष्कृतः॑ ।  
वृष॑णा द्यावापृथि॒वी ऋ॒ताव॑री वृषा॑ प॒र्जन्यो॑ वृष॒णो वृ॑षस्तु॒भः ६  
अ॒ग्नीषो॑मा वृष॑णा वा॒जसा॑तये पुरुप्रशस्ता वृष॑णा उप॒ब्रु॒वे ।  
या॒वीजि॑रे वृष॒णो दे॒वय॑ज्यया ता नः श॑र्म त्रि॒वरू॑थं वि॒र्य॑सतः ७  
धृ॒तव॑ताः क्ष॒त्रिया॑ य॒ज्ञनि॑ष्कृतौ बृहद्दि॒वा अ॒ध्वरा॑णाम॒भिश्चि॑र्यः ।  
अ॒ग्निहो॑तार ऋ॒तसा॑पो अ॒द्भुहो॑ ऽपो अ॒सृज॑न्ननु वृ॒त्रतू॑र्यै ८

द्यावापृथिवी जनयन्नभि वृता ऽऽप ओषधीर्विनानि यज्ञिया ।  
 अन्तरिक्षं स्वर्गं पप्रुतये वशं देवासस्तन्वीरं नि मामृजुः ६  
 धर्तारो दिव ऋभवं सुहस्ता वातापर्जन्या महिषस्य तन्यतोः ।  
 आप ओषधीः प्र तिरन्तु नो गिरो भगौ रातिर्वाजिनौ यन्तु मे हवम् १०  
 समुद्रः सिन्धु रजौ अन्तरिक्षमज एकपात् तनयितुरर्णवः ।  
 अहिर्बुध्न्यः शृणवद्वचांसि मे विश्वे देवास उत सूरयो मम ११  
 स्याम वो मनवो देववीतये प्राञ्च नो यज्ञं प्र णयत साधुया ।  
 आदित्या रुद्रा वसवः सुदानव इमा ब्रह्म शस्यमानानि जिन्वत १२  
 दैव्या होतारा प्रथमा पुरोहित ऋतस्य पन्थामन्वेमि साधुया ।  
 क्षेत्रस्य पतिं प्रतिवेशमीमहे विश्वान् देवाँ अमृताँ अप्रयुच्छतः १३  
 वसिष्ठासः पितृवद्वाचमक्रत देवाँ ईळाना ऋषिवत् स्वस्तये ।  
 प्रीता इव ज्ञातयः काममेत्याऽस्मे देवासोऽव धूनुता वसु १४  
 देवान् वसिष्ठो अमृतान् ववन्दे ये विश्वा भुवनाभि प्रतस्थुः ।  
 ते नो रासन्तामुरुगायमद्य यूयं पात स्वस्तिभिः सदा नः १५

(६७) सप्तषष्ठितमं सूक्तम्

(१-१२) द्वादशर्चस्यास्य सूक्तस्याङ्गिरसोऽयास्य ऋषिः । बृहस्पतिर्देवता ।

त्रिष्टुप् छन्दः

इमां धियं सप्तशीर्ष्णीं पिता न ऋतप्रजातां बृहतीमविन्दत् ।  
 तुरीयं स्वजनयद्विश्वजन्यो ऽयास्य उक्थमिन्द्राय शंसन् १  
 ऋतं शंसन्त ऋजु दीध्याना दिवस्पुत्रासो असुरस्य वीराः ।  
 विप्रं पदमङ्गिरसो दधाना यज्ञस्य धामं प्रथमं मनन्त २  
 हंसैरिव सखिभिर्वावदद्भिरश्मन्मयानि नहन्ता व्यस्यन् ।  
 बृहस्पतिरभिकर्निक्रदद्वा उत प्रास्तौदुच्चं विद्वाँ अगायत् ३  
 अवो द्वाभ्यां पर एकया गा गुहा तिष्ठन्तीरनृतस्य सेतौ ।  
 बृहस्पतिस्तमसि ज्योतिरिच्छन्नुदुस्त्रा आकर्वि हि तिस्र आवः ४  
 विभिद्या पुरं शयथेमपाचीं निस्त्रीणि साकमुदधेरकृन्तत् ।  
 बृहस्पतिरुषसं सूर्यं गामर्कं विवेद स्तनयन्निव द्यौः ५  
 इन्द्रो वलं रक्षितारं दुर्धानां करेणैव वि चकर्ता रवेण ।  
 स्वेदाञ्जिभिराशिरमिच्छमानो ऽरौदयत् पणिमा गा अमुष्णात् ६

स ई सत्येभिः सखिभिः शचद्भिर्गोधांसं वि धनसैरददः ।  
 ब्रह्मणस्पतिर्वृषभिर्वराहैर्धर्मस्वैदेभिर्द्रविणं व्यानत् ७  
 ते सत्येन मनसा गोपतिं गा इयानासं इषणयन्त धीभिः ।  
 बृहस्पतिर्मिथोअवद्यपेभिरुदुस्त्रिया असृजत स्वयुग्भिः ८  
 तं वर्धयन्तो मतिभिः शिवाभिः सिंहमिव नानदतं सधस्थै ।  
 बृहस्पतिं वृषणं शूरसातौ भरेभरे अनु मदेम जिष्णुम् ९  
 यदा वाजमसंनद्विश्वरूपमा द्यामरुद्भुततराणि सद्य ।  
 बृहस्पतिं वृषणं वर्धयन्तो नाना सन्तो बिभ्रतो ज्योतिरासा १०  
 सत्यामाशिषं कृणुता वयोधै कीरिं चिद्धयवथ स्वेभिरेवैः ।  
 पश्चा मृधो अप भवन्तु विश्वास्तद्रौदसी शृणुतं विश्वमिन्वे ११  
 इन्द्रो मृहा महतो अणवस्य वि मूर्धानमभिनदर्बुदस्य ।  
 अहन्नहिमरिणात् सप्त सिन्धून् देवैर्द्यावापृथिवी प्रावतं नः १२

(६८) अष्टषष्टितमं सूक्तम्

(१-१२) द्वादशर्चस्यास्य सूक्तस्याङ्गिरसोऽयास्य ऋषिः । बृहस्पतिर्देवता ।

त्रिष्टुप् छन्दः

उदप्रुतो न वयो रक्षमाणा वावदतो अभ्रियस्येव घोषाः ।  
 गिरिभ्रजो नोर्मयो मदन्तो बृहस्पतिमभ्यर्का अनावन् १  
 सं गोभिराङ्गिरसो नक्षमाणो भग इवेदर्यमणं निनाय ।  
 जनै मित्रो न दंपती अनक्ति बृहस्पते वाजयाशूरिवाजौ २  
 साध्वर्या अतिथिनीरिषिराः स्पार्हाः सुवर्णा अनवद्यरूपाः ।  
 बृहस्पतिः पर्वतेभ्यो वितूर्या निर्गा ऊपे यवमिव स्थिविभ्यः ३  
 आप्रुषायन् मधुन अतस्य योनिमवक्षिपन्नर्क उल्कामिव द्योः ।  
 बृहस्पतिरुद्धरन्नश्मनो गा भूम्या उदनेव वि त्वचं बिभेद ४  
 अप ज्योतिषा तमो अन्तरिक्षादुदनः शीपालमिव वार्त आजत् ।  
 बृहस्पतिरनुमृश्या वलस्याऽभ्रमिव वात आ चक्र आ गाः ५  
 यदा वलस्य पीयतो जसुं भेद बृहस्पतिरग्नितपोभिरकैः ।  
 दुद्भिर्न जिह्वा परिविष्टमाददाविर्निर्धीरैकृणोदुस्त्रियाणाम् ६  
 बृहस्पतिरमत हि त्यदासां नाम स्वरीणां सदेने गुहा यत् ।  
 आणडेव भित्त्वा शकुनस्य गर्भमुदुस्त्रियाः पर्वतस्य त्मनाजत् ७

अश्नापिनद्धं मधु पर्यपश्यन्मत्स्यं न दीन उदनि क्षियन्तम् ।  
 निष्टज्जभार चमसं न वृक्षाद् बृहस्पतिर्विरवेणा विकृत्य ८  
 सोषामविन्दत् स स्वः सो अग्निं सो अर्केण वि बबाधे तमांसि ।  
 बृहस्पतिर्गोवपुषो वलस्य निर्मज्जानं न पर्वणो जभार ९  
 हिमेव पर्णा मुषिता वनानि बृहस्पतिनाकृपयद्बलो गाः ।  
 अनानुकृत्यमपुनश्चकार यात् सूर्यामासा मिथ उच्चरातः १०  
 अभि श्यावं न कृशनेभिरश्वं नक्षत्रेभिः पितरो द्यामपिंशन् ।  
 रात्र्यां तमो अर्धज्योतिरहन् बृहस्पतिर्भिनदद्रिं विदद्वाः ११  
 इदमकर्म नमो अभियाय यः पूर्वीरन्वानोनवीति ।  
 बृहस्पतिः स हि गोभिः सो अश्वैः स वीरेभिः स नृभिर्नो वयौ धात् १२  
 षष्ठोऽनुवाकः  
 । सू० ६६-८४ ।

(६६) एकोनसप्ततितमं सूक्तम्

(१-१२) द्वादशर्चस्यास्य सूक्तस्य वाध्यश्वः सुमित्र ऋषिः । अग्निर्देवता । (१-२)  
 प्रथमाद्वितीययोर्ऋचोर्जगती, (३-१२) तृतीयादिदशानाञ्च त्रिष्टुप् छन्दसी  
 भद्रा अग्नेर्वध्र्यश्वस्य संदृशौ वामी प्रणीतिः सुरणा उपैतयः ।  
 यदी सुमित्रा विशो अग्र इन्धतै घृतेनाहुतो जरते दर्विद्युतत् १  
 घृतमग्नेर्वध्र्यश्वस्य वर्धनं घृतमन्नं घृतम्वस्य मेदनम् ।  
 घृतेनाहुत उर्विया वि पप्रथे सूर्य इव रोचते सर्पिरासुतिः २  
 यत् ते मनुर्यदनीकं सुमित्रः समीधे अग्ने तदिदं नवीयः ।  
 स रेवच्छौच स गिरौ जुषस्व स वाजं दर्षि स इह श्रवौ धाः ३  
 यं त्वा पूर्वमीळितो वध्र्यश्वः समीधे अग्ने स इदं जुषस्व ।  
 स नः स्तिपा उत भवा तनूपा दात्रं रक्षस्व यदिदं तै अस्मे ४  
 भवा द्युम्नी वाध्र्यश्वोत गोपा मा त्वा तारीदभिमातिर्जनानाम् ।  
 शूर इव धृष्णश्चयवनः सुमित्रः प्र नु वोचं वाध्र्यश्वस्य नाम ५  
 समज्या पर्वत्याः वसूनि दासा वृत्राणयार्या जिगेथ ।  
 शूर इव धृष्णश्चयवनो जनानां त्वमग्ने पृतनार्यूरभि ष्याः ६  
 दीर्घतन्तुर्बृहदुक्षायमग्निः सहस्रस्तरीः शतनीथ ऋभवा ।  
 द्युमान् द्युमत्सु नृभिर्मृज्यमानः सुमित्रेषु दीदयो देवयत्सु ७

त्वे धेनुः सुदुघा जातवेदो ऽसश्चतैव समना संबर्धुक् ।  
 त्वं नृभिर्दक्षिणावद्धिरग्रे सुमित्रेभिरिध्यसे देवयद्धिः ८  
 देवाश्चित् ते अमृता जातवेदो महिमानं वाधयश्च प्र वोचन् ।  
 यत् संपृच्छं मानुषीर्विश आयन् त्वं नृभिरजयस्त्वार्धेभिः ९  
 पितेर्व पुत्रमबिभरुपस्थे त्वामग्रे वधयश्चः संपर्यन् ।  
 जुषाणो अस्य समिधं यविष्ठोत पूर्वां अवनोर्बार्धतश्चित् १०  
 शश्वदग्निर्वधयश्चस्य शत्रून् नृभिर्जिगाय सुतसोमवद्धिः ।  
 समनं चिददहश्चित्रभानो ऽव बार्धन्तमभिनद्वधश्चित् ११  
 अयमग्निर्वधयश्चस्य वृत्रहा सनकात् प्रेद्धो नमसोपवाक्यः ।  
 स नो अजामीरुत वा विजामीनभि तिष्ठ शर्धतो वाधयश्च १२

(७०) सप्ततितमं सूक्तम्

(१-११) एकादशर्चस्यास्य सूक्तस्य वाध्यश्चः सुमित्र ऋषिः । (१) प्रथमर्च इध्मः  
 समिद्धो वाग्निः, (२) द्वितीयाया नराशंसः, (३) तृतीयाया इळः, (४) चतुर्थ्या  
 बर्हिः, (५) पञ्चम्या देवीद्वारः, (६) षष्ठ्या उषासानक्ता, (७) सप्तम्या दैव्यौ  
 होतारौ प्रचेतसौ, (८) अष्टम्यास्तिस्रो देव्यः सरस्वतीळाभारत्यः, (९)  
 नवम्यास्त्वष्टा, (१०) दशम्या वनस्पतिः, (११) एकादश्याश्च स्वाहाकृतयो  
 देवताः । त्रिष्टुप् छन्दः

इमां मे अग्रे समिधं जुषस्वेळस्पदे प्रति हर्या घृताचीम् ।  
 वर्ष्मन् पृथिव्याः सुदिनत्वे अह्नामूर्ध्वो भव सुक्रतो देवयुज्या १  
 आ देवानामग्रावेह यातु नराशंसो विश्वरूपेभिरश्वैः ।  
 अतस्य पथा नमसा मियेधौ देवेभ्यो देवतमः सुषूदत् २  
 शश्वत्तममीळते दूत्याय हविष्मन्तो मनुष्यासो अग्निम् ।  
 वहिष्ठैरश्वैः सुवृता रथेना ऽऽ देवान् वक्षि नि षदेह होता ३  
 वि प्रथतां देवर्जुष्टं तिरश्चा दीर्घं द्राघ्मा सुरभि भूत्वस्मे ।  
 अहैळता मनसा देव बर्हिरिन्द्रज्येष्ठां उशतो यक्षि देवान् ४  
 दिवो वा सानु स्पृशता वरीयः पृथिव्या वा मात्रया वि श्रयध्वम् ।  
 उशतीद्वारो महिना महद्भिर्देवं रथं रथयुर्धारयध्वम् ५  
 देवी दिवो दुहितरा सुशिल्पे उषासानक्ता सदतां नि योनौ ।  
 आ वा देवास उशती उशन्त उरौ सीदन्तु सुभगे उपस्थे ६

ऊर्ध्वो ग्रावा बृहदग्निः समिद्धः प्रिया धामान्यदितेरुपस्थै ।  
 पुरोहितावृत्विजा यज्ञे अस्मिन् विदुष्टरा द्रविणमा यजेथाम् ७  
 तिस्रो देवीर्बर्हिरिदं वरीय आ सीदत चक्रमा वः स्योनम् ।  
 मनुष्वद्यज्ञं सुधिता हवींषीळा देवी घृतपदी जुषन्त ८  
 देवे त्वष्टर्यद्ध चारुत्वमानड्यदङ्गिरसामभवः सचाभूः ।  
 स देवानां पाथ उप प्र विद्वानुशन् यक्षि द्रविणोदः सुरतः ९  
 वनस्पते रशनया न्यूया देवानां पाथ उप वक्षि विद्वान् ।  
 स्वदाति देवः कृण्वद्धवींष्यवतां द्यावापृथिवी हव मे १०  
 आग्ने वह वरुणमिष्टये न इन्द्र दिवो मरुतो अन्तरिक्षात् ।  
 सीदन्तु बर्हिर्विश्व आ यजत्राः स्वाहा देवा अमृता मादयन्ताम् ११

(७१) एकसप्ततितमं सूक्तम्

(१-११) एकादशर्चस्यास्य सूक्तस्याङ्गिरसो बृहस्पतिर्ऋषिः । ज्ञानं देवता । (१-  
 ८, १०-११) प्रथमाद्यष्टर्चा दशम्येकादश्योश्च त्रिष्टुप्, (९) नवम्याश्च जगती छन्दसी  
 बृहस्पते प्रथमं वाचो अग्रं यत् प्रैरत नामधेयं दधानाः ।  
 यदैषां श्रेष्ठं यदरिप्रमासीत् प्रेणा तदैषां निहितं गुहाविः १  
 सक्तुमिव तितउना पुनन्तो यत्र धीरा मनसा वाचमक्रत ।  
 अत्रा सखायः सख्यानि जानते भद्रैषां लक्ष्मीर्निहिताधि वाचि २  
 यज्ञेन वाचः पदवीर्यमायन् तामन्वविन्दन्नृषिषु प्रविष्टाम् ।  
 तामाभृत्या व्यदधुः पुरुत्रा तां सप्त रेभा अभि सं नवन्ते ३  
 उत त्वः पश्यन् न ददर्श वाचमुत त्वः शृण्वन् न शृणोत्येनाम् ।  
 उतो त्वस्मै तन्वंश् वि संस्त्रे जायैव पत्य उशती सुवासाः ४  
 उत त्वं सख्ये स्थिरपीतमाहुर्नैनं हिन्वन्त्यपि वाजिनेषु ।  
 अधेन्वा चरति माययैष वाचै शुश्रुवाँ अफलामपुष्पाम् ५  
 यस्तित्यार्ज सचिविदं सखायं न तस्य वाच्यर्पि भागो अस्ति ।  
 यदीं शृणोत्यलकं शृणोति नहि प्रवेद सुकृतस्य पन्थाम् ६  
 अक्षरवन्तः कर्णवन्तः सखायो मनोजवेष्वसमा बभूवुः ।  
 आद्घ्रास उपकक्षास उ त्वे हृदा इव स्नात्वा उ त्वे ददृशे ७  
 हृदा तृष्टेषु मनसो जवेषु यद्ब्राह्मणाः संयजन्ते सखायः ।  
 अत्राह त्वं वि जहुर्वेद्याभिरोहब्रह्माणो वि चरन्त्यु त्वे ८

इमे ये नार्वाङ्गिन पुरश्चरन्ति न ब्राह्मणासो न सुतेकरासः ।  
त एते वार्चमभिपद्य पापया सिरीस्तन्त्रं तन्वते अप्रजज्ञयः ६  
सर्वे नन्दन्ति यशसागतेन सभासाहेन सख्या सखायः ।  
क्विल्विषस्पृत् पितुषणिह्येषामरं हितो भवति वाजिनाय १०  
ऋचां त्वः पोषमास्ते पुपुष्वान् गायत्रं त्वो गायति शक्वरीषु ।  
ब्रह्मा त्वो वदति जातविद्यां यज्ञस्य मात्रां वि मिमीत उ त्वः ११  
तृतीयोऽध्यायः

। व० १-२८ ।

(७२) द्विसप्ततितमं सूक्तम्

(१-६) नवर्चस्यास्य सूक्तस्य लौक्य आङ्गिरसो वा बृहस्पतिर्ऋषिर्दक्षायणी अदि-  
तिर्वा ऋषिका । देवा देवताः । अनुष्टुप् छन्दः

देवानां नु वयं जाना प्र वौचाम विपुन्यया ।  
उक्थेषु शस्यमानेषु यः पश्यादुत्तरे युगे १  
ब्रह्मणस्पतिरेता सं कुमरं इवाधमत् ।  
देवानां पूर्व्ये युगे ऽसतुः सदजायत २  
देवानां युगे प्रथमे ऽसतुः सदजायत ।  
तदाशा अन्वजायन्त तदुत्तानपदस्परि ३  
भूर्जज्ञ उत्तानपदो भुव आशा अजायन्त ।  
अदितेर्दक्षो अजायत दक्षाददितिः परि ४  
अदितिर्ह्यजनिष्ट दक्ष या दुहिता तव ।  
तां देवा अन्वजायन्त भद्रा अमृतबन्धवः ५  
यद्देवा अदः सलिले सुसंरब्धा अतिष्ठत ।  
अत्रा वो नृत्यतामिव तीव्रो रेणुरपायत ६  
यद्देवा यतयो यथा भुवनान्यपिन्वत ।  
अत्रा समुद्र आ गूळहमा सूर्यमजभर्तन ७  
अष्टौ पुत्रासो अदितेर्ये जातास्तन्वश्स्परि ।  
देवाँ उप प्रैत् सप्तभिः परा मार्ताण्डमास्यत् ८  
सप्तभिः पुत्रैरदितिरुप प्रैत् पूर्व्य युगम् ।  
प्रजायै मृत्यवै त्वत् पुनर्मार्ताण्डमाभरत् ९

(७३) त्रिसप्ततितमं सूक्तम्

(१-११) एकादशर्चस्यास्य सूक्तस्य शाक्त्यो गौरिवीतिर्ऋषिः । इन्द्रो देवता ।

त्रिष्टुप् छन्दः

जनिष्ठा उग्रः सहसे तुराय मन्द्र ओजिष्ठो बहुलाभिमानः ।  
 अवर्धन्निन्द्रं मरुतश्चिदत्र माता यद्वीरं दधनद्धनिष्ठा १  
 द्रुहो निषत्ता पृशनी चिदेवैः पुरु शंसैन वावृधुष्ट इन्द्रम् ।  
 अभीवृतेव ता महापदेन ध्वान्तात् प्रपित्वादुदरन्त गर्भाः २  
 ऋष्वा ते पादा प्र यज्जिगास्यवर्धन् वाजा उत ये चिदत्र ।  
 त्वमिन्द्र सालावृकान् त्सहस्रमासन् दधिषे अश्विना ववृत्याः ३  
 समुना तूर्णिरुप यासि यज्ञमा नासत्या सख्याय वक्षि ।  
 वसाव्यामिन्द्र धारयः सहस्रा ऽश्विना शूर ददतुर्मृगानि ४  
 मन्दमान ऋतादधि प्रजायै सखिभिरिन्द्र इषिरेभिरथम् ।  
 आभिर्हि माया उप दस्युमागान्मिहः प्र त्म्रा अवपत् तमांसि ५  
 सनामाना चिद्ध्वसयो न्यस्मा अवाहन्निन्द्र उषसो यथानः ।  
 ऋष्वैरगच्छः सखिभिर्निकामैः साकं प्रतिष्ठा हृद्या जघन्थ ६  
 त्वं जघन्थ नमुचिं मखस्युं दासं कृण्वान ऋषये विमायम् ।  
 त्वं चकर्थ मनवे स्योनान् पथो देवत्राञ्जसेव यानान् ७  
 त्वमेतानि पप्रिषे वि नामेशान इन्द्र दधिषे गर्भस्तौ ।  
 अनु त्वा देवाः शर्वसा मदन्त्युपरिबुधान् वनिनश्चकर्थ ८  
 चक्रं यदस्याप्स्वा निषत्तमुतो तदस्मै मध्वच्चच्छद्यात् ।  
 पृथिव्यामतिषितं यदूधः पयो गोष्वदधा ओषधीषु ९  
 अश्वादिद्यायेति यद्वदन्त्योजसो जातमुत मन्य एनम् ।  
 मन्योरियाय हर्म्येषु तस्थौ यतः प्रजज्ञ इन्द्रो अस्य वेद १०  
 वयः सुपर्णा उप सेदुरिन्द्रं प्रियमैधा ऋषयो नाधमानाः ।  
 अप ध्वान्तमूर्णुहि पूधि चक्षुर्मुग्ध्यस्मान् निधयेव ब्रह्मान् ११

(७४) चतुःसप्ततितमं सूक्तम्

(१-६) षड्वचस्यास्य सूक्तस्य शाक्त्यो गौरिवीतिर्ऋषिः । इन्द्रो देवता ।

त्रिष्टुप् छन्दः



वसूनां वा चर्कष इयंक्षन् धिया वा यज्ञैर्वा रोदस्योः ।  
 अर्वन्तो वा ये रयिमन्तः सातौ वनुं वा ये सुश्रुणं सुश्रुतो धुः १  
 हव एषामसुरो नक्षत द्यां श्रवस्यता मनसा निसत क्षाम् ।  
 चक्षाणा यत्र सुविताय देवा द्यौर्न वारैभिः कृणवन्त स्वैः २  
 इयमेषाममृतांनां गीः सर्वताता ये कृपणन्त रत्नम् ।  
 धियं च यज्ञं च साधन्तस्ते नो धान्तु वसव्यश्मसामि ३  
 आ तत् त इन्द्रायवः पनन्ताऽभि य ऊर्वं गोर्मन्तं तितृत्सान् ।  
 सकृत्स्वं ये पुरुपुत्रां महीं सहस्रधारां बृहतीं दुदुक्षन् ४  
 शचीव इन्द्रमवसे कृणुध्वमनानतं दमयन्तं पृतन्यून ।  
 ऋभुक्ष्णं मघवानं सुवृक्तिं भर्ता यो वज्रं नयं पुरुक्षुः ५  
 यद्वावानं पुरुतमं पुराषाळा वृत्रहेन्द्रो नामान्यप्राः ।  
 अचैति प्रासहस्पतिस्तुविष्मान् यदीमुश्मसि कर्तवे कर्तु तत् ६

(७५) पञ्चसप्ततितमं सूक्तम्

(१-६) नवर्चस्यास्य सूक्तस्य प्रैयमेधः सिन्धुक्षिदृषिः । नद्यो देवताः ।

जगती छन्दः

प्र सु व आपो महिमानमुत्तमं कारुवौचाति सदेने विवस्वतः ।  
 प्र सप्तसप्त त्रेधा हि चक्रमुः प्र सृत्वंरीणामति सिन्धुरोजसा १  
 प्र तैऽरदुद्वरुणो यातवे पृथः सिन्धो यद्वार्जा अभ्यद्रवस्त्वम् ।  
 भूम्या अधि प्रवता यासि सानुना यदैषामग्रं जगतामिरज्यसि २  
 दिवि स्वनो यतते भूम्योपर्यनुन्तं शुष्ममुदियति भानुना ।  
 अभ्रादिव प्र स्तनयन्ति वृष्टयः सिन्धुर्यदेति वृषभो न रोवत् ३  
 अभि त्वा सिन्धो शिशमिन्न मातरौ वाश्रा अर्षन्ति पर्यसेव धेनवः ।  
 राजैव युध्वा नयसि त्वमित् सिचौ यदासामग्रं प्रवतामिनक्षसि ४  
 इमं मे गङ्गे यमुने सरस्वति शतुद्रि स्तोमं सचता परुष्या ।  
 असिक्त्या मरुद्वधे वितस्तया ऽऽर्जीकीये शृणुह्या सुषोमया ५  
 तृष्टामया प्रथमं यातवे सजूः सुसत्वा रसया श्वेत्या त्या ।  
 त्वं सिन्धो कुभया गोमतीं क्रुर्मु मेहत्वा सरथं याभिरीर्यसे ६  
 ऋजीत्येनी रुशती महित्वा परि जयासि भरते रजासि ।  
 अदब्धा सिन्धुरपसामपस्तमा ऽश्वा न चित्रा वपुषीव दर्शता ७

स्वश्चा सिन्धुः सुरथा सुवासा हिरण्ययी सुकृता वाजिनीवती ।  
ऊर्णावती युवतिः सीलमावत्युताधि वस्ते सुभगा मधुवृधम् ८  
सुखं रथं युयुजे सिन्धुरश्विनं तेन वार्जं सनिषदस्मिन्नाजौ ।  
महान् ह्यस्य महिमा पनस्यते ऽदब्धस्य स्वयंशसो विरप्शिनः ९

(७६) षट्सप्ततितमं सूक्तम्

(१-८) अष्टर्चस्यास्य सूक्तस्य सार्प ऐरावतो जरत्कर्ण ऋषिः । ग्रावाणो देवताः ।

जगती छन्दः

आ व ऋञ्जस ऊर्जा व्युष्टिष्विन्द्रं मरुतो रोदसी अनक्तन ।  
उभे यथा नो अहनी सचाभुवा सदःसदो वरिवस्यात उद्भिदा १  
तदु श्रेष्ठं सर्वनं सुनोतनाऽत्यो न हस्तयतो अद्रिः सोतरि ।  
विदद्धयर्शो अभिभूति पौंस्यं महो राये चित् तरुते यदर्वतः २  
तदिद्धयस्य सर्वनं विवेरपो यथा पुरा मनवे गातुमश्रेत् ।  
गोअर्णसि त्वाष्ट्रे अश्वनिर्णिजि प्रेमध्वरेष्वध्वरां अशिश्चयुः ३  
अप हत रक्षसौ भङ्गुरावतः स्कभायत निर्ऋतिं सेधतामतिम् ।  
आ नो रयिं सर्ववीरं सुनोतन देवाव्यं भरतु श्लोकमद्रयः ४  
दिवश्चिदा वोऽमवत्तरेभ्यो विभ्वना चिदाश्वपस्तरेभ्यः ।  
वायोश्चिदा सोमरभस्तरेभ्यो ऽग्नेश्चिदर्व पितुकृत्तरेभ्यः ५  
भुरन्तु नो यशसः सोत्वन्धसो ग्रावाणो वाचा दिविता दिवित्मता ।  
नरो यत्र दुहते काम्यं मध्वाघोषयन्तो अभितौ मिथस्तुरः ६  
सुन्वन्ति सोमं रथिरासो अद्रयो निरस्य रसं गुविषो दुहन्ति ते ।  
दुहन्त्यूर्ध्वरुपसेचनाय कं नरो हव्या न मर्जयन्त आसभिः ७  
एते नरः स्वपसो अभूतन् य इन्द्राय सुनुथ सोममद्रयः ।  
वामं वामं वो दिव्याय धाम्ने वसुवसु वः पार्थिवाय सुन्वते ८

(७७) सप्तसप्ततितमं सूक्तम्

(१-८) अष्टर्चस्यास्य सूक्तस्य भार्गवः स्यूमरश्मिर्ऋषिः । मरुतो देवताः । (१-

४, ६-८) प्रथमादिचतुर्ऋचां षष्ठ्यादितृचस्य च त्रिष्टुप्,

(५) पञ्चम्याश्च जगती छन्दसी

अभ्रप्रुषो न वाचा प्रुषा वसु हविष्मन्तो न यज्ञा विजानुषः ।

सुमारुतं न ब्रह्माणमर्हसे गुणमस्तोष्येषां न शोभसे १  
 श्रिये मर्यासो अञ्जीरैकृणवत् सुमारुतं न पूर्विरति क्षपः ।  
 दिवस्पुत्रास एता न यैतिर आदित्यासस्ते अक्रा न वावृधुः २  
 प्र ये दिवः पृथिव्या न बर्हणा त्मना रिरिचे अभ्रात्र सूर्यः ।  
 पाजस्वन्तो न वीराः पनस्यवौ रिशादसो न मर्या अभिद्यवः ३  
 युष्माकं बुधे अपां न यामनि विथुर्यति न मही श्रथर्यति ।  
 विश्वप्सुर्यज्ञो अर्वागयं सु वः प्रयस्वन्तो न सत्राच आ गत ४  
 यूयं धूर्षु प्रयुजो न रश्मिभिर्ज्योतिष्मन्तो न भासा व्युष्टिषु ।  
 श्येनासो न स्वयशसो रिशादसः प्रवासो न प्रसितासः परिप्रुषः ५  
 प्र यद्वहध्वे मरुतः पराकाद् यूयं महः संवरणस्य वस्वः ।  
 विदानासौ वसवो राध्यस्याऽऽराच्चिद् द्वेषः सनुतर्युयोत ६  
 य उदृचि यज्ञे अध्वरेष्ठा मरुद्भ्यो न मानुषो ददाशित् ।  
 रेवत् स वयौ दधते सुवीरं स देवानामपि गोपीथे अस्तु ७  
 ते हि यज्ञेषु यज्ञियास ऊमा आदित्येन नाम्ना शंभविष्ठाः ।  
 ते नोऽवन्तु रथतूर्मनीषां महश्च यामन्नध्वरे चकानाः ८

(७८) अष्टसप्ततितमं सूक्तम्

(१-८) अष्टर्चस्यास्य सूक्तस्य भार्गवः स्यूमरश्मिर्ऋषिः । मरुतो देवताः । (१,  
 ३-४, ८) प्रथमातृतीयाचतुर्थ्यष्टमीनामृचां त्रिष्टुप्, (२, ५-७) द्वितीयायाः

पञ्चम्यादितृचस्य च जगती छन्दसी

विप्रासो न मन्मभिः स्वाध्यौ देवाव्योऽ न यज्ञैः स्वप्नसः ।  
 राजानो न चित्राः सुसंदृशः क्षितीनां न मर्या अरेपसः १  
 अग्निर्न ये भ्राजसा रुक्मवक्षसो वातासो न स्वयुजः सद्यऊतयः ।  
 प्रज्ञातारो न ज्येष्ठाः सुनीतयः सुशर्माणो न सोमा ऋतं यते २  
 वातासो न ये धुनयो जिगत्तवोऽग्नीनां न जिह्वा विरोकिणः ।  
 वर्मणवन्तो न योधाः शिमीवन्तः पितृणां न शंसाः सुरातयः ३  
 रथानां न येऽ राः सनाभयो जिगीवांसो न शूरा अभिद्यवः ।  
 वरेयवो न मर्या घृतप्रुषोऽभिस्वर्तारो अर्कं न सुष्टभः ४  
 अश्वांसो न ये ज्येष्ठास आशवो दिधिषवो न रथ्यः सुदानवः ।  
 आपो न निमैरुदभिर्जिगत्तवो विश्वरूपा अङ्गिरसो न सामभिः ५

ग्रावा॑णो न सूर॒यः सि॒न्धु॒मा॒तर आ॒द॒र्दि॒रा॒सो अ॒द्र॒यो न वि॒श्वहा॑ ।  
 शि॒शूला॑ न क्री॒ळ्यः सु॒मा॒तरो॑ म॒हाग्रा॑मो न या॒म॒नु॒त त्विषा॑ ६  
 उ॒षसां॑ न के॒तवो॑ऽध्व॒र॒श्रियः॑ शु॒भ॒यवो॑ ना॒ज्जिभि॒र्व्य॒श्वितन् ।  
 सि॒न्ध॒वो न य॒यियो॑ भ्राज॒दृष्ट॑यः प॒रा॒वतो॑ न यो॒र्जनानि॑ म॒मिरे ७  
 सु॒भा॒गान्नो॑ दे॒वाः कृ॒णु॒ता सु॒र॒त्नान्स्मान् त्स्तो॑तृन् म॒रुतो॑ वावृ॒धानाः॑ ।  
 अ॒धि स्तो॒त्रस्य॑ स॒ख्यस्य॑ गा॒त स॒नाद्धि॑ वो र॒त्न॒धेया॑नि स॒न्ति ८

(७६) एकोनाशीतितमं सूक्तम्

(१-७) सप्तर्चस्यास्य सूक्तस्य सौचीको वैश्वानरो वाग्निर्वाजम्भरः सप्तिर्वा ऋषिः ।

अग्निर्देवता । त्रिष्टुप् छन्दः

अ॒प॒श्य॒मस्य॑ म॒हतो॑ म॒हित्व॒म॒म॒र्त्यस्य॑ म॒र्त्या॒सु वि॒क्षु ।  
 ना॒ना ह॒नू वि॒भृते॑ सं भ॒रेते॑ अ॒सि॒न्वती॑ ब॒र्प्सती॑ भू॒र्यत्तः॑ १  
 गु॒हा शि॒रो नि॒हि॒त॒मृ॒धं॒ग॒क्षी अ॒सि॒न्व॒न्नत्ति॑ जि॒ह्वया॑ व॒नानि॑ ।  
 अ॒त्रा॒ण्यस्मै॑ प॒ङ्क्तिः॑ सं भ॒रन्त्यु॒त्तान॑ह॒स्ता न॒म॒साधि॑ वि॒क्षु २  
 प्र मा॒तुः प्र॒तरं॑ गु॒ह्यमि॒च्छन् कु॑मा॒रो न वी॒रुधः॑ सर्प॒दुर्वीः॑ ।  
 स॒सं न प॒क्वम॑वि॒दच्छु॒चन्तं॑ रि॒रि॒ह्वांसं॑ रि॒प उ॒प॒स्थे अ॒न्तः ३  
 तद्वा॒मृतं॑ रो॒दसी॑ प्र ब्र॒वीमि॑ जा॒र्य॒मानो मा॒तरा॑ ग॒र्भो अ॒त्ति ।  
 नाहं॑ दे॒वस्य॑ म॒र्त्यश्चि॒केता॑ऽग्नि॒रङ्ग॑ वि॒चैताः॑ स प्र॒चैताः॑ ४  
 यो अ॒स्मा अ॒न्नं तृ॒ष्वा॒इ॒दधा॒त्याज्यै॒र्धृतै॒र्जु॒होति॑ पु॒ष्यति॑ ।  
 तस्मै॑ स॒हस्र॑म॒क्षभि॒र्वि च॒क्षे ऽग्नौ॑ वि॒श्वर्तः॑ प्र॒त्यङ्ङ॑सि॒ त्वम् ५  
 किं दे॒वेषु॑ त्य॒ज ए॒नश्च॑क॒र्था॑ऽग्नौ पृ॒च्छामि॑ नु त्वा॒मवि॒द्वान् ।  
 अ॒क्री॒ळन् क्री॒ळन् ह॒रि॒रत्त॑वे॒ऽदन् वि॑ प॒र्व॒शश्च॑कर्तुं गा॒मिवा॒सिः ६  
 वि॒षूचो॑ अ॒श्वान् यु॒युजे॑ व॒नेजा॑ ऋ॒जी॒ति॒भी र॒शना॑भिर्गृ॒भीतान्॑ ।  
 च॒क्षदे॑ मि॒त्रो व॒सु॒भिः सु॒जातः॑ स॒मान॑धे प॒र्व॒भिर्वा॑वृ॒धानः॑ ७

(८०) अशीतितमं सूक्तम्

(१-७) सप्तर्चस्यास्य सूक्तस्य सौचीको वैश्वानरो वाग्निर्वाजम्भरः सप्तिर्वा ऋषिः ।

अग्निर्देवता । त्रिष्टुप् छन्दः

अ॒ग्निः स॒प्तिं वा॒ज॒भरं॑ द॒दात्य॑ग्नि॒र्वीरं॑ श्रु॒त्य क॒र्मनि॑ष्ठाम् ।  
 अ॒ग्नी रो॒दसी॑ वि च॒रत् स॒म॒ञ्ज॒न्नग्नि॑र्नारीं वी॒रकु॑क्षिं पु॒र॒धिम् १

अ॒ग्रेर॒प्रसः स॒मिद॑स्तु भ॒द्रा ऽग्नि॑र्म॒ही रोद॑सी आ वि॒वेश ।  
 अ॒ग्निरेकं॑ चोदयत् स॒मत्स्व॑ग्निर्वृ॒त्राणि॑ दयते पु॒रूणि॑ २  
 अ॒ग्निर्हृ त्यं ज॑रतः क॒र्णमा॒वाऽग्नि॑र॒द्धो निर॑दहृ॒ज्ररू॑थम् ।  
 अ॒ग्निर॒त्रि घ॒र्म उ॑रुष्यद॒न्तर॑ग्निर्नृ॒मेधं प्र॑जयासृ॒जत्सम् ३  
 अ॒ग्निर्दा॑द् द्रवि॒णं वी॑रपैशा अ॒ग्निर्ऋ॑षिं यः स॒हस्त्रा॑ स॒नोति॑ ।  
 अ॒ग्निर्दिवि॑ ह॒व्यमा त॑तानाऽग्ने॒र्धामा॑नि विभृ॒ता पु॒त्रा ४  
 अ॒ग्निमु॒क्थैर्ऋ॑षयो वि ह्व॒यन्ते ऽग्निं॑ नरो याम॒नि बा॑धि॒तासः॑ ।  
 अ॒ग्निं व॒यो अ॒न्तरि॑क्षे प॒तन्तो ऽग्निः स॒हस्त्रा॑ परि॒ याति॑ गो॒नाम् ५  
 अ॒ग्निं वि॒श ई॒ळते॑ मानु॒षीर्या॑ अ॒ग्निं म॒नुषो॑ नहृ॒षो वि जा॑ताः ।  
 अ॒ग्निर्गान्ध॑र्वी प॒थ्यामृ॑तस्याऽग्ने॒र्गव्यू॑तिर्धृत आ निष॑त्ता ६  
 अ॒ग्नये॒ ब्रह्म॑ ऋ॒भवं॑स्तत॒क्षुर॑ग्निं म॒हाम॑वोचामा सुवृ॒क्तिम् ।  
 अ॒ग्ने प्रा॒व ज॑रितारं यवि॒ष्टा ऽग्ने॒ महि॑ द्रवि॒णमा य॑जस्व ७

(८१) एकाशीतितमं सूक्तम्

(१-७) सप्तर्चस्यास्य सूक्तस्य भौवनो विश्वकर्मा ऋषिः । विश्वकर्मा देवता ।

(१, ३-७) प्रथमर्चस्तृतीयादिपञ्चानाञ्च त्रिष्टुप्, (२) द्वितीयायाञ्च विराड्रूपा  
 त्रिष्टुप् छन्दसी

य इ॒मा वि॒श्वा भु॑वनानि जुह॒वृषि॑र्हो॒ता न्य॑सीदत् पि॒ता नः॑ ।  
 स आ॒शिषा॑ द्रवि॒णमि॑च्छ॒मानः॑ प्रथ॒मच्छ॑द॒वराँ॑ आ वि॒वेश १  
 किं स्वि॑दासीदधि॒ष्ठान॑मा॒रम्भ॑णं क॒तम॑त् स्वि॒त् क॒थासी॑त् ।  
 यतो॑ भूमिं ज॒नय॑न् श्वि॒कर्मा॑ वि द्यामौ॒णौन्म॑हिना वि॒श्वच॑क्षाः २  
 वि॒श्वत॑श्चक्षु॒रुत॑ वि॒श्वतो॑मुखो वि॒श्वतो॑बाहुरु॒त वि॒श्वत॑स्पात् ।  
 सं बा॒हुभ्यां॑ ध॒मति॑ सं प॒तत्रै॑र्द्यावा॒भूमीं॑ ज॒नय॑न् दे॒व एकः॑ ३  
 किं स्वि॒द्वनं॑ क उ॒ स वृ॑क्ष आ॒स यतो॑ द्यावा॒पृथि॑वी नि॒ष्टत॑क्षुः ।  
 मनी॑षि॒णो म॑नसा पृ॒च्छते॑दु तद् यद॒ध्यति॑ष्ठ॒द्भुवनानि॑ धा॒रय॑न् ४  
 या ते धा॒मानि॑ प॒रमा॑णि याव॒मा या म॑ध्य॒मा वि॑श्वकर्म॒नुते॑मा ।  
 शि॒क्षा सखि॑भ्यो ह॒विषि॑ स्वधा॒वः स्व॒यं य॑जस्व त॒न्व वृ॑धा॒नः ५  
 वि॒श्वक॑र्मन् ह॒विषा॑ वावृ॒धानः॑ स्व॒यं य॑जस्व पृ॒थि॒वीमु॑त द्याम् ।  
 मुह्य॑न्त्व॒न्ये अ॒भितो॑ जना॒स इ॒हास्मा॑कं म॒घवा॑ सूरि॒रस्तु॑ ६  
 वा॒चस्प॑तिं वि॒श्वक॑र्माण॒मूत॑र्ये म॒नोजु॑वं वाजै॑ अ॒द्या हु॑वेम ।

स नो विश्वानि हवनानि जोषद् विश्वशम्भूरवसे साधुकर्मा ७

(८२) द्व्यशीतितमं सूक्तम्

(१-७) सप्तर्चस्यास्य सूक्तस्य भौवनो विश्वकर्मा ऋषिः । विश्वकर्मा देवता ।

त्रिष्टुप् छन्दः

चक्षुषः पिता मनसा हि धीरो घृतमैने अजनुन्नम्रमाने ।  
यदेदन्ता अददृहन्त पूर्व आदिद्यावापृथिवी अप्रथेताम् १  
विश्वकर्मा विमना आद्विहाया धाता विधाता परमोत सदृक् ।  
तेषामिष्टानि समिषा मदन्ति यत्रा सप्तऋषीन् पर एकमाहुः २  
यो नः पिता जनिता यो विधाता धामानि वेद भुवनानि विश्वा ।  
यो देवानां नामधा एक एव तं संप्रश्नं भुवना यन्त्यन्या ३  
त आयेजन्त द्रविणं समस्मा ऋषयः पूर्वे जरितारो न भूना ।  
असूर्ते सूर्ते रजसि निषत्ते ये भूतानि समकृणवन्निमानि ४  
पुरो दिवा पर एना पृथिव्या पुरो देवेभिरसुरैर्यदस्ति ।  
कं स्विद्धर्भं प्रथमं दध्र आपो यत्र देवाः समपश्यन्त विश्वे ५  
तमिद्धर्भं प्रथमं दध्र आपो यत्र देवाः समगच्छन्त विश्वे ।  
अजस्य नाभावध्येकमर्पितं यस्मिन् विश्वानि भुवनानि तस्थुः ६  
न तं विदाथ य इमा जजानाऽन्यद्युष्माकमन्तरं बभूव ।  
नीहारेण प्रावृता जल्प्या चाऽसुतृर्प उक्थशासश्चरन्ति ७

(८३) त्र्यशीतितमं सूक्तम्

(१-७) सप्तर्चस्यास्य सूक्तस्य तापसो मन्युर्ऋषिः । मन्युर्देवता । (१) प्रथमर्चो

जगती, (२-७) द्वितीयादिषण्णाञ्च त्रिष्टुप् छन्दसी

यस्ते मन्योऽविधद्वज्र सायक सह ओजः पुष्यति विश्वमानुषक् ।  
साह्याम् दासमार्यं त्वया युजा सहस्कृतेन सहसा सहस्वता १  
मन्युरिन्द्रो मन्युरेवास देवो मन्युर्होता वरुणो जातवेदाः ।  
मन्युं विश ईळते मानुषीर्याः पाहि नो मन्यो तपसा सजोषाः २  
अभीहि मन्यो तवसुस्तवीयान् तपसा युजा वि जहि शत्रून् ।  
अमित्रहा वृत्रहा दस्युहा च विश्वा वसून्या भरा त्वं नः ३  
त्वं हि मन्यो अभिभूत्योजाः स्वयंभूर्भामौ अभिमातिषाहः ।

वि॒श्वच॑र्षणिः स॒हुरिः स॒हा॒वान॒स्मास्वो॒जः पृ॒त॒नासु॑ धेहि ४  
अ॒भा॒गः सन्न॑प॒ परै॑तो अस्मि॒ तव॑ क्र॒त्वा॒ तवि॑षस्य॒ प्रचे॑तः ।  
तं त्वा॑ म॒न्यो अ॒क्र॒तुर्जि॑ही॒ष्णाहं॑ स्वा॒ त॒नू॒र्ब॒ल॒दे॒या॒ मेहि॑ ५  
अ॒यं तै अ॒स्म्युप॑ मे॒ह्यर्वा॑ङ् प्र॒तीची॑नः स॒हुरे॑ वि॒श्वधा॑यः ।  
म॒न्यो व॒ज्रि॒न्नाभि॑ मा॒मा व॑वृ॒त्स्व॒ हना॑व॒ दस्यूँ॑रुत॒ बो॒ध्या॑पेः ६  
अ॒भि प्रेहि॑ दक्षि॒णतो॑ भ॒वा मे॑ ऽधा॒ वृ॒त्राणि॑ ज॒ङ्घना॑व॒ भूरि॑ ।  
जु॒होमि॑ ते ध॒रुणं॑ म॒ध्वो अ॒ग्रमु॑भा उ॒पांशु॑ प्र॒थ॒मा पि॑बाव ७

(८४) चतुरशीतितमं सूक्तम्

(१-७) सप्तर्चस्यास्य सूक्तस्य तापसो मन्युर्ऋषिः । मन्युर्देवता । (१-३)

प्रथमादितृचस्य त्रिष्टुप्, (४-७) चतुर्थ्यादिचतसृणाञ्च जगती छन्दसी  
त्वया॑ म॒न्यो स॒रथ॑मा॒रुज॑न्तो ह॒र्षमा॑णासो धृ॒षिता॑ म॒रुत्वः॑ ।  
ति॒ग्मे॒षव॑ आ॒युधा॑ सं॒शिशाना॑ अ॒भि प्र॑ य॒न्तु न॑रौ अ॒ग्निरू॑पाः १  
अ॒ग्निरि॑व म॒न्यो त्वि॑षितः स॒हस्व॑ से॒नानी॑र्नः स॒हुरे॑ हूत॒ ए॒धि ।  
ह॒त्वाय॑ श॒त्रून् वि॑ भ॒जस्व॑ वे॒द् ओजो॑ मि॒मानो॑ वि॒ मृधौ॑ नुदस्व २  
स॒हस्व॑ म॒न्यो अ॒भिमा॑ति॒मुस्मे॑ रु॒जन् मृ॑णन् प्र॒मृणन्॑ प्रेहि॒ शत्रू॑न् ।  
उ॒ग्रं ते॑ पा॒जो न॒न्वा रु॑रुध्रे व॒शी व॑शं नयस॒ एक॑ज॒ त्वम् ३  
एको॑ ब॒हूना॑म॒सि म॒न्यवी॑ळितो वि॒श॒विशं॑ यु॒धये॑ सं शि॒शाधि॑ ।  
अ॒कृ॒त्तरु॑क् त्वया॑ यु॒जा व॒यं द्यु॑मन्तं घोषं वि॒जया॑य॒ कृण॑महे ४  
वि॒जेष॑कृदिन्द्र॒ इवा॑नव॒ब्रवो॑रे॒ ऽस्माकं॑ म॒न्यो अ॒धिपा॑ भवे॒ह ।  
प्रि॒यं ते॑ ना॒म स॒हुरे॑ गृ॒णीम॑सि वि॒द्या त॑मु॒त्सं यत॑ आ॒ब॒भूथ॑ ५  
आ॒भूत्या॑ स॒हजा॑ व॒ज्र सा॑यक॒ सहो॑ बि॒भर्ष्य॑भिभूत॒ उत्तर॑म् ।  
क्र॒त्वा नो॑ म॒न्यो स॒ह मे॒घैधि॑ म॒हाध॑नस्य॒ पुरु॑हूत॒ संसृ॑जि ६  
संसृ॑ष्टं ध॒नमु॑भयं स॒माकृ॑त॒मुस्म॑भ्यं दत्तां व॒रुण॑श्च म॒न्युः ।  
भियं॑ द॒धाना॑ हृद॒येषु॑ श॒त्रवः॑ प॒राजि॑तासो अप॒ नि ल॑यन्ताम् ७

सप्तमोऽनुवाकः

। सू० ८५-९० ।

(८५) पञ्चाशीतितमं सूक्तम्

(१-४७) सप्तचत्वारिंशदृचस्यास्य सूक्तस्य सावित्री सूर्या ऋषिका । (१-५)

प्रथमादिपञ्चर्चा सोमः, (६-१६) षष्ठ्याद्येकादशानां सूर्याविवाहः, (१७)  
 सप्तदश्या देवाः, (१८) अष्टादश्याः सोमर्कौ, (१९) एकोनविंश्याश्चन्द्रमाः,  
 (२०-२८) विंश्यादिनवानां नृणामाशीः प्राया विवाहमन्त्राः, (२९-३०)  
 एकोनत्रिंशीत्रिंशयोर्विवाहे वधूवासः स्पर्शनिन्दा, (३१) एकत्रिंश्या  
 दम्पत्योर्यक्ष्मनाशनम्, (३२-४७) द्वात्रिंश्यादिषोडशानाञ्च सावित्री सूर्या देवताः ।  
 (१-१३, १५-१७, २२, २५, २८-३३, ३५, ३८-४२, ४५-४७)  
 प्रथमादित्रयोदशर्चा पञ्चदश्यादितृचस्य द्वाविंशीपञ्चविंशोरष्टाविंश्यादितृचद्वयस्य  
 पञ्चत्रिंश्या अष्टात्रिंश्यादिपञ्चानां पञ्चचत्वारिंश्यादितृचस्य चानुष्टुप्, (१४, १९-२१,  
 २३-२४, २६, ३६-३७, ४४) चतुर्दश्या एकोनविंश्यादितृचस्य  
 त्रयोविंशीचतुर्विंशयोः षड्विंश्याः षट्त्रिंशीसप्तत्रिंशीचतुश्चत्वारिंशीनाञ्च त्रिष्टुप्, (१८,  
 २७, ४३) अष्टादशीसप्तविंशीत्रिचत्वारिंशीनां जगती, (३४) चतुस्त्रिंश्याश्च  
 उरोबृहती छन्दांसि

स॒त्येनो॒त्त॒भि॒ता भूमिः॑ सूर्ये॒णोत्त॒भि॒ता द्यौः॑ ।  
 ऋ॒तेना॑दि॒त्यास्तिष्ठ॑न्ति दि॒वि सोमो॑ अधि॑ श्रितः १  
 सोमे॑नादि॒त्या ब॒लि॒नः सोमे॑न पृथि॒वी म॒ही ।  
 अथो॑ नक्ष॒त्राणामे॒षामुप॑स्थे सोम॒ आर्हितः॑ २  
 सोमं॑ मन्यते प॒पि॒वान् यत् संपि॑षन्त्योष॒धिम॑ ।  
 सोमं॑ यं ब्र॒ह्माणौ वि॒दुर्न तस्या॑श्नाति कश्चन ३  
 आ॒च्छद्वि॒धानैर्गु॒पितो॑ बा॒र्हतैः॑ सोम र॒क्षितः॑ ।  
 ग्रा॒व्णामिच्छृ॑ण्वन् तिष्ठ॒सि न तै॑ अश्नाति पा॒र्थिवः॑ ४  
 यत् त्वा॑ देव प्र॒पिब॑न्ति तत् आ प्या॒यसे पुनः॑ ।  
 वा॒युः सोम॑स्य र॒क्षिता॑ समा॒नां मास॑ आ॒कृतिः॑ ५  
 रैभ्या॑सीदनु॒देयी॑ नारा॒शंसी॑ न्योच॒नी ।  
 सूर्या॑या भ॒द्रमि॒द्वासो॑ गा॒र्थयै॑ति परि॒ष्कृतम्॑ ६  
 चि॒त्तिरा॑ उप॒बर्ह॑णं चक्षु॒रा अभ्य॑ञ्जनम् ।  
 द्यौर्भूमिः॑ कोश॑ आसीद् यदया॑त् सूर्या॒ पति॑म् ७  
 स्तोमा॑ आसन् प्र॒ति॒धयः॑ कु॒रीरं॑ छन्दे॒ ओप॑शः ।  
 सूर्या॑या अ॒श्विना॑ व॒रा ऽग्नि॑रासीत् पुरो॒गवः॑ ८  
 सोमो॑ वधू॒युरभ॑वद॒श्विना॑स्तामु॒भा व॒रा ।  
 सूर्या॑ यत् प॒त्ये शंस॑न्तीं मन॒सा स॒विता॑द॒दात् ९  
 मनो॑ अस्या॒ अर्न॑ आसीद् द्यौरा॑सीदु॒त च्छ॒दिः ।



शुक्रावन्ड्वाहावास्तां यदयात् सूर्या गृहम् १०  
 ऋक्सामाभ्यामभिहितौ गावौ ते सामनावितः ।  
 श्रोत्रं ते चक्रे आस्तां दिवि पन्थाश्चराचरः ११  
 शुचीं ते चक्रे यात्या व्यानो अक्ष आहतः ।  
 अनौ मनस्मयं सूर्या ऽऽरोहत् प्रयती पतिम् १२  
 सूर्याया वहतुः प्रागात् सविता यमवासृजत् ।  
 अधासु हन्यन्ते गावो ऽर्जुन्योः पर्युह्यते १३  
 यदश्विना पृच्छमानावयातं त्रिचक्रेण वहतुं सूर्यायाः ।  
 विश्वे देवा अनु तद्वामजानन् पुत्रः पितराववृणीत पूषा १४  
 यदयातं शुभस्पती वरेयं सूर्यामुप ।  
 क्वैकं चक्रं वामासीत् क्व देष्टाय तस्थथुः १५  
 द्वे तै चक्रे सूर्ये ब्रह्माणं ऋतुथा विदुः ।  
 अथैकं चक्रं यदुहा तदद्घातय इद्विदुः १६  
 सूर्यायै देवेभ्यो मित्राय वरुणाय च ।  
 ये भूतस्य प्रचेतस इदं तेभ्यो ऽकरं नमः १७  
 पूर्वापरं चरतो माययैतौ शिशू क्रीळन्तौ परि यातो अध्वरम् ।  
 विश्वान्यन्यो भुवनाभिचष्ट ऋतूरन्यो विदधञ्जायते पुनः १८  
 नवौनवो भवति जायमानो ऽहो केतुरुषसामेत्यग्रम् ।  
 भागं देवेभ्यो वि दधात्यायन् प्र चन्द्रमास्तिरते दीर्घमायुः १९  
 सुकिंशुकं शल्मलिं विश्वरूपं हिरण्यवर्णं सुवृतं सुचक्रम् ।  
 आ रोह सूर्ये अमृतस्य लोकं स्योनं पत्यै वहतुं कृणुष्व २०  
 उदीर्ष्वीतुः पतिवती ह्येऽेषा विश्वावसुं नमसा गीर्भिरीळे ।  
 अन्यामिच्छ पितृषदं व्यक्तां स तै भागो जनुषा तस्य विद्धि २१  
 उदीर्ष्वीतौ विश्वावसो नमसेळामहे त्वा ।  
 अन्यामिच्छ प्रफर्व्यं सं जायां पत्या सृज २२  
 अनृक्षरा ऋजवः सन्तु पन्था येभिः सखायो यन्ति नो वरेयम् ।  
 समर्यमा सं भगौ नो निनीयात् सं जास्पत्यं सुयममस्तु देवाः २३  
 प्र त्वा मुञ्चामि वरुणस्य पाशाद् येन त्वाबध्नात् सविता सुशेवः ।  
 ऋतस्य योनौ सुकृतस्य लोके ऽरिष्टां त्वा सह पत्या दधामि २४  
 प्रेतो मुञ्चामि नामुतः सुबद्धाममुतस्करम् ।

यथेयमिन्द्र मीढ्वः सुपुत्रा सुभगासति २५  
 पूषा त्वेतो नयतु हस्तगृह्याऽश्विना त्वा प्र वहतां रथैन ।  
 गृहान् गच्छ गृहपत्नी यथासौ वशिनी त्वं विदथमा वदासि २६  
 इह प्रियं प्रजया ते समृध्यतामस्मिन् गृहे गार्हपत्याय जागृहि ।  
 एना पत्या तन्वंशं सं सृजस्वाऽधा जिब्री विदथमा वदाथः २७  
 नीललोहितं भवति कृत्यासक्तिर्व्यज्यते ।  
 एधन्ते अस्या ज्ञातयः पतिर्बन्धेषु बध्यते २८  
 परा देहि शामुल्यं ब्रह्मभ्यो वि भजा वसु ।  
 कृत्यैषा पद्वती भूत्या जाया विशते पतिम् २९  
 अश्रीरा तनूभवति रुशती पापयामुया ।  
 पतिर्यद्वध्वोऽं वाससा स्वमङ्गमभिधित्सते ३०  
 ये वध्वश्चन्द्रं वहतुं यक्ष्मा यन्ति जनादनु ।  
 पुनस्तान् यज्ञिया देवा नयन्तु यत् आर्गताः ३१  
 मा विदन् परिपन्थिनो य आसीदन्ति दंपती ।  
 सुगेभिर्दुर्गमतीतामप द्रान्त्वरतयः ३२  
 सुमङ्गलीरियं वधूरिमां समेत पश्यत ।  
 सौभाग्यमस्यै दत्त्वायाऽथास्तं वि परेतन ३३  
 तृष्टमेतत् कटुकमेतदपाष्ठवद्विषवन्नैतदत्तवे ।  
 सूर्या यो ब्रह्मा विद्यात् स इद्वाधूयमर्हति ३४  
 आशसनं विशसनमथौ अधिविकर्तनम् ।  
 सूर्यायाः पश्य रूपाणि तानि ब्रह्मा तु शुन्धति ३५  
 गृणामि ते सौभगत्वाय हस्तं मया पत्या जरदष्टिर्यथासः ।  
 भगौ अर्यमा सविता पुरंधिर्मह्यं त्वादुर्गार्हपत्याय देवाः ३६  
 तां पूषञ्छिवतमामेरयस्व यस्यां बीजं मनुष्याऽं वपन्ति ।  
 या न ऊरू उंशती विश्रयाते यस्यामुशन्तः प्रहराम् शेपम् ३७  
 तुभ्यमग्रे पर्यवहन् त्सूर्या वहतुना सह ।  
 पुनः पतिभ्यो जायां दा अग्रे प्रजया सह ३८  
 पुनः पत्नीमग्निरदादायुषा सह वर्चसा ।  
 दीर्घायुरस्या यः पतिर्जीवाति शरदः शतम् ३९  
 सोमः प्रथमो विविदे गन्धर्वो विविद उत्तरः ।

तृतीयो अग्निष्टे पतिस्तुरीयस्ते मनुष्यजाः ४०  
 सोमो ददद्गन्धर्वाय गन्धर्वो ददद्ग्रये ।  
 रयिं च पुत्रांश्चादादग्निर्मह्यमथौ इमाम् ४१  
 इहैव स्तं मा वि यौष्टं विश्वमायुर्व्यश्नुतम् ।  
 क्रीळन्तौ पुत्रैर्नमभिर्मोदमानौ स्वे गृहे ४२  
 आ नः प्रजां र्जनयतु प्रजापतिराजरसाय समनक्त्वयमा ।  
 अदुर्मङ्गलीः पतिलोकमा विश् शं नो भव द्विपदे शं चतुष्पदे ४३  
 अघोरचक्षुरपतिघ्नयेधि शिवा पशुभ्यः सुमनाः सुवर्चाः ।  
 वीरसूर्देवका मा स्योना शं नो भव द्विपदे शं चतुष्पदे ४४  
 इमां त्वमिन्द्र मीद्वः सुपुत्रां सुभगां कृणु ।  
 दशास्यां पुत्राना धेहि पतिमेकादशं कृधि ४५  
 सम्राज्ञी श्वशुरे भव सम्राज्ञी श्वश्रवां भव ।  
 ननान्दरि सम्राज्ञी भव सम्राज्ञी अधि देवृषु ४६  
 समञ्जन्तु विश्वे देवाः समापो हृदयानि नौ ।  
 सं मातरिश्वा सं धाता समु देष्ट्री दधातु नौ ४७  
 चतुर्थोऽध्यायः  
 । व० १-३१ ।

(८६) षडशीतितमं सूक्तम्

(१-२३) त्रयोविंशत्यृचस्यास्य सूक्तस्य (१, ८, ११-१२, १४, १६-२२)  
 प्रथमाष्टम्येकादशीद्वादशीचतुर्दशीनामृचामेकोनविंश्यादिचतसृणाञ्चेन्द्र ऋषिः, (२-  
 ६, ९-१०, १५-१८) द्वितीयादिपञ्चानां नवमीदशम्योः पञ्चदश्यादिचतसृणाञ्चेन्द्राणी  
 ऋषिका, (७, १३, २३) सप्तमीत्रयोदशीत्रयोविंशीनाञ्चेन्द्रो वृषाकपिर्ऋषिः । इन्द्रो  
 देवता । पङ्क्तिश्छन्दः

वि हि सोतो रसृक्षतु नेन्द्रं देवममंसत ।  
 यत्रामदवृषाकपिर्यः पुष्टेषु मत्सखा विश्वस्मादिन्द्र उत्तरः १  
 परा हीन्द्र धार्वसि वृषाकपेरति व्यथिः ।  
 नो अह प्र विन्दस्यन्यत्र सोमपीतये विश्वस्मादिन्द्र उत्तरः २  
 किमुयं त्वां वृषाकपिश्चकार हरितो मृगः ।  
 यस्मा इरस्यसीदु न्वर्यो वा पुष्टिमद्वसु विश्वस्मादिन्द्र उत्तरः ३

यमिमं त्वं वृषाकपिं प्रियमिन्द्राभिरक्षसि ।  
 श्वा न्वस्य जम्भिषदपि कर्णे वराहयुर्विश्वस्मादिन्द्र उत्तरः ४  
 प्रिया तृष्टानि मे कपिर्व्यक्ता व्यदूदुषत् ।  
 शिरो न्वस्य राविषं न सुगं दुष्कृतै भुवं विश्वस्मादिन्द्र उत्तरः ५  
 न मत् स्त्री सुभसत्तरा न सुयाशुतरा भुवत् ।  
 न मत् प्रतिच्यवीयसी न सक्थ्युद्यमीयसी विश्वस्मादिन्द्र उत्तरः ६  
 उवे अम्ब सुलाभिके यथैवाङ्ग भविष्यति ।  
 भसन्मै अम्ब सक्थि मे शिरो मे वीव हष्यति विश्वस्मादिन्द्र उत्तरः ७  
 किं सुबाहो स्वङ्गुरे पृथुष्टो पृथुजाघने ।  
 किं शूरपत्नि नस्त्वमभ्यमीषि वृषाकपिं विश्वस्मादिन्द्र उत्तरः ८  
 अवीरामिव मामयं शरारुरभि मन्यते ।  
 उताहमस्मि वीरिणीन्द्रपत्नी मरुत्सखा विश्वस्मादिन्द्र उत्तरः ९  
 संहोत्रं स्म पुरा नारी समनं वाव गच्छति ।  
 वेधा ऋतस्ये वीरिणीन्द्रपत्नी महीयते विश्वस्मादिन्द्र उत्तरः १०  
 इन्द्राणीमासु नारिषु सुभगामहमश्रवम् ।  
 नह्यस्या अपरं चन जरसा मरते पतिर्विश्वस्मादिन्द्र उत्तरः ११  
 नाहमिन्द्राणि रारण सख्युर्वृषाकपेभ्यते ।  
 यस्येदमप्य हविः प्रियं देवेषु गच्छति विश्वस्मादिन्द्र उत्तरः १२  
 वृषाकपायि रेवति सुपुत्र आदु सुस्रुषे ।  
 घसत् तु इन्द्र उक्ष्णः प्रियं कोचित्करं हविर्विश्वस्मादिन्द्र उत्तरः १३  
 उक्ष्णो हि मे पञ्चदश साकं पचन्ति विंशतिम् ।  
 उताहमग्नि पीव इदुभा कुक्षी पृणन्ति मे विश्वस्मादिन्द्र उत्तरः १४  
 वृषभो न तिग्मशृङ्गो ऽन्तर्यूथेषु रोरुवत् ।  
 मुन्थस्त इन्द्र शं हृदे यं ते सुनोति भावयुर्विश्वस्मादिन्द्र उत्तरः १५  
 न सेशे यस्य रम्बते ऽन्तरा सक्थ्याः कपृत् ।  
 सेदीशे यस्य रोमशं निषेदुषौ विजृम्भते विश्वस्मादिन्द्र उत्तरः १६  
 न सेशे यस्य रोमशं निषेदुषौ विजृम्भते ।  
 सेदीशे यस्य रम्बते ऽन्तरा सक्थ्याः कपृद् विश्वस्मादिन्द्र उत्तरः १७  
 अयमिन्द्र वृषाकपिः परस्वन्तं हृतं विदत् ।  
 असिं सूनां नव चरुमादेधस्यान आचितं विश्वस्मादिन्द्र उत्तरः १८

अयमेमि विचाकशद् विचिन्वन् दासमार्यम् ।  
 पिबामि पाकसुत्वन्तो ऽभि धीरमचाकशं विश्वस्मादिन्द्र उत्तरः १९  
 धन्वं च यत् कृन्तत्रं च कर्ति स्वित् ता वि योजना ।  
 नेदीयसो वृषाकपे ऽस्तमेहि गृहां उप विश्वस्मादिन्द्र उत्तरः २०  
 पुनरेहि वृषाकपे सुविता कल्पयावहे ।  
 य एष स्वप्नं शनो ऽस्तमेषि पृथा पुनर्विश्वस्मादिन्द्र उत्तरः २१  
 यदुदञ्चो वृषाकपे गृहमिन्द्राजगन्तन ।  
 क्वश् स्य पुल्वघो मृगः कर्मगञ्जनयोपनो विश्वस्मादिन्द्र उत्तरः २२  
 पर्शुर्ह नाम मानवी साकं संसूव विंशतिम् ।  
 भद्रं भल त्यस्या अभूद् यस्या उदरमामयद् विश्वस्मादिन्द्र उत्तरः २३

(८७) सप्ताशीतितमं सूक्तम्

(१-२५) पञ्चविंशत्यृचस्यास्य सूक्तस्य भारद्वाजः पायुर्ऋषिः । रक्षोहाग्निर्देवता ।

(१-२१) प्रथमाद्येकविंशत्यृचां त्रिष्टुप्,

(२२-२५) द्वाविंश्यादिचतसृणाञ्चानुष्टुप् छन्दसी

रक्षोहर्णं वाजिनमा जिघर्मि मित्रं प्रथिष्ठमुप यामि शर्म ।  
 शिशानो अग्निः क्रतुभिः समिद्धः स नो दिवा स रिषः पातु नक्तम् १  
 अयोदंष्ट्रो अर्चिषा यातुधानानुप स्पृश जातवेदः समिद्धः ।  
 आ जिह्या मूरदेवान् रभस्व क्रव्यादौ वृक्त्व्यपि धत्स्वासन् २  
 उभोभयाविनुप धेहि दंष्ट्रा हिंस्रः शिशानोऽवरं परं च ।  
 उतान्तरिक्षे परि याहि राजञ्जम्भैः सं धैह्यभि यातुधानान् ३  
 यज्ञैरिषूः संनममानो अग्ने वाचा शल्याँ अशनिभिर्दिहानः ।  
 ताभिर्विध्य हृदये यातुधानान् प्रतीचो ब्राह्मन् प्रति भङ्ध्येषाम् ४  
 अग्ने त्वर्चं यातुधानस्य भिन्धि हिंस्त्राशनिर्हरसा हन्त्वेनम् ।  
 प्र पर्वाणि जातवेदः शृणीहि क्रव्यात् क्रविष्णुर्वि चिनोतु वृक्णम् ५  
 यत्रेदानीं पश्यसि जातवेदस्तिष्ठन्तमग्र उत वा चरन्तम् ।  
 यद्वान्तरिक्षे पृथिभिः पतन्तं तमस्ता विध्य शर्वा शिशानः ६  
 उतालब्धं स्पृणुहि जातवेद आलेभानादृष्टिभिर्यातुधानात् ।  
 अग्ने पूर्वी नि जहि शोशुचान आमादः क्ष्विङ्कास्तमदन्त्वेनीः ७  
 इह प्र ब्रूहि यतमः सो अग्ने यो यातुधानो य इदं कृणोति ।

तमा रभस्व समिधा यविष्ठ नृचक्षसश्चक्षुषे रन्ध्रयैनम् ८  
 तीक्ष्णेनाग्ने चक्षुषा रक्ष यज्ञं प्राञ्चं वसुभ्यः प्रणय प्रचेतः ।  
 हिंस्रं रक्षास्यभि शोशुचानं मा त्वा दभन् यातुधाना नृचक्षः ९  
 नृचक्षा रक्षः परि पश्य विक्षु तस्य त्रीणि प्रति शृणीह्यग्रा ।  
 तस्याग्ने पृष्ठीर्हरसा शृणीहि त्रेधा मूलं यातुधानस्य वृश्च १०  
 त्रिर्यातुधानः प्रसितिं त एत्वृतं यो अग्ने अनृतेन हन्ति ।  
 तमर्चिषा स्फूर्जयञ्जातवेदः समक्षमेनं गृणते नि वृद्धि ११  
 तदग्ने चक्षुः प्रति धेहि रेभे शफारुजं येन पश्यसि यातुधानम् ।  
 अथर्ववज्रयोतिषा दैव्येन सत्यं धूर्वन्तमचितं न्योष १२  
 यदग्ने अद्य मिथुना शपातो यद्वाचस्तृष्टं जनयन्त रेभाः ।  
 मन्योर्मनसः शरव्याः जायते या तया विध्य हृदये यातुधानान् १३  
 परा शृणीहि तपसा यातुधानान् पराग्ने रक्षो हरसा शृणीहि ।  
 परार्चिषा मूर्देवाञ्छृणीहि परासुतृपो अभि शोशुचानः १४  
 पराद्य देवा वृजिनं शृणन्तु प्रत्यगैनं शपथा यन्तु तृष्टाः ।  
 वाचास्तैनं शरव ऋच्छन्तु मर्मन् विश्वस्येतु प्रसितिं यातुधानः १५  
 यः पौरुषेयेण क्रविषा समुक्ते यो अश्वयेन पशुना यातुधानः ।  
 यो अघ्नयाया भरति क्षीरमग्ने तेषां शीर्षाणि हरसापि वृश्च १६  
 संवत्सरीणं पर्य उस्त्रियायास्तस्य माशीद्यातुधानो नृचक्षः ।  
 पीयूषमग्ने यतमस्ति तृप्सात् तं प्रत्यञ्चमर्चिषा विध्य मर्मन् १७  
 विषं गवां यातुधानाः पिबन्त्वा वृश्चयन्तामदितये दुरेवाः ।  
 परैरान् देवः सेविता ददातु परा भागमोषधीनां जयन्ताम् १८  
 सनादग्ने मृणसि यातुधानान् न त्वा रक्षासि पृतनासु जिग्युः ।  
 अनु दह सहमूरान् क्रव्यादो मा ते हेत्या मुक्षत दैव्यायाः १९  
 त्वं नो अग्ने अधरादुदक्तात् त्वं पश्चादुत रक्षा पुरस्तात् ।  
 प्रति ते ते अजरास्तपिष्ठा अघशंसं शोशुचतो दहन्तु २०  
 पश्चात् पुरस्तादधरादुदक्तात् कविः काव्येन परि पाहि राजन् ।  
 सखे सखायमजरौ जरिष्णे ऽग्ने मर्ता अमर्त्यस्त्वं नः २१  
 परि त्वाग्ने पुरं वयं विप्रं सहस्य धीमहि ।  
 धृषद्वर्णं दिवेदिवे हन्तारं भङ्गुरावताम् २२  
 विषेण भङ्गुरावतः प्रति ष्म रक्षसौ दह ।

अग्ने त्रिमेन शोचिषा तपुर्ग्राभिर्ऋष्टिभिः २३  
प्रत्यग्ने मिथुना देह यातुधाना किमीदिना ।  
सं त्वा शिशामि जागृह्यदब्धं विप्र मन्मभिः २४  
प्रत्यग्ने हरसा हरः शृणीहि विश्वतः प्रति ।  
यातुधानस्य रक्षसो बलं वि रुज वीर्यम् २५

(८८) अष्टाशीतितमं सूक्तम्

(१-१६) एकोनविंशत्यृचस्यास्य सूक्तस्याङ्गिरसो वामदेव्यो वा मूर्धन्वानृषिः ।

सूर्यो वैश्वानरोऽग्निश्च देवते । त्रिष्टुप् छन्दः

हविष्पान्तमजरं स्वर्विदि दिविस्पृश्याहुतं जुष्टमग्नौ ।  
तस्य भर्मणे भुवनाय देवा धर्मणे कं स्वधया पप्रथन्त १  
गीर्णं भुवनं तमसापगूळहमाविः स्वरभवज्जाते अग्नौ ।  
तस्य देवाः पृथिवी द्यौरुतापो ऽरण्यन्नोषधीः सख्ये अस्य २  
देवेभिर्निषितो यज्ञियैभिरग्निं स्तोषाण्यजरं बृहन्तम् ।  
यो भानुना पृथिवीं द्यामुतेमामाततान् रोदसी अन्तरिक्षम् ३  
यो होतासीत् प्रथमो देवजुष्टो यं समाञ्ज्नाज्येना वृणानाः ।  
स पतत्रीत्वरं स्था जगद्यच्छवात्रमग्निरकृणोज्जातवेदाः ४  
यज्जातवेदो भुवनस्य मूर्धन्नतिष्ठो अग्ने सह रौचनेन ।  
तं त्वाहेम मृतिभिर्गीर्भिरुक्थैः स यज्ञियो अभवो रोदसिप्राः ५  
मूर्धा भुवो भवति नक्तमग्निस्ततः सूर्यो जायते प्रातरुद्यन् ।  
मायामू तु यज्ञियानामेतामपो यत् तूर्णिश्चरति प्रजानन् ६  
दृशेन्यो यो महिना समिद्धो ऽरौचत दिवियोनिर्विभावा ।  
तस्मिन्नग्नौ सूक्तवाकेन देवा हविर्विश्व आजुहवुस्तनूपाः ७  
सूक्तवाकं प्रथममादिदग्निमादिद्धविरजनयन्त देवाः ।  
स एषां यज्ञो अभवत् तनूपास्तं द्यौर्वेदं तं पृथिवी तमार्षः ८  
यं देवासोऽजनयन्ताग्निं यस्मिन्नाजुहवुर्भुवनानि विश्वा ।  
सो अर्चिषा पृथिवीं द्यामुतेमामृज्यमानो अतपन्महित्वा ९  
स्तोमैन् हि दिवि देवासो अग्निमजीजनञ्छक्तिभी रोदसिप्राम् ।  
तमू अकृणवन् त्रेधा भुवे कं स ओषधीः पचति विश्वरूपाः १०  
यदेदेनमदधुर्यज्ञियासो दिवि देवाः सूर्यमादितेयम् ।

यदा चरिष्णू मिथुनावभूतामादित् प्रापश्यन् भुवनानि विश्वा ११  
 विश्वस्मा अग्निं भुवनाय देवा वैश्वानुरं केतुमहामकृण्वन् ।  
 आ यस्ततानोषसो विभातीरपो ऊर्णोति तमो अर्चिषा यन् १२  
 वैश्वानुरं कवयो यज्ञियासो ऽग्निं देवा अजनयन्नजुर्यम् ।  
 नक्षत्रं प्रत्नमर्मिनश्चरिष्णु यक्षस्याध्यक्षं तविषं बृहन्तम् १३  
 वैश्वानुरं विश्वहा दीदिवांसं मन्त्रैरग्निं कविमच्छा वदामः ।  
 यो महिम्ना परिबभूवोर्वी उतावस्तादुत देवः पुरस्तात् १४  
 द्वे स्तुती अशृणवं पितृणामहं देवानामुत मर्त्यानाम् ।  
 ताभ्यामिदं विश्वमेजत् समैति यदन्तरा पितरं मातरं च १५  
 द्वे समीची बिभृतश्चरन्तं शीर्षतो जातं मनसा विमृष्टम् ।  
 स प्रत्यङ् विश्वा भुवनानि तस्थावप्रयुच्छन् तुरणिभ्राजमानः १६  
 यत्रा वदैते अवरः परश्च यज्ञन्योः कतरो नौ वि वैद ।  
 आ शैकुरित् सधमादुं सखोयो नक्षन्त यज्ञं क इदं वि वौचत् १७  
 कत्यग्रयः कति सूर्यासः कत्युषासः कत्यु स्विदापः ।  
 नोपस्विजं वः पितरो वदामि पृच्छामि वः कवयो विद्यने कम् १८  
 यावन्मात्रमुषसो न प्रतीकं सुपण्योऽं वसन्ते मातरिश्चः ।  
 तावद्दधात्युप यज्ञमायन् ब्राह्मणो होतुरवरो निषीदन् १९

(८६) एकोननवतितमं सूक्तम्

(१-१८) अष्टादशर्चस्यास्य सूक्तस्य वैश्वामित्रो रेणुर्ऋषिः । (१-४, ६-१८)  
 प्रथमादिचतुर्ऋचां षष्ठ्यादित्रयोदशानाञ्चेन्द्रः, (५) पञ्चम्याञ्चेन्द्रासोमौ देवते ।

त्रिष्टुप् छन्दः

इन्द्रं स्तवा नृतमं यस्य मुहा विबबाधे रौचना वि ज्मो अन्तान् ।  
 आ यः प्रप्रौ चर्षणीधृद्वरौभिः प्र सिन्धुभ्यो रिरिचानो महित्वा १  
 स सूर्यः पर्युरू वरांस्येन्द्रौ ववृत्याद्रथ्यैव चक्रा ।  
 अतिष्ठन्तमपस्यं न सर्गं कृष्णा तमांसि त्विष्या जघान २  
 समानमस्मा अनपावृदर्च क्षमया दिवो असमं ब्रह्म नव्यम् ।  
 वि यः पृष्ठेव जनिमान्यर्य इन्द्रश्चिकाय न सखायमीषे ३  
 इन्द्राय गिरो अनिशितसर्गा अपः प्रेरयं सर्गरस्य बुध्नात् ।  
 यो अक्षणेव चक्रिया शचीभिर्विष्वक् तस्तम्भं पृथिवीमुत द्याम् ४



आपान्तमन्युस्तृपलप्रभर्मा धुनिः शिमीवाञ्छरुमाँ ऋजीषी ।  
 सोमो विश्वान्यतसा वनानि नार्वगिन्द्रं प्रतिमानानि देभुः ५  
 न यस्य द्यावापृथिवी न धन्व नान्तरिक्षं नाद्रयः सोमो अक्षाः ।  
 यदस्य मन्युरधिनीयमानः शृणाति वीळु रुजति स्थिराणि ६  
 जघान वृत्रं स्वधितिर्वनैव रुरोज पुरो अरदन्न सिन्धून् ।  
 बिभेद गिरिं नवमिन्न कुम्भमा गा इन्द्रो अकृणुत स्वयुग्भिः ७  
 त्वं ह त्यदृणया इन्द्र धीरो ऽसिर्न पर्व वृजिना शृणासि ।  
 प्र ये मित्रस्य वरुणस्य धाम युजं न जनां मिनन्ति मित्रम् ८  
 प्र ये मित्रं प्रार्यमणं दुरेवाः प्र संगिरः प्र वरुणं मिनन्ति ।  
 न्यमित्रेषु वधमिन्द्र तुमं वृषन् वृषाणमरुषं शिशीहि ९  
 इन्द्रो दिव इन्द्र ईशे पृथिव्या इन्द्रो अपामिन्द्र इत् पर्वतानाम् ।  
 इन्द्रो वृधामिन्द्र इन्मेधिराणामिन्द्रः क्षेमे योगे हव्य इन्द्रः १०  
 प्राक्तुभ्य इन्द्रः प्र वृधो अहभ्यः प्रान्तरिक्षात् प्र समुद्रस्य धासेः ।  
 प्र वातस्य प्रथसः प्र ज्मो अन्तात् प्र सिन्धुभ्यो रिरिचे प्र क्षितिभ्यः ११  
 प्र शोशुचत्या उषसो न केतुरसिन्वा तै वर्ततामिन्द्र हेतिः ।  
 अश्मैव विध्य दिव आ सृजानस्तपिष्ठेन हेषसा द्रोघमित्रान् १२  
 अन्वह मासा अन्विद्वनान्यन्वोषधीरनु पर्वतासः ।  
 अन्विन्द्रं रोदसी वावशाने अन्वापो अजिहत जायमानम् १३  
 कर्हि स्वित् सा त इन्द्र चेत्यासदघस्य यद्भिनदो रक्ष एषत् ।  
 मित्रक्रवो यच्छसने न गावः पृथिव्या आपृगमुया शयन्ते १४  
 शत्रूयन्तौ अभि ये नस्ततस्त्रे महि बाधन्त ओगुणास इन्द्र ।  
 अन्धेनामित्रास्तमसा सचन्तां सुज्योतिषो अक्तवस्ताँ अभि ष्युः १५  
 पुरुणि हि त्वा सर्वना जनानां ब्रह्माणि मन्दन् गृणतामृषीणाम् ।  
 इमामाघोषन्नवसा सहृतिं तिरो विश्वाँ अर्चतो याह्यर्वाङ् १६  
 एवा तै वयमिन्द्र भुञ्जतीनां विद्याम सुमतीनां नवानाम् ।  
 विद्याम् वस्तोरवसा गृणन्तौ विश्वामित्रा उत तै इन्द्र नूनम् १७  
 शनं हुवेम मघवानमिन्द्रमस्मिन् भरे नृतमं वाजसातौ ।  
 शृणवन्तमुग्रमृतयै समत्सु घ्नन्त वृत्राणि संजितुं धनानाम् १८

(६०) नवतितमं सूक्तम्

(१-१६) षोडशर्चस्यास्य सूक्तस्य नारायण ऋषिः । पुरुषो देवता । (१-१५)

प्रथमादिपञ्चदशर्चामनुष्टुप्, (१६) षोडश्याश्च त्रिष्टुप् छन्दसी

सहस्रशीर्षा पुरुषः सहस्राक्षः सहस्रपात् ।  
 स भूमिं विश्वतो वृत्वाऽत्यतिष्ठदशाङ्गुलम् १  
 पुरुष एवेदं सर्वं यद्भूतं यच्च भव्यम् ।  
 उतामृतत्वस्येशानो यदन्नैनातिरोहति २  
 एतावानस्य महिमा ऽतो ज्यायांश्च पूरुषः ।  
 पादोऽस्य विश्वा भूतानि त्रिपादस्यामृतं दिवि ३  
 त्रिपादूर्ध्व उदैत् पुरुषः पादोऽस्येहाभवत् पुनः ।  
 ततो विष्वङ् व्यक्रामत् साशनानशने अभि ४  
 तस्माद्विराळजायत विराजो अधि पूरुषः ।  
 स जातो अत्यरिच्यत पश्चाद्भूमिमथो पुरः ५  
 यत् पुरुषेण हविषा देवा यज्ञमर्तन्वत ।  
 वसन्तो अस्यासीदाज्यं ग्रीष्म इध्मः शरद्धविः ६  
 तं यज्ञं बर्हिषि प्रौक्षन्पुरुषं जातमग्रतः ।  
 तेन देवा अयजन्त साध्या ऋषयश्च ये ७  
 तस्माद्यज्ञात् सर्वहुतः संभृतं पृषदाज्यम् ।  
 पशून् ताँश्चक्रे वायुर्व्यानारुणान् ग्राम्याश्च ये ८  
 तस्माद्यज्ञात् सर्वहुत ऋचः सामानि जज्ञिरे ।  
 छन्दांसि जज्ञिरे तस्माद्यजुस्तस्मादजायत ९  
 तस्मादश्वा अजायन्त ये कै चोभयादतः ।  
 गावो ह जज्ञिरे तस्मात् तस्माज्जाता अजावयः १०  
 यत् पुरुषं व्यदधुः कतिधा व्यकल्पयन् ।  
 मुखं किमस्य कौ बाहू का ऊरू पादा उच्येते ११  
 ब्राह्मणोऽस्य मुखमासीद्बाहू राजन्यः कृतः ।  
 ऊरू तदस्य यद्वैश्यः पद्भ्यां शूद्रो अजायत १२  
 चन्द्रमा मनसो जातश्चक्षुः सूर्यो अजायत ।  
 मुखादिन्द्रश्चाग्निश्च प्राणाद्वायुरजायत १३  
 नाभ्या आसीदन्तरिक्षं शीर्ष्णो द्यौः समवर्तत ।

प॒द्भ्यां भूमि॑र्दि॒शः श्रोत्रा॑त् तथा लो॒काँ अ॑कल्पयन् १४  
सप्ता॑स्यासन् परि॒धय॑स्त्रिः स॒प्त स॒मिधः॑ कृ॒ताः ।  
दे॒वा यद्य॑ज्ञं त॑न्वा॒ना अब॑ध्नन् पु॒रुषं॑ पु॒शुम् १५  
य॒ज्ञेन॑ य॒ज्ञम॑यजन्त दे॒वास्तानि॑ धर्मा॑णि प्रथ॒मान्या॑सन् ।  
ते ह॒ नाकं॑ म॒हिमानः॑ सचन्त॒ यत्र॒ पूर्वे॑ सा॒ध्याः सन्ति॑ दे॒वाः १६

(६१) एकनवतितमं सूक्तम्

(१-१५) पञ्चदशर्चस्यास्य सूक्तस्य वैतहव्योऽरुण ऋषिः । अग्निर्देवता । (१-१४)

प्रथमादिचतुर्दशर्चा जगती, (१५) पञ्चदश्याश्च त्रिष्टुप् छन्दसी

सं जा॒गृव॑द्भिर्ज॒रमा॑ण इ॒ध्यते॑ दमे॒ दमू॑ना इ॒षय॑न्नि॒ळस्प॑दे ।  
वि॒श्वस्य॑ हो॒ता ह॒विषो॑ वरे॒ण्यो वि॒भुर्वि॒भावा॑ सु॒षखा॑ सखीय॒ते १  
स दर्श॑त॒श्रीर॑ति॒थिर्गृहे॑गृहे॒ वने॑वने शि॒श्रिये॑ तक्व॒वीरि॑व ।  
ज॒नंज॑नं ज॒न्यो ना॑ति॒ मन्य॑ते वि॒श आ॑ दै॒ति वि॒श्यो॒ऽवि॒शवि॑शम् २  
सु॒दक्षो॑ द॒क्षैः क॑रु॒नासि॑ सु॒क्रतु॑र॒ग्रे क॒विः का॒व्येना॑सि वि॒श्ववि॑त् ।  
व॒सुर्वसू॑नां क्षय॑सि त्वमे॒क इ॒द् द्यावा॑ च॒ यानि॑ पृथि॒वी च॒ पुष्य॑तः ३  
प्र॒जान॑न्न॒ग्रे तव॑ योनि॒मृत्व॑य॒मिळा॑यास्प॒दे घृ॒तव॑न्त॒मास॑दः ।  
आ तै॑ चि॒कित्र॑ उ॒षसा॑मि॒वेत॑यो ऽरे॒पसः॑ सू॒र्यस्ये॒व र॒श्मयः॑ ४  
तव॑ श्रि॒यो व॒र्ष्यस्ये॒व वि॒द्युत॑श्चि॒त्राश्चि॑कि॒त्र उ॒षसां॑ न के॒तवः॑ ।  
यदो॑षधी॒रभिसृ॑ष्टो वना॑नि च॒ परि॑ स्व॒यं चि॑नुषे अ॒न्नमा॑स्यै ५  
तमो॑षधी॒र्दधिरे॑ गर्भ॒मृत्व॑यं तमा॒पो अ॒ग्निं ज॑नयन्त मा॒तरः॑ ।  
तमि॑त् स॒मानं॑ व॒निर्ने॑श्च वी॒रुधो॑ ऽन्तर्व॒तीश्च॑ सु॒वते॑ च वि॒श्वहा॑ ६  
वा॒ताप॑धूत इ॒षितो॑ व॒शाँ अनु॑ तृषु यद॒न्ना वे॒विष॑द्वि॒तिष्ठ॑से ।  
आ तै॑ यत॑न्ते र॒थ्यो॒ऽयथा॑ पृथक् श॒र्धास्य॑ग्रे अ॒जरा॑णि ध॒क्षतः॑ ७  
मे॒धाका॑रं वि॒दथ॑स्य प्र॒साध॑नम॒ग्निं हो॒तारं॑ परि॒भूत॑मं म॒तिम् ।  
तमि॑द॒र्भे ह॒विष्या॑ स॒मान॑मि॒त् तमि॑न्महे वृ॒णते॑ नान्यं त्वत् ८  
त्वामि॑द॒न्नं वृ॒णते॑ त्वा॒यवो॑ हो॒तार॑म॒ग्रे वि॒दथै॑षु वे॒धसः॑ ।  
यदै॒व॒यन्तो॑ द॒धति॑ प्रया॑सि ते ह॒विष्म॑न्तो म॒नवो॑ वृ॒क्तब॑र्हिषः ९  
तवा॑ग्रे हो॒त्रं तव॑ पो॒त्रमृ॑त्व॒यं तव॑ नेष्ट्रं त्वम॒ग्निर्दृ॑ताय॒तः ।  
तव॑ प्र॒शास्त्रं॑ त्वम॒ध्वरी॑यसि ब्र॒ह्मा चा॑सि गृ॒हप॑तिश्च नो॒ दमे॑ १०  
यस्तु॑भ्य॒मग्रे॑ अ॒मृता॑य॒ मर्त्यः॑ स॒मिधा॑ दा॒शदु॑त वा॒ ह॒विष्कृ॑ति ।

तस्य॒ होता॑ भवसि॒ यासि॑ दूत्य॑मुप॒ ब्रूषे॑ यज॑स्यध्वरी॒यसि॑ ११  
 इ॒मा अ॑स्मै म॒तयो॑ वाचो॑ अ॒स्मदाँ॑ ऋ॒चो गि॑रः सु॒ष्टुत॑यः स॒म॒ग्मत॑ ।  
 व॒सूय॑वो वस॑वे जा॒तवै॑दसे वृ॒द्धासु॑ चि॒द्वर्ध॑नो यासु॑ चा॒कन॑त् १२  
 इ॒मां प्र॒त्ताय॑ सु॒ष्टुतिं॑ नवी॒यसीं॑ वो॒चेय॑मस्मा उ॒शते॑ शृ॒णोतु॑ नः ।  
 भू॒या अ॒न्तरा॑ ह॒द्यस्य॑ नि॒स्पृशे॑ जा॒येव॑ प॒त्य उ॒शती॑ सु॒वासाः॑ १३  
 यस्मि॑न्नश्वास॒ ऋष॑भास॒ उ॒क्ष्णौ व॒शा मे॒षा अ॒वसृ॑ष्टास॒ आहु॑ताः ।  
 की॒लाल॑पे सोम॑पृ॒ष्ठाय॑ वे॒धसे॑ ह॒दा म॒तिं ज॑नये॒ चारु॑म॒ग्रये॑ १४  
 अ॒हाव्य॑ग्रे ह॒विरा॒स्ये ते स्तु॑ची॒व घृ॑तं च॒म्वीव॑ सोमः ।  
 वा॒ज॒सनि॑ र॒यिम॒स्मे सु॒वीरं॑ प्र॒शस्तं॑ धै॒हि य॒शसं॑ बृ॒हन्त॑म् १५

(६२) द्विनवतितमं सूक्तम्

(१-१५) पञ्चदशर्चस्यास्य सूक्तस्य मानवः शार्यात ऋषिः । विश्वे देवा देवताः ।

जगती छन्दः

य॒ज्ञस्य॑ वो र॒थ्यं वि॒श्वप॑तिं वि॒शां हो॑तारम॒क्तोर॑तिथिं वि॒भावं॑सुम् ।  
 शोच॑ज्जुष्का॒सु हरि॑णीषु ज॒र्भुर॑द वृषा॑ के॒तुर्य॑जतो द्याम॑शायत १  
 इ॒मम॑ञ्ज॒स्पामु॑भयै अ॒कृण॑वत ध॒र्माण॑म॒ग्निं वि॒दथ॑स्य सा॒धन॑म् ।  
 अ॒क्तुं न य॒ह्ममु॑षसः पु॒रोहि॑तं तनू॒नपा॑तम॒रुष॑स्य नि॒सते॑ २  
 ब॒ळस्य॑ नी॒था वि पु॒णेश्च॑ म॒न्महे॑ व॒या अ॒स्य प्र॑हुता आ॒सुर॑त्तवे ।  
 य॒दा घो॒रासौ॑ अ॒मृत॑त्वमा॒शता॑दि॒जन॑स्य दै॒व्यस्य॑ च॒र्किर॑न् ३  
 अ॒तस्य॑ हि प्र॒सि॒तिर्द्यौ॑रु॒रु व्य॑चो नमो॑ म॒ह्यश्म॑तिः पनी॒यसी॑ ।  
 इ॒न्द्रो मि॒त्रो वरु॑णः सं चि॒कि॒त्रिरे॒ऽथो भ॑र्गः स॒विता पू॑तद॒क्षसः॑ ४  
 प्र रु॒द्रेण॑ य॒यिना॑ यन्ति सि॒न्धव॑स्ति॒रो म॒हीम॑र॒मतिं॑ दध॒न्विरे॑ ।  
 येभिः॑ प॒रि॒ज्मा प॒रि॒यन्तु॑रु॒जयो॑ वि रो॒रुव॑ज्ज॒ठरे॑ वि॒श्वमु॑क्षतै ५  
 क्रा॒णा रु॒द्रा म॒रुतो॑ वि॒श्वकृ॑ष्टयो दि॒वः श्ये॑नासो अ॒सुर॑स्य नी॒ळयः॑ ।  
 तेभि॑श्चष्टे वरु॑णो मि॒त्रो अ॒र्यमे॒न्द्रो दे॒वेभि॑र॒र्वशे॑भि॒रर्व॑शः ६  
 इ॒न्द्रे भु॑जं श॒शमा॑नास॒ आश॑त॒ सूर॑ो दृ॒शीके॑ वृष॒णश्च॑ पौ॒ंस्यै ।  
 प्र ये न्व॑स्या॒र्हणा॑ तत॒क्षिरे॑ यु॒जं व॑ज्रं नृष॑द॒नेषु॑ का॒रवः॑ ७  
 सूर॑श्चि॒दा ह॒रितो॑ अ॒स्य री॑रम॒दिन्द्रा॑दा कश्चि॑द्भ॒यते॑ तवी॒यसः॑ ।  
 भी॒मस्य॑ वृष॒णो ज॒ठरा॑दभि॒श्वसौ॑ दि॒वेदि॑वे स॒हुरिः॑ स्त॒न्नबा॑धितः ८  
 स्तोमं॑ वो अ॒द्य रु॒द्राय॑ शि॒क्वसे॑ क्ष॒यद्वी॑राय॒ नम॑सा दि॒दिष्ट॑न ।

येभिः शिवः स्ववाँ एवयावभिर्दिवः सिषक्ति स्वयशा निकामभिः ६  
 ते हि प्रजाया अभरन्त वि श्रवो बृहस्पतिर्वृषभः सोमजामयः ।  
 यज्ञैरथर्वा प्रथमो वि धारयद्देवा दक्षैर्भृगवः सं चिकित्रिरे १०  
 ते हि द्यावापृथिवी भूरिरतसा नराशंसश्चतुरङ्गो यमोऽदितिः ।  
 देवस्त्वष्टा द्रविणोदा ऋभुक्ष्णः प्र रोदसी मरुतो विष्णुरर्हिरे ११  
 उत स्य न उशिजामुर्विया कविरहिः शृणोतु बुध्योऽहवीमनि ।  
 सूर्यामासा विचरन्ता दिविक्षिता धिया शमीनहृषी अस्य बोधतम् १२  
 प्र नः पूषा चरथ विश्वदैव्यो ऽपां नपादवतु वायुरिष्टयै ।  
 आत्मानं वस्यो अभि वार्तमर्चत तदश्विना सुहवा यामनि श्रुतम् १३  
 विशामासामभयानामधिक्षितं गीर्भिरु स्वयशसं गृणीमसि ।  
 ग्राभिर्विश्वाभिरदितिमनुर्वणमुक्तोर्युवानं नृमणा अधा पतिम् १४  
 रेभदत्रं जनुषा पूर्वो अङ्गिरा ग्रावाण ऊर्ध्वा अभि चक्षुरध्वरम् ।  
 येभिर्विहाया अभवद्विचक्ष्णः पार्थः सुमेकं स्वधितिर्वनन्वति १५

(६३) त्रिनवतितमं सूक्तम्

(१-१५) पञ्चदशर्चस्यास्य सूक्तस्य पार्थस्तान्व ऋषिः । विश्वे देवा देवताः । (१,  
 ४-८, १०, १२, १४) प्रथमर्चश्चतुर्थ्यादिपञ्चानां दशमीद्वादशीचतुर्दशीचतुर्दशीनाञ्च  
 प्रस्तारपङ्क्तिः, (२, ३, १३) द्वितीयातृतीयात्रयोदशीनामनुष्टुप्, (६) नवम्या अक्षरैः  
 पङ्क्तिः, (११) एकादश्या न्यङ्कुसारिणी, (१५) पञ्चदश्याश्च पुरस्ताद्बृहती छन्दांसि  
 महि द्यावापृथिवी भूतमुर्वी नारी यही न रोदसी सदै नः ।  
 तेभिर्नः पातं सद्यस एभिर्नः पातं शूषणि १  
 यज्ञेयज्ञे स मर्त्यो देवान् त्संपर्यति ।  
 यः सुमैर्दीर्घश्रुतम आविवासात्येनान् २  
 विश्वेषामिरज्यवो देवानां वार्महः ।  
 विश्वे हि विश्वमहसो विश्वे यज्ञेषु यज्ञियाः ३  
 ते घा राजानो अमृतस्य मन्द्रा अर्यमा मित्रो वरुणः परिज्मा ।  
 कद्रुद्रो नृणां स्तुतो मरुतः पूषणो भर्गः ४  
 उत नो नक्तम्पां वृषणवसू सूर्यामासा सदैनाय सध्न्या ।  
 सचा यत् साद्येषामहिर्बुध्नेषु बुध्यः ५  
 उत नो देवावश्विना शुभस्पती धामभिर्मित्रावरुणा उरुष्यताम् ।

म॒हः स रा॒य ए॒षते ऽति॒ धन्वे॑व दु॒रिता ६  
 उ॒त नो॑ रु॒द्रा चि॑न्मृ॒ळता॑म॒श्विना॒ विश्वे॑ दे॒वासो॑ रथ॒स्पति॑र्भगः ।  
 ऋ॒भुर्वाज॑ ऋ॒भुक्ष॑णः परि॒ज्मा वि॒श्ववे॑दसः ७  
 ऋ॒भुर्ऋ॑भु॒क्षा ऋ॒भुर्वि॑ध॒तो म॒द आ ते॒ हरी॑ जू॒जुवा॑नस्य॒ वा॒जिना॑ ।  
 दु॒ष्टरं॑ यस्य॒ सामं चि॑दृ॒धग्य॑ज्ञो न मा॒नुषः ८  
 कृ॒धी नो॒ अ॒ह॒यो दे॒व स॒वितुः॑ स च॑ स्तु॒षे म॒घोना॑म् ।  
 स॒हो न॒ इन्द्रो॑ व॒ह्निभि॑न्यैषां च॒र्षणी॑नां च॒क्रं र॒श्मिं न यो॑युवे ९  
 ऐ॒षु द्या॒वापृ॑थि॒वी धा॑तं म॒हद॑स्मे वी॒रेषु॑ वि॒श्वच॑र्षणि॒ श्रवः॑ ।  
 पृ॒क्षं वा॒जस्य॑ सा॒तये॑ पृ॒क्षं रा॒योत॑ तु॒र्वणै १०  
 ए॒तं शंस॑मिन्द्रास्म॒युष्टं॑ कू॒चित् सन्त॑ सह॒साव॑न्न॒भिष्ट॑ये सदा॑ पा॒ह्यभि॑ष्टये ।  
 मे॒दता॑ वे॒दता॑ व॒सो ११  
 ए॒तं मे॒ स्तोमं॑ त॒ना न सूर्ये॑ द्यु॒तद्या॑मानं वावृ॒धन्त॑ नृ॒णाम् ।  
 सं॒वर्न॑नं ना॒श्वयं॑ तष्टे॒वान॑पच्यु॒तम् १२  
 वा॒वर्त॑ ये॒षां रा॒या यु॒क्तैषां॑ हि॒र॒ण्ययी॑ ।  
 ने॒मधि॑ता न पौ॒स्या वृ॒थैव॑ वि॒ष्टान्ता॑ १३  
 प्र तद्दुः॒शीमे॒ पृथ॑वाने वे॒ने प्र रा॒मे वो॑च॒मसुरे॑ म॒घव॑त्सु ।  
 ये यु॒क्त्वाय॑ पञ्च॒ शता॑स्म॒यु प॒था वि॒श्राव्ये॑षाम् १४  
 अ॒धीन्व॑त्र॒ सप्त॑तिं च॒ सप्त॑ च ।  
 स॒द्यो दि॑दिष्ट॒ तान्वः॑ स॒द्यो दि॑दिष्ट॒ पा॒थ्यः स॒द्यो दि॑दिष्ट॒ मा॒यवः॑ १५

(९४) चतुर्नवतितमं सूक्तम्

(१-१४) चतुर्दशर्चस्यास्य सूक्तस्य काद्रवेयः सर्पोऽर्बुद ऋषिः । ग्रावाणो देवताः  
 । (१-४, ६, ८-१३) प्रथमादिचतुर्ऋचां षष्ठ्या अष्टम्यादिषण्णाञ्च जगती, (५, ७,  
 १४) पञ्चमीसप्तमीचतुर्दशीनाञ्च त्रिष्टुप् छन्दसी  
 प्रै॒ते व॑दन्तु प्र व॒यं व॑दाम॒ ग्राव॑भ्यो वाचं वद॒ता व॑द॒द्भ्यः॑ ।  
 यद॑द्रयः पर्व॒ताः सा॒कमा॑शवः श॒लो॒कं घोषं॑ भ॒रथे॑न्द्राय सो॒मिनः॑ १  
 ए॒ते व॑दन्ति श॒तव॑त् स॒हस्र॑वद॒भि क्र॑न्दन्ति ह॒रिते॑भि॒रास॑भिः ।  
 वि॒ष्टी ग्रा॒वाणः॑ सु॒कृतः॑ सु॒कृत्य॑या हो॒तुश्चित्॑ पूर्वे ह॒विर॑द्य॒माशत॑ २  
 ए॒ते व॑दन्त्यवि॒दन्न॑ना मधु॒ न्यू॑ह्यन्ते अ॒धि प॒क्व आ॑मिषि ।  
 वृ॒क्षस्य॑ शा॒खाम॑रु॒णस्य॑ ब॒प्स॑त॒स्ते सू॒भ॒र्वा वृष॑भाः प्रे॒मरा॑विषुः ३

बृहद्वदन्ति मदिरेण मन्दिनेन्द्रं क्रोशन्तोऽविदन्नना मधु ।  
 संरभ्या धीराः स्वसृभिरनर्तिषुराघोषयन्तः पृथिवीमुपबिद्भिः ४  
 सुपर्णा वार्चमक्रतोपद्यव्याखरे कृष्णा इषिरा अनर्तिषुः ।  
 न्येङ्गिन युन्त्युपरस्य निष्कृतं पुरु रेतौ दधिरे सूर्यश्चितः ५  
 उग्रा इव प्रवहन्तः समार्यमुः साकं युक्ता वृषणो बिभ्रतो धुरः ।  
 यच्छ्वसन्तौ जग्रसाना अराविषुः शृणव एषां प्रोथथो अर्वतामिव ६  
 दशावनिभ्यो दशकक्ष्येभ्यो दशयोक्त्रेभ्यो दशयोजनेभ्यः ।  
 दशाभीशुभ्यो अर्चताजरैभ्यो दश धुरो दश युक्ता वहङ्गः ७  
 ते अद्रयो दशयन्त्रास आशवस्तेषामाधानं पर्येति हर्यतम् ।  
 त ऊं सुतस्य सोम्यस्यान्धसोऽशोः पीयूषं प्रथमस्य भेजिरे ८  
 ते सोमादो हरी इन्द्रस्य निसर्तेऽशुं दुहन्तो अध्यासते गवि ।  
 तेभिर्दुग्धं पपिवान् त्सोम्यं मध्विन्द्रो वर्धते प्रथते वृषायते ९  
 वृषा वो अंशुर्न किला रिषाथनेळावन्तः सदमित् स्थनाशिताः ।  
 रैवत्येव महसा चारवः स्थन यस्य ग्रावाणो अर्जुषध्वमध्वरम् १०  
 तृदिला अर्तृदिला सो अद्रयोऽश्रमृणा अर्तृथिता अर्तृत्यवः ।  
 अनातुरा अजराः स्थामविष्णवः सुपीवसो अर्तृषिता अर्तृष्णजः ११  
 ध्रुवा एव वः पितरौ युगेयुगे क्षेमकामासः सदसो न युञ्जते ।  
 अजुर्यासौ हरिषाचौ हरिद्रव आ द्यां रवेण पृथिवीमशुश्रवुः १२  
 तदिद्वदन्त्यद्रयो विमोचने यामन्नञ्जस्या इव घेदुपबिद्भिः ।  
 वपन्तो बीजमिव धान्याकृतः पृञ्चन्ति सोमं न मिनन्ति बर्षतः १३  
 सुते अध्वरे अधि वार्चमक्रताऽऽ क्रीळ्यो न मातरं तुदन्तः ।  
 वि षू मुञ्चा सुषुवुषौ मनीषां वि वर्तन्तामद्रयश्चायमानाः १४

पञ्चमोऽध्यायः

। व० १-२६ ।

(६५) पञ्चनवतितमं सूक्तम्

(१-१८) अष्टादशर्चस्यास्य सूक्तस्य (१, ३, ६, ८-१०, १२, १४, १७)

प्रथमातृतीयाषष्ठीनामृचामष्टम्यादितृचस्य द्वादशीचतुर्दशीसप्तदशीनाञ्चैळः पुरुरवा

ऋषिः, (२, ४-५, ७, ११, १३, १५-१६, १८)

द्वितीयाचतुर्थीपञ्चमीसप्तम्येकादशीत्रयोदशीपञ्चदशीषोडश्यष्टादशीनाञ्चोर्वशी ऋषिका

। (१, ३, ६, ८-१०, १२, १४, १७) प्रथमातृतीयाषष्ठीनामृचामष्टम्यादितृचस्य  
द्वादशीचतुर्दशीसप्तदशीनाञ्चोर्वशी, (२, ४-५, ७, ११, १३, १५-१६, १८)  
द्वितीयाचतुर्थीपञ्चमीसप्तम्येकादशीत्रयोदशीपञ्चदशीषोडश्यष्टादशीनाञ्च पुरुरवा देवते

। त्रिष्टुप् छन्दः

हृये जाये म॒नसा॒ तिष्ठ॑ घो॒रे वचा॑सि मि॒श्रा कृ॑णवावहै नु ।  
न नौ॑ मन्त्रा॒ अनु॑दितास ए॒ते मर्य॑स्करन् पर॒तरे च॒नाह॑न् १  
किमे॒ता वा॒चा कृ॑णवा॒ तवा॑हं प्रा॒क्रमि॑षमुषसा॒मग्रि॑येव ।  
पुरुर॑वः पुन॒रस्तं॑ परे॒हि दुरा॑प॒ना वा॒त इवा॑हमस्मि २  
इषु॑र्न श्रि॒य इषु॑धेर॒सना॒ गोषाः॑ श॒तसा॒ न रं॑हिः ।  
अ॒वीरे॒ क्रतौ॑ वि द॒विद्यु॑त॒न्नोरा॒ न मा॒युं चि॑तयन्त॒ धुन॑यः ३  
सा वसु॑ दध॒ती श्वश॑राय॒ वय॑ उषो॒ यदि॑ वष्ट॒यन्ति॑गृहात् ।  
अस्तं॑ नन॒क्षे यस्मि॑ञ्चा॒कन् दिवा॑ नक्तं॑ शन॒थिता॒ वैत॑सेन ४  
त्रिः स्म॒ माह॑ः शन॒थयो॒ वैत॑सेनो॒त स्म॒ मेऽव्य॑त्यै पृ॒णासि॑ ।  
पुरुर॑वोऽनु॒ ते के॑त॒माय॑ं राजा॒ मे वी॑र त॒न्वश्स्त॑दासीः ५  
या सु॑ज॒रिणिः॑ श्रेणिः॒ सुम॑न्त्रा॒पिह॑दे॒चक्षु॑र्न गृ॒न्थिनी॑ च॒रण॑युः ।  
ता अ॒ञ्जयो॑ऽरु॒णयो॒ न सं॑स्रुः श्रि॒ये गा॒वो न धे॑नवोऽन॒वन्त॑ ६  
सम॑स्मि॒ञ्जाय॑मान आ॒सत॒ ग्रा उ॒तेम॑वर्धन् न॒द्यश्च॑ स्व॒गूर्ताः॑ ।  
म॒हे यत् त्वा॑ पुरुर॒वो र॑णा॒या ऽव॑र्धयन् दस्यु॒हत्या॑य दे॒वाः ७  
सचा॑ यदा॒सु ज॑ह॒तीष्व॑त्क॒ममा॑नुषीषु॒ मानु॑षो नि॒षेवे॑ ।  
अप॑ स्म॒ मत् त॒रस॑न्ती॒ न भु॑ज्युस्ता अ॒त्रस॑न् रथ॒स्पृशो॑ नाश्वाः ८  
यदा॒सु म॒तौ अ॒मृता॑सु नि॒स्पृक् सं क्षो॑णीभिः॒ क्रतु॑भिर्न पृ॒ङ्क्ते॑ ।  
ता आ॒तयो॑ न त॒न्वः शु॑म्भत॒ स्वा अ॒श्वासो॑ न क्री॒ळयो॑ द॒न्दशा॑नाः ९  
वि॒द्युन्न॒ या प॑त॒न्ती द॑वि॒द्योद्भ॑र॒न्ती मे॒ अप्या॑ काम्यानि ।  
जनि॑ष्ठो अ॒पो न॒र्यः सु॑जा॒तः प्रो॑र्वशी॒ तिर॑त दी॒र्घमा॑युः १०  
ज॒ज्ञिष॑ इ॒त्या गो॑पी॒थ्याय॑ हि द॒धाथ॑ तत् पुरुर॒वो म॒ ओजः॑ ।  
अशो॑सं त्वा वि॒दुषी॑ सस्मिन्न॒हन् न म॒ आश्र॑णोः किम॒भुग्व॑दासि ११  
क॒दा सू॒नुः पि॒तरं॑ जा॒त ई॒च्छाच्च॑क्र॒न्नाश्रु॑ वर्तयद्वि॒जान॑न् ।  
को द॑र्प॒ती स॑म॒नसा॒ वि यू॒योद॑ध॒ यद॑ग्निः श्वश॑रेषु दी॒दय॑त् १२  
प्रति॑ ब्रवाणि॒ वर्त॑यते अ॒श्रु च॑क्रन् न क्र॒न्ददा॑र्ध्वे शि॒वायै॑ ।  
प्र तत् तै॑ हिनवा॒ यत् तै॑ अ॒स्मे प॑रे॒ह्यस्तं॑ न॒हि मूर॑ मापः १३



सुदेवो अद्य प्रपतेदनावृत् परावर्त परमां गन्तवा उ ।  
 अधा शयीत निर्वृतेरुपस्थे ऽधैनं वृका रभसासौ अद्युः १४  
 पुरुरवो मा मृथा मा प्र पप्नो मा त्वा वृकासो अशिवास उ क्षन् ।  
 न वै स्त्रैणानि सुख्यानि सन्ति सालावृकाणां हृदयान्येता १५  
 यद्विरूपाचरं मर्त्येष्ववसं रात्रीः शरदश्चतस्रः ।  
 घृतस्य स्तोत्रं सकृदहं आशनां तादेवेदं तातृपाणा चरामि १६  
 अन्तरिक्षां रजसो विमानीमुप शिन्नाम्युर्वशीं वसिष्ठः ।  
 उप त्वा रातिः सुकृतस्य तिष्ठान्नि वर्तस्व हृदयं तप्यते मे १७  
 इति त्वा देवा इम आहुरैळ यथैमेतद्भवसि मृत्युबन्धुः ।  
 प्रजा तै देवान् हविषा यजाति स्वर्ग उ त्वमपि मादयासे १८

(६६) षण्णवतितमं सूक्तम्

(१-१३) त्रयोदशर्चस्यास्य सूक्तस्याङ्गिरसो बरुैन्द्रः सर्वहरिर्वा ऋषिः । हरिर्देवता

। (१-११) प्रथमाद्येकादशर्चा जगती,

(१२-१३) द्वादशीत्रयोदशयोश्च त्रिष्टुप् छन्दसी

प्र तै महे विदथै शंसिषं हरी प्र तै वन्वे वनुषौ हर्यतं मदम् ।  
 घृतं न यो हरिभिश्चारु सेचत आ त्वा विशन्तु हरिवर्षसं गिरः १  
 हरिं हि योनिमभि ये समस्वरन् हिन्वन्तो हरी दिव्यं यथा सदः ।  
 आ यं पृणन्ति हरिभिर्न धेनव इन्द्राय शूषं हरिवन्तमर्चत २  
 सो अस्य वज्रो हरितो य आयसो हरिर्निकामो हरिरा गर्भस्त्योः ।  
 द्युम्नी सुशिप्रो हरिमन्युसायक इन्द्रे नि रूपा हरिता मिमिक्षिरे ३  
 दिवि न केतुरधि धायि हर्यतो विव्यचद्वज्रो हरितो न रंह्या ।  
 तुददहिं हरिशिप्रो य आयसः सहस्रशोका अभवद्धरिभुरः ४  
 त्वं त्वमह्यथा उपस्तुतः पूर्वेभिरिन्द्र हरिकेश यज्वभिः ।  
 त्वं हर्यसि तव विश्वमुक्थ्यश्मसामि राधौ हरिजात हर्यतम् ५  
 ता वज्रिणं मन्दिनं स्तोम्यं मद इन्द्रं रथै वहतो हर्यता हरी ।  
 पुरुरयस्मै सर्वनानि हर्यत इन्द्राय सोमा हरयो दधन्विरे ६  
 अरं कामाय हरयो दधन्विरे स्थिराय हिन्वन् हरयो हरी तुरा ।  
 अर्वद्भिर्यो हरिभिर्जोषमीयते सो अस्य कामं हरिवन्तमानशे ७  
 हरिश्मशारुर्हरिकेश आयसस्तुरस्पेये यो हरिपा अर्वधत ।

अर्वद्भिर्यो हरिभिर्वाजिनीवसुरति विश्वा दुरिता पारिषद्धरी ८  
 स्तुवैव यस्य हरिणी विपेततुः शिप्रे वाजाय हरिणी दर्विध्वतः ।  
 प्र यत् कृते चमसे मर्मजद्धरी पीत्वा मदस्य हर्यतस्यान्धसः ९  
 उत स्म सद्य हर्यतस्य पुस्त्योऽरत्यो न वाजं हरिवाँ अचिक्रदत् ।  
 मही चिद्धि धिषणाहर्यदोर्जसा बृहद्वयो दधिषे हर्यतश्चिदा १०  
 आ रोदसी हर्यमाणो महित्वा नव्यनव्यं हर्यसि मन्म नु प्रियम् ।  
 प्र पुस्त्यमसुर हर्यतं गोराविष्कृधि हरये सूर्याय ११  
 आ त्वा हर्यन्तं प्रयुजो जनानां रथे वहन्तु हरिशिप्रमिन्द्र ।  
 पिबा यथा प्रतिभृतस्य मध्वो हर्यन् यज्ञं सधमादे दशौणिम् १२  
 अपाः पूर्वेषां हरिवः सुतानामथौ इदं सर्वनं केवलं ते ।  
 ममद्धि सोमं मधुमन्तमिन्द्र सत्रा वृषञ्जठर आ वृषस्व १३

(६७) सप्तनवतितमं सूक्तम्

(१-२३) त्रयोविंशत्यृचस्यास्य सूक्तस्याथर्वणो भिषगृषिः । ओषधयो देवताः ।

अनुष्टुप् छन्दः

या ओषधीः पूर्वा जाता देवेभ्यस्त्रियुगं पुरा ।  
 मनै नु बभ्रूणामहं शतं धामानि सप्त च १  
 शतं वो अम्ब धामानि सहस्रमुत वो रुहः ।  
 अधा शतक्रत्वो यूयमिमं मे अगदं कृत २  
 ओषधीः प्रति मोदध्वं पुष्पवतीः प्रसूवरीः ।  
 अश्वा इव सजित्वरीर्वीरुधः पारयिष्णवः ३  
 ओषधीरिति मातरस्तद्वौ देवीरुपं ब्रुवे ।  
 सनेयमश्वं गां वास आत्मानं तव पूरुष ४  
 अश्वत्थे वो निषदनं पुण्ये वो वसतिष्कृता ।  
 गोभाज इत् किलासथ यत्सनवथ पूरुषम् ५  
 यत्रौषधीः समगमत् राजानः समिताविव ।  
 विप्रः स उच्यते भिषग् रक्षोहामीवचातनः ६  
 अश्वावतीं सौमावतीमूर्जयन्तीमुदौजसम् ।  
 आवित्सि सर्वा ओषधीरस्मा अरिष्टतातये ७

उच्छुष्मा ओषधीनां गावो गोष्ठादिवेरते ।  
 धनं सनिष्यन्तीनामात्मानं तव पूरुष ८  
 इष्कृतिर्नाम वो माता ऽथो यूयं स्थ निष्कृतीः ।  
 सीराः पततृणीः स्थन यदामयेति निष्कृथ ९  
 अति विश्वाः परिष्ठाः स्तेन इव व्रजमक्रमुः ।  
 ओषधीः प्राचुच्यवुर्यत् किं च तन्वोर्ऽरपः १०  
 यदिमा वाजयन्नहमोषधीर्हस्त आदधे ।  
 आत्मा यद्धमस्य नश्यति पुरा जीवगृभौ यथा ११  
 यस्यौषधीः प्रसर्पथाङ्गमङ्ग परुष्परुः ।  
 ततो यद्धमं वि बाधध्व उग्रो मध्यमशीरिव १२  
 साकं यद्धमं प्र पत चाषेण किकिदीविना ।  
 साकं वार्तस्य ध्राज्या साकं नश्य निहाकया १३  
 अन्या वो अन्यामवत्वन्यान्यस्या उपावत ।  
 ताः सर्वाः संविदाना इदं मे प्रावता वचः १४  
 याः फलिनीर्या अफला अपुष्पा याश्च पुष्पिणीः ।  
 बृहस्पतिप्रसूतास्ता नो मुञ्चन्त्वंहसः १५  
 मुञ्चन्तु मा शपथ्याऽदथो वरुण्यादुत ।  
 अथो यमस्य पड्बीशात् सर्वस्माद्देवकिल्बिषात् १६  
 अवपतन्तीरवदन् दिव ओषधयस्परि ।  
 यं जीवमृश्नवामहै न स रिष्याति पूरुषः १७  
 या ओषधीः सोमराज्ञीर्बृहीः शतविचक्षणाः ।  
 तासां त्वमस्युत्तमारं कामायु शं हृदे १८  
 या ओषधीः सोमराज्ञीर्विष्टिताः पृथिवीमनु ।  
 बृहस्पतिप्रसूता अस्यै सं दत्त वीर्यम् १९  
 मा वो रिषत् खनिता यस्मै चाहं खनामि वः ।  
 द्विपञ्चतुष्पदस्माकं सर्वमस्त्वनातुरम् २०  
 याश्चेदमुपशृणवन्ति याश्च दूरं परगिताः ।  
 सर्वाः संगत्य वीरुधो ऽस्यै सं दत्त वीर्यम् २१  
 ओषधयः सं वदन्ते सोमैः सह राज्ञा ।  
 यस्मै कृणोति ब्राह्मणस्तं राजन् पारयामसि २२

त्वमुत्तमास्यौषधे तव वृक्षा उपस्तयः ।  
उपस्तिरस्तु सोऽस्माकं यो अस्मां अभिदासति २३

(६८) अष्टनवतितमं सूक्तम्

(१-१२) द्वादशर्चस्यास्य सूक्तस्यार्ष्टिषेणो देवापित्रृषिः । देवा देवताः ।

त्रिष्टुप् छन्दः

बृहस्पते प्रति मे देवतामिहि मित्रो वा यद्वरुणो वासि पूषा ।  
आदित्यैर्वा यद्वसुभिर्मरुत्वान् त्स पर्जन्यं शतनवे वृषाय १  
आ देवो दूतो अजिरश्चिकित्वान् त्वद्देवापे अभि मामगच्छत् ।  
प्रतीचीनः प्रति मामा ववृत्स्व दधामि ते द्युमतीं वाचमासन् २  
अस्मे धैहि द्युमतीं वाचमासन् बृहस्पते अनमीवामिषिराम् ।  
यया वृष्टिं शतनवे वनाव दिवो द्रप्सो मधुमाँ आ विवेश ३  
आ नो द्रप्सा मधुमन्तो विशन्त्विन्द्र देह्यधिरथं सहस्रम् ।  
नि षीद होत्रमृतुथा यजस्व देवान् देवापे हविषा सपर्य ४  
आर्ष्टिषेणो होत्रमृषिर्निषीदन् देवापिर्देवसुमतिं चिकित्वान् ।  
स उत्तरस्मादधरं समुद्रमुपो दिव्या असृजदृष्या अभि ५  
अस्मिन् त्समुद्रे अद्युत्तरस्मिन्नापो देवेभिर्निर्वृता अतिष्ठन् ।  
ता अद्रवन्नार्ष्टिषेणेन सृष्टा देवापिना प्रेषिता मृत्तिर्णीषु ६  
यद्देवापिः शतनवे पुरोहितो होत्राय वृतः कृपयन्नदीधेत् ।  
देवश्रुतं वृष्टिवनिं रराणो बृहस्पतिर्वाचमस्मा अयच्छत् ७  
यं त्वा देवापिः शुशुचानो अग्न आर्ष्टिषेणो मनुष्यः समीधे ।  
विश्वेभिर्देवैरनुमद्यमानः प्र पर्जन्यमीरया वृष्टिमन्तम् ८  
त्वां पूर्व ऋषयो गीर्भिरायन् त्वामध्वरेषु पुरुहूत विश्वे ।  
सहस्राण्यधिरथान्यस्मे आ नो यज्ञं रौहिदृश्वोप याहि ९  
एतान्यग्ने नवतिर्नव त्वे आहुतान्यधिरथा सहस्रा ।  
तैर्भिर्वर्धस्व तन्वः शूर पूर्वीर्दिवो नो वृष्टिमिषितो रिरीहि १०  
एतान्यग्ने नवतिं सहस्रा सं प्र यच्छ वृष्ण इन्द्राय भागम् ।  
विद्वान् पथ ऋतुशो देवयानानप्यौलानं दिवि देवेषु धेहि ११  
अग्ने बार्धस्व वि मृधो वि दुर्गहा ऽपामीवामप रक्षासि सेध ।  
अस्मात् समुद्राद्बृहतो दिवो नो ऽपां भूमानमुप नः सृजेह १२

(६६) नवनवतितमं सूक्तम्

(१-१२) द्वादशर्चस्यास्य सूक्तस्य वैखानसो वम्र ऋषिः । इन्द्रो देवता ।

त्रिष्टुप् छन्दः

कं नश्चित्रमिषयसि चिकित्वान् पृथुग्मानं वाश्रं वावृधध्यै ।  
 कत् तस्य दातु शर्वसो व्युष्टौ तक्षद्वजं वृत्रतुरमपिन्वत् १  
 स हि द्युता विद्युता वेति सामं पृथुं योनिमसुरत्वा संसाद ।  
 स सनीळेभिः प्रसहानो अस्य भ्रातुर्न ऋते सप्तथस्य मायाः २  
 स वाजं यातापदुष्पदा यन् त्वर्षाता परि षदत् सनिष्यन् ।  
 अनर्वा यच्छतदुरस्य वेदो घञ्छिनदैवां अभि वर्षसा भूत् ३  
 स युह्योऽवनीर्गोष्वर्वा ऽऽ जुहोति प्रधन्यासु सस्त्रिः ।  
 अपादो यत्र युज्यासोऽरथा द्रोण्यश्वास ईरते घृतं वाः ४  
 स रुद्रेभिरशस्तवार ऋभ्वा हित्वी गयमारेऽवद्य आगात् ।  
 वम्रस्य मन्ये मिथुना विवव्री अन्नमभीत्यारोदयन्मुषायन् ५  
 स इद्दासं तुवीरवं पतिर्दन् षळक्षं त्रिशीर्षाणं दमन्यत् ।  
 अस्य त्रितो न्वोजसा वृधानो विपा वराहमयोऽग्रया हन् ६  
 स द्रुहणे मनुष ऊर्ध्वसान आ साविषदर्शसानाय शरुम् ।  
 स नृतमो नहुषोऽस्मत् सुजातः पुरोऽभिनदहन् दस्युहत्यै ७  
 सो अभ्रियो न यवस उदुन्यन् क्षयाय गातुं विदन्नो अस्मे ।  
 उप यत् सीदुदिन्दुं शरीरिः श्येनोऽयौपाष्टिर्हन्ति दस्यून् ८  
 स ब्राधतः शवसानेभिरस्य कुत्साय शुष्णं कृपणे परादात् ।  
 अयं कविमनयच्छस्यमानमत्कं यो अस्य सनितोत नृणाम् ९  
 अयं दशस्यन् नर्येभिरस्य दस्मो देवेभिर्वरुणो न मायी ।  
 अयं कनीनं ऋतुपा अवेद्यमिमीतारुं यश्चतुष्पात् १०  
 अस्य स्तोमैभिरोशिज ऋजिश्वा वृजं दयद्वषभेण पिप्रौः ।  
 सुत्वा यद्यजतो दीदयद्रीः पुरं इयानो अभि वर्षसा भूत् ११  
 एवा महो असुर वक्षथाय वम्रकः पडिभरुपं सर्पदिन्द्रम् ।  
 स इयानः करति स्वस्तिमस्मा इषमूर्जं सुक्षितिं विश्वमाभाः १२

नवमोऽनुवाकः

। सू० १००-११२ ।

(१००) शततमं सूक्तम्

(१-१२) द्वादशर्चस्यास्य सूक्तस्य वान्दनो दुवस्युर्ऋषिः । विश्वे देवा देवताः ।

(१-११) प्रथमाद्येकादशर्चा जगती, (१२) द्वादश्याश्च त्रिष्टुप् छन्दसी

इन्द्र दृह्य मघवन् त्वावदिद्भुज इह स्तुतः सुतपा बौधि नो वृधे ।  
 देवेभिर्नः सविता प्रावतु श्रुतमा सर्वतातिमदिति वृणीमहे १  
 भराय सु भरत भागमृत्वियं प्र वायवे शुचिपे क्रन्ददिष्टये ।  
 गौरस्य यः पर्यसः पीतिमानश आ सर्वतातिमदिति वृणीमहे २  
 आ नो देवः सविता साविषद्वयं ऋजूयते यजमानाय सुन्वते ।  
 यथा देवान् प्रतिभूषेम पाकुवदा सर्वतातिमदिति वृणीमहे ३  
 इन्द्रो अस्मे सुमना अस्तु विश्वहा राजा सोमः सुवितस्याध्येतु नः ।  
 यथायथा मित्रधितानि संधुरा सर्वतातिमदिति वृणीमहे ४  
 इन्द्र उक्थेन शर्वसा परुर्दधे बृहस्पते प्रतरीतास्यायुषः ।  
 युज्ञो मनुः प्रमतिर्नः पिता हि कुमा सर्वतातिमदिति वृणीमहे ५  
 इन्द्रस्य नु सुकृतं दैव्यं सहो ऽग्निर्गृहे जरिता मेधिरः कविः ।  
 युज्ञश्च भूद्विदथे चारुरन्तम् आ सर्वतातिमदिति वृणीमहे ६  
 न वो गुहा चकृम् भूरि दुष्कृतं नाविष्टयं वसवो देवहेळनम् ।  
 मार्किर्नो देवा अनृतस्य वर्षस आ सर्वतातिमदिति वृणीमहे ७  
 अपामीवां सविता साविषन्नयश्ग्वरीय इदप सेधन्त्वद्रयः ।  
 ग्रावा यत्र मधुषुदुच्यते बृहदा सर्वतातिमदिति वृणीमहे ८  
 ऊर्ध्वो ग्रावा वसवोऽस्तु सोतरि विश्वा द्वेषांसि सनुतर्युयोत ।  
 स नो देवः सविता पायुरीड्य आ सर्वतातिमदिति वृणीमहे ९  
 ऊर्जं गावो यवसे पीवो अत्तन ऋतस्य याः सदनै कोशे अङ्ध्वे ।  
 तनूरेव तन्वो अस्तु भेषजमा सर्वतातिमदिति वृणीमहे १०  
 क्रतुप्रावा जरिता शश्वतामव इन्द्र इद्भद्रा प्रमतिः सुतावताम् ।  
 पूर्णमूर्धर्दिव्यं यस्य सित्तय आ सर्वतातिमदिति वृणीमहे ११  
 चित्रस्तै भानुः क्रतुप्रा अभिष्टिः सन्ति स्पृधौ जरणिप्रा अधृष्टाः ।  
 रजिष्ठया रज्या पृश्न आ गोस्तूतूषति पर्यग्रं दुवस्युः १२

(१०१) एकोत्तरशततमं सूक्तम्

(१-१२) द्वादशर्चस्यास्य सूक्तस्य सौम्यो बुध ऋषिः । विश्वे देवा ऋत्विजो वा  
देवताः । (१-३, ७-८, १०-११) प्रथमादितृचस्य  
सप्तम्यष्टमीदशम्येकादशीनामृचाञ्च त्रिष्टुप्, (४, ६) चतुर्थीषष्ठ्योर्गायत्री, (५)  
पञ्चम्या बृहती, (६, १२) नवमीद्वादशयोश्च जगती छन्दांसि  
उद्धुध्यध्वं समनसः सखायः समग्निमिन्ध्वं बृहवः सनीळाः ।  
दधिक्रामग्निमुषसं च देवी मिन्द्रावतोऽवसे नि ह्वये वः १  
मुन्द्रा कृणुध्वं धिय आ तनुध्वं नार्वमरित्रपरणीं कृणुध्वम् ।  
इष्कृणुध्वमायुधारं कृणुध्वं प्राञ्च यज्ञं प्र णयता सखायः २  
युनक्त सीरा वि युगा तनुध्वं कृते योनौ वपतेह बीजम् ।  
गिरा च श्रुष्टिः सभरा असन्नो नदीय इत् सृणयः पक्वमेयात् ३  
सीरा युञ्जन्ति कवयो युगा वि तन्वते पृथक् । धीरा देवेषु सुम्रया ४  
निराहावान् कृणोतन् सं वरत्रा दधातन ।  
सिञ्चामहा अवतमुद्रिणं वयं सुषेकमनुपक्षितम् ५  
इष्कृताहावमवतं सुवत्रं सुषेचनम् । उद्रिणं सिञ्चे अक्षितम् ६  
प्रीणीताश्चान् हितं जयाथ स्वस्तिवाहं रथमित् कृणुध्वम् ।  
द्रोणाहावमवतमश्मचक्र मंसत्रकोशं सिञ्चता नृपाणाम् ७  
वृजं कृणुध्वं स हि वो नृपाणो वर्म सीव्यध्वं बहुला पृथूनि ।  
पुरः कृणुध्वमार्यसीरधृष्टा मा वः सुस्रोच्चमसो दृहेता तम् ८  
आ वो धिर्यं यज्ञियां वर्त ऊतये देवा देवीं यजतां यज्ञियामिह ।  
सा नो दुहीयद्यवसेव गृत्वी सहस्रधारा पर्यसा मही गौः ९  
आ तू षिञ्च हरिमीं द्रोपस्थे वाशीभिस्तक्षताश्मन्मयीभिः ।  
परि ष्वजध्वं दशं कक्ष्याभि रुभे धुरौ प्रति वह्निं युनक्त १०  
उभे धुरौ वह्निरापिब्दमानो ऽन्तर्योनैव चरति द्विजानिः ।  
वनस्पतिं वन आस्थापयध्वं नि षू दधिध्वमखनन्त उत्सम् ११  
कपृन्नरः कपृथमुद्धातन चोदयत खुदत वाजसातये ।  
निष्टिग्रयः पुत्रमा च्यावयोतय इन्द्रं सबाध इह सोमपीतये १२

(१०२) द्व्युत्तरशततमं सूक्तम्

(१-१२) द्वादशर्चस्यास्य सूक्तस्य भार्ग्यश्चो मुद्गल ऋषिः । दुघण इन्द्रो वा देवता ।

(१, ३, १२) प्रथमातृतीयाद्वादशीनामृचां बृहती, (२, ४-११)

द्वितीयायाश्चतुर्थ्याद्यष्टानाञ्च त्रिष्टुप् छन्दसी

प्र ते रथं मिथूकृतं मिन्द्रोऽवतु धृष्णुया ।  
 अस्मिन्नाजौ पुरुहूतश्च वाय्वे धनभक्षेणोऽव १  
 उत् स्म वातौ वहति वासो अस्या अधिरथं यदजयत् सहस्रम् ।  
 रथीरभून्मुद्गलानी गविष्ठौ भरै कृतं व्यचेदिन्द्रसेना २  
 अन्तर्यच्छ जिघासतो वज्रमिन्द्राभिदासतः ।  
 दासस्य वा मघवन्नार्यस्य वा सनुतर्यवया वधम् ३  
 उदनो हृदमपिबज्रहृषाणः कूटं स्म तृहदभिमातिमेति ।  
 प्र मुष्कभारः श्रवं इच्छमानो ऽजिरं बाहू अभरत् सिषासन् ४  
 न्यक्रन्दयन्नुपयन्त एन ममैहयन् वृषभं मध्यं आज्ञेः ।  
 तेन सूभर्वं शतवत् सहस्रं गवां मुद्गलः प्रधनै जिगाय ५  
 ककदवे वृषभो युक्त आसी दवावचीत् सारथिरस्य केशी ।  
 दुधैर्युक्तस्य द्रवतः सहानस अच्छन्ति ष्मा निष्पदौ मुद्गलानीम् ६  
 उत् प्रधिमुदहन्नस्य विद्वा नुपायुनग्वंसंगमत्र शिक्तन् ।  
 इन्द्र उदावत् पतिमघ्नयाना मरहत पद्याभिः ककुद्धान् ७  
 शुनमष्टचफट्वाव्यचरत् कपर्दी वरत्रायां दार्वानह्यमानः ।  
 नृम्णानि कृणवन् ब्रहवे जनाय गाः पस्पशानस्तविषीरधत् ८  
 इमं तं पश्य वृषभस्य युञ्जं काष्ठाया मध्ये दुघृणं शयानम् ।  
 येन जिगाय शतवत् सहस्रं गवां मुद्गलः पृतनाज्येषु ९  
 आरे अघा को न्विश्त्वा ददर्श यं युञ्जन्ति तम्वा स्थापयन्ति ।  
 नास्मै तृणं नोदकमा भर न्त्युत्तरो धुरो वहति प्रदेदिशत् १०  
 परिवृक्तेव पतिविद्यमानत् पीप्याना कूचक्रेणेव सिञ्चन् ।  
 एषैष्या चिद्रथ्या जयेम सुमङ्गलं सिनवदस्तु सातम् ११  
 त्वं विश्वस्य जगत् श्वक्षुरिन्द्रासि चक्षुषः ।  
 वृषा यदाजिं वृषणा सिषाससि चोदयन् वध्रिणा युजा १२

(१०३) त्र्युत्तरशततमं सूक्तम्

(१-१३) त्रयोदशर्चस्यास्य सूक्तस्यैन्द्रोऽप्रतिरथ ऋषिः । (१-३, ५-११)

प्रथमादितृचस्य पञ्चम्यादिसप्तर्चाञ्चैन्द्रः, (४) चतुर्थ्या बृहस्पतिः, (१२) द्वादश्या



अप्वा देवी, (१३) त्रयोदश्याश्चेन्द्रो मरुतो वा देवताः । (१-१२)

प्रथमादिद्वादशर्चा त्रिष्टुप्, (१३) त्रयोदश्याश्चानुष्टुप् छन्दसी

आशुः शिशानो वृषभो न भीमो घनाघ्नः क्षोभणश्चर्षणीनाम् ।  
संक्रन्दनोऽनिमिष एकवीरः शतं सेनां अजयत् साकमिन्द्रः १  
संक्रन्दनेनानिमिषेण जिष्णुना युत्कारेण दुश्चयवनेन धृष्णुना ।  
तदिन्द्रेण जयत् तत् संहध्वं युधौ नर इषुहस्तेन वृष्णा २  
स इषुहस्तैः स निषङ्गिभिर्वशी संस्त्रष्टा स युध इन्द्रो गुणेन ।  
संसृष्टजित् सौमपा बाहुशर्ध्युश्ग्रधन्वा प्रतिहिताभिरस्ता ३  
बृहस्पते परि दीया रथेन रक्षोहामित्रा अपबाधमानः ।  
प्रभञ्जन्त्सेनाः प्रमृणो युधा जयन्तस्माकमेध्यविता रथानाम् ४  
बलविज्ञाय स्थविरः प्रवीरः सहस्वान् वाजी सहमान उग्रः ।  
अभिवीरो अभिसत्वा सहोजा जैत्रिमिन्द्र रथमा तिष्ठ गोवित् ५  
गोत्रभिर्दं गोविदं वज्रबाहुं जयन्तमज्म प्रमृणन्तमोजसा ।  
इमं सजाता अनु वीरयध्व मिन्द्र सखायो अनु सं रभध्वम् ६  
अभि गोत्राणि सहसा गार्हमानोऽदयो वीरः शतमन्युरिन्द्रः ।  
दुश्चयवनः पृतनाषाळयुध्योऽस्माकं सेना अवतु प्र युत्सु ७  
इन्द्र आसां नेता बृहस्पतिर्दक्षिणा यज्ञः पुर एतु सोमः ।  
देवसेनानामभिभञ्जतीनां जयन्तीनां मरुतो यन्त्वग्रम् ८  
इन्द्रस्य वृष्णो वरुणस्य राज्ञ आदित्यानां मरुतां शर्ध उग्रम् ।  
महामनसां भुवनच्यवानां घोषो देवानां जयतामुदस्थात् ९  
उद्धर्षय मघवन्नायुधा न्युत् सत्त्वनां मामकानां मनांसि ।  
उद्धृत्रहन् वाजिनां वाजिना न्युद्रथानां जयतां यन्तु घोषाः १०  
अस्माकमिन्द्रः समृतेषु ध्वजेष्वस्माकं या इषवस्ता जयन्तु ।  
अस्माकं वीरा उत्तरे भवन्त्वस्माँ उ देवा अवता हवेषु ११  
अमीषां चित्तं प्रतिलोभयन्ती गृहाणाङ्गान्यप्ते परेहि ।  
अभि प्रेहि निर्दह हत्सु शोकै रन्धेनामित्रास्तमसा सचन्ताम् १२  
प्रेता जयता नर इन्द्रो वः शर्म यच्छतु ।  
उग्रा वः सन्तु बाहवोऽनाधृष्या यथासथ १३

(१०४) चतुरुत्तरशततमं सूक्तम्

(१-११) एकादशर्चस्यास्य सूक्तस्य वैश्वामित्रोऽष्टक ऋषिः । इन्द्रो देवता । त्रिष्टुप्  
 छन्दः असावि सोमः पुरुहूत तुभ्यं हरिभ्यां यज्ञमुप याहि तूर्यम् ।  
 तुभ्यं गिरो विप्रवीरा इयाना दधन्विर इन्द्र पिबा सुतस्य १  
 अप्सु धूतस्य हरिवः पिबेह नृभिः सुतस्य जठरं पृणस्व ।  
 मिमिक्षुर्यमद्रय इन्द्र तुभ्यं तेभिर्वर्धस्व मदमुक्थवाहः २  
 प्रोग्रां पीतिं वृष्ण इयमि सत्यां प्रये सुतस्य हर्यश्च तुभ्यम् ।  
 इन्द्र धेनाभिरिह मादयस्व धीभिर्विश्वाभिः शच्या गृणानः ३  
 ऊती शचीवस्तव वीर्येण वयो दधाना उशिज ऋतज्ञाः ।  
 प्रजावदिन्द्र मनुषो दुरोणे तस्थुर्गृणन्तः सधमाद्यासः ४  
 प्रणीतिभिष्टे हर्यश्च सुष्टोः सुषुम्नस्य पुरुचो जनासः ।  
 मंहिष्ठामूतिं वितिरे दधानाः स्तोतार इन्द्र तव सूनृताभिः ५  
 उप ब्रह्माणि हरिवो हरिभ्यां सोमस्य याहि पीतये सुतस्य ।  
 इन्द्र त्वा यज्ञः क्षममाणमानङ् दाश्वाँ अस्यध्वरस्य प्रकेतः ६  
 सहस्रवाजमभिमातिषाहं सुतेरणं मघवानं सुवृक्तिम् ।  
 उप भूषन्ति गिरो अप्रतीत मिन्द्र नमस्या जरितुः पनन्त ७  
 सप्तापो देवीः सुरणा अमृक्ता याभिः सिन्धुमतर इन्द्र पूर्भित् ।  
 नवतिं स्रोत्या नव च स्रवन्ती देवेभ्यो गातुं मनुषे च विन्दः ८  
 अपो महीरभिशस्तेरमुञ्चो ऽजागरास्वधि देव एकः ।  
 इन्द्र यास्त्वं वृत्रतूर्ये चकर्थ ताभिर्विश्वायुस्तन्वं पुपुष्याः ९  
 वीरेण्यः क्रतुरिन्द्रः सुशस्ति रुतापि धेना पुरुहूतमीदृ ।  
 आर्दयद्वत्रमर्कणोदु लोकं संसाहे शक्रः पृतना अभिष्टिः १०  
 शुनं हुवैम मघवानमिन्द्र मस्मिन् भरे नृतमं वाजसातौ ।  
 शृण्वन्तमुग्रमूतये समत्सु घन्तं वृत्राणि संजितुं धनानाम् ११

(१०५) पञ्चोत्तरशततमं सूक्तम्

(१-११) एकादशर्चस्यास्य सूक्तस्य कौत्सो दुर्मित्रः सुमित्रो गुणतः, विपर्यस्तनामा  
 वा ऋषिः । इन्द्रो देवता । (१) प्रथमर्चो गायत्र्युष्णिग्वा, (२, ७)  
 द्वितीयासप्तम्योः पिपीलिकमध्या, (३-६, ८-१०)  
 तृतीयादिचतसृणामष्टम्यादितृचस्य चोष्णिक्, (११) एकादश्याश्च त्रिष्टुप् छन्दांसि

कदा वसो स्तोत्रं हर्यत आर्व श्मशा रुध्रद्वाः । दीर्घं सुतं वाताप्याय १  
हरी यस्य सुयुजा विव्रता वे रर्वन्तानु शेपा । उभा रजी न केशिना पतिर्दन् २

अप योरिन्द्रः पापज आ मर्तो न शश्रमाणो बिभीवान् । शुभे यद्युजे  
तविषीवान् ३

सचायोरिन्द्रश्चकृष आँ उपानसः संपर्यन् । नदयोर्विव्रतयोः शूर इन्द्रः ४  
अधि यस्तस्थौ केशवन्ता व्यचस्वन्ता न पुष्ट्यै । वनोति शिप्राभ्यां  
शिप्रिणीवान् ५

प्रास्तौदृष्वौजा ऋष्वेभि स्ततन्न शूरः शर्वसा । ऋभुर्न क्रतुभिर्मातरिश्वा ६  
वज्रं यश्चक्रे सुहनाय दस्यवे हिरीमशो हिरीमान् । अरुतहनुरद्भुतं न रजः ७  
अर्व नो वृजिना शिशी ह्यृचा वनेमानृचः । नाब्रह्मा यज्ञ ऋधग्जोषति त्वे ८

ऊर्ध्वा यत् तै त्रेतिनी भू द्यज्ञस्य धूर्षु सघ्नन् । सजूर्नावं स्वयंसं सचायोः ९  
श्रिये ते पृश्निरुपसेचनी भू च्छ्रिये दर्विरेपाः । यया स्वे पात्रे सिञ्चस उत् १०

शतं वा यदसुर्यं प्रति त्वा सुमित्र इत्थास्तौदुर्मित्र इत्थास्तौत् ।  
आवो यदस्युहत्यै कुत्सपुत्रं प्रावो यदस्युहत्यै कुत्सवत्सम् ११  
षष्ठोऽध्यायः । व० १-२७ ।

(१०६) षडुत्तरशततमं सूक्तम्

(१-११) एकादशर्चस्यास्य सूक्तस्य काश्यपो भूतांश ऋषिः । अश्विनौ देवते ।

त्रिष्टुप् छन्दः

उभा उ नूनं तदिदर्थयेथे वि तन्वाथे धियो वस्त्रापसैव ।  
सध्रीचीना यातवे प्रेमजीगः सुदिनैव पृक्ष आ तसयेथे १  
उष्टारैव फर्वरेषु श्रयेथे प्रायोगेव श्वात्र्या शासुरेथः ।  
दूतेव हि ष्ठो यशसा जनेषु मापे स्थातं महिषेवावपानात् २  
साक्युजा शकुनस्यैव पक्षा पश्वेव चित्रा यजुरा गमिष्टम् ।  
अग्निरिव देवयोर्दीदिवांसा परिज्मानेव यजथः पुरुत्रा ३  
आपी वो अस्मे पितरैव पुत्रो ग्रेव रुचा नृपतीव तुर्यै ।  
इयैव पुष्ट्यै किरणैव भुज्यै श्रुष्टीवानैव हवमा गमिष्टम् ४

वंसगेव पूष्या शिम्बाता मित्रेव ऋता शतरा शार्तपन्ता ।  
 वाजैवोच्चा वयसा घर्म्येष्टा मेषैवेषा संपर्याइ पुरीषा ५  
 सृणयैव जर्भरी तुर्फरीतू नैतोशेव तुर्फरी पर्फरीका ।  
 उदन्यजेव जेर्मना मदेरू ता मै जराय्वजरं मरायु ६  
 पजेव चर्चरं जारं मरायु क्षद्येवार्थेषु तर्तरीथ उग्रा ।  
 ऋभू नापत् खरमृज्रा खरज्जु वार्युर्न पर्फरत् क्षयद्रयीणाम् ७  
 घर्मेव मधु जठरै सनेरू भगैविता तुर्फरी फारिवारम् ।  
 पतरेव चचरा चन्द्रनिर्णिङ्गनं ऋङ्गा मनन्याइ न जग्मी ८  
 बृहन्तेव गुम्भरैषु प्रतिष्ठां पादैव गाधं तरते विदाथः ।  
 कर्णैव शासुरनु हि स्मराथोऽशैव नो भजतं चित्रमप्रः ९  
 आरङ्गरेव मध्वेरयेथे सारधेव गवि नीचीनबारे ।  
 कीनारैव स्वेदमासिष्विदाना क्षामैवोर्जा सूर्यवसात् संचेथे १०  
 ऋध्याम् स्तोमं सनुयाम् वाज मा नो मन्त्रं सरथेहोप यातम् ।  
 यशो न पक्वं मधु गोष्वन्त रा भूतांशौ अश्विनोः काममप्राः ११

(१०७) सप्तोत्तरशततमं सूक्तम्

(१-११) एकादशर्चस्यास्य सूक्तस्याङ्गिरसो दिव्य ऋषिः, प्राजापत्या दक्षिणा वा  
 ऋषिका । दक्षिणा दक्षिणादातारो वा देवताः । (१-३, ५-११) प्रथमादितृचस्य  
 पञ्चम्यादिसप्तर्चाञ्च त्रिष्टुप्, (४) चतुर्थ्याश्च जगती छन्दसी  
 आविरभून्महि माघौनमेषां विश्वं जीवं तमसो निरमोचि ।  
 महि ज्योतिः पितृभिर्दत्तमागा दुरुः पन्था दक्षिणाया अदर्शि १  
 उच्चा दिवि दक्षिणावन्तो अस्थुर्ये अश्वदाः सह ते सूर्येण ।  
 हिरण्यदा अमृतत्वं भजन्ते वासोदाः सोम प्र तिरन्त आयुः २  
 दैवी पूर्तिर्दक्षिणा देवयुज्या न कवारिभ्यो नहि ते पृणन्ति ।  
 अथा नरः प्रयतदक्षिणासो ऽवद्यभिया बृहवः पृणन्ति ३  
 शतधारं वायुमर्कं स्वर्विदं नृचक्षस्ते अभि चक्षते हविः ।  
 ये पृणन्ति प्र च यच्छन्ति संगमे ते दक्षिणां दुहते सप्तमातरम् ४  
 दक्षिणावान् प्रथमो हूत एति दक्षिणावान् ग्रामणीरग्रमेति ।  
 तमेव मन्ये नृपतिं जनानां यः प्रथमो दक्षिणामाविवाय ५  
 तमेव ऋषिं तमु ब्रह्माणमाहु र्यज्ञन्यं सामगामुक्थशासम् ।

स शक्रस्य तन्वो वेद तिस्रो यः प्रथमो दक्षिणया रराध ६  
दक्षिणाश्वं दक्षिणा गां ददाति दक्षिणा चन्द्रमुत यद्विरणयम् ।  
दक्षिणान्नं वनुते यो न आत्मा दक्षिणां वर्म कृणुते विजानन् ७  
न भोजा ममूर्न न्यर्थमीयुर्न रिष्यन्ति न व्यथन्ते ह भोजाः ।  
इदं यद्विश्वं भुवनं स्वश्चेत्तत् सर्वं दक्षिणैभ्यो ददाति ८  
भोजा जिग्युः सुरभिं योनिमग्रे भोजा जिग्युर्वध्वं या सुवासाः ।  
भोजा जिग्युरन्तःपेयं सुराया भोजा जिग्युर्ये अहूताः प्रयन्ति ९  
भोजायाश्वं सं मृजन्त्याशुं भोजायास्ते कन्याः शुभमाना ।  
भोजस्येदं पुष्करिणीव वेश्म परिष्कृतं देवमानेव चित्रम् १०  
भोजमश्वाः सुष्ठुवाहो वहन्ति सुवृद्रथो वर्तते दक्षिणायाः ।  
भोजं देवासोऽवता भरेषु भोजः शत्रून्समनीकेषु जेता ११

(१०८) अष्टोत्तरशततमं सूक्तम्

(१-११) एकादशर्चस्यास्य सूक्तस्य (१, ३, ५, ७, ९)

प्रथमातृतीयापञ्चमीसप्तमीनवमीनामृचां पणयोऽसुरा ऋषयः, (२, ४, ६, ८, १०-  
११) द्वितीयाचतुर्थीषष्ठ्यष्टमीदशम्येकादशीनाञ्च सरमा ऋषिका । (१, ३, ५, ७,  
९) प्रथमातृतीयापञ्चमीसप्तमीनवमीनामृचां सरमा, (२, ४, ६, ८, १०-११)

द्वितीयाचतुर्थीषष्ठ्यष्टमीदशम्येकादशीनाञ्च पणयो देवताः । त्रिष्टुप् छन्दः

किमिच्छन्ती सरमा प्रेदमानङ् दूरे ह्यध्वा जगुरिः पराचैः ।  
कास्मेहिंतिः का परितक्म्यासीत् कथं रसाया अतरः पर्यासि १  
इन्द्रस्य दूतीरिषिता चरामि मह इच्छन्ती पणयो निधीन् वः ।  
अतिष्कदौ भियसा तन्न आवत् तथा रसाया अतरं पर्यासि २  
कीदृङ्ङिन्द्रः सरमे का दृशीका यस्येदं दूतीरसरः पराकात् ।  
आ च गच्छान्मित्रमेना दधामाऽथा गवां गोपतिर्नो भवाति ३  
नाहं तं वैद दभ्यं दभत् स यस्येदं दूतीरसरं पराकात् ।  
न तं गूहन्ति स्रवतो गभीरा हुता इन्द्रेण पणयः शयध्वे ४  
इमा गावः सरमे या ऐच्छः परि दिवो अन्तान् सुभगे पतन्ती ।  
कस्त एना अव सृजादयुध्व्यु तास्माकमायुधा सन्ति त्रिगमा ५  
असेन्या वः पणयो वचास्य निषव्यास्तन्वः सन्तु पापीः ।  
अधृष्टो व एतवा अस्तु पन्था बृहस्पतिर्व उभया न मृळात् ६

अ॒यं नि॒धिः सं॒रमे॒ अ॒द्रि॒बु॒धो गो॒भि॒रश्वै॒भिर्व॒सु॒भिर्नृ॒ष्टः ।  
 र॒क्षन्ति॑ तं पु॒ण्यो ये सु॒गो॒पा रे॒कु प॒दम॒ल॒क॒मा ज॑गन्थ ७  
 ए॒ह ग॑म॒न्नृष॑यः सोम॒शिता॒ अ॒यास्यो॒ अ॒ङ्गिर॑सो नव॒ग्वाः ।  
 त ए॒तमूर्॒खं वि॒ भज॑न्त गो॒ना म॒थैत॒द्वचः॑ पु॒ण्यो व॑म॒न्नित् ८  
 ए॒वा च॒ त्वं सं॒रम आ॒ज॒गन्थ॒ प्रबा॑धिता॒ सह॑सा॒ दैव्ये॑न ।  
 स्व॒सारं॑ त्वा कृ॒ण्वै मा पु॒नर्गा॑ अप॒ ते ग॒वा सु॒भगे॑ भ॒जाम ९  
 ना॒हं वै॒द भ्रा॑तृ॒त्वं नो स्व॑सृ॒त्व मि॒न्द्रो वि॒दुर॒ङ्गिर॑सश्च घो॒राः ।  
 गो॒का॒मा मे अ॒च्छ॒दय॑न् यदा॒य॒ मपा॑त॒ इत॑ पु॒ण्यो व॑री॒यः १०  
 दू॒रमि॑त पु॒ण्यो व॑री॒य उ॒द्गावो॑ यन्तु मि॒न॒ती॒ऋ॒तेन॑ ।  
 बृ॒ह॒स्प॒ति॒र्या अ॒वि॒न्द॒न्नि॒गूळ॑हाः सोमो॒ ग्रावा॑ण॒ ऋष॑यश्च वि॒प्राः ११

(१०६) नवोत्तरशततमं सूक्तम्

(१-७) सप्तर्चस्यास्य सूक्तस्य जुहूर्नाम्नी ब्रह्मवादिनी ब्रह्मजाया ऋषिका, ब्राह्म ऊर्ध्वनाभा वा ऋषिः । विश्वे देवा देवताः । (१-५) प्रथमादिपञ्चर्चा त्रिष्टुप्,

(६-७) षष्ठीसप्तम्योश्चानुष्टुप् छन्दसी

तै॒ऽव॒दन् प्र॒थ॒मा ब्र॑ह्म॒किल्बि॒षे ऽकू॑पा॒रः स॒लिलो॑ मा॒तरि॑श्वा ।  
 वी॒ळु॒ह॒रास्त॑प॒ उ॒ग्रो म॑यो॒भू रा॒पो दे॒वीः प्र॑थ॒म॒जा ऋ॒तेन॑ १  
 सोमो॒ राजा॑ प्र॒थ॒मो ब्र॑ह्म॒जायां पु॒नः प्रा॑य॒च्छ॒दह॑णी॒यमा॑नः ।  
 अ॒न्व॒र्ति॒ता व॑रु॒णो मि॒त्र आ॑सी॒ दग्नि॑र्हो॒ता ह॑स्त॒गृह्या नि॑नाय २  
 ह॒स्तै॒नैव॑ ग्रा॒ह्य आ॒धि॒र॒स्या ब्र॑ह्म॒जाये॑यमि॒ति चे॒दवो॑चन् ।  
 न दू॒ताय॑ प्र॒ह्यै त॑स्थ ए॒षा त॒था रा॒ष्ट्रं गु॑पि॒तं क्ष॒त्रिय॑स्य ३  
 दे॒वा ए॒तस्या॑मव॒दन्त॒ पूर्वे॑ स॒प्त॒ऋष॑य॒स्तप॑से॒ ये नि॑षे॒दुः ।  
 भी॒मा जा॒या ब्रा॑ह्म॒णस्यो॑प॒नीता॒ दुर्धा॑ द॒धाति॑ प॒रमे॒ व्यो॑मन् ४  
 ब्र॒ह्म॒चा॒री च॑रति॒ वेवि॑ष॒द्विषः॑ स दे॒वानां॑ भव॒त्येक॑म॒ङ्गम् ।  
 तेन॑ जा॒याम॑न्व॒विन्द॑द्बृ॒ह॒स्पतिः॑ सोमै॒न नी॑तां जु॒ह्वं॑ न दे॒वाः ५  
 पु॒नर्वै॑ दे॒वा अ॒ददुः पु॒नर्म॑नु॒ष्या उ॒त ।  
 राजा॑नः स॒त्यं कृ॑ण॒वा॒ना ब्र॑ह्म॒जायां पु॒नर्द॑दुः ६  
 पु॒नर्दा॑य॒ ब्र॑ह्म॒जायां कृ॒त्वी दे॒वैर्नि॑किल्बि॒षम् ।  
 ऊ॒र्जं पृ॒थि॒व्या भु॑क्त्वा॒यो रु॒गाय॑मु॒पास॑ते ७

(११०) दशोत्तरशततमं सूक्तम्

(१-११) एकादशर्चस्यास्य सूक्तस्य भार्गवो जमदग्निर्जामदग्र्यो रामो वा ऋषिः ।  
(१) प्रथमर्च इध्मः समिद्धो वाग्निः, (२) द्वितीयायास्तनूनपात्, (३) तृतीयाया  
इळः, (४) चतुर्थ्या बर्हिः, (५) पञ्चम्या देवीर्द्वारः, (६) षष्ठ्या उषासानक्ता,  
(७) सप्तम्या दैव्यौ होतारौ प्रचेतसौ, (८) अष्टम्यास्तिस्रो देव्यः  
सरस्वतीळाभारत्यः, (९) नवम्यास्त्वष्टा, (१०) दशम्या वनस्पतिः, (११)

एकादश्याश्च स्वाहाकृत्यहो देवताः । त्रिष्टुप् छन्दः

समिद्धो अद्य मनुषो दुरोणे देवो देवान् यजसि जातवेदः ।  
आ च वह मित्रमहश्चिकित्वान् त्वं दूतः कविरसि प्रचेताः १  
तनूनपात् पथ ऋतस्य यानान् मध्वा समञ्जन्त्स्वदया सुजिह्व ।  
मन्मानि धीभिरुत यज्ञमृन्धन् दैवत्रा च कृणुह्यध्वरं नः २  
आजुह्वान ईड्यो वन्द्यश्चा ऽऽ याह्यग्रे वसुभिः सजोषाः ।  
त्वं देवानामसि यह्व होता स एनान् यक्षीषितो यजीयान् ३  
प्राचीनं बर्हिः प्रदिशा पृथिव्या वस्तोरस्या वृज्यते अग्रे अह्वाम् ।  
व्यु प्रथते वितुरं वरीयो देवेभ्यो अदितये स्योनम् ४  
व्यचस्वतीरुर्विया वि श्रयन्तां पतिभ्यो न जनयः शुष्ममानाः ।  
देवीर्द्वारो बृहतीर्विश्वमिन्वा देवेभ्यो भवत सुप्रायणाः ५  
आ सुष्वयन्ती यजते उपाके उषासानक्ता सदतां नि योनौ ।  
दिव्ये योषणे बृहती सुरुक्मे अधि श्रियं शुक्रपिशं दधाने ६  
दैव्या होतारा प्रथमा सुवाचा मिमाना यज्ञं मनुषो यजध्वै ।  
प्रचोदयन्ता विदथेषु कारू प्राचीनं ज्योतिः प्रदिशा दिशन्ता ७  
आ नो यज्ञं भारती तूर्यमे त्विळा मनुष्वदिह चेतयन्ती ।  
तिस्रो देवीर्बहिरेदं स्योनं सरस्वती स्वपसः सदन्तु ८  
य इमे द्यावापृथिवी जनित्री रूपैरपिशद्भुवनानि विश्वा ।  
तमद्य होतरिषितो यजीयान् देवं त्वष्टारमिह यक्षि विद्वान् ९  
उपावसृज त्मन्या समञ्जन् देवानां पार्थ ऋतुथा हवींषि ।  
वनस्पतिः शमिता देवो अग्निः स्वदन्तु हव्यं मधुना घृतेन १०  
सद्यो जातो व्यमिमीत यज्ञं मग्निर्देवानामभवत् पुरोगाः ।  
अस्य होतुः प्रदिश्यतस्य वाचि स्वाहाकृतं हविरदन्तु देवाः ११

(१११) एकादशोत्तरशततमं सूक्तम्

(१-१०) दशर्चस्यास्य सूक्तस्य वैरूपोऽष्टादंष्ट्र ऋषिः । इन्द्रो देवता ।

त्रिष्टुप् छन्दः

मनीषिणः प्र भरध्वं मनीषां यथायथा मृतयुः सन्ति नृणाम् ।  
 इन्द्रं सत्यैरेरयामा कृतेभिः स हि वीरो गिर्वणस्युर्विदोनः १  
 ऋतस्य हि सदसो धीतिरद्यौत् सं गाष्ट्यो वृषभो गोभिरानट् ।  
 उदतिष्ठत् तविषेणा रवेण महान्ति चित् सं विव्याचा रजांसि २  
 इन्द्रः किल श्रुत्या अस्य वैद् स हि जिष्णुः पथिकृत् सूर्याय ।  
 आन्मेना कृणवन्नच्युतो भुवद्भोः पतिर्दिवः संनजा अप्रतीतः ३  
 इन्द्रो मुह्यो महतो अणवस्य वृतामिनादङ्गिरोभिर्गृणानः ।  
 पुरुणि चिन्नि तताना रजांसि दाधार यो धरुणं सत्यताता ४  
 इन्द्रो दिवः प्रतिमानं पृथिव्या विश्वा वेद् सर्वना हन्ति शुष्णाम् ।  
 महीं चिद् द्यामातनोत् सूर्येण चास्कम्भं चित् कम्भनेन स्कभीयान् ५  
 वज्रेण हि वृत्रहा वृत्रमस्त रदैवस्य शूशवानस्य मायाः ।  
 वि धृष्णो अत्र धृषता जघन्थाऽथाभवो मघवन् ब्राह्मजाः ६  
 सचन्त यदुषसः सूर्येण चित्रामस्य केतवो रामविन्दन् ।  
 आ यन्नक्षत्रं ददृशे दिवो न पुनर्यतो नकिरद्धा नु वैद् ७  
 दूरं किल प्रथमा जग्मुरासा मिन्द्रस्य याः प्रसवे सस्त्रुरापः ।  
 क्व स्विदग्रं क्व बुध्न आसा मापो मध्यं क्व वो नूनमन्तः ८  
 सृजः सिन्धूरहिना जग्स्रानां आदिदेताः प्र विविज्जे ज्वेन ।  
 मुमुक्षमाणा उत या मुमुचे ऽधेदेता न रमन्ते नितित्ताः ९  
 सध्रीचीः सिन्धुमुशतीरिवायन् त्सनाञ्जार आरितः पूर्भिदासाम् ।  
 अस्तमा ते पार्थिवा वसू न्यस्मे जग्मुः सूनृता इन्द्र पूर्वीः १०

(११२) द्वादशोत्तरशततमं सूक्तम्

(१-१०) दशर्चस्यास्य सूक्तस्य वैरूपो नभःप्रभेदन ऋषिः । इन्द्रो देवता ।

त्रिष्टुप् छन्दः

इन्द्र पिब प्रतिक्रामं सुतस्य प्रातःसावस्तव हि पूर्वपीतिः ।  
 हर्षस्व हन्तवे शूर शत्रू नुक्थेभिष्टे वीर्यां प्र ब्रवाम १



यस्ते रथो मनसो जवीया नेन्द्र तेन सोमपेयाय याहि ।  
तूयमा ते हरयः प्र द्रवन्तु येभिर्यासि वृषभिर्मन्दमानः २  
हरित्वता वर्चसा सूर्यस्य श्रेष्ठै रूपैस्तन्व स्पर्शयस्व ।  
अस्माभिरिन्द्र सखिभिर्हुवानः संधीचीनो मादयस्वा निषद्य ३  
यस्य त्यत् तै महिमानं मदै ष्विमे मही रोदसी नाविविक्ताम् ।  
तदोक आ हरिभिरिन्द्र युक्तैः प्रियेभिर्याहि प्रियमन्नमच्छ ४  
यस्य शश्वत् पपिवाँ इन्द्र शत्रू ननानुकृत्या रण्या चकर्थ ।  
स ते पुरंधिं तविषीमियति स ते मदाय सुत इन्द्र सोमः ५  
इदं ते पात्रं सनवित्तमिन्द्र पिबा सोममेना शतक्रतो ।  
पूर्ण आहावो मदिरस्य मध्वो यं विश्व इदभिर्हर्यन्ति देवाः ६  
वि हि त्वामिन्द्र पुरुधा जनासो हितप्रयसो वृषभ ह्वयन्ते ।  
अस्माकं ते मधुमत्तमानी मा भुवन्त्सर्वना तेषु हर्य ७  
प्र त इन्द्र पूर्व्याणि प्र नूनं वीर्या वोचं प्रथमा कृतानि ।  
सतीनमन्युरश्रथायो अद्रि सुवेदनामकृणोर्ब्रह्मणे गाम् ८  
नि षु सीद गणपते गुणेषु त्वामाहुर्विप्रतमं कवीनाम् ।  
न ऋते त्वत् क्रियते किं चनारे महामर्कं मघवस्त्रिमर्च ९  
अभिख्या नौ मघवन् नार्धमानान् त्सखै बोधि वसुपते सखीनाम् ।  
रणं कृधि रणकृत् सत्यशष्मा ऽभक्ते चिदा भजा राये अस्मान् १०  
दशमोऽनुवाकः । सू० ११३-१२८ ।

(११३) त्रयोदशोत्तरशततमं सूक्तम्

(१-१०) दशरचस्यास्य सूक्तस्य वैरूपः शतप्रभेदन ऋषिः । इन्द्रो देवता । (१-

६) प्रथमादिनवर्चा जगती, (१०) दशमयाश्च त्रिष्टुप् छन्दसी

तमस्य द्यावापृथिवी सचैतसा विश्वेभिर्देवैरनु शुष्ममावताम् ।  
यदैत्कृणवानो महिमानमिन्द्रियं पीत्वी सोमस्य क्रतुमाँ अवर्धत १  
तमस्य विष्णुर्महिमानमोजसां ऽशं दधन्वान् मधुनो वि रप्शते ।  
देवेभिरिन्द्रो मघवा सयार्वभिर्वृत्रं जघन्वाँ अभवद्वरैरयः २  
वृत्रेण यदहिना बिभ्रदायुधा समस्थितथा युधये शंसमाविदै ।  
विश्वे ते अत्र मरुतः सह त्मना ऽवर्धन्नुग्र महिमानमिन्द्रियम् ३  
जज्ञान एव व्यबाधत स्पृधः प्रापश्यद्वीरो अभि पौंस्यं रणम् ।

अवृश्चदद्रिमव सस्यदः सृज दस्तभ्नान्नाकं स्वपस्यया पृथुम् ४  
 आदिन्द्रः सत्रा तविषीरपत्यत् वरीयो द्यावापृथिवी अबाधत ।  
 अवाभरद्धृषितो वज्रमायसं शेवं मित्राय वरुणाय दाशुषे ५  
 इन्द्रस्यात्र तविषीभ्यो विरप्शिनं ऋघायतो अरंहयन्त मन्यवे ।  
 वृत्रं यदुग्रो व्यवृश्चदोजसा ऽपो बिभ्रतं तमसा परीवृतम् ६  
 या वीर्याणि प्रथमानि कर्त्वा महित्वेभिर्यतमानौ समीयतुः ।  
 ध्वान्तं तमोऽव दध्वसे हत इन्द्रो मुहा पूर्वहृतावपत्यत् ७  
 विश्वे देवासो अध वृष्यानि ते ऽवर्धयन्त्सोमवत्या वचस्यया ।  
 रुद्धं वृत्रमहिमिन्द्रस्य हन्मना ऽग्निर्न जम्भैस्तृष्वन्नमावयत् ८  
 भूरि दक्षैर्भिर्वचनेभिर्ऋक्वभिः सख्येभिः सख्यानि प्र वौचत ।  
 इन्द्रो धुनिं च चुमुरिं च दुम्भयं ऋद्धामनुस्या शृणुते दुभीतये ९  
 त्वं पुरूरवा भरा स्वश्वया येभिर्मसै निवचनानि शंसन् ।  
 सुगेभिर्विश्वा दुरिता तरेम विदो षु ण उर्विया गाधमद्य १०

(११४) चतुर्दशोत्तरशततमं सूक्तम्

(१-१०) दशर्चस्यास्य सूक्तस्य वैरूपः सध्रिस्तापसो घर्मो वा ऋषिः । विश्वे देवा  
 देवताः । (१-३, ५-१०) प्रथमादितृचस्य पञ्चम्यादिषडृचाञ्च त्रिष्टुप्, (४)

चतुर्थ्याश्च जगती छन्दसी

घर्मा समन्ता त्रिवृतं व्यापतु स्तयोर्जुष्टि मातरिश्वा जगाम ।  
 दिवस्पयो दिधिषाणा अवेषन् विदुर्देवाः सहसामानमर्कम् १  
 तिस्रो देष्ट्राय निर्ऋतीरुपासते दीर्घश्रुतो वि हि जानन्ति वह्नयः ।  
 तासां नि चिक्युः कवयो निदानं परेषु या गुह्येषु वृतेषु २  
 चतुष्कपर्दा युवतिः सुपेशा घृतप्रतीका वयुनानि वस्ते ।  
 तस्यां सुपर्णा वृषणा नि षैदतुर्यत्र देवा दधिरे भागधेयम् ३  
 एकः सुपर्णः स समुद्रमा विवेश स इदं विश्वं भुवनं वि चष्टे ।  
 तं पाकेन मनसापश्यमन्तितस्तं माता रेळिह स उ रेळिह मातरम् ४  
 सुपर्णं विप्राः कवयो वचोभिरेकं सन्तं बहुधा कल्पयन्ति ।  
 छन्दांसि च दधतो अध्वरेषु ग्रहान्तसोमस्य मिमते द्वादश ५  
 षट्त्रिंशांश्च चतुरः कल्पयन्त श्छन्दांसि च दधत आद्वादशम् ।  
 यज्ञं विमाय कवयो मनीष ऋक्सामाभ्यां प्र रथं वर्तयन्ति ६



इत्यूर्ध्वासौ अनक्षन् ६

(११६) षोडशोत्तरशततमं सूक्तम्

(१-६) नवर्चस्यास्य सूक्तस्य स्थौरोऽग्नियुतोऽग्नियूपो वा ऋषिः । इन्द्रो देवता ।

त्रिष्टुप् छन्दः

पिब॑ सोमं मह॑त इन्द्रियाय॑ पिब॑ वृत्राय॑ हन्त॑वे शविष्ठ ।  
 पिब॑ रा॒ये शर्व॑से हूय॑मानः॒ पिब॑ म॒ध्वंस्तृ॑पदिन्द्रा वृष॑स्व १  
 अस्य॑ पिब॑ क्षु॒मतः॑ प्र॒स्थित॑स्येन्द्र सोम॑स्य व॒रमा॑ सुतस्य ।  
 स्व॒स्ति॒दा म॑नेसा मादय॑स्वा ऽर्वा॒चीनो॑ रेवते सौ॒र्भगा॑य २  
 म॒मत्तु॑ त्वा दि॒व्यः सोमं॑ इन्द्र म॒मत्तु॑ यः सू॒यते॑ पार्थि॒वेषु॑ ।  
 म॒मत्तु॑ येन॒ वरि॑वश्च॒कर्थं॑ म॒मत्तु॑ येन॒ निरि॑णासि शत्रून् ३  
 आ द्वि॑बर्हा अ॒मिनो॑ या॒त्विन्द्रो॑ वृषा हरि॑भ्यां परि॑षिक्तम॒न्धः ।  
 ग॒व्या सु॑तस्य प्र॒भृत॑स्य म॒ध्वः स॒त्रा खेदा॑मरुश॒हा वृष॑स्व ४  
 नि ति॒ग्मानि॑ भ्राशय॑न् भ्राश्या॒न्यव॑ स्थि॒रा त॑नुहि यातु॒जूनान्॑ ।  
 उ॒ग्राय॑ ते स॒हो ब॑र्ह द॒दामि॑ प्र॒तीत्या॑ शत्रून् वि॒ग॒देषु॑ वृश्च ५  
 व्य॒श्यं इन्द्र॑ तनुहि श्रवा॑स्यो जः स्थि॒रेव॑ धन्व॒नोऽभि॑मातीः ।  
 अ॒स्म॒द्र॒य॒ग्वावृ॑धानः स॒होभि॑रनि॒भृष्ट॑स्तन्व॒वावृ॑धस्व ६  
 इ॒दं ह॒विर्म॑घव॒न् तुभ्यं॑ रा॒तं प्रति॑ स॒म्रा॒ळ॒ह॒णानो॑ गृ॒भाय॑ ।  
 तुभ्यं॑ सु॒तो म॑घव॒न् तुभ्यं॑ प॒क्वो॒रे॒ ऽद्धी॑न्द्र पिब॑ च प्र॒स्थित॑स्य ७  
 अ॒द्धीदि॑न्द्र प्र॒स्थिते॑मा ह॒वींषि॑ चनो॒ दधि॑ष्व प॒चतो॑त सोम॑म् ।  
 प्र॒यस्व॑न्तः प्रति॑ ह॒र्याम॑सि त्वा स॒त्याः स॑न्तु यज॑मानस्य॒ कामाः॑ ८  
 प्रेन्द्रा॑ग्नि॒भ्यां सु॑व॒चस्यामि॑यमि॒ सिन्धा॑विव॒ प्रेर॑यं नाव॑म॒कैः ।  
 अ॒या इव॑ परि॒ चर॑न्ति दे॒वा ये अ॒स्मभ्यं॑ ध॒नु॒दा उ॒द्भि॑दश्च ९

(११७) सप्तदशोत्तरशततमं सूक्तम्

(१-६) नवर्चस्यास्य सूक्तस्याङ्गिरसो भिक्षुर्ऋषिः । धनान्नदानं देवता । (१-२)

प्रथमाद्वितीययोर्ऋचोर्जगती, (३-६) तृतीयादिसप्तानाञ्च त्रिष्टुप् छन्दसी

न वा उ॑ दे॒वाः क्षु॒धमि॒द्धं द॑दु रु॒ताशि॑तमुप॒ गच्छ॑न्ति मृ॒त्यवः॑ ।  
 उ॒तो र॒यिः पू॑णतो नोप॒ दस्य॑ त्यु॒तापू॑णन् म॒र्दिता॑रं न वि॒न्दते॑ १  
 य आ॒ध्राय॑ चक॒मानाय॑ पि॒त्वो ऽन्न॑वा॒न्त्सन् र॑फि॒तायौ॑पज॒ग्मुषे॑ ।

स्थिरं मनः कृणुते सेवते पुरो तो चित् स मर्द्धितारं न विन्दते २  
 स इन्द्रो जो यो गृहवे ददात्यन्नकामाय चरते कृशाय ।  
 अरमस्मै भवति यामहूता उतापरीषु कृणुते सखायम् ३  
 न स सखा यो न ददाति सख्यै सचाभुवे सचमानाय पित्वः ।  
 अपास्मात् प्रेयान्न तदोक्तौ अस्ति पृणन्तमन्यमरणं चिदिच्छेत् ४  
 पृणीयादिन्नाधमानाय तव्यान् द्राघीयांसमनु पश्येत् पन्थाम् ।  
 ओ हि वर्तन्ते रथ्यैव चक्रा ऽन्यमन्यमुप तिष्ठन्त रायः ५  
 मोघमन्नं विन्दते अप्रचेताः सत्यं ब्रवीमि वध इत् स तस्य ।  
 नार्यमणं पुष्यति नो सखायं केवलाधो भवति केवलादी ६  
 कृषन्नित् फाल आशितं कृणोति यन्नध्वानमप वृङ्गे चरित्रैः ।  
 वदन् ब्रह्मावदतो वनीयान् पृन्नापिरपृणन्तमभि ष्यात् ७  
 एकपाद्भूयो द्विपदो वि चक्रमे द्विपात् त्रिपादमभ्येति पश्चात् ।  
 चतुष्पादेति द्विपदामभिस्वरे संपश्यन् पङ्कीरुपतिष्ठमानः ८  
 समौ चिद्धस्तौ न समं विविष्टः समातरा चिन्न समं दुहाते ।  
 यमयोश्चिन्न समा वीर्याणि ज्ञाती चित् सन्तौ न समं पृणीतः ९

(११८) अष्टादशोत्तरशततमं सूक्तम्

(१-९) नवर्चस्यास्य सूक्तस्यामहीयव उरुक्षय ऋषिः । रक्षोहाग्निर्देवता ।

गायत्री छन्दः

अग्ने हंसि न्यश्त्रिणं दीद्यन्मर्त्येष्व । स्वे क्षयै शुचिव्रत १  
 उत्तिष्ठसि स्वाहुतो घृतानि प्रति मोदसे । यत् त्वा स्नुचः समस्थिरन् २  
 स आहुतो वि रोचते ऽग्निरिळैन्यौ गिरा । स्नुचा प्रतीकमज्यते ३  
 घृतेनाग्निः समज्यते मधुप्रतीक् आहुतः । रोचमानो विभार्वसुः ४  
 जरमाणः समिध्यसे देवेभ्यो हव्यवाहन । तं त्वा हवन्त मर्त्याः ५  
 तं मर्ता अमर्त्यं घृतेनाग्निं संपर्यत । अदाभ्यं गृहपतिम् ६  
 अदाभ्येन शोचिषा ऽग्ने रक्षस्त्वं देह । गोपा ऋतस्य दीदिहि ७  
 स त्वमग्ने प्रतीकेन प्रत्यौष यातुधान्यः । उरुक्षयैषु दीद्यत् ८  
 तं त्वा गीर्भिरुरुक्षया हव्यवाहं समीधिरे । यजिष्ठं मानुषे जने ९

(११९) एकोनविंशत्युत्तरशततमं सूक्तम्

(१-१३) त्रयोदशर्चस्यास्य सूक्तस्यैन्द्रो लव ऋषिः । आत्मा देवता ।

गायत्री छन्दः

इति वा इति मे मनो गामश्च सनुयामिति । कुवित् सोमस्यापामिति १  
प्र वाता इव दोधत् उन्मा पीता अयंसत । कुवित् सोमस्यापामिति २  
उन्मा पीता अयंसत रथमश्वा इवाशवः । कुवित् सोमस्यापामिति ३  
उप मा मुतिरस्थित वाश्वा पुत्रमिव प्रियम् । कुवित् सोमस्यापामिति ४  
अहं तष्टैव वन्धुरं पर्यचामि हृदा मुतिम् । कुवित् सोमस्यापामिति ५  
नहि मे अक्षिपच्चनाऽच्छान्तसुः पञ्च कृष्टयः । कुवित् सोमस्यापामिति ६  
नहि मे रोदसी उभे अन्यं पक्षं चन प्रति । कुवित् सोमस्यापामिति ७  
अभि द्यां महिना भुव मभीरमां पृथिवीं महीम् । कुवित् सोमस्यापामिति ८

हन्ताहं पृथिवीमिमां नि दधानीह वेह वा । कुवित् सोमस्यापामिति ९  
ओषमित् पृथिवीमहं जङ्घनानीह वेह वा । कुवित् सोमस्यापामिति १०  
दिवि मे अन्यः पक्षोऽधो अन्यमचीकृषम् । कुवित् सोमस्यापामिति ११  
अहमस्मि महामहोऽभिनभ्यमुदीषितः । कुवित् सोमस्यापामिति १२  
गृहो याम्यरकृतो देवेभ्यो हव्यवाहनः । कुवित् सोमस्यापामिति १३  
सप्तमोऽध्यायः । व० १-३० ।

(१२०) विंशत्युत्तरशततमं सूक्तम्

(१-६) नवर्चस्यास्य सूक्तस्याथर्वणो बृहदिव ऋषिः । इन्द्रो देवता ।

त्रिष्टुप् छन्दः

तदिदास भुवनेषु ज्येष्ठं यतो जज्ञ उग्रस्त्वेषनृम्णः ।  
सद्यो जज्ञानो नि रिणाति शत्रू ननु यं विश्वे मदन्त्यूमाः १  
वावृधानः शर्वसा भूर्योजाः शत्रुदासाय भियसं दधाति ।  
अव्यनच्च व्यनच्च सस्त्रि सं ते नवन्त प्रभृता मदेषु २  
त्वे क्रतुमपि वृञ्जन्ति विश्वे द्विर्यदेते त्रिर्भवन्त्यूमाः ।  
स्वादोः स्वादीयः स्वादुना सृजा समदः सु मधु मधुनाभि यौधीः ३  
इति चिद्धि त्वा धना जयन्तं मदमदे अनुमदन्ति विप्राः ।  
ओजीयो धृष्णो स्थिरमा तनुष्व मा त्वा दभन् यातुधाना दुरेवाः ४  
त्वया वयं शाशद्यहे रणेषु प्रपश्यन्तो युधेन्यानि भूरि ।

चोदयामि त् आरुध्वा वचौभिः सं ते शिशामि ब्रह्मणा वयांसि ५  
स्तुषेय्यं पुरुवर्षसमृभ्वं मिनतममाप्तयमाप्तयानाम् ।  
आ दर्षते शर्वसा सप्त दानून् प्र साक्षते प्रतिमानानि भूरि ६  
नि तद्दधिषेऽवरं परं च यस्मिन्नाविथावसा दुरोणे ।  
आ मातरां स्थापयसे जिगृह्ण अत इनोषि कर्वरा पुरुणि ७  
इमा ब्रह्म बृहद्विवो विवृक्तीन्द्राय शूषमग्रियः स्वर्षाः ।  
महो गोत्रस्य क्षयति स्वराजो दुरश्च विश्वा अवृणोदप स्वाः ८  
एवा महान् बृहद्विवो अथर्वा ऽवोचत् स्वां तन्वश्मिन्द्रमेव ।  
स्वसारो मातरिभ्वरीररिप्रा हिन्वन्ति च शर्वसा वर्धयन्ति च ९

(१२१) एकविंशत्युत्तरशततमं सूक्तम्

(१-१०) दशर्चस्यास्य सूक्तस्य प्राजापत्यो हिरण्यगर्भ ऋषिः । कः (प्रजापतिः)

देवता । त्रिष्टुप् छन्दः

हिरण्यगर्भः समवर्तताग्रे भूतस्य जातः पतिरेक आसीत् ।  
स दाधार पृथिवीं द्यामुतेमां कस्मै देवाय हविषा विधेम १  
य आत्मदा बलदा यस्य विश्वं उपासते प्रशिषं यस्य देवाः ।  
यस्य छायामृतं यस्य मृत्युः कस्मै देवाय हविषा विधेम २  
यः प्राणतो निमिषतो मेहित्वै क इद्राजा जगतो बभूव ।  
य ईशे अस्य द्विपदश्चतुष्पदः कस्मै देवाय हविषा विधेम ३  
यस्येमे हिमवन्तो महित्वा यस्य समुद्रं रसया सहाहुः ।  
यस्येमाः प्रदिशो यस्य बाहू कस्मै देवाय हविषा विधेम ४  
येन द्यौरुग्रा पृथिवी च दृळहा येन स्वः स्तभितं येन नाकः ।  
यो अन्तरिक्षे रजसो विमानः कस्मै देवाय हविषा विधेम ५  
यं क्रन्दसी अवसा तस्तभाने अभ्यैक्षेतां मनसा रेजमाने ।  
यत्राधि सूर उदितो विभाति कस्मै देवाय हविषा विधेम ६  
आपो ह यद्ब्रह्मतीर्विश्वमायन् गर्भं दधाना जनयन्तीरग्निम् ।  
ततो देवानां समवर्ततासुरेकः कस्मै देवाय हविषा विधेम ७  
यश्चिदापो महिना पर्यपश्यद् दक्षं दधाना जनयन्तीर्यज्ञम् ।  
यो देवेष्वधि देव एक आसीत् कस्मै देवाय हविषा विधेम ८  
मा नो हिंसीज्जनिता यः पृथिव्या यो वा दिवं सत्यधर्मा जजान ।

यश्चापश्चन्द्रा बृहतीर्जान् कस्मै देवाय हविषा विधेम ६  
प्रजापते न त्वदेतान्यन्यो विश्वा जातानि परि ता बभूव ।  
यत् कामास्ते जुहुमस्तन्नो अस्तु वयं स्याम पतयो रयीणाम् १०

(१२२) द्वाविंशत्युत्तरशततमं सूक्तम्

(१-८) अष्टर्चस्यास्य सूक्तस्य वासिष्ठश्चित्रमहा ऋषिः । अग्निर्देवता । (१, ५)

प्रथमापञ्चम्योर्ऋचोस्त्रिष्टुप्, (२-४, ६-८) द्वितीयादितृचस्य षष्ठ्यादितृचस्य च  
जगती छन्दसी

वसुं न चित्रमहसं गृणीषे वामं शेवमर्तिथिमद्विषेणयम् ।  
स रांसते शरुधौ विश्वधायसो ऽग्निर्होता गृहपतिः सुवीर्यम् १  
जुषाणो अग्ने प्रति हर्य मे वचो विश्वानि विद्वान् वयुनानि सुक्रतो ।  
घृतनिर्णिग्ब्रह्मणे गातुमेरय तव देवा अजनयन्ननु वृतम् २  
सप्त धामानि परियन्नमर्त्यो दाशद्वाशुषे सुकृतै मामहस्व ।  
सुवीरेण रयिणाग्ने स्वाभुवा यस्त आनद स मिधा तं जुषस्व ३  
यज्ञस्य केतुं प्रथमं पुरोहितं हविष्मन्त ईळते सप्त वाजिनम् ।  
शृणवन्तमग्निं घृतपृष्ठमुक्ष्णं पृणन्तं देवं पृणते सुवीर्यम् ४  
त्वं दूतः प्रथमो वरेण्यः स ह्यमानो अमृताय मत्स्व ।  
त्वां मर्जयन् मरुतौ दाशुषौ गृहे त्वां स्तोमैर्भिर्भृगवो वि रुरुचुः ५  
इषं दुहन्त्सुदुर्घा विश्वधायसं यज्ञप्रिये यजमानाय सुक्रतो ।  
अग्ने घृतस्तुस्त्रिर्ऋतानि दीद्यद्द्विर्त्यज्ञं परियन्त्सुक्रतूयसे ६  
त्वामिदस्या उषसो व्युष्टिषु दूतं कृणवाना अयजन्त मानुषाः ।  
त्वां देवा महयाय्याय वावृधु राज्यमग्ने निमृजन्तौ अध्वरे ७  
नि त्वा वसिष्ठा अहन्त वाजिनं गृणन्तौ अग्ने विदथेषु वेधसः ।  
रायस्पोषं यजमानेषु धारय यूयं पोत स्वस्तिभिः सदा नः ८

(१२३) त्रयोविंशत्युत्तरशततमं सूक्तम्

(१-८) अष्टर्चस्यास्य सूक्तस्य भार्गवो वेन ऋषिः । वेनो देवता । त्रिष्टुप् छन्दः

अयं वेनश्चोदयत् पृश्निगर्भा ज्योतिर्जरायू रजसो विमानै ।  
इममपां संगमे सूर्यस्य शिशं न विप्रा मतिर्भी रिहन्ति १  
समुद्रादूर्मिमुदियति वेनो नभोजाः पृष्ठं हर्यतस्य दर्शि ।



ऋतस्य सानावधि विष्टपि भ्राट् समानं योनिमभ्यनूषतु वाः २  
समानं पूर्वोरभि वावशाना स्तिष्ठन् वत्सस्य मातरः सनीळाः ।  
ऋतस्य सानावधि चक्रमाणा रिहन्ति मध्वो अमृतस्य वाणीः ३  
जानन्तौ रूपमकृपन्तु विप्रा मृगस्य घोषं महिषस्य हि गमन् ।  
ऋतेन यन्तो अधि सिन्धुमस्थुर्विदङ्गन्धर्वो अमृतानि नाम ४  
अप्सरा जारमुपसिष्मियाणा योषा बिभर्ति परमे व्योमन् ।  
चरत् प्रियस्य योनिषु प्रियः सन् त्सीदत् पक्षे हिरण्यये स वेनः ५  
नाकै सुपर्णमुप यत् पतन्तं हृदा वेनन्तो अभ्यचक्षत त्वा ।  
हिरण्यपक्षं वरुणस्य दूतं यमस्य योनौ शकुनं भुरण्युम् ६  
ऊर्ध्वो गन्धर्वो अधि नाकै अस्थात् प्रत्यङ् चित्रा बिभ्रदस्यायुधानि ।  
वसानो अत्कं सुरभिं दृशे कं स्वर्णं नाम जनत प्रियाणि ७  
द्रुप्सः समुद्रमभि यज्जिगाति पश्यन् गृध्रस्य चक्षसा विधर्मन् ।  
भानुः शुक्रेण शोचिषा चकान स्तृतीयै चक्रे रजसि प्रियाणि ८

(१२४) चतुर्विंशत्युत्तरशततमं सूक्तम्

(१-६) नवर्चस्यास्य सूक्तस्य (१, ५-६) प्रथमर्चः

पञ्चम्यादिपञ्चानाञ्चाग्निवरुणसोमाः, (२-४) द्वितीयादितृचस्य चाग्निर्ऋषयः । (१)

प्रथमर्चोऽग्निः, (२-४) द्वितीयादितृचस्याग्नेरात्मा, (५, ७-८)

पञ्चमीसप्तम्यष्टमीनां वरुणः, (६) षष्ठ्याः सोमः, (६) नवम्याश्चेन्द्रो देवताः ।

(१-६, ८-९) प्रथमादिषड्चामष्टमीनवम्योश्च त्रिष्टुप्,

(७) सप्तम्याश्च जगती छन्दसी

इमं नो अग्र उप यज्ञमेहि पञ्चयामं त्रिवृतं सप्ततन्तुम् ।  
असौ हव्यवाळुत नः पुरोगा ज्योगेव दीर्घं तम् आशयिष्ठाः १  
अदेवादेवः प्रचता गुहा यन् प्रपश्यमानो अमृतत्वमैमि ।  
शिवं यत् सन्तमशिवो जहामि स्वात् सख्यादरणीं नाभिमेमि २  
पश्यन्नन्यस्या अतिथिं वयाया ऋतस्य धाम वि मिमे पुरूणि ।  
शंसांमि पित्रे असुराय शेव मयज्ञियाद्यज्ञियं भागमैमि ३  
ब्रह्मीः समा अकरमन्तरस्मिन्निन्द्र वृणानः पितरं जहामि ।  
अग्निः सोमो वरुणस्ते च्यवन्ते पर्यावर्द्राष्टं तदेवाम्यायन् ४  
निर्माया उ ते असुरा अभूवन् त्वं च मा वरुण कामयासे ।

ऋतेन राजन्ननृतं विविञ्चन् मम राष्ट्रस्याधिपत्यमेहि ५  
 इदं स्वरिदमिदास वामं मुयं प्रकाश उर्वरं न्तरिक्षम् ।  
 हनाव वृत्रं निरेहि सोम हविष्ठा सन्तं हविषा यजाम ६  
 कविः कवित्वा दिवि रूपमासज्ज दप्रभूती वरुणो निरुपः सृजत् ।  
 क्षेमं कृणवाना जनयो न सिन्धव स्ता अस्य वर्णं शुचयो भरिभ्रति ७  
 ता अस्य ज्येष्ठमिन्द्रियं सचन्ते ता ईमा क्षेति स्वधया मदन्तीः ।  
 ता ई विशो न राजानं वृणाना बीभत्सुवो अप वृत्रादतिष्ठन् ८  
 बीभत्सूनां सयुजं हंसमाहु रपां दिव्यानां सख्ये चरन्तम् ।  
 अनुष्टुभमनु चर्चुर्यमाण मिन्द्रं नि चिक्वुः कवयो मनीषा ९

(१२५) पञ्चविंशत्युत्तरशततमं सूक्तम्

(१-८) अष्टर्चस्यास्य सूक्तस्याम्भृणी वागृषिका । आत्मा देवता । (१, ३-८)

प्रथमर्चस्तृतीयादिषण्णाञ्च त्रिष्टुप्, (२) द्वितीयायाश्च जगती छन्दसी

अहं रुद्रेभिर्वसुभिश्चरा म्यहमादित्यैरुत विश्वदैवैः ।  
 अहं मित्रावरुणोभा बिभर्म्यहमिन्द्राग्नी अहमश्विनोभा १  
 अहं सोममाहनसं बिभर्म्यहं त्वष्टारमुत पूषणं भगम् ।  
 अहं दधामि द्रविणं हविष्मते सुप्राव्येऽ यजमानाय सुन्वते २  
 अहं राष्ट्रीं संगमनीं वसूनां चिकितुषीं प्रथमा यज्ञियानाम् ।  
 तां मा देवा व्यदधुः पुरुत्रा भूरिस्थात्रां भूयावेशयन्तीम् ३  
 मया सो अन्नमत्ति यो विपश्यति यः प्राणिति य ई शृणोत्युक्तम् ।  
 अमन्तवो मां त उप क्षियन्ति श्रुधि श्रुत श्रद्धिवं तै वदामि ४  
 अहमेव स्वयमिदं वदामि जुष्टं देवेभिरुत मानुषेभिः ।  
 यं कामये तन्तमुग्रं कृणोमि तं ब्रह्माणं तमृषिं तं सुमेधाम् ५  
 अहं रुद्राय धनुरा तनोमि ब्रह्मद्विषे शरवे हन्तवा उ ।  
 अहं जनाय समदं कृणो म्यहं द्यावापृथिवी आ विवेश ६  
 अहं सुवे पितरमस्य मूर्धन्मम योनिरप्स्वश्नः समुद्रे ।  
 ततो वि तिष्ठे भुवनानु विश्वो तामूं द्यां वर्ष्मणोप स्पृशामि ७  
 अहमेव वात इव प्र वाम्या रभमाणा भुवनानि विश्वा ।  
 परो दिवा पर एना पृथिव्यै तावती महिना सं बभूव ८

(१२६) षड्विंशत्युत्तरशततमं सूक्तम्

(१-८) अष्टर्चस्यास्य सूक्तस्य शैलूषिः कुल्मलबर्हिषो वामदेव्योहोमुग्वा ऋषिः ।  
विश्वे देवा देवताः । (१-७) प्रथमादिसप्तर्चामुपरिष्ठाद्बृहती, (८) अष्टम्याश्च  
त्रिष्टुप् छन्दसी

न तमंहो न दुरितं देवांसो अष्ट मर्त्यम् ।  
सजोषसो यमर्यमा मित्रो नयन्ति वरुणो अति द्विषः १  
तद्धि वयं वृणीमहे वरुण मित्रार्यमन् ।  
येना निरंहसो यूयं पाथ नेथा च मर्त्यमति द्विषः २  
ते नूनं नोऽयमूतये वरुणो मित्रो अर्यमा ।  
नयिष्ठा उ नो नेषणि पर्षिष्ठा उ नः पर्षण्यति द्विषः ३  
यूयं विश्वं परि पाथ वरुणो मित्रो अर्यमा ।  
युष्माकं शर्मणि प्रिये स्याम सुप्रणीतयोऽति द्विषः ४  
आदित्यासो अति स्निधो वरुणो मित्रो अर्यमा ।  
उग्रं मरुद्भी रुद्रं हुवेमे न्द्रमग्निं स्वस्तयेऽति द्विषः ५  
नेतार ऊ षु णस्तिरो वरुणो मित्रो अर्यमा ।  
अति विश्वानि दुरिता राजानश्चर्षणीनामति द्विषः ६  
शूनमस्मभ्यमूतये वरुणो मित्रो अर्यमा ।  
शर्म यच्छन्तु सप्रथं आदित्यासो यदीमहे अति द्विषः ७  
यथा ह त्यद्वसवो गौर्यं चित् पदि षिताममुञ्चता यजत्राः ।  
एवो ष्वस्मन्मुञ्चता व्यंहः प्र तार्यग्ने प्रतुरं न आयुः ८

(१२७) सप्तविंशत्युत्तरशततमं सूक्तम्

(१-८) अष्टर्चस्यास्य सूक्तस्य सौभरः कुशिक ऋषिर्भारद्वाजी रात्रिर्वा ऋषिका ।  
रात्रिर्देवता । गायत्री छन्दः

रात्री व्यख्यदायुती पुरुत्रा देव्यश्क्षभिः । विश्वा अधि श्रियोऽधित १  
ओर्वप्रा अमर्त्या निवतो देव्युश्द्वतः । ज्योतिषा बाधते तमः २  
निरु स्वसारमस्कृतो षसं देव्यायुती । अपेदु हासते तमः ३  
सा नो अद्य यस्या वयं नि ते यामन्नविद्धमहि । वृद्धे न वसति वयः ४  
नि ग्रामांसो अविद्धत नि पद्वन्तो नि पक्षिणः । नि श्येनासश्चिदर्थिनः ५  
यावया वृक्यं वृकं यवय स्तेनमूर्म्ये । अथा नः सुतरा भव ६

उप॑ मा॒ पेपि॑शत् तमः॑ कृ॒ष्णं व्य॑क्तमस्थित । उ॒षं ऋ॑णेव॑ यातय ७  
उप॑ ते गा॒ इ॒वा॒करं॑ वृ॒णीष्व॑ दु॒हित॑र्दिवः । रा॒त्रि स्तो॑मं न जि॒ग्युषे॑ ८

(१२८) अष्टाविंशत्युत्तरशततमं सूक्तम्

(१-६) नवर्चस्यास्य सूक्तस्याङ्गिरसो विहव्य ऋषिः । विश्वे देवा देवताः । (१-

८) प्रथमाद्यष्टर्चा त्रिष्टुप्, (६) नवम्याश्च जगती छन्दसी

ममा॑ग्रे व॒र्चो वि॒ह॒वेष्व॑स्तु व॒यं त्वे॒न्धा॒नास्त॑न्व पु॒षेम ।  
मह्यं॑ नमन्तां प्र॒दि॒शश्च॑त॒स्त्र स्त्व॒याध्य॑क्षेण॒ पृ॒त॒ना ज॑येम १  
मम॑ दे॒वा वि॒ह॒वे सं॑न्तु॒ सर्व॑ इन्द्र॒वन्तो॑ म॒रुतो॑ वि॒ष्णुर॑ग्निः ।  
ममा॑न्तरि॒क्षमु॒रुलो॑कमस्तु॒ मह्यं॑ वा॒तः प॑वतां॒ कामे॑ अ॒स्मिन् २  
मयि॑ दे॒वा द्र॒वि॒णमा॑ यजन्तां॒ मय्या॑शीरस्तु॒ मयि॑ दे॒वहू॑तिः ।  
दै॒व्या हो॑ता॒रो व॑नुषन्त॒ पूर्वे॑ ऽरि॒ष्टाः स्या॑म त॒न्वा सु॑वीराः ३  
मह्यं॑ यजन्तु॒ मम॑ या॒नि ह॒व्या ऽऽकू॑तिः स॒त्या म॑र्नसो मे अस्तु ।  
ए॒नो मा॒ नि गा॑ क॒तम॑च्च॒नाहं॑ वि॒श्वे दे॒वासो॑ अ॒धि वो॑चता नः ४  
दे॒वीः ष॒ळ्वीरु॑रु नः कृ॒णोत॑ वि॒श्वे दे॒वास॑ इ॒ह वी॑रयध्वम् ।  
मा हा॑स्महि प्र॒जया॑ मा त॒नूभि॑र्मा रं॒धाम॑ द्वि॒ष्टते॑ सौम राजन् ५  
अ॒ग्रे म॒न्युं प्र॑ति॒नुद॑न् प॒रेषा॑ म॒दब्धो॑ गो॒पाः परि॑ पाहि न॒स्त्वम् ।  
प्र॒त्यञ्चो॑ यन्तु नि॒गुतः॑ पु॒नस्ते॑ ऽ॒मैषां॑ चि॒त्तं प्र॑बु॒धां वि॒ नैश॑त् ६  
धा॒ता धा॑तृच॒फट्कृ॑णां भु॒व॒नस्य॑ यस्पति॒र्दे॒वं त्रा॑तार॒मभि॑माति॒षाह॑म् ।  
इ॒मं य॒ज्ञम॒श्विनो॒भा बृ॑हस्पति॒र्दे॒वाः पा॑न्तु यज॒मानं॑ न्य॒र्थात् ७  
उ॒रु॒व्यचा॑ नो म॒हिषः॑ श॒र्म यंस॑ द॒स्मिन् ह॒वै पुरु॑हूतः पुरु॒क्षुः ।  
स नः॑ प्र॒जायै॑ ह॒र्यश्च॑ मृ॒ळये॑न्द्र मा नो॑ रीरि॒षो मा॑ परा॒ दाः ८  
ये नः॑ स॒प॒त्ना अप॑ ते भ॒वन्ति॑न्द्रा॒ग्निभ्या॑मव॒ बा॒धाम॑हे तान् ।  
व॒स॒वो रु॒द्रा आ॑दि॒त्या उ॑परि॒स्पृश॑ मो॒ग्रं चे॒त्तार॑म॒धिरा॑जम॒क्रन् ९  
एका॑दशोऽनुवाकः । सू० १२६-१५१ ।

(१२९) एकोनत्रिंशदुत्तरशततमं सूक्तम्

(१-७) सप्तर्चस्यास्य सूक्तस्य परमेष्ठी प्रजापतिर्ऋषिः । भाववृत्तं देवता ।

त्रिष्टुप् छन्दः

नास॑दासी॒न्नो स॑दासीत् त॒दानीं॑ नासी॒द्रजो॑ नो व्यो॒मा प॒रो यत् ।

किमावरीवः कुह कस्य शर्म नमः किमासीद्गहनं गभीरम् १  
न मृत्युरासीदमृतं न तर्हि न रात्र्या अहं आसीत् प्रकेतः ।  
आनीदवातं स्वधया तदेकं तस्माद्भान्यन्न पुरः किं चनास २  
तम आसीत् तमसा गूळ्हमग्रे ऽप्रकेतं सलिलं सर्वमा इदम् ।  
तुच्छेनाभ्वपिहितं यदासीत् तपस्तन्महिनाजायतैकम् ३  
कामस्तदग्रे समवर्तताधि मनसो रेतः प्रथमं यदासीत् ।  
सतो बन्धुमसति निरविन्दन् हृदि प्रतीष्या कवयो मनीषा ४  
तिश्चीनो विततो रश्मिरेषा मधः स्विदासीद्दुपरि स्विदासीत् ।  
रेतोधा आसन् महिमान आसन् त्वधा अवस्तात् प्रयतिः पुरस्तात् ५  
को अद्वा वेद क इह प्र वोचत् कुत आजाता कुत इयं विसृष्टिः ।  
अर्वादेवा अस्य विसर्जनेना ऽथा को वेद यत आबभूव ६  
इयं विसृष्टिर्यत आबभूव यदि वा दधे यदि वा न ।  
यो अस्याध्यक्षः परमे व्योमन् त्सो अङ्ग वेद यदि वा न वेद ७

(१३०) त्रिंशदुत्तरशततमं सूक्तम्

(१-७) सप्तर्चस्यास्य सूक्तस्य प्राजापत्यो यज्ञ ऋषिः । भाववृत्तं देवता । (१)

प्रथमर्चो जगती, (२-७) द्वितीयादिषण्णाञ्च त्रिष्टुप् छन्दसी

यो यज्ञो विश्वतस्तनुभिस्तत एकशतं देवकर्मभिरायतः ।  
इमे वयन्ति पितरो य आययुः प्र व्याप वयेत्यासते तृते १  
पुमाँ एनं तनुत् उत कृणत्ति पुमान् वि त्वे अधि नाकै अस्मिन् ।  
इमे मयूखा उप सेदुरु सदः सामानि चक्रुस्तसराण्योतवे २  
कासीत् प्रमा प्रतिमा किं निदान् माज्यं किमासीत् परिधिः क आसीत् ।  
छन्दः किमासीत् प्रउगं किमुक्थं यदेवा देवमयजन्त विश्वे ३  
अग्नेर्गायत्र्यभवत् सयुग्वो ष्णिह्या सविता सं बभूव ।  
अनुष्टुभा सोम उक्थैर्महस्वान् बृहस्पतैर्बृहती वाचमावत् ४  
विराणिमत्रावरुणयोरभिशी रिन्द्रस्य त्रिष्टुबिह भागो अहः ।  
विश्वान् देवाञ्जगत्या विवेश तेन चाक्लृप् ऋषयो मनुष्याः ५  
चाक्लृप्ते तेन ऋषयो मनुष्या यज्ञे जाते पितरौ नः पुराणे ।  
पश्यन् मन्ये मनसा चक्षसा तान् य इमं यज्ञमयजन्त पूर्वे ६  
सहस्तौमाः सहछन्दस आवृतः सहप्रमा ऋषयः सप्त दैव्याः ।

पूर्वेषां पन्थामनुदृश्य धीरां अन्वालेभिरे रथ्योर् न रश्मीन् ७

(१३१) एकत्रिंशदुत्तरशततमं सूक्तम्

(१-७) सप्तर्चस्यास्य सूक्तस्य काक्षीवतः सुकीर्तिर्ऋषिः । (१-३, ६-७)

प्रथमादितृचस्य षष्ठीसप्तम्योर्ऋचोश्चेन्द्रः, (४-५) चतुर्थीपञ्चम्योश्चाश्विनौ देवताः ।

(१-३, ५-७) प्रथमादितृचस्य पञ्चम्यादितृचस्य च त्रिष्टुप्, (४) चतुर्थ्या

ऋचश्चानुष्टुप् छन्दसी

अप प्राचं इन्द्र विश्वाँ अमित्रा नपापाचो अभिभूते नुदस्व ।

अपोदीचो अप शूराधराचं उरौ यथा तव शर्मन् मदैम १

कुविदङ्ग यवमन्तो यवं चि द्यथा दान्त्यनुपूर्वं वियूय ।

इहेहैषां कृणुहि भोजनानि ये बर्हिषो नमोवृक्तिं न जग्मुः २

नहि स्थूर्युतथा यातमस्ति नोत श्रवौ विविदे संगमेषु ।

गव्यन्त इन्द्र सख्याय विप्रा अश्वायन्तो वृषणं वाजयन्तः ३

युवं सुराममश्विना नमुचावासुरे सचा ।

विपिपाना शुभस्पती इन्द्रं कर्मस्वावतम् ४

पुत्रमिव पितरावश्विनोभेन्द्रावथुः काव्यैर्दसनाभिः ।

यत् सुरामं व्यपिबः शचीभिः सरस्वती त्वा मघवन्नभिष्णक् ५

इन्द्रः सुत्रामा स्ववाँ अवीभिः समृळीको भवतु विश्ववेदाः ।

बाधतां द्वेषो अभयं कृणोत सुवीर्यस्य पतयः स्याम ६

तस्य वयं सुमतौ यज्ञियस्याऽपि भद्रे सौमनसे स्याम ।

स सुत्रामा स्ववाँ इन्द्रो अस्मे आराच्चिद् द्वेषः सनुतर्युयोतु ७

(१३२) द्वात्रिंशदुत्तरशततमं सूक्तम्

(१-७) सप्तर्चस्यास्य सूक्तस्य नार्मेधः शकपूत ऋषिः । (१) प्रथमर्चो

द्युभूम्यश्विनः, (२-७) द्वितीयादितृचद्वयस्य च मित्रावरुणौ देवताः । (१)

प्रथमर्चो न्यङ्कुसारिणी, (२, ६) द्वितीयाषष्ठ्योः प्रस्तारपङ्क्तिः, (३-५)

तृतीयादितृचस्य विराड्रूपा, (७) सप्तम्याश्च महासतोबृहती छन्दांसि

ईजानमिद् द्यौर्गुतावसु रीजानं भूमिरभि प्रभूषणि ।

ईजानं देवावश्विना वभि सुमैरवर्धताम् १

ता वा मित्रावरुणा धारयत्क्षिती सुषुम्नेषितृत्वता यजामसि ।

युवोः क्राणाय सख्यै रभि ष्याम रक्षसः २  
अधा चिन्नु यद्विधिषामहे वा मुभि प्रियं रेक्णः पत्यमानाः ।  
दुद्रां वा यत् पुष्यति रेक्णः सम्वारन् नकिरस्य मुघानि ३  
असावन्यो असुर सूयत द्यौस्त्वं विश्वेषां वरुणासि राजा ।  
मूर्धा रथस्य चाकन् नैतावतैनसान्तकध्रुक ४  
अस्मिन्त्स्वेतच्छकपूत एनो हिते मित्रे निर्गतान् हन्ति वीरान् ।  
अवोर्वा यद्धात् तनूष्ववः प्रियासु यज्ञियास्वर्वा ५  
युवोर्हि मातादितिर्विचेतसा द्यौर्न भूमिः पर्यसा पुपूतनि ।  
अव प्रिया दिदिष्टन् सूरौ निनिक्त रश्मिभिः ६  
युवं ह्यप्रराजावसीदतं तिष्ठद्रथं न धूर्षद वनर्षदम् ।  
ता नः कणूकयन्ती नृमेधस्तत्रे अंहसः सुमेधस्तत्रे अंहसः ७

(१३३) त्रयस्त्रिंशदुत्तरशततमं सूक्तम्

(१-७) सप्तर्चस्यास्य सूक्तस्य पैजवनः सुदा ऋषिः । इन्द्रो देवता । (१-३)  
प्रथमादितृचस्य शक्वरी, (४-६) चतुर्थ्यादितृचस्य महापङ्क्तिः, (७) सप्तम्यृचश्च  
त्रिष्टुप् छन्दांसि

प्रो ष्वस्मै पुरोरथ मिन्द्राय शूषमर्चत ।  
अभीकै चिदु लोककृत् संगे समत्सु वृत्रहा ऽस्माकं बोधि  
चोदिता नभन्तामन्यकेषां ज्याका अधि धन्वसु १  
त्वं सिन्धूरवासृजो ऽधराचो अहन्नहिम् ।  
अशत्रुरिन्द्र जज्ञिषे विश्वं पुष्यसि वार्यं तं त्वा परि ष्वजामहे  
नभन्तामन्यकेषां ज्याका अधि धन्वसु २  
वि षु विश्वा अरातयो ऽर्यो नशन्त नो धियः ।  
अस्तासि शत्रवे वधं यो न इन्द्र जिघासति या ते  
रातिर्दिर्वसु नभन्तामन्यकेषां ज्याका अधि धन्वसु ३  
यो न इन्द्राभितो जनौ वृकायुरादिदैशति ।  
अधस्पदं तमीं कृधि विबाधो असि  
सासहि नभन्तामन्यकेषां ज्याका अधि धन्वसु ४  
यो न इन्द्राभिदासति सनाभिर्यश्च निष्टयः ।  
अव तस्य बलं तिर महीव द्यौरध त्मना नभन्तामन्यकेषां ज्याका अधि

धन्वसु ५

वृयमिन्द्र त्वायवः सखित्वमा रभामहे ।

ऋतस्य नः पुथा नया ऽति विश्वानि दुरिता नभन्तामन्यकेषां ज्याका अधि

धन्वसु ६

अस्मभ्यं सु त्वमिन्द्र तां शिञ्ज या दोहते प्रति वरं जरित्रे ।

अच्छिद्रोघ्री पीपयद्यथा नः सहस्रधारा पर्यसा मही गौः ७

(१३४) चतुस्त्रिंशदुत्तरशततमं सूक्तम्

(१-७) सप्तर्चस्यास्य सूक्तस्य (१-५, ६) प्रथमादिपञ्चर्चा षष्ठ्याः पूर्वार्धस्य च यौवनाश्चो मान्धाता ऋषिः, (६-७) षष्ठ्या उत्तरार्धस्य सप्तम्याश्च गोधा ऋषिका । इन्द्रो देवता । (१-६) प्रथमादिषडृचां महापङ्क्तिः, (७) सप्तम्याश्च पङ्क्तिश्चन्दसी उभे यदिन्द्र रोदसी आपप्राथोषा इव ।

महान्तं त्वा महीनां सम्राजं चर्षणीनां देवी जनित्र्यजीजनद्भद्रा

जनित्र्यजीजनत् १

अवं स्म दुर्हणायतो मर्तस्य तनुहि स्थिरम् ।

अधस्पदं तमीं कृधि यो अस्माँ आदिदैशति देवी जनित्र्यजीजनद्भद्रा

जनित्र्यजीजनत् २

अव त्या बृहतीरिषो विश्वश्चन्द्रा अमित्रहन् ।

शचीभिः शक्र धूनुही न्द्र विश्वाभिरूतिभिर्देवी जनित्र्यजीजनद्भद्रा

जनित्र्यजीजनत् ३

अव यत् त्वं शतक्रतु विन्द्र विश्वानि धूनुषे ।

रयिं न सुन्वते सचा सहस्रिणीभिरूतिभिर्देवी जनित्र्यजीजनद्भद्रा

जनित्र्यजीजनत् ४

अव स्वेदा इवाभितो विष्वक्पतन्तु दिद्यवः ।

दूर्वाया इव तन्तवो व्यस्मदैतु दुर्मतिर्देवी जनित्र्यजीजनद्भद्रा

जनित्र्यजीजनत् ५

दीर्घं ह्यङ्कुशं यथा शक्तिं बिभर्षि मन्तुमः ।

पूर्वेण मघवन् पुदा ऽजो वयां यथा यमो देवी जनित्र्यजीजनद्भद्रा

जनित्र्यजीजनत् ६

नकिर्देवा मिनीमसि नकिरा योपयामसि मन्त्रश्रुत्यं चरामसि ।



पु॒क्षेभि॑रपि॒क॒क्षेभि॑ र॒त्राभि॑ सं र॒भाम॑हे ७

(१३५) पञ्चत्रिंशदुत्तरशततमं सूक्तम्

(१-७) सप्तर्चस्यास्य सूक्तस्य यामायनः कुमार ऋषिः । यमो देवता ।

अनुष्टुप् छन्दः

यस्मिन् वृ॒क्षे सु॑प॒ला॒शे दे॒वैः संपि॑ब॒ते य॒मः ।  
अ॒त्रा नो वि॑श॒पतिः पि॒ता पु॑रा॒णाँ अनु॑ वे॒नति १  
पु॒रा॒णाँ अनु॑वे॒नन्तं च॑र॒न्तं पा॑प॒यामु॒या ।  
अ॒सूय॑न्न॒भ्य॒चाक॑शं तस्मा॑ अ॒स्पृह॑य॒न्पुनः २  
यं कु॑मा॒र न॒वं रथं॑ म॒चक्रं॑ म॒न॒साकृ॑णोः ।  
एकै॑षं वि॒श्वतः॒ प्राञ्च॑ म॒पश्य॑न्न॒धि तिष्ठ॑सि ३  
यं कु॑मा॒र प्रा॒वर्त॑यो रथं॑ वि॒प्रेभ्य॑स्परि ।  
तं सा॒मानु॑ प्रा॒वर्त॑तु स॒मितो ना॒व्याहि॑तम् ४  
कः कु॑मा॒रम॑ज॒नय॒द्रथं॑ को नि॒रव॑र्तयत् ।  
कः स्वि॒त् तद॒द्य नो॑ ब्रू॒या द॒नुदे॒यी यथा॑भ॒वत् ५  
यथा॑भ॒वद॒नुदे॒यी ततो॑ अ॒ग्रम॑जायत ।  
पु॒रस्ता॑द्बु॒ध्न आ॑र्ततः पु॒श्चान्नि॒रय॑णं कृ॒तम् ६  
इदं॑ य॒मस्य॑ सा॒दनं॑ दे॒वमा॑नं यदु॒च्यते॑ ।  
इ॒यम॑स्य ध॒म्यते॑ ना॒ळी र॒यं गी॑र्भिः परि॒ष्कृतः॑ ७

(१३६) षट्त्रिंशदुत्तरशततमं सूक्तम्

(१-७) सप्तर्चस्यास्य सूक्तस्य वातशनाः ((१) प्रथमर्चो जूतिः, (२) द्वितीयाया वातजूतिः, (३) तृतीयाया विप्रजूतिः, (४) चतुर्थ्या वृषाणकः, (५) पञ्चम्याः करिक्रतः, (६) षष्ठ्या एतशः, (७) सप्तम्याश्च ऋष्यशृङ्गः) ऋषयः । केशिनः

(अग्निवायुसूर्याः) देवताः । अनुष्टुप् छन्दः

के॒श्यश॑ग्निं के॒शी वि॒षं के॒शी बि॑भ॒र्ति रोद॑सी ।  
के॒शी वि॒श्वं स्व॑र्दृ॒शे के॒शीदं॑ ज्योति॒रुच्य॑ते १  
मु॒नयो॑ वा॒तर॑शनाः पि॒शङ्गा॑ व॒सते॑ म॒ला ।  
वा॒तस्या॑नु ध्राजि॑ यन्ति॒ यद्दे॒वासो॑ अ॒वि॒क्षत॑ २  
उ॒न्मदि॑ता॒ मौनै॑ये॒न वा॒ताँ आ॑ त॒स्थिमा॑ व॒यम् ।

शरीरेदुस्माकं यूयं मर्तासो अभि पश्यथ ३  
 अन्तरिक्षेण पतति विश्वा रूपावचाकेशत् ।  
 मुनिर्देवस्य देवस्य सौकृत्याय सखा हितः ४  
 वातस्याश्वौ वायोः सखा ऽथौ देवेषितो मुनिः ।  
 उभौ समुद्रावा क्षेति यश्च पूर्वं उतापरः ५  
 अप्सरसां गन्धर्वाणां मृगाणां चरणे चरन् ।  
 केशी केतस्य विद्वान् त्सखा स्वादुर्मदिन्तमः ६  
 वायुरस्मा उपामन्थत् पिनष्टि स्मा कुनन्नमा ।  
 केशी विषस्य पात्रेण यद्गुद्रेणापिबत् सह ७

(१३७) सप्तत्रिंशदुत्तरशततमं सूक्तम्

(१-७) सप्तर्चस्यास्य सूक्तस्य सप्तर्षयः ((१) प्रथमर्चो भरद्वाजः, (२)  
 द्वितीयायाः कश्यपः, (३) तृतीयाया गोतमः, (४) चतुर्थ्या अत्रिः, (५)  
 पञ्चम्या विश्वामित्रः, (६) षष्ठ्या जमदग्निः, (७) सप्तम्याश्च वसिष्ठः) ऋषयः ।

विश्वे देवा देवताः । अनुष्टुप् छन्दः

उत देवा अवहितं देवा उन्नयथा पुनः ।  
 उतागश्चक्रुषं देवा देवा जीवयथा पुनः १  
 द्वाविमौ वातौ वात आ सिन्धोरा परावतः ।  
 दक्षं ते अन्य आ वातु परान्यो वातु यद्रपः २  
 आ वात वाहि भेषजं वि वात वाहि यद्रपः ।  
 त्वं हि विश्वभेषजो देवानां दूत ईर्यसे ३  
 आ त्वागमं शन्तातिभि रथो अरिष्टतातिभिः ।  
 दक्षं ते भद्रमाभार्ष परा यद्धर्मं सुवामि ते ४  
 त्रायन्तामिह देवा स्त्रायतां मरुतां गुणः ।  
 त्रायन्तां विश्वा भूतानि यथायमरपा असत् ५  
 आप इद्वा उं भेषजी रापो अमीवचातनीः ।  
 आपः सर्वस्य भेषजी स्तास्तै कृणवन्तु भेषजम् ६  
 हस्ताभ्यां दशशाखाभ्यां जिह्वा वाचः पुरोगवी ।  
 अनामयितुभ्यां त्वा ताभ्यां त्वोप स्पृशामसि ७

(१३८) अष्टात्रिंशदुत्तरशततमं सूक्तम्

(१-६) षडृचस्यास्य सूक्तस्यौरवोऽङ्ग ऋषिः । इन्द्रो देवता । जगती छन्दः  
तव॒ त्य इन्द्र॑ स॒ख्येषु॑ वह॒य ऋ॒तं म॑न्वा॒ना व्य॑द॒र्दि॒रु॒र्व॒लम् ।  
यत्रा॑ द॒शस्य॑नुषसौ रि॒न्नपः॑ कु॒त्साय॑ म॒न्म॒न्न॒ह्यश्च॑ द॒ंसयः॑ १  
अवा॑सृजः प्र॒स्वः श्व॒च्चयौ॑ गि॒री नु॒दाज॑ उ॒स्त्रा अ॒पि॒बो म॑धु प्रि॒यम् ।  
अव॑र्धयो व॒निनो॑ अस्य॒ दंस॑सा श॒शोच॑ सूर्य॑ ऋ॒तजा॑तया गि॒रा २  
वि सूर्यो॑ म॒ध्यै अ॒मुच॑द्रथं दि॒वो वि॑द॒द्वासाय॑ प्र॒तिमा॑न॒मार्यः॑ ।  
दृ॒ळ॒हानि॑ पि॒प्रोरसु॑रस्य मा॒यिन् इन्द्रो॑ व्या॒स्यच्च॑कृ॒वाँ ऋ॒जि॒श्व॒ना ३  
अना॑धृष्टानि धृ॒षितो॑ व्या॒स्य न्नि॒धीर॑दै॒वाँ अ॒मृ॒ण॒द्यास्यः॑ ।  
मा॒सेव॑ सूर्यो॑ वसु पु॒र्यमा॑ द॒दे गृ॒णानः॑ श॒त्रूँश्च॑रु॒णाद्वि॒रु॒क्म॒ता ४  
अयु॑द्धसेनो वि॒भ्वा वि॒भिन्द॑ता दा॒शद्व॑त्र॒हा तु॒ज्यानि॑ तेज॒ते ।  
इन्द्र॑स्य व॒ज्राद॑बिभेद॒भि॒श्नथः॑ प्रा॒क्राम॑च्छु॒न्ध्यूर॑जहादु॒षा अनः॑ ५  
ए॒ता त्या॑ ते श्रु॒त्यानि॑ के॒वला॑ यदे॒क ए॒कम॑कृ॒णोर॑य॒ज्ञम् ।  
मा॒सां वि॒धान॑म॒दधा॑ अ॒धि द्य॒वि त्वया॑ वि॒भिन्नं॑ भ॒रति॑ प्र॒धिं पि॒ता ६

(१३९) एकोनचत्वारिंशदुत्तरशततमं सूक्तम्

(१-६) षडृचस्यास्य सूक्तस्य गन्धर्वो विश्वावसुऋषिः । (१-३) प्रथमादितृचस्य  
सविता, (४-६) चतुर्थ्यादितृचस्य चात्मा देवते । त्रिष्टुप् छन्दः  
सूर्य॑रश्मि॒र्हरि॑केशः पु॒रस्ता॑त् स॒विता ज्योति॑रु॒दयाँ॑ अ॒ज॒स्त्रम् ।  
तस्य॑ पू॒षा प्र॑स॒वे या॑ति वि॒द्वान् त्स॑प॒श्यन् विश्वा॑ भु॒व॒नानि॑ गो॒पाः १  
नृ॒च॒क्षा ए॒ष दि॒वो म॒ध्यै आ॒स्त आ॒प॒प्रि॒वान् रो॑द॒सी अ॒न्तरि॑क्षम् ।  
स वि॒श्वाची॑र॒भि च॑ष्टे घृ॒ताची॑ र॒न्तरा॑ पूर्॒वम॑प॒रं च॑ के॒तुम् २  
रा॒यो बु॒ध्नः स॒गम॑नो व॒सूनां॑ वि॒श्वा रू॒पाभि॑ च॑ष्टे श॒चीभिः॑ ।  
दे॒व इ॒व स॒विता स॒त्यध॑र्मे॒न्द्रो न॑ त॒स्थौ स॒मरे॑ ध॒नाना॑म् ३  
वि॒श्वाव॑सुं सोम गन्ध॒र्वमा॑पो द॒दृशु॑षी॒स्तदृ॑ते॒ना व्या॑यन् ।  
तद॒न्ववै॑दिन्द्रो॑ रा॒रहा॑ण आ॒सां परि॑ सूर्य॑स्य परि॒धीर॑प॒श्यत् ४  
वि॒श्वाव॑सु॒रभि॑ तन्नो गृ॒णातु॑ दि॒व्यो गन्ध॑र्वो र॒जसो॑ वि॒मानः॑ ।  
यद्वा॑ घा स॒त्यमु॑त यन्न वि॒द्य धि॒यो हि॒न्वा॒नो धि॒यु इ॒न्नो अ॒व्याः ५  
सस्त्रि॑मवि॒न्द॒च्चरे॑णे न॒दीना॑ म॒पावृ॑णो॒दुरो अ॑श्म॒व्रजा॑नाम् ।  
प्रा॒सां गन्ध॑र्वो अ॒मृता॑नि वो॒च दि॒न्द्रो द॒क्षं परि॑ जा॒नाद॒हीना॑म् ६

(१४०) चत्वारिंशदुत्तरशततमं सूक्तम्

(१-६) षडृचस्यास्य सूक्तस्य पावकोऽग्निर्ऋषिः । अग्निर्देवता । (१-२)  
प्रथमाद्वितीययोर्ऋचोर्विष्टारपङ्क्तिः, (३-५) तृतीयादितृचस्य सतोबृहती, (६)  
षष्ठ्याश्चोपरिष्ठाञ्चोतिश्छन्दांसि

अग्ने तव श्रवो वयो महि भ्राजन्ते अर्चयौ विभावसो ।  
बृहद्भानो शर्वसा वाजमुक्थ्यं दधासि दाशुषे कवे १  
पावकवर्चाः शक्रवर्चा अनूनवर्चा उदियर्षि भानुना ।  
पुत्रो मातरा विचरन्नुपावसि पृणक्षि रोदसी उभे २  
ऊर्जो नपाज्जातवेदः सुशस्तिभिर्मन्दस्व धीतिभिर्हितः ।  
त्वे इषः सं दधुर्भूरिवर्षसश्चित्रोतयो वामजाताः ३  
इरज्यन्नग्ने प्रथयस्व जन्तुभिरस्मे रायौ अमर्त्य ।  
स दर्शतस्य वपुषो वि राजसि पृणक्षि सानुसिं क्रतुम् ४  
इष्कर्तारिमध्वरस्य प्रचेतसं क्षयन्तं राधसो महः ।  
रातिं वामस्य सुभगा महीमिषं दधासि सानुसिं रयिम् ५  
ऋतावानं महिषं विश्वदर्शतमग्निं सुम्राय दधिरे पुरो जनाः ।  
श्रुत्वा सप्रथस्तमं त्वा गिरा दैव्यं मानुषा युगा ६

(१४१) एकचत्वारिंशदुत्तरशततमं सूक्तम्

(१-६) षडृचस्यास्य सूक्तस्य तापसोऽग्निर्ऋषिः । विश्वे देवा देवताः ।

अनुष्टुप् छन्दः

अग्ने अच्छा वदेह नः प्रत्यङ् नः सुमना भव ।  
प्र नो यच्छ विशस्पते धनुदा असि नस्त्वम् १  
प्र नो यच्छत्वयमा प्र भगः प्र बृहस्पतिः ।  
प्र देवाः प्रोत सूनृता रायो देवी ददातु नः २  
सोमं राजानमवसे ऽग्निं गीर्भिर्हवामहे ।  
आदित्यान् विष्णुं सूर्यं ब्रह्माणं च बृहस्पतिम् ३  
इन्द्रवायू बृहस्पतिं सुहवेह हवामहे ।  
यथा नः सर्व इज्जनः संगत्यां सुमना असत् ४  
अर्यमणं बृहस्पतिमिन्द्रं दानाय चोदय ।

वा॒तुं वि॒ष्णुं सर॑स्वतीं स॒वि॒तारं॑ च वा॒जिन॑म् ५  
त्वं नो॑ अ॒ग्ने अ॒ग्निभि॑र्ब्र॒ह्म॑ यु॒ज्ञं च॑ वर्धय ।  
त्वं नो॑ दे॒वता॑तये रा॒यो दाना॑य चोदय ६

(१४२) द्विचत्वारिंशदुत्तरशततमं सूक्तम्

(१-८) अष्टर्चस्यास्य सूक्तस्य शार्ङ्गाः ((१-२) प्रथमाद्वितीययोर्ऋचोर्जरिता, (३-४) तृतीयाचतुर्थयोर्द्रोणः, (५-६) पञ्चमीषष्ठयोः सारिसृक्तः, (७-८) सप्तम्यष्टम्योश्च स्तम्बमित्रः) ऋषयः । अग्निर्देवता । (१-२) प्रथमाद्वितीययोर्ऋचोर्जगती, (३-६) तृतीयादिचतसृणां त्रिष्टुप्, (७-८) सप्तम्यष्टम्योश्चानुष्टुप् छन्दांसि

अ॒यम॑ग्ने ज॒रिता॑ त्वे अ॒भूद॑पि स॒हसः॑ सू॒नो न॒ह्य॑न्यदस्त्याप्यम् ।  
भ॒द्रं हि॑ श॒र्म त्रि॒वरू॑थमस्ति॒ त आ॒रे हिंसा॑नामपे दि॒द्युमा॑ कृ॒धि १  
प्र॒वत् तै॑ अ॒ग्ने ज॒र्निमा॑ पि॒तूय॑तः सा॒चीव॑ विश्वा॒ भुव॑ना न्यृ॒ञ्जसे॑ ।  
प्र स॒प्तयः॑ प्र स॒निष॑न्त नो॒ धियः॑ पु॒श्चर॑न्ति प॒शुपा॑ इ॒व त्म॑ना २  
उ॒त वा॑ उ॒ परि॑ वृ॒णक्षि॑ ब॒प्स॒ द्वहो॑र॒ग्र उ॒लप॑स्य स्वधावः ।  
उ॒त खि॑ल्या उ॒र्वरा॑णां भवन्ति॒ मा तै॑ हे॒तिं तवि॑षीं चु॒क्रुधाम॑ ३  
यदु॒द्धतौ॑ नि॒वतो॑ यासि॒ बप्स॑त् पृथ॒गेषि॑ प्रगृ॒र्धिनी॑व॒ सेना॑ ।  
य॒दा ते॒ वातो॑ अनु॒वाति॑ शो॒चि र्व॑सै॒व श॑मश्रु॒ वप॑सि॒ प्र भू॑म् ४  
प्रत्य॑स्य श्रे॒ण्यो द॑दृ॒श्च ए॒कं नि॒यानं॑ ब॒हवो॑ रथा॑सः ।  
बा॒हू यद॑ग्ने अनु॒मर्म॑जानो न्य॒ङ्ङुत्त॑ानाम॒न्वेषि॑ भूमि॒म् ५  
उ॒त् ते शु॑ष्मा जिह॒तामु॑त् तै॒ अर्चि॑ रू॒त् तै॒ अग्ने॑ श॒शमा॑नस्य॒ वाजाः॑ ।  
उ॒च्छ॑र्वञ्चस्व॒ नि न॑म् वर्ध॒मान॑ आ त्वा॒द्य वि॒श्वे व॑सवः स॒दन्तु॑ ६  
अ॒पा॒मि॒दं न्य॑र्यनं॒ समु॑द्रस्य॒ नि॒वेश॑नम् ।  
अ॒न्यं कृ॑णुष्वेतः प॒न्थां ते॑न॒ याहि॑ वशां॒ अनु॑ ७  
आ॒र्य॑ने ते प॒रा॒र्य॑णे दू॒र्वा रो॑हन्तु पु॒ष्पिणीः॑ ।  
ह॒दाश्च॑ पु॒ण्डरी॑काणि॒ समु॑द्रस्य॒ गृहा॑ इ॒मे ८  
अष्ट॑मोऽध्यायः । व० १-४६ ।

(१४३) त्रिचत्वारिंशदुत्तरशततमं सूक्तम्

(१-६) षडृचस्यास्य सूक्तस्य साङ्ख्योऽत्रिर्ऋषिः । अश्विनौ देवते । अनुष्टुप् छन्दः

त्यं चिदत्रिमृतजुर मर्थमश्वं न यातवे ।  
 कक्षीर्वन्तं यदी पुना रथं न कृणुथो नवम् १  
 त्यं चिदश्वं न वाजिनं मरेणवो यमवत ।  
 दृळ्हं ग्रन्थिं न विष्यतु मत्रिं यविष्ठमा रजः २  
 नरा दंसिष्ठावत्रये शुभ्रा सिषासतं धियः ।  
 अथा हि वा दिवो नरा पुनः स्तोमो न विशसै ३  
 चिते तद्वा सुराधसा रातिः सुमतिरश्विना ।  
 आ यन्नः सदेने पृथौ समने पर्षथो नरा ४  
 युवं भुज्युं समुद्र आ रजसः पार ईङ्क्षितम् ।  
 यातमच्छा पतत्रिभिर्नासत्या सातयै कृतम् ५  
 आ वा सुमैः शंयू इव मंहिष्ठा विश्ववेदसा ।  
 समस्मे भूषतं नरो त्सं न पिप्युषीरिषः ६

(१४४) चतुश्चत्वारिंशदुत्तरशततमं सूक्तम्

(१-६) षडृचस्यास्य सूक्तस्य तादर्यः सुपर्णो यामायन ऊर्ध्वकुशनो वा ऋषिः ।  
 इन्द्रो देवता । (१, ३-४) प्रथमर्चस्तृतीयाचतुर्थ्योश्च गायत्री, (२) द्वितीयाया  
 बृहती, (५) पञ्चम्याः सतोबृहती, (६) षष्ठ्याश्च विष्टारपङ्क्तिश्छन्दांसि  
 अयं हि ते अमर्त्य इन्दुरत्यो न पत्यते । दक्षौ विश्वायुर्वेधसै १  
 अयमस्मासु काव्यं अभुर्वज्रो दास्वते ।  
 अयं बिभर्त्यूर्ध्वकृशनं मदं मृभुर्न कृत्व्यं मदम् २  
 घृषुः श्येनाय कृत्वन आसु स्वासु वंसगः । अवं दीधेदहीशुवः ३  
 यं सुपर्णः परावतः श्येनस्य पुत्र आभरत् ।  
 शतचक्रं योऽह्यौ वर्तनिः ४  
 यं तै श्येनश्चारुमवृकं पदाभर दुरुणं मानमन्धसः ।  
 एना वयो वि तार्यायुर्जीवस एना जागार बन्धुता ५  
 एवा तदिन्द्र इन्दुना देवेषु चिद्धारयाते महि त्यजः ।  
 क्रत्वा वयो वि तार्यायुः सुक्रतो क्रत्वायमस्मदा सुतः ६

(१४५) पञ्चचत्वारिंशदुत्तरशततमं सूक्तम्

(१-६) षडृचस्यास्य सूक्तस्येन्द्राणी ऋषिका । सपत्नीबाधनरूपोऽर्थो देवता ।

(१-५) प्रथमादिपञ्चार्चामनुष्टुप्, (६) षष्ठ्याश्च पङ्क्तिश्छन्दसी  
 इमां खनाम्योषधिं वीरुधं बलवत्तमाम् ।  
 यया सपत्नीं बाधते यया संविन्दते पतिम् १  
 उत्तानपर्णे सुभगे देवजूते सहस्वति ।  
 सपत्नीं मे परा धम् पतिं मे केवलं कुरु २  
 उत्तराहर्मुत्तर उत्तरेदुत्तराभ्यः ।  
 अथा सपत्नी या ममाऽधरा साधराभ्यः ३  
 नृह्यस्या नाम गृभ्णामि नो अस्मिन् रमते जनै ।  
 परामेव परावर्त सपत्नीं गमयामसि ४  
 अहमस्मि सहमाना ऽथ त्वमसि सासहिः ।  
 उभे सहस्वती भूत्वी सपत्नीं मे सहावहै ५  
 उप ते ऽधां सहमाना मुभि त्वाधां सहीयसा ।  
 मामनु प्र ते मनो वत्सं गौरिव धावतु पथा वारिव धावतु ६

(१४६) षट्चत्वारिंशदुत्तरशततमं सूक्तम्  
 (१-६) षट्चस्यास्य सूक्तस्यैरम्मदो देवमुनिर्ऋषिः । अरण्यानी देवता ।  
 अनुष्टुप् छन्दः

अरण्यान्यरण्या न्यसौ या प्रेव नश्यसि ।  
 कथा ग्रामं न पृच्छसि न त्वा भीरिव विन्दतीरं १  
 वृषारवायु वदते यदुपार्वति चिच्चिकः ।  
 आघाटिभिरिव धावयन्नरण्यानिर्महीयते २  
 उत गाव इवाद न्त्युत वेश्मैव दृश्यते ।  
 उतो अरण्यानिः सायं शकटीरिव सर्जति ३  
 गामुङ्गैष आ ह्वयति दार्वङ्गैषो अपावधीत् ।  
 वसन्नरण्यान्यां साय मक्रुक्षदिति मन्यते ४  
 न वा अरण्यानिर्ह न्त्यन्यश्चेन्नाभिगच्छति ।  
 स्वादोः फलस्य जग्ध्वाय यथाकामं नि पद्यते ५  
 आज्ञानगन्धिं सुरभिं बहन्नामकृषीवलाम् ।  
 प्राहं मृगाणां मातरं मरण्यानिर्मशंसिषम् ६

(१४७) सप्तचत्वारिंशदुत्तरशततमं सूक्तम्

(१-५) पञ्चर्चस्यास्य सूक्तस्य शैरीषिः सुवेदा ऋषिः । इन्द्रो देवता । (१-४)

प्रथमादिचतुर्ऋचां जगती, (५) पञ्चम्याश्च त्रिष्टुप् छन्दसी

श्रुतैर्दधामि प्रथमार्यं मन्यवे ऽहन्यद्वत्रं नर्यं विवेरपः ।

उभे यत्त्वा भवतो रोदसी अनु रेजते शुष्मात् पृथिवी चिदद्रिवः १

त्वं मायाभिरनवद्य मायिनं श्रवस्यता मनसा वृत्रमर्दयः ।

त्वामिन्नरौ वृणते गर्विष्ठिषु त्वां विश्वासु हव्यास्विष्ठिषु २

ऐषु चाकन्धि पुरुहूत सूरिषु वृधासो ये मघवन्नानुशुर्मघम् ।

अर्चन्ति तोके तनये परिष्ठिषु मेधसाता वाजिनमहये धने ३

स इनु रायः सुभृतस्य चाकन् न्मदं यो अस्य रंह्यं चिकेतति ।

त्वावृधो मघवन् दाश्वध्वरो मद्भू स वाजं भरते धना नृभिः ४

त्वं शर्धाय महिना गृणान उरु कृधि मघवञ्छुग्धि रायः ।

त्वं नो मित्रो वरुणो न मायी पित्वो न दस्म दयसे विभक्ता ५

(१४८) अष्टचत्वारिंशदुत्तरशततमं सूक्तम्

(१-५) पञ्चर्चस्यास्य सूक्तस्य वैन्यः पृथुर्ऋषिः । इन्द्रो देवता । त्रिष्टुप् छन्दः

सुष्वाणासं इन्द्र स्तुमसि त्वा ससवांसश्च तुविनृम्ण वाजम् ।

आ नो भर सुवितं यस्य चाकन् त्मना तना सनुयाम त्वोताः १

ऋष्वस्त्वमिन्द्र शूर जातो दासीर्विशः सूर्येण सह्याः ।

गुहा हितं गुह्यं गूळहमुप्सु बिभृमसि प्रस्त्रवणे न सोमम् २

अर्यो वा गिरौ अभ्यर्च विद्वानृषीणां विप्रः सुमतिं चकानः ।

ते स्याम ये रणयन्त सोमै रेनोत तुभ्यं रथोळह भक्षैः ३

इमा ब्रह्मैन्द्र तुभ्यं शंसि दा नृभ्यो नृणां शूर शर्वः ।

तेभिर्भव सक्रतुर्येषु चाकन्नुत त्रायस्व गृणत उत स्तीन् ४

श्रुधी हवमिन्द्र शूर पृथ्या उत स्तवसे वेन्यस्याकैः ।

आ यस्ते योनिं घृतवन्तमस्वारुर्मिर्न निमैर्द्रवयन्त वक्वाः ५

(१४९) एकोनपञ्चाशदुत्तरशततमं सूक्तम्

(१-५) पञ्चर्चस्यास्य सूक्तस्य हैरण्यस्तूपोऽर्चन्ऋषिः । सविता देवता ।

त्रिष्टुप् छन्दः



सविता यन्नैः पृथिवीमरम्णा दस्कम्भने सविता द्यामदंहत् ।  
अश्वमिवाधुक्षद्धुनिमन्तरिक्षं मृतूतै बद्धं सविता समुद्रम् १  
यत्रा समुद्रः स्कन्धितो व्यौनदर्पा नपात् सविता तस्य वेद ।  
अतो भूरते आ उत्थितं रजो ऽतो द्यावापृथिवी अप्रथेताम् २  
पृथेदमन्यदभवद्यजत्र ममर्त्यस्य भुवनस्य भूना ।  
सुपर्णो अङ्ग सवितुर्गुरुत्मान् पूर्वो जातः स उ अस्यानु धर्म ३  
गाव इव ग्रामं यूयुधिरिवाश्वान्वाश्रेव वत्सं सुमना दुहाना ।  
पतिरिव जायामभि नो न्येतु धर्ता दिवः सविता विश्ववारः ४  
हिरण्यस्तूपः सवितुर्यथा त्वा ऽऽङ्गिरसो जुह्वे वाजं अस्मिन् ।  
एवा त्वार्चन्नवसे वन्दमानः सोमस्येवांशं प्रति जागराहम् ५

(१५०) पञ्चाशदुत्तरशततमं सूक्तम्

(१-५) पञ्चर्चस्यास्य सूक्तस्य वासिष्ठो मृळीक ऋषिः । अग्निर्देवता । (१-३)

प्रथमादितृचस्य बृहती, (४) चतुर्थ्या ऋच उपरिष्ठाञ्ज्योतिर्जगती वा, (५)

पञ्चम्याश्चोपरिष्ठाञ्ज्योतिश्छन्दांसि

समिद्धश्चित् समिध्यसे देवेभ्यो हव्यवाहन ।  
आदित्यै रुद्रैर्वसुभिर्न आ गंहि मृळीकाय न आ गंहि १  
इमं यज्ञमिदं वचो जुजुषाण उपागंहि ।  
मर्तासस्त्वा समिधान हवामहे मृळीकाय हवामहे २  
त्वाम् जातवैदसं विश्ववारं गृणे धिया ।  
अग्रे देवाँ आ वह नः प्रियव्रतान् मृळीकाय प्रियव्रतान् ३  
अग्निर्देवो देवानामभवत् पुरोहितो ऽग्निं मनुष्याः ऋषयः समीधिरे ।  
अग्निं महो धनसातावहं हुवे मृळीकं धनसातये ४  
अग्निरत्रिं भरद्वाजं गविष्ठिरं प्रावन्नः कण्वं त्रसदस्युमाहुवे ।  
अग्निं वसिष्ठो हवते पुरोहितो मृळीकाय पुरोहितः ५

(१५१) एकपञ्चाशदुत्तरशततमं सूक्तम्

(१-५) पञ्चर्चस्यास्य सूक्तस्य कामायनी श्रद्धा ऋषिका । श्रद्धा देवता ।

अनुष्टुप् छन्दः

श्रद्धयाग्निः समिध्यते श्रद्धया हूयते हविः ।

श्रद्धां भर्गस्य मूर्धनि वचसा वेदयामसि १  
 प्रियं श्रद्धे ददतः प्रियं श्रद्धे दिदासतः ।  
 प्रियं भोजेषु यज्वस्विदं मे उदितं कृधि २  
 यथा देवा असुरेषु श्रद्धामुग्रेषु चक्रिरे ।  
 एवं भोजेषु यज्वस्व स्माकमुदितं कृधि ३  
 श्रद्धां देवा यजमाना वायुगौपा उपासते ।  
 श्रद्धां हृदय्यश्याकूत्या श्रद्धया विन्दते वसु ४  
 श्रद्धां प्रातर्हवामहे श्रद्धां मध्यंदिनं परि ।  
 श्रद्धां सूर्यस्य निमुचि श्रद्धे श्रद्धापयेह नः ५  
 द्वादशोऽनुवाकः । सू० १५२-१६१ ।

(१५२) द्विपञ्चाशदुत्तरशततमं सूक्तम्

(१-५) पञ्चर्चस्यास्य सूक्तस्य भारद्वाजः शास ऋषिः । इन्द्रो देवता ।

अनुष्टुप् छन्दः

शास इत्था महां अस्य मित्रखादो अद्भुतः ।  
 न यस्य हन्यते सखा न जीयते कदा चन १  
 स्वस्तिदा विशस्पतिं वृत्रहा विमृधो वशी ।  
 वृषेन्द्रः पुर एतु नः सोमपा अभयंकरः २  
 वि रक्षो वि मृधौ जहि वि वृत्रस्य हनू रुज ।  
 वि मन्युमिन्द्र वृत्रह नमित्रस्याभिदासतः ३  
 वि न इन्द्र मृधौ जहि नीचा यच्छ पृतन्यतः ।  
 यो अस्मां अभिदास त्यधरं गमया तमः ४  
 अपेन्द्र द्विषतो मनो ऽपु जिज्यासतो वधम् ।  
 वि मन्योः शर्म यच्छ वरीयो यवया वधम् ५

(१५३) त्रिपञ्चाशदुत्तरशततमं सूक्तम्

(१-५) पञ्चर्चस्यास्य सूक्तस्य देवजामय इन्द्रमातर ऋषिकाः । इन्द्रो देवता ।

गायत्री छन्दः

ईद्वयन्तीरपस्युव इन्द्रं जातमुपासते । भेजानासः सुवीर्यम् १  
 त्वमिन्द्र बलादधि सहसो जात ओजसः । त्वं वृषन् वृषेदसि २

त्वमिन्द्रासि वृत्रहा व्यश्नन्तरिक्षमतिरः । उद् द्यामस्तभ्ना ओजसा ३  
त्वमिन्द्र सजोषस मुक् बिभर्षि बाह्वोः । वज्रं शिशानु ओजसा ४  
त्वमिन्द्राभिभूरसि विश्वा जातान्योजसा । स विश्वा भुव आभवः ५

(१५४) चतुष्पञ्चाशदुत्तरशततमं सूक्तम्

(१-५) पञ्चर्चस्यास्य सूक्तस्य वैवस्वती यमी ऋषिका । भाववृत्तं देवता ।

अनुष्टुप् छन्दः

सोम एकेभ्यः पवते घृतमेक उपासते ।  
येभ्यो मधु प्रधावति ताँश्चिदेवापि गच्छतात् १  
तपसा ये अनाधृष्या स्तपसा ये स्वर्ययुः ।  
तपो ये चक्रिरे मह स्ताँश्चिदेवापि गच्छतात् २  
ये युध्यन्ते प्रधनेषु शूरासो ये तनूत्यजः ।  
ये वा सहस्रदक्षिणा स्ताँश्चिदेवापि गच्छतात् ३  
ये चित् पूर्व ऋतुसापे ऋतावान् ऋतावृधः ।  
पितृन् तपस्वतो यम् ताँश्चिदेवापि गच्छतात् ४  
सहस्रणीथाः कवयो ये गौपायन्ति सूर्यम् ।  
ऋषीन् तपस्वतो यम् तपोजाँ अपि गच्छतात् ५

(१५५) पञ्चपञ्चाशदुत्तरशततमं सूक्तम्

(१-५) पञ्चर्चस्यास्य सूक्तस्य भारद्वाजः शिरिम्बिठ ऋषिः । (१, ४)

प्रथमाचतुर्थ्योर्ऋचोरलक्ष्मीघोऽर्थः, (२-३) द्वितीयातृतीययोर्ब्रह्मणस्पतिः, (५)

पञ्चम्याश्च विश्वे देवा देवताः । अनुष्टुप् छन्दः

अरायि काणे विकटे गिरिं गच्छ सदान्वे ।  
शिरिम्बिठस्य सत्त्वभि स्तेभिष्ठा चातयामसि १  
चतो इतश्चत्तामुतः सर्वा भूणान्यारुषी ।  
अराय्यं ब्रह्मणस्पते तीक्ष्णशृङ्गोदृषन्निहि २  
अदो यद्वारु प्लवते सिन्धौः पारे अपूरुषम् ।  
तदा रभस्व दुर्हणो तेन गच्छ परस्तरम् ३  
यद्ध प्राचीरजगन्तो रौ मण्डूरधाणिकीः ।  
हता इन्द्रस्य शत्रवः सर्वे बुद्धुदयाशवः ४

परीमे गार्मनेषत् पर्यग्निर्महषत् ।  
देवेष्वक्रत् श्रवः क इमाँ आ दधर्षति ५

(१५६) षट्पञ्चाशदुत्तरशततमं सूक्तम्

(१-५) पञ्चर्चस्यास्य सूक्तस्याग्नेयः केतुर्ऋषिः । अग्निर्देवता । गायत्री छन्दः  
अग्निं हिन्वन्तु नो धियः सप्तिमाशुमिवाजिषु । तेन जेष्म धनं धनम् १  
यया गा आकरामहे सेनयाग्ने तवोत्या । तां नो हिन्व मघर्तये २  
आग्ने स्थूरं रयिं भर पृथुं गोमन्तमश्विनम् । अङ्घ्रि खं वर्तया पणिम् ३  
अग्ने नक्षत्रमजर मा सूर्य रोहयो दिवि । दधञ्ज्योतिर्जनैभ्यः ४  
अग्ने केतुर्विशामसि प्रेष्ठः श्रेष्ठ उपस्थसत् । बोधां स्तोत्रे वयो दधत् ५

(१५७) सप्तपञ्चाशदुत्तरशततमं सूक्तम्

(१-५) पञ्चर्चस्यास्य सूक्तस्याप्तयो भुवनः, भौवनः साधनो वा ऋषिः । विश्वे देवा  
देवताः । द्विपदा त्रिष्टुप् छन्दः  
इमा नु कं भुवना सीषधामेन्द्रश्च विश्वे च देवाः १  
यज्ञं च नस्तन्वं च प्रजां चाऽऽदित्यैरिन्द्रः सह चीक्लृपाति १ २  
आदित्यैरिन्द्रः सर्गणो मरुद्भि रस्माकं भूत्वविता तनूनाम् ३  
हत्वाय देवा असुरान् यदायन् देवा दैवत्वमभिरक्षमाणाः २ ४  
प्रत्यञ्चमर्कमनयञ्छचीभि रादित् स्वधामिषिरां पर्यपश्यन् ३ ५

(१५८) अष्टपञ्चाशदुत्तरशततमं सूक्तम्

(१-५) पञ्चर्चस्यास्य सूक्तस्य सौर्यश्चक्षुर्ऋषिः । सूर्यो देवता । गायत्री छन्दः  
सूर्यो नो दिवस्पातु वातौ अन्तरिक्षात् । अग्निर्नः पार्थिवेभ्यः १  
जोषां सवितर्यस्य ते हरः शतं सवाँ अर्हति । पाहि नो दिद्युतः पतन्त्याः २  
चक्षुर्नो देवः सविता चक्षुर्न उत पर्वतः । चक्षुर्धाता दधातु नः ३  
चक्षुर्नो धेहि चक्षुषे चक्षुर्विरूयै तनूभ्यः । सं चेदं वि च पश्येम ४  
सुसंदृशं त्वा वयं प्रति पश्येम सूर्य । वि पश्येम नृचक्षसः ५

(१५९) एकोनषष्ट्युत्तरशततमं सूक्तम्

(१-६) षड्वचस्यास्य सूक्तस्य पौलोमी शची ऋषिका । शची देवता ।  
अनुष्टुप् छन्दः

उदसौ सूर्यो अगा दुदयं मामको भगः ।  
 अहं तद्विद्वला पतिं मुभ्यसाक्षि विषासहिः १  
 अहं केतुरहं मूर्धा ऽहमुग्रा विवाचनी ।  
 ममेदनु क्रतुं पतिः सेहानाया उपाचरेत् २  
 मम पुत्राः शत्रुहणो ऽथो मे दुहिता विराट् ।  
 उताहमस्मि संजया पत्यौ मे श्लोक उत्तमः ३  
 येनेन्द्रो हविषा कृत्य भवद्दद्युम्रयुत्तमः ।  
 इदं तदक्रि देवा असपत्ना किलाभिवम् ४  
 असपत्ना सपत्नघ्नी जयन्त्यभिभूवरी ।  
 आवृक्षमुन्यासां वर्चो राधो अस्थेयसामिव ५  
 समजैषमिमा अहं सपत्नीरभिभूवरी ।  
 यथाहमस्य वीरस्य विराजानि जनस्य च ६

(१६०) षष्ठ्युत्तरशततमं सूक्तम्

(१-५) पञ्चर्चस्यास्य सूक्तस्य वैश्वामित्रः पूरण ऋषिः । इन्द्रो देवता ।

त्रिष्टुप् छन्दः

तीव्रस्याभिर्वयसो अस्य पाहि सर्वथा वि हरी इह मुञ्च ।  
 इन्द्र मा त्वा यजमानासो अन्ये नि रीरमन् तुभ्यमिमे सुतासः १  
 तुभ्यं सुतास्तुभ्यमु सोत्वास स्त्वां गिरः श्वात्र्या आ ह्वयन्ति ।  
 इन्द्रेदमद्य सर्वनं जुषाणो विश्वस्य विद्वाँ इह पाहि सोमम् २  
 य उशता मनसा सोममस्मै सर्वहृदा देवकामः सुनोति ।  
 न गा इन्द्रस्तस्य परा ददाति प्रशस्तमिच्चारुमस्मै कृणोति ३  
 अनुस्पष्टो भवत्येषो अस्य यो अस्मै रेवान् न सुनोति सोमम् ।  
 निररत्नौ मघवा तं दधाति ब्रह्मद्विषो हन्त्यनानुदिष्टः ४  
 अश्वायन्तौ गव्यन्तौ वाजयन्तो हवामहे त्वोपगन्तुवा उ ।  
 आभूषन्तस्ते सुमतौ नवायां व्यमिन्द्र त्वा शनं हुवेम ५

(१६१) एकषष्ठ्युत्तरशततमं सूक्तम्

(१-५) पञ्चर्चस्यास्य सूक्तस्य प्राजापत्यो यक्ष्मनाशन ऋषिः । इन्द्राग्नी  
 राजयक्ष्मघ्नरूपोऽथो वा देवता । (१-४) प्रथमादिचतुर्त्रिंशं त्रिष्टुप्, (५)

पञ्चम्याश्चानुष्टुप् छन्दसी

मुञ्चामि त्वा हविषा जीवनाय क मज्ञातयुद्धमादुत राजयुद्धमात् ।  
 ग्राहिर्जग्राह यदि वैतदेनं तस्या इन्द्राग्नी प्र मुमुक्तमेनम् १  
 यदि क्षितायुर्यदि वा परेतो यदि मृत्योरन्तिकं नीत एव ।  
 तमा हरामि निर्वृतेरुपस्था दस्पर्षमेनं शतशारदाय २  
 सहस्राक्षेण शतशारदेन शतायुषा हविषाहर्षमेनम् ।  
 शतं यथेमं शरदो नयातीन्द्रो विश्वस्य दुरितस्य पारम् ३  
 शतं जीव शरदो वर्धमानः शतं हैमन्ताञ्छतमु वसन्तान् ।  
 शतमिन्द्राग्नी संविता बृहस्पतिः शतायुषा हविषेमं पुनर्दुः ४  
 आहर्षि त्वाविदं त्वा पुनरागाः पुनर्नव ।  
 सर्वाङ्ग सर्व ते चक्षुः सर्वमायुश्च तेऽविदम् ५

(१६२) द्विषष्ट्युत्तरशततमं सूक्तम्

(१-६) षड्वचस्यास्य सूक्तस्य ब्राह्मो रक्षोहा ऋषिः । गर्भसमाधानरूपोऽर्थो देवता  
 । अनुष्टुप् छन्दः

ब्रह्मणाग्निः संविदानो रक्षोहा बाधतामितः ।  
 अमीवा यस्ते गर्भं दुर्णामा योनिमाशयै १  
 यस्ते गर्भममीवा दुर्णामा योनिमाशयै ।  
 अग्निष्टं ब्रह्मणा सह निष्क्रव्यादमनीनशत् २  
 यस्ते हन्ति पुतयन्तं निषत्सुं यः सरीसृपम् ।  
 जातं यस्ते जिघांसति तमितो नाशयामसि ३  
 यस्त ऊरू विहरत्यन्तरा दंपती शयै ।  
 योनिं यो अन्तरारेळिह तमितो नाशयामसि ४  
 यस्त्वा भ्राता पतिर्भूत्वा जारो भूत्वा निपद्यते ।  
 प्रजां यस्ते जिघांसति तमितो नाशयामसि ५  
 यस्त्वा स्वप्नेन तमसा मोहयित्वा निपद्यते ।  
 प्रजां यस्ते जिघांसति तमितो नाशयामसि ६

(१६३) त्रिषष्ट्युत्तरशततमं सूक्तम्

(१-६) षड्वचस्यास्य सूक्तस्य काश्यपो विवृहा ऋषिः । यद्धमनाशनरूपोऽर्थो

देवता । अनुष्टुप् छन्दः  
अ॒क्षी॒भ्यां ते॒ ना॒सिका॒भ्यां क॒र्णा॒भ्यां छु॒बुका॒दधि॑ ।  
य॒क्ष्मं शी॒र्षण्य॑ म॒स्तिष्का॑ जि॒ह्वाया॑ वि वृ॒हामि॑ ते १  
ग्री॒वाभ्य॑स्त उ॒ष्णिहा॑भ्यः की॒कसा॑भ्यो अ॒नूक्या॑त् ।  
य॒क्ष्मं दोष॑ण्य॒मंसा॑भ्यां ब्रा॒हुभ्यां॑ वि वृ॒हामि॑ ते २  
आ॒न्त्रेभ्य॑स्ते गु॒दाभ्यो॑ वनि॒ष्ठोर्ह॑द॒यादधि॑ ।  
य॒क्ष्मं म॑त॒स्त्राभ्यां॑ य॒क्नः प्ला॒शिभ्यो॑ वि वृ॒हामि॑ ते ३  
ऊ॒रुभ्यां॑ ते अ॒ष्टीव॑द्भ्यां पा॒र्ष्णिभ्यां॑ प्र॒पदा॑भ्याम् ।  
य॒क्ष्मं श्रो॑णि॒भ्यां भा॑स॒दा ब्र॑स॒सो वि वृ॒हामि॑ ते ४  
मे॒हना॑द्व॒नंकर॑णा॒ल्लोम॑भ्यस्ते न॒खेभ्यः॑ ।  
य॒क्ष्मं स॑र्व॒स्मादा॑त्म॒न॒ स्तमि॑दं वि वृ॒हामि॑ ते ५  
अ॒ङ्गाद॑ङ्गा॒ल्लोमो॑लो॒मो जा॒तं प॑र्व॒णिप॑र्व॒णि ।  
य॒क्ष्मं स॑र्व॒स्मादा॑त्म॒न॒ स्तमि॑दं वि वृ॒हामि॑ ते ६

(१६४) चतुःषष्ट्युत्तरशततमं सूक्तम्

(१-५) पञ्चर्चस्यास्य सूक्तस्याङ्गिरसः प्रचेता ऋषिः । दुःस्वप्ननाशनरूपोऽर्थो देवता  
। (१-२, ४) प्रथमाद्वितीयाचतुर्थीनामृचामनुष्टुप्, (३) तृतीयायास्त्रिष्टुप्, (५)  
पञ्चम्याश्च पङ्क्तिश्छन्दांसि

अ॒पैहि॑ म॒नस॑स्प॒ते ऽप॑ क्राम॒ पुर॑श्चर ।  
प॒रो नि॒र्ऋत्या॑ आ च॑क्ष॒व बहु॑धा जी॒वतो॑ म॒नः १  
भ॒द्रं वै वर॑ वृ॒णते॑ भ॒द्रं यु॑ञ्जन्ति॒ दक्षि॑णम् ।  
भ॒द्रं वैव॑स्व॒ते चक्षु॑र्ब॒हुत्रा॑ जी॒वतो॑ म॒नः २  
यदा॑श॒सा निःश॑सा॒भिश॑सौ पा॒रिम॑ जाग्र॒तो यत् स्व॑प॒न्तः ।  
अ॒ग्निर्वि॑श्वान्य॒प दुष्कृ॑ता॒न्यजु॑ष्टान्य॒रे अ॒स्मद् द॑धातु ३  
यदि॑न्द्र ब्र॒ह्मण॑स्प॒ते ऽभि॑द्रो॒हं च॑रा॒मसि॑ ।  
प्र॒चेता॑ न आ॒ङ्गिर॑सो द्वि॒षतां॑ पा॒त्वंह॑सः ४  
अ॒जैष्मा॒द्यास॑नाम् चा॒ऽभू॒माना॑ग॒सो व॒यम् ।  
जाग्र॑त्स्व॒प्रः स॑ङ्क॒ल्पः पा॒पो यं द्वि॑ष्म॒स्तं स ऋ॑च्छतु॒ यो नो॑ द्वेष्टि॒ तमृ॑च्छतु ५

(१६५) पञ्चषष्ट्युत्तरशततमं सूक्तम्

(१-५) पञ्चर्चस्यास्य सूक्तस्य नैर्ऋतः कपोत ऋषिः । विश्वे देवा देवताः ।

त्रिष्टुप् छन्दः

देवाः कपोत इषितो यदिच्छन् दूतो निर्ऋत्या इदमाजुगाम् ।  
तस्मा अर्चाम कृण्वाम निष्कृतिं शं नो अस्तु द्विपदे शं चतुष्पदे १  
शिवः कपोत इषितो नो अस्त्वनागा देवाः शकुनो गृहेषु ।  
अग्निर्हि विप्रो जुषतां हविर्नः परि हेतिः पक्षिणी नो वृणक्तु २  
हेतिः पक्षिणी न दभात्यस्मान्नाष्ट्यां पदं कृणुते अग्निधानै ।  
शं नो गोभ्यश्च पुरुषेभ्यश्चास्तु मा नो हिंसीदिह देवाः कपोतः ३  
यदुलूको वदति मोषमेत द्यत् कपोतः पदमग्नौ कृणोति ।  
यस्य दूतः प्रहित एष एतत् तस्मै यमाय नमो अस्तु मृत्यवे ४  
अचा कपोत नुदत प्रणोद मिषं मदन्तः परि गां नयध्वम् ।  
संयोपर्यन्तो दुरितानि विश्वा हित्वा न ऊर्जं प्र पतात्पतिष्ठः ५

(१६६) षट्षष्ट्युत्तरशततमं सूक्तम्

(१-५) पञ्चर्चस्यास्य सूक्तस्य वैराजः शाक्वरो वा ऋषभ ऋषिः । सपत्न्यरूपोऽर्थो  
देवता । (१-४) प्रथमादिचतुर्ऋचामनुष्टुप्, (५) पञ्चम्याश्च महापङ्क्तिश्छन्दसी  
ऋषभं मा समानानां सपत्नानां विषासहिम् ।  
हन्तारं शत्रूणां कृधि विराजं गोपतिं गवाम् १  
अहर्मस्मि सपत्नहेन्द्र इवारिष्टो अक्षतः ।  
अधः सपत्ना मे पदो रिमे सर्वे अभिष्टिताः २  
अत्रैव वोऽपि नह्याम्युभे आर्त्ता इव ज्यया ।  
वाचस्पते नि षेधेमान् यथा मदधरं वदान् ३  
अभिभूरहमार्गमं विश्वकर्मेण धाम्ना ।  
आ वञ्चित्तमा वो वृत मा वोऽहं समितिं ददे ४  
योगक्षेमं व आदायाऽहं भूयासमुत्तम आ वो मूर्धानमक्रमीम् ।  
अधस्पदान्म उद्वदत मण्डूका इवोदका न्मण्डूका उदकादिव ५

(१६७) सप्तषष्ट्युत्तरशततमं सूक्तम्

(१-४) चतुर्ऋचस्यास्य सूक्तस्य विश्वामित्रजमदग्नी ऋषी । (१-२, ४)  
प्रथमाद्वितीयाचतुर्थीनामृचामिन्द्रः, (३) तृतीयायाश्च



सोमवरुणबृहस्पत्यनुमतिमघवद्धातृविधातारो देवताः । जगती छन्दः  
तुभ्येदमिन्द्र परि षिच्यते मधु त्वं सुतस्य कलशस्य राजसि ।  
त्वं रयिं पुरुवीरामु नस्कृधि त्वं तर्पः परितप्याजयः स्वः १  
स्वर्जितं महि मन्दानमन्धसो हवामहे परि शक्रं सुताँ उपे ।  
इमं नो यज्ञमिह बोध्या गहि स्पृधो जयन्तं मघवानमीमहे २  
सोमस्य राज्ञो वरुणस्य धर्मणि बृहस्पतेरनुमत्या उ शर्मणि ।  
तवाहमद्य मघवन्नपस्तुतौ धातुर्विधातः कलशाँ अभक्षयम् ३  
प्रसूतो भुक्ष्मकरं चरावपि स्तोमं चेमं प्रथमः सूरिरुन्मृजे ।  
सुते सातेन यद्यागमं वां प्रति विश्वामित्रजमदग्नी दमै ४

(१६८) अष्टषष्ट्युत्तरशततमं सूक्तम्

(१-४) चतुर्ऋचस्यास्य सूक्तस्य वातायनोऽनिल ऋषिः । वायुर्देवता ।

त्रिष्टुप् छन्दः

वातस्य नु महिमानं रथस्य रुजन्नैति स्तनयन्नस्य घोषः ।  
दिविस्पृग्यात्यरुणानि कृणवन्नतो एति पृथिव्या रेणुमस्यन् १  
सं प्रेरते अनु वातस्य विष्टा ऐर्न गच्छन्ति समनं न योषाः ।  
ताभिः सयुक् सरथं देव ईयते ऽस्य विश्वस्य भुवनस्य राजा २  
अन्तरिक्षे पृथिभिरीर्यमानो न नि विशते कतमच्चनाहः ।  
अपां सखा प्रथमजा ऋतावा क्व स्विज्जातः कुत आ बभूव ३  
आत्मा देवानां भुवनस्य गर्भो यथावृशं चरति देव एषः ।  
घोषा इदस्य शृण्वरे न रूपं तस्मै वाताय हविषा विधेम ४

(१६९) एकोनसप्तत्युत्तरशततमं सूक्तम्

(१-४) चतुर्ऋचस्यास्य सूक्तस्य काक्षीवतः शबर ऋषिः । गावो देवताः ।

त्रिष्टुप् छन्दः

मयोभूर्वातो अभि वातूस्त्रा ऊर्जस्वतीरोषधीरा रिशन्ताम् ।  
पीवस्वतीर्जीवधन्याः पिबन्त्ववसायं पृद्धतै रुद्र मृळ १  
याः सरूपा विरूपा एकरूपा यासामग्निरिष्ट्या नामानि वेद ।  
या अङ्गिरसस्तपसेह चक्रुस्ताभ्यः पर्जन्य महि शर्म यच्छ २  
या देवेषु तन्वश्मैरयन्त यासां सोमो विश्वा रूपाणि वेद ।

ता अ॒स्मभ्यं॑ प॒र्यसा॑ पि॒न्व॒मानाः॑ प्र॒जाव॑तीरिन्द्र गो॒ष्ठे रि॑रीहि ३  
 प्र॒जाप॑तिर्म॒ह्यमे॒ता ररा॑णो वि॒श्वेदे॑वैः पि॒तृभिः॑ संवि॒दानः॑ ।  
 शि॒वाः स॒तीरु॑प नो गो॒ष्ठमा॑क॒स्तासां॑ व॒यं प्र॒जया॑ सं स॒देम ४

(१७०) सप्तत्युत्तरशततमं सूक्तम्

(१-४) चतुर्ऋचस्यास्य सूक्तस्य सूर्यो विभ्राडृषिः । सूर्यो देवता । (१-३)

प्रथमादितृचस्य जगती, (४) चतुर्थ्या ऋचश्चास्तारपङ्क्तिश्छन्दसी

वि॒भ्राड् बृ॒हत् पि॑बतु सो॒म्यं म॒ध्वायु॑र्दध॒द्यज्ञ॑प॒ताव॑वि॒हुतम् ।  
 वा॒तज॑तो यो अ॒भिर॑क्षति त्मना॑ प्र॒जाः पु॑पोष पु॒रुधा॑ वि रा॒जति १  
 वि॒भ्राड् बृ॒हत् सु॑भृतं वा॒जसा॑त॒मं ध॑र्मन् दि॒वो ध॒रुणै॑ स॒त्यम॑र्पितम् ।  
 अ॒मित्र॑हा वृ॒त्रहा॑ द॒स्युह॑त॒मं ज्योति॑र्जज्ञे असुर॑हा संप॒ब्रहा २  
 इ॒दं श्रेष्ठं॑ ज्योति॑षां ज्योति॑रु॒त्तमं॑ वि॒श्वजि॑द्धं न जि॒दुच्य॑ते बृ॒हत् ।  
 वि॒श्वभ्रा॑ड् भ्रा॒जो म॒हि सूर्यो॑ दृ॒श उ॒रु प॑प्रथे सह॒ ओजो॑ अ॒च्युतम् ३  
 वि॒भ्राज॑ञ्ज्योति॑षा स्व॒र्गच्छो॑ रो॒चनं॑ दि॒वः ।  
 येने॒मा वि॒श्वा भु॑र्वना॒न्याभृ॑ता वि॒श्वक॑र्मणा वि॒श्वदे॑व्यावता ४

(१७१) एकसप्तत्युत्तरशततमं सूक्तम्

(१-४) चतुर्ऋचस्यास्य सूक्तस्य भार्गव इष्ट ऋषिः । इन्द्रो देवता । गायत्री छन्दः

त्वं त्यमि॑टतो रथ॒ मिन्द्र॑ प्रावः सु॒ताव॑तः । अ॒शृणोः॑ सो॒मिनो॑ हव॒म् १  
 त्वं मुख॑स्य दो॒र्धतुः॑ शिरोऽव॒ त्वचो॑ भरः । अ॒र्गच्छः॑ सो॒मिनो॑ गृ॒हम् २  
 त्वं त्यमि॑न्द्र म॒र्त्यमा॑स्त्रबु॒धाय॑ वे॒न्यम् । मुहुः॑ श्र॒थ्ना म॑न॒स्यवै॑ ३  
 त्वं त्यमि॑न्द्र सूर्यं प॒श्चा स॑न्तं पु॒रस्कृ॑धि । दे॒वानां॑ चि॒त्तिरो॑ व॒शम् ४

(१७२) द्विसप्तत्युत्तरशततमं सूक्तम्

(१-४) चतुर्ऋचस्यास्य सूक्तस्याङ्गिरसः संवर्त ऋषिः । उषा देवता । द्विपदा  
 विराट् छन्दः

आ या॑हि व॒नसा॑ स॒ह गा॑वः स॒चन्त॑ वर्त॒निं यदू॑र्धभिः १  
 आ या॑हि व॒स्व्या धि॒या म॑हिष्ठो जा॒रय॑न्म॒खः सु॑दानु॒भिः १ २  
 पि॒तृभृ॑तो न तन्तु॑मि॒त् सु॑दान॒वः प्र॑ति॒ दध्मो॑ य॒जाम॑सि ३  
 उ॒षा अप॑ स्वसु॒स्तमः॑ सं वर्त॑यति वर्त॒निं सु॑जा॒तता॑ २ ४

(१७३) त्रिसप्तत्युत्तरशततमं सूक्तम्

(१-६) षडृचस्यास्य सूक्तस्याङ्गिरसो ध्रुव ऋषिः । राजस्तुतिर्देवता ।

अनुष्टुप् छन्दः

आ त्वा॑हार्ष॑म॒न्तरै॑धि ध्रु॒वस्ति॒ष्ठावि॑चाचलिः ।  
विश॑स्त्वा॒ सर्वा॑ वा॒ञ्छन्तु॒ मा त्वद्रा॑ष्ट्रमधि॑ भ्रशत् १  
इ॒हैवै॑धि॒ माप॑ च्यो॒ष्टाः पर्व॑त इवावि॑चाचलिः ।  
इन्द्र॑ इवे॒ह ध्रु॒वस्ति॒ष्ठे ह रा॑ष्ट्रमु॒ धारय॑ २  
इ॒ममिन्द्रो॑ अ॒दीध॑रद् ध्रु॒वं ध्रु॒वेण॑ ह॒विषा॑ ।  
तस्मै॑ सोमो॒ अधि॑ ब्रव॒त् तस्मा॑ उ॒ ब्रह्म॑ण॒स्पतिः॑ ३  
ध्रु॒वा द्यौर्ध्रु॒वा पृ॑थि॒वी ध्रु॒वासः॑ पर्व॒ता इमे॑ ।  
ध्रु॒वं विश्व॑मिदं जग॑द् ध्रु॒वो राजा॑ वि॒शाम॑यम् ४  
ध्रु॒वं ते राजा॑ वरु॒णो ध्रु॒वं दे॒वो बृ॒हस्प॑तिः ।  
ध्रु॒वं त इन्द्र॑श्चाग्निश्च॑ रा॒ष्ट्रं धा॑रयतां ध्रु॒वम् ५  
ध्रु॒वं ध्रु॒वेण॑ ह॒विषा॑ ऽभि सोमं मृ॒शाम॑सि ।  
अथो॑ त इन्द्रः॒ केव॑ली॒ विशो॑ बलि॒हर्त॑स्करत् ६

(१७४) चतुःसप्तत्युत्तरशततमं सूक्तम्

(१-५) पञ्चर्चस्यास्य सूक्तस्याङ्गिरसोऽभीवर्त ऋषिः । राजस्तुतिर्देवता ।

अनुष्टुप् छन्दः

अ॒भीव॑र्तेन॒ ह॒विषा॑ येनेन्द्रो॑ अ॒भिवा॑वृते ।  
तेना॒स्मान् ब्र॑ह्मण॒स्पते॑ ऽभि रा॒ष्ट्राय॑ वर्तय १  
अ॒भिवृ॑त्य॒ सप॑ता॒ न॒भि या नो॑ अ॒रा॒तयः॑ ।  
अ॒भि पृ॑त॒न्यन्तं॑ ति॒ष्ठा ऽभि॑ यो न इ॒रस्य॑ति २  
अ॒भि त्वा॑ दे॒वः स॑वि॒ता ऽभि॑ सोमो॑ अ॒वीवृ॑तत् ।  
अ॒भि त्वा॑ वि॒श्वा भू॒ता न्य॑भीव॒र्तो यथा॑स॒सि ३  
येनेन्द्रो॑ ह॒विषा॑ कृ॒त्यभ॑वद् द्यु॒म्रयु॑त्तमः ।  
इ॒दं तद॑क्रि दे॒वा अस॑प॒तः कि॒लाभु॑वम् ४  
अ॒सप॑तः स॒प॒त॒हा ऽभि॑रा॒ष्ट्रो वि॑षा॒सहिः॑ ।  
यथा॑हमे॒षां भू॒तानां॑ वि॒राजा॑नि॒ जन॑स्य च ५

(१७५) पञ्चसप्तत्युत्तरशततमं सूक्तम्

(१-४) चतुर्ऋचस्यास्य सूक्तस्यार्बुदिः सार्प ऊर्ध्वग्रावा ऋषिः । ग्रावाणो देवताः

। गायत्री छन्दः

प्र वो॑ ग्रावा॒णः स॒वि॒ता दे॒वः सु॒व॒तु ध॒र्म॒णा । धूर्षु॑ यु॒ज्यध्वं॑ सु॒नु॒त १  
ग्रावा॑णो॒ अप॑ दु॒च्छुना॒ म॒प॑ से॒धत॑ दु॒र्म॒तिम् । उ॒स्त्राः क॑र्त॒न भेष॑जम् २  
ग्रावा॑ण उ॒परे॑ष्वा म॒हीय॑न्ते स॒जोष॑सः । वृ॒ष्णे द॑ध॒तो वृ॒ष्णय॑म् ३  
ग्रावा॑णः स॒वि॒ता नु वो॑ दे॒वः सु॒व॒तु ध॒र्म॒णा । यज॑मानाय सु॒न्व॒ते ४

(१७६) षट्सप्तत्युत्तरशततमं सूक्तम्

(१-४) चतुर्ऋचस्यास्य सूक्तस्यार्भवः सूनृऋषिः । (१) प्रथमर्च ऋभवः, (२-४) द्वितीयादितृचस्य चाग्निर्देवता । (१, ३-४) प्रथमर्चस्तृतीयाचतुर्थ्योरनुष्टुप्, (२)

द्वितीयायाश्च गायत्री छन्दसी

प्र सून॑र्व ऋ॒भूणां॑ बृ॒हन्न॑वन्त वृ॒जना॑ ।  
क्षामा॑ ये वि॒श्वधा॑य॒सो ऽश्न॑न् धे॒नुं न मा॑तरम् १  
प्र दे॒वं दे॒व्या धि॒या भर॑ता जा॒तवै॑दसम् ।  
ह॒व्या नो॑ वक्ष॒दानु॑षक् २  
अ॒यमु॑ ष्य प्र दे॒वयु॑र्हो॒ता य॒ज्ञाय॑ नीयते ।  
रथो॑ न यो॒रभी॑वृ॒तो घृ॑णी॒वाञ्चे॒तति॑ त्मना ३  
अ॒यम॒ग्निरु॑रुष्य॒त्य मृ॑ता॒दिव॑ जन्मनः ।  
सह॑स॒श्चित् स॒हीयान्॑ दे॒वो जी॒वात॑वे कृतः ४

(१७७) सप्तसप्तत्युत्तरशततमं सूक्तम्

(१-३) तृचस्यास्य सूक्तस्य प्राजापत्यः पतङ्ग ऋषिः । मायाभेदो देवता । (१)

प्रथमर्चो जगती, (२-३) द्वितीयातृतीययोश्च त्रिष्टुप् छन्दसी

प॒त॒ङ्गम॒क्तम॑सु॒रस्य॑ मा॒यया॑ ह॒दा प॑श्यन्ति म॒नसा॑ वि॒प॒श्चितः॑ ।  
स॒मु॒द्रे अ॒न्तः क॒वयो॑ वि च॒क्षते॑ म॒रीची॑नां प॒दमि॑च्छन्ति वे॒धसः॑ १  
प॒त॒ङ्गो वाचं॑ म॒नसा॑ बिभ॒र्ति तां॑ ग॒न्धर्वो॑ऽवदु॒द्गर्भे॑ अ॒न्तः ।  
तां द्योत॑मानां स्व॒र्यं म॒नीषा॑ मृ॒तस्य॑ प॒दे क॒वयो॑ नि पा॒न्ति २  
अ॒प॒श्यं गो॒पाम॑नि॒पद्य॑मान॒मा च॒ परा॑ च प॒थिभि॑श्चरन्तम् ।

स स॒ध्रीचीः स वि॒षूचीर्व॑सान् आ व॑रीव॒र्ति भुव॑नेष्व॒न्तः ३

(१७८) अष्टसप्तत्युत्तरशततमं सूक्तम्

(१-३) तृचस्यास्य सूक्तस्य तादर्योऽरिष्टनेमिऋषिः । तादर्यो देवता ।

त्रिष्टुप् छन्दः

त्यमू षु वा॒जिनं दे॒वजूतं स॒हावा॑नं त॒रुता॑रं र॒थाना॑म् ।  
अ॒रिष्ट॑नेमिं पृ॒तना॑र्जमा॒शुं स्व॒स्तये॒ ताद॑र्यमिहा हु॒वेम १  
इन्द्र॑स्येव रा॒तिमा॑जोहु॒वानाः स्व॒स्तये॒ नाव॑मिवा रु॒हेम ।  
उर्वी॑ न पृथ्वी ब॒हुले॑ गर्भीरि मा वा॒मेतौ॑ मा पे॒रैतौ॑ रिषाम २  
सद्य॑श्चिद्यः शर्व॑सा पञ्च कृ॒ष्टीः सूर्य॑ इव ज्योति॑षाप॒स्ततान्॑ ।  
सह॑स्र॒साः श॑त॒सा अस्य॑ रं॒हिर्न स्मा॑ वरन्ते युव॒तिं न श॑र्याम् ३

(१७९) एकोनाशीत्युत्तरशततमं सूक्तम्

(१-३) तृचस्यास्य सूक्तस्य (१) प्रथमर्च औशीनरः शिबिः, (२) द्वितीयायाः काशिराजः प्रतर्दनः, ३ तृतीयायाश्च रौहिदश्चो वसुमना ऋषयः । इन्द्रो देवता ।

(१) प्रथमर्चोऽनुष्टुप्, (२-३) द्वितीयातृतीययोश्च त्रिष्टुप् छन्दसी

उत्तिष्ठ॑ताव॒ पश्य॑ते न्द्रस्य भा॒गमृ॑त्वियम् ।  
यदि॑ श्रा॒तो जु॒होत॑न् यद्य॒श्रातो॑ म॒मृत्त॑न् १  
श्रा॒तं ह॒विरो॑ ष्विन्द्र प्र या॑हि ज॒गाम॑ स॒ूरो अ॒ध्व॑नो वि॒मध्य॑म् ।  
परि॑ त्वा॒सते नि॒धिभिः॑ सखा॒यः कु॒लपा॑ न ब्रा॒जप॑तिं चर॒न्तम् २  
श्रा॒तं म॑न्य ऊ॒र्ध्वनि॑ श्रा॒तम॒ग्नौ सु॑श्रा॒तं म॑न्ये तदृ॒तं नवी॑यः ।  
मा॒ध्व्यन्दि॑नस्य॒ सर्व॑नस्य द॒ध्नः पि॒बैन्द्र॑ वज्रिन् पु॒रुकृ॑जुषा॒णः ३

(१८०) अशीत्युत्तरशततमं सूक्तम्

(१-३) तृचस्यास्य सूक्तस्यैन्द्रो जय ऋषिः । इन्द्रो देवता । त्रिष्टुप् छन्दः

प्र संसा॑हिषे पु॒रुहू॑त शत्रू॒ञ्जये॑ष्ठस्ते शु॒ष्मं इ॒ह रा॒तिर॑स्तु ।  
इन्द्रा॑ भ॒र दक्षि॑णेना॒ वसू॑नि पतिः सि॒न्धूना॑मसि रे॒वती॑नाम् १  
मृ॒गो न भी॑मः कु॒चरो॑ गिरि॒ष्ठाः पे॒राव॑त आ ज॒गन्था॑ पर॒स्याः ।  
सृ॒कं सं॑शा॒यं प॒विमि॑न्द्र ति॒ग्मं वि॑ शत्रून् ताळि॒ह वि॑ मृ॒धौ नु॑दस्व २  
इन्द्र॑ द॒क्षत्र॑म॒भि वा॒ममो॑जो ऽजा॒यथा॑ वृषभ च॒र्षणी॑नाम् ।

अपानुदो जनममित्रयन्तं मुरुं देवेभ्यो अकृणोरु लोकम् ३

(१८१) एकाशीत्युत्तरशततमं सूक्तम्

(१-३) तृचस्यास्य सूक्तस्य (१) प्रथमर्चो वासिष्ठः प्रथः, (२) द्वितीयाया भारद्वाजः सप्रथः, (३) तृतीयायाश्च सौर्यो घर्म ऋषयः । विश्वे देवा देवताः ।

त्रिष्टुप् छन्दः

प्रथश्च यस्य सप्रथश्च नामा ऽऽनुष्टुभस्य हविषो हविर्यत् ।  
धातुर्द्युतानात् सवितुश्च विष्णो रथन्तरमा जभारा वसिष्ठः १  
अविन्दन्ते अतिहितं यदासी द्यज्ञस्य धाम परमं गुहा यत् ।  
धातुर्द्युतानात् सवितुश्च विष्णो भ्रुर्द्वाजो बृहदा चक्रे अग्नेः २  
तैऽविन्दन् मनसा दीध्याना यजुः ष्कन्नं प्रथमं देवयानम् ।  
धातुर्द्युतानात् सवितुश्च विष्णो रा सूर्यादभरन् घर्ममेते ३

(१८२) द्व्यशीत्युत्तरशततमं सूक्तम्

(१-३) तृचस्यास्य सूक्तस्य बार्हस्पत्यस्तपुर्मूर्धा ऋषिः । बृहस्पतिर्देवता ।

त्रिष्टुप् छन्दः

बृहस्पतिर्नयतु दुर्गहा त्रिरः पुनर्नेषदुघशसाय मन्म ।  
क्षिपदशस्तिमप दुर्मतिं ह न्नथा करद्यजमानाय शं योः १  
नराशंसो नोऽवतु प्रयाजे शं नो अस्त्वनुयाजो हवेषु ।  
क्षिपदशस्तिमप दुर्मतिं ह न्नथा करद्यजमानाय शं योः २  
तपुर्मूर्धा तपतु रक्षसो ये ब्रह्मद्विषः शरवे हन्तवा उ ।  
क्षिपदशस्तिमप दुर्मतिं ह न्नथा करद्यजमानाय शं योः ३

(१८३) त्र्यशीत्युत्तरशततमं सूक्तम्

(१-३) तृचस्यास्य सूक्तस्य प्राजापत्यः प्रजावानृषिः । (१) प्रथमर्चो यजमानः, (२) द्वितीयाया यजमानपत्नी, (३) तृतीयायाश्च होत्राशिषो देवताः । त्रिष्टुप् छन्दः

अपश्यं त्वा मनसा चेकितानं तपसो जातं तपसो विभूतम् ।  
इह प्रजामिह रयिं रराणः प्र जायस्व प्रजया पुत्रकाम १  
अपश्यं त्वा मनसा दीध्यानां स्वायां तनू ऋत्ये नार्धमानाम् ।  
उप मामुच्चा युवतिर्बभूयाः प्र जायस्व प्रजया पुत्रकामे २

अ॒हं गर्भ॑मदधा॒मोष॑धी ष्व॒हं वि॒श्वेषु॑ भुव॑नेष्वन्तः ।  
अ॒हं प्र॒जा अ॑जनयं पृथि॒व्या म॒हं ज॑नि॒भ्यो अ॒प॒रीषु॑ पु॒त्रान् ३

(१८४) चतुरशीत्युत्तरशततमं सूक्तम्

(१-३) तृचस्यास्य सूक्तस्य गर्भकर्ता त्वष्टा प्राजापत्यो विष्णुर्वा ऋषिः । (१)  
प्रथमर्चो विष्णुत्वष्टृप्राजापतिधातारः, (२) द्वितीयायाः सिनीवालीसरस्वत्यश्विनः,  
(३) तृतीयायाश्चाश्विनौ देवताः । अनुष्टुप् छन्दः  
विष्णु॒र्योनिं॑ कल्पयतु त्वष्टा॑ रू॒पाणि॑ पिंशतु ।  
आ सिञ्च॑तु प्र॒जाप॑ति॒र्धाता॑ गर्भं दधातु ते १  
गर्भं॑ धेहि सिनीवालि॑ गर्भं॑ धेहि सरस्वति ।  
गर्भं॑ ते अ॒श्विनौ दे॒वा वा ध॑त्तां पुष्कर॑स्त्रजा २  
हि॒र॒ण्ययी॑ अ॒र॒णी यं निर्म॑न्थतो अ॒श्विना॑ ।  
तं ते॒ गर्भं॑ हवामहे द॒शमे॑ मा॒सि सू॒तवे॑ ३

(१८५) पञ्चाशीत्युत्तरशततमं सूक्तम्

(१-३) तृचस्यास्य सूक्तस्य वारुणिः सत्यधृतिर्ऋषिः । आदित्यो देवता ।  
गायत्री छन्दः  
महि॑ त्री॒णाम॑वोऽस्तु द्यु॒क्षं मि॒त्रस्या॑र्य॒म्णः । दुरा॑ध॒र्षं वरु॑णस्य १  
न॒हि तेषा॑म॒मा च॒न नाध्व॑सु वा॒रणेषु॑ । ई॒शे रि॒पुर॑घ॒शंसः॑ २  
यस्मै॑ पु॒त्रासो॑ अदि॒तेः प्र जी॒वसे॑ म॒र्त्याय॑ । ज्योति॑र्यच्छ॒न्त्यज॑स्त्रम् ३

(१८६) षडशीत्युत्तरशततमं सूक्तम्

(१-३) तृचस्यास्य सूक्तस्य वातायन उल ऋषिः । वायुर्देवता । गायत्री छन्दः  
वा॒त आ वा॑तु भेष॒जं श॑भु म॒योभु॑ नो ह॒दे । प्र ण॑ आ॒र्यूषि॑ तारिषत् १  
उ॒त वा॑त पि॒तासि॑ न उ॒त भ्रा॑तो॒त नः॑ स॒खा । स नो जी॒वात॑वे कृधि २  
यद॒दो वा॑त ते गृ॒हेऽमृ॑तस्य नि॒धिर्हि॑तः । ततो॑ नो देहि जी॒वसे॑ ३

(१८७) सप्ताशीत्युत्तरशततमं सूक्तम्

(१-५) पञ्चर्चस्यास्य सूक्तस्याग्नेयो वत्स ऋषिः । अग्निर्देवता । गायत्री छन्दः

प्राग्रये वाचमीरय वृषभाय क्षितीनाम् । स नः पर्षदति द्विषः १  
 यः परस्याः परावतस्तिरो धन्वातिरोचते । स नः पर्षदति द्विषः २  
 यो रक्षांसि निजूर्वति वृषा शक्रेण शोचिषा । स नः पर्षदति द्विषः ३  
 यो विश्वाभि विपश्यति भुवना सं च पश्यति । स नः पर्षदति द्विषः ४  
 यो अस्य पुरे रजसः शक्रो अग्निरजायत । स नः पर्षदति द्विषः ५

(१८८) अष्टाशीत्युत्तरशततमं सूक्तम्

(१-३) तृचस्यास्य सूक्तस्याग्नेयः श्येन ऋषिः । जातवेदा अग्निर्देवता ।  
 गायत्री छन्दः

प्र नूनं जातवेदस मश्वं हिनोत वाजिनम् । इदं नो बर्हिरासदे १  
 अस्य प्र जातवेदसो विप्रवीरस्य मीळहुषः । महीमियमि सुष्टुतिम् २  
 या रुचौ जातवेदसो देवत्रा हव्यवाहनीः । ताभिर्नो यज्ञमिन्वतु ३

(१८९) एकोनवत्युत्तरशततमं सूक्तम्

(१-३) तृचस्यास्य सूक्तस्य सार्षपाङ्गी ऋषिका । आत्मा सूर्यो वा देवता ।  
 गायत्री छन्दः

आयं गौः पृश्निरक्रमी दसदन्मातरं पुरः । पितरं च प्रयन्त्स्वः १  
 अन्तश्चरति रोचना ऽस्य प्राणादपानती । व्यख्यन्महिषो दिवम् २  
 त्रिंशद्धाम वि राजति वाक् पतङ्गाय धीयते । प्रति वस्तोरह द्युभिः ३

(१९०) नवत्युत्तरशततमं सूक्तम्

(१-३) तृचस्यास्य सूक्तस्य माधुच्छन्दसोऽघमर्षण ऋषिः । भाववृत्तं देवता ।  
 अनुष्टुप् छन्दः

ऋतं च सत्यं चाभीद्धात् तपसोऽर्ध्यजायत । ततो रात्र्यजायत ततः समुद्रो  
 अर्णवः १  
 समुद्रादर्णवादधि संवत्सरो अजायत । अहोरात्राणि विदध्व द्विष्यस्य मिषतो  
 वशी २  
 सूर्याचन्द्रमसौ धाता यथापूर्वमकल्पयत् । दिवं च पृथिवीं चान्तरिक्षमथो



स्वः ३

(१६१) एकनवत्युत्तरशततमं सूक्तम्

(१-४) चतुर्ऋचस्यास्य सूक्तस्याङ्गिरसः संवनन ऋषिः । (१) प्रथमर्चोऽग्निः,

(२-४) द्वितीयादितृचस्य च सञ्ज्ञानं देवते । (१-२, ४)

प्रथमाद्वितीयाचतुर्थीनामृचामनुष्टुप्, (३) तृतीयायाश्च त्रिष्टुप् छन्दसी  
संसमिद्युवसे वृषन्नग्ने विश्वान्यर्य आ ।

इळस्पदे समिध्यसे स नो वसून्या भर १

सं गच्छध्वं सं वदध्वं सं वो मनोसि जानताम् ।

देवा भागं यथा पूर्वे संजानाना उपासते २

समानो मन्त्रः समितिः समानी समानं मनः सह चित्तमेषाम् ।

समानं मन्त्रमभि मन्त्रये वः समानेन वो हविषा जुहोमि ३

समानी व आकूतिः समाना हृदयानि वः ।

समानमस्तु वो मनो यथा वः सुसहासति ४

इति दशमं मण्डलं समाप्तम्

ऋग्वेदसंहिता समाप्ता

मन्त्रसङ्ख्या

नवममण्डलस्यान्तपर्यन्तं ८७६२

दशममण्डलस्य १७५४

वालखिल्यसहितः सर्वयोगः १०५५२

वालखिल्यमन्त्राः ८०

वालखिल्यरहितः सर्वयोगः १०४७२